


Dios Oca Tuti



New Testament in Macuna

Dios Oca Tuti
New Testament in Macuna

copyright © 2012 Wycliffe Bible Translators, Inc.

Language: Macuna

Translation by: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Macuna

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 4 Mar 2019 from source files dated 22 Dec 2018
2581ee54-739f-5595-8d44-83c638ed667b

Contents

SAN MATEO	1
SAN MARCOS	57
SAN LUCAS	93
SAN JUAN	153
LOS HECHOS	195
ROMANOS	246
1 CORINTIOS	269
2 CORINTIOS	291
GÁLATAS	306
EFESIOS	316
FILIPENSES	325
COLOSENSES	331
1 TESALONICENSES	337
2 TESALONICENSES	342
1 TIMOTEO	345
2 TIMOTEO	352
TITO	357
FILEMÓN	360
HEBREOS	362
SANTIAGO	380
1 SAN PEDRO	386
2 SAN PEDRO	394
1 SAN JUAN	399
2 SAN JUAN	404
3 SAN JUAN	405
SAN JUDAS	406
APOCALIPSIS	409

El santo evangelio según San Mateo

Jesucristo rujearoto riojɔajɔ gāna
(Lc 3.23-38)

¹ Abraham ñayorɔ ito yicōri David ñayorɔ janerābatia janami ñayijɔ Jesús. Jesús ñicɔsabatia wame mɔare gotigɔ ya yɔ. Ado bajiro wame cɔtiyoyijarā ñna:

² Abraham ñayorɔ macɔ ñayijɔ Isaac. Ito bero Isaac macɔ ñayijɔ Jacob. Jacob macɔ ñayijɔ Judá. Ito yicōri gājerā ñ ocabajɔ mesa cɔni ñayijarā. ³ Judá rīa ñayijarā Fares ito yicōri Zara wame cɔtirā. ñna jaco ñayijɔ Tamar. Ito bero Fares macɔ ñayijɔ Esrom. Esrom macɔ ñayijɔ Aram. ⁴ Aram macɔ ñayijɔ Aminadab. Aminadab macɔ ñayijɔ Naasón. Naasón macɔ ñayijɔ Salmón. ⁵ Salmón macɔ ñayijɔ Booz. ñ jaco ñayoyijɔ Rahab. Ito bero Booz macɔ ñayijɔ Obed. ñ jaco ñayoyijɔ Rut. Obed macɔ ñayijɔ Isaí. ⁶ Isaí macɔ ñayijɔ ʒɔ David wame cɔtigɔ. David macɔ ñayijɔ Salomón. ñ jaco ñayijɔ Urías ñayorɔ manojɔ godogo.

⁷ Ito bero Salomón macɔ ñayijɔ Roboam. Roboam macɔ ñayijɔ Abías. ⁸ Abías macɔ ñayijɔ Asa. Asa macɔ ñayijɔ Josafat. Josafat macɔ ñayijɔ Joram. Joram macɔ ñayijɔ Uzías. ⁹ Uzías macɔ ñayijɔ Jotam. Jotam macɔ ñayijɔ Acáz. Acáz macɔ ñayijɔ Ezequías. ¹⁰ Ezequías macɔ ñayijɔ Manasés. Manasés macɔ ñayijɔ Amón. Amón macɔ ñayijɔ Josías. ¹¹ Josías macɔ ñayijɔ Jeconías. Ito yicōri ñ ocabajɔ mesa cɔni ñayijarā. Ito bajiro ñna bajɔ ñarijɔ Babilonia gāna Israel sita gānare ñna āmi wacōri ñnare moari masa cɔtiyijarā ñna ya cɔtojɔ.

¹² Ito bero mɔcana Jeconías macɔ ñayijɔ Salatiel. Salatiel macɔ ñayijɔ Zorobabel. ¹³ Zorobabel macɔ ñayijɔ Abiud. Abiud macɔ ñayijɔ Eliaquim. Eliaquim macɔ ñayijɔ Azor. ¹⁴ Azor macɔ ñayijɔ Sadoc. Sadoc macɔ ñayijɔ Aquim. Aquim macɔ ñayijɔ Eliud. ¹⁵ Eliud macɔ ñayijɔ Eleazar. Eleazar macɔ ñayijɔ Matán. Matán macɔ ñayijɔ Jacob. ¹⁶ Jacob macɔ ñayijɔ José. ñ ñayijɔ María manɔjɔ. Iso ñayijɔ Dios ñ cōarɔ Jesucristo jaco.

¹⁷ Abraham rīa janerābatia David ñ ñayorajɔna catorce masa ñnasɔoyijarā. Abraham macɔ ñayijɔ Isaac. Isaac macɔ ñayijɔ Jacob. Ito bajiro mani cōia ruji waja David ñ ñarajɔna catorce ñarā ñayijarā ñna. Ito bero mɔcana David macɔ ñayijɔ Salomón. Salomón macɔ ñayijɔ Roboam. Ito bajiro mani cōia ruji waja, Babiloniajɔ Israel sita gānare ñna āmi warajɔna mɔcana catorce ñayijarā ñna. Jeconías macɔ ñayijɔ Salatiel. Salatiel macɔ ñayijɔ Zorobabel. Ito bajiro mani cōia ruji waja Cristo ñ rujeajɔna catorce ñayijarā mɔcana.

Jesucristo ñ rujeare gaye
(Lc 2.1-7)

¹⁸ Jesús ñ rujeare gaye ado bajiro bajijijɔ: José manojɔ ñaroco ñayijɔ María. José rāca iso ñaroto riojɔajɔ Espiritu Santo ñ masirisena ñ queo sājare macɔ sāñagō ñayijɔ iso. ¹⁹ José iso manɔjɔ ñarocɔ queno yigɔ ñayijɔ. Ito bajiri masa ñna tiro riojɔ bojoro iso tōbɔjaroca yi āmōbisijɔ José. Ito bajiri masa ñna masibeto, “Mɔre āmōbea yɔ”, yi āmōbojayijɔ José isore. ²⁰ Ito bajiro ñ tɔoia cani waroca, ñ cāirojɔ Dios ñaro gagɔ ángel goañoijɔ ñre. Goacōri ado bajiro gotijijɔ ángel ñre:

—Tɔoya José David ñayorɔ janami mɔ. Maríare manojɔ cɔti güibesa mɔ. Espiritu Santo ñ masirise, ñ queo sājare macɔ sāñagō ñnamo iso. ²¹ Macɔ rucogo yigōji iso. Jesús wame wōgū yigɔja mɔ ñre. Masare ñna ñeñaro yirise waja yicōri masogū yiguji ñ. Ito bajiri Jesús wame cɔtigɔ yiguji ñ, yijijɔ ángel Josere.

²² Diore goti ñsiri masɔ, “Ado bajiro rētarɔ yiroja”, ñ yiado bajiroti rētayijɔ. Dios ñ busire gotigɔ ado bajiro yijijɔ Diore goti ñsiri masɔ:

²³ Romio ñmugū rāca ajeñabeco macɔ sāñagō ñagō yigōji iso. Ito bajiri macɔ cɔtigo yigōji iso. Emanuel yirā yirāji masa ñre, yijijɔ Diore goti ñsiri masɔ.

“Dios ñami mani rāca”, yireoni ña iti Emanuel yire.

²⁴ Ito bajiri yujiguti ángel ñ gotiado bajiroti yiyijũ ñ. Maríare manojõ cõtuyijũ ñ ñja. ²⁵ Iso macũ ñasũogũ rucoroto riojũa, manojõ macũ bajiro bajiyijũ José maji. Iso rucõja bero Jesús wame yiyijarã ña ñre.

2

Ñocõare riasotiri masa Jesure ña eja tire gaye

¹ Judea sitajũ Belén wame cõtiri cõtõjũ rujeayijũ Jesús. Iti rodori ñ rujearoca iti sita uju ñayijũ Herodes wame cõtigu. Iti rodori Jerusalénjũ ejayijarã ñmacañi joeja wadiro gãna ñocõare riasotiri masa. ² Iti cõtõ ejacõri seniñayijarã ña:

—¿No ñati judio masa uju ñarocũ, rujearu? Ñmacañi joeja wadiro ñocõare ticõri, “Rujeañi ñ”, yi masimũ gua. Ito bajiri ñre rucubũorona wadia gua, yiyijarã ña.

³ Ito bajiro ña seniña ucuja tuocõri, ito gagũ uju Herodes buto tuõia güiyijũ. Ñre bajiro riti tuõayijarã iti cõtõ Jerusalén gãna cuni. ⁴ Ito bajiro tuõiacõri paia ujarã, judio masa rotirise riasori masare cuni ji ñucayijũ Herodes. Ña ejaja ticõri, ado bajiro seniñayijũ ñ: “¿Nojũ rujeagu yiguñjida Cristo?” yiyijũ ñ ñnare. ⁵ Ñnajũa ado bajiro yiyijarã ñre:

—Judea sita Belén wame cõtiri cõtõjũ rujeagu yiguñji, yi ucañi sũgũ Diore goti ñsiri masũ. Ado bajiro baja ñ ucare:

⁶ “Judea sitajũ Belén wame cõtiri cõtõ, jaibiti cõtõ ñabojarocati ñasari cõtõ ñaro yiroja iti cõtõ. Iti cõtõ gagũ uju ñasagu rujeagu yiguñji. Ñ ñagũ yiguñji yũ ñarã Israel sita gãna uju. Ñnare tirũnũgũ yiguñji ñ, yiyijũ Dios”, yi ucare ña adi, yiyijarã judio masa rotirise riasori masa.

⁷ Ña ito yija tuocõri, mucana ñocõare riasotiri masare yeyoroacã ji ñucayijũ Herodes. Ña ejaja ticõri, ado bajiro seniñayijũ ñ: “¿Nocãta ñocõa goasucati?” yi seniñayijũ ñ ñnare.

⁸ Ito yija Belénjũ ñnare wa rotiyijũ ñ:

—Wasa ñ macuacãre ãmatẽña. Mũa ñre ti bujaja yũre gotirã wadiba. Yũ cuni ñre rucubũogũ warocũ ya, yiyijũ ñnare rucõgũ.

⁹ Ñ ito bajiro rotija tuocõri, ñ yiro bajiroti wayijarã ña. Ñmacañi joeja wadirojũ ñocõa ña tirũ ña riojũa wayijũ mucana. Ñ wajasaroti tuja rũgũyijũ macuacã ñ ñaro weca.

¹⁰ Ñocõagã wacõri ñ tuja rũgũja ticõri, buto wanũyijarã ña, ñocõare riasotiri masa.

¹¹ Ñocõagã ñ ñaro roca ñari wi sãja wacõri ña tija ito ñayijũ macuacã ñ jaco María rãca. Ñre ticõri ñ riojo rijomunigãna ñini rũjũyijarã ña. Ito yicõri ñre rucubũoyijarã ña. Ito bajiro ña yija bero ña rucori jedori janayijarã ña. Janacõri orore, uco queno sutirise, ito yicõri mirra wame cõtirise iti ãmicõri ñre ñsuyijarã ña. ¹² Ito yija bero ña cãirojũ, “Herodes tu tũdi wabesa. Ito ñnaguñji macuacã”, ñ yi masime yirona, yiyijũ Dios ñnare. Ito bajiri iti masicõri Jerusalénjũ rãta wa ãmomena gaje majũ tũdi wayijarã ña.

Egipto sitajũ ña ware gaye

¹³ Ñocõare riasotiri masa ña tũdija bero ángel goayijũ Josere ñ cãirojũ. Ado bajiro yiyijũ ñ ñre:

—Yujiya, macuacãre, ñ jacore cuni Egiptojũ ãmi rudi wasa mũ. Itojũ riti ñnama maji yũ mũre gotirocõjuti. Herodes macuacãre sãarocũ ñre ãmagũ yiguñji, yiyijũ ángel Josere.

¹⁴ Ñ ito yija bero yujiyijũ José. Yujicõri macuacãre, ñ jacore cuni Egiptojũ ñnare ãmi wayijũ ñ. ¹⁵ Ito ña ñaroca riti godacoayijũ Herodes. “Egiptojũ yũ Macure ji ñucagũ yigũja yũ”, ñre goti ñsiri masũna sũoriti Dios ñ yija, ñ gotiado bajiroti bajiyijũ.

Herodes wame cõtigu rãcare ñ sãa rotire gaye

¹⁶ Ñocõare riasotiri masa ñre goti ãmomena gaje majũ ña tũdi waja tuocõri, buto junisiniyijũ Herodes. Ito bajiri junisinigũ Belén gãna rãca ñmũare ito yicõri, iti cõtõ tu gãna rãcare cuni sãa roti jeocõyijũ Herodes ñ ya moari masare. Jũa rodo tũjarãre ña bero rujeanare cuni sãa roti jeocõyijũ Herodes. “Jũa rodo tũja ñocõa ñ rujeaja bero”, ñocõare riasotiri masa ña yija tuocõri, jũa rodo tũjarãre ito yicõri ña bero rujeanare cuni sãa roti

jeocōyijū Herodes. ¹⁷ Ito bajiro Herodes rīacare ī sīa rotija Diore goti īsiri masū Jeremías wame cūtigū ī ucado robo bajiroti rētayijū. Ado bajiro ucañi ī:

¹⁸ Ramá sita gago iso rīare iso tuoīa otija ruyuyijū. Ito bajiro oti ñagōti ñayijo iso, Raquel rīare otigo. Gājerā īna sobojarocati yisi āmobisijo Raquel iso rīa godajare, yi ucayijū Jeremías.

¹⁹ Egiptoju José ī ñaroca godayijū Herodes. Ī godaja bero Egiptoju José ī ñaroca ī cāiroju sīgū ángel īre goaīoyijū. Ado bajiro yiyijū ī īre:

²⁰ —Yujija, macuacāre ī jacore cūni Israel sitaju āmi tūdi wasa. Macuacāre sīa āmoana goda jedicoama īna, yiyijū ī Josere.

²¹ Ito yija yujicōri, macuacāre ī jacore cūni Israel sitaju āmi wayijū José. ²² Ma wacūju tuoijū José, “Herodes ñajacu macu Arquelao wame cūtigū ī jacure wasoagu Judea sitaju ñayijū”, yija tuoijū José. Iti tuoicōri wa āmobisijū ī itojū. Mucana itojū cāiyijū ī. Ito bajiro cāicōri, “Galilea sitaju yu waja quena”, yiyijū ī. ²³ Galilea sitaju ejacōri, Nazaret wame cūtiri cūtoju ñagū wayijū ī. Diore goti īsiri masa, “Nazaret cūto gagū ñagū yiguīji Jesús”, īna yi ucare ñajare ito bajiroti bajijū ito.

3

Yucu manojū Juan idé guri masū ī ña ucure gaye
(Mr 1.1-8; Lc 3.1-9,15-17; Jn 1.19-28)

¹ Iti rodori ito bajija bero Juan masare idé guri masū Judea sitaju yucu manojū wayijū.

² Itojū ejacōri masare riasogu, ado bajiro yiyijū ī:

—Nocō mejeti īre tuorūnarāre ī rotiroju miojugū yiguīji Dios. Ito bajiri mūa ñeñaro yirise tuoīa bojori bñjacōri jidicāña mūa, yiyijū Juan masare.

³ Diore goti īsiri masū Isaías wame cūtigū ī ucado bajiroti yiyijū Juan. “Ado bajiro yigu yiguīji”, yirocū ucañi Isaías Juanre tuoīa yugū:

Sīgū yucu manojū mūare ado bajiro oca sēoro gotigū yiguīji: “Ñeñaro mūa yirise jidicāña mani Uju ī ejaroto riojūa, mūa ya usijū ī queno ña masitoni. Ñeñaro yirise jidicācōri quenarisejūa tuoīaña mūa”, yigu yiguīji sīgū, yi ucañi Isaías, Juanre tuoīa yugū.

⁴ Juan ī sñāro yutabuju, camello joana suado ñayijū. Waibucū wirowo ñayijū ī ya wecū wirowo. Rujiro ñimia bayijū ī. Ito yicōri joa gaye beroa ide idiyijū ī. ⁵ Īre tuorā masa jājarā ejayijarā. Jerusalén gāna, Judea sita gāna ito yicōri Jordán wame cūtirisa gāna cūni ejayijarā īre tuorā. ⁶ Īna ñeñaro yirise īna goti rētojuja, Jordán wame cūtirisaju īnare idé guyijū Juan.

⁷ Jājarā fariseo gaye tuoīarā, ito yicōri saduceo gaye tuoīarā cūni īna ejaja ticōri, ado bajiro yiyijū Juan:

—Mūare yu idé gure āmboja mūa. Āña rima junirowo bajiro ñeñaro yirā ña mūa. Ado bajiro tuoīabojū mūa: “Dios waja ī seniri rūmū ito ejaroca manire waja senibiquīji Dios. Ñeñaro yirā mani ñabojarocati manire ti maicōri manire waja senibiquīji Dios”, yi tuoīabojū mūa. Ñeñaro mūa yirise mūa jidicābeja mūa tōbñjaroca yigu yiguīji Dios, yiyijū Juan īnare.

⁸ Mucana ado bajiro gotiyijū Juan:

—Ñeñaro mūa yirise jidicācōri quenarise riti tuoīa ñaña mūa. Ito bajiro riti yisotiba, “Quenarisejūa tuoīarā ñama īja”, masa mūare yi ti masitoni. ⁹ Ado bajiro yi tuoīabesa mūa: “Abraham ñayorū janerābatia gūa ñare waja gūare masogū yiguīji Dios”, yi tuoīabesa mūa. Ado bajiro bajia. Adi gūtana Abraham janerābatia robo bajiro ī godo weo āmoja, godo weo masiguīji Dios, yiyijū Juan īnare.

¹⁰ Ito yicōri ado bajiro goti masiore ocana gotiyijū Juan:

—Comeana yucure quēarocū ñacāmi sīgū. Ito bajiri yucu queno rica manigūre ti bñjacōri quēagū yiguīji ī. Ito yicōri jeana soegū yiguīji ī. Ado bajiro yireoni ña ito: “Masa īna ñeñaro yirisere waja senirocū ñacāmi Dios. Ito bajiri īna ñeñaro yirise jidicābeja

ticōri, ñnare ruyuriogu yiguñji ï. Ito yicōri jeame ñjuroju cōagũ yiguñji Dios ñnare”, yiyiju Juan masare.

¹¹ Gaje ado bajiro gotiyiju Juan:

—“Ñana ñama ñna ñeñaro yirise jidicārã”, yi ñorocu idenati masare idé gua yu. Yu bero rētoro ñasagu ejagu yiguñji. Yu rētoro ñasagu ï ñajare ñre bajiro rētoro ñasagu meje ña yu. Ñama mñare Espiritu Santo queo sãgũ yiguñji ñja. Ito bajiro mñare queo sãcōri queno mñare mña tñocōroti ejabuagu yiguñji ñ, yiyiju Juan masare.

¹² Gaje ado bajiro gotiyiju Juan ñnare:

—Yu bero ejagu trigo besegu bajiro yiguñji masare. Sīgũ trigo otegu iti wirori coda batecōri ajeri riti seo masiguñji ï. Ito bajiro ï codaja bero iti wirorire jeameju soeguñji ï. Yatirime meje ñaroja itime jeame. Wirori ï seogori ajeriyama trigo ï seoroju seogu yiguñji ï. Ito bajiro yiguñji mani Uju adoju ejagu. Trigo beseado bajiroti besegu yiguñji manire, yi gotiyiju Juan masare.

Jesure idé gure gaye

(Mr 1.9-11; Lc 3.21-22)

¹³ Ito rãmuri Galilea sitana wacōri Jordán wame cutirisa ejayiju Jesús. Juan taju ejacōri: “Yure idé guya mu”, yiyiju Jesús ñre. ¹⁴ Ito bajiro ï yibojarocati ñre idé gu ñmobsiju Juan. Ito bajiro ado bajiro yiyiju ï Jesure:

—Meje, mñama yure mu idé guja quena. Yure idé gu rotibitiruja mu. Yu rētoro ñasagu ña mu. Ito bajiro mñare idé gu masibeja yu, yiyiju Juan Jesure.

¹⁵ Ñito yija tñocōri, ado bajiro yiyiju Jesús ñre:

—Yure mu idé gure ñmoa yu. Yure mu idé guja ñajediro Dios ï rotiro bajiro cudiana mani, yiyiju Jesús Juanre.

—Bau ñmoa yu, yicōri Jesure idé guyiju Juan ñja. ¹⁶ Jesús ï majaroca riti ñmacũju macãrcũro soje janayiju. Ñmacũju Jesús ï ti mñorocati bujare bajiro bajiguna quedi sãja wadicōri Jesús joe quedi jeayiju Espiritu Santo. ¹⁷ Ito bajiro ï quedi jeaja bero ado bajiro oca ruyuyiju ñmacũju:

—Ñani yu Macu ñami, yu maigũ. Ñre buto wanña yu, yi ruyuyiju oca ñmacũju.

4

Rãmúa uju Jesure ï usirio codere gaye

(Mr 1.12-13; Lc 4.1-13)

¹ Jesús ï idé gu rotija bero yucu manojũ ñre ñmi wayiju Espiritu Santo. Itoju Jesús ï ejaroca, “¿Diore riti cudigu yiguñjida Jesús?” yirocu ñre usirio codeyiju rãmúa uju.

² Jũarã masacō rãmuri bare babicuti ñayiju Jesús yucu manojũ. Itocō bero ñiocōyiju mñcana. ³ Ñito bajijare, ñre ruogu ejayiju rãmúa uju:

—Riti Dios Macu mu ñaja adí gũtanati naju godo weogu yiguja mu, yiyiju ï Jesure.

⁴ Ito bajiro rãmú ñre yibojarocati:

—Yibesa. Dios oca ado bajiro gotia: “Najuna riti meje catirã yirãji masa. Jeyaro Dios ocana queno wanña quena ñarã yirãji masa”, yi gotia Dios oca, yiyiju Jesús rãmúre.

⁵ Ñito yiroca riti Jerusalénju Jesure ñmi wayiju rãmúa uju. Ito ejacōri mñcana Dios ya wi joeju Jesure ñmi mña wayiju rãmú. ⁶ Ito ñre ñmi mña ejacōri ado bajiro yiyiju:

—Tuoja Jesús mu. Ado bajiro gotia Dios oca:

Ñ ñaro gãna ángel mesare mñre code rotigu yiguñji Dios. Mu quedi waja gũtagã joeju quedi jeacōri mu ya gũbo jeabe yirona mñre boca ñmirã yirãji ñna, yi gotia Dios oca, yiyiju rãmú Jesure.

Gaje ado bajiro yiyiju ï:

—Riti Dios Macu mu ñaja adojuña bubu quedi wacu yiguja mu, yi tobñayiju rãmúa uju Jesure.

⁷ Ñito bajiro yibojarocati ado robojuña yiyiju Jesús ñre:

—Mũ ito bajiro yirisere cūdicūja yũ. Gaje ado bajiro gotia Dios oca tuti. Tite mũ: “No bajiro Dios ĩ yija ticūja yũ”, yirocũ ĩre ũsirio codebesa”, yi gotia Dios oca, yiyijũ Jesús rũmũre.

⁸ ĩ ito yija tũocōri, cogũ gũtagũ ũmaricũ joejũ āmi wayijũ rũmũ Jesure. Itoju āmi ejacōri adi sita gaye quenari cūtorire ĩo jeocōyijũ rũmũ Jesure. ⁹ Ito yicōri ado bajiro gotiyijũ rũmũ:

—Yũre rũcũbuogũ mũ yũ riojo rijomunigāna ĩini rũjũja, adi sita ĩarocōti ĩarise mũre ĩsicūja yũ, yi rũoyijũ rũmũa ẽjũ Jesure.

¹⁰ Ito bajiro ĩ gotibojarocati:

—Wasa Satanás mũ. Ado bajiro gotia Dios oca: “Mani Ʋjũ Diore riti rũcũbuocōri cūdija quena”, yi gotia Dios oca, yiyijũ Jesús rũmũre.

¹¹ Jesús ito ĩ yija tũocōri, wacoayijũ rũmũ ĩja. Ito yija bero ángel mesa Jesure ejabũarona ejayijarã ĩja.

Galilea sitajũ Jesús ĩ riasosũore gaye

(Mr 1.14-15; Lc 4.14-15)

¹² “Tubiara wijũ ĩnami Juan”, yire oca tũocōri Galilea sitajũ tũdi wayijũ Jesús. ¹³ Itoju ejacōri ĩ ĩaro Nazaret wame cūtiri cūtoju tujabisijũ Jesús. Galilea wame cūtirita tũnima tũ Capernaum wame cūtiri cūtoju ĩarocũ wayijũ Jesús. Sōjũ meje ĩayijũ Zabulón sita ito yicōri Neftalí sita cūni. ¹⁴ Iti cūtoju Jesús ĩ ĩaja Diore goti ĩsiri masũ Isafas wame cūtigũ ĩ ucayore rētayijũ ĩja. Jesure tũoĩa yugũ ado bajiro ucayoĩni Isafas:

¹⁵ Jordán jodejũ Galilea wame cūtirita ĩnacũ. Itira tũnima tũ ĩnacũ Zabulón sita ito yicōri Neftalí sita. Iti sitajũ ĩnarã judio masa meje ĩnarãji ĩna.

¹⁶ Diore masibiticōri rãitĩaro bajiro ĩnarãji ĩna. Ito bajicōri sīgũ queno busugũre ti wanũrã yirãji ĩna. Diore masimena ĩnari godanare bajiro bajirãji ĩna. Ito bajiri busugũ ĩ ejaja ticōri, wanũrã yirãji ĩna. ĩna tũo masiroca yigũ yiguĩji ĩ. Ito bajiri mama rũmũ bajiro ejaro yiroja ĩnare, yi ucayoĩni Isafas.

ĩ ucare bajiroti iti sitajũ ejayijũ Jesús.

¹⁷ Iti sitajũ ejacōri masare Dios oca riaso ucusũoyijũ Jesús. Ado bajiro gotiyijũ:

—Yoari mejeti ĩre tũorũnũrãre ĩ rotirojũ miojugũ yiguĩji Dios. Ito bajiri mũa ĩneũaro yirisere jidicãcōri mama ũsi wasoaya mũa, yi masare riaso ucuyijũ Jesús.

Wai jori masa juariarãre Jesús ĩ jire gaye

(Mr 1.16-20; Lc 5.1-11)

¹⁸ Itajura Galilea wame cūtirita tũnima wa ucugũ wayijũ Jesús. Ito wacũjũ tiyijũ Jesús, Simón Pedro ito yicōri ĩ ocabaji Andrẽsre cūni. Wai jori masa ĩnayijarã ĩna. Yori yucũrina wai waya ĩnayijarã ĩna. ¹⁹ ĩna tũ ejacōri ado bajiro yiyijũ Jesús:

—Yũ rãca waya. Masare jirã yirãji mũa, Diore ĩna masitoni, yiyijũ Jesús ĩnare.

²⁰ ĩ ito yirocati yori yucũri cūcōri, ĩ rãca sũya wayijarã ĩna.

²¹ Ito yija ito sōjũa bũsa wa remoyijũ Jesús. Jabeto wa remocōri tiyijũ Jesús, Santiago, ĩ ocabaji Juanre cūni. Zebedeo rĩa ĩnayijarã ĩna. ĩna jacũ rãca cumajũ yori yucũri sia queno ĩnayijarã ĩna. ĩnare ticōri ĩnare jiyijũ Jesús. ²² ĩ ito yija tũocōri, cumajũti ĩna jacũre wagoyijarã ĩna. Ito bajiri Zebedeo rĩa Jesús rãca wacoayijarã ĩna ĩja.

Jãjarã masare Jesús ĩ riasore gaye

(Lc 6.17-19)

²³ Galilea sitajũ riaso ucu jeoyijũ Jesús. Co cūto rũyabeto judio masa minijuara wi sãjacōri oca quenarise, “ĩre tũorũnũrãre ĩ rotirojũ miojugũ yiguĩji Dios”, yire oca gotiyijũ Jesús masare. ĩnãjediro cōrãre ĩna cōrise bajiroti ĩnare yisioyijũ Jesús. ²⁴ Ito bajiro cōrãre Jesús ĩ yisioja Siria sita gãna cūni tũo jediyijarã ĩna. Ito bajiri ĩnãjediro cōrãre āmi ejayijarã Jesús ĩ yisiotoni. Jeyaro ĩarise cūtirãre āmi ejayijarã ĩna. Rũmũ sãjagoana, ũsi jedi quediana, ruduanare cūni āmi ejayijarã Jesús ĩ yisiotoni. ĩna cōrise bajiroti ĩnare yisioyijũ ĩ. ²⁵ No Jesús ĩ waro jãjarã masa ĩre sũya wayijarã. Tite. Galilea sita gãna, Decápolis cūto

gāna, Jerusalén cuto gāna, Judea sita gāna ito yicōri Jordán wame cūtirisa siduja gāna cūni Jesure sūya wayijarā ĩna.

5

Turia ñacōri masare Jesús ĩ riasore gaye

¹ Jājarā masare ticōri turia maja wayiju Jesús. Itoju maja wacōri rujiyiju Jesús. Ito yija ĩ rāca riasotirā ĩ tū minijuayijarā. ² ĩna ejaja ticōri, ado bajiro ĩnare riasoyiju Jesús:

Mani wanu quenaroca yiroti gaye

(Lc 6.20-23)

³ —“Jaje ruya Dios oca queno yu masi jeoroti”, mua yi tuoĳaja, wanu quenarā yirāji mua. Ijaju Dios ĩ rotiroju ejacōri ĩ rāca rotirā yirāji mua.

⁴ Adocāta tuoĳa riorā mua ñaja, wanu quenarā yirāji mua. Ijaju mua tuoĳa riorise rētogū yiguĳi Dios.

⁵ “Gājerā rētoro ñasagu meje ña yu”, mua yi tuoĳaja, wanu quenarā yirāji mua. Ijaju Dios ĩ goticādo bajiroti queno bujarā yirāji mua.

⁶ Adocāta Diore cudi jeo āmorā mua ñaja, wanu quenarā yirāji mua. Mware ejabuagu yiguĳi Dios, ĩre mua cudi jeo masitoni.

⁷ Gājerāre ti maicōri mua queno yija, wanu quenarā yirāji mua. Dios cūni mware ti maicōri mware queno yigu yiguĳi ĩ.

⁸ Dios ĩ āmoro bajiro riti quenarise mua tuoĳaja, wanu quenarā yirāji mua. Ijaju Diore tirā yirāji mua.

⁹ Adocāta oca quenori masa mua ñaja, wanu quenarā yirāji mua. Ijaju, “Yu rĳa ña mua”, yigu yiguĳi Dios.

¹⁰ Diore mua cūdire ticōri, gājerā mua tōbujaroca ĩna yija, wanu quenarā yirāji mua. Ijaju Dios ĩ rotiroju ejacōri, ĩ rāca rotirā yirāji mua.

¹¹ Yure mua cūdire ticōri, gājerā mware aja tudija, mua tōbujaroca ĩna yija, ito yicōri mware ĩna busitobojaja cūni, wanu quenarā yirāji mua. ¹² Diore goti ĩsiri masare cūni ito bajiroti ñeñaro yiyijarā masa jane mejeju cūni. Itire masicōri queno wanu quenaña mua. Ijaju Dios tū ejacōri ñajediro ĩ seo ĩsirisere queno bujarā yirāji mua, yiyiju Jesús ĩ rāca riasotirāre.

Moa oca quenarise robo bajiro bajirā ña mani, quenarise mani yija, yi Jesús ĩ riasore gaye

(Mr 9.50; Lc 14.34-35)

¹³ Mucana ado bajiro gotiyiju Jesús ĩ rāca riasotirāre:

—Moa ba āmoama masa. Ito bajibojarocati iti ocabeja ñe waja ma moa. Juaji iti ocarise ejabeto yiroja. Iti ocarise jedija ticōri, itire cōacōrāji masa. Ito yicōri itire cūdarā yirāji ĩna. Moa bajiro bajirā ña mani cūni. Mani queno yija ticōri, mani bajiro queno yi āmorāji gājerā cūni. Ito bajibojarocati mani queno yibeja, “Diore tuorūñña mua cūni”, mani yi riasobojaja manire tuo āmomenaji gājerā, yiyiju Jesús.

¹⁴ Mucana ado bajiro gotiyiju Jesús:

—Ñami bato rāitĳari ñami iti ñaja sōju jea iti busuja queno ruyuroja. Turia joe mani cuto menija masa jeyaro tirā yirāji jea iti busurise. Ito bajiroti mani queno yija masa jeyaro tirā yirāji ĩna. ¹⁵ Sĳabusuorise mani sĳaja sotu rocaju cūmenaji mani. Sĳabusuorise sĳacōri ũmacĳju cūrā yirāji mani ñajediro iti wi gāna ĩna titoni. ¹⁶ Ito bajiroti queno yiya mua “Queno yirā ñama Diore tuorūñrā”, yi ti masirā yirāji masa jeyaro. Mua queno yirise ticōri mani Jacu ũmacĳju gagure wanu rucuborā yirāji masa, yiyiju Jesús ĩ rāca riasotirāre.

Moisés ñayoru ĩ rotirise Jesús ĩ riasore gaye

¹⁷ “Moisés ñayoru ĩ rotirise ito yicōri Diore goti ĩsiri masa ĩna riasorisere cōarocu wadiñi Jesús”, yi tuoĳabesa mua. Itire cōarocu meje wadia yu. ĩna riasorisere mua queno tuoĳatoni wadibu yu. ¹⁸ Riti mware gotia yu. Dios ĩ rotirise ñajediro ñatĳnaro yiroja. Adi macārucĳro jediroto rioju co wame godo cūtibeto yiroja. Ñajediro Dios ĩ gotiado bajiroti rētaru yiroja. ¹⁹ No Dios rotirisere jabeto cūdibicu, “No yibeja mani cudi jeobeja cūni”, yi

riasogu quenabeami. Dios rotiroju ejacōri ñasagu meje bajiro ñagũ yiguĩji ïocũ. No Dios rotirise cudicōri, “Jeyaro ï rotirise mani cudi jeoja quena”, yi riasogu ï ñami quenagũ. Ito bajiri Dios rotiroju ejacōri ñasagu ñagũ yiguĩji ïama. ²⁰ Riti mware gotia yu. Judio masa rotirise riasori masa ito yicōri fariseo gaye tñoĩarã ïna queno yibojado rētoro mwa queno yibeja Dios rotiroju ejamenaji mwa, yiyiju Jesús ï rãca riasotirãre.

Gãjerãre junisini tibesa, yi Jesús ï riasore gaye
(Lc 12.57-59)

²¹ Mucana gaje ado bajiro gotiyiju Jesús:

—Jane mejeju gãna ïna rotigore tuogoana ña mwa. Ado bajiro bajia iti: “Gãjire sãabesa. No gãjire sãagũti ïre waja senigũ yiguĩji Dios”, yi rotiyiju Moisés ñayoru. ²² Yũama ado bajiro mware goti remoa: No gãjire junisini tigũre waja senigũ yiguĩji oca quenori masũ. No gãjire busitugũre waja senirã yirãji oca quenori masa. No, “Rocati mecari masũ ña mwa. Jeame ñjũroju warũja mwa”, yigũti ïjũare waja senirocũ ïre cõagũ yiguĩji Dios jeame ñjũroju, ya yu mware.

²³ Itire masicōri, gaje ocare cuni tñoĩaña mwa. Diore rũcũbuorã ïna soe ïsira casabojũ ejacōri, “Gãji rãca oca cutia yu”, mwa yi tñoĩa bujaja Diore rũcũbuorona ecarũre sãacōri soebeja maji. ²⁴ Itire cũña maji. Itire cũcōri oca quenorona mwa baba tu wasa. ï rãca oca quenocōri Diore soe ïsirona tũdi waja quena, ya yu mware.

²⁵ Gaje ado bajiro bajia. Gãji mware ï seti yija oca quenori masũ tũju mwa ejaroto riojua oca quenona mwa. Oca quenori masũ tu ejamenati mwa oca quenobeja ï mware poreciare ïsigũ yiguĩji. ïna poreciaju mware tubiarã yirãji. ²⁶ Riti mware gotia yu. Ñeñaro mwa yigore mwa waja yi jeobeto riojua budimena yirãji mwa. Iti robo bajiroti bajia Dios waja seniri rũmũ ejaroto riojua ï rãca mwa oca quenobeja, ya yu mware, yiyiju Jesús ï rãca riasotirãre.

Gãji manojore rũcũbuoya, yi Jesús ï riasore gaye

²⁷ Mucana gaje ado bajiro gotiyiju Jesús:

—Jane mejeju gãna ïna rotigore tuogoana ña mwa. Ado bajiro bajia: “Gãji manojore rãca ajebesa”, yi rotiyiju Moisés ñayoru. ²⁸ Yũama ado bajiro mware goti remoa: No romiore ãmotigũ ï tñoĩarisenã isore ajegu bajiro yami ïocũ, ya yu mware, yiyiju Jesús.

²⁹ Mwa ya riojocadũja cajeana ticōri ñeñaro mwa yi ãmoja iti cajeare ruacõña. Itire ruacōri cõatẽña. Manire co dũja cajea manija quenabetoja. Ito bajibojarocati jua cajea, cajea cutirã ñabojarãti jeame ñjũroju mani waja, rēto busaro quenabeto yiroja. ³⁰ Mwa ya ãmona ñeñarise mwa yija, itire jatacõña. Itire jatacōri cõatẽña. Manire co dũja ãmo manija quenabetoja. Ito bajibojarocati jua ãmo, ãmo cutirã ñabojarãti jeame ñjũroju mani waja, rēto busaro quenabeto yiroja. “Mwa ñeñaro yirise jidicãña mwa”, yirocũ ito bajiro yiyiju Jesús ï rãca riasotirãre.

Manojore jidicãbesa, yi Jesús ï riasore gaye
(Mt 19.9; Mr 10.11-12; Lc 16.18)

³¹ Mucana ado bajiro gotiyiju Jesús:

—Gaje ado bajiro gotia jane mejeju yigore: “Ëmũgũ ï manojore ï cõa ãmoja papera ucarũja ïre: Adio rãca manojore cutibojagũti isore cõagũ ya yu. Yu manojore meje ñamo ïja, yi ucarũja ïre”, yi gotia jane mejeju yigore. ³² Yũama ado bajiro mware gotia: Sãgũ ï manojore gãji rãca ajebitigoro ñabojarocati isore ï cõaja, isore buto ñeñaro yami ïocũ. Gãji rãca iso manũju cutibojaja ïre ajego yigõji iso. Ito yicōri no iso rãca manojore cutija isore ajegu yiguĩji ï, yi gotiyiju Jesús ï rãca riasotirãre.

Riojo mani gotija quena, yi Jesús ï riasore gaye

³³ Mucana gaje gotiyiju Jesús:

—Jane mejeju gãna ïna rotigore tuogoana ña mwa. Ado bajiro bajia iti: “Riti ado bajiro yicũja yu”, Diore mwa gotija mwa goticãdo bajiroti yiba, yi rotiyiju Moisés ñayoru. ³⁴ Yũama ado bajiro mware gotia: “Ado bajiro yicũja yu”, yicōri, riojo yiba. “Yu goticãdo bajiroti yicũja yu”, yirocũ “Riti gotia yu Dios ï ñaro riojo”, yibesa itioni. ï ñaro ña ï

rotirojũ. Ito bajiri, “Riojo gotia yũ”, yibesa iti wame rãca. “Adi macãrucãro riojo cuni, riti gotia yũ”, yibesa itioni. ³⁵ Adi macãrucãro ña Dios yaro. Ito bajiri, “Riojo gotia yũ”, yibesa iti wame rãca. “Jerusalén wame cõtiri cuto riojo cuni riti gotia yũ”, yibesa itioni. Mani Ʋjũ ñasagũ cuto ña Jerusalén. Ito bajiri iti cuto wame rãca “Ado bajiro yicũja yũ”, yibesa. ³⁶ “Yũ ya rijoganati riojo gotia yũ”, yibesa itioni. Ñirise, botirise mani ya rijoga joa godo weo masibea mani. Dios sīgũti ñami itioni godo weo masigũ. Ito bajiri iti wame rãca, “Ado bajiro yicũja yũ”, yibesa mũa. ³⁷ Mani riojo gotija quena. Mani cüdibeja cuni riojo gotija quena. “Riti gotia yũ”, yirona gaje mani goti remoja rũmũa Ʋjũ ejabũarisena goti remoa mani, yi gotiyijũ Jesús ï rãca riasotirãre.

Sīgũ ñeñaro manire ï yija gãmebeja quena, yi Jesús ï riasore gaye
(Lc 6.29-30)

³⁸ Mũcana gaje ado bajiro gotiyijũ Jesús:

—Jane mejeju gãna ñna rotigore tuogoana ña mũa. Ado bajiro bajia iti: “Sīgũ ï cajea jioja gãjire cuni cajea jioja quena. Sīgũ ï guji jabejasãja gãjire cuni guji jabejasãja quena”, yiyijarã masa jane mejeju gãna. ³⁹ Yũama ado bajiro mũare gotia. Sīgũ ñeñaro mũare ï yija ïre gãmebeja. Ado bajirojũa yiba. Sīgũ rio mũare ï jaja gaje dũja cuni rotiba. ⁴⁰ Sīgũ mũ ya camisa ï ãma ãmoja, rãobeja ïre. ï ãmoro ãmicõto. Ito yicõri ïre jai busaro ïsi remoña. ⁴¹ Sīgũ ï ya gajeoni coji cõrecõ ï ãma rotija juaji cõrecõ ïre ãma ïsima. “Ado bajiro yũre moa ïsiña”, gãji mũare ï rotija, ï rotiro rãto busaro ïre moa ïsija quena. ⁴² Noa mũare gajeoni senirãreti ïsicõaja quena. Sīgũ mũare wasoa ãmoja wasoaja quena. Ito yicõri “Mũre ïsicũju yũ”, yija quena, yiyijũ Jesús ï rãca riasotirãre.

Mani wajanare cuni mani ti maija quena, yi Jesús ï riasore gaye
(Lc 6.27-28,32-36)

⁴³ Jane mejeju gãna ñna busigore tuogoana ña mũa cuni. Ado bajiro bajia iti: “Mũa babare queno ti maiña. Ito yicõri mũa wjacure ti teya”, yiyijarã masa jane mejeju gãna. ⁴⁴ Yũama mũare ado bajiro gotia: “Mũa wajanare ti maiña. Ñnare queno yiya. Mũa tõbũjaroca yirãre yiari Diore busi ïsiña”, ya yũ mũare. ⁴⁵ Ito bajiro mũa yija mani Jacũ ãmacũju gagũ rãa ñarã yirãji mũa, ï ãmoro bajiro riti mũa yisotija. Masa ñajedirore queno ejabũami Dios. ïre cüdimenare cuni ejabũami ï. ï ñami quenarã, ñeñarãre cuni ãmacañi busuroca yigũ. ï ñami riojo cüdirã, riojo cüdimenare cuni ide queo ïsigũ. ⁴⁶ Mũare ti mairãre riti mũa ti maija ñe waja ma iti. Ito bajiro mũa yija ticõri, mũare waja yibiquĩji Dios. Ʋjarãre yiari waja seni ïsiri masa ñnare mairãre riti ti mairãji ñna cuni. Ñnare bajiro yibesa mũa. Mũare ti terãre cuni maija quena. ⁴⁷ Mũa ñarãre riti mũa seniñaja, ñe waja ma. Diore masimena cuni ito bajiroti yirãji ñna cuni. ⁴⁸ Mani Jacũ ãmacũju gagũ, coji ñeñaro yĩabicũ ñami ï. ïre bajiroti yiya mũa cuni, yiyijũ Jesús ï rãca riasotirãre.

6

Gãjerãre mani ejabũaja quena, yi Jesús ï riasore gaye

¹ Queno mũa yija, “Queno yama ñna”, yijaro gãjerã yirona meje, queno yiba mũa. Masa tiro riojo riti, “Ñni ñami queno Diore cüdigu”, mũa yi ïbojaja ñe waja bũjamenaji mũa, ãmacũju mani Jacũ Dios tũju mũa ejaja. ² Ito bajiri bojoro bũjarãre mũa ejabũaja masa jeyarore goti batobeja. Ito bajiro yama minijuara wijũ, mariju cuni, “Yiro robo yirã ña gũ”, yibojarãti yiro robo yimena. Bojoro bũjarãre ñna ejabũaja, “Queno yirã ñama”, masa ñna yitoni yama ñnaõna. Riti mũare gotia yũ. Ito bajiro ñna yirisenati waja bũjacãma ñna. Ñe gaje bũja remomenaji Dios tũju. Ñnare masa rũcũbuobojarocati Dioama ñnare rũcũbuobicũ yiguĩji. ³ Mũama bojoro bũjarãre mũa ejabũaja, masa ñna masibeto ito yicõri mũa baba ñasagũ ï masibeto masare ejabũaja quena. ⁴ Reco meje masa ñna tibeto bojoro bũjarãre ejabũaba mũa. Masa ñna tibeto bojoro bũjarãre mani queno yija, ti masiguĩji Dios manire. Ito bajiri waja yigũ yiguĩji manire, yiyijũ Jesús ñnare.

Diore mani seniroti Jesús ĩ riasore gaye
(Lc 11.2-4)

⁵ 'Diore mua busija, "Yiro robo yirã ña gña", yibojarãti yiro robo yimena bajiro Diore busibeja mua. ĩnama minijuara wiju Diore ĩna busija rŭgŏcŏri busirãji. Ito yicŏri ma tŭnima masa ĩna titoni Diore busirã yirãji ĩna. Ito bajiro ĩna yirisenati waja bujacãma ĩna. Ñe gaje buja remomenaji ĩna Dios tujũ. ĩnare masa rŭcububojarocati Dioama ĩnare rŭcububobicu yiguĩji. ⁶ Muama Diore mua busija, mua ya sŏa sãjacŏri soje biaya maji. Ito bajiro yicŏri mani Jacu rãca riti busiba mua. Ito bajiro masa mano mua yija ticŏri, mani Jacu muare waja yigu yiguĩji, yiyiju Jesús ĩnare.

⁷ 'Diore masimena ĩre ĩna busija, coji gayeti busimucatiama ĩna. "Buto mani busimucatiama Dios manire tuogu yiguĩji", yi tuoia busibojarãji ĩna. ⁸ ĩnare bajiro yibeja muama. Ñe manire ruyarise mani seniroto riojuju masicãguĩji Dios. ⁹ Ito bajiro Diore mua busija, ado bajiro busiba:

Gña Jacu, ũmacũju gagu ña mũ. Mu wame masicŏri masa ñajediro rŭcububojaro ĩna.

¹⁰ Masa jeyaro Uju mu ñaroti rumu ejare amo gña. ũmacũju tuti cuni mu amoro bajiroti ñayija. Ito bajiro adi tutiju cuni mu amoro bajiro riti ñare amo gña.

¹¹ Co rumu ruyabeto gña baroticŏti guare naju ĩsiña.

¹² Gña ñeñaro yirisere acabojoya. Gña cuni ito bajiroti guare ñeñaro yirãre acabojoa.

¹³ ¿No bajiro yure cudirã yirãjida ĩna? yi tuoĩabesa guare. Gña ñeñaro yibititoni guare ejabuaya. Mu ña uju ñatĩnarocu. Mu ña buto masitĩnare gaye rucotĩnarocu. Mu ña masa jeyaro ĩna rŭcububotĩnarocu. Itocŏ ña. Amén. Ito bajiro Diore mua busija quena, yiyiju Jesús ĩ rãca riasotirãre.

¹⁴ 'Muare ñeñaro yirãre ĩna ñeñaro yirisere mua acabojoya, mani Jacu ũmacũju gagu mua ñeñaro yirise acabojogu yiguĩji ĩ cuni. ¹⁵ Gãjerã ĩna ñeñaro yirisere mua acabojobeja mani Jacu ũmacũju gagu cuni mua ñeñaro yirisere acabojobicu yiguĩji, yiyiju Jesús ĩnare.

Bamena riti Diore mani busiroti Jesús ĩ riasore gaye

¹⁶ 'Diore tuoia amorã bamena riti ĩre mua busija, masa ĩna tiro riojo bojori bujabeja mua. "Yiro robo yirã ña gña", yibojarãti yiro robo yimena bamena riti Diore ĩna senija, masa ĩna tiro riojo bojori bujacã ĩna. Masa ĩna ti masitoni bojori bujabojacã ĩna. Riti muare gotia yũ. Itinati waja bujacãma ĩna. Ñe gaje buja remomenaji ĩna Dios tujũ. ĩnare masa rŭcububojarocati Dioama ĩnare rŭcububobicu yiguĩji. ¹⁷ Bamena riti Diore mua busija, joa cuni queno siro, rio cuni queno coe yiba muare masa ti masime yirona. ¹⁸ "Bamena riti Diore busirã ñama ĩna", masa yibe yirona wanũ quenama. Mani Jacu mani rãca ñagũ ĩ sigũti masitĩnagũ yiguĩji. Gãjerã masibeto ĩ sigũti masigũ yiguĩji. Ito bajiro manire waja yigu yiguĩji ĩ, yiyiju Jesús ĩ rãca riasotirãre.

Ũmacũju Dios tu quenarise mani bujaroti gaye
(Lc 12.33-34)

¹⁹ 'Adi sitaju gajeoni jairo mio cŭbesa. Adoju gajeoni mua mio cŭbojarisere mutarãcã barã yirãji gajeoni bari masa. Gajeoni jogaro yiroja, ito yicŏri riniri masa rinirã yirãji.

²⁰ Yu tija ũmacũju mani Jacu tujũ quenarise miojuja quena. Itoju gajeoni bari masa manaji. Gajeoni jogabetoja. Ito yicŏri riniri masa cuni ejamenaji. ũmacũju manire yiarĩ queno yisotitĩnagũ yiguĩji Dios. Manire ĩ queno yirise jedibetoja. ²¹ Gajeoni mani rucoroju mani tuoĩarise ñaro yiroja manire. Ito bajiro ũmacũju mani Jacu tujũ quenarise mani miojuja quena, yiyiju Jesús ĩnare.

Mani ya cajea busurica robo bajiro baja, yi Jesús ĩ riasore gaye
(Lc 11.34-36)

²² 'Mani ya cajea queno iti ruyuja, mani tuoĩarise queno sosaroja manire. Ticŏri queno mani tuoĩaja mani ya usi cuni quenaroja manire. ²³ Ito bajibojarocati tibojarãti queno mani tuoĩabeja, mani ya usi cuni quenabetoja manire. Rãitĩaroju mani rŭgŏro robo bajiro bajiroja manire. "Ado bajiro amoami Dios", yi masibojarãti Diore mani cudibeja, ĩre

masirã meje ña mani. Ito bajiri bũto bũsa rãitĩarojũ mani rũgõro robo bajiro bajiroja manire, yiyijũ Jesús ñnare.

Diore mani rũcũbũoja niyerure buto josare ma, yi Jesús ñ riasore gaye
(Lc 16.13)

²⁴ 'Cocati mani ƣjarã jũarãre cudi masibea mani. Jũarã ñna ñaja sũgũre queno ti maicõri, gãjire ti tudirã yirãji mani. Sũgũre queno cudirã yirãji mani. Gãjire queno cãdimena yirãji mani. Iti robo bajiroti Diore mani cãdija, niyerujũare bũto tũoĩamenaji mani. Niyerure riti mani bũto tũoĩaja Diore queno cãdisabea mani, yiyijũ Jesús ñnare.

Ñ rĩa masare tirũnũgũ yiguĩji Dios, yi Jesús ñ riasore gaye
(Lc 12.22-31)

²⁵ 'Gaje mũare ado bajiro gotia yũ: “¿Ñe bacõri catiguti yũ?” ito yicõri, “¿Ñe idicõri catiguti yũ?” yi tũoĩabesa. “¿Ñejũa sãñacõri ñagũti yũ?” yi tũoĩabesa. Manire rujeorũ ñacõri mani baroti, mani idiroti cũni ñsi masiguĩji Dios. ²⁶ Minia ũmacũjũ wũtirãre tũoĩate mũa. No õno otemenaji ñna. Ito yicõri no õno bare miojumenaji ñna. Ñna baroti seomenaji ñna. Ito bajiro ñna bajibojarocati mani Jacũ ũmacũjũ gagũ ñnare bare ecaguĩji. “Minoa rẽtoro ñasarã ña mani Dios ñ tija”, ¿yi masibeati mũa? Minoare ñ tirũnũja bũto bũsa manire tirũnũgũ yiguĩji Dios. ²⁷ “Yoa bũsari cati ãmoa yũ”, yi mũa oca jaija, ¿yoa bũsaro catirã yirãjida mũa? Meje, yoa bũsari catimenaji mũa, yiyijũ Jesús ñnare.

²⁸ “¿Ñe sãñagũ yigũjada yũ?” yi tũoĩa oca jaijesa mũa. Joa gaye gore tũoĩate mũa. Iti go moabetoja. Ito yicõri iti sãñaroti suabetoja iti. ²⁹ Ito bajibojarocati gore seyorise iti ñaroca yami Dios. Ƣjũ Salomõn ñayorũ gajeoni jaigu ñabojaguti go robo sãña jeobitiyoñi ñ. ³⁰ Gore seyorise iti ñaroca yami Dios. Goama seyorise ñabojaroti yoari mejeti siniaroja ũmacañi jeana. Iti siniaja ticõri, itire soerã yirãji masa. “Manire yutabuju ñsigũji Dios”, ¿yi masibeati mũa? Ñre queno tũorũnũsabea mũa. ³¹ Ito bajiri, “¿Ñe barãti mani? ¿Ñe idirãti mani? ¿Ñe sãñarãti mani?” yi tũoĩabitirũja manire. ³² Diore masimena itire tũoĩa oca jaiçãbojama ñna. Manireama mani Jacũ ũmacũjũ gagũ ñacãmi, “Iti rũya ñnare”, yiri masũ. ³³ “Dios ñami yũ Ƣjũ. Ñ yagũ ña yũ”, mani yi tũoĩaja quena. Iti ña ñasarise. “Ñre bajiro quenarise riti yi ãmoa yũ”, mani yi tũoĩaja quena. Ito bajiro mani yija, iti jeyaro manire rũyarise boca ãmirã yirãji mani. ³⁴ “¿Jane busuri gaye ñe yigũ yigũjada yũ?” yi tũoĩa oca jaijesa. Co rũmũ rũyabeto ricati riti bajiroja. Jane busuri oca ñaja mani rãca ñagũ yiguĩji Dios. Ito bajiri, “¿Ñe yigũ yigũjada yũ?” yi tũoĩa oca jaijesa, yiyijũ Jesús ñ rãca riasotirãre.

7

Gãjerãre seti yibesa, yi Jesús ñ riasore gaye
(Lc 6.37-38,41-42)

¹ 'Gãjerãre seti yibesa, Dios mũare ñ seti yibe yirona. ² Gãjerãre mũa seti yiro bajiroti mũare cũni seti yigũ yiguĩji Dios. “Itocõ seti ña ñnare”, gãjerãre mũa yiro bajiroti mũare cũni, “Itocõ ña seti”, yi masigũ yiguĩji Dios. ³ “Ñnare jabeto seti ña”, yibojarãti, “Gũare jai bũsaro seti ña”, yi masibea mũa. Seti cãtirã ña mũa cũni. Ado bajiro bajirã ña mũa. Tũote. Mũa babare cajeajũ sũjuriacã iti ñaja ti masia mũa. Ito bajibojarocati mũa ya cajeajũ sita jaje iti sãña biaja, ti masibea mũa. ⁴ Mũa ya cajeajũ sita iti ñabojarocati mũa babare cajeajũ sũjuriacã ãmicãto yiboja mũa. Mũamasireti bajirisereama ti masibea mũa. ⁵ “Yiro robo yirã ña gũa”, yirã ñabojaja mũa. Mũa ya cajeajũ sita sãñarisere ãmicãña maji cajero. Iti sita mũa ãmicãja berojũa queno ti masirã yirãji mũa. Ito yicõri mũa babare cajeajũ sũjuri ñarisere ãmicã masirã yirãji mũa. Ado bajirojũa baja. Bũto ñeñaro yirise mũa jidicãja berojũa, “Mũ ñeñaro yirise jidicãña mũ”, yi masirã yirãji mũa babare, yiyijũ Jesús ñnare.

⁶ 'Bũto quenarise ña Dios oca. Ñre ti terãre riaso josabeja. Yaiare quenarise ñsibea mani. Ñnare mani ñsibojaja, manire curutirã yirãji ñna. Mũa ya ñaque perla wame cãtirisere

yesea wato cōacūbeja. M̄ua cōacūja itire cūda aborā yirāji ĩna. Ito bajiroti Dios oca quenarise ĩre ti terāre riaso josabeja ĩna tuo āmobeja ticōri, yiyij̄u Jesús ĩnare.

Diore mani senija cūdigu yiguūji, yi Jesús ĩ riasore gaye
(Lc 11.9-13; 6.31)

⁷ 'Diore mani senija ĩsigū yiguūji. ĩre mani āmaja bujarā yirāji. "M̄ure busi āmoa yu", mani yija, busi rotigu yiguūji manire. ⁸ No senigūti boca āmiguūji. No āmagūti bujagu yiguūji. "Busi āmoa yu", yigūreti busi rotigu yiguūji Dios, yiyij̄u Jesús ĩnare.

⁹ "Naju āmoa yu", yi m̄ua macu ĩ senija, ĩgūtagā ĩsirā yirājida m̄ua? Meje gūtagā ĩsimenaji m̄ua. ¹⁰ "Wai āmoa yu", m̄ua macu ĩ yija, ĩāña ĩsirājida m̄ua? Meje āña ĩsimenaji m̄ua. ¹¹ M̄ua ñeñaro yirā ñabobarāti m̄ua r̄iare queno yirāji m̄ua. Ito bajiri itire masicōri mani Jacu ũmacūju gagu quenarise mani senija, "Manire ĩsi masiguūji ĩ", yi tuoña mani, yiyij̄u Jesús ĩnare.

¹² 'Gājerā m̄uare queno yire m̄ua āmoja ĩnare cūni queno yiya m̄ua. Ito bajiroti rotiyij̄u Moisés ñayoru, ito yicōri Diore goti ĩsiri masa ĩna ucayore cūni, yiyij̄u Jesús masare.

Eyabiti ma ña Dios tu wara ma, yi Jesús ĩ riasore gaye
(Lc 13.24)

¹³ 'Dios t̄uju mani eja āmoja suari soje bajiri soje sājarāji mani. Jeame ũjuroju wara ma jaja ma ñaroja, ito yicōri soje sājaraju eyariju ñaroja. Ito bajiri jājarā warāji itij̄ure. ¹⁴ Catit̄iñarā wara ma eyabiti ma ñaroja. Ito yicōri iti soje sājaraju jaibiti soje ñaroja. Ito bajiri coriarāti sājarāji itoj̄ure, yiyij̄u Jesús ĩnare.

Ricana suori yucugure ti masia mani, yi Jesús ĩ riasore gaye
(Lc 6.43-44)

¹⁵ "Dios oca goti ĩsiri masa ña gua", yibobarāre masiña m̄ua. Ruori masa ñama coriarā. M̄ua tu ĩna ejaja, oveja guamenare bajiro ejarāji ĩna. Ito bajibobarāti buto yaia guarāre bajiro ñarāji ĩna. ¹⁶ ĩna yiriseju ticōri masirā yirāji m̄ua. Jota yuc̄riju rica manoja uyé. Jota mariju rica manoja higos wame cutirise. ¹⁷ Ito bajiroti yucu quenarise, quenarise rica cutiroja. Ito yicōri yucu quenabitigu quenabiti rica cutiroja. ¹⁸ Yucu quenabitigu quenarise rica cutibetoja. Ito yicōri yucu quenaricu ñeñarise rica cutibetoja. ¹⁹ Yucugū queno rica manigūre itigūre quēacōri jeameju soerā yirāji mani. ²⁰ Ito bajiroti masare cūni ĩna yirise ticōri ĩnare ti masirā yirāji m̄ua, yiyij̄u Jesús ĩnare.

Dios ĩ rotiro ñasariju eja jedimenaji masa, yi Jesús ĩ riasore gaye
(Lc 13.25-27)

²¹ 'Jājarā, "Gua ũju ña mu", yibobarāti coriarāti ũmacūju yu Jacu ĩ rotiroju ejarā yirāji ĩna. Yu Jacu ĩ āmoro robo bajiro yirā riti ejarā yirāji. ²² Iti r̄umu iti ejaroca jājarā ado bajiro yibobarā yirāji: "Gua ũju mu rotire rāca riti Dios oca busisoticu gua. Mu rotire rāca r̄umūa sāñarāre bucōacu gua. Ito yicōri mu wame rāca jaje tiyamani ĩocu gua", yibobarā yirāji ĩna yure. ²³ Ito bajiro ĩna yibobarocati ado bajiro ĩnare yigu yigūja yu: "Yu ñarā meje ña m̄ua. M̄uare masibeja yu. Yure wa camotadicoasa m̄ua. Ñeñaro yiana ña m̄ua", yigu yigūja yu ĩnare, yiyij̄u Jesús masare.

Yure queno tuor̄unrā sita butiroju wi menirā robo bajiro bajirā ñama, yi Jesús ĩ riasore gaye

(Mr 1.22; Lc 6.47-49)

²⁴ 'Yure tuocōri yu rotiro bajiro yigu, ĩocū ñami queno tuoīagū. ĩ ñami sita butiroju wi menir̄ocū robo bajiro bajigu. ²⁵ Sita butiroju wi ĩ menija bero ide quediuj̄u. Riari jue jaiyij̄u. Ito yicōri buto mino wēayij̄u. Ito bajibobarocati sita butiroju ñacōri cadabisij̄u iti wi. ²⁶ Yure tuobojaguti yu rotiro bajiro yibicu, tuoña masibicu ñami ĩocū. ĩ ñami sita jujuroju wi menibobaru robo bajiro bajigu. ²⁷ Iti wi ĩ menija bero ide quediuj̄u. Riari jue jaiyij̄u. Ito yicōri mino wēayij̄u. Ito bajiri sita jujuroju ñacōri wi jujayij̄u, yiyij̄u Jesús masare.

²⁸ Ito bajiro Jesús masare ì búsija bero ruju ucayijarã ìna. ²⁹ Judio masa rotirise riasori masare bajiro meje queno busa riasoyiju Jesús. Dios ì cüre räca ñasarise ì riasojare ruju ucayijarã ìna masa.

8

Ruju cami jogagure Jesús ì yisiore gaye

(Mr 1.40-45; Lc 5.12-16)

¹ Jesús ì turia roja ejaroca jãjarã masa suyayijarã ìre. ² Ito ì waroca sîgũ ì ya ruju cami jogagu Jesure canamuoijũ. Jesús riojo rijomunigãna ñini rÿjÿyijũ. Ito yicõri ado bajiro yiyijũ ì Jesure:

—Yũ Hju, yũ ya cami mũ ya ãmoja, yagũja mũ, yiyijũ ì Jesure.

³ Ì ito yija tuocõri, ì ya ãmona moa jeoyijũ Jesús.

—Ãmoa yũ. Mũ ya cami yacũja yũ, yiyijũ Jesús ì ya ruju cami jogagure:

Ito bajiro Jesús ì yirocati ì ya cami yaticoayijũ ìre. ⁴ Ito yicõri ado bajiro rotiyijũ Jesús ìre:

—Tuoya, gãjerãre goti batobeja. Riojo wacõri paire ìotẽña. Moisés ì rotiyoado bajiroti ecarure sîacõri Diore yari soe ìsima. Ito mũ yija ticõri, “Cami yaticoañi”, yirã yirãji masa, yiyijũ Jesús ì ya ruju cami jogagure.

Surara mũ ya moari masure Jesús ì yisiore gaye

(Lc 7.1-10)

⁵ Capernaum wame cutiri cuto Jesús ì ejaroca sîgũ surara mũ ì tũjũ wayijũ. Romano masũ ñayijũ ì. Jesús tũ ejacõri ado bajiro ìre josayijũ:

⁶ —Tuoya yũ Hju mũ. Yũ ya wijũ yũ ya moari masũ cõ yosami. Buto juni wisi yosami, yiyijũ ì Jesure.

⁷ Ì ito yija tuocõri, ado bajiro cudiyijũ Jesús ìre:

—Ìre yisiogu wacu yigũja yũ, yiyijũ Jesús ìre.

⁸ Ito bajiro ì yiroca ado bajiro cudiyijũ surara mũ, Jesure:

—Yũ Hju, ñasagu meje ña yũ, yũ ya wi mũ sãjaboja cuni. Adojunati goti ñucaña mũ. Ito yirocati yũ ya moari masũ caticoagu yiguĩji. ⁹ Gãjerã yũ ujarã roca gagũ ña yũ. Ìna rotirise cudigu ña yũ. Ito bajiri yũ roca gãna yũ ya surara yũ rotirã ñama yũre cuni. Sîgũre, “Wasa”, yũ yija waguĩji ì. Gãjire, “Wayã”, yũ yija wadiguĩji ì. Ito yicõri yũre ejabuari masũ ìre yũ rotija, ìre yũ rotiro bajiroti yiguĩji ì. Adojunati mũ goti ñucaja yũ ya moari masũ caticoagu yiguĩji, yiyijũ ì Jesure.

¹⁰ Ito bajiro ì yija tuo ucacõri, “Yũre tuorũnũsacõami ãni”, yi ti masiyijũ Jesús ìre. Ito bajiri ado bajiro yiyijũ Jesús ì räca riasotirãre:

—Riti mũare gotia yũ. Israel sita gãna wato ìre bajiro yũre tuorũnũgã tiãbiticu yũ, yiyijũ Jesús masare. ¹¹ Riti mũare gotia yũ. Jãjarã ùmacañi ì quedi sãjaro gãna ì joejaro gãna cuni ùmacũju Dios ì rotiroju ejacõri ba rujirã yirãji ìna. Abraham, Isaac, ito yicõri, Jacob ñayoana räca ba rujirã yirãji. ¹² Israel sita gãna Dios rotiroju ejaboanare räitãroju ñnare cõagũ yiguĩji ì. Itoju ejacõri ñenaro tõbujarã yirãji. Ito bajiri oticõri buto tuoia oca jairã yirãji, yiyijũ Jesús masare.

¹³ Ito yija surara mũre ado bajiro yiyijũ Jesús:

—Mũ ya wijũ tudĩ wasa. Yũre mũ tuorũnũro bajiroti mũre moa ìsiri masũ caticoagu yiguĩji, yiyijũ Jesús ìre.

Ito ì yirijuti surara mũ ya moari masũ ì ya wijũ caticoayijũ ì ìja.

Pedro mañicõre Jesús ì yisiore gaye

(Mr 1.29-31; Lc 4.38-39)

¹⁴ Pedro ya wijũ wayijũ Jesús. Iti wi ejacõri, Pedro mañicõre tiyijũ Jesús. Cama joeju iso cõ jesaja tiyijũ Jesús. Buto ruju yayijũ isore. ¹⁵ Isore ticõri ãmo ì moañarocati ruju yarise jedicoayijũ isore. Ito bajiri wumacõri masare eca bocasuoijũ iso.

Jãjarã ñarise cutirãre Jesús ì yisiore gaye

(Mr 1.32-34; Lc 4.40-41)

¹⁶ Ito rāioroca jājarā rūmú sãñarãre Jesús tujũ ami ejayijarã masa. Ito ñna bajija ticõri, coji ñ busirisenati rūmúare bucõacõyijũ Jesús. Ito yicõri ñarise cutirãre yisioyijũ Jesús. ¹⁷ Ito bajiro rētayijũ Isaiás Diore goti ñsiri masũ ñayorũ ñ goticãdo bajiroti. Ado bajiro yiyijũ Isaiás ñayorũ: “Manire rujũ gajajuarise ito yicõri mani rujũ ñarise cutirise yisioyũ yigũiji”, yiyijũ Isaiás ñayorũ yũre tũoĩa yugũ, yiyijũ Jesús masare.

Jesure tũo sũya ãmorã
(Lc 9.57-62)

¹⁸ Jājarã masa ñ tujũ ñna gãni biaja ticõri, “Gaje dũjajũ jẽa wato mani”, yiyijũ Jesús ñ rãca riasotirãre. ¹⁹ ñna waroto riojũa sīgũ Moisés rotirise riasori masũ, Jesús tũ ejayijũ:

—Riasori masũ, no mũ waroti mũre sũya ãmoa yũ, yiyijũ ñ Jesure.

²⁰ Ado bajiro cũdiyijũ Jesús ñre:

—Buyairoare ñna caniri goje ñacũ. Wũtirãre cũni ñna ya jibũ ñacũ. Ito bajibojarocati Masa Rĩjorũreama no cũñarajũ ma ñreama. Ñti ñna yũ Masa Rĩjorũ. Ito bajiri yũre mũ sũyaja josari ñaroja mũre, yiyijũ Jesús ñre.

²¹ Ito yija gãji Jesús rãca riasotiri masũ ado bajiro yiyijũ ñre:

—Yũ jacũre codegũ ñna yũ maji. Ñ godaja bero mũre sũyacũja yũ maji, yiyijũ ñ Jesure.

²² —Adocãtati yũre sũyaja quena. Godarãma godarãmasiti gãmeri yujejaro. Jeyaro mũ tũoĩa oca jairisere jidicãcõri yũre sũyaja quena, yiyijũ Jesús ñre. Yũre tũorũnumena godacãnare bajiro bajirã ñama. ñnamasiti godarãre yujerã yirãji.

Minore, jacũrisere cũni Jesús ñ rẽtore gaye
(Mr 4.35-41; Lc 8.22-25)

²³ Ñ ito yija bero cumajũ ñ rãca riasotirã rãca sãjayijũ Jesús. ²⁴ Itajura gũdareco ñna tũjaroca mino bũto wẽayijũ. Ito bajicõri cumajũ jacũsãyijũ. Ito ito bajibojarocati canigũ yiyijũ Jesús. ²⁵ Ito ito bajija ticõri, ñ rãca riasotirã ñre yujioyijarã. ñre yujioyijarã ado bajiro yiyijarã ñna ñre:

—Gũa Ɔjũ rujarã ya mani. Ito bajiri gũare masoña, yiyijarã ñna Jesure.

²⁶ —¿No yija bũto gũiati mũa? Yũre queno tũorũnũbea mũa, yiyijũ ñ ñnare. Ito yija wũmũ rũgũyijũ ñ. Ito yicõri minore, “Wẽabesa”, ito yicõri jacũrise, “Jacũbesa”, yiyijũ Jesús.

Ñ ito yija bero ñe godo manoti tujacoayijũ ñja. ²⁷ Ñ rãca riasotiri masa itire ticõri rujũ ucayijarã:

—¿Ñimũõcũ masũ ñatibe ãni? Mino wẽarise, ide jacũrise cũni ñ rotija tũoa ñre, yĩ tũoĩayijarã ñna.

Gadara gãna rūmúã sãñarã oca
(Mr 5.1-20; Lc 8.26-39)

²⁸ Itajura gaje dũjajũ Gadara wame cutiri sita ejayijarã ñna. Ito ñna ejaroca jũarã ãmũa masari cumajũ budi wadiyijarã. Ito yicõri Jesús tũ eja rũgũyijarã ñna. Jũarãjũti rūmúã sãñarã ñayijarã ñna. Bũto guarã ñayijarã ñna. Ito bajiri ñna tũ rẽta masia mañijũ. ²⁹ Jesure ticõri ado bajiro awasãyijarã ñnare sãñarã rūmúã:

—Jesús, Dios Macũ ñna mũ. ¿No yija gũa tũ wadiati mũ? ¿Adocãta jeame ẽjũroju gũare cõacõri gũa tũbũjaroca yigũ wadiri mũ? yiyijarã ñna Jesure.

³⁰ Ito sõjũa nocõ mejeti jājarã ecana yesea ãma ba ñayijarã. ³¹ Yeseare ticõri ado bajiro Jesure josayijarã rūmúã:

—Gũare mũ bucõaja, õa yeseare gũare sãja rotiya, yiyijarã ñna Jesure.

³² —Mũare roticã yũ. Wasa, yiyijũ Jesús rūmúãre.

Ito ñ yirocati ãmũa jũarãjũreti rūmúã budicoayijarã ñja. Ito yicõri yeseajũare sãja wayijarã ñna mũcana. Yeseare ñna sãjarocati tũria ãmaquedi roja wacõri itajurajũ quedi roacoayijarã ñna. Ito bajiri ñnarocõti ruja godacoayijarã ñna ñja.

³³ Yeseare tirũnũbojana ito ito bajija ticõri, gũirã ãmaquedi wayijarã ñna. Cũtoju ejacõri, “Ado bajiro rẽtamũ”, yirona goti jeoyijarã ñna. Rũmúã sãñabojarãre ñna rūmúã budigore gaye goti jeoyijarã ñna ito cũto gãnare. ³⁴ ñna ito bajiro gotija tũocõri, Jesús

tujare minijua wayijarã masa, iti cuto gãna. Jesure güirã ï ware ãmorã ïre josayijarã ïna.

9

Rudurure Jesús ï yisiore gaye

(Mr 2.1-12; Lc 5.17-26)

¹ Ito yija mucana cumajũ sãjayijũ Jesús. Ito bajiri itajura gaje dũja jãa wacõri ï ya cutoju ejayijũ. ² Ito ï ejaroca rudurure cõrãre ïna jeorona ïre ãmi ejayijarã Jesús tũ. “Yũre queno tuoũnũrã ñama ïna”, yi ti masicõri ado bajiro yiyijũ Jesús rudurure:

—Oca sãõña yũ macũ. Mũ ñeñaro yirise ma mũre ïja, yiyijũ Jesús ïre.

³ Ito ï yija tuocõri, ito gãna coriarã judio masa rotirise riasori masa ado bajiro tuoĩayijarã: “Ito bajiro ï busija, Diore rũcũbuobicũ yami ï”, yi tuoĩayijarã ïna. ⁴ Ito bajiro ïna tuoĩarise ti masicõri ado bajiro yiyijũ Jesús ïnare:

—¿No yija ito bajiro ñeñaro tuoĩati mũa? ⁵ ¿Disejua ñati josasabiti mũa tija? “Mũ ñeñaro yirise coecoajũ”, yũ yija, ¿quena ñarõjada mũa tuoĩaja? “Wũmũña, wasa”, yũ yija, ¿quena ñarõjada? ¿Disejua ñati josasabiti mũa tija? ⁶ Yũ ña Masa Rĩjorũ. Adi sitajũ Dios ï cũre rãca ña yũ. Ito bajiri masa ñeñaro ïna yirisere ãcabojo masia yũ. “Riti Dios ï cũrũ ña mũ”, yũre mũa yi ti masitoni ado bajiro ya yũ rudurure:

—Wũmũña. Mũ ya cama ãmiña. Mũ ya wijũ tũdi wasa, yiyijũ Jesús.

⁷ Ito ï yirocati rudurũ ñabõjarũ wũmũyijũ. Ito yicõri ï ya wijũ wacoayijũ ï ïja. ⁸ ï ito bajiro bajija ticõri, güiyijarã masa. “Adi sita gagũre ï masirise jidicãñi Dios”, yi tuoĩacõri, Diore rũcũbuoyijarã masa.

Mateore Jesús ï jire gaye

(Mr 2.13-17; Lc 5.27-32)

⁹ Itona wacõri yũ Mateo tũre ejaquĩ Jesús. Cuto ñari masare moa ïsigũ ïnare niyeru boca ãmirijũ ñacũ yũ. Yũre ti bujacõri ado bajiro yiquĩ Jesús yũre:

—Yũ rãca waya, yiquĩ Jesús yũre.

Jesús yũre ito bajiro yija tuocõri, ïre sũya wacũ yũ ïja.

¹⁰ Yũ ya wijũ ejacũ gũa. Ito ejacõri basuocũ gũa. Niyeru boca ãmi ïsiri masa, ñeñaro yiri masa ñacã ïna cũni gũa rãca barona. Jesús rãca riasotirã cũni ñacã gũa rãca barona.

¹¹ Ito bajiro iti bajija ticõri, fariseo gaye tuoĩarã gũa rãca riasotirãre ado bajiro seniĩacã: —¿No yija mũare riasori masũ niyeru boca ãmi ïsiri masa ito yicõri ñeñaro yiri masa rãca bati? yicã ïna.

¹² Ito bajiro ïna yija tuoquĩ Jesús:

—Ñarise mana, cõmena cũni uco masare ãmomenaji ïna. Cõrã riti uco masare ãmarãji ïna. ¹³ Dios oca tuti gaye ticõri tuoĩaña mũa. Ado bajiro gotia iti. “Gãjerãre mũa tuo maire ãmoa yũ. Gãjerãre tuo maibitibõjarãti ecarũre sãcõri yũre mũa soe ïsibõjaja ñe waja ma iti”, yi gotia Dios oca tuti, yiyijũ Jesús ïnare. Queno yirãre jirocũ meje adi sita wadicũ yũ. Ñeñaro yirãre ñeñaro ïna yirise jidicãtoni gaje adi sitajũ wadicũ yũ, yiquĩ Jesús ïnare.

Bamenati Diore rũcũbuore gaye

(Mr 2.18-22; Lc 5.33-39)

¹⁴ Ito ñana Juan idé guri masũ rãca riasotirã Jesure seniĩarona ï tũ ejacã ïna:

—Gũa ito yicõri fariseo gaye tuoĩarã cũni coji rũyabeto Diore rũcũbuorã bamenati ïre rũcũbuocũ gũa. ¿No yija mũ rãca riasotirãma bare bamenati ïre rũcũbuobeati ïna? yicã ïna Jesure.

¹⁵ ïna ito yija tuocõri, ado bajiro ïnare goti masioquĩ Jesús:

—¿Sĩgũ ï ãmo siari rũmũ ï rãca wanũrona ï ji ñucana ï rãca ñabõjarocati bojori bujarã yirãjida ïna? Bojori bujamenaji. Yũ baba mesa cũni bojori bujamenaji ïna rãca yũ ñarõcama. Co rũmũ yũre ïna ñiaroti rũmũ ejaro yiroja. Yũre ïna ñiaja ticõri, bamenati yũre yiarĩ Diore senirã yirãji yũ baba mesa, yiquĩ Jesús ïnare.

¹⁶ 'Saya bũcũro iti tadija, mamarona sere wõmenaji mani. Mamarona mani sere wõja tũatu wato bũcũro tadiroja. Ito bajicõri jaja goje bũsa tadi waroja ïja. Mame oca yũ riasorise cũni bũcũrã oca rãca tũoĩa wisabesa. ¹⁷ Æyẽ mame ide wecũ wirowũ bũcũ baju jiomenaji mani. Bũcũ baju mani jiojama wirowũ cuducoaroja. Ito yicõri idire wirowũ cũni jũajijũ godaroja. Ito bajiro æyẽ mame ide wecũ wirowũ mama bajuna jiore ñaroja. Ito yicõri æyẽ ide, wecũ wirowũ cũni corocõ ñaro yiroja, yiquĩ Jesũs ñinare.

Jairo macore Jesũs ï yisioire gaye

(Mr 5.21-43; Lc 8.40-56)

¹⁸ Ito bajiro Jesũs ï gotiroca riti sũgũ judio masa æjũ ejaquĩ Jesũs tũ. Jesũs riojo ñre rũcũbũogũ ñini rũjũquĩ ï. Ito yicõri ado bajiro yiquĩ ï Jesure:

—Janeti yũ maco ñsi jedicoamo. Iso tũ ejacõri isore mũ moaĩaja tũdi caticoago yigõji iso, yiquĩ ï Jesure.

¹⁹ Ito ï yija tũocõri, ñre sũya waquĩ Jesũs. Ito bajiri gũã ï rãca riasotirã cũni wacũ. ²⁰ Ito bajiro gũã waroca sũgõ romio cõgõ Jesũs jũdojũã eja rũgũcõ. Iso ñacõ romia ñarise cõgõ. Itire jũã gũbojeno rodori cõ ñayijo iso. Jesũs jũdojũã ejacõri ï ya yutabuju gaja moaĩacõ iso. ²¹ “Ï ya yutabuju gaja yũ moaĩajati caticoago yigoja yũ”, yi tũoĩari seyocõ iso. ²² Ito bajiro iso yija tũo masicõri, jũda rũgũquĩ Jesũs. Ito yicõri ado bajiro isore gotiquĩ:

—Oca sũoĩa yũ maco. Yũre tũorũnũgõ ñacõri caticoajũ mũ ïja, yiquĩ Jesũs isore.

Ito bajiro ï yirocati tujacoacõ iso ïja.

²³ Ito yija bero yoa busari wacõri æjũ ya wijũ ejacũ gũã. Yujerona basa ñna menija ticũ gũã. Ito yicõri ruje masa ñna oca cõtirise ruyucũ. ²⁴ Jesũs ado bajiro gotiquĩ ñinare:

—Adijũre budigoja mũa maji. Adio macoacã cõgõ meje yamo. Canigõ yamo, yiquĩ Jesũs ñinare.

Ï ito yija tũocõri, ñre ajacã ñna. ²⁵ Masa ñna budigoja bero macoacã tũ sãja wacõri isore ãmo tũã ñiaquĩ Jesũs. Ï ito yirocati jaja rũjũcõ iso. ²⁶ Ito bajiro Jesũs ï yija ticõri, iti sita ñarocõti oca batacũ.

Jũarã cajea timenare Jesũs ï yisioire gaye

²⁷ Itojũ gũã waroca cajea timena jũarã awasã sũyacã Jesure:

—Gũare ti maiña David ñayorũ janerãbatia janami mũ, yicã ñna Jesure.

²⁸ Wijũ gũã sãja ejaroca ñna jũarã cajea mana cũni sãja ejacã. Ito bajiri ñinare ado bajiro seniĩaquĩ Jesũs:

—“Gũã ya cajea tiroca yigũ yiguĩji Jesũs”, ¿yi tũoĩati mũa? yiquĩ Jesũs ñinare.

—Ito bajiroti tũoĩa yũ Æjũ gũã, yicã ñna Jesure.

²⁹ Ñna ito yijare, ñna ya cajeajũ moa jeoquĩ Jesũs:

—Yũre mũa tũorũnũro bajiroti mũa ya cajea tiroca ya yũ, yiquĩ Jesũs ñinare.

³⁰ Ito ï yirocati ñna ya cajeari ticoacã ñna. Ito yicõri sũoro ado bajiro gotiquĩ Jesũs:

—Queno tũoĩama. Gãjerãre goti batobeja, yiquĩ Jesũs ñinare.

³¹ Ito bajiro ï yibojarocati yoari mejeti wacõri goti batoyijarã ñna iti sita gãnare Jesũs ï yigorere.

Bũsibicũre ï bũsiroca Jesũs ï yire gaye

³² Itijũna ñna wasũoroca coriarã ejacã masa bũsibicũre ãmi ejarã. Rũmũ sãñagũ ñiaquĩ ï. ³³ Jesũs rũmũre ï bucõaja bero bũsibicũ ñabojarũ bũsisũoquĩ ïja. Itire ticõri rujũ ñcacã masa. Ito bajicõri ado bajiro yicã ñna:

—Israel sitajũ ado bajirise tũĩabiticũ gũã maji, yicã ñna.

³⁴ Fariseo gaye tũoĩarãma ado bajiro yicã:

—Ñniõcũ rũmũã æjũ ï masirisena rũmũare bucõami ãni, yicã ñna.

Masare Jesũs ï tũo maire gaye

³⁵ Co cũto rũyabeto gũã ejarocõ cũri cũtori, mũtari cũtori cũni minijuara wijũ masare riasoquĩ Jesũs. “Ïre tũorũnũrãre ï rotirojũ miojugũ yiguĩji Dios”, yire gaye masare riasoquĩ Jesũs. Masa jeyaro ñna ñarise cõtirisere yisioquĩ Jesũs. ³⁶ Masa ñna cõja, ñna

bojori bujaja ticōri, ñnare ti maiquĩ Jesús. Jesús ï tija oveja uju mana robo bajiro bajirã ñacã ñna. ³⁷ Ito yija guare ado bajiro yiquĩ Jesús:

—Riti muare gotia yu. Jaje ote bucua. Ito bajibojarocati coriarãti ñnama itire ãmiri masa. ³⁸ Ito bajiri ote ujure seniña, moari masare ï cōatoni, yiquĩ Jesús guare. Ito bajiro ï gotija ado bajiro yireoni yiri seyoquĩ Jesús: Jãjarã ñnama maji coji Dios ocare tuoña yimena. Ito bajibojarocati coriarãti ñnama ñnare ï oca gotirona. Ito bajiri Diore seniña jãjarã busa gotiri masare ï cōatoni.

10

Jua gubojeno apóstol mesare Jesús ï besere gaye

(Mr 3.13-19; Lc 6.12-16)

¹ Ito yicōri gua jua gubojeno ñnarãre jimiojuquĩ Jesús. Ito bajiro guare jimiojucōri rñmúa sãñarãre bucōa rotiquĩ ï. Ito yicōri masa jeyaro ñna ñnarise cōrisere guare yisio rotiquĩ ï. Ito bajiro yicōri cōrãre gua yisio masiroca yiquĩ Jesús.

² Adocō ñna gua jua gubojeno ñnarã Jesús oca riaso ucutoni ï cūana. Tite mua. Cajero Simón Pedro wame cutigu ito yicōri ï ocabaji Andrés, ito bero Santiago, ito bero ï ocabaji Juan, Zebedeo rña ñnama ñna. ³ Bero Felipe, bero Bartolomé, bero Tomás, ito bero yu Mateo ujarãre yiari waja seni ñsibojacacu, ito bero Santiago, Alfeo macu ñnami. Ito bero Tadeo. ⁴ Ito bero Simón, celote gaye tuoñagoru ñnami ï, ito bero susari Judas Iscariote. ï ñnami Jesure ñna ñiatoni gotiru.

Dios oca ñna goti ucutoni ï rãca riasotirãre Jesús ï cōare gaye

(Mr 6.7-13; Lc 9.1-6)

⁵ Ado bajiro gua jua gubojeno ñnarãre riaso ucu rotiquĩ Jesús:

—Judio masa meje ñna ñnari cutori riaso ucubeja mua. Samaria sita cutori cuni wabeja mua. ⁶ Quenogoroama Israel sita gãna tu wasa. ñna ñnama oveja wisana robo bajiro bajirã. ⁷ “Yoari mejeti ñre tuoñnarãre miojugu yiguñi Dios”, yi riaso ucuba mua. ⁸ Ruju jogarãre mua ti bujaja ñnare yisioba mua. Gãjerã gaje ñnarise cutirãre cuni yisioba mua. Godanare cuni ñna catiroca yiba. Rñmúa sãñarãre cuni ñnare bucōama mua. Ito bajiro mua yi masitoni waja manoti muare jidicã yu. Ito bajiro muare yu jidicãjare mua yirise waja, waja senibeja mua cuni, yiquĩ Jesús guare.

⁹ Mua waja niyeru kujiri, oro kujiri, cobre kujiri ãmi wabeja mua. ¹⁰ Ito yicōri gajeoni sãra bajuri ãmi wabeja mua. Coro mua sãnarõ riti ãmi waja. Gaje guaboco mua wasoaroti ãmi wabeja. Gajegu turigu ãmi wabeja. Diore moa ñsirã mua ñajare mua riasorãjua muare bare ñna ecaja quena, yiquĩ Jesús guare.

¹¹ Jaja cuto jaibiti cuto cuni mua ejaja, yiro bajiro tuoñagũre ãmama. Ñocũ mua bujaja ï tu canima mua. Iti cuto gãnare mua riasoja ï tu riti ñnama maji, mua waroto riojua. ¹² Wiju mua ejaja, ¿ñnati mua? yi seniãcōri, “Queno ñaña mua”, yiba. ¹³ Masa queno muare ñna boca ãmija, ito bajiroti, “Queno ñaña mua”, yi jidicãma ñnare. Muare ñna queno boca ãmibeja, “Queno ñaña mua”, yi jidicãbeja ñnare. ¹⁴ Muare ñna boca ãmi ãmobeja, ito yicōri muare ñna tuo ãmobeja, iti wire ñabeja mua. Ito yicōri iti cutore ñabeja mua. Iti cutore jidicã warã mua ya gubori sũjuri wãrisere ja batecãma mua. Ito bajiro mua yija ticōri, “Ñnare queno boca ãmibeja mani”, yi tuoña masirã yirãji ñna iti cuto gãna. ¹⁵ Riti muare gotia yu. Sodoma ito yicōri Gomorra gãna rëto busaro ñeñaro tōbujarã yirãji ñna masa ñna ñeñaro yirise waja Dios ï seniri rñmu, yiquĩ Jesús guare.

Dios oca mua gotija tuo junisinicōri ñeñaro mua tōbujaroca yirã yirãji, Jesús ï yire gaye

¹⁶ Yu muare riaso ucu rotija, oveja robo bajiro yaia wato guijoroju muare cōa yu. Queno ñnare bajiro ñnacãña mua. Ito bajibojarocati bujare bajiro queno yirã ñnama mua. Itoju mua waroto riojua, “Ado bajiro mani yija quena”, yirona queno tuoñama maji. Ito bajiri ito gãna mua ejaroca ñeñaro ñna yibojarocati queno yiba muama ñnare. ¹⁷ Queno tuoñama mua. Muare ñnacōri ujarã riojo ãmi warã yirãji ñna. Ito yicōri minijuara wi cuni muare bajarã yirãji ñna. ¹⁸ Yu ocare mua riasojare gobierno masa ito yicōri cuto gãna

ɕjarã riojo muare ãmi warã yirãji ãna. Ito bajibojarocati ãna riojo yu gaye busirã yirãji mua. Ito yicõri judio masa meje ñarãre cuni gotirã yirãji mua. ¹⁹Oca quenori masu riojo muare ãna ãmi ejaja. “¿No bajiro tuoia busigutibe yu, yigu yigujada yu?” yi tuoia oca jaibeja mua. Mua busiriju iti ejaja, mua busiroti muare gotigu yiguji Dios. ²⁰Mua busija muario meje busirãji mua. Mani Jacu i ya usi mua rãca ñajare busirã yirãji mua, yiqui Jesús guare.

²¹Guijorise iti rõtaja tirã yirãji mua. Masa ãna ñarãreti gãjerã ãna sãtoni ñia rotirã yirãji ãna. Ito yicõri jacu mesa gãjerã ãna sãtoni ãna rãre ñia rotirã yirãji. Ito yicõri ãna rãju ãnare ti junisinicõri gãjerãre sãa rotirã yirãji ãna. ²²Yu ocare mua goti ucujare, masa jeyaro muare ti tudirã yirãji. Noa yure jidicãmenati jeame ãjuroju ãna waborere ãnare, masogu yiguji Dios. ²³Cutoju mua tõbujaroca ãna yija, gaje cutoju rudi waja. Riti muare gotia yu. Jeyaro Israel sita gãna cãtori mua wa ucu jeoroto riojuju, yu Masa Rãjoru ejagu yiguja yu, yiqui Jesús guare.

²⁴Sigũ riasotiri masu ãre riasoru rãto busaro masigũ mami. Ito yicõri sigũ moari masu i ɕju rãtogũ mami. ²⁵Sigũ riasotiri masu ãre riasorure bajiroti yija quena. Ito yicõri moa ãsiri masu i ɕjure bajiroti yija quena. Yu mua ɕjure Beelzebú ãna wame yi tudija, yu ñarã mua ñajare buto busa muare busiturã yirãji ãna, yiqui Jesús guare.

Diore mani gũija quena, Jesús i yire gaye
(Lc 12.2-7)

²⁶Ito bajiro ãna busitubojarocati ãnare gũibeja mua. Ñejua yeyo busire ma Dios i tiro riojo. Ñejua masa ãna yeyo masirise ma. Jeyaro ti masiguji Dios. ²⁷Masa jeyaro tuobeto yu muare gotirise jeyaro masa ãna tuotoni goti batoba mua. Muare yu yeyo gotirisere masare jimiojucõri ãnare gotiba. ²⁸Mua ya rujure sãarãre gũibeja mua. Mua ya usijure sãa masimenaji ãna. Diore mua gũija quena. I ñami mua ya rujure sãacõri mua ya usire jeame ãjuroju cõa masigũ. ãre mua gũija quena, yiqui Jesús guare.

²⁹Minia jãarãcã waja niyeru cotiacã senirãji ãna. Waja mana ãna ñabojarocati ãna quedu godaja ti masiguji mani Jacu. ³⁰Manire cuni queno tirũnãmi Dios. Mani ya rijoga joa co joa ruyabeto cõia masiguji Dios. ³¹Ito bajiri tuoia oca jaibitiruja manire. Minia rãtoro ñasarã ña mani Dios i tija, yiqui Jesús guare.

“Jesure masigũ ña yu”, mua yi bojobeja quena, Jesús i yire gaye
(Lc 12.8-9)

³²Masa tiro riojo, “Jesure tuorũnã ña gũ”, yirãreama yu cuni yu Jacu ãmacãju gagure, “ãna ñama yu ñarã”, yi masigũ yiguja yu. ³³Ito bajibojarocati masa tiro riojo, “Jesure masibeja yu”, ãna yija, yu cuni yu Jacu ãmacãju gagure, “Yu ñarã meje ñama ãna”, yi masigũ yiguja yu, yiqui Jesús guare.

Yure mua tuorũnãja ticõri, muare ti junisinirã yirãji, Jesús i yire gaye
(Lc 12.51-53; 14.26-27)

³⁴“Sigũre bajiro tuoicãcõri masa ãna queno wanu quenatoni wadiñi Jesús”, yi tuoãbesa mua. Ñãaro yi ãmorã yu oca tuomenati junisinirã yirãji masa. ³⁵Sigũ yure i tuorũnãja i jacãna ãre tudigu yiguji. Ito yicõri sigõ yure iso tuorũnãja iso jacojuã isore tudigo yigõji. Ito yicõri sigõ yure iso tuorũnãja iso mañicõ isore tudigo yigõji. ³⁶Ito bajiri sigũ yure tuorũnãgũ i ñajare, i ñarã ñabojarãti ãre ti tudirã yirãji ãna. Ito yicõri ãna ñarã yirãji i wajana, yiqui Jesús guare.

³⁷No i jacore i jacure yure rãto busaro maigũ, yu yagu ñado mami ãocã. No i macore i macure yure rãto busaro maigũ yu yagu ñado mami ãocã. ³⁸“Jesure yu sãyaja yucãtãju yure jaju sãarã yirãji”, yi tuoia gũigu, yu yagu ñado mami ãocã. ³⁹No i catirise maibojaguti godagu yiguji. Ito bajibojarocati yure tuorũnãgũ, yu oca i gotija tuo junisinicõri ãna sãagũama catitãnãre gaye bujagu yiguji, yiqui Jesús guare.

Dios tu waja bujare gaye
(Mr 9.41)

⁴⁰ 'No muare boca amirāti yure cūni boca amirā yirāji ina. Ito yicōri no yure boca amirāti yure cōarure cūni boca amirā yirāji ina. ⁴¹ No, "Diore goti isiri masu nāmi", yi masicōri ire boca amirā Dios tu ī bɔjado bajiroti waja bɔjarā yirāji ina cūni. No, "Queno yigu nāmi", yi masicōri ire boca amirā, Dios tu ī bɔjado bajiroti waja bɔjarā yirāji ina cūni. ⁴² Riti muare gotia yu. No yure suyare nāsarā meje ina nabojarocati inare boca amicōri inare ina ide ioja, waja bɔjarā yirāji inaōna. "Jesure suyagu nāmi", yi masicōri ire ina boca amija, waja bɔjarā yirāji inaōna, yiquī Jesús guare.

11

"Jesure titēna", Juan idé guri masu ī yi nūcare gaye
(Lc 7.18-35)

¹ Gna ī rāca riasotirā jua gubojeno nārāre ito bajiro riaso rotiquī Jesús. Ito bajiro ī goti tōja bero iti sita cūtori masare riaso ucurā wacu gna, Jesure suyare.

² Iti rumu masare idé guri masu Juan tubiara wiju nāni. Itoju ī nāroca Jesús ī masare riaso ucure, ito yicōri tiyamani ī iore gaye oca ejayiju ire. Ito bajiro Jesure ina seniātōni ī rāca riasotirā jūarāre cōāni Juan. ³ Gna tu ejacōri ado bajiro Jesure seniācā ina:

—¿Muti nati Cristo Dios ī cōaru? Gāji mu nājama, ¿gājijuare bocatirātite gna? yi seniācā ina Jesure.

⁴ Ina ito yija tuocōri:

—Wasa, Juan tu tūdi wasa. Ī tu ejacōri mua tigure, mua tuogore cūni gotiba ire. ⁵ Ado bajiro ire mua gotire āmoa yu: "Timena cūni ticoa. Wamena cūni wacoa. Rujū cami jogarā cūni cami yaticoā. Tuomena cūni tuocoama. Godana cūni tūdi caticoama. Ito yicōri bojoro bɔjarā cūni Dios oca quenarise gaye tuo, baji nāni ina Jesús ī masirise ī iōjare", yi gotiba, Juan tu mua ejaja. ⁶ No yure tuorūnugū ī jidicābeja wanu quenagū yiguīji, yiquī Jesús inare.

⁷ Ina waja bero Juan idé guri masu gaye masare gotisūoquī Jesús:

—¿Yucu manojū warā nīmure tuoīa wacati mua? ¿Sīgū ūmugū mino iti waja, ū rūgōgūre tuoīa wacatite mua? ⁸ Iocūre mua tuoīa wabeja, ¿nari masa ya yutabujuri sānagūre tuoīa wacatite mua? "Quenarise yutabujuri sānārā nācā ina ɔjarā tu nārā", yi masia mani. ⁹ ¿Nimujuare tuoīa wasacati mua? ¿Diore goti isiri masure tuoīa wacatite mua? Riti muare gotia yu. Gājerā Diore goti isiri masa rētoro nāgūre tiyija mua. ¹⁰ Dios oca tutiju Juan idé guri masu gaye ado bajiro gotia:

Mu riojua oca goti yuri masu cōagū yiguja yu. Īti nāmi mu ejaroto riojua queno yuri masu, yi gotia Dios oca tuti.

¹¹ Riti muare gotia yu. Nijua gāji masu, masa jeyaro wato Juan idé guri masure bajiro nāsagu maquīji. Ito bajibojarocati Dios ī rotiroju nāsarā meje nabojarocati ina ejaja Juan rēto busaro nāsari masa nārā yirāji ina, yiquī Jesús masare.

¹² 'Cajero Juan ī riasosurocaju, ito yicōri adi rumuriju cūni jājarā nāma Dios ī rotiroju sāja amorā. Jājarā naboja ina nēnaro yirise jidicāmenati jore sāja āmobjarā. ¹³ Juan ī ejaroto riojua, "Ire tuorūnūrāre ī rotiroju miojugū yiguīji Dios", yi tuoīa yurā busiñi Diore goti isiri masa. Dios rotirise ucari masu Moisés nāyoru cūni ito bajiroti busiñi. ¹⁴ "Diore goti isiri masu Elías wame cūtigū goāiogū yiguīji", yi goti yuyjarā ina. "Juana suoriti goāioami ina tuoīa yuru", mua yi tuoīaja quena. ¹⁵ "Gāmo goje cūtirā tuoīa mua", yiquī Jesús masare.

¹⁶ '¿Nena cōīacōri no bajiro bajiatibe adi rumuri gāna masa, yi cōīagūtibe yu? Rīaca cūto gudareco ina baba rāca aje rujicōri busi rujirāre bajiro bajiamā ina. ¹⁷ "Seru jutia gna. Ito bajibojarocati borobea mua. Bojori bɔjare basa gna sēabojaja otibea mua", rīaca yi ajerā robo bajiro bajirā nāma adi rumuri gāna. ¹⁸ Ito bajiro ya mua cūni. Mua āmoro bajiro gāji ī yibeja, junisia mua. Juan ī ejaja ticōri, jeyaro ī babeja, uyé ide ī idibeja ticōri, "Rūmū sānarū nāmi āni", yicu mua. ¹⁹ Ī bero ejacu yu, Masa Rījoru. Yu baja, yu idija ticōri, "Jairo bagu nāmi ī. Ito yicōri idiri masu nāmi. Nēnaro yiri masa baba nāmi āni. ɔjarāre yiari waja seni isiri masa baba nāmi ī", yicu mua yure. Ito bajiro mua

yibojarocati Dios masirise m̄ua t̄uo masi āmoja, ĩre masirāre ĩna yigore ticōri t̄uo masirā yirāji m̄ua, yiquĩ Jesús masare.

C̄utori gāna riojo c̄udimena oca
(Lc 10.13-15)

²⁰ Ito bajiro ĩ yija bero tiyamani ĩ ĩora c̄utori gānare t̄uoĩacōri ĩnare tudis̄uoquĩ Jesús. Ñeñaro yirisere ĩna jidicābejare ito bajiro ĩnare tudiquĩ Jesús:

²¹ —Bujato bujarā yirāji m̄ua Corazín gāna. Bujato bujarā yirāji m̄ua Betsaida gāna c̄uni. Tiro c̄uto gāna ito yicōri Sidón c̄uto gānare c̄uni m̄uare tiyamani ȳu ĩocato bajiro ĩnare ȳu ĩoja iti r̄um̄uj̄u ĩna ñeñaro yirisere t̄uoĩa bojori bujacōri jidicāboana ĩna. “Ḡua ñeñaro yirise jidicā ḡua”, yirona yutabuju bojori baju s̄añaboana ĩna. Ito yicōri, “Bojori buja ḡua”, yirona ĩna ya rijogaj̄u ōja jeoboana ĩna. ²² Riti m̄uare gotia ȳu. Ñeñaro yirisere m̄ua jidicābeja, Dios ĩ waja seniri r̄um̄u Sidón gāna, Tiro gāna r̄eto busaro ñeñaro t̄ōbujarā yirāji m̄ua. ²³ M̄ua Capernaum gāna, “Ūmac̄uj̄u Dios ĩ ñaroȳu ejacoana mani”, yi t̄uoĩaboj̄a m̄ua. Ejamenaji m̄ua. Jubeju godana tuj̄u jeame ūjuroj̄u ejarā yirāji m̄ua. Sodoma gānare tiyamani ȳu m̄uare ĩocato robo bajiro ȳu ĩnare ĩoja, ĩna ñeñaro yirisere jidicāboana ĩna. Ito bajiri adi r̄um̄urij̄u c̄uni ñaboadoja ĩna c̄uto maji. Tiyamani ȳu m̄uare ĩobojarocati ñeñaro m̄ua yirise jidicā āmobeja m̄ua. ²⁴ Riti m̄uare gotia ȳu, Dios ĩ waja seniri r̄um̄u Sodoma gāna r̄eto busaro ñeñaro t̄ōbujarā yirāji m̄ua, yiquĩ Jesús masare.

Ȳure m̄ua s̄uyaja tujacāre gaye bujarā yirāji m̄ua, Jesús ĩ yire gaye
(Lc 10.21-22)

²⁵ Iti r̄um̄uri Diore ado bajiro busiquĩ Jesús:

—C̄una, ūmac̄uj̄u gaḡu Ūju ña m̄u. Adi tuti gaḡu c̄uni Ūju ña m̄u. M̄ure r̄uc̄ub̄uoja ȳu. Ȳu riasorise ñasari masa, b̄uto t̄uo masirāre c̄uni ĩna masibitiroca ya m̄u. Ito yicōri ȳu riasorise b̄uto ñasari masa meje, b̄uto t̄uo masimenare c̄uni ĩna t̄uo masiroca ya m̄u. Ito bajiri m̄ure r̄uc̄ub̄uoja ȳu. ²⁶ Ito bajiro ya C̄una m̄u, m̄u āmoro robo bajiro yiḡu, yiquĩ Jesús Diore.

²⁷ Jeyaro ȳu yirise, ȳu ĩogorise c̄uni ȳu yi masiroca yami ȳu Jac̄u. Ȳu Jac̄u s̄īḡūti ȳure masiami. Ḡajerāma ȳure masibeama. Ȳu s̄īḡūti ȳu Jac̄ure ti masia. Ḡajerāma ĩre ti masimenaji. ĩre masitoni ȳu gotirā riti ȳu Jac̄ure masirāji ĩna. ²⁸ Moare bogarā, r̄uc̄urise āmiboja bogarāre bajiro bajirā ña m̄ua ȳu tija. Ito bajiri ȳure t̄uorā waya. M̄uare tujacā rotiḡu yiḡuja ȳu. Ito yicōri ȳure m̄ua t̄uor̄un̄uja m̄ua t̄uoĩa oca s̄eoroca yiḡu yiḡuja ȳu. ²⁹ Ȳu rotiro robo bajiro c̄udija m̄ua. Ito yicōri ȳu gaye riasoya. Masare ti maiḡū ñari s̄oro m̄uare rotibic̄uja ȳu. Ūsirioro yiḡu meje ña ȳu. Ito bajiri ȳu rotiro robo bajiro m̄ua c̄udija ticōri, m̄ua tujacāroca yiḡu yiḡuja ȳu. Ito yicōri m̄ua ya ūsij̄u sajari oca c̄utiro yiroja m̄uare. ³⁰ Ȳu m̄uare rotirise josari meje ña. Ito bajiri ȳu gaye m̄ua c̄udija bojori bujamenati queno wan̄u quenarā yirāji m̄ua. R̄uc̄ub̄uiti ūmarā bajiro wan̄u quenarā yirāji m̄ua, yiquĩ Jesús masare.

12

Jesús rāca riasotirā trigo ajeri beja āmicōri ĩna bare gaye
(Mr 2.23-28; Lc 6.1-5)

¹ Iti r̄um̄uri tujacāra r̄um̄u ñaroca ote wato wac̄u ḡua Jesús rāca. Ḡua ĩ rāca riasotirā ñiocōc̄u. Ito bajiri trigo ajeri beja āmicōri bac̄u ḡua. ² Iti ḡua baja ticōri, fariseo gaye t̄uoĩarā ado bajiro yicā Jesure:

—Tite. M̄u rāca riasotirā tujacāra r̄um̄u moare gaye mejeti moama ĩna, yicā ĩna Jesure.

³ Ito bajiro ĩna yija t̄uocōri, ado bajiro c̄udiquĩ Jesús:

—Co r̄um̄u David ñayor̄u ĩ rāca gāna ñiocō wana ĩna yigore, ¿Dios oca tuti tiābiticati m̄ua? ⁴ Ñiocō wana ñari Dios ya wij̄u s̄ajacōri, ĩre r̄uc̄ub̄uorā ḡajerā ĩna c̄ure naju bayijarā ĩna. Paia mesa riti ĩna baroti ñabojayij̄u iti. David mesa ĩna baroti meje ñabojayij̄u. ⁵ “Paia mesa tujacāra r̄um̄u Dios ya wij̄u ĩna tujacābeja ñeñaro yirā meje yiana ĩna”, yi Moisés ñayor̄u ĩ ucare gaye, ¿tiābiticati m̄ua? ⁶ Riti m̄uare gotia ȳu. Dios ya wi r̄eto busaro

ñasagu ña yu. ⁷ Dios oca tuti gaye queno tuoña masibea mua. Ado bajiro gotia iti: “Masa gãjerãre queno ti maija quena yure. No yibea ecaru sãacõri yure ñna soe ñsija”, yi gotia Dios oca. Itire mua tuoña masija, gãjerãre ti maicõri, “Ïnare seti ñna”, yibitiboana mua. ⁸ Masa Rïjoru, Dios ï cõru ña yu. Ito bajiri tujacãra rumu gaye yu rotiroti cuni cõquï Dios yure, yiquï Jesús masare.

Åmo digarure Jesús ï yisioire gaye

(*Mr 3.1-6; Lc 6.6-11*)

⁹ Ito yija bero judio masa minijuari wiju wacõri sãjacu gna Jesús rãca. ¹⁰ Iti wiju ñaquï sïgũ co daja åmo digaru. “Jesure seti ñna”, yirona fariseo gaye tuoñarã ado bajiro Jesure seniñacã ñna:

—¿Moisés ñayoru reobisijari tujacãra rumu cõrãre yisioire gaye? yi seniñacã ñna Jesure.

¹¹ Ñna ito yija tuocõri:

—¿Sïgũ mua ya ecaru ï rujaraju ï quedi roaja åmirã wamenajida mua? Tujacãra rumu ñabojarcoti mua ya ecaru ï quedi roaja ïre åmirã warãji mua. ¹² Ecaru rëto busaro ñasagu ñami masu. Ito bajiri tujacãra rumu cuni gãjire mani ejabuaja quena, yiquï Jesús fariseo gaye tuoñarãre.

¹³ Ito yija åmo digagure ado bajiro yiquï Jesús:

—Mu ya åmo ñujoya ïja.

Ïñucõarocati jajacoacu ïja, gaje daja ricare bajiroti. ¹⁴ Ito ï yija ticõri, budi wacã fariseo gaye tuoñarã. “¿No bajiro yicõri Jesure sïarujati mani?” yi tuoña busiri seyocã ñna.

Ado bajiro ñagũ yiguïji Jesús, yi tuoña yure gaye

¹⁵ Ito bajiro ñna tuoñaja, tuo masicõri gajerojua waquï Jesús mucana. Gna cuni ï rãca wacu. Jesús ï waja ticõri, jãjarã masa suya wacã gna rãca. Ito ï waroju ñajediro masa cõrãre yisioquï Jesús. ¹⁶ Ito yicõri, “Åniti gnare yisioquï”, yibeja mua, yiquï ï ñnare. ¹⁷ Isaías ñayoru Diore goti ñsiri masu ï goticãdo bajiroti rëtacu iti. Ado bajiro goti ucayoñi Isaías ñayoru:

¹⁸ Åni ñami yure moa ñsiri masu yure cudigu. Ïre besecu yu. Ïre maia yu, ito yicõri ïre wanua yu. Yu ya usi ïre queo sãgũ yiguja yu. “Masa ñna ñeñaro yirise waja senigũ yiguïji Dios”, yi masare goti batogu yiguïji ï.

¹⁹ Masare oca josabicu yiguïji ï. Ito yicõri masare ma gudareco eja rãgũcõri awasã gotibicu yiguïji ï.

²⁰ Yure queno tuorõnusamenare cuni ñnare cõabicu yiguïji. Yure queno tuorõnusamenare ñnare ejabuagu yiguïji ï, yure ñna queno tuorõnutoni. Ito bajiro ñagũ yiguïji ï, masa jeyarore yu ti beseri rumu iti ejarocaju.

²¹ “Ïti ñami masare masorocu Dios ï cõaru”, yi tuoña wanu yurã yirãji masa jeyaro, yi gotia Dios oca tuti, yiquï Jesús fariseo gaye tuoñarãre.

Rõmúa ujru rotirise boca åmicõri yami Jesús, ñna yire gaye

(*Mr 3.20-30; Lc 11.14-23; 12.10*)

²² Ito yija bero sïgũre Jesús tu åmi ejacã ñna. Ï ñaquï tibicu, busibicu cuni. Rõmúa sãñagũ ñari ito bajiro ñabojaquï ï. Ïre yisioquï Jesús. Ito bajiri tibicu ñabojaru tiquï ïja. Ito yicõri busibicu ñabojaru busicoaquï ïja. ²³ Itire ticõri masa jeyaro ucacã:

—¿David ñayoru janerãbatia janamiti ñati åni? yi tuoñacã masa.

²⁴ Ito bajiro masa ñna yija tuocõri, ado bajiro yicã fariseo gaye tuoñarã:

—Rõmúare ï bucõaja rõmúa ujru Beelzebú wame cutigu ï masirisena rõmúare bucõami ï, yicã ñna.

²⁵ Ito bajiro ñna yi tuoñarise ti masicõri ado bajiro yiquï Jesús ñnare:

—Cutori gãna ujarã gãmeri ñna junisiniya queno cuto ña rujeabetoja. Co cuto gãna, co wi gãna cuni ñna gãmeri junisiniya, queno ña masimenaji ñna. ²⁶ Ito bajiroti rõmúa ujru rõmúare ï bucõaja queno ñna masibiquïji ï. Ito bajiro ï yija queno roti masibiquïji ïja. ²⁷ “Beelzebú wame cutigu ï ejabuarisena rõmúare bucõami ï”, yiboja mua yure. Ito bajiro mua yure yi tuoñabojaja, “Rõmú ï ejabuarise rãca bucõama gna rãca gãna”, yirãre

bajiro ya mua. “Tuoia wisarā ya gua”, yi tuoiaruja muare. ²⁸ Rūmūre yu bucōaja Espiritu Santona suoriti bucōa yu. Ito bajiro yu yija, “Diore tuorūnūrāre ī miojuri rumu eja waju ija”, yi masirā yirāji mua, yiqui Jesús īnare.

²⁹ Sīgū gāji sēogū ya wi sājacōri īre siabicuti gajeoni ēma masibiquīji ī. Īre ī siaja beroju gajeoni ēma masiguīji ī. Rūmūa uju rētoro masigū űa yu. Ito bajiri rūmūare bucōa yu, yiqui Jesús fariseo gaye tuoiarāre.

³⁰ Yu robo bajiro tuoiamena yure tuo terā űama īnaōna. Yure ejabuabicu yure űeņaro yami iocū, yiqui Jesús īnare.

³¹ Riti muare gotia yu. Masa īna űeņaro yija, ito yicōri űeņaro īna busija cūni, īnare ācabojo masiguīji Dios. Espiritu Santore īna busituja, itireama īnare ācabojo masibiquīji Dios. ³² Yu űa Masa Rījoru. No yure ī busituja, iocūre ācabojo masiguīji Dios. Ito bajibjarocati, no Espiritu Santore ī busituja itireama īre ācabojo masibicu yiguīji Dios. Adi tutire űmacūju Dios ī űarōju cūni ācabojo masibicu yiguīji Dios, Espiritu Santore masa īna busituja, yiqui Jesús fariseo gaye tuoiarāre.

Ricana suoriti yucugure ti masia mani, yi Jesús ī riasore gaye

(Lc 6.43-45)

³³ Yucugū quenaricu iti űaja, quenarise rica cutiro yiroja. Yucugū űeņaricu iti űaja, űeņarise rica cutiroja. Ricaju ticōri, “Adigu űa quenarise rica cutiricu, adigu űa űeņarise rica cutiricu”, yi ti masia mani. ³⁴ űeņaro busirā mua űajare āņa juniro bajiro bajia mua ya rise. űeņaro riti yirā űari quenarise busi masimenaji mua. Mani ya űsi iti tuoaro bajiroti busia mani. ³⁵ Sīgū queno yigu quenarise busigu yiguīji, ī ya űsi iti tuoaro bajiroti. Ito yicōri űeņaro yigu, ī ya űsi űeņaro iti tuoaro bajiroti űeņarise busigu yiguīji ī. ³⁶ Riti muare gotia yu. Dios ī waja seniri rumu rocati mani busiado bajiroti manire waja senigū yiguīji. ³⁷ Mani busi wado bajiroti waja senigū yiguīji Dios. Queno yirā mani űaja, “Queno yirā űama īna”, yigu yiguīji Dios manire. Ito yicōri űeņaro yirāreama, “Seti cutirā űama”, yigu yiguīji Dios, yiqui Jesús fariseo gaye tuoiarāre.

Tiyamani mu iore āmoa gua, yi īna senire gaye

(Mr 8.12; Lc 11.29-32)

³⁸ Ito ī yija bero, ado bajiro seniācā fariseo gaye tuoiarā, ito yicōri judio masa rotirise riasori masa cūni:

—Riasori masu, tiyamani mu iore āmoa gua, yicā īna Jesure.

³⁹ Ito yija ado bajiro īnare cudiqui Jesús:

—űeņaro yirā ito yicōri yure tuorūnūmena cūni, tiyamani yu iore āmoama īna. Ito īna yibjarocati īnare ioado ma yu. Jonās űayoru Diore goti īsiri masu īre rētare gaye riti īnare goticūja yu. ⁴⁰ Ado bajiro rētayiju Jonāsre: űdia rumu, űdia űami wai jaigu totiju űabojayiju. Ito bajiroti yu cūni Masa Rījoru űami űdia űami űmua űdia rumu űagū yiguja yu sita watoju. ⁴¹ Nīnive cuto űayoana Dios ī waja seniri rumu mucana tūdi catirā yirāji. Tūdi caticōri, “Muare seti űa”, yirā yirāji adi rumuri gānare. Nīnive cuto gāna űayoana Jonās űayoru Dios oca ī gotija tuocōri, űeņaro īna yirisere jidicāyijarā īna. Ito yicōri mama űsi wasoayijarā īna. Jonās űayorure īna tuorūnūjare, tūdi caticōri, “Muare seti űa”, yirā yirāji īna adi rumuri gānare. Yu ado mua rāca űagū Jonās űayoru rēto busaro űasagu űa yu. Ito bajibjarocati yure tuorūnūbea mua. ⁴² Rocaju gago űjo űayoro Dios ī waja seniri rumu mucana tūdi caticoago yigōji iso. Mucana tūdi caticōri adi rumuri gānare, “Muare seti űa”, yigo yigōji iso. “Salomón queno masigū űayiju”, yija tuocōri, sōju gago wadicōri ī tu ejayijo iso. Ito bajiri adi rumuri gānare, “Muare seti űa”, yigo yigōji iso. Yu ado mua rāca űagū Salomón rēto busaro űasagu űa yu. Ito bajibjarocati yure tuorūnūbea mua, yiqui Jesús fariseo gaye tuoiarāre.

Masure budigocōri mucana tūdi rūmū ī sājare gaye

(Lc 11.24-26)

⁴³ Rūmū sīgure ī budija, ide manōju tuja āmogū āma ucuguīji. Ī bujabeja ado bajiro tuoāgū yiguīji: ⁴⁴ “Yu budigadoju tūdi warūja yure”, yi tuoāguīji. Ī budigore mucana

tudi i ejaja, queno wi ueri mani wi, queno carari wi robo bajiro ti ejaɣu yiguŋi. ⁴⁵ Ito bajiro ire ti ejacōri jua āmojeno rūmāa i rēto busaro ñeñaro yirāre āmi ejaɣu yiguŋi i. Ito yicōri ina ñarocōti ūmugūre sājarā yirāji ina. Ito bajiro ina sājajare buto busa ñeñaro yigū ñagū yiguŋi ūmugū ija. Ito bajiroti rētarō yiroja adi rāmuri gāna ñeñaro yirāre cūni, yiqui Jesús fariseo gaye tūoīarāre.

Jesús i ñarā ado bajiro bajiamā, yire gaye

(Mr 3.31-35; Lc 8.19-21)

⁴⁶ Jesús masare i busiroca riti i jaco i ocabaji mesa rāca macūju eja rūgūcā ina. Jesure busirona ire ji bucōbojacā ina. ⁴⁷ Sīgū ire jigū ado bajiro yiqui i Jesure:

—Mū jaco, mū ocabaji mesa rāca ado macūju ñama. Mū rāca busi āmoama ina, yiqui i Jesure.

⁴⁸ Ito i yijare ado bajiro cūdiqū Jesús:

—¿Ñimo ñati yū jaco, ito yicōri noa ñati yū ocabajirā? yiqui Jesús ire.

⁴⁹ Ito yija gua i rāca riasotirāre ticōri:

—Āna ñama yū ñarā, ito yicōri yū jacore bajiro bajirā. ⁵⁰ Noa yū Jacu ūmacūju gagū i rotiro bajiro yirā, ina ñama yū ocabajirāre bajiro bajirā, ito yicōri yū jacore bajiro bajirā, yiqui Jesús ire.

13

Oteri masu gaye Jesús i goti masiore oca gaye

(Mr 4.1-9; Lc 8.4-8)

¹ Iti rāmūti wire budi wacōri, itajura tūnima rujicu gua Jesús rāca. Ito bajiro yicōri masare riasoquī Jesús. ² Masa jājarā busa ina minijua wadija ticōri, cumaju sājacōri rujiquī Jesús. Masa minijuacāna jajūju riti tujacā ina. ³ Ito yija goti masiore ocana masare riasoquī Jesús.

Ado bajiro riasoquī i:

—Sīgū wesecaju i ya ote ajeri otegu wayiju i. ⁴ Weseca ejacōri iti ajerire i wējabateroca, gaje ajeri maju quedi queayiju. Ito bajiri minia ejacōri itire ba batecōyijarā. ⁵⁻⁶ Ito yicōri gaje ajeri gūta watoju quedi queayiju. Queno sita mañiju. Ito bajiri judiboja, yoari mejeti siniacoayiju iti ūmacāni jeana, sita jōrecōri. Ito yicōri ñemari iti manijare siniacoayiju iti. ⁷ Ito yicōri gaje ajeri jota watoju quedi yiju. Ito bajiri jota mari itire dūrea sīacōyiju. ⁸ Gaje ajeriana sita quenaro quedi queayiju. Iti judi mūjacōri queno rica cūtiyiju. Coria sarari cien ñari ajeri rica cūtiyiju. Gaje sarari setenta ñaricari, gaje sarari treinta ñaricari rica cūtiyiju. ⁹ Mūa gāmo goje cūtija, yū busirisere tūo masiña mūa, yiqui Jesús masare.

¿No yija goti masiore ocana masare riasoati mū? ina yi seniāre gaye

(Mr 4.10-12; Lc 8.9-10)

¹⁰ Ito bajiro Jesús i yija tūocōri, ado bajiro seniācu gua i rāca riasotirā:

—¿No yija goti masiore ocana masare riasoati mū? yicu gua ire.

¹¹ Ado bajiro guare cūdiqū i:

—“Ire tūorūnūrāre i rotiroju miojugū yiguŋi Dios”, yi gājerā ina tūoīabitire mūa masiroca yami i. Gājerāreama ina masiroca yibeami Dios. ¹² No ire tūorūnūgūre jai busaro tūo masire gaye jidicāgū yiguŋi Dios ire. Ito bajiri jai busaro masigū yiguŋi i. No ire tūorūnūbicure jabetacā i tūoīabojarisere ēmacōgū yiguŋi Dios ire. Ito bajiri ñe tūoīare mano tujagu yiguŋi i. ¹³ Ito bajiri masare tūo masire ocana inare riasoa yū. Tibojarāti timenare bajiro ñama ina. Ito yicōri tūobojarāti tūomenare bajiro ñama ina. Ito bajiri Dios ocare tūobojarāti, “Ito bajiro yireoni ñaroja iti”, yi tūoīa masibeama ina. ¹⁴ Ito bajiro ina bajija Diore goti isiri masu Isaiás ñayoru i gotiado bajiroti rēta. Dios oca gotigu ado bajiro ucayoñi Isaiás ñayoru:

Yūre tūobojarāti itire tūo masimena yirāji mūa. Tibojarāti, “Ito baja”, yi masimena yirāji mūa.

¹⁵ Adocāta gāna yū tūoīaro bajiro ina ya usina yūre tūoīa āmobeama ina. Tūobojarāti ñeñaro tūo godō weorāji. Ito yicōri tibojarāti bibicāna bajiro bajiamā ina. Yū

ĩbojorise ti ãmobeama. ĩna ya gãmo gojena tuo ãmobeama ĩna. ĩna ya usina tuo masi ãmobeama ĩna. Ito yicõri yure yisio rotirã ejamena yirãji ĩna, yi gotiami Dios, yi ucayoĩi Isaiás ñayoru, yiquĩ Jesús guare.

¹⁶ Queno wanurã ña mua. Yure ticõri ti masia mua. Ito yicõri yure tuocõri tuo masia mua. ¹⁷ Riti muare gotia yu. Jãjarã Diore goti ĩsiri masa ñayoana, queno yirã ñagoana cuni mua tirisere ti ãmobjayijarã ĩna. Ito bajibojarocati tibisijarã ĩna. Mua tuorise cuni tuo ãmobjayijarã. Ito bajibojarocati itire tuobisijarã ĩna, yiquĩ Jesús guare.

Ado bajiro baja oteri masu ye, yi Jesús ĩ goti quenore gaye
(Mr 4.13-20; Lc 8.11-15)

¹⁸ “Oteri masu sīgũ ado bajiro bajiyijũ”, yirocu muare gotibũ yu. Ito bajiri adocãta muare goti rētoBUGU ya yu, mua queno tuo masitoni. Queno tuoYA mua. ¹⁹ “Īre tuorũnurãre ĩ rotirojũ miojugũ yiguĩji Dios”, yire gaye oca tuobojarãti, itire queno tuo masimenaji gãjerã. ĩna ñama ĩ otegu waroca majũ quedira ajeri robo bajiro bajirã. Dios oca tuobojarocati ĩna ãcabojaroca yami rũmũ. ²⁰ Coriarã Dios oca tuocõri queno wanure rãca boca ãmibojarãti yoari mejeti jidicãrãji ĩnaõna. ĩna ñama gũta watojũ sita jõreroacã quedira ajeri robo bajiro bajirã. ²¹ Queno Dios oca tuo ñiabiticõri, yoari mejeti jidicãrã yirãji ĩna. “Dios ocare yu tuorũnuja ticõri, yu tõbujaroca yama gãjerã. ¿No yija Dios ocare tuorũnuatibe yu?” yi tuoĩa bojori bujarã yirãji ĩna. Ito bajiri ĩ ocare jidicãrã yirãji ĩna. ²² Gãjerãma Dios oca tuo ñiabojarãti bũto adi sita gaye tuoĩa usirioama ĩnaõna. ĩna ñama jota wato quedira ajeri robo bajiro bajirã. Bũto gajeonire tuoĩa ãmosacõri queno Dios ocare tuo suyabeama ĩnaõna. Ito bajiri Dios ĩ ãmoro bajiro queno yi masimena yirãji ĩna, ito yicõri ĩre queno moa ĩsimenaji ĩna. ²³ Gãjerãma Dios oca tuocõri queno tuo ñiarã yirãji. ĩna ñama sita quenarisejũ quedira ajeri robo bajiro bajirã. Ito bajiri Dios ĩ ãmoro bajiro yirã yirãji ĩna. ĩna ñarã yirãji cien rica cutiri sara robo bajiro bajirã. Ito yicõri gãjerã sesenta rica cutiri sara robo bajiro bajirã, gãjerãma treinta rica cutiri sara robo bajiro bajirã yirãji ĩna, yiquĩ Jesús guare.

Ote quenarise wato ta widirise judire oca

²⁴ Mucana gaje goti masiore ocana masare gotiquĩ Jesús:

–“Īre tuorũnũmenare ruyuriogu yiguĩji Dios. Īre tuorũnurãre riti ĩ rotirojũ miojugũ yiguĩji”, yirocu goti masiore ocana masare gotiquĩ Jesús: “Īre tuorũnurãre ĩ rotirojũ miojugũ yiguĩji Dios”, yire oca masare mani riasoja, ado bajiro baja iti. Tuote mua. Sīgũ ĩ ya wesecajũ ĩ ya ote ajeri quenarise oteyijũ. ²⁵ ĩ oteja bero ĩ caniroca ĩ ya weseca ejacõri ta widirise oteyijũ ĩ wajacu. Ito yicõri wacoayijũ ĩ. ²⁶ Ito bajiri ote bucua mujã wato ta widirise cuni goayijũ. ²⁷ Ito bajija ticõri, ĩ ya moari masa ĩre gotirã wayijarã. ĩ tu ejacõri ado bajiro yiyijarã ĩna: “¿Gua ujũ ote quenarise riti otebojacati mu? ¿No yija ito bajibojarocati ta widirise wusari?” yiyijarã ĩna ujũre. ²⁸ Ito ĩna yijare: “Sīgũ yu wajacu oterũ”, yiyijũ ĩ ĩnare. Ito ĩ yijare: “¿Adocãta ta widirise gua wãjagore ãmoati mu?” yi seniĩayijarã ĩna ujũre. ²⁹ “Wãjabeja. Mua wãjaja, ote rãcati wãjarã yirãji mua. ³⁰ Adocãta ote rãca cocati bucũacõjaro maji. Iti rica cutiroca muare wãja roticũja yu maji. Ito yicõri itire soeja quenaroja. Ito bero rica ãmicõri rica cũadojũ muare seo roticũja yu”, yiyijũ oteri masu ĩ ya moari masare, yi riasoquĩ Jesús masare.

Ado bajiro baja mostaza ajeri, yi Jesús ĩ riasore gaye
(Mr 4.30-32; Lc 13.18-19)

³¹ Mucana gaje goti masiore ocana ado bajiro masare gotiquĩ Jesús:

–“Īre tuorũnurãre ĩ rotirojũ miojugũ yiguĩji Dios”, yire oca masare mani riasoja, ado bajiro baja iti. Tuote mua. Sīgũ ĩ ya weseca mostaza ajeri oteyijũ. ³² Gaje ote ajeri rētoro mutacã busa ña iti mostaza ajeri. Ito bajiro mutacã ñabojaroti bucua wato gaje ote yucuri rēto busaro jajocu ñaroja itigu. Jajocu itigu ñajare itigu rujurijũ minia jibũ menirãji ĩna. Itire bajiroti Dios mani Ujũ ĩ ñaja, gãjerãre goti ãmorãji mani, jãjarã busa ĩre masirã ĩna ñatoni, yi riasoquĩ Jesús masare.

Ado bajiro bajia naju wadarise uco, yi Jesús i riasore gaye
(Lc 13.20-21)

³³ Mucana gaje ado bajiro goti masiore ocana riasoquĩ Jesús:

—“Íre tuorũnurãre i rotiroju miojugu yiguĩji Dios”, yire oca masare mani riasoja, ado bajiro bajia iti. Tuote mua. Romio pan menigõ waco udia coacõ pan menire gaye amiyijo iso. Ito yicõri wadarise uco wuoyijo iso. Ito bajiri iso wuoya jairo wadayiju iti. Itire bajiroti bajiro yiroja, “Íre tuorũnurãre i rotiroju miojugu yiguĩji Dios”, masare mani yi riaso ucuja. Ito bajiri jãjarã busa ire tuorũnu warã yirãji ija, yi riasoquĩ Jesús masare.

Goti masiore ocana Jesús i riasore gaye
(Mr 4.33-34)

³⁴ Masare riasogu goti masiore ocana riti ñnare riasoquĩ Jesús. ³⁵ Ito bajiro masare i riasoja Diore goti isiri masu i goticãdo bajiroti rãtacu. Ado bajiro gotiyõni i:

Goti masiore ocana riti masare gotigu yiguĩji i. Ito yicõri adi macãrucũro rujeoroto riojua gaye masa ñna masibitire gotigu yiguĩji, yi ucañi Diore goti isiri masu ñayoru yure tuoia yugu, yiquĩ Jesús masare.

Ote quenarise wato ta widirise judire oca, Jesús i goti quenore gaye

³⁶ Ito bajiro masare yi goti tiocõri, “Waju”, yiquĩ Jesús. Ito bajiro yicõri wiju maja ejacõri sãja waquĩ Jesús. Wiju sãja ejacõri ado bajiro seniãacu gna i rãca riasotirã:

—Ta widirise gaye mu goti quenore amoa gna, yicu gna Jesure.

³⁷ Ito bajiro gna yija, ado bajiro guare gotiquĩ Jesús:

—Ote quenarise otegu yuti ña Masa Rĩjoru. ³⁸ I otero i ya weseca bajiro bajia ado mani ñarõju. Ote quenarisere bajiro bajirã ñnama masa Diore tuorũnurã. Ta ñenarisere bajiro bajirã ñnama masa rũmũ ñarã. ³⁹ Ta widirise ote rudiru iti ñnami rũmũ. Ote bucuariju ñna amireoniti ñna adi macãrucũro iti jediriju. Ote bucuaroca miorãõnati ñnama ángel mesa. ⁴⁰ Ta widirise amicõri ñna soeado bajiro bajia macãrucũro iti jediriju. ⁴¹ Yu ña Masa Rĩjoru. Ángel mesare cõagũ yigujã yu, ñajediro ñenarisere ñna besecõtoni. Ñenaro yirãre cuni besecõrã yirãji ñna, Dios i rotiroju ñna ejabe yirona. ⁴² Ñnare besecõri jeame ujuroju ñnare cõarã yirãji ñna. Ito jeame ujuroju ejacõri ñenaro tõbujarã yirãji. Ito bajiri oticõri buto tuoia oca jairã yirãji ñna. ⁴³ Dios i rotiro bajiro yirã mani Jacu i rotiroju ejacõri, umacañi busuro bajiro busu ñnarã yirãji ñna. Mua gãmo goje cutija, yu busirisere tuo masiña mua, yiquĩ Jesús guare.

Dios i rotiroju mua eja amõja ado bajiro tuoiaja quena, yi Jesús i riasore gaye

⁴⁴ “Dios i rotiroju mua eja amõja, ñenaro yirise jidicãcõri ire riti tuorũnurã yirãji mua”, yirocu ado bajiro riasoquĩ Jesús guare: Sĩgũ gãji ye buto waja cutirise sita watoju i yeyobojare bujayiju. Itire bujacõri mucana itijuti tãdi yeyocũ remoyiju i. Ito bajiri itire wanugũ, i gajeoni cutirise ñarocõti gãjerãre isi jeocõyiju i niyeru bujarocu. Iti niyeru bujacõri iti sita ujure waja yirocu yiyiju i. “Sita bujacõri sita wato yeyore cuni bujagu yigujã yu”, yirocu iti sita ujure waja yiyiju i. Dios gaye quenarise mua buja amõsaja, ire riti tuorũnurã yirãji mua, yi riasoquĩ Jesús guare.

Dios ye quenarise mua amõja ire riti tuorũnu suyaja quena, yi Jesús i riasore gaye

⁴⁵ “Dios i rotiroju mua eja amõja, ñenaro yirise jidicãcõri ire riti tuorũnurã yirãji mua”, yirocu ado bajiro riasoquĩ Jesús guare: Sĩgũ ñaque buto waja cutirisere amagũ ñayiju. Iti ñaque perla wame cutirise ñayiju. ⁴⁶ Iti ñaquere buto amoyiju i. Ito bajiri, i gajeoni cutirise ñarocõti isi jeocõyiju i, gãjerãre niyeru bujarocu. Ito yicõri iti ñaquere amõsacõri waja yirocu yiyiju i. Dios gaye quenarise mua buja amõja, ire riti tuorũnu suyaja quena, yi riasoquĩ Jesús guare.

Wai quenarãre ado bajiro beseama wai jori masa, yi Jesús i gotire gaye

⁴⁷ “Ado bajiro bajia Dios rotiroju ire tuorũnurãre i miojuri ramu”, yirocu guare riasoquĩ Jesús: Gãjerã wai wayari masa yorigu cõacõri wai jeyarore amiyijarã ñna. ⁴⁸ Jãjarã wai bujacõri jajuju ñnare mocũyijarã ñna. Jajuju ñnare mocũcõri ñnare beseyijarã ñna.

Quenaräre jibujm miosäyijarã ina. Gãjerã ñeñaräreama cõa roacõyijarã ina. ⁴⁹ Ito bajiroti bajiro yiroja macãrucãro iti jediri rumm. Ángel mesa quenaräre beserã yirãji ina. ⁵⁰ Besecõri ñeñaräreama jeame ñjurojm cõarã yirãji ina. Ito jeame ñjurojm ejacõri ñeñaro tõbujarã yirãji. Ito bajiri buto tuoia oticõri oca jairã yirãji ina, yiqui Jesús guare.

Bucm oca, mame oca Dios gaye bese masirã ña mma, yi Jesús i riasore gaye

⁵¹ Ito yija ado bajiro seniñaquã Jesús guare:

—¿Iti jeyaro mure ym gotirise tuo masicuati mma? yiqui Jesús.

—Tuo masia, yicm gma ire.

⁵² Gma ito bajiro yija, ado bajiro cudiqui i guare:

—Mma coriarã iti rumujm maji, bucãrã oca riasori masa ñayijarã. Adocãtama ym rãca riasotirã ña mma. “Íre tuorũnrãre i rotirojm miojugm yiguji Dios”, yire oca ym rãca riasoticõri jujaji masire gaye ña mure. Dios oca, buc mma tuogore cuni ña mure. Bucm oca, Dios oca mame cuni masia mma. Ito bajiri gajeoni seorajm buc gaye mame gaye cuni bese masirã bajiro bajirã ña mma, yiqui Jesús guare.

Nazaretjm Jesús i ware gaye

(Mr 6.1-6; Lc 4.16-30)

⁵³ Ito bajiro guare goti masiore ocana i gotija bero Jesús rãca wacm gma mncana.

⁵⁴ Wacõri i ya sita ejacm gma. Minijuara wijm ejacõri masare riasoqui Jesús. Queno i riasoja tuocõri, ucacã masa. Ire tuocõri ado bajiro yicã ina:

—¿Iti i riasorise nojm riasotiyijaribe ãni? ¿Ito yicõri no bajiro tiyamani gaye ioati?

⁵⁵ Adi sita gagm cumu jã moari masu macm ñami ãni. Ito yicõri María macuti ñami ãni. Santiago, José, Simón, Judas rijoruti ñami ãni. ⁵⁶ Ito yicõri i ñarã romia ado mani wato ñama ina. ¿No bajiro iti gaye masiati ãni? yicã ina i ya cuto gãna.

⁵⁷ Ina ya sita gaguti i ñajare queno ire tuorũnubiticã ina. Ado bajiro ñnare gotiqui Jesús:

—Dios oca goti isiri masure rucuburã yirãji masa. Ito bajibojarocati i ya sita gãna, i ya wi gãna cuni ire rucubumena yirãji, yiqui Jesús masare.

⁵⁸ I ya sita gãna ire ina queno tuorũnubejare, jaje tiyamani io jeobitiqui iti cãtore.

14

Juan idé guri masu i godare gaye

(Mr 6.14-29; Lc 9.7-9)

¹ Iti rumuriti Galilea gagm um, Herodes wame cutigm Jesús gaye oca tuoym. ² I rãca ñarãre ado bajiro yiyjm Herodes, Jesure tuoia wacm:

—Juan idé guri masuti ñaguji mncana. Godabojaguti tãdi catiguji. Ito bajiri tiyamani gaye ioguji i, yi tuoãbojayjm Herodes.

³⁻⁴ I Herodes i ocabaji Felipe manojore emayjm. Iso ñayijo Herodias wame cutigo. Ado bajiro yiyjm Juan Herodesre:

—Isore manajo cutibitiruja mre, yibojayjm Juan Herodesre. Ire tuo amobisjm i. Ito bajiri Juanre tubia rotiyjm Herodes. Ito yicõri come misina ire sia rotiyjm i.

⁵ Juanre sã amobojayjm Herodes. “Diore goti isiri masu ñami Juan”, masa ina yi rucubuoja tuocõri, guiyjm i. Ito bajiri Juanre sã rotibisjm Herodes. ⁶ Herodes i joeara rodo gãni bia ejayjm. Ito bajiri masare oca cõayjm i, ina basa titoni. Iti rumm rujarum Herodias maco masa riojo basayjo. Iso basaja ticõri, buto wanujjm Herodes. ⁷ Ito bajiri: “No amorise mã senija, yiro roboti mre jidicãcãja ym”, yiyjm Herodes isore. ⁸ Ito bajiro i yija tuocõri, “¿No bajiro amoati cana m?” yigo wayjo iso jacore. Jaco iso gotija tuocõri, ado bajiro yiyjo iso Herodesre:

—Juan idé guri masu ya rijoga jatacõri somotẽrojm jeocõri isina yure, yiyjo iso Herodesre.

⁹ Ito bajiro iso yija tuocõri, bojori bujayjm Herodes. Masa ina tuoro riojo, “Yiro bajiroti mre isicãja ym”, i yire ñajare, ito bajiroti rotiyjm i ya moari masare. ¹⁰ “Tubiarã wijm

Juanre rijoga jata ãmitēña”, yiyijũ Herodes ï ya moari masare. ¹¹ ï ya rijoga jata ãmicõri somotēroju jeocõri mamore ïsiyijarã ïna. Ito yicõri isoju jacore rēto ïsiyijo ïja.

¹² Iti oca tuocõri Juan rãca riasotiana masa ejayijarã. Ito yicõri ï ya rujũ ãmi wacõri yujeyijarã. Ito bajiro ïna yija bero Jesure gotirã gũa tu ejacã ïna.

Cinco mil ñarãre Jesús ï ecare gaye
(Mr 6.30-44; Lc 9.10-17; Jn 6.1-14)

¹³ Juan idé guri masare ïna sãare tuocõri bojori bujaquĩ Jesús. Ito bajiri cuma sãjacõri ricati waquĩ ï. Ito bajiro Jesús ï waja masicã masa. Gãjerã boejũna Jesure sũya wacã.

¹⁴ Majado ejacõri Jesús ï tija masa jãjarã ñayijarã. Ito bajiri ïnare ti maiyijũ ï. Cõrãre ïna ãmi ejaro bajiroti ïnare yisio ïsiyijũ Jesús. ¹⁵ Iti rãioja ticõri, gũa ï rãca riasotirã ï tujũna wacũ. ï tu ejacõri ado bajiro yicũ gũa:

—Ñamijũ ña ïja. Queno masa mama adoju. “Wasa”, yiya masare cutorijũ bare ïna waja yi masitoni, yibojacũ gũa Jesure.

¹⁶ —Itoju ware ma ïnare. Muati bare ecaya ïnare, yiquĩ Jesús guare.

¹⁷ —Bare ma guare. Naju riti co dũjamocõacã ña guare. Ito yicõri wai jũarãti ñama guare, yicũ gũa Jesure.

¹⁸ —Adojũa yũre ãmi waya maji, yiquĩ Jesús guare.

¹⁹ Itire boca ãmicõri ta quenarise joe masare ruji rotiquĩ Jesús. Ito yicõri naju co dũjamocõ ñarisere ito yicõri wai jũarã ñarãre ãmi rucoquĩ Jesús. Itire ruocõri ùmacũju ti mũoquĩ Jesús. Ito ti mũocõri, “Queno ya Cũna mũ”, yiquĩ ï. Itire igajea batocõri guare ïsiquĩ Jesús. Ito ï yija bero gũajũ masare batocũ ïja. ²⁰ Masa ñarocõti ba jedicã itire. Ito yicõri sīgũ ruyabeto yaji quenaro riti tujacã ïna. ïna ba ruarise jũa gũbojeno jibũri dajacũ gũa. ²¹ Gũa itire bagoana cinco mil ùmũa ñacũ gũa. Romiare ito yicõri rĩacare cuni cõĩabiticũ gũa.

Ide joe Jesús ï ware gaye
(Mr 6.45-52; Jn 6.16-21)

²² Cumajũ guare sãja rotiquĩ Jesús ï riojũna gũa jẽa watoni. Gũa waroca riti masare ware gotiñi Jesús. ²³ Masare ware goti tĩogũ turiaju mũja wañi Jesús. Itoju sīgũti mũja ejacõri ï Jacure busiñi ï. Rãio jedija bero itoju ï sīgũti ñañi Jesús maji. ²⁴ Itajura gudareco tujacũ gũa. Ito gũa tujaroca jacũtucũ guare, mino bũto iti wẽajare. ²⁵ Busu mũja wadiroca Jesús gũa tu ejaquĩ ide joena wadicõri. ²⁶ Ide joe ï wadija ucacũ gũa. Ito bajija ticõri:

—Wũjo cutiro ya, yi awasãcũ gũa.

²⁷ —Oca sēoña, gũibesa yũti ña, yiquĩ Jesús guare.

²⁸ Ito ï yija tuocõri, gũa rãca gagũ Pedro ado bajiro busiquĩ ïre:

—Yũ Hju, mũti mũ ñajama, ide joe yũ mũ tu waroca yiya yũre, yiquĩ Pedro Jesure.

²⁹ ï ito yijare:

—Wadite mũ, yiquĩ Jesús ïre.

Ito ï yija tuo, wãgãcõri ide joe wasũoquĩ Pedro Jesús tu ejagũ wacũ. ³⁰ Bũto mino iti wẽaja tuocõri, itire gũiquĩ Pedro. Ito bajiri jacũrisena ruja wasũoquĩ Pedro:

—Yũ Hju yũre masoña mũ, yi awasãquĩ Pedro.

³¹ Ito ï yirocati Pedro ya ãmoju ñiacõri ado bajiro yiquĩ Jesús ïre:

—Queno yũre tuorũnũsabea mũ. “Ide joe yũ waroca yami Jesús”, ¿yi tuoña jidicãri mũ? yiquĩ Jesús Pedrorẽ.

³² Cumajũ Jesús rãca ïna mũja sãjarocati mino wẽata rojocoacũ. ³³ Gũa cumajũ ñacãnama Jesús riojo rijomunigãna ñini rũjũcũ, ïre rũcũbuorã:

—Riti Dios Macũ ña mũ, yicũ gũa Jesure.

Genesaret sita gãnare Jesús ï yisioire gaye
(Mr 6.53-56)

³⁴ Ito jẽa wacõri Genesaret wame cutiri sitaju ejacũ gũa. ³⁵ Iti cuto gãna Jesús ï ejaja tuo masicõri, masa jeyarore oca batoñi. Ito bajiri masa ñarise cutirãre ãmi ejacã Jesús tu.

³⁶ “M̄ ya yutabuju t̄nima ḡuare moāia rotiya”, yic̄a masa Jesure. No moāiar̄c̄oti cati quenar̄a tujac̄a m̄c̄ana.

15

Ñeñaro t̄uōiac̄ori ñeñarise yama masa, yi Jesús ĩ riasore gaye
(Mr 7.1-23)

¹ Ito ĩna yiroca fariseo gaye t̄uōiar̄a ito yic̄ori judio masa rotirise riasori masa c̄uni ejac̄a Jesús t̄u. Jerusaléna wadiana ñac̄a ĩna. Jesús t̄u ejac̄ori ado bajiro seniñac̄a ĩna:

² —¿No yija b̄uc̄ur̄a ĩna yisotire bajiro yiro robo c̄udibeati m̄ r̄aca riasotir̄a? M̄ r̄aca riasotir̄a ĩna baroto rioj̄ua āmo coebeama ĩna. B̄uc̄ur̄a ĩna rotiado bajiro yiro robo yibeama ĩna, yic̄a ĩna Jesure.

³ Ito bajiro ĩna yijare, ado bajiro ĩnare c̄udiqūi Jesús:

—B̄uc̄ur̄a masa ĩna rotirej̄ua c̄udirona Dios ĩ rotirisej̄uare c̄udibeama m̄. ⁴ Ado bajiro rotia Dios oca: “M̄ jac̄u, m̄ jacore c̄uni queno r̄uc̄ub̄uoya m̄. No ĩ jaco, ĩ jac̄ure c̄uni ñeñaro b̄usituḡu godacoajaro”, yi rotia Dios oca. ⁵ M̄uama ricati bajiro rotia. Ado bajiroj̄ua rotia m̄: “No, ‘Jeyaro gajeoni ȳu r̄uc̄orise Diore ȳu ĩsiroti riti ña. Ito bajiri ȳu jac̄usabatiare ejab̄ua masibea ȳu’, ĩ yija, ĩ jac̄usabatiare ejab̄uabeja quena”, yi t̄uōia rotiboja m̄. ⁶ Ito bajiro m̄u yija, b̄uc̄ur̄a masa ĩna rotirisej̄ua c̄udirona, Dios ĩ rotirisej̄uare c̄udibeama m̄. Ito bajiro m̄u yija, “Ñe waja ma Dios oca”, yir̄a bajiro ya m̄. ĩ ocare jidic̄ar̄a ña m̄. ⁷ M̄u yiro bajiro yir̄a meje ña m̄. Diore goti ĩsiri mas̄u Isafas ñayor̄u m̄uare t̄uōia wac̄u queno ucañi ĩ. Ado bajiro ucañi ĩ:

⁸ M̄u ya risena riti ȳure r̄uc̄ub̄uobojama m̄. Ito bajibojarocati m̄u ya usina s̄oj̄u bajiro t̄uōia m̄. Ȳure r̄uc̄ub̄uobeama m̄.

⁹ Minijuac̄ori ȳure m̄u r̄uc̄ub̄uobojama, bur̄ati ya m̄u. M̄u riasorise masa ĩna t̄uōia rujeore ña iti. Itireti, “Dios ĩ rotire ña”, yiboja m̄u. Dios ĩ gotirise t̄uōia wac̄u ito bajiro ucañi Isafas ñayor̄u, yi gotiqūi Jesús.

¹⁰ Ito ĩ yija bero masare jic̄ori ado bajiro yiqūi Jesús ĩnare:

—Ȳure t̄uoc̄ori queno t̄uo masiña m̄u. ¹¹ Mani ba s̄arise meje mani ñeñaro yiroca yiroja iti. Ñeñaro t̄uōiac̄ori mani b̄usirise, iti ña mani ñeñaro yiroca yirise, yiqūi Jesús masare.

¹² Ito yija ḡua ĩ r̄aca riasotir̄a ĩ t̄u minijuac̄ori ado bajiro yic̄u ḡua ĩre:

—Ito bajiro masare m̄u gotija t̄uoc̄ori, fariseo gaye t̄uōiar̄a t̄uo b̄ujatomenaji ĩna, yic̄u ḡua Jesure.

¹³ Ito bajiro ḡua yija, ado bajiro yiqūi Jesús ḡuare:

—Dise rocati judire ĩ otere meje iti ñaja, ñe r̄acati w̄ajac̄oaḡu yigūji iti ote wese ūj̄u. Ito bajiroti yiḡu yigūji ȳu Jac̄u c̄uni. Gaje oca ñasarise mejeti ricati bajiro ĩna riasobojama iti jedi waroca yiḡu yigūji ȳu Jac̄u. ¹⁴ Dios ocare riasomena ĩna ñajare, ĩnare t̄uor̄un̄ubeja. ĩna ñama cajea mana ḡajer̄a cajea manare t̄ua wabojar̄a robo bajiro bajir̄a. S̄iḡu cajea mac̄u ḡaji cajea mac̄ure ĩ t̄ua wabojama, goje ñaro ĩna ejaja, j̄uar̄aj̄uti quedi s̄ajacoar̄a yir̄aji, yiqūi Jesús ḡuare.

¹⁵ ĩ ito yija ado bajiro seniñaqūi Pedro Jesure:

—Iti riasore oca gaye queno ḡuare goti r̄etobuya, yiqūi Pedro Jesure.

¹⁶ —¿T̄uo masibeati m̄u c̄uni? ¹⁷ Mani ba s̄arise jeragaj̄u waro yiroja iti. Ito bero r̄eta budiro yiroja iti. ¿Itire queno t̄uo masibeati m̄u? ¹⁸ Mani ya usina t̄uōiac̄ori risena busia mani. Iti ña mani ñeñaro yiroca yirise. ¹⁹ ĩna ya usina t̄uōiac̄ori ñeñaro yama masa. Tite m̄u. Ḡajer̄are síama ĩna. Manoj̄o cutir̄a ñabojar̄ati ḡajer̄a romiare ajeama. Jeyaro ĩna t̄uōiar̄o bajiroti romia r̄aca ñeñaro ajeama ĩna. Riniama ĩna. Socama ĩna. Rocati oca gotiama ĩna. Ito bajiro yama masa. ²⁰ Ito bajiro ñeñarise t̄uōiac̄ori iti ña masa ĩna ñeñaro yiroca yirise. Mani baroto rioj̄ua mani āmo coebeja, b̄uc̄ur̄a ĩna rotiro bajiro mani yibeja iti gaye meje ña mani ñeñaro yiroca yirise. Ñeñaro t̄uōiac̄ori ñeñaro ya mani. Iti ña mani ñeñaro yiroca yirise, yiqūi Jesús ḡuare.

Gaje maso Jesure iso tuorũnu sũyare gaye
(Mr 7.24-30)

²¹ Ito bajiro ï yija bero itijũna, wacu gũa Jesũs rãca. Ito wacõri Tiro ito yicõri Sidõn wame cutiri cutorijũ ejacu gũa. ²² Ito gũa ejaja bero sũgõ Canaán gago itijũ ñaro Jesũs tũjũa awasã wadicõ:

—Yũ Hju David ñayoru janami ña mũ. Yũre ti maiña. Yũ maco rũmũ sãñagõ ñamo. Ito bajiri buto ñeñaro tõbũjamo iso, yi goticõ iso Jesure.

²³ Ito bajiro iso yibojarocati isore cudibitiquĩ Jesũs. Ito bajiri ï rãca riasotirã gũa ado bajiro roticũ Jesure:

—Isore wa rotiya. Hsirioro guare awasã sũyamo, yibojacu gũa Jesure.

²⁴ Ito bajiro gũa yija ado bajiro yiquĩ guare:

—Oveja wisanare bajiro bajirã ñama judio masa. Ito bajiri ñnare yũre cũquĩ Dios, yiquĩ Jesũs.

²⁵ Ito bajiro ï yiroca ï riojo wacõri rijomunigãna ñini rũjũcõ romio:

—Yũ Hju yũre ejabũaya, yicõ iso Jesure.

²⁶ Ito bajiro iso yibojarocati ado bajiro yiquĩ Jesũs isore:

—Judio masa riojũaju gãjerãre yũ ejabũaja, no masia ma yũre. Ito bajiro yũ yija, rĩacare naju emacõri yaiare ecado bajiro baja, yiquĩ Jesũs isore.

²⁷ —Riti ya yũ Hju. Ñna ujarã ba bate queorise bacã yaia. Yũ gaje maso ñabojarocati mũ ñarã bero yũre jabeto mũ ejabũaja quena ñaro yiroja yũre, yicõ iso Jesure.

²⁸ Ito bajiro iso yija tuocõri, ado bajiro yiquĩ Jesũs isore:

—Mũ romio queno yũre tuorũnũgõ ña mũ. Ito bajiri mũ amoro bajiroti bajiro yiroja iti, yiquĩ Jesũs.

Ito bajiro ï yirocati iso maco tujacoacõ.

Jãjarã ñarise cutirãre Jesũs ï yisioare gaye

²⁹ Ito yija bero Galilea wame cutirita tunima wacu gũa. Itoju ejacõri turiaju mũja wacu gũa. Itoju gũa joejearoca rujiquĩ Jesũs. ³⁰ Jãjarã masa ejacã Jesũs ï rujiroju. Wa masimena, cajea mana, bũsimena, ruduana, ito yicõri jãjarã cõrãre ami ejacã ñna Jesũs tũjũ. ï tũ ñna ami ejaroca ñnare yisioquĩ Jesũs. ³¹ Bũsimena bũsicã. Ruduana wacã. Cajea mana ticã. Ruju ñeñarã quenari ruju, ruju cuticã. Ito bajija ticõri, ti ucacã masa. Ito bajiri Diore wanũ rũcũbũocã ñna. “Judio masa ñna rũcũbũoru Dios ï ñami quenagũ”, yi rũcũbũocã masa.

Cuatro mil ñarãre Jesũs ï ecare gaye
(Mr 8.1-10)

³² Ito yija gũa ï rãca riasotirãre ado bajiro yiquĩ ï:

—Ado gãnare ti bũjatobea yũ. Hdia rũmũ tũja ïja, adocãta yũ rãca ñna ñaroca. Ito bajiri queno bare ma ñnare. Ñna babetoti ñna ya wirijũ wa roti amobea yũ. Ñnare yũ wa rotija majũ boga quedirã yirãji ñna, yiquĩ Jesũs guare.

³³ Gũajũa ado bajiro yicũ ïre:

—Ado masa manojũ no bajiro masa tũjaro bare bũja masia ma, yicũ gũa Jesure.

³⁴ —¿Nocõ jaje naju rũcoati mũa? yiquĩ Jesũs guare.

—Jũa amojeno naju ña guare, ito yicõri wai jabetacã ñna, yicũ gũa ïre.

³⁵ Ito yija masare jacaju ruji rotiquĩ Jesũs. ³⁶ ï ya amona naju jũa amojeno ñarisere ito yicõri wai rãca ami rũcocõri, “Queno ya Cũna mũ”, yiquĩ ï Diore. Ito ï yija bero gũa ï rãca riasotirãre ïsiquĩ masare gũa batotoni. ³⁷ Masare batocu gũa. Ñna jeyaro bacã. Ito bajiri sũgũ rũyabeto yaji quenaro ñnacã ñna. Ñna baja bero jũa amojeno jibũri gũa ba ruarise dajocu gũa. ³⁸ Gũa itire bagoana cuatro mil umũa ñacu gũa. Romiare ito yicõri rĩacare cũni cõĩabiticũ gũa. ³⁹ Ito bero masare ware gotiquĩ Jesũs. Ito bajiri cumana Magadãn wame cutiri sitaju wacu gũa.

16

Tiyamani ñoña guare, ña yire gaye
(Mr 8.11-13; Lc 12.54-56)

¹ Fariseo gaye tuoïarã ito yicõri saduceo gaye tuoïarã cuni Jesure tirona ejacã ña. “ ‘Riti Dios ñ cõaru ña mu’, gua yi masitoni ñmacũju gaye tiyamani ñoña guare”, yi ejabojacã ña.

² Ito ña yibojarocati ado bajiro cãdiquĩ Jesús:

—Rãiocũro ñmacũju iti sũaja ticõri, “Quenari rũmu ñari seyoa”, ya mua. ³ Busuri jĩju iti sũaja mua tija, waju bueri rãca iti ñaja. “Adi rũmu quenado ma”, ya mua. Ñmacũju ticõri, “Ito bajiro rãtarõ ya adi rũmu”, yi masia mua. Ito bajibojarocati adi rũmu rãtarise gaye, “Ito bajiro bajiro wado ya”, yi masibea mua. ⁴ Ñeñaro yirã ña mua ito yicõri yũre tuoũnumena. Tiyamani ñore yũre seniboja mua. Ito bajiro mua yibojarocati juaji tiyamani muare ñobicũja yũ. Jonás ñayõrũre tiyamani rãtare gaye riti muare goticũja yũ, yiquĩ Jesús fariseo gaye tuoïarãre.

Ito bajiro Jesús ñ yija bero ñnare wagocũ gua.

Fariseo gaye tuoïarã ya naju wadare gaye
(Mr 8.14-21)

⁵ Itajura gaje dũjaju jã ejacõri, “Mani baroti naju ñcabojacoayija mani”, yicũ gua. ⁶ Ito yija Jesús ado bajiro guare gotiquĩ:

—Fariseo gaye tuoïarã, saduceo gaye tuoïarã ña ya naju wadarise ñco gaye queno tuo masiña mua, yiquĩ Jesús guare.

⁷ Jesús ito bajiro ñ yija guamasiti gãmeri tuoïa busicũ gua:

—Mani naju ñcabojajare ito bajiro busiami Jesús, yi tuoïabojacũ gua.

⁸ Ito bajiro gua tuoïabojaja tuo masicõri, ado bajiro yiquĩ Jesús guare:

—¿No yija, “Naju ma manire”, yati mua? Queno yũre tuoũnumbea mua. ⁹ Queno tuo masibea maji mua. Canũ busati co dũjamocõ naju ñarisere co dũjamocõ mil masa ñarãre eca jeocũ yũ. Ñnare yũ eca jeoja bero jaje jibũri dajocũ mua. ¿Itire ñcabojati mua? ¹⁰ Ito bero canũ busati mũcana juã ñmojeno naju ñarisere juaria mil masa ñarãre eca jeocũ yũ. Ñna masare yũ eca jeoja bero jaje jibũri dajocũ mua rũyarise. ¿Itire ñcabojacoati mua? ¹¹ ¿No yija queno tuoïa masibeati mua maji? Jĩju, “Fariseo gaye tuoïarã, saduceo gaye tuoïarã ña ya naju wadarise ñco gaye queno tuo masiña”, yũ yija, naju gayere meje busibũ yũ, yiquĩ Jesús guare.

¹² Ito ñ yijare tuo masicũ gua. “ ‘Fariseo gaye tuoïarã, saduceo gaye tuoïarã naju wadarise ñco gayere tuoïarã ya mua’, guare ñ yija, ‘Ñna riasorisere queno tuoïa masiña mua’, yireonire guare gotiyijari Jesús”, yi tuoïacũ gua ñja.

Cristo Dios ñ cõaru ña mu, yi Pedro ñ goti quenore gaye
(Mr 8.27-30; Lc 9.18-21)

¹³ Mũcana ito sõjuã wacõri, Cesarea Filipino wame cutiri cuto tu ejacũ gua Jesús rãca. Itoju ejacõri ado bajiro guare seniãquĩ Jesús:

—Yũ ña Masa Rĩjõrũ. ¿Yũre masa ña busija, no bajiro yati ña? yiquĩ Jesús guare.

¹⁴ Ado bajiro cãdicũ gua ñre:

—Coriarã ña busija, “Juan idé guri masũ ñami”, yama ña mũre. Gãjerãma, “Elías ñami”, yama ña. Gãjerãma, “Jeremías ñami”, yama ña. Gãjerãma, “Diore goti ñsiri masũ ñaguĩji gajea”, yama ña mũre, yicũ gua Jesure.

¹⁵ —¿Mũama ñimũ ñami yati mua yũre? yiquĩ Jesús guare.

¹⁶ Ito ñ yija tuoõri, ado bajiro yiquĩ Simón Pedro:

—Mũti ña Cristo Dios ñ cõaru. Dios catitĩngũ Macũ ña mu, ya yũ mũre, yiquĩ Simón Pedro Jesure.

¹⁷ —Riti ya Simón, Jonás macũ mu. Ito bajiro mu busija wanũ quenagũ ña mu. Itire mu busija, masare tuoõri meje busia mu. Itire mu busija, ñmacũju gagũ yũ Jacure tuoõri busia mu. ¹⁸ Ado bajiro mũre gotia yũ. Iti mu wame ña Pedro, “gũtagã”, yireoni ña iti Pedro. Riti ña mu busirise. Iti oca mu busirise jedibetoja. Gũtagã butirica robo

bajiro bajirise ña iti m̄ busirise. Iti oca tuocōri yure tuorūnrā yirāji m̄ bero gāna. Ito bajiri yu ñarā, ñarā yirāji ña. Yure ña tuorūnjare godana uju ñare rētočubicu yiguīji. Godabojarāti m̄cana t̄di catirā yirāji ña. ¹⁹ Ado bajiro m̄re gotia Pedro yu. Soje janado rucogure bajiro m̄re cūgū yigūja yu. Ito bajiri, “Īre tuorūnrāre ī rotiroju miojugu yiguīji Dios”, yire oca masa ña tuo masiroca yigū yigūja m̄. Ito bajiro m̄re cūgū yigūja yu. Adi sitaju m̄ rēorise, ūmacūju itoju c̄ni rēore ñaro yiroja. Adi sitaju, “Ito bajiroti yiya”, m̄ yija, ūmacūju c̄ni ito bajiroti yire ñaro yiroja, yiquī Jesús Pedore.

²⁰ Ito bajiro Pedore ī yija bero ado bajiro yiquī Jesús guare: “Īti ñami Cristo Dios ī cōaru, yi masare goti batobesa m̄a”, yiquī Jesús guare.

Yure s̄arā yirāji, Jesús ī yire gaye

(Mr 8.31-9.1; Lc 9.22-27)

²¹ Ito ī yija bero itijunati guare goti rētočuquī Jesús:

—Jerusalénju ware ña yure. Itoju yu ejaroca bucurā, paia ujarā ito yicōri judio masa rotirise riasori masa c̄ni quenabeto yu tōbujaroca yirā yirāji ña. Itoju yure s̄arā yirāji ña. Ito bajibojarocati ūdia r̄m̄ beroti yu catiroca yigū yiguīji Dios m̄cana, yiquī Jesús guare. ²² Ī ito yija tuocōri, ricati busa camotadi rūgūcōri, oca s̄oro ĩre busis̄ojojaquī Pedro:

—Yu Ūju ito bajiro m̄re rētare āmobiquīji Dios. Ito bajiro m̄re rētabeto yiroja, yiquī Pedro Jesure.

²³ Ito ī yija tuocōri, juda rūgūcōri, ado bajiro busiquī Jesús Pedore:

—Rūm̄a uju Satanásre moa ĩsia m̄. Yure camotadiya m̄. Dios ī āmoro bajiro yu yija, yure camota codea m̄. Dios bajiro meje tuoīa m̄. Masa ña tuoīaro bajiro tuoīa m̄ c̄ni, yiquī Jesús Pedore.

²⁴ Ito ī yija bero ado bajiro yiquī Jesús guare ī rāca riasotirāre:

—Sīgū yure ī s̄aya āmoja, ī ye ñaroti tuoīabiticōri yujuare tuo mai s̄yagu yiguīji. Yucutēo gajagure bajiro tōbujabojaguti yure riti s̄yagu yiguīji ī. ²⁵ No ī catirise maibojaguti godagu yiguīji. Ito bajibojarocati yure tuorūnugū, yu oca ī gotija tuo junisinicōri ña s̄agūama catitīñare gaye bujagu yiguīji. ²⁶ Sīgū adi macārucūroju gajeoni jeyaro ī bujabajaja, ī ya ūsi jeame ūjuroju iti waja, ī ya gajeoni ī bujabajare ñe waja ma. Ñe mani ya ūsi rēto busaro waja c̄tirise manoja. Catirājuti Dios rāca mani oca quenobeja, mani godaja bero ī rāca oca queno masimenaji ĩja. ²⁷ Yu Masa Rījoru ñacōri, yu Jacu Dios ī busurisenā t̄di ejaḡu yigūja yu. Ito yicōri ī tu gāna ángel mesa rāca ejaḡu yigūja yu. T̄di ejacōri masa ña yigoado bajiroti waja senigū yigūja yu. ²⁸ Riti m̄are gotia yu. M̄a coriarā adiju ñarā m̄a godaroto rioju, ĩre tuorūnrāre Masa Rījoru ī mioju ejaroca tirā yirāji m̄a. Īti ña yu Masa Rījoru, yiquī Jesús guare.

17

Īna tiro riojo Jesús ī godo wedire gaye

(Mr 9.2-13; Lc 9.28-36)

¹ Co āmojeno ūm̄ari bero Pedro, Santiago, ī ocabaji Juanre c̄ni ūmari t̄ria joeju ñare āmi waquī Jesús. ² Itoju ña ejaroca ña riojo Jesús ī ya rio gajero bajiro godo wediyiju. Ūm̄a gagū ūmacañire bajiro yoyiju ī ya rio. Ito yicōri ī ya yutabuju buto boticōri yoyiju. ³ Īna tiroca Moisés ñayoru, Elías ñayoru rāca Jesús tu goaīoyjarā. Ito bajicōri Jesús rāca ña gāmeri busija, tiyjarā ña. ⁴ Ito bajija ticōri, ado bajiro yiyiju Pedro Jesure:

—Yu Ūju adojū mani ñaja quenasacōa. M̄a āmoja m̄are yiari wi meni ĩsiruja ḡa. M̄re co wi, Elíasre co wi, Moisésre co wi meni ĩsiruja ḡa, yiyiju Pedro Jesure.

⁵ Ito bajiro Pedro ī busibojaroca riti ide bueri buto yorise ñare gūma rūgūyiju. Iti ide bueri watonati oca ruyuyiju:

—Āniti ñami yu Macu, yu maigū. Īre buto wan̄a yu. Īre queno tuoja m̄a, yire oca ruyuyiju.

⁶ Ito oca tʷocōri bʷto gūiyijarā ñna. Ito bajiri bʷto gūirā ñna ya rio sitajʷ muqueayijarā ñna. ⁷ Ito bajiro ñna bajija ticōri, ñna tʷ wacōri ñnare moañayijʷ Jesús. Ñnare moañacōri ado bajiro yiyijʷ ñ:

—Wʷmʷña. Gūibesa mʷa, yiyijʷ Jesús ñnare.

⁸ Ito ñna ti mʷoja, gājērāre tibusijarā ñna. Jesús sīgūti ñ ñaja tiyijarā ñna ñja.

⁹ Ito tʷria ñna roja waroca ado bajiro ñnare gotiyijʷ Jesús:

—Janeti mʷa tirise masare goti batobeja maji. Yʷ ña Masa Rījorʷ. Yʷre sīarā yirāji masa. Yʷre ñna sīabojarocati tʷdi catigʷ yigʷja yʷ. Yʷ mʷcana tʷdi catiroto riojʷa, jījʷ mʷa tigorise gājērāre goti batobeja mʷa, yiyijʷ Jesús ñnare.

¹⁰ Ito yija ado bajiro Jesure seniñayijarā ñna:

—¿No yija judio masa rotirise riasori masa, “Elíasjʷa ejasʷogʷ yiguñji”, yicati ñna? yi seniñayijarā ñna Jesure.

¹¹ Ito yija ado bajiro ñnare cʷdiyijʷ Jesús:

—Riti yīni judio masa rotirise riasori masa. “Elíasjʷa ejasʷogʷ yiguñji. Ejacōri jeyaro quenogʷ yiguñji ñ”, ñna yija riti gotiñi. ¹² Ito bajiro ñna gotibojarocati Elías ñ ejaja ñre ti masibisī masa. Riti mʷare gotia yʷ. Elías ejacāñi. ñ ejaja ñre ti masibisī masa. ñna āmoro bajiroti yīni masa ñre. Ito bajiroti yʷ Masa Rījorʷre, tōbʷjaroca yirā yirāji masa yiyijʷ Jesús ñnare.

¹³ Ito bajiro ñ yija tʷocōri, “Juan idé guri masʷre bʷsiami āni”, yi tʷo masiyijarā ñna Pedro mesa.

Rūmú sāñagūre rūmúre Jesús ñ bucōare gaye

(Mr 9.14-29; Lc 9.37-43)

¹⁴ Roja wadicōri gʷa tʷ ejacā ñna mʷcana. Jājarā masa ñnacā gʷa rāca. Jesús ñ tʷdi ejaja ticōri, ñ riojo rijomunigāna ñini rūjūquī sīgū. Ito yicōri ado bajiro yiquī ñ Jesure.

¹⁵ —Yʷ Ūjʷ yʷ macʷre ti maiña mʷ. Ñnama cōre cōsotiami ñ. Ito bajiri ruje tōbʷjasotiami ñ. Biyaro ŷsi jedi quedisotiami yʷ macʷ. Coji rʷyabeto jeame ŷjʷrojʷ ŷsi jedi quedisotiami ñ. Ito yicōri riacaʷ cʷni ŷsi jedi quedisotiami. ¹⁶ Mʷ rāca riasotirā tʷjʷ ñre āmi ejabojabʷ yʷ. ñre yisio masibeamā ñna, yiquī ñ Jesure.

¹⁷ Ito ñ yija ado bajiro yiquī Jesús masare:

—Queno yʷre tʷorʷnʷbea mʷa maji. Masa ñeñaro yirāre bajiro bajia mʷa maji. ¿Nocō yoari mʷa rāca ñagū yigʷjada yʷ maji? ¿Nocō yoari yugʷ yigʷjada yʷ, mʷa masitoni? Adojʷa āmi waya, ŷsi jedi quedisotigʷre, yiquī Jesús gʷare.

¹⁸ ŷsi jedi quedisotigʷ ñ ejaja ticōri, rūmúre budi rotiquī Jesús. Rūmú ñ budirocati, cati quenagū ñacōaquī macʷacā mʷcana.

¹⁹ Ito yija bero ricati Jesús rāca bʷsicʷ gʷa mʷcana:

—¿No yija rūmúre bucōa masibiti gʷa? yicʷ gʷa Jesure.

²⁰ —Yʷre queno tʷorʷnʷbiticōri rūmúre bucōa masibea mʷa maji. Riti mʷare gotia yʷ. Jabetacā yʷre mʷa tʷorʷnʷja, jaibiti aje mostaza aje robo bajiro yʷre mʷa tʷorʷnʷja, mʷa rotiro bajiroti bajiroja. I tʷriare, “Gajerojʷ cʷni rūgūña”, mʷa yija, mʷa rotiro bajiroti bajiroja iti. Ñejʷa mʷa yi masibiti mano yiroja, queno yʷre mʷa tʷorʷnʷja. ²¹ Ito bajiro masare ñna rūmúā sāñaja, bamena riti Diore mʷa senija, rūmúare bucōa masirāji mʷa, yiquī Jesús gʷare.

Yʷre sīarā yirāji, mʷcana Jesús ñ tʷdi gotire gaye

(Mr 9.30-32; Lc 9.43-45)

²² Galilea sitajʷ cojʷ gʷa waroca ado bajiro yiquī Jesús gʷare:

—Masa Rījorʷ ña yʷ. Yʷre ñna ñiatoni gotigʷ yiguñji sīgū. ²³ Yʷre ñiacōri sīarā yirāji ñna. Ito bajibojarocati ŷdia rʷmʷ beroti yʷ catiroca yigʷ yiguñji Dios, yiquī Jesús gʷare. Ito bajiri iti tʷocōri bʷto bojori bʷjacʷ gʷa.

Dios ya wi ñaroti ñna waja yire gaye

²⁴ Ito yija bero Capernaum wame cutiri cuto ejacu gwa Jesús rāca. Itoju gwa ñaroca minijuara wi coderā waja seniri masa Pedrore oca seniñarona ejayijarā. Ī tu ejacōri ado bajiro ĩre seniñayijarā ĩna:

—¿Mure riasogu Dios ya wi waja yibeati ĩ? yi seniñayijarā ĩna Pedrore.

²⁵ —Waja yigu yiguĭji, yi cūdiyijū Pedro.

Jesure busirocu wijū ĩ sājaroca, Jesujua ado bajiro ĩre busigoquĭ:

—¿No bajiro tuoĭati Simón mu? ¿Adi sita gāna ujarā noare waja seniatite? ¿ĩna ñarāre seniatite? ¿Gājerājuare seniatite? yi seniñaquĭ Jesús Pedrore.

²⁶ —Gājerāre waja seniamā ĩna, yi cūdiquĭ Pedro.

Ī ito yija, ado bajiro yiquĭ Jesús:

—Riti ya mu. Dios Macu yu ñajare yure waja seniado mama ĩna. ²⁷ Ito bajibojarocati ñeñaro manire ĩna busitube yirona waja yija quena. Itajuraju wasa. Itoju wai joba. Cajero basuoguti ĩre siacōri ĩ ya riseju niyeru cuji bujagu yiguja mu. Iti niyeru kujina manire ĩna waja senija, ñarocōti tĭjacoaro yiroja iti. Iti cuji āmicōri ĩnare waja yiya, yiquĭ Jesús Pedrore.

18

¿Ñimū ñati ñasagu ñarocu? ĩna yi seniñare gaye

(Mr 9.33-37; Lc 9.46-48)

¹ Iti rumuriti, gwa Jesús rāca riasotirā ĩre seniñacu:

—¿Ūmacūju Dios ĩ rotiroju ñimū ñati ñasagu ñarocu? yi seniñacu gwa Jesure.

² Ito bajiro gwa yija tuocōri, sīgū macuacāre āmicōri gwa wato cūquĭ. ³ Ado bajiro yiquĭ Jesús guare:

—Riti mware gotia yu. Mwa ñeñaro yirise mwa jidicābeja, ito yicōri bucurāre rīaca ĩna tuorūnuro bajiro yure mwa tuorūnubeja, ūmacūju Dios ĩ rotiroju ejamena yirāji mwa.

⁴ Ado bajiro bajigu yiguĭji ūmacūju Dios ĩ rotiroju ñasagu ñarocu. Āni macuacāre bajiro, “Ñasagu ña yu”, yi tuoĭabicu yiguĭji ĩ. ⁵ Noa yure tuorūnucōri āni macuacāre ĩna boca āmiro bajiro yure cūni boca āmirā yirāji ĩna, yiquĭ Jesús guare.

Ñeñaro mwa yi uya ja guijorise ña, yi Jesús ĩ riasore gaye

(Mr 9.42-48; Lc 17.1-2)

⁶ Mucana ado bajiro gotiquĭ Jesús guare:

—No macuacā yure tuorūnusuogure ñeñaro yiroca gāji ĩ yija, ĩre buto waja senigū yiguĭji Dios. Quenogoroama ito bajiro yigure ĩ ya āmumaju gūtagā jajoca sia yocōri riaca ūcaroju rucōja quenaroja. ⁷ Bujato bujarā yirāji adi macarucūro gāna ñeñaro yiri masa. Masare ñeñaro ĩna yiroca yirise ito bajiro riti bajitñaro yiroja. Ito bajibojarocati, gājerā ĩna ñeñaro yiroca ĩnare yigure bujato baja ĩre, yiquĭ Jesús guare.

⁸ Mwa ya āmo, mwa ya gubo, mwa ñeñaro yiroca mware iti yija, itire jatacōri sōju cōacōña. Manire co dūja āmo manija quenabetoja. Ito bajibojarocati juā āmo, āmo cutirā ñabojarāti jeame ūjuroju manire Dios ĩ cōaja, rēto busaro quenabeto yiroja. ⁹ Mwa ya cajea mwa ñeñaro yiroca iti yija, ruacōri sōju cōacōña. Manire co dūja cajea manija quenabetoja. Ito bajibojarocati juā cajea, cajea cutirā ñabojarāti jeame ūjuroju manire Dios ĩ cōaja, rēto busaro quenabeto yiroja. Dios ĩ ñaroju mani ejaja, buto busa wanu quenarā yirāji mani. “Mwa ñeñaro yirise jidicāña”, yirocu ito bajiro yiquĭ Jesús guare.

Oveja wisarure āmagū yiguĭji coderi masu, yi Jesús ĩ riasore gaye

(Lc 15.3-7)

¹⁰ Mucana ado bajiro gotiquĭ Jesús guare:

—Mutarā yure masisurāre sīgūjuare tibo yibesa. Ūmacūju ángel mesa ñarāji ĩnare tirūnūrā. Co rumu ruyabeto yu jacu tu ñacāma ĩna. ¹¹ Yu ña Masa Rĭjoru. Jeame ūjuroju waboanare masorocu wadicu yu, yiquĭ Jesús guare.

¹² Guare riasorocu ado bajiro yiquĭ Jesús mucana:

—Adocāta yu mware riasorisere queno tuoñaña mua. Sīgū ñayiju cien oveja rucoyu. Co rumu gājerāre wagocōri sīgū wisayiju oveja. ¿No bajiro tuoñati mua? ¿Gājerā ruyarā, ta weseju noventa y nueve ñarā wisarure āmagū waguñjida ī? ¹³ Īre āmagū wacu yiguñji ī. Wisarure ī bujaja, buto wanugū yiguñji ī. Riti ña. Gājerā wisamena noventa y nueve ñarā rētoro wisarure ī bujaja wanugū yiguñji ī. ¹⁴ Mani Jacu ūmacūju gagu ito bajiroti bajiami ī cūni. Sīgū yure masisugū ī wisare āmobiqūji Dios, yiquī Jesús guare.

Mani yagu ī ñeñaro yirise mani ācaboja quena, yi Jesús ī riasore gaye (Lc 17.3)

¹⁵ Mucana guare ado bajiro riasoquī Jesús:

—Sīgū mua yagu mware ī ñeñaro ī yija, ī rioti oca quenoma, “Riti ya mua, mware ñeñaro yicu yu”, ī yi masitoni. “Riti ya mua”, ī yija oca quenocāna ña mua. Ito bajiri mua yagu rāca queno baba cutirā yirāji mua mucana. ¹⁶ “Bajibeā burāti ya mua”, ī yija, gājerā jūarāre ji ñucama. Ito bajiri mua busirise īna tuoja. “Riti baja iti”, yi masirā yirāji īna. ¹⁷ Īnare riojo ī tuorūnubeja, jājarā Diore masirā riojo gotiba mua. Īna jājarāre ī tuorūnū āmobeja, Diore masibicu robo bajiro ĩre mua rucoja quena. Sīgū ñeñaro yigu, ujarāre yiari waja seni ĩsiri masure bajiro rucoja quena mua ĩre, yiquī Jesús guare.

¹⁸ Riti mware gotia yu. Ūmacūju gagu Dios ī cūana ña mua. Adi macārucūroju mua rēoja, ūmacūju Dios tūju cūni rēore ñaro yiroja. Gajere cūni, “Ito bajiroti bajiya mu”, mua yiro bajiroti ūmacūju cūni bajiro yiroja, yiquī Jesús guare.

¹⁹ Gaje ado bajiro mware gotia yu. Mua jūarā sīgūre bajiro tuoñacōri Diore mua seni āmoja, mua āmoro bajiroti ĩsigū yiguñji yu Jacu ūmacūju gagu. ²⁰ No jūarā udiarā yure tuorūnūrā īna minijuaja, īna rāca ñagū yiguja yu, yiquī Jesús guare.

²¹ Ito ī yija bero Pedro ado bajiro seniāquī Jesure:

—Yu Ūju sīgū yu yagu yure ñeñaro ī yija, ¿nocōjiri ĩre yu ācabojoja quenati? ¿Jua āmojeno ĩre yu ācabojoja quenati? yiquī ī Jesure.

²² Ī ito yija tuocōri, ado bajiro cūdiqūī Jesús ĩre:

—Jua āmojeno rētoro, coji ruayabeto mure ī senirocō ĩre mu ācabojoja quena, yiquī Jesús Pedore.

Gāji ī ñeñaro yirise ācaboja āmobicu yire oca

²³ Mucana Jesús guare ado bajiro riasoquī:

—“¿Dios ūmacūju rotigu no bajiro bajiatī ī?” mua yi masi āmoja, sīgū ujure tuoñate mua. Ado bajiro yiyiju ī. Ī ya moari masare ji ñucacōri, ĩre īna waja ruyuriorisere cōñayiju.

²⁴ Ī cōñasuroca sīgū ĩre jairo niyeru waja ruyuriogure ĩre āmi ejabojayijarā īna. ²⁵ Ī ujure waja yi masibisiju ī. Ito bajiri, “Gājerāre yure ĩsi ĩsitēña”, yiyiju uju. ĩre, ī rīare, ī manojore, ī ya gajeoni jeyaro gājerāre yure ĩsi ĩsitēña. ĩna waja mua bujarise yure mua ĩsija, ī yure waja ruyuriorise tījaro yiroja, yiyiju uju ĩre āmi ejanare. ²⁶ Ito ī yija tuocōri, ĩre waja ruyuriogu ī riojo rijomunigāna ñini rūjūyiju. Ito yicōri ĩre josayiju ī: “Yu uju jabeto yuya maji. Mure yu waja ruyuriorise waja tīogū yiguja yu maji”, yiyiju ī, ī ujure. ²⁷ Ito ī yija tuocōri, ĩre ti maiyiju ī: “Bañ, no yibeati”, yi ĩre jidicāyiju ī, ī uju.

²⁸ Ito bajiro ī uju yija tuocōri, budi wayiju ī. Budi wacōri ī baba ĩre waja ruyuriogure ti bujayiju ī cūni. Ito bajiri ī babare ī ya āmuma ñia rūgūcōri, “Yure mu waja ruyuriorise cojiti waja tīoña mu”, yiyiju ī ĩre. ²⁹ Ito ī yija tuocōri, ī ya rijomunigāna ñini rūjūyiju ī: “Jabeto yure yuya maji. Mure yu waja ruyuriorise mure waja tīogū yiguja yu maji”, yibojayiju ī. ³⁰ Ito ī yibojarocati tuobisiju ī. Ito bajiri tubiara wiju āmi wacōri ĩre cūyiju ī. “Yure mu waja ruyuriorise mu tīobeja, budibicu yiguja mu”, yiyiju ī. ³¹ Gājerā moari masa ito bajiro ī yija ticōri, bujatobisijarā īna. Ito bajiri uju tu wacōri ñarocōti gotiyijarā īna. ³² Ito bajiri ĩre īna gotija tuocōri, “ĩre yure ji ĩsitēña”, yiyiju uju. ĩre eja ticōri, ado bajiro ĩre yiyiju ī: “Yure moa ĩsiri masu quenabisija mu. Yure mu waja ruyuriorisere ito bajicōato mure”, yibojacu yu, yure mu josajare. ³³ Mure yu ti maicato bajiroti gāji mu babare ti mairūjaboyija mu”, yiyiju uju ĩre moa ĩsiri masure. ³⁴ Buto junisinicōri ĩre ī

waja ruyuriorise ĩ waja tĩotoni ĩre tubia rotiyijũ ĩ Ʃjũ: “Yũre ĩ waja ruyuriorise ĩ tĩobeja budibicũ yiguĩji ĩ”, yiyijũ Ʃjũ, yi gotiquĩ Jesũs gũare, gũa tuo masitoni.

³⁵ Bajiroti gaye gũare riasoquĩ Jesũs. Ado bajiro gũare gotisũsaquĩ Jesũs:

—Ito bajiro riti yigũ yiguĩji yũ Jacũ ũmacũju ñagũ cũni, gãjerã mũa ñarãre ñeñaro ĩna yirisere mũa ãcabojobeja, yiquĩ Jesũs gũare.

19

Manojore jidicãre ma, yi Jesũs ĩ riasore gaye

(Mr 10.1-12; Lc 16.18)

¹ Ito bajiro Jesũs ĩ yija bero Galilea sitana wacõri, Judea sitaju ejacũ gũa. Jordãn wame cutirisa tũ ũmacañi ĩ joejea mũja wadiri sitajũa ñacũ iti sita. ² Jãjarã masa Jesure sũya wacã. Cõrã ĩna ñaja ĩnare yisioquĩ Jesũs.

³ Itoju gũa ñaroca fariseo gaye tuoĩarã ejacã Jesũs tũ. “Mani seniĩaja, queno cũdi masibicũ yiguĩji ĩ”, yirona seniĩabojacã ĩna Jesure:

—¿Sĩgũ ĩ manojore ĩ cõaja, ĩ ãmoro bajiroti ĩ manojore ĩ cõaja quenati? yi seniĩacã ĩna.

⁴ —¿Dios oca tuti tĩĩabiticati mũa? ĩ oca gotia, “Cajero rujeoñi ũmũgũre ito yicõri romiore cũni”, yi gotia ĩ oca. ⁵ Gaje ado bajiro gotia ĩ oca: “Ĩ manojore rãca ñarocũ ĩ jacure ĩ jacore jidicãgũ yiguĩji ĩ. Manojore cuticõri jũarã ñabojarãti sigũre bajiroti bajirã yirãji ĩna”, yi gotia Dios oca. ⁶ Ito bajiroti baja ito gaye. Jũarã ñabojarãti sigũre bajiro ñarãji ĩna ĩja. Ito bajiro Dios ĩ babocãre ñajare manojore jidicã masia ma, yiquĩ Jesũs fariseo gaye tuoĩarãre.

⁷ Ito ĩ yija tuoõri, ado bajiro seniĩacã ĩna:

—Riti mũ gotija, ¿no yija ricati rotiyijari Moises ñayorũ? Ado bajiro rotiyoni ĩ: “Isore mũ jidicã ãmoja, jidicãre papera isore ĩsiña”, yiyoni Moises ñayorũ, yicã ĩna Jesure fariseo gaye tuoĩarã.

⁸ Ito bajiro ĩna yija tuoõri, ado bajiro cũdiquĩ Jesũs:

—Diore ĩna cũdi ãmobejare, manojore jidicãre gaye rẽobisĩ Moises ñayorũ. Ito bajibojarocati cajeroama ito bajiro meje bajiyija. ⁹ Riti mũare ado bajiro gotia yũ. Sĩgũ ĩ manojore gãjire iso ajebitibojarocati ĩ jidicãja, ñeñaro yigũ yami ĩocũ. Isore jidicãõri gajeore ĩ manojore cutija, ajegũ yami ĩocũ. Gãji cõaro rãca ĩ manojore cutija, ajegũ yami ĩocũ cũni, yiquĩ Jesũs fariseo gaye tuoĩarãre.

¹⁰ Ito ĩ yija tuoõri, gũa ĩ rãca riasotirã ado bajiro yicũ ĩre:

—Riti ito bajiro ito bajijama manojore cutire ma, yicũ gũa ĩre.

¹¹ Ado bajiro yiquĩ Jesũs gũare:

—Ñarocõgoroama tuo masi jedi yimenaji adire. ĩna tuo masiroca Dios ĩ yiana riti tuo masirã yirãji. ¹² Coriarã ĩna manojore cuti masibeja, ricati riti baja ĩna ya rujari. Coriarã ito bajironati rujeana ĩna. Gãjerãma, gãjerã ũmũa ĩnare ñeñoja bero manojore cuti masimenaji ĩnaõna. Gãjerãma ũmacũju gagũ Diore riti rũcũbũorona manojore manaji ĩnaõna. No itioni gaye cũdi ãmogũti cũdiguĩji, yiquĩ Jesũs gũare.

Rĩacare queno yijaro Dios, Jesũs ĩ yire gaye

(Mr 10.13-16; Lc 18.15-17)

¹³ Ito yija bero gãjerã rĩacare Jesũs tũ ãmi ejacã. ĩna joe ãmo jeocõri Diore ĩnare bũsi ĩsitoni, ĩnare ãmi ejacã ĩna. ĩna ãmi ejaja ticõri. “Ãmi wadibesa maji. ũsirioro ya mũa”, yicũ gũa ĩnare. ¹⁴ Ito bajiro gũa yibojarocati Jesuama ado bajiro yiquĩ:

—Rĩacare rẽobesa, yũ tũ wadijaro ĩna. Rĩaca ñama yũre queno tuoũnũrã. ĩna robo yũre queno tuoũnũrãre ĩ rotiroju miojugũ yiguĩji Dios, yiquĩ Jesũs gũare.

¹⁵ Ito ĩ yija bero ĩnare yiari Diore bũsi ĩsirocũ ãmo moa jeoquĩ Jesũs. Ito ĩ yija bero gajerojũa wacũ gũa Jesũs rãca mũcana.

Gajeonire bũto maisabeja quena, Jesũs ĩ yire gaye

(Mr 10.17-31; Lc 18.18-30)

¹⁶ Co rũmũ sũgũ mamũ Jesure seniĩagũ ejaquĩ:

—¿Queno riasogu catitĩnare gaye yu buja āmoja, no bajiro yigujada yu? ¿Ñe quenarise gaye yigu yigujada yu? yiquĩ ĩ Jesure.

¹⁷ —¿No yija quenagũ yure yati mu? Sīgũ ñami queno yigu. ĩti ñami Dios. Catitĩnare gaye mu āmoja, Dios ĩ rotirisere cadija quena, yiquĩ Jesús mamure.

¹⁸ —¿Ñe rotire gaye yigujada yu? yiquĩ ĩ Jesure.

—Gājire s̄abeja. Gāji manojore ajebeja. Romia cuni gajeo manujure ajebeja. Rinibeja. Gājerāre ruo gotibeja. ¹⁹ Mu jacure, mu jacore cuni r̄uc̄ub̄oba. Ito yicōri mu ya rujure mu mairo bajiroti, mu ñarāre cuni maima, yiquĩ Jesús mamure.

²⁰ —Macuacā ñagūjuti itire ito bajiro yisuc̄u yu. ¿Ñe gaje ruyati yure queno yu yiroti? yiquĩ ĩ Jesure.

²¹ Ito ĩ yija, ado bajiro c̄diquĩ Jesús:

—Ñarocōti mu c̄di jeo āmoja, ado bajiro yiya. Jeyaro mu r̄corise gājerāre ĩsi jeocōña. Ito yicōri iti waja bujacōri bojoro bujarāre ĩsima. Ito bajiro mu yija, ũmacūju queno bujagu yiguja mu. Ito bajiro mu yi jeoja bero yu rāca waya, yiquĩ Jesús ĩre.

²² Jesús ito bajiro ĩ yija tuocōri, buto bojori buja t̄di waquĩ ĩ, ĩ ya gajeonire maigũ. Buto gajeoni jaigu ñayiju ĩ.

²³ Ito yija bero gua ĩ rāca riasotirāre ado bajiro yiquĩ Jesús:

—Riti muare ado bajiro gotia yu. Sīgũ gajeoni jaigu Dios rotiroju ĩ eja āmoja josari ña. ²⁴ Mucana muare goti quenoa yu. Sīgũ camello gawa jota susuriju ĩ rēta budi āmoja, josari ña. Ito bajiroti buto busa josari ña Dios ĩ rotiroju niyeru jaigu ĩ eja āmoja, yiquĩ Jesús guare.

²⁵ Ito ĩ yija tuocōri, buto ucacu gua. Ito yicōri guamasiti gāmeri seniīacu gua:

—¿Ito yija noajua Dios ĩ ñaroju ejagu yiguĩjida? Sīgũ ejabiquĩji gajea, yi gāmeri busicu gua.

²⁶ Guare ticōri ado bajiro yiquĩ Jesús:

—Masamasiti yiado ma itire. Dios sīgũti jeyaro yi masiguĩji. Ñeju josarise manoja ĩre, yiquĩ Jesús guare.

²⁷ Ito ĩ yija tuocōri, Pedro ado bajiro yiquĩ:

—Yu ũju jeyaro gua r̄corisere jidicācu gua. Iti jeyaro jidicācōri mu rāca s̄ya gua. ¿Ito gua yijama ñe bujarā yirājida gua? yiquĩ ĩ Jesure.

²⁸ Ito ĩ yija tuocōri, ado bajiro gotiquĩ Jesús ĩnare:

—Riti muare gotia yu. Co r̄mu mucana mame menigũ yiguĩji Dios. Ito bajiro ĩ yiri r̄mu yu Masa R̄joru rotiroju yori cumuroju rujigu yiguja yu. M̄a cuni yure s̄yarā, juā ḡbojeno ñari cumurori rotiroju rujirā yirāji m̄a cuni. Israel sita gāna juā ḡbojeno masa buturi gānare rotirā yirāji m̄a. ²⁹ Noa yure c̄di āmorā ĩna ya wiri, ĩna ñarā, ĩna jac̄sabatia, ĩna manojosāromia, ĩna r̄a, ito yicōri ĩna ya wesecare cuni ĩna cū waja, ĩna r̄cobojarise rēto busaro queno bujarā yirāji ĩna mucana. Ito yicōri catitĩnare bujarā yirāji ĩna. ³⁰ Jājarā adoju ñasari masa ñarā, itoju ũmacūju ñasarā meje ñarā yirāji. Ito bajicōri adoju ñasamena ñarā, itoju ũmacūju ñasarā ñarā yirāji, yiquĩ Jesús guare.

20

Moari masa gaye Jesús ĩ goti masiore oca

¹ “ĩre tuor̄unurāre ĩ rotiroju miojugu yiguĩji Dios”, gua yi masitoni ado bajiro goti masioquĩ Jesús guare:

—Sīgũ uyé wese co wese r̄cogu ñayiju. Busuri j̄ju ĩre moa ĩsironare āmagũ wayiju ĩ.

² ĩnare bujacōri ĩnare busi quenoyiju ĩ. “Co r̄mu ũm̄asaro yure m̄a moa ĩsija, coji denario niyeru cuji muare waja yicuja yu”, yiyiju ĩ ĩnare. ĩna c̄dija tuocōri, “Yu ya sita moa ĩsitēña yure”, yiyiju ĩ ĩnare. ³ Ito bero yoa busari nueve t̄jaroca, gājerā moa āmorā c̄to gudareco ĩna r̄gōja ti bujayiju ĩ. ⁴ “Wasa, m̄a cuni. Yu ya ote wese moa ĩsitēña. Yiro robo queno muare waja yigu yiguja yu”, yiyiju ĩ ĩnare. Ito bajiri ĩna cuni ĩre moa ĩsirā wayijarā. ⁵ Mucana ito bajiroti ũm̄a gudareco ñaroca, tres ñaroca cuni moari masa bujayiju ĩ. ⁶ Mucana cinco ñaroca c̄to gudareco ejacōri gājerā moa āmorā

ina rūgōja ti bujajijū ī. Ito yicōri inare ado bajiro yiyijū ī: “¿No yija adi r̄m̄m̄ moamenati ūm̄asaro rūgō ucuati m̄a?” yiyijū ī inare. ⁷ “Ñim̄j̄m̄a ḡuare, ‘Moa īsiña m̄a’, yibeama. Ito bajiri ñacōa ḡuā”, yiyijarā ina ire. “Wasa m̄a c̄ni. Ȳm̄ ya ote wese moa īsitēña. Ȳiro robo queno m̄are waja yiḡu yiḡuja ȳm̄”, yiyijū ī inare. ⁸ R̄āiocūro ñaroca ī ya moari masare coderi mas̄re ji ñucayijū ī, ī ya moari masare ī waja yitoni. “Bero moare s̄ajac̄anaj̄uare waja yis̄uoya. Ito yicōri moare s̄ajas̄uoc̄anaj̄uare waja yi gajanoañā”, yiyijū ī, ī ya moari masare coderi mas̄re. ⁹ Ito yija bero moare s̄ajas̄usana ejas̄uoyijarā. Ito bajiri ina jeyarore coji denario niyeru cuji inare waja yiyijū ī. ¹⁰ Itocōacā ina bujaja ticōri, cajero moare s̄ajas̄uoc̄anaj̄uare: “Maniama jai bus̄aro bujarā yirāji”, yi t̄uoīabojayijarā ina. Ito bajiro ina t̄uoīare ñabobarocati. Co kujiti niyeru cuji boca āmiyijarā ina c̄ni. ¹¹ Ito bajiri itocōacā bujacōri ūj̄re tudis̄uoyijarā ina. ¹² “Ḡuā beroj̄m̄ moas̄uorā coji cōreti moama ina. Ito bajibobarocati inare m̄a waja yirocōac̄ati ḡuare waja yia m̄. Ḡuama ūmacañi asiro bujaīabojab̄m̄ ḡuā”, yi tudiyijarā ina ūj̄re. ¹³ Ito bajiro ina yibobarocati s̄iḡure ado bajiro c̄diyijū ūj̄m̄: “Ȳm̄ baba m̄re rinibea ȳm̄. ‘Yic̄uja’, ȳm̄ yiado bajiroti ya ȳm̄. J̄ij̄m̄ oca quenoc̄m̄ mani. ‘Co r̄m̄m̄ moare waja co cuji niyeru cuji waja cutia’, yiar̄i m̄re bus̄ic̄m̄ ȳm̄. ¹⁴ M̄m̄ moare waja āmicōri wasa. M̄re ȳm̄ waja yiro bajiroti bero moas̄usaḡure c̄ni itocōti īsi āmoa ȳm̄. ¹⁵ Ȳm̄ ya niyeru ña. Ito bajiri ȳm̄ āmoro bajiroti ya ȳm̄ itire. ¿Inare queno ȳm̄ waja yija, itire ti junisiniati m̄?” yiyijū ī cajero moare s̄ajas̄uoc̄ure, yiquī Jesús ḡuare.

¹⁶ Gaje ado bajiro yiquī Jesús ḡuare:

—Ito bajiroti adoju jājarā ñasarā ñarā, itoj̄m̄ ūmac̄j̄m̄ Dios ī ñaroj̄m̄ ñasamena ñarā yirāji ina. Ḡajerā adoju ñasamena ñarā, itoj̄m̄ Dios ī ñaroj̄m̄ ñasarā ñarā yirāji. Masa jeyarore jibojaḡuti coriar̄reti bese āmiḡū yiguīji Dios, yis̄saquī Jesús ḡuare.

Ȳre s̄iarā yirāji, Jesús ī yi bus̄is̄usare gaye

(Mr 10.32-34; Lc 18.31-34)

¹⁷ Jerusalénj̄m̄ ḡuā was̄uoroca, ḡuā j̄m̄a ḡubojeno ñarāre bus̄iroc̄u ricati ji ñucaquī Jesús:

¹⁸ —Jerusalénj̄m̄ ejarā warā, m̄ja was̄uoa mani. Jerusalénj̄m̄ mani ejaroca Masa R̄ij̄or̄re ñiarā yirāji masa. Ito yicōri paia ūjarāre, judio masa rotirise riasori masare c̄ni ire īsirā yirāji ina. Inaj̄m̄ ire s̄ia rotirā yirāji. Iti ña ȳm̄ Masa R̄ij̄or̄m̄. ¹⁹ Ito yicōri gaje masa ȳre ina aja tuditoni, ȳre ina bajetoni, ito yicōri yuc̄t̄eoj̄m̄ ȳre ina jaju s̄iatoni inare ȳre īsirā yirāji ina. Ȳre s̄iacōri godana wato ȳre yujebojarā yirāji ina. Ito ina yibobarocati ūdia r̄m̄m̄ bero ȳm̄ catiroca yiḡu yiguīji Dios ȳre, yiquī Jesús ḡuare.

Santiago mesa jaco Jesure iso seniña āmore gaye

(Mr 10.35-45)

²⁰ Ito yija bero Zebedeo r̄ia jaco ejacō Jesús r̄aca bus̄iroc̄o. Iso r̄ia Santiago, Juan r̄aca ejacō. “Ȳre queno yiya m̄”, yiroco Jesús riojo rijomuniḡana ñini rūj̄ucō iso. ²¹ Ito bajiro iso yija ticōri:

—¿No bajiro ȳm̄ yire āmoati m̄? yiquī Jesús isore.

Ito ī yijare ado bajiro c̄dicō iso:

—M̄m̄ rotiroj̄m̄ m̄ eja, ȳm̄ r̄iare s̄iḡū m̄ ya riojocad̄uja, ḡājire m̄ ya ḡācod̄uja rojoba inare, yicō iso Jesure.

²² Ito bajiri iso r̄iare ado bajiro yiquī Jesús:

—M̄m̄ ȳre senibobarisere queno t̄uo masibea m̄m̄. Quenabeto ȳm̄ t̄uoīaroca yirā yirāji masa ȳre. ¿Ȳre bajiroti quenabeto t̄uoīa ñemec̄uti masirā yirājida m̄m̄ c̄ni? yiquī Jesús inare.

—Ñemec̄uticōr̄aji ḡuā, yicā ina Jesure.

²³ Ina ito yija t̄uocōri, ado bajiro c̄diquī Jesús:

—Riti m̄are gotia ȳm̄. M̄m̄ c̄ni ȳre bajiroti t̄obujarā yirāji. Ito bajibobarocati ȳm̄ ya riojocad̄uja, ȳm̄ ya ḡācod̄uja m̄are rojo masibea ȳm̄. “Āna ȳm̄ Mac̄u t̄u rujirā yirāji”, ȳm̄ Jac̄u ī yicādo bajiroti, inare rojoḡu yiguīji, yiquī Jesús inare.

²⁴ Għa Jesús rāca riasotirā jua dujamocō ñarā, “Ito bajiro āmoa għa”, ĩna yija tuocōri, tuo junisinicu għa. ²⁵ Ito bajiro għa bajija ti masicōri, ado bajiro yiquĩ Jesús għare:

—Sita ujarā ñasari masa ĩna roca gānare rotirā yirāji. Ito yicōri mūcana ĩnare moa ĩsiri masa, ĩna roca gānare buto busa sēoro rotirā yirāji ĩna. “Ito bajiro yicā masa”, yi tuo masia mħa. ²⁶ Mħama ito bajiro bajimena yirāji. Gajero bajirojħa bajia. No ñasagu ña āmogū, gājerāre ejabħagu yiguĩji. ²⁷ Ito yicōri cajero gagħ ñasuo āmogū, gājerāre moa ĩsigū yiguĩji. ²⁸ Yħ cħni ito bajiroti ya. Gājerā yħre moa ĩsijaro yigħ meje wadicħ yħ. ĩnajħare ejabħagu wadicħ yħ. Jājarāre masorocħ wadicħ yħ. ĩna ñeñaro yirisere waja yi ĩsirocħ goda ĩsigū wadicħ yħ, yiquĩ Jesús għare.

Jħarā cajea manare Jesús ĩ yisiore gaye

(Mr 10.46-52; Lc 18.35-43)

²⁹ Jericó wame cħtiri cħto għa budi waroca, jājarā masa sħyacā, Jesure ti āmorā. ³⁰ Itojħ għa waroca jħarā cajea timena rujicā ma tujħ. Jesús ĩ rētaja tuocōri, ado bajiro ĩre ji awasācā ĩna:

—Għa ujħ, David ñayorħ janerābatia janamiti ña mħ. Għare ti maiña mħ, yi awasācā ĩna.

³¹ Ito bajiro ĩna yibojarocati, “Awasābesa maji”, yicā masa. Ito bajiro ĩna yibojaroca riti, buto busa awasācā ĩna mūcana:

—Għa ujħ, David ñayorħ janerābatia janami ña mħ. Għare ti maiña, yi awasācā ĩna buto busa.

³² Ito ĩna yija tuocōri, tuja rūgūquĩ Jesús. Ito yicōri cajea manare ji ñucaquĩ ĩ:

—¿No bajiro yħ yire āmoati mħa? yiquĩ ĩ ĩnare.

³³ —Għa Ujħ, cajea ti āmoa għa, yicā ĩna Jesure.

³⁴ Ito ĩna yija tuocōri, ĩnare ti maiquĩ Jesús. Ito yicōri ĩna ya cajeari moaħaquĩ ĩ. Ito bajiro ĩ yirocati timena ñabojana ticoacā ĩna ĩja. Ito ĩ yija bero ĩna cħni Jesure sħyacā.

21

Jerusalénjħ Jesús ĩ ejare gaye

(Mr 11.1-11; Lc 19.28-40; Jn 12.12-19)

¹ Jerusalén cōña warā Betfagē wame cħtiri cħto ejacħ għa. Jabeto cōñasħocħ Jerusalén ĩja. Olivos wame cħtiri turia jħdo ñacħ iti cħto. Jħarā għa rāca gānare ĩ rāca riasotirāre,

² ado bajiro rotiquĩ Jesús:

—Mani waroto riojo ñari cħtore wasa maji. Itojħ ejacōri burro sia rūgōrħre bħjarā yirāji mħa. Ito yicōri ĩ macħ cħni ñagū yiguĩji ĩ rāca. ĩnare oħacōri āmi wadi ĩsima yħre. ³ Sīgū mħare ĩ busija. “Mani Ujħ ĩnare āmoami”, yiba. “Yoari mejeti mūcana mħre jħdacōrā yirāji għa”, yiba. Ito bajiro mħa yija tuocōri, “Baħ wasa”, yigħ yiguĩji mħare, yiquĩ Jesús ĩnare.

⁴ Ito bajiro yiquĩ Jesús, sīgū Diore goti ĩsiri masħ ĩ ucado bajiroti yigħ. Ado bajiro ucayoñi Diore goti ĩsiri masħ:

⁵ Jerusalén gānare ado bajiro yiba: “Tiya mħa. Mħa Ujħ wadiami. ‘Ñasagu ña yħ’, yirocħ meje ejami ĩ. Burro gajeoni ũmari masħ macħ ĩ joe jesacōri wadiami ĩ”, yiba, yi ucañi Diore goti ĩsiri masħ ñayorħ.

⁶ Jesús ĩ rotija tuocōri, ĩ rotiro bajiroti yicā ĩna. ⁷ Burro ĩ macħ rācati āmi wadiñi ĩna. ĩna ya yutabujurire ruacōri burro joere jeocā ĩna. Ito ĩna yija bero mħja jħaquĩ Jesús ĩja.

⁸ Ito iti bajiroca masa jājarā ñacā. ĩna ya yutabujuri ruacōri mare eyocū yucā ĩna. “Għa Ujħ ña mħ”, yirona ito bajiro yiyjarā masa Jesure rħcħħorā. Gājerā yucħgħri jatacōri mare cū yucā ĩna. ⁹ ĩ riojħa gāna, ĩ berojħa gāna cħni ĩre wanħrā ado bajiro awasā wacā ĩna:

—Mħ ña David ñayorħ janerābatia janami. Mħ ña għa Ujħ. Rētoro masigū ña mħ. Dios ĩ cōarħ ña mħ. Queno yijaro Dios mħre. Quenasacōa Dios ĩ ito bajiro ĩ cōaja, yi awasā wacā masa.

¹⁰ Ito bajiro Jesús masa rāca ĩ ejaja, tuo batocōri tuoħa oca jaicā masa. Jājarā ĩnamasi gāmeri seniħacā ĩna:

—¿Ñimũcũ ñati ãni? yicã ñna.

¹¹ Gãjerã ado bajiro yicã:

—Ïti ñami Jesús Diore goti ïsiri masũ. Galilea sita Nazaret wame cutiri cuto gagũ ñami ï, yicã masa.

Dios ya wijũ niyeru wasoari masare Jesús ï bucõare gaye

(Mr 11.15-19; Lc 19.45-48; Jn 2.13-22)

¹² Ito ï yija bero Dios ya wi minijuara wijũ sãja wacũ gũa Jesús rãca. Iti wijũ waja gãme ñari masare ticõri ñnare bucõaquĩ Jesús. Masare ñna niyeru wasoa ñari casabore tujũda queoquĩ Jesús. Ito yicõri bujare ñna ïsi rujiri cumurori tujũda cõaquĩ. ¹³ Ado bajiro gotia Dios oca tuti yiquĩ Jesús:

—Yũ ya wiama yũre rũcũbũorona ñna minijuara wi ñaro yiroja. Ito bajibojarocati mũama riniri masa ñna rudiri wi robo bajiro meniyija mũama, yi gotia Dios oca tuti, yiquĩ Jesús ñnare.

¹⁴ Iti wijũ minijuara wijũ gũa ñaroca, cajea mana ito yicõri wa masimena ejacã Jesús tũ. Ñna ejaja ticõri, ñnare yisioquĩ Jesús. ¹⁵ Ito bajiro Jesús tiyamani ï ïõja ticõri, paia ẽjarã ito yicõri judio masa rotirise riasori masa cũni Jesure tũo junisinicã ñna. “Rẽtoro masigũ ña mũ. David ẽjũ ñayoru janerãbatia janamiti ña mũ”, minijuara wijũ rĩaca ñna awasãja tũocõri, Jesure tũo junisinicã ñna. ¹⁶ Ito bajiro Jesús ado bajiro yicã ñna:

—¿Ito bajiro ñna busija tũocũati mũ? yicã ñna Jesure.

—Tũoa yũ ñnare. Dios oca tutijũ ito bajiro iti gotija. ¿Tĩĩabeati mũa? Ado bajiro gotia iti:
Rĩaca ito yicõri ïjurãcã cũni mũre ñna wanũ rũcũbũoroca ya mũ, yi gotia Dios oca, yiquĩ Jesús ñnare.

¹⁷ Ito yija bero ñnare wagocũ gũa. Ñnare wagocõri Betania wame cutiri cutojũ ejacũ gũa. Itojũ canicũ gũa.

Higuera rica manigũre Jesús ï rojare gaye

(Mr 11.12-14,20-26)

¹⁸ Mũcana busuri Jerusalénjũ tũdi wacũ gũa. Ma gũdareco gũa tũjaroca, “Ñiocõa yũ”, yiquĩ Jesús. ¹⁹ Ma tũ higuera wame cutiricũ ñnacũ. Itigũ ricare ba ãmogũ ojabojoaquĩ Jesús. Rica manicũ itigũjũama. Jũgoti ñnacũ. Ito bajiro itigũre ado bajiro yiquĩ Jesús:

—Jũaji rica cutibitiatija mũgo, yiquĩ Jesús itigũre.

Ito bajiro ï yirocaci sinia godacoacũ itigũ. ²⁰ Ito bajiro iti rẽtaja ticõri, ẽcacũ gũa Jesús rãca riasotirã:

—¿No bajijare yoari mejeti sinia godati itigũ? yicũ gũa Jesure.

²¹ Ado bajiro gũare cũdiquĩ ï:

—Riti mũare gotia yũ. Yũre tũorũnũcõri, “Yũre ejabũabiquĩji Jesús”, mũa yi tũoĩabeja, janeti higuera gũre yũ yiro bajiro meje riti yi masirãji mũa. Gaje sũo busarise yi masirãji mũa. I tũriare, “Cũnĩ rũgõcõri rĩaca jajosajũ quedĩ roaya”, mũa yija, ito bajiroiti rẽtaro yiroja. ²² Diore busirã mũa senija, ïre mũa tũorũnũjama mũa seniro bajiroiti bajiro yiroja, yiquĩ Jesús gũare.

“¿Ñimũ ï rotijare ito bajiro yati mũ?” yi Jesure ñna seniĩare gaye

(Mr 11.27-33; Lc 20.1-8)

²³ Ito rẽta wacõri Jerusalénjũ ejacũ gũa mũcana. Ito yicõri minijuara wijũ sãjacũ gũa Jesús rãca. Ito gũa ñaroca riti paia ẽjarã, ito yicõri judio masa bũcũrã ejacã Jesure seniĩarona:

—¿Ñimũ ï rotijare ito bajiro yati mũ? ¿Ñimũ mũre, “Ito bajiro yiba”, yicati? yicã ñna Jesure.

²⁴⁻²⁵ Ito bajiro ñna yija tũocõri:

—Yũ cũni mũare ado bajiro seniĩagũ ya. Yũre mũa cũdija berojũ, “Ï rotirena ya yũ”, mũare yicũja maji. ¿Ñimũ cõayijari Juanre masare ï idé gutoni? ¿Dios cõayijarite? ¿Masajũ cõayijarite? yi seniĩaquĩ Jesús ñnare.

Ito i yija tuocōri, ĩnamasiti gāmeri tuoĭa bŭsicā ĩna: “ ‘Dioti Juanre idé gu rotiĭni’, mani yija, mŭcana manire seniĭagŭ yiguĭji Jesús: ‘¿No yija ĩre tuorŭnŭbiticati mŭa?’ yi seniĭagŭ yiguĭji Jesús manire. ²⁶ ‘Masati Juanre idé gu rotiĭni’, mani yijama, masa bŭto ti tudirā yirāji manire. ‘Diore goti ĩsiri masŭ ĩami Juan’, yi tuoĭarāji masa”, yi gāmeri tuoĭa bŭsicā ĩna. ²⁷ Ito bajiro tuoĭacōri:

—“Īti Juanre idé gu rotiĭni”, yi masibe a gŭa, yicā ĩna Jesure.

Ito ĩna yija tuocōri, ado bajiro cŭdiquĭ Jesús ĩnare:

—Ito bajijama ĩ rotirenati adi jeyaro tiyamani ya yŭ, yi masibe a yŭ cŭni mŭare, yiquĭ Jesús ĩnare.

Sĭgŭ ĩ rĭa jŭarāre moa rotire Jesús ĩ riasore gaye

²⁸ Mŭcana judio masa bŭcŭrāre ado bajiro seniĭaquĭ Jesús:

—Mŭare oca gotigu ya yŭ. ¿Itire no bajiro tuoĭarā yirājida mŭa? Sĭgŭ ĩnayiju jŭarā rĭa cŭtigu. Ī macŭ ĩnasuogŭre ado bajiro yiyiju ĩ: “Macŭ jane yŭ ya ote ŭyére moagŭ wacŭ ya mŭ”, yiyiju ĩ, ĩ macŭre. ²⁹ “Āmobe a yŭ, wabicŭja yŭ”, yiyiju ĩ ĩre. Ito bero gaje tuoĭa quenocōri moagŭ wayiju ĩ ĩja. ³⁰ Ito yija ĩ macŭ gājire cŭni ito bajiroti moa rotiyiju. “Baŭ, moagŭ wacŭja cŭna yŭ”, yiyiju ĩ ĩja ĩ jacŭre. Ito yibojaguti moagŭ wabisiju ĩ. ³¹ Mŭa tuoĭaja, ¿ĩnimŭja ĩnayijari ĩ jacŭ āmoro bajiro yigu? yi seniĭaquĭ Jesús ĩnare.

Ito i yija tuocōri:

—Cajero ĩ moa rotisŭorŭ quenaĭi, yicā ĩna Jesure.

Ito ĩna yija tuocōri, ado bajiro yiquĭ Jesús:

—Riti mŭare gotia yŭ. Ŭjarāre yiari waja seni ĩsiri masa ito yicōri wedi masa romia mŭa riojŭaju Dios ĩ rotiroju ejarā yirāji ĩna. ³² Juan idé guri masŭ, “Ado bajirojŭa mŭa ĩaja quena”, yi mŭare ĩ riasobojaja, ĩre tuorŭnŭbisija mŭa. Ito bajibojarocati ŭjarāre yiari waja seni ĩsiri masa, ito yicōri wedi masa romia cŭni ĩre tuorŭnŭni ĩna. ĩna ito bajiro Juan idé guri masŭre ĩna tuorŭnŭja, tibojarāti mŭa ĩeĭaro yirise jidicā āmobisija mŭa. Ito yicōri Juan idé guri masŭre tuorŭnŭbisija mŭa, yiquĭ Jesús ĩnare.

Queno moare rujeo masimena Jesús ĩ yire gaye

(Mr 12.1-12; Lc 20.9-19)

³³ ‘Gaje goti masiore ocana mŭare gotigu ya yŭ: Sĭgŭ weseca cŭtigu ĩ ya weseju ŭyé oteyiju. Iti wesere ote tĭocōri iti wesere camotayiju ĩ. Ito yicōri ŭyé ide bijerotiju coju meniyiju ĩ. Iti wese ĩacōri tirŭnŭrocŭ ŭmacŭju casabo meniyiju ĩ. Ito yija bero co rŭmŭ gājerāre tirŭnŭ wasoa rotiyiju. Ito yicōri gajeroju wacoayiju ĩ. ³⁴ Ito bajiri co rŭmŭ ŭyé iti rica cŭtiroca, “Yŭ ye ĩaroti jabeto ŭyé āmitēna”, yirocŭ ĩ ya moari masare cōayiju ĩ. ³⁵ Iti weseju ĩna ejaja ticōri, ito coderi masa ĩnare ĩnayijarā. Sĭgŭre jayijarā, ito yicōri gājire sĭayijarā, ito yicōri gājire gŭtana reayijarā. ³⁶ Iti oca tuoĭari jājarā bŭsa ĩ ya moari masa cōayiju ĩ, ĩ ya wesecaju ĩ ye ĩaroti ĩna āmitoni. Iti weseju ĩna ejaroca, iti wese code ĩana ito riojŭa ejanare ĩna yiado bajiroti yiyijarā mŭcana.

³⁷ ‘Ito bajiro ĩna yija tuocōri, “Yŭ macŭjŭare rŭcŭbŭorāji”, yi tuoĭacōri ĩ macŭre wa rotiyiju ĩ. ³⁸ Ī macŭ ejaja ticōri, ado bajiro tuoĭa bŭsiyijarā ĩna: “Adi sita ŭju godagoja āni macuti ĩami wasoarocŭ, ito bajiri ĩre mani sĭaja, mani ya sita ĩaro yiroja ĩja”, yi gāmeri tuoĭa bŭsiyijarā ĩna. ³⁹ ĩna tuoĭado bajiroti ĩre sōju ĩna āmi wacōri sĭayijarā ĩna, yiquĭ Jesús ĩnare.

⁴⁰ Ito bero mŭcana ado bajiro ĩnare seniĭaquĭ Jesús:

—¿Ī tŭdi ejaja no bajiro yigu yiguĭjida ĩnare, iti wese codeanare? yi seniĭaquĭ Jesús ĩnare.

⁴¹ Ito i yija tuocōri, ado bajiro cŭdicā ĩna Jesure:

—Īnare ti maiari meje ĩnare sĭagŭ yiguĭji ĩ iti sita ŭju. Ito i yija bero gājerāre tirŭnŭ wasoa rotigu yiguĭji ĩ. Ŭyé iti bŭcŭaroca iti wese ŭjŭre ĩsironare ĩnare wasoagŭ yiguĭji ĩ, yicā ĩna Jesure.

⁴² Jesujŭa ado bajiro yiquĭ ĩnare:

—¿Dios oca tuti tĭĭabeati mŭa? Ado bajiro gotia iti tuti:

Gūta wi meniri masa coga gūtagāre cōayijarā ĩna. Ito bajibojarocati gaje gūta rētoro quenarica ñayijū itiga ĩna cōabojaraga. Itiga gūtagāna suoriti quenari wi menigū yiguīji Dios. Itiga gūtagā manija, menire ma. Ito bajiro āmoñi Dios mani ʘjū. Ito bajiri itire masicōri buto tūoīa wanua mani, yi gotia Dios oca.

Ito bajiro yiñi Dios, yure rētaroti tūoīa yugu. ⁴³ Ito bajiri muare ado bajiro gotia yū: “Īre tuorūnūrāre ĩ rotirojū miojugū yiguīji Dios”, muare gājerā gotibojarocati tuorūnūbisija mūa. Ito mūa yija ticōri, gājerā masa ĩ oca ĩna masiroca yiñi Dios. Ito bajiri ĩre ĩna queno cūdija ticōri, ĩnareama miojugū yiguīji Dios, ĩ rotirojū. Mūa judio masare ĩ rotirojū muare cū yubojāni Dios. Muare yubojacōri gājerāre cūgū yiguīji Dios ĩ rotirojū. Ī ya weseca ejabua āmorāre bajiro bajirā cūgū yiguīji Dios ĩ rotirojū. ⁴⁴ Jījū gūta gaye muare yū busirise ado bajiro bajia: No gūtagā joe quedi jeagure ĩ ya gōari jearo yiroja ĩre. Ito yicōri itiga gūtagā sīgūre iti quedi jeaja, mano abocōro yiroja. No yure tuorūnūbicū, catitīñabicū yiguīji. Ito yicōri noa jeame ũjurojū cōa āmorāre yū cōaja, ruyuriorocū cōagū yigūja yū, yiquī Jesús ĩnare.

⁴⁵ Goti masiore oca Jesús ĩnare gotija tuocōri, “Manireti busiami”, yire masiri seyocā fariseo gaye tūoīarā, paia ũjarā cūni. ⁴⁶ Ito bajiri Jesure ñia āmori seyobojacā ĩna. Ito bajiro tūoīabojarāti masare gūirā Jesure ñiabiticā ĩna. “Diore goti ĩsiri masū ñami Jesús”, masa ĩna yi tūoīajare, masare tūo gūicā ĩna.

22

Āmo siare gaye Jesús ĩ riasore oca (Lc 14.15-24)

¹ Mūcana masare goti masiore ocana gotisūoquī Jesús:

² —“Ado bajiro bajia, ĩre tuorūnūrāre ĩ rotirojū Dios ĩ miojuri rūmū”, yirocū ado bajiro gotiquī Jesús: Sīgū ũjū ĩ macū āmo siare basa meniyijū. ³ “Ti ejabuaronare jiteña”, yirocū ĩ ya moari masare cōayijū ũjū. Ito ĩ yija tuocōri, jirā wabojayijarā ĩna. ĩna jibojarocati wadi āmobisijarā ĩna. ⁴ Ito bajija ticōri, gājerā ĩ ya moari masare cōayijū ũjū. “Gua ũjū muare bocatimi. Ī ya wecua ri cutirāre sīa rotimi ĩ. Muare bocati ñami ĩ. Ito bajiri ĩ macū āmo siari rūmū tirā waya mūa cūni, yiba ĩnare”, yi oca cōayijū ũjū. ⁵ Ito yija tuocōri, jirā wabojayijarā ĩna mūcana. Ito bajibojarocati ĩre cūdi āmobisijarā ĩ oca cōana. Ito bajiri ĩna gotibojaroca riti, gājiama ĩ ya wesecajū wayijū. Gāji ĩ gajeoni ĩ ĩsirojū wayijū. ⁶ Gājerāma ũjū ĩ cōanare boca ñiayijarā. Ito yicōri ĩnare jayijarā. Ito yirā riti ĩnare sīacōyijarā ĩna. ⁷ Itire tuocōri buto junisiniyijū ũjū. Ito bajiri ĩ ya surarare ĩnare sīa rotiyijū, ito yicōri ĩna ya wirire soe rotiyijū ĩ. ⁸ Ito yija bero gājerā ĩre moa ĩsiri masare ado bajiro yiyijū ĩ: “Yū macū ĩ āmo siaroti gaye ñajediro ñacā. Jījū yū oca cōabojanama wadire ma ĩnare. ⁹ Cūto gūdareco wasa. Itojū mari mūa ti būjaro bajiroti baba cutiba”, yiyijū ũjū ĩre moa ĩsiri masare. ¹⁰ Ī rotiro bajiroti masa miojuyijarā ĩna marijū. Quenarā, ñeñarā, ĩna būjaro bajiroti miojuyijarā ĩna. Ito bajiri ũjū ya wi dajacoayijū.

¹¹ Ito yija ĩ oca cōanare tigū sājayijū ũjū. Sīgū ĩ āmo siara rūmū sāñare gaye yutabuju ĩ sāñabeja tiyijū ĩ. ¹² Ito bajiri ado bajiro yiyijū ĩ ĩre: “Yū baba, ¿no yija āmo siare gaye yutabuju sāñabeati mū?” yiyijū ĩ ĩre. Ito ĩ yija cūdibisijū yutabuju sāñabicū. ¹³ Ito yija bare jeori masare ado bajiro yiyijū ũjū. “Ī ya gūbori, ĩ ya āmori rāca siaya ānire. Ito yicōri rāitīarojū cōaña ĩre. Itojū ejacōri ñeñaro tōbūjagū yiguīji. Ito bajiri oticōri buto tūoīa oca jaigū yiguīji ĩ”, yiyijū ũjū ĩ ya bare jeori masare. Ito bajiroti bajiroja ũmacūjū Dios ĩ rotirojū cūni. ¹⁴ Jājarāre jibojami Dios, ĩ ñarojū ĩna ejatoni. Ito bajibojarocati coriarāti ĩ beseana goti ejarā yirāji ĩ ñarojū, yiquī Jesús ĩnare.

ʘjarāre mani waja ruyurioja ñaro bajiroti waja yija quena, Jesús ĩ yire gaye (Mr 12.13-17; Lc 20.20-26)

¹⁵ Ito ĩ yija tuocōri, fariseo gaye tūoīarā wacoacā. Sīgūre bajiro tūoīacōri, “Josari oca ĩre mani seniñaja, cūdi masibicū yiguīji ĩ. Ito bajiro ĩ cūdi masibeja tuocōri, ‘Īre seti ña’, yirā yirāji mani”, yi tūoīari seyobojacā ĩna. ¹⁶ Ito bajiro tūoīacōri ĩna ñarāre ito yicōri

Herodes ñarã rãca, “Ado bajiro Jesure seniĩatẽña mũa”, yi ñucayijarã ñna. Ñna cõana Jesús tũ ejacõri ado bajiro seniĩacã ñna Jesure:

—Tũoya riasori masũ mũ. “Riojo gotigũ ña mũ”, yi masia gũa. “Ado bajiro ãmoami Dios”, yi riasogũ ñaro bajiroti masare riasoa mũ. Masa busirise tuorũnubicuti quenarise riasogũ ña mũ. Gãjerã ñasari masa gajero bajiro ñna riasobojarocati, ñnare tuorũnubicuti, ñnasarise riasoa mũ. ¹⁷ Ito bajiro mũ yija, no bajiro mũ tuoĩare gaye tuo ãmoa gũa. ¿Roma cuto gagũ ujũ gũare ñ waja seniija, waja yirãjida gũa, waja yibeatite gajerea? yi seniĩabojacã ñna Jesure.

¹⁸ “Yũ wisatoni ito bajiro yũre seniĩama ñna”, yi masiri seyoquĩ Jesús. Ito bajiri ado bajiro yiquĩ ñnare:

—“Queno yirã ña gũama”, yirã ñabojarãti queno yirã meje ña mũ. ¿No yija yũ tuo wisatoni ito bajiro seniĩati mũ? ¹⁹ “Sita waja, waja yiroti cuji niyeru cuji yũre ñoña”, yiquĩ Jesús ñnare.

Ito yija niyeru cuji ñre ñocã ñna. ²⁰ Iti cuji niyeru cuji ticõri, ado bajiro ñnare seniĩaquĩ Jesús:

—¿Ñimũ ya rio ñnati adi rio? ¿Ñimũ wame, wame cutiati iti? yiquĩ Jesús ñnare.

²¹ —Gobierno masa ujũ César wame cutigũ ya rio ña. Ito yicõri ñ wameti ña iti, yicã ñna Jesure.

—Gobierno masare mani waja ruyurioja ñaro bajiroti waja yija quena. Ito bajiroti manire Dios ñ rotija ñaro bajiroti ñre cãdija quena, yiquĩ Jesús ñnare.

²² Ñ queno cãdi masija tuocõri, rujũ ucacã ñna. Ito bajiri mũcana tũdi seniĩa uyabiticã ñna ñja. Seniĩamenati wacoacã ñja.

*¿Godacõri tũdi caticoarã yirãjida masa? yi Jesure ñna seniĩare gaye
(Mr 12.18-27; Lc 20.27-40)*

²³ Iti mũmũti saduceo gaye tuoĩarã Jesure tirã ejacã. “Masa ñna godaja bero mũcana tũdi catire ma”, yirã ñnama saduceo gaye tuoĩarã. Ito bajiro tuoĩarã ñnari, Jesure seniĩarã ejacã ñna:

²⁴ —Tũoya riasori masũ mũ. Moisés ñayorũ ñ yire gaye mũre seniĩarã wadibũ gũa. Ado bajiro yĩni Moisés ñayorũ: “Sĩgũ manajo cutigũ rĩa macuti ñ godagoja, ñ bero gagũ ñ rĩjorũ manajo godore manajo cutija quena. Ito bajiri iso rãca ñnacõri, rĩjorũ ñajacũre wasoagũ rĩa cuti wasoagũ yiguĩji ñ”, yi ucañi Moisés ñayorũ. ²⁵ Gũa wato sĩgũ rĩa jũ ãmojeno ñabojañi. Sĩgõreti manajo cutibojañi ñna. Ñnasogũ isore manajo cutisũobojañi. Rĩa macuti godañi ñ. Ñ godaja bero gãji ñ ocabaji wasoabojañi. Rĩa macuti godañi ñ cũni. ²⁶ Ñ bero gãna cũni ito bajiroti manajo cutibojañi. Rĩa manati godañi ñna cũni. Ito bero susagũ cũni ito bajiroti bajiyijũ. ²⁷ Iso manũjusabatia ñna goda jedija bero iso cũni godacoañi ñja. ²⁸ Godabojarãti mũcana tũdi ñna catija bero, ¿ñimũjũ ñnaguĩjida iso manũjũ ñnasarocũ ñna ñnarocõti isore ñna manajo cutija bero? yi seniĩacã ñna Jesure.

²⁹ Ito ñna yija, ado bajiro cãdiquĩ Jesús:

—Dios oca tuti gaye queno tuoĩa masimena ña mũ. Dios ñ masirise masirã meje ña mũ. Ito bajiro yũre mũ seniĩabojaja, queno tuoĩacõri meje seniĩa mũ. ³⁰ Ado robojũ bajia. Godana mũcana tũdi caticõri manajo cutire ma. Ito yicõri ñna rĩa romiare manũjũ cuti rotimenaji ñna. Ñmacũjũ ángel mesa robo bajiro bajirã ñnarã yirãji ñna. ³¹ ¿Masa ñna godaja bero mũcana tũdi catirã yirãjida ñna mũcana? yija, Dios oca tuti tiya. Dios oca tuti gaye ti jeorã meje ña mũ. Ñmasiti ado bajiro gotiami ñ oca tutina: ³² “Abraham, Isaac, Jacob ñayoana Ñjuti ñasotia yũ”, yi gotiami Dios ñ ocana. Ito bajiri godana ujũ meje ñami Dios, catirã Ñjũjũ ñami, yi tuoĩa mani, yiquĩ Jesús ñnare.

³³ Ito bajiro Jesús ñ riasore gaye ñ gotija tuocõri, ucacã masa.

*Dios ñ rotirise ñnasarise gaye
(Mr 12.28-34)*

³⁴ Ito bajiro saduceo gaye tuoĩarã Jesús ñ oca taja tuoyijarã fariseo gaye tuoĩarã. Ito bajiri iti tuocõri minijuyijarã fariseo gaye tuoĩarã. ³⁵ Sĩgũ ñna wato judio masa rotirise

riasori masu ñaŋi. “No bajiro Jesús yure ï cudiya tuocuja”, yirocu ado bajiro Jesure seniŋagũ ejaquĩ ï.

³⁶ —Riasogu, ¿dise ñati Dios ï rotirise ñasarise mu tija? yi seniŋaquĩ ï Jesure.

³⁷ Ito ï yija tuocõri, ado bajiro cudiquĩ Jesús:

—Mani Hju Diore buto maija quena. Mani tuoŋarisena, ito yicõri mani ya usina Diore mani maija quena. Ï sīgũreti tuorũnucõri, buto ïre mani maija quena. ³⁸ Iti ña ñasarise Dios ï rotire. ³⁹ Iti bero rotire gaye itire bajiro bajiriseti ña. Ado bajiro bajia iti: “Mu ya rujure mu mairo bajiroti gãjerã mu ñarãre maija quena”, yi rotiami Dios. ⁴⁰ Iti juajiti ña Dios ï rotirise ñasarise. Iti juaji gaye Dios ï rotire gaye mua cudiya, Moisés ñayoru ï rotire gaye, Diore goti ïsiri masa ña riasorise gaye cuni yiro bajiro cudirã ñarã yirãji mua, yiquĩ Jesús ñare.

*¿Ñimu janami ñayijari Cristo mua tija? yi Jesús ï seniŋare gaye
(Mr 12.35-37; Lc 20.41-44)*

⁴¹ Fariseo gaye tuoŋarã gua tati ña minijuaroca maji, ⁴² ado bajiro seniŋaquĩ Jesús ñare:

—¿Ñimu ñati Cristo, Dios ï cõaru mua tija? Ito yicõri, ¿ñimu janami ñati ï? yiquĩ Jesús ñare.

—David ñayoru janerãbatia janamiti ñami ï, yicã ña Jesure.

⁴³ Ña ito yija tuocõri, ado bajiro yiquĩ Jesús ñare:

—Riti mua tuoŋaja, ¿no yija David ñayoru ïre tuoŋagũ, “Yu Hju”, yiyijari? Tite mua. Ado bajiro ucañi David ñayoru. Espiritu Santo ï rãca ï ñajare ado bajiro ucañi ï:

⁴⁴ Yu Hjure ado bajiro yiñi Dios: “Yu ya riojocaduja rujiya, mu wajanare mu rotiroca yigu yiguja yu”, yiñi Dios yu Hjure, yi ucayoñi David.

⁴⁵ David ñayoru janerãbatia janami ï ñaja, “Yu Hju”, yibitiboru David ñayoru, yiquĩ Jesús ñare.

⁴⁶ Ito bajiro ï gotija tuocõri, sīgũjua cudi masibiticã Jesús ï gotirisere. “Masi yucãguñi ï”, yi tuoŋacõri itocõti ïre seniŋa jidicã ña ïja.

23

*“Seti ña muare”, fariseo gaye tuoŋarãre Jesús ï yire gaye
(Mr 12.38-40; Lc 11.37-54; 20.45-47)*

¹ Ito yija bero ado bajiro yiquĩ Jesús masare, gua ï rãca riasotirãre cuni:

² —“Moisés ñayoru ï rotire gaye tuo masirã ñama fariseo gaye tuoŋarã, judio masa rotirise riasori masa cuni”, yama masa. ³ Ito bajiri ña rotiro bajiroti cudiba. Jeyaro ña rotiro bajiroti cudiba. Ito bajibojarocati ñeñaro ña yirisere yibeja itireama. “Ado bajiro ya gua”, yibojarãti ricati yama ña. ⁴ “Cudi masia mani”, masare rotiamã ña. Ito bajibojarocati ito bajiro riti ñare roti uyama ña. “Ito bajiro yiya mua”, yibojarãti ñamasiti ito bajiro yibeama ña. ⁵ Jeyaro ña yirise, “Queno yirã ñama ña”, masa ña yi tijaro yirona ito bajiro yibojama ña. Masa ña tiro riojo ña ya rioweca, ña ya ricajudori cuni Dios oca jũ wõbojama ña, “Gãjerã guare ti seyojaro”, yirona ito bajiro yibojama ña. Ito yicõri yutabujuri yoarise gãjerã rëto busaro rore gaye sãñabojama ña. “Gãjerã guare ti seyojaro”, yirona ito bajirise sãñabojama ña. ⁶ Ña ba ruji ãmoja, quenari cumuro ba ruji ãmoama ña. Minjuara wiriju ña ruji ãmoja, rucuboraju riti ruji ãmoama ña. ⁷ Mariju masare ña bocaja, queno rucubore rãca seniŋare ãmoama ña. Ito yicõri, “Yure riasogu”, masa ña yire ãmoama ña, yiquĩ Jesús guare.

⁸ Muama ricati yija quena. “Yure riasogu”, masa ña muare yiroca yibeja. Mani jeyaro sīgũ rãre bajiro bajirã ña mani. Yu Cristo, Dios ï cõaru yu sīgũti ña muare riasori masu. ⁹ Sīgũti ñami mani Jacu. Ïti ñami Dios ïmacũju gagu. Ito bajiri adi sita gãnare, gãjerã ïmuare, “Cuna”, yibeja mua. ¹⁰ “Yu Hju”, yi rotibeja gãjerãre. Yu Cristo, Dios ï cõaru sīgũti ña mua Hju. ¹¹ Sīgũ mua rãca gagu muare ï ejabuaja, ï ñagũ yiguñi ñasagu. ¹² No gãjerã riojua gagu ña ãmobjaguti ñabicu yiguñi ï. Ito bajiri berõjua gagu tujagu yiguñi ï. Sīgũ, “Gãjerã rëtoro ñasagu ña yu”, yibicu ï ñagũ yiguñi ñasagu, yiquĩ Jesús guare.

¹³ Fariseo gaye tʉoĩarãre, judio masa rotirise riasori masare cʉni bʉsigu ado bajiro bʉsiquĩ Jesús:

—Bujato bujarã wãna ya mʉa. “Queno yirã ña gʉa”, yibojarãti mʉa yiro bajiro yirã meje ña mʉa. Dios ĩ rotiroju gãjerã ĩna sãjabititoni itire camota mʉa. Gãjerã ĩna sãja ãmobojarocati ĩnare camota mʉa. Ito bajiri mʉa cʉni sãjamena yirãji, yiquĩ Jesús ĩnare.

¹⁴ Bujato bujarã wãna ya mʉa fariseo gaye tʉoĩarã, judio masa rotirise riasori masa mʉa cʉni. “Queno yirã ña gʉa”, yibojarãti mʉa yiro robo yirã meje ña mʉa. Manuju godagoana romiare ruocõri jairoguti ĩnare waja senia mʉa. Ito bajiro yicõri ĩna rucojarisere ñarocõti ěma jeoa mʉa. Queno yimena ñabojarãti masa mʉare tʉo wanõtoni yoari ĩna tiro riojo Diore bʉsitobuabojaja mʉa. Ito bajiri bʉto bʉsa mʉare waja senigũ yiguĩji Dios. Ito bajiri gãjerã rẽtoro tõbujarã yirãji mʉa, yiquĩ Jesús ĩnare.

¹⁵ Bujato bujarã wãna ya mʉa fariseo gaye tʉoĩarã, judio masa rotirise riasori masa mʉa cʉni. “Queno yirã ña gʉa”, yibojarãti mʉa yiro robo yirã meje ña mʉa. “Mani robo gãji ĩ tʉoĩaja quena”, yi tʉoĩabojacõri jeyaro masare riaso ucua mʉa. Sĩgũ mʉare bajiro tʉoĩaroca mʉa yigure bʉto bʉsa ñeñaro ĩ tʉoĩaroca ya mʉa. Ito bajiri mʉa rẽto bʉsaro ñeñaro yicõri jeame ějuroju warujami ĩ cʉni, yiquĩ Jesús ĩnare.

¹⁶ Bujato bujarã wãna ya mʉa. Cajea mana gãjerã cajea manare tʉa wabojarãre bajiro bajirã ña mʉa. Ado bajiro gãjerãre yiboja mʉa: “ ‘Dios ya wi wamenati ado bajiro yicuja yʉ’, yibojarãti mʉa yiro robo yibeja cʉni no yibeja iti. ‘Dios ya wijʉ oro wamena ado bajiro yicuja yʉ’, mʉa yija, yiro bajiro ti yiba itireama”, yiboja mʉa gãjerãre. ¹⁷ Tʉo masimena, cajea manare bajiro bajirã ña mʉa. ¿Disejua ñati ñasarise mʉa tija? ¿Orojua ñasatite mʉa tija? ¿Dios ya wijʉ oro cuji ñariju masa ĩna ru cubuoriju ñatite ñasariju? yiquĩ Jesús ĩnare. ¹⁸ Gaje ado bajiro masare yiboja mʉa: “ ‘Diore ĩna soe ĩsisotira casabo wamena ado bajiro yicuja yʉ’, yibojarãti mʉa yiro robo yibeja cʉni, no yibeja iti. ‘Diore ĩna soe ĩsisotira casabojʉ ĩre ĩsiroti wame rãca ado bajiro yicuja yʉ’, mʉa yija, mʉa yiro bajiro ti mʉa yija quena itireama”, yiboja mʉa masare. ¹⁹ Tʉo masimena, cajea manare bajiro bajirã ña mʉa. ¿Mʉa tija disejua ñati ñasarise? ¿Diore ĩsiroti iti ñati ñasarise, gaje Diore ĩna soe ĩsisotira casabojʉ ĩre ĩsiroti ñarijujua ñasatite? yiquĩ Jesús ĩnare.

²⁰ Ado bajiro baja. Tʉote mʉa. No, “Diore ĩna soe ĩsisotira casabo wamena ado bajiro yicuja yʉ”, yigu ite casabo wamena meje riti, “Ado bajiro yicuja yʉ”, yiguĩji. Diore soe ĩsira casabojʉ jesarise rãca, “Ado bajiro yicuja yʉ”, yigure bajiro bajiami ĩocũ. ²¹ No, “Dios ya wi wame rãca, ado bajiro yicuja yʉ”, yigu ite wi wame rãca riti meje yiguĩji. Dios ite wi ʉju wame rãca, “Ado bajiro yicuja yʉ”, yigure bajiro yiguĩji ĩocũ. ²² “Umacuju Dios ĩ ñaro wame rãca ado bajiro yicuja”, yigu Dios itojʉ rotigu wame rãcati yigure bajiro yami ĩocũ, yiquĩ Jesús ĩnare.

²³ Bujato bujarã wãna ya mʉa fariseo gaye tʉoĩarã, judio masa rotirise riasori masa mʉa cʉni. “Queno yirã ña gʉa”, yibojarãti mʉa yiro robo yirã meje ña mʉa. Jũ queno sutirise, anís, menta, camino waja ru cubiti gaye mʉa rucoja, Moisés ñayoru ĩ rotiado bajiro ti Diore jabeto ĩsia mʉa. Ito bajibojarocati rotire ñasarisere tʉorũnubea mʉa. Ado bajiro baja ñasarise, queno yire, gãjerãre ti maire, Diore tʉorũnure, itocõti ña ñasarise. Iti gaye yitĩñama mʉa, Diore jabeto ĩsire gaye cʉni jidicãbeja mʉa. ²⁴ Cajea mana gãjerã cajea manare tʉa wabojarã bajiro bajirã ña mʉa. Ado bajiro bajirã ña mʉa. Ide wato mutarãcã ñarãre ĩna idiroto riojua queno besecãbojacõri camello jaigu bʉcure idi yucõarã bajiro bajirã ña mʉa. Rotire ñasabiti gayeama queno tirũnua mʉa. Ito bajibojarocati ñasarisereama queno tirũnubea mʉa, yiquĩ Jesús ĩnare.

²⁵ Bujato bujarã wãna ya mʉa fariseo gaye tʉoĩarã, judio masa rotirise riasori masa mʉa cʉni. “Queno yirã ña gʉa”, yibojarãti mʉa yiro robo yirã meje ña mʉa. Somotẽro idira tẽrori cʉni joejua riti coea mʉa. Totijuama ñarocõti ʉeri cutia maji. Mʉa guaja, joe ruju riti coea mʉa. Jubejuama ñeñaro tʉoĩa maji. Gãjerã ĩna ru corise ti ʉorã ĩnare ruoa mʉa. Ito bajiri bujato bujarã wãna ya mʉa. ²⁶ Mʉa fariseo gaye tʉoĩarã cajea manare bajiro bajirã ña mʉa. Somotẽro, idira tẽro cʉni totiju mʉ coesujaja joejua cʉni ʉeri mano

yiroja. Ito bajiroti ñeñaro mña tñoïarise cñni mña jidicãja, jeyaro queno yirã ñarã yirãji mña, yiquĩ Jesús ñnare.

²⁷ Mña fariseo gaye tñoïarã, judio masa rotirise riasori masa cñni bñjato bñjarã wãna ya mña. “Queno yirã ña gña”, yibojarãti mña yiro robo yirã meje ña mña. Masari cuma bajiro bajirã ña mña. Ado bajiro bajia masari cuma, joeti mani tija queno boti quena. Ito bajibojarocati jubejuama gōarigoti ñaroja, ito yicōri jogare buorise ñaroja. ²⁸ Ito bajiro bajirã ña mña. Masa ñna tija, queno yirã bajiro bajia mña. Ito bajibojarãti jubejuama ñeñaro tñoïarã ña mña. “Queno yirã ña gña”, yibojarãti ñeñaro yirã ña mña, yiquĩ Jesús ñnare.

²⁹ Mña fariseo gaye tñoïarã, judio masa rotirise riasori masa cñni bñjato bñjarã wãna ya mña. “Queno yirã ña gña”, yibojarãti mña yiro robo yirã meje ña mña. Diore goti ñsiri masa ñna godaja bero masari cuma menia mña. Queno yirãre masari cuma queno tirñnna mña, ito yicōri tija seyorse iti joere jeoa mña. ³⁰ Ito yicōri ado bajiro ya mña: “Gña ñncusabatia ñna catijama, Diore goti ñsiri masare ñna sïaroca ñnare ejabuabitiboana gña”, yi tñoïa mña. ³¹ Ito bajiro mña yija, “Diore goti ñsiri masare sïayoana janerãbatia ñna gña”, yi tñoïa mña. ³² Mña ñncusabatia ñna yiyore bajiroti ya mña cñni adi rumuri gãna, yiquĩ Jesús ñnare.

³³ Ñña bajiro bajicōri ñ robo junirã ña mña. Jeame ñjuroju mña tōbñjaroti rētare ma mñare. ³⁴ Queno tño masijaro ñna yirocã, Diore goti ñsiri masa, riasori masa gãjerã queno tñoïarãre cñni cōabojagũ yigũja yũ mña tũ. ñnare cudi ñmomena ñnare sïarã yirãji mña. Gãjerãreama yucutēojũ jaju sïarã yirãji mña. Gãjerãre minijuara wijũ ñnare jarã yirãji mña. ñnare ñeñaro yirona co cuto ruyabeto ñnare sũyarã yirãji mña. ³⁵ Abel queno yigũ ñayorure sïasuoijarã mña ñncusabatia ito yicōri Berequiãs macũ Zacaríasjũre sïasusayijarã. Dios ya wijũ Diore ñna soe ñsisotira casabo tũ Zacaríasre sïayija mña. Mña ñncusabatiare bajiroti ya mña cñni. Ito bajiri queno yirãre ñna sïagore ñajare seti ña mñare cñni. ³⁶ Riti mñare gotia yũ. Mña adi rumũ gãnare ititi seti ña ejaro yiroja mñare, yiquĩ Jesús ñnare.

Jerusalén gãnare tñoïa maigũ Jesús ñ otire gaye
(Lc 13.34-35)

³⁷ Jerusalén gãna mñare cōañi Dios ñre goti ñsiri masa, ito yicōri ñ oca riasori masare. ñre goti ñsiri masa, ñ oca riasori masa cñni mñare gotirona cōañi Dios. Ito bajibojarocati ñnare sïayija mña. Coji meje mñare mioju ñmbojacũ yũ. Cara iso rñare caero rocaju iso miojuro robo bajiro, mñare yi ñmbojacũ yũ. Ito bajiro yũ yi ñmbojarocati ñmobicũ mña. ³⁸ Queno tñoïaña mña. Mña wiri wagoa wiri bajiro tujaro yiroja. Ito yicōri mñare jidicãgũ yiguĩji Dios. ³⁹ Riti ado bajiro mñare gotia yũ: “Gñare yiarĩ Dios ñ cōarũ ña mñ. Mñre queno yirã Dios”, mña yiroto riojua mñcana juaji yure timena yirãji mña, ya yũ mñare, yiquĩ Jesús masare.

24

Dios ya wi ñjea bate godaro yiroja, Jesús ñ yire gaye
(Mr 13.1-2; Lc 21.5-6)

¹ Ito bajiro ñ yija bero, Dios ya wi budi wasuoquĩ Jesús. ñre suacōri ado bajiro yibojacũ gña ñre: “Adi wiri ti ucuto mani”, yibojacũ gña ñre. ² Ito bajiro gña yibojarocati ado bajiro yiquĩ Jesús guare:

—¿Adi wirire tiati mña? Riti mñare gotia yũ. Adi wiri ñnarocōti ñjea bate quedicoaro yiroja. Ito bajiri adi wi gaye gũtagã gajega joe jesabeto yiroja. ñnarocōti godacoaro yiroja, yiquĩ Jesús guare.

Adi ñmñari jediroto riojua ado bajiro rētaro yiroja, Jesús ñ yire gaye
(Mr 13.3-23; Lc 21.7-24; 17.22-24)

³ Ito yija bero Olivos wame cutiri turia joeju wacũ gña ñja. Ito ejacōri Jesuama eja rñjũquĩ. Ito ñ rujiroca gãjerã ñna manija ticōri, ado bajiro ñre seniñacũ gña:

—“Iti rumu wi quediyo yiroja”, mu yi gotire amoa gua. ¿No bajiro iti bajija ticōri, “Jesús ejagu wagu yami”, yi masirā yirājida gua? ¿Ito yicōri no bajija ticōri, “Adi macārucūro jediro ya”, yi masirā yirājida gua? yicu gua Jesure.

⁴ Ito bajiro gua yija tuocōri, ado bajiro cudiqui Jesús guare:

—Queno masima mua gājerā muare ruobe yirona. ⁵ Jājarā ruori masa ejarā yirāji. “Yuti ña Cristo, Dios i cōaru”, yirā masa ejarā yirāji. Jājarā ruorā yirāji ña. “Diore busi isirā ña gua”, ña yija jājarā masa tuobojarā yirāji ñare. ⁶ “Masa gāmeri sīarā yiyijarā”, yire oca tuorā yirāji mua. “Gaje cuto gāna jane gāmeri sīasuoyijarā”, yire gaye guijorise oca tuorā yirāji mua. Iti ocare mua tuoja guibeja mua. Ito bajiroti bajiro yiroja bajirea. Ito bajibojarocati jabeto ruya adi macārucūro iti jediroto. ⁷ Co masa gaje masa rāca gāmeri sīarā yirāji. Ito yicōri co sita gāna gaje sita gāna rāca gāmeri sīarā yirāji. Jaje cūtori ñio ñaro yiroja. Ito yicōri jaje ñarise ñaro yiroja. Ito yicōri jaje cūtorire sita uero yiroja. ⁸ Jeyaro iti rētaja bero buto busa tōbujare gaye ñaro wado yiroja.

⁹ Muare ñiacōri gājerā muare ja ajetoni muare isirā yirāji ña. Aje tiocōri muare sīarā yirāji ña. Yu ñarā mua ñajare muare ti tudirā yirāji adi sita gāna jeyaro. ¹⁰ Iti rumu jājarā yure tuorūnubojana tuoia jidicārā yirāji ña. Gāmeri ti junisinirā yirāji ña. Gāmeri oca menicōri gājerāre ñaroca yirā yirāji ña. ¹¹ Jājarā ruori masa ñarā yirāji. “Diore busi isirā ña gua”, ña yija jājarā masa tuobojarā yirāji. ¹² Jeyaro ñeñarise yirā yirāji masa. Ito bajicōri gāmeri ña ti mairisere gāmeri jidicārā yirāji ña. ¹³ No yure tuorūnugū i jidicābeja adi macārucūro jedi wari rumu ire masogū yiguūji Dios. ¹⁴ “Ire tuorūnurāre i rotiroju miojugū yiguūji Dios”, yire oca adi sita ñarocōreti ejaro yiroja. Ito bajiri masa jeyaro iti oca masirā yirāji. Ña masi jediroca adi macārucūro jediro yiroja.

¹⁵ Diore goti isiri masu Daniel ñayoru ado bajiro ucañi: “Adi macārucūro jedi wari rumuri sīgū masare ñeñaro ña yiroca yigu goagu yiguūji. I ñami masare ruyuriogu wadiru. Dios ya wi rucubhoraju i rügōja tirā yirāji mua”, yi ucañi Daniel ñayoru. Mua adi papera ticōri, itire queno tuoiaña. “Jabeto ruya adi macārucūro iti jediroto”, yi masiña mua. ¹⁶ Ito bajiro bajiri rumu no Judea sitaju ñarā gūtagūju rudi warujarāji ña. ¹⁷ No i ya wi queno jesagu i ya wi totiju gajeoni ñarisere rujicōri amibitirujaguūji i. ¹⁸ No i ya wesecaju moagū tudi wacōri i ya yutabujuri amibitirujaguūji i. ¹⁹ Ito bajiro bajiri rumu romia macu sāñarā, gājerā ruorā cūni quenabeto tōbujarā yirāji ña. ²⁰ Buto usari rumu, tujacāra rumu cūni iti ito bajija, rudi amomena Diore senima mua. ²¹ Ito bajiro bajiri rumuri buto tōbujarā yirāji masa. Adi macārucūro ñasura rumuri masa ña tōbujābīti rēto busaro tōbujarā yirāji ña. Iti ña tōbujaja bero mucana iti robo bajiro bajirise tōbujamena yirāji masa. ²² Yoari masa tōbujaroca Dios i yiro bajija sīgū cati ruayagu maniboru. I beseanare ti maicōri yoari mejeti iti jediroca yigu yiguūji Dios.

²³ Iti rumuri, “Tiya ado ñami Cristo”, ito yicōri “Titēña o ñami Cristo”, sīgū muare i yija, ire tuorūnubeja mua. ²⁴ Jājarā ruori masa, “Yu ña Cristo”, yi ejarā yirāji ña. “Diore busi isiri masa ña gua”, yi ruo ejarā yirāji gājerā. Tiyamani jaje iorā yirāji ña masare ruorona. Dios i beseanare cūni ruo amobojarā yirāji ña. ²⁵ Tuoya mua. Jeyaro iti rētaroto riojua muare goticā yu. ²⁶ Ito bajiri, “Yucu manojū ñami Cristo”, muare ña yi ruoja, tirā wamenaji mua. Ito yicōri, “Ruyubetoju ñami Cristo”, ña yi ruoja ñare tuorūnubeja mua. ²⁷ Būjo i borea borea yirise usitutuju i borea yirise cojisiti iti sojeju quedituaja tia mani. Itire bajiroti ejagu yigūja yu cūni. Yu ña Masa Rījoru. ²⁸ No ruju jogarise ñaro itojū barā rujirā yirāji yuca. Itire bajiro masa ña buto ñeñaro yiroca waja senigū ejagu yiguūji Dios, yiqui Jesús guare.

Yu Masa Rījoru tudi ejagu yigūja, Jesús i yire gaye

(Mr 13.24-37; Lc 21.25-33; 17.26-30,34-36)

²⁹ Ito bajiro masa ña tōbujari rumu iti jedija bero ūmacañi ūmua gagu rāitīacoagu yiguūji. Ñami gagu cūni busubicu yiguūji. Nocōa cūni quedi jedicoarā yirāji. Ūmacūju macārucūro cūni uero yiroja. ³⁰ Ito bajiro ūmacūju macārucūroju iti bajija ticōri, “Masa Rījoru ejagu wagu yami”, yirā yirāji masa. Yu ña Masa Rījoru. Yu ruji wadija ticōri,

adi sita gāna otirā yirāji ĩna. Masirise rāca, yorise rāca, ide bueri rāca yu ruji wadija tirā yirāji ĩna. ³¹ Ūmacūju trompeta jutiado bajiro oca sēoro oca ruyuro yiroja. Yu beseanare minijuatoni ángel mesare mioju rotigu yigūja yu. Juaria sojeri gāna yu beseana ñarocōreti miojurā yirāji ĩna, yiquĩ Jesús guare.

³² 'Goti masiore ocana muare gotigu ya yu. Higuera wame cutiricure tuoiate muu. Higueraġu iti ñasātuja, ito yicōri iti jū wasoaja, "Jabeto ruja cuma iti ejaroto", yi masia mani. ³³ Iti bajiroti muare yu gotire iti rētaja ticōri, "Jabeto ruja ũmuari iti jediroto", yi masirā yirāji muu. ³⁴ Riti mure gotia yu. Adi rumuri gāna ĩna goda jediroto riojuaju ito bajiro rētarō yiroja iti. ³⁵ Adi macārucūro ñarocōti jediro yiroja. Ito bajibojarocati yu ya ocama yu yiro bajiroti rētarō yiroja.

³⁶ "Iti rumu itocō tujaroca ejagu yiguĩji Jesús", yirā mama. Ángel mesa cuni masimenaji ĩna. Dios Macu ñabojaguti, "Itocō ejagu yigūja yu", yi masibea yu cuni. Yu Jacu Dios ĩ sīgūti masiguĩji, yiquĩ Jesús guare.

³⁷ 'Noé ñayoru ĩ catiroca Diore rūcūbuobitiyoñi masa. Ito bajiroti bajirā yirāji masa, yu tūdi ejari rumu. Yu ña Masa Rījoru. ³⁸ Jane mejeju adi sita iti rujaroto riojuu ñacōayijarā masa maji. Idi mecūrātibe, ba yajirātibe, manajo cutirātibe, ito yicōri ĩna rīa romiare ĩsirātibe yi ñayijarā masa. Ito bajiro ĩna baji ñabojaroca riti cuma bucuaju sājajiju Noé ñayoru. ³⁹ "Ito bajiro wado ya", yi masibisijarā masa. Ito bajiri ñajasaroti ĩnare rubatecācōyiju. Iti bajiado robo bajiroti ejagu yigūja yu cuni. Masa Rījoru ñari, "Itocō ejagu yiguĩji", masa ĩna yi masibeto tūdi ejagu yigūja yu. ⁴⁰ Yu ejari rumu jūarā ũmuu ĩna ya wesecaju moa ñarā yirāji. Sīgū āmi wa ecogu yiguĩji. Gāji āmi wa ecobicu yiguĩji. ⁴¹ Romia jūarā quībo tuabo ñarā yirāji. Sīgō āmi wa ecogo yigōji. Gajeo āmi wa ecobeco yigōji.

⁴² 'Bocatiari ñacāña muu. Yu muu Ūju yu tūdi ejaroti rumu masibea muu. ⁴³ Sīgū wi ũju. "Adi ñami riniri masu ejagu yiguĩji", ĩ yi masija, ña yucāgū yiguĩji iti wi ũju. Riniri masu ĩ sājare āmobicu camotagu yiguĩji ĩ. ⁴⁴ Ito bajiri yu ejaroto riojuu ña yucāña muu. "Itocō ejagu yiguĩji Masa Rījoru", yi muu tuoīabeto ejagu yigūja yu, yiquĩ Jesús guare.

*¿No bajiro bajiguĩjida queno tuoīagū? yi Jesús ĩ riasore gaye
(Lc 12.41-48)*

⁴⁵ 'Muu tuoīaja, ¿no bajiro bajiguĩjida queno cudicōri queno tuoīagū? Ado bajiro bajiguĩji ĩocū. Gājerā ĩ ya moari masare tirūnūtoni ito yicōri ĩnare ĩ ecatoni cūgū yiguĩji ĩ ũju ĩre. ⁴⁶ Sīgū ĩ rotiro bajiroti ĩ moa yuroca ĩ ũju ĩ tūdi ejaja wanu quenagū yiguĩji ĩ. ⁴⁷ Riti muare gotia yu. Ito bajiro yiro robo ĩ yigu ñaja ticōri, ĩ rucorise ñaroti ĩ ya masare cuni tirūnu rotigu yiguĩji ĩre. ⁴⁸ ĩ ũju ĩre ĩ tirūnu rotija bero ricati ĩ tuoīaja, queno moa ĩsīgū meje ñaguĩji ĩocū. "Coji ejabiquĩji yu ũju", yi tuoīagū yiguĩji. ⁴⁹ Ito bajiro tuoīacōri, gājerā moari masare ñeñaro yisugū yiguĩji ĩ. Ito yicōri mecūri masa rāca baba cuticōri ĩna rāca idigu yiguĩji ĩ cuni. ⁵⁰ Ito bajiro ĩ yi ñaroca ĩ masia mani ĩ ũju tūdi ejagu yiguĩji. "Janere ejabicu yiguĩji yu ũju", yi ĩ tuoīari rumuti ejagu yiguĩji. ⁵¹ Ito ĩ yija ticōri, buto busa ñeñaro ĩ tōbujaroca yigu yiguĩji ĩ ũju. "Queno yirā ña guu", yibojarāti ĩna tōbujaro bajiroti ĩ tōbujaroca yigu yiguĩji ĩ ũju ĩre. Ito bajiri ñeñaro tōbujacōri otigu yiguĩji. Ito yicōri buto tuoīa oca jaigu yiguĩji ĩ ĩja, yi oca gotiquĩ Jesús guare.

25

Jua dūjamocō ñarā romia ado bajiro yiyijarā, yi Jesús ĩ riosore gaye

¹ "Ado bajiro baja, ĩre tuorūnūrāre ĩ rotiroju Dios ĩ miojuri rumu", yirocu ado bajiro gotiquĩ Jesús:

—Jua dūjamocō mamarā romia ñayijarā. Āmo siare basare tirā wayijarā ĩna. Mame manajo cutirocure bocarā wayijarā ĩna. Ito bajiri ito warā ĩna ya sīabusuore āmi wayijarā. ² ĩna co dūjamocō ñarā ñayijarā queno tuoīarā. Gājerā ĩna rāca gāna co dūjamocō ñarā queno tuoīamena ñayijarā. ³ Queno tuoīamena ĩna ya sīabusuoragari āmibojarāti jio wasoarona úye āmibisijarā. ⁴ Gājerā queno tuoīarāma ĩna ya sīabusuore jio wasaroti úye

āmi wayijarā. ⁵ Manojō cūtirocū yoari ī sejaja, wūjō jujayijarā īna. Ito bajiri canicoayijarā īja. ⁶ Ņami gūdarecocō oca ruyuyijū īja. “Manojō cūtirocū wadicoami īja. Īre bocarā waya”, sēoro oca ruyuyijū. ⁷ Īna jua dūjamocō romia űarā yujicōri īna ya sīabusuoragari sīayijarā. ⁸ Co dūjamocō űarā queno tūoīamena ado bajiro yiyijarā queno tūoīarājūare: “Gua ya sīabusuoraga ūye jedicoaju gūare. Ito bajiri mūa ya ūye jabeto īsiña gūare”, yibojayijarā īna. ⁹ Ito bajiro īna yibojarocati ado bajiro cūdiyijarā queno tūoīarā: “Īsibea mūare. Gua īsija űejua tujabetoja gūare cūni. Mūare cūni, gūare cūni tījado ma iti. Mūamasiti ūye īna īsirojū wacōri waja yitēña mūa”, yiyijarā queno tūoīarā romia queno tūoīamenajūare. ¹⁰ Ito bajiro īna yija tūocōri, ūye waja yirā wayijarā queno tūoīamena. Īna wagoja bero manojō cūtirocū ejayijū. Queno űa yucāna romiama ī ejarocati ī rācati sājacoayijarā īna. Āmo siare basa tirā warā sājayijarā īna. Ito yicōri soje biacōyijū manojō cūtirocū. ¹¹ Soje ī bia sāja waja berojū ejabojayijarā gājerā romia. Manojō cūtirocūre ado bajiro yibojayijarā īna: “Gua ūjū soje jānaña maji”, yibojayijarā īna. ¹² “Yū űarā meje űa mūa, ito bajiri mūare masibea yū”, yiyijū manojō cūtirocū īnare, yiquī Jesús gūare.

¹³ Ito bajiri űa yucāña mūa. “Jane busuri itocō űaroca ejagu yiguīji Jesús”, yi masibea mūa, yiquī Jesús gūare.

*Moa īsiri masa gaye Jesús ī goti masiore oca
(Lc 19.11-27)*

¹⁴ “Ado bajiro bajia, ĩre tūorūnūrāre ī rotirojū Dios ī miojuri rūmū”, yirocū ado bajiro gotiquī Jesús:

—Sīgū űayijū gaje sitaju warocū. Ito bajiri ī waroto riojua ī ya moari masare ji űucayijū ī. “Yū ya niyeruna moacōri jai busaro būjarā yirāji”, yi tūoīa wacū ī ya niyerure tirūnū rotiyijū ī īnare.

¹⁵ Sīgūre co dūjamocō mil niyeru cūjiri īsiyijū. Gājire jūaji mil īsiyijū. Gājire mil űari cūjiriacā īsiyijū. “Ado bajiro moari seyoama īna”, yi tūoīa wacū ito bajiro īnare batoyijū ī. Ito bajiro yicōri wacoayijū. ¹⁶ Co dūjamocō mil niyeru cūjiri boca āmirū mūcana itina moacōri gaje co dūjamocō mil űarisebi būja remoyijū. ¹⁷ Gāji jūaji mil boca āmirū mūcana itina moacōri jua mil būja remoyijū ī cūni. ¹⁸ Coji mil boca āmirūama ī ūjū ya niyeru gojejū yujecōyijū.

¹⁹ Yoari īna ūjū tūdi ejayijū mūcana. “¿No bajiro yūre moa īsiati īna?” yirocū īnare ji űucayijū ī mūcana. ²⁰ Cajero co dūjamocō mil boca āmirū ejasūoyijū. Ejacōri ĩre co dūjamocō mil niyeru ī īsire jūdacōayijū mūcana, ito yicōri gaje itocō ī būja remore rācati ĩre īsiyijū. “Co dūjamocō mil yūre īsicu mū. Ito bajiri itina moacōri mūcana co dūjamocō milti mūre būja remo īsimū yū”, yiyijū ī ūjūre. ²¹ “Yūre queno moa īsiyija mū. Yiro robo yūre cūdigū űa mū. Jabetacā yū wasoarena mūcana itocōti mū remore űajare, jai busaro mū moatoni jai busaro mūre cūcūja yū. Sājaña, queno wanūña yū rāca”, yiyijū ūjū ī ya moari masare. ²² Ito yija bero gāji jūaji mil boca āmirū ejayijū. “Yū ūjū jūaji mil yūre īsicu mū. Itina moacōri mūcana jūaji milti mūre būja remo īsimū yū”, yiyijū ī, ī ūjūre. ²³ “Yūre queno moa īsiyija mū. Yiro robo yūre cūdigū űa mū. Jabetacāna moacōri mūcana itocōti mū yūre būja īsire űajare jai busaro mūcana moaroti cūcūja yū. Sājaña, queno wanūña yū rāca”, yiyijū ī, ī ya moari masare.

²⁴ Ito yija bero gāji mil cūjiri boca āmirū ejayijū. Ī ūjūre ado bajiro yiyijū ī: “Yū ūjū sēoro rotigū űaqui ī. Ī otebeto cūni, ī biabeto cūni bare būja quena űaqui ī, yi tūoīa wacū, gūicū yū. ²⁵ Ito bajiri mū ya niyerure yuje cūcū yū. Adi űa űarocōti yūre mū īsicati”, yiyijū ī, ī ūjūre. ²⁶ Ito bajiro ī yibojarocati ado bajiro cūdiyijū ī ūjū ĩre: “Moa īsiri masū quenabicū, rojogu űa mū. Ī otebeto cūni, ī biabeto cūni bare būja quena űaqui ī, yi masibojaguti yūre queno moa īsibisija mū. ²⁷ Īna niyeru cūri wijū mū niyeru cūja, mūcana jai busaro būjaboyija mū”, yiyijū ī ūjū ĩre. ²⁸ Ito yija gājerāre ado bajiro rotiyijū ūjū: “Coji mil űarise niyeru tiri ĩre ēmacōña, ito yicōri gāji jua dūjamocō mil rucogūjūare īsiña”, yiyijū īna ūjū. ²⁹ “No queno yūre moa īsigūreama jai busaro ĩre īsi remogū yigūja yū. Ito bajiri űejua rūyabeto yiroja ĩre. No queno yūre moa īsibicūreama ī rucoriseacāti

ñarocōti ēma jeocōcūja yu. Īre ēmacōri gāji yure queno moa ĩsigũre ĩsigũ yigūja yu. ³⁰ Āni yure moa ĩsiri masu ñe waja macure rāitīaroju cōaña mua. Itoju ñeñaro tōbujacōri buto otigu yiguīji. Ito yicōri buto tuoīa oca jaigu yiguīji ĩ”, yiyiju uju, yi oca gotiquī Jesús guare.

Masa ñeñarāre, quenarāre cuni besegu yigūja yu, Jesús ĩ yire gaye

³¹ Yu ña Masa Rījoru. Uju yu ñari rumu, tūdi ejagu yigūja yu mucana. Ūmacūju gāna āngel mesa rāca gāni bia ejagu yigūja yu. Uju ĩ rotiri cumuro yori cumuroju rujigu yigūja yu. ³² Jeyaro gāna masa yu riojua minijuarā yirāji ĩna. Īnare besecōri ricati cūgũ yigūja yu. Oveja coderi masu ovejare ricati, cabrare ricati ĩ cūado bajiro yigu yigūja yu. ³³ Queno yirāre yu ya riojocadūja cūgũ yigūja yu. Queno yimenare yu ya gācodūja cūgũ yigūja yu. ³⁴ Ito bajiri yu riojocadūja gānare ado bajiro yigu yigūja yu: “Yu Jacu queno yirocu muare beseñi ĩ rotiroju mua ejatoni. Īre tuorūnārē tuoīa yugu ĩ rotiroju quenocāni Dios adi macārucāro meni wacūjuti. Ito bajiri itoju ñarā yirāji mua ĩja. ³⁵ Yu ñiocōja yure bare ecacu mua. Yu idi āmoja yure iocu mua. Yu wa ucuroju caniraju buja ĩsicu mua. ³⁶ Yure yutabuju manija yure ĩsicu mua. Yu cōja cuni yure tirā ejasoticu mua. Tubiara wi yu ñaroca yure tirā ejasoticu mua”, yigu yigūja yu Dios ĩ beseanare. ³⁷ Ito bajiro yu yija tuocōri, ado bajiro yure seniārā yirāji ĩna: “Gua Uju, ĩnocāta mu ñiocōja ticōri, mure bare ecacati gua? ĩNocāta mu idi āmoroca mure iocati gua? ³⁸ ĩNocāta mu wa ucuroju caniraju mure buja ĩsicati gua? Ito yicōri, ĩnoju mu yutabuju maniroca mure yutabuju buja ĩsicati gua? ³⁹ Ito yicōri, ĩnocāta mu tubia ecoroca, mu cōja cuni, nocāta mure tirā ejacati gua?” yi yure seniārā yirāji ĩna. ⁴⁰ Ado bajiro ĩnare cūdigu yigūja yu: “Riti muare gotia yu. Yu ñarā ñasamenare queno mua yija, yure queno yirāti yicu mua”, yigu yigūja yu Dios ĩ beseanare.

⁴¹ Ito yicōri yu ya gācodūja ñarāre ado bajiro yigu yigūja yu: “Yure camotadiya mua. Dios ĩ beseana meje ña mua. Jeame yatibitimeju wasa mua. Iti jeamere rūmūre yiari rioñi Dios, ito yicōri ĩ ñarāre yiari cuni. ⁴² Yu ñiocōja yure ecabiticu mua. Yu idi āmoja iobiticu mua yure. ⁴³ Yu wa ucuroju yure caniraju buja ĩsibiticu mua. Yure yutabuju manija yure ĩsibiticu mua. Yu cōroca cuni, tubiara wi yu ñaroca cuni yure tirā ejabiticu mua”, yigu yigūja yu queno yimenare. ⁴⁴ Ito yija ado bajiro yure seniārā yirāji ĩna: “ĩNocāta mu ñiocōroca mure ecabiticati gua? Ito yicōri, ĩnocāta mu idi āmoja, mu cani āmoja, mure yutabuju manija, mu cōja cuni, tubiara wi mu ñaja cuni, mure ejabuabiticati gua?” yi yure seniārā yirāji ĩna. ⁴⁵ Ito bajiro ĩna yija tuocōri, ado bajiro ĩnare cūdigu yigūja yu: “Riti muare gotia yu. Yu ñarā ñasamenare queno mua yibeja, yure cuni ito bajiroto queno yibiticu mua”, yigu yigūja yu ĩnare. ⁴⁶ Ito bajiri tōbujare sūsbetoju ĩnare cōagũ yigūja yu. Dios ĩ beseanama catitīñadoju warā yirāji, yiquī Jesús guare.

26

Jesure ñia āmorā ĩna cunīre gaye

(Mr 14.1-2; Lc 22.1-2; Jn 11.45-53)

¹ Ito bajiro ĩ goti jeoja bero gua ĩ rāca riasotirāre ado bajiro yiquī Jesús:

² —Mua masia juu rumu beroti ñaro wado ya Pascua basa. Ito bajiro basa ĩna meniri rumu Masa Rījorure ñiatoni ĩ wajanare gotigu yiguīji sīgũ. Ito bajiri ĩre ñiacōri yucutēoju jaju sīarā yirāji ĩna. Īti ña yu Masa Rījoru, yiquī Jesús guare.

³ Iti rumuri paia mesa uju Caifás wame cutigu ya wiju minijuacōri tuoīa ñayijarā paia ujarā, ito yicōri judio masa bucūrā cuni. ⁴ “ĩNo bajiro ruocōri Jesure sīarā yirājida mani?” yi gāmeri busi ñayijarā ĩna. ⁵ Ado bajiro busiyjarā ĩna:

—Basa rujarumu Jesure sīamenaji mani. Rujarumu mani sīaja, buto manire masa oca jaicōri gāmeri oca menirā yirāji ĩna, yi gāmeri busiyjarā ĩna.

Romio Jesús ya rijogaju sutirise iso jiojeore gaye

(Mr 14.3-9; Jn 12.1-8)

⁶ Betaniaju Simón cami jogagoru ya wiju ñacu gua Jesús rāca. ⁷ Iti cuto gua ñaroca sīgō gūtagā toti cutiricaju sutirise jiocōri āmi ejacō. Sutirise iso jioraga alabastro wame

cuticū. Buto waja cutirise ñacū iti sutirise. Jesús ĩ ba rujiroca ĩ ya rijogaju sutirise jiojeocō iso. ⁸ Ito bajiro iso yija ticōri, bujatobiticū gua ĩ rāca riasotirā. Ado bajiro gāmeri busicu gua:

—¿No yija rocati itire ruyurioati? ⁹ Iti sutirise ĩsicōri jairo niyeru bujacōri bojoro bujarāre ejabuaroti ñabojayija iti, yi gāmeri tuoĭa busicu gua.

¹⁰ Ito bajiro gua tuoĭa busija tuocōri, ado bajiro yiquĭ Jesús guare:

—Adiore usirio code yibesa mūa. Iti yure iso jiojeoja, queno yure yigo yamo iso. ¹¹ Mūa rāca riti ñatĭñarā yirāji bojoro bujarā. Ito bajiri ĩnare ejabuatiñarā yirāji mūa. Yūama mūa rāca ñatĭñabicū yigūja. Ito bajiri mūa rāca yū ñaroca maji yūjūare ejabūaja quena. ¹² Adio yure iso sutirise jiojeoja yure ĩna yujeroto riojūa jiojeo yugo yamo iso. ¹³ Riti mūare gotia yū. Adiore ācabojamena yirāji masa. Ito bajiro sutirise yure iso jiojeoja bero masa jeyaro tuorā yirāji iti gaye. “Masare masogū yiguĭji Dios”, yire oca ĩna gotiroti iso oca cūni tuorā yirāji masa, yiquĭ Jesús guare.

Jesure ĩna ñiatoni Judas ĩ oca menire gaye

(Mr 14.10-11; Lc 22.3-6)

¹⁴ Ito yija bero gua Jesús rāca riasotirā jua gubojeno ñarā gua rāca gagū Judas Iscariote wame cutigu paia ujarāre busigu waquĭ. ¹⁵ Ito bajiri ado bajiro gotiyijū ĩ ĩnare:

—Jesure mūa ñia masitoni mūare yū gotija, ¿nocō jairo yure waja yirājida mūa? yi busiñi Judas ĩnare.

Ito ĩ yija tuocōri, sĭgū masucō gāji ye jua dujamocō ñarise niyeru tiri ĩsiyjarā ĩna. ¹⁶ Iti niyeru boca āmicōri: “¿No bajiro yicōri Jesure ruorujatibe yū ĩre ĩna ñiatoni?” yi tuoĭa ñayijū Judas iti rāmure.

Jesús ĩ basusare gaye

(Mr 14.12-25; Lc 22.7-23; Jn 13.21-30; 1 Co 11.23-26)

¹⁷ Ito yija naju wadarise uco wūoya mani bara rāmū cōña wacu guare. Gua Jesús rāca riasotirā ado bajiro ĩre seniāacu:

—Pascua basa ñaroca baroti gaye, ¿noju menirujati mūca? yi seniāacu gua ĩre.

¹⁸ —Cutoju wasa mūa. Ito mūa ejaja sĭgūre bujarā yirāji mūa. Ado bajiro ĩre yiba: “Ado bajiro roti ñucami gua uju guare. Jabetoti ruya yū wējoroto. ĩ ya wijū Pascua basa meniana mani, yi ñucami guare riasogu”, yiba mūa, yiquĭ Jesús guare.

¹⁹ “Ito bajiro yiba mūa”, Jesús ĩ guare yicato bajiroti yicu gua. Ito bajiroti Pascua basa ĩre meni ĩsisuocu gua.

²⁰ Iti ñami gua ĩ rāca riasotirā jua gubojeno ñarā ba rujicu ĩ rāca. ²¹ Gua baroca ado bajiro yiquĭ Jesús guare:

—Riti mūare gotia yū. Sĭgū mūa rāca gagū yure ñiatoni gājerāre gotigu yiguĭji, yiquĭ Jesús guare.

²² Ito ĩ yija tuocōri, buto bojori bujacū gua. Ito bajiri sĭgū ruyabeto Jesure seniāacu gua:

—¿Yū Uju yuti ñabeati yū mure oca menirocu? yi seniāacu gua Jesure.

²³ Ado bajiro cudiquĭ Jesús guare:

—Yū bari tēro ba ijagu ĩ ñagū yiguĭji yure ñiatoni gājerāre gotirocu. ²⁴ Dios oca iti gotiro bajiroti rētarō yiroja yure. Yū ña Masa Rĭjoru. Yure siarā yirāji masa. Bujato yiguĭji yure ñiatoni gājerāre gotirocu. Rujeabiticō rujabojañi ĩama, yiquĭ Jesús guare.

²⁵ Ito yija bero Judas Jesure ñiatoni gājerāre gotirocu busiquĭ. Ado bajiro yiquĭ ĩ:

—Yure riasogu, ¿yuti ñati mure ñiatoni gājerāre gotirocu mū tija? yiquĭ ĩ Jesure:

—Muti ña, yiquĭ Jesús ĩre.

²⁶ Ito yija bero gua ba rujiroca ĩ ya āmoju naju āmi rucoquĭ Jesús. “Queno ya Dios mū”, yicōri gua ĩ rāca riasotirāre batoquĭ.

—Baya, iti ña yū ya ruju robo bajiro bajirise, yiquĭ Jesús guare.

²⁷ Iti gua ba tĭoroca rujatēro āmi ruocōri, “Queno ya yū Dios mū”, yiquĭ Jesús. Ito yicōri guare io batoquĭ.

—Maa jeyaro itire idiya. ²⁸ Iti ña yu ya rí robo bajiro bajirise. Jājarā ña ñeñaro yirise ña waja yi ñisotoni, yu ya rí budiro yiroja. Itire ticōri, “Oca mame Dios ñ goticādo bajiroti baja”, yi tuoña masirā yirāji maa. ²⁹ Riti mware gotia yu. Adi sitaju mɔcana juaji maa rāca uyé ide idibicu yiguja yu. Ũmacūju yu Jacu ñ rotiroju mɔcana tūdi maa rāca idigu yiguja yu, yiquĩ Jesús guare.

“*Jesure masibea yu*”, yigu yiguja mu”, Pedrore Jesús ñ yire gaye

(*Mr 14.26-31; Lc 22.31-34; Jn 13.36-38*)

³⁰ Ito ñ yija bero Diore basacu gaa. Basa tĩocōri Olivos wame cutiri turiaju wacu gaa.

³¹ Ito gaa waroca ado bajiro yiquĩ Jesús guare:

—Adi ñamiti yure jidicācōri watorā yirāji maa ñarocōti. Yure maa wagoja cuni, Dios oca tutiju iti gotiado bajiroti rētarō yiroja. Ado bajiro gotia iti. Tūote maa: “Oveja coderi masure sīagū yiguja yu. Ito bajiri ñ ya oveja rudi batecoarā yirāji”, yi gotiami Dios ñ oca tutina. ³² Yure ña ñiaja ticōri, rudi batecoarā yirāji maa. Ito bajibojarocati yure ña sīaja bero mɔcana tūdi catigu yiguja yu. Tūdi caticōri maa riojua busa Galilea sitaju wacu yiguja yu, yiquĩ Jesús guare.

³³ Ito ñ yija tuocōri, ado bajiro yiquĩ Pedro ñre:

—Ñnama mure wagobojarocati yuama wagobicu yiguja yu, yiquĩ ñ Jesús.

³⁴ Ito ñ yija tuocōri, ado bajiro cūdiqū Jesús ñre:

—Riti mure gotia yu. Adi ñamiti busurijua cara ñ yujiroto riojua udiaji, “Jesure masigū meje ña yu”, yigu yiguja mu, yiquĩ ñ Pedrore.

³⁵ —Yure ña sīa āmoja cuni, “Jesure masibea yu”, yibicu yiguja yu, yiquĩ Pedro Jesús. Ito bajiro Pedro ñ yija tuocōri, gaa Jesús rāca riasotirā ito bajiro riti yi jedicu gaa cuni ñja.

Getsemaní wame cutiri weseju Jesús ñ Diore rācubore gaye

(*Mr 14.32-42; Lc 22.39-46*)

³⁶ Warāju Getsemaní wame cutiri weseju ejaču gaa Jesús rāca. Itoju ejačōri ado bajiro gotiquĩ Jesús guare:

—Ō Diore busigu yu waroca riti, ado rujiya maji, yiquĩ Jesús guare.

³⁷ Pedrore, Zebedeo rīa jūarāre ji waquĩ Jesús. Wacati buto tuoña bojori bujaquĩ Jesús.

³⁸ Ito yija ado bajiro yiyiju Jesús ñ rāca wacānare:

—Yu ya usiju buto tuoña bojori buja yu. Ito bajiro yu bojori bujaja, usi jediri guijoro baja yure. Ado yure yu ñaña maji. Canibeja. Yu rācati tiba maji, yiyiju Jesús ñnare.

³⁹ Ito yicōri ito sōjua busa wa remoyiju Jesús. Sitaju ñ ya rio cūoro muqueacōri Diore busiyiju ñ:

—Cuna ñejua mu yi masibiti manaja. Yu tōbujaroti gaye mu camota āmoja, camota masigūja mu. Ito bajibojarocati yu āmoro bajiro meje yiguja mu. Mu āmoro bajiro mu yija quena, yi busiyiju Jesús Diore. Itocō ñ busi tujarocati canigocōcu guama ñja.

⁴⁰ Ito ñ yija bero Pedro mesa tu tūdi ejayiju ña caniroca. Ado bajiro busiyiju Jesús Pedro mesare:

—¿Coji cōrecō canimenati yu rāca ti sēobeati maa? ⁴¹ Canibesa maa maji. Yu rācati tiya. Rūmūre cūdibe yirona Diore seniña maa maji. Riti mware masia yu. Maa ya usijua queno tuoñarā ñabojarāti maa ya rujua queno yi masibea maa. Yure queno cūdi āmbojarāti queno cūdimenaji maa, yiyiju Jesús Pedro mesare.

⁴² Ito yicōri mɔcana tūdi wacuju ado bajiro Diore busiyiju Jesús:

—Yu Jacu yu tōbujarotire mu camota āmobeja quena ñaroja. Mu āmoro bajiroti bajijaro, yiyiju Jesús Diore busigu. Ito bajiro Jesús ñ Diore busiroca canicoayijarā Pedro mesa mɔcana.

⁴³ Tūdi wacu ña caniroca tūdi ejayiju Jesús mɔcana. Buto wujo ñnare jeobujaja caniyijarā ña. ⁴⁴ Ito bajiro ñnare busicārīti mɔcana Diore busigu wayiju Jesús. Ito yicōri Diore ñ busiado bajiroti tūdi busiyiju mɔcana. ⁴⁵ Ito yija bero gaa tu ejačōri guare yujioquĩ Jesús:

—¿Tujacã canirã yati mũa maji? Itocõti eja wajũ Masa Rĩjorũre ñiacõri ñeñaro yirãre ñina ñsirotijũ eja wajũ ñja. Ìti ña yũ Masa Rĩjorũ. ⁴⁶ Ito bajiri yujiya mũa. Wato. Yũre ñina ñiatoni gotiri masũ wadicoami ñja, yiquĩ Jesús gũare.

Jesure ñina ñiare gaye

(Mr 14.43-50; Lc 22.47-53; Jn 18.2-11)

⁴⁷ Ito bajiro Jesús gũare ñ bũsi ñaroca riti, jũa gũbojeno ñagũ Judas ejaquĩ. Jãjarã ñ rãca wadicã sarera jãiri rũcorã, gãjerã yucũ rũcorã. Paia ẽjarã, judio masa bũcũrã ñina cõajare wadiñi ñina. ⁴⁸ “Ado bajiro mũare goticũja yũ”, yi ñinare bũsi wadicãri seyoñi Judas:

—Recoti yũ usugũ ñti ñagũ yiguĩji Jesús. Ìre ñiama mũa, yi ñinare bũsi wadiri seyoñi ñ.

⁴⁹ Gũa tũ ejacõri ado bajiro yiquĩ Judas Jesure:

—¿Ñati yũre Riasogũ mũa? yi ejaquĩ ñre.

Ito yigũti wayugajũ muwãcõri Jesure usuquĩ ñ.

⁵⁰ —¿No yigũ wadiri yũ baba mũa? yiquĩ Jesús ñre.

Ito ñ yiroca ñre ñiacã Judas rãca wadiana.

⁵¹ Ito bajiro Jesure ñina ñiaja ticõri, sĩgũ gũa rãca gagũ ñ ya sarera jã ñmiquĩ, ito yicõri paia ẽjũ ya moari masũre gãmorõ jataquĩ. ⁵² Ito ñ yija ticõri, ado bajiro yiquĩ Jesús ñre:

—Mũa ya sarera jã ñmũcana iti wirojũ ñũsacõña. Sarera jãina gãmeri jarã itinati godarã yirãji. ⁵³ Adocãta yũ Jacũre yũ seni ñucaja, ángel mesa jãjarãguti jũa gũbojeno masa buturi cõagũ yiguĩji ñ. ¿Itire masibeati mũa? ⁵⁴ Ito bajibojarocati ñre senibicũ yigũja yũ. Yũre ñina ñiajare ito bajiro gotia Dios oca. “Ito bajiroti rẽtarõ yiroja”, Dios ñ yicãre ñari, ito bajiroti bajiro ya yũre, yiquĩ Jesús gũare.

⁵⁵ Ito yicõri ñre ñiarã ejarãre ado bajiro yiquĩ Jesús:

—¿Riniri masũre ñiarõna bajiro sarera jãiri rãca, yucũ rãca yũre ñiarã wadiri mũa? Co rũmũ rũyabeto mũa wato riaso rujisotibojacũ yũ minijuara wijũ. Ito bajibojarocati yũre ñiabiticũ mũa maji. ⁵⁶ Jeyaro yũre rẽtarõti Diore goti ñsiri masa ñina ucado bajiroti rẽtarõ ya, yiquĩ Jesús ñre ñiacãnare.

Jesure ñina ñiaja ticõri, rudicoacũ gũa. Jesús sĩgũti ñina rãca tujaquĩ.

Ëjarã ñasarã, “Seti ña mũre”, Jesure ñina yire gaye

(Mr 14.53-65; Lc 22.54-55,63-71; Jn 18.12-14,19-24)

⁵⁷ Jesure ñiacõri paia ẽjũ Caifãs wame cõtigu tũ ñre ñmi wayijarã. Itojũ minijua ñayijarã judio masa rotirise riasori masa ito yicõri ñina masa bũcũrã cũni minijua ñayijarã ñina.

⁵⁸ Jesure ñina ñmi waroca sõbũsa yeyo ti sũya wayijũ Pedro. Paia ẽjũ ya wi soje riojo sãjacõri rujijijũ Pedro. Iti wi coderi masa rãca rujijijũ ñ. “No bajiro Jesure ñina yi gajanoaja ticũja yũ”, yirocũ ito bocati rujijijũ Pedro.

⁵⁹ Paia ẽjarã, ẽjarã ñasari masa cũni Jesure sã ñmoyijarã ñina. Ito bajiri, “Ado bajiro ñeñaro yiquĩ Jesús”, yi rũo gotironare ñmabojayijarã ñina. ⁶⁰ Jãjarã socari masa ñina oca menibojarocati, “Riti baja ñina gotirise”, yi masibisijarã ñina. Sũsari jũarã rũo gotiri masa ejayijarã ñina. ⁶¹ Ado bajiro gotijijarã:

—“Dios ya wi minijuara wi iti wire yũ ruyuriocõja, ũdia rũmũ beroti mũcana iti wire jõrojocõgũja yũ”, yiquĩ ñni, yijijarã ñina.

⁶² Ito ñina yija tũocõri, paia ẽjũ wũmũ rũgũcõri ado bajiro yijijũ Jesure:

—¿Cũdibicũti yati mũa? Ito bajiro mũre ñina bũsituja, ¿no yireoni yirã yati ñina? yibojayijũ ñ Jesure.

⁶³ Ito ñ yibojarocati Jesuama cũdibisijũ ñre. Ì cũdibeja ticõri, ado bajiro yijijũ paia ẽjũ Jesure mũcana:

—Dios catigũ ñ tiro riojo riojo gotiya mũa. ¿Mũti ñati Cristo Dios ñ cõarũ? ¿Ì macũti ñati mũa? Gũare gotiya maji, yijijũ ñ Jesure.

⁶⁴ —Mũa seniãro bajiroti, ñti ña yũ. Gaje ado bajiro mũare gotia yũ: Dios jeyaro masigũ ya riojocadũja Masa Rĩjorũ ñ rujija tirã yirãji mũa. Ito yicõri ñmacũjũ ide buerina ñ ruji wadija tirã yirãji mũa. Ìti ña yũ Masa Rĩjorũ, yijijũ Jesús paia ẽjũre.

⁶⁵ Ito bajiro Jesús ñ yija tũocõri, bũto junisinigũ ñ ya yutabuju tũa ñigãyijũ:

—Āni ūmugū ñeñaro Diore būsituami. Gājerā, “Īre seti ña”, yironare āmare ma ĩja. Mũa cūni Diore ĩ būsituja tũaoa mũa. ⁶⁶ ĩNo bajiatu mũaca? ĩNo bajiro ĩre yirujati mani? yiyijũ paia Ʃjũ masare.

—Seti ñasacõa ĩre. Sĳarujami, yi cũdiyijarã masa.

⁶⁷ Ito yija Jesũs ya riore go ide eobate guyijarã ĩna. Ito yicõri ĩre jayijarã. Gājerã ĩ ya riojũ jayijarã. ⁶⁸ ĩ ya cajea moabiacõri, ĩre jayijarã ĩna. Ito yicõri ado bajiro ĩre seniãa tudiyijarã:

—Riti Cristo Dios Macũ mũa ñaja, “Ī yũre jami”, yi masigũja mũa, yi tudiyijarã ĩna Jesure.

Jesure masibea yũ, Pedro ĩ yire gaye
(*Mr 14.66-72; Lc 22.56-62; Jn 18.15-18,25-27*)

⁶⁹ Wi totijũ ito bajiro rĳtaroca, macũjũ soje riojo rujicõayijũ Pedro. Sĳgõ moa ĩsiri maso Pedro tũ ejacõri ado bajiro yiyijo ĩre:

—Jesũs Galilea sita gagũ rãca wa ucuyijũ mũa cūni, yiyijo iso ĩre.

⁷⁰ Ito bajiro iso yija tũocõri, masa jeyaro ĩna tũoro riojo ado bajiro yiyijũ Pedro:

—“Riti ya mũa”, yi masibea yũ mũre, yi rũoyijũ Pedro isore.

⁷¹ Sãjasũora soje tũ Pedro ĩ ejagũ wagũ yiroca tiyijo gajeo mũacana:

—Jesũs Nazaret cuto gagũ rãca wa ucuũi ĩ cūni, yiyijo gājerãre gotigo.

⁷² —“Dios ĩ tiro riojo ĩre masibea yũ”, ya yũ, yiyijũ Pedro.

⁷³ Ito bero yoa bũsari Pedore ado bajiro yiyijarã gājerã:

—Riti ña. Jesũs rãca wa ucugũti ña mũa cūni. ĩnare bajiroti bũsia mũa cūni, yiyijarã ĩna Pedore.

⁷⁴ —Ito bajiro mũa bũsigũre tiĩabea yũ. Rũore oca yũ gotija, Dios yũre sĳajaro, yi oca sĳoro bũsiyijũ Pedro.

Ito bajiro ĩ yiroca riti cara yujicoayijũ ĩja. ⁷⁵ Cara ĩ yujija tũocõri, Jesũs ĩre bũsigorere tũoĩa bũjayijũ Pedro: “Cara ĩ yujiroto riojũa ũdiaji, ‘Jesure masibea yũ’, yigũ yigũja mũa”, Jesũs ĩ yire tũoĩa bũjayijũ Pedro. Ito budi wacõri bũto otijijũ ĩja.

27

Pilato tũjũ Jesure ĩna āmi ejare gaye
(*Mr 15.1; Lc 23.1-2; Jn 18.28-32*)

¹ Busuri gaje rũmũ paia Ʃjarã, judio masa bũcũrã minijua ñayijarã. Sĳgũre bajiro riti tũoĩacõri, “Ado bajiro Jesure sĳarũja mani”, yi tũoĩa ñayijarã ĩna. ² Ito bajiro ĩna yija bero Jesure āmojũ siacõri āmi wayijarã ĩna. Ito yicõri ĩre āmi wacõri Pilatore ĩsiyijarã ĩna. Romano masa Ʃjũ ñayijũ Pilato.

Judas ĩ godare gaye

³ Judas Jesure ĩna ñiatoni gotirũ, “Jesure sĳarã go yirũ āna”, yi tũoĩayijũ Judas. Iti tũoĩacõri, “Queno yibiticũ yũ”, yi tũoĩa bojori bũjayijũ Judas. Ito bajiri paia Ʃjarãre, judio masa bũcũrãre cūni ĩna tũ wacõri niyeru treinta tiri ĩ bũjabojare jũdacõayijũ ĩnare. ⁴ Ado bajiro ĩnare yiyijũ ĩ:

—Queno yibiticũ yũ. Ñe seti macũreti mũare oca menibojacũ yũ, ĩre mũa ñiatoni, yiyijũ ĩ paia Ʃjarãre.

Ito bajiro ĩ yibojarocati ado bajiro ĩre cũdiyijarã ĩna:

—Ito bajiro mũa gũare yibojaja, no yibe a gũare. Mũreti seti ñaroja, yiyijarã ĩna Judasre.

⁵ Ito ĩna yija tũocõri, Dios ya wijũ niyeru cujiri rea bateyijũ Judas. Ito yi, budicoayijũ. Budi wacõri yucũgũjũ mũjayijũ. Mũjacõri ĩmasiti ĩ ya āmũmajũ jũgũbo cano yicõri quedo joja godayijũ.

⁶ Dios ya wijũ niyeru cujiri ĩ rea batere mioyijarã paia Ʃjarã. Itire āmicõri ado bajiro yiyijarã:

—Adi niyeru mani sĳarocũre ĩ goticati waja ñacãre ñacũ adiana. Sĳare waja mani waja yire ña. Ito bajiri Diore yiari masa ĩna niyeru sãri jedojũ sãdo ma, yiyijarã ĩna.

⁷ Sīgũre bajiro tũoĩacõri, “Riri goje ñari sitajũ waja yiana mani”, yi tũoĩayijarã ñna. “Iti sita ñaro yiroja gaje masare mani yujeroti sita”, yi tũoĩayijarã ñna. ⁸ Ito bajiri adi sita adi rũmũri cũni, sĩare wajana ñna waja yira sita wame cõtia maji. ⁹⁻¹⁰ Ito bajiro ñna yija jane mejeju Diore goti isiri masũ Jeremías ñayorũ ĩ ucare ado bajiro bajiadoja: “Treinta niyeru cujiri ñarise ãmicõri riri goje ñari sita waja yiyijarã ñna, Dios ĩ ãmocãdo bajiroti. ‘Itocõti waja cõtiami sīgũ ãmũgũ’, yi tũoĩayijarã Israel sita gãna”, yi ucañi Jeremías ñayorũ. ĩ ucado bajiroti rẽta adi.

Pilato Jesure ĩ seniĩare gaye

(Mr 15.2-5; Lc 23.3-5; Jn 18.33-38)

¹¹ Jesure ãmi wacõri Romano masa uju Pilato wame cõtigu tũ ãmi ejayijarã ñna. Ito bajiri ĩ riojo rũgõyiju Jesús. ĩ Jesure ado bajiro seniĩayiju:

—¿Mũti ñati judio masa uju? yiyiju ĩ Jesure.

—Mũ yiro bajiroti baja, yiyiju Jesús ĩre.

¹² Ito ĩ yija tũocõri, paia ujarã, judio masa bũcũrã cũni, “Iti ñami ñeñaro yigu. Queno yigu meje ñami ĩ”, ñna yibojaja, ñnare cũdi ñuca yibisiju Jesús. ¹³ Ito bajiro Jesure ñna bũsitujã tũocõri, ado bajiro seniĩayiju Pilato Jesure:

—Ito bajiro mũre ñna seti yija, ¿tũobeati mũ? yiyiju ĩ Jesure.

¹⁴ Ito ĩ yibojarocati cũdibisiju Jesús ĩre. ĩ cũdibeja tũocõri, tũoĩa oca jai rũgõyiju Pilato. Ito bajicõri ñe tũoĩare mañiju ĩre.

Jesure sĩarũja mani, ñna yire gaye

(Mr 15.6-20; Lc 23.13-25; Jn 18.38-19.16)

¹⁵ Pascua basa ñari rũmũre ado bajiro yisotiyiju romano masa uju. Tubiara wiju ñarãre “ĩre bure ãmoa gũ”, ñna yi besegure bucõasotiyiju ĩ, basa ñari rũmũ. ¹⁶ Iti rũmũri tubiara wiju ñayiju sīgũ, masa jeyaro ñna masi jedigu Barrabás wame cõtigu. ¹⁷ Masa ñna minijua ñaroca ado bajiro seniĩayiju Pilato:

—¿Ñimũjũare yũ bucõare ãmoati mũa? ¿Barrabásre, Jesucristo mũa yigũre bucõagũtite? yi seniĩayiju Pilato.

¹⁸ “Jesure tũo junisinicõri yũre ĩsicã no cũni”, yi tũoĩa wacũ ito bajiro yiyiju Pilato.

¹⁹ Gãjerã ujarã rãca Pilato ĩ rujiroca ĩ manojo ĩre oca cõayijo: “Ñeñaro yibesa ĩre. Ñe seti macũ ñami. Guijoro cãimũ yũ ĩ gaye. Ito bajiri bũto oca jaia yũ”, yi oca cõayijo iso, iso manũjũre.

²⁰ Paia ujarã, judio masa bũcũrã cũni, “Barrabásjuare bucõa rotiya mũa”, yiyijarã ñna masare. “Ito yicõri Jesure sĩa rotiya mũa”, yiyijarã ñna masare. Ito bajiro ñna yijare ito bajiroti tũoĩayijarã masa cũni. ²¹ Ito ñna yija bero masare mũcana ado bajiro seniĩayiju uju Pilato:

—¿Nijũare yũ bucõare ãmoati mũa? yi seniĩayiju Pilato ñnare:

—Barrabásjuare mũ bucõare ãmoa gũ, yiyijarã ñna Pilatore.

²² Ito ñna yija tũocõri, ado bajiro ñnare seniĩayiju ĩ:

—¿No bajiro yigũti yũ Jesure, Cristo mũa yigũreama? yi seniĩayiju ĩ masare.

Ito ĩ yija ñna ñarocõti ado bajiro ĩre awasã cũdiyijarã:

—Yucũtẽojũ ĩre jaju sĩacõña mũ, yiyijarã ñna.

²³ Ito ñna yija tũocõri:

—¿Ñeonire ñeñaro yicati ãni? yiyiju Pilato ñnare.

Ito ĩ yibojarocati mũcana tũdi awasãyijarã ñna:

—Yucũtẽojũ jaju sĩacõña ĩre, yiyijarã ñna Pilatore.

²⁴ Ito ñna yija tũocõri, “No robojũa yi masibicũja yũ”, yi tũoĩayiju Pilato. “Ñna ãmoro bajiro yũ yibeja, ñnamasiti gãmeri birarã yirãji”, yi tũoĩayiju Pilato. Ito bajiro tũoĩacõri ide ãmi rotiyiju ĩ. Ito yicõri masa ñna tiro riojo ãmo coecõri ado bajiro gotiyiju ĩ masare:

—Ñni ñeñaro yibicũre mũa sĩaja, yũre seti ma. Mũareti seti ña, yiyiju ĩ masare.

²⁵ Ito ĩ yija tũocõri, masa ñajediro ado bajiro ĩre cũdi jediyijarã:

—Gũa, gũa rĩare cũni seti ñaro yiroja ĩre gũa sĩaja, yiyijarã ñna Pilatore.

²⁶ Ito yija bero Barrabásre bucōayijū Pilato. Īre bucōacōri ĩ ya surarare ĩsiyijū Pilato Jesure ĩna bajetoni, ito yicōri yucutēojū ĩna jaju sīatoni.

²⁷ Jesure āmi wacōri ɛjū ya wijū āmi ejayijarā ĩna. Surara jeyaro Jesure gāni bia rūgūyijarā. ²⁸ Ī sāñarise yutabuju ruacōri, ɛjū ĩ sāñarise sūari buju ĩre sāyijarā. ²⁹ Ito yicōri jota bedo ĩna menira bedo Jesure rijogajū jeoyijarā ĩna. Ito yicōri riojocadūja āmo jota jāi ĩsiyijarā. ɛjū ĩ rucori jāi bajiri jāi ĩre ĩsiyijarā ĩna. Iti ĩre ĩsi tīocōri ĩ riojo rijomunigāna ĩnini rūjūyijarā ĩna. Gaje ado bajiro ĩre aja tudiyijarā:

—Judio masa ɛjū yoari catiba mū, yiyijarā ĩna Jesure.

³⁰ Ito yicōri go ide ĩre eobate guyijarā ĩna. Ī rucori jāi ēmacōri ĩ ya rijogajū jayijarā ĩna. ³¹ Ito bajiro ĩre ja tudi tīocōri ĩ ya yutabuju sūaro ruayijarā ĩna mūcana. Ito yicōri ĩ yaro ĩnasuoadojūare sāyijarā. Yutabuju sā tīocōri yucutēojū jaju sīarona ĩre āmi wayijarā ĩna.

Yucutēojū Jesure ĩna jaju sīare gaye

(Mr 15.21-32; Lc 23.26-43; Jn 19.17-27)

³² Cūto sōjūa ĩre āmi warājū sīgū Cirene gagū Simón wame cutigūre bocayijarā ĩna. Īre bocacōri Jesús gajari tēo gaja rotiyijarā ĩna ĩre.

³³ Ito baji warājū Gólgota wame cutirijū ejayijarā ĩna. “Rijoga gōa iti ĩarijū”, yireoni ña Gólgota yire. ³⁴ Ito ejacōri Jesure ɛyé ide jiarise wucōri ioyijarā ĩna. Itire idiīacōri itocō idi jidicāyijū Jesús.

³⁵ Jesure yucutēojū ĩna jaju tīoja bero, “Ñimūjūa ĩ ya yutabuju bujaja tiana mani”, yirona gūta ajerina rea ajeyijarā ĩna. Ito bajiro ĩna yija Diore goti ĩsiri masū ñayorū ĩ ucado bajiroti rētayijū. Ado bajiro ucayoñi ĩ. Tūote: “Yū ya yutabujure ĩnamasi gāmeri batorona gūta ajerina gāmeri rea ajecā ĩna”, yi ucayoñi Diore goti ĩsiri masū. ³⁶ Ito bajiro aje tīocōri ĩre code rujijijarā surara. ³⁷ Jesús ya rijoga weca rujajāi uca wōyijarā ĩna. “Adi seti ña ĩre”, yira jāi uca wōyijarā ĩna. “Āniti ñami Jesús judio masa ɛjū”, yi wāñayijū iti jāijū.

³⁸ Jesús rāca jūarā riniri masa jaju ecoyijarā. Sīgūre ĩ ya riojocadūja, gājire ĩ ya gācodūja jaju rūgōyijarā ĩna. ³⁹ Masa ĩna rētaja, rijogari yureyure yi rētayijarā ĩna Jesure busiturā. ⁴⁰ Ado bajiro yi aja tudiyijarā ĩna Jesure:

—“Dios ya wire jore batecācōri mūcana ɛdia rumū beroti menicōgū yigūja yū”, mū yigū ñaja mūmasiti mū ya rujure masogū yigūja mū. “Riti Dios Macū ña yū”, mū yijama, mūmasiti yucutēore rujigogū yigūja mū, yi aja tudiyijarā ĩna Jesure.

⁴¹ Paia ɛjarā, judio masa rotirise riasori masa, ĩna masa bucūrā cūni ito bajiroti Jesure aja tudi ñayijarā ĩna.

⁴² —Gājerāreama masobojañi. Ī ito bajibojaguti ĩ ya rujūreama maso masibeami ĩ. Judio masa ɛjū mū ñaja yucutēore rujigogū yigūja mū. Ito bajiro mū yija ticōri, mure tūorūnūrā yirāji gua. ⁴³ “Dios Macū ña yū. ĩre tūorūnūa yū”, yicū mū. Ito bajiri mure ĩ maija ĩmasiti mure masogū yiguñi, yi aja tudiyijarā ĩna.

⁴⁴ Jūarā ĩ rāca yucutēojū jaju ecoana rācati busituyijarā Jesure.

Jesús ĩ ɛsi jedire gaye

(Mr 15.33-41; Lc 23.44-49; Jn 19.28-30)

⁴⁵ Ito yija ūmacañi riojo ñabojarocati rāitīacoayijū ĩja. ɛdiaji cōrecō rāitīa ñayijū. ⁴⁶ Ito yija ñamica tres ñaroca sēoro ado bajiro awasāyijū Jesús:

—Elí Elí, ¿lama sabactani? yiyijū Jesús. “Dios yū Jacū, ¿no yija yūre jidicāti mū?” yireoni ñayijū iti ĩ awasārise.

⁴⁷ Coriarā itijū ñana ĩ awasāja tūocōri, ado bajiro yiyijarā ĩna:

—Diore goti ĩsiri masū Elías ñayorūre jigū yirū ĩ, yiyijarā ĩna.

⁴⁸ Sīgū ĩre aja tudigū ūmaquedi wacōri ide udi āmirisena ɛyé ide jiare weoyijū. Yucūna sia wōcōri Jesús ya rise tū ñutubojayijū. Idibisijū Jesús. ⁴⁹ Ito bajiro ĩ yibojarocati ado bajiro yiyijarā gājerā:

—Yibesa mū ito bajicōato. Elías ñayorū ĩre masogū ejaja tiana mani, yiyijarā ĩna.

⁵⁰ Mũcana sũsari oca sũoro awasũcũri ũsi jediyijũ Jesũs. ⁵¹ Itijũ Dios ya wi yobiado saya webũtiro ũmacũjuana ñigã ruji wadicũri jacajũ ñigã ruji ejacoayijũ. Ito yicũri sita ũeyijũ. Gũtagãri cũni wadicoayijũ. ⁵² Masari cumari cũni janacoayijũ. Ito bajicũri jãjarã Diore tũorũnũrã tũdi catiyijarã. ⁵³ Ito bajiri masari cumajũ ñana budiyijarã ñna. Budicũri Jesũs ĩ tũdi catija bero Jerusalẽnju Dios ĩ mairi cũtoju wa ucuyijarã ñna. Masa jãjarã tiyijarã ñnare, ñna wa ucuja.

⁵⁴ Jesũs yucũtũo ĩ yosaroca maji, surara ñna ũju cũni code ñayijarã maji. Sita iti ũeja, ito yicũri gaje iti rũtaja ticũri, bũto gũiyijarã ñna. Ito bajiri ado bajiro yiyijarã:

—Riti bajia, Dios Macũti ñabojañi ñni, yiyijarã ñna.

⁵⁵ Jãjarã romia cũni sũju ti rũgũyijarã. Galilea sita Jesũs ĩ ñaroca maji ĩre sũyasũoyijarã ñna. Ito yicũri ĩre ejabũasotiyijarã. ⁵⁶ ñna wato ñayijo Marĩa Magdalena, ito yicũri Marĩa Santiago, Josẽ jaco. Zebedeo rĩa jaco cũni ñayijo.

Jesure ñna yujere gaye

(Mr 15.42-47; Lc 23.50-56; Jn 19.38-42)

⁵⁷ Iti rãio wadiroca sũgũ Josẽ wame cũtigu Arimatea gagũ ejayijũ. Niyeru jaigu ñayijũ ĩ, ito yicũri Jesũs rãca riasotigoru ñayijũ. ⁵⁸ Jesure yujerocu Pilatore senigũ wayijũ Josẽ. Pilato tũ ĩ ejaja ĩ seni ejaro bajiroti rotiyijũ ĩ. ⁵⁹ Ito ĩ yija tũocũri, Jesũs ya rujũre rujiogu wayijũ ĩ. ĩre rujiocũri saya ũeri manona ĩre gũmayijũ. ⁶⁰ Ito yicũri masari cuma mamajũ gũta toti ĩ menirajajũ ĩre cũyijũ. Ito yicũri masari cuma soje gũtagã jajocana biacũ, wacoayijũ. ⁶¹ Ito bajiro ĩ yiroca masari cuma riojo Marĩa Magdalena, ito yicũri gajeo Marĩa ruji codeyijarã ñna.

Jesũs ya masari cuma ñna codere gaye

⁶² Gaje rũmũti ñayijũ tujacãra rũmũ. Iti rũmũti paia ũjarã, fariseo gaye tũoĩarã cũni Pilatore busirã wayijarã. ⁶³ Ado bajiro ĩre gotiyijarã ñna:

—Gũa ũju tũoya: Jesũs socari masũ ĩ yicati gaye masi bũjabũ gua. “ũdia rũmũ bero mũcana tũdi caticũja yũ”, yiquĩ ĩ godaroto riojũ. ⁶⁴ Ito bajiri ĩ ya masari cuma soje tũ surara code roticũãña ĩ rãca riasotigoana ñnami ĩ ya rujũ rinime yirocu. ĩ ya rujũre ñna ãmija, “Godaru ñabojagũti mũcana tũdi caticoami”, yirã yirãji ñna. Ito bajiro ñna yija cajero rũocato rũto busaro socarã yirãji ñna, yiyijarã ñna Pilatore.

⁶⁵ Ito ñna yija tũocũri, ado bajiro yiyijũ Pilato:

—Mũare cũni coderi masa ñacãma. ĩnareti tirũnũ rotiba. Queno ñna tirũnũja quena ñaro yiroja, yiyijũ Pilato fariseo gaye tũoĩarãre.

⁶⁶ Ito ĩ yija tũocũri, Jesũs ya masari cumare, coderi masare code roti cũyijarã ñna. Ito yicũri, “Adi masari cumare jana yibesa mũa”, yire gaye wame wũyijarã ñna masari cumajũ.

28

Jesũs ĩ tũdi catire gaye

(Mr 16.1-8; Lc 24.1-12; Jn 20.1-10)

¹ Tujacãra rũmũ iti jediroca mũcana moasũora rũmũ iti busu mũja wadiroca Marĩa Magdalena ito yicũri gajeo Marĩa, Jesũs ya masari cumajũ tirã wayijarã ñna. ² Ito ñna waroca ñajasaroti sita ũeyijũ. Sũgũ ángel ruji ejayijũ. Ruji ejacũri masari cuma gũta ñna biabojaragare janayijũ ĩ, ito yicũri itiga joere rujijijũ. ³ Bũjo ĩ borea yirisere bajiro yogũ ñayijũ ĩ, ito yicũri ĩ ya yutabuju cũni bũto botirise ñayijũ. ⁴ ĩre ticũri gũirã ñna ya rujũri nũrũoyijarã coderi masa. Godacãna robo bajiro ñayijarã ñna. ⁵ Ito yija ángel ado bajiro yiyijũ romiare:

—Gũibesa mũa Jesũs yucũtũoju ñna jaju sũarũre ãmarã ya mũa, yũ tija. ⁶ Mami ado. ĩ goticãdo bajiroti tũdi caticoañi. ĩre cũgorajũ tirã wadite mũa. ⁷ Coji wasa ĩ rãca riasotigoanare gotitẽña. “ĩ gotiado bajiroti mũcana tũdi caticoañi”, yiba. “Mani rioju bũsa Galileajũ warocu ñayijũ ĩ. Itoju ĩre tirã yirãji mani”, yi gotiba mũa Jesũs rãca riasotigoanare, ya yũ mũare, yiyijũ ángel.

⁸ Ito ï yija tucõri, masari cuma budicõri güi ùmaquedi wayijarã ïna. Güibojarãti buto wanure rãca Jesús rãca riasotigoanare gotirã wayijarã romia. ⁹ ïna wabojaroca riti ïnare seniã ejayijũ Jesús. “¿Ñati mũa?” ï yija tucõri, buto wanuyijarã ïna. Ito bajiri ïre rucuborã ï ya gũbo wana cuníyijarã ïna. ¹⁰ Ado bajiro yiyijũ ï ïnare:

–Güibesa mũa. Yũ rãca riasoticãnare oca gotitẽña. “Galileajũ wajaro. Itojũ ïre tirã yirãji mani”, yiba ïnare, yiyijũ Jesús romiare.

Ado bajiro bajiyija, yi surara ïna gotire gaye

¹¹ Romia ïna wagoja bero masari cuma code ñana cutojũ ejacõri paia ujarãre gotiyijarã iti rêtado bajiroti. ¹² Iti oca tucõri judio masa bucũrã rãca busirã wayijarã paia ujarã. Sīgũre bajiro tuoĩacõri coderi masa ruori oca ïna gotitoni ïnare jairo niyeru ïsiyijarã ïna.

¹³ Ado bajiro ïnare ruo rotiyijarã ïna:

–“Ñami gũa canigoja bero Jesús rãca riasotigoana ï ya rujure ãmirã ejañi ïna”, yi goti batoba mũa masa jeyarore, yiyijarã paia ujarã ito yicõri judio masa bucũrã cuni. ¹⁴ Mũa ruo gotirise ujũ ï tuo masija guamasiti mũare busi queno ïsirã warã yirãji, yiyijarã ïna coderi masare.

¹⁵ Iti niyeru boca ãmi tucõri, ïnare ïna rotiro bajiroti ruo goti ucurã wayijarã ïna. Ito bajiri adi rumuri cuni, “Tũdi catigũ meje yiñi Jesús. ï rãca riasotiri masa rinirã yiñi ïna”, yire gaye busiama judio masa adi rumuri cuni.

Ado bajiro yũ oca masare riasoba mũa, yi Jesús ï rotire gaye

(Mr 16.14-18; Lc 24.36-49; Jn 20.19-23)

¹⁶ Jesús tũdi catire, romia ïna gotija tucõri, Galileajũ wacũ gũa. “Ito gũtagũ joeju bocatiba mũa”, guare ï yiadojũ wacũ gũa. ¹⁷ Itojũ ejacõri Jesure ticũ gũa. Ito bajiri ïre rucuborã wanucũ gũa. Coriarã, “ï meje ñaguĩji”, yi tuoĩacã ïna. ¹⁸ Ito yija ado bajiro guare yiquĩ Jesús:

–Ûmacũju adi tutijũ cuni yũ rotire gaye jeyaro jidicãmi yũ Jacũ Dios yũre. ¹⁹ Masa jeyarore oca goti ucurã, oca goti ucuteña mũa. Yũ ya oca tuorũnũroca yiba ïnare. Yũre ïna tuorũnũja ticõri, yũ Jacũ wame, Espiritu Santo wame, yũ wame rãca ïnare idé guba mũa. ²⁰ Jeyaro yũ rotirise ñarocõti ïna cuditoni ïnare riasoba. “Co rumũ ruỹabeto mani rãca ñasotigũ yiguĩji Jesús. Adi macãrucũro iti jediroto riojũajũ mani rãca ñasotigũ yiguĩji ï”, yi tuoĩama mũa, yiquĩ Jesús guare. Itocõ ña.

El santo evangelio según San Marcos

Yuc manoj^u Juan idé guri mas^u ï ña ucure gaye
(Mt 3.1-12; Lc 3.1-9,15-17; Jn 1.19-28)

¹ Jesucristo oca m^uare gotig^u ya y^u. Ìti ñami Dios Mac^u. Ito yic^ori ado bajiro ñas^uoa ï oca quenarise gotire gaye. ² Jane meje^u sīg^u Diore goti ïsiri mas^u ñayij^u. Isaías wame c^utiyij^u ï. Dios ï Mac^ure ï busigore ucañi Isaías ñayor^u. Ado bajiro ucayoñi ï: T^uoya y^u Mac^u m^u. M^u rioj^ua g^ujire c^oag^u yig^uja y^u. Juan wame c^utig^u yig^uji ï, y^u oca gotiri mas^u. M^u ejaroto rioj^ua masare gotig^u yig^uji, m^u ejaroti gaye ña bocatitoni, yiyij^u Dios ï Mac^ure.

³ Yuc^u manoj^u masare jig^u yig^uji Juan. Ito yic^ori s^ooro ado bajiro ñnare gotig^u yig^uji: “Ña yucaña m^ua. Noc^o mejeti mani Uj^u eja^u yig^uji. Ñeñaro yimenati quenarise riti t^uoña m^ua”, yig^u yig^uji Juan, yiyij^u Dios ï Mac^ure, yi ucañi Isaías ñayor^u.

⁴⁻⁶ Ado bajiroti r^etayij^u ï ucare. Yoari ï ucaja bero yuc^u manoj^u ñasotiyij^u Juan. Ì s^uñari buju camello joa ñayij^u. Ito yic^ori ï w^eñuri wiro wec^u wiro ñayij^u. Rujiro ñimia ñayijar^u ï bana. Ito yic^ori sear^u beroa ide ñayij^u ï ya bare. Ìre t^uor^u wadiyijar^u masa Judea sita g^una. Jerusalén wame c^utiri c^uto g^una c^uni ïre t^uor^u wadiyijar^u ña yuc^u manoj^ure: “M^ua ñeñaro yirise jidic^uc^ori m^ucana t^udi u^uyabesa. T^udi t^uoña u^uya yibesa. M^ua ito yija tic^ori, ñeñaro m^ua yirise ^ucabojog^u yig^uji Dios. Ito m^ua yija bero idé gu rotiba m^ua”, yiyij^u Juan masare.

Ito yija masa ñeñaro ña yirise Diore ña gotija bero Jordán wame c^utirisaj^u ñnare idé guyij^u Juan. ⁷ Ito yic^ori ado bajiro masare riaso busiyij^u ï:

—Y^u bero g^uji wadig^u yig^uji. Y^u r^eto busaro masig^u ñami ï. Ìre bajiro bajig^u meje ña y^uama. Y^u r^etoro quenag^u ï ñajare ï r^uca coroc^o ñado ma y^u. Ito bajiro quenag^u meje ñac^ori ï ya g^uboco oja masibe a y^u. ⁸ Diore m^ua t^uor^uñ^uja tic^ori, idena m^uare gub^u y^u. Y^u bero eja^u ñama Dios ya ^usi m^uare queo s^ug^u yig^uji, yiyij^u Juan masare.

Jesure idé gure gaye
(Mt 3.13-17; Lc 3.21-22)

⁹ Iti r^um^uriti Galilea sita Nazaret wame c^utiri c^uto^ure wacoayij^u Jesús. Wac^ori Juan t^u ejayij^u Jesús. Ì ejaroca Jordán wame c^utirisaj^u ïre idé guyij^u Juan. ¹⁰ Jesús riac^u maja r^ug^uc^ori ï ti m^uoja, mac^ur^uc^uro soje janayij^u. U^umac^uij^u ï ti m^uorocati bujare bajiro bajig^una qued^u s^uja wadic^ori, Jesús joe qued^u jeayij^u Esp^uritu Santo. ¹¹ Ito bajija bero mac^ur^uc^uroj^u oca ruyuyij^u. Ado bajiro gotiyij^u iti:

—Y^u Mac^u ña m^u, y^u maig^u. B^uto wan^ua y^u m^ure, yi ruyuyij^u oca.

R^um^ua u^u Jesure ï ^usirio codere gaye
(Mt 4.1-11; Lc 4.1-13)

¹² Itij^uti yuc^u manoj^u Jesure ^umi wayij^u Esp^uritu Santo. ¹³ Itoj^u ñayij^u Jesús j^uar^u masac^o r^um^uri. Itoj^u Jesús ï ñaroca, “¿Diore riti c^udig^u yig^ujid^u Jesús?” yiroc^u ïre ^usirio codeg^u ejayij^u Satanás wame c^utig^u. Ito ï yibojarocati Diore c^uditic^o yibisij^u Jesús. G^ujerona jeyaro wato ñayij^u Jesús. Ito yic^ori Dios ñaro g^una ^ungel mesa ïre codeyijar^u.

Galilea sitaj^u Jesús ï riasos^uore gaye
(Mt 4.12-17; Lc 4.14-15)

¹⁴ Iti r^um^uri Juanre ña tubiaja bero Galileaj^u wacoayij^u Jesús. Galileaj^u ejac^ori masare Dios oca quenarise riasoyij^u Jesús. ¹⁵ Ado bajiro yiyij^u Jesús masare:

—Itoc^o ña waj^u ñja. Jabeto r^uya ïre t^uor^uñ^ur^ure Dios ï miojuroto. Ito bajiri ñeñaro m^ua yirisere t^uoña bojori b^ujac^ori itire jidic^uña m^ua. Dios oca quenarisej^ua riti t^uor^uñ^uña m^ua, yi riasoyij^u Jesús ñnare.

Wai jori masa juariaräre Jesús ĩ jire gaye
(Mt 4.18-22; Lc 5.1-11)

¹⁶ Itajura Galilea wame cutirita tunima rŭja wayijũ Jesús. Ito rŭja wacũjũ Simón ito yicõri ĩ ocabaji Andrésre cuni ti bujayijũ Jesús. Wai jori masa ñayijarã ĩna. Yori yucũrina wai waya ñayijarã ĩna. ¹⁷ Ito yija ado bajiro yiyijũ Jesús ĩnare:

—Yũ rãca waya. Masare jirã yirãji mua, Diore ĩna masitoni, yiyijũ Jesús ĩnare.

¹⁸ Ito ĩ yirocati yori yucũri cũcõri ĩ rãca sũya wayijarã ĩna.

¹⁹ Ito yija ito sõjũa busa wa remoyijũ Jesús. Jabeto wa remocõri Santiago, ĩ ocabaji Juanre cuni ti bujayijũ Jesús. Zebedeo rĩa ñayijarã ĩna. Cumajũ ĩna ya yori yucũri sia queno sãñayijarã ĩna. ²⁰ ĩnare ticõri ĩnare jiyijũ Jesús. Cumajũti ĩna jacũ Zebedeore cũ wayijarã ĩre ejabũari masare cuni. Ito bajiri Zebedeo rĩa Jesús rãca wacoayijarã ĩja.

Rũmũ sãñagũre rũmũre Jesús ĩ bucõare gaye
(Lc 4.31-37)

²¹ Wacõri Capernaum cutojũ ejayijarã ĩna. Co rũmũ judio masa ĩna tujacãri rũmũ minijuara wijũ sãjayijũ Jesús. Ito sãjacõri masare riasosũoyijũ Jesús. ²² Ujũ ñasagũ robo bajiro masare riasoyijũ Jesús. Judio masa rotirise riasori masare bajiro meje riasoyijũ Jesús. ĩna rēto busaro queno riaso masiyijũ ĩ. Ito bajiri Jesús ĩ riasorise tũocõri ucayijarã ĩna. ²³ Minijuara wijũ ũmũgũ sīgũ ñayijũ ĩ ya usijũ rũmũ sãñagũ. Ado bajiro awasãyijũ ĩ:

²⁴ —Mũre ti masia gũa. Jesús ña mũ, Nazaret wame cutiri cuto gagũ ña mũ, yiyijũ rũmũ sãja ecorũ. ¿No yigũ yigũjada mũ gũare? ¿Gũare bucõarocũ ejari mũ? Mũre ti masia gũa. Dios queno ĩ cõarũ ña mũ. Dios ĩ maigũ ña mũ, yi awasãyijũ rũmũ sãja ecorũ Jesure.

²⁵ Ito yija Jesús rũmũre busi rotibisijũ:

—Busibesa mũ, ito yicõri budigoya mũ ĩ ũmũgũre, yi tudiyijũ Jesús rũmũre.

²⁶ ũmũgũre usi jedi quedicõri ĩ tunuroca yiyijũ rũmũ. Ito yicõri rũmũ buto awasãcõri masũre budigoyijũ ĩja. ²⁷ Ito bajija ticõri, masa ñarocõti ucayijarã. Ito yicõri ĩnamasiti gãmeri seniñayijarã:

—¿Ñe ñatibeti? yiyijarã ĩna. ¿Ñe ñatibeti mame ĩ riasorise? Āni ũmũgũ rũmũare bucõare buto masiami. Ito bajiri yiro robo cũdiama rũmũa ĩre, yiyijarã masa.

²⁸ Nocõ mejeti Jesús ito ĩ yija bero Galilea sita gãna ñarocõti masi jedicoayijarã.

Pedro mañicõre Jesús ĩ yisioire gaye
(Mt 8.14-15; Lc 4.38-39)

²⁹ Ito yija Jesús budĩ wayijũ minijuara wijũ. Santiago ĩ ocabaji Juan rãca cuni wayijũ Jesús. Minijuara wijũ budĩ wacõri Simón ya wijũ ejayijarã ĩna. ĩ ocabaji Andrés rãca ĩna jũarã ya wi ñayijũ iti wi. ³⁰ Wijũ ĩna sãja ejaroca Jesure gotiyijarã ĩna: “Simón mañicõ cõgõ yamo. Rujũ yarise cõ yosamo iso”, yiyijarã ĩna. ³¹ Ito yija Jesús iso tũ eja rũgũcõri ĩ ya ãmona tũa jõrojoyijũ. Ito ĩ yirijũti iso rujũ yarise jedicoayijũ. Ito bajiri iti jediroca masare eca bocasũoyijo iso.

Jãjarã ñarise cutirãre Jesús ĩ yisioire gaye
(Mt 8.16-17; Lc 4.40-41)

³² Iti ñamica rãiocũroti cõrãre, ĩna ya usijũ rũmũ sãñarãre cuni Jesús tũ ãmi ejayijarã ĩna. ³³ Iti cuto gãna ñarocõti soje tũ minijuayijarã. ³⁴ Jeyaro ñarise cõrãre yisioyijũ Jesús. Ito yicõri ĩna ya usijũ rũmũ sãñarãre rũmũa bucõayijũ Jesús. Rũmũa ĩre ĩna ti masija ticõri, ĩnare busi rotibisijũ Jesús.

Minijuara wijũ Jesús ĩ riasore gaye
(Lc 4.42-44)

³⁵ Busucũro iti rãitĩaroca riti masa manojũa wayijũ Jesús. ĩ Jacũ Dios rãca busirocũ wayijũ ĩ. ³⁶ Ito yija Simón ĩ baba mesa rãca Jesús manija ticõri, ĩre ãmarã wayijarã. ³⁷ ĩre ti bujacõri ĩre busiyijarã ĩna:

—Masa jeyaro mũre ãmama, yiyijarã ĩna Jesure.

³⁸ Ito ĩna yibojarocati ado bajiro cũdiyijũ Jesús ĩnare:

—Ita, gaje cutojũ wato mani. Itojũ Dios oca quenarise gotito mani. Itire yiari wadicu yũ, yiyijũ Jesús ñnare.

³⁹ Ito bajiri Galilea sitajũa wayijũ Jesús. Galilea sitajũ ejacõri Galilea sita ñari cutorijũ minijuara wirijũ riaso ucuyijũ Jesús. Ito yicõri ñna ya usijũ rũmũa sãjanare rũmũare bucõayijũ Jesús.

Rujũ cami jogagũre Jesús ñ yisiore gaye

(Mt 8.1-4; Lc 5.12-16)

⁴⁰ Rujũ cami jogagũ ejayijũ Jesús tũjũ. Ñ tũjũ ejacõri ñ ya rijomunigãna Jesús riojo ñini rũjũyijũ. Ito bajiro rujicõri ado bajiro josayijũ Jesure:

—Mũ yũre yisio ãmojama, yũre yisiogũ ya mũ, yiyijũ rujũ cami jogagũ Jesure.

⁴¹ Ito ñ yija tũocõri, ñre ti maiyijũ Jesús. Ito bajiri ñre moãacõri ado bajiro yiyijũ Jesús ñre:

—Ãmoa yũ. Ito bajiri mũre yisiogũ ya yũ, yiyijũ Jesús cami jogagũre.

⁴² Ito ñ yirocati ñ ya rujũ cami jogarise yati jedicoayijũ ñja. Quenari rujũ, rujũ cuticoayijũ ñja. ⁴³ Iti yatija ticõri, bũto ñre goticõri wa rotiyijũ Jesús cami jogagũre:

⁴⁴ —Tũoya mũ. Yũ mũre yisorisere goti batobesa gãjerãre. Coji wasa. Mũ ya rujũre ñoña paire. Ño tũocõri Moisés ñayorũ rotiado bajiroti waja yiya. Ito bajiro mũ yija ticõri, “Ñ ya rujũ cami jogarise yati jedicoajũ”, yi masirã yirãji masa mũre, yiyijũ Jesús ñre.

⁴⁵ Ito bajiro, “Goti batobeja”, ñ yibojarocati jeyaro masare goti batoyijũ ñ: “Yũ ya rujũ cami jogarisere yisioquĩ Jesús”, yiyijũ. Ito bajiro ñ yija tũocõri, Jesús tũ jãjarã masa minijuayijã, ñre ti ãmorã. Ito bajiri reco wa ucubisijũ Jesús masa ñna tiro riojo. Masa manojũ ñna ucuyijũ Jesús ñja. Ito ñ yibojarocati jãjarã masa ejayijã mũcana ñ tũ, ñre tũo ãmorã.

2

Rudurũre Jesús ñ yisiore gaye

(Mt 9.1-8; Lc 5.17-26)

¹ Yoa busarijũ Capernaumjũ tũdi ejayijũ Jesús mũcana. “Wijũ ñaguĩji Jesús”, masa ñna yija tũocõri, ñ tũ jãjarã masa minijuayijã. ² Ito bajiri wi daja rãtacoayijũ. Dijũ rũgõrajau mañijũ. Soje cũni daja rãtacoayijũ. Dios oca masare riasoyijũ Jesús. ³ Ito bajiro masare ñ riasoroca ãmũa juariarã ejayijã rudurũre ãmi ejarã. ⁴ Masa jãjarã ñarõjũ rudurũre ãmi ejabojayijã ñna Jesús tũjũ. Ito bajiri wi tutu joejũ ñre ãmi mũja wayijã ñna. Ito yi, Jesús rũgõro weca soje cudayijã ñna. Ito yicõri rudurũre ñ ya camana jidi rujioyijã ñna Jesús tũjũ. ⁵ “Yũre queno tũorũnũama ñna”, yi ti masiyijũ Jesús ñnare. Ito bajiri rudurũre ado bajiro yiyijũ Jesús:

—Macũ, mũ ñeñaro yirise coecoajũ mũre, yiyijũ Jesús rudurũre.

⁶ Ito ñ yirocati, judio masa rotirise riasori masa tũoĩa rujiyijã. Ñnamasijũa ado bajiro tũoĩayijã: ⁷ “¿No yija ito bajiro busiati ãni ãmũgũ? Diore ñeñaro busiami. Gãjerã ñeñaro yirisere coe masimenaji. Dios sũgũti ñaguĩji itioni ñeñaro yirisere coe masigũ”, yi tũoĩayijã ñna. ⁸ Ito ñna tũoĩaroca Jesumasiti ñnare tũoĩa masicõyijũ. Ito bajiri ado bajiro ñnare seniãayijũ ñ:

—¿No yirã ito bajiro mũa ya usijũ tũoĩati mũa? ⁹ ¿No bajiro rudurũre yũ yija quenati mũare? “Mũ ñeñaro yirise coecoajũ”, ¿yũ yija quena ñarõjada mũa tũoĩaja? “Wũmũña. Mũ ya cama ãmi wasa”, ¿yũ yija quena ñarõjada? ¿Disejũa ñati josasabiti mũa tija? ¹⁰ Masa Rĩjorũ ña yũ. Yũ masirise mũare ñogũ ya yũ. “Adi sitajũ masa ñna ñeñaro yirisere coe masigũ ñami Masa Rĩjorũ”, mũa yi masitoni, yũ masirise mũare ñogũ ya yũ, yiyijũ Jesús ñnare.

Ito yicõri ado bajiro rudurũre yiyijũ Jesús:

¹¹ —Wũmũña. Mũ ya cama ãmiña. Mũ ya wijũ tũdi wasa, yibũ yũ mũre, yiyijũ Jesús rudurũre.

¹² Ito bajicōri ruduru wumuyijũ ĩ ya cama āmigũ. Masa jājarā tiro riojo wumũ rũgũ, budi wayijũ macũjũ. Ito bajiri masa ñajediro tuo ucayijarã ĩja. Ito bajiri Diore rũcũbuorã ado bajiro bũsiyijarã masa:

—Quenagũguti ñami Dios ĩja. Ado bajirisere tĩabiticũ mani, yiyijarã masa.

Levíre Jesús ĩ jire gaye

(Mt 9.9-13; Lc 5.27-32)

¹³ Mũcana tudĩ wayijũ Jesús itajura tũnimajũ. Jājarã masa minijuayijarã ĩ tũ. ĩna ejaja ticōri, Dios oca ĩnare riasoyijũ Jesús. ¹⁴ Ito rēta wacũjũ Levĩ wame cutigũre ti bũjayijũ Jesús. Alfeo macũ ñayijũ ĩ. Romano masa ujarã ye niyeru senirijũ rujiyijũ Levĩ. ĩnare yiari waja seni ĩsigũ yiyijũ Levĩ. ĩre ti bũjacōri ado bajiro bũsiyijũ Jesús ĩre:

—Yũ rãca waya mũ, yiyijũ Jesús ĩre.

Ito ĩ yija tuocōri, wumũ rũgũyijũ Levĩ. Ito yicōri Jesure sũya wayijũ ĩ.

¹⁵ Barajũ ejaroca Levĩ ya wijũ bayijũ Jesús. Gãjerã jājarã Jesús rãca rujiyijarã. Ujarãre yiari waja seni ĩsiri masa, ñeñaro yiri masa cũni, ito yicōri Jesús rãca riasotirã jājarã rujiyijarã ĩna. ¹⁶ Jesús gãjerã rãca ĩ ba rujiroca fariseo gaye tuoĩarã, judio masa rotirise riasori masa cũni ĩnare tiyijarã. Judio masa ñayijarã ĩna. Ñeñaro yirã rãca Jesús ĩ ba rujiya ticōri, Jesús rãca riasotirãre ado bajiro seniĩayijarã fariseo gaye tuoĩarã:

—¿No yija ujarãre yiari waja seni ĩsiri masa rãca, ñeñaro yirã rãca bati mũare riasogũ? yiyijarã ĩna ĩnare.

¹⁷ ĩna ito bajiro bũsija tuocōri, ado bajiro cũdiyijũ Jesús ĩnare:

—Queno cati quenarãma uco masũre āmado ma. Cōri masajũna ñama uco masũre āmorã. Queno ñari masare jigũ meje wadibũ yũ. Ñeñaro yirãre jigũ wadibũ yũ, yiyijũ Jesús fariseo gaye tuoĩarãre.

Bamenati Diore rũcũbuore gaye

(Mt 9.14-17; Lc 5.33-39)

¹⁸ Co rũmũ Juan idé guri masũ rãca riasotirã, fariseo gaye tuoĩarã cũni Diore tuoĩa āmorã babisijarã ĩna. Ito bajiro ĩna babeja ticōri, ado bajiro Jesure seniĩayijarã gãjerã:

—Juan rãca sũyarã Diore tuoĩa āmorã babeama ĩna. Fariseo gaye tuoĩarã rãca sũyarã cũni babeama ĩna. ¿No yija mũ rãca riasotirãma batĩñati ĩna? yiyijarã ĩna Jesure tudirã.

¹⁹ ĩna ito yijare cũdiyijũ Jesús:

—Queno tuo masibeama mũ. Queno tuo masiña mũ itire. Ado bajiro bajia iti. Āmo siare gaye tijaro yirona ĩna ji ñucana manojo cutirocũ ĩ ñajare ĩ rãca barã yirãji maji.

²⁰ Co rũmũ ejaro yiroja ĩre ĩna ñia wari rũmũ. Iti rũmũ ñaro yiroja ĩja ĩna babiti rũmũ, yiyijũ Jesús ĩnare.

²¹ 'Saya bũcũro iti tadija, mamarona sere wōmenaji mani. Mamarona mani sere wōja tũatu wato bũcũro tadiroja. Ito bajicōri jaja goje bũsa tadi waroja ĩja. Mame oca yũ riasorise cũni bũcũrã oca rãca tuoĩa wisabesa, yiyijũ Jesús ĩnare.

²² Mũcana ado bajiro gotiyijũ Jesús:

—Uyẽ mame ide wecũ wirowo baju bũcũ baju jiomenaji mani. Bũcũ baju mani jiojama wirowo cuducoaro yiroja. Ito yicōri idire, wirowo cũni juajijũ godaroja. Ito bajiro uyẽ mame ide wecũ wirowo mama bajuna jiore ñaroja. Ito yicōri uyẽ ide, wecũ wirowo cũni corocō ñaro yiroja, yiyijũ Jesús ĩnare.

Jesús rãca riasotirã trigo ajeri beja āmicōri ĩna bare gaye

(Mt 12.1-8; Lc 6.1-5)

²³ Judio masa ya tujacãra rũmũ wesecajũ wayijũ Jesús ĩre sũyarã rãca. Ito ĩna waroca riti Jesús rãca sũyarã weseca gaye ote beja āmiyijarã. Itire wirori sũguẽ batecōri bayijarã ĩna. ²⁴ Ito ĩna yija ticōri, fariseo gaye tuoĩarã ado bajiro seniĩayijarã Jesure:

—Tujacãra rũmũ moare ma. Tite mũ. Mũ rãca riasotirã weseca gaye ote ĩna beja baja, moado bajiro yama ĩna. Ito bajiro ĩna yija bũcũrã oca tuorũnũbeama ĩna, yiyijarã fariseo gaye tuoĩarã.

²⁵ Ito bajiro ĩna yibojarocati ado bajiro cũdiyijũ Jesús:

—Co rúmú David ñayoru ï rãca gãna ñiocõ wana ïna yigore, ¿Dios oca tuti tiñabiticati mña? Ado bajiro bajiyijú iti oca: ²⁶ David Dios ya wi wayijú, paia úju Abiatar wame cutigu ï ñaroca. Ñiocõcõri Dios ya wi sãjacõri naju ñasarise bayijú David. Diore naju cù ïsire ñayijú iti. Ito yija Diore ïsiado bajiro bajiyijú iti. Paia újarã riti ïna barise ñayijú iti naju. David itire bacõri ï rãca gãnare cuni ecayijú, yiyijú Jesús fariseo gaye tũoñarãre.

²⁷ Ito yicõri gaje ado bajiro gotiyijú Jesús ïnare:

—Dios cùyijú tujacãra rúmú masa yeroti yiari. Masare ï rujeoroto riojúa tujacãra rúmú menibisijú Dios. Masa rujeoja berojũare tujacãra rúmú meniyijú Dios. ²⁸ Ito bajiri yú ña tujacãra rúmú roti masigũ. Yú ña Masa Rĩjoru. Ito yicõri tujacãra rúmú tirũnugũ ña yú, yiyijú Jesús fariseo gaye tũoñarãre.

3

Ãmo digarũre Jesús ï yisioire gaye

(Mt 12.9-14; Lc 6.6-11)

¹ Mũcana minijũara wijú sãjayijú Jesús. Itojú ñayijú ãmũgũ ï ya ãmo digarũ. ² Fariseo gaye tũoñarã ado bajiro Jesure ti tũoñayijarã ïna: “Jane tujacãra rúmú ñabojarocati, ¿ãni ãmo digarũre yisioigu yiguĩjida Jesús?” yi tiyijarã ïna. “Ito bajiro ï yija, ‘Seti ña ïre. Ñeñaro yami’, yirã yirãji mani”, yi tũoña rujiyijarã ïna. ³ Ito bajiro ïna tũoña rujirocati ado bajiro yiyijú Jesús ãmo digarũre:

—Wũmũña. Yú tũ eja rũgũña, yiyijú Jesús ïre.

⁴ Ito yicõri ito tũ ñarãre ado bajiro seniñayijú Jesús:

—¿No bajiro manire cùyijari Dios tujacãra rúmú mani yiroti? ¿Quenarise, ñeñarise ito yicõri cõrãre mani yisioroti, gaje mani yisiobeja, disejúa quenati? yiyijú Jesús ïnare.

Ito ï yija cũdire meje tũoyijarã ïna. ⁵ Ito bajiri ãmo digarũre ïna ti maibeja ticõri, ïnare junisini bũjatobiti tiyijú Jesús. Ito yija ãmo digarũre ado bajiro bũsiyijú Jesús:

—Mũ ya ãmo ñu joya mũ, yiyijú Jesús ïre.

Ito ï yija tũocõri, ï ya ãmo ñu joyijú ï. Ito yijare ï ya ãmo quenacoayijú mũcana. ⁶ Ito yija fariseo gaye tũoñarã budi wayijarã Herodes ï ñarã rãca bũsirona. “¿No bajiro Jesure sãrũjati?” yi gãmeri bũsiyijarã ïna.

Itajura tũnimajú masa jãjarã ïna ejare gaye

⁷ Ito yija bero Jesuama wacoayijú ï rãca riasotirã rãca itajura tũnimajú. Galilea gãna masa jãjarã sũya wayijarã ïre. ⁸ “Tiyamani jaje ïoami Jesús”, masa ïna yija tũocõri, jãjarã masa Jesús tũ ejayijarã. ïna ñayijarã Judea gãna, Jerusalén gãna, Idumea gãna, Jordán sidũja gãna, Tiro gãna ito yicõri Sidón gãna. ïre tirona ejayijarã ïna. ⁹⁻¹⁰ Jãjarã cõrãre Jesús ï yisioja tũocõri, masa jeyaro ïre moaãa ãmoyijarã ïna. Ito bajiri ï rãca riasotirãre ado bajiro rotiyijú Jesús: “Cuma rũco yucãma mña. Masa jãjarã yũre ïna gãni biaja, cumajú sãjarocũ ya yũ”, yiyijú Jesús ïnare.

¹¹ ïna ya usijú rũmũ sãñarã Jesure ticõri ï riojo rijomunigãna ñini rũjũcõri awasãyijarã ïna:

—Mũti ña Dios Macũ, yiyijarã ïna Jesure.

¹² Ito bajiro ïna yija tũocõri: “Ito bajiro masare goti batobesa mña”, yiyijú Jesús ïna ya usijú rũmũ sãñarãre.

Júa gũbojeno apóstol mesare Jesús ï besere gaye

(Mt 10.1-4; Lc 6.12-16)

¹³ Ito bero tũriajú maja wacõri, ï ãmorãre bese jiyijú Jesús. Ito bajiri ï tũ ejayijarã ïna. ¹⁴ Júa gũbojeno ñarãre riti jiyijú ï. ï rãca ñaronare riti jiyijú ï. Ado bajiro ïnare gotiyijú Jesús: “Yú ya oca goti ucurã ñarã yirãji mña. Ito yicõri masare riaso ucurã ñarã yirãji mña”, yiyijú Jesús ïnare. ¹⁵ “Yú masirise mũare ïsigũ ya yũ, rũmũa sãñanare rũmũare mña bucõatoni”, yiyijú Jesús ïnare. ¹⁶ ãna ñama júa gũbojeno ñarã Jesús ï beseana: Simón wame cutigure gaje wame wõyijú Jesús. Ito bajiri Simón Pedro wame cutiyijú ï. ¹⁷ Gãjerã ñayijarã Santiago, ï ocabaji Juan, Zebedeo rĩa ñayijarã ïna. ïna jũarãre Boanerges wame

yiyijũ Jesús. Ìna ocana yijama, “Bũjo Rĩa”, yireoni ñayijũ. ¹⁸ Gãjerã ñayijarã: Andrés, Felipe, Bartolomé, Mateo, Tomás, Santiago, Alfeo macũ ñayijũ ì Santiago, ito yicõri ñayijarã Tadeo, Simón celote gaye tũoĩagorũ cũni. ¹⁹ Ito yicõri gãji Judas Iscariote ñayijũ. Gãjerã Jesure ña ñiatoni gotiri masũ ñayijũ ì. Itocõ ñayijarã ì oca goti ucujaro yirocũ Jesús ì cũana.

Rũmũa ẽjũ rotirise boca ãmicõri yami Jesús, ña yire gaye

(Mt 12.22-32; Lc 11.14-23; 12.10)

²⁰ Ìnare bese tũocõri, ì rãca riasotirã rãca wijũ tũdi wayijũ Jesús. Mũcana masa jãjarã minijuayijarã ña tũ. Ito bajiri ba masia mano yiyijarã ña. ²¹ Ado bajiro yiyijarã masa Jesure: “Jesús queno tũoĩabeami ñja. Mecũri masũ ñami ñja”, yiyijarã ña. Itire tũocõri Jesús ñarã ìre jirã ejayijarã.

²² Judio masa rotirise riasori masa Jerusalén gãna ado bajiro yiyijarã ña cũni:

—Ì ya ẽsijũ Beelzebú rũmũa ẽjũ sãñagũ ñami ì. Ito bajiri Beelzebú ì masirisena rũmũa sãñanare rũmũare bucõami Jesús, yiyijarã ña.

²³ Ito ña yija tũocõri, ñnare jiyijũ Jesús. Goti masiore ocana ñnare gotirocũ jiyijũ:

—Gãji ya ẽsijũ rũmũ ì sãñaja, ¿no bajiro ñmasiti ìre budigoguĩjida? Budigobiquĩji ì, yiyijũ Jesús ñnare.

²⁴ ‘Co cũto gãna masa ña gãmeri jaja, yoari ñamenaji ña. ²⁵ Masa co wi gãna, sĩgũre bajiro ña tũoĩabeja, yoari ñamenaji ña. ²⁶ Rũmũa ẽjũ Satanás wame cutigũ ricati ì gotija, ito yicõri ñmasiti ricati ì tũoĩaja ña masibiquĩji, yiyijũ Jesús ñnare.

²⁷ Ñimũjũa guamũ ya wi sãjacõri ì ya gajeoni ẽmabiquĩji. Cajero ìre siacõri, ito berojũa ì ya gajeoni ẽmaroja, yiyijũ Jesús ñnare.

²⁸ Gaje ado bajiro yiyijũ Jesús:

—Riti mũare gotia yũ. Masare ñeñaro ña yirise, ñeñarise ña bũsija cũni, ãcabojo masiami Dios. ²⁹ Ito bajibojarocati Espĩritu Santore masa ña bũsitujã, iti ñeñaro ña yirise ãcabobiquĩji Dios. Iti seti sũsabetoja ñnare, yiyijũ Jesús.

³⁰ “Ì ya ẽsijũ rũmũ sãñagũ ñami”, ìre ña yijare, ito bajiro yiyijũ Jesús.

Jesús ì ñarã ado bajiro bajiamã, yire gaye

(Mt 12.46-50; Lc 8.19-21)

³¹ Ito yija ejayijo Jesús jaco, ì ocabajirã rãca. Ejabojarãti macũjũ tujayijarã ña. Macũjũ ñacõri Jesure ji ñucayijarã ña. ³² Jesús tũ ruji gãnirã ìre gotiyijarã, “Mũ jaco ejamo”, yirona:

—Mũ jaco, mũ ocabajirã cũni macũjũ ñama ña. Mũre ti ãmoama ña, yiyijarã ña.

³³ Ito ña yija tũocõri, ado bajiro cũdiyijũ Jesús:

—¿Ñimo ñati yũ jaco? ¿Noa ñati yũ ocabajirã? yiyijũ Jesús ì tũ rujirãre.

³⁴ Ì tũ rujirãre ticõri ado bajiro gotiyijũ Jesús ñnare:

—Mũati ña yũ ocabajirã. Ito yicõri mũati ña yũ jaco, yiyijũ Jesús ñnare. ³⁵ No Dios rotirise cũdiguti ì ñami yũ ocabajì, yũ ocabajio, ito yicõri yũ jaco cũni, yiyijũ Jesús ñnare.

4

Oteri masũ gaye Jesús ì goti masiore oca

(Mt 13.1-9; Lc 8.4-8)

¹ Mũcana tũdi riasoyijũ Jesús itajura tũnimajũ. Masa jãjarã ejayijarã ña itojũ Jesús tũjũre. Masa jãjarã ñajare cumajũ sãjacõri itojũ rujiyijũ Jesús. Masama ñarocõti tujayijarã jajũjũ. ² Ito yija goti masiore ocana ñnare riasoyijũ Jesús. Ìnare riasoguti ado bajiro gotiyijũ Jesús:

³ —Tũoya mũa adire: Sĩgũ weseca ì ya ote ajeri otegu wayijũ ì. ⁴ Wesecajũ ejacõri iti ajerire ì wẽjabateroca gaje ajeri majũ quedi queayijũ. Ito yija wadiyijarã minia. Wadicõri itire bacõyijarã ña. ⁵ Gaje ajeri gũta wato quedi queayijũ. Queno sita mañijũ ito. Iti ajeri nocõ mejeti judibojayijũ, sita iti queno manijare. ⁶ Ñmacañi mũja wadiguti itire asi sãcõyijũ. Ñe mari manicõri siniacoayijũ iti. ⁷ Gaje ajeri jota watojũ quedi queayijũ.

Ito bajiri jota mari itire dũrea s̄acõyijũ. Ito bajiri queno bũcũa masibisijũ iti. Ito yicõri queno rica mañijũ. ⁸ Gaje ajeriana sita quenaro quedi queayijũ. Ito yicõri judiyijũ iti. Queno wanũyijũ iti. Ito bajicõri queno rica cõtuyijũ. Coria sarari treinta ñari ajeri rica cõtuyijũ. Gaje sarari sesenta ñaricari, gaje sarari cien ñaricari rica cõtuyijũ, yi gotiyijũ Jesús ñare.

⁹ Ito yija ado bajiro yiyijũ Jesús ñare:

—Itocõ ña. Gãmo goje cõtirã mũa ñaja, tũoya, yiyijũ Jesús ñare.

¿No yija goti masiore ocana masare riasoati mũ? ña yi seniãare gaye

(Mt 13.10-17; Lc 8.9-10)

¹⁰ Ito bero Jesús s̄igũti ï ñaroca ï tũ ñarã ï rãca riasotirã rãca minijuacõri ado bajiro ñre seniãayijarã ña: “¿No yireoni ñati? ‘S̄igũ oteri masũ ñayijũ’, mũ yirise”, yiyijarã ña ñre.

¹¹ Ito ña yija tũocõri, cũdiyijũ Jesús:

—“Ado bajiro ñre tũorũnrãre miojugũ yiguĩji Dios”, yi gãjerã ña masibitire mũajũa masiroca yami ï. Gãjerãma Diore tũorũnũmena goti masiore oca tũobojarãti tũo masimenaji ña. ¹² ña tibojaja bero timenare bajiro bajirã yirãji ña. Ito yicõri ña tũobojaja cũni tũomenare bajiro bajirã yirãji ña. Ito bajiri tũo masibiticõri Diore tũorũnũ sũyamenaji ña. Ito yicõri ñeñaro ña yirise Diore ña goti rẽtobubeja ñeñaro ña yirisere coebiquĩji Dios, yiyijũ Jesús ñare.

Ado bajiro baja oteri masũ ye, yi Jesús ï goti quenore gaye

(Mt 13.18-23; Lc 8.11-15)

¹³ Mũcana tũdi busiyijũ Jesús ñare:

—“Oteri masũ s̄igũ ado bajiro bajiyijũ”, yirocũ j̄ijũ mũare yũ gotija, ¿tũo masibeati mũa? Iti oca gotire mũa tũo masibeja, gaje yũ gotiroti cũni tũo masimena yirãji mũa, yiyijũ Jesús ñare.

¹⁴ Gaje ado bajiro ñare goti rẽtobuyijũ Jesús:

—Oteri masũ Dios oca goti ucuri masũ robo bajiro bajigũ ñami. ¹⁵ Coriarã masa ñama, ma gũdareco ote ajeri quediana robo bajirã. Dios oca tũorãji ña tũorea. Ito bajibojarocati ña tũoja bero rũmũ ejacõri ña ãcabojaroca yigũ yiguĩji ñare. ña ya usijũ ña tũo ãmisãre ña ãcabojaroca yigũ yiguĩji rũmũ. ¹⁶ Gãjerã masa ñama, gũta wato ote ajeri quediana robo bajirã. Dios oca tũocõri wanũ quenaro boca ãmiyijarã ña. ¹⁷ Ito bajibojarocati Dios oca queno quedi sãjabea ñare, queno ñe mari manore bajiro. Ito bajiri ñare oca ñaja, gãjerã ña ti teja, nocõ mejeti Dios oca ña tũobojare ãcabojarãji ña. ¹⁸ Gãjerã masa ñama jota wato ote ajeri quediana robo bajirã. Dios oca tũorãji ña tũorea. ¹⁹ Itire tũocõri ruje tũoĩarã yirãji ña. Adi sita gaye, adi macãrũcũro gaye ruje gajeoni tũoĩarãji ña. Ito bajicõri gajeoni jai busaro ãmorã yirãji ña. Gajeonijũare bũto tũoĩacõri Dios ocare ãcabojarã yirãji ña. ²⁰ Gãjerãma Dios oca tũocõri, queno tũo sũyarãji ña. ña ñama sita quenarijũ quediana robo bajirã. Rica jairo rica cõtiricũ robo bajiro bajirã ñama ña. Corocõ meje ñarãji ña. Coriarã Dios oca tũocõri Dios ï ãmorise jabetoti yirãji. Gãjerã Dios ï ãmorise jai busaro yirãji. Gãjerã Dios ï ãmorise bũto tũoĩarãji ña. Ito bajiri queno ñre moa ïsirã yirãji ña. ñaõna ñarãji jairo rica cõtiricũ robo bajiro bajirã, yiyijũ Jesús ï rãca riasotirãre.

Ado bajiro baja s̄ibusuoraga, yi Jesús ï riasore gaye

(Lc 8.16-18)

²¹ Mũcana gaje oca goti remoyijũ Jesús ñare:

—Mujura jãi mani s̄iasuaja, sotũ rocajũ s̄iasuamenaji mani. Ito yicõri canira casabo rocajũare mujura jãi s̄iasuamenaji mani. Mujura jãi mani s̄iasuaja ãmacũjũ s̄iasuarã yirãji mani, jeyaro iti busutoni. ²² Yeyo cũre ñabojaroti, co rũmũ goaro yiroja. ña yeyo gotibojarise cũni yoari yeyomenaji ña. Co rũmũ masa tũo bũja jedirã yirãji ña. ²³ Queno tũoya mũa gãmo goje cõtirãma, yiyijũ Jesús.

²⁴ Mũcana tũdi goti quenoyijũ Jesús ñare:

—No ìre tuorùnugùre jai busaro tuo masire gaye jidicāgū yiguīji Dios. Ito bajiri jai busaro masigū yiguīji ì. No ìre tuorùnubicure jabetacā ì tuoĩabojarisere ēmacōgū yiguīji Dios ìre. Ito bajiri ñe tuoĩare mano tujagu yiguīji ì. ²⁵ Tuo masigū buto busa tuo masigū yiguīji. Tuo masibicnama ācabo jagu yiguīji ì tuo bojare, yiyiju Jesús ìnare.

Ado bajiro baja ote gaye, yi Jesús ì riasore gaye

²⁶ Mucana gaje goti masiore ocana masare riasoyiju Jesús:

—“Ìre tuorùnurāre ì rotiroju miojugu yiguīji Dios”, yire oca ado bajiro baja iti. Oteri masu ote ajeri ì oteado bajiroti baja iti. Tuote muu. ²⁷ Co ñami ruayabeto canigū yiguīji oteri masu. Ito yicōri co ñmu ruayabeto yujiguīji ì. Ito yicōri ote ajeri judiroja. Judicōri bucuroja. Iti bucuu mujarisere, ¿no bajiro bucuati iti? yi masibiquīji oteri masu. ²⁸ Sitareti judiroja iti ajeri. Cajero judiroja rujagu, jaibitiguacā. Ito bero bucuu mujacōri jū cutiroja. Ito bajicōri rica cutiroja. ²⁹ Iti ote botija ticōri, “Āmiruja yu”, yi tuoĩacōri itire āmigū wacu yiguīji ì. Ìre tuorùnurāre Dios ì miojuja ito bajiroti baja. “Yure queno tuorùnucama ìna”, yi tuoĩacōri ìre tuorùnurāre miojugu yiguīji Dios, yiyiju Jesús ìnare.

Ado bajiro baja mostaza ajeri, yi Jesús ì riasore gaye

(Mt 13.31-32; Lc 13.18-19)

³⁰ Mucana ado bajiro gotiyiju Jesús:

—¿No bajiro bajiatì, “Ìre tuorùnurāre miojugu yiguīji Dios”, yire oca? ¿Ñe gaje ocana itire cōiarājida mani? ³¹ Mostaza ajeri sitaju oteado bajiro baja, “Ìre tuorùnurāre miojugu yiguīji Dios”, yire oca. Rica jeyaro ajeri ruja busarise ña mostaza ajeri. ³² Ito bajibojarocati iti aje judi bucuacōri gaje ote gaye rēto busaro ūmaricu ña. Rujuri yoarise ña itigure. Ito bajicōri jesarāji minia ūmacañi ì asirise rudirā, yiyiju Jesús ìnare.

Goti masiore ocana Jesús ì riasore gaye

(Mt 13.34-35)

³³ Masare Dios oca riasogu, goti masiore ocana riasoyiju Jesús. “Queno tuo masi-beama”, yi masicōri itocō goti tarojoyiju Jesús ìnare. ³⁴ Goti masiore ocana riti masare riasoyiju Jesús. Ì sīgūti ì rāca riasotirā rāca ñagū, goti masiore oca gaye queno goti rēto buyiju Jesús ìnare.

Minore, jacūrisere cūni Jesús ì rēto re gaye

(Mt 8.23-27; Lc 8.22-25)

³⁵ Iti rumati rāiocūro ñaroca ado bajiro yiyiju Jesús:

—Sidaja jēa wato mani, yiyiju Jesús ì rāca riasotirāre.

³⁶ Ito ì yija tuocōri: “Waju”, masare yicōri, Jesús ì sāñari cumaju eja sājayijarā ìna. Ito bajiri itiganati Jesure āmi wayijarā ìna. Gaje cumari gāna cūni ìnare baba cuti wayijarā. ³⁷ Ito ìna jēa waroca mino buto wēayiju. Jacūrise cūni buto jacū sājayiju cumaju. Ito bajiri ide dajacoayiju cuma ìja. ³⁸ Ito bajibojarocati Jesús ì ya rijoga jeadona cani sāñayiju, cuma usi tutuju. Ito bajiro ì canija ticōri, ìre yujioyijarā ì rāca riasotirā:

—Tuoya guare Riasogu mu. Rujarā ya mani. ¿Guare mai codebeati mu? yiyijarā ìna Jesure.

³⁹ Ito ìna yija tuocōri, yuyiyiju Jesús ìja. Yujicōri ado bajiro yiyiju ì:

—Wēabesa, yiyiju Jesús minore. Jacū jidicāña, yiyiju Jesús ide jacūrisere.

Ito ì yirocaci mino rētaoayiju ìja. Ide cūni jacūbiticoayiju ìja. Quenaro tujacoayiju ìja.

⁴⁰ Ito bajirocaci:

—¿No yirā güiati mu? Güibesa. ¿Yure tuorùnubeati mu? ¿Yu masirisere tuoĩabeati mu? yiyiju Jesús ì rāca riasotirāre.

⁴¹ Ito bajiro ì yibojarocati buto tuo ucayijarā ìna:

—¿Ñimū ñati āniama? Minore rēta rotiami. Mino cūni, ide cūni ìre tuo, yiyijarā Jesús rāca riasotirā.

5

Gerasa gagu rŭmú sãñagũ oca
(Mt 8.28-34; Lc 8.26-39)

¹ Jesús ïre sũyarã rãca sidũja Gerasa sitaju jãa ejayijarã ïna. ² Jesús eja ï maja waroca ïre bocayiju gãji. ï ya usiju rŭmú sãja ecoru ñayiju. Masa yujeadoju ñacõri Jesús tu ejayiju ï. ³ Masa godana ïna yujeadoju ñayiju ï ñaro. ïre sia sãobisijarã gãjerã come mana. ⁴ ï ya gũbo tĩgã ï ya ãmore cuni siabojayijarã ïna. ïre ïna siabojarocati coji meje tunu ruacõsotiyiju ï. ïre tua yi masibisijarã masa. ⁵ Ũmua, ñami cuni wa ucuyiju ï. Tũria joeju cuni, masa yujeadoju cuni wa ucuyiju ï. ï wa ucuroju buto awasã ucuyiju ï. Ito yigu gũtana yijeyiju ïmasiti. ⁶ Ito ï bajiroca Jesure ti ñucacõri ũmaquedi wayiju ï Jesús tũju. Jesús tu ejacõri ï riojo rijomunigãna ñini rũjũyiju ï, ïre rũcũbuogu. ⁷⁻⁸ ï ejaja ticõri, ado bajiro yiyiju Jesús:

—Tũoya rŭmú mu. ãnire ï ya usiju ñagũ budiya mu, yiyiju Jesús rŭmũre.

Ito ï yijare:

—Jesús, Dios Macu ña muãma. ¿Yũre no bajiro yigu yigũjada mu? Dios yũre tiro riojo busia yu. Yũre juniro yibesa mu, yi josayiju ï Jesure.

⁹ Ito ï yiroca ado bajiro yiyiju Jesús ïre:

—¿Ñe wame cutiati mu? yiyiju Jesús.

Ito ï yija:

—Jãjarã wame cutia yu, jãjarã rŭmũa gua ñajare.

¹⁰ “Adi sita sõjua wasa”, guare yibesa mu, yi josayiju rŭmú Jesure. ¹¹ Ito bajiroca tũriaju jãjarã ba rũgõ ucuyijarã ecana yesea. ¹² ïnare ticõri ado bajiro yiyijarã rŭmũa Jesure:

—“Ecana yesea ïna ya usiju sãjaña mu”, guare yiya mu, yi josayijarã ïna Jesure, yeseare sãja ãmorã.

¹³ Ito ïna yija ticõri: “Itoju wasa mu”, yiyiju Jesús ïnare. Ito ï yija ũmũgũre sãñabojana rŭmũa budicoayijarã ïja, yesea ya usiju sãja ãmorã. Ecana yesea dos milcõ ñayijarã ïna. Ito ïna ya usiju rŭmũa sãja ecocõri buto ũmaquedi wayijarã yesea. Gũtagãri joeju mũja wacõri quedĩ sãja wayijarã rujaraju. Ito bajiri ïna ñarocõti ruja jedicoayijarã ïna.

¹⁴ Ito bajiri yeseare codebojarã ũmaquedi wacoayijarã ïna. Iti bajirisere gotiyijarã ïna gãjerãre. Jaja cutu cuni, jaibiti cutu cuni masare itire gotiyijarã ïna. Ito bajiri, “¿Ñe rãtati?” yirona tirã wayijarã masa. ¹⁵ Jesús tu ejacõri, rŭmũa sãja ecobojarũre tiyijarã ïna. “Jãjarã rŭmũa sãñarũ ñabojaguti, ï ya usiju rŭmũa budigorũ ñami ïja”, yi ti masiyijarã masa. Jesús tu rujigu yutabuju ï sãñarocaju tiyijarã ïna. Rŭmũa ïna sãñaja tuo masigũ meje ñayiju maji. Quenari usi, usi cutigu ï tuoĩarise queno tuo masigũ ñayiju ïja. Ito ï bajija ticõri, buto gũiyijarã masa. ¹⁶ Ito bajiro iti rãtaja ticõri, rŭmũa budigorũ ï bajirise, ecana yesea ïna bajirise cuni gãjerãre gotiyijarã ito gãna. ¹⁷ Ito bajiri Jesure gũicõri ïna cutore ï budigotoni ïre josayijarã ïna.

¹⁸ Ito Jesús cumaju ï sãñaroca rŭmũa budigorũ ado bajiro yiyiju ïre: “Mu rãca wa ãmoa yu cuni”, yi josayiju ï Jesure, ï rãca warocu. ¹⁹ Ito bajiro ï yibojarocati ado bajiro yiyiju Jesús ïre:

—Yu rãca wabesa. Mu ya wiju tũdi wasa. “Yũre ti maicõri, yũre queno yimi Dios”, yi gotiba mu ñarãre, yiyiju Jesús ï ya usiju rŭmũa budigorũre.

²⁰ Ito Jesús ï yiroca rŭmũa budigorũ tudicoayiju. Jua dũjamocõ cutoriju goti ucuyiju ï. Rŭmũa ï ya usiju sãñanare Jesús ï bucõare gaye goti ucuyiju ï. Ito bajiri iti bajirisere tũocõri uca jedicoayijarã masa.

Jairo macore Jesús ï yisiorẽ gaye
(Mt 9.18-26; Lc 8.40-56)

²¹ Ito yija bero Jesús tũdi jãa wayiju cuma jajocana. Itajura tũnima Jesús ï rũgõroju jãjarã masa minijuayijarã ï tu. ²² Ito bajirocãti minijuara wi mũju ejayiju Jesús tu. Jairo wame cutiyiju ï. Jesure ticõri ï riojo rijomunigãna ñini rũjũyiju Jairo. ²³ Ito bajiro rujicõri ado bajiro Jesure josayiju ï:

—Yũ maco cõgõ yamo. Iso catire ãmoa yũ. Ito bajiri isore moaãagũ waya mũ, yiyijũ ï Jesure.

²⁴ Ito bajiro Jairo ï yija tuocõri, ï rãca wayijũ Jesús. Jãjarã masa ïre sũya wacõri bidiro ñayijarã ïna. ²⁵ ïna wato romio ñayijo. Iso ñayijo romia ñarise cõgõ. Jũa gũbojeno rodori tũjayijũ iso cõroca riti. ²⁶ Jãjarã uco masa uco yibojayijarã isore. Uco waja niyeru iso rucorise ïsi jeocõyijo uco masare. ïna uco yibojarocati buto bũsa cõ wayijo iso ïja. ²⁷ Gãjerãre Jesús ï yisore gaye tuo bũjayijo iso. Ito bajiri jãjarã masa rãca ñayijo iso Jesús jũdojũa. ²⁸ “Jesús ya yutabujure yũ moaãajama catigoja yũ”, yĩ tuoãayijo isomasijũama. Ito bajiri ï ya yutabujure moaãayijo iso. ²⁹ ï ya yutabujure iso moaãarocati rĩ tadicoayijũ isore ïja. Iso rujũ ñarise iti rãtãja tuoãa masiyijo. ³⁰ Jesure iso moaãaja bero, “Yũ masirisena yisicoajũ isore”, yĩ tuoãayijũ Jesús. Ito bajiri jũda ticõri ado bajiro masare seniãayijũ ï:

—¿Ñimo yũ ya yutabujure moaãari? yiyijũ Jesús ïnare.

³¹ Ito ï yija ï rãca riasotirã ado bajiro yiyijarã:

—Mũ tũjũ jãjarã ñama mũre moaãarã. ¿No yigũ seniãati mũ? “Ñimo yũ ya yutabujure moaãari”, ¿yĩ seniãati mũ? yiyijarã ïna Jesure.

³² Ito ïna yibojarocati ïre moaãagõre ti ãmayijũ Jesús. ³³ “Yũ ña ïre moaãagoro”, yiroco buto nũũoyijo iso Jesure gũigo. Gũibojagoti rijomunigãna ñini rũjũyijo iso Jesús riojo. Ito bajicõri ñajediro bajirisere gotiyijo iso Jesure. ³⁴ Iso ito yija tuocõri, ado bajiro yiyijũ Jesús:

—Maco, tuoya mũ. Yũre mũ tuorũnũjare mũre yisiobũ yũ. “Jesure yũ moaãajama catigo yigoja yũ”, mũ yĩ tuoãajare mũre yisiobũ yũ. Ito bajiri mũre rĩ tadicoajũ. Wanũ quenagõ, cati quenagõ wasa mũ, yiyijũ Jesús isore.

³⁵ Ito bajiro isore ï yirocati minijuara wi uũjũ Jairo wame cutigũ ya wi gãna ejayijarã. Ado bajiro Jairore gotiyijarã ïna:

—Mũ maco godacoamo. “Yũ macore yisiogu waya”, yĩ josabesa Riasori masure ïja, yiyijarã ïna Jairore.

³⁶ Ito ïna yibojarocati:

—Gũibesã. Itoti yũ masirisere tuoãaña, yiyijũ Jesús ïre.

³⁷ Gãjerãre sũya rotibisijũ Jesús. Pedro, Santiago, Juan cũni Santiago ocabaji, ïna udiarãreti sũya rotiyijũ Jesús. ³⁸ Minijuara wi uũjũ, ya wi tu ejacõri, buto ïna otija tuoyijũ Jesús. ³⁹ Ito bajiri wi sãjacõri ado bajiro yiyijũ ï:

—¿No yirã otiami mũa? Macoacã cõgõ meje yamo iso. Canigõ yamo, yiyijũ Jesús otirãre.

⁴⁰ “Uũsi jedicoañi iso”, yĩ masicõri Jesure ajayijarã ïna. Ito bajiro ïna yija ticõri, budi rotiyijũ Jesús ïnare. Ito yicõri macoacã ya sõa sãjayijũ Jesús. Iso jacũsabatia rãca, ïre sũyarã udiarã rãca sãjayijũ Jesús. ïna rãca sãjacõri macoacãre bũsiyijũ Jesús. ⁴¹ Iso ya ãmore ñia tãa wũmũocõri ado bajiro yiyijũ Jesús:

—Talita cumi, yiyijũ Jesús isore. Masa oca yireoni bajiro: “ ‘Macoacã, wũmũña’, mũre yibũ yũ”, yireoni ña iti.

⁴² Ito ï yirocati wũmũ wayijo iso. Jũa gũbojeno rodoricõ tũjago ñayijo iso. Tũdi iso catija ticõri, buto ucajayijarã masa. ⁴³ Ito bajiri ado bajiro ïnare rotiyijũ ï: “Gãjerãre iti bajirisere gotibesã. Isore ecaya mũa”, yĩ rotiyijũ Jesús ïnare.

6

Nazaretjũ Jesús ï ware gaye

(Mt 13.53-58; Lc 4.16-30)

¹ Iti cutore budi wayijũ Jesús. Budi wacõri ï ya cuto ñasarijũ ejayijũ Nazaret wame cutirojũ. ï rãca riasotirã cũni wayijarã ï rãca. ² Ito bajiri tujacãra rũmũ ñaroca masare riasosũoyijũ Jesús minijuara wijũ. ïre tuocõri, “Buto masigũ ñami ï”, yirona ucajayijarã ïna. Ito bajiri ado bajiro yiyijarã masa Jesure tuocõri:

—¿No bajicõri buto tuo masiati añi? ¿Ñimũ ïre riasoyijari? ¿No bajicõri ï buto tuo masirise ñati ïre? ïmasiti guijoro bajiami. Cõrãre ï moaãarocati ñarise rãtãcoajũ, yiyijarã

ina Jesús ya cuto gāna. ³ Gaje ado bajiro yiyijarā ina: Īti ñami adoju yucu yijeri masu. María macu ñami ĩ. Ito yicōri Santiago, José, Judas, Simón mesa rījoru ñami ĩ. Ī ocabajirā romia cūni ado gāna ñama ina, yiyijarā Jesús ya cuto gāna.

Ito bajiro ina yija tuocōri, Jesure boca āmibisijarā ina. ⁴ Ito ina yibojarocati ĩnare busiyiju Jesús:

—Diore goti ĩsiri masure rūcubūorā yirāji masa jeyaro. Ito bajibojarocati ĩ ya cuto gāna, ĩ ñarā, ĩ ya wi gāna cūni rūcubūomenaji ina. Ī ñarā ĩre tuomenaji ina, yiyiju Jesús.

⁵ Ito bajiri Jesure ina tuobejare tiyamani yi ĩoado mañiju Jesús. Ito bajibojarocati coriarāre āmo moa jeocōri ina ñarise rētoyiju Jesús, jājarāre meje. ⁶ Ī ñarā ĩre ina tuorūnubeja ticōri, “Ayu, ¿no yirā tuorūnubeati ina?” yi tuoīayiju Jesús. Ito yija gaje cūtoriju wayiju Jesús masare riaso ucugu wacu.

Dios oca ina goti ucutoni ĩ rāca riasotirāre Jesús ĩ cōare gaye

(Mt 10.5-15; Lc 9.1-6)

⁷ Ī rāca riasotirāre ji wayiju Jesús. Jua gūbojeno ũmua ñayijarā ina. Gājerāre riasojaro yirocu, ĩnare cōayiju Jesús. Co cuto rūyabeto jūarā riti cōayiju Jesús ĩnare. Ito yicōri ĩ masirise jidicāyiju Jesús ĩnare, “Rūmūare bucōama mua cūni”, yirocu. ⁸ Ito yicōri ĩ rāca riasotirāre ado bajiro rotiyiju Jesús: “Mua goti ucurā waja mua ya gajeoni āmi wa yibesa. Najuro, tura baju, niyerure cūni āmi wa yibesa. Tueragu riti āmi wasa, mua bogaja itiguna tue waja. ⁹ Gūboco sāñacōri, yutabuju co bujuti sāña wasa. Mua sāñarise riti āmi wasa”, yi rotiyiju Jesús ĩnare. ¹⁰ Gaje ado bajiro ĩnare rotiyiju Jesús:

—Cūtori mua goti ucurā waja, mua ejari wi co witi ñacōama. Gaje wi, gaje wi wabeja. Gaje cutoju warā riti warā yirāji mua. ¹¹ Gaje cūtori mua waja, masa muare cūdibeja, Dios oca ina tuo āmobeja, itocōti ĩnare jidicāma. ĩnare jidicācōri ado bajiro yiba. Mua ya gūboju sita wārisere ja bateba ina ñarijūre warā. Ito bajiro mua yija ticōri: “Bujato ya mani ĩnare. Queno yibea mani ĩnare”, yi tuoīarā yirāji ina, yiyiju Jesús ĩ rāca riasotirāre.

¹² Jesús ĩ gotirere tuocōri masare gotirona wayijarā ina: “Ñeñaro mua yirise jidicācōri Diore tuorūnūña”, yiyijarā ina masare. ¹³ Masare ina ya usiju rūmūa sāñanare, rūmūare bucōayijarā ina. Ñarise cōrā jājarāre úye jio guyijarā ina. Ito bajiro yicōri ina ñarisere rētoyijarā ina.

Juan idé guri masu ĩ godare gaye

(Mt 14.1-12; Lc 9.7-9)

¹⁴ Masa jeyaro busiyijarā Jesús ĩ masiro robo ĩ yire gaye. Masa ina busire tuocōri iti cuto gagu ũju Herodes cūni, masiyiju Jesús ĩ masiro robo ĩ yire gaye. Itire oca tuocōri ado bajiro busiyiju Herodes:

—Juan masare idé guri masu ñaguīji mūcana, yiyiju ĩ. Mūcana tujacōri ĩ masiro robo ĩ yirisere yiguīji, yiyiju Herodes.

¹⁵ Gājerāma ado bajiro yiyijarā:

—Diore goti ĩsiri masu Elías ñayoru ñaguīji mūcana, yiyijarā ina.

Ito ina yibojarocati gājerā ado bajiro yiyijarā mūcana:

—Diore goti ĩsiri masu jane mejeju ñayoru ñaguīji gajea, yiyijarā ina.

¹⁶ Ito bajiro masa ina busija tuocōri, ado bajiro cūdiyiju Herodes:

—Juan ñaguīji gajea. “Iti rūmūju ĩ ya rijoga jatateña ĩre”, yicu yu. Iti rūmū yu sīa rotija bero mūcana tudī tujacōaguīji gajea, yiyiju Herodes.

¹⁷⁻¹⁸ Juan ĩ sīa ecoroto riojua, ado bajiro Herodesre busi tudiyiju ĩ:

—Mū ocabaji Felipe manojore rūcobesa mū. Ito bajiro yibitirūja mū, yiyiju Juan Herodesre.

Felipe manajo ñabojaro Herodías wame cūtiyijo iso. Herodes bato āmoyiju isore. Ito bajiri Juan ito bajiro ĩ yija tuocōri, ĩre ñia rotiyiju Herodes ĩ ya surarare, ĩre ina tubiatoni.

¹⁹ Ito bajiro Juan ĩ busija tuocōri, Herodías bato tuo tudiyijo ĩre. ĩre sīa āmobjayijo iso. No bajiro ĩre sīa masia mañiju isore. ²⁰ Quenarise riti tuoīagū ñayiju Juan. Ito yicōri queno usi cūtigū ñayiju ĩ, Dios ĩ tija. Itire ticōri Juanre queno rūcubūoyiju Herodes. Ito

bajiri Juanre camotayijũ ĩ, Herodías sĭame yirocũ. Juan ĩ busirisere tuo oca jaibojaguti ĩre buto tuo wanuyijũ Herodes. ²¹ Co rumũ ĩ ñara rodo gāni biajare basa meni rotiyijũ Herodes. ĩ ya moari masa ujarã rãca, ito yicõri surara ujarã rãca, Galilea ñari masa rãca cuni ĩna rãca basa meniyijũ Herodes. ĩna basa wijari rumũ Juanre sĭaroco tuoĩacõyijo Herodías. ²² Iso maco ĩnare basa ĩoyijo ĩna wanũtoni. “Quenoguti yũre basa ĩoamo iso”, yi tuoĩayijũ Herodes. Ito bajiri ado bajiro yiyijũ isore:

—¿Ñe mure ĩsigũti yũ mũ basare waja? Mũ amõrise yũre seniña.

²³ Mũ senija yũ gajeoni rucõrise gudarecona mure ĩsicũja yũ. Adi cuto gagũ uju ñacõri, mũ senija gudarecona ĩsicũja yũ. Bugũ meje ya yũ adire. Ri ya yũ, yiyijũ Herodes Herodías macore. ²⁴ Ito ĩ yija tuocõri, iso jacore seniĩagõ wayijo iso:

—¿Ñe gajeoni ĩre senigõti yũ, cana? yiyijo iso.

Ito yija:

—“Juan masare idé guri masũ ya rijogare amõa yũ”, yiba Herodesre, yiyijo Herodías iso macore.

²⁵ Ito bajiro jaco gotija tuocõri, usirio wayijo iso uju Herodes tũju. ĩre ado bajiro gotiyijo iso:

—Adocãtati Juan ya rijoga amõa yũ. Somotẽrona jeocõri yũre ĩsiña, yiyijo iso ĩre.

²⁶ Ito yija Herodes buto bojori bujayijũ itire tuocõri. Juanre sĭa amõbitibojayijũ ĩ. Ito yicõri isore maño amõbisijũ ĩ. Masa ĩna tiro riojo, “Mũ amõriseti mure ĩsicũja”, ĩ yicãre ñajare, iso seniro bajiroti ĩsiyijũ ĩ isore. ²⁷ Ito bajiri Juanre sĭa amõbitibojaguti, ejori oca ĩ ya moari masure Juanre rijoga jata rotiyijũ Herodes. Ito bajiro ĩ rotija tuocõri, tubiara wi wayijũ Juan ya rijoga jatagũ wacũ. ²⁸ Ito ejacõri Juan ya rijoga jata, somotẽroju jeocõri amĩ wayijũ ĩ. Amĩ wacõri basari masore ĩsiyijũ ĩ. Isoju ĩja iso jacore ĩsiyijo.

²⁹ Juanre sĭare gaye tuocõri, ĩ rãca riasotiana ĩ ya rujũre amirã ejayijarã. Ito yicõri ĩre ujejijarã ĩna ĩja.

Cinco mil ñarãre Jesús ĩ ecare gaye

(Mt 14.13-21; Lc 9.10-17; Jn 6.1-14)

³⁰ Mucana tũdi ejacõri Jesús rãca minijuayijarã ĩ oca goti ucurã ejana. Ito bajiri ĩna riaso ucure gotiyijarã ĩna Jesure. ĩna tiado bajiroti ñarocõti goti jeoyijarã ĩna Jesure.

³¹ Jãjarã masa warãtibe, tũdi warãtibe, yi ñayijarã masa. Ito bajiri Jesús ĩre suyãrã cuni ba amõbojayijarã. Dijũ barajau mañijũ ĩnare. Ado bajiro yiyijũ Jesús ĩ cũanare:

—Ita, wato. Ő, masa ĩna manojũ tujacãto mani, yiyijũ Jesús ĩnare. ³² Ito yija jajocana wayijũ Jesús masa manojũ. ĩ cũana cuni wayijarã ĩ rãca. ³³ Masa jãjarã tiyijarã ĩna waja. Jesús, ĩ cũanare cuni ti masiyijarã masa. Ito bajiri ĩna wagoja ticõri, boejũ ũmaquedi wayijarã masa. Jesús ĩ cũana rãca ĩna ejaroto riojuajũ ejayijarã masa, buto wacõri.

³⁴ Cumana ejacõri maja wacuti jãjarã masare ti bujayijũ Jesús. Oveja codegũ mano bajiro bajiyijarã masa ĩ tija. Ito bajiri ĩnare ti maiyijũ ĩ. Ito bajiri masare ti maicõri ĩnare riasosũoyijũ Jesús. ³⁵ Ñamicajũ ñaroca Jesure busirona ĩ tũ ejayijarã ĩ rãca riasotirã. Ado bajiro yiyijarã ĩna:

—Ñamicajũ ñacoajũ ĩja. Queno masa mama adore. ³⁶ Ito bajiri masa ĩna cutojũ tũdi wajaro. Őju ĩna ñaroju bare gãme barã wajaro. Bare ma ado. Ito ñaroja, naju gãme barajũ, yiyijarã ĩna Jesure.

³⁷ Ito yija ado bajiro yiyijũ Jesús ĩnare:

—Masare ecaya mũ, yiyijũ ĩ.

Ito yija ĩja, ĩ rãca riasotirã ado bajiro ĩre seniĩayijarã ĩna:

—¿Gua bare gãmerã warãjida, jairo waja rucõrisere? Masa jaijare najuro waja tĩjabea, yiyijarã ĩna Jesure.

³⁸ ĩna ito yija tuocõri, ado bajiro ĩnare seniĩayijũ Jesús:

—¿Nocõ naju rucõati mũ? Titẽña maji, yiyijũ Jesús ĩ rãca riasotirãre.

Itire ticõri ĩre gotiyijarã:

—Co dũjamocõ ña iti naju. Ito yicõri wai cuni jũarã ñama, yiyijarã Jesure.

³⁹ Ito yija ado bajiro masare yiyijũ Jesús: “Rujaria buri ruji wasa ta quenarise joejũ”, yiyijũ Jesús masare. ⁴⁰ Ito bajiro ï yija tũocõri, rujaria buri ruji wayijarã masa. Co bure ñayijarã cincuenta ñarã, gãjerã cien ñarã rujisosa wayijarã masa. ⁴¹ Ito yija naju co ñajamocõ ñarisere, wai jũarãre cuni ãmi rucoyijũ Jesús ï ya ãmona. Iti rucocõri macãrucãrojũ ti mũoyijũ ï: “Queno ya Cuna mũ”, yiyijũ Jesús Diore. Ito yicõri najuro wẽ jea batoyijũ ïja. Ito yicõri ï rãca riasotirãre ïsiyijũ Jesús. “Masare batoya”, yirocũ ïsiyijũ Jesús. Wai jũarãre batoyijũ Jesús masa ñarocõti ïna batoni. ⁴² Ito bajiri masa jeyaro bayijarã. Yaji quenaro ñayijarã masa ïja iti bacõri. ⁴³ ïna yaji rãtarisere jua gãbojeno jiburijũ miosã dajoyijarã ïna ba ruarisere. ⁴⁴ Jãjarã ñayijarã masa, najuro waire cuni barã. Cinco milcõ ñayijarã ïna ãmũa.

Ide joe Jesús ï ware gaye

(Mt 14.22-27; Jn 6.16-21)

⁴⁵ Ito yija ï rãca riasotirãre ado bajiro yiyijũ Jesús:

—Cuma sãjacõri siduja jã wasa. Itojũ Betsaidajũ yũre yuba, yiyijũ Jesús ïnare. ïna jã waroca masare ware goti ñayijũ Jesús. ⁴⁶ ïnare ware goticõri tũriajũ maja wayijũ Jesús, Diore bũsirocũ. ⁴⁷ Rãiocũro itajura gãdarecoti tũjayijũ cuma maji. Ito bajiri Jesuama itajura tũnima rũgõcõri ti ñucayijũ ïnare. ⁴⁸ Jesús ï tija bũto webojayijarã ïna. Mino bũto iti wãa tuojare josari wea wabojayijarã ïna. Ito bajiri busucũro ide joena wacõri ïna tũ eja wayijũ Jesús. Ito bajibojarocati ïnare rãta wacũ bajiro eja wayijũ ï. ⁴⁹⁻⁵⁰ Ide joe ï waja ticõri, bũto awasãyijarã ïna ucãrã. “Masũ wũjo ñaguũji”, yi tũoãyijarã ïna. ïna ucãja ticõri, ado bajiro yiyijũ Jesús:

—Oca sãõña mũa. Gũibesã mũa. Yũti ña, yiyijũ Jesús ïnare.

⁵¹ Itocõti ïna rãca cumajũ sãja ejacoayijũ Jesús ïja. ï sãjarocati mino rãtacoayijũ. Ito bajiri bũto ti ucayijarã ïna itire. ⁵² Bare jabetacãna jãjarã masare Jesús ï ecãja tibojarãti, “Dioti ñami ï”, yi masibisijarã ïna maji. “Tiyamani ïo masigũ ñami Jesús”, yi ãmobisijarã ïna. Queno tuo masibisijarã maji.

Genesaret sita gãnare Jesús ï yisioire gaye

(Mt 14.34-36)

⁵³ Itajura jãcõri Genesaret wame cõtiri sitajũ ejayijarã ïna. Itojũ cumare sia cũyijarã ïna. ⁵⁴ Cuma ïna sia majaroca Jesure ti masiyijarã masa itijũ gãna. ⁵⁵ Jesure ticõri ucãrio wayijarã gãjerãre gotirona. Ito yija cõrãre ïna ya camana ãmi wayijarã Jesús tũjũa. ⁵⁶ No ï waro bajiroti jaibiti cũto, jaja cũtojũ, wi manojũ, majũ cuni cõrãre cũ yuyijarã ïna, Jesús ï yisiotoni. ï ya yutabuju gaja moãña ãmorã, ïre josayijarã ïna. Jesús ya yutabuju gaja moãñanare riti ïna ñarise cõtirisere rãtacoayijũ ïja.

7

Ñeñaro tũoãcõri ñeñarise yama masa, yi Jesús ï riasore gaye

(Mt 15.1-20)

¹ Ito yija fariseo gaye tũoãrã, judio masa rotirisere riasori masa rãca Jesús tũ eja rũgũyijarã ïna. Jerusalãna wadiana ñayijarã ïna. ² Jesús tũ ejacõri ï rãca riasotirã coriarã ãmo coemenati ïna baja tiyijarã ïna. Ito bajiri bũcũrã ïna rotiado bajiro ïna yibeja ticõri, ïnare bũsituyijarã ïna. ³ Judio masa ñajediro, fariseo gaye tũoãrã cuni bũcũrã ocare queno tuo sũyayijarã ïna. Bũcũrã ïna rotiado bajiroti ruje ãmo coesotiyijarã ïna baroto riojũa. ⁴ Bare waja yiadojũ bare gãme tũdi ejacõri bũcũrã ïna rotirisere ïna cũdiroto riojũa babisijarã ïna. Bũcũrã ïna rotiado bajiroti idira coa, ide gãnaradũ, ito yicõri come sotũ cuni coecõyijarã ïna. Bũcũrã rotirisere cũdirona ïna ya caniado cuni queno coecõyijarã fariseo gaye tũoãrã, judio masa rotirisere riasori masa cuni. ⁵ Ito bajiri Jesús rãca riasotirã ïna ãmo coemenati baja ticõri, ado bajiro ïre seniãyijarã ïna:

—¿No yija mũ rãca riasotirã bũcũrã oca tũorũnũbeati? yiyijarã ïna. Tite. Coji rũyabeto ãmo coemenati bama ïna, yiyijarã fariseo gaye tũoãrã.

⁶ Ito ïna yijare cũdiyijũ Jesús ïnare:

—“Queno yirã ña gña”, yibojarãti mua tuoïaro bajiro yibea mua. Jane mejeju muare tuoïa yugu ado bajiro ucañi Diore goti ñsiri masu Isaías ñayoru:

“Diore buto rucubuo gña”, yirã ñabojarãti mua ya usijama queno ñre rucubuo bea mua.

⁷ Minijuacõri, “Diore queno rucubuo gña”, yirã ñabojarãti rocati ya mua. Ito yicõri rocati oca busi ajea mua itire. Mua gotijama, “Bucurã oca, Dios oca bajiroti bajia”, yi gotibojaja mua, yi ucañi Isaías ñayoru muare tuoïa yugu, yiyiju Jesús ñnare.

⁸ Dios ñ rotirisejua queno tuorñnabiticõri, bucurã ocajua queno tuorñna mua, yiyiju Jesús ñnare.

⁹ Mucana gaje ado bajiro ñnare goti remoyiju Jesús:

—Bucurã ocajua tuõ suyarona Dios ñ rotirisereama cudibea mua. ¹⁰ Ado bajiro gotiyiju Moisés ñayoru: “Mu jacure, mu jacore cuni rucubuo ya”, yiyiju ñ. “No ñ jacure busitugu, ñ jacore cuni busitugu siacõruja ñocure”, yi ucañi Moisés ñayoru. ¹¹ Mucana ricati bajiro rotia. Ado bajirojua rotia mua: “Yu jacusabatiare ejabuado ma yu. Ñarocõti yu gajeoni cutirise Dios ye riti ña. Ñ sigõreti ejabuacuja yu”, sigõ ñ yija, “Queno yami”, ya mua. ¹² “Ito bajiro ñ tuoïaja, no yibea ñ jacusabatiare ñ ejabuabeja”, ya mua, yiyiju Jesús ñnare.

¹³ Ito bajiro mua busija, bucurã ocajua tuorñnabiticõri, “Dios oca waja ma”, yi tuoïado bajiro ya mua. Iti oca mua tuorñnabiticõri gajire, gajire goti mija waju mua. Gaje jaje ñaroja mua ito yirise. Dios ocare tuorñnabiticõri meje ña mua, yiyiju Jesús fariseo gaye tuoïarã, ito yicõri judio masa rotirise riasori masare cuni.

¹⁴ Ito bero masare jicõri ado bajiro gotiyiju Jesús:

—Mua ñarocõti tuo ya yare. Ito yicõri tuo masiña mua. ¹⁵ Mani ba sãrise meje ñaroja ñeñaro mani yiroca yirise. Mani ya usiju iti ñeñaro tuoïajare itina suoriti ñeñaro ya mani. ¹⁶ Mua gãmo goje cutijama tuo ya, yiyiju Jesús masare.

¹⁷ Ito yicõri masare ware goticõri wiju sãjayiju Jesús. Wiju ñ sãjaroca ñre seniñayijarã ñ rãca riasotirã:

—Jijju mu masare riasorise gayere queno gotiya guare cuni, yiyijarã ñna Jesure. ¹⁸ Ito ñna yija tuoõri, ado bajiro cudiyiju Jesús:

—¿Yu riasorise gaye queno tuobiti mua cuni? “Masa ñna ba sãrise meje ñaroja ñeñaro ñna yiroca yirise”, yu yija, ¿tuo masibeati mua? yiyiju Jesús ñnare. ¹⁹ Masa ñna ba sãrise jeragaju riti waroja. Ñna ya usiju meje waroja iti. Ito yicõri ñna ba sãrise rãta budicoaro yiroja, yiyiju Jesús ñnare.

“Bare jeyaro quenarise riti ña”, yirocu yiyiju Jesús. ²⁰ Mucana tãdi goti quenoyiju Jesús ñnare:

—Masa ñna ya usiju iti ñeñaro tuoïajare itina suoriti ñeñaro yama ñna. ²¹ Ñna ya usiju ñeñaro tuoïacõri ado bajiro ñeñarise yama masa. Manuju macore rocati yama ñna. Riniama. Sãma. ²² Manajo cutirã ñabojarãti rocati yama ñna. Gajire gajeoni uoama. Ñeñarise ñajediro yama ñna. Ruoama. Dios ñ rotirisere cudibeamã ñna. Gajerãre ti tudiamã. Gajerãre busituamã ñna. Ñna gajeoni rãca, “No yija mana ña gña”, yama ñna. “Gajerã rãtoro masirã ña gña”, yama ñna. Ito yicõri queno tuoïabiticõri rocati yama ñnaõna. ²³ Adi ñeñarise ñajediro yama ñna, ñna ya usiju ñeñaro iti tuoïajare, yiyiju Jesús ñnare.

*Gaje maso Jesure iso tuorñnabiticõri suyare gaye
(Mt 15.21-28)*

²⁴ Itijua wacõri Tiro wame cutiri cuto tu ejayiju Jesús. Ito ejacõri wi sãjayiju ñ. Masa ñna masibeto eja amoyiju Jesús. Ito bajibojarocati masicõyijarã ñna. ²⁵ Ito bajiri sigõ Jesús ñ eja gaye masiyijo. Iso ñayijo rãmú sãñagõ jaco. Ito bajiri Jesús tu wadicõri iso ya rijomunigãna ñini rújuyijo iso, Jesús riojo. ²⁶ Judio masagõ meje ñayijo iso. Sirofencia gago ñayijo iso. Jesús tu ejacõri ñre josayijo: “Yu maco iso ya usiju rãmú sãñagõ ñamo. Ito bajiri iso ya usiju rãmú sãñagõre bucõña mu”, yiyijo iso Jesure. ²⁷ Ito yija ado bajiro gotiyiju Jesús isore:

—Cajero judio masare ejabuasucija yu, yiyiju Jesús. Gna masa riojuaju yu mure ejabuaja, rñacare najuro emacōri yaire ecado bajiro baja, yiyiju Jesús isore.

²⁸ Ito ī yija tuocōri, ado bajiro cūdiyijo iso:

—Ri ya, yu Ūju mu. Ito bajibojarocati yaia bare jeoado roca ñarā boca barā yirāji rñaca ñna queorisere, yiyijo iso.

²⁹ Ito iso yija ado bajiro cūdiyiju Jesús isore:

—Queno tuoña mu. Ito bajiri mu ya wiju tūdi wasa. Rāmú budigocōami mu macore ĩja, yiyiju Jesús isore.

³⁰ Iso ya wi tūdi ejacōri caniado joeju maso iso jesaroca tiyijo iso. Rāmú budigoroju ñayijo iso ĩja.

Tuobiti busibiti yigure Jesús ĩ yisioire gaye

³¹ Tiro cutona wayiju Jesús. Ito wa rētayiju Sidón wame cutiri cuto. Ito rēta wacuti Decápolis wame cutiri cutori cūni rētayiju. Ito rēta wacu ejayiju Galilea wame cutiritaju.

³² Ito ĩ ñaroca tuobiti busibiti yigure āmi ejayijarā masa. ĩre āmi ejacōri Jesure seniyijarā ñna, tuobicure ĩ ya āmo moa jeotoni. ³³ Ito bajiri tuobicure gajeroju āmi wayiju Jesús. Ito yicōri tuobicu ya gāmo gojeriju āmo wāsoa sōcōayiju Jesús. Ito yicōri āmona ĩ ya go ide āmicōri ĩ ya ñemeroju moaīayiju busibicure. ³⁴ Ito yicōri macārucūroju ti muocōri usi āmiyiju Jesús. Ito yicōri ado bajiro yiyiju ĩre:

—Efata, yiyiju Jesús. “Gāmoro tuoja ĩja”, yireoni ñayiju iti griego ocana.

³⁵ Ito ĩ yirocaci tuobicu ñabojaruti tuocoayiju ĩja. Ito yicōri ĩ ya ñemero cūni quenacoayiju ĩre ĩja. Ito bajiri busicoayiju ĩ busibicu ñabojaru. ³⁶ Ito yija ado bajiro masare gotiyiju Jesús: “Gājerāre goti bato yibesa mu”, yiyiju Jesús ĩnare. Ito ĩ yibojarocati masa jājarāre goti batoyijarā Jesús ĩ masiro robo ĩ yirisere. “Gotibesa”, ĩ yibojarocati bato busa masare goti bato wayijarā ñna. ³⁷ Ito bajiro Jesús ĩ yija ti wanucōri, ado bajiro yiyijarā ñna:

—Jeyaro ĩ yirise quenasacōa, yiyijarā masa. Tuomenare cūni ñna tuoroca, busimenare cūni ñna busiroca yami Jesús, yiyijarā masa.

8

Cuatro mil ñarāre Jesús ĩ ecare gaye
(Mt 15.32-39)

¹ Iti rāmuri mucana tūdi jājarā masa minijuayijarā Jesús tūju. Jesús tu ñna ñaroca riti bare jedicoayiju ĩnare. Ito bajiri ĩ rāca riasotirāre jicōri ado bajiro yiyiju Jesús:

² —Āna masare ti maia yu. Ūdia rāmu tūja yu rāca ñna ñaroca. Ito bajiri bare ma ĩnare.

³ “Bamenati wasa”, ĩnare yu yija, ma gūdarecoti boga quedirāji ñna. Coriarā sōju wadiana ñarāji, yiyiju Jesús ĩ rāca riasotirāre.

⁴ Ito ĩ yija tuocōri, ado bajiro cūdiyijarā ĩ rāca riasotirā:

—Masa ñaro meje ñajare no bajiro masare bare eca masiado ma, yiyijarā ñna Jesure.

⁵ Ito ñna yija seniīayiju Jesús ĩnare:

—¿Nocō jaje naju rācoati mu? yiyiju Jesús ĩnare.

—Ju āmojeno najurori ña, yiyijarā ñna.

⁶ Ito yija jacaju masare ruji rotiyiju Jesús. Ito yicōri ju āmojeno naju ñarisere āmi rācoyiju Jesús. Itire rācocōri ado bajiro yiyiju Jesús: “Queno ya mu”, yiyiju Jesús Diore. Ito yicōri naju igata batocōri ĩ rāca riasotirāre ĩsiyiju Jesús. ĩnajua masa jeyarore batoyijarā ĩja. ⁷ Ito yicōri wai cūni jabeto rācoyijarā ñna. Waire rācocōri, “Queno ya Dios mu”, yiyiju Jesús mucana. Ito yicōri ĩ rāca riasotirāre bato rotiyiju Jesús. ⁸ Masa ñarocōti ba jediyijarā. Sīgū ruyabeto yaji quenaro ñayijarā ñna. ĩna ba rārise āmicōri ju āmojeno jiburi dajoyijarā ñna. ⁹ Itiju Jesús rāca bana cuatro milcō ñayijarā masa. ĩna ba tōja bero ĩnare ware gotiyiju Jesús. ¹⁰ Ito bero cumaju sājayiju Jesús ĩ rāca riasotirā rāca. Cuma sājacōri Dalmanuta sitaju wayijarā ñna.

*“Tiyamani ñoña gware”, ñna yire gaye
(Mt 16.1-4; Lc 12.54-56)*

¹¹ Ito Jesús ñ ejaja tuocõri, ñ rãca busirona ñ tu ejayijarã fariseo gaye tuoñarã. Ñ wisajaro yirona ñre seniñayijarã ñna. “Dios cõaru ñami ñ, gwa yitoni, tiyamani ma ñore ñmoa gwa”, yiyijarã ñna Jesure. ¹² Ito bajiro ñna yija tuocõri, buto usi ñmiyijã Jesús. “Teoro yama yure”, yirocu ito bajiro usi ñmiyijã ñ:

—¿No yija ñna masa tiyamani yi ño rotiati ñna yure? yiyijã Jesús. Riti muare gotia yã. Tiyamani yi ñobicuja yã masare, yiyijã Jesús ñ rãca riasotirãre.

¹³ Ito yicõri masare cõ wayijã Jesús. Mucana tãdi cumajã sãjacõri, itajura gaje dajajã jã wayijarã ñna.

*Fariseo gaye tuoñarã ya naju wadare gaye
(Mt 16.5-12)*

¹⁴ Jesús rãca riasotirã bare ñmi ware ñcabojayijarã. Ito bajiri ñna ya cumajã naju jabetacã ñayijã. ¹⁵ Ito yija ado bajiro gotiyijã Jesús ñnare:

—Fariseo gaye tuoñarã ya naju wadarise uco gaye queno tuo masiña mua. Herodes ñ gaye cõni queno tuo masiña, yiyijã Jesús ñ rãca riasotirãre.

¹⁶ Ito bajiro Jesús ñ yija tuocõri, ñnamasi gãmeri busiyijarã:

—Mani naju rucobejare ito bajiro busiami Jesús, yiyijarã ñna.

¹⁷ ñna busirise masicõyijã Jesús. Ito bajiri ado bajiro yiyijã ñ ñnare:

—¿No yija, “Naju ma”, yati mua? yiyijã Jesús ñnare. ¿Yure masibeati mua maji? ¿Mua ya usijã tuo masimena ñna mua? yiyijã Jesús ñnare. ¹⁸ Muare cajea ñabobarocati ti masibeati mua. Ito yicõri gãmorõ ñabobarocati tuo masibeati mua. ¿Yã masiro robo yã yirisere masibeati mua? yiyijã Jesús ñnare. ¹⁹ ¿Co dajamocõ najurõri cinco mil masa ñnarãre yã bare ecaja bero ruyarise nocõ jiburi dajocati mua? yiyijã Jesús ñnare.

Ito ñ yija tuocõri, ado bajiro cãdiyijarã ñna:

—Doce jiburi dajocã gwa, yiyijarã ñna.

²⁰ —Siete najurõri cuatro mil masa ñnarãre yã batoja, ñna ba ruare, ¿nocõ jiburi dajocati mua? yiyijã Jesús ñ rãca riasotirãre.

—Siete jiburi dajocã gwa, yiyijarã ñna.

²¹ Ito yija ado bajiro yiyijã Jesús ñnare:

—¿Tuo masibeati mua maji? yiyijã Jesús.

Betsaida gagã cajea macure Jesús ñ yisiore gaye

²² Ito bero Jesús ñre sũyarã rãca Betsaidajã ejayijã. Ito ñna ejaroca cajea macure ñmi ejayijarã masa Jesús tu. Ñre josayijarã ñna cajea macure ñ moañatoni. ²³ Ito yija cajea macure ya ñmo ñnacõri ñre tãa wayijã Jesús iti cuto sõjã busacã. Ito yicõri ñ ya go idena cajea macure ñ ya cajea moañayijã Jesús. Ito yicõri ado bajiro ñre seniñayijã: “¿Ruyati jabeto?” yiyijã Jesús cajea macure. ²⁴ Ito bajiro ñ yija cajea tibicu tisũoyijã jabeto. Ito bajiri ado bajiro cãdiyijã ñ:

—Tia yã jabeto. Ito bajibobarocati masare yã tija, yucu wãrero bajiro baja, yiyijã ñ.

²⁵ Ito yija Jesús mucana tãdi moaña quenoyijã ñ ya cajeare. Ito ñ yija bero queno ticoayijã ñja. Ñajediro queno ruyuyijã ñre ñja. ²⁶ Ito yija Jesús ado bajiro gotiyijã ñre:

—Ma ya wijã tãdi wasa. Cutojã cõni sãja wa yibeja. Ito yicõri gãjerãre cõni goti bato yibeja, yiyijã Jesús ñre.

*Dios ñ cõaru ñami Cristo, yi Pedro ñ goti quenore gaye
(Mt 16.13-20; Lc 9.18-21)*

²⁷ Ito ñ yija bero ñ rãca riasotirã rãca wayijã Jesús, Cesarea Filipino wame cutiri cuto tu. Ma ñna warõjã ñ rãca riasotirãre ado bajiro seniñayijã Jesús:

—¿No bajiro yati masa yure ñna tija? “¿Ñimã ñati ñ?” ñna seniñaja, ¿no bajiro cãdiati gãjerã? yiyijã Jesús ñ rãca riasotirãre.

²⁸ Ito ñ yija:

—Ado bajiro yama masa mure: “Juan masare idé guri masu ñami”, yima. Gãjerã ñna yijama, “Elías ñami”, yima ñna. Gãjerã ñna yijama, “Diore goti ñsiri masu ñami”, yima ñna, yiyijarã ñna Jesure. Ito yija ado bajiro ñnare seniñayiju Jesús:

²⁹ —¿Mũama, ñimũ ñami, yati mũa yũre? yiyiju Jesús.

Ito ñ yija ado bajiro cãdiyiju Pedro ñre:

—Mũti ña Cristo, Dios ñ cõarũ, yiyiju ñ Jesure.

³⁰ Ito bajiro ñ yija tũocõri:

—Gãjerãre goti batobesa mũa, yiyiju Jesús ñ rãca riasotirãre.

Yũre sãarã yirãji, Jesús ñ yire gaye

(Mt 16.21-28; Lc 9.22-27)

³¹ Ito yija Jesús ado bajiro ñnare riasosũoyiju:

—Yũti ña Masa Rĩjorũ. Bũjato tõbũjagũ yigũja yũ. Paia ujarã, judio masa rotirise riasori masa, ito yicõri bucũrã cũni, “Dios Macũ meje ña mũa”, yirã yirãji ñna yũre. Ito yicõri yũre sãarã yirãji. Ñna sãaja, godacoagũ yigũja yũ maji. Godabojagũti udia rũmũ bero mũcana tũdi catigũ yigũja yũ, yiyiju Jesús ñnare. ³² Ito bajiro ñnare gotigũ quenaro gotiyiju Jesús. Itire ñ busija tũocõri, ricati ñmi wayiju Pedro Jesure. Ito yicõri, “Yibesa mũa itire”, yi tudiyiju Pedro Jesure. ³³ Ito ñ yija tũocõri, juda rũgũyiju Jesús. Ito bajiro yicõri ñ rãca riasotirãre tiyiju Jesús. Ito yicõri ado bajiro oca sẽorise rãca gotiyiju Jesús Pedre:

—Rũmũa uju Satanás wame cũtigũ bajiro busia mũa, yiyiju Jesús ñre. Yũ rãca ñabesa mũa. Wasa mũa. Dios ñ tũõaro bajiro meje tũõa mũa. Masa ñna tũõabojaro bajirojũna tũõa mũa, yiyiju Jesús Pedre.

³⁴ Ito yija ñ rãca riasotirã, gãjerãre cũni jimioyiju Jesús. Ito yicõri ado bajiro gotiyiju ñ:

—Sĩgũ yũre ñ sũya ñmoja, ñ ye ñaroti tũõabiticõri yũjũare tũo mai sũyagũ yiguĩji. Yucũ gajagũ robo bajiro tõbũjabojagũti yũre riti sũyagũ yiguĩji ñ. ³⁵ No ñ catirise maibojagũti godagũ yiguĩji. Ito bajibojarocati yũre tũorũnũgũ, yũ oca ñ gotija tũo junisinicõri ñna sãagũama catitĩñare gaye bũjagũ yiguĩji. ³⁶ Sĩgũ adi macãrucũroju gajeoni jeyaro ñ bũjabojaja, ñ ya uũsi jeame uũjuroju iti waja, ñ ya gajeoni ñ bũjabojare ñe waja ma. ³⁷ Ñe mani ya uũsi rẽto busaro waja cũtirise manoja. Catirãti Dios rãca mani oca quenoja quena. Mani godaja bero ñ rãca oca quenore manoja ñja. ³⁸ Adi rũmũri gãna ñeñaro yiri masa ñama. Ito yicõri Diore tũorũnũrã meje ñama ñna. Ito bajiri, “Jesure rũcũbũogũ ña yũ”, yi tũõa bojobesa ñna tiro riojo. Ito yicõri ñe bojore mano yũ oca gotija quena. No yũre masigũ ñabojagũti yũre ñ bojoja, ito yicõri yũ oca masibojagũti ñ bojoja, yũ tũdi ejari rũmũ ito bajiroti ñre bojogũ yigũja yũ cũni. Yũ Masa Rĩjorũ ñacõri yũ Jacũ Dios ñ busurisena tũdi ejagũ yigũja yũ. Ito yicõri ñ ñaro gãna ángel mesa rãca ejagũ yigũja yũ, yiyiju Jesús.

9

¹ Ito yija gaje goti remoyiju Jesús ñnare:

—Ñre tũorũnũrãre Dios ñ miojuja, ñ masirisena miojugũ yiguĩji. Riti mũare gotia yũ. Mũa coriarã adiju ñarã mũa godaroto riojũna ito bajiro ñ yisũoja tirã yirãji mũa, yiyiju Jesús ñnare.

Ñna tiro riojo Jesús ñ godo wedire gaye

(Mt 17.1-13; Lc 9.28-36)

² Co ñmojeno uũmũari bero Pedro, Santiago ito yicõri Juanre cũni ñmi wayiju Jesús uũmũari tũria joeju. Itoju ñna ejaroca ñna tiro riojo Jesús ñ ya rio gajero bajiro godo wediyiju.

³ Ñ ya yutabuju bũto bũsa botiyiju. Ito yicõri yoyiju ñ ya yutabuju. Uũmũa bueri botiro bajiro botiyiju. Saya coere rẽto busaro botiyiju ñ ya yutabuju. ⁴ Ito ñna tiroca Elías ñayorũ, ito yicõri Moisés ñayorũ cũni goaũoyijarã Jesús tũ. Ito bajiri Jesús rãca ñna busija tiyijarã ñna.

⁵⁻⁶ Itire ticõri bũto gũiyijarã Pedro mesa. Bũto gũicõri queno tũõa masibisiju Pedro. Ito bajiri ado bajiro yiyiju ñ:

—Tũoya yũ Uju mũa. Gũa adojũ ñaja quenasacõa. Mũare wi meni ñsirũja gũa. Mũre co wi, Moisésre gaje wi, ito yicõri Elíasre gaje wi meni ñsirũja gũa, yiyiju Pedro Jesure,

queno t̄uoĩabiticōri. ⁷ Ito yija ide buere ruji ejacōri Jesús, Moisés ito yicōri Elíasre c̄uni ḡumayij̄u. Ito yicōri bueri watoj̄u oca ruyuyij̄u:

—Āni, ȳ Mac̄uti ñami. Īre maisacōa ȳ. Īre queno t̄ooya m̄ua, ȳi ruyuyij̄u oca.

⁸ Ñajasaroti, ti batocōri Jesure riti tiyijarā ĩna. Gājerāma ruyubisijarā ĩja. Jesús s̄iḡuti ñayij̄u ĩna rāca.

⁹ Ito yija t̄uria joe ñana roja wayijarā ĩna ũdiarāti Jesús rāca. ĩna roja waroca ado bajiro rotiyij̄u Jesús ĩnare:

—Īj̄u m̄ua tigore gājerāre gotibeja. Ȳu ña Masa R̄ijor̄u. Godacōri m̄ucana t̄udi catiḡu yiḡuja ȳ. Ȳu t̄udi catiroto rioj̄ua m̄ua tigore gājerāre gotibeja maji, yiyij̄u Jesús ĩnare. ¹⁰ Īre queno t̄uocōri gājerāre gotibisijarā ĩna. Ito bajibojarocati ĩnamasiti gāmeri seniñayijarā:

—¿Ñe yireoni ñati? “Godacōri m̄ucana t̄udi catiḡu yiḡuja ȳ”, yire, yiyijarā ĩna. ¹¹ Ito bajiri Jesure seniñayijarā ĩna:

—¿No yija, “Cristo ejaroto rioj̄ua ejaḡu yiguĩji Elías”, yati judio masa rotirise riasori masa? yiyijarā ĩna Jesure.

¹² Ito ĩna yija t̄uocōri:

—Riti ña. Elías ñayor̄u robo bajiḡu cajero ejas̄uoḡu yiguĩji. Jeyaro quenoroc̄u ejaḡu yiguĩji ĩ. Ito bajibojarocati ȳ Masa R̄ijor̄u ñaḡu quenabeto junirise bujaḡu yiḡuja. Ito yicōri masa ȳre r̄uc̄ub̄uomenaji. Dios oca tuti ucagore bajiroti ȳre r̄etar̄o yiroja. ¹³ Riti m̄uare gotia ȳ. Elías ñayor̄u robo bajiḡu iti r̄um̄uti ejacoaquĩ ĩja. Ito bajibojarocati masa ĩna āmoro bajiroti ñeñarise yicā ĩna ĩre. Dios oca tutij̄u ucagore bajiroti r̄etac̄u Elías robo bajiḡure, yiyij̄u Jesús ĩnare.

R̄m̄ú s̄añaḡure r̄m̄úre Jesús ĩ bucōare gaye

(Mt 17.14-21; Lc 9.37-43)

¹⁴ Ito yija gājerā ĩ rāca riasotiri masa t̄u t̄udi ejayij̄u Jesús. Itoj̄u ejacōri ĩ rāca riasotirā t̄u masa jājarā ĩna ñaja tiyij̄u Jesús. Ito yicōri judio masa rotirise riasori masa ĩ rāca riasotiri masa rāca ĩna gāmeri b̄usija ti ejayij̄u Jesús. ¹⁵ Jesús ĩ ejaja ticōri, buto wan̄uyijarā ĩna. Ito bajiri ĩ t̄u ũmaquedi wayijarā senirā warā. ¹⁶ ĩ t̄u ĩna ejarocati seniñayij̄u Jesús ĩnare:

—¿ĩna rāca ñeonire gāmeri b̄usiri m̄ua? yiyij̄u Jesús ĩnare.

¹⁷ Ito ĩ yija t̄uocōri, masa watoj̄u s̄iḡu ado bajiro c̄udiyij̄u Jesure:

—T̄ooya riasoḡu m̄u. Ȳu mac̄u ĩ ya ũsij̄u r̄m̄ú s̄añaḡu ñami ĩ. Ito yicōri b̄usibicu ñami ĩ ȳ mac̄u. Ito bajiri ĩre m̄u t̄uj̄u āmi wadib̄u ȳ. ¹⁸ Ȳu mac̄u ya ũsij̄u s̄ajacōri ĩ quedi quearoca yami r̄m̄ú. Ito yicōri ȳ mac̄u ya risere somo jairo budia. Guji c̄uni canam̄uocōri ruj̄u c̄uni tutua jedicoami ĩ. Nocō mejeti r̄m̄ú ĩ ejajare ito bajiroti baji ñami ȳ mac̄u. “Ȳu mac̄u ya ũsij̄u r̄m̄ú s̄añaḡure bucōañā”, yibojab̄u ȳ m̄u rāca riasotirāre. R̄m̄úre bucōa masibeama ĩna, yiyij̄u ĩ Jesure.

¹⁹ Ito ĩ yija t̄uocōri, ado bajiro c̄udiyij̄u Jesús:

—Ȳure t̄uor̄un̄umena ña m̄ua maji. Yoari m̄ua rāca ñaboja ȳ. Ito bajibojarocati ȳre t̄uobeja m̄ua maji, yiyij̄u Jesús ĩ rāca riasotirāre. Ȳu t̄u āmi waya mac̄uac̄are, yiyij̄u Jesús.

²⁰ Ito ĩ yija t̄uocōri, Jesús t̄uj̄u āmi wayijarā ĩre. Jesure ticōri mac̄uac̄ā ĩ cō quedi-roca yiyij̄u r̄m̄ú. Ito bajiri jacaj̄u quedi queacōri tunu c̄uñayij̄u mac̄uac̄ā. Ito yicōri ĩ ya rise somo budiyij̄u ĩre. ²¹ Ito yija Jesús seniñayij̄u mac̄uac̄ā jac̄ure:

—¿Nocō rodori t̄uj̄ati m̄u mac̄u ito ĩ bajiroca? yiyij̄u Jesús ĩre.

Jesús ito ĩ yija t̄uocōri, ado bajiro c̄udiyij̄u ĩ:

—Jaibicuačā ñaḡuj̄uti ito bajis̄uoc̄u ȳ mac̄u. ²² Coji meje jeamej̄u ĩre queo t̄ñayij̄u r̄m̄ú. Ito yicōri ide ñarij̄u c̄uni ĩre queo roayij̄u r̄m̄ú ȳ mac̄ure s̄iaroc̄u. M̄u ḡuare ejab̄ua āmojama, ḡuare ti maicōri ḡuare ejab̄uaya m̄u, yiyij̄u ĩ Jesure.

²³ Ito ĩ yija t̄uocōri, ado bajiro yiyij̄u Jesús ĩre:

—M̄u ȳre t̄uojama, ñej̄ua buto josarise manoja, yiyij̄u Jesús ĩre.

²⁴ Ito ĩ yija t̄uocōri, ado bajiro c̄udiyij̄u ĩ:

—“Yũ macũre yisio masiguĩji Jesús”, yi tuoĩa yũ. Ito bajiri bũto bũsa yũ tuotoni, yũre ejabuaya mũ, yi busiyijũ ĩ awasãre rãca Jesure.

²⁵ ĩ awasãja tuocõri, jãjarã bũsa minijuayijarã masa Jesús tũjũ. Ito bajija ticõri, ado bajiro rũmũre oca sũoro busiyijũ Jesús:

—Tuoya rũmũ mũ. Masa ĩna busibitiroca, ĩna tuobitiroca cũni ya mũ. Ito bajiri macũacã ya usire budigo rotia yũ mũare. Ito yicõri mũcana tũdi ĩre sãjabesa mũ, yiyijũ Jesús rũmũre.

²⁶ Ito ĩ yiroca rũmũ awasãcõri macũacã ĩ cõ quediuroca yiyijũ ĩ. Ito yicõri ĩ ya usiju sãñabojarũ budigocoayijũ ĩja. ĩ budigorocati cõgũ bajiro bajicoayijũ macũacã. Ito bajija ticõri: “Cõcoami”, yiyijarã masa. ²⁷ Ito ĩna yibojarocati Jesús macũacã ya ãmona tũa wũmũoyijũ ĩre. Ito ĩ yirocaci rũgõcoayijũ ĩja.

²⁸ Ito yija bero wi sãjayijũ Jesús. Ito ĩ sãja waroca ĩre seniĩayijarã ĩna ĩ rãca riasotiri masa:

—¿No yija bucõa masibiti gũa rũmũre? yiyijarã ĩna Jesure.

²⁹ Ado bajiro ĩnare cũdiyijũ Jesús:

—Bamena riti Diore senicõri, ãni rũmũ robo bajigũre bucõa masirãji mũa, yiyijũ Jesús ĩnare.

Yũre sãrã yirãji, mũcana Jesús ĩ tũdi gotire gaye

(Mt 17.22-23; Lc 9.43-45)

³⁰⁻³¹ Itijũna wayijarã ĩna Jesús ito yicõri ĩ rãca riasotirã cũni. Galilea sita ĩna wa rẽtaroca ĩ rãca riasotirãre riasoyijũ Jesús. Ito bajiro ĩnare ĩ riaso ñarijũ masa ĩna masire ãmobisijũ Jesús.

—Yũ ña Masa Rijorũ. Yũre ñiacõri sãrã yirãji masa. Godacoagũ yigũja yũ. Ito bajibojaguti uĩa rũmũ bero tũdi catigũ yigũja yũ mũcana, yiyijũ Jesús ĩnare.

³² ĩ gotirisere queno tuo masibisijarã ĩna. Ito yicõri bũto Jesure seniĩa gũiyijarã ĩna.

¿Ñimũ ñati ñasagũ ñarocũ? ĩna yi seniĩare gaye

(Mt 18.1-5; Lc 9.46-48)

³³ Itijũna wana Capernaumjũ ejayijarã ĩna. Itojũ ejacõri wi sãjayijarã ĩna. Iti wiju sãjacõri, ado bajiro ĩnare seniĩayijũ Jesús:

—¿Ma wadirã ñeonire gãmeri busiri mũa? yiyijũ Jesús ĩnare.

³⁴ Jesús ĩ seniĩaja tuobojarãti cũdibisijarã ĩna. “¿Ñimũ ñaguĩjida ñasagũ mani wato?” yi gãmeri busiyijarã ĩna majũ wadirã. Ito bajiri Jesús ĩ seniĩaja cũdibisijarã ĩna ĩja. ³⁵ ĩna cũdibejare rujiyijũ Jesús. Ito bajiro yicõri ĩ rãca riasotirãre jimio jeocõyijũ Jesús:

—Sĩgũ ñasagũ ĩ ña ãmoja, “Ñasabicũ ña yũ”, yi tuoĩagũ yiguĩji ĩ. Ito yicõri masa jeyarore moa ĩsigũ yiguĩji, yiyijũ Jesús ĩnare.

³⁶ Ito yija ĩna watojũ macũacãre cũyijũ Jesús. Ito yicõri macũacãre ãmi jeoyijũ Jesús. Ito bajiro yicõri ĩnare ado bajiro gotiyijũ:

³⁷ —No yũre rũcũbũogũ ãni macũacãre boca ãmigũti, yũre boca ãmigũre bajiro yami ĩ. No yũre boca ãmigũti yũ sĩgũre meje boca ãmiguĩji. Yũre cõarũre cũni boca ãmiami, yiyijũ Jesús.

Manire tuo tudibicũ ĩ ñaguĩji mani baba, Jesús ĩ yire gaye

(Mt 10.42; Lc 9.49-50)

³⁸ Ito yija ado bajiro gotiyijũ Juan Jesure:

—Gũare riasogũ, tuoya mũ. Mũ wamena sũoriti rũmũre bucõagũre ticũ gũa. ĩ mani rãca ñagũ meje ñajare, “Yibesã”, yicũ gũa ĩre, yiyijũ Juan Jesure.

³⁹ Ito ĩ yija tuocõri, ado bajiro cũdiyijũ Jesús:

—Queno yami ĩ. Ito bajiri ĩre rẽobesa, yiyijũ Jesús. Sĩgũ yũre rũcũbũocõri tiyamani ĩ yi ĩoja bero ñeñarise busitubiquĩji yũre. ⁴⁰ Ito bajiri manire tuo tudibicũ ĩ ñaguĩji mani baba. ⁴¹ Riti mũare gotia yũ. Dios ĩ cõarũ Cristo ña yũ. Ito bajiri yũ ñarã mũa ñajare gãji mũare ide ĩ ioja ticõri, wanũgũ yiguĩji Dios. Ito bajiri mũare queno ĩ yijare ĩre waja yigũ yiguĩji Dios, yiyijũ Jesús ĩnare.

Ñeñaro mua yi uyaja guijorise ña, yi Jesús i riasore gaye
(Mt 18.6-9; Lc 17.1-2)

⁴² Ito yija i rāca riasotirāre ado bajiro gotiyijū Jesús:

—No macuacā yure tuorūnusugure ñeñaro yiroca gāji i yija, ire buto waja senigū yiguīji Dios. Quenogorama ito bajiro yigure i ya āmumaju gūtagā jajoca sia yocōri riaca ūcaroju rucōaja quenaroja, yiyijū Jesús ñnare. ⁴³ “Mua ñeñaro yirise jidicāña mua”, yirocu ado bajiro gotiyijū Jesús ñnare: Mua ya āmona ñeñarise mua yija itire jatacōña. Manire co dūja āmo manija quenabetoja. Ito bajibojarocati jua āmo, āmo cutirā ñabojarāti jeame ūjuroju mani waja rēto busaro quenabeto yiroja. ⁴⁴ Itoju jeame yatirime meje ñaro yiroja. Ito yicōri co rūmū ruyabeto rujure barā yirāji becoa. ⁴⁵ Mua ya gubona ñeñarise mua yija itire cūni jatacōña. Manire co dūja gūbo manija quenabetoja. Ito bajibojarocati jua gūbo, gūbo cutirā ñabojarāti jeame ūjuroju mani waja rēto busaro quenabeto yiroja. ⁴⁶ Itoju jeame yatirime meje ñaro yiroja. Ito yicōri co rūmū ruyabeto rujure barā yirāji becoa. ⁴⁷ Mua ya cajeana ñeñarise mua yija itire ruacōña. Manire co dūja cajea manija quenabetoja. Ito bajibojarocati jua cajea, cajea cutirā ñabojarāti jeame ūjuroju mani waja rēto busaro quenabeto yiroja manire. ⁴⁸ Itoju jeame yatirime meje ñaro yiroja. Ito yicōri co rūmū ruyabeto rujure barā yirāji becoa, yiyijū Jesús ñnare.

⁴⁹ ‘Mani jea uaja, iti juniro bajiro tōbujarā yirāji Diore tuorūnumena. ⁵⁰ Quenarise ña moa. Ito bajibojarocati moa ocarise iti jedija mucana tūdi ocabetoja ija. Ito bajiri waja mano bajiroti ñaroja moa ija. Ito bajiri moa queno ocarise bajiro bajirā ñaña mua. Ñe oca manoti ñaña mua. Ito yicōri sīgū robo bajiro tuoīa ñaña mua, yiyijū Jesús i rāca riasotirāre.

10

Manojore jidicāre ma, yi Jesús i riasore gaye
(Mt 19.1-12; Lc 16.18)

¹ Capernaumju ñacōri Judea sitaju wayijū Jesús. Ito ejacōri Jordán wame cutirisa boejuaju wayijū Jesús. Itoju masa jājarā minijuayijarā mucana Jesús rāca. Īna ejaja ticōri, ñnare riasoyijū Jesús i yisotiro bajiroti. ² Jesús masare i riaso ñaroca i tu ejayijarā fariseo gaye tuoīarā. Jesús i tuo wisajaro yirona ado bajiro ire seniīayijarā ñna:

—¿Ūmugū i manojore cōaja, ñeñarise ñati iti? yiyijarā ñna Jesure. ³ Ito ñna yija ado bajiro cūdiyijū Jesús:

—¿No bajiro muare rotiyijari Moisés ñayoru? yiyijū Jesús ñnare.

⁴ Ito i yija tuocōri, ado bajiro cūdiyijarā ñna:

—Ado bajiro gotiyijū Moisés ñayoru: “Sīgū manojore i cōa āmoja papera ucaruja. ‘Yu manojore te ñamo. Ito bajiri isore cōagū ya yu’, yire papera uca tūcōri, isore cōagū yiguīji i”, yiyijū Moisés ñayoru, yiyijarā fariseo gaye tuoīarā Jesure.

⁵ Ito ñna yija tuocōri, ado bajiro yiyijū Jesús:

—Mua ya usiju tuo terā mua ñajare manojore cōare gaye rēobisijū Moisés. ⁶ Jane mejeju cajero masare rujeosugū ūmugū ito yicōri romiore cūni rujeoyijū Dios. ⁷ Ito bajiri manojore bujacōri ricati ñagū yiguīji ūmugū i manojore rāca. Ito bajiri jacusabatia tu butogoroama ñasabiquīji i ija. ⁸ Ito yicōri manojore rāca jūarā ñabojarāti sīgūre bajiroti ñarāji ñna. Ito bajiri jūarā meje ñarāji. Sīgū bajiroti ñacōrāji ñna ija. ⁹ Manojore āmo siaja bero sīgūre bajiroti ñama ñna, Dios i tiro riojo. Ito bajiri manojore cōare ma ija, yiyijū Jesús ñnare.

¹⁰ Wijū sāja wacōri Jesure i gotirisere seniīayijarā ñna i rāca riasotiri masa. ¹¹ Ito ñna yijare ado bajiro cūdiyijū Jesús:

—No manojore cōagū quenabeami. Ito yicōri gajeo i manojore cutija rocati yigu bajiro yami i. Cajero i manojore cutisugore ñeñaro yigu yami iocū. ¹² Ito bajiroti romio cūni, iso manujure cōagō quenabeamo. Ito yicōri gāji iso manujū cutija rocati ajego bajiro yamo iso. Cajero iso manujū cutisugore ñeñaro yigo yamo iso, yiyijū Jesús ñnare.

Rĩacare queno yijaro Dios, Jesús ĩ yire gaye
(Mt 19.13-15; Lc 18.15-17)

¹³ Rĩacare tũa wadiyijarã masa Jesús tujua. Rĩacare ĩ moãare ãmoyijarã masa. Ito bajiro ĩna yija ticõri, ado bajiro yiyijarã Jesús rãca riasotiri masa:

—Jesure usirioro yibesa mua, yiyijarã ĩna masare. ¹⁴ Itire ticõri junisiniyijũ Jesús. Ito bajiri ĩ rãca riasotirãre ado bajiro gotiyijũ Jesús:

—Rĩacare rẽobesa, yũ tũ wadijaro ĩna. Rĩaca ñama yũre queno tuorũnurã. ĩna robo yũre queno tuorũnurãre ĩ rotirojũ miojugũ yiguĩji Dios. ¹⁵ Riti muare gotia yũ. Rĩaca queno cãdi ãmoama Dios ĩ rotirisere. No rĩaca ĩna cãdiro bajiro cãdibicũ Dios ĩ rotirojũ ejabiquĩji, yiyijũ Jesús ĩ rãca riasotirãre.

¹⁶ Ito yicõri rĩacare ãmi jeoyijũ Jesús. Ito bajiro yicõri ĩ ya ãmona ĩnare moa jeoyijũ. Ito yicõri: “Queno yijaro Dios muare”, yiyijũ Jesús rĩacare.

Gajeonire buto maisabeja quena, Jesús ĩ yire gaye
(Mt 19.16-30; Lc 18.18-30)

¹⁷ Itijũna Jesús ĩ wasuorocati ĩ tujũ ũmaquedi ejayijũ ũmugũ. Jesús riojo ejacõri rijomunigãna ñini rũjũyijũ ĩ:

—Tuoya Riasogũ mũ. Quenagũ ña mũ. Dios rãca catitĩña ãmoa yũ. ¿No bajiro yiguti yũ Dios rãca catitĩñarocũ? yiyijũ ĩ Jesure.

¹⁸ Ito ĩ yija tuocõri, ado bajiro cãdiyijũ Jesús:

—¿No yija, “Quenagũ ña mũ”, yati mũ yũre? Dios sũgũti ñami quenagũ. ¹⁹ Dios ĩ rotirisere masia mũ. Ado bajiro gotia iti: “Masare sĩabesa. Manojõ cutigũ gajeõ rãca ajebesa. Rinibesa. Gãjire busitubesa. Gãjerãre ruobesa. Mũ jacũ, mũ jacore cãni queno rũcũbuoya”, yi gotia Dios oca. Itire masia mũ, yiyijũ Jesús ĩre.

²⁰ Ito ĩ yija tuocõri, ado bajiro yiyijũ:

—Tuoya Riasogũ mũ. Dios ĩ rotirisere masicõri mamũ ñagũjuti queno cãdicũ yũ, yiyijũ ĩ Jesure.

²¹ Ito ĩ yija tuocõri, ĩre ti maiyijũ Jesús:

—Coji gaye mũ yiroti rũa maji. Mũ ya gajeoni gãjerãre ĩsi jeocõña. Iti waja bujacõri bojoro bujarãre ĩsiña. Mũ ito yija ũmacũjũ Dios tũ ejacõri jairo waja bujagũ yigũja mũ. Ito bajiri yũ gotirisere cãdiya. Ito yicõri yũ rãca waya, yiyijũ Jesús ĩre.

²² Ito bajiro Jesús busija tuocõri, bojori bujayijũ ĩ. Gajeoni jaigũ ñacõri itire buto maiyijũ ĩ. Ito bajiri Jesús busire tuocõri bojori bujaguti wayijũ ĩ.

²³ Ito yija Jesús ĩ rãca riasotirãre ti batocõri ado bajiro busiyijũ:

—Gajeoni jairãre josari ñaro yiroja Dios ĩ rotirojũ ĩna ejaroto, yiyijũ Jesús ĩnare.

²⁴ Ito bajiro ĩ yija tuocõri, ucayijarã ĩ rãca riasotiri masa. Ito bajiri mũcana ĩnare goti remoyijũ Jesús:

—Tuoya yũ rĩa mua. Gajeonire riti tuoãrãre josari ñaroja ĩnare Dios ĩ rotirojũ ĩna ejaroto. ²⁵ Gawa jota gojere camello ĩ rãta wa ãmobjaja josari ñaroja ĩre. Ito bajibojarocati gajeoni jaigũ Dios ĩ rotirojũ ĩ wa ãmobjaja josari busa ñaroja ĩre, yiyijũ Jesús ĩ rãca riasotirãre.

²⁶ Ito bajiro ĩ busija tuocõri, buto oca jaiyijarã ĩna. Ito bajiri ĩnamasiti gãmeri senĩasuoijarã:

—Riti ĩ yijama, sũgũ Dios tũ ejabiquĩji, yiyijarã ĩna.

²⁷ Ito yija Jesús ĩnare ti maicõri, ado bajiro ĩnare gotiyijũ:

—Masa eja masiado manojã. Josari ñaroja ĩnare. Dios sũgũti jeyaro masigũ ñami. Ñejũa josarise manojã ĩre, yiyijũ Jesús ĩnare.

²⁸ Jesús ito yija tuocõri, Pedro cãdiyijũ ĩre:

—Queno tuoya mũ. Gũa ya gajeonire jidicãcõri mũre sũya gũa, yiyijũ Pedro Jesure.

²⁹⁻³⁰ Ito ĩ yija ado bajiro cãdiyijũ Jesús:

—Riti muare gotia yũ. Gãjerãre Dios oca gotirona yũre sũyacõri ĩna ñarãre cũ warã yirãji coriarã. ĩna ocabajirã, ĩna jacũ, ĩna jaco, ĩna rĩa ito yicõri ĩna ya wesecare cãni cũ warã yirãji ĩna yũre sũyarona. Ito bajiro yirãji ĩna gãjerãre Dios oca goti ãmorã. No

yure sɣya āmocōri ī ñarāre cū wacure, queno yigu yiguīji Dios ĩre. Jaje wiri, wesecari, ocabajirā, jacosaromia ito yicōri rīa jājarā ĩsigū yiguīji Dios ĩre. Ito bajibojarocati yure sɣyacōri quenabeto tōbujagu yiguīji ī. Ito bajicōri ija catitñare ĩsigū yiguīji Dios ĩre. ³¹ Coriarā adocāta ñasari masa ñabojarāti, ija Dios tɔ ejacōri ñasari masa meje ñarā yirāji ĩna. Gājerāma adocāta ñasarā meje ñabojarāti ija Dios tɔ ejacōri ñasari masa ñarā yirāji ĩna, yiyijɔ Jesús ĩnare.

Yure sīarā yirāji, Jesús ī yi bɔsisɔsare gaye
(Mt 20.17-19; Lc 18.31-34)

³² Jerusalénjɔ wara mana wayijarā ĩna. ĩ rāca riasotirā riojɔa wayijɔ Jesús. Ito ĩre ĩna sɣya waroca tɔoīa oca jaiyijarā ĩna. “¿No yija Jerusalénjɔ ī waja güibeati Jesús?” yi tɔoīayijarā ĩna. ĩna bero sɣyarāma bɔto güiyijarā. Masa ĩna güija ticōri, ricati ī rāca riasotirāre goti remosɔsayijɔ Jesús ī godaroti gaye:

³³ —Queno tɔoya mɔa. Jerusalénjɔ warā ya mani. Itojɔ Masa Rījorɔ yɔ ñajare yure ñiarā yirāji masa. Paia ɔjarā ito yicōri judio masa rotirise riasori masare cɔni ĩsirona yure ñiarā yirāji ĩna. Ito bajiri yure boca āmicōri sīa rotirā yirāji ĩna. “ĩmo ĩre sīañā”, yirā yirāji ĩna gawa masare. ³⁴ Ito yicōri yure aja tudirā yirāji ĩna. Yure go ide eobate gurā yirāji ĩna. Yure bajerā yirāji ĩna. Ito yicōri yure sīarā yirāji ĩna. Ito bajibojarocati ɔdia rɔmɔ bero tɔdi catigɔ yigɔja yɔ mɔcana, yiyijɔ Jesús ĩnare.

Santiago mesa Jesure ĩna seniā āmore gaye
(Mt 20.20-28)

³⁵ Ito yija Zebedeo rīa Juan, Santiago cɔni eja rŭgŭyijarā ĩna Jesús tɔ:
—Tɔoya Riasogɔ mɔ. “Ado bajiro gɔare queno yiya”, mɔre gɔa seniā mɔ cɔdire āmoa gɔa, yiyijarā ĩna Jesure.

³⁶ Ito ĩna yija tɔocōri, ado bajiro cɔdiyijɔ Jesús:
—¿No bajiro yɔ yire āmoati mɔa? yiyijɔ Jesús ĩnare.
³⁷ —Mɔ rotirojɔ gɔa ejaroca mɔ rāca gɔare ruji rotiba mɔ. Sīgŭre mɔ riojocadɔjajɔ ito yicōri gājire mɔ gācodɔjajɔ mɔ ruji rotire āmoa gɔa, yiyijarā ĩna Jesure.

³⁸ Ito ĩna yija tɔocōri, ado bajiro cɔdiyijɔ Jesús:
—Mɔa yure senibojarisere queno tɔo masibeā mɔa. Quenabeto yɔ tɔoīaroca yirā yirāji masa yure. ¿Yure bajiroti quenabeto tɔoīa ñemecɔti masirā yirājida mɔa cɔni? yiyijɔ Jesús ĩnare.

³⁹ —Ñemecɔticōrāji gɔa, yiyijarā ĩna Jesure.
Ito ĩna yija ado bajiro yiyijɔ Jesús:
—Riti mɔare gotia yɔ. Quenabeto yɔ tɔoīaro bajiroti quenabeto tɔoīarā yirāji mɔa cɔni. ⁴⁰ Ito bajibojarocati yɔ rāca mɔare ruji roti masibeā yɔ. Yɔ riojocadɔja, gācodɔja cɔni Dios sīgŭti yɔ tɔ rujironare rotigɔ yiguīji. Itojɔ rujiado ĩnare queno ĩsigū yiguīji Dios, yiyijɔ Jesús ĩnare.

⁴¹ Ito bajiro ĩna bɔsija, gājerā Jesús rāca riasotirā jɔa dɔjamocō ñarā tɔoyijarā. Ito bajiri ĩnare tɔocōri Juan, Santiagore cɔni junisini tiyijarā ĩna. ⁴² Ito bajija ticōri, ĩnare jimioyijɔ Jesús:

—Wi ɔjɔ sīgŭ ī ñaja iti wi gānare roti masiguīji. Ito bajiroti masa ɔjɔ sīgŭ ī ñaja wi ɔjarāre roti masiguīji ī. ⁴³ ĩnare bajiro bajibitirɔja mɔare. Ado robojɔa bajia. Mɔa wato no ɔjɔ ña āmogŭti gājerāre moa ĩsija quena. ⁴⁴ No ñasagɔ ña āmogŭti gājerāre ejabɔaja quena. ĩnare moa ĩsiri masɔ robo bajiroti ī moa ĩsija quena. ⁴⁵ Yɔ ña Masa Rījorɔ. Masa yure moa ĩsijaro yirocɔ meje wadicɔ yɔ adi sitajɔ. Masare ejabɔarocɔ wadicɔ yɔ. Masare goda ĩsirocɔ wadicɔ yɔ. Ito yicōri ĩna ñeñaro yirise waja, waja yi ĩsirocɔ wadicɔ yɔ, yiyijɔ Jesús ĩnare.

Cajea macure Jesús ī yisioire gaye
(Mt 20.29-34; Lc 18.35-43)

⁴⁶ Mɔcana wacōri Jericó wame cɔtiri cɔtojɔ ejayijɔ Jesús ĩre sɣyarā rāca. Iti cɔtojɔ Jesús ī budiroca ī rāca riasotirā rāca, masa gājerā sɣyayijarā ĩre. ĩna wari ma tɔ rujiyijɔ

tibicu, Bartimeo wame cutigu. Timeo macu ñayiju ĩ. Gajeoni macu ñari gãjerã ĩre queno yitoni bato josayiju Bartimeo. ⁴⁷ Jesús Nazaret gagu ĩ rëta waja tuocõri, bato awasãre rãca ĩre jiyiju tibicu:

—Tuoya Jesús m̄. David ñayoru janerãbatia janami ña m̄. Yure ti maiña m̄, yiyiju tibicu Jesure.

⁴⁸ Ito bajiro ĩ yija tuocõri, jãjarã ĩre tudiyijarã tibicure: “Busibesa m̄”, yiyijarã masa ĩre. Ito bajiro ĩna yibojarocati bato busa awasãyiju m̄cana:

—Tuoya David janami m̄. Yure ti maiña m̄, yiyiju tibicu Jesure.

⁴⁹ Ito bajiro tibicu ĩ yija tuocõri, tuja rügũcoayiju Jesús ĩja.

—Īre jiya m̄, yiyiju Jesús masare.

Ito ĩ yija tibicure jiyijarã ĩna:

—Wan̄ oca s̄oña. Ito yicõri w̄m̄ rügũña. Jesús m̄re jiami, yiyijarã masa tibicure.

⁵⁰ Ito bajiro ĩna yija tuocõri, Jesús t̄ju warocu yutabuju joegadore ruacõri bubu queda rügũ wayiju ĩ. ⁵¹ Ī ejaja ticõri, ado bajiro yiyiju Jesús ĩre:

—¿No bajiro yu yire ãmoati m̄? yiyiju Jesús ĩre.

—Tuoya Riasogu m̄. Yu ya cajea ruyubea yure. Ti ãmoa yu, yiyiju tibicu Jesure.

⁵² Ito yija ado bajiro ĩre cudiyiju Jesús:

—Wasa m̄. “Jesús yure yisiodõgũ yiguĩji”, m̄ yi tuoñajare m̄re yisioa yu, yiyiju Jesús tibicure.

Ito bajiro Jesús ĩ yirocati ticoayiju tibitibojaru ĩja. Ito bajiri Jesure s̄ya wayiju ĩ tibitija bero ticõri.

11

Jerusalénju Jesús ĩ ejare gaye

(Mt 21.1-11; Lc 19.28-40; Jn 12.12-19)

¹ Jerusalén s̄jua busa Olivos wame cutiri turia tu ejayijarã. Itoju jua cuto ñayiju. Betfagé, Betania wame cutiri cutori ñayiju iti turia tu. Ito tu busa ejacõri ĩ rãca riasotiri masa jãarãre cõayiju Jesús. ² Ado bajiro gotiyiju Jesús ĩnare:

—Mani riojo ñari cutoju wasa. Itoju burro macu sia rügõrure bujarã yirãji m̄. Noa masa m̄ja jeaña yiya macu ñaguĩji maji. Īre õjama. Ito yicõri ĩre ãmi wadiba. ³ Gãjerã m̄are seniñaja: “¿No yirã ĩre ãmi wati m̄?” ĩna yija, ado bajiro cudiba m̄: “Mani ðju ãmoami ĩre. Ito bajiri ãmi waju ḡa. Nocõ mejeti juda cõagũ yiguĩji m̄cana”, yi gotiba, yiyiju Jesús ĩna jãarãre.

⁴ Ito ĩ yija tuocõri, wayijarã ĩna. Ito ejacõri maju ĩna sia rügõrure ti bujayijarã ĩna. Soje tuti rügõyiju ĩ. Īre bujacõri õjayijarã ĩna.

⁵ Itoju ñarã ĩnare ado bajiro seniñayijarã:

—¿No yirona yati m̄? ¿No yija burro macure õjati m̄? yiyijarã ĩna.

⁶ Ito ĩna yija tuocõri, Jesús ĩ rotiado bajiroti cudiyijarã ĩna. Ito bajiri itiju gãna Jesús rãca riasotirãre wa rotiyijarã. ⁷ Ito yija burro macure ãmi wayijarã Jesús t̄ju. Ito yicõri ĩna ya yutabujuri burro macu joeju jeoyijarã. Ī tu ĩna ãmi ejarocati burro joeju m̄ja jeayiju Jesús. ⁸ Jãjarã masa ĩna ya yutabujuri ruacõri ĩ riojua yutabujuri eyocũ yuyijarã ĩna. “Ḡa ðju ña m̄”, yirona ito bajiro yiyijarã masa Jesure r̄cuborã. Gãjerã mimi caeri jatacõri jidicũ yuyijarã ĩ cudatoni.

⁹ Jesús riojua ũmatãrã c̄ni ĩ berojua s̄yarã c̄ni ruje awasãyijarã masa wan̄ quenarã:

—Dios s̄gũti ñami quena busagu. Dios Macu ĩ cõaru ðju quenagũ ñami ĩ. ¹⁰ Mani ñicu David ñayoru ĩ rotija quena ñayiju. Ito bajiroti quenari rodo ñaro yiroja m̄cana. Dios s̄gũti ñami quena busagu, yiyijarã ĩna wan̄ quenarã.

¹¹ Ito bajiro ĩna yiroca riti Jerusalénju ejayiju Jesús. Ito ejacõri Dios ya wi sãjayiju ĩ. Jeyaro ti batoyiju Jesús. Ito bero iti rãjoja ticõri, Betaniaju t̄di wayiju Jesús ĩ rãca riasotirã rãca. Jua ḡbojeno ñayijarã ĩna, ĩ rãca riasotirã.

Higuera rica manigũre Jesús ĩ rojare gaye
(Mt 21.18-19)

¹² Gaje rumũ Betaniana wayijarã ĩna. ĩna waroca Jesús ñiocõyijũ. ¹³ Sõjũna higuera wame cutiricũ tiyijũ Jesús. Rãjagũ robo bajiricũ ñacu higuera wame cutiricũ. Queno jũ cutiyijũ. Ito bajiri tigu wayijũ Jesús higuera ricare barocũ. Ito bajibojarocati higuera tũ ejacõri jũ riti bũjayijũ Jesús. Rica mañijũ cũma meje ñajare. ¹⁴ Itigu rica manija ticõri, ado bajiro yiyijũ Jesús itigũre:

—Mũ ya ricare tũdi bamenaji masa. Rica mano yiroja ĩja, yiyijũ Jesús itigũre. Ito bajiro ĩ busija tũoyijarã ĩ rãca riasotirã.

Dios ya wijũ niyeru wasoari masare Jesús ĩ bucõare gaye
(Mt 21.12-17; Lc 19.45-48; Jn 2.13-22)

¹⁵ Jerusalén tũdi ejacõri Dios ya wi sãjayijũ Jesús ĩ rãca riasotirã cũni. Ito sãja ejacõri ito waja gãme ñarãre bucõayijũ Jesús. Niyeru wasoarãre ĩna ya niyeru jeoado tujũda queoyijũ Jesús. Ito yicõri buja waja gãmerã ye ĩna ya cumurori tujũda cõayijũ Jesús. ¹⁶ Ito bajiri Dios ya wijũ gajeoni ãmi wa rotibisijũ ĩnare. ¹⁷ Ito yicõri ado bajiro masare riasoyijũ:

—Ĩ oca tutina ado bajiro gotiami Dios: “Yũre rũcũbũora wi ñaro yiroja yũ ya wi. Masa jeyaro yũre busirã yirãji iti wijũ sãjacõri”, yi gotia Dios oca. Ito bajiro mũa yija riniri masa ĩna rudiri wi bajiro godo weoa mũa Dios ya wire, yiyijũ Jesús.

¹⁸ Ito bajiro Jesús ĩ yija tũocõri, “¿No bajiro ĩre sãarũjati mani?” yi tũoĩayijarã paia ẽjarã, judio masa rotirise riasori masa cũni. Masa jeyaro ĩre riti ĩna tũorũnũjare, ito bajiro tũoĩayijarã ĩna, Jesure gũirã. ¹⁹ Rãiocũro ñaroca iti cãtore wayijũ Jesús ĩ rãca riasotirã rãca.

Higuera rica manigũ iti siniare gaye
(Mt 21.20-22)

²⁰ Gaje rumũ busuri jĩjũ mũcana mana warã higuera wame cutiricũ tũ ejayijarã ĩna. Ito ejacõri higuera iti siniaja tiyijarã ĩna. Ñe mari cũni siniacoayijũ itigu ĩja. ²¹ Itocõti Jesús ĩ busigore tũoĩa bũjayijũ Pedro:

—Tiya gũare Riasogũ mũ. Itigũre mũ rojaja bero sinicoayija itigu ĩja, yiyijũ Pedro Jesure.

²² Ito ĩ yija tũocõri, ado bajiro gotiyijũ Jesús ĩ rãca riasotirãre:

—Diore mũa tũorũnũja quena. “Diore gũa senija cũdigũ yiguĩji”, mũa yi tũoĩaja quena, yiyijũ Jesús ĩnare. ²³ Riti mũare gotia yũ. Diore tũorũnũcõri, i tũriare, “Cũni rũgũcõri riaca jajosajũ quedi roaya”, mũa yija ito bajiroti rẽtaro yiroja. Diore senicõri, “Yũ senirise cũdibiquĩji Dios”, yi tũoĩabesa mũa. Diore senicõri, “Yũ senirise cũdigũ yiguĩji Dios”, yi tũoĩaña mũa. Mũa ito yijati ito bajiroti rẽtaro yiroja. ²⁴ Ito bajiri Diore senicõri: “Yũre cũdicãni ĩ”, yi tũoĩaña mũa ya usina. Mũa ito yijati mũare cũdigũ yiguĩji Dios. Ito yicõri mũa ãmorise mũare ĩsigũ yiguĩji ĩ. ²⁵ Diore busirãti, gãjerã ñeñaro ĩna yirise ãcabojoja quena. Ito bajiro mũa yijati, mani Jacũ ũmacũjũ gagũ mũa ñeñaro yirisere ãcabojoja yiguĩji ĩ cũni. ²⁶ Ito bajibojarocati mũare gãjerã ĩna ñeñaro yirisere mũa ãcabojobeja, mani Jacũ ũmacũjũ gagũ mũa ñeñaro yirisere ãcabojobiquĩji ĩ cũni, yiyijũ Jesús ĩnare.

¿Ñimũ ĩ rotijare ito bajiro yati mũ? yi Jesure ĩna seniãare gaye
(Mt 21.23-27; Lc 20.1-8)

²⁷ Ito yija bero Jerusalenũ tũdi wayijũ Jesús ĩ rãca riasotirã rãca. Itojũ ejacõri Dios ya wi wayijũ Jesús. Ito ĩ ña ucurocati ĩ tũ eja rũgũyijarã paia ẽjarã, judio masa rotirise riasori masa ito yicõri judio masa bũcũrã cũni. ²⁸ Ito ejacõri ado bajiro Jesure seniãayijarã ĩna:

—¿Dios ya wijũ masare mũ bucõaja, ñimũ roticati mũre? ¿Ito yicõri ñimũ ĩ rotirise rãca ito bajiro yicati mũ? yiyijarã ĩna Jesure.

²⁹ Ito ĩna yija tũocõri, ado bajiro cũdiyijũ Jesús:

—Yũ cũni coji gaye mũare seniãa ãmoa. Mũa yũre cũdija tũocõri, yũre rotigũ wame gotigũ yigũja yũ mũare. Ado bajiro mũare seniãa yũ: ³⁰ ¿Juan masare idé gutoni, ñimũ

rotiyijari ĩre? ¿Dios rotiyijarite ĩre? ¿Masajua rotiyijarite? Yure cudiya mua, yiyijũ Jesús ĩnare.

³¹ Ito ĩ yija tuocõri, ĩnamasiti gãmeri tuoĩa busiyijarã:

—¿No bajiro ĩre cudirãti mani? “Juan masare idé gutoni cõayijũ Dios”, mani yija, “¿No yija Juanre tuobiticati mua?” manire yigũ yiguĩji Jesús. ³² Ito bajibojarocati, “Masa rotiyijarã Juanre”, mani yija, manire junisinirã yirãji masa. “Juanre cõayijũ Dios”, masa ĩna yi tuoĩajama, ¿no bajiro Jesure cudirã yirãjida mani? yi tuoĩayijarã paia ẽjarã. ³³ Ito bajiri:

—Masibea gua, yiyijarã ĩna Jesure.

Ito ĩna yijare:

—Bau, yure rotirũ wame gotibicũja yũ cuni mũare, yiyijũ Jesús ĩnare.

12

Queno moare rujeo masimena Jesús ĩ yire gaye

(Mt 21.33-46; Lc 20.9-19)

¹ Goti masiore ocana ado bajiro masare riasoyijũ Jesús:

—Sĩgũ uyé wese oteyijũ ĩ. Ito yicõri masa ĩna rinime yirocũ camotayijũ ĩ wesecare. Ito yicõri uyére wañiaroti goje meniyijũ uyé idere ñurocũ. Ito yicõri ũmari wi meniyijũ ĩ ya wesecare, tirũnucũja, yiroca. Ito yija bero gãjerãre ado bajiro gotiyijũ ĩ: “Yũ ya wesecare mua codeja mũare waja yigũ yigũja yũ”, yiyijũ ĩ ĩnare. Ito yicõri wa ucugũ wacoayijũ ĩja. ² Yoa busarijũ uyé rica bucũaroca ĩ ya moari masũre cõayijũ uyé ĩre ãmi ĩsitioni. ³ Uyé wesejũ ĩ ẽjaroca ĩre ñiacõri jayijarã weseca coderi masa. ĩre uyé ĩsimenati, “Wasa”, yiyijarã ĩna. Ito bajiri ñe manoti tũdi ejayijũ ĩre roti ñucarũ tũ. ⁴ Uyé ĩ ãmibeja ticõri, gãji moari masũre cõayijũ weseca ẽjũ, uyé ĩre ãmi ĩsitioni. Uyé wesejũ ĩ ejaja ticõri, ĩre cuni jayijarã ĩna. Ito bajiri ĩ ya rijogajũ cami cutiyijũ ĩ. Ito bajiro ĩre yicõri ñeñaro busiyijarã ĩna. ⁵ Ito bajiro ĩre ĩna yija ticõri, mũcana gãjire cõayijũ iti wese ẽjũ. ĩ ejaja ticõri, ĩre sũayijarã weseca coderi masa. Ito bajiri jãjarã busa cõayijũ iti wese ẽjũ ĩja. ĩnare cuni ito bajiroti yiyijarã weseca coderi masa. Coriarãre bũto jayijarã. Gãjerãre sũayijarã ĩna.

⁶ Sĩgũ macũ cutiyijũ iti wese ẽjũ. ĩre bũto maiyijũ ĩ. “Yũ macũre rũcũbuorã ĩre tuorã yirãji ĩna”, yi tuoĩayijũ ĩ. Ito bajiri ĩ macũre cuni cõasũsayijũ ĩ ĩja. ⁷ Ito bajiri weseca ẽjũ macũ ĩ ejaja ticõri, ado bajiro gãmeri busiyijarã weseca coderi masa: “Adi wese ẽjũ macũ ñami ãni. ĩ jacũ godaja bero adi wese ĩ ya wese ñaro yiroja. ĩre sũato mani adi wese ẽjarã ñarona. Ito bajiri mani ĩre sũaja bero mani ya wese ñaro yiroja ĩja”, yiyijarã ĩna. ⁸ Ito bajiri ĩre ñiacõri sũayijarã ĩna. Ito yicõri ĩ ya rujũre weseca tũnimajũ cõayijarã ĩna. Itocõti ña adi oca, yiyijũ Jesús ĩnare.

⁹ Ito bajiro ĩnare goti tũocõri, ado bajiro seniĩayijũ Jesús masare:

—¿No yigũ yiguĩjida weseca ẽjũ ĩnare? Ado bajiro yigũ yiguĩji ĩ. Weseca coderãre sũagũ wacũ yiguĩji ĩ. Ito yicõri gãjerãre weseca code rotigũ yiguĩji ĩ, yiyijũ Jesús ĩnare.

¹⁰ Gaje ado bajiro gotiyijũ Jesús:

—¿Dios oca tutire tiĩabeati mua? Tũoya mua ado bajiro gotia:

Gũta wi meniri masa coga gãtagã cõayijarã ĩna. Ito bajibojarocati gaje gãta rẽto busaro quenarica ñayijũ ĩna cõabojaraga. Itiga gãtagãna sũoriti quenari wi menigũ yiguĩji Dios. Itiga gãtagã manija, ñe menire manija ĩja.

¹¹ Ito bajiro ãmoĩni Dios mani ẽjũ. Ito bajiri itire masicõri bũto tuoĩa wanũa mani, yi gotia Dios oca.

Ito bajiro yiĩni Dios yure rẽtaroti tuoĩa yugũ, yiyijũ Jesús ĩnare.

¹² Ito bajiro Jesús ĩ yija tuocõri, ĩre ñia ãmbojayijarã iti cũto ñari masa. “ ‘Ito bajirã ñama ĩna’, manire yirocũ iti ocare gotimi Jesús”, yi tuoĩayijarã ĩna. Ito bajibojarocati masare guĩrã Jesure ñiabisijarã ĩna. Ito bajicõri itijũna wacoayijarã ĩna ĩja.

Ëjarãre mani waja ruyurioja ñaro bajiroti waja yija quena, Jesús ĩ yire gaye

(Mt 22.15-22; Lc 20.20-26)

¹³ Fariseo gaye t̄oĩarã, Herodes ĩ baba mesa c̄uni ejayijarã ĩna Jesús t̄ujũ. ĩna Ʃjarã rotija t̄uocõri, Jesús t̄u wayijarã ĩna. “Jesús ĩ c̄udi masibeja, ĩre oca meni masirã yirãji mani”, yi t̄uoiãcõri ĩ t̄u ejayijarã ĩna. ¹⁴ ĩ t̄u ejacõri ado bajiro yiyijarã ĩna:

—T̄uoya Riasogũ m̄u. Riojo gotigu ña m̄u. Masa m̄ure b̄usituja guijobea m̄ure. “Masa jeyaro coro bajiroti ñama”, yi t̄uoiã m̄u. Dios ĩ gotirisere riojo riasogũ ña m̄u. Riojo gotigu m̄u ñajare m̄ure seniña ḡua: “¿Roma c̄uto gagũ Ʃjũre ĩ rotiado bajiroti ĩre ḡua waja yija quenati? ¿ĩre ḡua waja yibeja c̄uni quenatite?” yi seniñayijarã ĩna Jesure.

¹⁵ ĩna t̄uoiãrise masiyijũ Jesús. Ito bajiri ado bajiro ĩnare c̄udiyijũ ĩ:

—¿No yija yũre r̄uo ãmoati m̄ua? Niyeru cuji yũre ãmi ĩsitẽña. Tirocũ ya yũ, yiyijũ Jesús ĩnare.

¹⁶ Ito ĩ yija t̄uocõri, niyeru cuji ĩre ãmi ĩsiyijarã ĩna. Iti cujire ticõri ado bajiro ĩnare seniñayijũ Jesús:

—¿Ñimũ ya rio ñati m̄ua tija? Ito yicõri, ¿ñimũ wame ucare wãñati ado? yiyijũ Jesús ĩnare.

Ito yija ado bajiro Jesure c̄udiyijarã ĩna:

—Ʃjũ César ya rio bajiro bajia, yiyijarã ĩna Jesure.

¹⁷ ĩna ito yija t̄uocõri, ado bajiro c̄udiyijũ Jesús:

—César ye iti ñajama ĩre ĩsija quena. Ito yicõri Dios ye iti ñaja c̄uni ĩre ĩsija quena, yiyijũ Jesús ĩnare. Ito bajiro Jesús ĩ yija t̄u Ʃcayijarã ĩna.

¿Godacõri t̄udi caticoarã yirãjida masa? yi Jesure ĩna seniñare gaye

(Mt 22.23-33; Lc 20.27-40)

¹⁸ Ito yija saduceo gaye t̄uoiãrã coriarã Jesure tirona ejayijarã ĩna. “Masa ĩna godaja t̄udi catire ma”, yi t̄uoiãrã ñayijarã saduceo gaye t̄uoiãrã. Ito bajiri Jesure seniñarona ejayijarã ĩna ĩ t̄u:

¹⁹ —T̄uoya Riasogũ m̄u. Ado bajiro manire ucañi Moisés ñayorũ: “Rĩjorũ ñasogũ rĩa macuti ĩ manojore ĩ godagoja ĩ ocabaji manjo c̄uti wasoaja quena. Ito bajiro yiguti ĩ rĩjorũ ñabojarũre rĩa c̄uti ĩsigũ yiguĩji”, yi ucañi Moisés ñayorũ, yiyijarã ĩna Jesure. ²⁰ Ito bajiri m̄ucana gaje oca goti remoyijarã ĩna Jesure:

—Jane mejeju s̄igũ ñayijũ. Co ãmojeno ñarã ocabajirã c̄utiyijũ ĩ. Cajero manjo c̄utis̄uoyijũ ñasogũ. Rĩa macuti ĩ manojore godagocoayijũ ĩ. ²¹ Ito bajiri manujũ godagorore manjo c̄utiyijũ ĩ bero gagũ m̄ucana. Ito yicõri ĩ c̄uni rĩa macuti cõcoayijũ. Ito bajiri ĩ bero gagũ iso rãcati manjo c̄utiyijũ m̄ucana. ²² Ito bajiroti ñasogũ ñajacũ ĩ ocabaji mesa ĩna jeyaro isore manjo c̄utibojayijarã ĩna. Iso rãca rĩa c̄utimena riti goda jedicoayijarã ĩna. ĩna goda jedija beroju godayijo ĩna manjo ñabojaro ĩja. ²³ “Masa ĩna godaja m̄ucana t̄udi catirã yirãji”, ya m̄u. Riti m̄u gotija, ¿ñimũ rãca manujũ c̄utigo yigõjida iso m̄ucana t̄udi caticõri? ĩna jeyaro manjo ñañi iso, yiyijarã saduceo gaye t̄uoiãrã Jesure.

²⁴ Ito ĩna yija t̄uocõri, ado bajiro c̄udiyijũ Jesús:

—Dios oca tutire masibeja m̄ua. ĩ masirisere c̄uni masibeja m̄ua. Ito bajiri masibiticõri, wisa m̄ua. ²⁵ T̄udi catirã yirãji masa Dios t̄u cati ñarona. Itojũ manjo c̄utimenaji masa. Ũmacũju Dios ñaro gãna ángel mesa robo bajirã ñarã yirãji masa, yiyijũ Jesús ĩnare.

²⁶ Ito yija gaje goti remoyijũ Jesús ĩnare: “Godabojarãti m̄ucana t̄udi catirã yirãji masa. ¿Moisés ñayorũ ĩ ucare tĩabeati m̄ua? Yucũ Ʃjũricũ watoju Dios ĩ b̄usire ruyuyijũ Moisésre. Ado bajiro Moisésre b̄usiyijũ Dios: ‘Abraham ñayorũ yũre r̄ucub̄ogũ yami. Isaac ñayorũ ito yicõri Jacob ñayorũ c̄uni yũre r̄ucub̄orã yama ĩna’, yiyijũ Dios Moisés ñayorũre. ²⁷ ĩna Ʃdiarã yũre r̄ucub̄orã yama’, Dios ĩ yija, catiri seyoama ĩna. Dios t̄ujũ ñarãji ĩna. Godarã meje ñama ĩna. B̄uto t̄uoiã wisa m̄ua”, yiyijũ Jesús saduceo gaye t̄uoiãrãre.

Dios ĩ rotirise ñasarise gaye

(Mt 22.34-40)

²⁸ Judio masa rotirise riasori masu Jesús rāca ĩna busiroca tuo ñayiju ĩ. Ito bajiri, “Queno cūdiami Jesús”, yi tuo ñayiju ĩ. Ito bajiri Jesús tujua wayiju ĩ ĩja ĩre seniāarocu:

—¿Disejua ñati Dios rotirise ñasarise? yi seniāayiju ĩ Jesure.

²⁹ Ito yija ado bajiro cūdiyiju Jesús ĩre:

—Dios ĩ rotirise ñasarise ado bajiro gotia: “Tuo ya Israel sita gāna mua. Dios sīgūti ñami mani Uju. ³⁰ Dios mani Ujare buto mani maija quena. Mani ya usijuna, mani tuoārisena, ito yicōri mani sēorisena cūni Diore buto mani maija quena”, yi gotia Dios ĩ rotirise ñasarise. ³¹ Iti bero gaye ito bajiro gotia: “Manimasiti mani mairo bajiro gājerāre cūni maija quena”. Disejua gaje Dios ĩ rotirise rētoro ñasarise manoja, yiyiju Jesús judio masa rotirise riasori masare.

³² Ito yija ado bajiro yiyiju judio masa rotirise riasori masu Jesure:

—Queno ya riasogu mu. Ri ya mu. Dios sīgūti ñami. Nijua gāji mami. Ito mu yirise riti ña. ³³ Mani Diore maija quena. Mani ya usijuna, mani tuoārisena ito yicōri mani sēorisena cūni Diore maija quena. Manimasiti mani mairo bajiro gājerāre cūni maija quena. Diore mani maija, masare cūni mani maija, iti ña ñasarise. Diore waibucurā soe ĩsiado rēto busaro quena ñaroja Diore ito yicōri masare cūni mani maija, yiyiju judio masa rotirise riasori masu Jesure.

³⁴ ĩ queno cūdija tuocōri, ado bajiro yiyiju Jesús ĩre:

—Yu tija jabeto ru ya, “Yu Uju ñami Dios”, mu yi tuoāroto, yiyiju Jesús ĩre.

Ito bajiro Jesús ĩ yija tuocōri, sīgūjua seniāa remo yibisijarā ĩja. “Mani rētoro masigū ñaguji Jesús”, yi tuoāyijarā ĩna. Ito bajiri ĩre seniāa remobisijarā ĩja.

¿Ñimua janami ñayijari Cristo mua tija? yi Jesús ĩ seniāare gaye

(Mt 22.41-46; Lc 20.41-44)

³⁵ Co rumu Dios ya wiju masare riaso ñagū ado bajiro seniāayiju Jesús ĩnare:

—“David ñayoru janerābatia janami ñaguji Cristo”, yicā Dios ĩ rotirise riasori masa. ¿No yija itire yicati ĩna? ³⁶ Jane mejeju Espiritu Santo ĩ ejabuarisena ado bajiro ucañi David ñayoru:

Cristo, Dios cōaru yu Uju ñami ĩ. ĩ ñicuju yu ñabojarocati yu Uju ñami Cristo, yi ucañi David ñayoru. Gaje uca remoñi David: Yu Uju Cristore ado bajiro gotiñi Dios: “Yu ya riojocaduja rujiya. Mu wajanare mu rotiroca yigu yiguja yu”, yiñi Dios yu Ujare, yi ucayoñi David.

³⁷ ¿No yija, “Yu Uju ñami Cristo”, yiyijari David ñayoru? Cristo David janerābatia janami ñacōri, ¿no bajiro David uju bajiyijari Cristo? David ñayoru janerābatia janami ĩ ñaja, “Yu Uju”, yibitiboru David, yiyiju Jesús ĩnare.

Jesús queno busija tuocōri, wanu quenayijarā masa.

“Seti ña muare”, fariseo gaye tuoāarāre Jesús ĩ yire gaye

(Mt 23.1-36; Lc 11.37-54; 20.45-47)

³⁸ Masare ado bajiro riasoyiju Jesús:

—Judio masa rotirise riasori masa robo mua yibe yirona queno tuoāña mua. Tite. Ado bajiro yama ĩna. Yutabujuri quenarise yoarise sāñacōri masa ĩna tiro riojo wa ucu āmorāji ĩna. Ito yicōri cuto gudareco gājire ĩna canamuoja, rucubhore rāca seniāare āmorāji ĩna. ³⁹ Minijuara wiju sājacōri rucubhore cumuro riti ruji āmorāji ĩna. Ito yicōri basari rumu cūni ñasari masa tu riti ba ruji āmorāji ĩna. ⁴⁰ Manuju godagoana romiare cūni ĩna ya wiri ēmarāji ĩna. Ito yicōri masa ĩna tiro riojo yoari Diore busirāji ĩna. “Queno yirā ñama ĩna”, masa yi tuoājaro yirona yoari Diore busirāji ĩna. Ito bajiro ĩna yija quenabetoja. Ito bajiri ñeñaro ĩna yirise waja, waja yirā buto busa quenabeto tōbujarā yirāji ĩna. ĩna robo mua yibe yirona queno tuoāña mua, yiyiju Jesús masare.

Wajeago bojoro bujago Diore niyeru iso ĩsire gaye

(Lc 21.1-4)

⁴¹ Co rumu Dios ya wi sājacōri niyeru cūra jedo tu rujiyiju Jesús. Iti jedoju masa ĩna niyeru Diore cū ĩsija tiyiju Jesús. Gajeoni jairā jaje niyeru Diore cū ĩsiyijarā iti jedoju. ⁴² Ito

yija bojoro bujago ejayijo. Manujū godagoro ñayijo iso. Jua cuji niyeru kujiri sāyijo iso. Cobre ñayijū iti kujiri. Jabetacā waja cutirise ñayijū iso sārise. ⁴³ Ito yija ī rāca riasotiri masare jimioyijū Jesús:

—Riti mware gotia yū. Adio bojoro bujago ñabojagoti queno Diore ĩsimo iso. Gajeoni jairā rēto busaro ĩsimo iso. ⁴⁴ Gajeoni jairāre jaje ña niyeru. ĩna ĩsibojarocati jairo rāya ĩnare maji. Isoama bojoro bujago ñabojagoti ĩsi jeomo iso. Iso bare waja yiroti Diore ĩsi jeocōmo iso, yiyijū Jesús ī rāca riasotirāre.

13

Dios ya wi ōjea bate godaro yiroja, Jesús ī yire gaye

(Mt 24.1-2; Lc 21.5-6)

¹ Dios ya wijū ñarū Jesús ī budirocati ado bajiro yiyijū ī rāca riasotigū:

—Tiya Riasogu mū. Quenari wi ña iti wi. Gūta quenarisena queno wi meniñi ĩna, yiyijū ĩ Jesure.

² Ito ī yija tucōri, ado bajiro cudiyijū Jesús ĩre:

—Iti wire queno tiya mū. Jana batecōrā yirāji masa iti wire. Ito yicōri ñajediro gūtagārire rea baterā yirāji masa. Ito bajiri adi wi gaye gūtagā gajega joe jesabeto yiroja. Narocōti godacoaro yiroja, yiyijū Jesús ĩre.

Adi ũmuari jediroto riojua ado bajiro rētarō yiroja, Jesús ī yire gaye

(Mt 24.3-28; Lc 21.7-24; 17.22-24)

³ Ito yija bero Olivos wame cutiri turia majacōri rujiyijū Jesús. Iti turia riojo sōjū busa ñayijū Dios ya wi. Jesure ricati oca seniārona ī tū eja rūgūyijarā Pedro, Santiago, Juan, ito yicōri Andrés cūni:

⁴ —¿Nocāta rētarō yirojada mū yirise? ¿No bajiro ti masirā yirājida gūa? Mū yirise rētaroto riojua, ¿ñere tisuorā yirājida gūa? yiyijarā ĩna Jesure.

⁵ ĩna ito yija tucōri, ado bajiro gotiyijū Jesús ĩnare:

—Queno tucōiaña gājerā mware ruobe yirona. ⁶ “Dios ī cūana ña gūa”, yi ruorā yirāji ĩna mware. Ito bajiroti masa jājarāre ruorā yirāji ĩna.

⁷ Masa gāmeri jarise ocare mūa tūoja, gūibeja. Ito yicōri masa gāmeri sārise ocare mūa tūoja cūni, gūibeja. Ito bajiroti rētarō yiroja. Ito bajibojarocati sūsari rūmū meje ñaroja maji. Jaje ñenarise rētarō yiroja sūsari rūmū ejaroto riojua. ⁸ Co butu gāna gāmeri sārā yirāji gaje butu gāna rāca. Ito yicōri co sita gāna gāmeri sārā yirāji gaje sita gāna rāca. Co cuto ruyabeto sita ũero yiroja. Ito yicōri bare jediro yiroja. Ito bajiri ñiocōrā yirāji masa. Quenabeto tōbujasurā yirāji ĩna. Ito bajibojarocati buto busa rētarō yiroja maji.

⁹ Queno masima gājerā mware ñiname yirona. Mware ñiacōri ñasari masa tū āmi warā yirāji ĩna. Ito yicōri minijuara wijū mware bajerā yirāji ĩna. Yure tuorūnurā mūa ñajare ũjarā riojo mware jidi rūgōrā yirāji. ĩna tiro riojo, “Jesure tuorūnurā ña gūa”, yirā yirāji mūa. ¹⁰ Sūsari rūmū riojua Dios oca quenarisere masa jeyaro masi jedirā yirāji ĩja. ¹¹ Mware ñiacōri ũjarā riojo mware āmi cūrā yirāji ĩna. Ito bajiro mware ĩna yibojarocati gūibeja. ũjarāre mūa cudiroti buto tucōia oca jaibeja. ĩnare mūa queno cuditoni gotigū yiguūji Espiritu Santo. Mūa meje busirā yirāji. Espiritu Santo mware quedī sājacōri busigū yiguūji ī, yiyijū Jesús ī rāca riasotirāre.

¹² Mucana ĩnare gaje goti remoyijū Jesús:

—Sīgū rīa ñabojarāti ĩna ñarāre sīa rotirā yirāji. Ito yicōri ĩna jacū ī rīare sīa rotigū yiguūji ī. ĩ rīa cūni ito bajiroti ĩna jacure sīa rotirā yirāji. ¹³ Yure mūa tuorūnūja ticōri, buto junisirā yirāji ĩna. Ito bajibojarocati no yure tuorūnūgūreti masogū yiguūji Dios. ĩre catitīñare ĩsigū yiguūji Dios, yiyijū Jesús ĩnare.

¹⁴ Diore goti ĩsiri masū ñayorū ī ucagore ticōri queno tucōiaña mūa: “Co rūmū, rūmū buto buogu cūrā yirāji masa Dios ya wijū. Quenabetoja iti”, yi ucañi Diore goti ĩsiri masū. ĩre mūa tija ejori rudi waja. Judea sitajū mūa ñajama, gūtagūjū rudi waja. ¹⁵ Mūa ya wi rijogodojū mūa ñaja, gajeoni āmirā ruji wabeja. Mūa ruji waborijū manoja mware.

¹⁶ Weseca moarã mua ñaja cuni, yutabujure ãmirã wiju tũdi wabeja. Mua tũdi waboriju manoja muare. ¹⁷ Romia rĩa sãñarã ñna ñaja bũto guijoro yiroja susari rumuri. Ūjurã rucorãre cuni ito bajiroti guijoro yiroja. ¹⁸ Susari rumu juebucu ñaroca iti rẽtame yirona Diore seniña mua. ¹⁹ Susari rumuri riojua ñeñaro tũbujarã yirãji masa. Dios adi macãrucũro ĩ rujeoja bero ñna tũbujado rẽto busaro tũbujarã yirãji masa ĩja. Ito bajiro mucana tũdi rẽtabeto yiroja ĩja. ²⁰ Yoari quenabiti rumuri iti ñaja sigũ ruyabeto goda jedirã yirãji masa. Ito bajibojarocati ĩ ñarã ĩ beseanare maicõri, yoari meje busati cũgũ yiguĩji quenabiti rumuri.

²¹ 'Sigũ ĩ muare gotija: "Tiya adoju ñami Cristo", ĩ yija, tũobeja ĩre. Gãji muare ĩ gotija, "Titẽña õju ñami, Dios ĩ cõaru", ĩ yija, cudibeja ĩre cuni. ²² Ruori masa jãjarã wadirã yirãji. "Yuti ña Cristo", "Yuti ña Diore goti ĩsiri masu", yirã yirãji ñna. Ito yicõri masare ruo ãmorã ñna masiro bajiro guijoro tiyamani ñnare ĩorã yirãji ñna. Dios ĩ beseanare cuni ruo ãmobojarã yirãji ñna. ²³ Queno tũoĩa masiña mua. Iti rẽtaroto riojua muare goticã yu. Ito bajiri queno bajiya mua, yiyiju Jesús ñnare.

Yu Masa Rijoru tũdi ejagu yigũja, Jesús ĩ yire gaye
(Mt 24.29-35,42,44; Lc 21.25-36)

²⁴ Quenabeto masa ñna tũbujari rumuri bero ũmacañi ĩ busurise jediro yiroja. Ñami gagu ito bajiroti bajigu yiguĩji. Ito bajiri busumenaji ñna ĩja. ²⁵ Nõcõa cuni nũruorã yirãji. Ito yicõri quedirã yirãji ñna. ²⁶ Ito baji ñaroca yu Masa Rijoru ñajare yure tirã yirãji masa. Ide bueri watoju bũto masirise rãca wadigu yigũja yu. Ito yicõri busurise rucogu wadigu yigũja yu. ²⁷ Ūmacũju Dios ĩ ñaro gãna ángel mesare cõagũ yigũja yu masare ñna ãmitoni. Ito bajiri macãrucũro ñarocõti bata warã yirãji ñna, Dios ĩ beseanare miojurona.

²⁸ Higuera wame cutiricu ocare tũo masiña muare yu gotija. Ito bajiri itigu jũ buja ticõri, "Jabeto ruya cuma ejaroto", yi masia mani. ²⁹ Ito bajiroti yu gotiado bajiroti iti rẽtasũoja ticõri, "Jabeto ruya Masa Rijoru ĩ tũdi wadiroto", yi masirã yirãji mua. Sõju meje ñagũ yigũja yu. ³⁰ Riti muare gotia yu. Adi rumuri gãna ñna goda jediroto riojua, yu busiro bajiroti rẽtaro yiroja. ³¹ Adi sita, macãrucũro cuni jedicoaro yiroja. Ito bajibojarocati yu ocama jedibetoja. Yu gotiado bajiroti rẽtaro yiroja.

³² 'No yicõri yu tũdi wadiri rumu masire ma masare. Ūmacũju gãna ángel mesa cuni masimenaji. Yu Dios Macu ñabojaguti masibea yu cuni. Mani Jacu Dios sigũti masiami yu tũdi wadiroti rumu.

³³ 'Ito bajiri queno tirũnuma mua. Yu wadiri rumu mua masibea queno tirũnuma mua. ³⁴ Muare oca gotia yu. Queno tũoya. Wi ujũ ñayiju sigũ. Wa ucugu warocu ĩ ya moari masare wi code rotiyiju ĩ. ĩ waroto riojuaju ñna moaroti gotiyiju ñnare. Ito yicõri soje coderi masure tirũnu rotiyiju wi ujũ. ³⁵ ĩ robo bajiro wacu yigũja yu cuni. Ito bajiri queno tirũnuña mua. Yu wadiroti masibea mua. Rãiocũro, ñami gudareco, cara yujirocati, busuri yu wadiroti masibea mua. ³⁶ Itocõti yu ejaja canibeja. Masimena bajiro bajibeja. ³⁷ Muare yu gotirise masa jeyarore goti jeocõa yu. Queno tirũnuña mua, yiyiju Jesús ñnare.

14

Jesure ñia ãmorã ñna cunire gaye
(Mt 26.1-5; Lc 22.1-2; Jn 11.45-53)

¹ Juã rumu ruyayiju basa ñna meniroto. Naju wadarise uco wũoya mani bare basa ñayiju. Iti wame ñayiju Pascua. Iti rumuri Jesure sĩa ãmoyijarã paia ujarã, judio masa rotirise riasori masa cuni. Jesure ñia ãmorã, "¿No bajiro ĩre oca menirujati mani?" yi tũoĩayijarã ñna. ² Ado bajiro yiyijarã coriarã:

—Pascua basa ñaroca Jesure mani ñiaja, masa junisinirã yirãji manire. Ito bajiri ĩre ñiabitiruja mani Pascua basa iti ñaroca maji, yiyijarã ñna.

Romio Jesús ya rijogaju sutirise iso jiojeore gaye
(Mt 26.6-13; Jn 12.1-8)

³ Betaniajũ Jesús ï ña ucurocati Simón rujũ cami cõtigorũ ya wiju ñayijũ ï. Ito ñna ba rujirocaci romio ejayijo ñna tu. Gũta alabastro wame cõtirisena ñna meniraga rucoyijo iso. Itigajũ nardo úye jiocõri ñmi ejayijo iso. Queno sũti quenarise ñayijũ iti. Godana rujũre turoti ñayijũ nardo úye. Iti ñayijũ bũto waja rũcũrise. Itiga ñmũmare wẽjeacõri Jesús ya rijoga joejũ úye jio guyijo iso. ⁴ Ito bajiro iso yija ticõri, itijũ ñarã coriarã junisiniyijarã:

—¿No yija úyere rocaci cõati iso? ⁵ Iti úye trescientos waja cõtibojabũ. Iti waja niyeru bũjacõri bojoro bũjarãre ïsirũjaboyija isore, yiyijarã coriarã ñnamasiti tuoĩa bũsirã.

Ito bajiro tuoĩacõri isore tudiyijarã ñna.

⁶ Ito ñna yija tuocõri, ado bajiro yiyijũ Jesús ñnare:

—Isore tudibesa mũa. ¿No yija isore rũcũbũobeati mũa? Iso yirise quenasacõa yũre.

⁷ Mũa rãca riti ñatĩñarã yirãji bojoro bũjarã. Ito bajiri ñnare ejabũatĩñarã yirãji mũa. Yũama mũa rãca ñatĩñabicũ yigũja. Ito bajiri mũa rãca yũ ñaroca maji yũjũare ejabũaja quena. ⁸ Adio iso tuoĩaro bajiro queno yũre yimo iso. Yũ godaroto riojũa yũ ya rujũre úye queno sũti quenarise tumo iso. ⁹ Riti mũare gotia yũ. Dijũ Dios oca quenarise ñna riasoja yũre queno iso yigore gaye tuorã yirãji masa. Ito bajiri iso queno yirise tuoĩacõri, isore ñcabojamenaji ñna, yiyijũ Jesús ñnare.

Jesure ñna ñiatoni Judas ï oca menire gaye

(Mt 26.14-16; Lc 22.3-6)

¹⁰ Ito yija paia ñjarã rãca bũsirocũ wayijũ Judas Iscariote. Jesús rãca riasotirã jũa gũbojeno ñagũ ñayijũ ï. Jesure ñiatoni paia ñjarãre gotiyijũ ï. ¹¹ ï gotija tuocõri, wanũyijarã ñna:

—Niyeru mũre ïsiana gũa, yiyijarã ñna Judasre.

Ito bajiri, “Jesure ñna ñna masitoni, ¿no bajiro ñnare ïorũjati yũ?” yi tuoĩasũoyijũ Judas.

Jesús ï basũsare gaye

(Mt 26.17-29; Lc 22.7-23; Jn 13.21-30; 1 Co 11.23-26)

¹² Najũ wadarise uco wũoya mani bare basa ejayijũ, Pascua basa ñasũori rũmũ. Oveja macũ Diore soe ïsiri rũmũ ñayijũ iti rũmũ. Iti rũmũti Jesús rãca riasotiri masa ado bajiro seniĩayijarã ïre:

—¿Nojũ gũa ware ñmoati mũ, bare meni yurã Pascua basa baroti? yiyijarã ñna Jesure.

¹³ Ito yija jũarã ï rãca riasotirãre goti ñucayijũ Jesús:

—Cũto wasa. Itojũ ñmũgũ ide gõnaradũna ide gõnagũre ti bũjarã yirãji mũa. ïre Sũya waja. ¹⁴ Sũya sãjacõri wi ñjũre seniĩama: “Manire riasogũ ado bajiro yimi: ‘¿Nojũ ñati yũ rãca riasotirã rãca Pascua basa menirã gũa baroti sõa?’ yimi mani Ujũ gũare”, yiba mũa, yiyijũ Jesús ñnare. ¹⁵ Ito bajiro mũa yija tuocõri, co sãnimũ weca ñari sõa jajo sõa mũare gotigũ yiguĩji. ñna quenocãra sõa ñaroja. Ito bajiri iti sõajũ bare menima mani baroti, yiyijũ Jesús ñna jũarãre.

¹⁶ Ito ï yija tuocõri, ñna jũarã wayijarã. Wacõri cõttojũ ejayijarã. Itojũ Jesús ï gotiado bajiroti ti ejayijarã ñna. Itojũ Pascua bare meniijarã ñna ïja.

¹⁷ Iti rãiosũorijũ ejayijũ Jesús ï rãca riasotirã rãca. Jũa gũbojeno ñayijarã ñna. ¹⁸ ñna baroca ado bajiro gotiyijũ Jesús ñnare:

—Riti mũare gotia yũ. Mani wato sīgũ ñami yũ rãca bagũ. Yũre ñiajaro yirocũ gãjerãre gotigũ yiguĩji ï, yiyijũ Jesús ñnare.

¹⁹ Ito bajiro ï yija tuocõri, bũto bojori bũjayijarã ñna. Ito yicõri ñnacõti Jesure ado bajiro seniĩasũoyijarã:

—¿Yũjũa ñati? yi jedi wayijarã ñna.

²⁰ Ito yija Jesús cũdiyijũ ñnare:

—Jũa gũbojeno ñagũ yũ ya tẽroti yũ rãca najuro weo bagũ ñami ï. ²¹ Dios oca tuti iti gotiro bajiroti rẽtaro yiroja yũre. Yũ ña Masa Rĩjorũ. Yũre ñiacõri sãrã yirãji masa. ñni, gãjerã yũre ñiajaro yirocũ gotigũ, bũjato bũjagũ yiguĩji. Ito bajiri ï rujeabeja quenaboyija ïre, yiyijũ Jesús ñnare.

²² Īna baroca riti ĩ ya āmojũ najuro āmi rucoyijũ Jesús. “Queno ya Dios mũ”, yiyijũ Jesús. Najuro igata batocõri ĩsiyijũ ĩnare. Ito yicõri ado bajiro ĩnare gotiyijũ Jesús:

—Īmo baya. Adi ña yũ ya rujũ robo bajiro bajirise.

²³ Ito yija Jesús ĩ ya āmona rujatẽro āmiyijũ. Iti tẽro rucoõri, “Queno ya Dios mũ”, yiyijũ ĩ. Ito bajiro yicõri ĩnare ĩsi ñucayijũ Jesús. Ito bajiri ĩna ñarocõti idi jediyijarã.

²⁴ Ito yicõri ado bajiro ĩnare gotiyijũ Jesús:

—Adi ña yũ ya rí robo bajiro bajirise. Yũ ya rí iti budija jãjarã masa ñeñaro ĩna yirisere coero yiroja. Yũ ya rí yũre iti budija ticõri, “Dios ĩ gotiado bajiroti yami ĩ”, yi masirã yirãji masa. ²⁵ Riti mũare gotia yũ, juaji uyé ide idibicũja yũ maji. Dios ĩ rotirojũ ejacõri gajero bajirise idigũ yigũja yũ mũcana, yiyijũ Jesús ĩnare.

“*Jesure masibea yũ*’, yigũ yigũja mũ”, Pedrore Jesús ĩ yire gaye
(Mt 26.30-35; Lc 22.31-34; Jn 13.36-38)

²⁶ Ito yija Diore basa tĩocõri Olivos wame cutiri turiajũ wayijarã ĩna. ²⁷ Ito ĩna waroca ado bajiro yiyijũ Jesús ĩnare:

—Yũre tuorũnurã ñabojarãti tuoĩa jidicãrã yirãji mũa. Ito bajiri yũre jidicãcõri wagorã yirãji mũa ñarocõti, yiyijũ Jesús. Ito bajiroti gotia Dios oca tuti cuni. Tite mũa: “Oveja coderi masũre sĩagũ yigũja yũ. Ito bajiri ĩ ya oveja rudi batecoarã yirãji”, yi gotiami Dios ĩ oca tutina. ²⁸ Yũre ĩna ñiaja ticõri, rudi batecoarã yirãji mũa. Ito bajibojarocati yũre ĩna sĩaja bero mũcana tũdi catigũ yigũja yũ. Tũdi caticõri mũa riojũna bũsa Galilea sitajũ wacũ yigũja yũ, yiyijũ Jesús ĩnare.

²⁹ Ito ĩ yija tuocõri, ado bajiro yiyijũ Pedro:

—Īnama mũre jidicãrã yirãji. Yũama bajibicũja, yiyijũ Pedro Jesure.

³⁰ Ito ĩ yija tuocõri, ado bajiro cũdiyijũ Jesús ĩre:

—Riti mũare gotia yũ. Adi ñamiti cara juaji yujiroto riojũna udiãji, “Jesure masibea yũ”, yigũ yigũja mũ, yiyijũ Jesús Pedrore.

³¹ Ito ĩ yija tuocõri, ado bajiro yiyijũ Pedro:

—Meje, “Jesure masibea yũ”, yibicũja yũ. Yũre ĩna sĩa āmoja cuni, “Jesure masibea yũ”, yibicũja yũ, yiyijũ Pedro Jesure.

Pedro ĩ yiro bajiro riti yi jediyijarã ĩna.

Getsemaní wame cutiri wesejũ Jesús ĩ Diore rũcũbũore gaye
(Mt 26.36-46; Lc 22.39-46)

³² Ito yija Getsemaní wame cutiri wesejũ wayijarã ĩna. Itojũ ejacõri ĩ rãca riasotirãre ado bajiro gotiyijũ Jesús:

—Õ Diore bũsigũ yũ waroca riti, ado rujiya maji, yiyijũ Jesús ĩnare.

³³ Ito bajiri udiãrãre āmi wayijũ Jesús. Pedro, Santiago ito yicõri Juanre cuni āmi wayijũ ĩ. Īna waroca riti bũto tuoĩa bojori bũjasũoyijũ ĩ. ³⁴ Ito bajiri ado bajiro yiyijũ Jesús ĩnare:

—Yũ ya usijũ bũto tuoĩa bojori bũja yũ. Ito bajiri goda wacũ ya yũ yiado bajia yũre yũ ya usijũ. Ado tujaya mũa maji. Canimenati yũre bocati ñama mũa, yiyijũ Jesús ĩna udiãrãre.

³⁵ Ito yicõri ĩna riojũna sõjũna bũsacã wayijũ Jesús. Ito wacõri ĩ ya rio sitajũ muqueacõri Diore bũsi ñayijũ ĩ. Quenabeto junirise ĩre rẽtabittoni Diore seniyyijũ Jesús. ³⁶ Diore bũsigũ ado bajiro yiyijũ Jesús:

—Cũna, ñejũna mũ yi masibiti manojã. Ito bajiri yũ tõbũjabe yirocũ, mũ yũre ejabũare āmoa yũ. Ito bajibojarocati yũ āmoro bajiro meje mũ yija quena. Mũ āmoro bajirojũna mũ yija quena, yiyijũ Jesús Diore.

³⁷ Diore bũsi tĩocõri tũdi wayijũ Jesús ĩna udiãrã tũjũ. Īna caniroca ejayijũ Jesús. Ito ĩna bajija ticõri, ado bajiro yiyijũ Jesús Pedrore:

—Simón, ¿canigũ yati mũ? Coji cõrecõ, ¿tirũnu sẽobeati mũa? ³⁸ Canibesa. Queno ti ñaña mũa. Ito yicõri Diore seniña, mũa ñeñaro yibe yirona. Mũa ya usijũama queno tuoĩarã ñabojarãti, mũa ya rujũna queno yi masibea mũa, yiyijũ Jesús Pedro mesare.

³⁹ Ito yija Diore busirocu wayiju Jesús mucana. Í senisuoado bajiroti gotiyiju Jesús Diore mucana. ⁴⁰ Diore busi tïocōri tūdi wayiju Jesús ña tujū mucana. Ñare wajo buto jeobuajare canicoayijarā ña. Ito bajiri ña caniroca ti bujayiju Jesús ñare. Yujicōri buto Jesure bojo tiyijarā ña. Ito bajiri ñre cūdi masibisijarā ña. ⁴¹ Juaji Diore basicōri mucana Diore busigu wayiju Jesús. Ito yija bero tūdi wayiju ña tū mucana:

—¿Cani tujarā yati mua maji? Itocō caniña mua. Yure ña ñiaroti rumu ejacoaju ñja. Yū ña Masa Rïjoru. Ñeñara masa yure ñiajaro yirocu gotiri masu ejacoami ñja. ⁴² Ita. Wumña. Wato. Gājerā yure ñiatoni gotiri masu ejacoami, yiyiju Jesús ñ rāca riasotirāre.

Jesure ña ñiare gaye

(Mt 26.47-56; Lc 22.47-53; Jn 18.2-11)

⁴³ Jesús ñ busiroca riti ejayiju Judas. Jesús rāca riasotigu ñayiju Judas, juu gubojeno ñagū. Judas rāca masa jājarā wadiyijarā. Sarera jāi rucocōri, yucu rucocōri wadiyijarā ña. Ñare cōayijarā paia ujarā, judio masa rotirise riasori masa, ito yicōri bucūrā cūni.

⁴⁴ Judas Jesure ña ñiarotire gotiyiju ñare:

—Ado bajiro Jesure ñogū yigūja yū muare. Recoti yū usugū ñ ñagū yiguñi. Ñre yū ñoja bero queno ñiama mua, muare ñ rudibe yirona, yiyiju Judas.

⁴⁵ Ito ejacōri Jesús tū eja rügūyiju Judas. Ito yicōri Jesure ado bajiro yiyiju ñ:

—¿Ñati yure Riasogu mu? yi ejayiju Judas.

Ito yicōri Jesure usuyiju ñ. ⁴⁶ Ito ñ yija ticōri, ña ya āmona Jesure āmi wayijarā ña, ñ rudibe yirona.

⁴⁷ Ito tū rügōgū ñ ya sarera jāi tūaweā āmiyiju. Ito yicōri paia ujure moa ñsiri masure ñ ya gāmoro jatayiju ñ. ⁴⁸ Ito bajiro ñ yija ticōri, ado bajiro yiyiju Jesús masare:

—¿Sarera jāi rucocōri, yucu rucocōri yure ñiarā wadiri mua? ¿Yū riniri masu meje ñabobarocati, “Riniri masu ñaguñi”, yirona yure ñiarā wadiri mua? ⁴⁹ Co rumu ruyabeto Dios ya wijū mua wato ñasotibu yū, muare riasogu. Ito yū ñabobarocati yure ñiabiticu mua maji. Mua yure ñiaja, Dios oca tuti gotiado bajiro rēta yure, yiyiju Jesús ñare.

⁵⁰ Ito yija Jesure ña ñiaja ticōri, ñ rāca riasotiri masa ñarocōti rudi batecoayijarā ña ñja.

⁵¹ Sīgū mamū ña Jesure āmi warocati sūya wayiju ñare. Saya jāina riti gūmayiju ñ. Ito ñ ñaroca ñre ñiabojayijarā itiju ñarā. ⁵² Ito bajibobarocati saya jidi queocōri ñe macuti ũmaquedi wayiju ñ.

Ujarā ñasarā, “Seti ña mure”, Jesure ña yire gaye

(Mt 26.57-68; Lc 22.54-55,63-71; Jn 18.12-14,19-24)

⁵³ Ito yija paia uju ñasagu ya wijū Jesure āmi wayijarā ña. Ito bajiro yicōri minijuayijarā paia ujarā ñarocōti. Judio masa rotirise riasori masa, bucūrā cūni minijuayijarā ña.

⁵⁴ Pedro sōju busaju sūyayiju ñare güigu. Paia uju ñasagu ya wi ñari tūcūro ejayiju ñ. Itoju ejacōri tujacoayiju Pedro ñja Dios ya wi coderi masa rāca. Ito yicōri ña rāca jea sumayiju ñ.

⁵⁵ Ito bero paia ujarā ito yicōri ujarā ñasarā cūni Jesure sīa āmoyijarā ña. Ito bajiri, “Ado bajiro ñeñaro yami Jesús”, yi rucō gotironare āmabojayijarā ña. No yi buja masibisijarā ña. ⁵⁶ “Adi seti ña Jesure”, jājarā ña yi rucobobarocati sīgū tūoñaro bajiro meje tūoñā busiyijarā ña. ⁵⁷ Coriarā wumū rügōcōri busi tudiyijarā Jesure:

⁵⁸ —Í busija tuobu guu: “Dios ya wi masa menira wi jana batecōcūja yū. Ito bajibobarocati udia rumu beroti mucana iti wire jōrojocūja yū, masa menire gaye meje”, yimi Jesús, yiyijarā ña.

⁵⁹ Ito bajibobarāti sīgūre bajiro meje tūoñayijarā ña.

⁶⁰ Ito yija paia uju wumū rügūyiju ña wato. Ito yicōri Jesure seniñayiju ñ:

—¿Cudibeati mu? ¿Ñeonire mure busituati ña? yiyiju paia uju Jesure.

⁶¹ Ito bajiro ñ yibobarocati itire cudibisiju Jesús. Cudibicūti tujayiju ñ. Ito bajiri mucana tūdi seniñayiju paia uju ñre:

—¿Muti ñati Cristo, Dios Macu? yiyiju ñ Jesure.

⁶² Ito ï yija tucõri, ïre cudiyijũ Jesús ïja:

—Aũ, ïti ña yũ, yiyijũ Jesús. Yũ ña Masa Rïjorũ. Ija Dios rãca ï ya riojocadũja yũ rujija tirã yirãji mũa. Yũ Jacũ Dios rãca ïmacũjũ ide bueri rãca gũa ruji wadija tirã yirãji mũa, yiyijũ Jesús ïnare.

⁶³ Jesús ito ï yija tucõri, ïmasiti ï ya yutabuju ñigãiyijũ paia ẽjũ. ï junisinirisere ïorocũ ito bajiro yiyijũ ï. Ito yicõri ado bajiro yiyijũ ï:

—Gãjerã Jesure tore tuo ãmobeã yũ ïja. ⁶⁴ Mũa cũni tuobũ Diore Jesús ñeñaro ï yirise. Ito bajiri, ¿no bajiro ãmoati mũa? yiyijũ paia ẽjũ masare.

Ito bajiro ï yija tucõri: “Ïre sïarũja mani”, yi jediyijarã masa.

⁶⁵ Ito yija coriarã Jesure go ide eobate guyijarã ïna. Ito yicõri Jesús ya cajeã moabiãcõri ïre jayijarã ïna. Ïre jacõri ado bajiro seniãayijarã ïna:

—¿Ñimũ mũre jari? Recoti mũ tuo masijama, “Ï yũre jami”, yigũ yigũja mũ, yi ajeyijarã ïna Jesure.

Dios ya wi coderi masa cũni ï ya riojũ jayijarã ïna.

Jesure masibea yũ, Pedro ï yire gaye

(Mt 26.69-75; Lc 22.56-62; Jn 18.15-18,25-29)

⁶⁶ Ito ïna yiroca iti wi tũ ñari tũcũroju ñayijũ Pedro. Ito ï ñaroca paia ẽjũre moã ïsiri maso ejayijo ï tũ. ⁶⁷ Pedro jeame tũ ï rujija ticõri, ïre ti rũgõcoayijo iso. Ito bajiri ado bajiro yiyijo iso ïre:

—Mũ cũni Jesús Nazaret gagũ rãca wa ucuyija mũ, yiyijo iso Pedrore.

⁶⁸ Iso ito yija tucõri, ado bajiro cudiyijũ ï:

—Jesús rãca wa ucubiticũ yũ. Ïre masibea yũ. Mũ busirisere tuo masibea yũ, yiyijũ Pedro isore.

Ito yicõri sãjasuora soje tũjũã budi wayijũ ï. Ito ï bajiroca riti cara yujijijũ. ⁶⁹ Paia ẽjũre moã ïsiri maso mũcana Pedrore ti bũjacõri ado bajiro yiyijo itijũ ñarãre:

—Ñni ñami Jesús rãca riasotiri masũ, yiyijũ iso.

⁷⁰ Iso ito yija tucõri: “Ïre masibea yũ”, yiyijũ Pedro mũcana. Ito yija itijũ ñari masa ado bajiro yiyijarã Pedrore:

—Mũti ña ïna rãca gagũ. Mũ ña Galilea gagũ. ïna bajiroti busia mũ cũni, yiyijarã ïna ïre.

⁷¹ Ito yija ado bajiro cudiyijũ Pedro:

—Jesure masibesacõã yũ. Bũgũti yũ yija yũ ñeñaro tõbũroca yijaro Dios, yiyijũ ï. Ito mũa busigũre masibea yũ, yiyijũ Pedro.

⁷² Ito ï yirocati mũcana tũdi yujijijũ cara. ï yujija tucõri, Jesús ï gotire tuoïã bũjayijũ Pedro: “Cara juãji ï yujiroto riojũã udiãji, ‘Jesure masibea yũ’, yigũ yigũja mũ”, Jesús ï gotire tuoïãcõri bũto otiyijũ Pedro.

15

Pilato tũjũ Jesure ïna ãmi ejare gaye

(Mt 27.1-2,11-14; Lc 23.1-5; Jn 18.28-38)

¹ Iti bususũroca paia ẽjarã, bũcũrã cũni minijuayijarã. Ito yicõri judio masa rotirise riasori masa, ẽjarã ñasarã cũni ñajediro minijuayijarã. Minijuacõri Jesure ãmo siãcõri ïre ãmi wayijarã Pilato tũjũ. ² ï tũ Jesure ïna ãmi ejaroca ado bajiro seniãayijũ Pilato ïre:

—¿Mũti ñati judio masa ẽju? yiyijũ Pilato Jesure.

Ito ï yija tucõri, ado bajiro cudiyijũ Jesús ïre:

—Mũ yiro roboti ña, yiyijũ Jesús ïre.

³ Ito yija paia ẽjarã jaje oca meniyijarã Jesure. ⁴ Ito bajiri mũcana tũdi seniãayijũ Pilato Jesure:

—¿Cũdibesacõati mũ? ¿Masibeati mũ, jeyaro mũre oca menirã yama ïna? yiyijũ Pilato ïre.

⁵ ï ito yibojarocati ïre cudibisijũ Jesús. ï cudibeja ticõri, bũto tuoïã ucayijũ Pilato.

*Jesure s̄ar*uja mani, ñna yire gaye
(Mt 27.15-31; Lc 23.13-25; Jn 18.38-19.16)

⁶ Masa ñna basa ñaroca riti ado bajiro yisotiyijũ Pilato. S̄igũ tubiara wijũ ñagũre masa ñna bucõa rotija, ñre bucõayijũ Pilato. ⁷ Ito bajiro ñna yi ñari rũmũ tubiara wijũ s̄igũ ñayijũ Barrabás wame cutigũ. Masa s̄iangoana rãca tubiara wijũ ñayijũ Barrabás. Oca riawusacõri masa s̄iana ñayijarã Barrabás mesa. ⁸ Ito yija judio masa ejacõri Pilatore ado bajiro yiyijarã ñna:

—Mũ yisotiro bajiro, s̄igũre mũ bucõare ãmoa gũa, yiyijarã ñna ñre.

⁹ Ito yija Pilato cãdiyijũ ñnare:

—¿Ñimũre yũ bucõare ãmoati mũa? ¿Judio masa ujũre yũ bucõare ãmoati mũa? yiyijũ Pilato.

¹⁰ Jesure riti masa jãjarã ñna tũo s̄uyaja ticõri, bũto junisiniyijarã paia ujarã. “Gũajũare riti ñna tũo s̄uyaja quena”, yirona bũto junisiniyijarã ñna Jesure. Ito bajiri ñre ti terã Pilatore ñsiyijarã ñna. Ito bajiro ñna yija tũo masicõyijũ Pilato. ¹¹ Paia ujarã oca s̄ero masare busiyijarã. Ito yicõri ado bajiro ñnare gotiyijarã: “Pilatore seniteña, Barrabásre ñ bucõatoni”, yiyijarã ñna. ¹² Ito yija Pilato seniayijũ masare:

—¿Ñe yũ yire ãmoati mũa, “Judio masa ujũ ñami”, mũa yigure? yiyijũ Pilato masare.

¹³ Ito ñ yija tũocõri, awasã cãdiyijarã ñna:

—Yucutẽojũ ñre jaju s̄iãña, yiyijarã ñna.

¹⁴ ñna ito yija tũocõri:

—¿Ñe ñeñarise yicati ãni? yiyijũ Pilato masare.

Ito bajiro ñ yija tũocõri, mũcana tũdi awasã cãdiyijarã masa:

—Yucutẽojũ ñre jaju s̄iãña, yiyijarã ñna.

¹⁵ Ito yija masa rãca queno ñna ãmogũ Barrabásre bucõacõyijũ Pilato ñja. Ito yicõri, “Jesure bajeya mũa”, yi rotiyijũ ñ ya moari masare. ñna baje t̄ioroca masare ñsiyijũ Pilato, Jesure ñna jaju s̄iatoni.

¹⁶ Ito bajiri surara ãmi wayijarã Jesure iti sita gagũ ujũ ya wi totijũ. Ito yicõri surara ujarã ñarocõti minijuayijarã iti wijũ. ¹⁷ Iti wi totijũ ñacõri Jesure saya s̄ua ñiro s̄ayijarã ñna, ujũ ñ s̄ãñaro bajiro. Ito yicõri jota bedo seara bedo ñre jeoyijarã ñre. ¹⁸ Ito yicõri ado bajiro Jesure tũdi ajeyijarã ñna:

—Judio masa ujũ ñna mũ. Gũa bero catiba, yiyijarã ñna Jesure.

¹⁹ Ito yicõri ñ ya rijogajũ yucũna ñre jayijarã. Ito yicõri ñre go ide eobate guyijarã. ñ riojo rijomunigãna ñini r̄ujucõri ado bajiro ñre aja tudiyijarã ñna: “Mũ ñna ujũ ñasagũ”, yi aja tudiyijarã ñna Jesure. ²⁰ ñre aja tũdi t̄iocõri ñ ya yutabuju s̄uaro ruayijarã ñna. Ruagocõri mũcana ñ s̄ãnasuoadoti tũdi s̄ayijarã ñna mũcana. Ito yicõri Jesure yucutẽojũ jaju s̄iarona ñre t̄ua wayijarã ñna ñja.

Yucutẽojũ Jesure ñna jaju s̄iare gaye
(Mt 27.32-44; Lc 23.26-43; Jn 19.17-27)

²¹ Jesure ñna t̄ua waroca ñna tũ ejayijũ Simón wame cutigũ. Cirene cuto gagũ ñayijũ ñ. Alejandro, ito yicõri Rufo jacũ ñayijũ ñ. Jesús tũ Simón ñ r̄eta waroca ñ ya yucutẽore gaja rotiyijarã surara ñre.

²² Ito yija Jesure ãmi wayijarã Gólgota wame cutiri t̄ariajũ. “Rijoga gõa”, yireoni ñna iti Gólgota yire. ²³ Itojũ ejacõri Jesure uyé ide, mirra uco wusaro ñre iobojayijarã ñna. Itire idibisijũ Jesús. ²⁴ Ito yija Jesure yucutẽojũ jaju wõyijarã ñna. ñ ya ãmo ito yicõri ñ ya gũbore cuní jajuwayijarã come wacana. Jesús ya yutabujure ãmorã ado bajiro yiyijarã ñna: “Ñimũjũa Jesús ya yutabuju ñ bujaja tiana mani”, yirona gũta ajerina rea ajeyijarã surara. Ito bajiro yi ajecõri, ñ ya yutabujuri gãmeri batoyijarã ñna ñja.

²⁵ Busuri busa nueve tujarocacõ Jesure jajuwayijarã ñna. ²⁶ Jesús ya rijoga weca cumu jãí ucara jãí wõyijarã ñna. “Ñni ñami judio masa ujũ”, yi ucare ñayijũ iti jãijũ. “Iti waja seti ña ñre”, yireoni ñayijũ ito uca wõre. ²⁷ Jesús rãca cocati jũarã riniri masare jajuwayijarã ñna. S̄igũ Jesús ya riojocadũja ñayijũ, gãji ñ ya gãcodũjajũa. ²⁸ Ito iti bajija Dios oca tuti

iti gotiro bajiroti rētaoayijū: “Ñeñaro yirā rāca ñacōri, ī cūni ñeñaro yigū ñaguñji”, yirā yirāji masa, yi ucare ñayijū Dios oca tutijū.

²⁹ Itijū gāna Jesús tū rēta warāti ĩre aja tudiyijarā ĩna:

—“Dios ya wire jana batecōcujā yū. Ito yicōri ũdīa rŭmŭ bero mŭcana jōrojocujā yū”, yibojacŭ mŭ, yiyijarā masa Jesure. ³⁰ Mŭmasiti masoña. Ito yicōri yucutēojŭ wāñagŭ ruji waya mŭ, yiyijarā ĩna Jesure, ĩre aja tudirā.

³¹ Paia ũjarā, judio masa rotirise riasori masa cūni ito bajiroti aja tudiyijarā ĩna Jesure:

—Gājerāre masobojaguti ĩmasiti maso masibeami ĩ, yiyijarā ĩna. ³² Cristo, Israel sita gāna ũjŭ mŭ ñaja, ruji masigŭ yigujā mŭ. Yucutēojŭ mŭ rujija ti āmoa gŭa. Mŭ rujija ticōri, “Cristo ña mŭ”, yiana gŭa, yiyijarā ĩna Jesure.

Jesús rāca cocati yucutēojŭ jaju ecoana cūni aja tudiyijarā ĩre.

Jesús ĩ ũsi jedire gaye

(Mt 27.45-56; Lc 23.44-49; Jn 19.28-30)

³³ Ũmŭa gŭdareco ñaroca macārŭcŭro ñarocōti rāitīacoayijŭ ĩja. Yoari rāitīayijŭ iti. Ñamicajŭa busa tres ñaroca itocō busuyijŭ mŭcana. ³⁴ Itocō tŭjarocati buto awasāyijŭ Jesús ĩ ocana:

—Eloi, Eloi, ¿lama sabactani? yiyijŭ Jesús. “Dios yŭ Jacŭ, ¿no yija yŭre wagoati mŭ?” yireoni ñayijŭ iti ĩ ocana.

³⁵ Coriarā ito ña coderā ĩ awasāja tŭocōri, ado bajiro yiyijarā ĩna:

—Tŭoya mŭa. Diore goti ĩsiri masŭ Elías wame cŭtigŭre jigŭ yirŭ ĩ, yiyijarā ĩna.

³⁶ Ito yija sīgŭ ito ñagŭ ũmaquedi wayijŭ Jesús tŭjŭa. Ito yicōri ide udi āmirisena ũyé ide jiare weoyijŭ. Ito yicōri ĩre itojŭ ñutubojayijŭ yucŭgŭna, Jesús ya rise tŭjŭ ĩ mimitoni. Idibisijŭ Jesús. Ito yija Jesure ado bajiro yiyijŭ ĩ:

—Yuya maji. Diore goti ĩsiri masŭ Elías mŭre ĩ rujioja tiana gŭa, yiyijŭ ĩ Jesure.

³⁷ Ito ĩ yija bero oca sēoro awasāyijŭ Jesús. Ito awasācōri ũsi jedicoayijŭ ĩ ĩja. ³⁸ ĩ ũsi jedirocati Dios ya wi saya webŭtiro, wi gŭdareco yobiado ũmacŭjŭana ñigā ruji wadicōri jacajŭ ñigā ruji ejacoayijŭ. ³⁹ Co dŭjamocō masacō surara ũjŭ Jesús riojo ñagŭ ĩ ũsi jedija ticōri, ado bajiro yiyijŭ ĩ:

—Dios Macŭguti ñabojañi āni, yiyijŭ surara ũjŭ.

⁴⁰ Sōjŭ busa ti ñayijarā romia cūni, Jesús ĩ godaja. ĩna wato ñayijarā María Magdalena, María Santiago mesa jaco, ito yicōri Salomé wame cŭtigo cūni. Sōjŭ busa ti ñayijarā ĩna. ⁴¹ Galilea wame cŭtiri cŭtojŭ Jesús ĩ ña ucuroca ĩre ejabŭagoana ñayijarā ĩna. Gājerā romia Jerusalénjŭ Jesure sŭya ejagoana ĩ godaja ti ñayijarā ĩna cūni.

Jesure ĩna yujere gaye

(Mt 27.57-61; Lc 23.50-56; Jn 19.38-42)

⁴² Ito yija judio masa moasŭsari rŭmŭ rāiocoayijŭ. Iti rŭmŭ ñayijŭ tŭjacāra rŭmŭ riojŭa ĩna queno yuri rŭmŭ. ⁴³ Ito yiroca ejayijŭ José Arimatea gagŭ. ĩ José ñayijŭ ñasarā rāca ñagŭ. Diore tŭorŭnrāre ĩ miojuroti rŭmŭ bocati ñayijŭ ĩ cūni. Ito yija oca sēoro sāja wacōri Pilatore Jesús ya rujŭre seniyijŭ ĩ. ⁴⁴ Ito ĩ yija tŭocōri, “Agŭ, ¿no yija yoari mejeti ũsi jediati ĩ?” yi tŭoīayijŭ Pilato. Ito bajiri surara ũjŭre jiyijŭ Pilato: “¿Riti bajiatĭ?” yirocŭ. ⁴⁵ “Riti ña”, surara ũjŭ ĩ yija tŭocōri, Jesús ya rujŭre āmi rotiyijŭ ĩ Josere. ⁴⁶ Ito bajiro ĩ yija tŭocōri, Jesús ya rujŭre gŭmarocŭ saya coro waja yiyijŭ José. Ito yicōri Jesús ya rujŭre rujiojŭ wayijŭ ĩja. ĩre rujio tŭocōri ĩre gŭmayijŭ José. Ito yicōri gŭta totijŭ masari cumajŭ Jesús ya rujŭre yujeyijŭ José. Ito yicōri gŭta jāi jaja jāina tubiayijŭ masari cuma sojere. ⁴⁷ María Magdalena, María José jaco cūni tiyijarā Jesure ĩna yujerajŭ.

16

Jesús ĩ tŭdi catire gaye

(Mt 28.1-10; Lc 24.1-12; Jn 20.1-10)

¹ Tŭjacāra rŭmŭ rāiocŭro ñaroca María Magdalena, María Santiago jaco ito yicōri Salomé wame cŭtigo cūni ĩna ũdiarā sŭtirise queno sŭti quenarise waja gāmeyijarā ĩna

Jesús ya rujure turona. ² Tujacāra rumu busuri jiju wayijarā ina Jesús ya masari cumaju. Ūmacañi joejeariju ejayijarā ina. ³ Ito yicōri inamasiti busiyijarā:

—Jesús ya masiri cuma gūtagā tubiado, ¿Nimū manire āmigo īsigū yiguījida? yi busi wayijarā ina.

⁴ Ito ejacōri ina tija gūtagā jajoca ina biabojaraga mañiju ija. Iti ñaraju meje ñayiju itiga ija. ⁵ Gūtagā manija ticōri, sājayijarā ina. Ito sāja wacōri ina ti ñucaja riojocaduja sīgū mamū yutabuju botiro sāñacōri rujijiju. Īre ticōri ucayijarā ina romia. ⁶ Īna ucaya ticōri, ado bajiro ñare gotijiju ī:

—Ūcabesa mūa. Jesús Nazaret gagū mūa āmagū yucutēojū ina jajuru mami. Ī godaja bero tūdi caticoami. Ito bajiri mami ado. Tiya mūa ado ĩre ina cūgoraju, yiyiju ī ñare. ⁷ Wasa. Ī rāca riasotigoanare gotitēña. Pedrore cūni gotiba, yiyiju ī. Ado bajiro mūa gotija quena: “Jesús mūa riojuaju Galileaju ejagu yiguīji. Itoju ĩre tirā yirāji mūa. Ī gotiado bajiroti itoju ĩre ti bujarā yirāji mūa”, yi gotiba mūa ñare, yiyiju ī.

⁸ Ito ī yija tucōri, rudi budi wayijarā romia. Queno budi yire mejeti, nūruo budi wayijarā ina, ucarā. Ito bajija ticōri, gūirā gājerāre goti bato yibisijarā ina.

María Magdalenare Jesús ī goaīore gaye
(Jn 20.11-18)

⁹ Semana gaye ñasuri rumu busuri jiju mucana tūdi caticōri María Magdalenare cajero goaīoyiju Jesús. Juā āmojeno rāmūa budigoro ñayiju iso. ¹⁰ Jesús ī tūdi catija ticōri, ĩ rāca riasotigoanare gotigo wayijo iso, ina oti bojori bujabe yiroco. ¹¹ Īna tū ejacōri ado bajiro yiyijo iso: “Mucana catiami Jesús. Īre tibū yū”, yibojayijo iso ñare. Iso gotija tuobojarāti, “Riti gotiamo”, yi tuorūnūbisijarā ina.

Jūarā ī rāca riasotigoanare Jesús ī goaīore gaye
(Lc 24.13-35)

¹² Ito yija bero weseca ina wa ucuroca ī rāca riasotigoana jūarāre goaīoyiju Jesús. Gajero bajigu ñacōri, ñare goaīoyiju Jesús. Ito bajiri cajero ĩre ti masibisijarā ina maji. ¹³ Yoa busari, “Īti ñami Jesús”, yi ti masicōri, tūdi wayijarā ina gājerā Jesús rāca riasotigoanare gotirā warā. Īna gotibojarocati ñare tuorūnūbisijarā ina cūni.

Ado bajiro yū oca masare riasoba mūa, yi Jesús ī rotire gaye
(Mt 28.16-20; Lc 24.36-49; Jn 20.19-23)

¹⁴ Ito yija bero co rumu ī rāca riasotigoana once ñarā ina ba rujiroca ñare goaīayiju Jesús: “¿No yija gājerā yure tigoanare tuobeati mūa? Mūa ya usiju tuo āmobeā mūa”, yi tudiyiju Jesús ñare.

¹⁵ —Wasa, masa jeyarore Dios oca goti ucuba. “Īre tuorūnūrāre masogū yiguīji Dios”, yire gaye riaso ucuba mūa. ¹⁶ No Diore tuorūnūcōri, idé gu ecorūti godabiquīji. Catitīñagū yiguīji. Ito bajibojarocati no yure tuorūnūbicūama ī ñeñaro yirise waja ñaro ya ĩre. Ito bajiri jeame ūjuroju ĩre cōagū yiguīji Dios, yiyiju Jesús. ¹⁷ Yure tuorūnūrāre ti masirā yirāji mūa. Ado bajiro yirā yirāji ina. Yure tuorūnūcōri yū masirisena suoriti rāmūare bucōarā yirāji ina. Īna masibiti oca ñabojareti busirā yirāji ina. ¹⁸ Āñare ina ñiabojaja, ito yicōri ide junirisere ina idibojaja cūni ñare junibetoja. Diore busicōri cōrāre āmo moa jeorā yirāji. Ito ina yirocati tujarā yirāji masa, yiyiju Jesús ñare.

Macārūcūroju Jesús ī mūja ware gaye
(Lc 24.50-53)

¹⁹ Iti ī busija bero macārūcūroju mani Ūju Jesure āmi mūja wayiju Dios. Ito bajiri Dios ī riojocadujaju rujijiju Jesús. ²⁰ Ito ī mūjaja bero masa ñajedirore Dios oca goti ucurā wayijarā ina ija. Ito bajiro ina goti ucuja ticōri, Jesumasiti ñare ejabuayiju ī. Masa ñare queno tuorūnūjaro yirocū, ĩ rāca riasotigoanare ejabuayiju Jesús. Ito bajiri ī ejabuarisena tiyamani masare ūoyijarā ina cūni. Itocōti ña.

El santo evangelio según San Lucas

San Lucas ï gotis ðore gaye

¹ Ñati m̄ yu baba Teófilo. Adi m̄re papera cōa yu. Adi rum̄ri Jesure rētagore oca ucari masa jājarā ñama ñna ñja. ² Mani robo bajiroti cajero Jesús rāca riasotigoana ñna gotija, tuogoanati ñama ñna c̄ni. Ito bajiri ñna ucarise ticōri, “Jesús rāca riasotigoana ñna gotiro bajiroti ucama ñna c̄ni”, yi tuoīa mani. ³ Ito bajiro yi masibojaguti jeyaro Jesure rētare oca queno riasoticōri, “Yu baba Teófilore yiari, yumasiti itire ucac̄ja yu”, yi tuoīac̄ yu. ⁴ Ito bajiro tuoīacōri, “Jeyaro yu tuogore bajiroti bajiyija Jesure c̄ni”, m̄ yi tuo masitoni adi m̄re uca yu.

Juan ï rujearoto riojua ángel ï goti yure gaye

⁵ Herodes, Judea sita uju ï ñaroca, sīgū ñayiju pai Zacarías wame cutigu. Pai Abías gāna rāca gagu ñayiju Zacarías. Ì manajo Elisabet wame cutigo ñayijo iso. Pai Aarón ñajacu janeño ñayijo iso. ⁶ Dios ï tija queno yirā ñayijarā ñna jūarā, Zacarías ï manajo rāca. Ito yicōri Dios ï rotirise queno c̄dirā ñayijarā ñna. Ito bajiri, “Inare seti ña”, yi masibisijarā gājerā. ⁷ Ito bajibojarocati rā mañijarā ñna. No yicōri rā cuti masibisijo Elisabet. Ñna jūarā buc̄rā riti ñayijarā ñja.

⁸⁻⁹ Co rum̄ Zacarías rāca gānare pai ye moare ñayiju Dios ya wiju. Paia ñna yisotire yicōri Zacaríasre bese masiyijarā gājerā paia. “M̄ti ña Dios ya sōa sājarocu, Diore queno sutirise soe ïsirocu”, yi ti masiyijarā ñna Zacaríasre. ¹⁰ Ito ñna yija tuocōri, Diore queno suti quenarise soe ïsirocu, Dios ya sōa sājayiju Zacarías. Ito ï soe ñaroca riti mac̄jua Diore busi ñayijarā masa jeyaro. ¹¹ Iti ï soeroca riti Dios ñaro gagu ángel goāoyiju Zacaríasre. Diore soe ïsiraju riojocadujajua goa rūgūyiju ï. ¹² Ángelre ti bujacōri, no yi masibisiju Zacarías. B̄to güiyiju ï. ¹³ Ito bajiro ï güija ticōri, ado bajiro ïre gotiyiju ángel:

—Güibesa Zacarías m̄. M̄ busirisere tuoami Dios. Ito bajiri m̄ manajo Elisabet mac̄ cutigo yigōji. Ito yicōri Juan ïre wame wōgū yigūja m̄. ¹⁴⁻¹⁵ M̄ mac̄ Dios ï tiro riojo queno yigu ñagū yiguji ï. Ito bajiri queno wanugū yigūja m̄. Ito yicōri ï rujeaja tuocōri, masa jājarā wanurā yirāji ñna. M̄ mac̄ uyé ide idibiquji, sibiore c̄ni. Ito yicōri ï rujearoto riojua Espiritu Santo quedu sājagū yiguji ïre. ¹⁶ M̄ mac̄ ï riasorise tuocōri Israel sita gāna jājarā mani Uju Dios rāca tud̄ usi cutirā yirāji ñna. ¹⁷ Jane mejeju Elías wame cutigu, Diore goti ïsiri masu ñayiju. Ìre bajiro queno oca sēoro masare riasogu yiguji m̄ mac̄. Dios ï cōaru Cristo ï ejaroto riojua, Dios oca queno masare riasogu yiguji m̄ mac̄. Ito bajiri Espiritu Santo ï ejabuarisena jac̄sabatia ñna rā rāca corocō usi cutiroca yigu yiguji ï. Ito yicōri Diore c̄dimena ñna c̄diroca yigu yiguji ï. Ito bajiro yigu, Cristore masa ñna boca āmi ñacāroca yigu yiguji m̄ mac̄, yiyiju ángel Zacaríasre.

¹⁸ Ito ï yija tuocōri, ado bajiro ïre seniñayiju Zacarías:

—¿M̄ yirise rētaru yiroja, no bajiro yi tuoīa ñagū yigūjada yu? Buc̄gu ña yu. Ito yicōri yu manajo c̄ni b̄co ñamo, yiyiju Zacarías.

¹⁹ Ito ï yija ïre c̄diyiju ángel:

—Gabriel ña yu. Ito yicōri Diore moa ïsigū ña yu. M̄re iti oca quenarise yu gotitoni yure cōami Dios. ²⁰ Ito bajibojarocati yu busirise m̄ tuor̄n̄bejare busi masibiticōri, busibicu ñagū yigūja m̄. Ito bajiri m̄ mac̄ ï rujearoto riojua busibicu riti ñagū yigūja m̄ maji. Ito bajiroti rētaru yiroja, Dios ï āmori rum̄ju, yiyiju ángel Zacaríasre.

²¹ Ito ï yiroca mac̄jua ñarā ruje tuoīayijarā masa Zacaríasre yurā. ¿No yija Dios ya wiju yoari sejati Zacarías? yi tuoīayijarā ñna. ²² Ì budija bero no yi busi masia mañiju Zacaríasre. Ì ito bajija ticōri, “Dios ya sōaju ñasarise tiñi ï”, yiyijarā masa. Ìjua busibicu ñacōri no bajiro yi busi masibisiju ñnare. Ito bajiri busiḡc̄uti ï ya āmona sōju quesoīayiju ï.

²³ Dios ya wiyu ï moa tïoja bero ï ya wiyu tudi wayiju Zacarías. ²⁴ ï ya wiyu ï tudi ejaja bero ï manoyo Elisabet macu sãñagõ ñayijo iso ïja. Ito yicõri wiyu ñagõ, budibisijo iso co dñajamocõ ùmacañicõ. ²⁵ Ado bajiro tuoñayijo iso. “Ito bajiro yu macu sãñaroca yiñi Dios yure. Gãjerã yure ñna ti tudibe yigu, ito bajiro queno yiñi Dios yure”, yi tuoñayijo iso.

Jesús ï rujearoto riojua ángel ï goti yure gaye

²⁶ Co ãmojeno ùmacañi macu sãña tujago Elisabet iso ñaroca, Dios ñaro gagu ángel Gabriel wame cutigure cõayiju Dios, Nazaret wame cutiri cutoju. Galilea sitaju ñayiju iti cuto. ²⁷ Itoju sīgõ María wame cutigure oca gotirocure cõayiju Dios Gabrielre. Manuju maco ùmugũ rãca ajeĩabeco ñayijo iso. Ito yicõri José manoyo ñaroco ñayijo iso. Masa ujũ ñayoru janami macu ñayiju José. ï ñicuju David wame cutiyoyiju, jane mejeju masa ujũ ñayoru. ²⁸ María tujũ ejacõri ado bajiro isore gotiyiju ángel:

—¿Ñati mu? Mure oca gotigu wadibu yu. Dios ï tija, queno usi cutigo ñayiju mu. Ito bajiri mu rãca ñami Dios. Gãjerã romia rëto busaro queno yiñi Dios mure, yiyiju ángel Maríare.

²⁹ Ito ï yija tuocõri, buto tuoña jaiyijo iso ïja. “¿No yija ito bajiro yure seniñati ï?” yi tuoñayijo iso. ³⁰ Ito yija mucana isore busiyiju ángel:

—Güibesa María mu. Mure wanuami Dios. Ito bajiri mure queno yiñi ï. ³¹ Macu sãñagõ ñasugõ yigoja mu, ito yicõri macu cutigo yigoja mu. ïre macu cuticõri, Jesús wame yigo yigoja mu, mu macure. ³² Masa rëtoro masi rëtocũgũ ñagũ yiguñi ï. Ito yicõri, “Dios Macu”, wame cutigu yiguñi ï. Dios ùmacũju gagu Macu ñari ito bajiro wame cutigu yiguñi ï. ï ñicuju David ñayoru robo bajiro Uju ñagũ yiguñi ï cuni. Ito bajiro ï ñaroca yigu yiguñi Dios. ³³ Israel sita gãna jeyaro ujũ ñagũ yiguñi mu macu. Ito yicõri ï rotirise susabeto yiroja ïja, yiyiju ángel Maríare.

³⁴ Ito ï yija tuocõri, ïre seniñayijo María:

—¿Ëmugũ rãca yu ñabitibojarocati yure macu rujeagu yiguñida? yiyijo iso ïre.

³⁵ Iso ito yija tuocõri, ado bajiro isore cudyiju ï:

—Ï ya usiti mure queo sãgũ yiguñi Dios. Ito yicõri ï masirise mu rãca ñaro yiroja. Ito bajiro Dios ï yija ï ya usiti mu macu sãnarise bajiro yiroja mure. Ito bajiri macuacã mu rucorocu Dios ï ãmorise riti yigu yiguñi ï. “Dios Macu ñami ï”, yirã yirãji masa. Gaje ado bajiro mure gotia yu. ³⁶ Mu gajego Elisabet buco ñabojagoti macu cutigo yigõji iso. “Rãa cutiado mamõ iso”, yibojacã masa. Ito ñna yibojarocati co ãmojeno ùmacañi tujã iso macu sãñaja bero. ³⁷ “Diore disejua buto josarise manõja”, yiyiju ï Maríare.

³⁸ Ito ï yija tuocõri, ado bajiro cudyijo iso:

—Dios ï rotirise moa ïsiri maso ña yu. Ito bajiri mu yiro bajiroti yire ãmoa yu, yiyijo María.

Iso ito yija tuocõri, ùmacũju tudi mujacoayiju ángel mucana.

Elisabetre María iso tigo ware gaye

³⁹ Ito bajiro ï yira rumuri bero usirio wayijo María, Judea sitaju gũta yucuri ñari cutoju Elisabetre tigo waco. ⁴⁰ Ito ejacõri Zacarías ya wiyu sãjayijo iso. Ito sãja ejacõri, “¿Ñati mu?” yi seniñayijo iso Elisabetre. ⁴¹ María iso seniñaja tuocõri, Elisabet jeraga totiju macu sãñagũ wãreyiju. Ito yicõri Espiritu Santo isore queda sãjayiju. ⁴² Ito bajicõri oca seõro ado bajiro yi gotiyijo Elisabet Maríare:

—Gãjerã romia rëtoro queno yiñi Dios mure. Ito yicõri mu macu rucorocure cuni queno yiñi Dios. ⁴³ ¿Ñasari maso meje yu ñabojarocati yu Uju jaco ñaroco yure tigo wadiri mu? ⁴⁴ Yure mu seniñaja tuocõri, yu ya jeraga totiju sãñagũ, yu macu wanugũ wãremi ï. ⁴⁵ “Dios ï busiado bajiroti itire yicõgũ yiguñi”, yiroco buto wanua mu, yiyijo Elisabet Maríare.

⁴⁶ Ito yija ado bajiro yiyijo María:

Yu ya usina mani Ujũre buto rucubuoã yu. Ito bajiri, “Queno ya mu”, ya yu ïre.

⁴⁷ Dios ñami yure masoru. Ito bajiri ïre queno wanua yu.

- ⁴⁸ Īre moa ĩsiri maso ñasago meje yu ñabojarocati yure ācabojabiticōri queno yiquĩ Dios yure. Ito bajiri ĩre buto wanu ya. Ado bajiro busirā yirāji ya bero gāna. “Isore queno yĩni Dios”, yirā yirāji ĩna.
- ⁴⁹ Ito bajiro tuoīarā yirāji ĩna, rētoro masigū Dios yure queno ĩ yija ticōri. Queno yigu ñami Dios. Ñeñarise yīabicu ñami ĩ.
- ⁵⁰ Īre rūcubnorāre ĩnare ti maitīñagū yiguĩji Dios.
- ⁵¹ Buto sēogū ñami Dios. Ito bajiri jaje tiyamani ĩocāyijū ĩ. Ito yicōri, “Rētoro masirā ña gū”, yi tuoīabojarāre, rētocūyijū Dios.
- ⁵² Ūjarā ñasabojarā ĩna ñasabitiroca yiyijū Dios. Ito yicōri, “Gājerā rētoro masigū ña yu”, yi tuoīamenare ĩna ñasarā ñaroca yiyijū Dios.
- ⁵³ Ñio jogarāre quenarise ecayijū Dios. Ito yicōri gajeoni jairā ñabojarāre cūni ñe manoti ĩnare bucōayijū Dios.
- ⁵⁴⁻⁵⁵ Mani ñicūsatia Abraham ñayoru mesare ado bajiro gotiyijū Dios. “Mware cūni, mwa janerābatiare cūni ti maicōri queno yi ñacūja yu”, yiyijū Dios. Itire ācabojabemi Dios. Ito bajiri ĩ gotiado bajiroti, mani Israel sita gāna ĩ rīa mani ñajare, queno yi ñami Dios manire. Ito bajiri ĩ Macu yu rucoroca yigu yiguĩji Dios, yiyijo María Elisabetre.
- ⁵⁶ Ito yi, Elisabet ya wijū udiarā ũmacañi ñacōayijo María ĩja. Ito iso ñaja bero tūdi wayijo mūcana iso ya wijū ĩja.

Juan idé guri masu ĩ rujeare gaye

- ⁵⁷ Elisabet iso macu rucori rumu ejaroca macu rucoyijo iso ĩja. ⁵⁸ Dios isore queno yija, tuoijarā iso ñarā ito yicōri iso tu ñarā cūni. Ito bajiri isore wanurā ejayjarā ĩna, iso tujū.
- ⁵⁹ Macuacā ĩ joeaja bero ũdia āmojeno rumeri tujaroca ejayjarā ĩna mūcana. Macuacāre ĩna yisotire bajiro ĩre wirotarona ejayjarā ĩna. Ito yicōri ĩ jacu Zacarías wamere wō āmobjayjarā ĩna. ⁶⁰ Ito yibojarocati ĩ jaco āmobjisijo:
- Juan wame cutigu yiguĩji, yiyijo iso.
- ⁶¹ Iso ito yija tuoicōri, ado bajiro seniāyjarā ĩna isore:
- ¿No yija ito bajiro ĩre wame wō āmoati mū? Mani ñarā sīgū ito bajiro wame cutirā mama, yiyjarā ĩna isore.
- ⁶² Ito yicōri macuacā jacure seniārona āmona ĩre sōju quesoāyjarā ĩna, “¿Dise wame āmoati mū?” yirona. ⁶³ Ito bajiro ĩna yija ticōri, macuacā wame uca wōrocū uca jāi ĩnare seniyijū Zacarías. Ito yija, “Juan wame cutigu yiguĩji”, yi uca wōyijū ĩ. Ito bajiro ĩ yija ticōri, “¿Ito bajiro wame āmoati ĩ?” yirā, ruje tuoīayjarā ĩna. ⁶⁴ Ito bajiro ĩna yiroca riti busi masibitirū ñabojaguti busisuoijū Zacarías mūcana. “Queno ya Dios mū. Rētoro quenagū ña mū”, yi busisuoijū Zacarías Diore rūcubnogu. ⁶⁵ Ito ĩ yija tuoicōri, ĩ tujū ñarā ti ucayjarā ĩna. Ito Judea sitajū, gūta yucurijū ñarā cūni iti oca rētagore tuoijarā ĩna. Ito bajiri iti oca goti batoyjarā ĩna. ⁶⁶ Masa iti oca tuoicōri ruje tuoīayjarā ĩna. Ito yicōri gāmeri seniāyjarā ĩna: “¿Ñimū ñasagu yiguĩjida ĩ bucūaja? Mani Ūju Dios queno yiyijū ĩre”, yi masi jediyjarā ĩna ĩja.

Zacarías Diore ĩ basare gaye

- ⁶⁷ Ito bajiro ĩna yi ñaroca Espiritu Santo quedi sājayijū macuacā jacu, Zacaríasre. Īre Espiritu Santo quedi sājaja ticōri, ado bajiro Dios oca gotiyijū Zacarías:
- ⁶⁸ Mani Israel gāna, mani Ūju Diore rūcubnorūja manire. Īti ñami rētoro masigū. Ito yicōri ĩ ñarā ña maní. Mani ñari tutijū ejacōri manire masoru ñami Dios.
- ⁶⁹ Manire masorocū, sīgū rētoro masigūre cōagū yiguĩji Dios. Mani ñicu David ñayoru Diore queno cudigū janami ñagū yiguĩji ĩ.
- ⁷⁰ Jane mejeju ĩre goti ĩsiri masana suoriti ado bajiro goticāni Dios manire:
- ⁷¹ “Mwa wajanare rētocūcūja yu. Ito yicōri mware ti terāre cūni camotacūja yu.
- ⁷² Mware ti maicōri yu goticato bajiroti yicūja yu”, yĩni Dios, yi gotiyijū Zacarías masare.
- ⁷³ Mani ñicu Abraham ñayorure ado bajiro goticāyijū Dios:

- ⁷⁴ “Mũare masocũja yũ, mũa wajana ñna mũare ruyuriobe yirocũ. Ito bajiro yicũja yũ, gũimenati yũre mũa cũditiõni.
- ⁷⁵ Mũa catirocõ mũa queno yi ñatoni, ito yicõri yiro robo yũre mũa cũdi ñatoni, ito bajiro mũare masocũja yũ”, yiñi Dios, mani ñicũ Abraham ñayorũre, yi gotiyijũ Zacarías masare.
- ⁷⁶⁻⁷⁷ Ito ñ yija bero ado bajiro yiyijũ Zacarías macũacãre gotigũ: “Cristo, Dios ñ cõarũre masa ñre boca ãmi ñacãtoni Dios oca ñnare gotigũ yigũja mũ. ‘Mũa ñeñaro yirise mũa jidicãja bero, itire ãcabojocõri mũare masogũ yiguĩji Dios’, yi gotigũ yigũja mũ masare. Ito bajiro mũ gotija tũocõri, ‘Dios ñmacũju gagũre goti ñsiri masũ ñami’, yirã yirãji masa mũre”, yiyijũ Zacarías, ñ macũacãre gotigũ.
- ⁷⁸ Manire ti maicõri sẽoro yibeami Dios. Ito bajiri manire masorocũ, Cristore cõagũ yiguĩji Dios mani ñari sitajũ.
- ⁷⁹ Ado ejacõri Diore masimenare ñ oca gotigũ yiguĩji jeame ãjũroju ñna wabe yirocũ. Ito yicõri ñ rãca mani queno usi cõtitiõni, Cristore cõagũ yiguĩji Dios, yiyijũ Zacarías masare gotigũ.
- ⁸⁰ Bũcũa mũja wacũti bũto Diore tũorũnũ mũja wayijũ Zacarías macũ, Juan wame cõtigũ. Dios gayere queno tũoĩacõri ñre bajiro usi cõtigũ ñayijũ Juan. Jai tujacõri yucũ manojũ ña ucuyijũ ñ. Israel sita gãnare Dios oca ñ goti ucuroto riojũ, itojũ riti ña ucuyijũ Juan maji.

2

*Jesucristo ñ rujeare gaye**(Mt 1.18-25)*

¹ Iti rãmũriti masa mũju Augusto wame cõtigũ, “Adocõ ñama yũ ya masa”, yirocũ ñna wame wõ jeo ãmoyijũ ñ. Ito bajiri masa jeyarore wadi rotiyijũ ñ. ² Siria sitajũ Cirenio ñ mũju ñaroca ito bajiro bajiyijũ iti cajero masare cõĩare gaye. ³ Ito bajicõri masa jeyaro ñna rujeara cũtoju wame ucarona wayijarã ñna. ⁴ Ito bajiri iti oca tũocõri wayijũ José cũni. Galilea sita Nazaret wame cõtiri cũtoju ñacõri Judea sita Belén wame cõtiri cũtoju wayijũ José ñ wame wõrocũ. Jane mejeju Belénju rujeayijũ David, masa mũju ñayorũ. David ñayorũ janerãbatia macũ ñari Belénju wayijũ José. ⁵ Itojũ wayijũ José ñ manojũ ñaroco María rãca. ñ rãca ajebitibojagoti macũ sãñagõ ñayijo iso. ⁶ Belénju ñna ejaja bero macũ iso rũcoroti rãmũ ejayijũ isore. ⁷ Ito bajiri iso macũ ñasũogũ rũcoyijo iso ñja. ñre saya werorina gũmacõri ecana ñna baricoroju ñre sãyijo iso. Canira wiri daja rõtajare ecana wijũ ñayijarã ñna.

Oveja coderi masare ángel ñ gotire gaye

⁸ Belén tũ bũsa ñayijarã oveja coderi masa. Ta weseju ñami rẽta wayijarã oveja coderã. ⁹ Ñajasaroti Dios ñaro gagũ ángel goayijũ ñnare. Ito yicõri Dios ñ sãtirise busũoyijũ ñna wato. Itire ticõri bũto gũiyijarã ñna. ¹⁰ ñna gũija ticõri, ado bajiro yiyijũ ñ:

—Gũibesa mũa. Oca quenarise mũare gotigũ wadibũ yũ. Iti oca tũocõri masa jeyaro wanũrã yirãji ñna. ¹¹ Adi ñamiti David ñayorũ ya cũtoju rujeami mũare masorocũ. ñ ñami mani ñju ñarocũ Cristo, Dios ñ cõarũ. ¹² ñre mũa ti bũjaja ado bajiro bajigũ bũjarã yirãji mũa. Saya werorina gũmarũre bũjarã yirãji mũa macũacãre. Ito yicõri ecana ñna baricoroju cani sãñagũ yiguĩji ñ, yiyijũ ángel oveja coderi masare.

¹³ Ito bajiro ñ yija beroti ñre bajiro bajirã ángel mesa jãjarã goayijarã. Ito yicõri ado bajiro bũsiyijarã ñna, Diore rũcũbũorã:

¹⁴ Rẽtoro masigũ ñami Dios ñmacũju gagũ. Adi sita gãna, Dios rãca queno usi cõtirã queno wanũ quena ñajaro ñna, yiyijarã ángel mesa.

¹⁵ Ito yicõri tũdi mũjacoayijarã ñna. Ito ñna mũjagoja bero oveja coderi masa gãmeri bũsiyijarã ñja:

—Ita, Belénju wato mani. Iti rẽtagore tiĩato mani. Ito yicõri mani ñju Dios ñ gotirise tito mani, yiyijarã ñna.

¹⁶ Ito yicōri usirio wayijarã ñna. Belénju ejacōri María, Josére cuni ti bujayijarã ñna. Ito yicōri macuacãre ecana ñna baricoroju sãñagũre ti bujayijarã ñna. ¹⁷ Ñre ti bujacōri, “Ado bajiro bajigu macuacãre ti bujarã yirãji mña”, yi ángel ñ gotigorere goti jeoyijarã ñna, itiju ñarãre. ¹⁸ Itire tuo wanucōri, “¿No yireoni ñati iti?” yi tuoia jediyijarã itiju ñarã. ¹⁹ Ito bajibojarocati Maríajumama iti oca tuocōri iso ya usiju tuoia wanu ñayijo iso. ²⁰ Ito bajiro iso tuoia ñaroca ñna cutoju tũdi wayijarã oveja coderi masa. Warãti Diore rucubworã ñre wanu quenare oca busiyijarã ñna. Ángel ñ gotigore ñaro bajiroti iti rõtaja ticōri, Diore rucubworã wanu quenare oca busiyijarã ñna.

Dios ya wiju Jesure ñna ãmi ejare gaye

²¹ Udia ãmojeno rumuri Jesús ñ tujaroca judio masa ñna yisotiado robo bajiro ñre wiro tayijarã ñna. Macuacãre wiro ñna taja bero Jesús ñre wame woyijarã ñna. “Ito bajiro wame wõma”, yiyiju ángel, María iso macu sãñaroto riojua.

²²⁻²⁴ Jane mejeju ado bajiro rotiyiju Moisés ñayoru: “Romio iso rucoja bero jũarã masacõ rumuri bero iso ñarise cutirise coerona Diore oveja macu soe ñsima. Oveja ñ manija, buja robo bajirã jũarã ñre soe ñsima. Ito yicōri buja rña cuni quena ñarãji”, yi rotiyiju Moisés ñayoru. Ito bajiri ñ rotigore cudirona Dios ya wi Jerusalénju Jesure ãmi wayijarã ñ jacusabatia. Gaje ucare ado bajiro gotia Dios oca tuti: “Macu ñasogũ Dios yagu ñagũ yiguñji. Ito yicōri ñre moa ñsigũ yiguñji ñ”, yi gotia Dios oca. Ito bajiri, “Ñni macuacã mure riti ñ moa ñsitoni mure ñsia gna”, yi Diore busirona Jerusalénju Jesure ãmi wayijarã ñ jacusabatia.

²⁵ Iti rumuri Simeón wame cutigu Jerusalénju ñayiju. Queno Diore cudigu ñayiju ñ. Israel sita gãnare masorocure bocati ñayiju Simeón. Ito yicōri Espiritu Santo quedi sãjacãru ñayiju ñ. ²⁶ Espiritu Santo ado bajiro goticãyiju Simeónre: “Cristo, Dios ñ cõarure tigu yigujã mñ, mñ godaroto riojua”, yiyiju Espiritu Santo Simeónre. ²⁷⁻²⁸ José, María rãca ñna wari rumuti Simeónre cuni Dios ya wiju wa rotiyiju Espiritu Santo. Judio masa ñna yisotiado bajiro yirona Dios ya wiju Jesure ãmi sãja wayijarã ñna. Ñna iti wiju sãjaroca ñna tu eja rũgũyiju Simeón. “Dios Macu ñaguñji”, yi tuoñacōri Jesure ãmi gajayiju ñ. Jesure ãmi gajacōri, “Queno ya mñ”, yiyiju Simeón Diore wanugũ. Ado bajiro yiyiju Simeón, Diore:

²⁹ Yu Uju mñ goticato bajiroti yure iti rõtaja tia yu. Cristore ti buja yu, mñ cõarure. Ito bajiri wanu quenare rãca godagu yigujã yu.

³⁰⁻³¹ Yumasiti tia yu, masa ñna ñeñaro yirise coerocure. Jesús gũare cõayija mñ masa jeyaro ñeñaro ñna yirise coerocure.

³² Mñ cõaru ñami, Israel sita gãna mejere cuni ñna tuo masiroca yirocu. Ito yicōri mñ ñarã Israel sita gãnare rucubworã yirãji masa jeyaro, yi wanuyiju Simeón, Diore queno cudigu ñari.

³³ Ñna macu jaibecuacãre ñ ito bajiro busija tuo ucayijarã ñna José, María cuni. ³⁴ Ito yija ñnare yari Diore busiyiju Simeón ñna queno ñatoni. Ado bajiro yi gotiyiju Simeón, ñnare. “Quenaro ñarã yirãji mña”, yiyiju Simeón, Maríare, Josére cuni. Ito yicōri Jesús jaco Maríare ado bajiro gotiyiju ñ:

—Ñni macuacã Dios ñ beseru ñami. Ñ busucōri Israel sita gãna jãjarã Dios oca cudimenare ruyuriogu yiguñji ñ. Ñre cudirãre ñeñaro ñna yirisere acabojogu yiguñji. “Dios ñ cõaru ñaguñji”, yi masibojarãti jãjarã ñre busiturã yirãji. ³⁵ Masa jeyaro ñna ya usiju ñna tuoñabojarisere ti masicõgũ yiguñji ñ. Ito bajibojarocati mñ macure ñna rucubwobeja ticōri, bojori bujago yigoja mñ, mñ ya usiju, yiyiju Simeón macuacã jaco Maríare.

³⁶⁻³⁷ Ito bajiro ñna busi ñaroca, sīgõ Ana wame cutigo Dios ya wiju ñayijo iso cuni. Iso ñayijo Diore goti ñsiri maso. Ito yicōri Fanuel maco ñari, Aser masa butu gago ñayijo iso. Bũco ñayijo iso ñja wajeago. Ochenta y cuatro rodori tujayiju iso manuju ñ godagoja bero. Ado bajiro bajiyiju. Ñna ãmo siaja bero jua ãmojeno rodori ñabojayiju iso manuju maji. Ito bero godacoayiju ñ ñja. Ito bajiri ñ godagoja bero Dios ya wiju riti ñasotiyijo iso. Iti wiju ñagõ ñmña cuni, ñami cuni Diore moa ñsisotiyijo iso. Gajereama ba yujibecoti Diore

rūcubuosago babeco riti ĩre būsijyo iso. ³⁸ Jesús jacusabatia rāca Simeón ĩ būsī rūgōroca, Ana cūni Diore būsīroco eja rūgūyīyo iso. Ito bajiro Simeón ĩ būsija tūocōri, “Queno ya Dios m̄”, yiyīyo iso. Ito bajiro Diore, “Queno ya m̄”, yī tīocōri, ado bajiro yī gotiyīyo iso Jerusalén gānare: “Āni ñami mani bocaticac̄ ñeñaro mani yirisere coeroc̄”, yiyīyo iso masare.

Nazaretj̄ ĩna tūdi ware gaye

³⁹ José, María rāca Dios rotirise ñarocōti cūdirā ejagoana, Galilea sitaj̄ tūdi wayijarā ĩna m̄cana, ĩna cūto Nazaretj̄ warā. ⁴⁰ Ito bajicōri ĩna cūtoj̄ macuacā Jesús sēoro b̄cua m̄jayij̄. Queno tūoīare rāca b̄cūayij̄ ĩ. Dios ĩ Jac̄ queno ejab̄ayij̄ ĩre.

Dios ya wij̄ Jesús ĩ tujare gaye

⁴¹ Co rodo rūyabeto Jerusalénj̄ Pascua basa ĩna menija tirā wasotiyijarā ĩ jacusabatia. ⁴² Jesús j̄ua gūbojeno rodori ĩ tujaroca Jerusalénj̄ Pascua basa tirā wayijarā ĩna. Co rodo rūyabeto basa r̄m̄ ĩna tisotiado bajiro iti Pascua basa tirā wayijarā ĩna m̄cana. ⁴³ Ito ejacōri, iti basare tiyijarā ĩna. Ito bajiri iti jedija ticōri, tūdi wayijarā ĩna m̄cana. Ito bajiro ĩna tūdi waroca Jesuama tujacoayij̄ Dios ya wij̄ ĩja. ĩ jacusabatia, “Tujacoaguīji”, yī tūoīabisijarā ĩna. ⁴⁴ “Ado mani rāca warā wato ñaguīji”, yī tūoīayijarā ĩna. Ito bajiro tūoīa warā riti, co r̄m̄ ũm̄asaro wayijarā ĩna. Ito bajiro ĩna wajasaroti ĩre āmabojayijarā ĩna, ĩja. “Mani rāca warā wato ñaguīji”, yirona āmabojayijarā ĩna. ⁴⁵ Ito bajibojarocati ĩre b̄jabisijarā ĩna. Ito bajiri ĩre b̄jarona Jerusalénj̄ ĩre āmarā wayijarā ĩna m̄cana.

⁴⁶ Ūdīa r̄m̄ bero Jesure b̄jayijarā ĩna, Dios ya wij̄ ĩ ñaroca. Judío masa rotirise rīasori masa wato ĩre b̄jayijarā ĩna. Riasori masa ĩna b̄sirisere tūocōri ĩnare seniīayij̄ Jesús. ĩnaj̄a cūni seniīayijarā ĩre. ⁴⁷ Queno masigū ñari, queno ĩ cūdi masija ticōri, tūo ũcayijarā ĩna jeyaro. ⁴⁸ Ito bajaroca ĩ jacusabatia ĩre ti b̄jacōri, tūo ũcayijarā, ito ĩ yija tūocōri. Ito bajiri ĩ jaco ado bajiro yiyīyo ĩre:

—¿No yija ḡua waroca ḡuare gotibicūti, tujacati mac̄ m̄? M̄ manija ticōri, b̄uto tūoīa oca jaic̄ ȳ, m̄ jac̄ cūni, yiyīyo ĩ jaco ĩre.

⁴⁹ Iso ito bajiro yija tūocōri, ado bajiro isore cūdiyij̄ Jesús:

—¿No yija ȳre āmacati m̄a? “ĩ Jac̄ ya wij̄ ñaguīji”, ¿yī masibiticati m̄a? yī cūdiyij̄ Jesús, ĩ jacusabatiare.

⁵⁰ Ito bajiro ĩ yibojarocati ĩ b̄sirisere queno tūo masibisijarā ĩ jacusabatia.

⁵¹ Ito ĩna yija bero ĩna rāca tūdicoayij̄ ĩ ĩja, Nazaretj̄. Nazaretj̄ tūdi ejacōri ĩ jacusabatia rotiro bajiroti cūdisotiyij̄ ĩ. Ito yicōri iso mac̄ Jerusalénj̄ ĩ yigorere tūoīa ñasotiyīyo Jesús jaco. ⁵² ĩ tūoīarise rācati b̄cua m̄ja wayij̄ Jesús. Dios cūni, masa cūni ĩre ti mai rūcubuoayijarā ĩna ĩja.

3

Yuc̄ manoj̄ Juan idé guri mas̄ ĩ ña ucure gaye

(Mt 3.1-12; Mr 1.1-8; Jn 1.19-28)

¹ Tiberio wame cūtiḡ ũj̄ ĩ sājaja bero, quince rodori ĩ ña tujaroca Poncio Pilato wame cūtiḡ Judea sita ũj̄ ñayij̄ ĩ. Gāji Galilea sita gaḡ ũj̄ ñayij̄ Herodes wame cūtiḡ. Ito yicōri ĩ ocabaji Felipe wame cūtiḡ j̄ua sita ũj̄ ñayij̄. Iti ĩ sita r̄corise wame cūtiyij̄ Iturea, ito yicōri Traconite. Ito bero gāji Lisianas wame cūtiḡ Abilinia sita ũj̄ ñayij̄ ĩ. ² Masa ito bajiro sita ĩna r̄co ñaroca Anás ito yicōri Caifás wame cūtirā, ĩna ñayijarā paia ũjarā. Ito bajiro ũjarā ĩna ñaroca, Zacarías mac̄ Juan wame cūtiḡ yuc̄ manoj̄ ña ucuyij̄. Ito ĩ ñaroca oca goti rotiyij̄ Dios ĩre. ³ Ito bajiro Dios ĩ gotija tūocōri, riaca Jordán wame cūtirisa tuj̄ Dios oca goti ucuḡ wayij̄ Juan. Ado bajiro yī goti ucuyij̄ ĩ:

—M̄a ñeñaro yirise jidicācōri quenarise m̄a ya ũsij̄ tūoīa wasoaya ĩja. Ito bajiro m̄a tūoīaja, m̄a ñeñaro yirise ācabojaḡ yiguīji Dios. Dios oca ȳ gotirise m̄a tūor̄ñaja, idé gu roti masirāji m̄a, yiyij̄ Juan masare gotiḡ.

⁴ Sīgũ Diore goti ĩsiri masũ Isaiás wame cõtigu ĩ ucado bajiroti yiyijũ Juan. “Ado bajiro yigu yiguĩji”, yirocũ uca yuyijũ Isaiás, Juanre tũoĩa yugũ:

Sīgũ yucũ manojũ ado bajiro yi sãria gotigu yiguĩji: “Mũa ya usijũ queno tũoĩa ñaña mũa, mani Ũjũ ĩ ejaroto riojũa, mũa ya usijũ ĩ queno ña masitoni.

⁵ Mũare ñeñaro tũoĩare gaye ñaja itire jidicãña. Mũa ñeñaro yirise iti ruyaja, itire jidicãcõri, quenarisejũare tũoĩaña. Mũa tũoĩarise rocati iti wisaja quenarisejũare tũoĩa ñaña. Ito yicõri jeyaro mũa ñeñaro tũoĩarisere jidicãña.

⁶ Ito bajiro mũa yija bero masare masorocũ, Dios ĩ cõarũre ti jedirã yirãji masa jeyaro”, yigu yiguĩji sīgũ yucũ manojũ, yi ucayijũ Isaiás, Juanre tũoĩa yugũ.

⁷ Jãjarã masa Juanre ĩna idé gu rotirã ejaja, ado bajiro yiyijũ Juan ĩnare:

—Ñña rima iti juniro bajiro ñeñaro yirã ña mũa. Ado bajiro tũoĩabojã mũa: “Dios ĩ waja seniri rũmũ iti ejaroca manire waja senibiquĩji Dios. Mani ñeñaro yirã ñabojarocati manire ti maicõri manire waja senibiquĩji ĩ”, yi tũoĩabojã mũa, yiyijũ Juan masare.

⁸ Ñeñaro mũa yirise jidicãcõri quenarise riti tũoĩa ñaña mũa. Ito bajiro riti yisotiba, “Quenarisejũa tũoĩarã ñama ĩja”, masa mũare yi ti masitoni. Ado bajiro yi tũoĩabesa mũa. “Abraham ñayoru janerãbatia ña guama. Ito bajiri Dios ĩ beseana ña gua cũni”, yi tũoĩabesa mũa. Ado bajiro baja. Adi gũtana Abraham janerãbatia robo bajiro ĩ godo weo ãmoja, godo weo masiguĩji Dios, yiyijũ Juan ĩnare.

⁹ Ito yicõri ado bajiro goti masiore ocana gotiyijũ Juan:

—Comeana yucũre quẽarocũ ñacãmi Dios. Ito bajiri yucũ queno rica manigũre ti bũjacõri quẽagũ yiguĩji Dios. Ito yicõri jeana soegũ yiguĩji ĩ. Ado bajiro yireoni ña iti. Masa ĩna ñeñaro yirise waja senirocũ ñacãmi Dios. Ito bajiri ĩna ñeñaro yirisere jidicãbeja ticõri ĩnare ruyuriogũ yiguĩji Dios. Ito yicõri jeame ĩjũrojũ cõagũ yiguĩji Dios ĩnare, yiyijũ Juan masare.

¹⁰ Ito bajiro ĩ yija tũocõri, masajũa ĩre ado bajiro seniĩayijarã:

—¿No bajiro gũa yire ãmoati Dios? yi seniĩayijarã ĩna Juanre.

¹¹ ĩna ito bajiro yija cãdiyijũ Juan:

—No camisa jũaro rucogũ, gãji rucobicũre coro ĩsija quena. Ito yicõri no bare rucogũ, bojoro bũjarãre ĩsija quena, yiyijũ Juan ĩnare.

¹² Ũjarãre yiari waja seni ĩsiri masa cũni, Juanre idé gu rotirã ejayijarã. ĩre ado bajiro seniĩayijarã ĩna:

—Guare riasogũ, ¿no bajiro gũa yire ãmoati Dios? yi seniĩayijarã ĩna Juanre.

¹³ —Baũ, ũjarã mũare niyeru ãmi rotirocõti ãmiña. Ito yicõri, ũjarã ĩna rotiro rẽto bũsaro ãmibesa, yiyijũ Juan ĩnare.

¹⁴ Surara cũni ado bajiro ĩre seniĩayijarã:

—¿No bajiro gũa yire ãmoguĩjida Dios? yiyijarã ĩna Juanre. ĩna ito yija:

—Baũ, masare ĩna rucorisere ãmabesa. ĩnare rucõri ĩna rucorisere jeyaro ãmabesa. ĩnare sẽoro yicõri ĩna rucorisere ãmabesa. Ito yicõri, mũa moare waja, ũjarã mũare ĩna waja yirocõti boca ãmiña. Mũcana tũdi ĩnare seni ũyabesa, yiyijũ Juan ĩnare.

¹⁵ Ito bajiro ĩ yija tũocõri, ado bajiro tũoĩa usirioyijarã ĩna: “Cristo, ¿Dios ĩ cõarũti ñati ãni?” yi tũoĩayijarã ĩna. ¹⁶ Ito bajiro ĩna yibojarocati ado bajiro yiyijũ Juan ĩnare:

—Cristo meje ña yũ. Idenati masare idé gua yũama. Yũ bero rẽtoro ñasagũ ejagũ yiguĩji. Yũ rẽtoro ñasagũ ĩ ñajare ĩre bajiro rẽtoro ñasagũ meje ña yũ. ĩre mũa tũorũnũjama Espiritu Santo mũare queo sãgũ yiguĩji ĩja. Ito bajiro mũare Espiritu Santo queo sãcõri queno mũare mũa tũoĩaroti ejabũagũ yiguĩji ĩ, yiyijũ Juan ĩnare.

¹⁷ Ito yicõri gaje ado bajiro gotiyijũ Juan ĩnare:

—Yũ bero ejagũ trigo ajeri besegũ bajiro yigu yiguĩji masare. Sīgũ trigo otegũ iti wirori coda batecõri ajeri riti seo masiguĩji ĩ. Ito bajiro ĩ codaja bero iti wirorire jeamejũ soeguĩji ĩ. Jedirime meje ñaroja itime jeame. Wirori ĩ soegori ajeriana ĩ cũrojũ seo cũgũ yiguĩji ĩ. Ito bajiro yigu yiguĩji mani Ũjũ adoju ejagũ. Trigo ajeri beseado bajiroti besegũ yiguĩji manire, yi gotiyijũ Juan masare.

¹⁸ Ito bajiro ĩ gotiro watoti Dios oca quenarise masare gotiyijũ Juan, Diore ĩna cũdtoni. ¹⁹ Gajerea, Herodes Ƴjũre goti tudiyijũ Juan. ĩ ocabaji Felipe manajo Herodías wame cõtigore Herodes ĩ manajo cõtija, ito bajiro ĩre goti tudiyijũ Juan. Gaje ĩ ñeñaro yirise masicõri ĩre goti tudiyijũ Juan. ²⁰ Ito bajiro ĩ bũsija tũobojaguti ĩre tũorũnũbisijũ Herodes. Ito yicõri bũto bũsa ñeñaro yi Ƴyagu Juanre tubia rotiyijũ ĩ.

Jesure idé gure gaye

(Mt 3.13-17; Mr 1.9-11)

²¹⁻²² Co rũmũ tubiara wijũ ĩre ĩna tubiaroto riojũa, jãjarã masare idé guyijũ Juan. Ito yicõri Jesure cũni idé guyijũ Juan. ĩ idé guja bero Diore bũsiyijũ Jesús. Ito bajiro ĩ bũsi rũgõroca ũmacũjũ macãrucũrojũ janayijũ. Ito yicõri bujare bajiro bajigũna quedi sãja wadicõri Jesús joe quedi jeayijũ Espĩritu Santo. Ito bajiro ĩ quedi jeaja bero ado bajiro oca ruyuyijũ ũmacũjũ:

—Yũ macũ ña mũ, yũ maigũ. Mũre bũto wanũa yũ, yi bũsiyijũ Dios, Jesure bũsigũ.

Jesucristo rujearoto riojũajũ gãna

(Mt 1.1-17)

²³ Sĩgũ masũcõ gãji ye jũa dũjamocõ rodori tũjagu, masare riasosũoyijũ Jesús. “José macũ ñami Jesús”, yi tũoĩayijarã masa. Iti riojũa ado bajiro wame cõtirã ñasũoyijarã masa. José jacũ ñayijũ Elí. ²⁴ Elí jacũ ñayijũ Matat. Matat jacũ ñayijũ Leví. Leví jacũ ñayijũ Melqui. Melqui jacũ ñayijũ Jana. Jana jacũ ñayijũ José. ²⁵ José jacũ ñayijũ Matatías. Matatías jacũ ñayijũ Amós. Amós jacũ ñayijũ Nahúm. Nahúm jacũ ñayijũ Esli. Esli jacũ ñayijũ Nagai. ²⁶ Nagai jacũ ñayijũ Maat. Maat jacũ ñayijũ Matatías. Matatías jacũ ñayijũ Semei. Semei jacũ ñayijũ Josec. Josec jacũ ñayijũ Judá. ²⁷ Judá jacũ ñayijũ Joanán. Joanán jacũ ñayijũ Resa. Resa jacũ ñayijũ Zorobabel. Zorobabel jacũ ñayijũ Salatiel. Salatiel jacũ ñayijũ Neri. ²⁸ Neri jacũ ñayijũ Melqui. Melqui jacũ ñayijũ Adi. Adi jacũ ñayijũ Cosam. Cosam jacũ ñayijũ Elmadam. Elmadam jacũ ñayijũ Er. ²⁹ Er jacũ ñayijũ Josué. Josué jacũ ñayijũ Eliezer. Eliezer jacũ ñayijũ Jorim. Jorim jacũ ñayijũ Matat. ³⁰ Matat jacũ ñayijũ Leví. Leví jacũ ñayijũ Simeón. Simeón jacũ ñayijũ Judá. Judá jacũ ñayijũ José. José jacũ ñayijũ Jonam. Jonam jacũ ñayijũ Eliaquim. ³¹ Eliaquim jacũ ñayijũ Melea. Melea jacũ ñayijũ Mena. Mena jacũ ñayijũ Matata. Matata jacũ ñayijũ Natán. ³² Natán jacũ ñayijũ David. David jacũ ñayijũ Isaí. Isaí jacũ ñayijũ Obed. Obed jacũ ñayijũ Booz. Booz jacũ ñayijũ Salmón. Salmón jacũ ñayijũ Naasón. ³³ Naasón jacũ ñayijũ Aminadab. Aminadab jacũ ñayijũ Admin. Admin jacũ ñayijũ Arni. Arni jacũ ñayijũ Esrom. Esrom jacũ ñayijũ Fares. Fares jacũ ñayijũ Judá. ³⁴ Judá jacũ ñayijũ Jacob. Jacob jacũ ñayijũ Isaac. Isaac jacũ ñayijũ Abraham. Abraham jacũ ñayijũ Taré. Taré jacũ ñayijũ Nacor. ³⁵ Nacor jacũ ñayijũ Serug. Serug jacũ ñayijũ Ragau. Ragau jacũ ñayijũ Peleg. Peleg jacũ ñayijũ Heber. Heber jacũ ñayijũ Sala. ³⁶ Sala jacũ ñayijũ Cainán. Cainán jacũ ñayijũ Arfaxad. Arfaxad jacũ ñayijũ Sem. Sem jacũ ñayijũ Noé. Noé jacũ ñayijũ Lamec. ³⁷ Lamec jacũ ñayijũ Matusalén. Matusalén jacũ ñayijũ Enoc. Enoc jacũ ñayijũ Jared. Jared jacũ ñayijũ Mahalaleel. Mahalaleel jacũ ñayijũ Cainán. ³⁸ Cainán jacũ ñayijũ Enós. Enós jacũ ñayijũ Set. Set jacũ ñayijũ Adán. Adánti ñayijũ ĩja Dios rujeorũ. Ito bajiri Dios macũ ñayijũ Adán.

4

Rũmũa Ƴjũ Jesure ĩ Ƴsirio codere gaye

(Mt 4.1-11; Mr 1.12-13)

¹ Jesús ĩ idé gu ecoja bero Espĩritu Santo ĩ rãca bũto ñayijũ. Ito yicõri riaca Jordán wame cõtirisa tũ ĩ ñaroca, yucũ manojũ ĩre ãmi wayijũ Espĩritu Santo. ² Yucũ manojũ ejaõri jũarã masacõ rũmũri ñayijũ Jesús itojũ. Itojũ ĩ ñari rũmũri cõti, bare babicũti ñayijũ Jesús. Itocõ bero ñiocõyijũ mũcana. ĩ ito bajiro ñiocõ ñaroca, ñeñaro ĩ yitoni Ƴsirioro yi codeyijũ rũmũa Ƴjũ Jesure. ³ Ado bajiro rũoyijũ rũmũ ĩre:

—Riti Dios Macũ mũ ñaja, adi gũtanati naju godo weogũ yigũja mũ, yiyijũ rũmũ Jesure.

⁴ Ito bajiro rŭmá ĩre yibojarocati:

—Yíbea. Dios oca tuti ado bajiro gotia: “Najuna riti meje catirã yirãji masa. Jeyaro Dios ocana suoriti queno wanu quena ñarã yirãji masa”, yi gotia Dios oca tuti, yiyiju Jesús rŭmáre.

⁵ Ito bero cogu gŭtagŭ ũmaricu joeju ãmi wayiju rŭmá Jesure. Itoju ãmi ejacõri yoari mejeti adi macãrucũro ñajediro ñari cutorire ĩo jeocõyiju rŭmá Jesure. ⁶⁻⁷ Ado bajiro goti ruoyiju rŭmá itigu gŭtagŭ joeju ñacõri:

—Yũre rŭcubũogũ yũ riojo rijomunigãna mu ñini rŭjũja adocõ mure ĩsicũja yũ. Adi macãrucũro jeyaro ñarise, ito yicõri adi macãrucũro ñarã masa ñarocõti mure ĩsicũja yũ. Ito yicõri adi macãrucũro ñajediro uju ñagũ yigũja mu, yũre mu rŭcubũoja, yiyiju rŭmá Jesure ruogũ.

⁸ Ito bajiro ĩ gotibojarocati:

—Wasa Satanás mu, yiyiju Jesús rŭmáre. Ado bajiro gotia Dios oca tuti: “Mani Ƴju Diore riti rŭcubũocõri cudija quena”, yi gotia Dios oca tuti, yiyiju Jesús rŭmáre.

⁹⁻¹¹ ĩto yibojaroca riti Jerusalénju Jesure ãmi wayiju rŭmá mucana. Ito ejacõri mucana Dios ya wi joejuã ãmi muja wayiju rŭmá. Ito ĩre ãmi muja ejacõri ado bajiro yiyiju:

—Tũoya Jesús. Ado bajiro gotia Dios oca tuti:

Ángel mesare mure code rotigu yiguĩji Dios. Mu quedi waja gŭtagã joeju quedi jeacõri mu ya gũbo jeabe yirona mure boca ãmirã yirãji, yi gotia Dios oca tuti.

Riti Dios Macu mu ñaja adojuna bubu quedi wacu yigũja mu, yi ruoyiju rŭmá Jesure.

¹² Ito bajiro ĩ yibojarocati ado bajirojuã yiyiju Jesús ĩre:

—Mu ito bajiro yirisere cudibicũja yũ. Gaje ado bajiro gotia Dios oca. Tite mu: “ ‘No bajiro Dios ĩ yija ticũja yũ’, yirocu ĩre usirio codebesa”, yi gotia Dios oca tuti, yiyiju Jesús rŭmáre.

¹³ Ito ĩ yija bero usirioro yire oca bujabisiju rŭmá ĩja. Ito bajiri Jesure jabeto canĩgoyiju rŭmá.

Galilea sitaju Jesús ĩ riasosuore gaye

(Mt 4.12-17; Mr 1.14-15)

¹⁴ Galileaju tũdi wayiju Jesús mucana, yucu manojũ ña ucugoru. Ito yicõri Espĩritu Santo Jesús rãca ĩ ñajare bũto ĩ tuoĩa masirise ñayiju Jesure ĩja. Galilea ĩ tũdi ejaroca masa jeyaro ĩ rētagorere busiyijarã ĩna. ¹⁵ Ito bajiro wa ucu ĩ tũdi ejaja bero judio masa ĩna minijuari wirijũre riaso ucuyiju Jesús. Ito bajiro ĩ goti ucuja tuocõri, “Queno gotiami ãni”, yi rŭcubũoyijarã masa jeyaro.

Nazaretju Jesús ĩ ware gaye

(Mt 13.53-58; Mr 6.1-6)

¹⁶⁻¹⁷ Ito yicõri ĩ bucuara cuto Nazaret wame cutiri cutojũ wayiju Jesús. Ito ejacõri judio masa ĩna tujacãri rŭmũ ñaroca ĩna minijuari wiriju sãja ucuyiju Jesús, ĩ yisotiado bajiroti. Ito ĩ sãja ejaroca Isaías ĩ ucagora jũ ĩsiyijarã gãjerã ĩre, ĩ ti gotitoni. Iti jũ boca ãmicõri ĩ gotiroti ãmayiju Jesús. Ito bajiro ãmacõri bujayiju. Ado bajiro gotiyiju iti:

¹⁸ Espĩritu Santo yũ rãca ñami. Bojoro bujarãre oca quenarise yũ gotitoni yũre cũñi Espĩritu Santo. Ito yicõri ĩna ya usiju bojori bujarãre ĩna wanu quenaroca yũ yitoni yũre cũñi ĩ. Tubia ecoanare yũ bucõatoni yũre cũñi Espĩritu Santo. Ñeñaro yirise jidicãjaro ĩna yirocu, yũre cũñi Espĩritu Santo. Ito bajiri cajea timenare canĩ mucana ĩna tũdi tiroca yirocũre yũre cũñi Espĩritu Santo. Ito yicõri gãjerã ñeñaro yi ecoana ĩna jidicãroca yirocũre yũre cũñi Espĩritu Santo.

¹⁹ Ito yicõri, “No ĩre tuorũnugũre queno yirocu ñacãmi Dios”, yũ yi gotitoni yũre cũñi Espĩritu Santo, yi gotia iti oca, yi gotiyiju Jesús ĩna minijuari wijũ.

²⁰ Ito bajiro goti tũcõri papera tutire biayiju ĩ. Ito yicõri iti wi ejabũari masure iti tutire judacõayiju Jesús. Ito yicõri eja rŭjũyiju. Ito bajiro ĩ yirise ticõri bũto tiju wa rŭjũcoayijarã ĩna. ²¹ Ito bajiro ĩna ti rujiroca mucana ado bajiro busiyiju Jesús:

—Jane mejeju Isaías ĩ yũre uca yure, adi rŭmũ muã tiro riojo rēta yũre, yiyiju Jesús ĩnare.

²² Ito bajiro Jesús oca quenarise ì gotija tucõri, tuo ucayijarã ìna. Ito yicõri masa jeyaro quenarise oca ìre busiyijarã ìna. Ito bajiri ìnamasiti ado bajiro gãmeri seniñayijarã ìna:

—¿José macu meje ñati ãni? yi gãmeri seniñayijarã ìna.

²³ Ito bajiro ìna yija tuo masicõri ado bajiro yi cudiyijũ Jesús:

—Masa oca gotire robo bajiro yure yirã yirãji mua: “Sĩgũ uco masu ì ñaja, ìmasiti yisio masiguĩji”, yirã yirãji mua yure. Ito yicõri gaje ado bajiro yure yirã yirãji mua: “‘Capernaumju tiyamani ñoyijũ Jesús’, yire oca tucõ gũ. Ito bajiri ado mu cutõju cuni ito bajiroti mu ñore ti ãmoa gũ”, yure yirã yirãji mua, yiyijũ Jesús ìnare.

²⁴ Ito bajiro yicõri ado bajirojũa yiyijũ mucana:

—Riti muare gotia yũ. Sĩgũ Diore goti ìsiri masu ì cutõti ì gotija ì ñarã ìre queno tuorũnumenaji ìna. Ito bajiri adi cutõ gagũ yũ ñajare yure queno tuorũnumenaji mua, yiyijũ Jesús ìnare. ²⁵⁻²⁶ Jane mejeju gãna Diore ìna tuorũnũbitiado bajiroti queno tuorũnũbea mua cuni. Tite. Sĩgũ Elías wame cutigũ Diore goti ìsiri masu ì ñaroca udia rodo gaje rodo gudarecõcõ ide quedibisijũ. Ito bajiri iti cutõrijũ bare mañijũ. Ito bajicõri bũto ñiojogayijarã masa. Ito bajiro iti baji ñaroca Israel sitaju manũju godagoana romia jãjarã ñayijarã. Ito bajibojarocati Diore masa ìna tuorũnũbitire waja, ìnare ejabuatonni wa rotibisijũ Dios Elíasre. Ado bajirojũa yiyijũ Dios. Sidón wame cutõti cutõ tu Sarepta gago ìre tuorũnũgõre ejabuatonni wa rotiyijũ Dios Elíasre, yiyijũ Jesús. ²⁷ Ito bero Eliseo wame cutigũ Diore goti ìsiri masu ì ñaroca Israel sita gãna jãjarã cami jogarã ñayijarã. Ito bajibojarocati Diore masa ìna tuorũnũbitire waja, ìnare yisio rotibisijũ Dios Eliseore. Ado bajirojũa yiyijũ Dios. Sĩgũ Siria sita gagũ Naamán wame cutigure, yisio rotiyijũ Dios, Eliseore, yi gotiyijũ Jesús iti wi minijua ñarãre.

²⁸ Ito bajiro ì yija tucõri, iti wi minijua ñarã bũto junisinijarã ìna. ²⁹ Tũria gudareco ñayijũ iti cutõ. Ito bajiro ìre junisinicõri tũria joeju Jesure ãni wayijarã ìna. Ito ejacõri ìre tumicã queorona yibojayijarã ìna. ³⁰ Ito yibojaroca riti ìna wato ñabojagũti wa godacoayijũ ì.

Rũmũ sãñagũre rũmũre Jesús ì bucõare gaye

(Mr 1.21-28)

³¹ Ito bajiro ìnare rudigocõri Capernaumju wayijũ Jesús. Galilea sitaju ñayijũ Capernaum wame cutõti cutõ. Itoju ejacõri tujacãra rũmũ ñaroca masa ìna minijuari wijũ sãjayijũ Jesús. Ito sãjacõri masare riasoyijũ ì. ³² Dios cũru ñari, queno masare riaso masiyijũ Jesús. Ito bajiri ì busija tucõri, tuo ucayijarã masa.

³³ Ito bajiro ì busi ñaroca, iti wijũ sĩgũ ì ya usijũ rũmũ sãja ecorũ ñayijũ. Ado bajiro Jesure sũoro sũria busiyijũ ì:

³⁴ —Wasa, Jesús Nazaret gagũ mu. ¿No yija guare usirioro yati mu? Guare ruyuriorocu eja mu, yiyijũ rũmũ sãja ecorũ Jesure. Mũre ti masia yũ. Dios Macu quenagũguti ñacõa mu, yiyijũ ì Jesure.

³⁵ Ito ì yija ado bajiro yi tudiyijũ Jesús ìre:

—Busibesa ìja, yiyijũ Jesús ìre. Ito yicõri, ãni ya usijũ sãñagũ, budiya mu, yiyijũ Jesús rũmũre.

Ito bajiro ì yirocati, masa jãjarã tiro riojo ìre tumicãcũ, budicoayijũ rũmũ ìja. ì ito bajiro budigoja bero queno cati quenagũ tujayijũ masu ìja. ³⁶ Jesús ì ito bajiro rũmũre ì budi rotija ticõri, mano ti ucayijarã ito ñarã. Iti ticõri ìnamasiti gãmeri busiyijarã ìna ìja:

—¿Ñe gaye ñarõjada ì ito bajiro busija? Bũto ì tuo masirisena rũmũre budi rotiami ãni. Rũmũare ì budi rotija cojisiti budicoama, yi gãmeri busiyijarã ìna.

³⁷ Ito bajiro Jesús ì yirere tucõri iti cutõ tu ñarã ìna ñarocõti itire gãmeri busiyijarã ìna.

Pedro mañicõre Jesús ì yisioare gaye

(Mt 8.14-15; Mr 1.29-31)

³⁸ Jesús judio masa ìna minijuari wijũ ñarũ budi wayijũ ì. Ito yicõri Simón Pedro wame cutigũ ya wijũ wayijũ. ì ya wi sãja ejacõri Simón mañicõ rujũ yarise iso cõja tiyijũ Jesús.

Iso ito bajija ticōri, ito gāna isore yisioroti āmorā josayijarā Jesure. ³⁹ Iso tuju eja rūgūcōri ruju yarise rēta rotiyiju Jesús. Ito ī yirocati ruju yarise rētacoayiju isore ĩja. Ito bajiro iti rētarocati masare eca bocasuooyijo iso.

Jājarā ñarise cutirāre Jesús ī yisioire gaye

(Mt 8.16-17; Mr 1.32-34)

⁴⁰ Ito bajiro ī rētaja tuocōri, ūmacañi ī quedi sīgū wagu yiroca cōrāre āmi minijuayijarā ĩna Jesús tuju ĩnare ī yisiotoni. Ricati riti cōrā ñayijarā ĩna. ĩna ito bajija ticōri, ī ya āmona moa jeoyiju Jesús. Ito bajiro ī yirocati rētacoayiju. ⁴¹ Ito yicōri jājarā rūmúa sāja ecoanare cūni rūmúare budi rotiyiju Jesús. Ito bajiro ī yirocati budirāti awasāyijarā rūmúa ĩja.

—Dios Macuguti ña mū, yi awasāyijarā rūmúa, budi warā. “Cristo Dios ī cōarū ñami”, ĩna yija ti masicōri, “Busibesa”, yi tudiyiju Jesús rūmúare.

Minijuara wiju Jesús ī riasore gaye

(Mr 1.35-39)

⁴² Gaje rūmū busuri cuto tunima sōjuaju wayiju Jesús. Ito bajiro ī wagoja bero ĩre āmayijarā masa ĩja. Ito bajiro ĩre āmarā riti ī ñaroju ĩre bujacōyijarā ĩna. ĩre bujacōri gaje cutoju ĩre wa rotibitibojayijarā ĩna. ⁴³ Ito bajiro ĩna wa rotibitibojarocati ado bajiro yiyiju Jesús ĩnare:

—Gaje cūtori gānare cūni, “ĩre tuorūnūrāre ī rotiroju miojugū yiguĭji Dios”, yire oca goti ucuruja yūre. Ito bajiro yū goti ucutoni yūre cūñi Dios, yiyiju Jesús ĩnare.

⁴⁴ Ito ī yija bero Galilea sitaju judio masa ĩna minijuari wiriju Dios oca goti ucuyiju Jesús ĩja.

5

Wai jājarā ĩna sīaroca Jesús ī yire gaye

(Mt 4.18-22; Mr 1.16-20)

¹ Co rūmū Genesaret wame cutirita tunima Jesús ī ñaroca jājarā masa ejayijarā. Dios oca ī gotija buto tuo āmocōri ī tuju ejayijarā ĩna. Jājarā ñacōri buto bidiro ñayijarā. Ito bajiri rūgōraju mañiju Jesure. ² Ito bajiro ĩre rūgōraju maniroca itajura tunima juaga cuma iti jayaja tiyiju Jesús. Iti cuma ūjarā wai jori masa ñayijarā. Ito tu ĩna ya yori yucūri coerā yiyijarā ĩna. ³ Iti cuma jayaja ticōri, itiga cumaju sājayiju Jesús. Ito yicōri ñuro rotiyiju Jesús itiga cumare. Itiga cuma Simón yaga ñayiju. Iti cumaju rujicōri masare Dios oca riasoyiju Jesús. ⁴ Riaso tīocōri ado bajiro gotiyiju Jesús Simónre:

—Ĕcaroju wija wato mani. Itoju mūa ya yori yucūrina wai ñuma mūa, yiyiju Jesús Simónre.

⁵ Ito ī yija tuocōri, ado bajiro cūdiyiju ī:

—Gūare riasogu, ñamiasaro wai jobojobu gūa, sīabiju. Ito bajibojarocati mū rotiro bajiroti, yorigu ñucuja yū, yiyiju Simón Jesure.

⁶ Ito yicōri ĩna yorigu ñuroca, jājarā wai sājayijarā ĩja. Ito bajiri ĩna ya yorigu cudusuooyiju ĩja. ⁷ Ito bajiro ĩna wai ñaja ticōri, gaje cuma ĩna baba mesa ñari cumare āmo buye ñucayijarā, ĩna ejabuatonni. Ito bajiro ĩna jija ticōri, ejayijarā ĩna. Ito ejacōri jājarā wai bujayijarā ĩna. Iti cuma juā cumari cūrisere dajocōyijarā. Jabeto rūyabojayiju iti rujaroto. ⁸ Ito bajiro wai jājarā bujacōri Jesús riojo rijomunigāna ñini rūjūyiju Simón Pedro. Ito yicōri ado bajiro yiyiju:

—Yū Ūju buto ñeñaro yi jaigu ña yū. Queno yigu ña mūāma. Ito bajiri yū tu mū ñaja quenbetoja, yiyiju Simón Jesure.

⁹ Simón ito yicōri ī rāca gāna cūni wai jājarā ĩna ñaja ticōri, ti ūcayijarā ĩna. ¹⁰ Gaje cuma ñarā cūni ti ūcacoayijarā ĩna. ĩna ñayijarā Zebedeo rīa. Santiago, Juan wame cutirā ñayijarā ĩna. ĩna ti ūcaja ticōri, Simónre ado bajiro yiyiju Jesús:

—Gūibesa. Wai joreti ña mūa ya moare. Ito bajibojarocati jane gaje mūare moare cūa yū. Masa Diore ĩna masitoni oca riaso ucuri masa mūare cūa yū adocāta, yiyiju Jesús, Simón mesare.

¹¹ Ito ï yija bero tunimajũ jãja wayijarã mũcana. Ito yicõri jeyaro ïna moabojarisere jidicãcõri Jesũs rãca wayijarã ïna ïja.

Rujũ cami jogagũre Jesũs ï yisiore gaye
(Mt 8.1-4; Mr 1.40-45)

¹² Co rũmũ Jesũs gaje cuto ï ña ucuroca sũgũ ï ya rujũ cami jogagũ ñayijũ. Jesure ti bũjacõri ï riojo ñini rũjũcõri ïre josayijũ:

—Yũ Hũ, yũre mũ yisio ãmoja, yisiogũja mũ, yiyijũ cami jogagũ Jesure.

¹³ Ito ï yija tũocõri, ï ya ãmona moa jeoyijũ Jesũs ïre. Ito yicõri ado bajiro yiyijũ ïre:

—Ãmoa yũ. Mũre yisioa yũ, yiyijũ Jesũs.

Ito ï yirocati ï ya cami yaticoayijũ ïja. ¹⁴ Ito bajiro ïre yisiocõri, gãjerãre goti bato rotibisijũ Jesũs. Ito yicõri ado bajiro yiyijũ ïre:

—Riojoti pai tũjũ wasa mũ. ï tũjũ ejacõri mũ ya rujũ cami yatirise gaye ïoma. Ito yicõri Moisés ñayoru ï rotiado bajiroti Diore waibũcu soe ïsi rotiba. Ito mũ yija ticõri, “ï ya cami yati jedicoajũ ïja”, yi masirã yirãji masa mũre, yiyijũ Jesũs ïre.

¹⁵ Ito bajiro, “Goti batobeja”, ï yibojarocati cojisiti oca tũjacoayijũ cami jogagũre Jesũs ï yisiore gaye. Ito bajija tũocõri, jãjarã Jesũs tũjũ minijuayijarã, ï bũsija tũo ãmorã. Ito yicõri ïna cõrisere yisio roti ãmorã ejayijarã ïna. ¹⁶ Masa jãjarã ïna ñajare coji meje masa manojũ ï Jacũ Diore bũsirocũ wayijũ Jesũs.

Rudurũre Jesũs ï yisiore gaye
(Mt 9.1-8; Mr 2.1-12)

¹⁷ Co rũmũ Jesũs ï riasoroca fariseo gaye tũoĩarã ito yicõri judio masa rotirise riasori masa cũni tũo rujijijarã ïna. Ado bajiro wame cõtiri cõtiri wadiana ñayijarã ïna. Galilea sita gãna, Judea sita gãna ito yicõri Jerusalén wame cõtiri cuto gãna wadiana ñayijarã ïna. Masa tiro riojo cõrãre Jesũs ï yisiotoni ï masirise jidicãyijũ Dios. ¹⁸ Ito bajiro ï yi ñaroca jũariarã ãmũa rudurũre ãmi ejayijarã ïna, ï ya camana. Ito ejacõri Jesũs tũjũ sãja wacõri ïre cũ ãmobjayijarã ïna. ¹⁹ Ito bajibojarocati masa jãjarã ïna ñajare no bajiro sãja masia mañijũ ïnare. Ito bajija ticõri, wi tutu joejũ rudurũre ãmi mũja wayijarã ïna. ãmi mũja ejacõri Jesũs rũgõro weca soje cudayijarã ïna. Ito yicõri rudurũre ï ya camana jidi rujioyijarã ïna Jesũs tũ. ²⁰ Ito bajiro ïna yija ticõri, ado bajiro tũoĩayijũ Jesũs: “Yũre tũorũnũsacõama ïna”, yi tũoĩayijũ Jesũs. Ito bajiro tũoĩacõri:

—Mũ ñeñaro yirisere ãcabojocõa yũ, yiyijũ Jesũs rudurũre.

²¹ Ito bajiro ï yija tũocõri, fariseo gaye tũoĩarã ito yicõri judio masa rotirise riasori masa cũni ado bajiro tũoĩayijarã ïna: “ãni ito bajiro ï bũsija, Diore ñeñaro yigũ yami ï. Dios meje ñami ï. Dios sũgũti ñami masa ïna ñeñaro yirisere ãcaboja masigũ”, yi tũoĩayijarã ïna.

²² Ito bajiro ïna tũoĩarisere ïmasiti tũoĩa masicõyijũ Jesũs. Ito bajiri ado bajiro yiyijũ ï ïnare:

—¿No yija ito bajiro tũoĩati mũa? yiyijũ Jesũs ïnare. ²³ Mũa tija, ¿No bajiro rudurũre yũ yija quenati? Ito yicõri, ¿disejũa ñati josasabiti mũa tija? “Mũ ñeñaro yirisere coecoajũ”, ¿yũ yija quena ñarojada? “Wũmũña, wasa”, ¿yũ yija quena ñarojada, mũa tũoĩaja? ¿Disejũa ñati josasabiti, mũa tija? ²⁴ Masa Rĩjoru, Dios ï cõarũ ña yũ. Ito bajiri, “Masa ïna ñeñaro yirise coe masiami Jesũs”, mũa yi masitoni mũa tiro riojo ãnire yisiogũ ya yũ, yiyijũ ï ïnare.

Ito yicõri rudurũjũare ado bajiro yiyijũ:

—Wũmũña, ya yũ mũre. Mũ ya cama ãmiña, ito yicõri mũ ya wijũ tũdi wasa, yiyijũ Jesũs rudurũre.

²⁵ Ito bajiro ï yirocati masa jãjarã ïna tiro riojo wũmũyijũ rudurũ. Ito yi, ï ya cama ãmi, budi wayijũ ï. Ito yicõri Diore rũcũbuo bũsi wayijũ ï, ï ya wijũ tũdi wacũ. ²⁶ Ito ï yija ticõri, ti ãsayijarã masa. Ito bajiri Diore rũcũbuo bũsiyijarã ïna. Gũire rãca ado bajiro yiyijarã ïna:

—Adi rũmũ tiyamani tia mani, yiyijarã ïna.

Levíre Jesús ï jire gaye
(Mt 9.9-13; Mr 2.13-17)

²⁷ Ito bajiro masare ï yi ïo ñaja bero budiyijũ Jesús mũcana. Ito bajiro budi wacõri ñjarãre yari waja seni ïsiri masure tiyijũ Jesús. ï ñayijũ Leví wame cutigũ. Waja ï seni ñarijũ rujiyijũ ï. ïre ti bũjacõri:

—Yũ rãca waya, yiyijũ Jesús ïre.

²⁸ Ito ï yija tũocõri, ï moabojarisere jidicãyijũ Leví, Jesús rãca wa ãmogũ.

²⁹ Ito bero ï rãca wa, Leví ya wi ejayijarã ïna. Itojũ ejacõri Jesure basa jeo bũarocũ basa meniyijũ Leví. Ito bajiro ïna basa meni ñaroca jãjarã ñjarãre yari waja seni ïsiri masa ñayijarã ïna. Ito yicõri gãjerã cũni, jãjarã ïna rãca ba rujiyijarã ïna. ³⁰ Ito bajiro ïna ba rujiya ticõri, judio masa rotirise riasori masa ito yicõri fariseo gaye tũoĩarã cũni, Jesús rãca riasotirãre ado bajiro busituyijarã:

—¿No yija ñjarãre yari waja seni ïsiri masa rãca, ito yicõri ñeñaro yi jairã rãca baba cuti bati mũa? yi busituyijarã ïna Jesús rãca riasotirãre.

³¹ Ito bajiro ïna yija tũocõri, ado bajiro cũdiyijũ Jesús:

—Ado bajirojũa baja. Queno cati quenarã, cõmena uco yiri masure jimenaji. Ito yicõri bũto cõrãjũa uco yiri masure jirãji. ³² Queno yirãre yari meje wadibũ yũ. Ñeñaro yi jairãjũare yari wadibũ yũ. Ito yicõri quenarise ïna tũoĩa wasoatoni wadibũ yũ, yiyijũ Jesús ïnare.

Bamenati Diore rũcũbuore gaye
(Mt 9.14-17; Mr 2.18-22)

³³ Ito ï yija ado bajiro seniñayijarã ïna Jesure:

—Juan rãca riasotirã coji meje bamena riti Diore rũcũbuorã ïre senisotiamã ïna. Ito bajiroti bajiamã fariseo gaye tũoĩarã rãca riasotirã cũni. Mũ rãca riasotirãmã ïnare bajiro yibeama ïna. Bũcũrã rotire queno cũdibeama ïna. Ito yicõri, “Diore bũsiana”, yirona bare jidicãbeama ïna, yi tudiyijarã ïna Jesure.

³⁴ ïna ito yija tũocõri, ïnare ado bajiro cũdiyijũ Jesús:

—Sĩgũ, ï ãmo siari rũmũ ï baba mesa ï rãca ïna wanũ baroca, “Babesa”, yi masimenaji gãjerã. ³⁵ Ito bajibojarocati co rũmũ gãjerã ïre ñiangoja ticõri, bojori bũjarã yirãji ï baba mesa. Ito bajiri ïre tũoĩarã bamenaji ïna, yiyijũ Jesús masare.

³⁶ Ito yicõri gaje ado bajiro goti masiore ocana ïnare gotiyijũ Jesús:

—Sĩgõ saya bũcũro sere wõroco mamarore tabecõji. Ito bajiro mamaro tagoja mamaro cũni ñeñacoaroja. Ito yicõri bũcũrore mamaro iso sere wõbojaja bũcũro bajiro corocõ ejabetoja. ³⁷ Uyé ide mani menija mama bajujũ jiosãrã yirãji mani. Bũcũ baju mani jiosãjama, ñigãcoaro yiroja. Ito yicõri iti baju cũni goda, uyé ide cũni goda bajiro yiroja. ³⁸ Ito bajiri uyé ide menicõri mama bajuri jiosãrã yirãji mani. Ito yicõri iti baju cũni, uyé ide cũni godabetoja. ³⁹ Mani uyé ide bũcũ idiãcõri mame idi ãmomenaji mani. “Bũcũjũa queno sũti quena”, yicõri mamere idi ãmomenaji mani. Ito bajiroti baja mame oca yũ riasoja cũni. Bũcũrã oca tũorũnrã ñacõri mame oca yũ riasoja tũo ãmobeã mũa, yiyijũ Jesús ïnare.

6

Jesús rãca riasotirã trigo ajeri beja ãmicõri ïna bare gaye
(Mt 12.1-8; Mr 2.23-28)

¹ Co rũmũ tujacãra rũmũ ñaroca, ï rãca riasotirã rãca trigo wesejũ eja wayijũ Jesús. Itojũ ejacõri itire beja ãmiyijarã ï rãca riasotirã. Ito yicõri wirorire sũguẽ bategocõri bayijarã ïna. ² Ito bajiro ïna baja tiyijarã fariseo gaye tũoĩarã coriarã. Ito bajiro ïna baja ticõri, ïnare seniñayijarã fariseo gaye tũoĩarã:

—¿No yija tujacãra rũmũ ñabojarocati moati mũa? Tujacãra rũmũ moare ma, yiyijarã ïna.

³ ïna ito yija tũocõri, ado bajiro cũdiyijũ Jesús:

—Co rúmũ David ñayorũ ï baba mesa rãca ñiojogacõri ïna yigore, ¿Dios oca tutijũ tibiticati mũa? ⁴ Ado bajiro yiyijũ David ñayorũ. Dios ya wijũ sãjacõri, Diore paia naju ïna cũ ïsirere ãmicõri bayijũ David. Ito yicõri ï baba mesare cũni ecayijũ ï. Paia riti ïna baroti ñabojayijũ iti naju. Ito bajibojarocati bũto ñiojogacõri bayijũ David ï baba mesa rãca. Itire ïna baja tibojaguti, “Ñeñaro yama ïna”, yibisijũ Dios ïnare, yiyijũ Jesús ïnare.

⁵ Gaje ado bajiro gotiyijũ Jesús ïnare:

—Masa Rijorũ, Dios ï cũrũ ña yũ. Ito bajiri tujacãra rúmũ gaye yũ rotiroti cũni cũquĩ Dios yũre, yiyijũ Jesús fariseo gaye tũoĩarãre.

Ãmo digarũre Jesús ï yisioire gaye

(Mt 12.9-14; Mr 3.1-6)

⁶ Gaje tujacãra rúmũ ñaroca judio masa ïna minijuari wijũ sãjayijũ Jesús. Ito yicõri ïnare riasoyijũ ï. Ito bajiro ï riaso ñaroca sīgũ ï ya ãmo riojocadũja digarũ ñayijũ. ⁷ Ito yicõri fariseo gaye tũoĩarã, judio masa rotirise riasori masa cũni ti rujijijarã ïna. Jesure ticõri ado bajiro tũoĩa rujijijarã ïna: “Jane tujacãra rúmũ ñabojarocati, ¿ãni ãmo digarũre yisiogu yiguĩjida Jesús?” yi ti rujijijarã ïna. “Ito bajiro ï yija, ‘Seti ña ïre. Ñeñaro yami’, yirã yirãji mani”, yi tũoĩa rujijijarã ïna. ⁸ Ito bajiro ïnamasi ïna tũoĩabojarocati tũoĩa masicõyijũ Jesús, ï masirisena. Ito yicõri ãmo digarũre ado bajiro yiyijũ Jesús:

—Wũmũña, waya ado yũ tũjũ, yiyijũ Jesús ãmo digarũre.

Ï ito yija ãmo digarũ Jesús tũjũ wacõri eja rũgũyijũ. ⁹ Ito bajiro ï eja rũgũroca ado bajiro yiyijũ Jesús, ito ñarãre:

—Mũare seniĩagũ ya yũ. ¿No bajiro manire cũyijari Dios tujacãra rúmũ mani yiroti? ¿Quenarise, ñeñarise ito yicõri cõrãre mani yisoroti, gaje mani yisiobeja, disejũa quenati? yiyijũ Jesús ïnare.

¹⁰ Ito bajiro busi tĩogũ iti wi ñarãre ti jeocõyijũ Jesús. Ito yicõri ãmo digarũre ado bajiro yiyijũ ï:

—Mũ ya ãmo ñũ joya, yiyijũ Jesús ïre.

Ito bajiro Jesús ï yirocati, ï ya ãmo ñũ joyijũ ï. Ito bajiro ï yirocati ï ya ãmo quenacoayijũ ïja. ¹¹ Ito bajiro ï yija ticõri, fariseo gaye tũoĩarã ito yicõri judio masa rotirise riasori masa cũni bũto ti junisiniyijarã ïna Jesure. Ito yicõri ïnamasiti gãmeri seniĩayijarã: “¿No bajiro yirũjati mani Jesure?” yiyijarã ïna.

Jũa gũbojeno apóstol mesare Jesús ï besere gaye

(Mt 10.1-4; Mr 3.13-19)

¹² Iti rúmũriti turia joejũ maja wayijũ Jesús, Diore bũsiroca. Itojũ ñacõri ñamiasaro Diore bũsisiyijũ Jesús. ¹³ Ito yicõri ïmacañi joejea mũja wadiroca ï rãca riasotirãre jiyijũ Jesús. Ito yicõri ïna ejaroca jũa gũbojeno ñarã ãmũare beseyijũ ï. Ito yicõri ï oca ïna goti ucutoni ïnare cũyijũ Jesús. ¹⁴ Ado bajiro wame cutirã ñayijarã ïna: Sīgũ ñayijũ jũa wame, wame cutigũ, Simón Pedro. Ï ocabaji ñayijũ Andrés wame cutigũ. Ito yicõri gãjerã ñayijarã Santiago, Juan, Felipe, Bartolomé, ¹⁵ Mateo, Tomás, Alfeo macũ Santiago gãji ñayijũ Simón celote gaye tũoĩagorũ. ¹⁶ Ito yicõri Santiago macũ ñayijũ Judas wame cutigũ. Gãji Judas Iscariote wame cutigũ ñayijũ. Ï ñayijũ Jesure gãjerã ïna ñiatoni gotiroca. Ito bajiro wame cutirã ñayijarã ïna, Jesús ï oca ïna goti ucutoni ï cũana.

Jãjarã masare Jesús ï riasore gaye

(Mt 4.23-25)

¹⁷ Ito bajiro ïnare bese tĩocõri ïna rãca roja wayijũ Jesús. Roja wa, turia judojũ tujayijarã ïna. Itojũ jãjarã ñayijarã Judea sita gãna, Jerusalén gãna, ito yicõri itajura tũ ñari cutori Tiro, Sidón wame cutiri cutori gãna cũni ñayijarã. Iti cutori gãna ejayijarã Jesure tũo ãmorã. Ito yicõri jãjarã cõrã yisio roti ãmorã ejayijarã ïna. ¹⁸ Rũmũa sãja ecoanare cũni rãmũare budĩ rotiyijũ Jesús, ito bajiro ïna ejaja ticõri. ¹⁹ Cõrãre cũni ï masirisena rẽtoyijũ Jesús. Ito bajiro masare ï rẽtoja ticõri, masa jeyaro ïre moĩa ãmoyijarã, ïna cõrise rẽtatoni.

Mani wanu quenaroca yiroti gaye
(Mt 5.1-12)

²⁰ Ito ñna yi ñaroca, ñ rāca riasotirāre b̄si āmogū ñnare tiyij̄u Jesús:

—Adocāta bojoro b̄jarā ña m̄ua maji. Bojoro b̄jarā ñabojarāti, ija Dios ñ rotiroj̄u ejacōri, ñ r̄corise b̄jarā yirāji m̄ua. Ito yicōri wanu quenarā yirāji m̄ua.

²¹ Adocāta ñiojogarā ña m̄ua maji. Ñiojogarā ñabojarāti ija queno yaji quenaro wanu ñarā yirāji m̄ua.

'Adocāta bojori b̄ja, oti ñarā ya m̄ua. Ito bajibojarocati ija queno wanucōri aja quenarā ñarā yirāji m̄ua.

²² 'Yu Masa R̄ijor̄ure, m̄ua queno c̄dija ticōri, ḡj̄erā m̄uare ti tudirā yirāji ñna. Ito yicōri m̄uare cōa āmorā yirāji ñna. “Ñeñaro yirā ñama”, yirā yirāji m̄uare b̄siturā. Ito bajiro m̄uare ñna b̄situbojarocati, ija wanu quenarā yirāji m̄ua. ²³ Jane mejeju c̄ni ñna ñicusabatiaju c̄ni ito bajiroti Diore goti ñsiri masare ñeñaro yiyijarā ñna. Ito bajiro m̄uare ñna ñeñaro yibojarocati queno wanu quenaña m̄ua. Ija ūmac̄ju ejacōri Dios t̄ju quenarise b̄jarā yirāji m̄ua. Ñre t̄or̄ñnu jidicābitiana m̄ua ñajare, ito bajiro yigu yiguñi Dios m̄uare.

²⁴ 'M̄ua gajeoni jairā, ado m̄ua ñajama queno wanu quena ñaboja m̄ua. Diore t̄or̄ñnumena ñari ija bojoro b̄jarā yirāji m̄ua.

²⁵ 'M̄ua queno yaji quenarā, ñaja wanu quenare rāca ñaboja m̄ua. Diore t̄or̄ñnumena ñari ija ñiojogarā yirāji m̄ua.

'M̄ua ajare jairā, adocāta m̄ua ajaja queno wanu quenaboja m̄ua. Diore t̄or̄ñnumena ñari ija b̄to t̄oñia bojori b̄jacōri, otirā yirāji m̄ua.

²⁶ Adocāta “Queno yirā ña m̄ua”, yi masa m̄uare ñna r̄c̄ub̄joja t̄ocōri, queno wanu quenaboja m̄ua. Ito bajiroti jane mejeju c̄ni r̄ore oca riasori masare queno r̄c̄ub̄o b̄sibojayijarā ñna. Diore t̄or̄ñnumena ñari ija b̄to t̄oñia bojori b̄jarā yirāji m̄ua, yiyij̄u Jesús ñnare.

Mani wajanare c̄ni ti maija quena, yi Jesús ñ riasore gaye
(Mt 5.38-48; 7.12)

²⁷ Ito yicōri m̄cana ñnare b̄si remoyij̄u Jesús:

—M̄ua yure t̄or̄ñnr̄areama, ado bajiro gotia yu: M̄ua wajanare queno ti maiña. Ito yicōri m̄uare ti tudirāre queno yiya. ²⁸ M̄uare b̄siturāre c̄ni, quenaro b̄siya m̄ua. Ito yicōri m̄uare ñeñaro yirāre yiari Diore seni ñisotiya. ²⁹ S̄ḡñ riojocad̄ja wayugaju ñ jaja, m̄cana gaje d̄ja ñ ja āmoja r̄obeja. Ito yicōri ḡñi camisa juaro m̄ua s̄ñaroca, joegadore ñ ruaja, ito roca gadore ñ ruaja āmoja, c̄ni r̄obeja. Ñ seniro r̄eto b̄saro ñsija quena. ³⁰ Ito yicōri no m̄ua r̄corise ñna senija, ñna seniro bajiroti ñsima. Ito yicōri s̄ḡñ m̄ua r̄corise ñ ēmaja, “Itire j̄dacōña”, yi josabeja. ³¹ Ḡj̄erā m̄uare queno yire m̄ua āmoja, ito bajiroti ñnare queno yiba m̄ua c̄ni.

³² 'Manire mairāre riti mani maija, mani rāca queno wanubiquñi Dios. Ñeñaro yirā c̄ni ito bajiroti ñnare mairāre mairāji. Manire maimena ñabojarocati maniamā ñnare maija quena. ³³ Manire queno yirāre riti mani queno yija, mani rāca queno wanubiquñi Dios. Ñeñaro yirā c̄ni ito bajiroti ñnare queno yirāre queno yirā yirāji. Manire queno yimena ñabojarocati maniamā ñnare queno yija quena. ³⁴ Ḡj̄ire wasoagu, “Ija m̄cana jai b̄saro b̄jagu yiḡja yu”, mani yi t̄oñaja, mani rāca queno wanubiquñi Dios. Ñeñaro yirā c̄ni ito bajiro t̄oñiacōri wasoarā yirāji. Manire wasoamena ñabojarocati maniamā ñnare wasoaja quena. ³⁵ Ito bajibojarocati m̄ama, m̄ua wajanare mair̄ja. Ito yicōri ñnare queno yiya. Ito yicōri ḡj̄ire wasoagu, “Ija jai b̄saro b̄jagu yiḡja yu”, yi t̄oñabic̄ti wasoaja quena. Ito bajiro m̄ua queno yija, Dios t̄ju m̄ua ejaroca m̄uare queno waja yigu yiguñi. Ito bajiro m̄ua queno yirā ñaja, Dios r̄ña ña m̄ua. Dios c̄ni masa jeyarore queno yigu ñami. “Queno ya m̄”, yimenare c̄ni, ñeñaro yi jairāre c̄ni queno yigu ñami Dios.

³⁶ Mani Jac̄u masare ñ ti mairo bajiroti m̄ua c̄ni masare ti maija quena, yiyij̄u Jesús ñ rāca riasotirāre.

*Gājerāre seti yibesa, yi Jesús ĩ riasore gaye
(Mt 7.1-5)*

³⁷ Gaje ado bajiro gotiyijũ Jesús ĩnare:

—Gājerāre, “Īna ñama ñeñarise yi jairā”, m̄a yibeja m̄are c̄ni, “Īna ñama ñeñarise yi jairā”, yibiquĩji Dios m̄are. Ito yicōri gājerāre, “Īnare seti ña. Ito bajiri ĩnare ruyuriogũ yiguĩji Dios”, m̄a yibeja m̄are c̄ni, “Īnare seti ña. Īnare ruyurioc̄ja yũ”, yibiquĩji Dios m̄are. Gājerā ñeñaro yirise m̄a ācabojoja, m̄a ñeñaro yirisere c̄ni ācabojoju yiguĩji Dios. ³⁸ Gājerāre m̄a ĩsija, m̄are c̄ni queno ĩsigũ yiguĩji Dios. Gājerāre m̄a ĩsiro bajiroti, m̄are c̄ni ĩsigũ yiguĩji Dios. Ito yicōri gājerāre m̄a ĩsiro bajiroti rēto b̄saro m̄a boca āmi masirocō ĩsigũ yiguĩji Dios, yiyijũ Jesús ĩnare.

³⁹ Ito yicōri ado bajiro goti masiore ocana gotiyijũ Jesús:

—¿Sĩgũ cajea mac̄re ito yicōri gāji cajea mac̄ m̄cana, cajea mac̄re t̄a wa masiguĩjida? Meje, ito bajirojũa meje baja. Cajea tibic̄ ñari ĩre t̄a wabojagũ rācati gojejũ quedi sājacōarāji ĩna. Dios oca riojo ñasarisere mani t̄o s̄yabeja cajea mana robo bajiro bajirāji mani, yiyijũ Jesús ĩnare.

⁴⁰ Īnare riasori masũ rēto b̄saro masirā meje ñama ĩ riasorā. Ito bajibojarocati ĩna queno riasoti jeocōja, ĩnare riasori masũ bajiroti masirāji ĩna c̄ni, yiyijũ Jesús.

⁴¹ Iti oca goti t̄iocōri m̄cana ado bajiro gaje oca gotiyijũ Jesús:

—M̄a babare cajeajũ s̄juriacā iti ñaja, ti b̄ja masia m̄a. Ito bajibojarocati m̄a ya cajeajũ sita jaje iti s̄ña biaja ti b̄ja masibea m̄a. ⁴² Ado bajiro m̄a babare yiboja m̄a: “Yũ baba m̄ ya cajeajũ sita aje ña. Yũ iti ajere āmicāc̄ja yũ”, yibojarāti m̄a ya cajeajũ sita jaje iti s̄ñajama, āmicā masibea m̄a. “Queno yirā ña ḡama”, yirā ñabojarāti, ñeñaro yirā ña m̄a c̄ni. M̄a ya cajeajũ s̄ñarisere āmicāña. Itire āmicācōri queno ti masirā yirāji m̄a. Ito yicōri m̄a babare cajeajũ sita ajere āmicā masirā yirāji m̄a, yiyijũ Jesús.

’Iti yireoni ña, mani baba ĩ ñeñaro yija ti masibojarāti, manimasiti ñeñaro yirisereama ti masibea mani, yiyijũ Jesús.

*Ricana s̄ori yuc̄gure ti masia mani, yi Jesús ĩ riasore gaye
(Mt 7.17-20; 12.34-35)*

⁴³ Ito yicōri m̄cana ĩnare goti masiore ocana gotiyijũ Jesús:

—Yuc̄gũ queno wan̄ric̄, ñeñarise rica c̄tibetoja. Ito yicōri yuc̄gũ ñeñaric̄, quenarise rica c̄tibetoja. ⁴⁴ Iti yuc̄ ricare ticōri, “Itigũ rica ña adi”, yi ti masia mani. Jotagũjũ higos rica mani āmaja b̄jamenaji mani. Ito yicōri yusiḡure uyé mani āmabojaja, b̄jamenaji mani. ⁴⁵ Ito bajiro queno usi c̄tigũ, gājerāre c̄ni queno yiguĩji ĩ. Ito yicōri ñeñaro usi c̄tigũ, gājerāre c̄ni ñeñaro yigũ yiguĩji ĩ. Mani ya usijũ mani t̄oĩaro bajiroti b̄sibua mani, yiyijũ Jesús ĩnare.

Yũre queno t̄or̄n̄rā sita b̄tirojũ wi menirā bajiro bajirā ñama, yi Jesús ĩ riasore gaye

(Mt 7.24-27)

⁴⁶ Gaje ado bajiro yiyijũ Jesús ĩ rāca riasotirāre: —“Ḡa Ęjũ ña m̄”, yibojarāti, yũ rotirisere c̄dibea m̄a. ⁴⁷⁻⁴⁸ No yũ t̄jũ ejarā yũ rotirisere ĩna c̄dija, s̄gũ queno b̄tirojũ wi menigũ bajiro bajirā ñama ĩna. Tite. S̄gũ b̄tirojũ jubejũ ĩ botari juja, jue iti b̄to s̄oro ejaja jujabetoja iti wi. Ito bajiro bajirā ñama yũre queno c̄dirā. Gājerā ĩnare ñeñaro yi josabojarocati yũre t̄or̄n̄jũ jidicāmenaji ĩna. ⁴⁹ Ito bajibojarocati, no yũ rotirise queno c̄dimena, ĩnare bajiro bajibeama ĩna. S̄gũ sita jidirojũ wi menigũ bajiro bajirā ñama ĩnama. Tite. S̄gũ sita jidirojũ ĩ botari juja, jue iti b̄to s̄oro ejaja iti wi jujacoaro yiroja. Ito bajiri t̄di ruyubetoja ĩ ya wi ĩja. Ito bajiro bajirā ñama yũre queno c̄dimena. Gājerā ĩnare ñeñaro yija ticōri, yũre jidicārā yirāji, yiyijũ Jesús ĩ rāca riasotirāre.

7

Surara ɥjɥ ya moari masure Jesús ĩ yisiore gaye

(Mt 8.5-13)

¹ Masare ĩ riaso āmorise riaso tīocōri Capernaumjɥ wayijɥ Jesús. ² Iti cuto ñayijɥ surara ɥjɥ. ĩre moa ĩsiri masɥ buto cōyijɥ. Ito bajiri ɥsi jedi waruti ñayijɥ ĩ. Ito ĩ bajija ticōri, buto ĩre ti maiyijɥ surara ɥjɥ. ³ Ito bajiri Jesús cōrāre ĩ yisiore gaye tɔocōri, judio masa bɥcɥrāre, Jesure ji rotiyijɥ ĩ. ĩ ya moari masure Jesús ĩ yisiore āmoyijɥ ĩ. ⁴ Ito ĩ yija tɔocōri, Jesure jirā wayijarā ĩna. Jesús tɥjɥ ejacōri ado bajiro ĩre seniña josayijarā:

—“ĩre jitēña”, gɥare yi ñucagɥ, queno yigɥ ñami ĩ. Ito bajiri ĩre ejabɥarɥja mɥ.

⁵ Romano masɥ ñabojaguti mani ñarāre queno rɥcɥbɥoami ĩ. Ito yicōri minijuara wi gɥa meni masitoni gɥare niyeru ĩsiquĩ ĩ. Ito bajiri ĩre ejabɥarɥja mɥ, yi josayijarā ĩna Jesure.

⁶ ĩna ito yija tɔocōri, ĩna rāca sɥya wayijɥ Jesús. Ito wi ejarā wana ĩna yiroca surara ɥjɥ ĩ baba mesare Jesure oca goti boca rotiyijɥ. “Ado bajiro Jesure gotiba”, yi roticōayijɥ ĩ:

—Yɥ ɥjɥ mɥre ɥsirioro yi remo āmobeja yɥ. Rētoro quenagɥ ña mɥ. Yɥjɥa quenagɥ meje ña. Ito bajiri, yɥ ñeñaro yirisere bojogɥ, “Yɥ ya wijɥ sāja waya, yi masibeja yɥ mɥre”, yi gotiba ĩre, yi roticōayijɥ surara ɥjɥ.

⁷ Gaje ado bajiro yi roticōayijɥ ĩ:

—Ñeñaro yigɥ ñari, mɥ tɥjɥ wa masibeja yɥ. Mɥ masirisena mɥ yisio ñucaja, yɥ ya moari masɥ caticoagɥ yiguĩji mɥcana. ⁸ Gāji ɥjɥ bero gagɥ ña yɥ. Ito yicōri yɥ berɔjɥa ñama gājerā surara. ĩnare roti masia yɥ. Ito bajiri sigɥre, “Wasa”, yɥ yija, wami. Ito yicōri gājire, “Waya”, yɥ yija, wadiami. Ito yicōri yɥre moa ĩsiri masure yɥ moa rotija, moami. Ito bajiri rētoro queno roti masigɥ mɥ ñajare, “Mɥ yisio ñucaja, yɥ ya moari masɥ tujacoagɥ yiguĩji mɥcana”, yi tɔoĭa yɥ, yi gotiba Jesure, yi roticōayijɥ surara ɥjɥ.

⁹ Ito ĩ yi ñucare tɔocōri, tɔo ɥcayijɥ Jesús. Ito yicōri jɥda rɥgɥcōri ĩre sɥyarāre ado bajiro yiyijɥ Jesús:

—ĩ surara ɥjɥ yɥre queno tɔorɥnɥñi. Mani masa wato ĩre bajiro tɔorɥnɥrā mama, yi gotiyijɥ Jesús ĩnare.

¹⁰ Ito ĩ yija tɔocōri, tɥdi wasɥoyijarā oca goti bocari masa. Tɥdi ejacōri ĩna tija ñarise cōbojarɥ tujarɥ ñayijɥ ĩ ĩja.

Wajeago macure Jesús ĩ masore gaye

¹¹ Ito bajiro ĩ yija bero Naín wame cutiri cutojɥ wayijɥ Jesús, ĩ rāca riasotirā rāca. Ito yicōri masa jājarā wayijarā ĩ rāca. ¹² Iti cutojɥ ĩna ejaroca sigɥ godarɥre ĩna yujerā waja tiyijɥ Jesús. Wajeago macɥ ñayijɥ ĩ, ĩna yujerocɥ. Ito yicōri ĩ sigɥti ñabojayijɥ iso macɥ. Jājarā iti cuto gāna ĩre yujerona wayijarā ĩna. ¹³ Wajeago iso bojori bɥjaja ticōri, buto ti maiyijɥ Jesús isore. Ito bajiro ti maicōri ado bajiro yiyijɥ Jesús isore:

—Otibesa, yiyijɥ ĩ.

¹⁴ Ito bajiro ĩ yija bero ĩ ya masari cumajɥ moāyijɥ Jesús. Ito bajiro ĩ yija ticōri, ĩre yujerā wabojarā tuja rɥgɥcoayijarā ĩna ĩja. Ito bajiro ĩna tuja rɥgɥroca godarɥre ado bajiro yiyijɥ Jesús:

—Wɥmɥña mamɥ mɥ, yiyijɥ Jesús godarɥre.

¹⁵ Ito bajiro ĩ yirocati, jāja rɥjɥyijɥ godarɥ ñabojaguti. Ito bajiro bajirɥ ñabojaguti bɥsiyijɥ mɥcana. Ito ĩ bajija ticōri, ado bajiro yiyijɥ Jesús ĩ jacore: “ĩmo, āni ñami mɥ macɥ”, yiyijɥ Jesús isore. ¹⁶ Ito bajiro ĩ yi masoja ticōri, ti gūiyijarā ĩna, ito ñarā. Ito yicōri ado bajiro Diore rɥcɥbɥo bɥsiyijarā ĩna:

—Sigɥ Diore goti ĩsiri masɥ mani tɥjɥ ejami ĩja, yiyijarā ĩna.

Gaje ado bajiro bɥsiyijarā ĩna:

—Dios ñarā mani ñajare manire ejabɥarocɥ ejami adoja, yi wanɥrā rɥcɥbɥoyijarā ĩna Diore.

¹⁷ Ito yicōri Jesús godarɥre ĩ masore gaye tɔo jedicoayijarā Judea sita gāna. Ito yicōri iti sita tɥ gāna cɥni tɔo jedicoayijarā ĩna.

“*Jesure titēña*”, Juan idé guri masu ï yi ñucare gaye
(Mt 11.2-19)

¹⁸ Juan rāca riasotiri masa, Jesús ï yigore ticōri goti jeocōyijarā ñna Juanre. Ñna ito yija tuocōri, jūarāre jiyijū Juan. ¹⁹ Ito bajiri ñna jūarāre, “Ado bajiro Jesure seniñama mua”, yi ñucayijū Juan ñnare: “¿Riti Dios ï cōaru, Cristo ñnati mu? Í meje mu ñajama, ¿gājire bocatirā yirājida gua maji? yiba”, yi roti ñucayijū Juan ñna jūarāre. ²⁰ Ito ï yija tuocōri, wayijarā ñna. Jesús tuju ejacōri ado bajiro ñre yi gotiyijarā ñna:

—Juan, masare idé guri masu, guare seniña roti ñucami mure. ¿Riti, Dios ï cōaru, Cristo ñnati mu? Í meje mu ñajama, ¿gājire bocatirā yirājida gua maji? yiyijarā ñna Jesure.

²¹ Ito bajiro ñna seniña ñaroca, jājarā masa cōrāre yisioyijū Jesús. Ito yicōri ñna ya usijū rūmūa sāja ecoana, cajea mana, ito yicōri gājerā jeyaro ñarise cōrāre cūni masoyijū Jesús. Ito bajiro ï yija Juan oca ï seniña roti ñucana cūni tiyijarā ñna. ²² Ito yicōri ado bajiro Juan ï cōanare gotiyijū Jesús:

—Wasa. Mua tirise ito yicōri mua tuogorise cūni Juanre gotiba. Cajea mana ñna tiroca yū yirise, ruduana ñna waroca yū yirise, wiro joganare yū yisiorise gaye, gāmo goje tuomena ñna tuoroca yū yirise, godana ñabojarocati ñna catiroca yū yirise, ito yicōri bojoro bujarāre Dios ï masoroti oca yū goti masiorisere cūni, gotiba Juanre. ²³ Ito yicōri, no yure tuorūnūstiguti, queno wanūgū yiguji ï, yiyijū Jesús, Juan ï oca seniña roti ñucanare.

²⁴ Ito ï yija tuocōri, tūdi wayijarā ñna. Ito bajiro ñna tūdi waja bero, Juan ï bajigore gaye masare gotiyijū Jesús:

—¿Yucu manojū warā, ñimure tuoña wacati mua? ¿Sīgū ūmūgū mino iti waja, ū rūgōgūre tuoña wacatite mua? yi seniñayijū Jesús masare. Yucūgu cogū mino wēaja wārericu bajiro meje ñami Juan. Queno tuoñagū ñami ï. ²⁵ ¿Ñre mua ti bujaja yutabuju quenarise sāñagū ñacati ï? Yutabuju quenarise sāñarā bajiro bajigu meje ñami ï. Yutabuju quenarise sāñarā ūjarā ya wijū ñarāona ñarāji ñna. Ñna robo bajigu meje ñaguji Juan. ²⁶ Yucu manojū warā, ¿Diore goti ñsiri masure tirā wasotiri mua? Itojū ejacōri, “Diore goti ñsiri masu ñami”, yi masiyija mua. Riti ña, gājerā Diore goti ñsiri masa rētoro ñasagu ñami Juan. ²⁷ Jane mejeju Juanre ado bajiro yi goti yucāyijū Dios oca:

Mu waroto riojua sīgū masu cōa yū. Masa mure bocati ñaroca, yirocure cōa yū, yi gotia Dios oca tuti, yiyijū Jesús.

²⁸ Sīgū adi tutijū, Juan masare idé guri masu rētoro ñasagu mami. Ito bajibojarocati Dios ï rotirojū ñarā Juan ï ñasado bajiro rēto busaro ñasarā yirāji ñna, yiyijū Jesús ñnare.

²⁹ Juan Dios oca ï gotija tuogoana, “Riti, Dios rotirise quenarise ña. Itire cūdi āmoa gua”, yicōri, Juanre idé gu rotiyijarā ñna. Ito yicōri ūjarāre yiari waja seni ñsiri masa cūni, ito bajiro ti yiyijarā ñna. ³⁰ Ito bajibojarocati fariseo gaye tuoñarāma ito yicōri judio masa rotirise riasori masama, Dios rotirisere te ñayijarā. Ito bajiri Juanre idé gu rotibisijarā ñna.

³¹⁻³² Gaje ado bajiro gotiyijū Jesús:

—Adi rāmuri gāna Juanre teama, ito yicōri yure cūni teama ñna. Rīaca minijuacōri ñna awasā aje cūñaro bajiro bajirā ñama ñnaona. Tite. Ado bajiro awasā ajeama rīaca: “Gua seru juti ajeroca, mūama juti āmobijū. Ito yicōri masa godaroca ñna otirise gua oti queso aje āmoja, mūama gua rāca oti queso aje āmobijū”, yi awasā ajeama rīaca. Ito bajiro bajiamā Juanre terā ito yicōri yure terā cūni. Tite. ³³ Babicuti Diore rūcūbuogu seniñquī Juan. Ito yicōri ūyé ide idibitiquī ï. Ito bajiro ï yija ticōri, “Rūmū sāja ecorū ñami”, yicu mua ñre. ³⁴ Í bero yū, Masa Rījorū, ejacu. Ba, idi yigu ña yūama. Yū ito bajiro yija ticōri, ado bajiro ya mua yure: “Jairo bagū ña mu. Idire cūgu ña mu. Ñeñaro yi jairā rāca baba cutigu ña mu. Ito yicōri ūjarāre yiari waja seni ñsiri masa rāca baba cutigu ña mu”, ya mua yure. ³⁵ Sīgū Dios robo bajiro queno tuoñare cutigu ï ñaja, jeyaro ï yirisere ticōri, “Í ñami Dios robo bajiro tuoñare cutigu”, yi tuoña mani. Ito bajiri yū yirise ticōri, “Dios robo bajiro tuoñare cutigu ñami”, yi masi ñarā yirāji mua yure, yiyijū Jesús ñnare.

Simón fariseo gaye tuoñagū ya wijū Jesús ï ñnare gaye

³⁶ Ito ĩ yija bero sĭgũ fariseo gaye tuoĩagũ Jesure jiyijũ ĩ ya wijũ, bagũ watoni. Ito ĩ yija tuoĩori, ĩ ya wijũ wayijũ Jesús. Iti wijũ sãjacõri bara mesa tujũ eja rũjũyijũ Jesús. ³⁷ Ito bajiro ĩ bagũ waja tuoĩori, iti cuto gago sĭgõ wedi maso ĩ tujũ wayijo iso. Itoju waco queno sutirise úye, coga dajaro ãmi wayijo iso. Itiga ñayijũ gũta alabastro wame cutirisena ĩna meniraga. ³⁸ Ito Jesús tujũ sãja ejacõri ĩ ya gũbo tujũ eja rũjũyijo iso. Ito yicõri iso ya yago idena Jesús ya gũbore coesũoyijo iso. ĩ ya gũbore coe tĩocõri iso ya joanati Jesús ya gũbore weja caroyijo iso. Ito yicõri ĩre wanũgõ ĩ ya gũbore usuyijo iso. Gajanoa ito bero úye queno sutirise ĩ ya gũboju tuyijo iso. ³⁹ Iso ito yija ticõri, Jesure jigorũ fariseo gaye tuoĩagũ ado bajiro tuoĩayijũ: “Riti Diore goti ĩsiri masũ ĩ ñajama, adio ĩ ya gũbo coegore ti masiborũ. Ito yicõri, ‘Wedi maso ñamo’, yi masiborũ ĩ”, yi tuoĩayijũ fariseo gaye tuoĩagũ Jesure jirũ. ⁴⁰ Fariseo gaye tuoĩagũ ĩ tuoĩarisere tuo masicõri, ado bajiro yiyijũ Jesús ĩre:

—Simón, mũre jabeto goti ãmoa yũ, yiyijũ Jesús ĩre.

—Baũ, gotiya yũre riasogu mũ, yiyijũ Simón Jesure.

⁴¹ Ito ĩ yija tuoĩori, ado bajiro goti masiore ocana gotiyijũ Jesús ĩre:

—Jũarã ãmũa ñayijarã, niyeru wasoari masure waja ruyuriorã. Sĭgũ quinientos niyeru cujiri waja ruyurioyijũ. Ito yicõri gãji cincuenta niyeru cujiri waja ruyurioyijũ.

⁴² Ito bajibojarocati ĩna waja ruyuriogũre waja yi masibisijarã ĩna. Ito bajiro ĩna waja ruyuriobojarocati ĩnare niyeru wasoagorũ tũdi seni ãyabisijũ ĩja, yi gotiyijũ Jesús Simónre.

Gaje ado bajiro Simónre seniĩayijũ Jesús:

—¿Nijũa bũto bũsa ĩnare niyeru wasoagorũre mairãjida ĩna? yi seniĩayijũ Jesús Simónre.

⁴³ Ito bajiro ĩ seniĩaja, tuoĩori:

—Yũ tija, jai bũsaro waja ruyuriogũjũa ĩre bũto maiguĩji, yiyijũ Simón.

Ito ĩ yija tuoĩori:

—Riti ya mũ, yiyijũ Jesús ĩre.

⁴⁴ Ito yicõri ĩre gũbo coegojũare ticõri, bũsiyijũ Jesús Simónre:

—Adiore tiya. Mũ ya wijũ yũ sãjaroca yũre ide ĩsibijũ mũ, yũ ya gũbo coeroti. Ito bajibojarocati adiojũama iso ya yago idenati yũ ya gũbore coemo iso. Ito yicõri iso ya joanati yũre weja caromo iso. ⁴⁵ Yũre wanũgũ, yũre usubijũ mũ. Ito bajibojarocati adioama, yũre wanũgõ queno gũboju usumo iso.

⁴⁶ Ito yicõri yũ ya rijogajũ úye tubijũ mũ. Ito bajibojarocati adioama úye queno sutirise yũ ya gũboju tumo iso. ⁴⁷ Ito bajiri ado bajiro mũre gotia Simón yũ: Ñeñaro yi jaigo ñabojarocati, yũre bũto iso maija ticõri, iso ñeñaro yirisere ãcabojoa yũ. Sĭgũ jabetacã bũsa ñeñaro yigũre, ĩre yũ ãcabojaja, jabetacã bũsa yũre maigũ yiguĩji ĩ. Ito yicõri bũto ñeñaro yigũre yũ ĩ ñeñaro yirisere ãcabojaja bũto bũsa yũre ti maigũ yiguĩji ĩ. Iti tuo masiña, yiyijũ Jesús Simónre.

⁴⁸ Ito yicõri romiore ado bajiro yiyijũ Jesús:

—Mũ ñeñaro yirisere ãcabojacõa yũ, yiyijũ Jesús isore.

⁴⁹ Ito ĩ yija tuoĩori, gãjerã iti wijũ ĩna rãca bari masa, ĩnamasiti gãmeri seniĩayijarã ĩna:

—¿Ñimũ ñati ãni, masa ĩna ñeñaro yirisere ãcabojagu? yi gãmeri seniĩayijarã ĩna.

⁵⁰ Ito bajiro ĩna yiroca, romiore ado bajiro gotiyijũ Jesús:

—Yũre queno tuoĩũnũa mũ. Ito bajiri mũre masorocũ mũ ñeñaro yirisere ãcabojocõa yũ. Ʋsirioro yibecoti wasa mũ, yiyijũ Jesús isore.

8

Jesure romia ĩna ejabũare gaye

¹ Ito yija bero gaje cutorijũ Dios oca goti ucugu wayijũ Jesús. “Ĩre tuoĩũnũrãre ĩ rotiroju miojugũ yiguĩji Dios”, yire gaye goti ucugu wayijũ ĩ. Ito yicõri ĩ rãca riasotirã, jũa gũbojeno ñarã rãca wayijũ ĩ. ² Romia cũni ĩna rãca wayijarã. ĩna ñayijarã ĩna ya Ʋsijũ rũmũa sãja ecoanare Jesús ĩ bucõagoana. Ito yicõri ñarise cõana ĩ masogoana cũni wayijarã ĩna rãca. Sĭgõ María Magdalena wame cutigo ĩna rãca wayijo. Iso ñayijo jũa

āmojeno rāmúa ñarāre Jesús ĩ bucōagoro. ³ Ito yicōri gajeo Juana wame cūtigo ñayijo. Iso ñayijo Cuza manojo. Herodes ya moari masa ũjũ ñayijũ Cuza. Ito yicōri gajeo Susana wame cūtigo ñayijo. Ito yicōri gājerā cūni jājarā Jesús rāca romia wayijarā ĩna. ĩna ejabũa masiro bajiro ejabũayijarā ĩna.

Oteri masũ gaye Jesús ĩ goti masiore oca
(Mt 13.1-9; Mr 4.1-9)

⁴ Ito bajiro Jesús ĩ wa ucuroca co cuto gāna meje ĩ tũ minijuayijarā, ĩre ti āmorā. Ito bajiro ĩna ejaja ticōri, goti masiore ocana gotiyijũ Jesús ĩnare:

⁵—Sĩgũ weseca ĩ ya ote ajeri otegũ wayijũ ĩ. Wesecajũ ejacōri, iti ajerire ĩ wējabateroca gaje ajeri majũ quedi queayijũ. Ito bajiro quedi quearisere gājerā itire cūdabia rojocōyijarā. Ito yicōri minia cūni bayijarā, iti ajerire. ⁶ Gaje ajeri gũta watojũ quedi queayijũ. Iti gũta wato quedi queara ajeri nocō mejeti judibojayijũ. Ito bajibojarocati yoari mejeti siniacoayijũ sita iti ide manijare. ⁷ Gaje ajeri jota watojũ quedi sāja wayijũ. Ito quedi sājacōri, iti judi mũja waroca jota mari dũrea sīacōyijũ itire. ⁸ Ito yicōri gaje ajeri sita quenarise joejũ quedi queayijũ. Ito bajiri iti ajeri judi bucucacōri quenarise rica cūtiyijũ. Ito yicōri coria sarari cien ñari ajeri rica cūtiyijũ, yiyijũ Jesús ĩnare.

Ito bajiro iti goti tīocōri mũcana ado bajiro yiyijũ Jesús ĩnare:

—No gāmo goje cūtirā tũoya, yiyijũ Jesús oca sēoro ĩnare.

¿No yija goti masiore ocana riasoati mũ? ĩna yi seniĩfare gaye
(Mt 13.10-17; Mr 4.10-12)

⁹ Ito ĩ yija tũocōri, ado bajiro ĩre seniĩayijarā ĩ rāca riasotiri masa:

—¿Ñe yireoni ñati iti goti masiore oca? yiyijarā ĩna.

¹⁰ ĩna ito yija:

—“No ĩre tuorũnurā ĩ rotirojũ miojugũ yiguĩji Dios”, yi gājerā ĩna tuo masibiti gaye mũa tuo masiroca yami Dios mũareama. Gājerāma iti oca tuobojarāti queno tuo masimenaji ĩna. Ito bajiroti yi gotiyijarā Diore goti ĩsiri masa. Tite mũa. “Tuobojarāti, tuo masimenaji ĩna. Ito yicōri tibojarāti, ti masimenaji ĩna”, yi goticāyijarā jane mejejũ, yiyijũ Jesús ĩnare.

Ado bajiro baja oteri masũ ye, yi Jesús ĩ goti quenore gaye
(Mt 13.18-23; Mr 4.13-20)

¹¹ Ito yicōri mũcana tũdi riasoyijũ Jesús ĩnare:

—“Oteri masũ sĩgũ ado bajiro bajiyijũ”, yirocũ mũare gotibũ yũ. Ito bajiri adocāta mũare goti rētobugũ ya yũ, mũa queno tuo masitoni. Oteri masũ, Dios oca goti ucuri masũ robo bajigũ ñami ĩ. Ito yicōri ĩ oteri ajerioniti ña Dios oca mani tuorise. Tite mũa. Ado bajirojũa baja iti oca. ¹² Coriarā masa Dios ocare tuorāji tuorea. Ito bajibojarocati ĩna ācabojaroca yigũ yiguĩji rāmú. Ito bajiri Diore tuorũnumenaji ĩna. Ito bajiri ĩre ĩna tuorũnubejare ĩnare masobiquĩji Dios. Dios ocare ĩna ācabojaja, majũ ote ajeri quedi queado bajiro bajirā yirāji ĩnaõna. ¹³ Gājerāma Dios ocare tũocōri queno wanũ quenare rāca boca āmirāji ĩna. Ito bajibojarocati ĩnare oca ñaja, ito yicōri gājerā ĩnare ti teja, Diore tuorũnumenaji ĩna. Ito yicōri nocō mejeti ĩ oca ĩna tuobojarere jidicārā yirāji ĩna. Ito bajiro ĩna yija, gũta wato quedi queara ajeri bajiro queno ñe mari mana robo bajirā yirāji ĩnaõna. ¹⁴ Gājerāma Dios ocare tuobojarāti adi macārucũro gayere bũto tũoĩarā yirāji ĩna. Ito bajiro tũoĩacōri adi macārucũro ñenarise gajeonire cūni jidicā āmomenaji ĩna. Ito bajiro ĩna jidicā āmobeja jota mari wato ote ajeri quedi queado bajiro bajirā yirāji ĩnaõna. ĩna ñama Diore queno moa ĩsimena. ¹⁵ Gājerāma Dios oca tũocōri, ĩre queno tuorũnurā yirāji ĩna. Ito bajiro ĩre queno tuorũnurā ñari ĩre jidicāmenaji ĩna. Ito yicōri ĩ āmoro bajiro yirā yirāji ĩna. Ito bajiro ĩna yija sita quenarise joejũ ote ajeri quedi queado bajiro bajirā yirāji ĩnaõna. ĩna ñama Diore queno moa ĩsirā, yiyijũ Jesús ĩnare.

Ado bajiro baja sĩabusuoraga, yi Jesús ĩ riasore gaye
(Mr 4.21-25)

¹⁶ Mucana tudi goti masiore ocana gotiyiju Jesús:

—Mujura jái sñacōri riri sota rocaju mucūmenaji mani. Ito yicōri gaje mujura jái sñacōri canira casabo rocajuare sña cūmenaji mani. Ado bajirojua yirāji mani. Mujura jái sñasuara tutuju sñasuarā yirāji mani. Ito bajiro mani sñasujaja, masa sāja wadirā ti masirā yirāji ina.

¹⁷ Ado bajirojua baja ita yireoni. Masa ina tuo masibitire ija tuo masicoarā yirāji ina. Ito yicōri yeyoro masa ina tuoīabojarisere masa jeyaro masicōrā yirāji ina, yiyiju Jesús.

¹⁸ 'Queno tuoja mua, yu gotirisere. Sīgū Diore queno tuorūnugūre buto busa Dios oca ī tuo masiroca yigu yiguīji Dios. Ito bajibojarocati gājijama Diore queno tuorūnubicu ī ñajare Dios oca ī masibojarisere ī ācabojaroca yigu yiguīji Dios, yiyiju Jesús ī rāca riasotirāre.

Jesús ī ñarā ado bajiro bajijama, yire gaye

(Mt 12.46-50; Mr 3.31-35)

¹⁹ Ito ī yija bero ī jaco, ī ocabajirā ire ti āmorā ejabojayijarā ina. Jājarā masa ina ñajare ī tujū eja masia mañiju inare. ²⁰ Ito bajiro ina bajija ticōri, sīgū ado bajiro Jesure gotiyiju:

—Mū jaco, mū ocabajirā mure tirā wadiana macūju ñama, yi gotiyiju ī Jesure.

²¹ Ito ī yija tuocōri, ado bajiro ire cūdiyiju Jesús:

—No Dios oca tuorāti, ito yicōri itire cūdirāti, ina ñama yu jaco robo, yu ocabajirā robo bajiro bajirā, yiyiju Jesús.

Minore, jacūrisere cūni Jesús ī rētoze gaye

(Mt 8.23-27; Mr 4.35-41)

²² Co rūmū Jesús ī rāca riasotirā rāca cumaju sājayiju. Ito yicōri ado bajiro yiyiju:

—Ita, sidujaju wea jēa wato, yiyiju Jesús ī rāca riasotirāre.

Ito ī yija tuocōri, gaje dūjaju jēa wayijarā ina. ²³ Ito bajiro jēa wacūju, canicoayiju Jesús. Ī canigoja bero buto mino wēayiju. Ito yicōri itira itajura buto jacūyiju. Iti jacūrise cumaju jairo ruja sājayiju. Ito bajiri jabeto ruyabojayiju cuma ita rujaroto. ²⁴ Ito bajija ticōri, buto gūiyijarā ī rāca riasotiri masa. Ito bajiri Jesure yujioyijarā ina. Ado bajiro yi yujioyijarā ina Jesure:

—Jesús, gūare riasogu, yujiya mū. Canibesa. Rujarā ya mani, yiyijarā ina Jesure.

Īna ito yija tuocōri, yuyiyiju Jesús. Ito yicōri jacūrisere ado bajiro yiyiju Jesús: “Itocōti jacūña. Mino cūni itocōti wēaña”, ī yirocati, rētaoayiju ĩja. ²⁵ Mino ita rētaja bero ado bajiro inare seniñayiju ī ĩja:

—¿Ñe rētati, yure tuorūnubeati mua? yiyiju Jesús inare.

Ito bajiro ita rētaja, mano ti ucayijarā ina, ī rāca riasotiri masa. Ito yicōri inamasiti ado bajiro gāmeri busiyijarā ina:

—¿Ñimūcū ñati āni? Ī busirocati mino cūni rētaoaju. Jacūrise cūni tujacoaju, yi gāmeri busiyijarā ina.

Gerasa gagu rūmú sñāgū oca

(Mt 8.28-34; Mr 5.1-20)

²⁶ Gaje dūja Galilea wame cutiri dūjaju ñana jēa wa, Gerasa wame cutiri sitaju ejayijarā ina. ²⁷⁻²⁹ Cumana jēa waru jēa ejacōri maja wayiju Jesús. Ito bajiro waroca sīgū ita cuto gagu rūmúa sāja ecoru bocayiju Jesure. Ī ūmugū yoari yutabuju sñāre mejeti ña ucuyiju ĩ. Ito yicōri wiju ña masibisiju ĩ. Ito bajiri gūta gojeriju ñayiju ī ñaro. Iti gūta gojeri ñayiju masa ina yujerise. Itoju ñasotiyiju rūmúa sāja ecoru, ī ñaro.

Ito ī ñaroca coji meje rūmúa sājayijarā ire. Ito yicōri gājerā ito gāna coji meje ī ya āmori ī ya gūbori cūni come mana ire siasotibojayijarā ina. Ito bajiro ina siabojarocati, buto tunu ruacōsotiyiju ĩ. Ito yicōri ī ya usiju ñarā rūmúa yucu manojū wa rotiyijarā ire. Ito bajiro yucu manojū waca yiguju Jesure bocayiju ĩ. Īre bocacōri Jesús riojo ñini rūjūyiju rūmúa sāja ecoru. Ito yicōri buto awasāyiju ĩ. Ito bajiro ī yija ticōri, ī ya usiju ñarā rūmūare budi rotiyiju Jesús. Ī budi rotija tuocōri, ado bajiro Jesure seniñayijarā ina rūmúa:

—¿Mu ũmacũju gagu Dios Macu, guare no bajiro yigu yigujada mu? Buto ñeñaro gua tũbujaroca yibesa, yiyijarã rũmúa Jesure.

³⁰ Ñna ito bajiro josaja tuocõri, ado bajiro seniñayiju Jesús ñnare:

—¿Ñimu wame cutiati mu? yiyiju Jesús.

Ito bajiro ñ seniñaja tuocõri:

—Legión wame cutigu ña yu, yiyiju rũmúa.

Jãjarã yireoni ña Legión. Ito bajiri ito bajiro wame cutiyiju ñ rũmúa. Jãjarã rũmúa ñayijarã ñ ũmugũre.

³¹ Ñna rũmúa Jesure ado bajiro yi seniñayijarã:

—“Sõju wasa”, yibesa guare, yiyijarã rũmúa Jesure.

³² Ito yiroca turia joeju jãjarã ecana yesea ba rãgõ ucuyijarã. Ito bajiro bajija ticõri, Jesure buto seni josayijarã ñna:

—Yeseare gua sãjatoni guare sãja rotiya mu, yiyijarã rũmúa Jesure.

Ñna ito yija tuocõri:

—Baũ, yeseare sãjaña mua, yiyiju Jesús ñnare. ³³ Ito ñ yija tuocõri, masu ya usiju sãñabojana budi jedicoayijarã, yeseare sãjarona. Ito yicõri yesea rũmúa sãja ecocõri buto sãoro ũmaquedi wayijarã ñna. Ito bajiro buto ũmaquedi jati wacõri, turia joejuna bubu jati waca yirãju, itajuraju quedi roa goda jedicoayijarã yesea.

³⁴ Iti ito bajiro rãtaja ticõri, yeseare coderi masa ũmaquedi wayijarã cutoriju goti ucurona. Iti ito bajiro rãtagorere jaibiti cuto cuni, jaja cuto cuni goti ucuyijarã ñna. ³⁵ Ito bajiro ñna gotija tuocõri, “Ita mani cuni. Tito”, yiyijarã gãjerã. Ito yicõri Jesús tũju ejacõri rũmúa sãja ecogorure ti bujayijarã ñna. Queno usi cutigu rujiyiju ñ ñja, Jesús tũju. Ito yicõri yutabuju sãñarũ ñayiju ñ ñja. Ito bajiro ñ bajija ticõri, ti ucacoayijarã ñna. ³⁶ Ñ ito bajija ticõri:

—Rũmúa sãja ecorũ ñabojaru rũmũare budi rotiñi Jesús, yiyijarã ñna. ³⁷ Itire tuocõri Gerasa gãna, ito yicõri ito tu gãna cuni buto güicõri Jesure wa rotiyijarã ñna. Ñna ito yija tuocõri, cumaju sãjayiju Jesús. ³⁸ Ito bajiro cumaju ñ sãjaroca rũmúa ñ bucõagorũ, ado bajiro seni josayiju Jesure:

—Yu cuni mu rãca wa ãmoa yu, yi seniñayiju ñ. Ito bajiro ñ yija tuocõri:

³⁹ —Mu ya wiju tũdi wasa. Ito yicõri ado bajiro yi gotiba, “Jesús yu ya usiju rũmúa sãñabojanare bucõacõquĩ”, yi gotiba mu, yiyiju Jesús rũmúa ñ bucõagorure.

Ito ñ yija tuocõri, cutoriju wayiju rũmúa budigorũ. Ito yicõri jeyaro ñre rãtagorere goti ucuyiju, Jesús ñ rotiado bajiroti.

Jairo macore Jesús ñ yisioire gaye

(Mt 9.18-26; Mr 5.21-43)

⁴⁰ Ito bajiro ñ yi ucuja bero, tũdi jã wayiju Jesús mucana. Ito bajiro ñ jã ejaroca wanu quenare rãca ñre boca ãmiyijarã masa. ⁴¹⁻⁴² Ito bajiro ñ jã ejaroca, ñna masa jãjarã wato sãgũ judio masa ñna minijuari wi ujũ Jairo wame cutigu wadiyiju. Wadicõri Jesús riojo rijomunigãna ñini rũjũyiju Ñ. Ñ maco juã gubojeno rodori tũjago ñayijo iso. Sãgõti ñayijo ñ maco, ito yicõri buto cõyijo iso. Goda waroti ñayijo iso. Ito bajija ticõri, Jesure ñ ya wiju ñ watoni ñre jigũ ejayiju Jairo. Ito bajiro ñ seniñaja tuocõri, Jairo ya wiju wayiju Jesús.

Ito Jairo ya wi ñ waroca masa jãjarã ñayijarã. Ito bajiri masa jãjarã gãni bia wayijarã ñre.

⁴³ Ito yicõri ñna masa rãca sãgõ romia ñarise cõgõ ñayijo. Juã gubojeno rodori cõ tũjayijo iso. Ito yicõri isore uco yigoanare iso rucorise ñarocõti waja yi jeocõyijo iso. Ñna ito bajiro uco yibojarocati rãta masibisiju isore. ⁴⁴ Ito bajiro masa jãjarã wato Jesús ya yutabuju gaja moañayijo iso. Iso ito bajiro ñ ya yutabujure moañarocati iso ñarise cutibojarise rãtacoayiju isore ñja. ⁴⁵ Ito bajiro ñ ya yutabujure iso moañaja tuo masicõri ado bajiro seniñayiju Jesús:

—¿Noa yu ya yutabujure moañari? yi seniñayiju ñ.

Ito bajiro ĩ seniñaja tucōri: “Moñabijũ gũa cuni”, yiyijarã ĩna ñarocōti Jesure. Ito bajiro ĩnare ĩ seniñaja bero, ado bajiro cūdiyijũ Pedro:

—Gũare riasogũ, mũ tũjũ masa jãjarã ñama. Jãjarã mũre gãni bia wama. Ito yicōri jãjarã mũ ya yutabujure cũoama. No yigũ ito yiri mũ, “¿Ñimo yũ ya yutabujure moañari?” yibũ mũ, yiyijũ Pedro Jesure.

⁴⁶ Ito yija Jesús ado bajiro yiyijũ ĩnare:

—Sĩgõ yũre moañamo. Ito bajiro iso moañaja, yũ masirise rãca isore ñarise rẽtomũ yũ, yiyijũ Jesús.

⁴⁷ ĩre yutabuju moañare ĩ masija tucōri, bũto gũiyijo iso. Ito yicōri iso ya ruju mũrũogõti Jesús riojo iso ya rijomunigãna ñini rũjũyijo iso. Ito yicōri masa jãjarã ĩna tũoroca Jesure iso moañagorere gotiyijo iso: “ ĩ ya yutabujure yũ moañajama, yũ cõrise rẽtacoaro yiroja’, yi tũoĩacōri, mũ ya yutabujure moañamũ yũ. Ito yicōri yũ moañarocati yũ ruju ñarise rẽtacoaju ĩja”, yi gotiyijo iso, masa ĩna tũoro riojo. ⁴⁸ Iso ito yija tucōri:

—Maco, tũoya mũ. Yũre mũ tũorũnũrise mũre yisicõa. Ito bajiri wanũ quenagõ, cati quenagõ wasa mũ, yiyijũ Jesús isore.

⁴⁹ Ito bajiro isore ĩ goti ñaroca Jairo ya wi ñarã ejayijarã Jairore gotirã:

—Mũ maco godacoamo. Ito bajiri mũcana tũdi usirioro yibesa ãni riasogũre, yiyijarã ĩna Jairore.

⁵⁰ ĩna ito yija tucōri, Jairore ado bajiro yiyijũ Jesús:

—Gũibesa. Diore mũ rũcũbũoja, mũ maco mũcana tujacoago yigõji iso, yiyijũ Jesús ĩre. Ito yicōri Jairo ya wijũ wayijarã ĩna.

⁵¹ ĩ ya wijũ ejacōri Pedro, Santiago ito yicōri Juanre cuni sãja rotiyijũ Jesús. Ito yicōri cõgõ jacũsabatiane cuni sãja rotiyijũ ĩ. Gãjerãre sãja rotibisijũ Jesús. ⁵² Iti wi ñarã masa, macoacã iso godaja ticōri, bũto otiyijarã ĩna. ĩna ito bajiro otija ticōri, ado bajiro yiyijũ Jesús ĩnare:

—Otibesa, Adio macoacã cõgõ meje yamo iso. Canigõ yamo, yiyijũ Jesús.

⁵³ Ito ĩ yija, ito oti ñarã bũto ĩre aja tudiyijarã ĩna. “Godasacoamo iso”, yi tũoĩayijarã ĩna. ⁵⁴ Ito bajiro ĩna yibojarocati godaro iso ñari sãnimũjũ sãjacōri iso ya ãmore ñiayijũ Jesús. Ito yicōri ado bajiro yiyijũ Jesús isore:

—Macoacã, wũmũ rũgũña, yiyijũ Jesús isore.

⁵⁵ Ito ĩ yirocaci cojisiti tujacoayijo iso, godaro ñabojagoti. Ito yicōri godaro ñabojagoti wũmũ rũgũyijo iso. Ito iso bajija ticōri, “Bare ecaya isore”, yiyijũ Jesús. ⁵⁶ Ito bajiro iso tujaja ticōri, ti ucacoayijarã iso jacũsabatia. Ito bajibojarocati iso jacũsabatiane oca goti bato rotibisijũ Jesús, iso tujarise gayere.

9

Dios oca ĩna goti ucutoni ĩ rãca riasotirãre Jesús ĩ cõare gaye (Mt 10.5-15; Mr 6.7-13)

¹ Co rãmũ ĩ rãca riasotirã, jũa gũbojeno ñarãre miojuyijũ Jesús. Ito bajiro ĩna minijuaja ticōri, ĩ masirise ĩsiyijũ Jesús ĩnare, rãmũa sãja ecoanare rãmũare ĩna bucõa masitoni. Ito yicōri cõrãre cuni ĩna maso masitoni, ĩ masirise ĩsiyijũ Jesús ĩnare. ² Ito yicōri, “Ĩre tũorũnũrãre ĩ rotiroju miojugũ yiguĩji Dios”, yire oca goti ucu rotiyijũ Jesús ĩnare. Ito yicōri, “Cõrãre cuni yisorã yirãji mũa”, yi roti ñucayijũ Jesús ĩnare. ³ Gaje ado bajiro ĩnare gotiyijũ Jesús:

—Iti mũa oca goti ucũrã waja gajeoni ãmimenati waja. Ito yicōri mũa ya turigũ cuni ãmi wabeja. Ito yicōri tura baju, naju, niyeru cuni ãmi wabeja. Ito yicōri yutabuju mũa sãñarise rãca riti waja. Wasoa sãñado ãmimenati waja, yiyijũ Jesús. ⁴ Ito yicōri cũto mũa ejaja mũa sãja ejari witi ñacõama. Iti wi ñarãti mũcana gaje cũtoju warã yirãji mũa. ⁵ Gaje cũtoju mũa ejaroca iti cũto gãna mũare ĩna boca ãmibeja riojoti rẽtacoaja. Ito yicōri iti cũto rẽta warãti mũa ya gũboju sita wãrisere ja bateba. Ito bajiro mũa yija ticōri, “Ĩnare queno boca ãmibijũ mani”, yi tũoĩarã yirãji iti cũto gãna, yiyijũ Jesús ĩnare.

⁶ Ito bajiro i yija tucōri, jeyaro cutorijū Dios oca goti ucurā wayijarā ina. Ito yicōri cōrāre cūni maso ucurā wayijarā ina.

Herodes i tuoia oca jaire gaye

(Mt 14.1-12; Mr 6.14-29)

⁷ Ito bajiro ina yi ucuroca, Herodes Galilea sita ujū, jeyaro Jesús i yigore tuoijū i. Gājerā Herodesre ado bajiro yi gotiyijarā ina: “Godarū nabo jaguti mucana catiami Juan”, yiyijarā gājerā ire. Ina ito yija tucōri, no bajiro yi tuoia masibisijū Herodes. ⁸ Gājerāma, Herodesre ado bajiro yiyijarā ina: “Elías goaīorū”, yiyijarā gājerā. Ito yicōri gājerāma, “Jane mejeju Diore goti isiri masu godacōri mucana catirū”, yiyijarā ina. ⁹ Ina ito bajiro gotirise tucōri, ado bajiro yiyijū Herodes:

—Yumasiti Juanre ina rijoga jatatoni roti nūcacū yū. ¿Nimūcā nati ito bajiro jaje oca ruyugū? yiyijū Herodes.

Ito bajiro iti buto oca ruyuja tucōri, buto ti amoyijū Herodes Jesure.

Cinco mil narāre Jesús i ecare gaye

(Mt 14.13-21; Mr 6.30-44; Jn 6.1-14)

¹⁰ Jesús i oca ina goti ucutoni i cūana tūdi ejarā inare rētagore Jesure goti jeocōyijarā ina. Ito bajiro ina gotija bero ricati busa Betsaida wame cutiri cuto tujū inare āmi wayijū Jesús. ¹¹ Ito bajibojarocati “Ito warāji ina”, yi masicōri inare sūya wayijarā masa jājarā. Ito bajiro ina sūya ejaja ticōri, wanure rāca inare boca āmiyijū Jesús. Ito yicōri, “Ire tuorūnūrāre i rotirojū miojugū yiguji Dios”, yire oca gotiyijū Jesús inare. Ito yicōri cōrāre cūni masoyijū i.

¹² Rāiocūro nā wadiroca i oca goti ucutoni i cūana i tujū minijuacōri ado bajiro yiyijarā ina ire:

—Buto cuto meje nā ado. Ito bajiri queno bare buja masiña ma ado. Ito bajiri masare cutojū wa rotiya, bare ina buja masitoni, ito yicōri ina cani masitoni, yiyijarā ina Jesure.

¹³ Ito ina bajiro yibojarocati:

—Mūati inare bare ecaya, yiyijū Jesús.

Ito i yija tucōri, ado bajiro yiyijarā ina Jesure:

—Najuro co dūjamocō, ito yicōri wai jūarāti nāma gūare. ¿Ina narocōti masa ina barotire gua waja yirā ware āmoati mū? yiyijarā ina Jesure.

¹⁴ Cinco milcō nāyijarā ina ūmūa. Romia ito yicōri rīaca cūni nāyijarā ina wato. Ito bajiro jājarā ina nāja ticōri, i rāca riasotirāre ado bajiro yiyijū Jesús:

—Rujariaburi ruji rotiya masare. Cobu rujirāre jūarā masacō gāji ye jūa dūjamocō ruji rotiya, yiyijū Jesús i rāca riasotirāre.

¹⁵ Ito bajiro i yija tucōri, ito bajiro masare ruji rotiyijarā ina. ¹⁶ Ito bajiro ina rujija ticōri, co dūjamocō naju nārisere, wai jūarāre cūni āmi rucoyijū i ya āmona. Ito yicōri macārūcūrojū ti mucōri Diore, “Queno ya mū”, yiyijū Jesús. Ito yicōri iti najurore igata batoyijū, waire cūni. Ito yicōri i rāca riasotirāre isiyijū, masare ina batotoni. ¹⁷ Ito bajiro ina batoja boca āmicōri masa narocōti jediyijarā ina. Ito yicōri yaji quenaro nāyijarā ina. Ito bero ina yaji rētagore jūa gūbojeno jiburi miosā dajoyijarā ina.

Cristore “Dios i cōarū nā mū”, yi Pedro i goti quenore gaye

(Mt 16.13-19; Mr 8.27-29)

¹⁸ Co rūmū Diore busirocū gajeju busa wayijū Jesús. Ito i Jacure busi naroca, i rāca riasotirā ejayijarā ina. Ina ejaja ticōri, ado bajiro inare seniāyijū Jesús:

—¿No bajiro yi busiri masa yure? yiyijū Jesús.

¹⁹ Ito i yija ado bajiro cūdiyijarā ina:

—Gājerāma mure, “Masare idé guri masū, Juanti nāmi”, yama ina mure. Gājerāma, “Elías nāmi”, yama ina mure. Ito yicōri gājerāma, “Jane mejeju Diore goti isiri masu godacōri mucana catirū nāmi”, yama ina mure, yiyijarā ina Jesure.

²⁰ Ina ito yija tucōri, ado bajiro seniāyijū Jesús:

—Mūama, “Nimū nāguji”, ¿yi tuoati yure? yiyijū Jesús.

Ito ĩ yija ado bajiro cūdiyijũ Pedro:

—Cristo Dios ĩ cōaru ña mũ, ya yũ mũre, yiyijũ Pedro Jesure.

Yũre sīarã yirãji, Jesús ĩ yire gaye

(Mt 16.20-28; Mr 8.30-9.1)

²¹ Ito ĩ yija tuocōri, gãjerãre goti bato yibesa, yiyijũ Jesús Pedore. ²² Ito yicōri ĩnare ado bajiro yiyijũ Jesús:

—Yũ Masa Rĩjoru ñeñaro tōbujagu yigũja yũ. Ito bajiri judio masa bũcurã, paia ɯjarã, ĩto yicōri judio masa rotirise riasori masa cūni yũre ti tudirã yirãji ĩna. Ito bajiri yũre sīarã yirãji masa. Ito bajiro yũre ĩna yibojarocati yũ godaja bero, ɯdia rũmũ bero mũcana tũdi yũ catiroca yigũ yigũji Dios, yiyijũ Jesús ĩnare.

²³ Ito bero ĩna ñajedirore ado bajiro gotiyijũ Jesús:

—Sīgũ yũre ĩ sũya ãmoja, ĩ ye ñaroti tuoĩabiticōri yũũare tuo mai sũyagu yigũji. Yucutẽo gajagu robo bajiro tōbujabojaguti yũre riti sũyagu yigũji ĩ. ²⁴ No ĩ catirise maibojaguti godagu yigũji. Ito bajibojarocati yũre tuorũnũgũ, yũ oca ĩ gotija tuo junisinicōri ĩna sīagũama catitĩñare gaye bũjagu yigũji. ²⁵ Sīgũ adi macãrucãro gaye gajeoni jeyaro ĩ bũjaborocati ĩ godari rũmũ, catitĩñare ĩ bũjabeja, ĩto yicōri Dios ĩre ruyurioja ñejũ waja mano yiroja ĩre. ²⁶ Yũ Masa Rĩjoru ɯjũ ñacōri tũdi ejagu yigũja yũ mũcana. Rẽtoro ñasarise yũ Jacu yũre ĩ ĩsijare ĩto yicōri ángel mesa ĩna ñasaro bajiro yũre ĩ jidicãjare, co rũmũ ñasari masu ɯjũ tũdi ejagu yigũja yũ. No yũre masigũ ñabojaguti, yũre ĩ bojoja ĩto yicōri yũ oca masibojaguti ĩ bojoja yũ tũdi ejari rũmũ ĩto bajiroti ĩre bojogu yigũja yũ cūni. ²⁷ Riti ya yũ mũare. Mũa wato coriarã, ado ñarã ĩna godaroto riojũ, “ĩre tuorũnũrãre mijusũogu yami Dios”, yi ti masirã yirãji ĩna, yiyijũ Jesús ĩnare.

Ĩna tiro riojo Jesús ĩ godo wedire gaye

(Mt 17.1-8; Mr 9.2-8)

²⁸ Ito bajiro ĩ yija bero, ɯdia ãmojeno rũmũri berocō, gũtagũjũ mũja wayijũ Jesús ĩ Jacu Diore bũsirocũ. Ito yicōri Pedro, Santiago, Juanre cūni ãmi wayijũ ĩ. ²⁹ Gũtagũ joejũ ejacōri Diore bũsiyijũ Jesús. Ito bajiro Diore ĩ bũsiroca ĩ ya rio gajero bajiro godo wediyijũ. Ito yicōri ĩ ya yutabuju cūni bũto boticōri yoro ñayijũ. ³⁰ Ito ĩ yi ñaroca, ɯmũa jũarã ĩ rãca bũsirã goaĩoyijarã. ĩna jũarã ñayijarã Elías, Moisés ñayoana. ³¹ Ito bajicōri Dios ĩ yorise watojũ ñayijarã ĩna. Ito bajiro Jesure bũsirã, Jerusalenjũ ñeñaro tōbujacōri ĩ godaroti gayere ĩre bũsiyijarã ĩna. ³² Ito bajiro ĩna yiroca, Pedro mesa bũto canibojarãti, ĩto bajijare yuyijijarã. Yujicōri Jesús ĩ yorise, ĩto yicōri ĩ rãca ñarã yorisere tiyijarã ĩna. ³³ ĩna jũarã Jesús rãca bũsiana, ĩna ĩre wagoja ticōri, ado bajiro yiyijũ Pedro:

—Guare riasogu, ĩti rẽtaroca gua ti ñaja quena ña guare. Mũare yiari ɯdia wi meni ĩsirũja gua. Mũre co wi, Moisésre gaje wi, ĩto yicōri Elíasre gaje wi, yiyijũ Pedro Jesure.

Ito bajiro bũsibojaguti, ĩ bũsirisere tuo masibisijũ Pedro. ³⁴ Ito bajiro ĩ bũsiroca, ide bueri ruji wadiyijũ. Ide bueri ĩnare quedi jea biajare gũiyijarã ĩna. ³⁵ Ito yicōri ide bueri wato ado bajiro oca ruyuyijũ ĩnare:

—Ãni ñami yũ Macu yũ maigũ. ĩre queno tuorũnũña mũa, yi ruyuyijũ oca ĩnare.

³⁶ Ito bajiro oca ĩna tuoja bero Jesús sīgũti ĩ ñaja tiyijarã ĩna. ĩti rẽtaja ticōri, ĩto baja yibisijarã ĩna. Ito yicōri gãjerãre cūni goti bato yibisijarã.

Rũmũ sãñagũre rũmũre Jesús ĩ bucōare gaye

(Mt 17.14-21; Mr 9.14-29)

³⁷ Ito bajiri gaje rũmũ gũtagũ joejũ ñana ruji wayijarã ĩna. ĩna ruji ejaja ticōri, masa jãjarã Jesure bocatiyijarã. ³⁸ Masa jãjarã wato sīgũ oca seoro Jesure bũsiyijũ:

—Yũre riasogu mũre josa yũ, yũ macũre mũ ti maitoni. ĩ sīgũti ñami yũ macũ. ³⁹ Biyaro rũmũ ĩre sãjacōri, ĩ ɯsi jediroca yami. ĩ awasãroca ĩto yicōri ĩ ya rise somo budiroca yami. Ito bajiro ñeñaro ĩre yicōri ĩre budigo ãmobeami rũmũ. ⁴⁰ Mũ rãca riasotirãre rũmũ bucōa rotibojacu yũ. Ito yũ yibojarocati, rũmũre bucōa masibiticã ĩna, yiyijũ ĩ Jesure.

⁴¹ Ito ĩ yija tuocōri, Jesús ado bajiro cūdiyijũ:

—Ba, ya yua. Queno yure tuorünurã meje ña mua. Ito yicõri yure rucuburã meje ña mua. Yoari muare yu riasobojarocati yure tuorünubea mua maji, yiyiju Jesús ñare.

Ito yi tiocõri rûmú sãja ecoru jacure:

—Adojua mu macure ami wadite maji mu, yiyiju i.

⁴² Ito bajiro macuacãre i ami waroca mucana tãdi rûmú quedi sãjayiju ire. Ito yicõri jacaju i quedi quearoca yicõri i usi jediroca yiyiju rûmú ire. Ito bajiro i yija ticõri, rûmure budi rotiyiju Jesús. Rûmure Jesús i bucõaja bero queno cati quenayiju macuacã mucana. Ito yicõri macuacãre i jacure judacõayiju Jesús mucana. ⁴³ Dios i masirisena ito bajiro Jesús i yija ticõri, ito ñana ti ucayijarã masa.

Yure sãrã yirãji, yi mucana Jesús i tãdi gotire gaye

(Mt 17.22-23; Mr 9.30-32)

Ito bajiro i yirise masa ña ti wanuroca, ado bajiro yiyiju Jesús i rãca riasotirãre:

⁴⁴ —Ado yu gotirise queno tuo ya mua. Ito yicõri acabojabeja. Yu ña Masa Rijoru Dios i cõaru. Yure ñiacõri gãjerãre ñsirã yirãji ña, yure ña siatoni, yiyiju Jesús i rãca riasotirãre.

⁴⁵ Ito bajiro i yibojarocati, ñare tuo masi rotibisiju Dios maji. Ito bajiro i yijare Jesús i gotirisere tuo masibisijarã ña. “Mu gotirisere mucana guare goti quenoña”, yi güi ñayijarã ña.

¿Ñimã ñati ñasagu ñarocu? ña yi seniãre gaye

(Mt 18.1-5; Mr 9.33-37)

⁴⁶ Ito bajiro ña baji ñaroca:

—¿Ñimujua ñagũ yiguñida ñasagu? yi gãmeri busiyijarã ña Jesús rãca riasotiri masa.

⁴⁷ Ito bajiro ña gãmeri busirisere, tuo masicõyiju Jesús. Ito yicõri sīgũ macuacãre i tu tũami rügõyiju Jesús.

⁴⁸ Ito yicõri i rãca riasotirãre ado bajiro yiyiju Jesús:

—No yure rucubucõri ani macuacãre boca amiro bajiro, yure cuni boca amigũ ñami iocũ. Ito yicõri yure boca amigũ, yure cõarure boca amigũ ñami i. No mua rãca gagu, “Gãjerã rêto busaro tuoñagũ ña yu”, yibicu i ñagũ yiguñi ñasagu, yiyiju Jesús ñare.

Manire tuo tudibicu i ñaguñi mani baba, Jesús i yire gaye

(Mr 9.38-40)

⁴⁹ Ito i yija bero ado bajiro yiyiju Juan ire:

—Guare riasogu, sīgũ mu wamena rûmũare bucõagũ ticu gua. Gua rãca gagu meje i ñajare rêocu gua ire, yiyiju Juan Jesure.

⁵⁰ Ito i yija tuocõri:

—Rẽobeja mua. No manire tuo tudibicu i ñaguñi mani baba, yiyiju Jesús ñare.

Santiago, Juanre cuni Jesús i goti quenore gaye

⁵¹ Ūmacũju Jesús i waroto iti cõñajare, “Yure ña sã amobojarocati Jerusalénjua wasagu yigũja yu”, yi oca sõoyiju Jesús. ⁵² Ito bajiro tuoñacõri i riojua queno yuronare cõayiju Jesús. Samaria sita cutoju canirajuri amarã wayijarã ña. ⁵³ Jerusalénju warã yama yi ti masicõri, boca ami amobisijarã Samaria sita gãna ñare. ⁵⁴ Ito bajiro ña yija ticõri, Jesús rãca riasotirã Santiago, Juan ado bajiro yiyijarã Jesure:

—¿Gua ñare ruyuriorona Diore jea queo rotire amoati mu? yiyijarã ña Jesure.

⁵⁵ Ña ito yija tuocõri, oca sõoro ñare ticõri ado bajiro ñare tudiyiju Jesús:

—Ito bajiro mua tuoñaja, rûmú bajiro tuoñarã ña mua. ⁵⁶ Yu ña Masa Rijoru. Masare ruyuriorocu meje wadicu yu. Ñare masorocu wadicu yu, yiyiju Jesús ñare.

Ito yija bero gaje cutoju wayijarã ña mucana.

Jesure tuo suya amorã

(Mt 8.19-22)

⁵⁷ Ito ma ña waroca sīgũ ãmugũ ado bajiro yiyiju Jesure:

—Yu ðju, no mu waroti mu rãca wa amoa yu, yiyiju i Jesure. ⁵⁸ Ito bajiro i yija tuocõri, ado bajiro cãdiyiju Jesús ire:

—Buyairo mesa totijũ canicã ãna. Ito yicõri minia ãna ya jibũrijũ canicã ãna. Ito bajibojarocati yũ Masa Rĩjorũ, dijũ yũ canirijũ ma yũre. Ito bajiri yũre mũ sũyaja josari ñaroja mũre, yiyijũ Jesús ãre.

⁵⁹ Ito yicõri gãjire ado bajiro yiyijũ Jesús:

—Yũ rãca waya, yiyijũ Jesús.

Ito ã yijare:

—Yũ Ɔjũ, yũ jacũ rãca ñagũ ya maji. ã godaja bero mũ rãca wacũja yũ, yiyijũ ã Jesure.

⁶⁰ Ito bajiro ã yija tũocõri, ado bajiro cãdiyijũ Jesús:

—Yũre masimena moajaro itirea. Muãma, “ãre tũorũnrãre miojugũ yiguĩji Dios”, yire oca goti ucuya muãma, yiyijũ Jesús ãre.

⁶¹ Ito yija ado bajiro yiyijũ gãji Jesure:

—Yũ Ɔjũ, mũ rãcati wa ãmoa yũ. Cajero maji yũ ya wi gãnare ware gotigũ wacũ ya yũ maji, yiyijũ ã Jesure.

⁶² Ito ã yija tũocõri, ado bajiro cãdiyijũ Jesús:

—Sĩgũ yũ rãca wasũogũ, iti rũmũjũ ã yigore mũcana tũdi ã tũoĩaja, Dios masa jeyaro Ɔjũre queno moa ãsi masibeami ãocã, yiyijũ Jesús ãre.

10

Setenta y dos ñarãre Jesús ã cõare gaye

¹ Ito ã yija bero setenta y dos ñarã beseyijũ mũcana. Ito yicõri ã waroti cãtoricõti jũarã, jũarã, jũarã ã riojũ wa yu rotiyijũ.

² ãnare wa yu rotigũ ado bajiro yiyijũ ã ãnare:

—Riti ya yũ. Ote jaje iti bũcũbojarocati moari masajũ jaibeama. Ito bajiri ote Ɔjũre ã ya moari masare ote ãmi rotija quena. Riti ya yũ. Jãjarã ñama yũ oca masimena. Ito bajibojarocati coriarã ñama yũ oca ãnare goti ucirona. Ito bajiri Diore seniña ã oca goti ucironare ã cõatoni. ³ Wasa mũa. Guijorojũ mũare cõa yũ. Ito bajiri queno tũoĩaña. Oveja yaia tũ ãna ejarã waro bajiro mũare cõa yũ. ⁴ Gajeoni sãra buju ãmi wabeja. Niyeru sãra buju cũni ãmibesa. Ito yicõri gaje gũboco mũa wasoaroti ãmi wabeja. Ma masa mũa boca ya yuari busi rũgõ yibeja mũa. ⁵ Cũto ejacõri co wi mũa sãjaja, iti wi gãnare ado bajiro yiba: “Dios queno yijaro mũare ito yicõri queno ñaña mũa”, yiba mũa. ⁶ ãna mũare queno ãna cãdija, quena ñaro yiroja ãnare. Ito bajibojarocati queno mũare ãna cãdibeja quenabeto yiroja ãnare. ⁷ ãna cãdija ticõri, iti wi tũjacõri, ãna ecaro bajiroti baba mũa. Diore moa ãsirã mũa ñajare mũa riasorãjũ mũare bare ecarã yirãji ãna. Gaje wi, gaje wi, sãja ucu yibeja mũa. ⁸ Cũto mũa ejaja ãna mũare boca ãmija ãna ecaro bajiroti baba. ⁹ Ito gãna cõrã ãna ñaja, ãnare yisioba. Ito yicõri ado bajiro ãnare gotiba: “Yuari mejeti ãre tũorũnrãre ã rotirojũ miojugũ yiguĩji Dios. Ito bajiri ãre mani tũorũnjũ quena”, yi gotiba. ¹⁰ Gaje cũto mũare ãna boca ãmibeja, majũ wija rũgũcõri ado bajiro ãnare gotiba: ¹¹ “Mũ ya cũto gaye sita gũa ya gũboco wãrisere jacãcõa gũa mũa gũare boca ãmibejare. Masiña mũa. “ãre tũorũnrãre miojugũ yiguĩji Dios”, yire gaye mũare gotirona ejaboja gũa”, yiba ãnare, yiyijũ Jesús.

¹² Gaje ado bajiro mũare gotia yũ. Iti cũto gãna mũare boca ãmimena, Sodoma cũto gãna rẽto bũsaro ñeñaro tũbũjarã, yirãji ãna, Dios ã waja seniri rũmũ, yiyijũ Jesús ã rãca riasotirãre.

Cũtori gãna riojo cãdimena oca

(Mt 11.20-24)

¹³ Gaje ado bajiro gotiyijũ Jesús ãnare:

—Bũjato bajia ãnare. Bũto ñeñaro tũbũjarã yirãji Corazĩn gãna, ito yicõri Betsaida gãna cũni. Ito bajiroti tũbũjarã yirãji. Jaje tiyamani ãnare ãbojacũ yũ. Ito yũ yibojarocati ãna ñeñaro yirise jidicã ãmobiticã ãna. ãnare yũ ãocato bajiroti Sidõn, ito yicõri Tiro gãna yũ ãoja, ãna ñeñaro yirise iti rũmũjũ jidicãboana. Ito yicõri ãna ñeñaro yirise tũoĩa bojori bũjarã, saya wanũre gaye meje sãñaboana ãna. Ito yicõri “Bũto bojori bũja gũa”, yirona õja tuboana ãna ya riojũ. ¹⁴ Dios ã waja seniri rũmũ Tiro, Sidõn gãna rẽtoro ñeñaro

tõbujarã yirãji Betsaida gãna, Corazín gãna cuni. ¹⁵ Ito yicõri, “Ûmacũju Dios tũju ejarã yirãji mani”, yi tũoõabõjarãji Capernaum gãna. Ito bajiro tũoõabõjarãti jeame ãjuroju warã yirãji ãna, yiyiju Jesús ï rãca riasotirãre.

¹⁶ No mũare tũoguti, yũre cuni tũogu ñami. No mũare ãmõbea yirã, yũre cuni ãmorã meje ñama ãna. No yũre ãmõbea yigu, yũre cõarũre cuni ãmogũ meje ñami ñocũ, yiyiju Jesús ï rãca riasotirãre.

Setenta y dos ñarã ãna tũdi ejare gaye

¹⁷ Mũcana ï tũ tũdi ejarã bũto wanũ tũdi ejayijarã Jesús ï cũana setenta y dos ñarã. Ito yicõri Jesure ado bajiro yiyijarã ãna:

—Gua Ëju, rũmũa sãja ecoana rũmũare gua budi rotija, ñaro bajiroti gũare cũdicã ãna, yiyijarã ãna Jesure.

¹⁸ ãna ito yija tũocõri, ado bajiro yiyiju Jesús ñnare:

—Rũmũa ãju Satanás rẽtoro masigũ ña yũ. Ûmacũju bũjo ï jarise robo bajiro Satanás ï quedi wadija ticũ yũ. ¹⁹ Cotiwãja, ãñare cuni cũdabõjarãti mũa cuni ecobe yirocũ, yũ masirise mũare jidicãcũ yũ. Ito yicõri mũa wajacũre rẽtocũma yirocũ, cũcũ yũ mũare. Yũ masirise mũare yũ jidicãjare ñejua mũare junibetoja. ²⁰ “Rũmũare gua budi rotija ñaro bajiroti cũdiquĩ gũare”, yi masibõjarãti bũto wanũ quenasaroti meje ña itiamã. “Ûmacũju yũ warotoju yũ wame wõre ñacãroja”, mũa yi masija, iti ña bũto wanũ quenare gaye, yiyiju Jesús ñnare.

Jesús ï wanũre gaye

(Mt 11.25-27; 13.16-17)

²¹ Ito ï yirocati Jesús ï wanũ quenarõca yiyiju Espĩritu Santo. Ito bajiro ado bajiro yiyiju Jesús Diore:

—Cũna mũre bũto rũcũbũõca yũ. Mũ ña adi tuti gagũ Ëju, macãrucũro jeyaro Ëju. Ado gãna bũto riasotiana, ito yicõri bũto masirã, mũ oca ãna tũõ masibitire oca, ñasari masa mejejũare mũ oca ãna tũõ masiroca yicũ mũ. Mũ ãmoro bajiroti bajicũ. Iti ya yũ Cũna mũre, yiyiju Jesús Diore.

²² Jeyaro ãju yũ ñatoni yũre cũquĩ yũ Jacũ. Yũ Jacũ sũgũti queno yũre masiguĩji. Ito yicõri yũ sũgũti yũ Jacũre queno masia. Gãjerã cuni yũ Jacũre masiroca, yũ yi ãmoja, yũ jacũre masirã yirãji ãna cuni, yiyiju Jesús masare.

²³ Ito yicõri ï rãca riasotirãre riti ado bajiro yiyiju Jesús:

—Yũ ñõrise ticõri bũto wanũ quenare ña mũare. ²⁴ Ado bajiro mũare ya yũ. Jane meje gãna Dios oca goti ñsiri masa, ito yicõri ãjarã masa cuni adocãta mũa tirise bũto ti ãmõbojayijarã ãna. Ito bajibõjarãti itire ti bũjabisijarã ãna. Ito yicõri adocãta mũa tũõrise bũto tũõ ãmõbojayijarã. Ito bajibõjarãti itire tũõbisijarã ãna, yiyiju Jesús ï rãca riasotirãre.

Samaria sita gagũ gãjire ï queno yire gaye

²⁵ Ito bajiro yi ñarõca sũgũ judio masa rotirise riasori masũ, wadiyiju Jesús rãca bũsirocũ: “Riti masiati Jesús”, yi tũõiacõri seniãgũ ejayiju ï. Ado bajiro ñre seniãyiju:

—¿Yũ Ëju, catitĩñare gaye yũ bũja ãmoja no bajiro yigũjada yũ? yiyiju ï Jesure.

²⁶ Ito ï yija tũocõri:

—¿No bajiro wãñati ucare, Dios ï rotire gaye? Ito yicõri, ¿itire mũ tija no bajiro tũõiati mũ? yiyiju Jesús ñre.

²⁷ Ito bajiro ï yija tũocõri, ado bajiro cãdiyiju judio masa rotirise riasori masũ:

—“Mani Ëju Diore bũto maija quena. Mani tũõia oca sẽõrisena, ito yicõri mani ya usina cuni bũto Diore mani maija quena. Ito yicõri manimasi mani mairo bajiroti mani ñarãre cuni mani maija quena”, yi gotia Dios oca, yiyiju ï Jesure.

²⁸ Ito ï yija tũocõri:

—Ñaro bajiroti cũdia mũ. Ito bajiroti ya Dios oca. Ito bajiro mũ yija, catitĩñagũ yigũja mũ, yiyiju Jesús judio masa rotirise riasori masũre.

²⁹ —“Yũ ñarãre queno yigũ meje ña yũ”, yi tũo masicõri, “¿Noajũa ñati yũ ñarã?” yi seniñayijũ ï Jesure.

³⁰ Ito bajiro ï yija tũocõri, ado bajiro gotiyijũ Jesús ïre:

—Sĩgũ Jerusalénju ñagũ Jericóju roja wayijũ. Ma ï waroca riniri masa ïre ñiacõri jeyaro ï gajeoni cõtirise ïre ãmayijarã. ï ya yutabujuri cũni ïre ãma jeocõyijarã ïna. Ito yicõri ïre bũto janugã cũcõri, ïre wagoyijarã ïna. ³¹ Ito ï baji cũñaroca pai cũni iti mati wayijũ. ïre ti bũjabojaguti riojoti rãtacoayijũ ï. ³² ï bero gãji Levita masũ ejayijũ ï tũ. ïre ti bũja wacuti riojo rãtacoayijũ ï cũni. ³³ Ito bajiro ïre ïna ti rãtaja bero sĩgũ Samaria sita gagũ iti ma wacũju ti bũjayijũ ïre. Ito yicõri ïre ti maiyijũ. ³⁴ Ito bajiri ï tũ ejacõri ïre cami uco yiyijũ ï. Iti cami uco yigũ ãyena ito yicõri ãyé idena uco yiyijũ ïre. Ito yicõri ï ya camire wõbiayijũ. Ito bajiro ïre yicõri ï ya burro joeju ïre mũojeoyijũ. Ito yi tĩogũ, canira wijũ ïre ãmi wacõri ñamiasaro ïre tirũnyijũ. ³⁵ Samaria sita gagũ busuri wacũ canira wi ãjure juati niyeruti ïsiyijũ. Iti ïsi wacũ ado bajiro yiyijũ ï ïre: “Ani cõgũre tirũñaña. Jairo waja mũre iti godaja, tũdi ejagũ mũre wa yicũja yũ mũcana”, yiyijũ ï canira wi ãjure, yi oca gotiyijũ Jesús judio masa rotirise riasori masũre. Iti oca goti tĩogũ ado bajiro ïre seniñayijũ mũcana Jesús: ³⁶ “¿Ïna ãdiarã wato ñimũjũa ñarũda riniri masa ïna jasĩa cũrũre, ti mairũ?” Yi seniñayijũ Jesús judio masa rotirise riasori masũre.

³⁷ Ito ï yija tũocõri:

—Samaria sita gagũ ïre ti mairũ. ï ñaru ï yagũ, yiyijũ ï Jesure.

Ito bajiro ï yija ado bajiro yiyijũ Jesús ïre:

—Wasa, ï yiado bajiro ti yiba mũ cũni, yiyijũ Jesús ïre.

Marta mesa ya wijũ Jesús ï ejare gaye

³⁸ Ito ma wacũju cũto ejayijũ Jesús. Iti cũto ejacõri Marta wame cũtigo, ya wi wayijũ ï. ï ejaja ticõri, queno boca ãmiyijo iso ïre. ³⁹ Iso ocabajio María wame cũtigo ñayijo. Iso Jesús ya gũbo tũ rujicõri, ï gotirisere tũo rujiyijo. ⁴⁰ Martama iso moarise gaye tũoĩagõ usirioro tõbũjayijo. Ito bajiri Jesús tũ eja rũgũcõri, ado bajiro bũsiyijo iso:

—¿Yũ Ëju, no yibeati mũre yũ ocabajio yũre ejabũabecoti mũ tũ iso rujija? “Mũ rĩjorore ejabũaya maji”, yiya isore, yiyijo Marta Jesure.

⁴¹ Ito bajiro Marta iso yibojarocati ado bajiro cũdiyijũ Jesús isore:

—Marta mũ moare cõtirise usirioro baja mũre. Ito bajiri usirioro tõbũja mũ. ⁴² Bũto ñasarise gaye cojiti ña. Yũ bũsirise tũocõri, mũ ocabajio María, ñasarisere bũjamo. Nijũa iso tũo ãmisãrise isore ãmicãbiquĩji yiyijũ Jesús Martare.

11

Diore mani seniroti Jesús ï riasore gaye

(Mt 6.9-15; 7.7-11)

¹ Co rũmũ Diore bũsiyijũ Jesús. ï bũsi tĩoroca ï rãca riasotigũ sĩgũ ado bajiro bũsiyijũ:

—Yũ Ëju, Juan rãca riasotiana ï riasoado bajiro gũare cũni riasoya, Diore gũa bũsi masitoni, yiyijũ ï Jesure.

² Ito ï yija tũocõri:

—Diore mũ bũsija ado bajiro yiba:

Gũa Jacũ, ãmacũju gagũ ña mũ. Mũ wame masicõri masa jeyaro rũcũbũojaro ïna. Masa jeyaro Ëju mũ ñaroti rũmũ ejare ãmoa gũa. ãmacũjũga tuti cũni mũ ãmoro bajiroti ñayija. Ito bajiri adi sitajũ cũni mũ ãmoro bajiro riti ñare ãmoa gũa.

³ Co rũmũ rũyabeto gũa baroticõti gũare naju ïsiña.

⁴ Gũa ñeñaro yirisere ãcabojoya. Gũa cũni gũare ñeñaro yirãre ãcabojoa. “¿No bajiro yũre cũdirã yirãjida ïna?” yi tũoĩabesa gũare. Gũa ñeñaro yibititoni gũare ejabũaya. Itocõ ña. Amén, yiba. Ito bajiro Diore mũa bũsija quena, yiyijũ Jesús ï rãca riasotirãre.

⁵⁻⁷ Gaje ado bajiro ïnare gotiyijũ Jesús:

—Sīgū mua baba ñami gudareco mua ya wi ejacōri ado bajiro ī yija, “Yu baba, gāji yu baba wa ucuri masu yu ya wiju ejami. Ne ecare ma yure. Ito bajiri yure naju wasoaya mu”, ī yija, mua wi toti ado bajiro cudirā yirāji mua: “Usirioro yibesa yure. Soje cuni biado ña. Ito yicōri yu rīa rāca canigū ya yu. Ito bajiri ñejua īsirocū wagādo ma yu”, yi cudirā yirāji mua. ⁸ Ito bajiro mua babare mua īsi āmobitibojaja cuni, īre īsirā yirāji mua, mucana ī usirioro seni uyabe yirona. Ito yicōri ī āmorocō īsirā yirāji mua, ya yu mware. ⁹ Ado bajiroti yire ña Diore mani senija. Mani Diore senija manire īsigū yiguīji. Īre mani āmaja bujarā yirāji mani. “Mure busi āmoa yu”, mani yija, busi rotigū yiguīji manire. ¹⁰ No senigūti boca āmiguīji. No āmagūti bujagu yiguīji. “Busi āmoa yu”, yigūreti busi rotigū yiguīji Dios.

¹¹ 'Adocāta mua rīa īna naju senija, ¿Gūtagā īsire ñarojada muaca? Ito yicōri wai īna senija, ¿Āña īsire ñarojada muaca? ¹² Ito yicōri cara rīa īna senija, ¿cotiwāja īsire ñarojada muaca? Īsimenaji mua, yi tuoīa yu. ¹³ Ñeñaro yirā ñabojarāti, mua rīa īna senija quenarise yirā yirāji mua. Mani rīare quenarise riti mani īsija, Dioama mani Jacū ūmacūju gagū, īre mani senija, yiro bajiroti Espiritu Santo manire queo sāguīji, yiyiju Jesús ī rāca riasotirāre.

Rūmúa uju rotirise boca āmicōri yami Jesús, īna yire gaye
(Mt 12.22-30; Mr 3.20-27)

¹⁴ Sīgūre rūmú quedi sājacōri, ī busibeto yiyiju. Ito ī baji ñaroca rūmūre bucōayiju Jesús. Rūmūre ī bucōaja beroti busicoayiju ī busibicu ñabojaru. Ito bajiro iti rētaja ticōri, ucayijarā masa. ¹⁵ Ito bajibojarocati coriarā ado bajiro tuoīayijarā:

—Āni ūmugū rūmūare ī bucōarise, rūmúa uju Beelzebú wame cutigū masirisenati bucōami, yi tuoīayijarā coriarā.

¹⁶ Gājerāma, “Dios cōaru ñami ī”, gūa yi tuoīatoni, ūmacūju gaye tiyamani guare īogū yiguīji ī, yi tuoīayijarā īna. ¹⁷ Ito bajiro īna tuoīarisere masicōyiju Jesús. Ito bajiri ado bajiro gotiyiju ī ñare:

—Co sita gāna ñabojarāti ricati riti īna tuoīaja, ito yicōri īna gāmeri jaja, queno ña masimenaji īna. Co wi gāna ñabojarāti ricati riti īna tuoīaja queno corocō ña masimenaji īna. ¹⁸ Ito bajiroti rūmúa uju Satanás, ī ñarāre ricati riti tuoīaroca ī yija, īna uju queno ña masibiquīji. Ado bajiro mware gotia yu. “Rūmúa uju Beelzebú ī masirisenana rūmūare bucōami”, yibojaja mua yure. ¹⁹ Rūmúa uju masirisenana yu rūmūare bucōaja, ¿mua rāca gānama ñimū masirisenana rūmūare bucōati īna? “Gūa rāca gānama rūmú masirise gayena meje rūmūare bucōama īna”, yi tuoīa mua. Ito bajiri itire ti masicōri, “Rūmú masirisenana meje rūmūare bucōami ī cuni”, yi tuoīa masia mua yure cuni. ²⁰ Ado robojua baja. Dios ī masirisenana rūmūare bucōa yu. Ito bajiro yu yija ticōri, “Mani wato ñacāguīji Dios. Īre tuorūnurāre miojusuogu yami Dios”, yi masirūja mware.

²¹ Ūmugū sēogū, ito yicōri queno bisu cutigū, ī ya wiju ī tirūnūja, iti wiju gaye quenoti ñacōaroja. ²² Ito yibojarocati gāji ī rēto busaro sēocōri rētocūgū yiguīji īre. “Adi yu bisu cutija ñimūjua yure rētocūbiquīji”, yi ī tuoīabojarocati īre rētocūgū yiguīji. Ito yicōri ī gajeoni cutibojarise īre ēmagū yiguīji. Rūmúa uju rētoro masigū ña yu. Ito bajiri rūmūare bucōa masia yu, yi oca gotiyiju Jesús ñare.

²³ No yu rācajua ñabicū, yu rāca gagū meje ñami īocū. No yure ejabuabicū, gājerāre Diore masiroca yu yi āmobjarocati yure ñeñaro yi codegu ñami ī, yiyiju Jesús ñare.

Masure budigocōri mucana tudi rūmú ī sājare gaye
(Mt 12.43-45)

²⁴ Sīgūasure rūmú ī budigoja, yucu manojū wa ucuguīji tujaraju āma ucugu. Ī bujabeja ado bajiro tuoīagū yiguīji ī: “Yu budigorūre mucana tudi sājacūja yu”, yi tuoīagū yiguīji ī. ²⁵ Mucana tudi ejagu ī budigorūre quenora wi, ueri mani wi robo bajiro, ti ejagu yiguīji ī. ²⁶ Ito bajiro ti ejacōri gājerā rūmúa jua āmojeno ñarā ī rētoro ñeña busarā jigū yiguīji ī, ī rāca ñatoni. Ito yicōri īna ñarocōti ī ūmugūre sājarā yirāji. Ito bajicōri ī ūmugū,

cajero ĩ bajiado rēto bʉsaro bajigu yiguĵi. Ito bajiri, rʉmʉ mʉcana tʉdi sʉjame yirocʉ, Diore ĩ tʉorʉnʉ sʉyaja quena, yiyijʉ Jesʉs ĩnare.

Dios oca mani tʉorʉnʉja wanʉ quenarʉ yirʉji mani, Jesʉs ĩ yire gaye

²⁷ Ito bajiro Jesʉs ĩ bʉsiro toto ĩre tʉorʉ wato sĭgʉ oca sēoro ado bajiro bʉsiyijo:

—Mʉ jaco mʉre rʉcocʉri, mʉre ũjugʉ bʉto wanʉyijo iso, yiyijo iso Jesure.

²⁸ Ito bajiro iso yija tʉocʉri, ado bajiro yiyijʉ Jesʉs isore:

—Yʉ jaco rētoro wanʉrʉ yirʉji, Dios rotirise tʉocʉri ĩna cʉdija, yiyijʉ Jesʉs isore.

Tiyamani mʉ ĩore ʉmoa gʉa, yi ĩna senire gaye

(Mt 12.38-42; Mr 8.12)

²⁹ Ito bajiro Jesʉs ĩ bʉsiroca jʉjarʉ bʉsa masa ĩ tʉ minijua wayijarʉ. Ito yicʉri ado bajiro ĩnare gotiyijʉ ĩ:

—Adi rʉmʉri gʉna ñeñaro yi jairʉ ña mʉa. Ado bajiro ya mʉa yʉre: “Tiyamani mʉ ĩoja ticʉri, ‘Dios ĩ cʉarʉti ñami ʉni’, yiana gʉa”, ya mʉa yʉre. Ito mʉa yibojarocati tʉdi mʉare ĩobicʉja yʉ. Diore goti ĩsiri masʉ, Jonʉs ñayorʉ, ĩre rētagore riti mʉare goticʉja yʉ. ³⁰ Jonʉsre rētare ticʉri, “ʉniti ñami Dios ĩ cʉarʉ”, yiyijarʉ Nĭnive cʉto gʉna. Yʉre cʉni ito bajiroti yirʉ yirʉji mʉa. Yʉ ña Masa Rĭjorʉ. Yʉre rētare masicʉri, “ĩ ñami Dios ĩ cʉarʉ”, yirʉ yirʉji mʉa cʉni yʉre. ³¹ Dios masare ñeñaro ĩna yirise waja ĩ waja seniri rʉmʉ ado bajiro rētaro yiroja. Sheba cʉto gago ʉjo ñayoro, mʉa adi rʉmʉri gʉnare, “Mʉare seti ña”, yigo yigʉji iso. Jane mejeʉ sʉjʉ wayoyijo iso, queno tʉoĭagʉ rʉca Salomʉn wame cʉtigʉ rʉca riasotiroco. Adocʉta sĭgʉ mʉa rʉca ñami Salomʉn ñajacʉ rētoro tʉo masigʉ. Ito ĩ bajibojarocati queno ĩre tʉorʉnʉbea mʉa. ³² Nĭnive cʉto gʉna cʉni ado bajiro yirʉ yirʉji mʉare Dios ĩ waja seniri rʉmʉ: “Jaje seti ña mʉare”, yirʉ yirʉji ĩna. Jane mejeʉ Nĭnive cʉto gʉnare Dios oca gotiyoyijʉ Jonʉs ñayorʉ. Jonʉs ĩ gotija tʉocʉri, ñeñaro ĩna yirise jidicʉni ĩna. Ito bajiri quenarise riti tʉoĭaĭni ĩna. Adocʉta sĭgʉ ñami mʉa rʉca Jonʉs ñayorʉ rētoro ñasagu. Ito ĩ bajibojarocati queno ĩre tʉorʉnʉbea mʉa, yiyijʉ Jesʉs ĩnare.

Mani ya cajea busurica robo bajiro baja, yi Jesʉs ĩ riasore gaye

(Mt 5.15; 6.22-23)

³³ Noajʉa sĭabusuoraga sĭayocʉri ruyubetojʉ, jacajʉ cʉni cʉmenaji mani. Ito yicʉri rujajedo totijʉ cʉni cʉmenaji mani. Ruyubeto cʉrʉonati gʉje tutujʉ jeobusuorʉji mani, ejari masa queno tijaro yirona. ³⁴ Rʉitʉarise iti godaroca ya busurica. Mani ya cajea cʉni busurica robo bajiro baja. Ito bajiri cajeana sʉoriti mani ya ʉsi queno tʉo masiro yiroja. Tite mʉa. Quenarise mani tija queno tʉoĭarʉ yirʉji mani, mani ya ʉsijʉ. Ito bajibojarocati ñeñarise mani tija ñeñaro tʉoĭarʉ yirʉji mani, mani ya ʉsijʉ. Ito bajiro mani yija busurojʉ meje ñarʉ yirʉji mani. Rʉitʉarojʉ ñarʉ bajiro ñarʉ yirʉji mani ñeñarise mani tʉoĭa ʉyaja. ³⁵ Ito bajiri quenarise riti tʉoĭarʉja manire, ñeñarise riti mani tʉoĭa ʉyabe yirona. ³⁶ Mare sĭaticʉri, “Adi majʉa ña quenari ma. Adi majʉa ña ñeñari ma”, yi ti masia mani. Ito bajiroti baja mani ya ʉsijʉ cʉni. Mani ya ʉsijʉ quenarise riti mani tʉoĭa ñaja, “Iti ña quenarise. Iti ña ñeñarise”, yi ti masia mani, yiyijʉ Jesʉs ĩ rʉca riasotirʉre.

Mʉa fariseo gaye tʉoĭarʉre seti ña, Jesʉs ĩ yire gaye

(Mt 23.1-36; Mr 12.38-40; Lc 20.45-47)

³⁷ Jesʉs ĩ bʉsi tʉoroca sĭgʉ fariseo gaye tʉoĭagʉ, “Yʉ ya wijʉ bato mani”, yirocʉ Jesure baba cʉtiyijʉ. Ito ĩ yija tʉocʉri, ĩ ya wijʉ sʉja wacʉri badojʉ eja rʉjʉyijʉ Jesʉs. ³⁸ ĩna baroto riojʉa judio masa ĩna ʉmo coesotiro bajiro Jesʉs ĩ ʉmo coebeja ticʉri, ti ʉcayijʉ fariseo gaye tʉoĭagʉ. ³⁹ ĩ ti ʉcaja ticʉri, ado bajiro yiyijʉ mani ʉjʉ Jesʉs ĩre:

—Mʉa fariseo gaye tʉoĭarʉ, joeti coeboja mʉa. Somotēro idira tērori cʉni joejʉa riti coea mʉa. Totijʉama ñarocʉti ʉeri cʉticʉa. Mʉa guaja cʉni, joe rujʉ riti coea mʉa. Jubejʉama ñeñaro tʉoĭa mʉa maji. Ito bajiri gʉjerʉ ĩna rʉcorise ti ʉorʉ ĩnare rʉoa mʉa.

⁴⁰ Queno tʉoĭarʉ meje ña mʉa. Dios mʉa ya rujʉ rujeorʉ, mʉa ya ʉsi cʉni meniĭni. ʉItire masibeati mʉa? ⁴¹ Mʉa ya ʉsijʉ queno tʉoĭacʉri bojoro bʉjarʉre ejabʉarʉja mʉare. Ito bajiro mʉa yija queno ʉsi cʉti ñarʉ yirʉji mʉa.

⁴² 'Bujato bujarã yirãji mua, fariseo gaye tuoïarã. Dios ï rotiado bajiroti jeyaro mua bujarise ïre jabeto judacõa mua. Ito bajiro mua yiriseama quena ña. Ito bajiro queno yirã ñabojarãti gãjerãre queno yibea mua. Ito yicõri Diore maibea. Ito bajiro yibitiruja muare.

⁴³ 'Bujato bujarã yirãji mua, fariseo gaye tuoïarã. Minijuara wiju sãja wacõri rucubworaju riti ruji amoboja mua. Ma warã cuni gãjire mua bocaia, rucubwore rãca ï seniãre amoa mua. Mua ñaroti gaye riti tuoïa mua.

⁴⁴ 'Bujato bujarã yirãji mua. Gãjerã ña tiro riojo queno yirã ña mua. Ito bajibojarocati ña tibetoju ñeñaro yirã ña. Ito bajiro mua yija ticõri, "Queno yirã ñama ña", yibojama gãjerã. Ito bajiro ña tuoïabojarocati queno yirã meje ña mua, yiyiju Jesús ñare.

⁴⁵ Ito bajiro ï busija tuocõri, sīgũ judio masa rotirise riasori masu ado bajiro cudiyiju ïre:

—Yure riasogu, ito bajiro mu busija queno ejabea guare, yiyiju ï Jesure.

⁴⁶ Ito ï yija tuocõri, Jesujua ado bajiro yiyiju ïre:

—Bujato bujarã yirãji mua judio masa rotirise riasori masa cuni. Gãjerãre jaje ùma rotia mua. Ñimujua muo yiado ma itire. Ito bajiro yicõri ñare ùma ejabua amobea mua. Jaje rotia mua. Jaje mua rotibojaja ñimujua muare cudi masibiquiji. Ito bajiro rotirã ñabojarãti mua rotiro bajiroti yibea mua cuni.

⁴⁷ 'Bujato bujarã yirãji mua. Mua ñicusabatia Diore goti ïsiri masare siañi. Ñare bajiroti baja mua cuni. ⁴⁸ Ito bajiro mua bajija ti masicõri, "Ña ñicusabatia robo bajiro tuoïarã ñama ña cuni", yi tuoïama masa muare.

⁴⁹ 'Ito bajiro ña yiroto riojua masi yucãyiju Dios. Jane mejeju queno tuoïagũ ñari, ado bajiro yiyiju Dios muare tuoïa yugu: "Yure goti ïsiri masa, ito yicõri yu oca goti ucuri masare cuni, ña tu yu cõaja, coriarãre sãrã yirãji ña. Ito yicõri gãjerãre ña tõbujaroca yirã yirãji ña", yi gotiyiju Dios jane mejeju. ⁵⁰⁻⁵¹ Jane mejeju adi macãrucũro ï rujeoja bero ïre goti ïsiri masare sãsũoñi mua ñicusabatia. Tite mua. Abel ñayorure siañi ña. ï bero gãnare cuni jãjarãre siañi ña. Ito yicõri Zacarías wame cutigure Dios ya wi gudareco rügõgũre ïre sãsusañi mua ñicusabatia. Ito bajiri ña sãre waja, waja senigũ yiguji Dios, ya yu muare adi ramuri gãnare cuni, yiyiju Jesús.

⁵² 'Bujato bujarã yirãji mua judio masa rotirise riasori masa. Dios oca riasotirã ñabojarãti, ï ocare queno tuorũnubea mua. Ito yicõri Dios ocare gãjerã ña tuorũnu amobojarocati rëoa mua ñare, yiyiju Jesús ñare.

⁵³ Ito bajiro Jesús ï busi waja tuocõri, judio masa rotirise riasori masa, ito yicõri fariseo gaye tuoïarã buto junisiniyjarã ña Jesure. Ito bajiro junisinicõri usirioro ïre jeyaro seniãyijarã ña. ⁵⁴ Ito bajiro usirioro seniã codeyjarã ña, ï queno cudi masibeja ticõri, "Ïre seti ña", yirona.

12

"Queno yirã ña gua", yibojarãti ñeñarise yija quenabea, yi Jesús ï riasore gaye

¹ Ito baji ñaroca jãjarã busa masa minijuarã, bidi warã gãmeri cudayjarã ña. Ito bajiro ña baji ñaroca ï rãca riasotirãre ado bajiro gotisũoyiju Jesús:

—Fariseo gaye tuoïarãre queno tuoïa masima. Mua tiro riojo queno yirãji ña. Ito bajibojarãti mua tibetoju ñeñaro yirãji ña. "Queno yirã ña gua", yirã ñabojarãti ñeñaro yama ña. ² Jeyaro mani yeyo busibojarise gayere masi jeorã yirãji masa. Ito yicõri no mani yeyobojarise cuni bujacõrã yirãji ña. ³ Mua yeyo busibojarisere masa jeyaro tuorã yirãji ña. Ito yicõri sojere biatucõri mua yeyo busibojarisere cuni masa jeyaro ña tuo jeditoni umacũju oca ruyuro yiroja, yiyiju Jesús ï rãca riasotirãre.

Diore mani güija quena, Jesús ï yire gaye

(Mt 10.26-31)

⁴ Mucana ado bajiro gotiyiju Jesús ñare:

—Yu baba mesa ado bajiro muare gotia yu. Rujure sãrãre güibitiruja manire. Ña sãja bero ñejuã gaje ñeñaro manire yi masimenaji ña ija. ⁵ "¿Ñimujware mani güija quenati?"

yirocū mūare gotigū ya yū. Diore mani gūija quena. Dios ī sīaja bero jeame ūjurojū mani ya ūsire ī cōa āmoja, cōagū yiguīji ī. Ito bajiri ījūare mani gūija quena.

⁶Co dūjamocō minia mani īsija niyeru jūatiacā senirā yirāji mani. Queno waja mama īnaōna. Queno waja mana īna űabojarocati sīgū īnare ācaboja yibiquīji Dios. Īnare queno tirūnūgū yiguīji Dios. ⁷Manire cūni queno tirūnūami Dios. Mani ya joare cūni, “Itocō joa cūtiāmi ī”, yi masiami manire. Ito bajiri tuoīa oca jaibitirūja manire. Minia rētoro űasarā űa mani, Dios ī tija, yiyijū Jesús īnare.

“Jesure masigū űa yū”, mūa yi bojobeja quena, Jesús ī yire gaye
(Mt 10.32-33; 12.32; 10.19-20)

⁸’Ado bajiro mūare gotia yū: No masa riojo, “Jesure masia yū, ito yicōri īre rūcūbūoa yū”, yigūre, yū Masa Rījorū cūni, “Masia yū īre”, yigū yigūja yū ángel mesa īna tiro riojo. ⁹No “Jesure masibeā yū”, ī yija, “Masibeā yū cūni īre”, yigū yigūja yū ángel mesa tiro riojo.

¹⁰’No yū Masa Rījorūre, būsitugū űabojaguti, “Ñeñaro yū yirise yūre ācabojoya”, ī yija tuoōri, īre ācabojojū yiguīji Dios. Ito bajibojarocati no Espīritu Santore būsitugūreama ī ñeñaro yirisere ācabojo masibiquīji Dios.

¹¹’Minijuara wijū mūare āmi warā yirāji, ūjarā riojo, “Ānare seti űa”, yirona. Ito bajiro īna yibojarocati, “Ado bajiro cūdicūja yū”, yi tuoīa ūsirio yibeja. ¹²Mūa būsiroti iti eja waja, Espīritu Santo mūare ejabūagū yiguīji mūa queno busi masitoni, yiyijū Jesús īnare.

Gajeonire mani seobeja quena, Jesús ī yire gaye

¹³Ito bajiro īna baji űaroca masa wato gagū sīgū ado bajiro yiyijū Jesure:
—Yūre riasogū, gūa jacū ī rūcogore gūdarecona jidicājaro yū rījorū yūre, īre gotiya yiyijū ī Jesure.

¹⁴Ito bajiro ī yija Jesujūama ado bajiro cūdiyijū īre:

—Ito bajiro yirocūre meje ado yūre cūñi yū jacū, yiyijū Jesús īre.

¹⁵Ito yicōri gaje ado bajiro gotiyijū Jesús īnare:

—Queno tuoīaűa mūa gājerā ya gajeoni ūobe yirona. Gajeoni jairo mani rūcoja, jabetacā mani rūcoja cūni no yibeā. Buto űasarise meje űa gajeoni, yiyijū Jesús īnare.

¹⁶Ito bajiro īnare goticōri ado bajiro īnare oca goti masioyijū Jesús:

—Sīgū gajeoni jaigū űayijū. Ī űari sita gaye ote queno rica cūtiyijū. ¹⁷Ito bajiro ī ya ote rica cūtiya ticōri, ado bajiro tuoīayijū ī: “¿Yū ya ote jaje būcūarisere no bajiro cūgū yigūjada yū?” yi tuoīayijū ī. ¹⁸Gajereama ado bajiro tuoīayijū ī: “Mūtari wiri seora wiri jana batecūja yū. Ito yicōri cūri wiri menicūja. Ito bajiro cūri wiri menicōri yū ya ote seocūja yū, ito yicōri yū gajeoni cūtirise cūni. ¹⁹Iti gajeoni yū seorise jaje rodori űagū yigūja yū itina. Ito yicōri queno űacōagū yigūja yū īja. Yūmasiti queno bacūja yū. Idicūja yū”, yi tuoīayijū ī. ²⁰Ito bajiro yi ī tuoīabojarocati, ado bajiro yiyijū Dios īre: “Queno tuoīabicū űa mū. Adi űamiti godagū ya mū. Ito bajiri jeyaro mū seobojarise gāji ye űaro yiroja”, yiyijū Dios īre, yi gotiyijū Jesús ī rāca riasotirāre. ²¹Ito bajiro rētarō yiroja sīgū ī gajeoni cūtirise ī seomūcūtiya. Ito bajiro ī yija Dios tūjū űe būjabiquīji īocū. Dios ī tija waja mami, yiyijū Jesús īnare.

Ī rīa masare tirūnūgū yiguīji Dios, yi Jesús ī riasore gaye
(Mt 6.25-34)

²²Mūcana tūdi ado bajiro yiyijū Jesús ī rāca riasotirāre:

—“¿Mani catirā baroti, no bajiro būjarāti mani?” yi tuoīa ūsirio yibesa. Ito yicōri, “¿No mani sāñaroti būjarāti mani?” yi tuoīa ūsirioyibesa. ²³Bare rēto būsaro űasarise űa mani catirise. Ito yicōri yutabujuri rēto būsaro űasarise űa mani ya rujū. Ito bajiri manire rujeorū űari mani űa masitoni bare, yutabujuri cūni īsigū yiguīji Dios. ²⁴Āiriare tuoīate mūa. Weseca menicōri ote otecōri bābiticā īna. Ito yicōri ote rica būjacōri īna seoroto manoja īnare. Ito bajibojarocati Dioama queno ecagūji īnare. Dios ī tija wūtirā rēto būsaro űasarā űa mani. ²⁵“Yoari cati āmoa yū”, yi mani tuoīabojaja cūni, “Itocō catigū

yigüja yu”, yi masibeja mani. ²⁶ “Itocō catigu yigüja yu”, mani yi masibeja gaje gaye cuni tuoña usiriobiticōruja manire, yiyiju Jesús ñare.

²⁷ ‘Gaje, go iti judi mujarise tuoñate mua. Judi mujacōri moabetoja iti. Ito yicōri iti sãñaroti cuni amabetoja. Ito bajibojarocati ujũ Salomón ñayoru seyorse i sãñare rētoro seyorse ña go. ²⁸ Nocō mejeti ñacu go. Gaje rumuti umacañi i asirisenati siniacoacu. Ito bajibojarocati seyorse cūni Dios itire. Go rētoro ñasarã ña mani. Ito bajiri ñre queno tuorũnarã meje ñabojarocati queno tirũngũ ñari mua sãñarotire muare jidicãgũ yiguñi Dios. ²⁹ Ito bajiri, “¿Gua sãñaroti, gua baroti no bajiro bujarujati?” yi tuoña usiriobiticōruja muare. ³⁰ Ito bajiro tuoña usirio ñama adi macãrucũro gãna. Manireama mani jacu sigũti ñami. “Adi ma ñare. Adire amoama ña”, yi masiguñi i. ³¹ “Dios masa jeyaro Uju i rotiro bajiro yicuja yu”, mani yija, iti ña ñasarise gaye. Ito bajiro mani yija mani amorse isigũ yiguñi Dios manire.

Umacũju Dios tu quenarise mani bujaroti gaye
(Mt 6.19-21)

³² ‘Gũibesa yu coderã mua. Coriarãti ña mua. Ito bajibojarocati i rotiroju mua ejare buto amoami i mani Jacu. ³³ Mua rucorise gãjerãre isima. Iti waja bujacōri bojoro bujarãre isima mua. Ito bajiro mua yija jai busaro Dios tu bujarã yirãji mua. Itoju mua bujaroti jogarise meje ñaroja. Ito yicōri itoju mua bujarise ñimujua rinibiquñi. Ito yicōri mua bujarisere butua bamenaji. ³⁴ No mani gajeoni cutiroju iti tu ñarona buto tuoñarã yirãji mani, yiyiju Jesús ñare.

Quenaro ña yucãña mua, Jesús i yire gaye

³⁵ ‘Quenaro ña yucãña mua, jeyaro mua rētaroti gaye yiri. ³⁶ Ña ujũ amo siare basa ti tío, budi wadicōri ña bocati ñado robo bajiro ña yucaña mua. Soje tu i ejaroca jana yucãdo bajiro ñacãña mua. ³⁷ Queno ña yucōri ña ujũ i ejaja ticōri, queno wanurã yirãji ña. Ito bajiro ña bajija ticōri, “Rujiya muare ecagu ya yu”, yigu yiguñi i, ñare wanugũ. ³⁸ Ñami gudareco, busurijua cuni, i ejaroto riojua ña ña yucãja wanurã yirãji ña. ³⁹ Adi yu gotirisere acabojabeja mua. Sigũ wi gagu, “Itocō tujaroca ejagu yiguñi riniri masu”, i yi masija, ña yucãboru iocũ, riniri masu sãjacōri rinime yirocu. ⁴⁰ Itioni bajiroti queno ña yucaña mua cuni. “Adocō ejagu yiguñi Masa Rĩjoru”, mua yi masibiti rumu ejagu yiguñi. Iti ña yu Masa Rĩjoru, yiyiju Jesús ñare.

¿No bajiro bajiguñida queno tuoñagũ? yi Jesús i riasore gaye
(Mt 24.45-51)

⁴¹ Ito i yija tuocōri, Pedro ado bajiro ñre seniñayiju:

—Yu Uju, ¿ito bajiro oca mu goti masiorise, gua ye riti ñati? ¿Masa jeyaro ye ñatite? yiyiju i Jesure.

⁴²⁻⁴⁴ Ito bajiro i yija tuocōri, ado bajiro cudiyiju mani ujũ ñre:

—¿No bajigu ñati tuo masicōri i ujũre queno moa isigũ? Tite mu. Ado bajirojua bajiami iocũ. I ujũ ñre wijũ cũgũ yiguñi i codetoni, ito yicōri gãjerã ñre moa isiri masare bare i ecatoni. Sigũ moa isiri masu, i rotiado bajiroti i moagore ti ejacōri wanugũ yiguñi Uju ñre. Uju i rotiado bajiroti i moaja ticōri, jeyaro tirũnari masu cũgũ yiguñi i ito bero. ⁴⁵ Ito bajibojarocati, “Coji ejabiquñi yu ujũ maji”, yi tuoñacōri ñre queno moa isibiquñi. Ado bajiro yigu yiguñi. Gãjerã i rãca moari masare sēoro ñare rotigu yiguñi. Umuare romiare cuni, ito bajiro yigu yiguñi i. Ito yicōri bare ba, idi mecu yigu yiguñi. ⁴⁶ Ito bajiri, “Jane ejagu yiguñi yu ujũ”, i yibiti rumu ñre ejabiagu yiguñi i ujũ. I ito yire waja buto waja senigũ yiguñi ñre. Ito yicōri queno cudimenare i moa rotiado bajiro ñre cuni moa rotigu yiguñi i.

⁴⁷ I ujũ rotirise yiro robo yi masibojaguti i ña yucãbeja, ito yicōri yiro robo i yibeja i ujũ buto bajegu yiguñi ñre. ⁴⁸ “Ado bajiro amoami yu ujũ”, yi masibicu ñari, i ujũre queno i cudi masibeja, ito yicōri yiro robo i yibeja buto bajebiquñi i ujũ ñre. No Diore i cudiroca yigu buto busa i cudi ñamogũ yiguñi Dios. No ñre tuorũnaroca i yigu buto busa i tuorũnare amogũ yiguñi Dios, yiyiju Jesús i rãca riasotirãre.

Yure mua tuorũnũja ticõri, muare ti junisinirã yirãji, Jesús ï yire gaye
(Mt 10.34-36)

⁴⁹ 'Masa yure ñna tuorũnũtoni adi macãrucũroju wadirũ ña yũ. Coriarã yure tuorũnũrã yirãji. Gãjerã tuorũnũmena yirãji. Sīgũre bajiro tuoĩamena ñarã yirãji ñna. Yure rētaroti ñabojarocati iti rētaja quena yure. ⁵⁰ Jaje quenabeto tōbũjagũ yigũja yũ. Iti rētaroto riojũa buto tuoĩa usirioa yũ. ⁵¹ "Masa jeyaro, sīgũ ruyabeto oca mano ñna ñatoni wadirũ ñami ï", yi tuoĩaboja mua yure. Bajibea. Yũ oca tuocõri sīgũre bajiro tuoĩamena yirãji masa. ⁵² Jane adi rumũna ado bajirojũa ñarã yirãji masa. Co dũjamocõ ñarã udiarã yure tuorũnũrã yirãji. Gãjerã tuorũnũmena yirãji. Yibeja, udiarã yure tuorũnũbiticõri jũarã yure tuorũnũrã yirãji gajea. ⁵³ Jacũ yure ï tuorũnũja, macũ tuorũnũbicũ yiguĩji. Macũ ï tuorũnũja, jacũ tuorũnũbicũ yiguĩji. Jaco iso tuorũnũja, maco tuorũnũbeco yigõji. Maco iso tuorũnũja jaco tuorũnũbeco yigõji. Mañicõ iso tuorũnũja, jējo tuorũnũbeco yigõji. Jējo iso tuorũnũja, mañicõ tuorũnũbeco yigõji. Yũ oca tuocõri sīgũre bajiro tuoĩamena yirãji masa, yiyijũ Jesús ï rãca riasotirãre.

"Queno yirã ña gũa", yibojarãti mua tuoĩaro bajiro yibea mua, Jesús ï yire gaye
(Mt 16.1-4; Mr 8.11-13)

⁵⁴ Gaje ado bajiro goti remoyijũ Jesús masare:

— Ñmacañi ruji waro ide bueri iti mũja wadija ticõri, "Ide quediwo wadia", yi masia mua. Mua yiro bajiroti quedia iti. ⁵⁵ Wesicajũare mino iti wēa mũocõaja ticõri, "Asiro wado ya", yi masia mua. Mua yiro bajiroti bajia iti. ⁵⁶ Macãrucũro gaye ticõri, "Ado bajiro rētaroyiroja", yi masia mua. ¿No yija ito bajiro ti masirã ñabojarãti, "Gũa ñeñaro yirise gũa jidicãbeja quenabeto tōbũjarã yirãji gũa", yi masibeati mua? "Queno yirã ña gũa", yibojarãti mua tuoĩaro bajiro yibea mua, yiyijũ Jesús ñnare.

Gãji rãca mua oca josaja, oca quenoja quena, Jesús ï yire gaye
(Mt 5.25-26)

⁵⁷ "Ado bajiro yija quena manire", yi tuoĩa mua. Ito bajibojarocati "Quenarise riti yirũja mani", yibea mua. ⁵⁸ Gãji muare ï seti yija, oca quenori masũ tũjũ mua waroto riojũa oca quenoña. Oca quenori masũ tũ ejamenati mua oca queno masibeja porecia tũ muare ãmi wacũ yiguĩji. Ñna poreciajũ muare tubiarã yirãji. ⁵⁹ Ñeñaro mua yigore mua waja yibeja, budimena yirãji mua. Ito bajiroti bajia. Ito bajiri Dios ï waja seniri rumũ ejaroto riojũa ï rãca oca quenoña. Mua quenobeja ï waja seniri rumũ muare jeame ãjũroju cõagũ yiguĩji. Ito yicõri ï cõaja bero mũcana tũdi budire ma, ya yũ muare, yi gotiyijũ Jesús ñnare.

13

Diore mani tuorũnũja iti ñna ñasarise, Jesús ï yire gaye

¹ Iti rumũriti ado bajiro Jesure gotirã ejayijarã masa:

— Galilea gãna Diore rũcũbuorona waibũcurã sãacã ñna. Ito bajiro waibũcurãre ñna sãaja bero Pilatojũama ñnareti sãa rotiquĩ ï ïja. Ito bajiro yicõri waibũcurã ya rĩ rãca ñna ya rĩre wõquĩ ï ïja, yi goti ejayijarã ñna Jesure.

² Ñna ito yija tuocõri, ado bajiro yiyijũ Jesús:

— ¿No bajiro tuoĩati mua? "Gãjerã Galilea gãna rētoro ñeñaro yirã ñacã ñna. Ito bajiri goda jediyijarã ñna", ¿yire masiati mua? ³ Meje ito bajiro meje bajia. Ado bajiro ya yũ muare: Muare cuni mua ñeñaro mua yirise mua jidicãbeja, ito bajiroti godarã yirãji mua cuni. ⁴ "Jerusalénjũ ãmari wi Siloé wame cutiri wi dieciocho ñarã ñna juja quedi godaja, gãjerã Jerusalén gãna rētoro seti ñadoja ñnare", ¿yi tuoĩati mua? ⁵ Meje, ito bajiro meje ya yũ. Mua ñeñaro yirise mua jidicãbeja, ito bajiro rētaroyiroja muare cuni, yiyijũ Jesús masare.

Higueragũ rica manigũ gaye Jesús ï gotire

⁶ Ito bero masare goti masiore ocana ado bajiro gotiyijũ Jesús:

—Sīgũ higuera wame cutiricu ï oteragu tigu wayiju, “¿Rica cuticuatì?” yirocu. Rica manigũti ti ejayiju ï itigure. ⁷ Ito bajija ticõri, ï ya wese coderi masure ado bajiro yiyiju: “Tite. Udia rodoju coji ruyabeto rica ãmigũ ejasotiboja yu. Rica ma itigu. Quẽacãcõña. Rica cutia yiro meje ña ajea itigu”, yiyiju ï, ï ya wese coderi masure. ⁸ Ito bajiro ï yija tuocõri: “Yu uju, ito ñacõato maji. Sita seacũgũ ya maji. Ito yicõri quenarise itigure tucuja yu. ⁹ Ito yija rica cutiro yiroja gajea. Iti rica manija, quẽacõre ñaro yiroja”, yiyiju ï, ï ujure. Ito bajiroti baja. Sīgũ, “Diore tuorũnũgũ ña yu”, yibojaguti ï ñeñaro yirise ï jidicãbeja ticõri, ïre waja senigũ yiguĩji Dios, yi gotiyiju Jesús ïnare.

Tujacãra rumu cõgõre Jesús ï yisioire gaye

¹⁰ Co rumu tujacãra rumu judio masa ña minijuasotiri wiju riaso ñayiju Jesús. ¹¹ Ito ï yiroca sigõ ñayijo dieciocho rodori cõ tujago. Ito bajiri isore ruja mutigũ ñaroca yiyiju rumã. Ito bajicõri riojo rũgõ masibisijo iso. ¹² Isore ticõri isore busirocu ji ñucayiju Jesús: —Romio mure quenoa yu. Mu ñarise cutirise ma mure ïja, yiyiju Jesús isore.

¹³ Ito yicõri isore ãmo moa jeoyiju Jesús. Ito ï yirocati riojo rũgũcoayijo iso ïja. Ito bajiri Diore rucubũogo wanure ocana ïre busisũoyijo iso. ¹⁴ Tujacãra rumu Jesús isore yisioja ticõri, iti wi minijuara wi uju Jesure junisiniyiju. Ito bajiri ado bajiro yiyiju ï masare:

—Co ãmojeno rumuri ña moaroti rumuri. Mua yisio roti ãmoja iti rumuri wadija quena, tujacãra rumu meje, yiyiju ï masare.

¹⁵ Ito bajiro ï yija tuocõri, ado bajiro cudiyiju mani Uju ïre:

—“Tujacãra rumu moare ma”, yi bojarãti moarãji mua. Tite. Tujacãra rumu ñabobarocati mua ya wecu mua ya burro ide iditoni õja mua. ¹⁶ Adio ñamo mani ñicu Abraham janerãbatia janeño. Dieciocho rodori iso cõ ñaroca yini rumã uju Satanás. ¿Tujacãra rumu ñabobarocati isore yu yisioja quenabetojada? yiyiju Jesús ïre.

¹⁷ Ito bajiro Jesús ï busija tuocõri, ï wajana ïre bojo tiyijarã ña. Masama jeyaro tiyamani Jesús ï ïoja ticõri, buto wanu quenayijarã ña.

Ado bajiro baja mostaza ajeri, yi Jesús ï riasore gaye

(Mt 13.31-32; Mr 4.30-32)

¹⁸ Ito yija mucana ado bajiro gotiyiju Jesús masare:

—Ïre tuorũnrãre ï rotiroju Dios ï miojuja, ¿no bajirojada? ¿Ñe goti masiore ocana muare goti rõtobugujada yu? Baũ, ado bajirojuã muare goticuja yu. ¹⁹ Mostaza ajerire tuoĩate mua. Sīgũ ï ya weseca mostaza ajeri oteyiju. Gaje ote ajeri rõtoro mutacã busa ña iti mostaza ajeri. Ito bajiro mutacã ñabobaroti bucua wato gaje ote yucuri rõtõ busaro jajocu ñaroja itigu. Jajocu itigu ñajare itigu rujuriju minia jibu menirãji ña. Itire bajiroti Dios mani Uju ï ñaja, gãjerãre goti ãmorãji mani, jãjarã busa ïre masirã ña ñatoni, yiyiju Jesús ïnare.

Ado bajiro baja naju wadarise uco, yi Jesús ï riasore gaye

(Mt 13.33)

²⁰ Gajereama ado bajiro yiyiju Jesús ïnare:

—Ïre tuorũnrãre ï rotiroju Dios ï miojuja, ¿no bajirojada? Ado bajiro goti masiorena muare gotia yu. ²¹ Romio pan menigõ waco udia coacõ pan menire gaye ãmiyijo iso. Ito yicõri wadarise uco wũoyijo iso. Ito bajiri iso wũoja jairo wadayiju iti. Itire bajiroti bajiro yiroja, “Ïre tuorũnrãre ï rotiroju miojugũ yiguĩji Dios”, masare mani yi riaso ucuja. Ito bajiri jãjarã busa ïre tuorũnu warã yirãji ïja, yi riasoyiju Jesús masare.

Eyabiti soje ña Dios tu sãjara soje, yi Jesús ï riasore gaye

(Mt 7.13-14,21-23)

²² Ito yija Jesús Jerusalenju wasũoyiju mucana mana. Wacu riti cutori ï ejaja masare riaso rõtã wayiju ï. ²³ Ito bajiro ï riaso rõtã waroca sigũ ïre seniĩayiju:

—Yu Uju, ¿coriarãreti, masogũ yiguĩjida Dios? yiyiju ï Jesure.

Ito bajiro ï yija tuocõri, ado bajiro cudiyiju Jesús:

²⁴ —Masa jeyaro meje Dios ĩ ñaroju sãjarã yirãji ĩna. Ito bajiri ñeñaro mua yirise jidicãña mua, “Dios ñaroju sãjana gua”, yirona. Jãjarã sãja ãmobojarã yirãji ĩna. Ito bajibojarocati coriarãti sãjarã yirãji. ²⁵ Ado robojuã bajia. Dios ĩ ñaroju ĩ biaja, macũjuju mua ñaja, sãja masimena yirãji mua. “Gua Uju, guare soje jana ĩsiña”, yibojarã yirãji mua. “Meje yu ñarã meje ña mua. Muare masibea yu”, yigu yiguĩji Dios. ²⁶ Ito bajiro ĩ yija tucõri, ado bajiro cudibojarã yirãji mua: “Mu rãca bacu gua. Mu rãca ñacu gua. Ito yicõri gua ya cutoriju masare riaso ucucu mu”, yibojarã yirãji mua. ²⁷ Ito bajiro mua yibojarocati ado bajiro muare cudigu yiguĩji ĩ: “Muare masibea yu. Yu tu ñabesa mua. Ñeñaro yi jairã ña mua”, yigu yiguĩji ĩ, ya yu muare. ²⁸ Dios ĩ rotiroju sãja masimena yirãji mua. Abraham, Isaac, Jacob, ito yicõri Diore goti ĩsiri masa ñayoana ĩ tu ĩna ñaja tibojarã yirãji mua. Ito bajibojarocati ĩna tũju eja masimena yirãji mua. Muare cõacõgũ yiguĩji Dios. Ito bajiri sãja masibiticõri ruje otirã yirãji mua. Ito yicõri buto tõbujarã ñari mua ya guji cuni canamũorã yirãji. ²⁹ Co sita gãna ruyabeto Dios ĩ rotiroju ejacõri minijua barã yirãji. ĩna rãca sãja masibiticõri ti bujatomena yirãji mua. ³⁰ Adoju coriarã ñasari masa ñarã, itoju ñasari masa meje ñarã yirãji ĩna. Ito yicõri adoju coriarã ñasari masa meje ñarã itoju ñasari masa ñarã yirãji ĩna, yiyiju Jesús ĩnare.

Jerusalén gånare tuoia maigũ Jesús ĩ otire gaye

(Mt 23.37-39)

³¹ Iti rumuti Jesure oca gotirã ejayijarã fariseo gaye tuoĩarã:

—Rudi wasa adijure. Herodes mure sãa ãmoami, yiyijarã ĩna Jesure.

³² ĩna ito bajiro yija tucõri:

—Ī ñeñaro yi jaigũre ado bajiro gotitẽña mua: “Tũoya jane, jane busuri cuni cõrãre yisocũja yu. Rũmũ sãñarãre cuni rũmũare bucõacũja yu. Ito yicõri, ĩa sõjuã moa tĩogũ yigũja yu, yimi”, yi gotitẽña mua Herodesre, yiyiju Jesús fariseo gaye tuoĩarãre. ³³ Jane, jane busuri, gaje rumu cuni Jerusalenju ware ña yure. Jerusalenju godagu yigũja, jãjarã Diore goti ĩsiri masa ĩna godado bajiroti, yiyiju Jesús ĩnare.

³⁴ Jerusalén gånare tuoĩagũ, ado bajiro busiyiju Jesús:

—Diore goti ĩsiri masare sãyija mua. Muare oca gotitoni Dios ĩ cõanare cuni gũta reayija mua. Coji meje muare mioju ãmobojacu yu. Cara iso rĩare caero rocaju iso miojuro bajiro, muare yi ãmobojacu yu. Ito bajiro yu yi ãmobojarocati ãmobiticu mua. ³⁵ Queno tuoĩaña mua. Mua wiri wagora wiri bajiro tujaro yiroja. Ito yicõri muare jidicãgũ yiguĩji Dios. Riti ado bajiro muare gotia yu. “Guare yiarĩ Dios ĩ cõarũ ña mũ. Mure queno yĩni Dios”, mua yiroto riojuã mucana juaji yure timena yirãji mua, ya yu muare, yiyiju Jesús masare.

14

Rujuri mijigũre Jesús ĩ yisiore gaye

¹ Co rumu tujacãra rumu fariseo gaye tuoĩarã uju tu bagu wayiju Jesús. Gãjerã fariseo gaye tuoĩarã, “¿No bajiro yigu yiguĩjida Jesús?” yi tuoĩayijarã ĩna. ² Ito bajiro Jesús ĩ baji ñaroca, sũgũ rujuri mijigũ ejayiju ĩ tu. ³ ĩ ejaja ticõri, judio masa rotirise riasori masa, ito yicõri fariseo gaye tuoĩarãre ado bajiro seniĩayiju Jesús ĩnare:

—¿Cõgũre tujacãra rumu ñaroca mani yisioja quenati? yiyiju Jesús ĩnare.

⁴ ĩnama cudibisijarã. ĩna cudibeja ticõri, cõgũre moaĩacõri ĩre yisioyiju. Ito yicõri, “Wasa mu”, yiyiju ĩ ĩre. ⁵ Ito yicõri fariseo gaye tuoĩarãre, ado bajiro yiyiju Jesús:

—“Tujacãra rumu moare ma”, yibojarãti moarãji mua. Tite. Sũgũ mua macu, ito yicõri ecaru wecu ide gojeju ĩ quedi sãjaja, yoari mejeti ãmimorãji mua ĩre, tujacãra rumu ñabojarocati, yiyiju Jesús ĩnare.

⁶ Ito ĩ yija tucõri, no bajiro cudi masibisijarã ĩna.

Ado bajiro bajiamã ãmo siare basa tiri masa, yi Jesús ĩ riasore gaye

⁷ Barã ejari masa cumurori rucubũoraju riti ĩna ruji ãmoja ticõri, ado bajiro goti masioyiju Jesús ĩnare:

⁸⁻⁹—Sīgũ āmo siare basa titoni ĩ jija, bũto rũcũbuoraju meje rujiba mũa. Bũto rũcũbuoraju mũa rujija, gāji mũa bero ñasari masũ ĩ ejaja ticõri, mũare oca cõari masũ, ado bajiro yigũ yiguĩji: “Baũ wũmũña, ānijũa ñami ñasari masũ, ĩjũa mũa godu rujijaro”, yigũ yiguĩji. Ito bajiro ĩ yija tũocõri, masa tiro riojo bojo bũjarã yirãji mũa, ĩ ito yija. Ito yicõri sũsari cumuroju rũcũbuoraju meje masa tũ rujirã yirãji mũa. ¹⁰ Ado bajirojũa mũa yija quena. Gāji mũare oca cõaja bũto rũcũbuoraju meje rujiba. Ito bajiro mũa yija mũare oca cõari masũ, ado bajiro yigũ yiguĩji: “Yũ baba rũcũbuoraju busa rujiya mũ”, yigũ yiguĩji ĩ mũare. Ito bajiro mũare ĩ yija, mũa rãca gãna ti rũcũbuorã yirãji ĩna mũare. ¹¹ “Masa rẽtoro ñasagu ña yũ”, yigũ, ñasari masũ meje ĩ ñaroca yigũ yiguĩji Dios ĩre. Gājiama, “Gājerã rẽtoro ñasagu ña yũ”, yibicũ, ĩ ñasari masũ ñaroca yigũ yiguĩji Dios ĩre. Ito bajiri, “Gājerã rẽtoro ñasagu ña yũ”, yi tũoĩabitirũja manire, yiyijũ Jesús ĩnare.

¹² Ito yicõri ado bajiro yiyijũ Jesús ĩre oca cõarũre:

—Gājerãre mũ ba roti āmoja, mũ baba mesa, mũ ocabajirã, mũ tũ gãna, ito yicõri gajeoni jairãre, “Barã waya”, yibeja. ĩnare riti mũ jija, “Yũre cũni bare eca gãmejaro ĩna”, yigũ bajiro ya mũ. ¹³ Ito bajiri ito bajiro tũoĩabesa itire. Ado bajirojũa mũ yija quena. Gājerãre, “Barã waya mũa”, mũ yi āmoja bojoro bũjarãjũare mũ jija quena. Ruduana, queno wa masimena, ito yicõri cajea timenare cũni mũ jija quena. ¹⁴ Ito bajiro ĩnare yicõri queno wanũ quenagũ yigũja mũ, “Yũre waja yiado mama ĩna”, yirocũ. “Diojũa yũre waja yigũ yiguĩji ĩre tũorũnrã tũdi catiroca ĩ yiri rũmũ”, yi tũoĩacõri wanũgũ yigũja mũ, yiyijũ Jesús ĩre.

Basa bũcũ gaye Jesús ĩ riasore gaye

(Mt 22.1-10)

¹⁵ Iti tũocõri sīgũ Jesús rãca ba rujigũ, ado bajiro yiyijũ:

—No Dios rotiroju ba ejagu, wanũ quenagũ yiguĩji, yiyijũ ĩ Jesure.

¹⁶ Mũcana gaje goti masiore ocana ado bajiro gotiyijũ Jesús ĩnare:

—Co rũmũ sīgũ basa bũcũ menigũ jãjarã masare, ji ñucayijũ. ¹⁷ Basa ñasũoroca ĩre moa ĩsiri masũre, “Masare jitẽña. Itocõ ña waju ĩja”, yiyijũ ĩ, ĩ ya moari masũre. ¹⁸ ĩnare ĩ gotibojarocati, “Bũjato baja no masia ma gũare. Wado ma gũare, moare jaje ña”, yiyijã ĩna. Sīgũ ado bajiro yiyijũ: “Canũti sita coju waja yibũ yũ. Ito bajiri itire tigũ wacũ ya yũ”, yiyijũ sīgũ ĩre. ¹⁹ Gāji ado bajiro yiyijũ: “Co dũjamocõ babari wecũa waja yibũ yũ. Ito bajiri ĩnana moaĩasũogũ wacũ ya yũ. Ito bajiri josabesa yũre. Wado ma yũ”, yiyijũ ĩ. ²⁰ Gājiama ado bajiro yiyijũ: “Canũti manojũ bũjabũ yũ. Ito bajiri wa masia ma yũre”, yiyijũ ĩ, ĩnare jigũ ejabojarũre. ²¹ Ito bajiro ĩna yija tũo tũdi wacõri, ĩ mũjũre ñarocõti gotiyijũ ĩ. Ito ĩ yija tũocõri, ĩ mũjũ junisiniyijũ. Ito bajiri gājerãjũare ji roti ñucayijũ ĩ mũcana ĩre. “Coji wasa cũtoju, cũri mari mutari mari cũni warã mũ ti bũjaro bajiroti āmi wadiba. Bojoro bũjarã, ruduana, cajea mana, wa masimenare cũni āmi wadiba mũ”, yiyijũ ĩ ĩre moa ĩsiri masũre. ²² ĩ mũjũ rotiro bajiroti yiyijũ ĩ. Ito yi, ĩnare āmi tũdi ejacõri ĩ mũjũre gotiyijũ: “Yũ mũjũ mũ rotiado bajiroti ya yũ. Ito bajibojarocati mũ ya wi masa dajabea maji”, yiyijũ ĩ, ĩ mũjũre. ²³ Ito yija ĩ mũjũ ado bajiro gotiyijũ ĩre: “Cũto tũnima gãnare, masa mũ bocaja bũto adoju wadi rotiba, yũ ya wi iti dajatonĩ. ²⁴ Cajero yũ oca cõabojana, yũ ya wi sãjacõri bamena yirãji ĩna, ya yũ mũre”, yiyijũ ĩ ya moari masũre. Ito bajiri Dios ñarõju mũa eja āmoja, mũa ñarõti gaye riti tũoĩabiticõri Diore riti mũa tũorũnũ sũyaja quena, yi oca goti masioyijũ Jesús ĩnare.

Yũre mũa tũorũnũ sũya āmoja josari ñaro yiroja mũare, Jesús ĩ yire gaye

(Mt 10.37-38)

²⁵ Co rũmũ jãjarã masa Jesure sũa wayijãrã. Ito bajiro ĩna baji ñaroca ĩnare juda ticõri, ado bajiro yiyijũ ĩnare:

²⁶ —Sīgũ yũ rãca ĩ riasõti āmoja, ĩ jacũsabatia, ĩ manojũ, ĩ ria, ĩ ñarã rẽto busaro maigũ yiguĩji yũre. ĩ queno catija, ĩ cõja cũni yũre maigũ yiguĩji ĩ. ²⁷ Ñẽnarõ tõbũjagu yũre ĩ tũorũnũbeja yũ rãca riasõtigũ ñabiquĩji ĩ. ²⁸ Ado bajirojũa baja. ũmari wi mũa meni āmoja, mũa meniroto riojũa, “¿Waja tijacũri seyoati?” yirona cõĩarã yirãji mũa. ²⁹ Ito

bajiro mua yibeja menisuobojarāti mua tiobeja, gājerā muare ticōri ajarā yirāji. ³⁰ Ado bajiro yi ajarā yirāji ina muare: “Āni ũmugũ ũmari wi menisuobojaguti t̄io masibeami”, yi ajarā yirāji ina muare. ³¹ Sīgũ sita uju, gaje sita gagu rāca ĩ gāmeri s̄ia āmoja, ina gāmeri cana m̄oroto riojua, ado bajiro tuoīagũ yiguīji ĩ: “¿Yu ya surara diez mil ñarā, ĩ ñarā veinte mil ñarāre r̄etocūrā yirājida ina?” yi tuoīagũ yiguīji. ³² “Inare r̄etocũado ma yu”, ĩ yija, gaje sita gagu s̄ojũ ĩ tujaroca oca quenori masa c̄ogũ yiguīji ĩ. ³³ Iti bajiroti, mua r̄ucorise maicōri mua jidicā āmobeja yu rāca riasoti masimenaji mua. Ito bajiri yure mua suyamoto riojua mua queno tuoīaja quena, yiyiju Jesús ĩnare.

Moa iti ocabeja ñe waja ma, yire gaye
(Mt 5.13; Mr 9.50)

³⁴ Moa iti ocaja quenarise ña. Iti ocabeja ñe waja manoja iti. ³⁵ Ocabitireama ñe yiya manoja. Ito bajiri itire c̄ocōrā yirāji masa, iti ocabejare. Ñe waja manoja itioni. Mua gāmo goje cutirā tuo masiña. Yu sīgũre mua tuorũnubeja moa ocabiti waja mani robo bajiro ñarā yirāji mua. Ito bajiri yure mua s̄uya āmoja yure riti tuorũnaja quena, yiyiju Jesús ĩnare.

15

Oveja wisarure āmagũ yiguīji coderi masu, yi Jesús ĩ riasore gaye
(Mt 18.10-14)

¹ Jājarā ujarāre yiari waja seni ĩsiri masa, ito yicōri ñeñaro yi jairā c̄uni, Jesús tu minijua wayijarā ĩ busija tuorona. ² ĩna rāca Jesús ĩ baba cutija ticōri, fariseo gaye tuoīarā, ito yicōri judio masa rotirise riasori masa c̄uni Jesure busituyijarā ĩna:

—Āni Jesús ñeñaro yirāre boca āmiami. Ito yicōri ĩna rāca bami ĩ, yi busituyijarā ĩna ĩre.

³ ĩna ito yija tuocōri, ado bajiro oca goti masioyiju Jesús: ⁴ —Mua wato sīgũ cien oveja r̄ucogu, sīgũ ĩ wisaja, gājerā noventa y nueve ñarāre wago c̄ugũ yiguīji ĩ, gāji wisarure āmagũ wacu. ĩre āma bujacōriju susagu yiguīji ĩ. ⁵ ĩre bujacōri wanugũ, gācojoeju gajagu yiguīji ĩre. ⁶ ĩre buja t̄udi ejacōri ĩ baba mesare jicōri, ado bajiro yigu yiguīji ĩ ĩnare: “Yu rāca wanũna mua. Oveja godarure bujacōmũ yu”, yigu yiguīji ĩ ĩnare. ⁷ Sīgũ ĩ ñeñaro yirise ĩ jidicāja ticōri, b̄uto busa wanurā yirāji ángel mesa. Jājarā queno yirāre wanurā ñabojarāti sīgũ ĩ ñeñaro yirise ĩ jidicāja ticōri, b̄uto busa wanurā yirāji ĩna, yiyiju Jesús ĩnare.

Romio niyeru cuji ruyuriocōri t̄udi iso bujare gaye

⁸ Gaje ado bajiro ĩnare goti masioyiju Jesús:

—Sīgō jua d̄ajamocō niyeru tiri r̄ucocōri coti iso ruyurioja, s̄ibusuoragu s̄iagō yigōji. Roariti iso ya wi tucāgō yigōji. Iti cuji bujacōriju āmasusago yigōji iso. ⁹ Iti cuji bujacōri iso baba mesare jigo yigōji iso. Ito yicōri ado bajiro yigo yigōji: “Yu rāca wanũna. Niyeruti godarati bujacōmũ yu”, yigo yigōji iso ĩnare. ¹⁰ Ito bajiroti ángel mesa c̄uni b̄uto wanurā yirāji, sīgũ ĩ ñeñaro yirise ĩ jidicāja ticōri, yiyiju Jesús ĩnare.

Ī macu t̄udi ejaja ticōri, ĩ ñeñaro yigore jacu ĩ ācabojare gaye

¹¹ M̄ucana ado bajiro ĩnare goti masioyiju Jesús:

—Sīgũ ñayiju j̄uarā r̄ia cutigu. ¹² Ī macu, bero gagu ado bajiro yiyiju ĩ jacure: “C̄una ija yu r̄ucoroti gaye adocātati ĩsiña yure”, yiyiju ĩ. Ito ĩ yija tuocōri, ĩ r̄iare, ĩna r̄ucorotire ĩnare batoyiju ĩ. ¹³ Ī batoja bero co r̄umũ ĩ macu, bero gagu ĩ ya gajeoni mioyuyiju. Ito yicōri s̄ojũ gaje sitaju wayiju. Itoju ejacōri ñeñaro yicōri ĩ ya niyerure jeoyiju ĩ. ¹⁴ Ito ĩ baji ñaroca iti sitaju bare queno mañiju. Ito bajijare ruje ñiocōsotiyiju ĩ. ¹⁵ Ito bajiri sīgũ iti sita gagu tu moare āmagũ wayiju. Moare ĩ bujaja bero, iti sita gagu ĩ ya yeseare code rotiyiju. ¹⁶ Ñiocō wacu ĩna c̄oareti yesea ĩna bariseti ba āmobjayiju. Ito ĩ bajibojarocati sīgũjuama ecabisijarā ĩre. ¹⁷ Ito baji ñagũju tuoīayiju ĩ ĩja: “Yu jacu ya moari masa jājarā ñabojarocati ĩna ba r̄uarise r̄uyaroja ĩnare. Ito ĩna bajiroca yujumama adoju ñiojoga godagu ya yu. ¹⁸ Yu jacu t̄aju t̄udi wacu yiguja yu. ĩ tu ejacōri, ado bajiro ĩre yicuja yu: ‘C̄una

ñeñaro mure yicu yu. Ito yicōri Dios ī tiro riojo cūni ñeñaro yicu yu. ¹⁹ Ito bajiri, “yu macu”, mu yigūcū meje ña yu. Mure moa īsiri masu bajiroti ñacūja yu, yigu yigūja yu, yu jacure”, yi tuoñayiju ī. ²⁰ Ito bajiro tuoñacōri ī jacu tu tūdi wasuoyiju ī.

’Sōju ī tujaroca ī jacu ire ti bujacōri ire ti maiyiju. Ito bajiri ūmaquedi wacōri ire jababayiju ī. Ito yicōri ire wanugū usuyiju. ²¹ Ito yijare ī macu ado bajiro yiyiju ire: “Cuna ñeñaro mure yicu yu. Ito yicōri Dios ī tiro riojo cūni ñeñaro yicu yu. Mu macu bajiro meje bajia yu īja”, yiyiju ī, ī jacure. ²² Ito ī yibojarcoti ire moa īsiri masare ji ñucacōri ado bajiro yiyiju ī: “Yutabuju quenarise āmi wadicōri, sāña mua ire. Ito yicōri āmo sāñara bedo, sāña. Ito yicōri guboco cūni ire sāña. ²³ Wecu macu ri jaigure sāña mua. Ire bacōri basa meni, wanu quena yiana mani. ²⁴ Āni yu macure ‘Godacoaguji’, yibojacu yu. Catiñi maji. ‘Wisa godacoañi’, yibojacu mani. Ire bujacōa mani”, yiyiju ī ire moa īsiri masare. Ito bajiro ī rotija tuo wanucōri, basa gaye menisuoijarā īna.

²⁵ Ito bajiro iti baji ñaroca wesecaju moagū yiyiju ī macu ñasuoju. Tūdi wacu wi tu īna basaja tuoijiju ī. ²⁶ Ito bajiro īna basa ñaja tuocōri, sīgū moa īsiri masare ji ñucayiju, “¿No bajiatī?” yirocu. ²⁷ Ito seniñajare ado bajiro gotiyiju ī: “Mu ocabaji tūdi ejacoami queno cati quenagū. Ito tūdi ejajare wecu macu ri jaigure sā rotimi mu jacu”, yiyiju ī ire. ²⁸ Ito bajiro ī gotija tuocōri, junisiniyiju ī. Ito sāja āmobeja ticōri, “Sājaña mu”, yirocu ire jigū budi wayiju jacu. ²⁹ Ito bajiro jacu ī josaja ticōri, ado bajiro yiyiju ī, ī jacure: “Mu masia co rodo meje queno cudicōri moa īsibojacu yu. Ito yu yibojarcoti sīgū cabra macu yure īsibiticu mu, yu baba mesa rāca basa yu menitoni. ³⁰ Āni mu macu romia rāca niyeru aje baterureama ī ejaja ticōri, wecu macu jaigu sāyija mua”, yiyiju ī, ī jacure.

³¹ Ito ī yija tuocōri, ī jacu ado bajiro yiyiju: “Yu macu, yu rāca riti ñacu mu. Ito bajiri yu rucorise jeyaro mu ye riti ña. ³² Adi rumeri mu ocabaji ī tūdi ejaja ticōri, basa meniruja manire. Ito yicōri wanuruja manire. ‘Godacoañi’, yi tuoñabojacu yu. Ito yu yibojarcoti catiñi ī. Ito yicōri, ‘Wisa godacoañi’, yi tuoñabojacu mani. Ito mani yibojarcoti bujacōa mani”, yiyiju ī, ī macu ñasurore. Ito bajiroti manire cūni boca āmigū yiguji Dios. Sīgū ī ñeñaro yirise jidicāja ticōri, buto wanure rāca ire boca āmigū yiguji Dios, yiyiju Jesús ī rāca riasotirāre.

16

Ujare roti īsiri masu ī rotiado bajiro ī yibitire gaye

¹ Mucana ī rāca riasotirāre ado bajiro yiyiju Jesús:

—Sīgū ñayiju niyeru jaigu. Ito bajiri sīgure ī ya niyeru, ito yicōri ī ya moari masare cūni tirūnu rotiyiju. Co rumu, “Mu ya niyeru mu tirūnu rotibojaru mu ya niyeru aje bategu yami”, yire gaye oca ejayiju ī ujare. ² Ito bajiri, “¿Riti bajiatī iti oca?” yirocu, ji ñucayiju ī ujū ire. Ito ejaja ticōri, ado bajiro yiyiju ire: “Mu moagore, ‘Ado bajiro moacu yu’, yari gotiya mu yure. Ito bero yu rāca moabicu yigūja mu īja. Ito bajiri yu rucorisere tirūnubicu yigūja mu īja”, yiyiju ī ujū ire. ³ Ito ī yija tuocōri, ado bajiro tuoñayiju ī, ire roti īsiri masu: “Yu ujū yure ī bucōaja, ¿no yicūja yu? Weseri moare queno seobeja yu. Gājerāre bare yu seni ruji ucurotore bojo ña yu”, yi tuoñayiju ī. ⁴ “Yu ujū yure ī bucōaja, ado bajiro yu yijare āmirā yirāji gājerā yure”, yi tuoñayiju ī. ⁵ Ito bajiro tuoñacōri ī ujare waja ruyuriorāre jiyiju ī. Ito ejaja ticōri, ñare seniñayiju: “¿Nocō yu ujare waja ruyurioati mua?” yiyiju ī. ⁶ “Cien ūyegari roa bare gaye waja ruyurioa yu ire”, yi cudiyiju sīgū. Ito ī yija tuocōri, ña ujare roti īsiri masare ado bajiro yiyiju: “Adocāta yoari mejeti cincuenta ūyegari mure waja yigu ya yu”, yi wōña mu, yi rotiyiju ī ire. ⁷ Gāji ī ujare waja ruyuriogare, “¿Nocō waja ruyurioati mu?” yi seniñayiju. “Cien jiburi trigo ajeri ire waja ruyurioa yu”, yiyiju ī. “Yoari mejeti ochenta jiburi mure waja yicūja yu”, yi wōña, yi rotiyiju ī ire. ⁸ Ito bajiro ī yija tuocōri, “Queno yigu meje ñabojaguti tuoña masigū ñami ī”, yi tuoñayiju ī ujū ire, yi oca gotiyiju Jesús ī rāca riasotirāre. Ito bajiro tuoñama adi macārucūro gaye buto tuoñarā. Adi macārucūro gaye buto tuoñarā, masare tuocōri waja buja masiana īna. Yure tuorūnrāma ito bajiro yibeama īna. “Waja buja masiana

mani”, yi tuoĩacõri bũto ruo masirã ñama adi macãrucũro gaye tuoĩarã, yiyijũ Jesús ĩ rãca riasotirãre.

⁹’Ado bajirojũa mũa yija quena yũ tija. Adi macãrucũro gaye mũa rucorisena gãjerãre ejabuaya, queno mũare ĩna baba cutitoni. Ito bajiro ĩnare mũa yija, ũmacũjũ catitĩnadoju mũa ejaroca mũare boca ãmirã yirãji ĩna, yiyijũ Jesús ĩnare.

¹⁰’No jabetacã rucogũ yiro robo ĩ yija, jairo ĩ rucobojaja cũni ito bajiroti queno yigũ ñatĩñagũ yiguĩji ĩocũ. No jabetacã rucogũ yiro robo yibicũ, ĩ jairo rucobojaja cũni, yiro robo yigũ meje ñagũ yiguĩji ĩocũama. ¹¹ Adi macãrucũro gaye gajeoni jaje rucobojarãti yiro robo mũa yibeja, ũmacũjũ gaye quenarise Dios ĩ cõarise cũni boca ãmimena yirãji mũa. ¹² Gãjerã ye gajeoni queno mũa tirũnubeja mũa ye ñarotire cũni queno tirũnumena yirãji mũa. Ito bajiri queno mũare ĩsibicũ yiguĩji Dios, yiyijũ Jesús ĩnare.

¹³’Cocati mani Ƶjarã jũarãre cũdi masibea mani. Jũarã ĩna ñaja sĩgũre queno ti maicõri, gãjire ti tudirã yirãji mani. Sĩgũre queno cũdirã yirãji mani. Gãjire queno cũdimena yirãji mani. Iti robo bajiroti Diore mani cũdija, niyerujũare bũto tuoĩamenaji mani. Niyerure riti mani bũto tuoĩaja Diore queno cũdisabea mani, yiyijũ Jesús ĩ rãca riasotirãre.

¹⁴ Ito bajiro Jesús ĩ busija, fariseo gaye tuoĩarã tuo rujijjarã. ĩna ñayijjarã niyerure bũto mairã. Ito bajiri Jesure aja tudijjarã ĩna. ¹⁵ Ito bajiro ĩna aja tudi rujija ticõri, ado bajiro yiyijũ Jesús ĩnare:

—Masa ĩna tiro riojo riti, “Queno yirã ña gũa”, yiboja mũa. Ito bajiro mũa tuoĩabojarise masicõguĩji Diojũama. “Ñasarise ña”, masa ĩna yi tuoĩabojarise, ñasarise meje ña, Dios ĩ tija, yiyijũ Jesús ĩnare.

Dios ĩ rotirise ñatĩñaroti ña, Jesús ĩ yire gaye

¹⁶’Juan masare ĩ riasoroto riojũa, Dios ĩ rotirise, ito yicõri ĩre goti ĩsiri masa ĩna ucare gaye riti ñayijũ maji masa ĩna tuoroti. Ito bero adi rũmũriama, “No ĩre tuorũnurãreti ĩ rotirojũ miojugũ yiguĩji Dios”, yi riasore gaye ña ĩja. Jãjarã ado bajiro tuoĩabojarãji mũa: “Yũrioti ado bajiro yũ yija Dios ĩ rotirojũ ejagũ yigũja yũ”, yi tuoĩabojarã jãjarã ñama, yiyijũ Jesús ĩnare.

¹⁷’Adi tuti adi macãrucũro cũni coji jedibetoja. Ito yicõri Dios ĩ rotirise cũni jedibeto yiroja. Ñatĩñaroti ña Dios ĩ rotirise, yiyijũ Jesús ĩnare.

Manojore jidicãre ma, yi Jesús ĩ riasore gaye

(Mt 19.1-12; Mr 10.1-12)

¹⁸’Sĩgũ ĩ manojore ñasũogo rãca isore jidicãcõri gajeo rãca ĩ manojore cutibojaja isore ajegũ yiguĩji ĩocũ. Ito yicõri ĩ cõarore gãji ĩ manojore cutija, iso rãca ajegũ yiguĩji ĩocũ cũni, yiyijũ Jesús ĩ rãca riasotirãre.

Niyeru jaigũ ñabojarũ jeame Ƶjũroju ñeñaro ĩ tõbũjare gaye

¹⁹ Mũcana gaje ado bajiro gotiyijũ Jesús ĩnare:

—Sĩgũ niyeru jaigũ quenarise yutabujuri sãñagũ ñayijũ. Co rũmũ ruyabeto ĩ ãmoro bajiro ĩ ya niyerure aje batesotiyijũ ĩ. ²⁰ Ito ĩ baji ñaroca sĩgũ Lázaro wame cutigũ ñayijũ bojoro bũjagũ. Bũto rujũri camĩ cutigũ ñayijũ ĩ. Ito bajicõri niyeru jaigũ ya, soje tũ macũjũ rujijijũ. ²¹ Niyeru jaigũ ĩ bagorise barocũ, ito rujibojayijũ Lázaro. Ito ĩ rujiroca yaia ejacõri, ĩ ya camire weroyijarã. ²² Co rũmũ bojoro bũjagũ godayijũ. ĩ godarocati, ángel mesa ãmi wayijarã ĩre Abraham tũ Diore tuorũnurã ĩna ñarojũ. Ito bero niyeru jaigũ cũni godacoayijũ ĩja. Ito bajiri ĩre yujeyijarã masa. ²³ Diore tuorũnubicũ ñari ñeñaro yigoana ĩna ñarojũ ejacõri bũto tõbũjayijũ niyeru jaigũ ñabojarũ. Ito bajiro tõbũja ñagũ sõjũ Abraham ñayorũre ti bũjayijũ ĩ. Ito bajiri Lázaro ĩ rãcãjũ ĩ ñaja ti bũjayijũ. ²⁴ Ito bajiri ado bajiro oca sẽoro busibojayijũ ĩ: “Ñicũ Abraham yũre ti maiña mũ. Adojũ jeame Ƶjũroju ñeñaro tõbũja yũ. Ito bajiri Lázarore cõañã, ĩ ya ãmo wãsoa ide yicõri yũ ya ñemero ide weogũ wadijaro. Ito yija jabeto tujari seyoa yũ”, yibojayijũ ĩ Abrahamre. ²⁵ Ito ĩ yibojarocati ado bajiro cũdiyijũ Abraham ĩre: “Tũoya yũ janami mũ. Catigũ queno ñacãcũ mũãma. Lázaroreama ĩ cutibojaja queno ejabiticũ. Ito bajiri adojũ queno ñagũ yami ĩ. Mũãma ñeñaro tõbũjagũ ya mũ itojũ. ²⁶ Mani watojoe ũmari goje eyari goje ña. Ito

bajiri no yi masia ma manire”, yiyiju ĩ, niyeru jaigu ñabojarure. ²⁷ Ito bajiro ĩ yija tuocõri, ado bajiro cudiyiju ĩ: “Tuoya yu ñicu mu. Lázaro ado ĩ eja masibeja, cuna tujũ wajaro. ²⁸ Itoju ñarãji yu ñarã, yu ocabaji mesa. Co ñajamacõ ñarãji ĩna. ĩnare gotigu wajaro ĩ, ado ñeñaro tõbujarajũ ĩna ejabe yirocu”, yiyiju ĩ Abrahamre. ²⁹ Ito ĩ yija tuocõri, ado bajiro yiyiju Abraham: “Moisés ñayoru ĩ ucayore, ito yicõri Diore goti ĩsiri masa ĩna ucare ñacã ĩnare. Itijua tuorũnũruja ĩnare”, yiyiju Abraham ĩre. ³⁰ “Meje ñicu, sũgũ godana wato gagũ wacõri ĩ gotija tuocõri, ñeñaro ĩna yirise jidicãrã yirãji ĩna”, yiyiju ĩ. ³¹ Ito ĩ yija tuocõri: “Moisés ñayoru ĩ gotire gaye ito yicõri Diore goti ĩsiri masa ĩna ucare gaye ĩna tuorũnũbeja, godarã wato ñagũ mũcana caticõri ĩ gotibojaja, tuorũnũmena yirãji ĩna ĩre cuni”, yiyiju Abraham niyeru jaigu ñabojarure. Ito bajiri Dios ñaro mũa eja ãmoja catirãti ñeñaro mũa yirise jidicãcõri Diore tuorũnũña, yi gotiyiju Jesús ĩ rãca riasotirãre.

17

Ñeñaro mũa yi uyaja guijorise ña, yi Jesús ĩ riasore gaye

(Mt 18.6-7,21-22; Mr 9.42)

¹ Mũcana tũdi busigu ado bajiro yiyiju Jesús ĩ rãca riasotirãre:

—Co rũmũ ruyabeto mani ñeñaro yitoni usirioro yi codeami rũmũ. Mani ñeñaro yitoni usirioro yigu ñeñaro tõbujagu yiguĩji. ² Jane yure tuorũnũsuorã ñeñaro ĩna yiroca yigu, ñeñaro tõbujagu yiguĩji ĩ. Ito bajiri ĩ ya ãmũmajũ gũtagã rũcũricã sia yocõri riaca jajosaju rucõaja quena ĩre. ³ Itire queno tũoĩa masiña mũa.

’Sũgũ mũa yagu ñeñaro ĩ yija, “Dios tiro riojo queno yibea mu”, yiba ĩre. Ito bajiro mũa yija tuocõri, ĩ ñeñaro yirise ĩ jidicãja, “Mu ñeñaro yirisere ãcabojoa gua”, yiba ĩre. ⁴ Co rũmũre jua ãmojenocõ mũare ñeñaro sũgũ ĩ yija, “Mũare ñeñaro yibu yu”, ĩ yija tuocõri, “Mu ñeñaro yirisere ãcabojoa gua”, yiba ĩre, yiyiju Jesús.

Yure mũa tuorũnũja mũa ãmoro bajiro rẽtaro yiroja, yi Jesús ĩ riasore gaye

⁵ Co rũmũ ado bajiro yiyijarã Jesús rãca riasotirã ĩre:

—Mũre tuorũnũa gua. Ito bajibojarocati buto busa gua mũre tuorũnũroca yiya, yiyijarã ĩna Jesure.

⁶ ĩna ito yija:

—Jabetacã yure mũa tuorũnũja, jaibiti aje mostaza aje robo bajiro yure mũa tuorũnũja, mũa rotiro bajiroti bajiroja. Ito bajiri, yucũgu Sicómoro wame cõtiricãre ado bajiro roti masirãji mũa: “Mũmasiti rudu wacõri itajura gudarecoju rũgõña”, yi rotirãji mũa. Ito bajiro mũa rotiro bajiroti yiroja itigu yucũgu, yure mũa tuorũnũja, yiyiju Jesús ĩnare.

Ĩũju rotiro bajiroti moari masũ ĩ cũdija quena, Jesús ĩ yire gaye

⁷⁻⁹ Gaje ado bajiro gotiyiju Jesús ĩnare:

—Sũgũ mũare moa ĩsiri masũ ovejare tirũnũcõri ĩ tũdi ejaja, mũa riojuajua basũobiquĩji. Ado bajiro ĩre rotirã yirãji mũa: “Bare meni ĩsiña gũare. Ito yicõri gua ba rujiroca gũare codeya mu. Gua ba tũoja berojua mu baja quena”, yi rotirã yirãji mũa. “Iti ña yu ya moare”, yi tũoĩacõri mũa rotiro bajiroti yigu yiguĩji. Ito bajibojarocati biyaro goroama, “Queno ya mu”, yimena yirãji mũa ĩre. ¹⁰ Ito bajiroti mũa cuni Dios ĩ rotirisere cũdibojarãti, “Ñasarã meje ña mani. Mani uju ĩ ñaja cũdirũja manire. Ititi ña, mani ya moare”, yirũja mũa, yiyiju Jesús ĩnare.

Jua ñajamacõ ruju cami jogarãre Jesús ĩ yisiore gaye

¹¹ Jerusalẽnju wacu Galilea sita rẽtacõri, Samaria sitaju ejayiju Jesús. ¹² Iti sita, cũto ĩ ejaroca jua ñajamacõ ãmũa wadicõri sõ busaju tujayijarã. Ruju cami jogarã ñayijarã ĩna.

¹³ Ado bajiro yi awasãyijarã ĩna Jesure:

—Jesús gua Uju, gũare ti maiña, yi awasãyijarã ĩna.

¹⁴ ĩnare ticõri ado bajiro yiyiju Jesús:

—Wasa paiare, mũa ya rujuĩrĩ ĩotẽña, yiyiju ĩ ĩnare.

Ito ĩ yijare wayijarã ĩna. ĩna wasũorocati ĩna ya cami yaticoayiju. ¹⁵ Sũgũ ĩna rãca gagũ ĩ ya cami yatija ticõri: “Yure queno yami Dios. Rẽtoro masigũ ñami Dios”, yi tũdi wayiju

ĩ Jesús tũjũare. ¹⁶ Jesús tũ ejacõri rijomunigãna ñini rũjũyijũ ĩ. Ito yicõri ĩ ya rio sitajũ muquea ruji wayijũ, “Queno ya mũ”, yirocũ. Judio masũ meje ñayijũ ĩ. Samaria sita gagũjũ ñayijũ. ¹⁷ ĩ ejaja ticõri, ado bajiro yiyijũ Jesús ĩre:

—Jũa ñajamocõ camĩ cutirãre yisiobũ yũ. ¿Nojũ ñati gãjerã mũ rãca gãna? ¹⁸ ¿Mũ Samaria sita gagũ sũgũti, “Queno yami Dios”, yirocũ gotigũ wadiri mũ? yiyijũ Jesús ĩre.

¹⁹ Ito yicõri gaje ado bajiro yiyijũ ĩ:

—Wũmũña, wasa. “Jesús yũre yisiogũ yiguĩji”, yĩ mũ tũoñajare, mũ ya camĩ yaticoajũ, yiyijũ Jesús ĩre.

¿Nocãta masare Dios ĩ miojuri rũmũ ejaro yirojada? yĩ Jesure ĩna seniĩare gaye (Mt 24.23-28,36-41)

²⁰ Co rũmũ fariseo gaye tũoñarã, ado bajiro yĩ seniĩayijarã Jesure:

—Ĩre tũorũnrãre ĩ rotirojũ Dios ĩ miojuri rũmũ, ¿nocãta ejaro yirojada? yĩ seniĩayijarã ĩna Jesure.

Ĩna ito yija tũocõri, ado bajiro cũdiyijũ Jesús:

—Ĩre tũorũnrãre Dios ĩ miojuja, masa jeyaro recoti mani tiriseoni meje ñaroja.

²¹ Diore tũorũnrã mũa ñaja, mũa ya usijũ ñacãguĩji ĩja. Ito bajiri, “Recoti ado ña. Őjũ ña ĩ rotiro”, yĩ masiña ma, mani ya usijũ ĩ ñajare, yiyijũ Jesús fariseo gaye tũoñarãre.

²² ĩnare ĩ bũsija bero ĩ rãca riasotirãre, ado bajiro yiyijũ Jesús:

—Yũ ña Dios Macũ, Masa Rĩjorũ. Co rũmũ yũre ti ãmobojarã yirãji mũa. Ito bajibojarãti yũre ti bũjamena yirãji mũa. ²³ “Ado ñami Jesús”, ĩna yija, “Ő ñaguĩji gajea Jesús”, yibojarã yirãji masa mũare. Ito bajiro ĩna yija ĩna rãca sũya wabeja. Macũ yigũja yũ itojũ. ²⁴ Ūmacũjũ gaye bũjo borea yirise iti busu bataja masa jeyaro tirã yirãji. Ito bajiroti bajiro yiroja Masa Rĩjorũ ñacõri, yũ tũdi ejari rũmũ. Masa jeyaro tirã yirãji ĩna, yũ ito bajija. ²⁵ Iti riojũa adoju ñagũ, buto ñeñaro tũbũjagũ yigũja yũ. Iti rũmũri masa tirã yirãji yũre. ²⁶ Noé ñayorũ ĩ catiroca masa Diore rũcũbuobitiyoĩni. Ito bajiro bajirã yirãji masa, yũ Masa Rĩjorũ yũ tũdi ejari rũmũ. ²⁷ Noé ñayorũ ĩ ñaroca masa idirãtibe, barãtibe, manojo cutirãtibe ito yicõri ĩna rĩa romiare manũjũ bosarãtibe yĩ ñayijarã ĩna. “Manire ruyuriobiquĩji Dios”, yĩ tũoĩa ñayijarã ĩna. Ito bajiro ĩna baji ñabojaroca riti, cumajũ sãjayijũ Noé ñayorũ. Cumajũ ĩ sãjaja bero rujayijũ. Ito bajiri ñarocõti goda jedicoayijarã ĩna. ²⁸ Ito bajiroti rẽtayijũ Lot ñayorũ ĩ ñaroca cũni. ĩ ñajacũ ĩ ñaroca ado bajiro bajiyijarã ĩna. Barã, idirã, waja gãmerã, gãjerãre ĩsirã, ito yicõri wiri meni ñacõayijarã ĩna. “Manire ruyuriobiquĩji Dios”, yĩ tũoĩa ñayijarã ĩna. ²⁹ Ito bajiro ĩna baji ñaroca ĩna ñari cũto Sodoma wame cutiri cũto budigoyijũ Lot. Lot iti cũto ĩ budigoja bero ũmacũjũ gaye jea azufre wame cutirise queoyijũ Dios. Ito yicõri gũta ũjũrise cũni queoyijũ. Ito bajiri ñarocõti ũa jedicoayijarã ĩna ĩja. ³⁰ Ito bajiroti bajiro yiroja, yũ Masa Rĩjorũ yũ goãori rũmũ cũni. Ito bajiro yũ goãori rũmũ Diore rũcũbuorã meje ñarã yirãji masa, yiyijũ Jesús ĩnare.

³¹ Yũ tũdi ejari rũmũ sũgũ wi rijogodo ĩ bũa ñaja, ĩ ya gajeoni ãmigũ ruji wabitirũjaguĩji ĩ. Ito yicõri sũgũ ĩ ya weseca ĩ moaroca yũ tũdi ejaja, ĩ ya gajeoni ãmigũ wacũ tũdi wabitirũjaguĩji ĩ cũni. ³² Lot manojo ñayorore bajire gaye tũoĩa ña mũa. Iso ya gajeonire tũoĩa jidicã ãmobisijo iso. Ito bajiri godayijo iso. ³³ No ĩ catirise maibojagũti godagũ yiguĩji. Ito bajibojarocati yũre tũorũnũgũ, yũ oca ĩ gotija tũo junisinicõri, ĩna siagũama catitĩñare gaye bũjagũ yiguĩji.

³⁴ Co rũmũ yũ ejari rũmũ jũarã ĩna caniroca ejagũ yigũja yũ. Jũarã ĩna canibojarocati sũgũre ãmigũ yiguĩji Dios. Ito yicõri gãjire rũacõgũ yiguĩji. ³⁵ Romia jũarã coro tũ oe rujirã yirãji. ĩna ito bajibojarocati sũgõre ãmigũ yiguĩji Dios. Ito yicõri gajeore rũacõgũ yiguĩji. ³⁶ Jũarã ũmũa wesecajũ moa ñarã yirãji. Ito bajibojarocati sũgũre ãmigũ yiguĩji Dios. Gãjire rũacõgũ yiguĩji, yiyijũ Jesús ĩ rãca riasotirãre.

³⁷ Ito bajiro ĩ yija tũocõri, ado bajiro ĩre seniĩayijarã ĩna:

—¿Nojũ rẽtaro yirojada iti? yĩ seniĩayijarã ĩna mani Őjũre.

Ado bajiro goti masiore ocana cũdiyijũ Jesús ĩnare:

—Rujū jogarise iti ñaro itojū minijuarã yirãji yuca. No masa ñna ñeñaro yirojū, ito bajiro rētarō yiroja, yiyijū Jesús ñnare.

18

Oca quenori masu tu wajeago iso ejasotire gaye

¹ Diore busi jidicāmenati buto busa oca sēojaro yirocū, ado bajiro goti masiore ocana gotiyijū Jesús ñnare:

² —Cutojū ñayijū sīgū oca quenori masu. Diore güibisijū, ito yicōri masare cūni rūcūbuobisijū ī. ³ Iti cutojū sīgō ñayijo manujū godagoro. Coji meje oca quenori masu tu ejasotibojayijo iso, “Mu rāca oca cutigujūare seti ña”, ī yitoni. ⁴⁻⁵ Biyaro iso ejasotibojarocati, isore boca āmibisijū oca quenori masu. Biyaro iso ejaja ticōri, ado bajiro tuoīayijū ī. “Yu isore tirūnūbeja biyaro ejasotigo yigōji iso. Ito yicōri bogagu yigūja yū. Ito bajiri Diore güibitibojaguti, masare cūni rūcūbuobitibojaguti isore ejabuacūja yū, yūre iso usirioro yi rētocūme yirocū”, yi tuoīayijū oca quenori masu, yi oca gotiyijū Jesús ī rāca riasotirāre.

⁶ Ito yicōri mucana mani Ūjū ado bajiro gotiyijū:

—Ñeñaro yigū ñabojaguti isore bogagu ejabuayijū oca quenori masu. ⁷ ¿Dios ñarāre ūmua, ñami cūni ñna josaja, ñnare tirūnūbiquījida? ¿Ito yicōri yoari ñnare ejabuabiquījida? ⁸ Ado bajirojūa mūare ya yū. Yoari mejeti ñnare ejabuagu yiguīji. Yu Masa Rījorū adi sitajū tūdi ejaḡu yigūja mucana. ¿Adojū yū tūdi ejaroca yūre tuorūnūrã ñarã yirãjida maji? yiyijū Jesús ñnare.

“Ñasarã ña ḡua”, yibojarāre ñasamena ñna ñaroca yigū yiguīji Dios, Jesús ī yire gaye

⁹ “Gājerã rētoro queno yirã ña ḡua”, yi tuoīacōri, gājerāre ti tudirāre ado bajiro oca goti masioyijū Jesús ñnare:

¹⁰ —Co rumū ūmua jūarã Dios ya wijū Diore busirã wayijarã. Sīgū ī rāca ḡagu fariseo gaye tuoīagū ñayijū. Gāji ūjarāre yiarī waja seni īsisotiri masu ñayijū. ¹¹ Fariseo gaye tuoīagū rūḡōcōri, ado bajiro Diore busiyijū: “Gājerã bajiro bajigū meje ña yū. Riniri masu meje ña yū. Ñeñaro yiri masu meje ña yū. Gāji manojo rāca ajegū meje ña yū. Ito yicōri āni bajiro bajigū meje ña yū. Ī ñami ūjarāre yiarī waja seni īsiri masu. Īre bajiro bajigū meje ñacōri, ‘Queno ya Dios mū’, ya yū. ¹² Co semana ruyabeto jūa rumū mūre rūcūbuogū babicū riti busisotia yū mūre. Ito yicōri jeyaro yū bujarise jabeto mūre īsisotia yū”, yi busiyijū ī Diore. ¹³ Ito bajiro ī yiroca ūjarāre yiarī waja seni īsiri masuama bojori bujagū jacajūa riti ti wa rūḡūcoayijū. Buto bojori bujacōri soje tujū tujayijū ī. Diore ado bajiro busiyijū ī: “Dios yūre ti maiña. Ñeñaro yi jaigū ña yū”, yiyijū ī, yi gotiyijū Jesús ñnare.

¹⁴ Ado bajiro mūare gotia yū. Ūjarāre yiarī waja seni īsiri masu, ito bajiro Diore ī busija, ñeñaro ī yirisere ācabojoyijū Dios. Ito bajibojarocati fariseo gaye tuoīagūreama ī ñeñaro yirise ācabojobisijū Dios. No, “Gājerã rētoro ñasarã ña ḡua”, yibojarāre ñna ñasamena ñaroca yigū yiguīji Dios. Ito yicōri, “Ñasarã meje ña ḡua”, yirāreama, ñasarã ñna ñaroca yigū yiguīji Dios, yiyijū Jesús ñnare.

Rīacare queno yijaro Dios, Jesús ī yire gaye

(Mt 19.13-15; Mr 10.13-16)

¹⁵ ñna rīare Jesús ī moāiatoni āmi ejayijarã masa ī tujū. Ito bajiro rīacare ñna āmi ejaja ticōri, “Āmi wadibesa”, yiyijarã Jesús rāca riasotirã. ¹⁶ Ito bajiro ñna yija tuoīcōri, ado bajiro yiyijū Jesús:

—Rīacare rēobesa, yū tu wadijaro ñna. Rīaca ñama yūre queno tuorūnūrã. Īna robo yūre queno tuorūnūrāre riti ī rotirojū miojugū yiguīji Dios. ¹⁷ Riti mūare gotia yū. Rīaca queno cūdi āmoama Dios ī rotirisere. No rīaca ñna cūdiro bajiro cūdi āmobicūti Dios ī rotirojū ejabiquīji, yiyijū Jesús ñnare.

Gajeonire buto maisabeja quena, Jesús ī yire gaye

(Mt 19.16-30; Mr 10.17-31)

¹⁸ Sīgū judío masa ūjū Jesure ado bajiro seniñayijū:

—Yu ʘju queno yigu, ʘno bajiro yicōri catitĩnare gayere bujagu yigujada yu? yiyiju ʘ Jesure.

¹⁹ Ito bajiro ʘ yija tuocōri:

—ʘNo yija queno yigu yati mu yure? Sĩgũ ñami queno yigu. ʘti ñami Dios. ²⁰ Dios ʘ rotirise masigũ ña mu: “Gãji manajo rãca ajebitiruja mu. Gãjire sãbitiruja mu, rinibitiruja, gãjerãre ruo gotibitiruja, ito yicōri mu jacusabatiare rucuboruja mu”, yiyiju Jesús ire.

²¹ Ito bajiro ʘ yija ado bajiro cudiyiju ʘ Jesure:

—Ñarocōti itire macuacã ñagũju cudisucũ yu, yiyiju ʘ Jesure.

²² Ito ʘ yija ado bajiro cudiyiju Jesús:

—Jabeto ruya maji queno Diore mu cudi jeoroti. Ñarocōti mu cudi jeo ãmoja, ado bajiro yiya. Jeyaro mu rucorise gãjerãre ʘsi jeocōña. Ito yicōri iti waja bujacōri bojoro bujarãre ʘsiña. Ito bajiro mu yija, umacũju queno bujagu yiguja mu. Ito bajiri yu gotirise cudiya. Ito yicōri yu rãca waya, yiyiju Jesús ire.

²³ Ito bajiro Jesús busija tuocōri, buto bojori bujayiju ʘ. Gajeoni jaigu ñacōri itire buto maiyiju. Ito bajiri Jesús busire tuocōri bojori bujaguti wayiju ʘ. ²⁴ ʘ bojori bujaja ticōri, ado bajiro yiyiju Jesús ʘ rãca riasotirãre:

—Niyeru jairã Dios ʘ rotiroju josari bero ejarã yirãji ʘna. ²⁵ Gawa jotaga yuta jiosōrajure, camello queno sãja masibiquĩji. Iti robo bajiroti Dios ʘ rotiroju queno eja masisibiquĩji niyeru jaigu, yiyiju Jesús ʘnare.

²⁶ Ito bajiro ʘ yija tuocōri, ado bajiro yiyijarã ʘna:

—ʘIto yija noajua Dios ʘ ñaroju ejarã yirãjida? Riti mu yijama sĩgũ ejabiquĩji gajea, yiyijarã ʘna Jesure.

²⁷ ʘna ito yija tuocōri, ado bajiro yiyiju Jesús mucana:

—Masamasiti yiado ma itire. Dios sĩgũti jeyaro yi masiguĩji. Ñejua josarise manoja ʘre, yiyiju Jesús ʘnare.

²⁸ Ito bajiro ʘ yija tuocōri, ado bajiro yiyiju Pedro Jesure:

—Gua ʘju, mu rãca warona jeyaro gua rucorisere jidicãcu gua, yiyiju ʘ Jesure.

²⁹⁻³⁰ Ito yija Jesujumama ado bajiro cudiyiju:

—Riti ya yu mũare. “Dios ñami mani ʘju”, yi goti ucuroña, ʘna ya wi, ʘna jacusabatia, ʘna manojosãromia, ito yicōri ʘna rĩare cãni ʘna cũ waja, queno waja bujarã yirãji ʘna. Ito yicōri umacũju Dios tũju catitĩnarã yirãji ʘna, yiyiju Jesús ʘre.

Yure sãrã yirãji, Jesús ʘ yi busisusare gaye

(Mt 20.17-19; Mr 10.32-34)

³¹ Ito ʘ yija bero juã gũbojeno ñarã, ʘ rãca riasotirãre ricati busa ji wayiju Jesús ʘnare busirocu. Ito yicōri ado bajiro yiyiju ʘ ʘnare:

—Adocãta Jerusalenju warã ya mani. Itoju mani ejaroca jane mejeju Diore goti ʘsiri masa ʘna ucado bajiroti rētarõ yiroja Masa Rĩjorure. ³² Gaje masa ʘre ʘna ñiatoni, mani masati ʘre oca menirã yirãji. ʘre ñiacōri aja tudirã yirãji ʘna. Ito yicōri ʘre tiborã yirãji ʘna. ʘre go ide eobate gurã yirãji ʘna. ³³ ʘre jarã yirãji ʘna. Ito yicōri ʘre sãrã yirãji. ʘre ʘna sãbojarocati udia rũmu bero godana wato ñabojaguti mucana tũdi catigu yiguĩji ʘ, yiyiju Jesús ʘnare, ʘre rētaroti gaye tuoña yugu.

³⁴ Ito bajiro ʘ gotibojarocati tuo masibisijarã ʘna. “Iti gayere busiguĩji”, yi masibisijarã ʘna. Ito bajiri ʘ busirise queno tuo masibisijarã ʘna.

Cajea macure Jesús ʘ yisioire gaye

(Mt 20.29-34; Mr 10.46-52)

³⁵ Jericó ejagu wagu ʘ yiroca ma tu sĩgũ cajea macu rujiyiju. Ito ma tu rujicōri masa ʘre ti maitoni masare josayiju. ³⁶ Jãjarã masa ʘna rētaja tuocōri, “ʘNo bajiatĩ?” yirocu seniñayiju ʘ.

³⁷ Ito ʘ yija:

—Jesús Nazaret gagu rētagũ wagu yami, yiyijarã ʘna.

³⁸ Īna ito yija tʉocōri, awasāyijū ī:

—Jesús, David ñayorū janerābatia janami, yʉre ti maiña mʉ, yi awasāyijū.

³⁹ Īre rētasʉorā, “Awasābesa mʉ”, yibojayijarā ĩna ĩre. Ito yibojarocati bʉto busa awasāyijū ī:

—David ñayorū janerābatia janami yʉre ti maiña mʉ, yi awasāyijū ī.

⁴⁰ Iti tʉocōri tuja rūgūyijū Jesús. Ito yicōri, “Cajea tibicʉre āmitēña”, yi ñucayijū. Ī tu ĩ ejagʉ wagʉ yiroca, ado bajiro seniāyijū Jesús cajea macʉre.

⁴¹ —¿No bajiro mʉre yʉ yire āmoati mʉ? yiyijū ĩ ĩre.

—Yʉ Ĥjʉ mʉcana tʉdi cajea ti āmoa yʉ, yiyijū ĩ Jesure.

⁴² Ito ĩ yija tʉocōri:

—Mʉcana tiya mʉ. “Jesús yʉre yisiogʉ yiguĩji”, mʉ yi tʉoĭajare, tʉdi mʉ cajea tiroca ya yʉ, yiyijū Jesús ĩre.

⁴³ Ito ĩ yirocaci cajea macʉ ñabojarʉ ticoayijū ĩja. Ito yicōri Jesús rāca wacʉ, “Bʉto rētoro masigū ñami Dios”, yi wanʉ quena wayijū ĩ. Jājarā masa ito bajiro iti rētaja ticōri, “Queno yigʉ ñami Dios”, yi wanʉ quena wayijarā ĩna cʉni.

19

Jesure Zaqueo ĩ ti āmore gaye

¹ Ito yija bero Jericōjʉ ejayijū Jesús ĩja. Ito yicōri iti cʉtojʉ wa ucuyijū Jesús. ² Iti cʉto gagʉ sigū niyeru jaigʉ ñayijʉ, Zaqueo wame cʉtigʉ. Ĥjarāre yiari waja seni ĩsiri masa ĥjʉ ñayijū ĩ. ³ Ī Zaqueo Jesure bʉto ti āmoyijū. Ito bajibojarocati ũmabicʉ ñari, masa ĩna jājarā ñajare Jesure ti bʉjabisijū ĩ. ⁴ Ito bajiri masa riojʉa ũmaquedi wacōri, ma tu rūgōricʉre Sicómoro wame cʉtiricʉre mʉja jeayijū Zaqueo Jesús ĩ rētaja tirocʉ. ⁵ Ito rēta wacʉ ti mʉocōri ado bajiro yiyijū Jesús Zaqueore:

—Zaqueo coji ruji waya mʉ. Jane mʉ ya wi tuja āmoa yʉ, yiyijū Jesús ĩre.

⁶ Jesús ito bajiro ĩ yija tʉocōri, ejoriti ruji wayijū ĩ. Ito yicōri wanʉre rāca Jesure boca āmicōri, ĩ ya wijʉ āmi wayijū. ⁷ Zaqueo rāca Jesús ĩ waja ticōri, ĩre busituyijarā masa. “Ñeñaro yi jaigʉ ya wi tujagʉ wami”, yirona busiyijarā ĩna. ⁸ Ī ya wijʉ Jesús ĩ ñaroca, ado bajiro yiyijū Zaqueo Jesure:

—Yʉ Ĥjʉ, tite mʉ. Bojoro bʉjarāre gʉdarecona yʉ rʉcorisere ĩnare ĩsi batogʉ yigʉja yʉ. Yʉ rʉo āmigoanare jʉariajiricō ĩnare jʉdacōagū yigʉja yʉ, yiyijū ĩ Jesure.

⁹ Ito ĩ yija tʉocōri, ado bajiro yiyijū Jesús:

—Mʉ ñeñaro yirise mʉ jidicāja ticōri, mʉ ñarāre, mʉre cʉni masogū yiguĩji Dios, ya yʉ mʉre. Ñeñaro yigʉ ñari mʉ ñicʉ Abraham ñayorū Diore ĩ rʉcʉbʉoado bajiro yibiticʉ mʉ maji. ¹⁰ Mʉre bajiro jeame ĥjʉrojʉ wabonare masori masʉ wadia yʉ. Yʉ ña Masa Rĭjorʉ, yiyijū Jesús ĩre.

Moa ĩsiri masa gaye Jesús ĩ goti masiore oca (Mt 25.14-30)

¹¹ Ito bajiro Jesús ĩ yi ñaroca ĩ busirise tʉo ñayijarā masa. “Yoari mejeti Jerusalénjʉ mani ejaja beroti, ĩre tʉorūnʉrāre ĩ rotirojʉ miojusʉogʉ yiguĩji Dios”, yi ĩna tʉoĭabojarisere masicōyijū Jesús. ¹² Ito bajiri goti masiore ocana ado bajiro yiyijū Jesús ĩnare:

—Sigū ñasari masa rāca gagʉ ñayijū. Sōjʉ gaje sitajʉ wayijū ĩ, “Mʉ ya sita ĥjʉ ñama mʉ”, gāji ĩre yitoni. ¹³ Ī waroto riojʉa jʉa dʉjamocō ĩre moa ĩsiri masare jiyijū ĩ. Sigū rʉyabeto ĩnare niyeru tiri bʉto waja cʉtirise ĩsiyijū ĩ. Ito yicōri ado bajiro rotiyijū ĩ ĩnare: “Ito yʉ waroca riti adi niyeruna moacōri jai busaro niyeru bʉja ĩsiña mʉa yʉre”, yiyijū ĩ ĩnare. ¹⁴ Ī ya sita gāna ti teyijarā ĩre. Ito bajiri ĩ beroti masa cōayijarā ĩna. “Āni gʉa ĥjʉ ñare āmobeaa gʉa”, ĩna yi gotitoni ĩnare cōayijarā ĩna. ¹⁵ Ito bajiro ĩna yibojarocati gaje sita gagʉ ĥjʉ ĩre wame yiyijū. “Mʉ ya sita ĥjʉ ñama”, ĩ yija bero, ĩ ya sitajʉ tʉdi wayijū ĩ mʉcana. Itojʉ tʉdi ejacōri, ĩ ya moari masare jiyijū ĩ. “¿Yʉ niyeru cū warena, nocō jairo niyeru bʉja remoyijari ĩna?” yirocʉ, ĩnare jiyijū ĩ. ¹⁶ ĩna ejaja ticōri, cajero gagʉre seniāshʉoyijū ĩ: “¿Nocō jairo niyeru bʉja remori mʉ?” yiyijū ĩ ĩre. Ito ĩ yija tʉocōri: “Yʉ

ɛjɛ mɛ ya niyeruna jɛa dɛjamocɔti mɛcana tɛdi bɛja remomɛ yɛ”, yiyijɛ ɪ. ¹⁷ Ito yija tɛocɔri, ado bajiro cɛdiyijɛ ɪ ɛjɛ ɪre: “Queno yiyija mɛ. Queno yɛre moa ɪsigɛ ɲa mɛ. Jabetacɛ yɛ mɛre rotija, ɲaro bajiroti yɛre cɛdiyija mɛ. Ito bajiri jɛa dɛjamocɔ cɛtori tirɛnɛrocure cɛa yɛ mɛre”, yiyijɛ ɪ ɪre. ¹⁸ ɪ bero gɛji ado bajiro yiyijɛ ɪ ɛjɛre: “Yɛ ɛjɛ, mɛ ya niyeruna co dɛjamocɔti bɛja remomɛ yɛ”, yiyijɛ ɪ ɪre. ¹⁹ Ito ɪ yija tɛocɔri, ado bajiro yiyijɛ ɪ ɛjɛ: “Mɛ yɛre queno cɛdire waja co dɛjamocɔ cɛtori tirɛnɛgɛ yɛ mɛ”, yiyijɛ ɪ ɪre. ²⁰ ɪ bero gɛji mɛcana ɪ tɛ ejayijɛ. “Yɛ ɛjɛ, ado ɲa mɛ ya niyeru. Resurona gɛmacɔri seocɛ yɛ itire. ²¹ Mɛre tɛo gɛicɛ yɛ. Oca sɛogɛ ɲa mɛ. Gɛjerɛ ɲa otebojareti ɛmagɛ ɲa mɛ. Ito yicɔri gɛjerɛ ɲa bɛjaboreti ɛmagɛ ɲa mɛ. Ito bajiri mɛre masicɔri mɛre tɛo gɛicɛ yɛ”, yiyijɛ ɪ, ɪ ɛjɛre. ²² Ito bajiro ɪ yija tɛocɔri, ado bajiro yiyijɛ ɪ ɛjɛ: “Yɛre queno moa ɪsigɛ meje ɲa mɛ. Janeti yɛre mɛ bɛsigorisenati, mɛre sɛoro yigɛ yɛ yɛ. ‘Sɛoro yigɛ ɲa mɛ. Ito yicɔri gɛjerɛ ya otere ɛmagɛ ɲa mɛ. Ito yicɔri gɛjerɛ ye ɲaboreti ɛmagɛ ɲa mɛ’, yiyija mɛgo yɛre. ²³ Ito bajiro yi masibojaguti, Ɂno yija yɛ ya niyerure jai bɛsaro bɛja remora wijɛ cɛbiticati mɛ? Mɛcana yɛ ya wijɛ tɛdi ejacɔri jai bɛsaro niyeru ti tɛdi eja ɛmobjacɛ yɛ”, yiyijɛ ɪ ɛjɛ ɪre. ²⁴ Ito yicɔri gɛjerɛ itijɛ ɲanare ado bajiro rotiyijɛ ɪ: “ɪ rɛcoriti niyerutire ɛmaɲa mɛa. Ito yicɔri jɛa dɛjamocɔ rɛcogɛre ɪsiɲa mɛa”, yiyijɛ ɪ ɲanare. ²⁵ ɪ ito yija tɛocɔri: “Tite gɛa ɛjɛ. Jɛa dɛjamocɔ niyeru ɲacɛ ɪre”, yiyijarɛ ɲa ɪre. ²⁶ Ito yija ɲa ɛjɛ ado bajiro cɛdiyijɛ: “Tite. Ado bajiro mɛare gotia yɛ. No yɛre queno moa ɪsigɛre jai bɛsaro ɪre ɲsi remogɛ yigɛja yɛ. Ito bajibojarocati no queno yɛre moa ɲsibicɛreama ɪ rɛcoriseacɛti ɛma jeocɔcɛja yɛ. ɪre ɛmacɔri gɛji yɛre queno moa ɪsigɛre ɲsigɛ yigɛja yɛ. ²⁷ Ito yicɔri ɛjɛ yɛ ɲare ɛmobitianare, adojɛa ɛmi waya ɲanare. Ito yicɔri, yɛ tiro riojo ɲanare sɲaɲa”, yiyijɛ ɛjɛ ɪ ya moari masare. Ito bajiri iti oca tɛocɔri Diore mani queno moa ɲsija quena, yi oca goti masioyijɛ Jesús masare.

Jerusalénjɛ Jesús ɪ ejare gaye

(Mt 21.1-11; Mr 11.1-11; Jn 12.12-19)

²⁸ Ito ɪ yija bero, Jerusalénjɛ wayijɛ Jesús mɛcana. ²⁹ ɪ waro riojo Olivos wame cɛtiri turia ɲayijɛ. Iti turia judo jɛa cɛto ɲayijɛ. Betfagɛ, ito yicɔri Betania wame cɛtiri cɛtori ɲayijɛ iti. ɪ ejaroto riojɛa jɛarɛ ɪ rɛca riasotirɛre cɔayijɛ ɪ. ³⁰ Ado bajiro yiyijɛ ɪ ɲanare:

—I cɛtoju wasa. Ito ejacɔri burro, ɲa sia rɛgɔgɛre bɛjarɛ yirɛji mɛa. Sɲgɛ masɛ mɛja jeaɲa macɛ ɲaguɲi maji. ɪre ɔjacɔri ɛmi wadiba. ³¹ Sɲgɛ mɛare ɪ seniɲaja: “ɁNo yirɛ ɲre ɔjati mɛa?” ɪ yija, ado bajiro gotiba ɪre: “Mani ɛjɛ ɲre ɛmoami”, yiba ɲre, yiyijɛ Jesús ɪ rɛca riasotirɛre.

³² Ito ɪ yija tɛocɔri, wayijarɛ ɲa. Ito ejacɔri Jesús ɪ gotiado bajiroti bɛjayijarɛ ɲa ɲja.

³³ Burroro ti bɛjacɔri ɔjayijarɛ ɲa. ɪre ɲa ɔjaroca ado bajiro seniɲayijarɛ ɪ ɛjarɛ:

—ɁNo yija ɲre ɔjati mɛa? yiyijarɛ ɲa.

³⁴ ɲa ito yija tɛocɔri:

—Mani ɛjɛ ɲre ɛmoami. Ito bajiri ɲre ɔja gɛa, yiyijarɛ ɲa.

³⁵ Ito yicɔri Jesús tɛjɛ ɲre ɛmi wayijarɛ ɲa ɲja. Jesús tɛ ejacɔri ɲa ya yutabuju ruacɔri burro joe jidi jeoyijarɛ ɲa. Ito yicɔri Jesús ɪ mɛja jeatoni ɲre ejabɛayijarɛ ɲa. ³⁶ ɪ joe jesa wayijɛ Jesús ɲja. Ito bajiro ɲ jesa waroca jɛjarɛ ɲa ya yutabujuri ruacɔri ɪ waro riojo eyocɛ yuyijarɛ ɲa. “Gɛa ɛjɛ ɲa mɛ”, yirona ito bajiro yiyijarɛ masa, ɲre rɛcɛbɛorɛ. ³⁷ Ito bajiro wacɛjɛ turia judo ejayijɛ, Jerusalén roja wara majɛ. Ito ɲ ejaroca ɲre rɛcɛbɛorɛ ado bajiro yi awasɛ wanɛyijarɛ masa: “Rɛtoro quenagɛ ɲami Dios. Jaje tiyamani manire ɲoami”, yi awasɛ wanɛyijarɛ ɲa, Diore rɛcɛbɛorɛ:

³⁸ —Quenarise ɲajaro mani ɛjɛre. ɪ ɲami Dios ɪ cɛrɛ. ɲmacɛjɛ gɛna cɛni wanɛ quenare rɛca ɲajaro ɲa. Masa jeyaro Diore queno rɛcɛbɛojaro, yiyijarɛ ɲa Jesure wanɛrɛ.

³⁹ Jesure sɛyarɛ ɲa rɛca ɲabojayijarɛ fariseo gaye tɛoɲarɛ cɛni. Masa ɲa ito bajiro wanɛ bɛsija tɛocɔri, Jesure ado bajiro yiyijarɛ ɲa:

—Guare riasogɛ, ito bajiro mɛre bɛsi sɛyarɛre, “Bɛsibesa mɛa”, yiya, yiyijarɛ fariseo gaye tɛoɲarɛ Jesure.

⁴⁰ Ito bajiro ñna yibojarocati:

—Riti ado bajiro mũare gotia yu. Yũre ñna awasã wanũbeja, masa ñna awasã wanũro bajiro gũta cuni awasã wanũro yiroja, yiyijũ Jesús ñnare.

⁴¹ Ito bajiro wacuti Jerusalénjũ ticõyijũ ñ. Iti cuto gãnare tũoĩacõri otiyijũ Jesús.

⁴² Tũoĩa oticõri ado bajiro yiyijũ Jesús:

—Wanũ quenatĩñare bũja masibojarãti ãmobisijarã ñna. Ito bajiri adocãta bũja masiña ma ñnare. ⁴³ Quenabiti rãmũri ejaro yiroja ñnare. Ito bajiri ñna wajana rujabedo ñnare camotarã yirãji. Ito yicõri cojũ ruyabeto camotarã yirãji ñnare sãrona. ⁴⁴ Ito bajiro yicõri ñnare ruyurio jeorã yirãji. Ito yicõri ñnare sãarã yirãji. Ñnare sãacõri ñna cuto Jerusalénre dara baterã yirãji ñna. Ito bajiri ñna camotabojare gũta ñarocõti quedicõaro yiroja. Ito bajiro rẽtarõ yiroja, ñnare Dios boca ãmi ãmbojarocati ñna ãmõbitire waja, yiyijũ Jesús.

Dios ya wijũ niyeru wasoari masare Jesús ñ bucõare gaye

(Mt 21.12-17; Mr 11.15-19; Jn 2.13-22)

⁴⁵ Ito bajiro Jerusalénjũ ejacõayijũ Jesús ñja. Ito bajiro ejacõri Dios ya wijũ sãjayijũ ñ. Ito sãjacõri waja gãmeri masare ti bũjayijũ Jesús. Ñnare ti bũjacõri ñnare bucõayijũ ñ. ⁴⁶ Ito yicõri ado bajiro yiyijũ ñ:

—Dios oca tuti ado bajiro gotia: “Yũre rũcũbũrona yu ya wi sãjarã yirãji masa”, yi gotia Dios oca tuti. Mũa ito bajiro niyeru gãmeri waja yija, riniri masa ñna rudirijũ robo bajiro ya mũa, yi tudiyijũ Jesús waja gãmeri masare.

⁴⁷ Jerusalén ñagũ co rãmũ ruyabeto Dios ya wijũ masare riasosotiyijũ Jesús. Ito bajibojarocati paia ujarã, judio masa rotirise riasori masa, ito yicõri cuto ujarã cuni ti tujabisijarã ñna. Ito bajiri ado bajiro yi tũoĩayijarã ñna: “ ‘Ñre seti ña’, mani yija, ñre sãarã yirãji mani”, yi tũoĩayijarã ñna. ⁴⁸ Ito bajibojarocati masama Jesure wanũcõri bũto bũsa ñre tũorũnyijarã ñnama. Ito bajiri, “Seti ña ñre”, yi masibisijarã ujarã mesa.

20

¿Ñimũ ñ rotijare ito bajiro yati mũ? yi Jesure ñna seniñare gaye

(Mt 21.23-27; Mr 11.27-33)

¹ Co rãmũ Dios ya wijũ masare riaso ñayijũ Jesús. Masare Dios ñ masore gayere ñnare riaso ñayijũ Jesús. Ito bajiro ñ riaso ñaroca paia ujarã ejayijarã. Ito yicõri judio masa rotirise riasori masa, judio masa bũcũrã cuni ejayijarã. ² Jesús tũ ejacõri ado bajiro seniñayijarã ñna:

—¿Waja gãmeri masare mũ bucõaja ñimũ rotirisena ñnare bucõati mũ? Ito yicõri, ¿ñimũ mũre cũcati ito bajiro mũ yitoni? yi seniñayijarã ñna Jesure.

³ Ñna ito yija tũocõri:

—Yũ cuni mũare ado bajiro seniña yũ. Cũdiya mũa cuni yũre. ⁴ ¿Ñimũ masare Juan ñ idé gutoni cõayijari? ¿Dios ñre cõayijarite? ¿Masa ñre cõayijarite? yi seniñayijũ Jesús ñnare.

⁵ Ito bajiro ñ yija tũocõri, ñnamasiti gãmeri tũoĩa bũsiyijarã ñna:

—¿No bajiro ñre cũdirũjati mani? “Dios cõayijũ ñre”, mani yija, “¿No yija ito bajibojarocati ñre tũorũnũbiticati mũa?” yigũ yiguĩji ñ manire, yi tũoĩayijarã ñna. ⁶ “Masa cõarũ ñami Juan’, mani yija, masa manire junisinicõri gũtagãna manire rea sãarã yirãji. ‘Diore yiarĩ bũsiñi Juan’, yi tũoĩacõri gũtagãna rea sãarã yirãji ñna manire”, yi tũoĩa gãmeri bũsiyijarã ñna. ⁷ Ito bajiro tũoĩacõri ado bajiro cũdiyijarã ñna Jesure:

—“Ñ ñañi masare idé gutoni cõarũ”, yi masibea gũa, yiyijarã ñna Jesure.

⁸ Ñna ito yija tũocõri:

—“Ñ rotirisena ya yũ”, yi gotibicũja yũ cuni, yiyijũ Jesús ñnare.

Queno moare rujeo masimena Jesús ñ yire gaye

(Mt 21.33-44; Mr 12.1-11)

⁹ Ito yicõri masare bũsisũoyijũ Jesús mũcana. Ado bajiro goti masiore ocana gotiyijũ Jesús ñnare:

—Sīgū ñayijū uyé wese, rucogū. Gaje sita yoari warocū ĩ ya uyé wesere gājerā moari masare wasoayijū ĩ. Ito yicōri yoari gaje sitajū ñayijū ĩ. ¹⁰ Uyé iti rica cutiroca sīgū ĩ ya moari masare cōayijū ĩ, ĩ ya ote āmitoni. Iti ote coderi masa ĩ wadija ticōri, ĩre jaōsācōyijarā ĩna. Ito bajiri ñe macuti tūdi wayijū ĩ. ¹¹ Ito bajiro ñe macuti ĩ ejaja ticōri, gāji ĩre moa ĩsiri masare cōayijū ĩ. Iti ote coderi masa ĩ ejaja ticōri, ĩre tiboyijarā ĩna. Ito yicōri jaōsācōyijarā ĩna. Ito bajiri ĩ cūni ñe macuti tūdi wayijū. ¹² ĩto bajija ticōri, gājire cōayijū mūcana. ĩ ejaja ticōri, ito bajiroti ĩre cūni jaōsācōyijarā ĩna mūcana.

¹³ 'Iti jeyaro bajija ticōri, ado bajiro tuoñayijū iti sita ujū: “¿No bajiro yirujati yū? Ado bajiro yicūja yū. Yū macū, yū maigūre cōagū ya yū. ĩre ĩna tija rucubhorā yirāji gajea”, yi tuoñabojayijū ĩ. ¹⁴ ĩ macū ejaja ticōri, ado bajiro ĩnamasi gāmeri tuoña busiyijarā ĩna, ote coderi masa: “Āni ñami adi sita ujū ĩ godaja bero boca āmirocū. ĩre sīacācōrūja, manijua bñjana yirona”, yi tuoña gāmeri busiyijarā ĩna. ¹⁵ Ito bajiri ĩre tucōa wacōri siayijarā ĩna, yi oca goti masioyijū Jesús masare. Ito yicōri ado bajiro ĩnare seniñayijū Jesús:

—ĩna ito bajiro yija, ¿no bajiro yigū yiguñjida iti sita ujū? ¹⁶ Ado bajirojua yigū yiguñji. Ote coderi masa tū ejacōri ĩnare sīagū yiguñji. Ito yicōri ĩ ya sita gājerāre wasoagu yiguñji. Dios cūni ito bajiroti yigū yiguñji. No ĩ cōarure boca āmimenareti ruyuriogu yiguñji Dios, yiyijū Jesús ĩnare.

Ito bajiro ĩ yija tuocōri, ado bajiro yiyijarā ĩna:

—Iti ito bajiro rētame yirocū camotajaro Dios, yiyijarā ĩna.

¹⁷ ĩnajuare ticōri ado bajiro yiyijū Jesús:

—¿Ñe yireoni ñati adi Dios oca tuti gaye mūa tuoñaja?

Gūta wi meniri masa coga gūtagā cōayijarā ĩna. Ito bajibojarocati gaje gūta rēto busaro quenarica ñayijū itiga ĩna cōabojaraga. Itiga gūtagāna suoriti quenari wi menigū yiguñji Dios. Itiga gūtagā manija, ñe menire manoja ĩja, yi gotia Dios oca tuti.

¹⁸ No gūtagā joe quedī jeagure ĩ ya gōari jearo yiroja. Ito yicōri itiga gūtagā sīgūre iti quedī jeaja mano abocōro yiroja. Ado bajiro bajia iti oca. No Dios ĩ cōarure tuorūnubicū catitñabicū yiguñji ĩocū. Ito yicōri jeame ũjurojū ĩ cōa āmorāre ruyuriorocū cōagū yiguñji ĩ, yi gotiyijū Jesús masare.

¹⁹ Ito bajiro Jesús ĩ oca goti masioja tuocōri, “Manireti busiami”, yi tuo masiyijarā paia ujarā, judio masa rotirise riasori masa cūni. Ito bajiri Jesure ñia āmoyijarā ĩna. Ito bajibojarocati masare gūirā ñia masibisijarā ĩna maji.

*Ujarāre mani waja ruyurioja ñaro bajiroti waja yija quena, Jesús ĩ yire gaye
(Mt 22.15-22; Mr 12.13-17)*

²⁰ ĩre ñia masibiticōri coriarā Jesús rāca baba cuti ruoronare cōayijarā ĩna: “Titēña. Sita ujarāre ĩ busitujā tuoba. ĩ busitujā tuocōri, ‘ĩre seti ña’, yirā yirāji mani. Ito yicōri adi sita ujū tujū ĩre āmi warā yirāji mani”, yiyijarā ĩna. ²¹ Jesús rāca baba cuti ruoana ĩ tū ejacōri, ado bajiro ĩre gotiyijarā ĩna:

—Guare riasogu, jeyaro mū riasorise, mū busirise riti ñasarise ña, yi tuoña gūa. Masa ñasari masa, ñasamenare cūni corocōti ti maia mū. Dios ĩ āmoro bajiro masa ĩna yitoni, queno riasoa mū. ²² Ito bajiri ado bajiro mure seniña gūa: “¿Roma cuto gagū ujure ĩ rotiado bajiroti ĩre gūa waja yija quenati? ¿ĩre gūa waja yibeja cūni quenatite?” yi seniñayijarā ĩna Jesure.

²³ Ito bajiro ĩna yibojarocati ĩna ñeñaro tuoñarisere tuo masicōyijū Jesús. Ito bajiri ado bajiro yiyijū ĩ ĩnare:

²⁴ —Adi sita gaye niyeru cuji ĩsiña yure, yiyijū Jesús.

Iti cuji niyeru cuji boca āmicōri ado bajiro seniñayijū Jesús ĩnare:

—¿Ñimū ya rio ito yicōri ñimū wame wāñati adi cujiñū? yi seniñayijū Jesús ĩnare.

Ito ĩ yija tuocōri:

—Adi sita ujū rioti ña, ito yicōri ĩ wame cūni, yiyijarā ĩna Jesure.

²⁵ ĩna ito yija ado bajiro cūdiyijū Jesús ĩnare:

—Sita **ɛjɔ** gaye iti ñajama ñreti ñsija quena. Ito yicōri Dios ye iti ñaja Diore ñsija quena, yiyijɔ ñ ñnare.

²⁶ Ito bajiro queno Jesús ñ cɔdija tɔocōri, masa tɔoro riojo oca meni masibisijarã ñna. Ñ queno cɔdi masija ticōri, mano **ɛcayijarã** ñna. Ito bajiri ñre oca meni ñmobojarãti busibisijarã ñna ñja.

¿*Godacōri* tɔdi caticoarã yirãjida masa? yi Jesure ñna seniñare gaye
(Mt 22.23-33; Mr 12.18-27)

²⁷ Ito ñ baji ñnaro ca coriarã saduceo gaye tɔoñarã, Jesure ti ñamorã ejayijarã. Saduceo gaye tɔoñarã, “Godabojarãti mɔcana tɔdi catire manoja”, yi tɔoñarã ñnayijarã ñna. Ito bajiri ado bajiro Jesure seniñayijarã ñna:

²⁸ —**Gɔare** riasogɔ, Moisés ñayorɔ ado bajiro ucayoñi: “Rijorɔ ñasɔogɔ rĩa macɔti manojore ñ godagoja ñ ocabaji manojore cɔti wasoaja quena. Ito bajiro yigɔti ñ rijorɔ ñabojarɔre rĩa cɔti ñsigũ yiguñji”, yi ucañi Moisés ñayorɔ, yiyijarã ñna Jesure.

²⁹ Gaje ado bajiro gotiyijarã ñna Jesure:

—**Mɔre** oca gotia gɔa. Sīgũ rĩa ado bajiro rɔtayijarã. Jɔa ñmojeno ñayijarã ñna. ñasɔogɔ manojore cɔtibojagɔti rĩa macɔti godagoyijɔ. ³⁰ Ñ bero gagɔ manɔjɔ godagoro rãca manojore cɔtibojayijɔ. Ñ cɔni rĩa macɔti godagoyijɔ. ³¹ Ito yicōri ñna bero gagɔ cɔni manɔjɔ godagoro rãca manojore cɔtibojayijɔ. Ñ cɔni rĩa macɔti godacoayijɔ. Ñ bero gãna cɔni isore manojore cɔticōri, rĩa manati goda jediyijarã ñna. ³² Ñna goda jedija beroyɔ goda sɔyayijɔ ñna manojore ñabojaro cɔni. ³³ ¿Umacɔjɔ mɔcana tɔdi ñna catija ñimɔ manojore ñasagōjida ñna jeyaro manojore iso ñaja bero? yi seniñayijarã ñna Jesure.

³⁴ Ito yija Jesús ado bajiro cɔdiyijɔ ñnare:

—Adi tutijɔ masa ñna ñaja, manojore cɔti, manɔjɔ cɔti yama ñna. ³⁵ Adi tutijɔ ito bajiro ñna yi ñabojarocati mɔcana tɔdi caticōri, Dios tɔjɔ ñna ejaja manojore cɔtire manojore itojɔama. Ito yicōri ñna rĩa romiare manojore cɔti rotimenaji ñna. ³⁶ Dios rĩa ñnari mɔcana tɔdi catirã yirãji ñna. Ito yicōri jɔaji godamenaji ñna. Ángel mesa robo bajiro bajirã yirãji ñna ñja. ³⁷ Gaje Moisés ñayorɔ ñ ucare ticōri, “Godana mɔcana tɔdi catirã yirãji”, yi tɔoña mani. Yucɔ tutu ñjɔrise wato Dios oca ruyurisere ucayoyijɔ Moisés. Ado bajiro gotiyijɔ Dios Moisésre: “Yɔ ñna Abraham **ɛjɔ**, Isaac **ɛjɔ**, ito yicōri Jacob **ɛjɔ** cɔni”, yiqui Dios yɔre, yi ucayijɔ Moisés ñayorɔ. ³⁸ Iti oca tɔocōri, “Godana **ɛjɔ** meje ñnami Dios. Catirã **ɛjɔ** ñnami”, yi tɔoña mani. Godana ñabojarãti Dios ñ tija catirã riti ñnarãji masa, yiyijɔ Jesús ñnare.

³⁹ Ito ñ yija tɔocōri, judio masa rotirise riasori masa, ado bajiro yiyijarã ñna:

—Queno ñnaro bajiroti tɔo masia, gɔa **ɛjɔ** mɔ, yiyijarã ñna Jesure.

⁴⁰ Ito yicōri queno masigũ ñ ñajare ñejɔa gaje seniña **ɛyɔ** masibisijarã ñna.

¿*Ñimɔ* janami ñayijari Cristo mɔa tija? yi Jesús ñ seniñare gaye
(Mt 22.41-46; Mr 12.35-37)

⁴¹ Ito bero ado bajiro ñnare seniñayijɔ Jesús:

—¿No yija, “David ñayorɔ janerãbatia janami ñnami Cristo”, yati masa? ⁴² David ñayorɔ ñmasiti, Salmos wame cɔtiri tutijɔ ucagɔ ado bajiro yini:

Yɔ **ɛjɔ**re ado bajiro yini Dios: “Yɔ ya ríojocadɔja rĩcɔbɔorajɔ, rujiya mɔ.

⁴³ Mɔ wajanare mɔ rɔtocuroca yigɔ yigɔja yɔ”, yini Dios yɔ **ɛjɔ**re, yi ucayoñi David.

⁴⁴ ¿No yija, “Yɔ **ɛjɔ** ñnami Cristo”, yiyijari David ñayorɔ? Cristo David janerãbatia janami ñacōri, ¿no bajiro David **ɛjɔ** bajiyijari Cristo? Ñ janerãbatia janami ñ ñaja, “Yɔ **ɛjɔ**”, yibitiborɔ David ñayorɔ, yiyijɔ Jesús ñnare.

“*Seti ñna mɔare*”, judio masa rotirise riasori masare, Jesús ñ yire gaye
(Mt 23.1-36; Mr 12.38-40; Lc 11.37-54)

⁴⁵ Ñ rãca riasotirãre, Jesús ñ busi ñnaro ca jãjarã masa tɔo ñnayijarã. Ado bajiro yiyijɔ Jesús ñnare:

⁴⁶ —Judio masa rotirise riasori masa bajiro mɔa yibe yirona queno tɔoñaña mɔa. Tite. Ado bajiro yama ñna. Yutabujuri quenarise yoarise sãñacōri masa ñna tiro riojo wa ucu

āmorāji ĩna. Ito yicōri cuto gudareco gājire ĩna canamuoja, rūcubuoore rāca seniĩare āmorāji ĩna. Minijuara wiju sājacōri rūcubuoora cumuro ruji āmorāji ĩna. Ito yicōri basari ruma cuni ñasari masa ta riti ba ruji āmorāji ĩna. ⁴⁷ Manujū godagoana romiare cuni ĩna ya wiri ēmarāji ĩna. Ito yicōri masa ĩna tiro riojo yoari Diore busirāji ĩna. “Queno yirā ñama ĩna”, masa yi tuoĩajaro yirona yoari Diore busirāji ĩna. Ito bajiro ĩna yija quenabetoja. Ito bajiri ñeñaro ĩna yirise waja, waja yirā buto busa quenabeto tōbujarā yirāji ĩna. ĩnare bajiro mua yibe yirona queno tuoĩaña mua, yiyijū Jesús masare.

21

Wajeago bojoro bujago Diore niyeru iso ĩsire gaye
(Mr 12.41-44)

¹ Dios ya wiju Jesús ĩ ñaroca masa Diore yiari niyeru ĩna sāri jedore ĩna niyeru sāja ti codeyijū ĩ. Ito bajiri niyeru jairāre cuni ĩna sāja tiyijū ĩ. ² Ito yicōri manujū godagoro bojoro bujago ñabojagoti juati niyeruti waja mani iso sāja tiyijū Jesús. Cobre ñayijū iso sārise. ³ Ito bajiro iso yija ticōri, ado bajiro yiyijū Jesús:

—Riti muare gotia yū. Niyeru jairā rēto busaro ĩsiamu adio bojoro bujago. ⁴ ĩna niyeru jairā jaje rūcocōri rētarisere ĩsiamu ĩna. Iso bojoro bujagoama ñarocōti, iso rūcobojariseti ĩsiamu, yiyijū Jesús ĩnare.

Dios ya wi ōjea bate godaro yiroja, Jesús ĩ yire gaye
(Mt 24.1-2; Mr 13.1-2)

⁵ Ado bajiro busiyijarā coriarā, Dios ya wire ti tuoĩacōri:

—Queno seyo quenari wi ña adi wi. Adi wi gūta quenarisena ĩna menira wi ña. Ito yicōri jājarā Diore yiari iti wire rūcubuoora, iti wi ñarotire ĩsiñi ĩna, yiyijarā ĩna.

ĩna ito yija tuocōri, ado bajiro yiyijū Jesús:

⁶ —Co ruma ado jeyaro mua ti ñabojarisega gājerā ruyuriorā yirāji. Ito bajiri adi wi gaye gūtagā gajega joe jesabeto yiroja, yiyijū Jesús ĩnare.

Adi ūmuari jediroto riojua ado bajiro rētaru yiroja, Jesús ĩ yire gaye
(Mt 24.3-28; Mr 13.3-23)

⁷ Ito ĩ yija ado bajiro seniĩayijarā ĩna ĩre:

—Guare riasogu, ¿nocāta rētaru yirojada iti guare mu busirise? ¿no bajiro ti masicōri, “Ito bajiro rētaru ya”, yi masirā yirājida gua? yiyijarā ĩna Jesure.

⁸ Ito bajiri Jesús ado bajiro yiyijū:

—Queno tuoĩaña mua, gājerā ĩna muare ruobe yirona. Jājarā muare ruorona ejarā yirāji ĩna. “Yuti ña Cristo”, yirā yirāji ĩna. Ito yicōri, “Adi rumariti ña, susari rumarī”, yi ruorā yirāji ĩna. Ito bajiri ĩnare tuorūnubeja mua. ⁹ Masa ĩna gāmeri sārise gaye mua tuoja, ito yicōri ujarāre, masa ĩna queno tuo āmobeja, ĩna oca meni āmoja cuni güibeja mua. Ito bajiro rētaru yiroja cajero susari ruma iti ejaroto riojua, yiyijū Jesús ĩnare.

¹⁰ Ito yicōri mucana ado bajiro goti remoyijū:

—Co masa ñabojarāti gāmeri sārā yirāji ĩna. Ito yicōri co sita gāna gaje sita gāna rāca gāmeri sārā yirāji. ¹¹ Co cuto meje sita buto uero yiroja. Ñiocōrā yirāji masa. Ñarise ñaro yiroja. Ito yicōri ūmacūju gaye guijsorise tiyamani goaoro yiroja.

¹² Iti jeyaro rētaroto riojua, yure tuorūnūrā mua ñajare muare ñiarā yirāji. Ito yicōri mua tōbujaroca yirā yirāji ĩna. Minijuara wiju ujarā riojo, “Ānare seti ña”, yirona muare āmi warā yirāji ĩna. Yure tuorūnūrā mua ñajare tubiara wiju muare cūrā yirāji ĩna. Masa ujarā, sita ujarā riojo cuni, “ĩnare seti ña”, yirona āmi warā yirāji ĩna muare. ¹³ Ito bajiro muare ĩna yija, “Jesure rūcubuoora ña gua”, yi gotirā yirāji mua. ¹⁴ “Muare seti ña”, ĩna yija, “Ado bajiro cūdiana mani”, yi tuoĩa usiriobeja. ¹⁵ Mua queno cūdi masitoni tuo masire gaye muare jidicāgū yigūja yū. Ito bajiri queno mua busi masijare, mua wajana sīgūjua muare busi rētocū yimena yirāji. ¹⁶ Mua jacusabatia, mua baba mesa, mua ñarā, ito yicōri mua co masi, muare gājerā ñiatoni gotirā yirāji. Ito yicōri mua coriarāre sārā yirāji ĩna. ¹⁷ Ito yicōri yure tuorūnūrā mua ñajare masa jeyaro muare ti tudirā yirāji.

¹⁸ Queno muare tirūnugū yigūja yu. Ito bajiri cora joara godabeto yiroja muare. ¹⁹ Yure mua tuorūnurise mua jidicābeja catitīnarā yirāji mua, yiyijū Jesús ĩnare.

²⁰ Mucana ado bajiro goti remoyijū Jesús:

—Jerusalénjū surara ĩna gāni bija tuocōri, “Nocō mejeti adi cūtoze ruyuriorā wana yama”, yi tuoīarā yirāji mua. ²¹ Ito bajiri Judea sita gāna, gūta yucarijū rudirūjarāji ĩna. Ito yicōri Jerusalén cūtoju ĩnarā, iti cūtoze budigorūjarāji ĩna. Ito yicōri joaju ĩnarā cūtojuare wija wadibitirūjarāji ĩna. ²² Iti rūmuri buto ñeñaro tōbūjarā yirāji masa. Dios oca tuti iti gotiro bajiroti, rētarō yiroja. ²³ Bujato bujarā yirāji iti rūmuri macu sāñarā ĩnarā. Ito yicōri macuacāre ūjurā cūni bujato bujarā yirāji. Iti rūmuri iti sitare ĩnarise jaje ĩnaro yiroja. Ito yicōri ñeñaro tōbūjarā yirāji ĩna. ²⁴ Masa jājarā godarā yirāji ĩna gāmeri sīaroca. Ito yicōri gājerāre ñiacōri jaje cūtorijū tubiarā yirāji ĩna. Ito yicōri gaje sita gāna gājerā ñabojarāti Jerusalén cūtoju ejacōri ĩnarā yirāji ĩna. Dios ĩ amorocōti iti sitare ĩnarā yirāji ĩna, yiyijū Jesús ĩ rāca riasotirāre.

Yu Masa Rījorū tūdi ejaḡu yigūja, Jesús ĩ yire gaye

(Mt 24.29-35,42-44; Mr 13.24-37)

²⁵ Mucana ado bajiro goti remoyijū Jesús:

—Sūsari rūmuri ejaroto riojua ūmacañi ūmua gagu, ñami gagu, ito yicōri ñocōare cūni, tiyamani jaje goaro yiroja. Ito yicōri adi tutijū ĩnarā, sīgū bajiro riti tuoīacōri ña masimena yirāji ĩna. Ide jacūrise buto iti ruyuja tuocōri, buto tuoīa oca jairā yirāji ĩna. ²⁶ Adi macārūcūro gaye rētaroti tuoīa güirā, ūsi jedirā yirāji masa. Ñocōa cūni quedicoarā yirāji. ²⁷ Ito yicōri yu Masa Rījorūre tirā yirāji masa. Ide buerina wadigū yigūja yu. Dios ĩ rotirisena queno ruyugū yigūja yu, masa ĩna tija. ²⁸ Iti ito bajiro rētarō wado yiroca wanu oca sēcōri ti mūrā yirāji mua. Yoari mejeti masogū yigūji Dios muare, yiyijū Jesús masare.

²⁹ Gaje goti masiore ocana ado bajiro gotiyijū Jesús ĩnare:

—Hīgueragure tuoīate mua. ³⁰ Itigū jū buja ticōri, “Jabeto ruya cūma ejaroto”, yi ti masia mua. ³¹ Iti bajiroti, jījū yu gotirise bajiro iti rētaja ticōri, “Jabeto ruya ĩre tuorūnurāre Dios ĩ miojuroto”, yi masirā yirāji mua, yiyijū Jesús ĩnare.

³² Riti muare gotia yu. Adi macārūcūro gāna ĩna goda jediroto riojua, yu busiro bajiroti rētarō yiroja. ³³ Adi sita macārūcūro cūni jedicoaro yiroja. Ito bajibojarocati yu ya ocama jedibeto yiroja. Yu gotiado bajiroti rētarō yiroja, yiyijū Jesús ĩnare.

³⁴ Queno tuoīaña mua. Basa gaye riti tuoīa rētocū yibeja. Ito yicōri mecūbeja. Ito yicōri adi macārūcūro gaye riti tuoīabeja. Iti gaye riti mua tuoīaja, yu tūdi ejari rūmu mano ūcarā yirāji mua. Ñacāmena yirāji mua. ³⁵ Adi macārūcūro gāna jeyaro yu tūdi ejari rūmu mano ūcarā yirāji. Yu tūdi ejari rūmu yure bocati ñamena yirāji ĩna. Ito bajiri mano ūcarā yirāji ĩna. ³⁶ ĩnare bajiro bajibeja mūama. Queno ña yucāña mua, yu ejaroto riojua. Ija iti rētaroti gayere muare rētame yirona Diore busitīñasotiba mua. Ito yicōri yu Masa Rījorū riojo mua ña masitoni Diore busitīñasotiba mua, yiyijū Jesús ĩnare.

³⁷ Co rūmu ruyabeto minijuara wijū masare Dios oca gotisotiyijū Jesús. Ito yicōri ñamijua Olivos wame cūtiri tūriaju canigū wasotiyijū ĩ. ³⁸ Co rūmu ruyabeto busuri jījū ejasotiyijarā masa ĩ busirisere tuorona.

22

¿No yicōri Jesure ñiarūjati mani? ĩna yi tuoīare gaye

(Mt 26.1-5,14-16; Mr 14.1-2,10-11; Jn 11.45-53)

¹ Iti rūmūriti cōña wayijū naju wadarise ūco wūoya mani bare basa. Gaje Pascua wame cūtiyijū iti basa. ² Jesure siarona, ¿no bajiro yicōri sīarūjati mani? yi tuoīayijarā paia ūjarā, ito yicōri judio masa rotirise riasori masa. ĩre sīa āmobojarāti masajūare tuo güiyijarā ĩna.

³ Iti rūmūriti Judas Iscariotere rūmūa ūju Satanás wame cūtigū quedī sājayijū. Judas ñayijū jua gūbojeno ñagū Jesús rāca riasotigū. ⁴ Paia ūjarā ito yicōri minijuara wi ūjarāre cūni busigū wayijū ĩ. ¿No bajiro muare Jesure gotigūti yu? yirocu, ĩnare busigū wayijū

ĩ. ⁵ Ito ĩ yija tũocõri, wanũyijarã ĩna. Ito bajiri, “Mũre niyeru ĩsiana gũa”, yiyijarã ĩna Judasre. ⁶ ĩna ito yija tũocõri, ñaro bajiroti cũdiyijũ ĩ. “¿Nocãta masa mano ĩnare ĩogũ yigũjada yũ?” yi tũoĩa ñayijũ ĩ.

Jesús ĩ basũsare gaye

(Mt 26.17-29; Mr 14.12-25; Jn 13.21-30; 1 Co 11.23-26)

⁷ Ito yija naju wadarise uco wũoya mani bare basa ejayijũ. Iti rũmũ Pascua ñaroca Diore rũcũbuorã oveja macũ sũacõri ĩna soera rũmũ ñayijũ. ⁸ Ito bajiri Pedro, Juanre ado bajiro gotiyijũ Jesús ĩnare:

—Mani Pascua basa mani baroti quenotẽña, yiyijũ Jesús ĩnare.

⁹ Ito ĩ yija tũocõri, ĩre seniĩayijarã ĩna:

—¿Nojũ gũa quenore ãmoati mũ? yiyijarã ĩna.

¹⁰ Ado bajiro ĩnare cũdiyijũ Jesús:

—Cũtoju mũa ejaja ide gõna wacũre ti bũjarã yirãji mũa. Ito bajiri ĩre sũya warã yirãji mũa. ĩ bero wacõri ĩ sãjari wijũ ejaba mũa. ¹¹ Iti wi uũjũre ado bajiro gotiba mũa. “¿Di sõa ñati yũ riasorã rãca Pascua basa baroti sõa?” yimi mani Ujũ, yi gotiba ĩre. ¹² Ito bajiro mũa yija tũocõri, co tuti weca ñari sõa, jaja sõa, quenocãra sõa mũare gotigũ yiguĩji. Mũare ĩ gotija bero iti sõaju bare menima mũa, yiyijũ Jesús ĩnare.

¹³ Ito ĩ yija tũocõri, wayijarã ĩna. Itoju ejacõri ĩ gotiado bajiroti bũjayijarã ĩna. Ito yicõri bare meniyijarã Pascua basa ñaroca ĩna baroti.

¹⁴ Bare tũjaroca Jesús ĩ rãca riasotirã rãca bare jeoado tũ rujijijarã ĩna. ¹⁵ Ito yija ado bajiro ĩnare gotiyijũ Jesús:

—Yũre ĩna sũaroto riojũa adi Pascua basa mũa rãca basũsarocũ ruje tũoĩacũ yũ. ¹⁶ Itire mũcana tũdi mũa rãca babicũ yigũja yũ, Dios rotiroju ĩre tũorũnũrãre ĩ miojuroto riojũa, yiyijũ Jesús ĩnare.

¹⁷ ĩ ito yija bero rujatẽro ãmi rũcocõri, “Queno ya Dios mũ”, yiyijũ ĩ. Ito yicõri ĩnare ado bajiro yiyijũ Jesús:

—Ĩmo adi mũamasiti bato idiya. ¹⁸ Dios rotiroju ĩre tũorũnũrãre ĩ miojuroto riojũa, mũa rãca jũaji uýe ide idibicũja yũ, yiyijũ Jesús ĩnare.

¹⁹ Ito bero ĩ ya ãmona naju ãmi rũcocõri, “Queno ya Dios mũ”, yiyijũ. Ito bero igata batocõri ado bajiro yiyijũ ĩnare:

—Adi ña yũ ya rujũ robo bajiro bajirise. Mũare yiari goda ĩsigũ yigũja yũ. Ito bajiri iti bacõri yũre tũoĩama mũa, yiyijũ ĩ ĩnare.

²⁰ ĩna baja bero ito bajiroti yiyijũ uýe ide tẽrona. Ado bajiro yiyijũ ĩnare:

—Yũ ya rĩ mũare yiari iti budija ticõri, “Riti ña Dios ĩ gotire. Bũcũ oca jidicãcõri mame oca wasoãni Dios”, yirã yirãji mũa, yiyijũ Jesús ĩnare.

²¹ Mũcana bũsigũ ado bajiro yiyijũ Jesús:

—Gãjerã yũre ĩna ñiatoni gotirocũ ado mani rãca ñaguĩji. ²² Yũ ña Masa Rĩjorũ. Dios ĩ ãmoro bajiroti rẽtarõ yiroja yũre. Ito bajibojarocati masa yũre ñiatoni gotirocũ bũjato bũjagũ yiguĩji, yiyijũ Jesús ĩnare.

²³ Ito ĩ yija tũocõri, ĩnamasiti gãmeri seniĩayijarã ĩna:

—¿Ñimũ ñaguĩjida ñiatoni gotirocũ? yiyijarã ĩna.

¿Ñimũ ñaguĩjida ñasagũ ñarocũ? yi Jesure ĩna seniĩare gaye

²⁴ Ito yija ado bajiro gãmeri tũoĩa bũsiyijarã ĩna:

—¿Ñimũ ñaguĩjida mani wato rẽtoro ñasagũ ñarocũ? yi tũoĩayijarã ĩna.

²⁵ Ito bajiro ĩna tũoĩaja ticõri, ado bajiro yiyijũ Jesús ĩnare:

—Adi macãrucũro gãna ujarã ñasarã ĩna ya moari masare rotirãji. Ito bajiri ĩna moa ĩsiri masajũa ñe gaje yire manijare, riojoti “Baũ, quena ña”, yicõrãji ĩna. ²⁶ Mũama ito bajiro meje bajirũja. Ñasari masa mũa ña ãmoja, “Ñasarã meje ña gũa”, yi tũoĩarã yirãji mũa. Ito yicõri no rotiri masũ ña ãmogũ, mũare ĩ moa ĩsija quena. ²⁷ Mũa tija ¿ñimũjũa ñati ñasari masũ ba rujigũjũa, ecari masũjũa? Yũ tũoĩaja, ba rujigũjũa ñami ñasagũ. Ito

bajiri mua ʒju ñabojaguti, muare moa ñsiri masu robo bajiro ado mua watoju ña yu, yiyiju Jesús ñnare.

²⁸ 'Coji ruyabeto yu tōbujaja yu rāca ñatñacu mua. Gājerā yure ti tudibojarocati muama yure jidicābiticu. ²⁹ Yu rotirotoju yure cūgū yiguñi Dios. Ito bajiri mua cuni yu rotirotoju yu rāca ñarā yirāji mua. ³⁰ Yu rāca barā yirāji mua. Itoju yu rāca ñarā ʒjarā ñna rujiri cumuroju rujirā yirāji mua cuni. Ito yicōri Israel sita gāna jua gubojeno masa buturi gānare yu rāca beserā yirāji mua, yiyiju Jesús ñnare.

“Jesure masibea yu”, yigu yiguja mu, Pedrore Jesús i yire gaye

(Mt 26.31-35; Mr 14.27-31; Jn 13.36-38)

³¹ Gaje ado bajiro gotiyiju mani ʒju:

—Simón tuoja mu. Trigo ajeri ñna sīguē bateado bajiro muare yi āmoami rūmua ʒju. Mure rucocōri mu ʒju ñna āmoguñi Satanás wame cutigu. ³² Ito i yi āmobarocati mure yari Diore busisotia yu, Diore mu tuoña jidicābititoni. Mucana yure mu tuorūnu quenoja mu ñarā yure ñna tuorūnu oca sēotoni ñnare ejabuaba, yiyiju Jesús Simón Pedore.

³³ Ito bajiro i yija tuocōri, ado bajiro yiyiju Simón Pedro:

—Yu ʒju mure ñna tubiaja, mure ñna sīaja cuni mu rāca warocu ñacā yu. Mure jidicābicuja yu, yiyiju i Jesure.

³⁴ Jesujua ado bajiro yiyiju Pedore:

—Riti mure gotia yu. Adi ñamiti busurijua cara i yujiroto riojua ʒdiaji, “Jesure masibea yu”, yigu yiguja mu, yiyiju Jesús Simón Pedore.

Jesure ñna sīaroti cōña ware gaye

³⁵ Ito i yija bero ado bajiro yiyiju Jesús i rāca riasotirāre:

—Yu oca goti ucuroña cōacu yu muare. “Niyeru sāra buju, guboco cuni āmima”, yibiticu yu muare. Ito bajiro yu yibojarocati disejua muare ruyabiticu, yiyiju Jesús ñnare:

—Ri ya mu, ruyabitibojacu guare, yiyijarā ñna Jesure.

³⁶ Ñna ito yija ado bajiro cūdiyiju Jesús ñnare:

—Adocātamuri ija muare rotia yu. No niyeru rucogu, niyeru sāra buju rucogu cuni āmi waja quena. Sarera jāi rucobicu i ya camisa ñsicōri wasoa āmija quena. ³⁷ “Ñeñaro yirāre ñna sīado bajiro sīarā yirāji ñre”, yi gotia Dios oca yure rētaroti gaye. Ito bajiroti rētaro yiroja iti, yiyiju Jesús ñnare.

³⁸ Ito i yija tuocōri:

—Gua ʒju ado ñna jua jāi sarera jāiri, yiyijarā ñre.

—Itocō ñajaro maji, yiyiju Jesús ñnare.

Getsemaní wame cutiri weseju Jesús i Diore rucubore gaye

(Mt 26.36-46; Mr 14.32-42)

³⁹ Ito i yija bero i yisotiro bajiro yigu Olivos wame cutiri turiaju wayiju i. Ito bajiri i rāca riasotirā ñre sūya wayijarā. ⁴⁰ Diore i busisotiroju ejacōri ado bajiro gotiyiju Jesús ñnare:

—Diore seniña mua ñeñaro yibe yirona, yiyiju Jesús ñnare.

⁴¹ Ito yicōri ñnare cūcōri gūtagā rea ñucaja quediocō wayiju Jesús. Ito yicōri ñini rūjūcōri Diore busiyiju Jesús. ⁴² Ado bajiro yiyiju i Diore:

—Cuna mu āmoja ija yu tōbujaroti gaye camotaya. Ito bajibojarocati yu āmoro bajiro meje mu yija quena. Mu āmoro bajirojua mu yija quena, yiyiju Jesús Diore.

⁴³ Ito i yija bero sīgū ángel ñre goañocōri i oca sēoroca yiyiju. ⁴⁴ Buto tuoña oca jaicōri tōbujayiju i. Ito yicōri buto oca sēocōri Diore busiyiju. Buto oca sēocōri i busiroca riti asi budirise bajiro rí budiyiju ñre.

⁴⁵ Diore busi tlogū wumu rūgūcōri mucana i rāca riasotirā tu wayiju i. Ñna tu ejacōri tiyiju i. Buto tuoña oca jaicōri caniana ñayijarā ñna. ⁴⁶ Ito yija ado bajiro yiyiju i:

—¿No yija caniatu mua? Diore seniña mua ñeñaro yibe yirona, yiyiju Jesús ñnare.

Jesure ñna ñiare gaye

(Mt 26.47-56; Mr 14.43-50; Jn 18.2-11)

⁴⁷ Jesús ĩ bũsiroca riti, masa jãjarã ejayijarã. ĩnare ũmatã wacũ Jesús tũ eja rũgũyijũ Judas wame cutigu. ĩ ñayijũ Jesús rãca riasotigoru jũa gũbojeno ñarã rãca ñagoru. Jesús tũ ejacõri wayugajũ muwãcõri usuyijũ ĩre. ⁴⁸ ĩto yija ado bajiro yiyijũ Jesús ĩre:

—Judas, yũ ña Masa Rijoru. ¿Gãjerã yũre ñiatoni yũre usu ĩoati mũ? yiyijũ Jesús ĩre.

⁴⁹ Ito gãna Jesús rãca ñarã, iti ito bajija ticõri, ado bajiro seniĩayijarã Jesure:

—¿Gũa Ʋjũ sarera jãina ĩnare gãmeri jarũjabeati mani? yiyijarã ĩna.

⁵⁰ ĩna rãca gagũ sũgũ paia Ʋjũre moa ĩsiri masũre riojocadũja gãmoro jatayijũ. ⁵¹ Ito bajiro ĩ yija ticõri, ado bajiro yiyijũ Jesús:

—Ito mũa yirise itocõ jidicãña, yiyijũ Jesús.

Ito bajiri gãmoro moaĩacõri ĩre yisioyijũ Jesús. ⁵² Ito yicõri ĩre ãmi warona paia Ʋjarã, minijuara wi Ʋjarã ito yicõri judio masa bũcũrãre cũni, ado bajiro yiyijũ Jesús:

—Riniri masũ meje ña yũ. ¿No yirã yũre ãmirona sarera jãiri rũcocõri, yucũ rũcocõri ejati mũa? ⁵³ Co rũmũ rũyabeto minijuara wijũ yũ ñaja yũre ñiabiticũ mũa. Adocãta rũmũa Ʋjũ ĩ ãmoro bajiro, bajiro yiroja. Ito bajiri ĩre cũdirã mũa ãmoro bajiro ya mũa, yiyijũ Jesús ĩnare.

Jesure masibea yũ, Pedro ĩ yire gaye

(Mt 26.57-58,69-75; Mr 14.53-54,66-72; Jn 18.12-18,25-27)

⁵⁴ Ito ĩ yija bero paia Ʋjũ ya wijũ ĩre ãmi wayijarã ĩna. Pedro sõ bũsajũ sũyayijũ. ⁵⁵ Paia Ʋjũ ya wi soje riojo jea riocõri sũma rujijijarã ito gãna. Pedro ĩna tũ ejacõri ĩna wato jea sũma rujijijũ ĩ cũni. ⁵⁶ Sũgõ iti wi moari maso ĩ sũma rujija ticõri, ĩre riti tiyijo. Ito yicõri ado bajiro yiyijo iso:

—Ãni cũni Jesús rãca gagũ ñami, yiyijo iso.

⁵⁷ Ito bajiro iso yija tũocõri, goti ãmobisijũ Pedro.

—ĩre masibea yũ, yiyijũ ĩ isore.

⁵⁸ Ito bero yoa bũsari gãji ĩre ticõri ado bajiro yiyijũ:

—Jesũs rãca gagũti ña mũ cũni yiyijũ ĩ Pedore.

Ito ĩ yija tũocõri:

—Bũgũti ya mũ. Meje ña yũama, yiyijũ Pedro.

⁵⁹ Coji cõre berocõ gãji, ado bajiro ĩre yisayijũ:

—Riti ya yũ, Jesús rãca gagũti ñami ãni. Galilea gagũti ñami ĩ. Ito bajiroti bũsiami, yiyijũ ĩ gãjerãre.

⁶⁰ Ito bajiro ĩ yija tũocõri, ado bajiro yiyijũ Pedro:

—Mũ bũsirisere masibea yũ, yiyijũ Pedro.

Ito bajiro ĩ bũsiroca riti cara yujicoayijũ ĩja. ⁶¹ Ito ĩ bajiroca riti mani Ʋjũ jũda tiyijũ Pedore. Ito ĩ yija ticõri, mani Ʋjũ ĩ gotire tũoĩa bũjayijũ Pedro. Cara ĩ yujiroto riojũa Ʋdiaji, “Jesure masibea yũ”, yigũ yigũja mũ, Jesús ĩ yire gaye tũoĩa bũjayijũ Pedro. ⁶² Ito bajiri gajero bũsa wacõri bũto tũoĩa otijijũ Pedro.

Jesure ĩna aja tudire gaye

(Mt 26.67-68; Mr 14.65)

⁶³ Jesure ñiacõri ĩre coderi masa aja tudijijarã. Ito yicõri ĩre jayijarã. ⁶⁴ ĩ ya cajea moabiãcõri ĩ ya riojũ jayijarã ĩna. Ito yicõri ado bajiro seniĩayijarã ĩna ĩre.

—Queno tũoĩagũ mũ ñaja, “ĩ yũre jami”, yi masigũja mũ, yiyijarã ĩna ĩre.

⁶⁵ Gaje jaje ĩre aja tudijijarã ĩna.

Ʋjarã ñasarã, “Seti ña mũre”, Jesure ĩna yire gaye

(Mt 26.59-66; Mr 14.55-64; Jn 18.19-24)

⁶⁶ Gaje rũmũ busuri, judio masa bũcũrã, paia Ʋjarã, ito yicõri judio masa rotirise riasori masa cũni, minijuayijarã. Minijuãcõri Jesure Ʋjarã ñasarã riojo ãmi wayijarã ĩna. Ito ejacõri ĩre seniĩayijarã ĩna:

⁶⁷ —¿Mũti ñati Cristo Dios ĩ cõarũ? yiyijarã ĩna Jesure.

—“ĩti ña yũ”, yũ yibojaja cũni tũomena yirãji mũa yũre. ⁶⁸ Mũare yũ seniĩabojaja cũni cũdimena yirãji mũa. Ito yicõri yũre jidicãmena yirãji mũa. ⁶⁹ Jane adi rũmũna rẽtoro

masigũ Dios ya riojocaduĵa rũcubũoraju rujigu yigũja yũ. Yu ña Masa Rĩjoru, yiyiju Jesús ñinare.

⁷⁰ Ito bajiro ĩ yija tuocõri, ado bajiro seniña jediyijarã ñina:

—¿Dios Macu mu ñarise riti ñati? yiyijarã.

—Iti ña yũ. Mũa yiro bajiroti bajaia, yiyiju Jesús ñinare.

⁷¹ Ito bajiro ĩ yija tuocõri:

—“Iti ñami ñeñaro busigu”, gãjerã ñina yire ãmobeia ĩja. Manimasiti ĩ busija tuoia mani, yiyijarã ñina.

23

Pilato tũju Jesure ñina ãmi ejare gaye

(Mt 27.1-2,11-14; Mr 15.1-5; Jn 18.28-38)

¹ Ito yija Pilato riojo Jesure ãmi wa jediyijarã ñina. ² Uju riojo ãmi ejacõri, “Ãni ñami seti cutigu”, yirona busisũoyijarã ñina:

—Ãni ñami gũa masa ricati riti tuoĩaroca yigu. Ito bajiri ado bajiro yiquĩ ĩ gũa masare. “Roma gagũ ujure ĩ rotiro bajiro niyeru ĩsibitirũja mũare”, yiquĩ ãni. Ito yicõri, “Yuti ña Cristo Dios ĩ cõaru mũa uju”, yiquĩ ĩ, yiyijarã ñina Pilatore gotirã.

³ Ñina ito yijare ado bajiro seniñayiju Pilato Jesure:

—¿Judio masa uju ñati mu? yiyiju ĩ Jesure.

—Au ĩti ña yũ. Mũa yiro bajiroti bajaia, yiyiju Jesús.

⁴ Ito ĩ yija tuocõri, paia ujarã, masare cũni ado bajiro yiyiju Pilato.

—Yu tija ñejuã seti ma ãnire, yiyiju Pilato ñinare.

⁵ Ito ĩ yibojarocati ĩre seti ñasameti, yi busiyijarã ñina:

—Ī riasorise tuocõri, sigũ bajiro meje tuoĩama Judea sita gãna ĩja. Galileaju cajero riasosũoĩi ĩ. Ito bajiro riaso wadicõri adoju ejami ĩ, yiyijarã ñina.

Herodes tũju Jesure ñina ãmi ejare gaye

⁶ Ñina ito yija tuocõri:

—¿Galilea gagũ ñati ãni? yi seniñayiju Pilato ñinare. ⁷ —Galilea gaguti ñami ĩ, yiyijarã ñina.

Ñina ito yija tuocõri:

—Adi rũmũriti ejami Galilea gagũ uju Herodes wame cutigu. Ito bajiri ĩ tu ãmi wasa mũa, yiyiju Pilato ñinare. ⁸ Jesús rãca ñina ejaja ticõri, bũto wanũyiju Herodes. Yoari ĩ oca tuocõri ruje ĩre ti ãmoyiju Herodes. Tiyamani Jesús ĩ yija ti ãmoyiju Herodes. ⁹ Jesure ticõri jaje ĩre seniñabojayiju ĩ. Ito bajibojarocati Jesús coji cudibisiju ĩre. ¹⁰ Paia ujarã, judio masa rotirise riasori masa cũni ito ñayijarã. “Seti ñasacõa ĩre”, yiyijarã ñina. ¹¹ Ito yija bero, Herodes ĩ ya surara rãca Jesure aja tudiyijarã ñina. ĩre tudisarã ñarã ujarã mesa ñina sãñarise ĩre sãyijarã ñina, ĩre aja tudirã. Ito bajiro ñina yija bero mũcana tudi Jesure Pilato tũju cõayiju Herodes. ¹² Ito bajiro ñina yira rũmũti Herodes Pilato rãca queno gãmeri baba cutiyijarã ñina ĩja. Ito bajiro ñina bajiroto riojuã bũto gãmeri ti tudirã ñayijarã ñina maji.

Jesure sũaruja mani, ñina yire gaye

(Mt 27.15-26; Mr 15.6-15; Jn 18.39-19.16)

¹³ Mũcana Jesure ñina ãmi ejaja ticõri, paia ujarã ñasarã ujarã, ito yicõri masare cũni miojuyiju Pilato. ¹⁴ Ado bajiro yiyiju ĩ:

—“Gũa masare sigũre bajiro gũa tuoĩaroca yibeami ãni”, yirona yũre ãmi ejacu mũa. ãnire, “¿Riti mũre seti ñati?” yirocu seniñabojacu yũ, mũa tiro riojo. Ito bajibojarocati, “Īre seti ña”, mũa yibojarocati disejuã seti ma ĩre yũ tija. ¹⁵ Ito yicõri, Herodes cũni, “Iti seti ña ĩre”, yi masibisĩ ĩ cũni. Ito bajiri, “Iti seti ña ĩre”, yi masibiti wacu gũajuare judacõañi ĩ. “Ito bajiro seti cutiami ãni”, yi masibeia mani. Ito bajiri ĩre sũado ma mani.

¹⁶ ĩre baje rotigu ya yũ. Ito yicõri ĩre bucõacũja yũ, yiyiju Pilato.

¹⁷ Pascua basa ñaroca, “Ñire mũ bucõare ãmoa gua”, masa ñna yigüreti bucõasotiyijũ Pilato. Ito bajiri ado bajiro ñnare seniñayijũ ñ: ¹⁸ “¿Ñimũjũare yũ bucõare ãmoati mũa?” ñ yiroca masajũa ado bajiro awasã busiyijarã:

—Sĩacõña ãni ãmũgũre. Ito yicõri, Barrabás wame cutigũre jidicãña, yi awasãyijarã ñna.

¹⁹ Cũto gãnare oca menicõri sĩari masũ ñ ñajare ñna tubiarũ ñayijũ Barrabás. ²⁰ Jesũjũare jidicã ãmobjayijũ Pilato. Ito bajiri mũcana masare busibojayijũ. ²¹ Ito bajiro ñ busibojarocati bũto bũsa awasãyijarã ñna:

—Sĩacõrũja ñre. Sĩacõrũja ñre, yiyijarã ñna.

²² Mũcana tũdi ãdiaji busigũ ado bajiro yiyijũ Pilato ñnare:

—¿Ñeoni ñeñaro yicati ãni? Yũ tija, “Itina godarũjami ñ”, yi masibea yũ ñre. Ito bajiri ñre bajecõri jidicãcũja yũ, yibojayijũ ñ masare.

²³ Bũto awasã busirã, “Yucũtẽojũ ñre jaju sĩaña”, yiyijarã ñna. Bũto masa ñna awasãja, paia ãjarã ñna awasãja tũocõri, “Ñna ãmoro bajiroti yijaro no cũni”, yi tũoñayijũ Pilato.

²⁴ Ito bajiri, “Ñna ãmoro bajiroti yicũja no cũni”, yi tũoñayijũ Pilato ñja. ²⁵ Ito bajiro tũoñacõri, masare oca menicõri sĩari masũre bucõayijũ Pilato. Ito yicõri Jesũre ñnare ñsiyijũ Pilato, ñna ãmoro bajiro ñna yitoni.

Yucũtẽojũ Jesũre ñna jaju sĩare gaye

(Mt 27.32-44; Mr 15.21-32; Jn 19.17-27)

²⁶ Ito bajiri Jesũre yucũtẽojũ jaju sĩarona ñre ãmi wayijarã ñna. Ito bajiro ñna waroca Cirene gagũ Simón wame cutigũ joajũ wadicõri ejayijũ. ñre ti bũjacõri yucũtẽo ñre gaja rotiyijarã surara. Ito bajiri Jesũs bero yucũtẽo gaja sũyayijũ ñ.

²⁷ Masa jãjarã ñ bero sũya wayijarã. Ito yicõri romia jãjarã awasã otiyijarã ñre tũo mairã.

²⁸ Ito bajiro ñna otiroca ñnare jũda ticõri ado bajiro yiyijũ Jesũs:

—Jerusalén gãna romia yũre otibesa mũa. Mũamasiti, ito yicõri mũa rĩare rẽtarotire tũoña otiya mũa. ²⁹ Ado bajiro yirã yirãji masa bũto ñna tũbũjari rũmũ: “Romia rĩa mana queno wanũ quenama ñna. Ito yicõri rĩa rũcomena, ãjumena cũni wanũama ñna”, yirã yirãji masa. ³⁰ Gũare Dios tibe yirona ado bajiro yirã yirãji masa: “Gũa joe juja biaya”, yirã yirãji gũta yucũrire. Ito yicõri, “Gũare õjea biaya”, yirã yirãji tũriare. ³¹ Yũjũare tũbũjaroca ñna yija, yũ rẽto bũsaro mũa tũbũjaroca yirã yirãji ñna, yiyijũ Jesũs romiare jũda ticõri.

³² Ñeñaro yi jairã jũarãre ãmi wayijarã Jesũs rãcati ñnare jaju sĩarona. ³³ Calavera wame cutirijũ ejacõri Jesũre jajuyijarã ñna. Ito yicõri ñ rãca gãna jũarãre cũni, sĩgũ Jesũs ya riojocadũja, ito yicõri gãji ñ ya gãcodũjare jajuyijarã ñna cõtoni. ³⁴ ñre ñna jajuroca ado bajiro yiyijũ Jesũs Diore:

—Cũna, yũre ñna ñeñaro yirisere ñnare ãcabojoya, “Bũto ñeñaro ya mani”, yi masibeama surara, yiyijũ Jesũs Diore.

“¿Jesũs ñ sãñagorere ñimũjũa bũjagũ yigũjida?” yirona gũta ajeri rea ajeyijarã surara.

³⁵ Ito bajiro yi ajecõri ñ ya yutabujuri gãmeri batoyijarã ñna ñja. ñ godaroca jãjarã masa ti ñayijarã ñre. Ito ñnarã ãjarã Jesũre aja tudiyijarã. Ado bajiro aja tudiyijarã ñna:

—Gãjerãreama masoñi ñ. Riti Cristo Dios cõarũ ñ ñaja ñmasiti masogũ yigũji, yi aja tudiyijarã ñna.

³⁶ Surara cũni ito ñnarã, ito bajiroti ñre aja tudiyijarã. ñ tũ eja rũgũcõri ãyẽ ide sũerise ñre iobojayijarã ñna. ³⁷ Ito yicõri ado bajiro yiyijarã ñna:

—Riti judio masa ãjũ mũ ñaja, mũmasiti masogũ yigũja mũ, yiyijarã ñna.

³⁸ Jesũs ya rijoga weca ãdiaji gaye oca ucare wãñayijũ. Griego, Latín, Hebreo ocana cũni ucare ado bajiro ñayijũ: “Ñni ñami judio masa ãjũ”, yi busiyijũ iti ñna ucare.

³⁹ Sĩgũ ñeñaro yi jaiũ ñ rãca godarocũ ado bajiro yiyijũ:

—Riti Cristo mũ ñaja mũmasiti masoña. Ito yicõri gũare cũni masoña mũ, yi aja tudiyijũ ñre.

⁴⁰ Gãji gaje dũja gagũ Jesũs rãca godarocũ, ado bajiro yiyijũ Jesũre aja tudigũjũare:

—¿Diore güire mati mure? Mani ñeñaro yirise waja godarã ya mani. ⁴¹ Ñeñaro yicu mani. Ito bajiri iti waja quenabeto tóbujarã ya mani. Mani ñeñaro yiado bajiroti itire waja yirã ya mani. Ito bajibojarocati ãniama ñeñaro yibicũ ñabojaguti mani rãca godagu yiguĩji, yiyiju ĩ Jesure aja tudigüre.

⁴² Ito yija Jesure ado bajiro yiyiju ĩ:

—Mũ rotiroju ejacõri mure tuorũnurãre mũ miojusũoja yũre ãcabojabeja, yiyiju ĩ Jesure.

⁴³ Ito bajiro ĩ yija tuocõri:

—Jane adi rumuti ñe ñeñarise manojũ yũ rãca ñagũ yigũja mũ, ado yũ yirise riti mure gotia yũ, yiyiju Jesús ĩre.

Jesús ĩ usi jedire gaye

(Mt 27.45-56; Mr 15.33-41; Jn 19.28-30)

⁴⁴ Ito bajiro iti baji ñaroca ãmũa gudarecocõ tũjayiju. Ito yija bero macãrucũro ñarocõti rãiocoayiju. Yucũ weca ãmacañi tũjarocacõ rãitĩayiju. ⁴⁵ ãmacañi ãmũa gagũ cũni busubisiju. Ito yicõri minijuara wi yobiado saya webutiro gudarecona ñigãyiju. ⁴⁶ Ito bajiroca Jesús ado bajiro awasãyiju:

—Cũna, yũ ya ũsi ãmiña mũ ĩja, yiyiju Jesús Diore.

Ito yi tĩogũti usi jedicoayiju.

⁴⁷ Surara uju Roma gagũ ito bajiro iti rãtãja ticõri, Diore rãcũbũo busiyiju:

—Riti seti manibojañi ãni, yiyiju surara uju.

⁴⁸ Masa ito ti ñana ito bajiro iti rãtãja ticõri, bojori bũjarã ĩna ya usi riojo jatu wayijarã.

⁴⁹ Jesús rãca baba cutigoana Galilea gãna romia ĩre sũya wana cũni sõ busaju ti rũgõyijarã ĩna, ito iti bajijare.

Jesure ĩna yujere gaye

(Mt 27.57-61; Mr 15.42-47; Jn 19.38-42)

⁵⁰ Sĩgũ ñayiju ĩ yiro bajiroti queno yigu. José wame cutigu ñayiju ĩ. Judea sitaju Arimatea wame cutiri cutojũ gagũ ñayiju ĩ. Judio masa ujarã ñasari masa rãca gagũ ñayiju ĩ. ⁵¹ “ĩre tuorũnurãre ĩ rotiroju miojugũ yiguĩji Dios”, yi tũoĩa yugũ ñayiju ĩ. Ito bajiri ujarã ñasarã ĩna yirisere queno ĩna robo tũoĩabisiju ĩ. ⁵² Ito bajiri Pilatore busirocũ wayiju ĩ. Itojũ ejacõri Jesús ya rujũre seniyiju ĩ. ⁵³ “Bau”, ĩ yija tuocõri, Jesús ya rujũre yucũtũojũ ñagũre rujiogũ wayiju ĩ. ĩre rujiocõri saya botirona ĩre gũmayiju. Ito yicõri gũta tũriaju ĩna goje meniadoju Jesús ya rujũre cũyiju ĩ. Yujeñaña mani goje ñayiju iti goje. ⁵⁴ Tujacãra rũmũ riojũa ĩna queno yuri rũmũ ñayiju José Jesure ĩ yujera rũmũ. Ito bajiri jabetoti rũyayiju tujacãra rũmũ iti busuroto.

⁵⁵ Cajero Galilea gãna romia Jesure sũya wadiana gũta gojeju ĩre ĩna cũja, “¿Ado bajiro cũati ĩna?” yi tiyijarã ĩna. ⁵⁶ ĩna cũja bero wiju tũdi wayijarã ĩna. Wiju tũdi ejacõri queno sũtirise, ito yicõri ruju ture gaye quenoyijarã ĩna. Ito yija judio masa ĩna rotiado bajiroti tujacãra rũmũ ñacõayijarã ĩna.

24

Jesús ĩ tũdi catire gaye

(Mt 28.1-10; Mr 16.1-8; Jn 20.1-10)

¹ Tujacãra rũmũ bero busuri jĩju tũdi tirã wayijarã ĩna. Sũtirise ruju ĩna turotire ĩna moa quenorere ãmi wayijarã ĩna. Gãjerã romia cũni ĩna rãca wayijarã. ² Itojũ ejacõri ĩna tija gũta goje biado gajeroju iti cũ ñaja tiyijarã ĩna. ³ Ito bajija ticõri, sãjayijarã ĩna. Sãjacõri mani ũju ya rujũre ti bũjabisijarã ĩna. ⁴ Ito bajija ticõri, ucayijarã ĩna. Ito yicõri, “Ito yirũja manire”, yi masibisijarã ĩna. Ito bajiro ĩna baji ñaroca ãmũa jũarã ĩna tu rũgõja tiyijarã. Saya yorise sãñarã ñayijarã ĩna. ⁵ ĩnare gũirã jacaju muqueayijarã ĩna. Ito bajiro ĩna gũija ticõri, ado bajiro yiyijarã ĩna ãmũa:

—¿No yija ĩ catibojaroti godanare ĩna yujeroju ãmati mũa? ⁶ Mami ĩ adojũ. Catigu ñami ĩ. Mũcana tũdi catirũ ñami ĩ. Galilea ñagũ mũare ĩ busire tũoĩate mũa. Ado bajiro mũare

gotiñi ñ: ⁷ “Yũ Masa Rĩjorũre ñeñaro yirã yũre ñiacõri yũ tõbũjaroca yirã yirãji ñna. Ito yicõri yũre yucutẽojũ sĩarã yirãji ñna. Ito bajiro ñna yibojarocati mũcana udia rũmũ bero catigũ yigũja yũ”, yi gotiñi Jesús mũare, yiyijarã ñna romiare.

⁸ Ito bajiro ñna yija tũocõri, Jesús ñ bũsire gaye tũoĩa bũjayijarã ñna. ⁹ Ito yija bero iti tũo tũdi wacõri Jesús rãca riasotigoana coga gũbojeno ñarã, ito yicõri ito ñarãre cũni jeyaro ñna tigorere gotiyijarã ñna. ¹⁰ ñna romia Jesús rãca riasotigoanare oca ãmi wana ñayijarã María Magdalena, Juana, María Santiago jaco cũni. Ito yicõri gãjerã romia cũni ñayijarã iti oca gotiana. ¹¹ Ito bajiro romia gotija tũocõri, “Bũrãti yama”, yi tũoĩayijarã Jesús rãca riasotigoana. Ito bajiri ñnare tũorũnũbisijarã ñna.

¹² Ito bajibojarocati Pedroama ũmaquedi wacõri masari cuma tigũ wayijũ. Ito totijũ ñ ito tija gũmado riti gajerojũ iti cũ ñaja tiyijũ ñ. Ito bajija ti uacacõri ñ ya wijũ tũdi wayijũ ñ.

Jũarã ñ rãca riasotigoanare Jesús ñ goaĩore gaye

(Mr 16.12-13)

¹³ Iti rũmũ riti jũarã Jesús rãca riasotigoana Emaús wame cutiri cutojũ wasũoyijarã. Jerusalén sõjũa once kilõmetroco ñayijũ Emaús cuto. ¹⁴ Jeyaro ñna tigure gaye warãti bũsi wayijarã ñna. ¹⁵ Ito bajiro ñna tũoĩa bũsi waroca Jesuti mũcana ñna tũ ejacõri ñna rãca wayijũ. ¹⁶ ñre tigoana ñabojarãti “Jesuti ñami ñ”, yi masibisijarã ñna. ¹⁷ Ito bajiro ñna waroca Jesús ado bajiro ñnare seniĩayijũ:

—¿Ma warã ñe gaye tũoĩa bũsiati mũ? Ito yicõri, ¿no yija bojori bũjati mũ? yiyijũ Jesús ñnare.

¹⁸ Ito ñ yija tũocõri, Cleofas wame cutigũ, ado bajiro cũdiyijũ:

—Masa jeyaro Jerusalénjũ rẽtare gayere masiama ñna. ¿No yija Jerusalénjũ ñaru ñabojaguti itire masibeati mũ? yiyijũ ñ Jesure.

¹⁹ Ito bajiro ñ yija tũocõri:

—¿Ñe rẽtacati? yiyijũ Jesús.

Ito ñ yija ado bajiro yiyijarã ñna Jesure:

—¿Jesús Nazaret gagũre rẽtare masibeati mũ? Ado bajiro bajia iti. Diore goti ñsiri masũ ñnaquĩ ñ. Jaje tiyamani yiquĩ ñ. Ito yicõri Dios ñ masirisena masare riasoquĩ ñ. Dios cũni ñre rũcũbũoñi. ²⁰ Paia ujarã, gũa ujarã cũni ñre sĩa rotirã gãjerãre ñsicã ñna. Ito yicõri yucutẽojũ ñre sĩa roticã ñna. ²¹ “Ñ ñagũ yiguĩji gũa masa Israel gãna uju. Gũare masorocũ ñaguĩji ñ”, yi tũoĩabojacũ gũa. Ito bajibojarocati udia rũmũ tũja ñre ñna sĩaja bero. ²² Jijũ gũa rãca gãna romia masari cuma tirã wabojana. Ñe manoti ti ejayijarã ñna. Ito bajiri gũare ñna goti tũdi ejajare ucabũ gũa. ²³ Gũa tũ ejacõri ado bajiro goticã ñna: “Dios ñaro gãna ángel mesare jũarã tibũ gũa. ‘Mami Jesús. Catigũ ñami’, yi gotima ñna gũare”, yi goti tũdi ejacã gũare romia. ²⁴ Gũa rãca gãna coriarã wacõri masari cuma tirã ejañi. Ito bajiri romia ñna gotiado bajiro ti ejayijarã ñna. Itojũ Jesure ti bũjabisijarã ñna cũni, yiyijarã ñna Jesure.

²⁵ ñna ito yija tũocõri, ado bajiro yiyijũ Jesús ñnare:

—Queno tũoĩa masimena ñna mũa maji. Ito bajicõri, Diore goti ñsiri masa ñna gotija tũorã ñabojarãti ñ ocare tũorũnũ jeobea mũa maji. ²⁶ Yũre tũoĩa yurã ado bajiro yi ucayoñi Diore goti ñsiri masa: “Dios ñ ñarõjũ ñ ejaroto riojũa tõbũjagũ yiguĩji Cristo Dios ñ cõarũ”, yi ucayoñi Diore goti ñsiri masa, yiyijũ Jesús ñnare.

²⁷ Ito ñ yija bero Dios oca tuti ñ oca gaye iti bũsija ñnare goti rẽtobuyijũ Jesús. Cajero Moisés ñ ucara tuti gaye ñnare goti rẽtobuyijũ ñ. Ito yicõri Diore goti ñsiri masa ñna ucare cũni goti rẽtobuyijũ Jesús ñnare.

²⁸ ñna wara cutojũ ejacõri gaje majũ riojoti rẽta wacũ bajiro yiyijũ Jesús. ²⁹ ñ rẽta wabe yirona ado bajiro yiyijarã ñna:

—Ado gũa rãca tujaya mũ. ũmacañi quedi sãjacoami. Rãio wato ya ñja, yiyijarã ñna Jesure.

Ñna ito yija tũocõri, ñna rãca wijũ sãjayijũ Jesús ito canirocũ. ³⁰ Bara casabo tũ ñna rujiroca naju ñmi rũcoyijũ Jesús. Ito yicõri, “Queno ya Dios mũ”, yiyijũ ñ. Ito ñ yija bero igata batocõri ñnare ñsiyijũ ñ. ³¹ Ito bajiro ñ yirocati ñna ya cajeari titãcãdo robo

bajiro ejayijũ ñnare. Ito bajiri Jesure ti masiyijarã ñna ñja. “Jesuti ñnami ãni”, ñna yirijuti godacoayijũ Jesús mũcana. ³² Ñna jũarã ado bajiro gãmeri bũsiyijarã ñna:

—Ma manire ñ bũsi wadija queno usi quedi sãjamũ manire. Ito yicõri Dios oca tuti gaye manire ñ goti rõtobuja queno usi quedi sãjamũ manire, yi gãmeri bũsiyijarã ñna.

³³ Ito bajija bero yumenati riojoti Jerusalénju tũdicoayijarã ñna ñja. Jerusalénju ñna ejaroca coga gũbojeno Jesús rãca riasotigoana, ito yicõri ñna rãca gãna cũni minijua ñayijarã ñna. ³⁴ Ñna jũarã tũdi ejaja ticõri, ado bajiro goti bocayijarã ñna.

—Riti mũcana mani Æju caticoañi. Simón ñmasiti ñre tiñi, yi goti bocayijarã ñna.

³⁵ Ito yija ñnajua cũni ñna ma waroca ñnare bajire gayere gotiyijarã ñnajua cũni mũcana: “Ma gũa waroca sigũ sũaquĩ gũare. Wijũ ejacõri naju ñ bato ñsija ticõri, ‘Jesuti ñnami ãni’, yi ti masicũ gũa cũni”, yi gotiyijarã ñna, ito minijua ñnare.

*Ñ rãca riasotigoanare Jesús ñ goaĩore gaye
(Mt 28.16-20; Mr 16.14-18; Jn 20.19-23)*

³⁶ Ito bajiro ñna bũsi ñnarocati ñna wato goaĩoyijũ Jesús mũcana.

—Ñnati mũa. Ñe mano queno ñaña mũa, yi ejayijũ Jesús ñnare.

³⁷ Ito bajija ti ucacõri gũiyijarã ñna, “Wũjo ñnaroja”, yirona. ³⁸ Ñna gũijare ado bajiro yiyijũ Jesús:

—¿No yija ti ucati mũa? ¿No yija, “Jesuti ñnami. Jesuti ñnaguĩji gajea”, yi tũoĩati mũa?

³⁹ Yũ ya ãmo tiya mũa. Ito yicõri yũ ya gũbori cũni tiya mũa. Yũti ña yũ. Yũre queno ticõri moaĩaña mũa. Wũjo ñajama yũ robo bajiro gãa cũti, ri cũti yibetoja, mũa tija, yiyijũ Jesús ñnare.

⁴⁰ Ito yicõri ñ ya ãmori ñ ya gũbori cũni ñnare ñoyijũ ñ. ⁴¹ Wanũbojarãti, “Ñ meje ñnaguĩji”, yirona ucayijarã ñna. Ito bajija ticõri, ado bajiro yiyijũ Jesús ñnare:

—¿Bareoni jabeto ñacuati mũare? yiyijũ Jesús ñnare.

⁴² Ito yija wai jũora cuji co cuji ñre ñsiyijarã ñna. ⁴³ Itire boca ãmicõri ñna tiro riojo bayijũ ñ. ⁴⁴ Iti bacõri ado bajiro yiyijũ Jesús ñnare:

—Canũti yũre rõtacati gayere mũa rãca ñngũju, “Ado bajiro rõtaro yiroja yũre”, yi goticãcũ yũ mũare. Ado bajiro mũare yicũ yũ: Moisés ñ ucare, Diore goti ñsiri masa ñna ucare, David ñayorũ ñ ucarena cũni, “Ado bajiro rõtaro yiroja Dios ñ cõarũre”, yi ucañi ñna. “Ñna ucado bajiroti yũre rõtaro yiroja”, yi mũare goticãcũ yũ, yiyijũ Jesús ñnare.

⁴⁵ Ito ñ yija bero Dios oca tuti gaye ñna tũo masitoni ñnare goti rõtobuyijũ ñ. ⁴⁶ Ado bajiro yiyijũ ñ ñnare:

—Cristo Dios ñ cõarũ quenabeto tũbũjacõri godagũ yiguĩji. Ito yicõri mũcana godana wato ñabojacõri tũdi catigũ yiguĩji mũcana. ⁴⁷ Iti oca masa jeyarore goti ucure ñnaro wado yiroja. “Mũa ñeñaro yirisere jidicãña. Ito yicõri Jesucristore tũorũnũña ñeñaro mũa yirise Dios ñ ãcabojotoni”, yi goti ucure ñnaro wado yiroja. Jerusalén gãnare goti tũocõri masa jeyarore goti ucure ñnaro wado yiroja, yi gotia Dios oca. ⁴⁸ Ito bajiro iti rõtaja tigoana ña mũa. ⁴⁹ Yũ Jacũ ñ rotiado bajiroti mũare Espiritu Santo queo sãgũ yigũja yũ. Espiritu Santona sũoriti Dios ñ masirise mũare ñ queo sãroto riojua ado Jerusalénjuti ñacõaña maji, yiyijũ Jesús ñnare.

*Macãrucũroju Jesús ñ mũja ware gaye
(Mr 16.19-20)*

⁵⁰ Ito bajiro ñ yija bero Betaniaju ñnare ãmi wayijũ. Ñ ya ãmori ñnu mũocõri, “Mũare queno yijaro Dios”, yiyijũ ñ. ⁵¹ Ito bajiro ñnare ñ yija bero ñmacũju ãmi wayijũ Dios ñre.

⁵² Bũto ñre rũcũbuo wanũ quenacõri Jerusalénju tũdi wayijarã ñna. ⁵³ Ito yicõri co rũmũ rũyabeto rũcũbuorã Dios ya wijũ minijuasotiyijarã ñna. Itocõ ña.

El santo evangelio según San Juan

*Dios oca gotiroc*u masa rãca Cristo ï ñare gaye

¹ Cajero ñe manirajuti Cristo, Dios oca goti rëto**bu**rocu ñacãyiju. Ì Dios rãcati ñayiju. Ito yicõri ïti ñayiju Dios. ² Adi macãrucãro ï rujeoroto riojuaju Dios rãca ñacãyiju Cristo. ³ Ìna suoriti macãrucãro gaye jeyaro rujeoyiju Dios. Ñejua gaje Cristo manoti rujeobisiju Dios. ⁴ Ìti ñami catitĩñare rucogu. Ito yicõri ïti ñami busurise rucogu. Ito bajigu ñari masa ñna tuo masiroca yi masiami ï. ⁵ Rãitĩaroju masa ñna ñeñaro yibojaja cuni busu masiguĩji Cristo. “Ñeñaro yirã ña mani”, ñna yi masiroca, yigu yiguĩji Cristo. Ito bajiri ïre rëtoucũ masibicu yiguĩji rãitĩaro ñagũ rumua uju.

⁶ Sīgũ ãmugũ ñaquĩ gua masare ï riasotoni Dios ï curu. Ì wame cutiquĩ Juan idé guri masu. ⁷ “Cristo ñami busurise rucogu”, masare yi riasorocu wadiñi Juan idé guri masu. Cristore masa ñna tuorũnutoni Dios ocare gotigu wadiñi Juan idé guri masu. ⁸ Ì meje ñañi busurise rucogu. Cristo, busurise rucogure busi ïsigũ wadiru ñañi Juan. ⁹ Busurise rucosagu ï ñaquĩ Cristo. Jeyaro masa ñna tuo masitoni wadiru ñaquĩ Cristo. Ito bajigu ñari ñajediro masa ñna tuo masitoni wadiñi ï.

¹⁰ Adi macãrucãro rujeoroto riojuaju ñacãyiju ï Dios oca gotiri masu. Ìna suoriti adi macãrucãroju Dios ï menire ñabobarocati adi macãrucãro gãna masa ïre ti masibisijarã maji. ¹¹ Adi macãrucãro ï rujeore ñabobarocati ï ñarãjua ïre boca ãmibisijarã. ¹² Gãjerã coriarãma ïre queno boca ãmiyijarã. Ito yicõri ïre tuorũnuyijarã ñna. Ito bajiri ïre ñna tuorũnujure Dios rãa ñna ñaroca yiyiju Cristo. “Yure masogũ yiguĩji Cristo”, yi tuorũnurãre Dios rãa ñna ñaroca yiyiju Cristo. ¹³ Ito bajiri Dios rãati ñama ñna ïja. Ìre boca ãmicõri ï rãa ñama ïja. Masa ñna rãa cutirona ñna yiro bajiro meje ña. Dios rãati ñna ñaroca Cristo ï yiana ñama ñna. Ito bajiri Dios rãati ñama ñna ïja. Ito yicõri Dioti ñami ñna Jacu.

¹⁴ Dios oca gotiri masu manire bajiroti ruju cuticõri, mani wato ña ucuquĩ. Ìti ñami masare ti maigũ, ito yicõri riojo gotigu. Ì, Dios Macu sīgũ ñagũre ticõri, “Ìti ñami busurise rucogu. Ì Jacure bajiroti rëtoro ñasagu ñami ï cuni”, yi tuoña mani. ¹⁵ Juan idé guri masu, Cristore busi ïsigũ ado bajiro masare gotiquĩ ï ejaroca:

— Ñni gaye gotisuogu, ado bajiro muare goticu yu. “Yu berojua sīgũ ejau yiguĩji. Yu berojua ejau ñabojaguti, yu rëtoro ñasagu ñagũ yiguĩji ï. Yu riojuaju ñacãñi ï”, yi goticu yu, yiquĩ Juan idé guri masu, masare gotigu.

¹⁶ Mani jeyaro queno ï yirise boca ãmisotia mani. Manire ï queno yiado bajiroti manire queno yitĩñami maji. ¹⁷ Moisés ñayoruna suoriti bucurã ñna rotire gaye manire ejayija. Dios manire ï ti mairise gayeama, ï oca riojo ñasarise cuni, Cristona suoriti manire ejayija. ¹⁸ Sīgũjua Diore tigu maquĩji. Ì Macu sīgũti ïre tiguĩji. Ì ñaguĩji ï Jacu robo bajiroti corocõ tuoñagũ. “Ito bajiro bajigu ñami Dios”, mani yi masitoni, manire riasogu ñami Cristo.

Jesucristore Juan ï busi ïsire gaye

(Mt 3.11-12; Mr 1.7-8; Lc 3.15-17)

¹⁹ Paia mesare ito yicõri levita masare cuni cõañi judio masa Jerusalén gãna. “¿Ñimu ñati mu?” Juan idé guri masure ñna yi seniñatoni ñnare cõañi ñna. ²⁰ Ito bajiro ïre ñna seniñaja tuocõri, riojo ñnare cudiquĩ Juan idé guri masu:

— Yu, Cristo Dios ï cõaru meje ña yu, yiquĩ Juan ñnare.

²¹ Mucana tudi ïre seniña quenocã ñna:

— ¿Ito yijama ñimujua ñasati mu? ¿Elías, Diore goti ïsiri masujua ñatite mu? yi seniñacã ñna ïre.

— Ì meje ña yu, yiquĩ ï ñnare.

Ito yija mucana tudi ïre seniñacã ñna:

—¿Muti ñati Diore goti ñsiri masu, “Ejagu yiguñi”, ña yicacu? yi seniñacã ña Juan idé guri masure.

—Í meje ña yu, yiquí í.

²² Ito í yija tuocõri, ado bajiro yicã ña:

—¿Ñimujua ñasati mu? yicã ña. Guare roticõarãre oca ãmi tudí wa ãmoa gua. Mumasiti mu gaye, ¿no bajiro guare gotiati mu? yi seniñacã ña Juan idé guri masure.

²³ Ña ito yija tuocõri, ado bajiro cudiquí í ñare:

—Yuti ña, yucu manojua masare oca sãoro goti ucugu: “Mani Uju í ejaroto riojua, mua ñeñaro yirise jidicãcõri ñe ña yucãña”, yi goti yuri masu ña yu. Isaías ñayoru, Diore goti ñsiri masu, í yiado bajiroti yi gotia yu cuni, yiquí Juan idé guri masu ñe oca seniñacãre.

²⁴ Juan idé guri masu tu oca seniñarã ejacãna, ña ñañi fariseo gaye tuoñarã ña cõana.

²⁵ Mucana tudí ñe seniñacã ña:

—Ito yija, Cristo meje ñabojaguti, Elías meje ñabojaguti, Diore goti ñsiri masu meje ñabojaguti, ¿no yija masare idé guati mu? yi seniñacã ña Juan idé guri masure.

²⁶ Ña ito yija tuocõri, ado bajiro cudiquí í:

—Yu masare idé guja, idenagoti idé gua yu. Sīgũ ñami ado mani wato mua masibicu.

²⁷ Yu rãtoro ñasagu ñami í. Yu bero ejaru ñabojaguti, yu rãtoro ñasagu ñami í. Ñe bajiro bajigu meje ña yuama. Yu rãtoro quenagũ í ñajare í rãca corocõ ñado ma yu. Ito bajiro quenagũ meje ñacõri í ya guboco ña masibea yu, yiquí Juan idé guri masu ñe seniñacãre.

²⁸ Jordán wame cutirisa tujua masare Juan idé guroca ito bajiro rãtacu. Betania wame cutiriju ñacu itiju, Jordán tunima.

Oveja Macu robo bajigu ñami Jesús, yire gaye

²⁹ Ito bero gaje rumu, Jesús gua tujua í wadija tiquí Juan idé guri masu. Ito bajiri masare ado bajiro gotiquí í:

—Tiya mua, ñniti ñami Dios yagu, Oveja Macu robo bajigu. Masa ña ñeñaro yirise waja yi ñsirocũ ñari Oveja Macu robo bajiro bajigu ñami í. Íti ñami adi macãrucãro gãnare ña ñeñaro yirisere waja yi ñsiri masu. ³⁰ Í gaye gotisucũ, ado bajiro muare goticu yu: “Yu berojua sīgũ ejagu yiguñi. Yu berojua ejagu ñabojaguti yu rãtoro ñasagu ñagũ yiguñi í. Yu riojua ñacãñi í”, yi goticu yu muare. ³¹ Yu cuni, “Í ñaguñi”, yi masibiticu maji. Ado ña yu masare idé gucu. “Ñni ñami Dios í cõaru”, mani ñarã cuni ña yi masitoni, yi gotia yu, yiquí Juan idé guri masu Israel sita gãnare.

³² Gaje ado bajiro masare gotiquí í:

—Espiritu Santo bujare bajigu ruji wadicõri, í joejare í quedi jeaja ticu yu. ³³ Ñe tibojaguti, “Íti ñaguñi Cristo”, yi masibiticu yu maji. Yure masare idé gu roticacu, yure í gotigore tuoña bujacõri, “Ñniti ñami Cristo”, yi masicu yu ñja. Ado bajiro yure gotiquí í yure idé gu roticacu: “Sīgũre Espiritu Santo í quedi jeaja, mu tija, Íti ñami masare Espiritu Santo queo sãgũ”, yiquí yure idé gu roticacu. ³⁴ Ñe tigorũ ña yu. Ito bajiri, “Dios Macu ñami í”, yi masia yu, yi gotiquí Juan idé guri masu, masare gotigu.

Jesús rãca riasotisucõana gaye

³⁵ Ito bero gaje rumu ito ñacu gua mucana. Juarã ñacu gua Juan idé guri masu rãca riasotirã. ³⁶ Jesús í rãta waja ticõri, ado bajiro guare gotiquí Juan idé guri masu:

—Tiya, ñniti ñami Dios yagu Oveja Macu robo bajiro bajigu, mani ñeñaro yirise waja yi ñsiri masu, yiquí Juan guare.

³⁷ Ito bajiro í yija tuocõri, Jesure sãya wacu gua ñja. ³⁸ Ito bajiro gua ñe sãya waja juda ticõri, ado bajiro yiquí Jesús:

—¿Ñere ñamarã yati mua? yiquí Jesús guare.

—Riasori masu, ¿nojua ñati mu ñaro? yi seniñacu gua Jesure.

³⁹ —Adojua tirã waya maji, yi cudiquí Jesús guare.

Ito í yijare ñe sãya wacõri, í ñarojua ticu gua ñja. Ito bajiri iti rumu í rãcati ñarã rãiocoacu gua. Yucu wecacõ tujaquí umacãñi.

⁴⁰ Juan idé guri masure tucōri, yu rāca Jesure sūya wacu ñaquí Andrés. Í ñaquí Simón Pedro ocabaji. ⁴¹ Jesure ti masicōri, í rījoru Simónre gotirocu āmagū waquí í. Í rījoru tu ejacōri, ado bajiro gotiyijū Andrés:

—Dios í cōaru Cristore bujacōa yu, yi ejayijū í.

⁴² Ito yija, Simónre gua tujū āmi wadiquí Andrés. Simónre ticōri, ado bajiro yiquí Jesús: —Mu ña Simón, Jonás macu. Ito bajibojarocati Pedro wame cutigu yigūja mu ĩja. Gūtagā yireoni ña iti, yiquí Jesús Simónre.

Natanael, Felipere cūni Jesús í jire gaye

⁴³ Ito bero gaje rūmū, Galilea wame cutirita tujū waquí Jesús. Itojū ejacōri, Felipe wame cutigūre bujaquí. Ito yicōri ado bajiro ĩre yiquí Jesús:

—Yu rāca waya, yiquí Jesús ĩre.

⁴⁴ Betsaida wame cutiri cūto gagu ñaquí Felipe. Pedro ocabaji Andrés cūni ĩna ñaro ñacu ito. ⁴⁵ Jesure tucōri, Natanaelre āmagū waquí Felipe. ĩre bujacōri, ado bajiro ĩre gotiyijū ĩ:

—Moisés ñayoru Dios í rotire ucagu, í uca gotirare bujacōmū yu ĩja. Diore goti ĩsiri masa ĩna ucarare bujacōmū yu ĩja. Í ñami Jesús, Nazaret gagu, José wame cutigu í masoru, yiyijū í Natanaelre gotigu.

⁴⁶ Í ito yija tucōri, ado bajiro seniāyijū Natanael:

—¿Nazaret gagu í ñaja quenagū ñaguĭjida mūca? yi seniāyijū í Felipere.

—Waya tito, yiyijū Felipe Natanaelre. Ito bajiro yicōri gua tujū ejacā ĩna ĩja.

⁴⁷ Natanael í ejaja ticōri, ado bajiro yiquí Jesús:

—Sīgū Israel sita gagugoro ejaquí ado. ĩre rēore ma, yiquí Jesús, Natanaelre ticōri.

⁴⁸ Ito í yijare:

—¿No bajiro yure ti masiati mū? yi seniāquí í Jesure.

—Felipe mure í jiroto riojua, higuera wame cutiricu roca mū rūgōroca tibū yu mure, yiquí Jesús ĩre.

⁴⁹ Ito í yija tucōri:

—Yure Riasogu, mūti ña Dios Macu, ito yicōri gua Israel sita gāna Ūju ña mū, yiquí Natanael Jesure.

⁵⁰ Ito í yija tucōri, ado bajiro cūdiquí Jesús ĩre:

—Higuera wame cutiricu roca mū rūgōroca mure tibū yu, ¿mure yu yija, yure tuorūnuati mū? Gaje iti rēto busaro bajirise tigu yigūja mū, yiquí Jesús ĩre.

⁵¹ Gaje ado bajiro gotiquí Jesús guare:

—Riti mure gotia yu. Macārucūro soje iti janaroca, Yu Masa Rījoru tujū, ángel mesa yu tujū ĩna rujija, ĩna mūjaja cūni tirā yirāji mū, yiquí Jesús guare.

2

Caná wame cutiri cūtoju ĩna āmo siare gaye

¹ Jua rūmū bero Galilea sita Caná wame cutiri cūtoju āmo siare ñaro wado yicu. Jesús jaco cūni ñacō itojū. ² Gua Jesús rāca riasotirāre cūni basa guare goticā ĩna. Ito bajiri gua cūni Jesús rāca ñacu itojū. ³ Ito bajiro gua idi ñaroca, uyé ide jedicoacu. Ito bajija ticōri, Jesús jaco ado bajiro yicō ĩre:

—Ūyé ide jedicoaju ĩja, yicō iso Jesure.

⁴ Iso ito yija tucōri:

—¿Cana, no yija yure iti gotiati mū? Tiyamani yu ĩroti ejabea maji, yiquí Jesús isore.

⁵ Ito bajiro í yija tucōri, iori masare ado bajiro yicō iso:

—Jeyaro í rotiro bajiroti cūdiya, yicō iso ĩnare.

⁶ Itojū ñacu ide gōnaraduri, gūtana ĩna menira soturi. Coga āmojeno soturi ñacu. Ide gōnacōri bucurā ĩna rotiado robo bajiro ĩna coesotiri soturi ñacu iti soturi. Cincuenta, setenta cūni ide coari dajarise ñacu iti soturi. ⁷ Iori masare ado bajiro rotiquí Jesús:

—Adi soturire ide jio dajoya, yiquí Jesús ĩnare.

Ito ï yija tucõri, iti sotari ñarocõti jio dajocã ña. ⁸ Ña cudija ticõri, ado bajiro rotiqui Jesús ñare:

—Jabeto gõnacõri, basa ujure ïsitẽña mua, yiqui ï ñare.

Ï rotiro bajiroti yicã ña. Basa ujure ide iocã ña. ⁹ Iti ide ï boca idija, uyé ideti ñacoacu iti ïja. “Ito gaye ñaroja”, yi masibitiqui ï. Iori masa riti masicã ña amiadore. Iti idicõri, mame manajo cutigure ji ñucaqui basa ujum. ¹⁰ Ï ejaroca ado bajiro ïre yiqui ï:

—Gãjerãma, basa ña menisuoja, quenarise iosuocã. Jairo masa ña idija bero quenasabiti ide iocã ña. Muãma gaje idire rëtoro quenarise seoyija mu. Adocãta mu iorise quenarise ña, yiqui basa ujum mame manajo cutigure.

¹¹ Iti ñacu tiyamani Jesús ï iosuore Galilea sita, Canã wame cutiri cutojum. Iti ticõri, rëtoro ï masirise ï ïoja, ticu gua, ï rãca riasotirã. Ito bajiri ïre tuorũnucũ gua ïja.

¹² Iti basa rëtaja bero Capernaum wame cutiri cutojum wacu gua Jesús rãca. Ï jaco, gua ï rãca riasotirã, ï ñarã cuni ï rãca wacu gua. Itojum yoa busari ña ucucu gua.

Niyeru wasoari masare Jesús ï bucõare gaye

(Mt 21.12-13; Mr 11.15-18; Lc 19.45-46)

¹³ Judio masa pascua basa ña meniroti rumu riojuaca rumu Jerusalenjum wacu gua Jesús rãca. ¹⁴ Itojum Dios ya wi ejacõri, ta wecua, oveja, buja ïsiri masare ti bujaqui Jesús. Ito yicõri niyeru wasoari masa ña rujiadojum, ña rujiija ti bujaqui ï. ¹⁵ Ito bajiro ña yi ñaja ticõri, bajera ma meniqui Jesús. Ito bajiro yicõri, ña ya wecua rãca, ña ya oveja rãca Dios ya wi ñarãre bucõaqui Jesús. Niyeru wasoari masa ya niyeru cujirire ware batecõqui ï. Ña ya casabori gaye tujuda queoqui Jesús. ¹⁶ Ito yicõri, buja ïsiri masare ado bajiro yiqui Jesús:

— Ña mua ïsironare ãmi budi wasa mua. Yum Jacu ya wire gajeoni ïsira wi godo weobesa mua, yiqui Jesús ñare.

¹⁷ Ito bajiro ï yija tucõri, Dios oca tuti gotire tuoia bujacu gua ï rãca riasotirã: “Buto mu ya wire tuoia rucubuo ya”, yi Dios oca tuti gotire gaye tuoia bujacu gua.

¹⁸ Ito yija ito ñarã judio masa Jesure seniãacã:

—¿No bajiro ïogũ yigujada mu, “Dios ï rotirena waibucurã ïsiri masare bucõa mu”, gua yitoni? yi seniãacã ña Jesure.

¹⁹ Ña ito yija tucõri, ado bajiro cudiqui Jesús ñare:

—Adi Dios ya wire mua ruyurioja, udia rumu beroti mucana tãdi iti wire jõrojogu yiguja ya, yiqui Jesús ñare.

²⁰ Ito ï yija tucõri:

—Cuarenta y seis rodori sejayjarã ña adi wi menirã. Muãma, “Udia rumu beroti jõrojoguja”, ¿yire masiati mu? yicã ña Jesure.

²¹ Ito bajiro Dios ya wire Jesús ï tuoia busija, ï ya rujum gayere busigu yiñi Jesús. ²² Iti Jesús ï busigore mucana tãdi Jesús ï catirocujum, ï busigore tuoia bujacu gua, ï rãca riasotigoana. Ito bajiri Dios oca ï busigore cuni tuorũnucũ gua ïja.

Mani tuoïarise masi jeogu ñami Jesús, yire gaye

²³ Jerusalen ñacõri, pascua basa ña meniropa jaje tiyamani masare ioqui Jesús. Ito bajiro ï yijare, jãjarã masa ïre tuorũnucã ña ïja. ²⁴ “Masa jeyaro ñeñaro yirã ñama”, yi ti masicõri, ñare queno tuorũnucabitiqui Jesús. ²⁵ Masa jeyaro ña ya usijum ña tuoïarise ti masigũ ñaqui Jesús. “Ito bajiro bajirã ñama masa”, yi tuoia masicãñi Jesús.

3

Nicodemo Jesús tum ï ejare gaye

¹ Sigu fariseo gaye tuoïagũ, Nicodemo wame cutigum ñayijum. Judio masa rãca ñasagu ñayijum ï. ² Ï Nicodemo, ñamijum Jesure tigum ejayijum. Ï tum ejacõri, ado bajiro yiyijum ï Jesure:

—Riasori masum, “Guare riasotoni mure cõañi Dios”, yi tuoia gua mure. Mu rãca Dios ï ñajare tiyamani io masia mu. Nimujma gãji tiyamani mu ïoro bajiro yibiquiji, Dios ï rãca ñabeja, yiyijum ï Jesure.

³ —Riti mure ado bajiro gotia yu. No mucana tudi rujea quenobicu Dios i rotiroju tibiquiji, yiyiju Jesus Nicodemore.

⁴ Ito i yija tuocori, ado bajiro Jesure seniayiju Nicodemo:

—¿No bajiro umugu jaigu nacabojaguti mucana tudi rujea quenogujida? ¿Jacore sajacori, mucana tudi rujea quenogujida? yi seniayiju i Jesure.

⁵ —Riti mure gotia yu. Masa jeyaro jacona rujeaaji. Ito bajibojarocati Espiritu Santona rujeabicu Dios i rotiroju ejaquiji. ⁶ Masana rujeana, masati naraji. Espiritu Santona rujeana i ya usina catitinarai yiraji ina. ⁷ “No Dios taju eja amoja, mucana tudi rujea quenoja quena”, ya yu mure. Ito bajiro yu yija, tuo ucabesa mu. ⁸ Mino iti amoro bajiroti wea nucaro yiroja. Mino iti udija tuo mani. Ito bajibojarocati, “Ito gaye wadiroja, ito waroja”, yi masibeaman. Ito bajiroti bajigu nami Espiritu Santo cuni. “Nimujare itocõ rujea quenogu yiguji Espiritu Santo”, yi masibeaman, yiyiju Jesus Nicodemore.

⁹ Ito yija mucana tudi senia quenoyiju Nicodemo:

—¿No bajiro bajirojada iti? yi seniayiju i Jesure.

¹⁰ Ado bajiro ire cudiyiju Jesus:

—Israel sita ganare riasori masu nasagu na mu. ¿Ito bajibojaguti adi gayeama masibeati mu? ¹¹ Riti mure gotia yu. Yu masirisere busia yu. Ito yicori yu tigore mure gotia yu. Ito bajibojarocati yu gotirisere queno tuorunubea mu. ¹² Adi sitaju gaye yu busirise mu tuorunubeja, Dios i naraju gaye yu busija cuni, tuorunubicu yiguja mu, yiyiju Jesus ire.

¹³ Gaje ado bajiro gotiyiju Jesus:

—Sigu umacuju mujagoru maquiji. Yu siguti na umacujuna ruji wadicori mucana tudi itoju muja warocu. Yu na Masa Rijoru. Yuti na itoju muja warocu. ¹⁴ Jane mejeju Moises nayoru yucu manojun na na ucuroca yucu joe anare jeoyiju, masa ina ti mutoni. Anare ti tuocori ana cuni ecoana nabojarati godabisijara ina. Ito bajiroti yu cuni Masa Rijoru, yucuna mo ecogu yiguja. ¹⁵ No yure tuorunuguti godabicu yiguji catitnagu yiguji, yiyiju Jesus Nicodemore gotigu.

Najediro masare Dios i maire gaye

¹⁶ Najediro masare buto maiyiju Dios. Ito bajiri i Macu sigu nagure cõayiju, masare i goda isitoni. No Jesure tuorunuguti godabiquiji, catitnagu yiguji. ¹⁷ Adi macarucuro ganare i ruyuriotoni meje i Macure cõayiju Dios. Ado robojua bajiyiju. Masare masojaro yirocu i Macure cõayiju Dios.

¹⁸ No i Macure tuorunugure waja senibicu yiguji Dios. No Dios Macu sigu nagure tuorunubicu, i tuorunubitire waja ire ruyuriogu yiguji Dios. ¹⁹ “Yu Macure tuorunumenare inare ruyuriogu yiguja yu”, yicani Dios. Ado bajiro baja: Busurise rucogu nari masa ina tuo masiroca yi masiami Jesus. Ito bajiri adi tuti ejaori, “Ñeñaro yira na mani”, masa ina yi masiroca yini Jesus. Buto ñeñaro yi jira nari busurise retero raitarisere amoyijara ina. Quenarise yi amobiticori ñenarisejare riti buto yi amoyijara ina. Ito bajiri Jesure ina tuorunubitire waja jeame ujuroju inare cõagu yiguji Dios. ²⁰ Ñeñaro yira narocõti busurise ti tema ina. Ito bajiri busurise rucogu yu najare, yure boca amimenaji ina. Ina ñeñaro yirise goabe yirona yure boca amimenaji ina. ²¹ Oca riojo gotire cudirama, yu busurise rucogure boca amira yiraji inama. Ito bajiri ina queno cudija ticori, “Ina queno yiroca yami Dios”, yi ti masira yiraji gajerã, yiyiju Jesus Nicodemore.

Juan ide guri masu Jesus gayere i gotire gaye

²² Ito yija bero, gua Jesus rãca riasotira i rãca Judea sitaju wacu. Itoju yoa busari i rãca masare ide gu nacu gua. ²³ Juan ide guri masu cuni Salim cuto sojua Enon wame cutiri cutoju masare ide gu nayiju i cuni. Itoju ide jairo iti najare, masa jajarã ide gu rotira ejayijara. Ito bajiri inare ide guyiju Juan. ²⁴ Ito bajiro retayiju, Juan ide guri masare ina tubiaroto rioja.

²⁵ Ito baji ñaroca coriarã Juan idé guri masu rãca riasotirã, sîgũ judio masu rãca gãmeri bûsi ñayijarã ñna. “Bucurã ñna rotiado bajiro mani cudija ticõri, mani ñeñaro yirisere coegu yiguĩji Dios”, yi gãmeri bûsi ñayijarã ñna. ²⁶ Ñna gãmeri bûsija bero Juan tu ejacõri ado bajiro seniñayijarã ñna:

—Guare riasogu, ¿Jordán wame cutirisa siduja mu tigorure masiati mu? Í gayere guare bûsibu mu. Adi rumuri buto masare idé guguĩji. Ito bajiri masa ñre riti sayarãji ñna, yi gotiyijarã ñna Juan idé guri masure.

²⁷ Ñna ito yija tuocõri:

—Ñe manoti ñarãji masa, Dios í ñsibeja. Dioti ñnami masa ñna moaroti cõri masu. ²⁸ “Yu meje ña Cristo. Í ejaroto riojua Dios í cõa yuru ña yu”, yiaru muare goticãcu yu. “Ito bajiro gotiquí Juan guare”, yi masirã ña mua, yiyiju Juan í rãca riasotirãre. ²⁹ Goti masiore ocana ado bajiro gotiyiju Juan: “Ámo siari rumu isore ñiagũ, iso manuju ñaroca ñaguĩji í. Í, ámo siagu baba, í ámo siare gaye í tuoja buto wanu quenagũ yiguĩji í. ‘Masare idé gugu yiguĩji’, mua yija tuocõri, itire bajiroti wanu quena yu cuni. ³⁰ Yu rëtoro ñasagu í ñare ámoa yu. Yure ñna rucuburo rëto busaro masa ñre rucubure ámoa yu”, yiyiju Juan í rãca riasotirãre.

Ûmacũju wadiru ñnami Cristo, yire gaye

³¹ Ûmacũju gagu wadiru, í ñnami ñasagu. Ñimu gãji í rëtoro ñasagu maquĩji. Adi macãrucũroju rujearu í ñnami adi macãrucũro gagu. Ito bajiri adi macãrucũro gaye bûsiami í. Ûmacũju gagu wadiruama í ñnami ñasagu. ³² Í tigure, í tuogore cuni bûsiami íocũ. Ito bajibojarocati, noajua queno tuorũnubeama í bûsirisere. ³³ No ñre tuorũnugũti, “Queno riojo yigu ñnami Dios”, yi masiguĩji íocũ. ³⁴ Dios í cõaruaama Dios ocareti gotiguĩji. Jabetacã meje í ya usi queo sãgũ yiguĩji Dios ñre. ³⁵ Í Macure maigũ, “Jeyaro rotijaro í”, yirocu Cristore cũni mani Jacu Dios. ³⁶ No Dios Macure tuorũnugũti catitĩñagũ yiguĩji. Í Macure tuorũnubicuama catitĩñare bujabicu yiguĩji. Íocũreama buto ñeñaro í tõbujaroca yigu yiguĩji Dios.

4

Samaria sita gago rãca Jesús í bûsire gaye

¹ “Juan rëto busaro masare idé guami Jesús, ito yicõri ñre jãjarã bûsa sayama ñna”, yire gaye masiñi fariseo gaye tuoñarã. ² Quenogoroama Jesús meje masare idé guquí. Guã Jesús rãca riasotirãju masare idé gucu guã. ³ Fariseo gaye tuoñarã ñna masija tuocõri, Judea sitare wacoacu guã Jesús rãca. Ito yicõri Galilea sitaju wacu guã mucana.

⁴ Ito warã riti Samaria sitaju ejacu guã. ⁵ Ito rëta wacõri, Sicar wame cutiri cutoju ejacu guã. Iti cuto Jacob ñayoru í macu Josere ñsira sita tu ñacu iti cuto. ⁶ Itoju ñacu Jacob ñayoru ya ide goje. Boga wadiru ñnari iti goje tu eja rũjũquí Jesús. Ñmua gudareco ejarecõro ñacu. ⁷⁻⁸ Guama í rãca riasotirã cutoju wacu bare waja yirã warã. Itoju Jesús í rujiroca, sîgõ Samaria sita gago ide gõnagõ ejayijo. Iso ejaja ticõri, isore ado bajiro ide seniyiju Jesús:

—Ide ioya yure, yiyiju í isore.

⁹ Ide í senija tuocõri, ado bajiro yiyijo Samaria sita gago:

—¿Mu no yija judio masu ñabojaguti, yu Samaria sita gagore ide seniati mu? yiyijo iso Jesure. Samaria sita gãna rãca judio masa rãca queno baba cutibiticõri, ito bajiro yiyijo iso.

¹⁰ Iso ito bajiro yija tuocõri:

—Dios í ñsiroti mu masija, ito yicõri, “Í ñnami yure ide senigũ”, mu yi masija, yuñuare ide seniboroja mu. Ito bajiro mu yija, ide catitĩñare gaye mure ñsiboruja yu, yiyiju Jesús isore.

¹¹ Ito í yijare:

—Ñena ide gõnare ma mure. Jubeju ña ide goje. ¿Noju gaye yure ide catitĩñare gaye ñsigũ yigujada mu? ¹² Mani riojua gagu Jacob ñayoru adi goje ide gojere cũni í. Í cuni

idiñi iti goje gaye. Ī rīa cūni idiñi. Ī ya ecana cūni idiñi. ¿Ī rēto busaro ñasagu ñati mʉ? yiyijo iso Jesure.

¹³ Ito bajiro iso yija tʉocōri, ado bajiro cʉdiyijʉ Jesús isore:

—No adi goje gaye ide idibojarāti, mʉcana tʉdi idi āmocoarā yirāji. ¹⁴ No ide catitīñare gaye yʉ ioana, mʉcana tʉdi idi āmomena yirāji. Yʉ ĩnare ide iorise ide ũmaburi goje robo bajiro ũmabato ñaro yiroja, ĩna catitīñatoni, yiyijʉ Jesús isore.

¹⁵ Ito ĩ yija tʉocōri:

—Yʉ ʉjʉ, iti gaye ide āmoa yʉ cūni, mʉcana tʉdi ide yʉ idibe yiroco. Ito yicōri mʉcana tʉdi adi goje gōnagō wadibe yiroco, yiyijo iso Jesure.

¹⁶ Ito yija, ado bajiro yiyijʉ Jesús isore:

—Wasa, mʉ manʉjʉre jitēña, ito yicōri adoja waya, yiyijʉ Jesús isore.

¹⁷ Ito ĩ yija ado bajiro cʉdiyijo iso:

—Manʉjʉ maco ña yʉ, yi cʉdiyijo iso.

—“Manʉjʉ maco ña yʉ”, mʉ yirise riti ya mʉ. ¹⁸ Co dʉjamocō ũmʉa rāca ñagoro ña mʉ. Ito bajicōri adocāta mʉ rāca ñagū, mʉ manʉjʉ meje ñami ĩ. Ito bajiri, “Manʉjʉ maco ña yʉ”, mʉ yiriseama riti ya mʉ, yiyijʉ Jesús isore.

¹⁹ Ito ĩ yija tʉocōri, ado bajiro yiyijo iso ĩre:

—Yʉ ʉjʉ, jeyaro masigʉocū ña mʉ. “Diore goti ĩsiri masʉ ñami āni”, ya yʉ mʉre.

²⁰ Gʉa Samaria sita gāna ñicʉsabatia, adi burojʉ Diore rʉcʉbʉoñi. Mʉa judio masama, “Jerusalénjʉ Diore rʉcʉbʉoja quena”, ya mʉáma, yiyijo iso Jesure.

²¹ Iso ito yijare:

—Yʉre tʉorʉñña romio mʉ. Co rʉmʉ Diore mʉa rʉcʉbʉoroti rʉmʉ ejaro yiroja. Adi buro meje, ito yicōri Jerusalénjʉ wamenati Diore rʉcʉbʉo ñarā yirāji mʉa. ²² Mʉa Samaria sita gāna, mʉa rʉcʉbʉorocʉre queno masibea mʉa maji. Gʉama, gʉa rʉcʉbʉorocʉre queno masia. Gʉa judio masana sʉoriti masare masogū yiguĩji Dios. ²³ Ija ñaro yiroja, ito yicōri adocāta cūni ña, riojo Diore masa ĩna rʉcʉbʉo āmosaja, ĩna ya ʉsijʉ ĩre rʉcʉbʉorā yirāji ĩna. Ito bajiro ĩre rʉcʉbʉore āmoami mani Jacʉ. ²⁴ Rujʉ meje ñami Dios. ʉsiti ñami ĩ. Ito bajiri Dios ĩ āmoro bajiro riti Espiritu Santo ĩ ejabʉarisena Diore mani rʉcʉbʉoja quena, yiyijʉ Jesús isore.

²⁵ Ito ĩ yija tʉocōri, ado bajiro yiyijo iso:

—Dios ĩ cōarʉ, Mesías ejagʉ yiguĩji, yi tʉoña yʉ. ĩ ñaguĩji Cristo ĩna yigʉ. ĩ ejagʉjʉ, gʉare queno goti rētobugʉ yiguĩji, yiyijo iso Jesure.

²⁶ Iso ito yija:

—Yʉ adocāta mʉre busigʉ, ĩti ña, yiyijʉ Jesús isore.

²⁷ Ito bajiro ĩ yi ñaroca, tʉdi ejacʉ gʉa ĩ rāca riasotirā. Romio rāca ĩ busija ticōri, jabeto ti ʉcacʉ gʉa. Ito bajibojarocati, “¿Ñe gaye ĩre āmoati mʉ? ¿Ñe gaye isore seniñati mʉ?” yi seniñabiticʉ gʉa. ²⁸ Ito yirocati ide gōnaradʉ jidi rojocōri cʉtojʉ wacō iso. Cʉtojʉ ejacōri, masare ado bajiro gotiyijo iso:

²⁹ —Jeyaro yʉ yigore, “Ado bajiro yicʉ mʉ”, yi gotigʉre tirā waya mʉa cūni. ¿Cristo meje ñaguĩjida mʉaca? yiyijo iso masare.

³⁰ Ito bajiro iso yija tʉocōri, Jesure ti āmorā gʉa tʉ ejacā iti cʉto gāna. ³¹ Ito bajiroca riti:

—Gʉare riasogʉ, jabeto baya maji, yi josa ñacʉ gʉa.

³² Ito gʉa yibojarocati, ado bajiro cʉdiquĩ Jesús:

—Mʉa masibiti, yʉ baroti ñacā yʉre, yiquĩ Jesús gʉare.

³³ Ito bajiro ĩ yija tʉocōri:

—¿Sīgū ĩre bare cūgū ejarʉda? yi gāmeri seniñasʉocʉ gʉamasiti.

³⁴ Ito bajiro gʉa gāmeri busija tʉo masicōri, ado bajiro yiquĩ Jesús gʉare:

—Yʉre cōarʉ ĩ āmoro bajiro yʉ yija, ito yicōri iti moare yʉ gajanoaja, iti ña yʉ ya bare bajiro bajirise. Masama bare ba wanʉsotiama. Yʉama yʉre cōarʉ ĩ āmoro bajiro yicōri wanʉa yʉ. ³⁵ “Jʉariarā ũmacañi rʉya maji, ote iti bʉcʉaroto”, ote wese ʉjʉ ĩ yiadó bajiro yi tʉoñabesa mʉa. “Masare Dios oca mani riasorijʉ ejabea maji”, yi tʉoñabesa mʉa.

Yuaama ado bajiro ya: Ote bucuacoaju ija, adocata amija quena. Tiya, masa jajarã yure tuorunuroca nacama ija. Adocata inare riasoja quena. ³⁶ No ote miojuguti, waja boca amigã yiguji. Itire bajiroti, no yure masa ina tuorunuroca yigure ire queno waja yigu yiguja yu. I namo catitinare gaye masa ina buja masiroca yigu. Ito bajiri yu oca masare riasogu cuni, yure masa ina tuorunuroca yigu cuni corocoti wanurã yirãji ina. ³⁷ Riti baja bucurã ina busigore: “Sigã ñaguji otegu. Gãji ñaguji itire miojugu”, yiyijarã bucurã. Riti baja iti. Tuote. Coriarã ñama yu oca masare riasorã. Gãjerã ñama yure masa ina tuorunuroca yirã. ³⁸ Ote wese uju ricare mioju rotigu yiguji i ya moari masare, otegoana meje ina ñabjarocati. Yu cuni ito bajiroti muare cõa, yure masa ina tuorunuroca mua yi masitoni. Yu oca inare riasosuoana meje ñabjarocati muare cõa yu. Mua riojua gãjerã inare riasosuoani. Ito bajiri josari mejeti yure ina tuorunuroca yi masirã yirãji mua, yiqui Jesús guare.

³⁹ “Jeyaro yu yigure yure gotiqui i”, romio iso yi gotija tuocõri, jajarã iti cuto gãna Samaria sita gãna Jesure tuorunucã ina ija. ⁴⁰ Ito bajiri iti cuto gãna Jesure ti wanucõri guare tuja roticã ina. Ito bajiri ina rãca juu rumu ñacu gua. ⁴¹ Jesumasiti i riasoja tuocõri, jajarã busa ire tuorunucã ina. ⁴² Jesure tuorunucõri, ado bajiro busicã ina romiore:

—Mure gua tuogore gaye riti meje, ire tuorunua gua. Adocata guamasiti ire tuocõri, tuorunua gua ija. “Iti ñami Cristo, adi macarucuro ganare masorocu”, yi ti masia gua ija, yicã iti cuto gãna romiore.

Ñasagu macure Jesús i yisiore gaye

⁴³ Ito yija bero, juu rumu beroti Samaria sitana nacõri, Galilea sitaju wasuocu gua mucana Jesús rãca. ⁴⁴ Riti baja Jesús i busigore: “Diore goti isiri masure i ya sita gãna ire queno rucubumenaji”, yi gotiqui Jesús guare. ⁴⁵ Galilea sitaju Jesús rãca gua ejaroca, queno boca amicã ito gãna. Ina cuni Jerusalenju pascua basa ti tãdi ejana ñani. Ito yicõri iti basa rumuri jeyaro Jesús i yigure tiana ñari seyoñi ina cuni.

⁴⁶ Ito yija bero, Galilea sitaju Canã wame cutiri cutoju tãdi wacu gua Jesús rãca. Ito ñacu idena uyé ide i godo weogoraju. Itoju ñaquí sigã ujure moa isiri masu ñasagu. I macu Capernaum wame cutiri cutoju cõ ñani. ⁴⁷ “Judea sitana wacõri, Galilea sitaju ejayiju Jesús”, yija tuocõri, ire tigu ejaquí uju ya moari masu ñasagu. Jesús tu ejaõri ado bajiro josaquí i ire:

—Yu ya wiju waya. Yu macu cõ wacu yiguji. Yu macure yisiogu waya, yiqui i Jesure.

⁴⁸ Ito i yija tuocõri, ado bajiro yiqui Jesús:

—Tiyamani mua tibeja, yure queno tuorunubea mua, yiqui Jesús ire.

⁴⁹ Ito bajiro i yibjarocati:

—Yu Uju coji waya, yu macu i godare amobeja yu, yiqui moa isiri masu ñasagu Jesure.

⁵⁰ Ito i yija tuocõri:

—Mu ya wiju tãdi wasa. Mu macu catiguji, yiqui Jesús ire.

Ito bajiro Jesús i yija tuocõri, “Riti gotiami Jesús”, yi tuorunucã i. Ito bajiri i ya wiju tãdi wasuocã i ija. ⁵¹ I ya wiju ejaquí wagu i yiroca ire ejaõari masa ado bajiro ire goti bocayijarã ina:

—Mu macu caticoami ija, yiyijarã ina.

⁵² Ina ito yija tuocõri:

—¿Nocãta catisuori yu macu? yi seniayiju i inare.

—Ñamica, umacãni i juu ruguriju, ire ñiotarobju, yiyijarã ina, ina ujure.

⁵³ Ito bajiro ina yija tuocõri, tuoia bujayiju i. “Itocõ umacãni i juu rugurijuti, ‘Mu macu catiguji’, yi gotimida Jesús yure”, yi tuoia bujayiju i. Ito bajiri i, i ñarã cuni Jesure tuorunuyijarã ina ija.

⁵⁴ Iti ñacu bero gaye tiyamani Jesús i ñore, Judea sitana, Galileaju tãdi ejaõri, i ñore gaye.

¹ Ito bajija bero mɛcana tɔdi basa menicã judio masa. Ito bajiri itire tigɔ waquĩ Jesúš mɛcana Jerusalénju. Ī rãca wacɔ gɔa cɔni. ² Iti cɔto Oveja wame cɔtiri soje tɔ ñacɔ masa ĩna guarita. Hebreo ocana Betzata wame cɔticɔ itira. Itira tɔ co dɔjamocɔ jɔri ñacɔ ide ñura jɔri. ³ Iti roca cɔrã jãjarã jacajɔ cũñacã. Cajea mana, queno wa masimena cɔni, ito yicɔri ruduana cɔni ñacã itojɔ. “¿Nocãta iti jacũja tiana?” yirona bocati cũñacã ĩna. ⁴ Co rɔmɔrea ángel ruji ejacɔri, ide jacũroca yĩni. Ito ĩ yija bero, no itira cajero quedi roasɔogɔreti ĩ ñarise cɔtirise rɛtacoayijɔ ĩja. ⁵ Itojɔ cɔrã wato sĭgũ ñaquĩ treinta y ocho rodori cɔ ñarɔ. ⁶ Ī cũñaja ticɔri, “Yoariguti cɔri seyoni ãni”, yi tiquĩ Jesúš ĩre. Ito bajiri ado bajiro ĩre seniãaquĩ Jesúš:

—¿Mɛcana tɔdi cati quenagũ ña ãmoati mɔ? yiquĩ Jesúš ĩre.

⁷ Ito bajiro ĩ yija tɔocɔri:

—Yɔ ɔjɔ, sĭgũjɔa yɔre idejɔ queo roagɔ mami, iti jacũroca. Coji rɔyabeto yɔ ide cɔo ãmobojarocati, gãjerã riti yɔ riojɔa ide cɔosotiamã, yiquĩ ĩ Jesure.

⁸ Ito ĩ yija:

—Wɔmɔña, mɔ ya camã ãmi wasã, yiquĩ Jesúš ĩre.

⁹ Ito ĩ yirocariti, queno cati quenagũ ñacɔaquĩ ĩ mɛcana. Ī ya camã ãmicɔri, wasɔoquĩ ĩ. Iti rɔmɔti gɔa judio masa ya tujacãra rɔmɔ ñacɔ. ¹⁰ Ito bajiri ĩ ya camare ĩ gajaja ticɔri, ado bajiro yicã judio masa ĩre:

—Jane tujacãra rɔmɔ ña. Ito bajiri mɔ ya camare gajare ma mɔre, yicã judio masa.

¹¹ Ado bajiro cɔdiquĩ ĩ cɔgorɔ:

—Mɛcana tɔdi cati quenaroca yɔre yigɔ, ado bajiro yimi yɔre: “Mɔ ya camare ãmi wasã”, yimi ĩ yɔre, yiquĩ ĩ judio masare.

¹² Ito ĩ yija tɔocɔri:

—¿Ñimɔ ñari, “Mɔ ya camare ãmi wasã”, mɔre yigɔ? yi seniãacã ĩna ĩre.

¹³ Ito bajiro ĩna seniãabobarocati, “Ī ñami”, yi masibitiquĩ ĩ. Itojɔ masa jãjarã ñacã. Ito bajicɔri Jesuama masa jãjarã watojɔ wa godacoaquĩ ĩ. ¹⁴ Mɛcana ito bero Dios ya wijɔ gɔa ñaroca, ti bɔjaquĩ Jesúš mɛcana ĩ yisiorɔre. ĩre ti bɔjacɔri, ado bajiro yiquĩ Jesúš ĩre:

—Tɔoya, queno tɔdi mɛcana catiã mɔ. Mɛcana tɔdi ñeñaro yibeja, bɔto bɔsa mɔ tɔbɔjabe, yiquĩ Jesúš ĩre.

¹⁵ Ito ĩ yibobarocati mɛcana tɔdi judio masa tɔ wacɔri, “Jesuti ñami, mɛcana tɔdi yɔ cati quenaroca yigɔ”, yi judio masare gotĩni ĩ. ¹⁶ Ito bajiro ĩ yija tɔocɔri, Jesure sĭã ãmorã ɔsirio codecã ĩna. Tujacãra rɔmɔ ñabobarocati cɔgũre ĩ yisioja ticɔri, ĩre sĭã ãmocã ĩna.

¹⁷ Gɔa tɔjɔ ĩna ejaja ticɔri, ado bajiro yiquĩ Jesúš ĩnare:

—Moatĩnagũ ñami yɔ Jacɔ. Ito bajiri yɔ cɔni moatĩña, yiquĩ Jesúš ĩnare.

¹⁸ Ito bajiro ĩ yija tɔocɔri, bɔto bɔsa ĩre sĭã ãmocã ĩna. Tujacãra rɔmɔ ñaroca cɔgũre ĩ yisiorɔna sɔori meje, ĩre junisinicã ĩna. “Dios ñami yɔ Jacɔ”, Jesúš ĩ yija tɔocɔri, “Dios robo bajiro ñasagɔ ña yɔ”, yirocɔ yami ĩ, yi tɔoĩacã ĩna. Ito bajiri bɔto bɔsa ĩre sĭã ãmocã ĩna ĩja.

Dios Macɔ ñari ĩ rotirisena sɔori Jesúš ĩ ñare gaye

¹⁹ Ito bajiro ĩna tɔoĩaja ti masicɔri, ado bajiro yiquĩ Jesúš, ĩnare:

—Riti mɔare gotiã yɔ. Yɔ, Dios Macɔ, yɔ ãmoro bajiro riti meje ya yɔ. Yɔ Jacɔ ĩ yirise ticɔri, ito bajiro ya yɔ. Jeyaro yɔ Jacɔ ĩ yiro bajiroti yɔ ĩ Macɔ cɔni ito bajiroti ya. ²⁰ Yɔ Jacɔ yɔre maicɔri, jeyaro ĩ yirise yɔre ioami ĩ. Ito yicɔri bɔto bɔsa ñasarise yɔre ioagũ yigũji maji. Ito bajiro yɔre ĩ ioja ticɔri, ti ɔcarã yirãji mɔ. ²¹ Godarãre mɛcana ĩna tɔdi catiroca yami yɔ Jacɔ. Ito bajiri yɔ, ĩ Macɔ cɔni ĩna catiroca yɔ yi ãmoja, ĩna catiroca yigɔ yigũja yɔ. ²² Masa ĩna ñeñaro yirise cɔĩagũ meje ñami yɔ Jacɔ. Yɔjɔare cũni ĩ, masa ĩna ñeñaro yirise yɔ cɔĩatoni. ²³ Ito bajiro yĩni yɔ Jacɔ, ĩre ĩna rɔcɔbɔoro bajiroti yɔre cɔni ĩna rɔcɔbɔotoni. Yɔre rɔcɔbɔobicɔ, yɔ Jacɔ, yɔre cɔarɔre cɔni rɔcɔbɔobiquĩji, yiquĩ Jesúš judio masare.

²⁴ Gaje ado bajiro gotiquĩ Jesúš:

—Riti muare gotia yu. No yu busirisere tuorunugũ, yure cõarure cuni tuorunugũti catitĩnagũ yiguĩji ï. Ìocõre ruyuriobicu yiguĩji Dios. Godabojaguti catitĩnagũ yiguĩji ïocũ. Ito bajiri catitĩnagũ yiguĩji ïja. ²⁵ Riti muare gotia yu. Yure tuorunumena godacãna robo bajiro bajirã ñama ñna. Ija ñaro yiroja, adocãta cuni ña, yu Dios Macu busirisere tuorã yirãji ñna. Yure ñna tuorunuja, catitĩnarã yirãji. ²⁶ Catitĩnare gaye rucogu ñami yu Jacu. Ito bajiri masa ñna catiroca yi masiami ï. Masa ñna catitĩnaroca yu yitoni, yure cũquĩ Cuna. ²⁷ Masa Rĩjoru, yu ñajare masare ñna ñeñaro yirise yu waja senitoni, yure cũquĩ Cuna, ya yu muare. ²⁸ Ito bajiro yu yija tuocõri, tuo ucabesa mua. Ija yu busirise godana jeyaro tuo jedirã yirãji. ²⁹ Yu oca tuocõri, masari cuma ñana budirã yirãji ñna. Queno yigoana, tũdi caticõri, Dios rãca catitĩnarã yirãji ñna. Ñeñaro yigoanama, tũdi ñna catiroca ñnare waja senigũ yiguĩji Dios. Ito yicõri jeame ñjuroju ñnare cõagũ yiguĩji ï, yiquĩ Jesús judio masare.

Ï rotirise yure cũni Dios, Jesús ï yire gaye

³⁰ Gaje ado bajiro gotiquĩ Jesús ñnare:

—Yu ãmoro bajiro riti yirocu meje wadicu yu. Masare ñna ñeñaro yirise waja yu senija, Dios ï rotiro bajiroti ya yu. Masare ñna ñeñaro yirise yu waja senija, ñeñaro ñna yiadocõti senia yu. Yu ãmoro bajiro meje ya yu. Yure cõaru ï ãmoro bajirojua ya yu. ³¹ “Yu ti ña Dios ï cõaru”, yu yibojaja, “Ïti ñami”, yi masimenaji gãjerã. ³² “Ïti ñami Dios ï cõaru”, yure yi ïsigũ ñami gãji. Yure ï busi ïsirise, oca riojo ñasarise ña. Ito bajiri ïre tuorã yirãji masa. ³³ “¿Ïti ñati Dios ï cõaru?” yi Juan idé guri masure seniãa rotiyija mua. Muare ï cũdire, riti ña. ³⁴ “Riti, Dios ï cõaru ñami Jesús”, Juan idé guri masu yure ï busi ïsija, ï busi ïsibeja cuni no yibea, Dios ï cõaruti ña yu. Juan idé guri masu gaye muare gotia yu, Dios ï masoana mua ñatoni. ³⁵ Mua tuo masijaro yirocu, busurica yocõri yigure bajiro yini Juan. Ito bajiri ïre tuocõri, wanuyija mua. ³⁶ Juan yure ï busi ïsigore rêto busaro ñasarise ña yure. Tiyamani yu ïorise, iti ña yu Jacu ï rotire. Itire ticõri, “Riti Dios ï cõaru ñami”, yi masirãji mua yure. ³⁷ Yu Jacu yure cõaru cuni, “Riti ãni ñami yu cõaru”, yi yure busi ïsiquĩ. Ìreama tuogoana meje, tigoana meje ña mua. ³⁸ Ï ocare tuo ãmorã meje ña mua. Yure ï cõarure cuni tuorunubea mua. Ito bajiri mua ya usiju ï ocare queno tuo masibea mua. ³⁹ Dios oca tutire queno ticõri rêoariti riasotia mua. Catitĩnare gaye buja ãmorã, itire riasotia mua. Yu gayereti gotia Dios oca. ⁴⁰ Ito bajibojarocati yure boca ãmi ãmobeaa mua. Yure mua boca ãmija, catitĩnare gaye bujarã yirãji mua.

⁴¹ ‘Masa yure ñna rucubutoni meje wadicu yu. ⁴² Muare ti masia yu. Ito bajiri, “Diore mairã meje ña mua”, yi ti masia yu muare. ⁴³ Yu Jacu ï rotirisena wadiru ña yu. Ito bajibojarocati yure boca ãmibeaa mua. Sĩgũ ï ãmoro bajiro ï wadija, ïreama boca ãmirã yirãji mua. ⁴⁴ Muamasi gãmeri rucuburejua ãmoboja mua. Dios sigũti ñami mani Uju. Ito bajibojarocati ïre cõdibiticõri muare ï wanuroca yibea mua. Ito bajiro bajirã ñari yure cuni tuorunubea mua. ⁴⁵ Yu Jacu riojo, “Ïnare seti ña”, yibicuja yu muare. Moisés ñayoruti ñaguĩji, “Muare seti ña”, yigu. Moisés ñayoru ï rotirisena suoriti, “Dios tu ejarã ya mani”, yi tuoãboja mua. ⁴⁶ Yu gaye ucayoni Moisés ñayoru. Ï ucarisere mua tuorunuja, yure cuni tuorunuboana mua. ⁴⁷ Ï ucagore gaye mua tuorunubeja, yure cuni tuorunumena yirãji mua, yiquĩ Jesús judio masare.

6

Cinco mil ñarãre Jesús ï ecare gaye

(Mt 14.13-21; Mr 6.30-44; Lc 9.10-17)

¹ Ito bajiro ï yija bero, itajura Galilea wame cutirita siduja jãa wacu gna Jesús rãca. Tiberias wame cuticu gaje itira wame. ² Cõrãre Jesús ï yisioja ticõri, ito yicõri tiyamani ï ïoja ticõri, jãjarã masa sũyacã guare. ³ Gaje ñujaju ejacõri, gaje buro maja wacu gna Jesús rãca. Itoju Jesús rãca rujicu gna ï rãca riasotirã. ⁴ Pascua basa judio masa ñna meniroti nocõ mejeti ruyacu. ⁵ Jãjarã masa Jesure ñna sũyaja ticõri, ado bajiro yiquĩ ï Felipere:

—Ñna masa jeyarore yiari, ¿no bare waja yirã yirãjida mani? yiquĩ Jesús Felipere.

⁶ “Ado bajiro yigu yigujaja yu”, yi masibojaguti, “No bajiro Felipe i cudija, tuocuja”, yirocu seniari seyoqui Jesús. ⁷ Ito yijare Felipe ado bajiro cudiqui:

—Doscientos niyeru kujirina naju yu waja yibojaja cuni, masa jeyarore tijabetoja, yiqui i Jesure.

⁸ Ito i yija tuocori, ado bajiro cudiqui gua raca gagu, Andrés wame cudigu. I cuni Jesús raca riasotiguti ñaquí. Iti ñaquí Simón Pedro ocabaji. Ado bajiro yiqui i:

⁹ —Ado ñami sigu macuacá, co djamocó cebada wame cutirise naju rucogu ito yicori wai jjará rucogu. Masa jjará ña ñajare tijado ma adi, yiqui Andrés.

¹⁰ Ito i yija:

—Masa jeyarore ruji rotiya, yiqui Jesús.

Ta quenarise jaje ñacu itojá. Ito bajiri cinco milcō umua rujicá ña. ¹¹ ña rujija ticori, i ya amona naju amiqui Jesús. “Queno ya Dios mu”, yicori, gua i raca riasotirare isiqui i. Guajua ito rujirare batocu ija. Waire cuni ito bajiroti batocu gua. Masa ña amorocōti isicu gua. ¹² Masa ña yajija ticori, ado bajiro yiqui Jesús guare:

—Ruyarise miojuya, iti godabe yirona, yiqui Jesús guare.

¹³ Cebada wame cutirise naju ruyarise jua gubojeno jiburi dajacu, gua bato ruarise.

¹⁴ Ito bajiro tiyamani Jesús i ijoja ticori, ado bajiro yicá masa:

—Riti, Diore busi isiri masu ñami ani, adi macarucurojore mani bocatiru, yicá masa.

¹⁵ “Yu amobitibojarocati yure ami wacori, cuto ujá yure cū amoama ana”, yi tuoicori, siguti turia joeja maja waqui Jesús.

Ide joe Jesús i ware gaye

(Mt 14.22-27; Mr 6.45-52)

¹⁶ Ito raijoja ticori, gua Jesús raca riasotirā itajuraju roja wacu. ¹⁷ Ito raitiaja tibojaguti gua tu tūdi ejabitiqui Jesús maji. Ito bajiri cumaju sājacōri jēa wasuocu gua, Capernaum wame cutiri cutoja ejarā warā. ¹⁸ Ito bajiro gua jēa waroca buto mino wēasuocu. Ito yicori jacūrise bucu, curise jacūcu. ¹⁹ Cinco, seis kilómetroco gua wa tujaroca, ide joe cūda wadicōri cuma tujá Jesús i wadija ticu gua. Ito bajijare ti ucacu gua ija. ²⁰ Gua ti ucaja ticori, ado bajiro yiqui Jesús:

—Yuti ña. Güibesa, yiqui Jesús guare.

²¹ Ito i yija tuocori, wanure raca boca amicū gua ire ija. Ito yija bero yoari mejeti gaje daja jēa ejacu gua, gua tuoia warojá.

Jesure masa ña amare gaye

²² Ito bero gaje rumu itajura gaje daja tujana, “Ñari cumanati wañi ña. Ito bajibojarocati Jesuama wabisí ña raca”, yicá ña. ²³ Ito bajiro ña baji ñaroca Tiberias cuto gāna gaje cumarina ejayjarā ña tu. “Queno ya Dios mu”, yi Jesús i gotiraju tu, ito yicori masa ña bagoraju tu ejayjarā ña. ²⁴ Itiju Jesús i manija ticori, gua i raca riasotirā gua manija ticori, iti cumarina Capernaumja ire amarā wayjarā ña.

Jesuti ñami catitñare gaye rucogu, yire oca

²⁵ Itajura sidujaju ejacōri guare ti bujacā ña ija. Jesure ti bujacōri ado bajiro ire seniācā ña:

—Guare riasogu, ¿nocāta ado ejari mu? yi seniācā ña Jesure.

²⁶ Ito bajiro ña yija tuocori:

—Riti muare gotia yu. Yaji quenaro babu mu, ito bajiri yure ama mu. Tiyamani yu iorise gaye ti masicōri meje yure ama mu. ²⁷ Bare jedirise gaye bujarona meje moaña mu. Bare jogarise gaye meje, catitñare gaye bujarona moaña mu. Yu ña Masa Rjorū, bare jogabiti gaye muare isirocu. “Ito bajiro i yitoni ire cūni Dios”, yure mu yi masiroca yami Dios, yiqui Jesús masare.

²⁸ Ito i yija ire seniācā ña:

—¿No bajiro Dios i amoro bajiro yirājida gua? yicā ña Jesure.

²⁹ ña ito yija tuocori, ado bajiro cudiqui Jesús:

—Dios i cōarure mu tuorñure amoami Dios, yiqui Jesús masare.

³⁰ Ito ï yijare:

—¿Ñe tiyamani guare ïogũ yigujada mu, itire ticõri mure gua tuorũnũtoni? ¿Ñe gaye guare ïogũ yigujada mu? ³¹ Mani ñicusabatia ñayoana yucu manojũ ña ucurã, manã wame cutirise bayijarã ña maji. Itire gotia Dios oca cuni. Tuote: “Ûmacũju gaye naju ñnare ecarocu queoñi Dios”, yi gotia Dios oca, yicã masa Jesure.

³² Ña ito yija tuocõri, cãdiquĩ Jesús:

—Riti muare gotia yu. Moisés ñayoru meje ñmacũju gaye naju ñnare ecañi. Yu Jacuti ñañi ñmacũju gaye naju ñnarisise ñnare ecaru. ³³ Naju ñmacũju gaye ñnarisise rucogu ñaguñi Dios ï cõaru. Naju ñnarisise rucocõri, masare catitĩñare ñsigũ yiguñi ï, yiquĩ Jesús masare.

³⁴ Ito ï yija:

—Gua Uju, iti naju catitĩñare gaye riti guare ecasotiya, yicã ña Jesure.

³⁵ Ito ña yija tuocõri, ado bajiro yiquĩ Jesús ñnare:

—Yuti ña naju ñnarisise rucogu, ito yicõri catitĩñare ñsigũ. No yure boca ñmigũti juaji ñiocõbicu yiguñi ï. Najuro babojarãti mucana tãdi ñiocõrã yirãji mu. Ide idibojarãti mucana tãdi idi ñmorã yirãji mu. No yure boca ñmigũti ñe gaje ñmobicu yiguñi. No yure tuorũnũgũti ñe gaje ñmobicõri queno wanu quenagũ yiguñi. ³⁶ “Yure tibojarãti, yure tuorũnũbea mu”, yiarĩ muare goticu yu. ³⁷ No yure boca ñmirãti, ña ñama yu Jacu yure ï ñsiana. No yure boca ñmi ñmogũre, ñre rëobicũja yu. “Yure boca ñmibesa mu”, yibicũja yu. ³⁸ Ûmacũjuna wadicõri, yu ñmoro bajiro yigu meje wadicu yu. Yure cõaru ï ñmoro bajiro yirocu wadicu yu. ³⁹ Ado bajiro ñmoami yu Jacu yure cõaru. Yure ï ñsiana, sũgũ ï godare ñmobeami ï. Sũsari rumu ña tãdi catiroca yu yire ñmoami ï. ⁴⁰ No yure boca ñmicõri, yure tuorũnũgũ ï catitĩñare ñmoami yu Jacu Dios. Ito bajiri yure tuorũnũrãre ña tãdi catiroca yigu yigũja yu sũsari rumu, yiquĩ Jesús masare.

⁴¹ Ito ï yija bero, ñre bũsitusuocã judio masa. “Yu ña naju ñnarisise rucocõri, ñmacũjuna wadiru”, Jesús ï yija tuocõri, ñre bũsitusuocã ña. ⁴² Ito yicõri, ado bajiro gãmeri bũsicã ña:

—¿Ñi Jesús, José macu meje ñati? ï jacure, ï jacore cuni ticu mani. ¿No yija ito bajibojaguti, “Ûmacũju gagu wadiru ña yu”, yati ï? yicã ña.

⁴³ Ito bajiro ña yija masicõri:

—Itocõ bũsitu jidicãña mu. ⁴⁴ Noa yure boca ñmimenaji, Yu Jacu yure cõaru yure ña boca ñmiroca ï yibeja. No yure boca ñmirãre sũsari rumu ña tãdi catiroca yigu yigũja yu. ⁴⁵ Diore goti ñsiri masa ña ucare ado bajiro gotia: “Masa jeyarore riasogu yiguñi Dios”, yi gotia iti. Ito bajiri no yu Jacu riasorise gaye tuorũnũrã, yure cuni boca ñmirã yirãji, yiquĩ Jesús judio masare.

⁴⁶ Gaje ado bajiro gotiquĩ Jesús:

—No yu Jacure tigu maquñi. Yu sũgũti ï tu wadiru ñari, ñre tigorũ ña yu. ⁴⁷ Riti muare gotia yu. No yure tuorũnũgũti catitĩñagũ yiguñi. ⁴⁸ Yu ña naju ñnarisise rucogu, ito yicõri catitĩñare gaye rucogu. ⁴⁹ Mani ñicusabatia yucu manojũ manã wame cutirise naju babojarãti goda jediñi ña. ⁵⁰ Muare yu bũsiriseama, naju ñmacũju gaye ruji wadirise gaye, muare bũsia yu. Yu rucorise najure bacõri, godamena yirãji. ⁵¹ Yuti ña, naju catitĩñare gaye rucocõri, ñmacũjuna ruji wadiru. No iti gaye naju bagu catitĩñagũ yiguñi. Muare yu naju ñsirise, yu ya rujuti ña. Masa jeyarore yiarĩ yu ya ruju ñsigũ yigũja yu, yiquĩ Jesús judio masare.

⁵² Ito ï yija tuocõri, ñnamasiti gãmeri bũsisuocã judio masa:

—¿No bajiro ï ya rujure manire ecagu yiguñida ï? yicã ña.

⁵³ Ado bajiro cãdiquĩ Jesús ñnare:

—Riti muare gotia yu. Yu Masa Rĩjorure yu ya ruju mu babeja, ito yicõri yu ya rĩ mu idibeja, catimena yirãji mu. ⁵⁴ No yu ya rujure bacõri, ito yicõri yu ya rĩre idigu catitĩñagũ yiguñi. Sũsari rumu tãdi ï catiroca yigu yigũja yu. ⁵⁵ Yu ya ruju iti ña bare ñnarisise. Ito yicõri yu ya rĩ iti ña idire ñnarisise. ⁵⁶ Yu ya rujure bagu, ito yicõri yu ya rĩre idigu, ï ya usijure ñagũ yigũja yu. Ito bajiri yure bajiroti usi cutigu yiguñi ï. ⁵⁷ Yu

Jacu yũre cõaru, catire rucogu ñami ï. Ito bajiri ñna suoriti catia yũ. Ito bajiroti, no yũre boca ãmigũ, yũna suoriti catigu yiguĩji ï. ⁵⁸ Ûmacũju gaye naju wadire gaye busia yũ. Iti gaye naju maná wame cutirise robo bajirise meje ña. Mani ñicusabatia maná wame cutirisere babojarãti goda jediñi ñna. No naju ñasarisere baguama catitĩñagũ yiguĩji ïocũ, yiquĩ Jesús judio masare.

⁵⁹ Capernaum wame cutiri cuto minijuara wijũ ito bajiro riasoquĩ Jesús masare.

Jesús ocare mani tuorũnũja catitĩñarã yirãji mani, yire gaye

⁶⁰ Ito bajiro riasore gaye Jesús ï busija tuocõri, jãjarã ïre suyãã ado bajiro gãmeri basicã ñna:

—Ito bajiro ï riasorise josari ña. Itire queno tuo masibea mani. Sĩgũjua itire boca ãmigũ mami, yicã ñna.

⁶¹ “Yũ riasorise tuocõri, tuoĩa bũjatobeama ñna”, yi masiri seyoquĩ Jesús. Ito bajiri ado bajiro ñnare yiquĩ ï:

—¿Ito bajiro mũare yũ riasorise tuoĩa bũjatobeati mũa? yiquĩ Jesús ñnare. ⁶² Yũ Masa Rĩjoru, ñmacũju yũ ñagoado mũcana yũ tũdi mũja waja, ¿no bajiro tuoĩarã yirãjida mũa?

⁶³ Espĩritu Santo ñami masa ñna catitĩñaroca yigu. Masama gãjerã ñna catitĩñaroca yi masimenaji ñna. Jĩju mũare yũ gotirise Espĩritu Santo riojo ï goticãrise ña. Itire mũa tuorũnũja, mũa catitĩñaroca yigu yiguĩji ï. ⁶⁴ Mũa coriarã, yũre tuorũnũmena ñarãji maji, yiquĩ Jesús ñnare.

Cajerojũti, “Ñna ñarã yirãji yũre tuorũnũmena. Ito yicõri ï ñagũ yiguĩji, yũ wajanare yũre ñna ñiatoni gotiri masũ”, yi masi yucãri seyoñi Jesús cajerojũti.

⁶⁵ Ado bajiro masare goti quenoquĩ Jesús:

—Espĩritu Santo ñami masa ñna catitĩñaroca yigu. Itire masicõri jĩju ado bajiro mũare gotibũ yũ: Noa yũre boca ãmimenaji, yũ Jacu yũre ñna boca ãmiroca ï yibeja, yibũ yũ, yiquĩ Jesús masare.

⁶⁶ Ito ï yija tuocõri, jãjarã ïre suyabojarã ïre jidicãcã ñna. Ito bajiri gũa rãca wa ucubiticã ñna ïja. ⁶⁷ Ito bajiro ñna bajija ticõri, gũa ï rãca riasotirã jua gũbojeno ñarãre seniñaquĩ Jesús:

—¿Mũa cũni yũre jidicã ãmoati? yiquĩ Jesús gũare.

⁶⁸ Ito ï yija tuocõri, ado bajiro cũdiquĩ Simón Pedro:

—Gũa Ëju, mũre gũa jidicãja, ¿ñimũ tu warã yirãjida gũa? Mũ ya oca ñna catitĩñaroca. ⁶⁹ Mũre tuorũnũcãcũ gũa. “Mũ ña Cristo, Dios catitĩñagũ Macu”, yi masia gũa mũre, yiquĩ Simón Pedro Jesure.

⁷⁰ Ito ï yija tuocõri, ado bajiro yiquĩ Jesús gũare:

—Mũa jua gũbojeno ñarãre besecãcũ yũ. Ito bajibojarocati mũa wato sũgũ ñami rũmũ yagũ, yiquĩ Jesús, gũare.

⁷¹ Ito bajiro ï busija, Judas Iscariote Simón macũre, yi tuoĩa busiquĩ Jesús. Jesús rãca riasotigu ñabojagũti Judas ñaqui Jesús wajana ïre ñiatoni gotiri masũ. Gũa jua gũbojeno ñarã rãca gagũ ñabojaquĩ Judas.

7

Jesús ocabajirã ïre ñna tuorũnũbitire gaye

¹ Ito yija bero mũcana Galilea sitaju wa ucucũ gũa Jesús rãca. Judea sitaju ña ãmobitiquĩ Jesús, iti sita gãna judio masa ïre ñna sĩa ãmojare. ² Chozas basa, judio masa ñna meniroti jabeto ruyacu. ³ Ito bajiri Jesús ocabaji mesa ado bajiro yicã ïre:

—Judea sitaju mũre suyãã jãjarã busa ñarãji. Ito bajiri ado tujabesa. Itoju wasa. Itoju tiyamani gaye mũ ïoja, tirã yirãji ñna cũni. ⁴ No masa ïre ti masire ï ãmoja, yeyoroju tiyamani yi ïobiquĩji ï. Masa tiro riojo ïogũ yiguĩji ï. Tiyamani gaye mũ yiado bajiroti masa jeyaro tiro riojo ïoja quena, yicã Jesús ocabaji mesa ïre.

⁵ ï ocabaji mesa cũni queno ïre tuorũnũbiticã ñna. ⁶ Ito bajiri ado bajiro yiquĩ Jesús ñnare:

—Judea sitaju yu waroto ejabea yure maji. Adocata cuni mua waja quenacda muareama. ⁷ Adi macarucuro gana muare ti tudimenaji. Yureama ti tudira yiraji. “Ñeñaro yira ña mua”, yu yijare, yure ti tera yiraji ina. ⁸ Basa titena muama. Yureama yu waroto ejabea maji, yiqui Jesus i ocabajare.

⁹ Ito bajiro Jesus i yija bero Galilea sitaju jabeto tujacu gua i raca maji.

İna basaroca Jesus i riasore gaye

¹⁰ İ ocabajira waja bero Jesus cuni basa tigu waquı. İre baba cuti wacu gua cuni. Buto masa ina tiro riojo meje ña ucuquı Jesus, basa tigu. ¹¹ Basa rumu naroca Jesure amabojaca judio masa. Ado bajiro yica ina:

—İ Noju ñaguıjida i? yi basicā ina.

¹² Basa rumu naroca, jajarā masa Jesus gaye basicā ina. Coriarā ado bajiro yica: “Queno yigu ñaguıji i”, yica coriarā. Gajerāma ado bajiro yica: “Queno yigu meje ñaguıji i. Masare ruogu ñaguıji i”, yica gajerā.

¹³ Judio masa ujarare guira, recoti i gaye busi joeobiticā ina.

¹⁴ Basa gudareco iti tujaroca Dios ya wi sajacu gua Jesus raca. Iti wiju sajacori, masare riasoquı Jesus. ¹⁵ İ riasoja tuo ucacori, ado bajiro yica judio masa ujarā:

—Riasotibitoru ñabojaguti, İno yija queno masiati ani? yica ina.

¹⁶ Ito bajiro ina tuoıaja ticori, ado bajiro yiquı Jesus inare:

—Yu riasorise yu ye meje ña. Yure caru gaye ña iti. ¹⁷ Dios i amoro bajiro mua yi amoja, “Dios gaye riasoami i, i gayeti riasoami i”, yi masira yiraji mua yure. ¹⁸ No i gayeti i busija, masa ina ire rucubore amoguıji. No ire caru gaye i busija, ire carujare masa ina rucubore amoguıji i. İ busirise riti naroja. Nejua reore oca manoja ire, yiquı Jesus masare.

¹⁹ “Moısıs ñayoru i rotire gaye muare cuni. Ito bajibojarocati mua sigıjua iti rotire gaye cudi jeobe muare. İno yija yure sia amoati mua?” yiquı Jesus masare.

²⁰ Ito i yija tuocori, ado bajiro cadicā masa ire:

—Rumu sañagı ña mu. Nimujua mre sia amoguı maquıji, yica ina Jesure.

²¹ İna ito yijare:

—Tujacara rumu naroca sigı cögure yu yisioja ticori, itire ti ucabu mua. ²² Moısıs ñayoru rıacare wiro tare gaye muare rotiıi i. İna suori meje iti rotire ñasuyija. İ riojua gana cuni ito bajiroti yijarā ina. Iti rotire muare ñajare, tujacara rumu ñabojarocati rıacare wiro ta mua. ²³ Moısıs ñayoru i rotirise cadirona tujacara rumu ñabojarocati rıacare wiro ta mua. Ito bajiri tujacara rumu ñabojarocati sigı cögure yu yisioja, İno yija yure junisiniati mua? ²⁴ Rocati queno tuoıa jeobitibojarati, “İre seti ña”, yibesa mua. “İre seti ña”, mua yi amoja, cajero queno tuoıa jeocori, “İre seti ña”, yija quena, yiquı Jesus masare.

Dios i caru ña yu, Jesus i yire gaye

²⁵ Ito i yija tuocori, Jerusalen gana inamasiti gameri seniıasucā:

—İ Ani meje ñati sıarona ina amagı? ²⁶ Ado mani jeyaro tiro riojo busi ñami i. Ito bajibojarocati sigı ire reogı mami. Ado gana ujarā mesa, “Cristo Dios i caru ñaguıji ani”, İyı tuoıarajida ina? ²⁷ “İti cuto gagu wadııi i”, yi masia mani. Cristoreama, i ejaja, “İto gagu wadııi i”, yi masimena yiraji mani.

²⁸ İna ito yija tuocori, Dios ya wiju riaso ñabojaru, oca seoro ado bajiro busiquı Jesus:

—İ Yure ti masiati mua? “İto gagu wadııı ñami i”, İyure yi masiati mua? Yuması meje wadicu. Dios yure i cıajare wadicu yu. Riojo gotigu ñami yure caru. İre ti masira meje ña mua maji. ²⁹ Yuma, ire masia. İ caru ña yu. Ito yicori, i tu wadııı ña yu, yiquı Jesus inare.

³⁰ Ito i yija tuocori, ire buto ñia amocā judio masa ujarā. Ito bajibojarocati sigı ire ñıagı maniquı. Dios i ñıarotiraju ejabiticu maji. Ito bajiri ñia masibiticā ina maji.

³¹ Gajerāma jajarā ire tuorıncā ina. Ito bajiri ado bajiro yica ina:

—Cristo Dios i caru ñaguıji ani. İ reoro tiyamani yigu maquıji, yica ina ire tuorınrā.

Fariseo gaye tʰoĩarã Jesure ãna ñia ãmore gaye

³² Jesús gaye masa ãna bʰusija, tʰoĩni fariseo gaye tʰoĩarã. Ito bajiri porecia masare, Jesure ñia rotiĩni fariseo gaye tʰoĩarã, ito yicõri paia ʰjarã cʰni. ³³ ãna ejaja ticõri, ado bajiro yiquĩ Jesús:

—Yure cõaru tu tʰudi wacu yiguja yʰ. Ito bajiri yoari mejeti masa tu ñagũ yiguja yʰ maji. ³⁴ Yure ãmabojarãti tʰudi yure bʰjamena yirãji mʰa. Yʰ ñarojʰ wa masimena yirãji mʰa, yiquĩ Jesús masare.

³⁵ Jesús ito ã yija tʰocõri, judio masa ãnamasiti gãmeri seniĩacã ãna:

—¿Nojʰ wacu yiguĩjida ãni, ãre mani ti bʰjabetojʰ? Mani masa sõjʰ wacõri griego masa rãca wʰsarã tu, wacu yiguĩji gajea. Ito yicõri, ãnare riasogʰ wacu yiguĩji gajea. ³⁶ “Yure ãmabojarãti yure bʰjamena yirãji mʰa. Ito yicõri yʰ ñarojʰ wa masimena yirãji mʰa”, ito bajiro ã yija, ¿no yireoni ñati iti? yì gãmeri bʰsicã ãna.

No yure senirãti catitiĩnare bʰjarã yirãji, yì Jesús ã riasore gaye

³⁷ Basa ñasʰsari rʰmʰ, iti rʰmʰ ñacu ñasari rʰmʰ. Iti rʰmʰ wʰmʰ rʰgũcõri, oca sãoro bʰsiquĩ Jesús:

—Sĩgũ ã idi ãmoja, ide senigũ yiguĩji. Iti bajiroti, no catitiĩnare gaye ã bʰja ãmoja, yʰ tu wadĩcõri seni ejagʰ yiguĩji. ³⁸ Ado bajiro gotia Dios oca. Tʰote mʰa: “Sĩgũ yure ã tʰorũnʰja, ã yʰ ʰsijʰ ide catitiĩnare gaye ide goje robo bajiro ã yʰ ʰsijʰ ãmabato ñaro yiroja”, yì gotia Dios oca, yì gotiquĩ Jesús masare.

³⁹ Iti gaye Jesús ã bʰsija, “Yure tʰorũnʰrãre ãna yʰ ʰsijʰ, Espĩritu Santo quedi sãjagũ yiguĩji ãnare”, yigʰ yiquĩ Jesús, ito bajiro ã bʰsija. Jesús ãmacũjʰ rʰcʰbʰorajʰ ã tʰudi ejabeja, Espĩritu Santore adi sitajʰ cõabisĩ Dios maji.

Ricati riti masa ãna tʰoĩare gaye

⁴⁰ Jesús ã bʰsija tʰocõri, ado bajiro yicã coriarã:

—Riti Diore goti ãsiri masʰ wadirʰ ñami ãni, yicã coriarã.

⁴¹ Gãjerãma ado bajiro yicã ãna:

—Cristo Dios ã cõaru ñami ãni, yicã ãna.

Gãjerãma ado bajiro yicã:

—¿Galilea gagʰ Cristo no bajiro ñaguĩjida? ⁴² Dios oca iti gotija, “David ʰjʰ ñayorʰ, janerãbatia janami, ñagũ yiguĩji Cristo. Ito yicõri David ñayorʰ robo bajiro Belén gagʰti ñagũ yiguĩji ã cʰni”, yì gotia Dios oca, yicã ãna.

⁴³ Ito bajiro Jesús gaye ãna bʰsija tʰocõri, ricati riti tʰoĩacã masa. ⁴⁴ Coriarã ãre ñia ãmbojacã. Ito bajibojarocati sĩgũ ãre ñiagũ maniquĩ.

ʰjarã Jesure ãna tʰorũnʰbitire gaye

⁴⁵ Jesure ñia masibiticõri, fariseo gaye tʰoĩarã ito yicõri paia ʰjarã tu cʰni tʰudi wacã porecia. Ñe manati ãna ejaja ticõri, ado bajiro ãnare seniĩayijarã ãna:

—¿No yija ãre ãmi wadibiti mʰa? yiyijarã ãna.

⁴⁶ Ado bajiro cʰdiyijarã porecia:

—Sĩgũjʰa ã robo bajiro bʰsirã masa manicã, yiyijarã ãna.

⁴⁷ Ito yijare, fariseo gaye tʰoĩarã ado bajiro yiyijarã:

—¿Ï rʰorisere ãre tʰori mʰa? ⁴⁸ Mʰa ʰjarã ña gʰa. Guama sĩgũ ãre tʰorũnʰgũ ma. ⁴⁹ Ado gãna masa Moisés ñayorʰ ã rotire gaye masibiticõri Jesure tʰorũnʰrãji ãnaõna. Ito bajiro ãna bajijare ãnare ruyuriogʰ yiguĩji Dios, yiyijarã fariseo gaye tʰoĩarã.

⁵⁰ Nicodemo ñamijʰ Jesure tigʰ ejarʰ, fariseo gaye tʰoĩagũ ñayijʰ ã cʰni. Ï baba mesare ado bajiro yiyijʰ ã:

⁵¹ —Ado bajiro bajaia mani rotirise: Cajero seti cutigure mani seniĩa tʰobeja, “Ïre seti ña”, yì masibeia mani, yì gotia mani rotirise, yiyijʰ Nicodemo ã baba mesare.

⁵² Ito ã yijare:

—¿Galilea sita gagʰ ñati mʰ cʰni? Dios oca tutire riasotiĩate mʰ. Itire mʰ riasotija bero, “Diore goti ãsiri masʰ Galilea wadirʰ macʰ yiguĩji”, yire gaye masigũ yigʰja mʰ cʰni, yiyijarã ãna, Nicodemore tudirã.

⁵³ Ito yija bero batacōri ñna ya wirijũ wasosayijarã ñna.

8

Romio gajeo manũju rãca ajegore gaye

¹ Cũtoju gũa tujaroca Jesuama Olivos wame cutiri buroju maja waquĩ. ² Gaje rũmu busuri, Dios ya wijũ gũa ñaroca tũdi ejaquĩ Jesús mũcana. Ī ejaja ticōri, jãjarã masa ĩ tũ minijuacã. ĩna minijuaja ticōri, eja rũjũquĩ ĩ ñnare riasorocũ. ³ Ito bajiro ĩ yiroca fariseo gaye tũoĩarã, bũcũrã rotirise riasori masa cũni ejacã. Sĩgõ romio gajeo manũju rãca ajegore ñna bũjarore ãmi ejacã ñna. Isore ãmi ejacōri, gũa riojo isore rojocã ñna. ⁴ Ito yicōri, ado bajiro Jesure yicã ñna:

—Riasogũ, adio romiore gajeo manũju rãca iso ajeroca ti bũjabũ gũa. ⁵ Moisés ñayoru ĩ rotire, ado bajiro rotia: Ito bajiro yigore gũtana rea sĩaña, ya iti. ¿Muãma no bajiro tũoĩati? yicã ñna Jesure.

⁶ “No bajiro manire ĩ cũdija tũona” yirona ito bajiro seniĩari seyocã ñna. “Manire ĩ cũdi masibeja, ĩre seti ña”, yi masirã yirãji mani, yi tũoĩari seyocã ñna. ĩna ito yija masicōri, jacajũ ñini rũjũcōri, ĩ ya ãmo wãsoana ucasũoquĩ Jesús. ⁷ ĩre ñna seniĩa ỹamũcutija tũocōri, wũmu rũgũquĩ Jesús ĩja. Ito yicōri ado bajiro ñnare yiquĩ:

—Mũa sũgũ ñeñaro yĩamena ñajama, isore cajero gũtana reaja quena, yiquĩ Jesús ñnare.

⁸ Ito bajiro yi tũogũ ñini rũjũquĩ Jesús mũcana. Ito yicōri, mũcana jacajũ ucaquĩ ĩ. ⁹ Ito ĩ yija tũocōri, “Mani sũgũ rũyabeto ñeñaro yirã riti ña mani”, yi tũoĩa masicã ñna. Ito bajiri bũcũrã budi wasũocã ñna. Ito yicōri, ñna ñarocōti budi jedicoacã ñna ĩja. ĩna budi jedija bero, romio riti ito tujacō Jesús tũ. ¹⁰ Ito yija Jesús wũmu rũgũquĩ mũcana. Romio sũgõreti ticōri, ado bajiro yiquĩ Jesús isore:

—Nomi, ¿noju ñati, “Isore seti ña”, mũre yirã? ¿Sũgũja, “Mũre seti ña”, yigu mati? yiquĩ ĩ isore.

¹¹ Ito ĩ yija bero cũdicō iso:

—Yũ ỹju, sũgũ mami, “Mũre seti ña”, yũre yigu, yicō iso Jesure.

Iso ito yija tũocōri, ado bajiro yiquĩ Jesús:

—Yũ cũni, “Mũre seti ña”, yibea. Wasa, mũcana tũdi ñeñaro yibeja ĩja, yiquĩ Jesús isore.

Yũti ña adi macãrũcũrore busurise rũcogu, Jesús ĩ yire gaye

¹² Mũcana masare gotigu, ado bajiro bũsiquĩ Jesús:

—Yũ ña busurise rũcogu, ito yicōri, adi macãrũcũrore busugu. Busurise rũcogu ñari adi macãrũcũro gãna ñna tũo masiroca ya yũ. No yũre sũyagũti rãitĩaroju wa ucubicũ yiguĩji. ĩre sãtitĩñagũ yiguĩja yũ, ĩ queno tũo masitoni. Ito bajiri yũre boca ãmicōri catitĩñagũ yiguĩji ĩ, yiquĩ Jesús.

¹³ Ito bajiro ĩ yija tũocōri, ado bajiro yicã fariseo gaye tũoĩarã:

—“Riti gotia yũ”, ya mũ, masa mũre ñna rũcũbuotoni. Ito bajiro mũ yibojaja, ñe waja ma iti. Rũogu ya mũ, yicã ñna Jesure.

¹⁴ ĩna ito yijare ado bajiro cũdiquĩ Jesús:

—Yũmasiti yũ gotirise ñabojarocati, riti ña yũ gotirise. Iti ña oca riojo ñasarise. Yũ masia yũ wadigoadoju. Ito yicōri yũ warotoju masia yũ. Mũama yũ wadigoadoju masibea. Ito yicōri, yũ warotoju cũni masibea mũa. ¹⁵ “Mũre seti ña”, yũre mũa yija, adi macãrũcũro gãna ñna tũoĩado robo bajiro ya mũa. Yũama, “Mũare seti ña”, yibea yũ. ¹⁶ “Mũare seti ña”, yũ yija, riojo mũare gotibogũja yũ. Masare ñna ñeñaro yirise yũ waja senija, yũ sũgũ meje senia yũ. Yũ Jacũ yũre seni rotigu, yũ rãcati senigũ yiguĩji ĩ. ¹⁷ Mũa bũcũrã rotirise ado bajiro ucare ña: “ĩre seti ña”, jũarã ñna yija, ñnare tũorũnũja quena, ya mũa bũcũrã rotirise. ¹⁸ “Riti gotia yũ”, ya yũ yũmasi cũni. Yũ Jacũ yũre cõarũ cũni, “Riti gotiami ãni”, yi goti ejabũami ĩ yũre yiari, yiquĩ Jesús ñnare.

¹⁹ Ito ĩ yija tũocōri, ado bajiro ĩre seniĩacã ñna:

—¿Noju ñati mũ Jacũ? yicã ñna Jesure.

Ito yijare cũdiquĩ Jesús:

—Yure ti masibea mua. Ito yicōri yu Jacure cuni ti masibea mua. Yure mua ti masija, yu Jacure cuni ti masiboana mua, yiqui Jesús ñnare.

²⁰ Dios ya wiju ñacōri ito bajiro masare riasoqui Jesús. Masa ñna niyeru sãra jedori tujã rügōcōri ito bajiro masare riasoqui Jesús. Ñre ñna ñiarotijã ejabiticã maji, ito bajiri sigũjua ñre ñiagũ maniqui.

Yu warotoju wa masimenaji mua, Jesús i yire gaye

²¹ Mucana masare gotigu, ado bajiro busiqui Jesús:

—Wacu ya yu. Yure amabojarã yirãji mua. Mua ñeñaro yirise jidicãmenati godarã yirãji muama. Ito bajiri yu waroju wa masimena yirãji mua, yiqui Jesús ñnare.

²² Ito i yija tuocōri, ado bajiro yicã judio masa:

—¿Imasiti sia godagu yati ñni? Ito bajiri, “Yu warotoju wamena yirãji mua”, yami i, yi gãmeri seniari seyocã ñna.

²³ Ñna ito yija tuocōri:

—Mua ado jaca gãna ña. Yuama umacũju gagu ña. Adi sita gãna ña mua. Yuama adi sita gagu meje ña. ²⁴ Ito bajiri, “Mua ñeñaro yirise jidicãmenati godarã yirãji mua”, yibu yu muare. “Iti ña yu”, yu yiro bajiro yure mua tuorũnubeja, mua ñeñaro yirise jidicãmenati godarã yirãji mua, yiqui Jesús ñnare.

²⁵ Ito i yija tuocōri, ado bajiro ñre seniãcã ñna:

—Ito yijama, ¿ñimujua ñasati mu? yicã ñna Jesure.

Ñna ito yija:

—“Iti ña yu”, yari muare goticãbojabu yu. ²⁶ Jaje muare gotiroti ñaboja yure. Ito yicōri, “Muare seti ña”, yu yi amoja, jaje gotiroti ñaboja yure. Yure cõarũ iti ñami riojo gotigu. Adi sita gãna masare yu gotirise, ñre tuocōri gotia yu, yiqui Jesús ñnare.

²⁷ Ito bajiro ñnare i busibojarcoti, “Mani Jacu Dios gaye busiami i”, yi masibiticã ñna.

²⁸ Ito bajiri ado bajiro ñnare gotiqui i:

—Yu ña Masa Rijoru. Yucutẽona yure mua muoja, “Dios Macu ña yu”, yu yiado bajiroti yure ti masirã yirãji mua. “Imasirio tuoĩacōri meje busiñi. I Jacu i riasoado bajiro riti busiñi”, yi masirã yirãji mua yure. ²⁹ Yure cõarũ yu rãcati ñami. Yu Jacu i wanurise gaye riti ya yu. Ito bajiri yure wagobitisotiami i, yiqui Jesús masare.

³⁰ Ito bajiro Jesús i yija tuocōri, jãjarã masa ñre tuorũnucã.

Dios rĩa meje ñama ñeñaro yirã, yire gaye

³¹ Ito bajiri, ado bajiro gotiqui Jesús, judio masare ñre tuorũnurãre:

—Yu busirise mua jidicãbeja, riti yu rãca riasotirã ñarã yirãji mua. ³² Ito bajiro yicōri, oca riojo ñasarise masirã yirãji mua. Oca riojo ñasarise tuocōri, mua ñeñaro yiriserẽ jidicãrã yirãji mua. Ito bajiri rãmũre moa isiri masa meje ñarã yirãji mua ña, yiqui Jesús.

³³ Ito i yija tuocōri:

—Abraham ñayoru janerãbatia ña guã. Rãmũre moa isiri masa ñabiti wadicu guã. ¿No yija, “Rãmũre moa isiri masa meje ñarã yirãji mua”, yati mu guare? yicã ñna Jesure.

³⁴ Ñna ito yija tuocōri:

—Riti muare gotia yu. No ñeñaro yirã rãmũã ujure moa isiri masa ñama ñnaõna. ³⁵ Sigũ macuacã i jacusabatia rãca ñaguñi. Sigũ ñre moa isiri masuama, i rĩa rãca ñagũ meje ñaguñi. Sigũ macu i jacu robo bajiro roti masigũ yiguñi. ³⁶ Dios Macu ñari roti masigũ ña yu. Ito bajiri rãmũã ujure moa isiri masa ñabitiroca muare yu yija, riti ñre moa isiri masa meje ñarã yirãji mua. ³⁷ “Abraham ñayoru janerãbatia ña mua”, yi masia yu muare. I janerãbatia ñabojarãti yu busirise tuorũnubiticōri, yure sĩa amoã mua. ³⁸ Cuna yure i iogore muare busia yu. Mua jacu i rotiado bajiro riti ya muama, yiqui Jesús ñnare.

³⁹ Ito i yija tuocōri, ado bajiro cudicã ñna:

—Guã ñicusabatia ñicu ñayoñi Abraham, yicã ñna, Jesure.

Ñna ito yija:

—Riti Abraham janerãbatia mua ñajama, i yiado bajiro yiyoana mua. ⁴⁰ Oca riojo ñasarise, Dios yure i riasoado bajiroti muare yu riasobojarcoti, yure sĩa amoã mua.

Abraham ñayoruama ito bajiro yibitiyoñi. ⁴¹ Yure mua sãa ãmoja, mua jacu ï rotiado bajiroti ya mua, yiquí Jesús ñnare.

Ito ï yija tuocõri:

—Jacu manoti gua jacosaromia bujana meje ña gua. Sīgũ ñami gua jacu. Ï ñami Dios, yicã ñna Jesure.

⁴² Ñna ito yija tuocõri, ado bajiro cudiquí Jesús:

—Dios tu wadicõri ado ña yu. Riti mua jacu Dios ï ñaja, yure maiboana mua. Yumasí meje wadicu yu. Dios yure ï cõajare wadicu yu. ⁴³ ¿No yija yu busirise tuo masibea mua? Yu busirise tuo ãmobeá mua. Ito bajiro itire tuo masibea mua. ⁴⁴ Mua jacu rãmúá ujũ ñami ï. Ito yicõri ï rãa ña mua. Ito bajiro ï ãmoro bajiroti yi ãmoa mua. Cajerojutí masare sãari masu ñañi rãmú. Oca riojo gotire wanũgũ meje ñami ï. Ito yicõri, cojirea riojo gotigũ meje ñami ï. Ruore oca ï gotija socagu ñari, ito bajiroti ruo gotiguñi ï. Ï ñami ruore jaigũ, ito yicõri ruore jacu. ⁴⁵ Mua jacu ï ñajare, oca riojo ñasarise yu muare gotibojaja, yure tuorũnubea mua. ⁴⁶ “Ado bajiro ñeñaro yicu mu”, yure yigu sīgũ mami mua rãca. Oca riojo ñasarise muare yu gotibojaja, ¿no yija yure tuorũnubea mua? ⁴⁷ Dios ñarã mua ñaja, recoti Dios ocare tuorũnrã yirãji mua. Dios ñarã meje ñari, yure tuo ãmobeá mua, yiquí Jesús ñnare.

Abraham ñayoru riojuajuti Cristo ï ñacãre gaye

⁴⁸ Ito yija ado bajiro cudicã judio masa:

—“Samaría sita gagũ, rãmú sãñagũ ña mu”, muare gua yija, riti ya gua, yicã judio masa Jesure.

⁴⁹ Ñna ito yija tuocõri:

—Ñejua rãmú sãñagũ meje ña yu. Yu Jacu Diore rucubuoá yu. Muama yure rucubuoá. ⁵⁰ Masa ñna yure rucubuoatoni wadiru meje ña yu. Sīgũ ñami masa ñna yure rucubuoá ãmogũ. Ï ñami yure rucubuoamenare ti masigũ, ito yicõri ñna ñeñaro yirise waja senigũ. ⁵¹ Riti muare gotia yu. No yu busirise tuorũnũgũ godabicu yiguñi. Dios rãca catitĩñagũ yiguñi, yiquí Jesús.

⁵² Ito ï yija tuocõri, ado bajiro yicã judio masa:

—Iti muare gua tuoja, “Riti rãmú sãñagũ ñami”, yi masia gua, muare ñja. Abraham ñayoru, Diore goti ñsiri masa ñayoana cuni goda jediñi ñna. “Yure tuorũnrã godamenaji”, yiboja mu. ⁵³ ¿Gua ñicusatia ñicu, Abraham ñayoru rëtoro ñasagu ñati mu? Ï cuni, Diore goti ñsiri masa cuni goda jedicoañi ñna. ¿Ñimu ña yu yati muáma? yicã ñna Jesure.

⁵⁴ Ñna ito yija tuocõri:

—Yumasiti, “Masa ñna rucubuoá ña yu”, yu yibojaja, ñe waja ma iti. Yu Jacu ñami yure rucubuoá, “Iti ñami gua yagu Dios”, mua yibojagu. ⁵⁵ Ñre queno masibea mua. Yuama ñre queno masia. “Ñre masibea yu”, yu yibojaja, mua robo bajiroti socagu ñaboruja yu cuni. Yuama, queno masisacõa ñre. Ï yiro bajiroti cudia yu. ⁵⁶ Mua ñicusatia ñicu Abraham ñayoru, “Co ramu eja yiguñi Cristo”, yirocu wanu yuñi. Adi sitaju yu eja ticõri, wanusacõquí ï, yiquí Jesús judio masare.

⁵⁷ Ito ï yija tuocõri, ado bajiro yicã ñna Jesure:

—Bucugu meje ña mu maji. Cincuenta rodori tujabea mu maji. Ito bajibojarocati, ¿no yija, “Abraham ñayoruare ticu yu”, yati mu? yicã ñna.

⁵⁸ Ñna ito yijare:

—Riti muare gotia yu. Abraham ñayoru ï ñaroto riojuaju, ñacãcu yu, yiquí Jesús ñnare.

⁵⁹ Ito ï yija tuocõri, gũta ãmicã ñre rearona. Ñna ito yijare, “Ito baja”, yi masia manoti ñna watoti budicoaquí Jesús, Dios ya wire budigo wacu.

9

Cajea macu rujeare Jesús ï yisioare gaye

¹ Ito yija bero busa Jesús rãca gua rũgõ ucuroca sīgũ cajea macu rujeare ti bujaquí Jesús. ² Gua Jesús rãca riasotirã ado bajiro seniãcu Jesure:

—Guare riasogu, ¿no yija cajea macu rujeayijari ãni? ¿Ï jacusabatia ña ñeñaro yire waja ito bajiro rujeayijari ï? ¿Ïmasi ñeñaro yire wajati bajiyijarite? yicu gua Jesure.

³ Ito bajiro gua yijare:

—Ïmasi ñeñaro yire waja meje, ito yicõri ï jacusabatia ña ñeñaro yire waja meje ito bajiro rujeañi ãni. Dios ï masirise masa ña titoni, ito bajiro rujeañi ãni. ⁴ Ñmua ña maji. Ito bajiri yure cõaru ï rotiado bajiroti moagũ ya yu. Yoari mejeti rãioro yiroja. Noajua moa masimena yirãji itocõ. ⁵ Busurise rucogu ña yu. Ito bajiri adi macãrucõro yu ñaroca, masa ña tuo masiroca ya yu maji, yiqui Jesús.

⁶ Ito bajiro yi tãocõri, jacaju go eocũqui ï. Sitare jabeto ide yiqui ï itina. Ito yicõri, cajea macure itina tuqui ï, ï ya cajeare. ⁷ Ito bajiro yi tãocõri, ado bajiro rotiqui cajea macure:

—Siloé wame cutirita masa ña guaritaju wasa. Itoju ejacõri, mu ya cajeare gõna coeba, yiqui Jesús cajea macure. “Cõaru”, yireoni ña Siloé wame.

Jesús ï gotija tuocõri, ï gotiro bajiroti coegu waqui cajea macu. Ï coe tãoja bero tãdi ejaqu ticoaqui ï ïja. ⁸ Ï ñarã, ïre tigoana cuni ado bajiro yicã ña:

—“Yure ti maicõri, yure jabeto ïsiña”, ¿yi rujicacu meje ñati ãni? yicã ña.

⁹ —Ïti ñami, yicã coriarã.

—Ï meje ñami. Ï robo bajiguti ñami ñarea, yicã gãjerã.

Ña ito yija tuocõri, ïmasiti ado bajiro yiqui:

—Ïti ña yu, yiqui ï.

¹⁰ Ito ï yijare, ado bajiro ïre seniãcã masa:

—¿No bajiro yicõri, cajea tiati mu? yicã ña ïre.

¹¹ Ña ito yijare:

—Sĩgũ Jesús wame cutigu ï ya go idena sita ide yicõri, yure cajea tumi ï. Iti tuocõri, ado bajiro rotimi yure: “Siloé wame cutirita wacõri, coeba”, yimi yure. Itira ejacõri yu ya cajea gõna coebu yu. Ito bajiro yu yirocati ruyucoaju yure, yiqui ï.

¹² Ito ï yija tuocõri, ado bajiro ïre seniãcã masa:

—¿Noju ñaguñjida mure ito bajiro yiru? yicã ña.

Ña ito yija tuocõri:

—Ba, masibea yu, yiqui cajea macu ñagoru.

Cajea macure ña seniã josare gaye

¹³ Ito ï yija tuocõri, fariseo gaye tuoñarã ture cajea macu ñabojare ãmi wacã ña.

¹⁴ Ï ya go idena cajea macure Jesús ï yisiora rumu, tujacãra rumu ñacu. ¹⁵ Cajea macu ñabojare ña ãmi ejaja ticõri, ado bajiro ïre seniãyijarã fariseo gaye tuoñarã:

—¿No yicõri cajea tiati mu macana? yiyijarã fariseo gaye tuoñarã.

Ito bajiro ña seniãaja tuocõri:

—Go idena sitare ide yicõri, yu ya cajeare tuqui ï. Iti yu coeja bero tia yu ïja, yiyiju ï.

¹⁶ Ito ï yija:

—Mure ito bajiro yiru, Dios yagu meje ñañi. Tujacãra rumure rucububobisi ï, yiyijarã ña.

Gãjerãma ado bajiro yiyijarã:

—Ñeñaro yigu ï ñaja, tiyamani yibitiboru ï, yiyijarã gãjerã.

Ito bajiri ricati riti tuoñayijarã ña fariseo gaye tuoñarã. ¹⁷ Ito yijare macana tãdi seniãyijarã ña, cajea macu ñagorure:

—¿Muãma no bajiro tuoñati, mu cajea tiroca yirure? yiyijarã ña.

Ña ito yija tuocõri:

—Diore goti ïsiri masu ñaguñji, ya yuama, yiyiju ï.

¹⁸ “Cajea macu rujearu macana tãdi cajea tiru ñami”, yi amobisijarã ña judio masa ujarã. Ito bajiri cajea macu jacusabatiare ji ñucayijarã ña. ¹⁹ Ña ejaja ticõri, ado bajiro ñare seniãyijarã ña:

—¿Mu macuti ñati ãni, cajea macu rujearu? ¿No yija cajea macu ñabojaruti adocãta tiati? yiyijarã ña, ï jacusabatiare.

²⁰ Ìna ito yija tʉocõri, ado bajiro cʉdiyjarã ìna:

—Gua macu, cajea macu rujearu ti ñami ãni. ²¹ Ito bajiro ì tija, ito yicõri ìre cajea tiroca yirure masibea gua. Ìre seniãaite mua. Bucugũ ñami ìja, ìmasiti gotigũõcũ ñami, yiyijarã ì jacusabatia.

²² Judio masa ɛjarãre gũirã, ito bajiro yiyijarã ì jacusabatia. “Jesús ñami Cristo, Dios ì cõaru”, yirãre rëorã ya mani mɛcana minijuara wiju ìna sãjame yirona, yi tʉoĩa yucãiyjarã judio masa. ²³ Ito bajiri ìnare gũirã, “Bucugũ ñami, muamasiti ìre seniãaña”, yiyijarã cajea macu ñabojaru jacusabatia.

²⁴ Ìna ito yija tʉocõri, cajea macu ñabojaru je ji ñucayijarã judio masa ɛjarã mɛcana:

—Dios ì tiro riojo, riojo guare gotiya. “Mure yisioru, ñeñaro yi jaigu ñaï”, yi masia guã, yiyijarã ìna.

²⁵ Ìna ito yija tʉocõri:

—“Ñeñaro yigu, ñeñaro yigu meje ñaguïji”, yi masibea yu. Adi riti masia yu, cajea macu ñacu yu maji. Adocãtama yu cajea tia ìja, yiyiju ì.

²⁶ Ito ì yija tʉobojarãti mɛcana tʉdi seniãayijarã ìna:

—¿No bajiro mure yicati ì, mu titoni? yiyijarã ìna ìre.

²⁷ Ìna ito yijare:

—Mure goticãbojabu yu. Yure tʉorũnubea mua. ¿No yija mɛcana tʉdi gotire ãmoati mua? ¿Mua cuni ìre oca tʉo sɛya ãmoati? yiyiju ì judio masa ɛjarãre.

²⁸ Ito bajiro ì yija tʉocõri, ìre busi tudiyijarã ìna:

—Ìre oca sɛyagu ya mu. Moisés ñayoru ocare sɛya guama. ²⁹ “Moisés ñayoru busiñi Dios”, yi tʉoĩa gua. Mure yisiorureama masibea gua. “Ito gagu ñaguïji ì”, yi masibea gua ìreama, yiyijarã ìna.

³⁰ Ìna ito yija tʉocõri, cʉdiyiju ì:

—Yu ya cajea ì yisioru ñabojarocati, “Ito wadiru ñaguïji ì”, yi masibea mua. Mua ìre ti masibea bujatobea yu. ¿No yija ìre ti masibea mua? Mua ìre ti masibea queno tʉo masire ma yure. ³¹ “Ñeñaro yirãre tʉobiquiji Dios. Ìre rucubucõri, ì ãmoro bajiro yirãre riti tʉogu yiguïji Dios”, yi tʉoĩa mani. ³² “Cajea macu rujearu ì tiroca yini sigũ”, yire gaye tʉoya manicu. ³³ Ìni yure yisioru, Dios tu wadiru meje ì ñaja, yure no yibitoru, yiyiju ì.

³⁴ Ito ì yijare:

—Ñeñaro yi jaigu rujearu ña mu. “Ìnare riasocɛja yu”, ¿yi tʉoĩati mu, guare? yiyijarã ìna cajea macu ñabojaru.

Ito yicõri, ìre bucõayijarã ìna, ìna minijuari wiju ñagũre.

“Dios oca tʉorũnũmena cajea mana robo bajirã ñama”, yire gaye

³⁵ Cajea macu ñabojaru ìna bucõare gaye tʉo bujacu gua Jesús rãca. Ito bajiri ìre ti bujacõri, ado bajiro ìre yiqui Jesús:

—¿Dios Macure tʉorũnũati mu? yiqui Jesús ìre.

³⁶ Ito ì yija:

—Yu ɛju, yure gotiya. “Ì ñami”, yiya yure, ìre tʉorũnũrocɛ ya, yiqui ì Jesure.

³⁷ Ito ì yija, ado bajiro ìre cʉdiqui Jesús:

—Ìre ticãcu mu. Adocãta mu rãca busigu, ìti ña yu, yiqui Jesús ìre.

³⁸ Ito ì yija tʉocõri, Jesús riojo rijomunigãna ñini rũjũquĩ ì, ìre rucubucõgu. Ito bajiro yicõri:

—Mure tʉorũnũna yu ɛju yu, yiqui ì.

³⁹ Ito yija bero, ado bajiro yiqui Jesús masare:

—“Ìna ñama yure cʉdirã. Ìna ñama yure cʉdimena”, yi busirocu wadiru ña yu. Cajea mana robo bajirã ñama Dios oca tʉo masimena. Ito bajiri ìnare ìna tʉo masiroca yigu yigũja yu. “Queno masirã ña gua”, yibojarãreama, ìna tʉo masibitiroca yigu yigũja yu. Ito bajiri tʉo masibiticõri, cajea manare bajiro bajirã ñarã yirãji ìna, yiqui Jesús ìnare.

⁴⁰ Ito ì yija tʉocõri, ito ñarã coriarã fariseo gaye tʉoĩarã seniãacã ìna Jesure:

—“Tuo masibiticōri, cajea manare bajiro bajirã ña mua”, ¿yati mu guare? yicã ña Jesure.

⁴¹ Ña ito yija:

—Tuo masimena mua ñaja, seti cutirã meje ñaboana mua. “Queno masirã ña gua”, mua yire waja, seti cutirã ña mua, yiquĩ Jesús ñare.

10

Ovejare coderi masa oca

¹ Mucana masare riasosmogũ ado bajiro yiquĩ Jesús:

—Riti muare gotia yu. No oveja ña ñari sãnimu ña ya soje sãjabicu, gaje dũja jore sãjagũ ruocōri rinigũ ñami ñocũ. ² Ña ya soje sãjagũama, ñare tirũnucōri codegu ñami. ³ Ovejare tirũnuri masu ñ sãjatonu ñre soje jana ñsigũ yiguĩji soje coderi masu. Ñ sãjaroca ñ ya ocare tuo masirã yirãji ñ ya oveja. Ñ ya ovejajũare ti masicōri, wamena ñare ji bucōagũ yiguĩji ñ. ⁴ Ñare bucōa jeocōri, ña riojua ñare tũa ũmatãgũ yiguĩji ñ. Ñ ya ocare tuo masicōri, ñre suyara yirãji ña. ⁵ Ñ oca ña tuo godu weobejama ñre suyamena yirãji ña. Ñ ya ocare tuo masibiticōri, ñre rudirã yirãji ña, yiquĩ Jesús masare.

⁶ Riasore oca ñare goti masioquĩ Jesús. Ito bajibojarocati itire tuo masibiticã ña.

Bũto masare codegu ñami Jesús, yire gaye

⁷ Ito yija mucana tũdi gotiquĩ Jesús ñare:

—Riti muare gotia yu. Yu ña soje, oveja ña sãjari soje bajiro bajigu. ⁸ Yu riojua wadiana ñarocōti, ruori masa ito yicōri riniri masa cuni ña ña ña ña. Ito bajiri yu ya oveja mesare tuorũnubisijarã. ⁹ Yu ña soje bajiro bajigu. No yuna suoriti sãjagũ, ñre masogũ yigũja yu. Ado bajiro bajigu yiguĩji ñocũ: Oveja ña ñari sãnimũju sãjacōri, mucana tũdi, budi, yi ñagũ, ñagũ yiguĩji ñocũ. Queno wanũ quenagũ yiguĩji ñ. Ito yicōri, quenari wese ñ baroti bũjagu yiguĩji ñ. Ito bajiro bajirã ñarã yirãji yũre boca ãmirã. Ñare tirũnugũ yigũja yu.

¹⁰ Riniri masu ñ ejaja, rinicōri sãgũti ejaqu yiguĩji ñ. Ito yicōri, ruyurioguti ejaqu yiguĩji ñocũ. Yuama masa ña catitĩñaroca yigu wadiru ña yu. Ito yicōri, ñe ruayabeto queno ña ñaroca yigu wadiru ña yu. ¹¹ Yu ña ovejare queno coderi masu. Yũre tuorũnrãma yu ya oveja bajiro bajirã ñarã yirãji. Yu ya oveja bajiro bajirãre goda ñsirocũ ñacã yu. ¹² Sãgũ waja bũjarocũ ñ moaja, queno oveja coderi masu meje ñaguĩji ñocũ. Buyairo ñ ejaja ticōri, ovejare wagogũ yiguĩji ñ. Ñ ya oveja meje ña ñajare, ñare wagogũ yiguĩji ñ. Ito bajiri buyairo ejaçōri, ovejare ñiagũ yiguĩji, ito yicōri ñare ño bategu yiguĩji ñ. ¹³ Waja bũjarocũ riti sãgũ ñ moaja, ovejare wagogũ yiguĩji ñ, ñ ñarã meje ña ñajare. Ñare maigũ meje ñari ñare ñ wagoja no yimenaji ñre, yi riasoquĩ Jesús masare.

¹⁴⁻¹⁵ Yu ña ovejare queno coderi masu. Yu Jacu yũre ñ masiro bajiroti, yu cuni ito bajiroti ñre masia. Ito bajiroti yu ya ovejare ti masia yu. Ñajua cuni ito bajiroti yũre ti masiama ña. Yu ya ovejare goda ñsirocũ ñacã yu. ¹⁶ Adi sãnimu gãna meje ñama gãjerã yu ya oveja. Ña ñama gãjerã masa. Ñare cuni ãmigũ yigũja yu. Ña cuni yũre cudirã ñama ña. Co rãmũ co sãnimuti ñarã yirãji ña. Ito yicōri, yu sãgũti ñagũ yigũja ñare coderi masu, yiquĩ Jesús masare.

¹⁷ Godagũ yigũja yu, mucana tũdi catirocũ. Ito bajiro yu yijare yu ñarã catitĩñarã yirãji Dios rãca. Ito bajiri yu Jacu bũto yũre maiami. ¹⁸ Masama yũre sãamena yirãji. Yũmasiti yu ãmoro bajiroti masare yari goda ñsigũ yigũja yu. Masare yari yu goda ñsi ãmoja, iti ña yu ãmoro bajiro yu yiroti. Ito yicōri, mucana tũdi yu cati ãmoja cati masigũ ña yu. Ito bajiro yu yi masitonu yũre cũquĩ yu Jacu, yiquĩ Jesús masare.

¹⁹ Ito bajiro ñ yija tuocōri, judio masa ujarã ricati riti tuoĩacã ña ñja. ²⁰ Coriarã jãjarã ado bajiro yicã:

—Rũmũ sãñagũ, mecũri masu ñ ñabojarocati, ¿no yija masa ñre tuorũnuati? yicã ña.

²¹ Gãjerãma ado bajiro yicã ña:

—Rũmũ sãñagũ ñ ñaja, ito bajiro bũsibitiborũ ñ. Ito yicōri, rãmũ sãñagũ ñ ñaja, cajea mana ña tiroca yibitiborũ, yicã ña.

Jesure judio masa ña ãmobitire gaye

²² Iti rãmari juebucã ñacã. Jerusalénju Dios ya wi cajero ña cudabiare basa, muncanã tãdi tuoïarã basa menicã ña. ²³ Ide ñuraju roca, Salomón wame cutiri ñajajure Dios ya wiju sãja wacu gua Jesús rãca. ²⁴ Ito bajiro gua baji ñaroca Jesure gãni biacõri, ñe seniãcã judio masa:

—¿Nocãta, “Í meje ñami í. Íti ñami”, mure yi masirã yirãjida gua? Cristo Dios í cõaru mã ñaja, adocãtati riojo guare gotiya, yicã ña Jesure.

²⁵ Ña ito yija tuocõri, ado bajiro cudiquí Jesús:

—Mure goticãbojacã yã. Ito bajibojarocati yure tuorũnũbiticã mã. Yã Jacã í rotirisena jaje mure ñobojacã yã. Itire ticõri, “Íti ñami”, yi masirũbojacã mure. ²⁶ Yã ya oveja meje ñari, yure tuorũnũbea mã. Canã mure yã goticato bajiroti bajia. Yã ñarã meje ñari, yure tuorũnũbea mã, ya yã mure. ²⁷ Oveja ña uju ocare ña tuo masiro robo bajiro, yã ñarã yure tuo masiama ña. Yã cuni ñare ti masia. Ito yicõri yure sũyarã yirãji ña. ²⁸ Ña catitĩñaroca ya yã. Ito bajiri coji godacoa yimenaji ña. Sĩgũjua yã rucorãre ãmabicã yiguĩji. ²⁹ Ñare yã rucotoni yure cũquí Cuna. Nijua í rãtoro sãogũ maquĩji. Ito bajiri sũgũjua yã rucorãre ãma masigũ maquĩji ñja. ³⁰ Yã, ito yicõri yã Jacã rãca riti ña gua, yiquí Jesús judio masare.

³¹ Ito yija muncanã ñe rearona gãta ãmicã ña. ³² Ña ito yija ticõri, ado bajiro yiquí Jesús ñare:

—Yã Jacã í masirisena suoriti jaje mã tiro riojo quenarise yibojacã yã. ¿Disejua queno yã yire waja yure gãta rearã yirãjida mã? yiquí Jesús ñare.

³³ Í ito yijare ado bajiro cudicã judio masa:

—Mã queno yire wajare meje mure gãta rearã yirãji gua. Mã ya ocana Diore mã busiture waja mure rearã yirãji gua. Gua robo ãmũgũ ñabojaguti, “Dios ña yã”, yiboja mã, yicã ña Jesure.

³⁴ Ña ito yijare Jesús ado bajiro yiquí:

—“Yã bajiroti bajirã ña mã cuni”, yĩni Dios, yi ucare ña mã ñicũsabatia ña rotire. ³⁵ “Dios oca riojo ñasarise ña”, yi tuoïa mani. Í oca tuorũnũanare, “Yã bajiroti bajirã ña mã cuni”, yĩni Dios í oca tutina. ³⁶ Yure besecõri adi sitaju yure cõaquí Dios. Ito bajiri, “Dios Macã ña yã”, yã yijare, ¿no yija, “Diore busitua mã”, yati mã yure? ³⁷ Yã Jacã í yiro bajiro yã yibeja, yure tuobesa. ³⁸ Yã Jacã í yiro bajiro yã yija, yure tuorũnũbitibojarãti, yã yigore ticõri, “Riti gotiami”, yi tuoïarũja mure. Ito bajiri, “Yure bajiroti usi cutigu ñami yã Jacã. Yã cuni ñe bajiroti usi cutia”, yã yija, “Riti gotiami”, yi masirũja mure coji busati, yiquí Jesús ñare.

³⁹ Ito í yija tuocõri, muncanã ñe ñia ãmbojacã ña. Jesujãama rudicoaquí.

⁴⁰ Rudi wacõri, Jordán wame cutirisa sidũja waquí Jesús muncanã. Ñe baba cuti wacu gua cuni. Itoju ejacõri, Juan í idé gu ñacatiju tujaquí Jesús. ⁴¹ Jãjarã masa ñe tirã ejacã. Ñe ticõri, ado bajiro yicã ña:

—Tiyamani ñobitibojaguti, ñni gaye í gotire gaye, riti gotiñi Juan, yicã masa.

⁴² Itoju Jesús ñaroca jãjarã ñe tuorũnũcã masa.

11

Lázaro í godare gaye

¹ Sĩgũ ñañi ñarise cõgũ. Í wame cutiquí Lázaro. Í ñarã romia ñacã María, gajeo Marta. Ña ñacã Betania gãna. ² Iso María ñacõ Jesús ya gũbore queno suti quenarise jio gugoro. Jiocõri iso ya joana weja carogoro ñacõ iso, Lázaro ocabajio. ³ Lázaro í cõja ticõri, í ñarã romia Jesure oca cõañi ña:

—Gua Hju, mã baba Lázaro cõ ñami, yi oca cõañi ña Jesure.

⁴ Iti oca tuocõri ado bajiro yiquí Jesús guare:

—Adi ñarise ñre ruyuriobetoja. Godarocũ meje cõ ñaguĩji ñ. Ado robojũa bajaia. “Rẽtoro ñasagu ñami Dios, ito bajiroti rẽtoro ñasagu ñami Dios Macũ cũni”, masa ñna yi rũcũbuotoni, cõ ñaguĩji Lázaro, yiquĩ Jesús.

⁵ Lázaro, ñ ocabajirã romia María, Martare cũni tũo maiñi Jesús. ⁶ “Cõ ñami Lázaro”, yire oca tuobojaguti wabitiqũĩ Jesús maji. Gũa ñariju jua rũmu ñacõacu gũa Jesús rãca maji. ⁷ Jua rũmu bero gũa ñ rãca riasotirãre ado bajiro yiquĩ Jesús:

—Ita mũcana Judea sitaju. Lázaro ñ ñaroju wato mani, yiquĩ Jesús gũare.

⁸ Ito ñ yija tuocõri:

—Canũ busati itojũ gãna judio masa mũre gũtana rea sĩa amobojani ñna. ¿Itoju tũdi ware tuoĩati, gũare riasogu mũ? yi seniĩacu gũa Jesure.

⁹ “Yũre ñna sĩarotijũ ejabea maji”, yirocũ ado bajiro cũdiquĩ Jesús gũare:

—Ëmũa co ãmũa doce hora busurise ña. Ito bajiri sĩgũ ñ wa ucuja juatabiquĩji iti busujare. Macãrucũro busurise iti ñajare ti masigũ yiguĩji. Ito bajiri juatabiquĩji ñ ãmũa ñajare. ¹⁰ Ñami ñ wa ucuja juatagu yiguĩji, busurise iti manijare, yiquĩ Jesús gũare.

¹¹ Itire goticõri mũcana gaje gotiquĩ Jesús gũare:

—Mani baba Lázaro canicoaguĩji. Ito bajiri ñre yujiogu wajũ yũ, yiquĩ Jesús.

¹² Ito ñ yija tuocõri:

—Gũa Ëju, ñ canija quena ña ñre. Tujacoagu yiguĩji ñ, yicũ gũa Jesure.

¹³ “Canigũ yiguĩji”, Jesús ñ yija, “Wũjore, yiguĩji Jesús”, yire masicũ gũa. Ito bajiro gũa tuoĩabojarocati, Jesuama, “Godacoami”, yireoni yigũ yĩni ñ. ¹⁴ “Yũre queno tũo masibeama ñna”, yi tuoĩacõri, riojo gũare gotiquĩ Jesús ñja:

—Lázaro godacoami ñja. ¹⁵ Queno yiguti ñ tũju ñabisija yũ. Ito bajicõri yũre tuorũnũrã yirãji mũa. “Riti Dios Macũ ña mũ”, yũre yi rũcũbuorã yirãji mũa. ñ tu ita ñja, yiquĩ Jesús gũare.

¹⁶ Sĩgũ Jesús rãca riasotigũ, gũa rãca gagũ Tomás wame cutiquĩ. “Sũrũaru”, yicũ gũa ñre. Ado bajiro yiquĩ ñ, gũajuare:

—Ita mani cũni. Jesús rãcati godana mani cũni, yiquĩ Tomás gũa ñ baba mesare.

Yũ ña masa tũdi catiroca yigũ, Jesús ñ yire gaye

¹⁷ Betaniaju gũa ejaroca, “Juaria rũmũri tũja Lázarore ñna yujeja bero”, yicã masa, gũare gotirã. ¹⁸ Jerusalén rocajũa busa ñacu Betania. Coji cõre gũdarecõcõ ñacu Betania.

¹⁹ Ito bajiri jãjarã Jerusalén gãna judio masa ejacã Lázaro ñ godaja otirã. “Bũjato bajaia, mũa rĩjorũ ñ godaja”, yi María, Martare cũni guaãagõ otirã ejacã ñna. ²⁰ “Wadiami Jesús”, yire oca tuocõri, ñre bocago ejacõ Marta. Marĩama ejabiticõ. Wijũ ñacõani iso. ²¹ Jesús tũju ejacõri ado bajiro yicõ Marta:

—Yũ Ëju, mũ ita rũmu busa ado mũ ñajama, bai godabitiborũ ñ. ²² “Ñ godaja bero ñabojarocati, no Diore mũ senija, ito bajiroti mũre ñsigũ yiguĩji Dios”, yi tuoĩa yũ, yicõ Marta Jesure.

²³ Iso ito yija tuocõri:

—Mũ rĩjorũ tũdi catigũ yiguĩji, yiquĩ Jesús isore.

²⁴ Ito ñ yija:

—Riti gotia mũ. Sũsari rũmu masare tũdi ñna catiroca Dios ñ yiri rũmu, tũdi catigũ yiguĩji bai, yi tuoĩa yũ, yicõ Marta Jesure.

²⁵ Iso ito yija tuocõri, ado bajiro yiquĩ Jesús:

—Yũ ña tũdi masa ñna catiroca yigũ. Ito yicõri yũti ña catitĩñare rucogu. No yũre tuorũnũgũti catitĩñagũ yiguĩji. Godabojaguti tũdi catigũ yiguĩji ñocũ ñja, yiquĩ Jesús isore.

²⁶ Mũcana tũdi yũ ejari rũmu, yũre tuorũnu ña yucãrã catitĩñarã yirãji ñna. Godamenaji ñna. ¿Itire tuorũnũati mũ cũni? yi seniĩaquĩ Jesús Martare.

²⁷ Ito ñ yija tuocõri:

—Yũ Ëju, mũ yiro bajiroti bajaia. Mũti ña Cristo, Dios ñ cõaru. Mũti ña Dios Macũ, adi macãrucũroju wadirũ. Itire tuorũnũa yũ, yicõ iso Jesure.

Lázaro ya masari cuma tũ Jesús ñ otire gaye

²⁸ Iso ito yija bero iso rĩjoro Maríare jigo wacõ Marta. Iso tũ ejacõri, ado bajiro Maríare goti rudyijo iso:

—Manire riasori masũ ito ñami. “Wadijaro”, yimi mũre, yiyijo Marta iso rĩjorore.

²⁹ Iso ito yiroca riti wũmũcõri, Jesure tigo wadiñi María. ³⁰ Cũtoju ejabiticũ gua Jesús rãca maji. Marta iso bocacatojuti ñacũ gua maji. ³¹ María rãca ñañi judio masa, iso yagũ godajare otirã. Ejori iso wũmũ waja ticõri, isore sũya wadiñi ñna cũni. “Masari cumaju otigo wagõji”, yi tũoĩari seyoñi ñna.

³² Gua tũ ejacõri Jesús riojo rijomunigãna ñini rũjũcõ María. Ito yicõri ado bajiro ñre bũsicõ iso:

—Yũ Hju, mũ iti rũmũ busa mũ ado ñajama, bai godabitiboru, yicõ iso Jesure.

³³ María iso otija ticõri, iso rãca wadiana judio masa ñna otija ticõri, bojori bũjaquĩ Jesús cũni. Ito bajiri ñ ya usijũ buto bojori bũja ñaqui Jesús. ³⁴ Ado bajiro ñnare seniãaquĩ Jesús:

—¿Noju ñre yujeri mũa? yi seniãaquĩ Jesús.

Ito ñ yija tũocõri:

—Adojua tigu waya mũ, yicã ñna Jesure.

³⁵ ñna ito yija tũocõri, otiquĩ Jesús ñja. ³⁶ Jesús ñ otija ticõri, ado bajiro yicã judio masa: —Tite mũa. Lázaro buto tuo mairi seyoami ñ, yicã ñna.

³⁷ Gãjerã coriarãma ado bajiro yicã ñna:

—Cajea tibicũre yisiogu ñabojaguti, ¿no yija Lázaro ñ godabitiroca yibisijari ñ? yicã ñna coriarã.

Lázaro tũdi ñ catiroca Jesús ñ yire gaye

³⁸ Mũcana Jesús bojori bũjaguti eja rũgũquĩ, masari cuma tũju. Gũta toti ñacũ godarũre ñna cũraju. Iti soje gũtana biare cuticũ. ³⁹ Ito yija ado bajiro rotiquĩ Jesús:

—Itiga gũtagã ãmigoya, yiquĩ Jesús.

Ito ñ yija tũocõri, ado bajiro yicõ Marta, godarũ ocabajio:

—Jũaria rũmũri tũja ñ godaja bero. Bũoro ñniguñi ñja, yicõ iso Jesure.

⁴⁰ Iso ito yibojarocati:

—Yũre mũ tuorũnũja, rẽtoro ñnasarise Dios gaye tigo yigoja mũ, mũre gotibũ yũ, yiquĩ Jesús isore.

⁴¹ “Gũtagã ãmicãña”, Jesús ñ yija tũocõri, gũtagãre ãmigocã masa. Ito yija macãrũcũro-jũare ti mũocõri, ado bajiro yiquĩ Jesús:

—Cũna, queno ya mũ. Yũre tuoã mũ. ⁴² Yũ masia, coji rũyabeto yũre tuosotia mũ. Ito bajibojarocati adi sita gãna mũre ñna tuorũnũtoni, ñna tiro riojo mũ rãca bũsia yũ. “Dios ñ cõarũ ñami ñni”, ñna yitoni, mũ rãca bũsia yũ, yiquĩ Jesús, Diore bũsigũ.

⁴³ Iti goti tĩogũti awasãquĩ Jesús ñja:

—Lázaro, budĩ waya adojuã, yiquĩ Jesús.

⁴⁴ ñna yujebojaruti budiquĩ Lázaro ñja. ñ ya ricari, ito yicõri ñ ya rujure cũni sayana dũrea biarũ ñaqui ñ. Gũbori cũni, ñ ya rijoga cũni saya werona biarũ ñaqui. Ruyubicũ ñaqui ñ. Ito bajiri ado bajiro masare rotiquĩ Jesús:

—Ñre õjaña, ñ watoni, yiquĩ Jesús.

Jesure ñnaronã ñna cũnĩre gaye

(Mt 26.1-5; Mr 14.1-2; Lc 22.1-2)

⁴⁵ Ito bajiro Jesús ñ yija ticõri, jãjarã judio masa Maríare baba cutiana Jesure tuorũnũcã ñna ñja. “Riti Dios ñ cõarũ ñami ñni”, yi tuorũnũcã ñna ñja. ⁴⁶ Gãjerãma fariseo gaye tũoĩarãre tirã wacã ñna. ñna tũju ejacõri, Jesús ñ ñogore ñnare gotiyijarã ñna. ⁴⁷ ñna ito yijare, fariseo gaye tũoĩarã, paia ujarã rãca, ujarã ñnasarã rãca minijuayijarã. Ito yicõri ado bajiro bũsiyijarã ñna:

—¿No bajiro yirũjati mani? Jaje tiyamani ñogũ ñami ñni. ⁴⁸ ñre mani camotabeja, masa jeyaro ñre tuorũnũrã yirãji. ñna ito yija ticõri, mani ya minijuara wire ruyuriorã wadirã yirãji romano masa. Ito yicõri manire cũni ruyuriorã wadirã yirãji ñna, yi gãmeri bũsiyijarã ñna.

⁴⁹ Iti rodore paia ɥɔɔ Caifás wame cɔtigɔ ñaquĩ. Ìnare ado bajiro gotiyijɔ ì:

—Masirã meje ña mɔa. ⁵⁰ Sīgũ mani jeyarore yiari ì goda ìsija quena. Mani jeyarore ìna ruyurioja quenabetoja, yiyijɔ Caifás.

⁵¹ Paia ɥɔɔ ñari, ìmasirio tɔoĩacõri meje yiyijɔ Caifás. Ì masia mani ito bajiro ì busiroca yiyijɔ Dios ìre. Ito bajiro ì busija, ijajɔ bajiroti gaye busiyijɔ ì. “Judio masa ñajedirore goda ìsigũ yiguĩji Jesús. ⁵² Ìnare riti meje goda ìsigũ yiguĩji ì. Dios ì beseana di sita gãna ruyabeto manire goda ìsigũ yiguĩji ì. Sīgũ riare bajiro mani ñatoni manire goda ìsigũ yiguĩji Jesús”, yigɔ bajiro yiyijɔ ì Caifás. ⁵³ Iti rumurinati, “¿No bajiro Jesure s̄arɔjati mani?” yi busi ñayijarã judio masa ɥjarã.

⁵⁴ Ito bajiri masa ìna tiro riojo wa ucubitiquĩ Jesús ìja. Judea sita Jesús ì wagoja, ìre sɔya wacɔ gɔa cɔni. Efraín wame cɔtiri cɔto wacɔ gɔa. Yucɔ mano tɔjɔ ñacɔ ito cɔto. Itojɔ tujacɔ gɔa Jesús rãca.

⁵⁵ Yɔ ñarã judio masa pascua basa ìna menirotto jabeto ruyayijɔ. Ito bajiri masa jãjarã wayijarã Jerusalénjɔ. Pascua basa riojɔa ìna ñeñaro yirise coe rotirã ejayijarã ìna. ⁵⁶ Itojɔ ejacõri, Jesure ãmabojayijarã ìna. Dios ya wijɔ ejacõri ado bajiro gãmeri seniñayijarã ìna:

—¿No bajiro tɔoĩati mɔa? ¿Basa tigɔ ejagɔ yiguĩjida mɔaca? Ejabicɔ yiguĩji gajea, yi gãmeri busiyijarã ìna.

⁵⁷ Fariseo gaye tɔoĩarã, paia ɥjarã cɔni, “Jesure mɔa ti bujaja, gɔare gotiba. Ìre ñiarona ya gɔa”, yi gotiyijarã ìna masare.

12

Jesús ya gɔbore s̄tirise María iso jio gure gaye

(Mt 26.6-13; Mr 14.3-9)

¹ Coga ãmojeno rumuri pascua basa ìna menirotto riojɔa Betania wame cɔtiri cɔtojɔ wacɔ gɔa Jesús rãca. Iti cɔto ñacɔ Lázaro ì ñaro. Ito ñacɔ Lázarore mɔcana tɔdi ì catiroca Jesús ì yirajɔ. ² Jesús ì ejaja ticõri, ìre r̄ucubɔorã ìre bare meni ìsicã Lázaro ì ocabajirã romia. Marta ñacõ gɔare bare jeogo. Lázaro cɔni gɔa rãca ba rujiqũ ì. ³ Gɔa baroca úye queno s̄ti quenarise nardo wame c̄tirise ãmi ejacõ María. Co coacõ ñacɔ ito. Buto waja c̄tirise ñacɔ. Itina Jesús ya gɔbore jio gucõ iso. Ito yicõri iso ya joana weja carocõ iso. Wi dajaroti s̄ti dajacoacɔ ito s̄tirise. ⁴ Itojɔ ñaquĩ Judas Iscariote. Ì cɔni gɔare bajiroti Jesús rãca riasotigɔ ñabojajuĩ. Ì ñaquĩ Jesús wajana ìre ñiatoni gotiri masɔ. Jesús ya gɔbore iso jio guja ticõri, ado bajiro yiquĩ Judas:

⁵ —Ìti úye queno s̄ti quenarise ìsicõri, trescientos niyeru cujiri ãmirɔjaboyija mɔ. Iti waja bujacõri bojoro bujarãre ejabuarɔjaboyija mɔ, yiquĩ Judas.

⁶ Bojoro bujarãre tɔo maigũ meje yiquĩ ì, ito ì yirise. Riniri masɔ ñari ito bajiro yiquĩ ì. Ì ñaquĩ gɔa ya niyeru awiruca seori masɔ. Iti awiruca gɔa s̄arisere ãmisotiñi ì. ⁷ Ito yija ado bajiro yiquĩ Jesús ìre:

—Usirio codebesa isore. Yɔre ìna yujerotire tɔoĩa yugo ito bajiro yamo iso. ⁸ Mɔa rãca riti ñatĩnarã yirãji bojoro bujarã. Ito bajiri ìnare ejabuatĩnarã yirãji mɔa. Yɔama mɔa rãca ñatĩñabicɔ yigujɔ. Ito bajiri mɔa rãca yɔ ñaroca maji yujɔare ejabɔaja quena, yiquĩ Jesús ìre.

Lázarore s̄ia ãmorã ìna cɔnĩre gaye

⁹ “Betaniajɔ ñaguĩji Jesús”, yire oca, jãjarã tɔoĩni judio masa. Jesure riti tirã meje ejacã ìna. Lázarore tɔdi ì catiroca Jesús ì yirure tirã rãcati wadiñi ìna. ¹⁰ Ito bajiro masa ìna yija ticõri, Lázarore cɔni s̄iare cɔnicã paia ɥjarã. ¹¹ Lázaro ì tɔdi catija ticõri, paia ɥjarãre jidicã wacã masa. Ito yicõri Jesure tɔor̄unucã ìna ìja. Ito bajijare Lázarore cɔni s̄ia ãmoĩni paia ɥjarã.

Jerusalénjɔ Jesús ì ejare gaye

(Mt 21.1-11; Mr 11.1-11; Lc 19.28-40)

¹² Ito bero gaje ruma, “Ado ejagu yiguji Jesús”, yire oca tuo jedicā masa. Īna ñacā Jerusalénju pascua basa tirā ejana. ¹³ Ito bajiri Jesure boca āmirona rujaño caeri āmicā ĩna. Ito yicōri ado bajiro awasācā ĩna, ĩre wanurā:

—Rētoro ñasagu ñami Dios. Ī cōarure queno yijaro Dios. Gua Israel gāna Ūju ñarocure queno yijaro Dios, yi awasācā ĩna, ĩre wanurā.

¹⁴ Burro wame cutigure bujacōri, muja jeaquī Jesús. Ito bajiroti yi gotia Dios oca cūni. Tuote mua:

¹⁵ Mua Sión cuto gāna, güibesa. Mua Ūju ñarocu burro joe jesa wadiami, yi gotia Dios oca.

¹⁶ Cajero queno tuo masibiticu gua Jesús rāca riasotirā maji. Ūmacūju Jesure rucubhoraju ĩ mujaja bero, “Riti gotia Dios oca. Jeyaro iti gotiado bajiroti rētacu”, yi masicu gua ĩja.

¹⁷ Masa jājarā ticā masari cumaju ñagū Lázarore tūdi ĩ catiroca Jesús ĩ yija. Ī catija tigoana ñari masa jeyarore goti batoñi ĩna. ¹⁸ Ito bajiri, “Tiyamani gaye, ĩoami Jesús”, yire oca tuocōri, Jesure tirā masa jājarā ejacā. ¹⁹ Ito bajiro masa ĩna yija ticōri, fariseo gaye tuoñarā ĩnamasiti gāmeri busiyjarā:

—Tiya, masa jeyaro ĩ ocare tuo sūya wama ĩja. No yiado ma manire, yiyjarā fariseo gaye tuoñarā.

Griego masa Jesure ĩna āmare gaye

²⁰ Basa ñaroca Jerusalénju Diore rucubhorā wana rāca wusayjarā coriarā griego masa.

²¹ Felipere oca seniñarā wayjarā ĩna. Galilea sita Betsaida wame cutiri cuto gagu ñaquī Felipe. Ado bajiro Felipere yiyjarā ĩna:

—Jesure ti āmosacōa gua, yi josayjarā ĩna Felipere.

²² ĩna ito yija tuocōri, Andrésre gotigu wayiju Felipe. Ito bajiri ĩna jūarā Jesure gotirā ejacā gua taju. ²³ ĩna oca gotija tuocōri, ado bajiro yiquī Jesús ĩnare:

—Yu ña Masa Rijoru. Ūmacūju rucubhoraju yu tūdi mujarotiju ejacoaju ĩja. Yure ĩna sīarotiju ejacoaju ĩja. ²⁴ Riti muare gotia yu. Trigo aje queno carabetoti jacaju iti quedija, judibetoja. Queno caracōri iti quedija, jaje judiro yiroja mucana. Godacōri mucana tūdi catiado bajiro bajia iti. ²⁵ No ĩ catirise maibojaguti godagu yiguji. Ito yicōri Dios tu ejabiquji ĩ. No adi macārucūroju ĩ ñarise maibicūama godabicu yiguji. Catitñare gaye bujagu yiguji ĩocūama. ²⁶ No yure moa ĩsi āmogū, yure sūyaja quena. No yu ñaroti, ito ñagū yiguji yure moa ĩsigū cūni. No yure moa ĩsigūre rucubhogu yiguji yu Jacu, yiquī Jesús ĩnare.

Yure sīarā yirāji, Jesús ĩ yi gotire gaye

²⁷ ĩ Jacure busigu ado bajiro yiquī Jesús:

—Buto tuoia oca jaia yu. “Cuna adocāta yure rētaroti gaye, iti yure rētame yirocu yure masoña”, ¿yirujati yu? Meje ito bajiro yibicūja yu. Itire tōbujarocu wadiru ña yu. ²⁸ Cuna, mu āmoro bajiroti rētajaro, masa mure ĩna rucubhotoni, yiquī Jesús, Diore busigu.

Ito ĩ yirocati, ūmacūju oca ruyucu:

—Masa yure ĩna rucubhoroca yicācu yu. Mucana tūdi ĩna rucubhoroca yigu ya yu, yire oca ruyucu ūmacūju.

²⁹ Gua iti oca tuocōri:

—Bujo ñaru, yicu gua coriarā. Gājerāma:

—Ángel busiru, yicā ĩna.

³⁰ Ito bajiro masa ĩna yija tuocōri, ado bajiro yiquī Jesús:

—Yure yiari meje oca ruyubu. Muare yiari, mua tuotoni oca ruyubu. ³¹ Adocāta adi macārucūro gānare Dios ĩ beserotiju ejacoaju ĩja. Ito yicōri, adi macārucūro gānare ñeñaro yi rotigure, ĩre bucōagū yiguji Dios. ³² Masa yucutēoju yure ĩna muo rūgōja, jājarā yure ĩna boca āmiroca yigu yigūja yu, yiquī Jesús masare.

³³ “Ito bajiro godagu yiguji”, masa ĩna yi tuo masitoni, ito bajiro gotiquī Jesús ĩnare.

³⁴ Ito ĩ yijare, ado bajiro cūdicā masa:

—Gua masa bucūrã papera tuti iti gotija, “Catitiñagũ yiguĩji Cristo”, yi gotia iti. ¿No yija, “Masa Rijorũre mũorã yirãji ñna”, yati mũ? ¿Ñimũ ñati Masa Rijorũ? yicã ñna Jesure.

³⁵ Ñna ito yijare ado bajiro cãdiquĩ Jesús:

—Yũ ña busurise rucogũ, mũa tuo masiroca, mũa ti masiroca cuni yigũ. Yoari mejeti mũare wagogũ yigũja yũ. Yũ waroto riojũa mũare riasogũ ya yũ maji. Ito bajiri mũa rãca yũ ñaroca riti queno riasotiya mũa. Ito bajiro mũa yija queno tuo masirã yirãji mũa. Ito yicõri ñeñaro yimenaji mũa. No rãitĩarojũ wacũ, “Ito wagũja yũ”, yi masibicũ yiguĩji. Ito bajiro yibojama ñeñaro yirã. ³⁶ Yũ ña busurise rucogũ. Yũre tuorũnũña mũa, mũa rãca yũ ñaroca riti maji. Yũre mũa tuorũnũja, queno tuo masirã yirãji. Ito yicõri yũ ñarã ñatĩñarã yirãji, yiquĩ Jesús masare.

Ito bajiro masare ñ gotija bero, gua masibetojũ wa godacoaquĩ Jesús ñja.

Judio masa Jesure ñna tuorũnũbitire gaye

³⁷ Jaje tiyamani masa ñna tiro riojo ñ ñojojarocati, ñre tuorũnũbiticã masa. ³⁸ Ñna Jesure tuorũnũbeja, Isaías ñayorũ ñ ucado bajiroti rãtacũ. Ado bajiro ucayoñi ñ:

Gua Ujũ, gua gotirise sigũ tuorũnũgũ mami. Ito yicõri, mũ ñorisere sigũ tuorũnũgũ mami, yi ucañi Isaías ñayorũ.

³⁹ “Dios ñ cõarũre tuorũnũmena yirãji masa”, yirocũ ado bajiro ucañi Isaías ñayorũ:

⁴⁰ Ñna tibitiroca yigũ yiguĩji Dios. Ito yicõri ñna ya usijũ ñna tuo masibitiroca yigũ yiguĩji Dios. Ito bajiri ñna ya cajeana ti masimena yirãji ñna. Ñna ya usina queno tuo masimena yirãji ñna. Ito yicõri, Dios ñ cõarũre tãdi yisio rotimena yirãji ñna, yi ucañi Isaías ñayorũ.

⁴¹ Isaías ñ cãirojũ, bũto Cristo ñ ñasarise tiyijũ ñ. Ito bajiri iti gaye ucayoñi ñ.

⁴² “Ito bajiro bajirã yirãji”, Isaías ñ yire ñabojarocati jãjarã judio masa Jesure tuorũnũcã. Ñna ujarã cuni coriarã Jesure tuorũnũcã. Masa ñna tuoro riojo, “Jesure tuorũnũgũ ñna yũ cuni”, yibiticã ñna. “Fariseo gaye tuoñarã manire bucõarã yirãji ñna”, yirona gotibiticã ñna. ⁴³ Dios gaye rãto busaro, masa gaye rucũbuore ñmocã ñna.

Yũ ocare tuorũnũbitianare ruyuriogũ yiguĩji Dios, Jesús ñ yire gaye

⁴⁴ Gua tũ tãdi ejacõri, ado bajiro masare oca sãoro busiquĩ Jesús:

—Yũre tuorũnũrã, yũre riti meje tuorũnũrã yirãji. Yũ Jacũ yũre cõarũre cuni tuorũnũrã yirãji. ⁴⁵ Yũre mũa tija, yũre cõarũre cuni tia mũa. ⁴⁶ Yũ ña busurise rucogũ. Yũre tuorũnũrã rãitĩarojũ ñna ñame yirocũ, adi macãrucũrojũre wadicũ yũ. ⁴⁷ Yũ ocare tuobojaguti, yũre ñ tuorũnũbeja, yũ meje ña ñre ruyuriorocũ. Adi macãrucũro gãnare ruyuriorocũ meje wadicũ yũ. Masare masorocũjũa wadicũ yũ. ⁴⁸ Yũre rucũbuobiticõri, yũ ocare tuorũnũbicũre, ruyuriorocũ sigũ ñacãguĩji. Yũ ocare ñ tuorũnũbiti waja susari rũmũ ñre ruyuriogũ yiguĩji Dios. ⁴⁹ Yũmasirio meje busia yũ. Yũ Jacũ yũre cõarũ, yũ busiroti, yũ riasoroti cuni yũre cũcãquĩ ñ. ⁵⁰ “Yũ Jacũ ñ rotirise gaye ñna tuorũnũja, catitiñarã yirãji ñna”, yi tuoña yũ. Yũ busija, yũ Jacũ ñ rotiado bajiroti busia yũ, yiquĩ Jesús masare.

13

Ñ rãca riasotirã ya gũbori Jesús ñ coere gaye

¹ Pascua basa ñaroto riojũa, “Yũ adi macãrucũrore wagocõri yũ Jacũ tũ yũ waroto ejacojũ ñja”, yi tuoñari seyoñi Jesús. Adi macãrucũro gãnare ñ ñarãre maisotiquĩ Jesús. “Riti mũare bũto maisacõa yũ”, yi ñorocũ, goda ñsirocũ ñacãñi Jesús.

² Gua basusaroca Judas Iscariote Simõn macũre ñ ya usijũ ñacãri seyoñi rũmũ. Judas ya usijũ ñacõri, “Jesús wajana ñre ñna ñiatoni gotiba”, yi ñari seyoñi rũmũ Judasre. ³ Ado bajiro yi tuoñari seyoñi Jesús, “Dios yagũ wadirũ ña yũ, ito yicõri ñ tũ tãdi wacũ yigũja yũ. Yũ roti masitoni yũ Jacũ ñ cũrũ ña yũ”, yi tuoñari seyoñi Jesús. ⁴ Gua basusa ñaroca bare jeoado tũ rujigũ wũmũ rũgũquĩ Jesús. Joegado ñ sãñaro ruacõri, toallana ñ ya jeragajũ wẽo taquĩ. ⁵ Ito yicõri rujatẽrojũ ide jioquĩ. Ito yicõri gua ya gũbori coesũoquĩ Jesús. Coe tĩocõri toalla ñ wẽo tarona gua ya gũbori caroquĩ ñ.

⁶ Simón Pedrore gũbo ĩ coegu wagu yiroca ado bajiro yiquĩ Simón Pedro ĩre:

—¿Yũ Ƴju, yũ ya gũbore coegu yati mũ? yiquĩ Pedro.

⁷ Ito ĩ yijare cãdiquĩ Jesús:

—Adocãta mũa ya gũbori yũ coerise queno tuo masibeã mũa maji. Ija co rãmũ masirã yirãji mũa itire, yiquĩ Jesús.

⁸ Ito ĩ yibojarocati:

—Yũ ya gũbore coebicu yigũja mũ, yiquĩ Pedro Jesure.

Ito ĩ yijare:

—Mũ ya gũbori yũ coebeja yũ rãca gagũ meje ñagũ yigũja mũ, yiquĩ Jesús Pedrore.

⁹ Ito ĩ yija tũocõri, cãdiquĩ Pedro:

—Mũ ito yija, yũ ya gũbori riti meje coeya. Yũ ya ãmo cãni, yũ ya rijoga cãni coeya, yiquĩ Pedro Jesure.

¹⁰ Ito ĩ yija tũocõri, ado bajiro cãdiquĩ Jesús:

—Gua tũocãrũre jeyaro rujuri coere ma. Gũbori riti coeja quena. Ƴeri mana bajiro bajirã ña mũa. Ito bajibojarocati sīgũ ñami mũa rãca gagũ Ƴeri jaigũ bajiro bajigũ, yiquĩ Jesús gũare.

¹¹ “Í ñami yũre ñna ñiatoni gotiri masũ”, yi masicõri, “Mũa jeyaro meje Ƴeri mana ña mũa”, yiquĩ Jesús gũare.

¹² Gũa ya gũbori coe tũogũ joe ĩ sãñaro sãñaquĩ Jesús mũcana. Bare jeodo tũ rujicõri ado bajiro yiquĩ ĩ mũcana gũare:

—¿Mũare gũbori yũ coerise tuo masiati mũa? ¹³ “Gũare riasogu, gũa Ƴju”, ya mũa yũre. Ĩti ña yũ. Ito bajiro yũre mũa yija quena ña. Riojo ya mũa. ¹⁴ Yũ mũa Ƴju, mũare riasogu ñabojaguti mũa ya gũbori yũ coeja, mũamasi cãni gãmeri gũbori coeja quena. ¹⁵ Yũ yiro bajiro mũa yitoni mũare ĩocãmũ yũ. ¹⁶ Riti mũare gotia yũ. Sīgũ moa ĩsiri masũ ĩ Ƴju rãtoro ñasabiquĩji ĩ. Sīgũ gãji cõarũ ĩ ñaja ĩre cõarũ rãtoro ñasabiquĩji ĩ. ¹⁷ Iti yũ busirise tũocõri, ito yicõri itire mũa queno cãdija, wanũ quenarã yirãji mũa, yiquĩ Jesús, gũare.

¹⁸ Mũcana gaje ado bajiro gotiquĩ Jesús gũare:

—Mũa jeyarore tũoĩagũ meje busia yũ. “Ína ñama yũ beseana”, yi masia yũ. Dios ĩ busigore rãtoro ya. Ado bajiro gotia iti ĩ oca tutina: “Yũ rãca bagũ ñabojaguti yũre jidicãgũ yiguĩji”, yi gotia Dios oca. ¹⁹ Iti rãtoro riojua mũare gotia yũ. Ito bajiri iti rãtaja ticõri, “Dios cõarũ ña yũ”, yũ yiro bajiro yũre tũorũnrã yirãji mũa. ²⁰ Riti mũare gotia yũ, Yũ cõanare boca ãmirã yũre cãni boca ãmirã yirãji. Noa yũre boca ãmirã yũre cõarũre cãni boca ãmirã ñama ñnaõna, yiquĩ Jesús gũare.

Yũre ñna ñiatoni yũ wajanare gotigũ yiguĩji Judas, Jesús ĩ yire gaye

(Mt 26.20-25; Mr 14.17-21; Lc 22.21-23)

²¹ Ito bajiro ĩ yija bero, ĩ ya usiju buto tuoĩa bojori bũjaquĩ Jesús. Queno riojo gũare gotigũ ado bajiro yiquĩ ĩ:

—Riti mũare gotia yũ. Yũre ñna ñiatoni yũ wajanare gotigũ yiguĩji mũa rãca gagũ, yiquĩ Jesús gũare.

²² Ito ĩ yija tũocõri, gũa ĩ rãca riasotirã gũamasiti gãmeri ticũ. “Íre busiguĩji”, yi masibiticũ gũa. ²³ Yũ ĩ rãca riasotigure buto maiquĩ Jesús. Ito bajiri gũa basusacati rãmũ ĩ tũ ba rujicu yũ. ²⁴ ¿Ñimũre tũoĩagũ busiati mũ? yi Jesure yũ seniĩatoni yũre ti ñucaquĩ Simón Pedro. ²⁵ Ito ĩ yija ticõri, Jesús tũ bũsa eja rũjũcõri, ĩre seniĩacu yũ:

—Yũ Ƴju, ¿ñimũjũa ñati mũre oca menirocũ? yicu yũ Jesure.

²⁶ Ado bajiro cãdiquĩ Jesús yũre:

—Najuro yosecõri, yũ ĩsigũ, ĩ ñagũ yiguĩji, yiquĩ Jesús yũre.

Ito bajiro ĩ yija bero, Judas Iscariote Simón macũre ĩsiquĩ ĩ. ²⁷ Iti naju ĩ boca ãmirocati rãmũa Ƴju Satanás sãjacoari seyoquĩ Judas ya usiju. Ito bajijare ado bajiro yiquĩ Jesús ĩre:

—Yũre mũ oca meni ãmorise cojisiti wacõri oca meniña, yiquĩ Jesús Judasre.

²⁸ ĩ rãca ba rujicãna gũa sīgũjũa ito bajiro ĩ busirisere tuo masibiticũ gũa. ²⁹ Gũa ya niyeru awirucare tirũnũgũ ñaquĩ Judas. Ito bajiri, “Basa rãmũ ñaroca mani baroti waja

yitēña”, yiguñji Jesús, yire masicū gña. “Bojoro bujarāre niyeru ĩsitēña”, yiguñji gajea, yire masicū gña.

³⁰ Naju Jesús ĩ ĩsirise boca bacōri, wacoaquĩ ĩ ĩja. Ito bajiro ĩ yiroca ñamijū ñacoacū ĩja.

Mame rotire gaye

³¹ Judas ĩ wagoja bero ado bajiro yiquĩ Jesús guare:

—Ũmacājū, yū Masa Rĩjorū, yūre rūcuburojū ware ejacoajū ĩja. Yūre rētaroti gaye ticōri, Diore rūcuburōrā yirāji masa. ³² Diore masa ĩna rūcuburōroca yū yija, yūre cūni ĩna rūcuburōroca yigū yiguñji Dios. Yoari mejeti ito bajiro yigū yiguñji Dios. ³³ Yū rĩa robo bajirā ña mūa. Mūa rāca yoari ñabicūja yū ĩja. Yūre āmabojarā yirāji mūa. Canū gājerā judio masare yū goticato bajiroti adocāta mūare cūni gotia yū. “Yū waroto wa masimenaji mūa”, ya yū mūare cūni. ³⁴ Adocāta mame rotire gaye mūare gotigū ya yū. Ado bajiro bajaia iti. Gāmeri ti maima mūa. Mūare yū ti mairo bajiroti mūa cūni gāmeri ti maija quena. ³⁵ Mūa gāmeri ti maija ticōri, “Jesús rāca riasotirā ñama ĩna”, yirā yirāji masa jeyaro.

“Jesure masibea yū”, yigū yigūja mū, Pedrore Jesús ĩ yire gaye

(Mt 26.31-35; Mr 14.27-31; Lc 22.31-34)

³⁶ Ito ĩ yija tuocōri, Jesure seniñaquĩ Simón Pedro:

—Yū Ījū, ¿nojū wacū yati mū? yiquĩ Pedro ĩre.

Ito bajiro ĩ yijare:

—Adocāta yū warotojū wa masibicūja mūáma maji. Ija yūre sūyagū yigūja mūcana, yiquĩ Jesús Pedrore.

³⁷ Ito ĩ yija tuocōri:

—Yū Ījū, ¿no yija adocāta mū rāca wa masibicūjada yū? Gājerā yūre ĩna sīabojarocati mūre jidicābicūja yū. Mūre goda ĩsirocū ñacā yū, yiquĩ Pedro Jesure.

³⁸ Ito ĩ yijare cūdiqū Jesús:

—¿Riti yūre goda ĩsirocū ñacāti mū? Riti mūre gotia yū. Cara ĩ yujiroto riojūa ũdiaji, “Jesure masibea yū”, yigū yigūja mū, yiquĩ Jesús Pedrore.

14

Yūna suoriti mani Jacū tū ejarā yirāji mūa, Jesús ĩ yire gaye

¹ Mūcana gaje ado bajiro gotiquĩ Jesús guare:

—Buto tuoña ũsirio yibeja mūa. Diore tuorñnucōri, yūre cūni tuorñnūña. ² Cūna ya wi mūa ñarotijari jaje ñaroja. Ito bajiro iti bajibeja mūare gotibitiboa yū. Itojū mūa ñarotijū queno yugū wajū yū. ³ Ito wacōri mūa ñarotijari queno tĩogū mūcana tūdi wadigū yigūja yū. Ito yicōri yū ñarojū mūa ñatoni mūare āmigū ejagū yigūja yū. ⁴ Yū warotijū masia mūa. Ito yicōri itojū wara mare masia mūa, yiquĩ Jesús guare.

⁵ Ito ĩ yibojarocati ado bajiro yiquĩ Tomás:

—Gua Ījū, mū warotore masibea gña. ¿No bajiro ito wara mare masirā yirājida gña? yiquĩ Tomás Jesure.

⁶ Ito ĩ yijare ado bajiro cūdiqū Jesús:

—Yū ña ito wara ma bajiro bajigū. Yūti ña riojo gotigū. Yūti ña catitĩñare rucogū. Yū sīgūna suoriti yū Jacū tū ejare ñaro yiroja. ⁷ Yūre mūa ti masija yū Jacūre cūni ti masirā yirāji mūa. Yūre ticōri ĩre ticā mūa. Ito bajiri ĩre ti masirā ña mūa ĩja, yiquĩ Jesús guare.

⁸ Ito ĩ yijare ado bajiro yiquĩ Felipe ĩre:

—Gua Ījū, mū Jacūre gña tiroca yiya. Ito bajiro mū yija quena ñaroja guare. “Riti gotia mū”, yī masirā yirāji gña ĩja, yiquĩ Felipe Jesure.

⁹ Ito ĩ yijare:

—Iti rūmūjū mūa rāca ñasucū Felipe yū. ¿No yija ito bajibojarocati yūre ti masibeati mū maji? Noa yūre tigoana yū Jacūre cūni tirā ñama. Ito bajiri, ¿no yija ĩre tigoana ñabojarāti, “Mū Jacūre gña tiroca yiya”, yati mūa yūre? ¹⁰ “Yū Jacū rāca ña yū. ĩ cūni yū rāca ñami”, yū yija, ¿yūre tuorñnūbeati mūa? Yū mūare busirise yūmasi tuoña rujeocōri

meje busia yu. Yu Jacu yu rāca ñagũ, yuna suoriti ï moarise yami ï. ¹¹ “Yu Jacu rāca ña yu. ï cuni yu rāca ñami”, yu yija yure tuorũnuña. Yu busirise mua tuorũnu ãmobeja, tiyamani yu ïorise ticõri, yure tuorũnuña. ¹² Riti muare gotia yu. No yure tuorũnugũ, yu yiro bajiroti yigu yiguĩji. Yu Jacu tu wacu ya yu. Dios tu yu tũdi wajare, tiyamani yu ïogore rēto busaro tiyamani ïorāji mua cuni. ¹³ Yure mua tuorũnuja, no mua seniroti bajiroti muare ïsigũ yiguja yu. Ito bajiro yu yijare, yu Jacure rucuborā yirāji masa. ¹⁴ Yure mua tuorũnuja, no mua seniroti bajiroti cudigu yiguja yu, yiquĩ Jesús guare.

Espíritu Santore cõagũ yiguĩji Dios, Jesús ï yire gaye

¹⁵ Yure mua maija yu rotirisere cudirā yirāji mua. ¹⁶ Ito bajiro mua yija yu Jacure senigũ yiguja yu, yure wasoarocu ï cõatoni. ï cõarocu ï ñagũ yiguĩji Espiritu Santo riojo gotigu. Mua rāca ñatĩñagũ yiguĩji muare ejabuarocu. Ito yicõri mua bojori bujaja muare baba cutigu yiguĩji. ¹⁷ Adi macārucũro gāna ïre ti masibema ïna. Ito bajiri ïre boca āmi masimenaji ïna. Mua rāca ï ñajare, ïre masirā ña muama. Mua ya usiju ñatĩñagũ yiguĩji ï. ¹⁸ Muare jidicābicu yiguja yu. Mucana mua rāca ñarocu ejaqu yiguja yu. ¹⁹ Yoari mejeti wacu ya yu ïja. Ito bajiri yure tuorũnũmenama yure timenaji ïja. Muama tũdi yure tirā yirāji. Tũdi catigu yiguja yu. Ito bajiri mua cuni catirā yirāji. ²⁰ “Yu Jacu rāca ña yu. Ito yicõri mua rāca ña yu, muajua cuni yu rāca ña”, yu yicato bajiro, tũdi yu catiri rumũ, “Riti gotiñi Jesús”, yu tũoĩarā yirāji mua. ²¹ Yu rotirise masicõri cudigu ïocāti ñami yure maigũ. Yure maigũre maigũ yiguĩji yu Jacu cuni. Yu cuni ïre maigũ yiguja. Ito yicõri yure ï ti masiroca yigu yiguja yu, yiquĩ Jesús guare.

²² Ito ï yija tuocõri, Judas Iscariote meje, gāji Judas wame cutigu ado bajiro ïre cudiquĩ:
—Gua Hju, ¿no yija adi macārucũro gānare ïobicuti, guare riti goaĩogũ yigujada mu? yu seniñaquĩ ï Jesure.

²³ Ito ï yijare:

—No yure mairā, yu busirise tuorũnurā yirāji. Ito bajiri yu Jacu ïnare maigũ yiguĩji. Ito bajiri yu cuni yu Jacu rāca ïna tu ñarā wadirā yirāji gua. ²⁴ No yure ti maibicu yu busirise tuorũnũbiquĩji. Yu busija mua tuorise yumasu tuoĩa rujeocõri busire meje ña.

²⁵ Mua rāca yu ñarijũgoti itire muare gotia yu. ²⁶ Yure wasoarocure Espiritu Santo cõagũ yiguĩji yu Jacu. Muare ejabuaqu yiguĩji ï. Ito yicõri mua bojori bujaja muare baba cutigu yiguĩji ï. Jeyaro muare riasogu yiguĩji ï. Jeyaro muare yu gotirise mua tuoĩa bujaroca yigu yiguĩji ï, yiquĩ Jesús guare.

²⁷ Gaje ado bajiro gotiquĩ Jesús guare:

—Muare ware gotigu, “Ñe oca mano queno ñama mua”, ya yu muare. Mua queno ñaroca ya yu. Adi macārucũro gānama queno mua ñaroca yu masimenaji. Yu ña mua tuoĩa usiriobeto ñaroca yigu. Ito bajiri tuoĩa usirio yibesa. Ito yicõri güibesa. ²⁸ “Wacu ya yu, ito bajibojarocati mua rāca ñagũ ejaqu yiguja mucana”, yu yija tuobu mua. Riti yure mua maija, “Yu Jacu tu wacu ya yu”, yu yija, queno wanu quenaboa mua. ï ñami yu rēto busaro ñagũ. ²⁹ Jeyaro iti rētaroto riojua iti muare gotia yu. Ito bajiri iti rētaja ticõri, yure tuorũnurā yirāji mua.

³⁰ Yoari mejeti muare busigu ya yu. Adi macārucũro gānare ñeñaro yu rotigu wadicõaguĩji rũmũa uju. Yure roti masigũ meje ñami ï. ³¹ Yu Jacu ï rotiado bajiroti ya yu. Ito bajiro yu yija ticõri, “ï Jacure maigũ ñami ï”, yu yirāji adi macārucũro gāna, yiquĩ Jesús guare. Ito bajiro ï yija bero:

—Ita, adijure wagoto mani, yiquĩ Jesús guare.

15

Hyégu ñasaricu robo bajigu ña yu, Jesús ï yire gaye

¹ Mucana gaje ado bajiro gotiquĩ Jesús guare:

—Hyégu ñasaricu robo bajigu ña yu. Hyégure tirũnugũ robo bajiro bajigu ñami yu Jacu. ² Yu ya rujuri iti rica manija jatagu yiguĩji ï. Yu ya rujuri iti rica cutija, queno tirũnugũ yiguĩji, jai busaro iti rica cutitoni. Yu ya rujuri gaja iti siniaja itire bejagu yiguĩji ï. Ito yicõri gajeoni iti judija itire āmicāgũ yiguĩji, jai busaro iti rica cutitoni. ³ Yu riasorise

tuorũnucõri queno ña mua. Ueri mana bajiro baja mua. ⁴ Yũre bajiroti usi cutisotiya mua cuni. Ito bajiro mua yija, mua rãca ñatĩñagũ yigũja yũ. Yucu ruju rujagũre iti wãñabeja rica mano yiroja. Iti bajiroti yũre mua tuorũnũbeja yũre queno moa ãsimenaji mua. Yũre moa ãsibiticõri, uyẽgu rica manigũ bajiro bajirã yirãji mua, yiquĩ Jesús guare.

⁵ Gaje guare ado bajiro riasoquĩ ã:

—Yũ ña rujagũ robo bajigũ. Yũ ya rujuari robo bajirã ña mua. No yũre bajiro usi cutirã ña rãca yũ ñajare, yũre queno moa ãsirã yirãji ña. Ito yicõri rica cutirã bajiro bajirã yirãji ña. Yũ manija no yi masimenaji ña. ⁶ No yũ rãca sigũre bajiro usi cutibicũre ãre cõagũ yiguĩji yũ Jacũ. Siniara rujuarire ãmicõri, jeameju soeado bajiro yigũ yiguĩji yũ Jacũ ãocũre.

⁷ Yũre bajiro usi cutisoticõri yũ riasorise ãcabojobiticõri mua ãmoro bajiro mua senija, mua ãmoro bajiroti cudigũ yigũja yũ. ⁸ Yũre mua queno moa ãsija ticõri, yũ Jacũre queno rũcũbuorã yirãji masa. Ito yicõri, “Riti Jesús rãca queno riasotiana ñama ãna”, yi masirã yirãji masa muare. ⁹ Yũ Jacũ yũre ã mairo bajiroti muare maia yũ. Yũ mairã ña mua. Ito bajiri ito bajiroti ñaña mua. ¹⁰ Yũ rotirise mua cudi ñasotija, yũ mairã ñatĩñarã yirãji mua. Ito bajiroti yũ Jacũ ã rotirise cudisotia yũ cuni. Ito bajiri yũre maisotiami Cũna.

¹¹ Yũ rãca mua wanũ quenatoni itire muare gotia yũ. Ito yicõri mua ya usiju queno mua wanũ quenatoni, itire muare gotia yũ. ¹² Ado bajiro baja yũ rotirise: Yũ muare mairo bajiroti, mua gãmeri ti maija quena. ¹³ Sigũ ã baba mesare maigũ, ãnare ã goda ãsija iti ña bũto maire gaye. ¹⁴ Yũ rotiro bajiroti mua cudija, yũ baba mesa ñarã yirãji mua. ¹⁵ Ito bajiri, “Yũre moa ãsirã ña mua”, yibea yũ ãja muare. Moa ãsiri masama ña uju yirisere masimenaji ña. “Yũ baba mesa ña mua”, ya yũ muare adocãta. Jeyaro yũ Jacũ yũre ã gotire mua masiroca yicãcũ yũ. Ito bajiri yũ baba mesa ña mua. ¹⁶ Mua meje ña yũre beseana. Yũjuã muare besecu. Muare cũa yũ, yũ ocare gãjerãre mua riasotoni. Ito bajiro mua yija coriarã queno yũre tuorũnũsotirã yirãji ña. Iti ña rica jogabiti robo bajirise. Ito bajiro masare mua riasoja ticõri, yũre mua seniro bajiroti ãsigũ yiguĩji yũ Jacũ. ¹⁷ Ado robojuã ña muare yũ rotirise: “Gãmeri ti maiña mua”, yi rotia yũ muare, yiquĩ Jesús guare.

Adi macãrucũro gãna manire ti tudirã yirãji, Jesús ã yire gaye

¹⁸ Gaje guare ado bajiro riasoquĩ Jesús:

—Adi macãrucũro gãna muare ña ti tudija, “Manire ña ti tudiroto riojuã Jesure ti tudisũoñi ña”, yi tũoĩarã yirãji mua. ¹⁹ Adi macãrucũro gãna ña ñarãre mairãji. Adi macãrucũro gãna ña tũoĩaro bajiro mua tũoĩaja, muare cuni maiboana ña. Adi macãrucũro gãna wato ñarãre muare besecu yũ. Adocãta ña bajiro tũoĩarã meje ña mua. Ito bajiri muare ti tudiamã ña. ²⁰ Yũ bũsirise tũote mua: “Moa ãsiri masa ña uju rẽto bũsaro ñasarã meje ñama ña”, yiarĩ muare gotibũ yũ. Adi macãrucũro gãna yũre usirio codeama. Ito bajiri muare cuni usirio coderã yirãji ña. Yũ riasorisere cudibiticã ña. Ito bajiri muare cuni cudimena yirãji ña. ²¹ Yũre cõarũre masibeamã adi macãrucũro gãna. Ito bajiri yũ ñarã mua ñajare, muare usirio coderã yirãji ña, yiquĩ Jesús guare.

²² Gaje guare ado bajiro riasoquĩ Jesús:

—Adi macãrucũro gãnare bũsirocũ yũ wadibeja ñnare seti maniboadoja. Yũ ñnare gotija bero ñajare, “Guare seti mã”, yi masibeamã ña ãja. ²³ No yũre ti tudirã yũ Jacũre cuni ti tudirã ñama ña. ²⁴ ñna tiro riojo tiyamani yũ ãobeja seti maniboadoja ñnare. Tiyamani yũ ãoja tigoana ñama ña. Tigoana ñabojarãti yũre ti tudiamã ña. Ito yicõri yũ Jacũre cuni ti tudiamã ña. ²⁵ ñna ya papera tuti ucare gaye iti gotiãdo bajiroti rẽta adocãta. Ado bajiro gotia iti: “Ñe manoti yũre ti tudiamã ña”, yi gotia iti oca.

²⁶ Espiritu Santo riojo gotigure mua tũ cõagũ yigũja yũ. Muare ejabuagu yiguĩji ã. Ito yicõri mua bojori bũjaja muare baba cutigũ yiguĩji. Yũ Jacũ tũ wadirũ ñagũ yiguĩji ã. Yũ gaye muare gotigũ yiguĩji ã. ²⁷ Cajerojutĩ yũ riasosũorocajutĩ yũ rãca ñasucũ mua. Ito bajiri masare mua riasoja mua cuni yũ gaye bũsirã yirãji mua, yiquĩ Jesús guare.

16

¹ Gaje guare ado bajiro gotiquĩ Jesús:

—Adi oca muare gotia yu, ija iti rētaroca yure mua jidicāme yirocu. ² Ija ñna ya minijuara wiju mua ñaroca muare bucōarã yirãji ñna. Ito yicōri muare ñna sãja, “Diore cudirã sãa mani”, yi tũoĩabojarã yirãji ñna. ³ Ito bajiro yirã yirãji ñna, yure cuni yu Jacure cuni masimena ñari. ⁴ Iti oca muare gotia yu. Ija ito bajiro iti rētaroca, “Ito bajirogo yiquĩda Jesús”, yi mua tũoĩa bujatonĩ, muare gotia yu.

Espíritu Santo ñ moarise

‘Cajero muare riasogu iti oca gotibiticu yu maji. “Ñna rãca ñagũ yigũja yu maji”, yi tũoĩagũ iti oca muare gotibiticu yu maji. ⁵ Yure cōaru tu ñagũ wacu ya yu adocãta. Ito bajibojarocati, “¿No wati mu?” yi seniĩabea mua yure. ⁶ Iti oca muare yu gotijare mua ya usiju bojori buja mua. ⁷ Riti muare gotia yu. Yu waja quena ñaro yiroja muare. Yu wabeja, muare ejabuarcu, mua bojori bujaja muare baba cutirocu mua rãca ñagũ wadibiquĩji Espiritu Santo. Yu wajama ñre cōagũ yigũja yu. ⁸ Ñ wadija, “Ñeñaro yirã ña mani”, adi macãrucũro gãna yi ñna tũoĩaroca yigu yiguĩji ñ. “Quenarise mani yija, Diore cudirãji mani”, ñna yi masiroca yigu yiguĩji Espiritu Santo. “Diore mani cudibeja manire waja senigũ yiguĩji”, ñna yi masiroca yigu yiguĩji Espiritu Santo. ⁹ Adi macãrucũro gãna yure tũorũnũbitiana ñari seti cutirã ñama ñna ñja. ¹⁰ Yu Jacu ñ ñaroju yu wajare, “Quenarise mani yija, Diore cudirãji mani”, yi masirã yirãji masa. Yu Jacu tu yu wajare, yure timena yirãji mua. ¹¹ Adi macãrucũro gãnare ñeñaro yi rotigu Satanásre ruyuriogu yiguĩji Dios. Ito bajiri, “Diore mani tũorũnũja ñ yiro bajiroti jeame ñjuroju cōabicu yiguĩji Dios, manire”, masa ñna yi masiroca yigu yiguĩji Espiritu Santo.

¹² ‘Jaje gotiroti ñaboja yure maji. Ito bajibojarocati adocãta yu goti jeoja itire tũo masimenaji mua maji. ¹³ Espiritu Santo riojo gotigu ñ ejaroca riojo oca ñasarise muare riasogu yiguĩji ñ. Ñmasirio meje busigu yiguĩji. Ñ tũogore muare gotigu yiguĩji. Ija rētaroti gaye mua masiroca yigu yiguĩji ñ. ¹⁴ Yu riasorise gaye boca ñmicōri mua masiroca yigu yiguĩji Espiritu Santo. Ito bajiro yicōri masa yure ñna rũcũboroca yigu yiguĩji Espiritu Santo. ¹⁵ Ñarocōti yu Jacu ñ gotiro bajiroti gotia yu cuni. Ito bajiri, “Yu riasorise boca ñmicōri, mua masiroca yigu yiguĩji Espiritu Santo”, yibu yu muare, yiquĩ Jesús guare.

¹⁶ Gaje guare ado bajiro gotiquĩ Jesús:

—Yu Jacu tu wacu ya yu. Ito bajiri nocō mejeti yure timena wana ya mua. Ito bajibojarocati mũcana yoari mejeti tũdi yure tirã yirãji mua, yiquĩ Jesús gũa ñ rãca riasotirãre.

Bojori bujajobana tũdi wanũ quenarã yirãji mua mũcana, Jesús ñ yire gaye

¹⁷ Ito ñ yija tũocōri, gũa coriarã ado bajiro gãmeri seniĩacu gũa:

—¿No yireoni ñati iti? yicu gũa. “Yu Jacu tu wacu ya yu, ito bajiri yure timena wana ya mua. Ito bajibojarocati mũcana yoari mejeti yure tirã wana ya mua”, yami manire. ¿No yireoni ñati iti? yicu gũa. ¹⁸ “Yoari mejeti”, manire ñ yija, ¿no yireoni ñarojada? “Iti gaye busiguĩji, yi masibe mani”, yi gãmeri basicu gũa Jesús rãca riasotirã.

¹⁹ “Yure seniĩa ñmoama ñna”, yi tũoĩari seyoquĩ Jesús. Ito bajiri ado bajiro yiquĩ ñ guare:

—Yoari mejeti yure timena wana ya mua. Ito bajibojarocati mũcana nocō mejeti yure tirã wana ya mua, yibu yu muare. Ito bajiro yu yirise, ¿mũamasiti gãmeri seniĩati mua?

²⁰ Riti muare gotia yu. Oticōri, bũto bojori bujarã yirãji mua. Adi macãrucũro gãnama wanũrã yirãji ñna. Bojori bujarã ñabojarãti yoari mejeti mũcana tũdi wanũrã yirãji mua.

²¹ Ado bajiro baja: Sīgō romio macu rucogo wago iso yija, tũoĩa oca jaigo yigōji, “Yure juniro yiroja”, yiroco. Iso macu rucuja bero junirise gaye tũdi tũoĩabeco yigōji iso. Adi macãrucũrojure macuacã ñ rujeajare bũto wanũ quenagō yigōji iso. ²² Ito bajiroti mua cuni adocãta tũoĩa oca jaia. Mũcana muare tigu ejaqu yigũja yu. Yure mua tija mua ya usiju bũto wanũrã yirãji mua. Ito bajiro mua wanũja, ñimũjua muare camota masibiquĩji.

²³ ‘Iti rũmũ iti ejaja ñejua yure senimena yirãji mua. Riti muare gotia yu. Yure tũorũnũcōri, yu wamena yu Jacure mua senija, mua seniro bajiroti ñsigũ yiguĩji ñ. ²⁴ Adi

riojna yu wamena senibiticu mua maji. Adi rumuna yu wamena senisnorã ya mua. Ito bajiri queno mua wanu quenatoni mua boca ãmiroca yigu yiguĩji Dios, yiquĩ Jesús guare.

Adi macãrucũro ñeñaro yirã ujure rëtocũcu yu, Jesús ĩ yire gaye

²⁵ Gaje guare ado bajiro gotiquĩ Jesús:

—Iti muare yu gotirise goti masiore ocana gotibu yu. Ija ñaro yiroja goti masiore ocana meje muare yu busiri rumu. Recoti mua tuoro riojo yu Jacu gaye muare busigu yiguja yu. ²⁶ Iti rumuri yu wamena yu Jacure senirã yirãji mua. Ito bajiri muare yiari yu Jacure busi isire mano yiroja. Muamasiti busirã yirãji ĩja. ²⁷ Muare yiari yu Jacure busi isibicuja yu ĩja. Yu Jacumasiti muare maicãmi. Yure mua majjare yu Jacu muare maicãmi. “Dios yagu wadiru ñami Jesús”, mua yijare muare maicãmi ĩ. ²⁸ Yu Jacu tu wadicõri, adi macãrucũroju ejacu yu. Adi macãrucũro gãnare wagocõri, yu Jacu tu wacu ya yu mucana, yiquĩ Jesús gua ĩ rãca riasotirãre.

²⁹ Ito ĩ yija tuocõri, cudicu gua:

—Goti masiore ocana meje, queno riojo gotia mu adocãta. ³⁰ “Jeyaro masigũ ña mu”, yi ti masia gua ĩja. “¿Riti gotiati mu?” yi seniñare ma ĩja. “Dios tu wadiru ña mu”, yi tuorũnua gua mure ĩja, yicu gua Jesure.

³¹ Gua ito yijare, ado bajiro cãdiquĩ Jesús:

—¿Riti adocãta yure tuorũnuati mua? ³² Batacõri, yure mua watoroto ejacoaju. Riti gotia yu. Yure mua watoroto ejacoaju ĩja. Ito bajibojarocati sigũ meje ña yu. Yu Jacu yu rãcati ñami. ³³ Iti jeyaro muare gotia yu, yure tuorũnucõri, mua ya usijũ usiriore mano mua ñatoni. Adi macãrucũroju mua ñaja, jeyaro tãbujarã yirãji mua. Oca sãõña mua, adi macãrucũro gãnare ñeñaro yi rotigure rëtocũcu yu, yiquĩ Jesús gua ĩ rãca riasotirãre.

17

Ĭ rãca riasotirãre yiari Jesús Diore ĩ seni isire gaye

¹ Ito bajiro ĩ yija bero macãrucũroju ti muocõri, ado bajiro yiquĩ Jesús:

—Cuna mu tu yu tãdi ejaroti ejacoaju ĩja. Yu ña mu Macu. Masa yure ña rucubhoroca yiya. Ito bajiroti yu cuni mure ña rucubhoroca yigu yiguja. ² Yu ña mu Macu. Masare yu roti masitoni yure cüyija mu. Yure mu isiana ña catitĩnaroca yu yi masitoni yure cüyija mu. ³ Ado bajiro bajia catitĩñare gaye: Mu sigũti riojo oca ñasarise gotigure masicõri, ito yicõri yu Jesucristo mu cõarure tuorũnucõri, catitĩnarã yirãji masa. Ito bajiro bajia catitĩñare gaye.

⁴ Adi macãrucũro yu ñaja mure masa ña rucubhoroca yicu yu. Yure mu roti ñucacato bajiroti itire gajanoa yu. ⁵ Adi macãrucũro iti ñaroto riojuaju mu rãca rucubhogu ñacu yu. Cuna, ito bajiroti adocãta mu tiro riojo masa yure ña rucubhoroca yiya.

⁶ Yu rãca riasotirã adi macãrucũro gãna wato mu beseana ñama. Ñare besecõri, yure isiyija mu. Mure ña masiroca yicu yu. Mu ñarã ñañi ña. Ñare yure isiyija mu. Mu ocare cudisotirã ñama ña. ⁷ No yure mu isirise, “Dios ye wadire ña”, yi tuo masiama ña. ⁸ Mu ocare yure mu goticato bajiroti ñare goticu yu. Iti ocare tuocõri, boca ãmicã ña. “Dios tu wadiru ñami ãni”, yi masiama ña, yure ĩja. “Dios ĩ cõarũ ñami ãni”, yi yure tuorũnua ña ĩja.

⁹ Ñare yiari mure busia yu. Adi macãrucũro gãnare yiari meje mure busia yu. Yure mu isiana, mu ñarã ña ñajare, ñare yiari busia yu. ¹⁰ Yu ñarã jeyaro mu ñarãti ñama ña. Ito yicõri mu ñarã yu ñarãti ñama ña. Yu rãca riasotirã mu ñarã ñama. Ña queno yirise ticõri, yure rucubhorã yirãji masa.

¹¹ Mu rãca ñagũ wacu ya yu. Ito bajiri adi macãrucũrore wagogu ya yu ĩja. Yu rãca riasotirãma adi macãrucũroju tujarã yama. Cuna, ñeñarise yĩabicu ña mu. Ña yure mu isianare mu masirisena ñare tirũnua. Mani sigũre bajiro tuoñarã ña. Manire bajiroti ña cuni sigũre bajiro ña tuoñatoni ñare tirũnua. ¹² Adi macãrucũroju yure mu isiana rãca yu ñaroca mu masirisena queno ñare tirũncu yu. Sigũ yure godagobe yirocu

queno ñnare tirñnucũ yũ. Ito bajibojarocati sīgũ ñnaquĩ yũre godagocacũ. Ī ñnaquĩ jeame ñjurojũ warocũ. Mũ oca iti gotiro bajiroti iti rētatoni yũre godagoquĩ ĩ.

¹³ 'Adocāta mũ tũ wacũ ya yũ. Adi macārũcũroju ñagũ maji adi oca ñnare gotia yũ. Yũ wanũro bajiroti ñna cũni wanũ quena jeditoni iti oca ñnare gotia yũ. ¹⁴ Mũ ocare ñnare goticũ yũ. Adi macārũcũro gāna bajiro meje tuoĩa yũ. Yũ rāca riasotirā cũni adi macārũcũro gāna bajiro tuoĩarā meje ñnama ñna. Ito bajiri adi macārũcũro gāna ñnare ti tudiana. ¹⁵ Adi macārũcũrojure ñnare mũre ãmigo rotibea yũ. Ado bajirojũa mũre senia yũ: “Ñnare camotaya rũmũ ʼsirioro ñnare yibe yirocũ”, ya yũ mũre. ¹⁶ Adi macārũcũro gāna bajiro tuoĩagũ meje ñna yũ. Ito bajiri yũ rāca riasotirā cũni adi macārũcũro gāna bajiro tuoĩarā meje ñnama ñna. ¹⁷ Mũ oca ñna oca riojo ñnasarise. Mũ ñarā queno yirā riti ñna ñatĩñnatononi mũ oca ñnasarisere ñna masiroca yiya. ¹⁸ Adi macārũcũro gāna wato yũre cōayija mũ. Yũ cũni ito bajiroti adi macārũcũro gāna wato yũ rāca riasotirāre cōa yũ. ¹⁹ Ñnare yiari, mũre riti cũdigũ yigũja yũ. Ito yicōri mũ yagũ riti ñagũ yigũja yũ. Ito bajiro yũ yija ticōri, mũ oca riojo ñnasarise cũdicōri, mũ ñarā riti ñarā yirāji ñna cũni, yiquĩ Jesús Diore bũsigũ.

²⁰ Gaje Diore ado bajiro gotiquĩ Jesús:

—Ñnare riti yiari meje mũre bũsia yũ. Ñna riasorise tuocōri, yũre tuorũnurā yirāji gājerā. Ñnare yiari cũni mũre bũsia yũ. ²¹ Ñna jeyaro sīgũre bajiro ñna ʼsi cũttoni mũre bũsia yũ. Manire bajiroti ñna ʼsi cũtire āmoa yũ. Cũna yũre bajiroti ʼsi cũtigũ ñna mũ. Yũ cũni mũre bajiro ʼsi cũtia. Ito bajiro manire bajiro sīgũ bajiro riti ñna ʼsi cũtire āmoa yũ. Ito bajiro ñna bajija ticōri, “Riti Dios ĩ cōarũ ññaĩ Jesús”, yirā yirāji adi macārũcũro gāna. ²² Yũre masa ñna rũcũbũoroca mũ yiado bajiroti ñnare masa rũcũbũoroca yicũ yũ cũni. Sīgũre bajiro ʼsi cũtirā ñna ñnatononi ito bajiro ñnare yicũ yũ. Mani cũni ito bajiroti sīgũre bajiro bajia mani. ²³ Yũ bajiroti ʼsi cũtirā ñnama ñna. Yũ cũni mũ bajiroti ʼsi cũtigũ ñna yũ. Ito bajiri sīgũ bajiro riti tuoĩa jedirā yirāji ñna. Ito bajiro ñna bajija ticōri, “Dios ĩ cōarũti ññaĩ Jesús”, yi masirā yirāji adi macārũcũro gāna. “Ī Macũre ĩ mairo bajiroti ñnare cũni maiami Dios”, yi masirā yirāji adi macārũcũro gāna.

²⁴ Cũna, yũ rāca riasotirā yũre mũ ʼsiana ñnama ñna. No yũ ñnaroju yũ rāca ñna ñnare āmoa yũ. Ito bajicōri, masa ñna yũre rũcũbũoroca mũ yire ti masirā yirāji ñna. Ito yicōri, “Adi macārũcũro iti ñnaroto riojũajũ Jesure maiĩ Dios”, ñna yi masire āmoa yũ. ²⁵ Cũna ñeñarise macũ ñna mũ. Adi macārũcũro gāna mũre ti masibeama ñna. Yũama mũre ti masia. Āna yũ rāca riasotirā, “Dios ĩ cōarũ ñna mũ”, yi masiama ñna, yũre. ²⁶ Mũre ñna ti masiroca yicũ yũ. Ito bajicōri, mũre ñna masitĩnaroca yigũ yigũja yũ. Ito bajiro yigũ yigũja yũ, yũre mũ mairo bajiro ñna gāmeri maitoni. Ito yicōri ñna rāca ñatĩñagũ yigũja yũ, yiquĩ Jesús Diore bũsigũ.

18

Jesure ñna ñnare gaye

(Mt 26.47-56; Mr 14.43-50; Lc 22.47-53)

¹ Ito bajiro Jesús ĩ bũsija bero Cedrón wame cũtiri jaribũ sidũjajũ wacũ gũa ĩ rāca. Ito wacōri ote wese wijacũ gũa, Jesús rāca. ² Coji meje iti ote wesejũ minijuasoticũ gũa. Ito bajiri Judas, Jesure oca menirocũ cũni tisotiquĩ iti wesere. ³ Ito bajiri iti wesere masicōri, surarare, porecia masare cũni ãmi ejaquĩ Judas. Paia ʼjarā, fariseo gaye tuoĩarā cũni ñna cōana ññaĩ ñna. Sarera jāirina bisu cũticā ñna. Sĩabusuoragari, ito yicōri mujura jāiri cũni rũcocā ñna. ⁴ “Ado bajiro yũre rētaru yiroja”, yigũ ñnare boca ãmigũ waquĩ Jesús. Ñnare boca ãmicōri, ado bajiro ñnare seniñaquĩ ĩ:

—¿Ñimũre ãmati mũa? yiquĩ Jesús ñnare.

⁵ Ito ĩ yijare:

—Jesús Nazaret gagũre āma gũa, yicā ñna.

Ñna ito yija tuocōri:

—Īti ñna yũ, yi cũdiquĩ Jesús.

Īna rāca ñaqui Judas, Jesure oca menirū cūni. ⁶ “Īti ña yū”, Jesús ĩ yirocati jūdojuana juja quedicoacā ĩna. ⁷ Ito yi mūcana tūdi ĩnare seniñaqui Jesús:

—¿Ñimure āmasati mūa? yiquĩ ĩ ĩnare.

Ito ĩ yija tūocōri:

—Jesús Nazaret gagure āma gua, yicā ĩna.

⁸ Īna ito yija tūocōri:

—“Īti ña yū”, yicāmu yū, mūare. Yūre riti mūa āmajama, yū rāca gānama wacoajaro, yiquĩ Jesús ĩnare.

⁹ Ito bajiro yiquĩ Jesús, iti rūmūjū ĩ gotigoado bajiro iti rētatoni. Iti rūmūjū ado bajiro gotiquĩ ĩ: “Yū Jacū yūre ĩ ĩsicāna sīgūjūa yūre godabiticā”, yiquĩ Jesús iti rūmūjū. ¹⁰ Ito bajiro Jesure ĩna ñia āmoja ticōri, ĩ ya sarera jāi āmiquĩ Simón Pedro. Iti jāina paia ũjūre moa ĩsiri masū, Malco wame cūtigūre ĩ ya gāmoro riojocadūjare jataqui Pedro. ¹¹ Ito ĩ yijare:

—Mū ya sarera jāire seoya mūcana. Yū tōbūjaroti Dios ĩ āmoja, camotabicūja yū. “Itire camotagu yiguĩji”, ¿yire masiati mū? yiquĩ Jesús Pedrore.

Anás tū Jesure ĩna āmi ejare gaye

(Mt 26.57-58; Mr 14.53-54; Lc 22.54)

¹² Ito yija surara ĩna ũjū rāca, judio masa porecia cūni Jesure ñiacā ĩna. Īre ñiacōri, ĩ ya āmori siacā ĩna. ¹³ Ito yicōri Anás ya wijū āmicoacā ĩna, ĩre ĩja. Caifás mañicū ñayijū Anás. Iti rodori paia ũjū ñayijū Caifás. ¹⁴ Ī Caifás ñayijū, “Mani ñarocōti godaja quenabetoja. Manire yiari sīgū ĩ goda ĩsija quena”, yi ĩ ñarā judio masare gotigorū ñayijū ĩ.

Jesure masibea yū, Pedro ĩ yire gaye

(Mt 26.69-70; Mr 14.66-68; Lc 22.55-57)

¹⁵ Simón Pedro, gāji gua rāca gagū, Jesure ĩna āmi waja sūya wacā ĩna. Simón Pedro rāca wacacū paia ũjūre baba cūtigū ñasotiyijū ĩ. Ito bajiri josari mejeti paia ũjū ya wi sabiara cūni rēta sājacoayijū ĩ. ¹⁶ Pedroama sabiara cūni jūdojuā sājabicūti tujacoayijū. Ito bajiri gāji Jesús rāca riasotirū paia ũjū baba sabiara cūni coderi maso rāca busigū wayijū. Ito yicōri Pedrore jisōyijū ĩ baba. ¹⁷ Iti cūni coderi maso ado bajiro seniñayijo Pedrore:

—¿Jesús rāca riasotigorū meje ñati mū cūni? yiyijo iso Pedrore.

Iso ito yijare:

—Meje ña yū, yiyijū Pedro.

¹⁸ Iti ũsajare moa ĩsiri masa, porecia masa cūni jea riocōri, suma ñayijarā ĩna. Pedro cūni ĩna rāca suma ñayijū.

Paia ũjū Jesure ĩ seniñare gaye

(Mt 26.59-66; Mr 14.55-64; Lc 22.66-71)

¹⁹ Jesure ĩna āmi ejaja ticōri, paia ũjū Anás wame cūtigū Jesure ado bajiro seniñasūoyijū:
—¿Noa ñati mū rāca riasotiana? Ito yicōri, ¿ñe gaye ĩnare riasocati mū? yiyijū ĩ Jesure.

²⁰ Ito ĩ yija tūocōri, ado bajiro cūdiyijū Jesús:

—Masa jeyaro tiro riojo busisoticū yū. Dios ya wijū, mani masa judio masa minijuara wijū cūni masare riasocū yū. Ito bajiri yū goti rudire ma. ²¹ ¿No yija yūre itire seniñati mū? Yūre tūogonare seniñate mū. Yū busigore gaye mūre gotirā yirāji ĩna. Yū busigore masirāji ĩna, yiquĩ Jesús paia ũjūre.

²² Jesús ito bajiro ĩ yija tūocōri, sīgū porecia masū, Jesús ya riojū jayijū.

—¿Paia ũjūre, no yija ito bajiro cūdiati mū? yiyijū ĩ Jesure.

²³ Ito ĩ yija cūdiyijū Jesús:

—Riojo meje yū gotija, “Ado bajiro rūo gotia mū”, yiya yūre. Yū gotirise riojo gotia yū. Ito yibojarocati, ¿no yija yūre jati mū? yiyijū Jesús ĩre.

²⁴ Ito ĩ yija bero paia ũjū Caifás wame cūtigū tū Jesure siarūreti cōayijū Anás maji.

Jesure masibea yū, mūcana Pedro ĩ yire gaye

(Mt 26.71-75; Mr 14.69-72; Lc 22.58-62)

²⁵ Ito baji ñaroca jea suma ñayijũ Pedro maji. Ī rāca jea suma ñarã ado bajiro ĩre seniñayijarã:

—¿Ī rāca riasotigorũ meje ñati mũ cuni? yiyijarã ĩna Pedroro.

Īna ito yijare:

—Meje, ĩ rāca riasotigorũ meje ña yũ, yiyijũ Pedro.

²⁶ Ito ĩ yija, sīgũ paia ɸjũ moa ĩsiri masũ ado bajiro seniñayijũ Pedroro:

—Ote wese ĩ rāca mũ ñaroca, ¿tibiticati yũ mũre? yiyijũ ĩ Pedroro. Pedro gãmororo ĩ jatarũ oca busigu ñayijũ ĩ.

²⁷ Ito bajiro ĩ seniñaja tũocõri: “Jesure masibea yũ”, yiyijũ Pedro mũcana. Ito bajiro ĩ yirocati, cara yujicoayijũ ĩja.

Pilato tũjũ Jesure ĩna ãmi ejare gaye

(Mt 27.1-2,11-14; Mr 15.1-5; Lc 23.1-5)

²⁸ Ito yija bero Caifás ya wina romano masa ɸjũ ya wijũ Jesure ãmi wayijarã ĩre ñiana. Ito ĩna yiroca riti busu mũja wadicoayijũ ĩja. Īna judio masa romano masa ɸjũ ya wijũ sãjabisijarã ĩna. “Gaje masa ya wi mani sãjaja pascua basa bare bamenaji mani”, yi tũõarã sãjabisijarã ĩna. ²⁹ Ito bajiro Pilato ĩmasiti ĩnare busirocũ budi wayijũ:

—¿Ñe seti cãtiati ãni, mũa tija? yiyijũ Pilato judio masare.

³⁰ Ito ĩ yijare cãdiyijarã ĩna:

—Ī seti macũ ñaja, mũ tũ ĩre ãmi ejabitiboana gũa, yiyijarã ĩna Pilatore.

³¹ Īna ito yijare:

—Īre ãmi wasa mũa. Mũa masa bũcũrã rotirena, “Ado bajiro seti cãtia mũ”, yiba mũa ĩre, yiyijũ Pilato judio masare.

Ito ĩ yija tũocõri, ado bajiro cãdiyijarã ĩna:

—Īre sĩa ãmoboja gũa. Ito bajibojarocati gũa judio masa bũcũrã rotirena ĩre sĩa masibea gũa, yiyijarã ĩna Pilatore.

³² “Yucũtẽojũ yũre jaju sãrã yirãji masa”, Jesús ĩ yicãdo bajiroti rẽtayijũ ito bajiro ĩna yija. ³³ Mũcana ĩ ya wi tũdi sãjacõri, ado bajiro Jesure seniñayijũ Pilato:

—¿Judio masa ɸjũ ñati mũ? yiyijũ Pilato Jesure.

³⁴ Ito ĩ yijare, ado bajiro cãdiyijũ Jesús:

—¿Mũmasi tũõacõri, ito bajiro yi seniñati mũ? ¿Gãjerã mũre ĩna gotijare ito bajiro yũre seniñati mũ? yiyijũ Jesús Pilatore.

³⁵ Ito ĩ yijare:

—¿Judio masũ ñati yũ, mũ tija? Mũ ñarãti, paia ɸjarã cuni yũ tũ ãmi ejama ĩna mũre. ¿No bajiro yicati mũ? yiyijũ Pilato Jesure.

³⁶ Ito ĩ yija cãdiyijũ Jesús:

—Adi macãrucũro ɸjũ meje ña yũ. Adi macãrucũro ɸjũ yũ ñaja yũre sũyari masa gãmeri jaboana judio masa yũre ñiame yirona. Adi macãrucũro ɸjũ meje ña yũ. Adi macãrucũrojũ meje ña yũ rotiroto, yiyijũ Jesús Pilatore.

³⁷ Ito ĩ yijare:

—¿Ito yicõri, ɸjũ ñati mũ? yiyijũ Pilato.

Ito ĩ yija cãdiyijũ Jesús:

—Mũ yiro bajiroti ɸjũ ña yũ cuni. Adi macãrucũrojũ wadicõri, rujeacũ yũ, riojo oca ñasarise gotirocũ. Riojo oca ñasarise cãdirã ĩna ñama yũre tũorũnrã, yiyijũ Jesús Pilatore.

³⁸ Ito ĩ yija:

—¿Ñe ñati oca riojo ñasarise? yiyijũ Pilato Jesure.

Jesure sãrũja mani, ĩna yire gaye

(Mt 27.15-31; Mr 15.6-20; Lc 23.13-25)

Ito bajiro Jesure seniñacõri, ĩ ya wi budi wacõri, judio masare busigu wayijũ Pilato mũcana:

—Yu tija ñe seti macu ñami ãni. ³⁹ Co rodo ruyabeto pascua basa mua menija sīgũ tubiarure bucōasotia yu muare yiari. ¿Mua judio masa ujure yu bucōare ãmoati mua? yiyiju Pilato judio masare.

⁴⁰ Ito i yijare, ado bajiro awasã cudiyijarã ñna:

—Ïre meje bucōaña mu. Barrabásjũare bucōaña, yiyijarã ñna Pilatore.

Riniri masu ñayiju Barrabás.

19

¹ Ñna ito yija tuocōri, Jesure baje rotiyiju Pilato ñja. ² Jesús ya rijoga joe jota bedo seara bedo jeoyijarã surara. Ito yicōri ujarã ñna sãñaro bajiro sũaro sãyijarã ñna Jesure. ³ Ito yija bero i tu busa eja rügücōri, ado bajiro yiyijarã ñna:

—Judio masa ujũ catijaro, yi aja tudiyijarã ñna Jesure.

Ito yicōri rioju ñre jayijarã ñna.

⁴ Mucana budi wacōri, judio masare gotigu ejayiju Pilato:

—Tiya mua. Ï seti manijare ñre bucōagũ ya yu, yiyiju Pilato judio masare.

⁵ Ito i yija, jota bedo jesarũ, sũaro sãñaru budiyiju Jesús. Ito yija ado bajiro yiyiju Pilato masare:

—Tiya, ãni ñami ãmũgũ, yiyiju Pilato.

⁶ Jesús i budija ticōri, ado bajiro awasãsuoyijarã paia ujarã, porecia cuni:

—Yucutēoju ñre jaju sãña, ñre sãña, yi awasãyijarã ñna.

Ñna ito yija tuocōri:

—Mũamasi ñre ãmi wacōri, yucutēoju jaju sãtēña mua. Yu tijama, ñe seti ma ñre, yiyiju Pilato judio masare.

⁷ Ito i yijare ado bajiro cudiyijarã judio masa:

—Gua bucũrã masa ñna rotirena i godaja quena. “Dios Macu ña yu”, i yire waja i godaja quena, yiyijarã ñna Pilatore.

⁸ Ito bajiro ñna yija tuocōri, bũto busa güiyiju Pilato. ⁹ Tũdi wi toti Jesure ãmi sãcōri, ado bajiro seniñayiju Pilato ñre:

—¿Noju gagũ ñati mu? yiyiju Pilato ñre.

Ito bajiro i yibojarocati ñre cudibisiju Jesús.

¹⁰ Mucana tũdi ñre seniñayiju Pilato:

—¿Yũre cudibeati mu? Gãjerã mũre yucutēoju yu jaju roti ãmoja jaju roti masia yu. Mũre yu bucōa ãmoja, bucōa masia yu. ¿Itire masibeati mu? yiyiju Pilato Jesure.

¹¹ Ito i yijare:

—Mu rotiroca Dios i mũre yibeja, yũre roti masibitiboa mu. Mu rēto bũsaro seti cutigu ñami yũre ñna ñiatoni gotirũ, yiyiju Jesús Pilatore.

¹² Ito i yija tuocōri, “¿No bajiro yicōri Jesure bucōarũjati yu?” yi tuoñayiju Pilato. Ito bajiro i tuoñabojarocati judio masa ado bajiro awasãyijarã:

—Ïre mu bucōaja mua romano masa ujũ ñasagu baba meje ñagũ yigũja mu. No, “Uju ñagũ yigũja yu”, yigũ, i ñami masa ujũ wajacu, yiyijarã ñna Pilatore.

¹³ Ñna ito yija tuocōri, Jesure ãmi rotiyiju Pilato ñja. Ito yicōri ujarã ñna rujiriju rujiyiju Pilato ñja. Itiju Gabata wame cutiyiju hebreo ocana. “Gũtana bũoraju”, yireoni ñayiju itiju. ¹⁴ Pascua basa riojua ãmua gudareco ñayiju iti rũmu. Ito yija Pilato ado bajiro yiyiju judio masare:

—Ñni ñami mua ujũ, yiyiju Pilato.

¹⁵ Ito bajiro i yibojarocati bũto awasãyijarã ñna:

—Sãcōrũja ñre. Sãcōrũja ñre. Yucutēoju ñre jaju sãña, yiyijarã ñna Pilatore.

Ñna ito yijare:

—¿Mua ujure jaju sãgũ yigũjada yu? yiyiju Pilato ñnare.

Ito i yijare, ado bajiro cudiyijarã paia ujarã:

—Romano masa ujũ riti ñami gua ujũ. Ñimũjna gãji mami, yiyijarã ñna Pilatore.

¹⁶ Ito bajiro ña yija tucōri, yucutēojū Jesure ña jaju sītoni ñnare ñsiyijū Pilato. Ito bajiri Jesure ãmicoayijarã ña ñja.

Yucutēojū Jesure ña jaju sīare gaye
(Mt 27.32-44; Mr 15.21-32; Lc 23.26-43)

¹⁷ Ñre ña ãmi waja, sūya wacu gūa cūni. Ñre ãmi wacōri, yucutēo ñre gaja roticã ñna. Hebreo ocana Gólgota wame cutiri burojū ñre ãmi wacã ñna. “Rijoga gōari ñaro”, yireoni ñnacū itijū. ¹⁸ Itojū ãmi ejacōri, Jesure yucutēojū jajucã ñna. Gãjerã jūarã jua dūja gãna yucutēojū yosacã ñna. Ñna gūdareco ñnaquī Jesús. ¹⁹ Jesús ñ wãnaritēojū ñ ya rijoga weca wame wō rotiquī Pilato. Ado bajiro goticū iti: “Jesús Nazaret gagū, judio masa űjū”, yī wãnacū iti. ²⁰ Judio masa jājarã ticã iti ucarere. Jesure yucutēojū ñna jajucati cuto tuti ñnacū. Ñ ya rijoga weca wame wãnarise griego oca, hebreo oca, latín oca cūni ñnacū iti.

²¹ Ito bajiri judio masa paia űjarã ado bajiro yicã Pilatore:

–“Judio masa űjū ñami”, yī ucabesa. “Judio masa űjū ña yū”, yībojarū, yī ucaja quena, yicã ñna Pilatore.

²² Ito bajiro ñna yībojarocati ado bajiro cudiquī Pilato:

–Yū ucare ito bajiroti tujaro ya, yiquī Pilato ñnare.

²³ Surara yucutēojū Jesure jaju tiorã ñ ya yutabujurire ãmicã ñna. Itire ãmicōri, jūariarori batocã ñna. Ito yicōri ñnacōti gãji coro, gãji coro ãmicã ñna. Jesús ñ sãñado joegadoama jioya mano ñnacū. Riojoti sua mūja, gajanoado ñnacū. ²⁴ Ito bajiri ado bajiro yicã surara:

–Itore ñigãmena mani. Ñimūjua itore ñ būjaja tiana yirona, gūtana rea ajecã ñna.

Ito bajiro ñna yija Dios oca tuti iti gotiado bajiroti rētacū. Ado bajiro gotia ñ oca: “Yū ya yutabujurire batocã ñna. Ñimūjua adore ñ būjaja tiana yirona, gūta ajerã yirãji”, yī gotia Dios oca. Ito bajiroti yicã surara.

²⁵ Jesús ñ yucutēojū wãñaro roca adocō jājarã ñnacū gūa. Ñ jaco, Cleofas manojo María, María Magdalena, ito yicōri yū cūni ñnacū ñna rãca. ²⁶ Jesús ñ jacore, ito yicōri yū ñ maigūre ticōri, ado bajiro yiquī Jesús ñ jacore:

–Cana ñ ñagū yiguīji mū macū, yiquī Jesús ñ jacore.

²⁷ Ito yicōri yūjūare ado bajiro yiquī:

–Iso ñagō yigōji mū jaco, yiquī Jesús yūre.

Ito ñ yija bero isore boca ãmicōri, yū ya wijū isore codecū yū ñja.

Jesús ñ űsi jedire gaye

(Mt 27.45-56; Mr 15.33-41; Lc 23.44-49)

²⁸ Ito ñ yija bero, “Dios ñ ãmoro bajiroti yūre rēta jedicoajū ñja”, yī tucōiaquī Jesús. Dios oca tuti iti gotiro bajiroti iti rētatoni:

–Idi ãmoa yū, yiquī Jesús.

²⁹ Ito ñnacū űyé ide jiaradū. Ide udi ãmirisena itire udi ãmicã ñna surara. Ito yicōri hisopo wame cutiricū rūjū gaja siacã ñna itire. Ito yicōri Jesús ya rise tū ñnutucã ñna. ³⁰ űyé ide jiare weroñacōri, ado bajiro yiquī Jesús:

–Dios ñ goticãdo bajiroti rēta jedicoajū ñja. Itocō ñna, yiquī Jesús.

Ito yija ñ ya rijoga queo yocōri, űsi jedicoaquī Jesús ñja.

Jesús ya warubū surara ñ sare cudare gaye

³¹ Iti rūmū pascua basa riojūa ñnacū. Busuri gūa judio masa ya tujacãra rūmū ñaro yicū. Ito bajiri yucutēojū godana ya rūjū wãñare ãmobicicã ñna tujacãri rūmū ñajare. Tujacãra rūmū guijori rūmū ñnacū gūa judio masare. Ito bajiri Pilatore ado bajiro senicã ñna: “Yucutēojū wãñarãre sagaro gōare jajea rotiya. Ito yicōri ñna ya rūjūri rūjio rotiya”, yicã ñna Pilatore. ³² Pilato ñ rotija tucōri, ñ ya surara wacōri, yucutēojū wãñarãre ñna ya sagaro gōarire jajeacã ñna. Jesús tū jūarã yucutēojū wãñarãre ñna ya gōarire jajeacã ñna. ³³ Jesús tūjū eja rūgūcōri, “űsi jedicoañi ñni”, yī ti masicã ñna. Ito bajiri ñ ya sagaro gōare jajeabiticã ñna.

³⁴ Ito bajibojarocati Jesús ya warubũ sare cudaquĩ sĭgũ surara masũ. Ito ĩ yirocati rí ide wusarise budicũ. ³⁵ Yũ itire gotigu, itire tigorũ ña yũ. “Riti gotia yũ itire”, ya yũ. Mũa cũni itire tuorũnutoni, riojo itire gotia yũ. ³⁶ Iti jeyaro rĕtacũ Dios oca tuti iti goticato bajiroti. Tũote. Ado bajiro gotia Dios oca: “Īre co gŕa jajeamena yirãji ĩna”, yi gotia Dios oca. ³⁷ Gajejũ Dios oca iti gotija ado bajiro gotia: “Sare cuda ecorũre tirã yirãji masa”, yi gotia Dios oca.

Jesure ĩna yujere gaye

(Mt 27.57-61; Mr 15.42-47; Lc 23.50-56)

³⁸ Ito bajija bero José Arimatea gagũ Jesús ya rujũre ãmirocũ Pilatore seniyijũ ĩ. Jesús ocare tuo sũyagorũ ñayijũ ĩ, ito bajibojaguti gãjerãre goti batobisijũ ĩ, judio masare gũigũ. “Ãmiña”, Pilato ĩ yija tuocŕi, Jesús ya rujũre rujiogu wayijũ José. ³⁹ Nicodemo ñamijũ Jesús rãca busigu ejagorũ cũni ejayijũ. Treinta kilos rũcurisecŕo queno sũti quenarise ãmi ejayijũ ĩ. Mirra wame cutirise, áloes wame cutirise wũore ñayijũ iti sũtirise. ⁴⁰ Ito bajiri José, Nicodemo rãca Jesús ya rujũ ãmicŕi saya botirona sũtirise tucŕi, ĩre gũmayijarã ĩna. Judio masa, masa yujerã ĩna yisotirise ñayijũ iti. ⁴¹ Jesure yucũtŕojũ ĩna jaju sũarajũ ote wese tũ ñayijũ. Iti wesejũ masari cuma mama goje ñayijũ. Gãjerãre yujeĩaña mani goje ñayijũ iti goje. ⁴² Jabeto rũyayijũ tujacãra rũmũ iti busuroto. Ito bajiri iti gojejũ Jesús ya rujũre sãyijarã ĩna, sŕjũ meje iti goje ñajare.

20

Jesús ĩ tũdi catire gaye

(Mt 28.1-10; Mr 16.1-8; Lc 24.1-12)

¹ Gũa masa ya moasũora rũmũ busuri jĩjũ rãitĩa busaroca wayijo María Magdalena. Jesús ya masari cuma tũ ejacŕi, iso tija gũta biaraga mañijũ. ² Ito iti bajija ticŕi, ũmaquedi wacŕi, gũa tũ ejacŕo iso. Simŕn Pedro, ito yicŕi yũ Juan Jesús ĩ bũto maicana ñacũ gũa. Gũa tũ ejacŕi, ado bajiro yicŕo iso:

—Mani ũjũ ya rujũre ãmicoañi ĩna. “Itojũ ĩ ya rujũre cũana ĩna”, yi masibea yũ, yicŕo iso gũare.

³ Iso ito yija tuocŕi, yũ Pedro rãca masari cumajũ tirã wacũ gũa. ⁴ Gũa jũarã cocati ũmaquedi wacũ. Pedro rĕto busaro ũmaquedicũ yũ. Ito bajiri yũjũa cajero masari cuma ejasũocũ. ⁵ Muqueacŕi, ito tisŕocũ yũ. Īre ĩna gũmagore riti ticũ yũ. Itojũ sãjabiticũ yũ maji. ⁶ Yũ bero ejaquĩ Simŕn Pedro. ĩama masari cumajũ sãjacoaquĩ ĩja. ĩ cũni Jesure ĩna gũmagore riti tiquĩ. ⁷ Jesús ya rijoga gũmado gajerojũ iti jesaja tiquĩ. Dũreare rujajucu gajerojũ iti jesaja tiquĩ ĩ. ⁸ Ito yija yũ cajero ejacacũ cũni sãjacoacũ. Iti rĕtare ticŕi, “Tũdi caticoañi Jesús”, yi tuoĩacũ yũ ĩja. ⁹ Iti riojũa, “Godabojaguti tũdi catigu yiguĩji Jesús”, Dios oca iti yire gaye tuo masibiticũ gũa maji. ¹⁰ Ito yija bero gũa ya wijũ tũdi wacũ gũa.

María Magdalenare Jesús ĩ goaĩore gaye

(Mr 16.9-11)

¹¹ María Magdalenama masari cuma tũ oti tujacŕo. Otigoti masari cumajũ tisŕoyijo iso. ¹² Ito iso tisŕoja jũarã ángel mesa botirise sãñarã rujiyijarã. Sĭgũ Jesús ya rijoga ñagoadojũa rujiyijũ. Gãji ĩ ya gũbori ñagoadojũa rujiyijũ. ¹³ Ito yija ado bajiro seniĩayijarã ĩna María Magdalenare:

—¿No yija otiami mũ? yiyijarã ángel mesa isore.

Ĩna ito yija:

—Yũ ũjũ ya rujũre ãmicoañi ĩna. “Itojũ ĩ ya rujũre cũana ĩna”, yi masibea yũ, yiyijo iso ángel mesare.

¹⁴ Ito bajiro yigoti, Jesure juda ti bũjayijo iso. Ito bajibojarocati, “Jesuti ñami ãni”, yi masibisijo iso. ¹⁵ Ito yija ado bajiro seniĩayijũ ĩjũa isore:

—¿No yija otiami romio mũ? ¿Ñimũre ãmati mũ? yiyijũ Jesús isore.

“Adi wese coderi masũ ñaguĩji”, yire masiyijo iso. Ito bajiri ado bajiro ĩre yiyijo iso:

—Ĩ ya rujũre mũ cũja, “Ito cũmũ yũ”, yiya yũre. Āmigŕo waroco ya yũ, yiyijo ĩre.

¹⁶ Iso ito bajiro yija tucōri, ado bajiro yiyijū Jesús isore:

—María, yiyijū Jesús isore.

Ito ī yija tucōri, ado bajiro yiyijo iso hebreo ocana:

—Rabuni, yiyijo iso. “Yure riasogu”, yireoni ñayijū iti.

¹⁷ Ito yija ado bajiro cūdiyijū Jesús:

—Yure moañabesa maji. Yū Jacu tu mujabea yū maji. Wasa yū ñarāre ado bajiro gotitēña: “Dios sīgūti ñami mani Jacu. Ito yicōri ī sīgūti ñami mani Uju. Ī ñaroju wacu wagu ya yū”, yi gotitēña, yimi Jesús yure, yi rotiyijū Jesús María Magdalenare.

¹⁸ Ito yija guare gotigo ejacō iso. “Mani Ujure tibū yū”, yicō iso. Ito yicōri Jesús ī gotiado bajiro guare goticō iso.

Ī rāca riasotigoanare Jesús ĩ goaĩore gaye

(Mt 28.16-20; Mr 16.14-18; Lc 24.36-49)

¹⁹ Gūa masa ya moashora rūmū ñacu iti rūmū. Iti ñami gūa Jesús rāca riasotigoana wijū minijua ñacu. Gūa ñarā judio masare güirā soje biacōri, ñacu gūa. Ñajasaroti gūa wato goa rūgūquī Jesús.

—Ñati mūa, ñe oca mano queno ñaña mūa, yiquī Jesús guare.

²⁰ Ito ī yija bero ī ya āmori, ito yicōri ī ya warubū űoquī guare. Gūa ĩ rāca riasotigoana gūa Ujure ticōri, buto wanūcu gūa. ²¹ Mūcana tūdi ado bajiro gotiquī Jesús guare:

—Ñe oca manoti queno ñaña mūa. Yū Jacu yure ĩ cōado bajiroti yū cūni mūare cōa yū ĩja, yiquī Jesús guare.

²² Ito yija guare juti jeocōri, ado bajiro yiquī ĩ:

—Mūa ya usijū Espiritu Santo ĩ quedī sājaroca ya yū. ²³ ĩre boca āmicōri, gājerā ĩna ñeñaro yirise mūa ācabojaja, ĩnare seti mano yiroja. ĩna ñeñaro yirise mūa ācabojabeja, seti cūtirāti ñarā yirāji ĩnaōna, yiquī Jesús guare.

Tūdi Jesús ĩ catija bero Tomás ĩ tire gaye

²⁴ Ito bajiro guare Jesús ĩ goaĩoroca Tomás gūa rāca gagū maniquī. ĩ ñaquī “Sūrūarū”, gūa yicacu. ²⁵ Tomásre ti bujacōri:

—Mani Ujure tibū gūa, yibojacu gūa ĩre.

Ito bajiro gūa yibojarocati Tomás ado bajiro yiquī:

—Ī ya āmo ĩna ja cudarajū yū tibeja, ito yicōri ĩre ĩna ja cudarajū yū ya āmo wāsoana yū ñusōĩabeja, ito yicōri ī ya warubū ĩre ĩna sare cudadojū yū ya āmona yū moañabeja, “Īti ñami”, yi masibicūja yū, yiquī Tomás guare.

²⁶ Udia āmojeno rūmūri bero mūcana tūdi minijuacu gūa. Iti rūmū gūa minijuacati rūmū Tomás cūni ñaquī ĩja. Soje biado ñabojarocati gūa wato goa rūgūquī Jesús.

—Ñati mūa, ñe oca mano queno ñaña mūa, yiquī Jesús guare.

²⁷ Ito yicōri Tomásre ado bajiro yiquī ĩ:

—Yū ya āmore ticōri, mū ya āmo wāsoana yure ñusōĩaña. Mū ya āmona yū ya warubū susuro yure moañaña. “Ī meje ñaguĩji”, yibeja ĩja. “Īti ñami”, yi masiña mū ĩja, yiquī Jesús ĩre.

²⁸ Ito ĩ yijare:

—Yū Uju, Dioti ña mū, yiquī Tomás Jesure.

²⁹ Ito ĩ yijare Jesús cūdiquī:

—Tomás yure ticōri, yure tuorūnūa mū. Gājerāma yure tibitibojarāti yure ĩna tuorūnūja, queno wanū quenarā yirāji ĩna, yiquī Jesús Tomásre.

Cristore tuorūnūña mūa cūni, yirocu adi uca yū, San Juan ĩ gotire gaye

³⁰ Gaje jaje tiyamani űoquī Jesús gūa ĩ rāca riasotirā tiro riojo. Iti ñarocōti ña jedibea adi papera tutijū. ³¹ Adi yū ucarise, “Jesuti ñañi Cristo, ito yicōri Dios Macu ñañi”, yi mūa tuorūnūtoni uca yū. ĩre tuorūnūcōri, catitĩñare mūa bujatoni itire uca yū.

21

Jua ãmojeno ĩ rãca riasotigoanare Jesús ĩ goãfore gaye

¹ Ito bajija bero mucana tũdi goãioquĩ Jesús, guare ĩ rãca riasotigoanare. Tiberias wame cutirita tunimaju guare goãioquĩ Jesús. Ado bajiro bajicu ĩ goãioja. ² Adocõ jãjarã ñacu gũa minijuacana, Simón Pedro, Tomás “Sũrũaru”, gũa yigu, Natanael Galilea sita Caná wame cutiri cuto gagũ, gũa Zebedeo rĩa, ito yicõri gãjerã jũarã Jesús rãca riasotigoana ñacu gũa. ³ Gũa ito baji ñaroca ado bajiro yiquĩ Simón Pedro:

—Wai jogũ wacu ya yũ, yiquĩ Pedro.

Ito ĩ yijare:

—Gũa cũni mũ rãca waju, yicu gũa.

Ito yicõri wacu ĩja. Cumaju sãjacõri, ñamiasaro wai jobojacu gũa. ⁴ Iti busu mũja wadiroca itajura tunima guare goãioquĩ Jesús. Ito bajibojarocati, “Īti ñaguĩji”, yi masibiticũ gũa. ⁵ Ado bajiro guare yi ruyuuquĩ ĩ:

—¿Wai sãbeati mũa? yiquĩ Jesús guare.

Ito ĩ yijare:

—Sãbea, joboja gũa, yicu gũa ĩre.

⁶ Gũa ito yijare:

—Cuma riojadũjare yorigũ cõa roaya mũa. Ito bajiro mũa yija wai sãrã yirãji mũa, yiquĩ Jesús guare.

Ī roticato bajiroti yicu gũa. Wai jãjarã ĩna ñajare, yorigũre mosã masibiticũ gũa, wai jãjarã ĩna ñajare. ⁷ Ito baji ñaroca, yũ Jesús ĩ maigũ ado bajiro yicu yũ Pedrose:

—Mani Ījuti ñami ĩ, yicu yũ Pedrose.

“Mani Īju ñami”, yũ yija tũocõri, wasoro yosagu ñari joegado sãñaquĩ ĩ. Ito yicõri itajuraju quedi roacoaquĩ ĩ. Ito yicõri Jesús tũju bati waquĩ. ⁸ Cien metrocõ tunima sõjũa jayacu gũa. Ito warãti jaju tunima ejacu gũa. Wai yorigũ rãca weja jãjã ejacu gũa. ⁹ Cuma majacõri, jeame weca wai jũoana ti ejacu gũa. Ito yicõri naju cũni iti ñaja ti ejacu gũa.

¹⁰ Gũa ejaja ticõri, ado bajiro yiquĩ Jesús, guare:

—Wai jane mũa sãana udiarãcõ ãmi waya, yiquĩ Jesús guare.

¹¹ Ito ĩ yija tũocõri, cumaju mũja sãjaquĩ Simón Pedro, ito yicõri wai curã yorigũju ñarã jajũju waire weja mocũquĩ ĩ. Ciento cincuenta y tres ñarã ñacã wai jeyaro. Jãjarã ĩna ñabojarocati cudubiticũ yorigũ. ¹² Ito yija Jesús ado bajiro yiquĩ guare:

—Ba yujirã waya maji, yiquĩ Jesús guare.

“¿Ñimũ ñati mũ?” yi seniãabiticũ gũa, “Mani Ījuti ñami”, yi masicõri. ¹³ Ito yicõri gũa tũju eja rãgũcõri, naju guare batoquĩ ĩ. Waire cũni ito bajiroti yiquĩ.

¹⁴ Itina udiãji goãioquĩ Jesús guare, godacõri tũdi ĩ catija bero.

Simón Pedro rãca Jesús ĩ busire gaye

¹⁵ Gũa ba yuji tĩoja bero ado bajiro seniãaquĩ Jesús Simón Pedrose:

—¿Mũ rãca gãna rẽtoro yũre maiati Simón, Jonás macũ mũ? yiquĩ Jesús Simón Pedrose.

Ito ĩ yijare:

—Mũre maia yũ Īju yũ. “Yũre maiami”, yi masia mũ, yiquĩ Pedro Jesure.

Ito ĩ yijare:

—Oveja rĩare ĩna ecasotiado bajiro yũre yiari yũ ñarãre riaso ĩsima mũ, yiquĩ Jesús ĩre.

¹⁶ Mucana tũdi jũaji seniãaquĩ Jesús Simón Pedrose:

—¿Yũre maiati Simón, Jonás macũ mũ? yiquĩ Jesús Pedrose.

—Mũre maia yũ Īju yũ. “Yũre maiami”, yi masia mũ yiquĩ Pedro Jesure.

Ito ĩ yijare:

—Ovejare ĩna codeado bajiro yũre yiari yũ ñarãre code ĩsima mũ, yiquĩ Jesús Pedrose.

¹⁷ Ito yija mucana tũdi udiãji seniãa quenoquĩ Jesús ĩre:

—¿Yũre maiati Simón, Jonás macũ mũ? yiquĩ Jesús Pedrose.

Udiãjiju, “¿Yũre maiati mũ?” Jesús ĩ yija tũocõri, bojori bũjaquĩ Pedro. Ito bajiri ado bajiro yiquĩ ĩ Jesure:

—Jeyaro masigũ ña, yu ʘju mu. Yu mure mairise masia mu, yiquĩ Pedro Jesure.
Ito ĩ yijare:

—Ovejare ĩna ecasotiado bajiro yure yiari yu ñarãre riaso ĩsima mu. ¹⁸ Riti mure gotia yu. Iti rãmujũ mamũ mu ñaja yutabuju sãñacõri, mu ãmoro bajiroti wa ucusotiyija mu maji. Mu bũcũgũ ñaja mu ya ãmo siacõri, mu wa ãmobetojũ mure ãmi warã yirãji ĩna, yiquĩ Jesús Pedore.

¹⁹ “Ito bajiro mu godaja ticõri, Diore rũcũbuorã yirãji masa”, yirocũ ito bajiro gotiquĩ Jesús Pedore. Ito ĩ yija bero:

—Waya yu rãca. Yu oca tũo sũyagũ waya, yiquĩ Jesús ĩre.

Yu Juan ĩ rãca riasotigorũre Jesús ĩ bũto maire gaye

²⁰ Jũda ticõri, ĩnare yu sũyaja tiquĩ Pedro. Yu ña Jesús rãca riasotigorũ bũto ĩ maicacũ. Yu ña Jesús rãca basũsacati rãmũ ĩ tũ rujicacũ. Yu ña Jesure seniĩacacũ, “¿Ñimũ ñati mure ĩna ñiatoni gotiri masũ?” yi seniĩacacũ ña yu. ²¹ Yure ticõri, ado bajiro Jesure seniĩaquĩ Pedro:

—Yu ʘju, ¿ãniama no bajiro godagũ yiguĩjida? yiquĩ Pedro Jesure.

²² Ito ĩ yija ado bajiro cãdiquĩ Jesús:

—Mũcana tũdi yu ejarijũ ĩ catire yu ãmoja, catigũ yiguĩji maji. Iti mu masibeja, no yibea mure. Muãma yure sũyaba, yiquĩ Jesús Pedore.

²³ Ito ĩ yija tũocõri: “Juan godabicũ yiguĩji”, yire masicã ĩna. Jesuama, “Godabicũ yiguĩji”, yibitiquĩ. Ado bajirojũ yiquĩ ĩ: “Yu tũdi ejarijũ ĩ catire yu ãmoja, catigũ yiguĩji maji. Iti mu masibeja, no yibea mure”, yigũ yiquĩ Jesús. Iti oca queno tũo masibiticõri, “Godabicũ yiguĩji Juan”, yire oca batobojañi ĩna.

²⁴ Yu ña Juan, Jesús rãca riasotigorũ. Yũti ña adi paperare ucarũ. “Riojo gotiami”, yi masia mu yure.

²⁵ Gaje jaje ña Jesús ĩ yigore. Jeyaro Jesús ĩ yigore mani uca jebojaja cũni, adi macãrũcũrore daja rãtacoabodoja papera tutiri. Itocõ ña.

Los Hechos de los apóstoles

Espíritu Santo mware queo sãgũ yiguĩji Dios, Jesús ĩ yire gaye

¹ Yũ baba Teófilo, ñati mũ. Iti rũmũjũ mure papera yũ cõasũocati Jesús ĩ yigore, ito yicõri ĩ riasore gaye mure papera cõacũ yũ. ² Ñajediro ĩ yigore mure gotigũ macãrucũro ĩ mũja warajũna ucasũsacũ yũ. Ũmacũjũ ĩ mũjaroto riojũna ĩ oca goti ucuronare beseyijũ Jesús. Apóstoles wame cõtuyijarã ĩna. Espiritu Santore tũocõri, “Adi ña mũa moaroti”, yiyijũ Jesús ĩnare. ³ Jesús ĩ godaja bero mũcana tũdi caticõri ĩ oca goti ucutoni ĩ cũanare goaũoyijũ Jesús. Jũarã masacõ rũmũri goa ñayijũ Jesús, coji meje. ĩ tũdi catire gaye queno ĩna masisatoni biyaro goaũoyijũ Jesús, ĩ cũanare. ĩnare goaũocõri, “No ĩre tũorũnũrãreti ĩ rotirojũ miojugũ yiguĩji Dios”, yire oca riasoyijũ Jesús ĩnare.

⁴ ĩna rãca ñagũjũ, ado bajiro gotiyijũ Jesús ĩnare maji:

—Ado Jerusalénre wagobeja mũa. Mani Jacũ Dios ĩ gotiado bajiroti Espiritu Santo ĩ ejarotire bocatiya mũa, yiyijũ Jesús ĩnare. Ito yicõri, coji meje mware goticũ yũ ĩtire, yiyijũ Jesús ĩnare. ⁵ Iti rũmũjũ ñeñaro mũa yirise jidicãja bero mware idé guñi Juan. Ito bajiri nocõ mejeti Espiritu Santo queo sãgũ yiguĩji Dios mware, yiyijũ Jesús ĩ cũanare.

*Macãrucũro*jũ Jesús ĩ mũja ware gaye

⁶ Jesús rãca minijuacõri ado bajiro seniĩayijarã ĩna ĩre:

—Jane mejejũ romano masa gũa ya sita ĩmacõri gũare moa rotiyoni ĩna. ¿Adocãta ĩnare bucõagũ yigũjada mũ? Ito yicõri, ¿ado gũa rotigorajũ mũcana gũare jũdacõa rotigũ yigũjada mũ? yiyijarã ĩna Jesure.

⁷ ĩna ito yija tũocõri, ado bajiro cũdiyijũ Jesús ĩnare:

—No yicõri masire ma mware. Mani Jacũ Dios, ĩ masirisena ĩ yirotire, ĩ sũgũti masiami ĩtire. Masibea mũa. Di rũmũ, di rodo, di ũmũa, yi masibea mũa. Dios sũgũti masiami ĩ yirotire. ⁸ Adijũna ña mũa masiriseoni. Espiritu Santo ĩ wadiroca, oca sũorise ejaro yiroja mware. Ito yicõri gãjerã cũtorijũ wacõri, ĩnare yũre bũsirã yirãji mũa. Jerusalénjũ, Judea sitajũ cũni, Samaria sitajũ cũni, macãrucũro ñarocõjũti, yũre bũsirã yirãji mũa, yiyijũ Jesús apóstol mesare.

⁹ Iti ĩnare goti tũocõri, ĩre ĩna tibojaroca riti ũmacũjũ mũja wasũoyijũ Jesús. Ito bero ide bueri iti ejarocati, ruyubiticoayijũ Jesús ĩja. Ito bajiri tũdi tibisijarã ĩna Jesure. ¹⁰ ĩ mũjagorajũ macãrucũrojũ ti mũo ñayijarã ĩna. Ito bajiro ĩna ti mũo ñaroca ñajasaroti Dios ñaro gãna jũarã ángel mesa goa rũgũyijarã ĩna tũ. Yutabuju bũto yorise sãñarã ñayijarã ĩna. ¹¹ Ado bajiro gotiyijarã ĩna:

—Mũa Galilea gãna, macãrucũrojũ ti mũo rũgõbesa. Āni Jesuti, macãrucũrojũ mũja wacũ, mũcana ĩ mũja waja, mũa tiado bajiroti mũcana tũdi ejagũ yiguĩji ĩja, yiyijarã ángel mesa Jesús ĩ cũanare.

Judas ñajacũre wasoarona Matíasre ĩna besere gaye

¹² Olivos wame cũtiri tũriajũ ñayijarã Jesús ĩ cũana. Ito bero Jerusalénjũ tũdicoayijarã ĩna ĩja. Sõjũ meje ñayijũ iti cũto. Coji cõrecõ ñayijũ iti cũto. ¹³ Cũtojũ ejacõri ĩna ñari wijũ mũja wacõri, co sãnimũ weca sãjayijarã ĩna. ĩna ñayijarã ado bajiro wame cũtirã: Pedro, Juan, Santiago, Andrés, Felipe, Tomás, Bartolomé, Mateo, ito yicõri Alfeo macũ Santiago. Ito bero gãjerã ñayijarã Simón celote gaye tũoĩagorũ, ito yicõri Santiago macũ Judas. Itocõ ñayijarã ĩna. ¹⁴ Sũgũre bajiro usi cũticõri minijuasotiyijarã ĩna Diore bũsirona. Jesús ocabajirã, ito yicõri Jesús jaco María, gãjerã romia cũni cojũti minijuacõri Diore bũsiyijarã ĩna.

¹⁵ Iti rũmũriti Jesure masirã minijuayijarã. Co ãmojeno masa ñayijarã ĩna. ĩna wato wũmũ rũgũcõri, ado bajiro gotiyijũ Pedro ĩnare:

¹⁶ —Tuoŷa yu űarā mu. Jane mejeju mani űicu David űayoru, Espiritu Santo ĩ rotija ucayoűi, Judas ĩ űarotire. “Jesure ĩna űiatoni gotigu yiguĵi Judas wame cutigu”, yi tuoŷa yugu ito bajiro ucaűi David űayoru. Iti ĩ ucayore bajiroti rĕtacu. Ado bajiro rujeayiju Dios ĩ busire. Tĕote mu, yiyiju Pedro ĩnare.

¹⁷ Judas cuni mani rāca cocati Jesús rāca riasotiquĩ. Ito yicōri mani rāca moaquĩ. ¹⁸ Mani rāca moacacu űabojaguti Jesure ĩna űiatoni oca meniűi ĩ. Ito bajiro űeűaro ĩ yija bero yucugu űmacĵju muja wacōri ĩ ya āmumaju jūgubo siayiju. Ito bajiro yicōri bubu quedi yojayiju. Ito bajicōri godacoayiju ĩja. Ito bero űmacĵju wada yojacōri ĩ ya jeraga joto watoju ĩ ya gudamisi budi yojayiju. ĩ űajacu űeűaro yire wajana sĕori ĩ űajacu ya niyeru āmicōri coju sita waja yiyijarā gājerā. ¹⁹ Jerusalĕn gāna itire tĕobĵacōri, “Acĕldama”, wame yiyijarā iti sitare. ĩna ocanama, “Sĕare waja ĩna waja yira sita űa”, yireoni űayiju. ²⁰ Jane mejeju David űayoru ado bajiro ucaűi: Wagoado űaro yiroja ĩ ya wi. Masa űamenaji ĩ ya wire. Ito yicōri gāji moa wasoagu yiguĵi ĩ ya moare, yi ucaűi David űayoru, yiyiju Pedro ĩnare.

²¹⁻²² Ito bajiri Judasre wasoato mani. “Jesús ĩ godaja bero mucana tĕdi catiami”, yi masigĕre mani beseja quena. Ito yicōri Juan Jesure ĩ idĕ guroca tiru, ito yicōri Jesús ĩ mujaja tigorure mani beseja quena. Gājire beserĵa manire, mani rāca űacacure. Ito yicōri Jesús ĩ wa ucuroca wa ucure beserĵarāji mani. Ito bajigure āmarĵarāji mani, yiyiju Pedro ĩnare.

²³ Pedro ĩ busija bero, ito űarā jĕarā űmure beseyjarā ĩna. “José Justo Barsabás wame cutigu quenami”, yiyijarā ĩna. “Matías ĩ cuni quenami”, yiyijarā ĩna. ²⁴ Ito bajiro yicōri, Diore ado bajiro seniyjarā ĩna:

—Dios gua Ĥju, mu masia masa jeyaro ĩna tuoĕarise gaye. Ito bajiri guare ĩoűa mu beserure. ²⁵ Judasre wasoarocu ito yicōri gua rāca riasotirocure ĩoűa guare. Judas guare wagoquĩ űeűaro yi āmogĕ. Ito bajiri adocāta űeűaro yirise waja, waja yiadoju űaguĵi ĩ, yiyijarā ĩna Diore senirā.

²⁶ Ito yija José Justo wame gĕtagĕju uca wōyijarā ĩna, ito yicōri Matías wame gajegaju. Itigari gĕtagĕri queocōri, “Tito maji, űimu űati Dios ĩ beseru”, yiyijarā ĩna. Gĕtagĕ iti quediya ticōri, “Matías űami Dios ĩ beseru”, yi masiyjarā ĩna. Ito bajiro bajicōri ĩna rāca űasuoŷiju Matías coga gubojeno űarā tu. Ju gubojeno űarocu űayiju ĩ.

2

Espiritu Santo ĩ quedi sĕjare gaye

¹ Pentecostĕs űari rumu ejaroca Diore masirā űarocōti cojuti minijua űayijarā. ² űajasaroti oca sĕoro ruyuyiju űmacĵju. Bu to mino iti wĕaro bajiro bajiyiju. ĩna űari wiju sĕjacōri bu to busiyiju iti. ³ Ito yicōri jea ĵju mujarise bajirise goayiju. Ito yicōri sĕgĕ ruyabeto quedi jeayiju iti. ⁴ Ito yija, Diore riti tuorĕnujaro ĩna yirocu, Espiritu Santo quedi sĕjayiju ĩnare. Itijunati ricati riti ĩna masibiti oca űabojareti busisuoŷijarā ĩna, Espiritu Santo ĩ rotiro bajiroti.

⁵ Iti rumuriti Jerusalĕnju judio masa gaje cutori gāna wadiana űayijarā ĩna. Diore rĕcubĕorona wadiana űayijarā ĩna. ⁶ ĩna busirise iti ruyuja tĕocōri, minijuayijarā masa. Sĕgĕ ruyabeto ĩnarioti ĩna oca tuoŷijarā ĩna. Ito bajiri, no yi masia maűiju ĩnare. ⁷ Ito bajicōri mano ucayijarā ĩna. Ito yicōri ado bajiro ĩnamasiti gāmeri busiyijarā ĩna:

—ĵGalilea sita gāna meje űati, mu tija? ⁸ Jeyaro ricati ĩna busija, ĵno yija mu oca, yu oca cuni jeyaro oca ĩna busija tuoati mani? Gaje cutori gāna űa mani. ⁹ Jeyaro gāna űa mani. Tite mu. Ado űama Partia gāna, Media gāna, Elam gāna, Mesopotamia gāna, Judea gāna, Capadocia gāna, Ponto gāna, Asia gāna, ¹⁰ Frigia gāna, Panfilia gāna, Egipto gāna, ito yicōri Cirene cuto sōju Africa gāna, ito yicōri adiju gāna Roma gāna. Adiju rujeanati űama judio masa coriarā. Gājerāma judio masa ĩna tuoĕare gayere boca āmigoana űama ĩna. ¹¹ Ito yicōri Creta gāna, ito yicōri Arabia gāna, adocō jĕjarā űa mani. ĵNo yija mani jeyaro gāna űabojarāti, Dios ĩ queno yirise ĩna busija tuoati mani? yiyijarā ĩna.

¹² Mano ñna ruju ucaja, no yi masia mañiju ñnare. Ñnamasiti gãmeri seniñayijarã:

—¿No yireoni ñnati adi? yiyijarã ñna.

¹³ Coriarã ado bajiro busiyijarã:

—Mecurã yama, yi aja tudiyijarã ñna, Espiritu Santo sãjagoanare.

Masare Pedro ï gotire gaye

¹⁴ Ñna aja tudija tuocõri, ï baba mesa apóstol mesa rãca wamũ rügũyiju Pedro. Ñna ito yija ticõri, oca sãoro busiyiju Pedro, minijua ñnarã jeyaro ñna tuotoni:

—Queno tuoya yũ ñnarã mũa, yũ busirise. Adiju Jerusalén gãna mũa, queno tuoya mũa cuni. ¹⁵ “Mecurã ya mũa”, yibojarãji mũa guare. Mecurã meje ya gũa. Busuri jĩju ña maji. Mecuraju meje ña maji. ¹⁶ Ado robojua baja. Guare mũa tirise, “Ito bajiro rëtarõ yiroja”, yiyiju Dios oca goti ïsiri masũ, Joel wame cutigu. Jane mejeju ado bajiro ucayoñi Joel, Diore yiari:

¹⁷ Sũsari rũmuri Espiritu Santo masa jãjarãre queo sãgũ yigũja yũ. Yũ yerioti busirã yirãji mũa rĩa masa. Yũ ye gaye tireti goaro yiroja mamarãre cuni. Bucurãreama cãiriju ñnare busicũja yũ.

¹⁸ Sũsari rũmuri Espiritu Santo sãcũja yũ, yũre ejabuari masare. Ito bajiri yũ yerio busirã yirãji ñna.

¹⁹ Ñmacũju macãrucũroju tiyamani mũare ïogũ yigũja yũ. Mũa ñnari tuti, adi sita cuni, tiyamani ïogũ yigũja yũ. Rí ñnaro yiroja, ito yicõri jea ãjurise, ito yicõri bueri bue dajaro yiroja.

²⁰ Ñmacañi cuni yaticoagu yiguĩji. Ñmacañi ñnami gagũ cuni, rí robo bajiro sũagũ yiguĩji. Iti jeyaro baji jediroca, Jesús ñeñaro yiri masare waja seniri rũmũ ejaro yiroja. Ñnari rũmũ ñnaro yiroja Jesús ï ito bajiro ï ïori rũmũ. Guijori rũmũ ñnaro yiroja.

²¹ “Yũ ãju, ñeñaro yigu ña yũ. Yũ ñeñaro yirisere ãcabojoya mũ”, yũre yirãreama jeame ãjuroju ñna wabore ñaroca ñnare masogũ yigũja yũ, yiyiju Dios, Joelre gotigu, yiyiju Pedro masare.

²² Ito yija mũcana tũdi busi remoyiju ï:

—Tuoya yũ ñnarã ado yũ gotiroti. Nazaret gagũ Jesús ï masiro robo yicõri mũare ïoñi. “Dios ï rotiro bajiroti yĩni Jesús”, yi masiarãji mũa itire tigoana ñnari. ²³ Ito bajibojarocati, Jesure ñiacõri, masa quenamenare ïsiyija mũa yucãtëojũ ñna jajutoni. Iti mũa yiroto riojuajũ masi yucãrũ Dios. Ito bajibojarocati mũare camotabitirũ Dios. Jesure sãtoni gãjerãre mũa ïsire waja mũareti seti ña. ²⁴ Dioama Jesús ï godaja bero mũcana tũdi ï catiroca yicõñi. Ito bajiri godagoana ãju Satanás, Jesure ñiacũ masibisiju. Ito bajiri mũcana tũdi caticoañi ï. ²⁵ Jane mejeju mani ñicũ David ñayorũ Jesús ï Jacure ï busigore ucañi. Tite mũa. Ado bajiro busiyiju Jesús Diore:

Cũna yũ rãcati ña mũ. Ito bajiri ñejua güire ma yũre.

²⁶ Yũ tuoĩaja queno sosa yũre. Ito bajiri buto wanucõri mũre busia yũ. Ito bajiri yũ ya ruju godaja bujatobiti yibicũja yũ.

²⁷ Cũna yũ masia godarã watoju yũre wagobicũja mũ. Mũ Macũ ña yũ. Mũre rũcũbuoa yũ. Ito bajiri yũ ya ruju jogaroca yibicũja mũ.

²⁸ Ito bajiri mũcana tũdi yũ catiroca yigu yigũja mũ. Buto wanũ quenagũ yigũja yũ, mũa rãca yũ ñaja mũcana, yiyiju Jesús Diore, yi ucañi David ñayorũ, yiyiju Pedro masare.

²⁹ Ito yicõri gaje ña. Tuoya yũ ñnarã mũa. Mani ñicũ David ñayorũ ï cõja adoti yuje ecoñi. “Ado ña ïre yujeado”, ya mani. Ito bajiri ï tuoĩarise gaye meje busiyorũ ï. ³⁰ David catigũju, ïa bajirotire goti yuri masũ ñayoyiju. “Ija yũ janerãbatia Dios ï cõarũ sigũ ñagũ yiguĩji. Yũ robo ãju ñagũ yiguĩji ï”, yi tuoĩayiju David, Dios ï gotija tuocõri. Tite mũa.

³¹ Ado bajiro ucañi David: “Cristo mũcana tũdi catigu yiguĩji. Ito yicõri ï ya ruju godana watoju jogabeto yiroja”, yĩni David. Ito ï yirisere, ïa bajirotire gotigu yĩni ï, yiyiju Pedro.

³² Mũcana tũdi busi remoyiju Pedro:

—Jesús ï godaja bero, mũcana tũdi ticũ gũa. Ito bajiri, “Ire tũdi catioñi Dios”, ya gũa.

³³ Dios ñmacũjuna ñacõri Jesure jiyiju. Dios tũ ejacõri ï ya riojocadũja, rũcũbuoraju,

rujiguñji Jesús. Dios ï goticãdo bajiroti Jesure cūñi, Espíritu Santore guare ï queo sãtoni. Jijũ mua tirise, ito yicõri mua tuorise, Espíritu Santo ï ejaja ito bajiro rêtamũ. Ititi ña ï wadire gaye. ³⁴ David ñayorũ ïmasire rêtaroti meje ucayoñi ï. Jesús ï mujado bajirogoroama, ï ya rujũ rãca ñarocõti ïmacũjũ mujabitoyoyijũ David. Ito bajiri ado bajiro ucayoñi David:

Mani Hju Cristore ado bajiro yiñi Dios: “Yũ tũ riojocaduja rujiya, rũcubũorajũ.

³⁵ Mũ wajana queno mũre ñna cudiroca yigũ yigũja yũ”, yiyijũ Dios mani Hjure. Ito bajiro ucayoñi David, yiyijũ Pedro.

³⁶ ‘Yũ ñarã, ito bajiri ïja, “Riti ña”, yi masitoni mũare busia yũ. Cristore, yucutẽojũ mua sãrũreti, mani Hju ñarocũre, manire masorocũre cūñi Dios. ïti ñami mũcana, yiyijũ Pedro masare.

³⁷ Ito bajiro ï yija tuocõri, bũto tũoĩa usi bata bũjatobisijarã ñna. Ito bajiri Pedro mesare seniñayijarã ñna:

—¿No yirũjati gũa ïja? yiyijarã ñna.

³⁸ ñna ito yija tuocõri, Pedro ado bajiro cãdiyijũ ñnare:

—Ñeñaro mua yirise jidicãña, mua ñeñaro yirisere Dios ï ãcãbojotoni. Ito yicõri, “Jesucristore masirã ñama”, gãjerã ñna yi masitoni, idé gu rotiya mua. Ito yija Espíritu Santo queo sãgũ yiguñji Dios mũare. ³⁹ Dios, Espíritu Santo sã ãmoguñji mũare, ito yicõri mua rĩare, mua janerãbatiare, ito yicõri sõjũ gãnare cuni. ï beserã ñajedirore Espíritu Santo sã ãmoguñji Dios, yiyijũ Pedro.

⁴⁰ Iti riti busigũ meje yiyijũ Pedro. Ito yicõri masare riaso busiyijũ ï. Gaje ado bajiro ñnare riaso busiyijũ Pedro:

—Masa ñeñarã rãca wũsabesa mua. Camotadiya mua, ñna rãca jeame ãjũroju mua wabe yirona, yiyijũ Pedro.

⁴¹ Ito bajiro Pedro ï gotija tũo wanũcõri, udiãji mil masa ñarã Jesure boca ãmiyijarã. Ito yicõri yoari mejeti idé gu rotiyijarã ñna. ⁴² Ito bajiro yicõri apõstol mesa rãca ñna riasorise tuorona ñna tũ minijuasotiyijarã. ñna riasorisere tũo ñnacõri itire tuorũnũ jidicãbisijarã ñna. Ito bajiri sãgũ bajiro riti usi cãtiyijarã ñna ïja. Ito bajiro tũoĩacõri ñna rucorisere maimenati bojoro bũjarãre ïsiyijarã ñna. Coji ruyabeto minijuacõri Diore busiyijarã ñna. Ito yicõri, “Iti ña Jesús ya rujũ robo bajirise”, yi tũoĩacõri naju bato bayijarã ñna. Manire yiarĩ Jesús ï goda ïsire tũoĩarã ï rotiro bajiro najure bato bayijarã.

Cajero Jesure tuorũnũsũoana ñna ñnare gaye

⁴³ Apõstol mesa jaje tiyamani ïoyijarã, Dios ñna rãca ï ñajare. Itire ticõri mano ucayijarã masa ito gãna. ⁴⁴⁻⁴⁵ Sãgũ ruyabeto Jesure masirãma sãgũ bajiro riti usi cãtiyijarã ñna. Gãjerã bojoro bũjaja ticõri, ñna ya gajeoni ïsicõri waja ãmiyijarã ñna, bojoro bũjarãre niyeru ïsirona. ⁴⁶⁻⁴⁷ Co rũmũ ruyabeto, sãgũ bajiro riti tũoĩarã ñnari, Dios ya wiju minijuasotiyijarã ñna Diore busirona. “Ñasagũ ña Dios mũ”, yi busiyijarã ñna, Diore rũcubũorã. Ito yi tũdi wacõri ñna ya wirijũ naju bato bayijarã ñna. Bũto wanũ quenayijarã ñna, ñna baba mesa rãca bare bato barona. “Gãjerã rêtoro tũoĩa masirã ña mani”, yi tũoĩabisijarã ñna. Queno ñna yirise ti masicõri, “Queno yirã ñama”, yiyijarã cũto gãna. Co rũmũ ruyabeto iti cũto gãna coriarã Jesure boca ãmiyijarã. Jesure boca ãmicõri Jesure masirã tũ minijuayijarã ñna. Ito bajiri jãjarã busa Jesure masirã bũjũ wayijarã ñna.

3

Rudurũre yisiore gaye

¹ Co rũmũ ruyabeto tres ñaroca riti Diore busisotiyijarã ñna. Ito bajiri itocõ tũjaroca Dios ya wiju mũja wayijarã ñna, Pedro, Juan rãca jũarã, Diore busirona. ² Soje tũ sãgũ masũ rujiyijũ. Cajerojũti wa masibicũ rujearu ñayijũ ï. Ito bajiri wa masibisijũ ï. Co rũmũ ruyabeto ï baba mesa ïre ãmi wasotiyijarã. Ito yicõri soje tũ ïre jidi rojosotiyijarã ñna. Iti soje ado bajiro wame cãtiyijũ. Seyori soje ñayijũ iti soje. Iti soje tũ rujiõri ito

ejarãre, “Yũre ti maiñame, jabeto niyeru yũre ïsiña mũa”, yi rujijijũ ï. ³ Pedro mesare sãjarã wana yiroca:

—Yũre jabeto ti maiñame mũa, yiyijũ rudurũ.

⁴ Ito ï yija tũocõri, queno tisayijarã ïna ïre. Ado bajiro yiyijũ Pedro ïre:

—Adojũa tiya mũ, yiyijũ ïre.

⁵ “Yũre jabeto ïsirã yirãji”, yirocũ queno tũoñabojayijũ ï. ⁶ Ito yija Pedro ado bajiro yiyijũ ïre:

—Niyeru ma yũre, manirea. Gaje ñasarisejũa mũre ejabũacũja yũ. Jesucristo Nazaret gagure tũorũnũcõri, “Wũmũña mũ, wasa”, ya yũ mũre yiyijũ Pedro rudurũre.

⁷ Ito bajiro yicõri ï ya riojocadũja ñiacõri tũa wũmũo rũgõyijũ Pedro. Ito ï yirocati, ï ya ñicũri sũocoayijũ ïre, rudurũ ñabojarũre. ⁸ Ito bajiri bubu quedu rũgũcõri, wasũoyijũ ï. Pedro mesa rãca sãja wayijũ rudurũ ïja, Dios ya wijũre. “Dios queno yami yũre. Yũ ñarise cõtirise yũre yisioami ï”, yi wanũ quena wayijũ ï. ⁹ Iti wijũ Dios ya wijũ ñarã ï waja tiyijarã ïna. “Queno yami Dios yũre”, ï yi bũsija tũoyijarã ïna. ¹⁰ Ito bajiri ïre ti masicõri ãcayijarã ïna. “Soje tũ rujigũ, rudurũ, niyeru seni rujigũ, ¿meje ñati ï?” yiyijarã ïna ãcare rãca.

Pórtico de Salomón wame cõtirijũ masare Pedro ï gotire gaye

¹¹ Rudurũ ñabojarũ, Pedro mesa watoje ñayijũ ï. Ñnare jidicãbisijũ ï. Dios ya wi tũ, Pórtico de Salomón wame cõtirijũ rũgõyijarã ïna Pedro mesa. Iti ito bajiro rõtaja ti ãcacõri, masa jãjarã ũma minijuayijarã ïna. ¹² Masa ïna minijuaja ticõri, ado bajiro bũsijijũ Pedro ñnare:

—¿No yija ti ãcati, yũ ñarã mũa? Sõco busa tiya guare. Ñni rudurũre guamasiti yisiobijũ. Gũa masiro robo yija meje, Diore queno gũa cũdija meje wami ñni rudurũ.

¹³ Ado robojũa bajia. Jesús ũmacũjũ gagũ ïre yisioñi. Mani ñicũsabatia Abraham, Isaac, ito yicõri Jacob cũni Diore riti rũcũbuoyijarã ïna. Dios ïna rũcũbuorũ mũcana ïti ñami ïja. Godarũre tũdi catiocõri, masa ïna rũcũbuoroti gayere jidicãyijũ Dios ï Macũ Jesure. ï Jesureti ñiacõri ïsiyija mũa, ñari masa ãjarãre, ïre ïna sãtoni. Ujũ Pilato, Jesure ï bucõa ãmbojarocati, mũajũa bucõare ãmobisija. ¹⁴ Pilatore, Jesús quenagũre bucõa rotiado õno yirã, sãari masũre bucõa rotiyija mũa Pilatore. ¹⁵ Ito yirã riti masare catire gaye ïsigũre sãa rotiyija mũa. Ito bajibojarocati, Dioama godarũre tũdi catiocõni. ïre ticõri, “Mũcana tũdi catiami”, yi masia gũa, yiyijũ Pedro.

¹⁶ Ito yicõri mũcana ado bajiro bũsi remoyijũ Pedro:

—Ñni rudurũ ñabojacacũre ti masia mũa. “Jesús yũre yisio masiami”, ï yi tũoñajare, yoari mejeti ï ya ñicũri sũocoayijũ ïre. Ñnaro bajiroti ïre yisioñi Jesús. Itire ti masia mani, yiyijũ Pedro.

¹⁷ Masia yũ ñarã yũ ïja. Mani ãjarã rãca Jesure sãa rotiyija mũa. “Bũto ñeñaro ya gũa”, yi tũoña masibitibojarãti ito bajiro yiyijari yũ ñarã, ya yũ mũare. ¹⁸ Jesure mũa sãcatijũ, “Ito bajiro yiroja”, Dios ï yire ñaro bajiroti bajicũ iti. Dios ï oca gotiri masa ïre yiari ado bajiro gotiyijarã jane mejejũ: “Cristo quenabeto tõbũjacõri, godagũ yiguñi”, yiyijarã Dios oca gotiri masa. ¹⁹ Ito bajiri iti oca tũocõri ñeñaro mũa yirisere jidicãña mũa. Ito yicõri Dios ï ãsi cõtiro bajiro tũoñaña mũa, ñeñaro mũa yirise ï ãcabojetoni. Ito yija Dios mũa ya ãsijũ ãsirioya mani mũare jidicãguñi. ²⁰ Ito yija mũcana tũdi cõagũ yiguñi Dios, Cristore. Jane mejejũ besecãñi Dios, Cristore mani Ujũ ñarocũre. ²¹ Adocãta ũmacũjũ ñaguñi Cristo. Co rũmũ adi macãrũcũrore mũcana quenogũ yiguñi Dios, ï goticãdo bajiroti. Dios ï queno tĩori rũmũ bocatigũ yiguñi Jesucristo. Adi ña Dios oca goti ïsiri masa, Diore rũcũbuorã ïna ucare. ²² Sũgũ Dios oca goti ïsiri masũ, Moisés wame cõtigũ, ado bajiro gotioñi mani ñicũsabatiane: “Dios mani Ujũ yũre ï cõado bajiroti, gãji ï oca gotirocũ cõagũ yiguñi. Dios ï cõarocũ mani comasiti ñagũ yiguñi. ²³ Jeyaro ï yirise yiro bajiroti cũdiba mũa. Yiro robo cũdimenare, mani Israel gãnare gajerojũ ãmicõa ruyuriocõgũ yiguñi”, yiyijũ Moisés ñayorũ. Adi ña mani ñicũsabatiane, ï gotire, yiyijũ Pedro masare.

²⁴ Mũcana tũdi bũsi remoyijũ Pedro:

—Samuel bero gāna cūni Dios oca goti ĩsiri masa, adi r̄m̄uri bajiroti gayere, ñaro bajiroti gotiyoyijarā ĩna cūni. ²⁵ Jane mejeju, mani ñic̄usabatiajuare Dios ĩ gotic̄arere gotiyijarā ĩna Dios oca gotiri masa. Dios mani ñic̄usabatiajuare, ĩ gotic̄are ñajare quenarise ejaro yiroja manire. Ado bajiro mani ñic̄u Abraham ñayor̄ure gotic̄ayij̄u Dios: “Queno masa jeyaro wan̄u quenare gaye ejaro yiroja, m̄u r̄ia janer̄abatiana suoriti ĩ rujeajare”, yiyij̄u Dios mani ñic̄u ñayor̄ure gotiḡu. ²⁶ ĩ Mac̄ure t̄udi catioc̄ori, cajero mani r̄aca ñaroc̄ure ĩre c̄oāni Dios, mani queno wan̄u quenatoni. Ito yic̄ori mani ñeñaro yirisere jidic̄atoni, ĩ Mac̄ure c̄oāni Dios, yiyij̄u Pedro masare gotiḡu.

4

Ujarā ñasarā riojo Pedro mesa ĩna busire gaye

¹ Pedro, Juan r̄aca j̄uarā masare ĩna riaso ñaroca paia ejayijarā, saduceo gaye t̄uoīarā, ito yic̄ori Dios ya wi coderi masa uju cūni. ² Pedro ito bajiro masare ĩ riasoja t̄uoc̄ori, b̄uto junisini ejayijarā ĩna. Ado bajiro riasoyij̄u Pedro ĩnare: “Jesús ĩ godaja bero m̄ucana t̄udi catiñi. Ito bajiri mani cūni t̄udi catirā yir̄aji, yi t̄uoīa mani”, yiyijarā Pedro mesa masare. ³⁻⁴ Coriarā j̄ajarā Jesús oca t̄uo āmis̄ac̄ori Jesure boca āmiyijarā ĩna. Ito bajirā riti j̄ajarā ũm̄ua co d̄ujamoc̄o mil masac̄o ñarā, b̄uj̄u wayijarā ĩna, Jesure masirā. Ito bajiri paia, saduceo gaye t̄uoīarā, Dios ya wi coderi masa uju cūni b̄uto junisiniyijarā iti t̄uoc̄ori. Ito bajiri Pedro mesare āmi wac̄ori tubiayijarā ĩna, ñamicaj̄u iti ñajare.

⁵ Busuri itij̄u, Jerusalenti, m̄ucana minijuayijarā judio masa ujarā, ḡajerā b̄uc̄urā, ito yic̄ori b̄uc̄urā rotirise riasori masa cūni minijuayijarā ĩna. ⁶ Paia uju Anás wame cutiḡu cūni ito ñayij̄u. Ito yic̄ori Caifás, Juan, Alejandro, ḡajerā paia ujarā ñajediro minijua ñayijarā itoj̄u. ⁷ Ito bero Pedro mesa tubiara wij̄u ñarāre, āmi wadi rotiyij̄u Anás. Pedro mesa ĩ t̄u ĩna ejaroca, ado bajiro senīayij̄u Anás:

—¿Ñim̄u m̄uare masare riaso roticati? Ito yic̄ori, ¿ñim̄u ĩ rotija rudur̄ure yisiocati m̄ua? yiyij̄u Anás Pedro mesare.

⁸ ĩ senīaja t̄uoc̄ori, ado bajiro c̄adiyij̄u Pedro, Esp̄iritu Santo ĩ masirisena:

⁹ —T̄uoya m̄ua. Rudur̄ure ḡua queno yire, ito yic̄ori ĩre ḡua yisioire, ¿itire ḡuare t̄uo t̄udiati m̄ua? yiyij̄u Pedro, masa ujarāre ito yic̄ori b̄uc̄urāre cūni. ¹⁰ M̄ua queno masitoni, ito yic̄ori Israel sita gāna ñaroc̄oti ĩna masitoni, m̄uare ñasarise gotia ya. Āni rudur̄u ñabojar̄u m̄ua riojo r̄uḡoḡure yisioñi Jesús Nazaret gaḡu. Jesús, yuc̄t̄eoj̄u m̄ua s̄iaruti, Dios t̄udi catioruti, ĩti rudur̄ure yisioñi. ¹¹ Jane mejeju David ñayor̄u ado bajiro ucayoiñi: “M̄ua wi meniri masa ḡūtaḡare c̄oabojayija m̄ua. Ito bajibojarocati m̄ua c̄oaraga ñasarica ñaroja ḡūtaḡā”, yi ucañi David ñayor̄u, Jesure t̄uoīa yuḡu. Ado bajiro bajia yireoni ña adi. M̄ua judio masa ujarā, Jesure āmomena yir̄aji. Ito bajibojarocati ñasaḡu ñaḡu yiguñi ĩ. ¹² Jesucristo s̄iḡuti ñami adi mac̄ar̄uc̄uroj̄u masare masoroc̄u Dios ĩ c̄oar̄u. Jesús s̄iḡuti manire maso masiguñi. Ñim̄uj̄ua ḡaji ĩ robo bajiḡu maquñi, yiyij̄u Pedro ujarāre.

¹³ Pedro, Juan r̄aca ĩna oca s̄eoro busija t̄uoc̄ori, b̄uto t̄uoīa oca jaiyijarā ujarā. “B̄uto papera riasotibitiana ñabojar̄ati queno busiama ĩna. Jesús r̄aca ñagoanati ñari seyoama āna. Ito bajiri ĩre bajiroti riasoama”, yi t̄uoīayijarā ujarā. ¹⁴ Rudur̄u ñabojar̄u, Pedro mesa r̄aca ĩ ñajare, “Rudur̄ure yisiobisija m̄ua”, yi masibisijarā ujarā ĩnare. ¹⁵ Ito bajiri mac̄uj̄u budi wa rotiyijarā ujarā, Pedro mesare. Ito yic̄ori ĩnamasiti ḡameri busi ñayijarā ĩna ĩja:

¹⁶ —¿No yiana mania Pedr̄ore, Juanre cūni? Jerusalén gāna ñaroc̄oti masiama rudur̄ure ĩna yisioire. Ito bajiri, “B̄ur̄ati yama ĩna”, yi masia ma. ¹⁷ Ado bajiro ĩnare gotir̄uja mani: “Jesús gaye t̄udi m̄ua busi remoja, quenabeto t̄ob̄ujarā wana ya m̄ua. Ito bajiro mani ĩnare gotija, ḡajerāre Jesús oca gotimena yir̄aji ĩna”, yi t̄uoīayijarā ĩna.

¹⁸ Ito yija m̄ucana t̄udi jis̄oyijarā ĩna Pedro mesare. ĩna s̄aja ejaroca, “Masare riasobesa m̄ua, ito yic̄ori Jesús gayere busi uyabesa m̄ua”, yibojayijarā ujarā Pedro mesare. ¹⁹ Ito bajiro ujarā ĩna busija t̄uoc̄ori, ado bajiro c̄adiyijarā Pedro mesa:

—M̄uare ḡua c̄adijama, Diore c̄adimena robo bajiro bajia ḡua. Diore c̄adiado ñno yir̄a, ¿m̄uare c̄adir̄ujati ḡua? yiyijarā ĩna. Dios ĩ tiro riojo, ¿no bajiro quenaroja, yire masiati

mua? Diore cudirã yirãji, ya gua muare. ²⁰ Jesure gua tuogore, gua tigure cuni, itire busi jidicãdo ma gua, yiyijarã Pedro mesa.

²¹ Itire tuocõri:

—Tudi busi uyabesa Jesús gayere. Jesús gayere mua riasoja, quenabeto tóbujarã yirãji mua, yiyijarã ujarã mucana.

Ruduru ñabojaru i waja ticõri, Diore rucuboyijarã masa. “Quenoguti yigu ñami Dios”, yiyijarã masa. Ito ña yija masicõri, masare buto güiyijarã ujarã. Ito bajiri Pedro mesare quenabeto tóbujaroca yibisijarã ña. Ito bajiri riojoti bucõacõyijarã ujarã Pedro mesare.

²² Ruduru ñabojaru, ña yisioru, jũarã masacõ rëto busaro rodori tujagu ñayiju i.

Gua oca sëoroca yiya, yi Diore ña senire gaye

²³ Budi warãjuama ña baba mesa tuju wacoayijarã Pedro mesa. Ña baba mesa tu ejacõri jeyaro ujarã ña busigore gotiyijarã ña. ²⁴ Itire tuocõri sigũ bajiro riti usi cutirã ñari Diore busiyijarã ña:

—Dios gua Jacu, mu sigũti ña buto masigũ. Macãrucũrore meniyija mu, sita cuni, ito yicõri riari. Macãrucũro gaye jeyaro meniyija mu. Ito yicõri adi macãrucũro jeyaro ñarotire rujeoyija mu. ²⁵ Jane mejeju, Espiritu Santore cõayija mu gua ñicu David ñayoru, mu oca i busitoni. Ado bajiro ucayoni David, mre queno moa isigũ ñari:

¿No yija Cristore junisiniati judio masa meje ñarã cuni? ¿No yija judio masa rocati ñasarise meje tuoïati?

²⁶ Adi macãrucũro gãna ujarã minijuacõri ña yucãma, mre ñeñaro yirona, ito yicõri Cristore cuni ñeñaro yirona, yi ucañi David ñayoru.

²⁷ Riti yini David. I gotiadi bajiroti bajicu gua ya cuto. Uju Herodes, ito yicõri Poncio Pilato, judio masa meje cuni, ito yicõri Israel sita gãna cuni cojuti minijua ña ña ña. Mu Macu, ñeñarise yibicure ñeñaro yirona minijuañi ña, masare masotoni mu cõarure. ²⁸ Mu Macure siañi ña. Jane mejeju, ado bajiro rëtaru yiroja, yiyija mu, mu masirisena. ²⁹ Dios gua Jacu, guare tuoia. “Quenabeto tóbujarã yirãji mua”, guare ña yirise acabojabesa mu. Guare ejabuaya mu. Ñaro bajiroti mre cudi amoa gua. Ñe guijobeto, Jesús oca quenarise gua busitoni guare ejabuaya mu. ³⁰ Mu masirisena masa cõrãre masoña mu. Ito yicõri tiyamani cuni yiya mu, “Jesuna suoriti baja adi”, masa ña yitoni, yiyijarã ña Diore busirã.

³¹ Diore ña busi tioroca, ña minijua ñariju sita ueyiju. Sita ueriju tototi, Espiritu Santo quedu sãjayiju ñare. Espiritu Santore queno cudicõri, ñe güire mejeti Dios oca masare gotisuyijarã ña.

“Yu sigũ ye ña gajeoni”, yimena ñari gãjerãre batore gaye

³² Jesure masirã sigũ bajiro riti tuoia ñayijarã ña. Ña rucorise, “Yu sigũ ye ña”, yibisijarã ña. Ña baba mesare sigũ ruyabeto batoyijarã ña. ³³⁻³⁵ Sita rucorã, ito yicõri wiri rucorã, gãjerãre isiyijarã ña. Iti isicõri niyeru bujayijarã ña. Niyeru bujacõri apóstol mesare isiyijarã ña, bojoro bujarãre ña isitoni. Ito bajiri ña rãca gãna sigũju bojoro bujarã mañijarã ija. Jesús oca quenarise riaso jidicãbisijarã apóstol mesa. “Jesús i godaja bero, mucana tudi caticõri, ñami mucana”, yi queno sëo quenaro gotiyijarã ña masare. Ito bajiroca Jesure masirã ñarocõreti queno ña wanu quenatoni, ñare ejabuayiju Dios. ³⁶ Jesure masirã wato ñayiju sigũ levita masu. José wame cutigu ñayiju i. Chipre wame cutiri yogaju rujearu ñayiju i. Apóstol mesa, Josére gaje wame woyijarã, Bernabé. Griego ocama, “Wanu quenare gaye riasogu”, yireoni ñayiju iti wame. ³⁷ Josére sita ñayiju. Itire gãjire isiyiju i. Iti waja niyeru bujacõri apóstol mesare isiyiju, bojoro bujarãre ña batotoni. Queno yigu ñayiju José.

5

Ananías i manajo Safira rãca ña ñeñaro yire gaye

¹ Gãjijua, Ananías wame cutigu i manajo Safira rãca, queno yirã meje ñayijarã ña. Ananías i manajo rãca ña ya weseca gãjerãre isiyijarã. Ito yicõri niyeru bujayijarã ña.

² Ananías ĩ manojō rāca corō bajiro t̄oĩayijarā ĩna. Ito bajiri niyeru jabeto yeyoyijarā ĩna. Ito yicōri apóstol mesare ĩsigũ wayijũ r̄ayarise. ĩnare ĩsi wacu, “Adi riti b̄jabũ yũ”, yiyijũ Ananías ĩnare. ³ Ito ĩ yija t̄ocōri, ado bajiro b̄siyijũ Pedro ĩre:

—Ananías, ¿no yija r̄m̄úa ẽjũre c̄diati mũ? Mũ ya usijũ r̄m̄úa ẽjũ s̄ajañi mũre. “Adi riti b̄jabũ yũ”, mũ yija, Esp̄ritu Santore r̄uo ãmogũ ya mũ. ⁴ Weseca mũ ya weseti ñabojadoja, mũ ĩsi ãmoja, mũ ĩsi ãmobeja c̄ni. Mũ ãmoro bajiro yir̄jaboyija mũre. Weseca waja mũ b̄jarise c̄ni mũ yeti ñabojadoja. Mũ ĩsirotocōti, “Adocōti ĩsic̄ja yũ”, yir̄jaboyija mũre. ¿No yija ñeñaro t̄oĩacōri r̄uori mũ? Mũ r̄uobojaja c̄ni, ḡuare riti meje r̄uogũ ya mũ. Diore c̄ni r̄uogũ ya mũ, yiyijũ Pedro Ananíasre.

⁵ Ito bajiro ĩ yiroca cojisiti cō quedicoyijũ Ananías. Ito bajija t̄ocōri, ito ḡana ruje ḡuyijarā. ⁶ Ito yija coriarā mamarā Ananías ya rujũre ḡumacōri ĩre yujerā wayijarā ĩna.

⁷ Ito bero ẽdiaji cōrecō ejayijo Ananías ñabojarũ manojō. “Ito bajiroja”, yibisijo iso.

⁸ —¿Adi ñarocōti ñati weseca waja, m̄ua b̄jare? yiyijũ Pedro isore.

—Ñarocōti ña, yi r̄uoyija iso.

⁹ Ito iso yija t̄ocōri, ado bajiro yiyijũ Pedro isore:

—¿No yija mũ man̄jũ rāca s̄igũre bajiro usi c̄ticōri, Esp̄ritu Santore r̄uo ãmori m̄ua? Mac̄jũ t̄ajama mũ man̄jũre yujerā ejana. M̄cana mũre ãmi warā yir̄aji, mũre yujerona, yiyijũ Pedro isore.

¹⁰ Ito ĩ yir̄j̄uti, cojisiti cō quedicoyijo iso c̄ni. S̄aja wacōri cōrore ti b̄jayijarā mamarā. Ito bajiri isore ãmi budi wacōri man̄jũ ñabojarũ t̄ajũ yujeyijarā ĩna m̄cana.

¹¹ Jesure masirā ñarocōti, ito yicōri masa jeyaro, “Ito bajiyijũ”, yija t̄ocōri, b̄to ḡuyijarā ĩna.

Jaje tiyamani ĩna ĩore gaye

¹² Iti r̄m̄uri Jesure masirā s̄igũ r̄yabeto s̄igũ bajiro riti usi c̄ticōri, Dios ya wi t̄ũ, Pórtico de Salomón wame c̄tirijũ minijuasotiyijarā ĩna. Jerusalén ḡana ĩna tiro riojo Dios ĩ masiro bajiro ĩ ejab̄arisena jaje tiyamani ĩoyijarā apóstol mesa. ¹³ Jesure masirāre queno r̄uc̄b̄uoyijarā Jerusalén ḡana. Ito bajibojarocati Jesure masirā t̄ũ ware ḡuyijarā ĩna. ¹⁴ Coriarā b̄to ḡuyijarā, ito bajibojarocati j̄jarā Jesús oca t̄uo ãmis̄ayijarā. Romia c̄ni, ẽm̄ua c̄ni Jesús oca t̄uo ãmis̄ayijarā ĩna. Ito bajiri j̄jarā b̄sa b̄jũ wayijarā Jesure masirā. ¹⁵ Tiyamani Pedro ĩ ĩogore t̄ocōri, cōr̄are ma t̄ũ ĩna cani jesari cumuro r̄acati c̄yijarā masa. Pedro ĩ r̄etaja t̄iana yirona, bocatiyijarā cōr̄a. Manire moaĩjaro yirona, bocatiyijarā ĩna ĩre. Manire ĩ moaĩbeja c̄ni, ĩ r̄m̄ugoti mani joe r̄etajaro yirona, bocatiyijarā. T̄udi cati ãmorā ĩre bocatiyijarā ĩna. ¹⁶ J̄jarā masa, Jerusalén t̄ũ ḡana wija wayijarā Jerusalénjũ cōr̄are ãmi warā. ĩna ya usijũ r̄m̄úa s̄añar̄are c̄ni ãmi wayijarā. Cōbojana ñajediro tuja jedicoayijarā ĩna. Ito yicōri r̄m̄úa s̄añabojana c̄ni r̄m̄úa budicoayijarā ĩja.

Apóstol mesare ĩna usirio codere gaye

¹⁷ Iti t̄ocōri paia ẽjũ ito yicōri ĩ baba mesa saduceo gaye t̄oĩarā b̄to ti tudiyijarā apóstol mesare. ¹⁸ Ito bajiri ñia roticōri Jerusalén ga wijũ, tubiara wijũ tubia rotiyijarā ĩna, apóstol mesare. ¹⁹ Tubia ecoana ĩna ñabojarocati iti ñamiti iti wijũ ángel goayijũ ĩnare. Ito bajiri sojeri janacōri ĩnare t̄ũa ãmi wayijũ ĩ:

²⁰ —Dios ya wijũ wasa m̄ua. Ito ejacōri masare gotiba, ĩna c̄ni catit̄ĩñare gaye ĩna b̄jatoni, yiyijũ ángel ĩnare.

²¹ Ito bajiri busuri j̄jũ, Dios ya wi s̄ajacōri masare riasoyijarā ĩja.

Ito bajiro ĩna riasoroca ricati paia ẽjũ ĩ baba mesa rāca Israel sita ḡana ẽjar̄are jiyijarā, minijuatoni. Ito yicōri, “Tubiara wijũ ñar̄aji”, yirona apóstol mesare ĩna ãmitoni surarare cōayijarā ĩna. ²² Tubiara wijũ ĩna ejaja, mañijarā ĩna. Ito tiboja, t̄udi wacōri, ẽjar̄are gotirā wayijarā surara:

²³ —Tubiara wi queno soje biara wi ñaroca ejabojabũ ḡua. Coderi masa c̄ni itoti ñabojama. Ito bajibojarocati soje janacōri, ḡua tija, apóstol mesa mama, yiyijarā ĩna.

²⁴ Iti oca tʉocōri, paia ʉjʉ ito yicōri Dios ya wi coderi masa ʉjʉ, no yimena bujajijarā ĩna. Iti tʉocōri, “¿No bajiro yirojada ĩja?” yiyijarā ĩna. ²⁵ ĩna bujatobiti ñaroca sĭgũ ejayijʉ ĩna tʉ. Ado bajiro gotiyijʉ ĩ ĩnare:

—Tubiara wijʉ mʉa bia cūbojana, Dios ya wijʉ masare riasorā yama ĩna, yiyijʉ ĩ ĩnare.

²⁶ Ito yija Dios ya wi coderi masa ʉjʉ, ito yicōri ĩ ya moari masa rāca apóstol mesare āmirā wayijarā ĩna. Bʉto sēoro yimenati āmi wayijarā ĩnare. “Masa jājarā gũta reaborāji manire, mani sēoro yija”, yi tʉo gũirā sēoro yibisijarā ĩna. ²⁷ ĩnare āmi wacōri, ʉjarā riojo ĩnare jidi rūgōyijarā ĩna. Ito yija paia ʉjʉ ĩnare ticōri ado bajiro yiyijʉ ĩnare:

²⁸ —Jesús gayere mʉa riasorisere, mʉare rēobojacʉ gʉa. Ito yibojarocati Jerusalén gāna ñarocōreti masare riaso ucuyija mʉa. Ito bajiri sĭgũ rʉyabeto masiama mʉa riaso ucurisere. “Jesús ĩ godare gaye ĩnare seti ña”, yiyija mʉa gʉare, yiyijʉ paia ʉjʉ apóstol mesare.

²⁹ Ito ĩ yija tʉocōri, ado bajiro ĩre cʉdiyijarā apóstol mesa.

—Diojuare cʉdisʉorʉja mani, masare mani cʉdiroto riojʉa. Dios rotirisejʉa ñasa masa rotirise rētoro, yiyijʉ Pedro ĩ baba mesa rāca. ³⁰ Jesús yucʉtēojʉ mʉa sĭa rotirʉreti, Dios mʉcana tʉdi ĩ catiroca yiñi. ĩ Dioti ñami, jane mejejʉ mani ñicʉsabatia ĩna rʉcʉbuogorʉ.

³¹ Dios ũmacājʉna ñacōri, Jesure jiñi. Ito bajiri ĩ ya riojocadʉja, rʉcʉbuorajʉ rujigũji Jesús adocāta. Jesús mani ʉjʉ ñarocʉ, ito yicōri ñeñaro mani yirise waja yi ĩsirocʉre cūñi Dios. Mani Israel gāna ñeñaro mani yirise jidicātoni, ito yicōri, “Jesús ñeñaro yʉ yirise itire ācabojoya”, mani yi senitoni cūñi Dios Jesure. ³² Espiritu Santo sãñagoana gʉa ñajare, ĩna suoriti Dios ĩ jeyaro yigorere gotia gʉa. No Dios ĩ yiro bajiro cʉdigʉ, Espiritu Santo ĩre sãgũ yiguji Dios, yiyijʉ Pedro ʉjarāre.

³³ Pedro ito ĩ yija tʉocōri, bʉto junisiniyijarā ĩna. Ito yicōri Pedro mesare sĭa āmoyijarā ĩna. ³⁴ ʉjarā rāca sĭgũ fariseo gaye tʉoĭagũ ñayijʉ ĩ. Gamaliel wame cʉtigʉ, judio masa ĩna rotirise riasori masʉ ñayijʉ ĩ. Masa ruje rʉcʉbuoyijarā ĩre. Gājerā ʉjarā rāca busirocʉ wʉmʉ rūgũcōri, Pedro mesare bucōa rotiyijʉ Gamaliel. ³⁵ Ito yija ado bajiro busiyijʉ ĩ baba mesa ʉjarāre:

—Queno tʉoya yʉ ñarā mʉa. Āna masare mʉa yi āmorisere, queno tʉoĭaña mʉa. ³⁶ ¿Teudas ĩ yigorere ācabojati mʉa? Nocō rodori mejeti rēta, “Ñasagu ña yʉ”, ĩ yija bero. Iti oca tʉocōri, “Riti bajiroja”, yirona cuatro cientocō ũmʉa sʉyabojayijarā Teudas ñabojarʉre. Ito bero yoa busari gājerā ĩre sĭacōyijarā. Ito bajiri ĩre sʉyabojana ĩna āmoroti batacoayijarā. ĩ riasobojare cʉni jedicoayijʉ. ³⁷ Ito bero mʉcana masare ĩna cōĭari rʉmʉri Galilea gagʉ, Judas wame cʉtigʉ ñayijʉ. ĩre cʉni ĩ busirise tʉocōri masa jājarā sʉyabojayijarā. Ito bero ĩre sĭacōyijarā gājerā. Ito yija ĩre sʉyabojana ĩna āmoroti batacoayijarā ĩna. ³⁸ Ito bajiri mʉare gotia yʉ. ʉsirioro yibesa ānare. ĩna āmoro wacōato. ĩna riasorise gaye masa ye iti ñaja jedicoaro yiroja. ³⁹ Dios ye ĩna riasojama, no yicōri camota masimenaji mʉa. Queno tʉoĭaña mʉa Dios rāca mʉa ñeñame yirona, yiyijʉ Gamaliel, ĩ baba mesa ʉjarāre. Ito bajiro ĩ yija tʉocōri, “Ri ya mʉ”, yiyijarā ĩna.

⁴⁰ Ito yija Pedro mesare jisōyijarā ĩna mʉcana. Ito yicōri ĩnare baje rotiyijarā ĩna. Ito yicōri Jesús gaye busirere ĩnare rēoyijarā ĩna. Ito yija ĩnare jidicāyijarā. ⁴¹ Godoti wanʉ budiyijarā Pedro mesa ʉjarā tʉ ñabojana. “Jesús oca gotitoni Dios ĩ manire cūja quenasacōa, quenabeto mani tōbʉjabojarocati”, yiyijarā Pedro mesa. ⁴² ʉjarā ĩna Jesús gaye ĩna rēobojarocati masare riaso jidicābisijarā ĩna Pedro mesa. Dios ya wijʉ Jesucristo gaye masare riasoyijarā ĩna. Ito yicōri masa ya wirijʉ cʉni riasoyijarā ĩna.

6

Jʉa āmojeno ejabʉari masare ĩna cūre gaye

¹ Iti rodoriti Jesure masirā jājarā busa bujʉ wayijarā. Griego oca busirājʉa, Hebreo oca busirāre busitusuoyijarā. Griego oca busirājʉa, ado bajiro busituyijarā Hebreo oca busirāre: “Co rʉmʉ rʉyabeto mʉa bare batobojaja, corocō batobea mʉa. Mʉa rāca gāna wajeagoana romiare riti jairo ĩsia mʉa. Gʉa rāca gāna wajeagoanareama queno ĩsibe

mua”, yiyijarã ina. ² Ito bajiro ina gãmeri busituja tuocõri, Jesure masirã ñarocõreti miojuyijarã apóstol mesa:

—Dios oca gua riasorise jidicã masibea gua. Guareama gua riasorisejua ña, naju batore gaye rëtoro ñasarise. ³ Ito bajiri jua ãmojeno masa cûrûjarãji mua guare ejabuarona. Ado bajirãre ãmuare beserûjarãji mua. Queno tuoïarã, queno rûcubuoana, ito yicõri Espiritu Santore queno cudirã, mua beseja quena. Ito bajirãre guare ejabuarona cûrûjarãji mua. ⁴ Guama ado bajiro yisotirã yirãji. Diore riti busisotirã yirãji, ito yicõri masare riasorã yirãji guama, yiyijarã apóstol mesa ito ñarãre.

⁵ Ito bajiro apóstol mesa ina busija tuocõri, sigû bajiro riti tuoïa jediyijarã ina, Jesure masirã. Ito yicõri sigûre beseyijarã ina. “Esteban ï ñami Jesure queno tuorûnucõri Espiritu Santore queno cudigû”, yi tuoïacõri ïre beseyijarã ina. Ito yicõri Esteban bajiro tuoïarãre cûni beseyijarã ina. Adocõ ñayijarã ina Esteban baba mesa: Felipe, Prócoro, Nicanor, Timón, Parmenas, ito yicõri Antioquía gagû Nicolás. Judio masu meje ñabojaguti ina queti ocare rûcubuoagû ñayijû ï. Itocõ ñayijarã bare batotoni ina cûana. ⁶ Ito bajiro ñare bese tîocõri, “Ãna ñama iti masa, gua cûrona”, yiyijarã Jesure masirã, apóstol mesare. Ito yicõri ina joe ãmo moa jeocõri Diore busiyijarã apóstol mesa, quenaro Dios ñare ejabuatonî.

⁷ Masa jãjarã busa tuo wayijarã Dios ocare. Ito yiroca riti Jerusalénjû Jesure masirã jãjarã busa bujû wayijarã. Ito yija Paia masa cûni jãjarã Jesús ocare queno tuorûnuyijarã.

Estebanre ina ñiare gaye

⁸ Estebanre queno yiyijû Dios. Ito yicõri ï masirisere Estebanre jidicãyijû. Ito bajiri Esteban tiyamani ruje ïoyijû masa tiro riojo. ⁹ Ito yija co rûmû Esteban rãca gãmeri tuoïa busiyijarã coriarã. Minijuara wijû wasotirã ñayijarã ina. Moa ïsiri masa ñagoana ya wi wame cutiyijû iti wi. Moa ïsiri masa ñagoana co cuto gãna meje ñayijarã ina. Cirene gãna, Alejandría gãna, ito yicõri Cilicia sita gãna, ito yicõri Asia sita gãna ñayijarã ina. Ina ruje tuoïa busiyijarã Esteban rãca. ¹⁰ Ito bajibojarocati Estebanjûama queno busi masiyijû, Espiritu Santo queno ïre ï ejabûajare. Ito bajiri busi rëtocû masibisijarã ina, ïre busibojana. ¹¹ Ito bajiri busi masibiticõri, gãjerãre niyeru ïsiyijarã ina, Estebanre ina oca menitoni. “Diore cûni, Moisésre cûni quenabeto busituami Esteban”, yi rûo gotiyijarã ina gãjerãre, niyeru boca ãmianajua. ¹² Ina rûore ocare tuorûnucõri, cuto gãna Estebanre ruje junisiniyijarã. Iti tuo junisinicõri bucurã ito yicõri judio masa rotirise riasori masa cûni Estebanre ñayijarã, ujû tu ãmi warona. ¹³ Estebanre ujû tu ña ãmi ejaroca niyeru boca ãmigoana ado bajiro rûo gotiyijarã:

—Coji meje Esteban Dios ya wire ï busituja, ito yicõri Moisés ï rotirisere ï busituja tuocu gua, yiyijarã ina. ¹⁴ Ito yicõri Esteban ado bajiro ï busija tuocu gua. “Jesús Nazaret gagû Dios ya wire jana batecõgû yiguïji, ito yicõri Moisés ï rotire mani usi cutibojarise, itire cûni cõacõgû yiguïji”, ito bajiro Esteban ï yija tuocu gua, yi rûo gotiyijarã ina.

¹⁵ Ito yija ujarã tisayijarã Estebanre. ïre ina tija, rio yori rio ñayijû. Dios ñaro gagû ángel rio robo bajiro bajiyijû.

7

Seti ma yure, Esteban ï yire gaye

¹ Ito yija paia ujû ado bajiro seniïayijû Estebanre:

—¿Riti ñati mu ito yire? yiyijû Estebanre.

² Ito ï yija tuocõri, cudiyijû Esteban:

—Yu ñarã tuoya mua. Jane mejejû Dios oca goayijû mani ñicu Abraham ñayorûre. Mesopotamia ï ñarocajû rëtoro masigû Dios oca ruyuyijû, Haránjû ï waroto riojuajû. ³ Ado bajiro ruyuyijû Dios oca: “Mu ya sitare wagoya, ito yicõri mu ñarãre cûni wagoya, gaje sitajû yu mure cûrotoju”, yiyijû Dios mani ñicu ñayorûre. ⁴ Ito yija, Dios ito bajiro ï yija tuocõri, Caldea sitare wagoyijû ï. Ito yicõri Haránjû ñagû wayijû. Itojû Haránjû ña ñaroca mani ñicu jacû ñayorû itojû godagoyijû ïre. Ito bero adojû mani ya sitajû

Abraham ĩ ñatoni ĩre cōañi Dios. ⁵ “Adi sitaju ñaña”, yibojaguti, “Jabeto adi ña mu ya sita”, yibisĩ Dios ĩre. Ito bajiri, “Adi ña yu ya sita”, yi masibisiju Abraham. Cojisiti ado robo, bajiro yiroja yiari goticãni Dios Abrahamre. “Iti sita mure ĩsicuja yu. Mu godagoja bero mu janerãbatia ya sita ñaro yiroja iti”, yiyiju Dios Abrahamre, rĩa macu ĩ ñarocaju maji. ⁶ Iti wato gaje gotiyiju Dios Abrahamre. “Ija co rumu adi sitare wagorã yirãji mu janerãbatia. Ito bajiri adi sitare wagocõri gãjerã ya sitaju ñabojarã yirãji mu janerãbatia. Gãjerãre moa ĩsiri masa ñarã yirãji ĩna. Gãjerã quenabeto ĩna tōbujaroca yirã yirãji. Yoari sīgũ masucõ masacõ rodori itire tũoĩarã yirãji ĩna. ⁷ Ito bajibojarocati mu janerãbatiare ñeñaro yirãre quenabeto ĩna tōbujaroca yigu yiguja yu cuni. Iti cutore wagocõri adi sitaju tũdi ejarã yirãji mucana. Adoju ñacõri yure rucubũorã yirãji”, yiyiju Dios, mani ñicu Abraham ñayorũre. ⁸ Ado bajiro rotiyiju Dios Abrahamre: “Yu mure gotire mu tuo masija, ‘Dios yagu ñagũ yiguĩji ãni’, yirocu mu macu ñarocure pĩ gaja wirotu tagu yiguja mu”, yiyiju Dios Abrahamre. Ito bajiri ĩ macu Isaac ĩ rujejaroca uĩa amojeno rumuri bero ĩre wirotu tayiju. Ito bajiri Isaac, Jacobre ĩ macu cutija wirotu tayiju. Jacob cuni ito bajiroti yiyiju ĩ rĩare mani ñicusabatia ñayoanare. Juã dũjamocõ juã gũbojeno ñarã ñayijarã ĩna. Ado bajiro yiĩni mani ñicusabatia ñayoana, yiyiju Esteban ujarãre.

⁹ Mani ñicusabatia ñayoana, Jacob rĩa rãca José wame cutigu ñayiju. Josére ruje ti tudiyijarã ĩ rĩjoru mesa. Ito bajiri ĩna ocabaji ñabojarũreti gãjerã masare ĩsicõri waja seniyijarã ĩna. Ito bero ĩre bujacõri, Egiptoju ĩre ãmi wayijarã ĩna. Ito ĩna yibojarocati Dios queno tirũnyiju ĩre. ¹⁰ José quenabeto ĩ tōbujabojarocati Dios queno ejabũayiju ĩre. Egipto gagu uju, Faraón wame cutigu Josére jiyiju. Uju Faraón ĩ tiro riojo queno tũoĩare gaye jidicãyiju Dios Josére. Faraón Josére ĩ baba bujatoni queno ejabũayiju Dios. Ito bajiri Faraón ado bajiro gotiyiju Josére: “Yure ejabũari masu ñasagu ñagũ ya mu. Egipto gãna ñarocõreti mu rotire ãmoa yu. Ito yicõri yu ya wi gãnare cuni mu rotire ãmoa yu”, yiyiju Faraón Josére.

¹¹ Iti rodoriti Egipto sitaju bare jedicoayiju. Ito yicõri Canaán sita cuni jedicoayiju. Masa ruje ñio jogayijarã. Ito yicõri quenabeto tōbujayijarã ĩna. Mani ñicusabatia no õno bare buja masibisĩ ĩna. ¹² Ito bajiri mani ñicu ñayoru Jacob, “Egiptoju bare seore ñayiju”, yija tũocõri, ĩ rĩare cõayiju ĩna bare waja yirã watoni. ¹³ Egiptoju bare ãmirã ejayijarã ĩna maji. Bare iti jedija itojuti mucana ãmirã wayijarã ĩna. Mucana tũdi ĩna ejaroca ado bajiro gotiyiju José ĩnare: “Yure ti masibea mu. Mu ocabajiti ña yu”, yiyiju José ĩnare. Ito bajiro José ĩ yija tũocõri, gãjerã ĩ ñarã ñare gayere tuo bujayiju Faraón. ¹⁴ Ito yija José ĩ ñarã ñarocõreti ito yicõri ĩ jacure cuni ji rotiyiju Egiptoju ĩna ñatoni. Udiarã masacõ gãji ye co dũja gũbocõ ñarã ñayijarã ĩna, ĩ ñarã. ¹⁵ Ito bajiro bajijare Egiptoju ñagũ wayiju Jacob. Egiptoju yoari ñacõri itoju godacoayiju Jacob. Ito yicõri ĩ rĩa ñana, mani ñicusabatia ñayoana godaĩni itojuti. ¹⁶ Egiptoju ĩna cõbojarocati ito gãna Siquemju yujerã wayijarã. Siquemju ãmi ejacõri, mani ñicu Abraham ñayoru, Hamor rĩare masari cuma goje ĩ gãmecarajure yujeyijarã ĩna.

¹⁷ Mani ñicusabatia ñayoana, Egipto sitaju jãjarã masa bujuri cuti ñayijarã. Ito ĩna baji ñaroca riti jabeto ruyayiju ĩnare Dios Canaán wame cutiri sita ĩsiroto, “Mu janerãbatiare sita ĩsigũ yiguja yu”, yi Abraham ñayorũre Dios ĩ goticãdo bajiroti. ¹⁸ Iti rodoriti gãji uju Egiptoju rotisũoyiju. José mesa mani ñicusabatia ñayoanare rucubũogu meje ñayiju ĩ. ¹⁹ ĩ uju ĩnare mani ñicusabatia ñayoanare rũoĩni. Ito yicõri quenabeto yiyiju. Mame joearã rĩacare cõa rotiyiju ĩ. ²⁰ Iti rodoti rujeayiju Moisés cuni. Dios ĩ tija quenagũ ñayiju ĩ macuacã. Iti sita uju ĩ rotire masibojagoti Moisés jaco udiarã umacañicõti rucõ ñayijo ĩre. ²¹ Macuacãre yeyo masibiti wacoti, iso macure maibojagoti, uju ĩ rotiado bajiroti ĩre cõabojayijo iso. Ito iso yija bero uju Egipto gagu maco ĩre ti bujacõri, ĩre masoyijo iso macu robo bajiro. ²² Ito bajiri uju maco rãca ñagũ riti Egipto gãna ĩna masirisere queno riasotiyiju ĩ, Moisés. ĩ busija, tuo masire rãca busiyiju ĩ. Ito yicõri ñasarisere moa quenoyiju.

²³ Moisés jũarã masacõ rodori tũjagu, “Ado bajiro bajicuja yu”, yi tũoĩayiju ĩ. “Yu ñarãre tigu wacuja yu, no bajiro ĩna ñaja”, yi tũoĩayiju. ²⁴ ĩna tu ĩ ejaroca, mani yagũre,

Egipto gagu ĩ bajeja tiyiju, Moisés ñayoru. Ito bajija ticōri, ĩre gāme ĩsiyiju. Ito yicōri ĩre sĩa ruyuriocōyiju Moisésjua. ²⁵ “Egipto sitaju guare bucōa ejabuarocu cūyijari Dios, yure yi masirāji yu ñarā”, yi tuoĭabojayiju Moisés. Ito bajiro ĩ tuoĭabojarocati, ĩre bajiro meje tuoĭayijarā ĩna. ²⁶ Gaje ruma mĕcana mani ñarāre ti quenogū wayiju Moisés. Ito ejacōri ĩna comasiti ĩna gāmeri jaroca ejayiju ĩ. ĩnare oca queno āmoyiju ĩ. Ito bajiri ado bajiro ĩnare busibojayiju ĩ maji: “Adojua tuoja. ĩNo yija comasi ñabojarāti gāmeri jati mua?” yiyiju Moisés ĩnare. ²⁷ Sĭgū ĩ babare jagu, ito bajiro Moisés ĩ busija tuocōri, junisinigū Moisésre tucōayiju. “ĩÑimū gua ujū ñarocure cūcati mure? ²⁸ ĩNamica mū Egipto gagure mū sĩado bajiro yure sĩarocu yati mū?” yiyiju ĩ Moisésre. ²⁹ Iti tuo ucacōri, gūigū rudi wayiju Moisés. “Yu sĩare gaye Egipto gānare gotirā yirāji”, yi tuoĭayiju Moisés. Ito bajiri Madián wame cutiri sitaju rudi wayiju ĩ, gaje masa ya sitaju. Itoju manajo bujacōri jūarā rĩa cutiyiju ĩ.

³⁰ Jūarā masacō rodori bero, co ruma wa ucugu wayiju Moisés. Sinaí wame cutiricu gūtagū judoju, yucu manojū wa ucugu wayiju Moisés. Ito yija ĩ tu rujatutu jea ũju rūgōri tutu robo bajiro wato Dios ñaro gagu ángel goayiju ĩre. ³¹ Itire ticōri ucayiju Moisés. Queno tisarocu ito tu ĩ waroca Dios oca ruyuyiju: ³² “Yu ña Dios. Mū ñicusabatia Abraham, Isaac, Jacob cūni yure rucubuoā”, yiyiju Dios Moisésre. Iti oca tuocōri gūigū nūruoyiju Moisés. Ito bajiri iti tuture ti queotu āmobisiju ĩ. ³³ Ito yija mĕcana tūdi busi remoyiju Dios: “Ado jacajuti ña yu. Mū tuti ña yu. Ito bajiri mū ya guboco ruacōña mū. Ito bajiro yicōri yure rucubuoogu yigūja mū. ³⁴ Yu ya masa Egiptoju quenabeto ĩna tōbujaja ticu yu. Ito yicōri ĩna awasāja tuocu yu. Ito bajiri Egipto gānare ĩna camotaditoni ĩnare ejabuagu wadibu yu. Wasa Egiptoju, yu mure tūdi wa rotia yu”, yiñi Dios Moisésre gotigu, yiyiju Esteban ujarāre.

³⁵ ĩ Moisésti ñami, mani ñicusabatia ĩna tuo āmobitiru. “ĩÑimū gua ujū ñarocure cūcati mure?” yiyijarā mani ñicusabatia Moisésre. Ito bajibojarocati Dioti ĩre judacōañi ĩna masa tujū ĩna ujū robo bajiro ñarocure. Mani ñicusabatia Egiptoju ĩna budigotoni ejabuarocure cūni Dios Moisésre. Ángelna suoriti ito bajiro gotiyiju Dios Moisésre, rujatutujūna ĩre goāicōri. ³⁶ Moisésti mani ñicusabatia ñayoanare Egipto sitaju ĩnare ũmatā wayiju ĩ. Egiptoju tiyamani yi ũoyiju Moisés, ito yicōri riaca jajosa Ide Sūarise wame cutirisa tūnimaju cūni ũoyiju ĩ. Ito bajiri yucu manojū ñagū cūni, jūarā masacō rodori ñagū tiyamani ũoyiju Moisés. ³⁷ Moisésti ñami mani ñicusabatia ñayoanare gotiru: “Mani Jacu Dios yure ĩ cōado bajiroti, gāji ĩ oca gotirocure cōagū yiguñi. Dios ĩ cōarocu mani comasiti ñagū yiguñi. Yiro bajiroti cudiba mua ĩre”, yiyiju Moisés mani ñicusabatia ñayoanare. ³⁸ ĩ Moisésti mani ñarā rāca gūtagū judoju Sinaí wame cutiricu judoju minijuañi yucu manojū. Ito yija ĩ sĭgūti gūtagūju mūja wayiju. Itoju ĩ mūja ejaroca Dios ñaro gagu, ángel ĩre busiyiju. Ito yicōri Moisés mani ñicusabatia ñayoanare oca jedibitrotire gotiyiju. Ito bajiri ĩ gotiado bajiroti ejayija manire cūni.

³⁹ Mani ñicusabatia ñayoana, Moisésre ñaro bajiroti cudibitioñi. ĩre tujamena Egiptoju tūdi wa āmoyijarā ĩna. ⁴⁰ Ito yicōri Moisés gūtagū joeju ĩ ñaroca riti, ĩ rĭjoru Aarón wame cutigure ado bajiro gotiyijarā ĩna: “ĩNoju ñati mū ocabaji? Egipto sitaju gua ñaroca guare bubojacacure mū ocabajire masibea gua ĩja. Ito bajiri guare gua ujū ñaroti, gua rucubworoti guare meni ĩsiña. Iti gua rucoja, gua wa āmoro riojo ĩo waroja iti”, yiyijarā ĩna Aarón ñayorure. ⁴¹ Ito yija wecu macuacā robo bajigu meni rujeoyijarā ĩna. Ito yicōri waibucurā sĩa ĩsiyijarā ĩna, ĩna meni rujeorure yiari. Ito yicōri basa meni jeobuayijarā ĩna, ĩna meniru wecu macu bajigure rucubworā. ⁴² Ito bajiro ĩna yija ticōri, ĩnare jidicācōyiju Dios. ĩna āmoro robo ĩna yi āmojare ĩnare camotabisiju Dios. Ito bajiri ñocōa, ũmacañi, ñami gagure cūni rucubwoyijarā ĩna. Diore goti ĩsiri masu Amós ñayoru ĩ ucare ado bajiro gotia:

Israel sita gāna tuoja mua. Mūa waibucurā, mūa sĩare yure rucubworā meje sĩacu mūa, jūarā masacō rodori yucu manojū mūa ñare.

⁴³ Yure rucubuo menati mua ya amonati mua meni rujeorureti rucubuo menati. Jaibiti wiacā menicōri, iti wi totiju Moloc wame cutigu sãcōri gajasoticu mua. Ito yicōri ñocōa robo bajigu mua meni rujeore, Refan wame cutigure rucubuo menati. “Ana ñama mani rucubuo ito yicōri mani ujarã”, yibojacu mua. “Ito bajiri Babilonia sōjuaju muare cōagū ya yu”, yiyiju Dios ñare. Ado bajiro bajiatoja iti, Dios i yirere ucañi Amós ñayoru, yiyiju Esteban ujarãre gotigu.

⁴⁴ Mucana tãdi busi remoyiju Esteban ujarãre:

—Mani ñicusabatia yucu manojū ña waja Dios ya wire menirotire saya webutirise ami wayijarã ña. Ito wiju Dios i rotirise ucaraga gūtagari seoyijarã ña. Moisésna suoriti wiri rujeoyiju iti. Moisés i cãiroju Dios i gotiado bajiroti, iti wire moa rujeoyijarã ña. No ña waroju iti wire ami wayijarã ña. ⁴⁵ Moisés i godaja bero Josué wame cutigu ire wasooyiju. Ito wire amicōri Canaán wame cutiri sitaju wayijarã ña. Canaán wame cutiri sitaju gaje masa ñayijarã. Ito bajiri Dios ejabuoyiju mani ñicusabatiare. Ito cuto ñanare bucōa jeocōyiju Dios. Mani ñicu ñayoru David, i catija ñayiju iti wi maji, saya webutirisena ña menira wi. ⁴⁶ Queno yiyiju Dios, mani ñicusabatia uju David ñayore. Ire buto wanuyiju Dios. Ito bajiri ado bajiro yiyiju David ñayoru Diore: “Yu ñicu Jacob ñayoru queno mare rucubuo. Yu cuni queno mare rucubuo. Ito bajiri wi queno buti quenari wi meni isi amoa yu. Yure meni rotiya mu”, yiyiju David, Diore busigu. Ito i yibojarocati wi meni rotibisiju Dios ire. ⁴⁷ “David i macu Salomónju Diore wi meni isiyiju ija”, yiyiju Esteban, ujarãre gotigu. ⁴⁸ Ito bajibojarocati reoro ñasagu Dios, masa ña menira wi meje ñaguji Dios. Jane mejeju sigū Diore goti isiri masu, Dios oca tuocōri ado bajiro ucañi:

⁴⁹ Umacuju ñabojaguti macarucuro jeyaro uju ña yu. Wi mua meni isibojaja ña masibicuja yu. Wi ñagū meje ña yu.

⁵⁰ Yuti ña jeyaro rujeocacu. Ito bajiro gotiñi Dios, yiyiju Esteban ujarãre gotigu.

⁵¹ Dios oca queno cudibebea mua. Dios oca tuo amobebea mua. Jesure masimena robo bajiro usi cutia mua. Mani ñicusabatia bajiroti Espiritu Santore cudi amobebea mua cuni.

⁵² Mani ñicusabatia ñayoana queno yibisi Diore goti isiri masare. Ito yicōri Cristo ñeñaro yibicu, i ejaroti gayere gotirãre sãyoñi mani ñicusabatia. Ito yija canu busati i ejaroca ire ña sãtoni gãjerãre isiyija mua. ⁵³ Dios i rotirise queno cudibebea mua, ángel mesa queno cudi gaye muare ña jidicãbojarocati, yiyiju Esteban ujarãre.

Estebanre ña sãre gaye

⁵⁴ Ito tuocōri, yaire bajiro guji ioyijarã ña, Estebanre buto junisinirã ñari. ⁵⁵ Ito bajiro ña yibojarocati Espiritu Santo ñayiju Esteban rãca. Esteban i ti muoja Dios i yorise ruyuyiju. Dios ya riojaduju rucubuoaju, Jesús i rügōja tiyiju Esteban. ⁵⁶ Ito yija ado bajiro busiyiju Esteban ujarãre:

—Tite mua cuni. Macarucuro soje janacoaju. Masa Rijoru, Dios ya riojaduju ñami, yiyiju Esteban.

⁵⁷ Mucana tãdi i busija, tuo amomena ña ya gãmo gojeri biayijarã ña. ña ñarocōti buto awasãcōri ire quedu wayijarã ña. ⁵⁸ Ito yicōri cuto sōjuaju ami wacōri, ire gūta reasoyijarã ña. Ito yicōri ña ya yutabujuri ruacucōri, Saulo wame cutigu i tirunuroca riti, Estebanre reayijarã ña. ⁵⁹ ña gūta rearototi, Jesure ado bajiro busiyiju Esteban:

—Jesús, yu Uju yu ya usire boca amiña mu, yiyiju Esteban.

⁶⁰ Ito bero rijomunigãna ñini rújucōri, buto awasayiju Esteban:

—Yure ña ñeñaro yirisere waja senibesa ñare, yiyiju Esteban Jesure.

Ito bajiro busi tiocōri usi jedicoayiju Esteban ija.

8

Jesure masirãre Saulo i ñeñaro yi amore gaye

¹⁻³ Saulo ña ya yutabujuri coderu, “queno Estebanre sãjaro”, yi tuoñayiju i cuni.

Coriarã judio masa Diore queno rûcubworã Estebanre yujeyjarã ñna. Ito yicõri ruje otiyjarã ñna Estebanre. Iti rumuriti Jesure masirãre Jerusalénju ñeñaro yisuooyjarã iti cuto gãna. Gãjerã rêto busaro ñeñaro yiyju Saulo, Jesure masirãre. Co wi ruyabeto ñnare ãma wayiju ñ. Ñ bûjaro bajiroti ãmua, romiare cuni ñnare ñia ãmi budi wacõri tubiayiju ñ. Ito bajiri ñarocõti Jesure masirã apõstol mesa rãca ñabobarã rudi wayijarã Judea sitaju, ito yicõri Samaria sitaju cuni. Apõstol mesama Jerusalénti ñacõayjarã ñna.

Samaria sita gãnare Jesús oca ñna gotire gaye

⁴ Jerusalén gãna rudi wana ñabobarãti gajeroju ejacõri Jesús oca quenarise gaye riasoyjarã ñna. ⁵ Sîgũ Jerusalén gagũ rudi warũ Felipe wame cutiyiju. Ñ Samaria sita cutõju wayiju. Ito ejacõri: “Jesús ñami Cristo Dios ñ cõaru”, yiyiju Felipe masare. ⁶ Masa jãjarã minijuayjarã Felipe tũju ñre tuorona. Ito yicõri, tiyamani ñ ñõja tiyijarã ñna. Ito bajiri ñ busirisere queno tuoyjarã ñna. ⁷ Jãjarãre ñna ya usiju rãmua sãñarãre bucõayiju Felipe. Ñ ito yija masa usiju rãmua sãñabobarã awasã budiyjarã ñna. Jãjarã ruduanare yisioyiju ñ. Ito yicõri rujayuriri warãre cuni quenoyiju ñ. ⁸ Ito bajiri iti cuto gãna masa queno wanũ quena ñayijarã ñna.

⁹⁻¹¹ Iti cutõju sîgũ Simón wame cutigu ñayiju. Co rodo meje ñ masirise ñoyiju ñ cumu ñari. Tiyamani ñ ñõjare ti ucayijarã iti cuto gãna. “Yũ ña ãmugũ ñasagu”, yiyiju ñ ñnare. Masa sîgũ ruyabeto ñre tuorũnyijarã. Bucurã, rĩaca cuni queno tuorũnyijarã ñre:

—Dios robo bajiroti masiami ãni. Dios ñ cõaru ñaguñi ãni, yiyijarã masa. ¹² Ito ñna yibobarocati Felipeama Jesucristo oca quenarise gaye masare gotiyiju. “Masa jeyaro Uju ñami Dios”, yire oca masare gotiyiju Felipe. Ito bajiro ñ gotija tuorũncõri, idé gu rotiyijarã ãmua, romia cuni. ¹³ Simón cuni, cumu ñabojaguti, Jesús oca quenarise gayere tuorũnyiju. Ito yicõri idé gu rotiyiju ñ cuni. Ito yija Felipe rãca baba cutisuooyiju ñ. Ito yicõri Felipe ñ tiyamani ñ ñõjare ti ucayiju Simón.

¹⁴ Apõstol mesa Jerusalénju ñacõri, “Samaria sita gãna jãjarã Dios oca tuorũnyijarã ñna”, yire gaye tuoyjarã ñna. Ito bajiri Samariaju jũarã cõayijarã ñna, Pedro ito yicõri Juanre. ¹⁵ Samariaju ejacõri Diore busiyijarã ñna, mame Jesure boca ãmirãre Espiritu Santo ñ quedu sãjatoni. ¹⁶ Idé guana ñabobarocati ñna ya usiju Espiritu Santo mañiju maji. Ito bajiri, ñnare Espiritu Santo queo sãjaro yirona, Diore busiyijarã ñna. ¹⁷ Ito yicõri mame Jesure masirãre Pedro mesa ñna ya ãmona moa jeoyijarã Diore busirã. Ñna ito yirocajuti Espiritu Santo quedu sãjayiju ñnare.

¹⁸ Pedro mesa Jesure masirãre ñna ya ãmo moa jeorocati Espiritu Santo quedu sãjaja tiyiju Simón, cumu ñagoru. Ito bajiri iti ticõri ñnare niyeru ñsi ãmogũ, ¹⁹ ado bajiro yiyiju Simón:

—Ímo. Gãjerãre yũ moa jeoroca Espiritu Santo sãjare ãmoa yũ cuni, yiyiju Simón, Pedro mesare.

²⁰ Ito ñ yija tuocõri, ado bajiro cudiyiju Pedro ñre:

—Dios ñ waja mano ñsirisere, waja gãmere ñaroja, ¿yire masiati mũ? Ito bajiro mũ tuoñare waja, mũ ya niyeru rãca godacoagu yigũja mũ, yiyiju Pedro Simónre. ²¹ Dios ñ tiro riojo queno tuoñagũ meje ña mũ. Ito bajiri gũa rãca mũ moariseoni meje ña iti. ²²⁻²³ Mũ tuoñarisere ti masia yũ. Bũto uoa mũ, yũ tija. Ñeñaro yi jaigũ ña mũ. Ito bajiri mũ ñeñaro yirisere jidicã masibea mũ. Ñeñaro mũ tuoñarisere, itocõ jidicãña mũ. Ito yicõri mani Ujũre seniña mũ ñeñaro tuoñarisere ñ ãcabojotoni, yiyiju Pedro Simónre.

²⁴ Ito ñ yija tuocõri, ado bajiro cudiyiju Simón:

—Mani Ujũre busiya mũa yũre yiari. “Ito bajiro bajigu yigũja mũ”, mũ yirise yũre rêtare ãmobeas yũ, yiyiju Simón, Pedro mesare.

²⁵ Ito yija bero Pedro mesa Jesure ñna tigure gaye iti cuto gãnare gotiyijarã. Ito yicõri Jesús oca quenarise riasoyjarã ñna. Masare riaso tĩocõri, “Jerusalénju tũdi wana mani”, yi tuoñayijarã ñna. Tũdi warã, Samaria sita cutõri gãnare Jesús oca quenarise riaso rêta wayijarã ñna.

Etiopía gagũre Felipe ñ idé gure gaye

²⁶ Felipereama ado bajiro gotiyijũ Dios ñaro gagũ ángel:

—Jerusalénjũ wasa. Ito ejaçõri Gaza wame çutiri çuto ña wari ma roja waja mũ. Yucu mano rêtari ma ña iti ma, yiyijũ Felipere. ²⁷ Ito bajiri Felipe josari mejeti wacoayijũ, ángel ï gotiado bajiroti. Ma wacũjũ Etiopía gago ujure ejaçuari masũ ñasagure ti bujayijũ Felipe. ï ujo ya niyeru coderi masũ ñayijũ ï, Etiopía gago. Iti ñayijũ ï moarise. Jerusalénjũ Diore rũcũbuo tĩocõri tũdi wacũ ito tũjayijũ ï, Etiopía gago. ²⁸ Cabaru ï tũa waroca ï ya tunuricorojũ Dios ocare ti sãñayijũ ï. Diore goti ïsiri masũ, Isaías ñayoru ï ucara tutire ti sãñayijũ ï. ²⁹ Ito yija ïre ti bujaroca ado bajiro gotiyijũ Espĩritu Santo Felipere:

—Ïre suacõri, mũa corocõ wasa mũa, yiyijũ Espĩritu Santo Felipere.

³⁰ Ito bajiri Felipe ãmaquedi wacõri Etiopía gagure suayijũ. Suacõri, Isaías Diore goti ïsiri masũ ï ucare ï ti busija, tuoyijũ Felipe:

—¿Ito mũ ti busirisere tuo masiati mũ? yiyijũ Felipe Etiopía gagure.

³¹ —Sĩgũ yure gotigũ manija, ¿no bajiro tuo masigũjada yũ? yiyijũ ï Felipere. Ito yija, yũ tu mũja wadicõri, ado rujigũ waya mũ, yiyijũ Etiopía gago. ³² Dios oca ï tirijũ ado bajiro bajiyijũ:

Ovejare sĩarona ïna ãmi waro bajiro ãmi warãji ïna sĩgũ ãmũgũre. Ovejare joa suaroca ï oca mano robo bajiro oca maquĩji ï çuni ïre ïna ja ajebojarocati.

³³ Masa jãjarã riojo quenabeto bojorise tõbũjaguĩji ï. Ñeñaro ï yibitibojarocati ïre yiari busi ïsirocũ maquĩji. ï ñarã ïnamasiti ïre ïna sĩaja, “Ïna ñama ï janerãbatia”, yi masia manoja, yi wãñayijũ Etiopía gago ï tira tuti.

³⁴ Ito yija ï tu mũja sãjacõri rujijijũ Felipe.

—Isaías ï ucare gaye yure ti gotiya mũ. ¿Imasi gayeti ucayijari ï? ¿Gãji gayere tuoĩagũ ito bajiro ucayijarite ï? yiyijũ Etiopía gago Felipere.

³⁵ Ito yija iti tuti Isaías ï ucare gayere ïre ti gotiyijũ Felipe. “Jesús oca quenarise ña”, yirocũ Jesús ocare goti jeoyijũ Felipe Etiopía gagure. ³⁶ Warã riti ma tu itajura ñaroju ejayijarã ïna:

—Tite, ado ña ide. ¿Adocãta yũ mũre idé gu rotija quena ñati? yiyijũ Etiopía gago Felipere.

³⁷ —Dios Macũ ñami Jesús, mũ yi tuoĩaja mũre idé guçuja yũ, yiyijũ Felipe ïre.

—Dios Macuti ñami Jesucristo, ya yũ, yiyijũ Etiopía gago.

³⁸ Ito yija tunuricoro tuja quea roticõri, itajurajũ roja rũgũyijarã ïna. Ito yicõri idé guyijũ Felipe Etiopía gagure. ³⁹ Itajurajũ ïna maja rũgũ waroca, ñajasaroti Espĩritu Santo ãmicoayijũ Felipere. Ito bajiri juaji tibisijũ Etiopía gago ïre. Ito bajibojarocati queno wanũ quena wayijũ Etiopía gago ï warojũ. ⁴⁰ Felipere ãmicõri Azoto wame çutiri çutoju ï goaroca yiyijũ Espĩritu Santo. “¿Azotoju ñati yũ?” yi tuoĩayijũ Felipe. Azotoju ñacõri wayijũ ï. Co çuto ruyabeto Jesús oca quenarise masare riaso ucuyijũ ï. Sũsari ïja Cesarea wame çutiri çutoju ejayijũ Felipe.

9

Jesure Saulo ï tuorũnũsũore gaye
(Hch 22.6-16; 26.12-18)

¹ Jesure masirãre sĩa ãmogũjũ ïnare bũto junisini tiyijũ Saulo. Ito bajiri paia ujure busigũ wayijũ ï. ² Damasco çutoju minijuaa wirijũ Jesure masirãre ãmagũ sãjarocũ papera seniijũ Saulo paia ujure: “Ïnare yũ ti bujaro bajiroti ãmũa, romiare çuni ïnare Jerusalénjũ tubiarocũ ãmi wacũja yũ”, yiyijũ Saulo, ujure. ³ Ma ï waroca riti Damasco çutoju ï ejagũ wagũ yiroca, ñajasaroti macãrucũro gaye busurise sãtiyijũ ïre. ⁴ Ïre ito bajiro sãtirocati jacajũ quedĩ queacoayijũ Saulo. Ito yicõri ado bajiro oca ruyuyijũ ïre:

—Saulo, Saulo, ¿no yija yure ñeñaro yi ãmoati mũ? yi oca ruyuyijũ ãmacũjũ.

⁵ Iti oca tuocõri ado bajiro seniĩayijũ Saulo:

—¿Nojũ gago yure busiati mũ? yiyijũ Saulo.

—Yuti ña Jesús, yure ñeñaro yirocu mu suyaguti. Ito mu yirise mumasí ñeña bajiguti ya mu. Adocāta mumasiti jota mu jajuja, juniroja mure. Iti gaye bajiro ya mu yure ñeñaro mu yi āmoja, yiyiju Jesús ire.

⁶ Ito yija Saulo ī ya ruju n̄hogūti:

—¿Ñe yu yire āmoati mu? yiyiju ī Jesure.

—Wasa Damascoju. Ito mu ejaroca sīgū mure: “Adi ña mu moaroti”, yigu yiguīji mure, yiyiju Jesús Saulore.

⁷ Saulo rāca wana oca iti ruyubojarocati ruju tibatīcōri mano ucayijarā ña. ⁸ Ito bero yoa busari wamu rūgūcōri tirocu yibojayiju Saulo. Itocōti cajea macu ñacoayiju ī. Ito bajigure ī baba mesa Damascoju ire tūa wayijarā ña. ⁹ Damascoju ejacōri udia rumucō ñayiju Saulo cajea tire meje, bare meje, ito yicōri idire mejeti.

¹⁰ Damasco wame cutiri cutoju Jesure masigū sīgū ñayiju, Ananías wame cutigu. Ī cāiroju ejacōri:

—¿Nati Ananías mu? yiyiju Jesús ire.

—Ado ña yu, yiyiju Ananías.

¹¹ Ito ī yija tuocōri, ado bajiro yiyiju mani Ūju:

—Coji wasa riojo wame cutiri maju. Itoju Judas wame cutigu ya wi ejaqu yigūja mu. ¿Ado nati Saulo, Tarso gagu? yiba mu ire. Adocāta yure busigu yami ī. ¹² Ī cāiroju mu ya rio ūomu yu ire. Ito bajiri ī tu sāja ejacōri ire moāgū yigūja mu, mucana tūdi ī cajea titoni. Ito bajiro tūdi ī cāiroju ūomu yu Saulore. Ito bajiri coji ī tu wasa mu, yiyiju Jesús Ananíasre ī cāiroju.

¹³ Iti tuocōri ado bajiro yiyiju Ananías, Jesure busigu:

—Jaje oca tuo yu ī ye. Mure masiarāre, Jerusalénju ñeñaro ī yigore, jaje oca ña ire.

¹⁴ Ito yicōri paia ujarā ña roti ñucaja ado ejañi Saulo. Ito bajiri mure rucuborā gua ñajare, guare tubiarocu ado ejañi Saulo, yiyiju Ananías Jesure.

¹⁵ Ito yija Jesujua ado bajiro gotiyiju Ananíasre:

—Yu oca masare riasorocare ire cūmu yu. Ujarā, judio masa, ito yicōri judio masa meje ñarāre cūni riasogu yiguīji Saulo. ¹⁶ Yure cudigu ñari jaje ī tōbujaroca yirā yirāji gājerā. Ī tu coji wasa mu, yiyiju Jesús Ananíasre.

¹⁷ Ito ī yija tuocōri, wayiju ī ĩja, Saulo tu wacu. Wijū sāja ejacōri ī ya āmona moāyiju Ananías Saulore:

—Yure tuo ya yu ocabaji mu. Mu wadiroca mure goāoruti yure cōami. Jesús mani Ūju, ĩti cōami yure, mucana tūdi mu cajea titoni, ito yicōri Espiritu Santo mu ya usiju ī sājatoni, yiyiju Ananías Saulore.

¹⁸ Ito ī yirocati, wai rūtū robo bajirise ī ya cajeaju codo quediyiju Saulore. Ito bajijare mucana tūdi tiyiju Saulo. Ito bajija ticōri, “Yure idé guya mu”, yiyiju Saulo Ananíasre.

¹⁹ Ito yija beruju bayiju Saulo mucana. Ito bajicōriju seoyiju ī mucana. Ito bajiri Damascoju yoa busari ñayiju Saulo, Jesure masirā rāca.

Damasco cuto gānare Dios oca Saulo ī gotisore gaye

²⁰ Judio masa ña minijuari wijū sāja wacōri, Jesús oca ñnare riasoyiju Saulo. “Dios Macu ñami Jesús”, yiyiju Saulo. ²¹ Ito ī yija tuocōri, tuo ucayijarā masa:

—¿Āni Saulo Jerusalénju, Jesure masirāre sīari masu meje ñati āni? Ito yicōri, ¿Jesure masirāre ñiarocu meje adoju wadiyijari ī? ¿Īnare ñiacōri paia ujarāre ĩsibiquījida ī? yiyijarā masa.

²² Ito bajiro ña tuoābojarocati buto oca seocōri, Dios oca gotiyiju Saulo. “Riti ya yu, Cristo ĩti ñami Dios ī cōaru”, yiyiju Saulo. Queno tuo masire rāca ī gotija, no bajiro cūdi masibisijarā ña, judio masa Damasco gāna.

Judio masare Saulo ī rudire gaye

²³ Damascoju, Saulo ī ñaroca riti, “Īre sīaruja mani”, yi tuoāyijarā judio masa. ²⁴ Ito bajiro ña sīa āmorā ña cūñija, itire masicōyiju Saulo. Ñamiri cūni, ūmari cūni codeyijarā ña cuto sojeri budirajuri. Judio masa sojeri codeyijarā Saulore sīarona. ²⁵ Ito

bajiri Jesure tuorünurã ire ejabuayijarã ina, i rudi watoni. Cuto camotara cuní rijogodona jaja jibuna ire sãcõri iti cuní gaje dajaju ire rujiocõayijarã ina. Nami ito bajiro ina yi sãoja rudiyijã i ija.

Jerusalénjã Saulo i ñare gaye

²⁶ Ito bajijare Jerusalénjã rudi wayijã i. Jerusalénjã ejacõri, Jesure masirã rãca minijua amobojayijã i. “Jesure masigã meje ñaguñi Saulo”, yi tuoñarã ire güiyijarã ina. ²⁷ Ito bajibojarocati, sīgũ Bernabé wame cutigũ, Saulore ejabuayijã. “Waya, apóstol mesare busito mani”, yiyijã Bernabé Saulore. Ina tu ejacõri ado bajiro busiyijã Bernabé: “Ñani Saulore i ma waroca Jesús goañoijã ire. Ito yicõri ire busiyijã Jesús. Damascojã masare güiari meje Jesús oca riasoñi Saulo”, yiyijã Bernabé apóstol mesare. ²⁸ Ito i yija tuocõri, Saulore boca amiyijarã ina. Ito yija Jerusalénjã tujacõri ina rãca wa ucuyijã Saulo. Güiari mejeti Jerusalén gãnare Jesús oca gotiyijã i. ²⁹ Judio masa ñabojarãti griego oca busirãre ina rãca tuoña busiyijã Saulo. Ito i yibojarocati Saulore ruje sãare cuníyijarã ina. ³⁰ Iti oca tuocõri, Jesure tuorünurã Cesareajã Saulore ãmi wayijarã. Itijuna, “Mu cutojã Tarsojã tãdi wasa mu”, mure ina sãame yirocũ, yiyijarã ina Saulore.

³¹ Iti rodoriti Judea sitajã, Samaria sitajã, ito yicõri Galilea sitajã cuní ñeñarise tãbujabisijarã Jesure tuorünurã. Inare ñeñaro yibisijarã gãjerã. Ito bajiri Jesús oca riasocõri bũto busa oca sãoyijarã ina, Jesure tuorünurã. Ire rucũbuorã Diore queno cudiijarã ina. Ito bajiri Espiritu Santo ñare ejabuaja jãjarã busa bujã wayijarã ina, Jesure tuorünurã.

Eneas yisiore gaye

³² Sīgũ Pedro wame cutigũ, Jesure tuorünurãre co cuto ruyabeto ti ucuyijã. Co rumũ Lida wame cutiri cutojã, Jesure tuorünurãre ti ucugũ wayijã Pedro. ³³ Itojã ejacõri sīgũ rudurũ Eneas wame cutigũre ti bujayijã i. Rudurũ ñari udia amojeno rodori i ya camajã jesasotiyijã Eneas. ³⁴ Ire ticõri ado bajiro yiyijã Pedro:

—Tuoya Eneas mu. Mure quenocõami Jesucristo. Ito bajiri wamũña. Ito yicõri mu ya cama ãmi wasa mu, yiyijã Pedro ire.

Ito bajiro i busirocati, rudurũ ñabojarũ wamuyijã Eneas ija. ³⁵ I waja tiyijarã Lida gãna, Sarón gãna cuní. Itire ticõri bucũrã oca ina tuoñarise jidicãcõri, Jesure boca amiyijarã ina.

Dorcas iso tãdi catire gaye

³⁶ Sīgõ Jope wame cutiri cuto gago, Tabita wame cutigo Jesure tuorünugõ ñayijo iso. Griego ocanama, Dorcas wame cutigo ñayijo iso. Queno yigo ñayijo iso. Ito yicõri bojoro bujarãre queno ejabusotiyijo iso. ³⁷ Lidajã Pedro i ñaroca riti, Jope cuto gago cõcoayijo iso. Iso ñarã iso cõja ticõri, godarãre ina yisotiado bajiro iso ya rujure coeyijarã ina. Ito yicõri co tuti weca, co sãnimũ ricati isore cüyijarã ina. ³⁸ Lida cuto tuti ñayijã Jope cuto. Ito bajiri Lida cutojã Pedro i ñaja tuocõri, jũarãre Pedrore ina jirã watoni cõayijarã Jesure tuorünurã. Pedro tu ejacõri:

—Gua rãca coji waya, yiyijarã Jope gãna.

³⁹ Ito ina yija tuocõri, ina rãca wayijã Pedro Jopejã. Itojã ejacõri Dorcas ñajaco ya rujã ñarojã ire ãmi wayijarã ina. Jãjarã manujã godagoana romia oti ñayijarã iso tu. Pedro i ejaja ticõri, i tu gãni bia rügũyijarã manujã godagoana romia, ire busirona. “Tite mu. Dorcas ñajaco iso godaroto riojã saya jaje jio ñicõ guare”, yiyijarã ina romia Pedrore. ⁴⁰ Ito bajijare, “Macũjã budi wasa maji”, yiyijã Pedro ina romiare. Ito yicõri rijomunigãna ñini rũjũcõri Diore busiyijã Pedro. Diore busi tiogũ, cõrore juda tiyijã:

—Tabita wamũña mu, yiyijã Pedro isore.

Ito i yirocati, cajea titãcãyijo iso. Pedrore ticõri jãja rũjũyijo iso. ⁴¹ Ito yija iso ya ãmo ñiacõri tãa wamũoyijã Pedro. Ito yicõri macũjã ñarãre jisõyijã Pedro. “Mucana tãdi iso catija tirã waya mu”, yiyijã Pedro, wajearã romiare, gãjerã Jesure tuorünurãre cuní.

⁴² Mucana tãdi iso catire tuoyijarã Jope gãna. Ito bajiri jãjarã Jesure boca amiyijarã ina.

⁴³ Yoari Jopejã ña ucuyijã Pedro. Itojã waibucũrã wirori quenori masũ, Simón wame cutigũ tu yoari ñayijã Pedro.

10

Pedrore Cornelio ĩ oca cõare gaye

¹ Cesarea wame cutiri cutoju, sĭgũ Cornelio wame cutigu ñayiju. Italia gãna, co dũjamocõ masacõ surara ɱju ñayiju Cornelio. Judio masu meje ñayiju ĩ. ² Judio masu meje ñabojaguti Diore rũcubũoyiju ĩ. Ito yicõri ĩ ya wi gãna cuni Diore rũcubũoyijarã. Judio masa bojoro bũjarãre ejabũarocũ jaje niyeru ĩsiyiju Cornelio. Ito yicõri co rũmũ rũyabeto Diore busisotiyiju ĩ. ³ Co rũmũ ñamicaju, tres iti tũjaroca, Dios ñaro gagũ ángel goaĩoyiju Corneliore. Queno tisacõyiju Cornelio ĩre. Cornelio tu sãja ejacõri ado bajiro yiyiju ángel:

—Cornelio, ĩñati mu? yiyiju ángel ĩre.

⁴ Ito ĩ yija tũocõri, ĩre ti ɱcayiju Cornelio:

—ĩÑe ãmoati mu? yiyiju Cornelio ĩre.

Ito ĩ yija tũocõri:

—Diore mu busija tũoami. Ito yicõri bojoro bũjarãre mu ejabũaja tiami. Ito bajiri mũre tũoĩa ti ñami Dios, yiyiju ángel Corneliore. ⁵ Jope cutoju sĭgũ ñaguĩji Simõn Pedro wame cutigu. ĩre jirona ũmũa jũarã cõaña mu. ⁶ Gãji Simõn waibũcurã wi quenori masu ĩ ya wiju ñaguĩji, riaca jajosa tu. Iti wiju Simõn Pedrore bũjarã yirãji mu cõana, yiyiju ángel Corneliore.

⁷ Ito bajiro yi tĩocõri wacoayiju ángel. Ito bajija bero ĩ ya moari masa jũarã jiyiju Cornelio. Ito yicõri surara masu sĭgũ ĩre ejabũari masu jiyiju ĩ. ĩ surara masu bũto Diore rũcubũogũ ñayiju. ⁸ ĩna ejaja ticõri, ángel ĩ busigore gotiyiju Cornelio. Ito yicõri Jope cutoju ĩnare wa rotiyiju ĩ.

⁹ Ito ĩ yija tũocõri, wacoayijarã ĩna. Gaje rũmũ, busuri ũmacañi riojo ñaroca Jope cuto tũju ñayijarã ĩna. ĩna ejaroto riojua wi rijogodo mũja wacõri Diore busi ñayiju Pedro. Rujatutu ñayiju iti wi. ¹⁰ Bũto ñiocõcõri ba ãmoyiju Pedro. Gãjerã ĩre bare meni ĩsiroca ado bajiro goayiju Pedrore. ¹¹ Ʋmacũju macãrucũroju soje janayiju. Saya jajoto bũcũro jua dũja gaja ñiacõri queoyoado bajiro ruji wadicõri ĩ tu ejayiju. ¹² Ito totiju waibũcurã jeyaro sãñayijarã. Jenirã, wũtirã, ito yicõri ãña cuni sãñayijarã. ¹³ Ito ũmacũju oca ruyuyiju Pedrore. Ado bajiro gotiyiju iti ĩre:

—Pedro wũmũña mu. ĩnare sĩa baya mu, yiyiju oca Pedrore.

¹⁴ Iti oca tũocõri ado bajiro cũdiyiju Pedro:

—Meje babicũja yũ. Rẽore gaye baĩabiticũ yũ, yiyiju Pedro.

¹⁵ Ito yija mũcana oca ruyuyiju ũmacũju:

—Rẽore ña, yibesa, “Baya”, yũ yiriseama, quenarise ña, yi ruyuyiju oca ũmacũju gaye.

¹⁶ Ʋdiajiju oca ruyuyiju Pedrore. Ʋdiaji ĩ busija bero saya totiju wadiana waibũcurã, wũtirã jeyaro tũdi ãmi mũocõyiju Dios mũcana. ¹⁷ Itire ticõri ruje tũoĩayiju Pedro. “ĩNo yireoni yure bajiatibeti?” yi tũoĩayiju Pedro. Ito ĩ yirocati, Cornelio ĩ cõana ejayijarã Pedro ĩ ñari wi soje tu. ¹⁸ Itoju ejacõri ado bajiro seniĩayijarã ĩna:

—ĩAdi wiju Simõn Pedro wame cutigu ñati? yiyijarã ĩna, Cornelio ĩ cõana.

¹⁹ ĩ tigure ĩ tũoĩaroca riti Espĩritu Santo busiyiju Pedrore:

—Tũote. Ʋdiarã ũmũa mũre ãmarã ejama. ²⁰ Coji ĩna rãca wasa mu. Ñe ɱsiribicũti wacoasa, yũ cõarã ĩna ñajare, yiyiju Espĩritu Santo Pedrore.

²¹ Ito ĩ yija tũocõri, Cornelio ĩ cõana tu ɱdiarã tu ruji wayiju Pedro:

—Yũti ña mũa ãmagũ. ĩNo yirã wadiri mũa? yiyiju Pedro ĩnare.

²² Ito ĩ yija tũocõri, ado bajiro cũdiyijarã ĩna: —Gua ɱju Cornelio cõami gũare. Queno yigu ñami ĩ. Ito yicõri Diore rũcubũogũ ñami Cornelio. Judio masa jeyaro rũcubũocã Corneliore. Ado bajiro gua ɱjure busiñi Dios ñaro gagũ ángel: “Cornelio tũoya mu. Simõn Pedrore jitẽña mu. Ito yicõri ĩ busirisere queno tũoba mu”, yĩni ángel gua ɱjure, yiyijarã Cornelio ĩ cõana Simõn Pedrore.

²³ —Ado sãja waya maji, ũmũa jedicoaju. Yũ tu caniña maji, yiyiju Pedro ĩnare. Gaje rũmũ ĩna rãca wayiju Pedro ĩja. Coriarã Jope gãna Jesure tũorũnrã, Pedro mesa rãca baba cuti wayijarã ĩna.

²⁴ Busuri gaje r̄um̄uj̄, Cesarej̄ ejayjarã ĩna. ĩna ejaroto rioj̄uj̄, ĩ ñarãre ĩ baba mesa rãca minijua ñayij̄ Cornelio. Ito bajiri ĩna ñarocõti minijua ñacõri Pedro mesare bocati ñayijarã ĩna. ²⁵ Wi tu ĩna ejaroca Pedre boca ãmirocu budi wayij̄ Cornelio. Ito yicõri rijomunigãna ñini r̄uj̄cõri Pedre r̄uc̄ub̄oyij̄ Cornelio. ²⁶ Ito ĩ yibojarocati:

—W̄um̄uña. M̄u roboti mas̄ ña ȳ c̄uni. Dios meje ña ȳ, yij̄ Pedro Corneliore.

²⁷ Ito bajiro ĩ yija tuocõri, w̄um̄coayij̄ Cornelio ĩja. Ito bajiri gãmeri b̄usirã riti wij̄ sãjacoayijarã ĩna ĩja. Ito sãja wacõri masa jãjarã minijuanare tiyij̄ Pedro. ²⁸ Ito yija ticõri, ado bajiro ĩnare gotiyij̄ Pedro:

—Ḡua judio masa gãjerã masa rãca ḡua w̄usaja, ito yicõri gãjerã masa ya wi sãjaja, r̄eore gaye ña ḡuare. Itire tuo masia m̄ua. Ito bajibojarocati Dioama ado bajiro gotiquĩ ȳre: “Quena ña, ȳ yiriseama quenarise ña. R̄eore ña, yibesa m̄”, yiquĩ Dios ȳre. Ito bajiri, “Ȳ judio mas̄ ñabojaguti gãjerã masa rãca ȳ w̄usaja r̄eore meje ña”, yi masia ȳ. ²⁹ Ito bajiri m̄ ya oca tuocõri ñe usiriobicuti wadib̄ ȳ. Ito bajiri, “¿No yirocu ȳre oca cõacati m̄?” yij̄ Pedro Corneliore.

³⁰ Ito ĩ yija tuocõri, ado bajiro ĩre c̄udiyij̄ Cornelio:

—J̄uaria r̄um̄uri t̄aja yuc̄ weca ũmacañi ĩ t̄ujaroca, b̄abic̄u riti Diore ȳ b̄usija bero. Ado Diore ȳ b̄usirocaci s̄iḡũ ángel yutabujuri yorise sãñagũ ȳre goañoquĩ. ³¹ Ado bajiro ȳre gotiquĩ ĩ: “Diore m̄ b̄usire tuoami ĩ. Ito yicõri bojoro b̄ujarãre m̄ ejabuare gaye itire c̄uni masiami Dios. ³² Ito bajiri Jope c̄utoj̄ Simón Pedro wame c̄utiḡure jitẽña. Gãji Simón waib̄uc̄rã wi quenori mas̄ ya wi ñaguĩji Pedro. Riaca jajosa t̄anima ñaroja iti wi ĩ ñaro”, yiquĩ ángel ȳre. ³³ Ito bajiro ȳre ĩ gotija tuocõri, ejori m̄re oca cõacu ȳ, yij̄ Cornelio Pedre. Queno wadiyija m̄. Ado m̄ ejaja quena ḡuare. Adoj̄ Dios ĩ tiro riojo minijuab̄ ḡua ĩ oca tuorona. Ñarocõti Dios ĩ gotire gayere tuo ãmoa ḡua, yij̄ Cornelio Pedre.

Cornelio ya wij̄ Pedro ĩ riasore gaye

³⁴ Ito bajiro ĩ yija tuocõri, b̄usis̄oyij̄ Pedro ĩja:

—T̄uo masia ȳ ĩja. “Judio masare riti maia ȳ”, yibeami Dios. Mani jeyarore corocõ ti maiami Dios. ³⁵ Ḡua masare, ito yicõri m̄ua masare c̄uni corocõti ti maiami Dios. Diore mani r̄uc̄ub̄oaja, ito yicõri ñeñarise mani yibeja, manire boca ãmigũ yiguĩji Dios. ³⁶ Jane mejē oca quenarise Israel sita gãnare Dios ĩ goticãre gaye masirã ña m̄ua: “Ȳ cõar̄ure m̄ua tuorũn̄uja, ȳ rãca queno usi c̄utirã yirãji m̄ua”, yij̄ Dios Israel sita gãnare. Dios ĩ cõar̄u Jesucristo mani jeyaro ĩj̄ ñami ĩja. Itire masia m̄ua. ³⁷ Israel sitaj̄ Jesús quenarise ĩ yigorere masia m̄ua. Ito yicõri Galilieaj̄ Jesure Juan ĩ idé guraj̄ bero ñasarise yis̄oñi Jesús. ³⁸ Jesús Nazaret gaḡure Esp̄iritu Santo ĩ quedi sãjaroca yij̄ Dios. Ito yicõri ĩ masirise jidicãñi Dios Jesure. No ĩ waro bajiro masare queno yĩni Jesús. R̄m̄ua sãñarãre ĩ ti b̄ujaja, r̄m̄uare bucõañi Jesús. “Ito bajiro yĩni Jesús, Dios ĩ rãca ñaja”, yi tuoã m̄ua. ³⁹ Ḡua apóstol mesa, judio masa sitaj̄ jeyaro Jesús ĩ yicatire tic̄u ḡua. Ito yicõri Jerusal̄enj̄ yuc̄t̄eoj̄ ĩre ĩna s̄iaja, tic̄u ḡua. ⁴⁰ Ũdia r̄um̄u bero, Dioama Jesure ĩ catiroca yĩni. Jesús ḡuare goãaroca yĩni Dios. ⁴¹ Masa jeyarore meje goañoñi Jesús. Dios ḡuare cajeroj̄uti Jesús oca gotirona ĩ c̄uc̄ana ñajare, ḡuare riti goañoquĩ Jesús. “M̄ucana t̄udi catiami Jesús”, ḡua yi masitoni, ḡuare ĩ goãaroca yĩni Dios. M̄ucana Jesús ĩ catija bero ĩ rãca bac̄u ḡua. ⁴² Ḡuare ĩ oca masare goti rotiquĩ Jesús. Catirãre ito yicõri godanare c̄uni, ĩna ñeñaro yirise waja senitoni c̄uñi Dios Jesure. Itire ḡuare goti rotiquĩ Jesús. ⁴³ No Jesure tuorũn̄uḡuti, ĩ ñeñaro yirisere ãcabojoḡu yiguĩji Dios. Ito bajiroti ucañi Diore goti ĩsiri masa s̄iḡũ r̄uyabeto, yij̄ Pedro masare.

Judio masa mejere c̄uni Esp̄iritu Santo ĩ quedi sãjare gaye

⁴⁴ Ito ĩ yirocaci Esp̄iritu Santo quedi sãjayij̄ Pedro ĩ b̄usirãre. ⁴⁵⁻⁴⁶ Ito bajiri ricati riti ĩna masibiti oca ñabojareti b̄usis̄oyijarã ĩna. Ito yicõri Diore r̄uc̄ub̄oyijarã ĩna. Itire ticõri ruje tuoãyijarã Pedro rãca ejana judio masa. “Aba, judio masa meje ñabojarãre c̄uni Esp̄iritu Santo quedi sãjacoami”, yij̄ ĩna Jesure masirã, Pedro rãca gãna. ⁴⁷ Ito yicõri ĩ rãca gãnare b̄usiyij̄ Pedro m̄ucana:

—Tuoŷa yu ñarã muu. Manire bajiroti Espíritu Santo quedi sãjami ñnare cuni. Sígũ, “Ñnare idé gubitirãja mani”, yirã wusati mani, yiyijũ Pedro ñnare. “Ñnare idé gubesa”, yigũ mañijũ.

⁴⁸ Ito bajiri, “Jesure tuorũnurã ña gũa cuni”, muu yi masija, ñ wamena idé gu rotija quena”, yiyijũ Pedro ñnare.

Ñna idé gu ecoja bero ado bajiro yiyijarã ñna Pedroro:

—Wabesa maji. Ado gũa rãca jabeto ñaña maji, yiyijarã ñna Pedroro.

11

Jerusalén gãnare Jesure masirãre Pedro ñ gotire gaye

¹ Nocõ mejeti oca tuoyijarã apóstol mesa, Judea gãna Jesure tuorũnurã cuni. “Judio masa meje ñabojarãti, Jesure boca ãmiyijarã”, yire gaye oca tuocõri junisiniyijarã coriarã. ² Ito bajiri Pedro Jerusalénjũ ñ muja ejaroca, judio masa Jesure boca ãmisũoana Pedroro busituyijarã ñna. ³ Ado bajiro ñre seniãayijarã ñna:

—¿No yija judio masa ya wi meje ñabojarocati, sãjari mu? Ito yicõri, ¿no yija ñna rãca bari mu? yiyijarã ñna Pedroro.

⁴ Ito yija Pedro gotiyijũ ñnare, “Ado bajiro rãtacũ”, yirocũ gotiyijũ ñ ñnare:

⁵ —Jope cutojũ ñnacõri, Diore busicũ yu. Diore yu busiroca, ado bajiro goacũ yũre. Ñmacũjũ saya jajoto bucuro jũa dũja gaja ñnacõri, ñiado bajiro ruji wadicõri, yu tu ejaçũ.

⁶ “¿Ñe ñnati totijũ?” yirocũ, queno ticũ yu. Itojũ waibucũrã jeyaro ñna sãñaja ticũ yu. Gãjerona, jenirã ito yicõri wãtirãre cuni ticũ yu. ⁷ Ito bero ado bajiro oca goti ruyucũ yũre: “Pedro, wãmũña mu. Ñnare sãa baya mu”, yi ruyucũ yũre. ⁸ “Meje, babicũja yu. Rẽore gaye baãbiticũ yu”, yicũ yu. ⁹ Mũcana ñmacũjũ gaye oca ruyucũ yũre. Ado bajiro ruyucũ: “‘Baya’, yu yiriseama, ‘Rẽore ña’, yibesa. Quenarise ña”, yi ruyucũ ñmacũjũ gaye Dios oca. ¹⁰ Ñdiajijũ ito bajiro ruyucũ Dios oca. Ñdiaji ñ busija bero, saya totijũ wadiana, waibucũrã rãcati jeyaro tũdi ñmi mũocõquĩ Dios mũcana. ¹¹ Ito yiroca riti ñmũa udiarã ejaçã yu ñari wijũ. Cesarea gagũ Cornelio wame cutigũ ñnare cõañi, yũre ñna ñmatoni. ¹² “Ñe usiriobicũti wasa mu”, Espíritu Santo ñ yijare wacũ yu. Ito yicõri coga ñmojeno Jesure masirã yũre baba cuti wacã ñna. Yu rãca wacana ñarocõti Cornelio ya wijũ sãjacũ gũa. ¹³ Ñ tu gũa sãja ejaroca, ado bajiro gũare busiquĩ Cornelio:

—Dios ñnaro gagũ ángel yu ya wi ñ rũgõja ticũ yu. Ñ ado bajiro busiquĩ yũre: “Jope cutojũ ñmũa cõaña mu, Simón Pedroro jirona. ¹⁴ Simón Pedro mu tu ejaçõri, ‘Jeame ñjurojũ mu wabore ñaroca ado bajiro mũre masogũ yiguĩji Dios’, yire gaye mũre gotigũ yiguĩji. Mu ya wi gãnare cuni ito bajiroti yigũ yiguĩji Pedro”, yiquĩ Cornelio gũare, ángel ñ busire gũare gotigũ. ¹⁵ Cornelio ñ busi tioroca, ito gãnare busicũ yu. Ñnare yu busisũorocati, Espíritu Santo sãjaquĩ ñnare, manire ñ sãjacato bajiroti. ¹⁶ Ito bajiro iti bajija ticõri, mani Ñju ñ goticãtũre, tuoĩa bujacũ yu. Ado bajiro bajia ñ goticãti: “Idena mũare idé guquĩ Juan. Dioama mũare Espíritu Santo queo sãgũ yiguĩji, ‘Dios ñnarã ñnama ñna’, gãjerã ñna yitoni”. Ito bajiro cajerojũ gotiquĩ Jesús manire. ¹⁷ Dios, Espíritu Santo sãjaroca yiquĩ ñnare, judio masa meje ñna ñabojarocati, mani Jesure boca ñmiroca ñ quedi sãjacato bajiroti. Ito bajiri Diore rão masiado manicũ yu, yiyijũ Pedro ñnare.

¹⁸ Iti tuocõri Pedroro busitu jidicãyijarã ñna:

—Queno yigũ ñnami Dios. Judio masa meje ñna ñabojarocati, ñẽñaro ñna yirisere jidicãja, catitĩñnare gaye ñna bujatoni ñnare cũñi Dios, yiyijarã judio masa Jesure boca ñmigoana.

Antioquía gãna Jesure masirã gaye

¹⁹ Iti mũmũri riojũa busa Estebanre sãayijarã Diore masimena. Ñre sãacõri Jesure tuorũnurãre usirioro yi codesũoyijarã ñna. Ito bajiri coriarã Jesure tuorũnurã Feniciajũ, Chiprejũ, ito yicõri Antioquãjũ cuni rudi wayijarã ñna. Iti cutorijũ ejaçõri, judio masare riti Dios oca gotiyijarã ñna. ²⁰ Gãjerãma, Chipre gãna, Cirene gãna wacõri Antioquãjũ ejayijarã. Itojũ ejaçõri judio masa meje ñnarãre cuni Jesús oca quenarise gotiyijarã ñna.

²¹ Queno ñna busitoni ñnare ejabuayiju Dios. Ito bajiri Dios oca tuocõri jãjarã masa, bucurã usi ñna tuoïarise jidicãyijarã ñna. Ito yicõri Jesure boca ãmiyijarã ñna.

²² Jerusalén gãna Jesure tuorũnurã, “Antioquãjũ jãjarã Jesure boca ãmiyijarã”, yija tuoïyijarã ñna. Ito bajiri “Titẽña, riti bajiati”, yirona Bernabére cõayijarã ñna. ²³ Ito ejacõri, Dios ñ queno yirere ti ejayijũ Bernabé. Ito bajiri buto wanũ quenayijũ ñ. Ado bajiro ñnare riaso busiyijũ ñ:

—Sĩgũ ruyabeto, Jesure queno tuorũnuña mũa. Ito yicõri ñre jidicãbeja, yiyijũ Bernabé ñnare.

²⁴ Quenarise tuoïagũ ñayijũ Bernabé. Espiritu Santo ñ sãñajare, Diore riti tuoïayijũ ñ. Ito bajiri masa jãjarã ñ busija tuocõri, Jesure boca ãmiyijarã ñna.

²⁵ Ito bero Tarso wame cutiri cutojũ wayijũ Bernabé, Saulore ãmagũ. ²⁶ ñre bujacõri, “Antioquãjũ wato mani”, yiyijũ ñre. Ito bajiri ñna jũarãti wayijarã Antioquãjũ. Itoju co rodo ñayijarã ñna, Jesure tuorũnurã rãca. Jãjarã masare Dios oca riasoyijarã ñna. Iti cutojũ cajero, “Cristiano masa ñama ñna”, yire gayere yisuoïyijarã ñna Jesucristore masirãre. “Cristore masirã ñama”, yireoni ñayijũ iti.

²⁷ Iti rãmuriti Jerusalén gãna, Diore goti ñsiri masa ejayijarã itojũ Antioquãjũ. Jesure tuorũnurã ñna minijua ñaroca, ejayijarã ñna. ²⁸⁻³⁰ Sĩgũ Agabo wame cutigũ ñna wato ejacõri wũmũ rũgũyijũ. Espiritu Santore tuocõri ado bajiro busiyijũ ñ: “Judea sita ñarocõti, ñiojuniro yiroja. Bare jedicoaro yiroja iti sita”, yiyijũ Agabo. Ito ñ yija tuocõri: “Judea gãnare ñiojogarã yirãji ñna. ñnare niyeru cõana mani”, yĩ tuoïa busiyijarã Antioquã gãna Jesure tuorũnurã. Ito bajiri no ñna rãcorocõ ñsiyijarã ñna. Ito bajiro yicõri Bernabé, Saulo ñna jũarãre niyeru Judeajũ cũ rotiyijarã ñna. “Jesure tuorũnurãre ñmatã ñari masare ñsitẽña”, yĩ rotiyijarã ñna. Jane mejeju Claudio uju ñ ñaraju ito bajiro rẽtayijũ.

12

Pedrore Herodes ñ tubia rotire gaye

¹ Iti rãmuriti uju Herodes, Jesure tuorũnurãre canĩsuoïyijũ. ² Ito yicõri, Juan ocabaji Santiagore sĩa rotiyijũ ñ sarera jãina. ³ Itire buto wanũyijarã judio masa. ñna wanũja ticõri, Pedrore canĩ ñiacõri tubia rotiyijũ ñ. Ito bajiro rẽtacũ, naju wadarise uco wũoya mani bare basa ñna menicati rãmuri. ⁴ Pedro rudibe yirocũ, code wasoaronare surara cũyijũ Herodes. Co gũbocõ coga gũbojeno ñayijarã ñna jeyaro. “Pascua basa busuaqueari rãmũ, masa riojo Pedrore sĩa roticũja yũ”, yĩ tuoïayijũ Herodes. ⁵ Ito bajiri Pedro quenoguti code ecocõyijũ. Ito bajija tuocõri, Jesure tuorũnurã ruje Diore busiyijarã Pedrore yiarĩ.

Tubiara wijũ ñagũre Pedrore Dios ñ bucõare gaye

⁶ Tubiara wijũ surara jũarã watoje canĩ cũñayijũ Pedro. Busuriti ñabojayijũ Herodes ñre sĩa rotira rãmũ. Jua ma come mana Pedro ya ãmori siayijarã ñna. Gãjerã surara soje tũ code rũgõyijarã ñna. ⁷ ñajasaroti, ángel goayijũ. Ito yicõri tubiara wi busu dajacoayijũ. Ito yija ángel Pedrore moañayijũ ñ yujitoni. Pedro ñ yujiroca, ado bajiro gotiyijũ ángel:

—Coji wũmũña mũ, yiyijũ Pedrore.

Ito yirocati Pedrore siabojara mari, come mari quedicoayijũ.

⁸ —Mũ ya yutabuju sãñaña mũ, ito yicõri mũ ya gũboco sãñaña, yiyijũ ángel Pedrore. ñ gũboco sãñaroca riti:

—Mũ ya cubija gũmaña. Waya, yũre sũya waya mũ, yiyijũ ángel Pedrore.

⁹ Ito ñ yija tuocõri, ñ bero sũya wayijũ Pedro. Ito baja, yĩ masia mañijũ Pedrore. “Riti bajiati iti. Buroti bajiroja gajea”, yĩ tuoïayijũ Pedro. ¹⁰ Warã riti jua soje surara ñna coderi sojeri rẽtayijarã ñna. Sũsari soje come soje ñayijũ. Iti soje tũ ñna ejaroca itimasiti janayijũ iti soje. Ito bajiri budi wacõri ma ñna warocati ito baja yĩ masia manoti godacoayijũ ángel. Ito bajiri Pedro sĩgũti tujayijũ ñja. ¹¹ Ito bajija ticõri, “Riti baja. Herodes yũre sĩame yirocũ, ¿Ángel yũre ñ bucõatoni, cõayijari Dios?” yĩ tuoïayijũ Pedro. “Ito bajiri judio masa yũre ñna ñẽnarõ, ñna yĩ ãmorise rẽtabetoja ñja”, yĩ tuoïayijũ Pedro.

¹² Iti tuoŋagũ riti, Juan Marcos jaco, María ya wiju ejayiju ĩ. Iti wiju minijuacõri masa jājarã ñayijarã, Diore busirã. ¹³ Soje tu ejacõri, “¿Ñati mua?” yiyiju Pedro. Ito ĩ yija tuocõri, sigõ ejabuari maso, Rode wame cutigo, soje tu eja rügãcõri, tuo rügõyijo, “¿Ñimũ ñati?” yiroco. ¹⁴ Ito yicõri iso janaroto riojua, Pedro oca tuo masiyijo iso. ĩ oca tuo masicõri buto wanũ quenacõri soje janabecoti wiju ñarãre gotigo wayijo iso:

—Macũju ñaru Pedro, yiyijo iso ñare.

¹⁵ Ito bajiro iso yija tuocõri:

—Mecugõ ya mũ, yiyijarã ña.

Ña ito yijare:

—Ri ya yũ, yiyijo iso.

Iso ito yijare:

—Dios ñaro gagũ ángel ñaguĩji. Pedroro sãacõana ña, yiyijarã ña isore.

¹⁶ Ito ña yiroca riti, “¿Ñati mua, ñati mua?” yi rügõyiju Pedro, macũju. Soje janacõri, Pedroro ti ucayijarã ña. ¹⁷ Ña ucaya ticõri, ñare oca tayiju Pedro, “Yuti ña”, yirocũ:

—Ado bajiro bucõami mani Uju yũre, tubiara wiju yũ ñaroca, yi gotiyiju ñare. Santiagore gotiya adi. Ito yicõri mani ñarãre cuni gotiya mua, yiyiju Pedro ñare.

Ito yi budĩ wacõri gajeroju wayiju Pedro.

¹⁸ Iti busuja bero tubiara wi codebojana surara, Pedro ĩ manija ticõri, ruje bujatobisijarã ña. “¿No bajiyijari Pedro? ¿No wayijari?” yiyijarã ña. ¹⁹ ĩ manija ticõri, Pedroro ãma rotibojayiju Herodes. ĩre bujabisijarã ña. Surarare tubiara wiju codebojanare senñayiju Herodes. No bajiro cudi masia mañiju ñare. Ito bajiri ito codebojanareti, sãa rotiyiju Herodes ĩja. Ito bero Judeaju ñabojaru wacoayiju Herodes, Cesareaju ñagũ wacũ.

Herodes ĩ godare gaye

²⁰ Tiro gãna ito yicõri Sidón gãnare cuni ruje junisiniyiju Herodes. Sidón gãna, Tiro gãna cuni canamucõri, Herodesre oca quenorã wayijarã ña. ĩ rãca ruje oca queno amoyijarã ña. Herodes ĩ ñari sita riti bare bujasoticõri, “ĩ junisiniya manire bare ecabitiboguĩji”, yirona Herodes uju tũju oca quenorã wayijarã ña. Herodesre ña busiroto riojua, ĩre ejabuari masũ ñasagũ, Blasto wame cutigũre busiyijarã ña. Ñare jabeto ti maicõri ñare busi ĩsiyiju Blasto. ĩ busija tuocõri, ado bajiro yiyiju Herodes:

—Co rumbũ ñare basicuja yũ, yiyiju Herodes. ²¹ Ñare ĩ busiroti rumbũ ejaroca, uju ñagũ ĩ sãñarise yutabujuri quenarise sãñayiju Herodes. Ito yicõri uju ya cumuro ñasari cumuro eja rũjũcõri, masare oca gotiyiju ĩ. ²² Herodes ĩ busija tuocõri:

—Masũ meje ñami ãni. Dioti ñami ãni, yiyijarã masa ĩre rucubũorã.

²³ Ito bajiro ña busiroca riti, Dios ñaro gagũ, ángel Herodes ĩ cõroca yiyiju. Ito bero yoa busari becoati ba sñayijarã ĩ ñajacure. “Busibesa mua. Jidicãña mua. Dios meje ña yũ. Diore riti rucubũoya mua”, ĩ yibitire waja, ito bajiro bajiyiju ĩ ñajacure.

²⁴ Iti rodoti masa jājarã tuoijarã Dios ocare. Ito yicõri jājarã Jesure boca amiyijarã.

²⁵ Bernabé, Saulo rãca Jerusalén gãnare ña ãmi ejarise niyeru ĩsicõri, Antioquãju tũdi wayijarã ña. Juan Marcos wame cutigũ ña rãca wayiju.

13

Bernabé, Saulo Dios oca ña goti ucusũore gaye

¹ Antioquãju Jesure tuorũnrã rãca ñayijarã Diore goti ĩsiri masa ito yicõri ĩ oca riasori masa cuni. Ña ado bajiro wame cutiyijarã: Bernabé, Simón Ñigũ, Lucio Cirene gagũ, Manaén Galilea gagũ uju Herodes rãca bucũaru, ito yicõri Saulo. Itocõ ñayijarã ña.

² Mani Ujũre rucubũorona minijuara wiju minijua ñayijarã ña. Ito bajiri Diore tuoĩa amõrã bamena riti ĩre busi ñayijarã ña. Ito bajiro ña bajiroca Espiritu Santo ado bajiro ñare gotiyiju:

—Bernabé, Saulore cuni ñasarise yũre ña moa ĩsitoni besecũ yũ. Ito bajiri ñare wa rotiba gãjerãre yũ oca ña riasotoni, yiyiju Espiritu Santo.

³ Iti oca tʉocōri bamena riti Diore busiyijarā ĩna maji. Ito yi, Diore busirāju Bernabé, Saulore cʉni āmo jidi jeoyijarā ĩna, ĩnare Dios ĩ ejabuatonĭ. Ito bajiro yicōri ĩnare wa rotiyijarā ĩna. “Wasa, quenajaro”, yiyijarā ĩna.

Chipre wame cʉtiri yogaju apóstol mesa ĩna ware gaye

⁴ Ito bajiri Espírĭtu Santo ĩ wa rotĭado bajiroti Seleuciaju wayiju Saulo, Bernabé rāca. Ito ejacōri cumaju sājayijarā ĩna, Chipre wame cʉtiri yogaju warona. ⁵ Ito majado Salamina wame cʉtiri cʉto ejayijarā ĩna. Ito ñacōri judio masa ĩna minijuasotiri wiriju Dios oca riasoyijarā ĩna. Juan Marcos wame cʉtigū ĩna rāca judayiju. ĩnare ejabuari masu ñayiju ĩ. ⁶ Iti yoga ñari cʉtori jeyaro riaso ucurā wayijarā ĩna. Ito bajirā riti Pafos wame cʉtiri cʉto ejayijarā ĩna. Ito sĭgū judio masu Barjesús wame cʉtigūre ti bujayijarā ĩna. Cumu ñayiju ĩ. “Diore yiari busigū ña yu”, yi ruoyiju ĩ masare. ⁷ ĩ cumu iti yoga uju Sergio Pablo wame cʉtigū rāca baba cʉtiyiju ĩ. Queno tʉoĭagū ñayiju Sergio Pabloama. Ito bajiri Dios oca tʉo āmogū Bernabé, Saulore cʉni ji rotiyiju ĩ. ⁸ Cumuama Bernabé, Saulo ĩna tʉoĭaro bajiro meje tʉoĭayiju. ĩ cumu griego ocana Elimas wame cʉtigū ñayiju ĩ. Ito gagu uju ĩna busirise tʉore āmobisiju cumu. Ito bajiri, “ĩna busirisere tʉorūnubesa mu”, yiyiju cumu iti cʉto gagu ujure. ⁹ Ito yija Espírĭtu Santo ejabuarena cumure oca sēoro tijuyiju Saulo. Sĭgū ñabojaguti juaji wame cʉtiyiju Saulo. Gaje ĩ wame Pablo ñayiju. ¹⁰ Cumure riti ticōri ado bajiro busiyiju ĩ:

—Ruori masu ña mu. Ñeñaro yi jaigu ña mu. Rūmú macu ña mu. Ito yicōri jeyaro quenarisere tegu ña mu. Mani Uju Diore tegu ña mu. “Ñasarise ña”, Dios ĩ yija, “Ñasarise meje ña”, ya mu, yiyiju Pablo cumure. ¹¹ Adocāta iti waja ñeñaro mu tʉoĭaroca yigu yiguĭji Dios mure. Cajea tibicu ñagū ya mu. Ito yicōri yoa busari ũmacañi ĩ asirise tibicu yigūja mu, yiyiju Pablo cumure.

Ito ĩ yirocati ĩ ya cajea rāitĭa godacoayiju cumure. Ito bajiri cajea tibicu ñari, ĩre tʉa watoni gājire āmabojayiju ĩ. ¹² Ito ĩ bajija ti ucacōri Jesure tʉorūnubuyiju iti yoga gagu uju. “Riti ña ĩna gotirise”, yi tʉoĭa rucubuyiju ĩ.

Antioquaju Pablo mesa ĩna ñare gaye

¹³ Iti rumuriti Pablo ĩ baba mesa rāca Pafos roja ejacōri cumana Panfilia sita, Perge wame cʉtiri cʉto wayijarā ĩna. Itoju ejacōri ĩnare cū tʉdiyiju Juan, Jerusalēju tʉdi wacu mucana. ¹⁴ Ito bajibojarocati Pablo, Bernabé cʉni Perge ñacōri Antioquía cʉtoju wayijarā, Pisidia sita tʉ ñari cʉtoju. Itona ñacōri tujacāra rumu iti ñaroca, judio masa ĩna minijuari wiju sāja wacōri rujijarā ĩna. ¹⁵ Itona rujicōri Dios ĩ rotirise ito yicōri Diore goti ĩsiri masa ĩna ucare busi gotija tʉoyijarā ĩna. Sĭgū ĩ busi gotija bero, minijuara wi gāna ujarā Bernabé, Pabllore ado bajiro yiyijarā:

—Yu ñarā, oca gotire gaye mure ñaja, gotiya adocāta, yiyijarā ujarā ĩnare.

¹⁶ Ito ĩna yija tʉocōri, busirocu wumu rügūyiju Pablo. “Busimenati tʉoya mu”, yirocu ĩ ya āmo wuamocōri “busibesa mu”, yiyiju ĩ. Ito yicōri ado bajiro yiyiju ĩ ĩnare:

—Yu ñarā Israel sita gāna, queno tʉoya mu. Gaje masa ñabojarāti Diore rucuborā ñari queno tʉoya mu cʉni. ¹⁷ Dios mani rucubogū, mani Israel sita gāna ñicusabatiare beseñi. ĩnare besecōri queno ĩnare yiñi Dios. Egipto sita gānare moa ĩsirā ĩna ñabojarocati jājarā ĩna bujuraca yiñi Dios. ĩ masirisena Egipto sita gānare ĩna rudi masitoni ĩnare ĩna ñaroca yiñi Dios. ¹⁸ Yucu manuju jūarā masacō rodori ñayijarā ĩna. Itona ñacōri ñeñaro ĩna yibojarocati, ti usirio yibisiju Dios. Quenoti ñacōayiju. ¹⁹ Canaán wame cʉtiri sita gāna juā āmojeno butu gānare ruyuruyiju Dios, mani ñicusabatia ĩna ya sita ñabojare ĩna rucotoni. ²⁰ Ito bajiri mani ñicusabatia cuatrocientos cincuenta rodori ñayijarā itoju, yiyiju Pablo masare.

‘Samuel, Dios oca goti ĩsiri masu ĩ ñaroto riojuā ĩna tirūnuronare cūyiju Dios. ²¹ Samuel Dios oca goti ĩsiri masu ĩ ñaroca: “Sĭgū guā uju āmoa guā”, yiyijarā mani ñicusabatia Diore. Ito bajiro ĩna yija tʉocōri, Saúl, Cis macure ĩna uju ñarocu cūyiju Dios jūarā masacō rodoricō. Benjamín ñayoru janerābatia janamiti ñayiju Saúl. ²² Jūarā masacō rodori bero mucana uju wasoayiju Dios. Ito bajiri Saúlre bucōacōri Davidjūare uju cūyiju

Dios m̄cana. Davidre t̄oĩa b̄sigu, ado bajiro b̄siyiju Dios: “Yu tija David, Isai macu, yu robo bajiro usi cutigu ñami i. Ito bajiri yu amoro bajiro yigu yiguĩji i”, yiyiju Dios, Davidre t̄oĩa b̄sigu. ²³ I David ñayoru janerabatia janamiti ñaĩi Jesús. Jane mejeju Dios i gotiado bajiroti mani Israel sita ḡanare masotoni c̄oãni Dios Jesure. ²⁴ Jesús riojua i yagu Juan mani ñarã Israel sita ḡanare Dios oca riasoyiju i. Ado bajiro gotiyiju Juan ina jeyarore: “M̄ua ñeñaro yirisere jidicãc̄ori idé gu rotiana ñaruja m̄uare”, yiyiju Juan mani ñarã Israel sita ḡanare. ²⁵ Ito yic̄ori i godaroto riojua b̄sa bajiroti ado bajiro yiyiju Juan: “Iti ñaguĩji Dios i c̄õaru, ¿yire masiati m̄ua yure? Meje ña yuama. Nocõ mejeti ejagu yiguĩji mani yagu. I ñagũ yiguĩji ñasagu. Yuama meje ña. M̄ua robo bajiguti ña yuama. I ñagũ yiguĩji ñasari masu”, yiyiju Juan mani ñarãre, yiyiju Pablo, masare gotigu.

²⁶ Yu ñarã, Abraham janerabatia ña mani. Queno t̄ooya m̄ua. Gaje masa ñabobarãti Diore r̄ucub̄uorã ñari queno t̄ooya m̄ua c̄uni. “No Jesure t̄orũnuḡure masogũ yiguĩji Dios”, yire oca manire c̄oãni Dios. ²⁷ Ito bajibobarocati Jerusalén ḡana ito yic̄ori ina ujarã c̄uni, “I ñami Dios Macu manire masoru”, yi masibisijarã ina. Ito yic̄ori co rumu tujacãra rumu r̄uyabeto Dios oca goti isiri masa ina ucare ḡajerã ina ti gotibobarocati t̄o masibisijarã ina. Ito bajiri Jesús i ejaja, “Dios i c̄õaru ñami i”, yi masibisijarã ina. Ito bajiri Jesure ina s̄ia rotija, Dios oca goti isiri masa ina ucado bajiroti r̄etayiju ija. ²⁸ “Seti ña ire”, yi masimena ñabobarãti, “S̄ia rotiya ire”, yirona Pilatore josayijarã ina. ²⁹ Jesure ina s̄iaja, Diore goti isiri masa ina t̄oĩa uca yuado bajiroti r̄etayiju. Jesure ina s̄iaja bero yucut̄eojũ ñaḡure rujioyijarã ḡajerã. Ito yic̄ori ḡuta gojeju ire yujeyijarã. ³⁰ Ito bajibobarocati Dioama m̄cana t̄udi Jesús i catiroca yiĩi. ³¹ Galileana wac̄ori Jerusalénju ire baba cutigoanare co rumu meje goaioyiju Jesús. Ito bajiri inati ñama adocãta, “Riti baja. T̄udi caticoami Jesús”, yi masare gotirã.

³² Ito bajiri yu, Bernabé rãca oca quenarise m̄uare goti eja gua. “Masare queno yicuja yu”, yi mani ñicusabatiare Dios i gotiado bajiroti gotia gua m̄uare. ³³ Mani ñicusabatiare i gotiado bajiroti manire queno yiĩi Dios. Ito bajiri m̄cana t̄udi Jesús i catiroca yiĩi i. Itire gotigu ado bajiro ucaĩi David ñayoru, Dios oca gotigu: “Mu ña yu Macu. Adi rumu godaru mu ñabobarocati mu catiroca ya yu”, yiyiju Dios, yi ucaĩi David, Salmos wame cutiri tuti ucasuogu. ³⁴ “Jesús i godaja bero m̄cana t̄udi i catiroca yigu yiguja yu. Ito bajiri t̄udi godabiquĩji”, Dios i yire gaye ado bajiro gotia i oca tutiju: “Davidre yu goticãdo bajiroti, queno m̄ure yigu yiguja yu ija”, yiyiju Dios yi ucare ña papera tutiju. ³⁵ Gaje tutiju c̄uni ito bajiroti gotia. T̄uote: “Queno yigu ñami mu Macu. Ito bajiri i ya ruju jogabe yirocu, m̄cana t̄udi catiroca yigu yiguja mu”, yi ucaĩi David ñayoru. ³⁶ Imasi gaye t̄oia ḡũ meje ito bajiro ucaĩi David. Catiguju Dios i amoro bajiro riti yiyiju David. Ito yic̄ori i ñarãre queno ejabuayiju. Ito bero co rodo meje ñac̄ori godaĩi David. Ito bajiri i ñicusabatia t̄u ire yujeyijarã ina. Itoju i ya ruju jogadoja. ³⁷ Jesús ya rujuama jogabisija, m̄cana Dios i catiroca yijare. ³⁸ Yu ñarã t̄ooya m̄ua. Jesuna suoriti mani ñeñaro yirisere ac̄abojore ña. Iti gayere m̄uare gotia gua. ³⁹ No Jesure t̄orũnuḡureti i ñeñaro yirise ac̄abojoguĩji Dios. Moisés i rotirise riti mani t̄orũnũjama, mani ñeñaro yirise ac̄abojobiquĩji Dios. ⁴⁰ Queno t̄oiaña m̄ua, jane mejeju Dios oca goti isiri masa, ina gotiado bajiroti m̄uare r̄etame. Ado bajiro ucaĩi ina Dios oca gotirã:

⁴¹ Queno t̄ooya yure aja tudirã m̄ua. Yure t̄orũnũbitic̄ori jeame ujuuroju warã yirãji m̄ua. Yu ña Dios. M̄ua tiroca tiyamani iogũ yiguja yu. Ḡajerã m̄uare ina goti r̄etobubobarocati t̄o masimena yirãji m̄ua. Ito bajiri m̄ua t̄orũnũbitirena suori, godarã yirãji m̄ua, yiyiju Dios, yi ucaĩi ire goti isiri masu, yi riasoyiju Pablo Antioquía ḡana masare.

⁴² Ito bajiro busi t̄ioc̄ori budi wayijarã Pablo mesa, judio masa ina minijuari wire. Ina budi waroca iti wi minijua ñarã:

—Gaje tujacãre m̄cana t̄o remo amoa gua, yiyijarã ina.

⁴³ Ina minijua jidicãja bero jãjarã judio masa Pablo, Bernabé c̄uni suyayijarã. Ito yic̄ori jãjarã judio masa ina yire t̄oĩa r̄ucub̄uobojana c̄uni Pablo mesare suyayijarã ina. Ito yija ado bajiro gotiyijarã Pablo mesa ñinare:

—Dios queno ï yirisere rŭcubuo jidicãbesa mua. Ito yicõri Dios bajiro sġgũ robo usi cutiya mua, yiyijarã Pablo mesa ïnare.

⁴⁴ Ito bero gaye tujacãre, iti cuto gãna jãjarã bŭsa minijuayijarã Dios oca tuorona. ⁴⁵ Ito bajiro jãjarã masa Dios oca tuo ãmorã ïna ejaja ti teyijarã judio masa. Ito yicõri Pablo ï gotibojaja, gajero bajiro riti cudiyijarã ïna. Ito yicõri ïre aja tudiyijarã ïna. ⁴⁶ Ito ïna yija ticõri, buto oca sãorena bŭsiyijarã Pablo mesa:

—Dios ï rotiro bajiro cajero ï oca muare riasosubŭ yŭ. Ito bajibojarocati iti ocare queno tuorũnubea mua. Ito bajiro mua yija, “Dios rãca catitĩña ãmobeã gŭa”, yiado bajiro bajicŭ. Ito bajiri adi rŭmuri judio masa meje ñarãre Dios oca gotia gŭa. ⁴⁷ Ito bajiro rotiñi Dios ï oca tutina. Ado bajiro gotia iti:

Judio masa meje ñarãre muare cŭcŭ yŭ, yŭ oca mua gotitoni. “No Jesucristore tuorũnugũreti masogũ yiguĩji Dios”, yi masa ñajedirore mua goti batotoni muare cŭcŭ yŭ, yi gotia Dios oca. Ito bajiro cũni Dios gŭare, yiyijũ Pablo, masare gotigũ.

⁴⁸ Ito tuocõri judio masa meje ñarã buto wanũ quenayijarã. “Dios oca quenariseguti ña”, yiyijarã ïna. Ito yicõri ï rãca catitĩñarona ï beseana ïre tuorũnuyijarã ïna. ⁴⁹ Ito bajiri Dios oca tuorũnucõri ï oca quenarise masa jeyarore goti batoyijarã ïna. ⁵⁰ Ito bajibojarocati judio masama Pablo, Bernabé rãca ïna tuoĩaro bajiro meje tuoĩã codeyijarã. Ito bajiri oca meni ãmorã, iti cuto gãna ñasarãre ito yicõri Diore rŭcubuoã romia ñasarãre cuni gotiyijarã. Bernabé Pablore masa ïna usirio coderoca yiyijarã judio masa. Ito bajiri judio masare tuorũnucõri Pablo mesare bucõayijarã iti cuto gãna. ⁵¹ Ito cuto budi warã ïna ya gubojũ sita wãrisere ja batecãyijarã ïna. “Mua adi cuto gãna ñeñaro yirã ña, ito yicõri seti ña muare”, yireoni ñayijũ iti. Ito bajiro yicõri, Iconio wame cutiri cutojũ wacoayijarã ïna. ⁵² Ito ïna budigoadojũ Jesure tuorũnũrã queno usi cuti quenaro ñayijarã ïna. Ito yicõri Espiritu Santo quedĩ sãja ecoana ñayijarã ïna.

14

Iconio wame cutiri cutojũ Pablo mesa ïna ña ucure gaye

¹ Iconiojũ ejacõri judio masa ïna minijuasotiri wijũ sãja wayijarã Pablo mesa. Ito bajicõri Jesús ocare gotiyijarã ïna. Ito oca tuocõri jãjarã Jesure tuorũnuyijarã. Judio masa ito yicõri judio masa meje ñarã cuni Jesure tuorũnuyijarã ïna. ² Ito bajibojarocati coriarã judio masa ñarã Jesure tuorũnũmena, judio masa meje ñarãre Pablo mesare ïna junisinitoni oca meni codeyijarã ïna. Ito bajiri Pablo mesare, “Queno yirã meje ñama ïna”, yi tuoĩayijarã ïna. ³ Ito bajiro ïna yi codebojarocati Iconiojũ yoari ña ucuyijarã Pablo mesa. Itojũ ña ucurã buto oca sãocõri, “Masare ti maicõri queno yiñi Cristo”, yire oca goti ucuyijarã ïna. “Riti ña iti oca. Riojo Jesús oca gotiama ïna”, masa ïna yitoni, tiyamani Pablo mesa ïna ïoroca yiyijũ Dios. ⁴ Ito cuto gãna ricati riti tuoĩayijarã. Coriarã judio masa robo bajiro tuoĩayijarã. Gãjerã Pablo mesa robo bajiro tuoĩarã ñayijarã. ⁵ Ito yicõri judio masa, judio masa meje cuni, ujarã robo bajiro tuoĩacõri Pablo mesare oca menicõri, “Ïnare gũtana rea sãarũja mani”, yiyijarã ïna. ⁶⁻⁷ Ito bajiro ïnare bŭsija tuo masicõri, Licaonia sitajũ rudi wayijarã Pablo mesa. Ito sitajũ ejacõri Dios oca quenarise goti ucuyijarã ïna. Litra wame cutiri cuto ito yicõri Derbe wame cutiri cutojũ cuni goti ucuyijarã ïna. Ito yicõri iti cutoi tũ gãnare cuni Dios oca goti ucuyijarã Pablo mesa.

Listra gãna Pablore gũta ïna reare gaye

⁸ Listrajũ sġgũ rudurũ ñayijũ. Ito bajiro wabicũ rujearu ñayijũ ï. ⁹ Ito Pablo masare ï bŭsija tuo rujijijũ rudurũ. Rudurũre tijucõri, “Yũre yisioguĩji Dios”, yi tuoĩã masigũ ñami, yi tuoĩayijũ Pablo. ¹⁰ Ito bajiri ado bajiro oca sãoro gotiyijũ ï rudurũre:

—Wũmũña. Riojo rũgõña mũ, yiyijũ Pablo rudurũre.

Ito ï yirocaci wũmũ rũgũ wayijũ rudurũ ñabojaru. ¹¹ Ito bajiro bajija ticõri, ito gãna ïna ocana:

—Aba, mani rŭcubuoã masa rujũ robo bajiro rujũ cuticõri ejama mani tũ, yi awasã bŭsiyijarã ïna.

¹² Bernabé Zeus wame yiyijarã ñna. “Mu ña gua rŭcubuoꝝ, jeyaro masigũ”, yireoni ñayijũ, “Zeus”, yire. Ito yicõri Pablo queno goti masigũ ñajare Hermes wame yiyijarã ñna. “Gua rŭcubuoꝝ, rētoro queno goti masigũ ña mu”, yireoni ñayijũ, “Hermes”, yire. ¹³ Iti cuto tñnimajũ Zeusre rŭcubuoꝝa wi ñayijũ. Iti wi gãna ñnare riasori masũ rãca Bernabé, Pablore rŭcubuoꝝo ãmoyijarã ñna. Ta wecuare go bedori jeocõri ñnare tũa wayijarã. Cuto sãjara soje tũ ejacõri wecuare sãa ãmobjayijarã, Pablo mesare rŭcubuoꝝona. ¹⁴ Ito bajiro ñna yi ãmoja ti masicõri, ñna ya yutabuju tũa ñigãyijarã Pablo mesa. “Ñeñaro yi ãmoa mua”, yirona ito bajiro yiyijarã ñna. Ito bajiro yi ñocõri, masa wato oca sēoro ãmajũdayijarã ñna busirona:

¹⁵ —¿No yija ito bajiro yi ãmoati mua? Mua robo bajirã, masati ña gua cuni. Dios robo bajirã meje ña gua. Muare Dios oca quenarise gotirã wadibũ gua. Mua meni rujeoanare rŭcubuoꝝorã yiboja mua. Ito bajiri itire jidicãcõri, Dios catigũjũare tuorũnũña mua. Í ñami adi sita, macãrucũro, ãmũari, riari cuni menirũ. Ito yicõri mani tirise, mani tibiti cuni jeyaro rujeorũ ñami. ¹⁶ Jane mejeju gãna bucũrã ñna yisotiado bajiroti ñna yi ãmoja, ñnare ti tujabitibojaguti, jidicã rotibisijũ Dios. ¹⁷ Diore ñna rŭcubuoꝝobitibojarocati ñnare queno yiyijũ Dios, “Ito bajiro queno yigũ ñami Dios”, ñna yi masitoni. “Ñaguĩji Dios”, mani yi masitoni manire í queno yirise ñoami Dios. Tite mua. Ide queoami. Queno rica mani bũjaroca yami. Mani yaji quenaroca yami. Ito yicõri mani ya usijũ queno mani wanũ quenaroca yami Dios, yiyijarã Pablo mesa ñnare.

¹⁸ Ito bajiro ñna yibojaroca riti, wecuare sãa ãmobjayijarã masa Pablo mesare rŭcubuoꝝona. Ito bajiro ñna yija ticõri, “Guare rŭcubuoꝝona wecuare sãabesa mua”, josari yi camotayijũ Pablo masare.

¹⁹ Iti rũmũri judio masa Antioquã gãna ito yicõri Iconio gãna ejayijarã. Ito ejacõri iti cuto gãna Pablore ti junisinijaro yirona, ñnare oca meni ejayijarã ñna. Ito bajiri Pablore gũta reayijarã masa ñre sãa ãmorã. “Usi jedicoami ñja”, yi tuõĩacõri cuto sõjuajũ ñre weja wayijarã ñna. ²⁰ Ito bajiro ñna yibojarocati í tũ Jesure masirã ñna minijuaroca tujacoayijũ Pablo. Tujacõri ñna rãca cutojũ tũdi wayijũ í. Gaje rũmũ Derbe wame cutiri cutojũ wayijũ Bernabé rãca.

²¹ Ito ejacõri Dios oca quenarise masare riasoyijarã ñna. Ñna ito bajiro gotija tuocõri, jãjarã Jesure tuorũnũyijarã. Ito yija bero Litrajũ, Antioquãjũ, Iconiojũ tũdi wayijarã ñna. ²² Iti cutori ejacõri Jesure tuorũnũrãre busiyijarã ñna. Ito bajiro ñna busija tuocõri, bũto busa Jesure tuõĩa oca sēoyijarã ñna iti cutori gãna: “Diore tuorũnũ jidicãbesa mua. Ñmacũjũ í rotirojũ mani ejaroto riojũa jaje tũbũja bũjatobitirã yirãji mani. Í rotirojũ mani eja ãmoja, ito bajiro rētare ñaroja manire”, yi goti ucuyijarã ñna. ²³ Cojũ minijuara wi rũyabeto Jesure tuorũnũrãre ãmatã ñarona bese cũyijarã ñna. Diore rŭcubuoꝝorã bamena riti Diore busiyijarã ñna. “Ado gãna ñnama mũre tuorũnũrã. Ñnare ejabũa masia mu”, yiyijarã Pablo mesa Diore.

Antioquãjũ Pablo mesa ñna tũdi ware gaye

²⁴ Ito bajiro ñna yija bero Pisidia wame cutiri sita rēta wacõri Panfilia sitajũ ejayijarã ñna. ²⁵ Perge wame cutiri cuto Dios oca goti tñocõri, Atalia wame cutiri cutojũ wayijarã ñna. Riaca jajosa tñnima ñayijũ iti cuto. ²⁶ Ito cumana jēa wacõri Siria sitajũ Antioquã wame cutiri cutojũ wayijarã ñna. Antioquã ñayijũ cajero ñna wasuado. Itijũti Dios oca ñna goti ucuroto riojũa, “Mu ñnare moare cũado bajiro riti ñna moa masitoni ñnare ejabũaya”, yiyijarã Jesure tuorũnũrã Diore. Ito bajiri ñna rotiado bajiroti moa ucu tñorã Antioquãjũ tũdi ejayijarã ñna mũcana Pablo mesa. ²⁷ Itojũ Antioquãjũ tũdi ejacõri Jesure tuorũnũrãre miojuyijarã ñna mũcana. Ito yicõri jeyaro Dios í ejabũare gaye gotiyijarã ñna:

—Queno ejabũaquĩ Dios guare. Ito bajiri judio masa meje ñarã cuni Dios oca quenarise tuocõri, Jesure tuorũnũnama ñna, yi gotiyijarã ñna. ²⁸ Itojũ Jesure tuorũnũrã rãca yoari ñayijarã Pablo mesa.

15

Jerusalénjũ ñna minijuare gaye

¹ Iti rodoriti Antioquíajũ ejayijarã Judea sita gãna. Ito ejacõri Jesure tuorũnurãre judio masa ñna yisotirere riasoyijarã ñna:

—Jane mejejũ Moisés ñayorũ ñ rotiado bajiro wiro mũa tabeja, mũare masobiquĩji Dios, yiyijarã ñna. ² Ñna ito yija tuo tujabiticõri ruje gãmeri bũsi tuoĩayijarã Pablo mesa ñna rãca. Ito bajiri, “¿Riti ñati?” yirona Pablo mesare Jerusalénjũ cõayijarã Jesure tuorũnurã:

—Itojũ ejacõri Jesús ñ cũana rãca ito yicõri Jesure tuorũnurãre ũmatã ñarã rãca cũni bũsiba mũa. Riti iti ñaja, tuoba. Wasa. Quenajaro, yiyijarã itijũ gãna Jesure tuorũnurã.

³ Ito ñna yija tuocõri, Jerusalénjũ wasuoyijarã Pablo mesa. Jerusalénjũ warã Fenicia sita, Samaria sita cũni Dios oca riaso rëta wayijarã ñna, iti cõtõri gãna. “Gũa riasoja, judio masa meje ñarã, ñeñaro ñna yirise jidicãcõri Diore tuorũnucã ñna. Manire bajiroti Diore tuorũnucã ñna cũni”, yiyijarã Pablo mesa ñnare. Ito bajiro ñna yija tuocõri, bũto wanũ quenayijarã Jesure tuorũnurã.

⁴ Jerusalénjũ ñna ejaroca queno wanũ quenare rãca ñnare boca ãmiyijarã Jesús ñ cũana, Jesure tuorũnurãre ũmatã ñarã ito yicõri Jesure tuorũnurã ñarocõti. Masa ñna seniĩaja bero, “Judio masa, judio masa meje ñarãre cũni gũa riasoja, gũare queno ejabũañi Dios”, yi gotiyijarã Pablo mesa. ⁵ Ito bajiro ñna yija tuocõri, coriarã fariseo gaye tuoĩagoana Jesure tuorũnurã bũsirona wamũ rũgũyijarã:

—Mani masa meje ñarã Jesure ñna tuorũnũja, mani yisotiro bajiro ñna yire ãmoa gũa. Moisés ñ rotire gaye cudirũjama ñna, ito yicõri wiro tarũjama ñna, yiyijarã fariseo gaye tuoĩagoana ito gãnare.

⁶ Ito yija Jesús ñ cũana, Jesure tuorũnurãre ũmatã ñarã cũni minijuayijarã iti oca bajirisere tuoĩa bũsirona. ⁷ Yoari ñna gãmeri bũsija bero bũsirocũ wamũ rũgũyijũ Pedro:

—Yũ ñarã queno tuoia mũa. Mũa rãca ñagũre yũre beseñi Dios, judio masa mejere cũni ñ masore oca yũ gotitoni. Ito bajiro beseñi Dios yũre, Jesure ñna tuorũnũtoni. Iti gayere queno masia mũa. ⁸ Dios ñami masa ñna tuoĩarisere masigũ. Judio masa meje ñarã ñna ñama yũ ñarã, yirocũ ñnare Espĩritu Santo queo sãñi Dios, manire ñ queo sãdo bajiroti. ⁹ Manire ñ ti mairo bajiroti ñnare cũni ti maiami Dios. Jesure ñna tuorũnũja ñna ñeñaro yirisere ãcabojoñi Dios ñnare, manire ñ ãcabojoado bajiroti. ¹⁰ Dios ñ gotirisere queno tuorũnũbea mũa. Ito bajiri Moisés ñayorũ ñ rotirisejuare cudijaro ñna yirona, Jesure masisũorãre bũto josa mũa. Moisés ñ rotirisere ñarocõti yiro robo bajiro cudi jeobisĩ mani ñicũsabatia cũni. Ito bajiri mani cũni jeyaro ñ rotigore cudi jeoado ma. “Mani ñicũsabatia bajiro gãjerã ñna cudibeja, Jesure masirã meje ñama ñna”, yi tuoĩaboja mũa. ¹¹ Ado bajirojũa baja: Manire ti maicõri manire goda ñsiñi Jesucristo. Ito bajiri ñre mani tuorũnũja ticõri, manire masoñi Dios. Ito bajiroti Jesure ñna tuorũnũja ticõri judio masa meje ñarãre cũni masoñi Dios, yiyijũ Pedro ñnare.

¹² Ito ñ yija tuocõri, bũsimenati Pablo, Bernabé ñna bũsija queno tuoiyijarã ñna ñja: “Dios ñ ejabũarisena judio masa meje ñarãre jaje tiyamani ñocũ gũa”, yiyijarã Pablo mesa. ¹³ Ñna bũsi tĩoja bero Santiago wame cutigũ ado bajiro yiyijũ:

—Yũ bũsirisere queno tuoia yũ ñarã mũa. ¹⁴ Jĩjũ ado bajiro gotimi Simón Pedro manire: “Judio masa meje ñarãre cũni queno yĩni Dios. Ito bajiri ñnare besecõri ñ ñarã ñaroca yĩni Dios”, yi gotimi Pedro manire. ¹⁵ Ito bajiroti yi ucayijarã Diore goti ñsiri masa jane mejejũ. Iti oca ado bajiro gotia:

¹⁶⁻¹⁸ Jane mejejũ David ñayorũ bero gãna masa ujarã ñna ñarise sũsayijũ. Ito bajiri ija Davidre yũ goticãdo bajiroti yicũja yũ. Sĩgũ ñ janerãbatia macũre uju ñarocũ cũgũ yigũja yũ. Ito bajiro yũ cũja bero judio masa meje ñarã cũni yũre rũcũbuorã yirãji ñna. Yũ ñarã ñaroca yigũ yigũja yũ ñnare, yi gotiami mani Uju Dios, yi ucañi Diore goti ñsiri masa, yi gotiyijũ Santiago ñnare.

¹⁹ Ito bajiri ado bajiro tuoĩa yũ, yiyijũ ñ mũcana: Mani masa meje ñarã Diore ñna tuorũnũja, usirioro ñnare yi codebitirũja mani. Ito yicõri jaje rotire gaye rotibitirũja manire. ²⁰ Ado bajiro paperana mani goti ucaja quena ñnare: “Ñna meni rujeorũ ruju

robo bajiro meni rujeocōri ñna ecabojarisere babitirujā m̄ua. M̄uamasiti m̄ua ya ruju ñeñaro iti tuoñaro bajiroti ñeñaro yibesa. Ām̄uma wāñiatanare babesa. Baroto riojua rí cōaja quena. Ito yicōri rí idibeja quena”, yi mani goti ucaja quena. ²¹ Ito bajiro riti coji tujacāre r̄uyabeto Moisés ñayor̄u ī rotire gaye riasore ña, mani masa minijuari wij̄u. Ito bajiro riasotiyijarā ñna jane mejeju co cuto r̄uyabeto, yiyij̄u Santiago.

Judio masa meje ñarāre ñna papera cōare gaye

²² Ito ī yija tuocōri, Jesús ī cūana, Jesure tuor̄un̄ur̄are ūmatā ñarā, ito yicōri Jesure tuor̄un̄ur̄ā jeyaro ado bajiro yiyijarā: “Santiago ī yiro bajiroti yiana mani. Ito bajiri coriarā mani rāca gāna beserujā mani, Pablo mesa rāca adi papera ñna āmi watoni”, yiyijarā ñna. Ito bajiri Judas Barsabás wame c̄utiḡu ito yicōri Silas wame c̄utiḡure beseyijarā ñna Antioquíaj̄u Pablo mesare baba cuti warona. “Ñna ñama r̄uc̄ub̄uoana”, yi tuoñacōri ñnare beseyijarā ñna. ²³ Ito bajiro besecōri Antioquíaj̄u āmi warotire ñnare papera īsiyijarā ñna. Ado bajiro yi gotiyij̄u iti papera:

“Ḡua Jesús ī cūana, Jesure tuor̄un̄ur̄are ūmatā ñarā, ito yicōri Jesure tuor̄un̄ur̄ā jeyaro adi papera cōa ḡua. ¿Ñati m̄ua Antioquía gāna, Siria sita gāna ito yicōri Cilicia sita gāna ñati m̄ua c̄uni? Jesure tuor̄un̄ur̄ā m̄ua ñajare, judio masa meje m̄ua ñabojarocati, s̄iḡū r̄iare bajiro bajirā ña mani. ²⁴ Ado bajiro oca tuocu ḡua. Coriarā ado gāna m̄ua tu ejaçōri usirioro yiñi ñna. Ñnare cōabitic̄u ḡua. Riojo gotimenati m̄ua tuoñarise wisaroca yiñi ñna. ‘Ēm̄uḡure m̄ua wirotabeja, ito yicōri Moisés ñayor̄u ī rotire gaye m̄ua c̄udi jeobeja, Jesure tuor̄un̄ur̄ā meje ña m̄ua’, yi tuoñi ñna m̄uare. Ito bajiro ñna gotibojarocati, ‘Itire gotitēña m̄ua’, yi cōabitic̄u ḡua m̄ua t̄uj̄u ñnare. ²⁵ Ito bajiri s̄iḡure bajiro tuoñacōri busironare besecōri cōam̄u ḡua m̄ua tu. Ḡua mairā Pablo, Bernabé rāca baba cuti wa rotib̄u ḡua ñnare. ²⁶ Mani Ēj̄u Jesure c̄uirona ī ocare goti ucuyijarā ñna. Gājerā ñna s̄ia ām̄obojarocati Jesús ocare goti tarojobisijarā ñna. ²⁷ Ito bajiri m̄uare gotironare Judas, Silasre c̄uni m̄uare cōa ḡua. Ñnamasiti ḡua ucarisere goti jeorā yirāji ñna m̄uare. ²⁸ Esp̄iritu Santo bajiro tuoñacōri jaje roti masibea ḡua m̄uare. Ito bajiri adi ḡua ucaro bajiro riti m̄uare rotia ḡua. ²⁹ Ñna meni rujeor̄ure ñna ecabojarisere babesa m̄ua. Ríre c̄uni idibesa. Ām̄uma wāñiatanare babesa. Baroto riojua rí cōaja quena. Ito yicōri m̄uamasiti m̄ua ya ruju ñeñaro iti tuoñaro bajiroti ñeñaro yibesa. Ḡua rotiro robo m̄ua c̄udija, ñaro bajiro c̄udirā yirāji m̄ua. Itocō oca goti uca ḡua m̄uare. Queno ñaña m̄ua”, yi ucañi ñna.

³⁰ Ito yi ucaja bero iti papera āmi wa rotiyijarā ñna. Āmi wacōri Antioquíaj̄u ejaçōri Jesure masirāre miojuyijarā ñna. Ito yicōri ñna minijuaja bero papera ñnare īsiyijarā ñna. ³¹ Iti papera ticōri buto wan̄u quenayijarā ñna ito gāna. Oca riojo gotire gaye iti ñaja wan̄u quenayijarā ñna. ³² Ito yija Judas, Silas c̄uni Dios oca goti īsiri masa ñari ito gāna Jesure tuor̄un̄ur̄are jaje Dios oca goti masioyijarā ñna. Iti oca tuocōri buto busa Diore tuo oca seoyijarā ñna. ³³ Udia r̄um̄u berocōti Jesure tuor̄un̄ur̄ā rāca ñacōri ware tuoñayijarā ñna. “Ḡuare cōacāna t̄uj̄u t̄udi warā ya ḡua m̄ucana”, yiyijarā ñna. “Queno waja m̄ua. Quenajaro m̄uare cōana”, yiyijarā ñna ito gāna Jesure tuor̄un̄ur̄ā. ³⁴ Ito ñna yibojarocati, “Ado tujac̄uja ȳuama”, yi tuoñayij̄u Silas. ³⁵ Pablo mesa c̄uni, Antioquíaj̄u tujayijarā. Ito gānare riasoyijarā ñna, gājerā Jesure tuor̄un̄ur̄ā rāca. Dios oca goti tarojobisijarā ñna.

T̄udi m̄ucana Pablo Dios oca ī goti ucure gaye

³⁶ Ito yija co r̄um̄u ado bajiro yiyij̄u Pablo Bernabé:

—Dios oca mani goti ucura c̄utorij̄u m̄ucana t̄udi ti ucurujā mani. Jesure tuor̄un̄ur̄ā no bajiro ñna bajija tito mani, yiyij̄u Pablo Bernabé.

³⁷ Ñna rāca warocu Juan Marcosre ji ām̄obojayij̄u Bernabé. ³⁸ Ito bajiro ī yibojarocati, Pabloj̄uama ām̄obisij̄u. Panfilij̄u ñna ñaroca Dios oca goti tarojoyij̄u Juan Marcos. Ito yicōri Jerusalénj̄u t̄udi wayij̄u ī. Ito bajiri m̄ucana ĩre ji ām̄obisij̄u Pablo. ³⁹ Yoari itire tuoña gāmeri busiyijarā ñna. Ito bajibojarocati s̄iḡure bajiro tuoña masibisijarā ñna. Ito bajiri batacōri ricati riti wayijarā ñna. Ito bajiri Juan Marcosre āmi wayij̄u Bernabé. Cuma s̄ajacōri, Chipre wame c̄utiri yogaj̄u j̄ea wayijarā ñna. ⁴⁰ Pabloj̄uama Silasre baba c̄utiyij̄u ī rāca warocu. Itoj̄u ñna waroto riojua Dios ñna rāca ñatoni Diore seniyijarā Jesure

tʉorũnrã itojũ gãna. Ito yija bero ware goticõri wasuoyijarã Pablo mesa. ⁴¹ Ito warãju Siria sita, Cilicia sitaju cuni Dios oca goti rêta wayijarã ñna. Ito bajiri Jesure tʉorũnrã rãca bʉsicõri bʉto bʉsa Jesure ñna tʉorũnũ oca s̄oroca yiyijarã Pablo mesa.

16

Pablo mesare Timoteo ï baba cuti ware gaye

¹ Itona wacõri Pablo mesa Derbe, Listra wame cutiri cutoriju ejayijarã ñna. Itojũ ejacõri Jesure tʉorũnũgũre bʉjayijarã ñna. Timoteo wame cutiyiju ï. ï jaco judio maso ñayijo Jesure tʉorũnũgõ. Ito yicõri ï jacũ griego masũ ñayiju. ² Listra gãna, ito yicõri Iconio gãna Jesure tʉorũnrã queno tʉoĩa bʉsiyijarã ñna Timoteore. ³ Iti masicõri Timoteo ñna rãca ware amoyiju Pablo. Ito bajiri Timoteore wirotayiju Pablo. ï wirotabeja judio masare tegũ robo bajiro bajiguĩji yirocũ, tayiju Pablo Timoteore. “Griego masũ ñami ï. Ito bajiri wirotaya macũ ñami ï”, yi masiyijarã judio masa Timoteore. “Manire tegũ wirotaya macũ ñami”, judio masa ñna yibe yirocũ, Timoteore wirotayiju Pablo. ⁴ Listraju ñna ñaja bero gaje cutoriju wayijarã ñna. Ito yicõri Timoteo ñna rãca baba cuti wayiju. Iti cutoriju Dios oca goti rêta wayijarã ñna Jesure tʉorũnrã ñna cuditoni. Jerusalén gãna apóstol mesa ito yicõri Jesure tʉorũnrãre ũmatã ñarã, “Gotiba”, ñna yiado bajiroti co cuto ruyabeto riaso rêta wayijarã ñna. ⁵ ñna ito yija tʉocõri, Jesure tʉorũnrã bʉto bʉsa Jesure tʉorũnũ oca s̄oyijarã, ito yicõri Jesure tʉorũnũ jidicãbisijarã ñna. Ito beroca rũmũri Jesure masirã jãjarã bʉsa ña wayijarã ñna.

Cãiriju Pablo Macedonia gagũre ï tire gaye

⁶ “Asiaju mani goti ucure amobeami Espiritu Santo”, yi masicõri itojũ wabisijarã ñna. Ito bajiri Frigia, Galacia sitaju rêta wayijarã Pablo mesa. ⁷ Ito rêta wacõri Misia sita susariju ejayijarã ñna. Itijuna Bitinia sitaju ware tʉoĩabojayijarã ñna. Ito bajibojarocati Espiritu Santo itojũ cõabisiju ñnare. ⁸ Misia sita rêta wacõri Troas wame cutiri cutore roja ejayijarã ñna. ⁹ Iti cuto ejacõri ito ñami cãitijiju Pablo. Ado bajiro cãitijiju ï: Sĩgũ Macedonia gagũ ï tũ rũgõja tiyiju ï. “Adoju Macedoniaju waya. Guare ejabuagu waya”, yiyiju ï Macedonia gagũ Pablora. ¹⁰ “Ito bajiro cãitibũ yũ”, Pablo ï yija tʉocõri, “Macedoniaju ï oca riasore amoami Dios”, yicũ gũa. Ito bajiri warona gũa ye seocũ gũa. Yũ adi papera tuti ucari masũ, wacũ ñna rãca.

Filipos cutojũ Pablo mesa ñna ña ucure gaye

¹¹ Troasna cumana wacũ gũa. Riojoti Samotracia wame cutiri yogaju wacũ gũa. Gaje rũmũ Neápolis ejacũ gũa. ¹² Itijuna Filiposju wacũ gũa. Romano masa meni rujeocõri ñna ñari cuto ñayiju ito cuto. Macedonia sitaju ñasari cuto ñayiju ito cuto. Yoari ñacu gũa jabeto ito cutore. ¹³ Co rũmũ tujacãra rũmũ ñaroca cuto s̄õju riacaju ejacũ gũa. “Iti cuto gãna Diore ñna bʉsisotiriju ñaroja”, yire masicũ gũa. Ito ejacõri rujicũ gũa. Ito rujicõri romia ito minijua ñarãre Jesús oca goticũ gũa. ¹⁴ Sĩgõ ñna rãca gago Lidia wame cutigo ñacõ. Tiatira wame cutiri cuto gago ñacõ iso. Iso ñacõ saya quenarise sũa ñirise ñsiri maso. Iso romio Diore maigõ tʉo rujicõ Pablo ï bʉsija. Pablo ï bʉsirisere iso queno tʉo masitoni isore ejabuañi Dios. Ito bajiri Pablo ï bʉsirise queno tʉo ñnacõ iso. ¹⁵ Jesure iso tʉorũnũja ticõri, isore idé gucũ gũa ito yicõri iso ñarãre cuni. Ito yija bero ado bajiro guare bʉsicõ iso:

—“Riti Jesure tʉorũnũgõ ñamo”, m̄ua yija, yũ ya wijũ waya, yicõ iso guare.

Iso ito bajiro yija, iso ya wijũ tujarã wacũ gũa.

¹⁶ Co rũmũ Diore masa ñna bʉsisotiriju wacũ gũa. Itojũ warã mamore ti bʉjacũ gũa. Rũmũ sãñagõ ñañi iso. Ito bajiro rũmũ sãñagõ ñari ijariju bajirotire goti masiyijo iso. Ito bajiro iso ujarã niyeru jairo bʉjayijarã, ija gaye bajirotire iso goti masigõ iso ñajare. ¹⁷ Iso romio guare ũma s̄yacõri ado bajiro awasãcõ iso:

—Ñna ũm̄ua Dios ũmacũju gagũre cudirã ñama. Jesure m̄ua tʉorũnũja, masoana ñarã yirãji, yi gotiama ñna m̄uare, yi awasãcõ iso masa jeyarore.

¹⁸ Co rumu meje guare awasã sũyacõ iso. Ito bajiro usirioro iso yija tuocõri, quenabisiju Pablöre. Ito bajiri juda rügücõri isore rûmú sãñagũre ado bajiro yiquĩ Pablo:

—Jesucristo masirisena isore mure budigo rotia yu, yiquĩ Pablo rûmure.

Ito ï yirocati rûmú budigocoquĩ isore.

¹⁹ Isore rûmú budigoja bero, ijariju bajirogire goti masibiticõ iso ïja. Iso ito bajija ticõri, “Jũaji niyeru bujado ma mani”, yi tuoĩacã iso ujarã. Ito bajiri Pablo, Silasre junisinicã ïna. Ito bajiri ïnare ñiacõri cuto gudareco ñasariju ujarã riojo ãmi wacã ïna. ²⁰ Ujarã riojo ãmi ejacõri ado bajiro yiyijarã ïna:

—Ãna judio masa mani cuto gãnare oca riawuso ucurã yama ïna. ²¹ ïna riasorise mani romano masa mani yisotirise bajiro meje baja ïnare. Ito bajiri ïna riasorise ïna yiro bajiro yibitirũja mani, yicã ïna, ïna ujarãre.

²² Ito ïna yija tuocõri, Pablo mesare buto junisinicã masa cuni. Ito bajiri ïnare yutabujuri ruacã roticã iti cuto ujarã. Ito yicõri ïnare baje roticã. ²³ Ito bero buto ïnare bajecõri, tubiara wiju cũ roticã ïna. Ito yicõri tubiara wi coderi masure cõacã ïna. “Queno ïnare tirũnũña”, yicã. ²⁴ Ito bajiro ujarã ïna yija tuocõri, ïna tubiasotiriju sõjua busa ñari sõa budi masia maniju ïnare cüyiju ï. Ito yicõri ïna ya gubori yucu jãina siatu cüyiju ï.

²⁵ Ito ï yibojarocati Pablo, Silas rãca Diore busicõri ñami gudareco basayijarã. Gãjerã ito tubiara wiju ñarã ïna basaja tuo ñayijarã. ²⁶ Ñajasaroti sita uerise ejayiju. Ito yicõri tubiara wi cadayiju. Iti ito bajiroca riti sojeri jana jedicoayiju. Ito bajicõri tubiara wiju ñarãre come mari õjo jedicoayiju. ²⁷ Ito bajijare tubiara wi coderi masu yuyiyiju. Iti sojeri susu jedija ticõri, “Tubiara wi ñarã wa jedicoana”, yire masiyiju ï. Ito bajiri ï ya sarera jãruayiju ïmasi sãa godarocu yibojayiju ï. ²⁸ Ito bajiro ï yirocati Pablo ado bajiro yiyiju ïre:

—Mũmasiti sãa godabesa. Ado ñajedicõa gua, yiyiju Pablo ïre.

²⁹ Ito yija busurise seniyiju tubiara wi coderi masu. Ito yicõri Pablo mesa tu ïmaquedi sãja wayiju ï. Buto nuruoyiju ï güigu. Ito yicõri ïna riojo rijomunigãna ñini rũjũyiju ï.

³⁰ Ito yija bero ïnare wiocoacõri, ado bajiro ïnare seniayiju ï:

—¿No bajiro yirũjati yu, Dios yure ï masotoni? yiyiju ï Pablo mesare.

³¹ Ito bajiro ï yija, ado bajiro cudiyijarã ïnajuã:

—Mani Uju Jesucristore mu tuorũnũja, mure masogũ yiguĩji Dios, ito yicõri mu ñarãre cuni masogũ yiguĩji ï, yiyijarã ïna tubiara wi coderi masure.

³² Ito yicõri mani Uju Jesucristo oca busiyijarã ïna ïre. ï ya wi gãnare cuni goti jeoyijarã ïna. ³³ Iti ñami ñaroca riti maji, ïna bajere camire coeyiju tubiara wi coderi masu Pablo mesare. ïnare ito bajiro ï yija bero ïmasi ito yicõri ï ñarãre idé gu rotiyiju ï Pablo mesare. Ito bajiri Jesure ïna tuorũnũja ticõri, ïnare idé guyijarã Pablo mesa ïja. ³⁴ Ito yija bero ï ya wiju Pablo mesare ãmi wayiju ï. Ito yicõri ïnare bare ecayiju ï. “Diore tuorũnũgũ ña yu ïja”, yi masicõri ï ñarã rãca buto wanu quenayiju ï.

³⁵ Busuri iti cuto gãna ujarã, poreciare cõayijarã, tubiara wi coderi masure, “Ënare bucõãña mu”, yirona. ³⁶ Ito yija tubiara wi coderi masu ado bajiro yiyiju Pablöre:

—Ujarã ïna rotiro bajiroti mure bucõare ña yure. Ito bajiri ñe godo manoti budi wasa muã.

³⁷ Ito bajiro ï yija tuocõri, Pablo ado bajiro gotiyiju porecia mesare:

—Ñe guare seti manibojarocati adi cuto gãna ujarã mesa riojo guare bajecã ïna. Ito yicõri adi wi tubiara wi guare cücã ïna. Roma gãna gua ñabojarocati guare tubiacã ïna. Ito bajiri adocãta masa ïna masibetoti guare bucõa ãmobojava ïna. Ito bajiro meje bajiro yiroja. ïnamasiti guare bucõarã wadijaro, yiyiju Pablo porecia mesare.

³⁸ Ito ï yija tuocõri, ujarãre gotirã wayijarã porecia mesa. Ito bajiro porecia ïna gotija tuocõri, roma gãnati Pablo mesa ïna ñaja, tuo masicõri tuo güiyijarã ujarã. ³⁹ Ito bajiri Pablo mesa tũju oca quenorã wayijarã ujarã. ïna ito yija bero, ïnare ãmi bucõayijarã ïna. Gaje cutoju ïna watoni ïnare gotiyijarã ïna. ⁴⁰ Tubiara wire budigocõri Lidia ya wiju wayijarã ïna Pablo mesa. Ito ejacõri Jesure tuorũnũrãre miojuyijarã ïna, Jesús oca gotirona. Iti oca tuocõri buto busa Jesure tuorũnũ oca sãoroca yiyijarã ïna. ïna ito yija bero gaje cuto wayijarã ïna ïja.

17

Tesalónica cutojũ oca rujeare gaye

¹ Filiposjũre budi wagoçõri, Anfípõlis ito yicõri Apõlonia rêta wayijarã ãna Pablo mesa. Ito bero Tesalónica wame cõtiri cutojũ ejayijarã ãna. Iti cutojũ judio masa ãna minijuari wi ñayijũ. ² Pablo ã yisotiro bajiro yigũ ãna minijuara wijũ wayijũ. Ito yicõri udiãji tujacãre ãnare Dios oca gotiyijũ ito minijua ñarãre. Diore goti ãsiri masa ado bajiro yi ucañi ãna, yi gotiyijũ Pablo masare:

³ —Cristo Dios ã cõarũ ñeñaro tõbujagũ yiguĩji. Ito yicõri godagũ yiguĩji. Godabojaguti mũcana tũdi catigũ yiguĩji ã, yi ucañi Diore goti ãsiri masa. ãna tũõia ucarũ, ãti ñami Jesucristo Dios ã cõarũ, yiyijũ Pablo ãnare.

⁴ Ito ã yija tũocõri, coriarã judio masa Jesure tũorũnyijarã ãja. Ito bajiri Pablo, Silas bajiroti sũgũ bajiro riti tũõayijarã ãna ãja. Jãjarã griego masa Diore rũcũbuorã ã gotija tũocõri, Jesure tũorũnyijarã ãna ãja. Iti cuto gãna romia ñasari masa Jesure tũorũnyijarã ãna cũni. ⁵ Pablo mesare jãjarã masa ãna cũdija ti masicõri, judio masa Jesure tũorũnũmena Pablo mesare ti teyijarã. Ito bajiri iti cuto gãna rojorã, ñeñaro yirãre cũni miojuyijarã ãna. “Adi cuto gãnare oca meniña mũa, Pablo mesare ãna junisinitoni”, yiyijarã judio masa ãnare. Ito bajiro yicõri Jasõn ya wijũ Pablo mesare ãmarã wayijarã ãna. ãnare bucõacõri masare ãsi ãmõbojayijarã ãna. ⁶ ãnare bũjabiti warã iti wi gagũ Jasõnre ito yicõri Jesure tũorũnrãre ujarã tũjũ ãmi wayijarã ãna. Ado bajiro ujarãre awasã gotiyijarã ãna:

—ãna ãmũa gaje cõtõrijũ oca riawũso ucuaña ñama. Mũcana mani ya cõtore oca riawũsorõna ejama ãna. ⁷ ãni Jasõn ã ya wijũ ãnare boca ãmiñi. Mani uju César, ã rotirise cũdirã meje ñama ãna. Sũgũ Jesús wame cõtigure, “ã ñami Uju ñasagũ”, yama ãna, yiyijarã rojorã ñeñaro yiri masa ujarãre.

⁸ Iti oca tũocõri iti cuto gãna ujarã ito yicõri iti cuto ñari masa jeyaro junisini awasãyijarã. ⁹ “Gũa mũare bucõare ãmoja, gũare waja yiya mũ”, yiyijarã ãna Jasõn mesare. Ito bajiri Jasõn mesa ujarãre waja yiyijarã budirona.

Pablo mesa Bereajũ ãna ña ucure gaye

¹⁰ Iti rãiorocati ito gãna Jesure tũorũnrã Pablo mesare Berea wame cõtiri cutojũ wa rotiyijarã ãna. Ito ejacõri judio masa ãna minijuari wijũ wayijarã Pablo mesa. ¹¹ Ito Berea gãna Tesalónica gãna masa rêto bũsaro Pablo mesare queno yiyijarã. Pablo Dios oca ã gotija queno wanũ quenaro tũoyijarã ãna. Ito bajiri, “¿Dios oca riti gotiati Pablo?” yirona Dios oca tĩsotiyijarã ãna. ¹² “Riti gotiami”, yi masicõri jãjarã Jesure tũorũnyijarã ãna. Jãjarã griego masa Jesure tũorũnyijarã. ãna rãca gãna romia ñasarã cũni queno Jesure tũorũnyijarã. ¹³ “Bereajũ Dios oca gotigũ yiguĩji Pablo”, yire oca tũoyijarã Tesalónica gãna judio masa. Itire tũocõri junisinyijarã ãna. Ito bajiri itojũ wacõri masare oca riawũsoyijarã ãna. ¹⁴ ãna ito yija ticõri, Pablõre baba cõtĩ warõna rãca, “Wasa”, yiyijarã ito gãna Jesure tũorũnrã. “Coji riaca jajosa roja ejadojũ wasa mũa”, yiyijarã. Silas, Timoteo rãca tujayijarã. ãna rãca ito wabisijarã. ¹⁵ Riaca jajosa roja ejacõri cumana ãmi wayijarã ãna Pablõre. Atenas wame cõtiri cutojũ ãre ãmi wayijarã ãna. Itojũ ãre cũ tĩocõri Bereajũ tũdi wayijarã ãna mũcana. ãnanati oca cõayijũ Pablo, “Silas, Timoteo ejori bũsati wadijaro”, yirocũ.

Atenasjũ Pablo ã ña ucure gaye

¹⁶ Atenasjũ Silas, Timoteo yu ñagũjũ iti cõtore ti ucugũ wayijũ ã. Iti cõtõri gãna meni rujeocõri ãna rũcũbuorisere jaje ticõri bũjatõbisijũ Pablo. ¹⁷ Ito bajiri minijuara wijũ judio masare bũsiyijũ Pablo, ito yicõri judio masa robo bajiro tũõarãre cũni bũsiyijũ ã. Ito bajiri co rũmũ rũyabeto cuto gũdareco wa ucurãre Dios oca gotiyijũ Pablo. ¹⁸ Ito gãna epicũreos oca riasõtõri masa ito yicõri estoicos oca riasõtõri masa cũni ruje Pablo rãca bũsiyijarã. ãnare Jesús oca gotiyijũ Pablo. Ito yicõri Jesús godabojaguti mũcana tũdi ã catire gayere cũni gotiyijũ. Ito bajiri coriarã ado bajiro yiyijarã:

—¿Ñe gaye gotiõroçũ ito bajiro bũsimũcõtĩati ãni? yiyijarã ãna.

Gājerāma:

—Gaje cuto gāna ĩna rŭcubŭorisere busiguĭji gajea, yiyijarā ĩna. ¹⁹ Ito yija, “Areópago wame cŭtirijŭ ita bŭsito”, yi wayijarā ĩna Pablŭre. Itijŭ minijua űnarā űjarā ado bajiro yiyijarā ĩna:

—Oca mame mŭ gotire tuo āmoa gŭa, yiyijarā Pablŭre. ²⁰ Gŭa tuoĭabiti oca riasoa mŭ. Ito bajiri mŭ gotire tuo āmoa gŭa. ¿No bajiro yireoni riasoati mŭ? Gotiya maji gŭare, yiyijarā ĩna ĩre.

²¹ Atenas gāna ito yicōri iti cuto űa ijari masa oca gaje mame riti tuoĭa busiyijarā ĩna. Ito bajiri Pablŭ mame oca ĩ gotija tuo āmoyijarā ĩna.

²² Ito bajiri ĩna wato wŭmŭ rŭgŭcōri Areópago wame cŭtirijŭ ado bajiro gotiyijŭ Pablŭ ĩnare:

—Tuoŭa Atenas gāna űari masa mŭa. Meni rujeocōri mŭa rŭcubŭorisere queno mŭa rŭcubŭoja tia yŭ. ²³ Rŭcubŭorā mŭa minijuasotirijari ito ti ucugŭŭu ado bajiro ucare coŭŭ ti bŭjacŭ yŭ, “Ado űa Dios tiŭa macŭre rŭcubŭorāŭŭ”, yicŭ itijŭ. Āni Dios masibitibŭjarāti mŭa rŭcubŭogŭre ĩti űami Dios mŭare yŭ busigŭ, yi gotiyijŭ Pablŭ ĩnare.

²⁴ ‘Dios adi sita, adi macārŭcŭro jeyaro űarotire rujeorŭ, ĩti űami adi sita, adi macārŭcŭro jeyaro rŭcogŭ. Ito bajiri rŭcubŭorona masa ĩna menirŭ meje űami ĩ. ²⁵ űejŭa rŭyabea ĩre. Mani ĩre meni ĩsi āmŭbŭjarise űacāroja ĩre. űe rŭyabetoŭa. ĩ űami mani catirise jeyaro ĩsigŭ.

²⁶ ‘Cajeroŭŭ ŭmugŭ sĭgŭreti menisŭoyijŭ Dios. ĩna ŭoriti jājarā masa buturi gāna meniĭni Dios. Adi macārŭcŭro ĩna űa batatoni jeyaro batoyijŭ Dios. ĩ űami, “Itocō rujearā yirāŭi, adi sita gāna űarā yirāŭi, ito yicōri itocō catirā yirāŭi ĩna”, yiri masŭ. ²⁷ Jeyaro meniĭni Dios, itire ticōri mani ĩre rŭcubŭotoni. Riojo gotisajama, sōŭŭ mejeti űami Dios. Mani rācati űami. ²⁸ Mŭa űarā papera menirā ado bajiro yi ucaĭni: “Diona ŭoriti catirā moa masia mani. ĩ manija űamenaji mani cŭni. ĩ rĭa űa mani”, yi ucaĭni mŭa űarā. ²⁹ “ĩti űami Dios”, yi tuoĭarā, gŭtana, orona, plata wame cŭtirisena cŭni ĩna rŭcubŭorocŭre meni rujeorā yirāŭi masa. Maniama Dios rĭa űacōri, “Ito bajiro bajigŭti űami Dios”, yi tuoĭabitirŭja manire. ³⁰ “Ado bajiro āmoami Dios”, masa ĩna yi masiroto rioŭŭajŭ ĩnare waja senibisijŭ Dios maji. Bajibeŭa adi rŭmŭri. Ito bajiri adocāta jeyaro űeıaro mani yirise jidicā rotiami Dios manire. ³¹ Ija masa ĩna űeıaro yirise waja ĩ senirotire masicāmi Dios. Queno yigŭ űari ĩna yigorecōti waja senigŭ yiguĭji ĩ. Ito yicōri, ĩ beserŭna ŭoriti masare waja senigŭ yiguĭji Dios. “Cristo űami Dios ĩ beserŭ”, mani yitoni ĩ godaja bero mŭcana tŭdi ĩ catiroca yiĭni Dios, yiyijŭ Pablŭ ĩnare.

³² Mŭcana tŭdi catire gaye tuoĭcōri coriarā Pablŭre aja tudiyijarā. Ito bajibŭjarocati gājerāŭama ado bajiro yiyijarā:

—Mŭcana tŭdi mŭ itire busija, tuo āmoa gŭa, yiyijarā ĩna Pablŭre.

³³ Ito yicōri ĩna minijua űarijŭ budigoyijŭ Pablŭ. ³⁴ Coriarā ĩre bajiro tuoĭacōri Jesure tuoŭŭŭyijarā ĩna. ĩna rāca gagŭ sĭgŭ Dionisio wame cŭtigŭ űayijŭ. ĩ Areópagoŭŭ minijuasotirā rāca gagŭ űayijŭ. Sĭgō Dāmaris wame cŭtigo cŭni Jesure tuoŭŭŭyijŭ. Ito yicōri gājerā cŭni Jesure tuoŭŭŭyijarā.

18

Corintoŭŭ Pablŭ ĩ űa ucure gaye

¹ Ito ĩ bajija bero Atenas wame cŭtiri cŭtore wacoayijŭ Pablŭ ĩja, Corinto wame cŭtiri cŭtoŭŭ wacŭ. ² Ito ejacōri sĭgŭ judio masŭre Aquila, Ponto gagŭre ti bŭjayijŭ Pablŭ. Aquila ĩ manŭjo Priscila rāca Italia sitana wacōri Pablŭ rioŭŭa Corintoŭŭ ejayijarā ĩna. Roma gagŭ űŭ Claudio wame cŭtigŭ Italia sitajŭ judio masa ĩna űare āmŭbicŭ, ĩnare bucōayijŭ. Ito bajiri Corintoŭŭ űarā wayijarā ĩna Aquila ĩ manŭjo rāca. Ito ĩna űaroca riti Pablŭ ejayijŭ ĩnare tigŭ. ³ Pablŭ bajiroti saya webŭtirise gayere wiri meniyijŭ Aquila ĩ manŭjo rāca. Ito bajiri ĩna rāca coŭŭti moarocŭ tujayijŭ Pablŭ. ⁴ Coŭi tujacāre rŭyabeto minijuaŭa wijŭ Dios oca gotigŭ wasotiyijŭ Pablŭ. Judio masa ito yicōri judio masa meje űarāre cŭni Dios oca ĩna tuoŭe āmogŭ ĩnare gotiyijŭ Pablŭ.

⁵ Ito yija, ito bero Macedoniajũ wadiana Silas Timoteo, Corintojũ Pablo tũjũ ejayijarã. Ñna ejaroca ã moare cõtirisẽ jidicãcõri Dios oca riti goti ñayijũ Pablo. Ado bajiro judio masare riaso busiyijũ ã:

—Dios ã cõarũ Cristo mani bocatigũ ãti ñami Jesús, yiyijũ Pablo ñnare.

⁶ Ito bajiro ã gotibojarocati gãjerã ricati tũõiacõri ñre usirioro yi codeyijarã ñna. Ito yicõri ñre busituyijarã ñna. Ñna ito yija ticõri, ã ya yutabuju jacãyijũ. “Yũre queno boca ãmibeã mũa”, yi tũõtagũ, ito bajiro yiyijũ ã. Ito yicõri ado bajiro yiyijũ ã:

—Dios yũre ã rotiado bajiroti ã oca mũre gotibojabũ yũ. Ito bajiri mũa godari rũmũ jeame ãjũrojũ mũa waja yũre seti mano yiroja. ã oca mũa tũorũnũbitijare mũareama seti ñaro yiroja. Ito bajiri mũa tũo ãmobeja ticõri, adi rũmũna judio masa meje ñarãre Dios oca gotisũogũ ya yũ, yiyijũ Pablo.

⁷ Itona budi wacõri Ticio Justo ya wijũ wayijũ Pablo. Diore rũcũbũogũ ñayijũ Ticio Justo. ã ya wi tũ ñayijũ minijuara wi. ⁸ Crispo wame cõtigũ ñayijũ minijuara wi ãjũ. Crispo ito yicõri ã ñarã queno Jesure tũorũnũrã ñayijarã ñna. Ito Corinto cũto gãna Dios oca tũocõri, jãjarã Jesure tũorũnũyijarã. Ito yicõri idẽ gu rotiyijarã ñna. ⁹⁻¹⁰ Co ñami ã cãirojũ Jesús ã busija tũoyijũ Pablo:

—Mũ rãcati ña yũ. Ito yicõri yũre tũorũnũrã jãjarã ñama adi cõtore. Ito bajiri gãuibesa. Gãjerã ñeñaro mũre yi masimenaji. Oca sãocõri yũ oca masare gotitĩñaña. Ito yicõri itire goti jidicãbesa, yiyijũ Jesús Pablõre ã cãirojũ.

¹¹ Ito bajiri Corintojũ co rodo gaje rodo gãdareco masare Dios oca goti ñayijũ ã.

¹² Ito bero Galiõn wame cõtigũ Acaya sitajũ ãjũ sãjayijũ. Ito bajiro ãjũ ã ñaroca sãgũ bajiro riti tũõiacõri Pablõre ñayijarã judio masa. Ito yicõri ãjarã riojo ñre ãmi wayijarã ñna. ¹³ Ito yicõri ãjũre ado bajiro gotiyijarã ñna:

—Gũa masa ñna rotiado bajiro meje, Diore rũcũbũotoni rotiami ãni, yiyijarã judio masa Galiõnre.

¹⁴ Pablo busigũ wagũ yirocati Galiõn ado bajiro yiyijũ judio masare:

—Ñeñaro yigũ ã ñajama, ito yicõri gãa rotirise ã cũdibitija beroti bajijama, mũa gotirisere tũobogũja yũ. ¹⁵ Mũa masa ocãti oca rotire iti ñaja, mũamasiti oca quenoña. Yũama iti oca quenori masũ meje ña ãmoã yũ, yiyijũ Galiõn judio masare.

¹⁶ Ito yicõri judio masare bucõayijũ Galiõn, iti sõajũ. ¹⁷ Ito yija minijuara wi ãjũ Sõstenesre ñayijarã. Ito yicõri ãjũ Galiõn riojo ñre jayijarã ñna. Ito bajiro ñna yibojarocati, “¿No yija ñre jati mũa?” yibisijũ Galiõn. “No yibeati”, yi tũõiacõyijũ ã.

Antioquãjũ tũdi ejacõri mũcana Pablo Dios oca ã goti ucure gaye

¹⁸ Corintojũ yoa busari ñayijũ Pablo maji. Ito bero ito ñabojacõri, Jesure tũorũnũrãre ware gotiyijũ ã. Ito yicõri Aquila ã manõjo Priscila rãca Siria sitajũ warona Cencrea cũtojũ roja wayijarã ñna. Cencrea cũto ñana ñna waroto riojũ, “Mũ tiro riojo ado bajiro yicũja yũ”, yiyijũ Pablo Diore. “Yũ gotiado bajiroti yicũja”, yirocũ joã sua batecã rotiyijũ ã. ¹⁹ Itona cumana wacõri Efeso cũto jetaca ejayijarã ñna. Ito ejacõri Aquila ã manõjo Priscila rãca ito ñna ñaroca riti maja wacõri minijuara wijũ judio masa rãca busigũ wayijũ Pablo. ²⁰ Yoa busari ñna rãca ã tujare ãmõbojayijarã judio masa. Ito yibojarocati Pabloama ãmõbisijũ. ²¹ Ito bajiri ado bajiro ñnare ware gotiyijũ ã:

—Jerusalãnũ Diore basa ñna meni ãsija, ñna rãca ña ãmoã yũ. Ito bajiri co rũmũ Dios ã ãmoja, mũcana mũare tigũ ejagũ yigũja yũ, yiyijũ Pablo judio masare.

Ito yicõri Efesona cumana wayijarã ñna. ²² Cesarea jetaca ejacõri Jerusalãn gãnare Jesure tũorũnũrãre maja tigũ ejayijũ Pablo. ñnare ti rãta wacõri Antioquãjũ wayijũ Pablo mũcana. ²³ Itijũ yõari ñacõri mũcana tũdi wasũoyijũ. Ito wacũjũ Galacia sita, Frigia sita cũni rãta wayijũ ã. Iti sita gãna Jesure tũorũnũrãre Dios oca goti ucuyijũ Pablo. Ito bajiro Dios oca ã gotija tũocõri, tũõã oca sãõ jediyijarã ñna.

Efesojũ Dios oca Apolos ã riasore gaye

²⁴ Iti rodori sãgũ judio masũ Apolos wame cõtigũ Efesojũ ejayijũ. Alejandrã cũto gagũ ñayijũ ã. Masa tiro riojo queno busi masigũ ñayijũ ã. Ito yicõri Dios oca tuti queno ti

masiyijũ ĩ. ²⁵ Gãjerã Jesús oca ĩna riasoja, queno tuogoru ñayijũ ĩ. Juan masare ĩ idé gure gaye masiyijũ ĩ. Ito bajibojarocati Jesús gayere jeyaro rêtare gaye masi jeobisijũ ĩ maji. Queno oca sêo wanũ quenaro masare busiyijũ ĩ. Jeyaro Jesús ocare masibitibojaguti queno Jesús ocare riasoyijũ ĩ. ²⁶ Co rãmũ minijuara wijũ, ñe tuo güibicuti queno masare busiyijũ ĩ. Aquila ĩ manajo Priscila rãca ĩ busija tuo ñayijarã ĩna. ĩ busija bero ricati ĩre busirona ĩre gajero busa ãmi wayijarã ĩna. Dios gaye ĩ queno tuoĩabitire queno ĩre goti rêtobuyijarã ĩna. ²⁷ Ito yija bero yoari Acayajũ Dios oca gotigũ wa ãmoyijũ ĩ. “Quena ña. Wasa mũ”, yiyijarã Efeso gãna Jesure tuorũnrã. Ito bajiri, “Apolosre queno boca ãmiña mũ”, yirona papera meniyijarã Acaya gãnare yiari. Acayajũ ejacõri Jesure tuorũnrõca Dios ĩ yianare queno ejabũayijũ Apolos. ²⁸ ĩ queno tuoĩagũ ñari, judio masa ĩna busibojarisere, “Ado robojua bajia”, yiyijũ ĩ masa tiro riojo. “Ado bajiro bajia”, yirocũ Dios oca ti gotiyijũ ĩ. “Dios ĩ beserũ mani bocatigũ, ĩti ñami Jesucristo”, yi riasoyijũ ĩ. Queno riasogu ñajare, “Ito bajiro meje bajia”, yi masibisijarã judio masa.

19

Efesoju Pablo ĩ ña ucure gaye

¹ Apolos Corintoju ĩ ñaroca riti Pablojuama gãta yucuri judo ñari cãtori rãta wacõri Efesoju ejayijũ. Ito ejacõri Jesure tuorũnrãre coriarã ti bujayijũ ĩ. ² Ito bajiri ado bajiro ĩnare seniãayijũ ĩ:

—¿Jesure mũa tuorũnrũri rãmũti Espĩritu Santo quedi sãjacati mũare? yiyijũ Pablo ĩnare.

Ito ĩ yija ado bajiro cãdiyijarã ĩna:

—Espĩritu Santo ĩ ñare gayere masibiticũ gãa, yiyijarã ĩna.

³ Ito yija Pablo ĩnare seniãayijũ:

—¿No bajiro bajirisere idé gu ecocati mũa? yiyijũ Pablo ĩnare.

—Juan ĩ riasoado bajiroti idé gu ecocũ gãa, yiyijarã ĩna Pablore.

⁴ ĩna ito yija ado bajiro yiyijũ Pablo ĩnare:

—Masa ĩna ñeñaro yirisere jidicãnare idé guñi Juan. Ito yicõri ado bajiro ĩnare gotiñi Juan: “Yũ bero ejarocũre mũa tuorũnũja quena”, yi riasoñi Juan. Ito bajiro ĩ busirũ ĩti ñami Jesús, yiyijũ Pablo.

⁵ Ito bajiro Jesure ĩna tuorũnũja ti masicõri Jesús wamena ĩnare idé guyijũ Pablo. ⁶ Ito yicõri Pablo ĩnare ãmo moa jeoroca, Espĩritu Santo ĩnare quedi sãjayijũ. Ito bajijare ricati riti ĩna masibiti oca ñabojareti busiyijarã ĩna. Diore tuocõri ĩ gotiro bajiroti gotiyijarã ĩna.

⁷ Jua gũbojeno ãmũa ñayijarã ĩna.

⁸ Disejua ĩ tuo güirise mañijũ Pablore. Ito bajiri udiarã ãmacañicõ minijuara wijũ masare Dios oca goti ñayijũ ĩ. “ĩre tuorũnrãre ĩ rotiroju miojugũ yiguñi Dios”, yi gotiyijũ ĩ masa Diore ĩna tuorũnũtoni. ⁹ Ito bajibojarocati coriarã Pablo ĩ busirisere tuo batecãcõyijarã Diore tuorũnũ ãmomena. Masa riojo Jesús ocare ñeñaro busiyijarã ĩna. Ito bajiri ĩnare camotadiyijũ Pablo. Ito yicõri Jesure tuorũnrãre ĩ rãca ãmi wayijũ ĩ, Tirano wame cãtigũ ya riasora wijũ ĩna rãca busirocũ. Iti wijũ co rãmũ ruyabeto ĩna rãca busisotiyijũ. ¹⁰ Itijũ jua rodo riaso ñayijũ ĩ. Ito bajiri iti sita Asia wame cãtiri sita gãna, judio masa, judio masa meje ñarã cãni mani Uju Jesús oca tuo jediyijarã ĩna. ¹¹ Pablona sũoriti jaje tiyamani ĩoyijũ Dios. ¹² Ito bajiri Pablo ĩ moaĩagore resurori, yutabujuri ĩ moaĩagore cãni masa cõrã tũju ĩna ãmi waja ĩnare ñarise rãtayijũ. Ito yicõri rãmũa sãñarãre rãmũa budigoyijarã.

¹³⁻¹⁴ Iti rodori judio masa jua ãmojeno ñarã masa rãmũa sãñarãre bucõa ucuyijarã ĩna cãtorire. Paia uju Esceva wame cãtigũ rãa ñayijarã ĩna. ĩna Efesoju ejayijarã. Jesús masirisena Pablo rãmũa sãñarã ĩ bucõado bajiro yi ãmobjayijarã ĩna. Ito bajiri rãmũare ado bajiro yiyijarã ĩna:

—Jesús wamena mũare budi rotia gãa. Pablo ĩ busi ucugũ Jesús wamena mũare budi rotia gãa, yibojayijarã ĩna. ¹⁵ Ito bajiro ĩna yibojarocati, ado bajiro ĩnare cãdiyijũ rãmũ:

—Jesure masia yu, ito yicōri Pablōre cūni masia yu. Mũareama ti masibea yu. ¿Nimarāona ñati mũama? yiyiju rūmú ñnare.

¹⁶ Ito yicōri rūmú sãñagũ ñnare bubu queda jeayiju. Buto sēorisena ñnare ñeñaro yi rētocūyiju ĩ. Sēoro ĩ yi rētocūjare yutabuju manati cami cūtirã ũmaquedi rudi wayijarã ñna. ¹⁷ Efeso ñarã judio masa ito yicōri judio masa meje ñarã cūni ito bajiro iti bajire gayere tuo jediyijarã. Iti oca tuo acacōri, jãjarã busa, “Sēogũguti ñami Jesús”, yi tuoña rucubuyijarã masa ĩja.

¹⁸ Iti oca tuocōri jãjarã Jesure tuorũnurã ñna ñeñaro yirisere goti rēto buyijarã. “Rūmú ĩ masirisena masare quenacu gũa ito yicōri ñnare rojacu gũa”, yiyijarã ñna. ¹⁹ Ito yicōri ado bajiro yiyijarã cumua queti oca quesoñari masa. Ñna ya papera tutiri queti oca gotiri tutiri ãmi wacōri masa riojo soeyijarã. Iti papera tutiri ñna soe ruyuriore cincuenta mil niyeru cujiri waja cūtirisecō godayiju. ²⁰ Iti ito bajiro rētaja bero mani Ũju Jesús oca coju ruyabeto bataja tuore ñacu ĩja. Iti oca tuocōri jãjarã Jesure tuorũnyijarã ĩja.

²¹ Ito bajiro iti rētaja bero Jerusalénju tudi ware tuoñayiju Pablo. “Macedonia sita, ito yicōri Acaya sita rēta wacu ya yu”, yi tuoñayiju Pablo. “Jerusalénju yu ejaja bero Romaju ware ña yure”, yi tuoñayiju ĩ. ²² Ito bajiro yi tuoñacōri Timoteo ito yicōri Erasto rãca ĩre ejabuari masare ĩ riojua cōayiju ĩ, Macedoniaju ñna wayutoni. ĩjuama Asia sitaju Efeso wame cūtiri cutoju tujayiju maji.

Efesoju ñna oca riawusare gaye

²³ Iti rūmuri Pablo Efeso ĩ ñaroca, “Jesús sīgũti ñami masare maso masigũ”, yi masa ñna tuoña masi jedibea buto oca ñeñasuoyiju iti cutoju. ²⁴ Demetrio wame cūtigũ ñayiju iti oca ñeñosuori masu. Masa ñna rucubhoroti plata wame cūtirisena meni rujeori masu ñayiju ĩ. ĩre moa ejabuari masa cūni ñayijarã. Gãjerã ñna rucubhogo Artemisa wame cūtigo isore rucubhorã ñna minijuari wi robo bajiro mutãri wiri platana meniyijarã ñna. Iti mutãri wiriacã menicōri gãjerãre ñna ĩsija jaje niyeru bujayijarã ñna. ²⁵ Ito yija ĩre ejabuari masare miojuyiju ĩ, ito yicōri ñna bajiro moarãre cūni. Ito yicōri ado bajiro ñnare yiyiju ĩ:

—Mani adi moare cūtirã queno ñe ruyabeto ña mani. ²⁶ ¿Masare Pablo ĩ gotirise tuoñabeati mũa? Menicōri mani rucubhorisere, “Rucubhoreoni meje ña”, yami Pablo. ĩ busirisere tuocōri masa jãjarã tuorũnuama ĩre. Ado mani ñari cuto Efeso gãna riti meje ĩre tuorũnuama. Adi sita ñajediro Asia sita gãna tuorũnuama ĩre. ²⁷ Bujato bajiro yiroja manire. Mani meni rujeorisere ãmimena yirãji masa. Ito bajiri waja buja masimena yirãji mani. Mani rucubhogo Artemisa isore rucubhora wire rucubhomena yirãji masa. Pablōre ñna tuorũnuja, mani rucubhogore adi sita ñna yi ñaro bajiro yimena yirãji ñna, yiyiju Demetrio ĩre bajiro moare cūtirãre.

²⁸ Ito ĩ yija tuocōri, buto junisiniyijarã ñna. Ito yicōri awasãyijarã ñna:

—Mani rucubhogo Artemisa quenagō ñnamo. Ñatĩñarujamo, yiyijarã ñna.

²⁹ Iti cuto gãna jeyaro iti oca gãmeri busicōri jaje oca busi riawusoyijarã ñna. Ito bajijare Gayo, Aristarcōre Pablo rãca baba cūtianare ñayijarã. Macedonia gãna ñayijarã ñna. Ñnare ñiacōri buto oca sēoro, “Ita, ita”, yi wayijarã ñna. Busirona masa ñna minijuasotiroju ñnare ãmi wayijarã ñna. ³⁰ ĩ baba mesare busi ejabuarocu sãja ãmobjayiju Pablo. ĩ sãja ãmoja ticōri “Sãjabesa”, yiyijarã Jesure tuorũnurã ĩre. ³¹ Ito gãna ñari masa cūni Pablo baba mesa ñacōri, ĩre oca cōayijarã. “Ñna rãca coca yibesa”, yirona ĩre oca cōayijarã ñna. ³² Itiju minijuarajuju gãjerã ado bajiro awasãyijarã. Gãjerã ricati awasãyijarã. Sīgũre bajiro tuoñabiticōri oca riawusa ñayijarã ñna. “Ñasariju ñe busirona minijuayijaribe gũa”, yi masibisijarã ñna. ³³ Judio masa ñna rãca gagũ Alejandro wame cūtigũre iti oca ĩre goti rēto buyijarã ñna. Ito yicōri “Manire yiari busi ĩsiña mũ”, yirona masa riojo ĩre busi rotiyijarã. Itiju minijua ñarãre busirocu oca tabojayiju Alejandro. “Ñe seti ma gũare”, yirocu yibojayiju ĩ. ³⁴ Ito ĩ yija tuo masicōri “Judio masu ñami”, yirona buto busa ĩre awasã rētocūyijarã ñna:

—Gua rŭcubuoگو Artemisa quenagō ñamo. Ñatĩñarujamo iso, yi awasāyijarā ñna. Juaji cōrecō ito bajiro awasā ñayijarā ñna.

³⁵ Sīgũ ito gagũ ujũ masare oca tayijũ. Ito yicōri ado bajiro yiyijũ ĩ ñnare:

—Adi cuto Efeso gāna tuoya mũa. Mani adi cuto gāna ña mani rŭcubuoگو Artemisa ya wi coderi masa. Ito yicōri maniti ña iso ya ruju ũmacũju quedi wadire gaye tirũnrā cuni. “Ito bajiro bajiamā”, yi masiama masa jeyaro manire. ³⁶ Noajũa masa maño masibeama itire. Ito bajiri itocō jidicāña mũa itire. Queno tũoĩabitibojarāti ñeñaro yibesa mũa. ³⁷ Āna ũmũa mũa āmi wadiana mani rŭcubuoگو Artemisa ya wi gayere rinibeama ñna. Ito yicōri isore ñeñaro busibeama ñna. ³⁸ Demetrio ĩ rāca moarā rāca gājerāre oca ñaja, ñna ujarā tũju oca quenorona āmi waja quena. ĩnare oca ñaja ujarāre gotirujama ñna. ĩna ujarā ñnama iti oca quenori masa. ³⁹ Mũa gaje oca goti āmoja ujarā riojo ito yicōri adi cuto gāna jeyaro minijuaroca gotija quena. ⁴⁰ ¿No bajiro tũoĩarā yirājida Romano masa ujarā ito bajiro masa ñna oca cutirisere? Ado bajiro tũoĩarā yirāji gajea: “Manire junisinicōri cudi āmobeama ñna”, yi tũoĩarā yirāji ñna. Ñe oca manoti ado itire oca cuti ña mani. Ito bajiri, “¿Ñe oca bajijare ito bajiro oca cuti ñati mũa?” Romano masa ñna yija, no bajiro cudi masia ma manire, yiyijũ sīgũ iti cuto gagũ.

⁴¹ Ito yi tĩocōri, “Itocō ñajaro”, yiyijũ ĩ.

20

*Macedonia*ju Pablo ĩ ware gaye

¹ Iti oca rētaja bero Jesure tũorũnrāre jiyijũ Pablo, ĩ waroto riojũa ñnare oca gotirocũ. Iti oca goti tĩocōri ñnare ware gotigũ jababayijũ. Ito yicōri Macedoniaju wasũoyijũ ĩ. ² Macedoniaju wacũ Jesure tũorũnrāre ti rēta wayijũ ĩ. ĩnare busicōri buto Jesure tũorũnũ oca sēoroca ñnare yiyijũ ĩ. Ito bero Greciaju ejayijũ ĩ. ³ Itoju udiarā ũmacañi ñayijũ ĩ cumana wasarũ tũjayijũ ĩ, Judio masa sĩa āmorā ñna cunija tuo masicōri. Ito bajiri, “Macedonia sita yũ wadicatoti tũdi wacũja yũ”, yi tũoĩayijũ Pablo. ⁴ ĩ rāca baba cuti wana adocō ñacũ gua, Sópater Berea gagũ Pirro macũ, Segundo, Aristarco, Tesalónica gāna, Gayo Derbe gagũ, Timoteo ito yicōri Tíquico, Trófimo Asia sita gāna, ito yicōri yũ Lucas. Itocō Pablo rāca baba cuti wacũ gua. ⁵ Coriarā gua rāca gāna wayuñi Troasju guare yurona. ⁶ Gũa naju wadarise uco wũoya mani bare basa bero Filiposna cumana wacũ gua. Co dũjamocō rũmũri bero Troasju ejacũ gua. Gũare wayuana itoju gua baba mesare sũacũ gua. Ito jũa āmojeno rũmũri ñacũ gua.

Troas cutoju Pablo ĩ ña ucure gaye

⁷ Co semana ñasũori rũmũ minijuacũ gua Jesure masirā rāca. Manire yiari Jesús ĩ goda ĩsire tũoĩarā ĩ rotiro bajiroti najure bato barona minijuacũ gua. Gũa baroto riojũa Dios oca gotiquĩ Pablo guare. Gaje rũmũ ĩ waroti ñajare yoari busiquĩ ĩ. ĩ busiroca riti ñami gudareco ejacoacũ. ⁸ Co wi udiã tuti ñari wijũ co sĩa minijua ñacũ gua. Iti sũaju jaje sĩabusuore busu ñacũ. ⁹ Sīgũ mamũ Eutico wame cutigũ iti sĩa ũmacũju ñari soje joe rujiquĩ. Yoari Pablo ĩ busimucũtija wũjo jujaquĩ ĩ mamũ. Buto cani rētocũ wacũ quedicoaquĩ ĩ mamũ. Ruji wacōri ĩre tũã wũmũobojacũ gua. Cōcoañi ĩ. ¹⁰ Ito yija Pablo ruji wacōri ĩ joe jesacōri ĩre wana cuniquĩ ĩ. Ito yicōri ado bajiro yiquĩ ĩ guare:

—Ucablesa mũa. Cōgũ meje yami āni. Catiami, yiquĩ Pablo guare.

¹¹ Ito yija bero Pablo rāca mũcana mũja wacũ gua. Iti sĩa mũja ejacōri naju batoquĩ ĩ. Iti gua baja bero busigũ riti busuacoaquĩ Pablo. Ito bero Aso wame cutiri cutoju mana waquĩ ĩ. ¹² Mamũ ado bajiro bajiquĩ. Queno cati quenacōri ĩ ya wijũ tũdi waquĩ. Ito yicōri gājerā cuni ñna ya wijũ tũdi wacã. Ito ĩ bajija ticōri, queno wanũ quenaro tujacũ gua.

*Mileto*ju Pablo ĩ ware gaye

¹³ Pablo ĩ roticato bajiroti cumana Aso wame cutiri cutoju wacũ gua. Itona ĩre cumana sã bocarona ĩre bocaticũ gua, mana ĩ wacati ñajare. ¹⁴ Asoju ĩ ejaroca ĩre cumana sãcũ gua. ĩre sãcōri Mitilene wame cutiri cutoju wacũ gua ĩja. ¹⁵ Itona wacōri gaje rũmũ Quío wame cutiri yoga rētacũ gua. Gaje rũmũ Samos wame cutiri yoga ejacũ gua. Itona wacōri gaje

rumu Mileto cutoju ejaču gua. ¹⁶“Asia sitaju Jesure tuorünurã tu yu waja yoari sejaboguja yu”, Pablo i yija tuocõri, Efeso cutoreso riojo rëta wacu gua. “Jerusalén cutoju Pentecostés basa tiana mani”, yi tuoïacõri, “Ejori wana mani”, yi usirio waquï Pablo.

Efeso gãna ñari masare Pablo i gotire gaye

¹⁷ Mileto ñacõri Jesure tuorünurãre ùmatã ñarãre oca cõaquï Pablo: “Mujua ado waya. Efesoju wado ma”, yu yiquï Pablo ñnare oca cõagũ. ¹⁸ Ito bajiri gua tu ñna ejaroca ado bajiro yiquï Pablo:

—Cajero Asia sita ejaču queno yu yicato bajiroti, adocãta yu yirise cuni masia mua. ¹⁹ Mua rãca ñagũ mani Ujũre moa ñsicõri, “Mua rëtoro masigũ ña yu”, yibiticu yu. Masa ñna Jesure tuorünubeja ticõri ruje oticu yu. Ito yicõri judio masa yure ñna ñeñaro yi ãmoja, quenabeto tõbujacu yu. ²⁰ Ito bajiro judio masa yure ñna cunibojarocati Jesús oca muare goti tarojobiticu yu. “Dios oca tuocõri queno ñarã yirãji”, yirocu iti oca muare goticu yu. Ito bajiri jeyaro muare gotisoticu yu. Mua minijua ñaroju ito yicõri mua ya wiriju cuni muare gotisoticu yu. ²¹ “Mua ñeñaro yirise tuoïa bojori bujacõri itire jidicãña mua. Ito yicõri Diore cudi ãmorã mani Uju Jesucristore tuorünũña mua”, yari gotisoticu yu muare. Judio masa, ito yicõri judio masa meje ñarãre cuni ito bajiroti gotisoticu yu. ²² Espiritu Santo yure i rotiado bajiroti adocãta Jerusalénju wacu ya yu. Itoju yu ñaroca yure rëtaroti gayere masibea yu. ²³ Adi riti muare goti masia yu. Espiritu Santo yure i gotija, “Jeyaro catori mu riaso ucuroju mure tubiarã yirãji ñna. Ito yicõri quenabeto tõbujagu yiguja mu”, yami yure. ²⁴ Ito bajiro yure ñna yi ãmobarocati buto itire tuoïa usirio yibea yu. Yu catiriseama ñasarise meje ña. Mani Uju yure moare i cüre queno wanu quenacõri ñaro bajiroti itire cudi jeo ãmoa yu. I oca quenarise gotitoni yure cunï Jesús. “Masare ti maicõri i Macure goda ñsi rotiyiju Dios”, yu yi gotitoni yure cunï mani Uju Jesús, yiquï Pablo.

²⁵ “Ire tuorünurãre miojugu yiguïji Dios”, yire oca mua ñajedirore goticu yu. “Juaji yure tibabo yimenaji” yi masia yu. ²⁶⁻²⁷ Jeyaro Dios i yure goti rotiado bajiroti ñajediro muare goticu yu. Jabeto Dios oca goti ruabisoticu yu. Ñarocõti muare gotisoticu yu. Ito bajiri muare adi gotia yu. Sīgũjuama Dios taju mua ejabeja, yure seti mano yiroja. Dios taju mua ejabeja muareti seti ñaro yiroja. ²⁸ Ito bajiri muamasiti queno tao masiña. Ito Efesoju tudi ejacõri Jesure tuorünurãre queno tirũnũma. Espiritu Santo i cüado bajiroti yiba mua. Mani Uju Jesús manire yari i goda ñsirajuna suoriti, Dios ñarã ña mani. Ito bajiroti bajirãji ñna cuni. Ito bajiri queno tirũnũma ñnare, oveja coderi masu i tirũnũro bajiro. ²⁹ Yu masia, yu wagoja bero gãjerã ruori oca riasori masa ejarã yirãji. Yaia ñna ovejare ba ruyurioro bajiro Jesure tuorünurãre ruyurio ãmorã ruori oca riasorã yirãji ñna. Jesure tuorünũ jidicãjaro ñna yirona, ruori oca riasorã yirãji ñna. ³⁰ Mua rãca gãna coriarã ruori oca riasorã yirãji. Gna robo bajiro tuoïajaro ñna cuni yirona, riasorã yirãji ñna. Jesure tuorünurã jidicãjaro ñna yirona, ito bajiro riasorã yirãji ñna. ³¹ Ito bajiri queno tuoïañna ruore oca mua tuorünũme yirona. Udia rodo ñami ùmua cuni yu muare riasocati acabojabeja mua. Coji meje muare tuoïacõri oticu yu.

³² Yu ñarã, muare yari Diore busi ñsigũ ya yu, muare i tirũnũtoni. “Manire ti maicõri mani ñeñaro yirise waja, waja yi ñsiñi Dios”, yi mua tuoïaja, buto busa ñre mua tuorünũroca yigu yiguïji Dios. “Yu beseanare queno yigu yiguja yu”, i yiado bajiroti queno muare yigu yiguïji Dios. ³³ Gãjerã ye niyeru ñna ya yutabujuri cuni uobiticu yu itire. ³⁴ Ado robojuã bajia. Yumasiti moacõri bare bujacu, yutabujuri bujacu. Ito yicõri yu rãca gãnare cuni buja ñsicu yu. Itire masia mua. ³⁵ Ito bajiri coji ruayabeto muare moare riasocu yu. Ito yicõri bojoro bujarãre ejaũare gaye cuni muare gotisoticu yu. Mani Uju Jesús i goticatire acabojabeja mua. “Boca ãmigũ rëto busaro wanu quenami ñsigũjuã”, yiyiju Jesús, yiquï Pablo Jesure tuorünurãre ùmatã ñarãre.

³⁶ Ito i yija bero rijomunigãna ñini rũjũcu gua. Ito bajiro gua baji ñaroca Diore busiquï Pablo. ³⁷ Diore i busi tïoja bero yago rãcati ñre jababacõri ware goticã ñna. ³⁸ “Juaji yure

timenaji mua”, Pablo i yija bero ñajare, bato bojori bujacã ina. Ito yija bero jetacaju guare cã tudicã ina.

21

Jerusalénju Pablo i ware gaye

¹ Jesure tuorünurãre ware goticõri cumaju sãjacu gna. Ito yicõri riojoti Cos wame cutiri yogaju wacu gna. Gaje rumu Rodas wame cutiri yogaju wacu gna. Itijuna Pátara majado ejacu gna. ² Ito bajiri majado gna ñaroca, “Fenicijaju waro ya adiga cuma”, ina yija, itigana wacu gna. ³ Warãju Chipre wame cutiri yoga ti rêta wacu gna. Gãcodujajuare ñacu iti yoga. Siria sita riojore wacu gna. Tiro jetaca cuma bucua gajeoni iti curoti ñajare ito ñucucu gna. ⁴ Itoju Jesure tuorünurãre ti bujacu gna. Ito bajiri ina rãca jua ãmojeno rumuri tujacu gna. Espiritu Santo ñnare i gotire masicõri, Jerusalénju Pablora wa rotibiticã ina. ⁵ Ito bajiro ina yibojarocati jua ãmojeno jediri rumu wasuocu gna mucana. Ito gãna Jesure tuorünurã ina manojosãromia ina rãa cuni gna rãca cuti sõjuaju baba cuti wacõri jetacaju ejacã ina gna rãca. Ito jajaju ejacõri rijomunigãna ñini rújucõri cojuti ina rãca Diore busicu gna. ⁶ Ito yija bero ñnare ware goticu gna. Ito yi tiocõri cumaju sãjacu gna. Inama tudicoacã.

⁷ Tirona wacõri Tolemaida jetaca ejacu gna. Itoju ejacõri Jesure tuorünurãre senicu gna. Ito yicõri co rumu tujacu gna ina rãca. ⁸ Gaje rumu itona wacõri Cesarea wame cutiri cuti ejacu gna. Ito ejacõri Dios oca goti ucuri masu Felipe ya wi wacu gna. I ñayiju Jerusalénju Jesure tuorünurãre apóstol mesare eja buarocu ina cunã. I ya wi tujacu gna. ⁹ Juariarã rãa romia cutiqui Felipe. Manuju mana ñacã ina. Dios oca tuocõri gãjerãre goti rêtori masa ñacã ina. ¹⁰ Ito co rumu meje gna ñaroca Judea sita gagu Dios oca gotiri masu Agabo wame cutigu ejaquã. ¹¹ Gna tu ejacõri Pablo ya wecu wirowa ruanã i. Ito yicõri imasiti gubori, amori siatuquã. Ito yicõri ado bajiro gotiquã i:

—Espiritu Santo yure i gotija, Jerusalénju judio masa ado bajiro siaturã yirãji adi wirowa wecu wirowa ure. Ire siatucõri judio masa meje ñarãre isirã yirãji, yari gotiami Espiritu Santo yure, yiquã Agabo.

¹² Ito i yija tuocõri, gna ito yicõri Cesarea gãna cuni, “Wabesa mu Jerusalénju”, yari goticu gna Pablora. ¹³ Ito bajiro gna yibojarocati Pablujama ado bajiro cudiquã:

—Otibesa mua. Mua otija ticõri, bojori buja yu. Ito bajibojaguti yu tuojarise ñaro bajiroti bajiro yiroja. Yure ina sia amoja, “Siabesa mua”, yibicuja yu. Mani Uju Jesure yu tuorünugã ñajare Jerusalénju yure ina sia amoja cuni, wanu quenaro godaboguja yu, yiquã Pablo guare.

¹⁴ Gna gotiro bajiro i cudibeja, itocõ jidicacu gna. Ito yicõri ado bajiro ire yicu gna.

—Mani Uju i amoro bajiroti bajijaro, yicu gna ire.

¹⁵ Ito yija bero seo tiõrãti Jerusalénju wacu gna. ¹⁶ Cesarea gãna coriarã Jesure tuorünurã guare baba cuti wacã. Sigu Mnasón wame cutigu ya wiju guare ami wacã ina. Chipre gagu ñagoru ñayiju i. Co rodo meje Jesure tuorünugã ñagũ ñayiju i. I ya wi tujacãrã ejacu gna.

Santiago Pablo i tigu ejare gaye

¹⁷ Jerusalénju gna ejaroca queno wanu quenacõri guare boca amicã Jesure tuorünurã. ¹⁸ Gna eja busuari rumu Santiago gna tirã waja, gna rãca waquã Pablo. Jãjarã Jesure tuorünurãre umatã ñarã ñacã Santiago tu. ¹⁹ “¿Ñati mua?” yi tiogũ, “Judio masa meje ñarãre Dios oca yu gotija, jaje quenarise yini Dios”, yirocu jeyaro rêtare gaye gotiquã Pablo ñnare. ²⁰ Iti tuocõri queno wanu quenacõri, “Queno yigu ñami Dios”, yicã ina. Ito yicõri Pablora ado bajiro yicã ina:

—Mani masa jãjarã ñama Jesure tuorünurã. Jesure tuorünurã ñabojarãti Moisés i rotiado bajiro riti manire rotiamã ina maji. ¿Itire masibeati mu? ²¹ Gãjerãjuama ado gãnare ado bajiro ñnare gotiamã: “Mani masa gãjerã cutoriju ñarãre queno riasobisã Pablo. Ito yicõri Moisés ñayoru i rotire gayere jidicã rotiã i. Ina rãa umuare wirowa ta

rotibisi ĩ. Ito yicōri mani masa yisotire gayere jidicā rotiņi Pablo”, yisotiamā coriarā mure busirā, yicā Pablore. ²² Mū ejaja tūocōri, minijuarā yirāji masa. ĶĪna ito bajiro yija, no bajiro yigūjada mū? ²³ Ado bajiro mū yija quenaroja. Ado mani rāca ũmua jūariarā űama, “Mū tiro riojo ado bajiro yiana gūa”, Diore yiana űama ĩna. “Gūa yiana yiado bajiroti”, yiana yirona, Dios ya wijū joa sua rotirā warā yama ĩna. ²⁴ ĩna rāca wasa mū cūni. ĩna űeņaro yirise coe āmorā ovejare gāme ĩsirā yirāji ĩna. Ito bajiro yicōri Diore rūcubūorā ovejare sīacōri soerā yirāji ĩna. ĩnare bajiro yiba mū cūni. Ito yicōri paiare mūa jeyaro joa sua roti masitoni mū sīgūti ovejare waja yiba. Ito bajiro mū yija ticōri, “ ‘Moisés ĩ rotirise cūdigū meje űami Pablo’, gājerā ĩna yiriseama, būroti baja. űaro bajiroti cūdiami Pablo”, yirā yirāji mani masa, yicā ĩna Pablore. ²⁵ Judio masa meje űarā Jesure tūorūnrāre papera cōacu gūa. Ado bajiro ĩnare goti ucacu gūa: “Gūa judio masa bajiro gūa yisotirise robo bajiro mūa yibeja cūni no yibea mūarea. Adi riti mūare goti űuca gūa. ĩna meni rujeorūre ĩna ecarise babesā mūa. Rīre cūni idibesa. Āmūma wāñiatanare babesā. Baroto riojūa rī cōaja quena. Ito yicōri mūamasiti mūa ya rujū űeņaro iti tūoĳaro bajiroti űeņaro yibesā”, yi ucacu gūa, yicā ĩna Pablore.

Dios ya wijū Pablore ĩna űiare gaye

²⁶ Ito yija gaje rūmū Dios ya wijū ĩna ũmua jūariarāre āmi wayijū Pablo. ĩna űeņaro yirisere coe āmorā Dios ya wi sāja wacōri paia mesare ado bajiro gotiyijū Pablo: “Adocō ũmūari rūya maji gūa űeņaro yirise coe roti rūmūri. Sūsari rūmū ejaroca Diore gūare yiarī oveja mūa soe ĩsire āmoa gūa”, yiyijū Pablo paia mesare.

²⁷ Sūsari rūmū ejaroca judio masa Asia sita gāna Dios ya wijū Pablo ĩ űaja tiyijarā. ĩre ticōri, Pablore junisinijaro adi cūto gāna yirona, masare oca riawūsoyijarā ĩna. Ito yi Pablore űiacōri ado bajiro masare busiyijarā ĩna:

²⁸ —Gūare ejabuaya gūa űarā mūa. Āni ũmūgūti űami manire űeņaro busi ucuri masū. “Moisés ĩ rotirise gayere quenarise meje űa”, yi masare goti batoami ĩ. Ito yicōri adi wi Dios ya wire űeņaro busitugū űami ĩ. Judio masa meje űarāre adi wi Dios ya wi āmi ejaņi ĩ. Ito bajiro ĩ yija adi wi Dios ya wire űeņogū yami ĩ, yiyijarā ĩna gājerāre gotirā.

²⁹ Cūto gūdareco Trófimo wame cūtigū rāca Pablo ĩ űaja ticōri, ito bajiro gotiyijarā ĩna. Judio masū meje űayijū Trófimo. Efeso cūto gagū űayijū ĩ. Ito ĩnare ti būjacōri, “Judio masū meje űagūre Dios ya wijū āmi warū ĩ”, yi tūoĳayijarā ĩna. Iti tūoĳa warā, iti cūto gānare ito bajiro gotiyijarā ĩna.

³⁰ ĩna ito yija tūocōri, iti cūto gāna gāmeri oca riawūsayijarā. Ito bajiri ũmaquedi wacōri Dios ya wijū sājayijarā ĩna. Pablore űiacōri weja budi wayijarā ĩna. Ito bajiri ĩ budigorijūti sojeri bia jeocōyijarā, mūcana tūdi ĩ sājame yirona. ³¹ ĩre sīaboyijarā ĩna. Ito ĩna yirā wāna yirocati, masa iti cūto gāna oca riawūsarise oca ejayijū Romano masa surara ũjūre. ³² Iti oca tūocōri ĩ ya surara, ito yicōri ĩ roca gāna ũjarāre cūni miojuyijū ĩ. Ito bajiri ũmaquedi wacōri, masa ĩna oca riawūsa űaroju ejayijarā ĩna. Surara ũjū ĩ ya surara rāca ejaja ticōri, Pablore ja jidicāyijarā ĩna. ³³ Ito yija surara ũjū ĩ ya surarare Pablore űia rotiyijū ĩ. űia roticōri jūa ma come mana sia rotiyijū. Ito yicōri masare seniĳayijū ĩ:

—Ķűimūōcū űati āni? Ķűeoni seti űati ĩre? yiyijū ĩ masare.

³⁴ Ricati riti tūoĳa awasā busiyijarā ĩna. ĩna awasāmūcutija tūo masibiticōri, “Iti seti űa”, yi masibisijū ĩ. Ito yija Pablore ĩna surara wijū āmi wa rotiyijū surara ũjū. ³⁵⁻³⁶ Surara wijū ĩna āmi waja ticōri masa jājarā sūya wayijarā. “ĩre sīacōņa”, yi awasā sūyayijarā ĩna. Surara ya wi mūjado ĩna ejaroca, buto busa junisini oca sēoyijarā ĩna. Ito bajiri Pablore masa sīame yirona surara āmi mūja wayijarā ĩre.

Masa tiro riojo, űe seti ma yūre Pablo ĩ yire gaye

³⁷ Surara wijū ĩna āmi sājārā wāna yiroca, ado bajiro surara ũjūre busiyijū Pablo griego ocana:

—Mū rāca busi āmoa yū, yiyijū.

Iti tūocōri:

—¿Griego oca masiati mu? yiyiju surara uju Pablore. ³⁸ Griego oca mu busijama, Egipto gagu meje ña mu. ¿Masare oca riawusacõri ujarãre rëtocu ãmorã cuatro mil ñarãre baba cuti wacõri yucu manojũ wa ucurũ meje ñati mu? yi seniãayiju i Pablore.

³⁹ Ito yija ado yiyiju Pablo ñre:

—I meje ña yũ. Judio masũ ña yũama. Cilicia sita, Tarso wame cutiri cuto ñasari cuto gagu ña yũ. Masare yũre busi roticũati mu, yiyiju Pablo surara ujuũre.

⁴⁰ Ito i yijare, “Busiya mu”, yiyiju Pablore. Ito bajiri mujado rügõcõri masare oca tagu ãmo wũamoyiju i. Masa ña oca tadiroca hebreo ocana busiyiju Pablo:

22

¹ —Yũ ñarã tuoya maji. “Ñe seti mami”, mũa yitoni mũare oca gotigu ya maji, yiyiju Pablo.

² Ña oca i busija tuocõri, buto busa oca tadiyaharã ña. Ado bajiro gotiyiju Pablo ñare:

³ —Yũ cãni judio masuti ña. Cilicia sita, Tarso wame cutiri cuto rujearu ña yũ. Ito yicõri ado Jerusalénju bucuarũ ña yũ. Gamaliel wame cutigũna suoriti papera riasoticũ yũ. Mani ñicũsabatia ña rotiyore gayere queno riasoticũ yũ. Adi rũmuri mũa Diore cãdisotiro bajiroti Diore cãdi ãmosoticũ yũ cãni. ⁴ “Diore queno cãdigũ ña yũ”, yi tuoĩabojacõri, Jesure tuorũnurãre ñeñaro ña tõbujaroca yicũ yũ. Siacõcu gajerea. Ñmũa, romiare cãni ñia wacõri tubiasoticũ yũ. ⁵ Paia uju ito yicõri mani ñicũsabatia ñasari masa, “Ito bajiroti yiqui i”, yi masiama ña yũre. Ñnati papera meni ñicã yũre, mani ñarã Damasco gãnare yũ ñotoni. Iti papera ãmicõri, Jesure tuorũnurãre ãmacũ yũ. Ito bajiri Jesure ña tuorũnũre waja ñare ãmi wadicõri ado Jerusalénju ñare tubiarocu yibojacu yũ.

Ado bajiro Jesure masi *nocũ yũ, Pablo i yi gotire gaye*
(Hch 9.1-19; 26.12-18)

⁶ Ma yũ waroca, Damascoju yũ cõñaroca, ñajasaroti ãmũa gũdareco ãmacũju gaye buto yobusurise yũre siaticũ. ⁷ Ito bajijare quedicoacu yũ. Ito bajicõri ado bajiro yũre sigũ i busija tuocu yũ: “Saulo, ¿no yija yũre ñeñaro yi ãmoati mu?” ⁸ Iti tuocõri ado bajiro cãdicũ yũ: “¿Yũ Uju ñimũ ñati mu?” yicũ yũ. Ito yija ijuũ ado bajiro cãdiqui: “Yuti ña Jesús Nazaret gagu. Yuti ña mu ñeñaro yi ãmogũ”, yiqui i yũre. ⁹ Iti busurise ticõri yũ rãca wacana ucacã. Busurisere tibojarãti yũre busicacu oca tuobiticã ña. ¹⁰ Ito bajiro yũre busija tuocõri, ñre seniãacu yũ. “¿No bajiro yũ yire ãmoati yũ Uju mu?” yicũ yũ. Yũ ito yija yũre ado bajiro cãdiqui i: “Wãmũña Damascoju wasa. Itoju sigũ mũre gotigu yiguũji jeyaro moare yũ mũre cũre”, yiqui i yũre. ¹¹ Iti busurise yũ tija cajea godacoacu yũre. Ito bajiri yũ rãca gãna Damascoju yũre tãa ejacã ña.

¹² Itoju sigũ Ananías wame cutigu ñaquĩ. Moisés ñayoru i rotirise gaye ñaro bajiroti cãdigũ ñaquĩ i. Ito ñarã judio masa, “Queno yigu ñami i”, yi busicã ña ñre. ¹³ Iti cuto yũ ejaja bero yũre tigu ejaquĩ Ananías. Yũ tu ejacõri ado bajiro yiqui i yũre: “Yũ yagu Saulo, cajea ruyurise boca ãmiña mucana”, yiqui yũre. Ito i yirocati cajea ticoacu yũ mucana. Ito bajiri ñre ticũ yũ. ¹⁴ Ito yija ado bajiro yiqui i yũre: “Dios mani ñicũsabatia ña rũcũbũoru i beseru ña mu. I ãmorise mu masitoni, i macũ ñeñaro yĩãbicũre mu titoni, ito yicõri i busirisere mu tuotoni mũre cũni Dios. ¹⁵ Jesús ocare goti ucugu yiguja mu. Mu tigure, mu tuogore cãni masa cutori jeyaro goti ucugu yiguja mu. ¹⁶ Sejabesa ija. Cojiti Jesure tuorũnũcõri, mu ñeñaro yirise i coetoni seniña. Ito yicõri idẽ gu rotiya”, yiqui Ananías yũre.

“Judio masa meje ñarãre goti ucutẽña”, yiqui Jesús yũre, Pablo i yire gaye

¹⁷ Ito i yija tuocõri, ñaro bajiroti yũ cãdija bero Jerusalénju tũdi wacu yũ. Ito ejacõri Dios ya wiju Diore busigu ejaquũ yũ. Diore busiguju mani Uju Jesure cãiticũ yũ. ¹⁸ Ito ado bajiro yiqui yũre: “Cojiti adi cuto Jerusalénre wagoya. Ado gãna masa yũ ocare ñare mu gotibojaja, tuomena yirãji ña”, yiqui i yũre. ¹⁹ Ito i yija tuocõri, ado bajiro cãdicũ yũ: “Ado gãna jeyaro yũ yigorere masiama ña. Mũre tuorũnurã minijuara wiju ñarãre ãmi

wacōri tubiacu yu. Ito yicōri ĩnare jasoticu yu. ²⁰ Mu oca gotiri masu Estebanre ĩna sĳaja ito ti rŭgōcu yu. ĩre sĳarā ĩna yutabuju ruacŭrise coderi masu ĩnacu yu. Ito bajiri ĩre sĳaja ticōri, ‘Ito bajiroti uja’, yi tŭoĳacu yu cŭni. ‘Ito bajiroti yiquĳ Pablo’, yi masiama masa ado gāna”, yicu yu mani Hĳure. ²¹ Ito bajiri, ĳĳua yure ado bajiro gotiquĳ: “Wasa sōĳu judio masa meje ĩnarāre mu riasotoni. Mure sōĳu cōa yu”, yiquĳ mani Hĳu Jesŭs, yiari gotiyĳu Pablo masare.

Surara uĳu Pablöre ĩna rotire gaye

²² Ito bajiro ĳ yirocati ĩre tŭosusayĳarā masa. Mŭcana junisinicōri awasā tudiyĳarā ĩna: —Godacoarŭjami. Catibitirŭjami, yiyĳarā ĩna.

²³ Tujare mejeti awasĳiyarā ĩna. Ito yicōri ĩna ya yutabujuri ruacōri ŭmacŭĳu cōamŭoyĳarā. Ito yicōri sita rŭnacōri reamŭayĳarā ĩna, ĩna junisinirise ĳorā. ²⁴ Ito ĩna yĳa tŭocōri, surara uĳu ĳ ya surarare, Pablöre ĩna ya wĳu āmi sĳa wa rotiyĳu: “ĳĳe seti tudiatu masa mure?” yirocu, “Pablöre bajeya”, yiyĳu surara uĳu ĳ ya surarare. ²⁵ ĩre bajerona ĩna sia rŭgō tĳorocati ado bajiro busiyĳu Pablo ito gagu uĳure:

—ĳĳĳ romano masure mŭa bajeja quena ĩarojada? “Itocō seti ĩa ĩre”, uĳarā ĩna yĳitĳobarocati, ĳure bajerā yati mŭa? yiyĳu Pablo ito ĩagŭ uĳure.

²⁶ Ito ĳ yĳa tŭocōri, uĳu tŭ wacōri ado bajiro ĩre gotiyĳu ĳ:

—Queno tŭoĳaĳa mu yiroto rioĳa. ĳni ŭmŭgŭ mu baje rotĳu romano masu ĩnami, yiyĳu ĳ surara uĳure.

²⁷ Ito ĳ yĳa tŭocōri, Pablöre seniĳayĳu surara uĳu:

—ĳRĳi ĩnati romano masu mu ĩarise?

—ĳti ĩa yu, yiyĳu Pablo.

²⁸ Ito ĳ yĳa, ado bajiro yiyĳu surara uĳu ĩre.

—Jairoguti niyeru waja yicu yu romano masu ĩarocu.

Ito bajiro ĳ yĳa tŭocōri:

—Romano masu ruĳearuti ĩa yu, yiyĳu Pablo.

²⁹ Ito ĳ yĳa tŭocōri, ĩre baje āmoboĳarā gŭirā bata rŭgŭyĳarā. “Romano masu ĩnami”, yi tŭo masicōri, “Bĳato romano masure baje rotiyĳa yu”, yi tŭo gŭiyĳu ĳ, surara uĳu cŭni.

Uĳarā ĩnasarā rioĳo Pablo ĳ busire gaye

³⁰ Gaje rŭmŭ, “ĳĳe setina Pablöre tudiyĳari masa?” yirocu, paia uĳarā, judio masa uĳarā ĩnasarāre cŭni mioĳuyĳu surara uĳu. Ito yicōri Pablöre come mari oĳacōri, ĩna rioĳo āmi wacōri jidi rŭgōyĳu.

23

¹ Judio masa uĳarāre tĳucōri ado bajiro yiyĳu Pablo:

—Yu ĩnarā yu catirocō Dios ĳ āmoro bajiro yisoticu yu. Ito bajiri ĳ rioĳo ĩe ŭsirĳobeto ĩa yu, yiyĳu Pablo ĩnare.

² Iti tŭocōri paia uĳu Ananĳas wame cŭtĳu Pablo tŭ rŭgōrāre: “ĳre rise jabiatēĳa”, yiyĳu. ³ Ito bajiro ĳ yĳare ado bajiro yiyĳu Pablo ĩre:

—“Queno yĳu ĩa yu”, yĳu ĩnabojaguti, ĩeĳaro yĳu ĩa mu. Ito bajiri iti waja ĩeĳaro mu tōbĳaroca yĳu yĳuĳi Dios mure. Dios ĳ rotirisena suoriti, “Cŭdĳu ĩa mu. Cŭdĳu meje ĩa mu”, yi mu yure bese āmoĳa, ĳno yĳa ĳ rotirise cŭdibiticōri yure ja rotiatu mu? yiyĳu Pablo paia uĳure.

⁴ Ito ĳ yĳa tŭocōri, ito ĩnarā ado bajiro yiyĳarā Pablöre:

—Dios ĳ beseru paia uĳu ĩnasagure ĩeĳaro busia mu, yiyĳarā ĩna, ito tŭ ĩnarā.

⁵ ĩna ito yĳa tŭocōri, ado bajiro cŭdiyĳu Pablo:

—“Paia uĳu ĩnasagu ĩnaguĳi”, yĳu yu ĩnarā yu. Dios oca iti gotĳa, “Mŭa uĳarāre busitubesa”, ya ĳ oca. “Uĳu ĩnasari masu ĩnami ĳ”, yu yi masĳa, ĩre busibitĳorĳa yu, yiyĳu Pablo.

⁶ Judio masa uĳarā ricati riti tŭoĳarā ĩayĳarā. Gĳerā saduceo gaye tŭoĳayĳarā. Gĳerā fariseo gaye tŭoĳayĳarā. Iti masicōri oca sēo busaro busiyĳu Pablo:

—Fariseo gaye tuoŋagũ ña yu cuni. Yu ñarã cuni ito bajiro tuoŋarã ñama. “Masa ña godaja bero mucana tũdi catirã yirãji”, yi tuoŋagũ ña yu. Ito bajiro yu tuoŋagũ ñajare, “Ïre seti ña”, yi ãmoa mua, yiyijũ Pablo ñnare.

⁷ Ito ï yija tuocõri, saduceo gayere tuoŋarã, fariseo gayere tuoŋarã ñnamasi tuoŋa gãmeri busiyjarã. Sīgũre bajiro tuoŋarã ñabojarãti gãmeri bata rŭgũcoayjarã ña. ⁸ Saduceo gaye tuoŋarã ado bajiro yi tuoŋama ña: “Masa ña godaja mucana tũdi catimenaji, Dios ñaro gãna ángel mesa manaji, ito yicõri rŭmũa cuni manaji”, yi tuoŋarã ñama saduceo gaye tuoŋarãma. Fariseo gaye tuoŋarãma ado bajiro tuoŋama ña: “Masa ña godaja mucana tũdi catirã yirãji, Dios ñaro gãna ángel mesa ñarãji, rŭmũa cuni ñarãji”, yi tuoŋarã ñama fariseo gaye tuoŋarã. ⁹ Ito bajiri ricati riti tuoŋarã ñari, ruje awasãyijarã ña maji. Ito yija judio masa rotirise riasori masa busirona wũmũ rŭgũyijarã. Ña cuni fariseo gaye tuoŋarã ñayijarã:

—Ñejua ñeñarise yigũ meje ñami ãni. Damascojũ ï waroca ángel ñre busirũ gajea. “Ito bajiro meje bajiyija”, yibitirũja manire, Diore mani cudibitibe maji, yiyijarã ña.

¹⁰ Bũto ña gãmeri tuoŋa busija tuocõri, “Pablöre sĩa baterã yirãji ña”, yi tuoŋayijũ surara Ʃjũ. Ito bajiri ï ya surarare jiyijũ ï. Ñnare jicõri ado bajiro rotiyijũ: “Pablöre ña watojũ ãmi wacõri mucana mua ya wijũ cũña”, yiyijũ surara Ʃjũ ñnare.

¹¹ Iti ñami mani Ʃjũ Jesús Pablöre goaŋoyijũ. Ñre goaŋocõri, ado bajiro yiyijũ Jesús:

—Oca s̄oña Pablo mũ. Adijũ Jerusalén ñagũ yu gayere mũ busiro bajiroti Romajũ cuni busigũ yigũja mũ, yiyijũ Pablöre.

Pablöre s̄arona ña cunire gaye

¹² Gaje rũmũ coriarã judio masa minijuacõri, “Pablöre s̄arũja mani”, yi tuoŋayijarã. “Ïre mani s̄aroto riojua, bamenaji mani, ito yicõri idimenaji maji”, yi tuoŋayijarã ña. “Ïre mani s̄abeja, manijũare Dios ï s̄aja quena”, yiyijarã ña. ¹³ Sīgũ robo bajiro ito bajiro yi gãmeri busi ñarã jũarã masacõ r̄eto busaro ñayijarã ña. ¹⁴ Ito bero paia Ʃjarã, judio masa bucũrãre cuni busirã wayijarã ña. Ña tũ ejacõri ado bajiro yiyijarã ña:

—Gua sīgũ bajiro riti tuoŋacõri, “Pablöre mani s̄aroto riojua, babiti, idibiti yiana mani. Ñre mani s̄abeja, manijũare Dios ï s̄aja quena”, yibũ gua. ¹⁵ Mua, judio masa Ʃjarã cuni ado bajiro mua yija quena. Adocãta surara Ʃjũre oca cõaña, jane busuri Pablöre mua tũ ãmi wadijaro. “Riti ñre seti ñaja masi ãmoa gua. Ado ãmi waya Pablöre”, yi r̄uo oca cõama surara Ʃjũre. Mua ito yija ado Pablo ï ejabeto riti ñre boca s̄ana gua, yiyijarã ña. Ito bajiri Ʃjarã cuni, “Baũ, ito Ʃjaroja maji”, yiyijarã.

¹⁶ Pablo romio macũ iti oca bajirisere masiyijũ. Ito bajiri Pablöre iti oca, gotirocũ surara wijũ wayijũ ï. ¹⁷ Itojũ ejacõri Pablöre gotiyijũ ï. Ito ï yija tuocõri, ito gagũ surara masũre jiyijũ Pablo:

—Ãni mamũre mũ Ʃjũ tũjũ ãmi wasa. Oca gotirocũ yiri seyoami ï, yiyijũ Pablo surara masũre.

¹⁸ Ito ï yija tuocõri, ï Ʃjũ tũjũ ãmi wayijũ ï. Ñ Ʃjũre ado bajiro gotiyijũ ï:

—Gua tirũnũgũ Pablo yũre ji ñucacõri, “Ãni mamũre mũ Ʃjũ tũjũ ãmi wasa”, ï yijare ãmi wadibũ yũ. Mũre oca gotirocũ yiri seyomi ï, yiyijũ ï, ï Ʃjũre.

¹⁹ Ito ï yija tuocõri, gajero busa ñre tũa wacõri seniŋayijũ:

—¿Ñe yũre gotirocũ yiri mũ? yiyijũ surara Ʃjũ.

²⁰ Ito yija Pablo romio macũ ado bajiro gotiyijũ:

—Judio masa sīgũ robo tuoŋacõri ña Ʃjarã riojo Pablöre mũ ãmi watoni oca cõarã yirãji. “Riti ñre seti ñaja masi ãmoa gua”, yi r̄uorã yirãji ña. ²¹ Ña ito bajiro mũre yija tũobeja mũ. Ña rãca gãna jũarã masacõ r̄eto busaro ma gudareco Pablöre s̄arona bocati ñarãji ña. “Pablöre mani s̄aroto riojua babiti, idibiti yiana mani. Ñre mani s̄abeja, ito bajiroti quenabeto t̄obũjacõana mani”, yi tuoŋa ñarãji ña. Mũ gotiroti gayere bocaticãma ña, yiyijũ Pablo romio macũ Ʃjũre.

²² —Yũre mũ gotirise gãjerãre goti bato yibeja, yi t̄iogũ, “Wasa”, yiyijũ surara Ʃjũ ñre.

Félix tũ Pablöre ña ãmi wa rotire gaye

²³ Ito yija surara ɥɥ, ĩ bero ñarã ɥjarãre jiyijɥ jũarãre. Ito bero ado bajiro ĩnare rotiyijɥ ĩ:

—Adi ñami nueve tɥjaroca Cesareajɥ Pablora ãmi warã yirãji mɥa. Adocõ jãjarã ñarã yirãji mɥa rãca warã: Doscientos ñarã yirãji gɥbona warã. Ito yicõri setenta ñarã yirãji cabaru joena warã. Ito yicõri doscientos ñarã ñarã yirãji rearebisu yucuri rucorã. ²⁴ Ito yicõri Pablo ĩ jesa warocɥ cabarure bɥja yucãña mɥa. ɥjɥ Félix wame cutigu tɥ catiguti Pablo ĩ ejare ãmoa ɥɥ, yiyijɥ surara ɥɥ ĩ bero gãna ɥjarãre.

²⁵ Ado bajiro ĩna rãca Félixre papera cõayijɥ surara ɥɥ:

²⁶ “Yɥ Claudio Lisias adi papera cõa. ¿Ñati ɥjɥ ñasagɥ Félix mɥ? ²⁷ Judio masa ãni Pablora ñiacõri sãa ãmoñi ĩna. ‘Romano masɥ ñami ãni’, ĩna yija tɥo masicõri, ĩre siame yirona ɥɥ ya surara rãca camotacɥ gɥa. ²⁸ ‘Iti seti ña ĩre’, ĩna yija tɥorocɥ, judio masa ɥjarã tɥ ãmi ejacɥ ɥɥ Pablora. ²⁹ ‘Gɥa ñicɥsabatia ĩna rotire gayere cɥdibicɥ ñami ãni’, yirã ĩre junisinicã ĩna. ĩre ĩna sãa ãmoja, ĩre ĩna tubia ãmoja, ñejɥa bɥto seti manicɥ ĩre. ³⁰ Judio masa Pablora sãarona ĩna cɥnĩre gaye masicõri, mɥ tɥ ĩre cõa ɥɥ. ĩre oca meniri masare cɥni cõa ɥɥ, ‘Ado bajiro seti ña ĩre’, mɥre ĩna yitoni. Itocõ ña”, yi ucayijɥ surara ɥjɥ Félixre papera cõagɥ.

³¹ Ito bajiri surara ɥjɥ ĩ rotiro bajiroti Pablora ñami wacõri Antípatris ejayijarã ĩna.

³² Busuri surara gɥbona wana ĩna ya wijɥ tɥdicoayijarã mɥcana. Cabaru joe wana riti Pablo rãca wayijarã. ³³ Cesarea ejacõri ɥjɥ Félixre papera ĩsiyijarã ĩna. Ito yicõri Pablora ĩ tɥ cɥyijarã ĩna. ³⁴ Iti papera boca ãmi ti tĩocõri ado bajiro Pablora seniãayijɥ ĩ:

—¿Nojɥ gagɥ ñati mɥ? yiyijɥ ɥjɥ ĩre.

Ito ĩ yija:

—Cilicia sita gagɥ ña ɥɥ, yiyijɥ Pablorɥa. “Cilicia sita gagɥ ña ɥɥ”, ĩ yija tɥocõri, ³⁵ ado bajiro yiyijɥ Félix ĩre:

—“Mɥre seti ña”, yirã ĩna ejaroca ĩnare mɥ busija tɥocɥja ɥɥ maji, yiyijɥ Félix.

Ito yija ĩ ya surarare tirũnɥ rotiyijɥ ĩ Herodes ñajacɥ ya wi jaja wijɥ.

24

Félix tiro riojo, “Seti ma ɥure”, Pablo ĩ yire gaye

¹ Co ñajamocõ rumuri bero paia ɥjɥ Ananías wame cutigu, ito yicõri judio masa bɥcɥrã rãca Cesareajɥ ejayijarã. ĩnare busi ĩsigũ Tértulo wame cutigu ĩna rãca ejayijɥ. Cesareajɥ ejacõri ɥjɥ tɥjɥ wayijarã ĩna, “Pablora seti ña”, yirã warã. ² Ito yija ɥjɥ Félix Pablora jiwio rotiyijɥ. “Pablora seti ña”, yirocɥ ado bajiro yiyijɥ Tértulo Félixre:

—Queno ya ɥɥ ɥjɥ mɥ. Mɥ masirisena sɥoriti, oca ma manire. Ito bajiri ñejɥa tɥo gũire ma manire. Ito bajiri jeyaro quena ña adi sita. Adi sita gãna masare queno ejabɥa mɥ. ³ Ito bajiro mɥ yisotirise masicõri masa jeyaro mɥre wanɥama. Yɥ ɥjɥ bɥto ɥɥ rũcɥbuogɥ, queno ya mɥ, ya gɥa. ⁴ Yoari ɥɥ busija, mɥ moaroti mɥre ruyuriobogɥja mɥcana ɥɥ. Ito bajiri ɥure queno yicõri yoari mejeti ɥɥ busija tɥoya maji. ⁵ ãni ñami masare ɥsirioro yi jaigɥ. Co cɥto rɥyabeto wa ucucõri judio masare oca riawɥso ucuami ĩ. Jesús Nazaret gagure tɥorũnrã ɥjɥ ñami ãni. ⁶ Dios ya wi ñeño ãmogũ ito õno sãjarãona meje rãca sãjañi ãni. Ito bajiri ĩre ñiacɥ gɥa. Gɥa ñicɥsabatia ĩna rotiado bajiro, “ĩre seti ña”, yi ãmobjacɥ gɥa. ⁷ Ito bajiro gɥa yi ãmobjarocati surara ɥjɥ Lisias gɥa tɥ ejacõri sãoro yicõri gɥare, Pablora ãmagoquĩ. ⁸ Ado bajiro gɥare yiquĩ ĩ: “ ‘Pablora seti ña’, mɥa yi ãmoja, adi sita gagɥ ɥjɥ Félix tɥ wasa”, yiquĩ ĩ gɥare. Ito ĩ yija tɥocõri, ado bajiro yicɥ gɥa: “Mɥmasiti, ¿ñe seti ñati mɥre? yi seniãite mɥ. Ito bajiro mɥ seniãaja bero gɥa gotirise, ‘Riti ña’, yigɥ yigɥja mɥ”, yicɥ gɥa Lisiasre, yiyijɥ Tértulo Félixre.

⁹ Ito ñarã ĩ rãca gãna judio masa cɥni, “Riti ña”, yiyijarã ĩna. ¹⁰ Ito yija Félix Pablora ãmo bɥyeyijɥ, “Busiya”, yirocɥ. Ito ĩ yija ticõri, busisɥoyijɥ Pablo:

—Yɥ masia, adi sita gagɥ ɥjɥ iti rumɥjɥ ñasɥorɥ ña mɥ. Ito bajiri mɥ riojo wanɥ quenacõri, “Ñe seti ma ɥure”, yirocɥ busigu ya ɥɥ. ¹¹ Jɥa gɥbojeno rumuriti tɥja maji Jerusalénjɥ Diore rũcɥbuogɥ ɥɥ ejaja bero. “¿Riti ñati?” mɥ yija, gãjerãre seniãaña mɥ.

¹² Nocãta Dios ya wijɥ minijuacõri jãjarã rãca ɥɥ busi tɥoãja, tibiticã ĩna. Ito yicõri

minijuara wirijũ masare yũ riawũsoja, ito yicõri cutojũ yũ riawũsoja, nocãta yũre tibiticã ãna. ¹³ Yũre tigoana roboti, “Seti ña ãre”, yi goti masimenaji ãna. ¹⁴ Adi ñasarise mũre goti rãtobugũ ya yũ. Yũ ñicũsabatia ãna yiado bajiroti, Jesure tuorũnũcõri Diore rũcũbuoa yũ. ãna, “ãre seti ña”, yũre yirã, Jesús oca bajirisere, “Bũroti bajia rũore gaye ña”, yama ãna. Diore rũcũbuogũ ñari Moisés ã rotirise gaye rũcũbuoa yũ. Ito yicõri Diore goti ãsiri masa ãna ucare gaye cũni rũcũbuoa yũ. ¹⁵ “Ñeñaro yirã godarã, queno yirã godarãre cũni tũdi ãna catiroca yigũ yiguĩji Dios”, yama ãna. Yũ cũni ãnare bajiroti tũoĩa. ¹⁶ Ito bajiri quenarise riti ya yũ, Dios riojo, masa riojo cũni, “Seti ma yũre”, yũ yija quenaroti, yiyijũ Pablo.

¹⁷ Co rodo meje gaje cãtorijũ wa ucucõri, Jerusalãnju tũdi ejacũ yũ. Jerusalãnju tũdi ejacõri bojoro bũjarãre niyeru batocũ yũ. Ito yicõri Diore rũcũbuogũ ãre yiari waibucũrã soe ãsicũ yũ itojũ. ¹⁸ Dios ya wijũ ito bajiro yũ yi ñaroca judio masa Asia sita gãna rãca yũre ti bũjacã. Gũa masa yisotire gaye ñeñaro yirise yũ coe tũoroca, yũre ti bũjacã ãna. Dios ya wi totijũ jãjarã masa manicã yũ rãca. Ito yicõri riawũsarã manicã. ¹⁹ Asia sita gãna Dios ya wijũ yũ ñaroca yũre tigoana, “ãre seti ña”, yirã, gotirã wadirũjama. ²⁰ ãna gotirã wadibeja, ãna ado ñarã, gũa judio masa ujarã riojo, “Ado bajiro seti ñacũ ãre”, ãna yi gotija quena. ²¹ Coji ãna riojo oca são bũsaro ado bajiro bũsicũ yũ: “Godana mũcana tũdi catirã yirãji”, yicũ yũ. Ito bajiro yũ yicati bero ñajare, “ãre seti ña”, yirãji mũa yicũ yũ ãnare, yiyijũ Pablo Félixre.

²² Ito ã yija bero, “Queno yirã ñama Jesure tuorũnũrã”, yi tũoĩacõri, ado bajiro yiyijũ Félix judio masare:

—Itocõti tũocũja maji yũ. Surara uju Lisias ã ejaroca, “Seti ña ãre, seti ma ãre”, yi besecũja yũ, yiyijũ Félix judio masare.

²³ Ito bajiri Félix tubiara wijũ Pablo ã tujatoni ã ya surarare tirũnũ rotiyijũ. “Tubiara wi tũ jabeto ã ti ãmoja rãobeja. ã baba mesa ãna ejaja, ticõama. Rãobeja. Gãjerã ã baba mesa ãre ejabũa ãmoja, ejabũaja quena”, yiyijũ Félix. Ito ã yija bero wacoayijũ ã.

²⁴ Ito bero yoa bũsari ejayijũ Félix mũcana ã manojũ Drusila rãca. Judio maso ñayijo iso. Ito ejacõri Pablõre ji rotiyijũ ã. ã ejaja ticõri, “Jesucristore mũ tuorũnũrise gaye gotiya gũare”, yiyijũ Félix. ²⁵ Pablo ado bajiro gotiyijũ ãre: “ ‘Queno corocõ ñaña’, yire gaye gotiami Dios manire. Manire ñeñaro yiroto ãmbojacati ñeñaro yibitirũja manire. Co rũmũ mani ñeñaro yigorere waja senigũ yiguĩji Dios manire”, yiyijũ Pablo. Ito bajiro ã yija tũocõri, ucaayijũ Félix.

—Wasa. Yũ no yibitijũ mũcana mũre ji ñucacũja gaje tũo remorocũ, yiyijũ Félix Pablõre.

²⁶ “ã yũre niyeru ãsija, ãre bucõacũja yũ”, yi tũoĩa wacũ, biyaro Pablõre ji ñucayijũ ã, ã rãca bũsirocũ. Ito bajibõjarocati ã ãmoro bajiro meje yiyijũ Pablo. ²⁷ Ito ã yiroca riti jũa rodo rãtayijũ. Iti jũa rodo bero Félix uju ã ñarise budiyijũ. Ito yicõri Põrcio Festo wame cãtigũ ãre uju wasoayijũ. Félix uju ã ñarise ã budiroto riojũ judio masa rãca queno ñarocũ, Pablõre bucõabisijũ ã maji.

25

Festo tiro riojo Pablo ã bũsire gaye

¹ Festo udiã rũmũti ã uju sãjaja bero Cesareana ñacõri Jerusalãnju wa ucugũ wayijũ. ² Ito ã ejaroca paia ujarã ito yicõri, judio masa ujarã ñasarã, “Pablõre seti ña”, yirona ãre gotirã ejayijarã:

³ —Gũare queno yija mũ. Pablo ado Jerusalãnju ã ejatoni ji ñucaña mũ, yi josayijarã ãna Festore.

ãnarioti ado bajiro bũsicãyijarã itiriojũ: “Pablõre ã ji ñucaja ma gũdareco ãre sãacõana mani”, yi tũoĩabõjayijarã ãna.

⁴ ãna ito yija Festojũa ado bajiro yiyijũ ãnare:

—Itoju Cesareaju tubiara wiju ñacãmi Pablo. Ito bajiri, “Yoari mejeti itoju yumasiti wacuja”, yi tuoia yu. ⁵ Mua rãca gãna coriarã ujarã ñarã yu rãca warujama. Seti ñe ñajama, yu rãca wacõri, “Seti ña ñe”, yirã warujama ña, yiyiju Festo ñnare.

⁶ Juã dñjamocõ rãmuricõ Jerusalénju ñacõri, Cesareaju tãdi wayiju Festo mũcana. Ñeja busuari rãmũ ña oca gãmeri seniãari wiju wayiju Festo. Itoju ejacõri Pablõre ji ñucayiju ñ. ⁷ Pablo ñ sãja ejaroca judio masa Jerusalén wadiana ñ tu eja rũgũyijarã. “Seti jaje ña ñe”, yibojarãti, “Iti ña seti ñe ñasarise”, yi goti rõtõbu masibisijarã ña. ⁸ Ito ña yija tuocõri, “Yũre seti ma”, yirocũ ado bajiro yiyiju Pablo:

—Gua judio masa rotirise cudibicũ meje ña yu. Dios ya wi ñeñogũ sãjabiticũ yu. Ito yicõri Roma gagũ ujure cudibiticõ yibiticũ yu, yiyiju Pablo ito tuo rujirãre.

⁹ Judio masa rãca queno ñarocũ, Festojua ado bajiro seniãayiju Pablõre:

—¿Jerusalénju wa ãmoati mũ? Jerusalénju masa tiro riojo, “¿Seti ñati mure?” yi yu seniãare, ¿ãmoati mũ? yiyiju Festo Pablõre.

¹⁰ Ito bajiro ñ yija tuocõri, ado bajiro cudiyiju Pablo:

—Meje. Adoju ña yu, “Mure seti ña, mure seti ma”, ujarã ña riojo gotiroju ña yu. Adoju Roma gagũ uju ñe ejabuari masa, “Mure seti ña, mure seti ma”, yirã tũju ña yu maji. Adoju ñarũja yure. “Judio masare ñeñaro yibitiquĩ ñ”, yi masia mũ. ¹¹ “Ñe buto seti ña”, yicõri yure mũ sã ãmoja, no yicõri mañobicũja yu. “Ñe buto seti ña”, yi masibitibojarãti judio masa tũju sũgũju yure cũ masibe mũ. Roma gagũ ujuumasiti, “Seti ña mure, seti ma mure”, ñ yire ãmoa yu quenogoroa, yiyiju Pablo Festore.

¹² Pablo ito ñ yija tuocõri, ñe busi ejabuari masa rãca busiyiju Festo. Ito yicõri ado bajiro yiyiju Pablõre:

—“Roma gagũmasiti, ‘Ito baja’, ñ yire ãmoa yu”, mũ yija tuocõri, mure uju tũju cũna gua, yiyiju Festo Pablõre.

Uju Agripa tiro riojo Pablo ñ busire gaye

¹³ Ito bajija bero yoa busari uju ñasagu Agripa wame cutigu ñ rĩjoro Berenice wame cutigo rãca, Cesareaju ejayijarã ña. Festo mamũ uju ñ wasoare ñajare, “Queno baja mũ”, yirona wayijarã ña. ¹⁴ Yoa busari ñ ñaja bero Pablo gayere busiyiju Festo, uju Agripare.

—Yu uju wasoaroca Félix budi wacũ sũgũ ãmũgũ ñ tubiarũ ñami ado. ¹⁵ Jerusalénju yu ñaroca paia ujarã ito yicõri judio masa bucũrã, “Ñe seti ña. Ito bajiri ñe sãja quena”, yicã ña yure. ¹⁶ Ado bajiro ñnare cudicũ yu: “Gua romano masa gua yisotirise ado bajiro baja. ‘Ñe seti ña’, yirã riojo, ‘Ado bajirojuã baja, yure seti ma’, ñ yiroto riojuã sãre ma guare, yicũ yu”, yiyiju Festo Agripare. ¹⁷ Ito bajiri judio masa ña ejaroca, uju yu sãjaja bero, “Ñe seti ma, ñe seti ña”, ujarã ña yiroju yoari mejeti wacũ yu. Iti wiju ejacõri Pablõre ãmi roticũ yu. ¹⁸ Yu tuoiaja, ado ejarã judio masa, “Ñe buto ñeñarise seti ña”, yirã yirãji, yibojacũ yu. Ito yibojarocati, “Itocõ jaje seti ña”, yi masibiticã ña. ¹⁹ “Gua rũcũbusotirisere rũcũbũobeami ñ. ‘Godabojaguti mũcana tãdi catiami Jesús’, yi rũomi Pablo. Ñe seti ña”, yirona iti riti goticã ña. ²⁰ Iti oca bajirisere queno masibiticõri, Pablõre ado bajiro seniãacũ yu: “Jerusalénju, ‘Ñe seti ma, ñe seti ña’, ña yi beseroju, ¿wa ãmoati mũ?” yibojacũ yu Pablõre. ²¹ “Meje, Roma gagũ uju Augusto wame cutigu, ‘Ñe seti ña, ito yicõri ñe seti ma’, ñ yire ãmoa yu”, yiquĩ Pablo. Ito ñ yija tuocõri, “No yu cõa ãmori rãmũ Roma gagũ uju tũju mure cõacũja. Adocãta tubiara wiju ñatĩñagũ ya mũ maji. No yu cõa ãmori rãmũ gajero mure cõacũja yu”, yicũ yu Pablõre, yiyiju Festo Agripare.

²² Ito yija Agripa ado bajiro yiyiju Festore:

—Yu cãni Pablo ñ busirere tuo ãmoa yu, yiyiju Agripa, Festore:

—Baũ, jane busuriti Pablo ñ busirere tuogu yiguja mũ, yiyiju Festo Agripare.

²³ Ito bajiri, busuriti Agripa ñ rĩjoro Berenice, Pablo ñ busija tuorã ejayijarã ña. Itoju ejacõri sõbajiro ñasagu ña yu, yi tuoia minijua wiju sãjayijarã ña. Surara ujarã rãca, ito yicõri iti cuto ujarã ñasarã rãca sãjayijarã ña. Ña sãjaja ticõri, Pablõre ji rotiyiju Festo.

²⁴ Pablo ñ ejaja ticõri, itoju minijua ñarãre ado bajiro yiyiju Festo:

—Yū ũjū Agripa, ito yicōri gūa rāca minijua ñarā, tiya āni ñami Pablo. Jājarā judio masa “Īre seti ña”, yi busiama ĩna yūre, Jerusalénjū ito yicōri adoju Cesareajū cūni. “Ī godacoarujami”, yire gayere busi tarojobeama ĩna. ²⁵ Yū tuoĭaja, seti ñasarise ma ĩre. Ito bajiri, “Godarujami ĩ”, yi masibea yū. “Roma gagū ũjū riojo, ‘Iti mure seti ma, iti mure seti ña’, ĩ yicato bajiroti ũjū tū cōacuja”, yi tuoĭa yū. ²⁶ “Iti ña oca ñasarise Pablōre”, yi yū ũjūre papera uca masibea yū. Ito bajiri Pablōre ji ñucamū yū, mūa riojo, quenogorama yū ũjū Agripa mū seniĭatoni. Ito bajiro mū seniĭaja bero iti oca tuocōri ucagū yigūja yū Augustore. ²⁷ Rocati, “Iti seti ña ĩre”, yi masibitibojagūti, yū Pablōre cōaja, rocati mecūri masūre bajiro yigūja yū, yiyijū Festo Agripare.

26

Yū gotirise tuoĭa, ũjū Agripare Pablo ĩ yire gaye

¹ Ito ĩ yija tuocōri, Pablōre busi rotiyijū Agripa:

—Mūmasiti, “Iti seti ma yūre”, yi gotiya, yiyijū ĩ.

Ito ĩ yija tuocōri, “Busigū wagū ya yū”, yirocū ĩ ya āmo ñumuoŭijū Pablo. Ito yicōri busisuoŭijū ĩja:

²⁻³ —Yū ũjū Agripa, mū tuoro riojo busigū wagū queno wanū quenacōri busigū wagū ya yū. Gūa judio masa gūa yisotirisere queno masia mū. Gūa tuoĭa busisotirise cūni queno masia mū. Ito bajiri judio masa, “Īre seti ña”, ĩna yibojarisere mū tiro riojo itire gotigū ya yū. Queno yū gotirisere ũsiribicūti tuo jeoya, yiyijū Pablo Agripare.

Jesure yū masiroto riojūa ado bajiro bajicū yū maji, Pablo ĩ yire gaye

⁴ Yū ñarā judio masa jeyaro yū ñagore masiama ĩna. Yū ya cūto jaibicūacā yū ñagore ito yicōri Jerusalénjū yū ñagore cūni queno masiama ĩna. “Jaibicū ñagūjū, mani masa yisotirise gayere cūdiquĭ ĩ. Ito yicōri iti gayere riasotiquĭ ĩ”, yi masirāji ĩna yūre. ⁵ Gūa masa fariseo gaye tuoĭarā, ĩna ñama buto Moisés ñayorū ĩ rotirise gaye rūcūbuorā. Macūacā yū ñacatijūjūti fariseo gaye ĩna tuoĭarise tuoĭasoticū yū. “Ito bajiro bajiquĭ ĩ”, ĩna yi āmoja, riti yirāji ĩna. ⁶ “Godanare mūcana tūdi ĩna catiroca yigū yigūja yū”, yi goti yucāñi Dios gūa ñicusabatiare. Ito bajiro yū tuoĭajare, “Īre seti ña”, yicōri yūre āmi wadiama ĩna. ⁷ Dios ĩ yicato bajiroti yirotere bocatirā yama gūa masa jūa gūbojeno buturi ñarā. Ito bajiri ñamiri, ũmūari Diore rūcūbuo ñama ĩna. Ito yicōri Diore cūdi ñama ĩna. Yū cūni ĩnare bajiroti rūcūbuoa itire. Iti gaye yū tuoĭajare, “Īre seti ña”, yama ĩna. ⁸ ¿No yija, “Godanare mūcana tūdi catiroca yibiquĭji Dios”, yi tuoĭati mūa? yiyijū Pablo ũjū Agripare.

Jesure masirāre rocati yi āmocū yū maji, Pablo ĩ yire gaye

⁹ Gaje ado bajiro busi remoyijū Pablo:

—“Jesús Nazaret gagūre tuorūnūrājūare ñeñaro yisarūja yūre”, yi tuoĭabojacū yū maji cajero. ¹⁰ Ito yū tuoĭacato bajiroti yicū yū Jerusalénjū. Paia ũjarā ĩna rotirisena, Jesure tuorūnūrāre tubiara wijū cūcū yū. Jesure masirāre ĩna sĭaja, “Ito bajiroti ũja”, yi tuoĭacū yū cūni. ¹¹ Coji meje Jesure tuorūnūrāre ñeñaro ĩna tōbūjaroca yicū yū. Judio masa minijuari wijū ĩnare āmi sājacōri ñeñaro ĩna tōbūjaroca yicū yū. Ito yicōri, “Jesure masibea gūa”, ĩna yijaro yirocū, ĩnare ũsirioro yi codecū yū. ĩnare buto junisinicōri ĩnare sūyacū yū, gaje cūtoju sūacōri, ñeñaro tōbūjaroca ĩnare yirocū.

Ado bajiro Jesure masisūocū yū, mūcana Pablo ĩ yire gaye

(Hch 9.1-19; 22.6-16)

¹² Ito bajiro yirocū Damasco cūtoju wacū yū. Paia ũjarā ĩna rotija tuocōri, itoju wacū yū. ¹³ Yū ũjū, ma wacū, buto ũmacañi rētoro busurise ticū yū ũmūa gūdareco tūjaroca. Iti busurise yūre sĭaticū ito yicōri yū rāca wacanare cūni. ¹⁴ Ito bajijare ñarocōti quedicoacū gūa. Ito yija, hebreo ocana ado bajiro yūre busija tuocū yū: “Saulo Saulo, ¿no yija yūre ñeñaro yi āmoati mū?” yire oca ruyucū ũmacūjū. “Ito bajiro mū yija mūmasiti ñeñaro tōbūjagū ya mū. Adocāta mū ya rujū jota mū jajuja, juniroja mūre cūni. Itioni yigū

bajiro ya m̄”, yi ruyucu oca yure ūmac̄ju gaye. ¹⁵ Ito yijare, “¿Noju gagu yure busiati m̄?” yicu yu. Ito yija mani Ūju ado bajiro yiqui yure: “Yu ña Jesús ñeñaro yi ãmoḡu m̄ josaguti. ¹⁶ W̄m̄m̄ r̄ḡñ̄a. Yure moa isijaro i yirocu, mure goaioa yu. Ito bajiri yu oca masare goti batogu yiguja m̄. Adoc̄ata m̄ tirise, gotigu yiguja m̄. Ija mure yu ūroti gaye c̄uni goti batogu yiguja m̄. ¹⁷ Judio masa, ito yic̄ori judio masa meje ñar̄a c̄uni mure ña s̄ia ãmoja m̄ r̄aca ñacuja yu. Masa jeyarore yu oca gotijaro Pablo, yirocu ña tu mure c̄oa yu. ¹⁸ ña tu mure c̄oacuja yu, yu oca ña tuo masitoni. Yu oca m̄ gotija ñeñaro yi ñabojana, quenarise yi ñar̄a yir̄aji ūja. R̄ait̄iaroju ñabojana busuroju ñar̄a yir̄aji m̄cana. Yu ñaḡu yiguja ña uju. R̄m̄m̄ i rotirise c̄udir̄a meje ñar̄a yir̄aji ña. Yure ña tuor̄ñ̄uja, ñeñaro ña yirisere ac̄abojocuja yu. Ito bajiri Dios i besec̄ana r̄aca catit̄ñar̄a yir̄aji ña”, yi ruyucu oca yure, yiyiju Pablo Agripare.

Jesús i roticatire yiro robo c̄udicu yu, Pablo i yire gaye

¹⁹ Ito bajiro ūmac̄ju ruyuja tuoc̄ori, yiro bajiroti c̄udicu yu Jesure. Yu uju Agripa, Jesús i roticatire c̄udibitic̄o yibitic̄u yu. ²⁰ I “Yiba”, yicato bajiroti Damasco ḡanare Jesús oca gotis̄uocu yu. Ito bero Jerusalén ḡana Judea sita ḡana ñajediro, ito yic̄ori judio masa mejere c̄uni, i ocare goti ucucu yu. “M̄a ñeñaro yirise jidic̄ac̄ori, Dios robo bajiro tuoñ̄a m̄a. Ito yic̄ori quenarise yiba, ḡajer̄a, ‘Diore masir̄a ñama’, ña yi ti masitoni”, yicu yu ñare. ²¹ Ito bajiro yu gotija tuoc̄ori, judio masa yure ñiac̄a Dios ya wiju. Ito yic̄ori yure s̄ia ãmoc̄a ña. ²² ña ito bajiro yi ãmobarocati, Dios ejab̄uqūi yure. Adoc̄ata c̄uni yure ejab̄uami Dios. Ito bajiri Dios oca gotia yu ñasari masa ujar̄are ito yic̄ori ñari masa mejere c̄uni. “Ito bajiro r̄etaro yiroja”, Moisés ñayoru i gotic̄ado bajiroti, ito yic̄ori Diore goti isiri masa ña gotic̄ado bajiroti iti gayere muare gotia yu. ²³ Ado bajiro yini Moisés ito yic̄ori Diore goti isiri masa: “Dios i c̄oḡu quenabeto t̄ob̄ujagu yiguji. Ito bero godagu yiguji. I ñaḡu yiguji godabojaguti cajero catis̄uogu. M̄cana catic̄ori masa ña tuo masiroca yigu yiguji. Ito yic̄ori ire tuor̄ñ̄ur̄are masoḡu yiguji. Judio masa, judio masa mejere c̄uni masoḡu yiguji”, yi ucañi ña, yiyiju Pablo.

Cristore i tuor̄ñ̄uroca Agripare Pablo i yi ãmore gaye

²⁴ Ito bajiro imasiti Pablo i gotija tuoc̄ori, Festo oca s̄oro busiyiju:

—Tuo masibea Pablo m̄. B̄uto m̄ papera riasotija m̄ tuoñ̄arise wisacoayija mure, yiyiju Festo Pablore.

²⁵ Ito i yija tuoc̄ori, ado bajiro c̄udiyiju Pablo:

—Meje yu uju mec̄ubesame yu. Ado roboju baja. Yu busirise queno tuoñ̄ac̄ori busia yu, ito yic̄ori riti ña, yiyiju Pablo Festore. ²⁶ Ito yija busi remoḡu ado bajiro yiyiju Pablo uju Agripare: “Yu busirisere queno tuo masia m̄. Ito bajiri tuo güibicuti m̄ tuoro riojo busia yu. Iti jeyaro yu busirisere queno masia m̄. Adi Jesús oca yeyo gotire meje ña. Masa ña tiro riojo r̄etare ña. ²⁷ Yu uju Agripa, ¿Diore goti isiri masa ña gotigore tuor̄ñ̄uati m̄? Tuor̄ñ̄ua m̄, yu tija”, yiyiju Pablo Agripare.

²⁸ —¿Iti jabetac̄a yure basic̄ori, “Jesure r̄uc̄buogu yiguja m̄”, yati m̄ yure? yiyiju Agripa Pablore.

²⁹ Ito i yija tuoc̄ori, ado bajiro yiyiju Pablo ire:

—Oca jairo yu busija jabetac̄a yu busija c̄uni, mure yiari Diore seniḡu ya yu. Ito yic̄ori ado yu busija tuor̄a jeyarore yiari Diore seniḡu ya yu, Jesure yu tuor̄ñ̄uro bajiro m̄a tuor̄ñ̄utoni. Yu Jesure tuor̄ñ̄uro bajiroti m̄a tuor̄ñ̄ure ãmoa yu. Ito bajibojarocati yu robo bajiro tubiara wiju ñac̄ori meje m̄a tuor̄ñ̄ure ãmoa yu, yiyiju Pablo ñare.

³⁰⁻³¹ Ito bajiro Pablo i yija bero Agripa, Festo, Berenice itiju minijua ñana c̄uni ricati wac̄ori oca bajirisere itire busir̄a wayijar̄a ña. Ito bajiri ñamasiti ado bajiro ḡameri busiyijar̄a ña.

—Ñe seti ma ãnire. Ito bajiri s̄abitir̄aja ire. Ito yic̄ori tubiara wiju ñabitir̄aja ire, yiyijar̄a ña.

³² Ito yija Agripa ado bajiro yiyiju Festore:

—Roma gagu ɥju, i oca quenore amoja yu, i yibeto bajija, adocata jidica ecocoboñi i ija, yiyiju Agripa Festore.

27

Pablora Romaju ɥjarã ina cõare gaye

¹ Ito yija, “Pablo ito yicõri i rãca tubiara wiju ñarãre cuni Italia sitaju cõaruja mani”, yiri seyoñi ɥjarã. Ito bajiro yicõri sīgũ Julio wame cutigure guare Italiaju ami wa roticã ina. Roma gagu ɥju i ya surara coderi masu ñaquĩ Julio. ² Ito bajiri Adramitio wame cutiri cuto gaga cumana wasuocu gna mucana. Asia sita cutori majadori ti ucuro warica ñacu itiga cuma. Sīgũ Aristarco wame cutigu waquĩ gna rãca. Macedonia sita Tesalónica wame cutiri cuto gagu ñaquĩ i. ³ Cesareana wasuocu gna. Ito bajiri gaje rumu Sidónju ejacu gna. Itoju ejacõri Pablora queno ti maicõri ire queno yiquĩ Julio. Iti cuto gãnare i baba mesare i ti ucu amoja ire reobitiquĩ Julio. Ito yicõri i baba mesa ire bare eca amoja, ire ina ejabua amoja cuni reobitiquĩ Julio. ⁴ Ito Sidõnre wacoacu gna. Ito gna waroca buto mino weatucu guare. Ito bajiri riojo wa masibiticu gna. Chipre wame cutiri yoga gaje dujare wacu gna. Ito bajiri gãcodujajure ñacu iti yoga. Itoju mino buto wasabiticu. ⁵ Cilicia sita, Panfilia sita, riojo rëtacu gna. Ito rëtacõri Licia sita Mira wame cutiri cuto ejacu gna.

⁶ Ito ejacõri surara ɥju Julio Italiaju warica coga cuma ti bujañi i. Itiga cuma Alejandría gaga ñayiju. Itiga i bujaja bero warona itigaju sajacu gna mucana. ⁷ Mino buto iti weajare, co rumu meje ñacõri, josari Gnido wame cutiri cuto ejacu gna. Riojo rëtacu gna itore. Gna waro riojo buto mino iti weajare, riojo wa masibiticu gna. Jëa wacõri Salomón wame cutiri cuto rëtacu gna. Ito yicõri Creta wame cutiri yoga rüja wacu gna. ⁸ Ito gani rüja wacõri, josari Lasea wame cutiri cuto tu, “Quenari Jetacari”, wame cutiro ejacu gna.

⁹ Gna waroca jaje rumuri godacu guare. Juebucu iti cõñajare waroto guijo ñacu riaca jajosa ija. Ito bajiri: “Ado bajiro mua yija quena”, yiquĩ Pablo ñare.

¹⁰ —Yu ñarã yu tija adi mani warise, guijoro rëtaru yiroja manire. Mani ya cuma rujacoaro yiroja. Ito yicõri gajeoni cuni rujacoaro yiroja. Mani cuni godacoarã yirãji gajea. Yu tuoñaja adoti tujaruja mani maji, yibojaquĩ Pablo ñare.

¹¹ Ito bajiro i yibojarocati Pablora tuorũnũbitiquĩ surara ɥju. Iti cuma ɥju, ito yicõri iti cuma weatugure ñare riti queno tuorũnũquĩ surara ɥju. ¹² “Guijoro ñaroja”, yi masicõri, iti jetacaju juebucu rëta amobiticã gãjerã, gna rãca warã. Ito bajiri ado bajiro tuoñacã ina: “Iti yoga rüja wacõri Fenice cutoju juebucu rëtoruja manire. Rujasõa busa ñajare buto mino wãbetoja itoju”, yi tuoñacã ina.

Ñare mino weare gaye

¹³ Iti buto mino weabeja ticõri, “Feniceju ejarã yirãji mani”, yi tuoñacã ina. Ito bajiro tuoñacõri wasuorãti iti yoga tu rüja wacu gna mucana. ¹⁴ Ito bero nocõ mejeti cumaju buto mino wacu. Umacañi i joejea wadiro gaje dujare gãcodujare wadicu iti mino. ¹⁵ Iti cumare buto weacoacu mino. Ito bajiri riojo wa masibiticu gna. Ito bajiri mino iti ami waroti ticõacu gna ija. ¹⁶ Rüja yoga jaibiti yoga Cauda wame cutiri yoga totoju weasabitijuju wacu gna. Ito bajiri josari cuma mutacã gna sia yocatire amiccu gna. ¹⁷ Gna muojeoja bero jajoca cuma gna wacatigare, jũgubona siari cücã moari masa, mino iti weaja wadirujabe yirona. Ito bero, “Sirte wame cutiriju jaju mino iti weacoaja queditua rujaboroja”, yi tuoñarã, mino iti weaturise saya rujiocã ina ija. Ito bajiri mino iti weacoaro bajiroti wacu gna ija. ¹⁸ Ito bajiri gaje rumu buto iti mino wea rëtocujare, cuma bucua gaye gajeoni cõaroasuocã ina. ¹⁹ Mucana gaje rumu ñamasiti cuma bucua ñarise gajeoni cõaroacã ina. ²⁰ Co rumu meje ide bueri iti bue rëtocujare ñocõa cuni ruyubiti, umacañi cuni ruyubiti bajicã. Ito yicõri buto mino wacu guare. Ito bajiri ito bajijare, “Catiado ma mani, catire ma manire”, yi tuoñacu gna.

²¹ Yoari co rumu meje babiticu gna. Ito bajiri iti ticõri wamu rãgücõri busiquĩ Pablo:

—Creta yogaju yu busiroca mua tuoñama, quenoti ejaboyija, yiquĩ Pablo. Itojuña mani wadibeto bajijama, cuma bucua cuni ñeñabitiboadoja. Ito yicõri gajeoni cuni

godabitiboadoja. ²² Adocāta tūoīa oca quedi yibesa. Adi cuma, cuma iti godabojarocati, sīgūjua goda yimenaji mani. ²³ Dios ñami yu ʘjū. Ito yicōri ire rēcubuoā yu. Jīju ñami Dios ñaro gagu ángel ī cōaru, yure goami. ²⁴ Í ángel ado bajiro gotimi yure: “Gūibesā. Roma gagu ʘjūre, ‘Seti ma yure’, yīgū yīgūja mū. Diore mū senija tūoīi Dios mure. Ito bajiri mū rāca gāna cuma wārā ñarocōti cati jedicōrā yirāji”, yimi ángel yure. ²⁵ Ito bajiri oca sēoīa yu ñarā mūa. Diore tuorūnua yu. Ito bajiri, “Ángel ī gotiro bajiroti rētarō yiroja”, yi tūoīa yu. ²⁶ Gūdareco yogaju queditua rujabojarāti godamenaji mani, yiquī Pablo guare.

²⁷ Ito bero juaji semana bero Adiático wame cūtirita itajuraju ñacu gūa, mino guare iti wēacōajare. Ñami gūdareco iti cuma moari masa, “Sitaju ejarā ya mani”, yicā ĩna. ²⁸ Ito yicōri gūtagā yutamana cano yicōri ide ucārisere cōīacā ĩna. Treinta y seis metros ucāro ñacu ito. Yoa busari mūcana ĩna cōīaja veintisiete metros ucāro ñacu. ²⁹ Gūta quedituare gūirā, juariagari come guji cūtirise come mana cano yicōri cōaroacā ĩna, cuma iti waja tūatujaro yirona. Cuma usitutujare ito bajiro yicā ĩna. Ito bajiri ejori iti busure āmorā Diore senicā ĩna. ³⁰ Ito bajiroca riti rudire tūoīacā iti cuma moari masa. Ito bajiri cuma īguēajua, cuma būcua ñiarotire come cōaroarā yama yiado bajiro cuma jaibitigacā rujocā ĩna. ³¹ Ito bajija ti masicōri, surarare ito yicōri ĩna ʘjūre ado bajiro gotiquī Pablo:

—Īna adi cuma moari masa ĩna rudija, mani adi cuma tujarā godacoarā yirāji, yiquī Pablo surarare.

³² Ito ī yija tūocōri, cuma jaibitiga siara mare yije tacōcā ĩna, “Iti āmoroti wajaro”, yirona.

³³ Busuri jīju jabeto ba rotiquī Pablo guare:

—Juaji semana rēta, canimenati, bamenati mūa ñaroca. ³⁴ Mūa jabeto bare āmoa yu. “Catiba”, yirocu mūare ba rotia yu. Ñejuā rētabetoja mūare. Catirā yirāji mūa ñarocōti, yiquī Pablo guare.

³⁵ Ito yi tūocōri ī ya āmona naju āmi rēcocōri, “Queno ya mū”, yiquī Diore gūa tiro riojo. Ito yicōri jabetacā igata āmicōri baquī ī. ³⁶ Ito ī yija ti wanucōri, oca sēcocu gūa. Ito bajiri gūa ñarocōti bacu itire. ³⁷ Doscientos setenta y seis masa ñarā ñacu gūa iti cuma warā. ³⁸ No gūa ba āmorocō bacu gūa. Ba tūocōri trigo bujuri cōaroacu gūa, cuma būcua buto busa jayajaro yirona.

Cuma būcua iti rujare gaye

³⁹ Ito busuroca iti cuma moari masa ruja yogaju jaju iti ruyuja ticā ĩna. “Ito bajiro wame cūtia”, yi masibisī ĩna iti yogare. Iti sita wame masibitibojarāti, “Cuma majado iti quenaja tito maji”, yicā ĩna. ⁴⁰ Ito bajiri come gujiro ñiaroti ĩna siarere yije tacā ĩna. Ito bajiri ide watojati tujacoari seyocu iti. Ito bajiri cuma būcua weatura jāire sā rūgōcā ĩna mūcana. Ito yicōri mino tuaroto ūmatūadoju saya wero mūocā ĩna. Ito bajiri jaju tajuare jāja wasu cuma ĩja. ⁴¹ Ito wasuoroti ūma gānioro jajuju sua queacu cuma būcua. Īguēajua jajuju jua rūjūcoacu. No yicōri wa masia mano cuma usitutujua buto iti jacūjare wadisucū.

⁴² Ito bajija ticōri, surara tubiarona ĩna āmi wanare, “Sīacōrūja mani, ĩna bati rudi wabe yirona”, yi tūoīacā ĩna. ⁴³ Ito bajiro ĩna yibojarocati surara ʘjuama Pablo ī catire āmoquī. Ito bajiri ī ya surarare sīa rotibitiquī ī: “Mūa bati masirā cojiti bati jājā wasa jajuju ejasūoba”, yiquī surara ʘju. ⁴⁴ Ito yicōri gājerāre bati masimenare, “Cumu jāiri cuma ñagorena wasa mūa”, yiquī. Ito bajiri sīgū godabeto ñarocōti jāja ejacu gūa jajuju.

28

Malta wame cūtiri yogaju Pablo ī wa ucure gaye

¹ Ito maja rūgūcōri, “Malta wame cūtiri yoga ña adi yoga”, yi masicu gūa ĩja. ² Iti sita gāna queno yicā guare. Ide jairo quediya iti usajare jeame jajame riocā ĩna. Ito bajiro yicōri, “Sumarā waya mūa cūni”, yicā guare. ³ Ito yija Pablo jea cararise jabeto mioquī.

Iti ï jea tñaroca asijua budi wadiguju Pablo ya ãmoju ãña cuni ñia yojaquĩ. ⁴ Iti sita gãna Pablore ãña cuni ñia yojaja ticõri, ado bajiro ñnamasi gãmeri busicã ñna:

—Wajacũ seyoami ãni. Riaca jajosaju godabiticõri ï ñeñaro yire waja godagũ yiguĩji ïja, yicã ñna.

⁵ Ito ñna yibojarocati Pabloama jeameju ãñare wējata tñacoquĩ. Ito bajicõri ïre ñejua rētabiticũ. ⁶ Iti sita gãna masa ñarocõti “Mijiro yiroja”, yibojacã ñna. “Yoari mejeti usi jedi quedigu yiguĩji”, yibojacã ñna. Ito bero yoari yubojari ï godabeja ticõri, ñna tũoñarisere gajero bajiroju tũoñacã ñna mũcana: “Mani rũcũbuogũ masũ ruju, ruju cuticõri ejami ãni”, yicã ñna.

⁷ Ito tu ïti yoga uju ñari masũ ya sita ñacũ. Pũblio wame cutigu ñaqui ï. Guare boca ãmicõri udiã rũmũ guã ñacati rũmũricõ queno yiquĩ ï guare. ⁸ Ito guã ñaroca Pũblio jacũ, jacũari, ñiori cõ yosaquĩ. ï tu tirã wacũ guã Pablo rãca. ï tu ejacõri Diore seniquĩ Pablo. Ito yicõri cõgũre ï ya ãmo ï moa jeorocati ï ñarise cutirise ïti rētaroca yiquĩ ï. ⁹ Ito ïti bajija tũocõri, ïti yoga gãna gãjerã cõrã ï tu ejacã. Ito bajiri ñna ñarise cutirise rētacũ ñnare cũni. ¹⁰ Guare rũcũbuorã ñari guare queno yicã ñna. Guã waroto riojuã guã ba waroti jeyaro ñe ruyabeto guare ïsicã ñna.

Romaju Pablo ï ejare gaye

¹¹ Udiãrã ùmacañi ïti yoga guã ñaja bero mũcana warona cumaju sãjacũ guã. Itiga juebũcũ rētagoraga ñacũ. Alejandría wame cutiri cuto wadiraga ñacũ itiga. Cuma bũcũ ùmatũadojuare, masa rijogari bajiro ñna menire ñacũ ïti cuma ujarã ñna rũcũbuorise. ïti wame cuticũ, Cástor, ïti yicõri Pólux. ¹² ïti cumana wacõri Siracusa wame cutiriju jetaca ejacũ guã. Itoju udiã rũmũ tujacũ guã. ¹³ Ito tunima busa warã riti Regio cuto ejacũ guã. Gãcõa sojejua wēarise mino queno ejabuacũ guare. Ito bajiri gaje rãmũti Puteoliju ejacũ guã. Ito majacũ guã. ¹⁴ ïti cuto gãjerã Jesure masirãre ti bujacũ guã. “Guã rãca coji semana tujaya”, yicã ñna guare. ïti semana bero mũcana wasuocũ guã, Romaju warã. ¹⁵ Roma gãna Jesure masirã guã ware gaye masi yucãri seyoñi. Ito bajiri majũ guare bocarã ejacã ñna. Coriarã, Foro de Apio wame cutiri cutoju guare bocacã. Ito yicõri gãjerã Tres Tabernas wame cutiri cutoju guare bocacã. Ito ñnare ti bujacõri, “Queno ya mũ”, yiquĩ Pablo Diore. Ito bajiri queno wanũ quena oca sēoquĩ ï. ¹⁶ Romaju guã ejaja bero tubiarona ãmi wacãnare surara uju gotiquĩ, tubiara wi coderi masũ ujure. Pabloreama ricati sigũ surara codegũ cutiro ïre cũcã.

Romaju Pablo ï ñare gaye

¹⁷ Guã ejaja bero udiã rũmũ tũjaroca, judio masa ñasari masare ji rotiquĩ Pablo. ñna minijua jediroca ado bajiro ñnare gotiquĩ ï:

—Yũ ñarã, disejuã mani ñarãre ñeñarise yibiticũ yũ. Mani ñicũsabatia ñna rũcũbuore cũni ñeñaro yibiticũ yũ. Ito yũ yibitibojarocati Jerusalénjuã mani masa yũre ñiacõri Romano masare ïsicã ñna yũre. ¹⁸ Yũre boca ãmicõri yũre jidicã ãmobjacã ñna. “Ñe setina godado ma mũ”, yirona yũre jidicã ãmobjacã ñna. ¹⁹ Ito bajibojarocati mani masa jidicã ãmobicã yũre. Ito bajiri, “Yũ ujuã Roma gagũ, seti ña mũre, seti ma mũre”, ï yi besere ãmocũ yũ. Mani ñarãre junisinicõri meje ïto bajiro yicũ yũ. ²⁰ Ito bajiri ïti mũare bũsirocũ, mũare ji ñucamũ yũ. Mani judio masa mani bocatigu ejacoami ïja. ïti ñami Jesucristo. ïre tũorũnũgũ yũ ñajare, come mana yũre siari seyoama ñna, yiquĩ Pablo.

²¹ Ito yija ado bajiro yicã ñna ïre:

—Mũ oca ïti bajirisere Judea sita ñna papera cõarere boca ãmibiticũ guã. Mani ñarã ïto wadiana cũni ñejua ñeñarise mũ gayere busi ejabiticã ñna. ²² “Masa Jesure ñna tũorũnũja quenarise meje ña”, yire gaye riti tũoa guã. Ito bajiri adi mame tũoñare gaye mũãma, ¿no bajiro tũoñati? ïti gayere tũo ãmoa guã, yicã ñna Pablore.

²³ “Ito yija ïti rũmũ minijuana mani”, yicã ñna. Ito yija bero atacã ñna. ñna wara rũmũ ejaroca jãjarã masa ejacã Pablo ï ñarõju. ñna minijuaja ticõri, “ïre tũorũnũrãre ï rotirojuã miojugũ yiguĩji Dios”, yire gayere gotiquĩ Pablo. Busuri jĩju ï goticoaja, rãiocũro goti tarojuquĩ. Moisés ñayorũ ï ucarere gotiquĩ Pablo. Ito yicõri Diore goti ïsiri masa

ĩna ucare cuni gotiquĩ ĩ. “Jesure tuorũnũjaro ĩna”, yirocũ ito bajiro gotiquĩ Pablo ĩnare. ²⁴ Coriarã Pablo ĩ bũsirisere queno tuocã. Gãjerãma tuorũnũbiticã. ²⁵ Gãjerãma sīgũre bajiro tuoĩabiticõri wagocoacã. Ito bajijare ado bajiro gotiquĩ Pablo ĩnare:

—Isaíasna suoriti queno gotiĩni Espĩritu Santo mani ñicũsabatiare. “Ado bajiro yami Dios”, yi gotiĩni Espĩritu Santo Isaíasre.

²⁶⁻²⁷ Wasa, yũre yiari judio masare ado bajiro gotiya: Mũa ñeñaro yirisere jidicãbiticõri, yũre boca ãmi ãmobeã mũa. Yũ gotirise queno tuo masi ãmobeã mũa. Yũ yigore tibojarãti, “Iti ña Dios ĩ yigore”, yi ãmobeã mũa. Ñeñaro mũa yirisere jidicã ãmobeã mũa. Mũare yũ masotoni, yũre boca ãmi ãmobeã mũa. Ito bajiri yũ bũsirise tuobojarãti tuo masimena yirãji mũa. Yũ yigore tibojarãti, “Iti ña Dios ĩ yigore”, yi masimena yirãji mũa, yami Dios ĩ oca tutina, yiquĩ Pablo.

²⁸ Ito bajiri bũsi tĩogũ ado bajiro gotiquĩ Pablo:

—Ado yũ bũsirisere mũa tuorũnũre ãmoã yũ. Jane adi rãmũna Dios ĩ ñarãre ĩ masore gaye oca, judio masa meje ñarãre gotire ñaro wado yiroja. Iti oca tuocõri wanũ quenarã yirãji ĩnama, yiquĩ Pablo ĩnare.

²⁹ Pablo ito ĩ yija tuocõri, ĩnamasiti gãmeri bũsi wacã judio masa.

³⁰ ĩna wasoara wire jũa rodo queno ñaĩni Pablo itojũre. ĩre tirã ejarãrecõti ĩnare boca ãmiyijũ Pablo. ³¹ Gũibicũti oca sũocõri, “ĩre tuorũnũrãre ĩ rotirojũ miojugũ yigũĩni Dios”, yire gaye gotiyijũ Pablo. Ito yicõri mani Hũ Jesucristo gaye cuni riasoyijũ ĩ. Ito bajiro Pablo ĩ goti ñaroca sīgũjũa usirioro yibisijarã ĩre. Itocõ ña.

La carta de San Pablo a los Romanos

Roma cuto gānare Pablo ĩ papera cōare gaye

¹ Ñati Roma gāna m̄a. Ȳa ña Pablo, adi m̄are papera cōaḡũ. Jesucristore moa ĩsiri mas̄a ña ȳa. Ȳare besecōri Cristo oca masare ȳa goti ucutoni ȳare cūñi Dios. “No Jesucristore tuor̄ũnḡure ĩre masoḡũ yiguĩji Dios”, yi masare ȳa goti ucutoni ȳare cūñi Dios.

² Jane mejeju, “Ado bajiro masare queno ejabuaḡu yiguja ȳa”, yiroc̄u iti oca goti yucāyiju Dios. ĩ gotiado bajiroti ĩ ocare uca rotiyiju ĩre goti ĩsiri masare. Ito bajiri iti oca quenarise uca warã ĩ oca tuti ucayijarã ĩna. ³ Iti oca Jesucristo gaye manire riasoa. ĩti ñami Dios Mac̄u, mani Ūju. Adi sitaju mas̄u rujuna rujeayiju ĩ. Ito yicōri David ñayoru janerābatia janamiti ñayiju Jesucristo. ⁴ Ito bajibo jaguti Dios Mac̄uti ñayiju Jesucristo. ĩ godaja bero Esp̄iritu Santo ĩ masirisena, ĩre m̄cana t̄adi ĩ catiroca yiyiju. Itire masicōri, “Dios Mac̄uti ñami Jesucristo”, yi tuoia mani ĩja.

⁵ Jesucristona suoriti queno yĩni Dios ȳare. Masa jeyaro Jesure ĩna tuor̄ũn̄toni, ito yicōri yiro robo ĩna c̄ditoni, ȳare cūñi Dios. Ito bajiri, “R̄etoro quenaḡũ ñami Dios”, yi ĩre r̄uc̄b̄uorã yirãji masa. ⁶ M̄are c̄ni beseñi Dios. Jesucristo ñarã m̄a ñatoni, m̄are beseñi ĩ. ⁷ M̄a Roma gāna ñarocōreti adi papera cōa ȳa. B̄uto maiami Dios m̄are. ĩ ñarã m̄a ñatoni m̄are beseñi Dios. Mani Jac̄u Dios ito yicōri Jesucristo mani Ūju m̄are queno yijaro. Ito yicōri m̄a ya usiju queno m̄a wan̄u quenaroca yijaro ĩna.

Roma cuto gānare Pablo ĩ ti āmore gaye

⁸ Ado bajiro m̄are gotis̄uoa ȳa. Co cuto r̄uyabeto m̄a Jesure tuor̄ũn̄re gayere m̄are b̄us̄isot̄iama masa jeyaro. Ito bajiro ĩna yija tuocōri, “Queno ya Dios m̄”, ya ȳa. Ito bajiro Diore b̄us̄ia ȳa, Jesús ȳare ĩ ejabūarisena. ⁹ Coji r̄uyabeto Diore ȳa b̄us̄ija, m̄are yiar̄i b̄us̄isot̄ia ȳa. B̄uto ȳa tuoiarise ñarocōnati ĩ yiro robo Diore c̄dia ȳa. ĩre yiro robo c̄diḡu, ĩ Mac̄u Jesús oca masare goti uca ȳa. “Roma gānare yiar̄i ȳare senisot̄iami Pablo”, yi masiguĩji Dios ȳare. ¹⁰ Diore ȳa b̄us̄ija ito bajiro senisot̄ia ȳa. ĩ āmoja m̄a t̄uju co r̄um̄u ejaboḡuja ȳa, yiroc̄u ito bajiro senisot̄ia ȳa. Yoari m̄a t̄u waroc̄u tuoiasot̄iboja ȳa. ¹¹ Dios gayere m̄are riaso āmoa ȳa, ȳare ĩ ejabuado bajiro m̄are c̄ni ĩ ejabuaton̄i. Ito bajiro m̄are ĩ ejabuaja, ĩ ocare masicōri b̄uto b̄usa tuoia oca s̄eorã yirãji m̄a. Ito bajiri b̄uto m̄are ti āmoa ȳa. ¹² Jesucristore tuor̄ũn̄rã ña mani. Ito bajiri m̄a t̄u ejacōri m̄a r̄aca baba c̄uti āmoa ȳa. “Queno Jesure tuor̄ũn̄ama ĩna”, yi m̄are ti masicōri tuoia oca s̄eoḡũ yiguja ȳa. M̄a c̄ni ito bajiroti ȳa r̄aca ḡameri b̄us̄icōri tuoia oca s̄eorã yirãji.

¹³ M̄a tuo masitoni adi m̄are gotia, ȳa mairã ȳa. Coji r̄uyabeto m̄a t̄uju wa āmosot̄iboja ȳa. Yoari m̄a t̄uju wa āmobar jaguti, iti r̄um̄uju m̄a t̄uju eja masibitic̄u ȳa maji. Gaje cuto gānare ȳa riasoroca Jesure boca āmiñi ĩna. M̄a bajiroti judio masa meje ñarã ñacã ĩna c̄ni. M̄a t̄u ñarã c̄ni Jesure ĩna masitoni ejabuaḡu wa āmosot̄ia ȳa m̄a t̄uju. Ito bajibojarocati m̄a t̄uju ejabitic̄u ȳa maji. ¹⁴ Masa jeyarore riasore ña ȳare, Dios oca quenarise gayere. Ȳa ya moare ña, ȳa oca b̄us̄irãre riosore, ito yicōri ȳa oca b̄us̄imenare c̄ni riasore gaye. Masirãre c̄ni riasoḡu yiguja ȳa, ito yicōri masimenare c̄ni. ¹⁵ Ito bajicōri Romaju ejacōri, m̄a t̄u gānare c̄ni Jesús gaye oca quenarise riaso āmosac̄o ȳa.

Jesucristo oca ñasarise ña, yire gaye

¹⁶ Iti oca masa ĩna tuor̄ũn̄uja, jeameju ĩna uabore ñaroca, ĩnare masoguĩji Dios. Iti oca judio masare riti ejas̄uoyija maji. Ito bajibojarocati adoc̄atama no itire tuor̄ũn̄ḡureti masoḡũ yiguĩji Dios ĩja. Ito bajiri itire masicōri, Jesús gayere bojobic̄uti gotia ȳa. ¹⁷ Ado bajiro ña iti oca: “Jesure mani tuor̄ũn̄uja, manire boca āmicōri, ‘Queno yirã ñama. Ñe seti ma ĩnare’, yiguĩji Dios. Ado bajiro ucare ñayija jane mejeju gaye: No Diore tuor̄ũn̄ḡure,

ĩre boca ãmigũ yiguĩji Dios. ‘Ñe seti ma ĩre’, yi tigu yiguĩji Dios ĩre tuorũnugũre. Ito bajiro catitĩnagũ yiguĩji ĩ”, yi gotia Dios oca tuti.

Masa jeyaro seti cutirã ñama, yire gaye

¹⁸ Ado bajiro ña. Dios macãrucũroju ñagũ, masa ñna ñeñaro yirise, ñna riojo cudibitire cuni, itire buto ti teguĩji Dios. Ito bajiro ñna ñeñaro yija, Dios oca quenarisere gãjerã ñna tuobitiroca yirãji ñna. Itire junisinicõri buto teguĩji Dios. ¹⁹ “Ito bajiro bajigu ñaguĩji Dios”, yi masi jedirãji masa. ĩmasiti ito bajiro ñna masiroca yiñi Dios. “Ñeñaro yu yire waja quenabeto yu tũbujaroca yigu yiguĩji Dios”, yi masi jedirãji masa. ²⁰ Diore tibitibojarãti, “Buto masigũ ñami Dios”, yi tuoña mani. Dios mani masiroca yami, ito bajigu ñari. Macãrucũro ĩ rujeorajũju, jeyaro ĩ rujeore gaye ticõri, “Ito bajigu ñami Dios. Iti ña ĩ rujeogore”, yi masirãji masa jeyaro. Ito bajiri, “¿No bajigu ñati Dios? ĩre ti bũjabea yu. Ito bajiri yũre seti ma”, yi masia ma masare. ²¹ “Ito bajigu ñami Dios”, yi masibojarãti, Diore queno rucubobisijarã masa. Ito yicõri, “Queno ya mu”, yire gaye yibisijarã ĩre. Ado bajiroju yiyijarã ñna. Rocati bajiro, tuoĩabojayijarã masa. Ñeñarise riti ñna tuoña rãtocũja, quenarise ñna tuoĩabojare gayere acabojayija ñnare. Ito bajiro bajirã ñari rãitĩari usi bajiro usi cutiyijarã ñna. ²² “Buto masirã ña gua”, yibojayijarã ñna. Ito yibojarãti masimena ñayijarã ñna. ²³ Ito bajiro tuoĩabojarãti, Dios catitĩnagũre queno rucubobisijarã ñna. Gajero bajiroju yiyijarã ñna. Masu jogaroti ruju robo bajiro meni rujeocõri rucubobojayijarã ñna. Wutirãre, jinoare, ito yicõri waibucu bajirãre cuni rucubobojayijarã ñna.

²⁴ Itire ñeñarise gayere ñna rucubuoja, “Yibesa”, yibisiju Dios. Riojoti ticõayiju ĩja. “Ñna ãmoro bajicõato”, yiyiju Dios ñnare. Ito bajiri ñnamasiti ñna ya ruju ñeñaro iti tuoĩaro bajiroti ñeñaro yi uyayijarã ñna. Ito bajiro yicõri ñnamasiti gãmeri ñeñaro yiyijarã ñna. ²⁵ Dios oca ñnarisere tuorũnubiticõri, ruore ocajuare tuorũnyijarã ñna. Diore rucubuoado õno yirã, Dios ĩ menire gayejũare rucubuooyijarã masa. “Dise ruyabeto rujeoru ña Dios mu. Mu ña rãtoro queno yigu”, yi rucubuoitĩnacõruja manire. Ito bajiro riti bajitĩñaja quena.

²⁶ “Ñna ñeñaro yirisere jidicã ãmobeama”, yi masicõri masare ticõayiju Dios ĩja. Romiaju cuni, ãmua rãca ñna yibojarere jidicãcõri, ñna romia comasiti yiyijarã ñna ĩja. ²⁷ Ito bajiroti ãmua cuni, romia rãca ñna yibojarere wasoayijarã ñna. Ito bajiri, ñna ãmua comasiti, ruje josayijarã ñna ĩja. Ito bajiri ñna ãmua comasiti ñeñarise yiyijarã ñna. Ito bajiri ñeñaro ñna yirisere ñna ya ruju masiti quenabisiju ñnare.

²⁸ Diore ñna tuo ãmobitiado bajiroti, ñeñarise ñna yijare, “Yibesa mu”, yibisiju Dios. Riojoti ticõayiju. “Ñna ãmoro bajicõato”, yiyiju Dios. Ito bajiri ñna yi ãmoriseti ñeñaro yiyijarã ñna ĩja. ²⁹ Jeyaro ñeñarise, yi uyarã ñama masa. Jeyaro ñeñarise yirãji ñna. Ado bajiro bajaia. Tuote mu. Dios rotirisere tuo tecõri buto ñeñarise yirãji ñna. Gãji ya gajeoni ãmotirã yirãji ñna. Gãjire ñeñaro yirona tuoĩarã yirãji ñna. Gãji jai busaro ĩ rucõja, ĩre uorãji ñna. Starãji ñna. Gãmeri oca josarãji ñna. Ito yicõri rocati socarãji ñna. Ti tudirã yirãji ñna. Gãjerãre oca menirã yirãji ñna. ³⁰ Busiturãji ñna. Diore ti terãji ñna. Junisiorise cudirã yirãji ñna. “Ñasagu ña yu”, yi tuoĩarã yirãji ñna. “Buto masigũ ña yu”, yi busirãji ñna. Ñeñarisere yirã, buto tuoña rujeorã yirãji ñna. Ñna jacusabatiare yiro robo cudimenaji ñna. ³¹ Tuo masimena ñarã yirãji ñna. Ñna busisuoado bajiro yimenaji ñna. Ito yicõri gãjerãre ti maimenaji ñna. Gãjerã ñeñaro ñna yirisere, acabojomenaji ñna. ³² “Ito bajiro ñeñaro yirãre jeame ãjuroju cõacũja yu”, yicãñi Dios, yi tuoĩabojarãti ñeñaro ñna yirisere jidicã ãmomenaji ñna. Iti ñeñarise yi uyacõrã yirãji ñna. Ito yicõri ñna robo bajiro gãjerã cuni ñeñaro ñna yija ticõri, buto wanurã yirãji. “Quena ña iti”, yi tirã yirãji ñna.

2

Masa ñeñaro ñna yiado bajiroti waja senigũ yiguĩji Dios, yire gaye

¹ Gãjerãre ti masicõri, “Ñna ñama ñeñaro yirã”, yibesa. Ñna robo bajiroti ñeñarise ya mu cuni. Ito bajiri, “Seti ma guare”, yi masia ma muare. “Ñnare seti ña”, mu yija,

“Yure cuni seti ña”, yiado bajiro ya mua. Ñna yiro bajiroti ya mua cuni. ² Ñeñaro yirã ñabojarãti, “Ñna ñama ñeñaro yirã”, mua yija, muare cuni waja senigũ yiguĩji Dios. Masa jeyaro ñeñaro ñna yirise waja, Dios ñ senija, yiro robo yigũ ñami Dios. “Riti baja ite”, yi masi jedia mani. ³ Ñna robo ñeñaro yirã ñabojarãti, “Ñnare seti ña”, mua yija, ñna robo bajiro ñeñaro yirãti ya mua cuni. “Dios mani ñeñaro yirise waja, manire waja senibiquĩji”, yi tuoĩabojarãji mua. Ito bajiro yi tuoĩabojarocati mua ñeñaro yirise waja muare waja senigũ yiguĩji Dios. ⁴ Mua ñeñaro yibojarocati, mua ñeñaro yirise waja senirocũ usiribiquĩji Dios. ¿Ito bajiro, “Yure waja senibiquĩji”, yi tuoĩabojati mua? Ito bajiro meje baja. Manire ti maicõri, mani ñeñaro yirise waja, waja senirocũ usirio yibiquĩji Dios. Ñeñaro yirise mani jidicãre amoami ñ. Itire mani jidicãtoni yugũ yami Dios. ⁵ Diore tuo amobebea mua. Ito bajiro ñeñaro mua yirisere tuoĩa bojori bujabiticõri itire jidicãbea mua maji. Buto busa ñeñarise mua yi rãtocũja, buto ñeñarise mua tãbujaroca yigũ yiguĩji Dios. Ito bajiro ñ yija ticõri, “Yiro robo yigũ ñami Dios”, yi masi jedirã yirãji masa jeyaro. ⁶ Masa jeyarore ñeñaro ñna yirise waja ñnare waja senigũ yiguĩji Dios. Ito yicõri quenaro yigoanare, queno yigũ yiguĩji ñ. ⁷ “Yũ Macure tuorũnucõri queno yirã ña mua. Ito bajiro yũ rãca catitĩnarã yirãji mua”, Dios ñ yire tuo amora, quenarise riti yisotirãji ñna. Ito bajiro ñna yija ticõri, ñnare catitĩnare gaye ñsigũ yiguĩji Dios. ⁸ Gãjerãma ito bajirã meje ñarãji. Gãjerãre tuo maibiticõri ñna rucorisere buto mairãji ñna. Ito yicõri Dios oca quenarise tuorũnumena, ñeñarise yi uyarãji ñna. Ito bajiro ñna yija buto ti junisinicõri, ñnare waja senigũ yiguĩji Dios. ⁹ Ñeñaro yirã jeyaro buto tuoĩa bujatobicõri ñeñaro tãbujarã yirãji ñna. Cajero judio masa ñeñaro ñna yirise waja tãbujarã yirãji ñna. Judio masa meje cuni ito bajiroti ñeñaro ñna yirise waja tãbujarã yirãji ñna. ¹⁰ Gãjerã quenaro yigoanareama, “Quenaro yirã ñañi”, yigũ yiguĩji Dios. Ito bajiro ñnareama gãjerã rucubworã yirãji. Ito yicõri ñe usiribeto ñarã yirãji ñna. Ñna ya usijũ queno wanũ quenarã yirãji ñna. Ito bajiro, bajiro yiroja judio masare, ito yicõri judio masa mejere cuni, Jesucristore tuorũnucõri quenarise riti ñna yijama.

¹¹ Mani yi ñasotigore ticõri, manire bese masigũ yiguĩji Dios. Judio masa, judio masa mejere cuni coro bajiroti ti maiguĩji Dios. ¹² Masa jeyaro ñeñaro yirãji ñna. Coriarã Dios ñ rotirisere masimenati ñeñaro yirãji ñna. Ñna ñeñaro yija, ñna ñeñaro yirise waja, waja senigũ yiguĩji Dios, ñ rotirisere masimena ñabojarocati. Gãjerãma Dios ñ rotirisere masirã ñabojarãti, ñeñarise yirãji ñna. Ito bajiro ñna cudibitire waja, ñnare waja senigũ yiguĩji Dios. ¹³ Ñ rotirise tuobojarãti ñna cudibeja, “Queno yirã ñama”, yibiquĩji Dios. “Quenarã ñama ñna”, yiguĩji Dios, ñ rotirise yiro robo cudirãreama. ¹⁴ Judio masa meje cuni, Dios ñ rotirisere masibitibojarãti, coriajuri quenarise yisotirãji ñna. Ito bajiro ñna yisotija, Dios rotirise ucara tuti manibojarocati, ñna masirisena Dios rotirise ña ñnare. ¹⁵ Ñna rucubwogore ticõri, “Ñna masirisena Dios ñ rotirise ña ñnare”, yi tuoĩa mani. Ñeñaro ñna yija, yori meje, “Ñeñaro ya yũ”, yirãji ñna, ñna masirisena. “¿No yija ñeñaro yati yũ?” yi tuoĩarãji ñna. Quenarise ñna yija, “Quenarise yibũ yũ”, yi masirãji ñna. ¹⁶ Mani tuoĩarisere masicãguĩji Jesucristo. Ito yicõri yeyorojũ mani yibojarisere masicõguĩji ñ. Ito bajiro Dios, Jesure waja senitoni ñ cõari rumũ, masa quenarãre bese masigũ yiguĩji Jesús. Ñ oca quenarise muare yũ riasoja, ito bajiroti ite oca muare riasoa yũ.

Moisés rotirisere cudirã ñari Dios ñarã ña gũa, judio masa ñna yire gaye

¹⁷ Ado bajiro tuoĩabojarãji judio masa mua: “Judio masa ñari Moisés ñayorure Dios ñ rotirise ñ cure rucubwoa gũa. Ito bajiro Dios ñarã ña gũa”, yi tuoĩabojarãji mua. ¹⁸ Dios ñ yiro robo yire gayere masirãji mua. “Dios ñ rotirise masicõri, quenarisere yi masia gũa”, yirãji mua. ¹⁹ Mua itire tuoĩarã, “Dios gaye masimenare riaso masia gũa”, yi tuoĩarãji mua. “Ñeñaro yirãre quenarise gaye riaso masia gũa”, yi tuoĩarãji mua. ²⁰ “Tuo masimenare, ito yicõri rãca bajiro tuoĩarãre cuni riaso masia gũa”, yi tuoĩarãji mua. “Dios rotirise masicõri, jeyaro ñasarise masia gũa”, yi tuoĩabojarãji mua. ²¹ Gãjerãre queno riasobojarãti, ¿no yija ñnare mua riasoado bajiroti yibeati mua? “Rinire, quenarise gaye meje ña”, yi riasobojarãti, ¿no yija muamasiti riniati mua? ²² “Manojo cutibojarãti,

gājerāre yire meje ñaroja”, yibojarāti, ¿no yija muamasiti itire yati mua? Masa ñna meni rujeorure ti tebojarāti, ¿no yija iti wi gaye gajeoni riniati mua? ²³ “Dios ñ rotirisere masia gua”, yibojarāti, ñre cudíbea mua. Diore cudímena ñari, ñre rucubhorā meje ña mua. Ito bajiro mua yija ticōri, gājerā cuni Diore rucubhomena yirāji ñna. ²⁴ Dios oca gotirise bajiro bajia muare. Ado bajiro goti iti: “Judio masa ñabojarāti, Dios rotirise gayere cudíbea mua. Mua ito bajija ti masicōri, judio masa meje cuni Diore ñeñaro busituama ñna. Ito bajiri muare seti ña”, yi gotia Dios oca tuti.

²⁵ “Dios ñarā ña gua”, yi tuoīacōri pī gaja wirotasotirāji judio masa. “Diore mua cudíja ñ ñarā ñarāji mua”, ya yu. Ito bajibojarocati, wirotagoana ñabojarāti Diore mua cudíbeja ñ ñarā meje ña mua. ²⁶ No Dios rotirisere cudíguti, wirotaya macu ñabojaguti, “Yu yagu ñami ñ”, yigu yiguji Dios. ²⁷ Mua judio masa Dios rotirise ucara tutire rucorā ñabojarāti, ito yicōri wirotagoana ñabojarāti Diore cudíbea mua. Coriarā judio masa meje ñarā, wirotamena ñabojarāti Dios ñ rotirisere cudirā ñama ñna. Ito bajiro ñna yija ticōri, “Dios ñ tiro riojo ñeñaro yirā ña gua”, yi tuoīarā yirāji mua. ²⁸ Judio masu goro ñ ñarise muare gotigu ya yu. Sīgū wirotaru ñabojaguti Diore rucubhobicu, judio masu goro meje ñami ñocū. ²⁹ No Dios bajiro usi cutigu, ito yicōri Dios ñ rotirise yiro robo cudígu judio masu goro ñaguji ñocū. Judio masa bajiro wirotacōcōri, ñ ñeñaro yirisere jidicāgū yiguji ñ. Ito bajiro bajigu ñaguji Dios rotirisere yiro robo cudígu. Ito bajiro bajigure, “Quenagū ñami. Ñe seti ma ñre”, yiguji Dios. Masa ñna, “Quenagū ñami”, ñna yibitibojarocati, “Quenagū ñami”, yiguji Dioama.

3

¹ Itire tuocōri, ¿no bajiro tuoīati mua? Judio masu ñaja, ¿ñasagu ñare ñati? wirotare gaye, ¿ñna yiado bajiro yija quenati? “Judio masu ña yu”, ¿sīgū ñ yija quenati? ¿No yibeati? ² “Judio masu ña yu”, ñ yi tuoīaja quena ña. Jaje gotirena suoriti judio masu ñasagu ñare ña. Cajero gorooma judio masare ñ oca cōani Dios. ³ ñ oca rucubhobojarāti judio masa coriarā Diore yiro robo ñna cudíbeja, ¿no bajirojada? Yiro robo Dios rotirise ñna yibitibojarocati Dioama yiro robo yigu ñami. “ñ yiro robo yibiquji Dios”, ñna yi tuoīaja, ¿ñ yiro robo yibiqujida Dios? ⁴ Meje, bajibea. ñ yiro robo yisotigu yiguji Dios. Masa jeyaro ñna socabojarocati, Dioama socagu meje ñami. Jane mejeju Diore goti ñsiri masu ado bajiro ucayōñi:

Dios mu ña coji ruyabeto yiro robo yigu. “Ado bajiro yicuja yu”, mu yiro bajiroti ya mu.

Ito bajigu mu ñajare, “Diore seti ña”, yi masimenaji masa. “Socagu meje ñami Dios”, yi masi jedirā yirāji masa jeyaro, yi ucayōñi Diore goti ñsiri masu.

⁵ Coriarā ado bajiro tuoīabojarāji: “Buto ñeñarise yu yi rētocūja ticōri, ‘Dios sīgūti ñami quenagū’, yi tuoīarā yirāji gājerā”, yi tuoīabojama coriarā. Ito bajiro tuoīacōri, “Ñeñaro yu yirise waja, waja Dios ñ senija, ñeñaro yiguji ñ cuni”, yi tuoīabojarāji coriarā. ⁶ Ito bajiro meje ña. Masa ñna ñeñaro ñna yirise waja Dios ñ senija, ñeñaro yigu meje yami Dios. Ñeñarise ma Diore. Ito bajiri masa jeyarore, ñeñaro ñna yirise waja seni masiguji Dios.

⁷ Gajero bajirojua tuoīabojarāji masa: “Yu ruoja ticōri, ‘Rucogu meje ñami Dios’, yi rucubhorā yirāji gājerā. Ito bajiri, ¿no yija yu ruojati yure waja seniati Dios?” yi tuoīabojarāji coriarā. ⁸ “Ñeñaro mani yija ticōri, ‘Dios sīgūti ñami queno yigu’, yi rucubhorā yirāji gājerā. Ito bajiri ñeñaro yito mani”, yi tuoīabojarāji coriarā. Guare masa tuorñume yirona, “Ito bajiroti ruore gaye riasoama Pablo mesa cuni”, yi ruoama gājerā guare. Ito ñna yire waja, quenabeto ñna tōbujaroca yirujami Dios.

Mani ñarocōti seti cutirā ña, yire gaye

⁹ ¿No bajiro tuoīati mua? Mani judio masa, ¿gājerā rēto busaro ñasari masa bajiro bajiatu mani? Ñena suori bajibea mani. Mani judio masa, judio masa meje ñarā cuni, seti cutirā riti ña mani. Ito bajiro riti masare riasocu yu. ¹⁰ Dios oca tuti ado bajiro gotia: Sīgū quena busagu maquji.

¹¹ Ñimajua tuoīa masigū maquji, ito yicōri Dios robo bajiro usi cuti ñmogū maquji.

- ¹² Masa jeyaro Dios oca quenarisere jidicãni, ito yicõri ñeñarise riti yirãji. Nijua sīgũ quenarise yigũ maquĩji.
- ¹³ Ìna ya riseri, masari cuma janado bajiro bajiroja. Ìna busija masari cuma ñniri bajiro bajiroja, ræore oca riti ìna busija. Ìna busija, ãña rima robo bajiro junirise buðiroja, ìna ya oca.
- ¹⁴ Gãjerãre busiturã, oca junisiorise busiturã ñarãji ìna. Ito bajiro yicõri gãjerãre rojarã yirãji ìna.
- ¹⁵ Rocati tuoãamenati, gãjire sïarãji ìna.
- ¹⁶ Ìna waroju ñeñarise yirãji ìna. Ñeñaro yicõri, gãjerã bujato mano ìna tøbujaroca yirãji ìna.
- ¹⁷ Gãjerã rãca queno ñare gaye ña masimenaji ìna.
- ¹⁸ “Sëogũ ñami Dios”, yi tuoãabojarãti, ìre rucubumenaji ìna, yi gotia Dios oca tuti.
- ¹⁹ Dios ì rotirise gaye, mani judio masare cũni, ì rotirisere mani cuditoni. Dios ì rotirise masibojarãti, itire mani yibeja, “Yure seti ma”, yi masimenaji mani. Ito bajiri, “Masa jeyarore ìna ñeñaro yirise waja, waja senigũ yiguĩji Dios”, yi tuoãa mani. ²⁰ Nijua sīgũ maquĩji, “Dios ì rotirise ñarocõti cudi jeoa yu”, yi tuoãagũ. Ito bajiri, “Queno yigũ ña mu’, yigũ yiguĩji Dios yure”, yi tuoãagũ maquĩji. Dios ì rotirise masicõri, “Ñeñaro yigũ ña yu”, yi masi jedia mani ìja.

Jesucristore mani tuorũnaja ticõri, manire masogũ yiguĩji Dios, yire gaye

²¹ “Yu rotirisere masibitibojarãti queno yirã ñama yure tuorũnurã. Ñe seti ma ñnare”, yi gotiami Dios adi rãmuri ìja. Jane mejeju cuni ito bajiroti gotisoyija ì rotirise, ìre goti ìsiri masa ìna ucare cuni. ²² “No Jesucristore tuorũnagũ, ì ñami quenagũ”, yigũ yiguĩji Dios. Judio masa, judio masa meje cuni Jesucristore ìna tuorũnaja ticõri, coro bajiroti ti maiguĩji Dios. ²³ Mani jeyaro ñeñarise yiana riti ña mani. Ñimujua maquĩji, Dios ì ãmorise yigũ. ²⁴ Ito bajibojarocati manire ti maiguĩji Dios. Jesure mani tuorũnaja, “Yure waja ruyuriobema ìna, ìna ñeñaro yirise waja yi jeocõni yu Macu”, yigũ yiguĩji Dios. ²⁵ Dios cõayiju Jesucristore, manire ì goda ìsitoni. Mani rucubore rãca, “Ñeñaro yu yirisere waja yi ìsiñi Jesús ì ya rina”, mani yija, mani ñeñaro yirisere acabojogu yiguĩji Dios. Iti masicõri, “Yiro bajiroti yigũ ñami Dios”, yi tuoãa mani. Jane mejeju masa ìna ñeñaro yirisere waja seni usirio yibisiju Dios. “Ìna ñeñaro yirise waja goda ìsigũ yiguĩji yu Macu”, yire gaye masi yucãyiju Dios. ²⁶ Ito bajiro rëtayija, “Yiro robo yigũ ñami Dios”, mani yitoni. No Jesure tuorũnagũreti, “Queno yigũ ñami”, yigũ yiguĩji Dios, ñeñaro mani yirise Jesús ì waja yija bero ñajare.

²⁷ “Queno yigũ ña yu”, Dios ì tiro riojo yi masíbea mani. Adocãta Dios rotirise yiro robo mani cudija, “Queno yigũ ña yu”, ¿yi masiati mani? Meje itioni yi masimenaji mani. Itire mani yi masibitibojarocati Jesure mani tuorũnaja, “Queno yirã ñama”, yi tiguĩji Dios manire. ²⁸ Dios rotirise mani cudi ãmorã josabojarocati, “Queno yirã ñama”, yibiquĩji Dios. Ito bajibojarocati, “Yu ñeñaro yirisere waja yi ìsiñi Jesús”, mani yi tuoãaja, “Ìna ñama quenarã”, yigũ yiguĩji Dios.

²⁹ Mani judio masa Uju riti meje ñaguĩji Dios. Judio masa mejere cuni ìna Ujuti ñami Dios. ³⁰ Ito bajiri sīgũ ñabojaguti masa jeyaro Uju ñami Dios. Ito bajiri sīgũ judio masu, Jesure ì tuorũnaja ticõri, “Quenagũ ñami”, yigũ yiguĩji Dios. Ito yicõri judio masu meje cuni Jesure ì tuorũnaja ticõri, “Ì ñami quenagũ”, yigũ yiguĩji Dios. Wirosi mani tabeja, wirosi mani taja cuni ñasarise meje ña Dios ì tija. ³¹ Itire tuoãacõri, ¿Dios ì rotirise jidicãrujati mani? No yicõri jidicãmenaji mani. Mani Jesure tuorũnurã buto busa Dios ì rotirisere cudirã yirãji mani.

4

Ado bajiro bajiyiju Abraham ñayoru, yire gaye

¹ Mani ñicu Abraham ñayoru tuoãacõri, ¿no bajiro yi tuoãati mani? Ito yicõri, ¿no bajiro ì yija ticõri, ìre boca ãmiyijari Dios? ² Queno ì yirise ticõri, ¿ìre boca ãmiyijari

Dios? Ito bajiro meje ña. Ito bajiro bajijama, “Queno yigũ ña yũ”, yiborũ Abraham. Dios ï tiro riojo, “Queno yigũ ña yũ”, yi tuoĩabisijũ Abraham. ³ Dios oca ado bajirojũa gotia: “Abraham Diore queno tuorũnyijũ. Ito bajiri, ‘Queno yigũ ñami’, yi boca ãmiyijũ Dios Abrahamre”, yi gotia Dios oca. ⁴ Ado bajiro mũare goti masiogũ ya yũ. Sīgũ ï moaja, ïre moare rotigũ rocati meje waja yiguĩji ï. ï moare ticõri waja yiguĩji ï. ⁵ Diore tuorũnũre gayeama, ito bajiro meje bajia. ïre tuorũnũrãre queno boca ãmiguĩji Dios. ïna queno yire waja, waja yirocũ meje ïnare boca ãmigũ yiguĩji Dios. ïre ïna tuorũnũjare, ïnare boca ãmigũ yiguĩji Dios. ïre ïna tuorũnũja ticõri, “Queno yirã ñama”, yigũ yiguĩji Dios. ïna queno yire waja, waja yirocũ meje ito bajiro yigũ yiguĩji Dios. ïre ïna tuorũnũjare, ïnare boca ãmigũ yiguĩji Dios. ⁶ Itire tuoĩagũ David ñayorũ cũni ado bajiro yiyijũ: “Jeyaro ïna yigore tuoĩabicũti, ‘Queno yirã ñama. Ñe seti ma ïnare’, yigũ yiguĩji Dios ïre tuorũnũrãre. Ito bajiro Dios ïnare ï boca ãmija, wanũ quenarã yirãji ïna”, yiyijũ David ñayorũ. “Wanũ quenarã yirãji”, yirocũ, ⁷ ado bajiro yiyijũ David:

Ñeñaro ïna yirisere Dios ï ãcabojoja, ito yicõri iti ñeñarisere ï ruyurioja bero queno wanũ quenarã yirãji ïna.

⁸ No ñeñaro ï yirisere waja Dios ï senibeja, queno wanũ quenagũ ñaguĩji, yiyijũ David ñayorũ.

⁹ Iti wanũ quenare, judio masa wirotagoana gaye riti meje ñaroja iti. Judio masa meje ñarã cũni wirotabitibojarãti Diore ïna tuorũnũja wanũ quenarã yirãji. Abraham ñayorũre mũcana tũdi tuoĩate mũa. “Yũre tuorũnũgũ ñami Abraham”, yi ticõri, “Queno yigũ ñami ï. Ñe seti ma ïre”, yiyijũ Dios. ¹⁰ Dios ito bajiro ï yija, ¿Abraham ï wirotaja bero ñayijari? Ito bajirojũa meje bajiyija. Abraham ï wirotaroto riojũa, “Queno yigũ ñami Abraham”, yiyijũ Dios. ¹¹ Abraham ï tuorũnũja ticõri, “Queno yigũ ñami”, yi ïre boca ãmiyijũ Dios. ïre ï boca ãmija berojũa ïre wirotarotiyijũ Dios. “Riti Dios yagũ ña yũ”, yi tuoĩacõri, Dios ï rotiado bajiro yigũ wirotayijũ Abraham ñayorũ. Ito bajiri Abrahamre ï wirotarotiroto riojũa, “Queno yigũ ñami Abraham”, yiyijũ Dios, yi tuoĩa masia mani. No Diore tuorũnũgũ, judio masũ meje ñabojagũti, wirotarotacõri meje ñabojagũti, “ï ñami quenagũ”, yigũ yiguĩji Dios. Dios ï boca ãmiana, Abraham janerãbatia robo bajiro bajirã ñarãji ïna ïja. ¹² Wirotagoana ñicũ cũni ñaguĩji Abraham. Wirotarotiroto riojũa Diore tuorũnũyijũ Abraham. Wirotarotiroto ïna ñicũ ñaguĩji Abraham. ï robo bajiro, Diore ïna tuorũnũjare, judio masa ñicũ ñaguĩji Abraham. Judio masa ñicũ ñaguĩji ï. Judio masa ïna ñare waja meje, Diore ïna tuorũnũre waja judio masa ñicũ ñaguĩji Abraham. Ito bajiri Abraham robo bajiro Diore tuorũnũrã, ï janerãbatia robo bajirã ñarãji ïna.

Jesure mani tuorũnũja Dios ï goticãdo bajiroti rãtarotiyiroja, yire gaye

¹³ Jane mejejũ ado bajiro goticãyijũ Dios Abrahamre: “Macãrucũro sita ñarocõti mũre, mũ janerãbatiare cũni ïsigũ yigũja yũ”, yiyijũ Dios. Ito bajiro gotiyijũ Dios Abrahamre ï rotirisere yiro robo ï cũdija ticõri meje. “Yũre tuorũnũcõri, queno yigũ ñami Abraham”, yi tuoĩacõri ito bajiro cũyijũ Dios Abrahamre. ¹⁴ “Dios ï rotirisere gũa cũdire waja, ‘Ado bajiro masare ïsicũja yũ’, ï yiro bajiroti gũare ïsigũ yiguĩji Dios”, yi tuoĩabojama coriarã. ïre tuorũnũmenaretĩ ï rotirise ïna cũdire waja Dios ï ïsija ïre tuorũnũbojarã ya mani. Ito yicõri, “Yũre tuorũnũrãre ado bajiro ïsicũja yũ”, yi Dios ï goticãre buroti bajiro bajia iti cũni. ¹⁵ Ito bajiro meje ña. “ï rotirisere masibojarãti ïna cũdibeja ticõri, ïnare junisinigũ yiguĩji Dios”, yi tuoĩa mani. Dios ï rotirise manija, “Dios ï rotirisere cũdibeama masa”, yi masibitiboana mani.

¹⁶ Abrahamre ti maicõri, “Yũre mũ tuorũnũja, rocati waja mano mũre ïsigũ yigũja yũ”, yiyijũ Dios Abrahamre. Mani Diore tuorũnũja, mani ñicũ bajiro bajigũ ñaguĩji Abraham. Ito bajiri Dios rotirise cũdirã riti meje, Abrahamre Dios ï goticãre boca ãmirã yirãji ïna. No Abraham robo bajiro Diore tuorũnũrã Dios ï goticãre boca ãmirã yirãji ïna. ¹⁷ Dios Abrahamre ï goticãdo bajiroti, ucare ñayijũ jane mejejũti. Ado bajiro bajiyijũ: “Jaje sitari gãna ñicũ ñarocũ mũre cũa yũ”, yiyijũ Dios Abraham ñayorũre. Ito bajiro Dios ï yija

tuoçōri, ĩ gotiro bajiroti rūcubuooyijũ Abraham. Ito bajiri mani ñicu ñarocu cūyijũ Dios Abrahamre. Sēogũ ñami Dios. Īti ñami godanare catiroca yigũ, ito yicōri jeyaro rujeorũ.

¹⁸ “Mũ janerābatia jājarā ñarā yirāji”, Abrahamre Dios ĩ yiroca, rĩa macũ ñayijũ Abraham maji. “Dios ĩ gotire, rētarō yiroja”, yĩ tuoĩa ñayijũ Abraham, rĩa manibojaguti. ¹⁹ Abraham cien roboricō tujabojaguti, ito yicōri ĩ manojō Sara, buco ñabojarocati, “Rĩa macũja yũ”, yibisijũ Abraham. Bucũgũ rĩa cutiado macũ ñabojaguti, “Ija rĩa cutibicũja yũ”, yĩ tuoĩabisijũ ĩ. “Dios ĩ gotirise riti ña”, yĩ tuoĩa jidicābisijũ Abraham. ²⁰ “Dios ĩ gotirise ñaro bajiroti rētarō yiroja”, yĩ tuoĩayijũ Abraham. “Ī gotiado bajiro yibicũ yiguĩji Dios”, yire gaye tuoĩabisijũ Abraham. Ito bajiri buto busa tuoĩa oca sēocōri, “Ī rotiado bajiroti yigũ yiguĩji Dios”, yĩ tuoĩayijũ ĩ. Ito bajiro tuoĩacōri, “Rētoro masigũ ñami Dios”, yĩ rūcubuooyijũ Abraham, Diore tuorũnũgũ. ²¹ “Dios buto masigũ ĩ ñajare, ĩ goticādo bajiroti yigũ yiguĩji”, yĩ tuoĩasotiyijũ Abraham. ²² Ito bajiro ĩ yija ticōri, “Queno yũre tuorũnũgũ ñami Abraham, ito yicōri queno yigũ ñami ĩ”, yiyijũ Dios. Ito bajiro gotia Dios oca tuti.

²³ Abraham ĩ sīgũre yiarĩ meje ucare ñayija iti. ²⁴ Manire yiarĩ cuni ucare ñayija iti. Diore mani tuorũnũja manire boca āmicōri, “Quenarā ñama ĩna. Ñe seti ma ĩnare”, yigũ yiguĩji Dios. Ī Dioti ñami, mani Uju Jesure, ĩ godaroca mucana tũdi ĩ catiroca yirũ. ²⁵ Mani ñeñaro yirise ñarocōti waja yĩ jeorocu godaĩi Jesús. Ī godaja bero mucana tũdi catiĩi, “Ñe waja ruyuriobeama ĩna. Queno yirā ñama ĩna”, Dios ĩ yitoni.

5

Jesure mani tuorũnũja ñe seti mana ña mani, yire gaye

¹ Jesure mani tuorũnũja, “Īna ñama quenarā. Yũre waja ruyuriobeama ĩna”, yigũ boca āmiguĩji Dios manire. Ñarocōreti quenoyijũ Jesús. Ito bajiri Dios rāca queno ñare gaye ña manire. ² Jesure mani tuorũnũja, manire ti maicōri manire masogũ yiguĩji Dios. Ito bajiri ĩre tuorũnũcōri queno wanũrāji mani. “Rētoro quenagũ ñami Dios. Ī quenaro yirise manire yiarĩ jidicāgũ yiguĩji ĩ”, yĩ wanũ quenarāji mani. ³ Iti gaye riti meje wanũ quenarāji mani. Mani ñeñaro tōbujabojarijũ cuni wanũcōrāji mani. “Ñeñaro yũ tōbujabojaja cuni Jesure masicōri buto busa tuoĩa oca sēogũ yigũja yũ”, yĩ tuoĩa mani. ⁴ Ito bajiro mani bajija ticōri, “Queno yũre tuorũnũrā ñama ĩna”, yigũ yiguĩji Dios. Ito bajiro Dios ĩ yija, “Yũre masogũ yiguĩji”, yĩ tuoĩa yucārāji mani. ⁵ Ito bajiro tuoĩa yucōri, bojori bujare gayere bujamenaji mani. “Dios manire masogũ yiguĩji”, yĩ tuoĩacōa mani. Manire buto maiami Dios. Ito bajiri manire Espiritu Santore queo sãĩi Dios. Espiritu Santo mani rāca ĩ ñatĩñajare, “Yũre maiami Dios”, yĩ tuoĩa mani ĩja.

⁶ Ñeñaro mani yirise mani jidicā masibeto, ito yicōri, “No yĩ masia ma yũre”, mani yĩ tuoĩaroca, itocō Dios āmoro bajiro ejayija, Cristo manire ĩ goda ĩsirijũ. ⁷ Sīgũ queno yigũ ñabojarocati, ĩre goda ĩsigũ queno maquĩji. Sīgũ queno yigũ ĩre goda ĩsigũ ñaguĩji gajea. ⁸ Cristoama mani ñeñaro yirā ñabojarocati, manire goda ĩsiĩi ĩ. Ito bajiri, “Manire buto maiami Dios”, yĩ tuoĩa masia mani. ⁹ Jesús mani ñeñaro yirise waja, ĩ ya rĩna waja yĩ godaĩi. Ito bajiri itire ticōri, “Yũre waja ruyuriobeama ĩna. Ñe seti ma ĩnare ĩja”, yiguĩji Dios manire. “Yũre yiarĩ busigũ yiguĩji Cristo. Ito bajiri, yũre junisinibicũ, ñeñaro yũ tōbujaroca yibicũ yiguĩji Dios”, yĩ tuoĩa masia mani. ¹⁰ Diore mani wajacũ cutibojarocati maji, manire yiarĩ goda ĩsiĩi Cristo. Ito bajiro yiĩi ĩ, Dios rāca mani queno ñatoni. Dios rāca queno mani ñaroca, adocāta Jesús mucana caticōri queno busa manire yigũ yiguĩji. Jeame ĩjũroju mani wabore ñaroca, manire masogũ yiguĩji Jesús. ¹¹ “Jeame ĩjũroju wabore gaye manire masogũ yiguĩji”, yirona buto wanũrāji mani. Ito yicōri, “Yũ ñarā ñama. Ñe seti ma ĩnare”, yigũ yiguĩji Dios. Ito bajiro yiguĩji Dios, mani Uju Jesucristo manire ĩ goda ĩsire ñajare.

Cristo ito yicōri Adán ñayorũ ĩna bajire gaye

¹² Dios ĩ cajero rujeosuro ĩ ñayijũ Adán wame cutigu. ĩ cajero ñeñarise yisuooyijũ. ĩ ñeñaro yisuroajuna, jeyaro macãrucũro gãna ñeñaro yisuooyijarã. Ito yicõri godasuooyijarã ĩna. Mani ñeñarise yirã ñari, goda jedirã yirãji mani jeyaro. ¹³ Dios ĩ rotirise, Moisésre ĩ jidicãroto riojua, masa ñeñarise yicãnajũ ñayijarã ĩja. Ñeñaro ĩna yibojarocati, Dios ĩ rotirise manijare maji, “Yũ rotirisere tuorũnubeama ĩna”, yibisijũ Dios maji. ¹⁴ Dios ĩ rotirise manijare, ñeñaro yiyijarã masa. Adán ĩ ñaratũajũ, ito yicõri Moisés ĩ ñarajũju cuni, ito bajiroti bajicõyijũ. Ito bajiri goda jedicoayijarã ĩna ñarocõti. ĩna ñeñaro yire, Adán ĩ Diore cãdibitire gaye bajiro meje yiyijarã ĩna. Adãnti ñayijũ cajero ñeñarise yire gayere mũocõari masũ. Mani ĩ bero gãna jeyaro ñeñaro yirã riti ña. Manire ticõri, “Ñeñaro yirã riti ñama”, yiguĩji Dios. Ito bajibojarocati Adán ĩ ñaja bero yoari sũgũ ĩ robo bajiro bajigũ meje quenarise riti yigũ ñayijũ. ĩ ñayijũ Jesucristo. ĩ ñayijũ cajero Dios rotirise cudi jeogũ. Mani ñeñaro yirise waja ĩ waja yi ĩsirena suoriti, “Yũre waja ruyuriobeama. Ñe seti ma ĩnare ĩja”, yi tisuooyijũ Dios manire.

¹⁵ Adán ñeñaro ĩ yigore, ito yicõri Dios manire queno ĩ yigore rãca babo masia ma. Masare Dios ĩ ti mairise, iti ña bũto busa quenarise. Adán sũgũ ñabojaguti ñeñaro ĩ yirajuna suoriti masa jãjarã godayijarã. Dioama manire ti maicõri, Jesucristore cõañi manire ĩ goda ĩsitoni. Jesús sũgũ ñabojaguti jãjarãre jeamejũ uaboanare masoyijũ ĩ. Ito yicõri Jesús ĩ sũgũti manire ti maicõri, waja senibicũ yiguĩji ĩ. ĩama mani catitĩñaroca yigũ yiguĩji. ¹⁶ Dios manire ĩ queno yigore ito yicõri Adán ĩ ñeñaro yigore rãca babo masia ma. Adán sũgũ ĩ ñabojarocati ñeñaro ĩ yisuroe ticõri, “Masa jeyaro ñeñaro ĩna yirise waja tõbjarã yirãji ĩna”, yiyijũ Dios. Ito bajibojarocati, masare ti maicõri, Jesure cõañi Dios, masare ĩ goda ĩsitoni. Ito bajiri ĩre mani tuorũnũja, ñeñaro mani yirisere ãcabojogũ yiguĩji Dios. Ito bajiri ñeñaro yirã mani ñabojarocati, “Queno yirã ñama. Ñe seti ma ĩnare”, yigũ yiguĩji Dios. ¹⁷ Adán sũgũ ñabojaguti, ĩ ñeñaro yijare, masa jeyaro godarã yirãji. Ito bajibojarocati Jesús manire ĩ goda ĩsirena suoriti mani ñeñaro yirisere ãcabojogũ yiguĩji Dios. Ito yicõri manire ti maicõri, “Quenarã ñama ĩna. Ũmacũjũ yũ Macũ Jesucristo rãca catitĩñarã yirãji ĩna”, yigũ yiguĩji Dios.

¹⁸ Adán sũgũ ñabojaguti, ñeñaro ĩ yijare masa jeyaro ĩna tõbjaroca yigũ yiguĩji Dios. Ito bajibojarocati Jesús sũgũ ñabojaguti queno ĩ yijare, “Ñeñaro yũ yirisere itire ãcabojoya Dios mũ”, yi masirãji masa jeyaro. Ito bajiro ĩna yi rũcũbũoja tuocõri, “Quena ñama. Catitĩnarã yirãji”, yigũ yiguĩji Dios. ¹⁹ Dios ĩ rotiro bajiro cãdibisijũ Adán. Adán sũgũ ñabojaguti, ito bajiro ĩ yija, jãjarã masa ñeñaro yisuooyijarã ĩja. Ito bajibojarocati, Jesuama ñaro bajiroti cãdiyijũ Diore. Ito bajiro ĩ yija jãjarã masa ñeñaro ĩna yirise Dios ĩ cõa ĩsigoana ñama ĩja. Ito bajiri, “Queno yirã ñama”, yicõri ĩnare boca ãmigũ yiguĩji Dios.

²⁰ Dios ĩ rotirise jidicãñi Moisésre, “Ñeñaro yirã ña gũ”, mani yi tuoĩa jeditoni. Ñeñaro mani yibojarocati, “Dioama bũto busa manire ti maiguĩji”, yi tuoĩa mani ĩja. ²¹ Mani ñarocõreti ñeñaro mani yirise waja seti ña. Ito bajiri ñarocõti godarã yirãji mani ĩja. Ito bajibojarocati Dioama manire ti maiguĩji. Dios manire ti maicõri, Jesucristo mani Ũjũre cõañi, ñeñarise jeyaro ĩ quenotoni. Ito bajiri Dios manire ti maicõri, “Queno yirã ñama ĩna”, yicõri, manire boca ãmigũ yiguĩji. Ito bajiri catitĩñarã yirãji mani ĩja.

6

Ñeñarise jidicãna ñari Cristona suoriti catitĩnarã yirãji mani, yire gaye

¹ Itire masicõri, ¿ñere yirũja, yi tuoĩati mua adocãta? ¿Ñeñaro yirejuare yitĩnarũjati manire, Dios ĩ mairise bũto busa manire ĩ ĩotoni? ² Ñena suoriti yimenaji mani. Ñeñarise jidicãgoana ña mani. Ito bajiri mani Cristo ñarã ñabojarãti, ¿ñeñarise yi uyarãjida mani? Meje ñeñarise yi uymenaji mani. ³ ¿Idé gure gayere tuo masiati mua? Idé gu roticũ mani, “Cristo ñarã ñama”, gãjerã ĩna yi ti masitoni. Riti ĩ ñarã ña mani ĩja. Ito bajiri Cristo ĩ godacãre ñajare, ĩ robo bajiroti godacãna ña mani cuni. ⁴ Mani idé gucatijũ, Cristo rãca yuje cũado bajiro bajicũ mani. Cristo ĩ godaja bero mũcana tũdi ĩ catiroca yiyijũ mani

Jacu Dios ĩ masirisena. Mani ñeñaro yirise jidicãtoni ito bajiro yiyiju Dios. Ito yicõri quenarise mani yitoni, ĩ masirisena manire ejabuagu yiguĩji Dios.

⁵ Cristo ñarã mani ñaja, ĩ godaraju ĩ robo bajiro godana ña mani cuni. Ito yicõri ĩ ñarã mani ñaja, mucana tũdi ĩ catiado bajiroti, mani cuni tũdi caticõri ĩ rãca catitĩñarã yirãji. ⁶ Cristo yucutẽojũ ĩ godado bajiroti, mani ñeñaro yi amorise godayija. Ito bajiro ñeñaro yi amorã meje ña mani ĩja. Ñeñaro mani yi amorisere jidicã masia mani. Ito bajiro ñeñarise yi uyamenaji mani ĩja. ⁷ Masa godarã, ñeñaro ĩna yibeto bajiro mani cuni ñeñaro yi uyamenaji. ⁸ Ñeñarise jidicãgoana mani ñaja, Cristo rãca godacãna robo bajiro baja mani. Ito bajiro, “ĩ tũdi catiado bajiroti, mani cuni tũdi catirã yirãji”, ya mani. ⁹ “Godabojaguti mucana tũdi ĩ catiroca yiyiju Dios Cristore. Mucana tũdi juaji godabiquĩji Cristo”, yi tuoĩa mani. Mucana tũdi juaji godare manoja ĩre. ¹⁰ Cristo cojiti godaĩni, mani ñeñaro yirisere cõagũ. Mucana tũdi caticõri, Dios ĩ amorõ bajiro yi ñagũ ñami ĩ ĩja. ¹¹ Ito bajiro tuoĩaruja manire cuni. “Yũ ñeñaro yirisere jidicãcõri tũdi itire yi uyabicuja yũ mucana. Cristo yagu ñacõri, Dios ĩ amorõ bajiro yi ñagũ yiguja yũ”, yiruja manire.

¹² Ñatĩñaroti meje ña mani ya ruju. Ito bajiro mua ya ruju ñeñaro iti tuoĩaro bajiroti ñeñaro yi uyabesa. Buto ñeñarise yiroto amobojarocati ñemecutiruja manire. ¹³ Mua ya ruju ñeñaro iti tuoĩaro bajiroti ñeñaro yibitiruja muare. Mua ña, jeame ujuroju mua wabore ñaroca Jesús ĩ masogoana. Ito bajiro Dios ĩ amorõ bajiro riti mua ya rujuña quenarise riti mua yitĩñaja quena. ¹⁴ ĩre cudirã mani ñaja, ñeñarise yire gaye amobeto yiroja manire. “Dios ĩ rotirisere yũ cudibeja, jeameju yũre cõagũ yiguĩji”, yi tuoĩa güirã meje ña mani. “Jesure yũ tuorũnũja, yũre ti maicõri, yũre masogũ yiguĩji Dios”, yi tuoĩa wanũrã ña mani.

Ñeñarise riti mani yi uyaja mani Uju robo bajirise ña, yire gaye

¹⁵ “Dios ĩ rotirisere yũ cudibeja, jeame ujuroju yũre cõagũ yiguĩji ĩ”, yi tuoĩa güicõri, ñeñarise yibitiruja manire. “Yũre ti maicõri, yũre masogũ yiguĩji Dios”, yi tuoĩarã ñari, Dios ĩ amorõ bajiro riti cudiruja manire. ¹⁶ Gãjire mua tuorũnũja, ĩ ñaguĩji mua ujũ. Ito yicõri ĩre moa ĩsiri masa ñarãji mua. Ito bajiro ñeñarise riti mua yi uyaja, mua ujũ robo bajiro tujaroja ñeñarise ĩja. Ito bajiro ñeñarise mua yija, ñeñarisere jidicã masimenaji mua. Ito bajiro mua yija, jeame ujuroju warã yirãji mua. Ito bajirojarocati, Diore mua tuorũnũja, “Queno yirã ñama. Seti ma ĩnare”, yigũ yiguĩji Dios. Itire masirãji mua. ¹⁷ Iti rũmũju, ñeñarise mua yija, mua ujũ robo bajiro bajiyija ñeñarise. Ito bajiro ñeñarise yi uyayija mua maji. Adocãtama Dios ocare riasoticõri itire cudia mua. Ito bajiro ĩre rũcũbuorã ña mua ĩja. Iti masicõri, “Queno ya Dios mũ”, ya yũ ĩre. ¹⁸ Ñeñaro yire gaye cudirã meje ña mua ĩja. Diore cudirã ñari quenarise riti yi amorã ña mua ĩja. ¹⁹ Queno cõĩa gotire rãca muare goticũ yũ, queno mua tuo masitoni. Iti rũmũju buto ñeñarise yirã ñayija mua maji. Adocãtama quenarise riti mua yi ñaja quena. Quenarise riti mua yija, Dios ĩ amorise yirã yirãji mua.

²⁰ Iti rũmũju ñeñarise riti yirã ñari quenarisere yibisija mua maji. Dios ĩ amorõ bajiro yirã meje ñayija mua maji. ²¹ Itijũju, ñeñarise mua yirajũju, ¿ñeoni quenarise bujacati mua? Bujabisija mua. Adocãta, iti rũmũju ñeñarise mua yigore, mua tuoĩaja, bojoriseti baja ĩja. No ñeñarise riti yirã, ĩna godaja bero jeame ujuroju warã yirãji ĩna. ²² Mua adocãta ñeñarisere cudirã meje ña mua ĩja. Ñeñarise jidicãcõri Diore cudirã ña mua ĩja. Dios ĩ amorõ bajiro riti ĩre cudirã ñari, buto busa ĩre cudi amorã yirãji mua. Ito bajiro mani yija, ĩ rãca riti ñatĩñarã yirãji mani. ²³ Mani ñeñaro yirise waja, waja yirã bajiro godarã yirãji mani. Ito bajiro seti cutirã ñari Dios tũ queno eja masimenaji mani. Jesucristo mani Ujũre mani tuorũnũjama, ñe waja manoti catitĩñare gaye ĩsigũ yiguĩji Dios manire.

7

Romio manũju cutigo, iso manũju rãca riti ñaja quena, yire gaye

¹ Yũ ñarã, mua ña rotire gaye masirã. Mani catirocõ rotire gaye cudirãona ña mani. Mani godaja berojuama, no yicõri itire cudi masia manoja manire. ² Rotire gaye ado

robojua gotia manire: Romio manujū cūtigo, iso manujū rāca riti ñaja quena, ĩ catirocō. Iso manujū godaja bero, rotire gaye cūdibeco meje yamo iso, gājire iso manujū cūtija. ³ Iso manujū ĩ catibojarocati, gāji rāca iso ñaja, manujū cūtibojagoti ajeri maso ñamo isoōcō. Ito bajibojarocati iso manujū godaja bero gāji rāca iso manujū cūtija, Dios rotirise cūdibeco meje yamo iso. Ito bajiro yigo manujū godagoro ñari ajegoōcō meje ñamo iso.

⁴ Ito bajiroti yū ñarā Cristo ñarā ña mani ĩja. Iti rāmū Cristo ĩ godaroto riojua mani ujū robo bajirise ñayijū rotire gaye maji. Adocātama Jesucristo manire ĩ goda ĩsirajūna suoriti mani ujū robo bajirise meje ña ĩja. Cristo ĩjua ñami mani Ūjū ñasagu. Ito yicōri ĩ ñarā ña mani. Cristo ĩ godaja bero ĩ tūdi catiroca yīñi Dios. Ito bajiro yīñi Dios ĩre mani queno moa ĩsi masitoni. ⁵ Jesure mani masiroto riojūajū, mani āmoriseti yicū mani maji. Dios ĩ rotirise masibojarāti itire cūdi āmobicicū mani. Ito bajiri mani ya rujū ñeñaro iti tūoīaro bajiroti ñeñaro yicū mani maji. Dios ĩ rotirisere cūdimena ñari, būto būsa ñeñarise yicū mani. Ito bajiri jeame ūjūroju warona ñacū mani maji. ⁶ Adocātama, “Dios ĩ rotirisere yū cūdibeja, jeamejū yūre cōagū yiguīji ĩ”, yī tūoīa gūirā meje ña mani. Cristore būto tūorūnua mani adocāta. “Cristore yū tūorūnūja yūre masogū yiguīji Dios”, yī tūoīarā ña mani ĩja. Espiritu Santo mani ya ūsijū ñagū, ñeñarise yire jidicāroca yami. Ito yicōri, quenarisejua wasoaro ca yami ĩ.

Manireti ña ñeñarise, yire gaye

⁷ Dios ĩ rotirise, ¿no bajiro yirā yati mani? “ĩ rotirise ñeñarise ña”, ¿yirūjati mani? Meje yibitirūja manire. Dios ĩ rotirise manire gotia, “Iti ña ñeñaro yire gaye”, mani yī masitoni. Dios rotirise iti manija, “Iti ña ñeñaro yire gaye”, yī masibitiboana mani. Adi gaye tūoīate mūa: “Gāji ya gajeonireti ūobesa”, yī gotia Dios rotirise. Ito bajiro ĩ yibeja, “Gāji ya gajeoni āmotire ñeñarise ñaroja”, yī masibitiborūja yū. ⁸ Ito bajiri iti rotirise masicōri, ñeñaro yigū ñari būto būsa gāji ya gajeoni āmoticū yū. Iti rotire masibiticōri būto gāji ya gajeoni āmotibiticū yū maji. ⁹ Dios ĩ rotirise yū masiroto riojua maji, “Būto queno yigū ña yū”, yī tūoīabojacū yū maji. Dios ĩ rotirisere masigū ñabojaguti, būto būsa ñeñarise yī āmocū yū maji. “Ñeñaro yigū ña yū. Ito bajiri jeame ūjūroju wacū yigūja yū”, yī masibojacū yū, yī masirea. Ito bajiri būto bojori būja ñacū yū. ¹⁰ ĩ rotirise cūñi Dios, masa ĩna queno ñatoni. Yūama Dios ĩ rotirise masicōri, būto bojori būja ñacū. Ñeñarise yicōri, “Jeame ūjūroju wacū yigūja yū”, yī tūoīacū yū. ¹¹ Yū ñeñaro yirise tūoīacōri, būto ñeñaro yī āmocū yū. Yū ñeñaro tūoīarise yūre ūooyija. Dios ĩ rotirisere cūdi āmobicicū yū. Iti rotirise masicōri, “Jeame ūjūroju wacū yigūja yū”, yī masibojacū yū. Ito bajiri būto bojori būja ñacū yū.

¹² Iti rāmū maji ito bajiro tūoīabojacū yū. Adi rāmūri ado bajiro ya yū ĩja. Jeyaro Dios ĩ gotirise quenarise ña. Ito bajiri Dios ĩ rotirise riojo gotirise ñaroja, ito yicōri quenarise. ¹³ Adi rotirise quenarise ñabojaroti, ¿mani jeame ūjūroju waroca yirojada? Meje ito bajiro meje bajia. Mani ñeñaro yire, mani jeame ūjūroju waroca yiroja. Dios ĩ rotirise mani masija bero, ñeñaro mani yirise, “Ñeñaro ya yū”, yī tūoīa mani. Ñeñaro yire masicōri, “Jeame ūjūroju wacū yigūja yū, ñeñaro yigū ñari”, yī tūoīa masia mani. Ito yija Dios rotirise masibojarāti, itire mani cūdibeja, iti ña būto būsa ñeñarise.

¹⁴ Mani masia, Espiritu Santona suoriti ĩ rotirise cūñi Dios Moisés ñayorūre. Manire Espiritu Santo ĩ ejabūabeja, Dios ĩ rotirisere cūdi masimenaji mani. Yū masia, ñeñaro yigū ña yū. Ito bajiri ñeñaro yitīña yū. ¹⁵ ¿No yija, ito bajiro yigūja yayua yū? Masibea yū itire. Queno yū yī āmobarise gaye yibea yū. Ñeñaro yū yī āmobicibojarejūare itijūare ya yū. Masibea yū. ¿No yija itire yigūja yayua yū? ¹⁶ Ito yija ñeñaro yī āmobicibojaguti, ñeñaro ya yū. Ito bajiro yū yija, “Dios ĩ rotirise quenarise ña”, yī tūoīa yū. ¹⁷ Ito bajiri adocāta, ñeñaro yū yirise yūmasi meje ya. Ñeñaro tūoīare yūre ñacōri, iti ña ñeñaro yiroca yūre yirise. ¹⁸ Yū masia, yū tūoīarise quenarise ma yūre. Quenarise yū yī āmobarocati, quenarise yire ma yūre. ¹⁹ Quenaro yū yī āmorisere, itire yibea yū. Ito bajibojarocati ñeñarise riti ya yū, yū āmobicire. ²⁰ Ito yija ñeñaro yū yī āmobicire yū yija, yūmasi meje ya. Ñeñaro yire gaye yūre ñacōri iti ña ñeñaro yiroca yūre yirise.

²¹ Ito bajiro riti bajisotia yure. Quenarise yu yi amobojaja, no masia ma yure, ñeñarise yureju ñacōri. ²² Yu ya usinama rujeguti Diore cudi amoboja yu. ²³ “Queno yu yi amoja, ñeñarise yure ñacōri, queno canamuobea iti”, yi tuoia yu. Yu ya usinama Diore cudi amoboja yu. Ito bajibojarocati yu ya rujuti ñeñaro ya yure. Ito bajiri ñeñarise jidicã masibebea yu.

²⁴ Bujatoguti bajicōa yu. Yu ya rujuna ñeñaro yu yirise waja jeame ujuroju wacu yiguja yu. ¿Ñimujua yure masogũ yiguñjida? ²⁵ Ado robojua baja. Mani Uju Jesucristo yure masocãñi. Yure yari Jesucristore cōañi Dios. Ito bajiri, “Queno ya mu”, ya yu ire. Yu ya usi ñarocōnati ruje Diore cudi amoja yu. Ito bajibojarocati ñeñaro tuoiare yure ñacōri, iti ña ñeñaro yiroca yure yirise. Queno yiñi Dios. Ñeñaro yu yibitoni Jesucristore cōañi i.

8

Espíritu Santore mani cudiya Dios ñarã ñarã yirãji mani, yire gaye

¹ Cristo ñarã mani ñaja, ito yicōri i rãca sigũre bajiro mani usi cutija, manire waja senibicu yiguñji Dios. Cristo ñarã ñari mani ya rujũ ñeñaro iti tuoiaro bajiroti yi amomenaji. Ito yicōri Espiritu Santo i rotiro bajirojua yisotirãji mani. ² Mani ñeñaro yirise ñaroja mani godaroca yirise. Ito bajibojarocati Jesucristore mani tuorũnaja, Espiritu Santo mani catitĩñaroca yigu yiguñji. Cristo yagu yu ñajare, Espiritu Santo yure ejabuagu yiguñji, ñeñaro yu yibitoni. Ito yicōri jeame ujuroju yu wabore ñaroca yure masocãñi. ³ Dios rotirise ñarocōti cudi jeo masia ma manire. Ito bajiri, “Dios i rotiriserer yu cudire waja, yure masogũ yiguñji”, yi masibebea mani. Ado bajirojua baja. Dios i Macugorore adi macarucuroju cōañi. Mani ñeñaro yiri rujũ bajiro rujũ cutiñi. Mani robo rujũ cutibojaguti ñeñarise yibisi i. I ya rujuna ñeñaro yiñabicu ñari, mani ñeñaro yirisere ñarocōti waja yi jeoñi i. Ito bajiri, “I ejabuarisena, ñeñaro yibicuja yu”, yi masirãji mani. ⁴ Ito bajiro manire goda isiñi i, Dios rotirise bajiro quenarise mani yitoni. Adocãta ñeñaro mani tuoiarise rãca ñamenaji mani. Espiritu Santo i amoro bajiro yirãji mani.

⁵ Ñeñaro tuoiacōri ina ñeñaro yirotire tuoiasotirã yirãji ina. Espiritu Santo i amoro bajiro yirãma, i amoro bajiro riti yirona tuoiasotirã yirãji ina. ⁶ Ina ya rujũ ñeñaro iti tuoiaro bajiroti tuoiasotirã, ina godaja bero jeame ujuroju warã yirãji inaõna. Ito bajibojarocati, “Espiritu Santo i amoro bajiro yicuja yu”, yirã, catitĩñarã yirãji. Ito yicōri ina ya usiju queno wanu quenarise rãca ñarã yirãji ina. ⁷ Ñeñaro yire tuoiarã, Diore tuo terãji ina. Dios rotirise cudi amomenaji ina. Ito yicōri, no masia manojã ñare. ⁸ Ito bajiri, “Yu ñeñaro yirise riti yi wanu ñacuja yu”, yirã, Dios i amoro bajiro yi masimenaji inaõna.

⁹ Mani ya usiju Espiritu Santo i ñaja, i amoro bajiroti yirã yirãji mani. Ito yicōri mani ñeñaro tuoiarise bajiro meje yirãji mani. Espiritu Santo i ya usiju ñabeja Cristo yagu meje ñami iocũ. ¹⁰ Riti ña, mani ñeñaro yiri rujũ godaro yiroja. Ito bajibojarocati Cristo mani ya usiju i ñaja, catitĩñarã yirãji mani. “Quena ñama ina. Ñe seti ma ñare”, yi boca amigũ yiguñji Dios manire. Ito bajiri catitĩñarã yirãji mani. ¹¹ Espiritu Santona suoriti Cristo godarure mucana tũdi i catiroca yiñi Dios. Mucana iti ñami mani ya rujũ godarotire mucana tũdi catiroca yiroca. Ito bajiro yigu yiguñji i manire. Espiritu Santo mani ya usiju i ñaja, catitĩñare gaye isigũ yiguñji i manire.

¹² Ito bajiri yu ñarã, juaji ñeñaro yi uyabituja manire, iti ramu mani yicato bajiro. Espiritu Santo i amoro bajirojua yirãji mani. ¹³ Ñeñaro mani tuoiarise mani yija, godarã jeame ujuroju warã yirãji mani. Ito bajibojarocati Espiritu Santona suoriti mani ñeñaro yirise mani jidicãja, catitĩñarã yirãji mani.

¹⁴ No Espiritu Santo i rotiro bajiro yirã, Dios rã ñama ina. ¹⁵ Ado robojua baja. Espiritu Santo manire queo sãñi Dios. Ito bajiri moari masa ina ujure guirã bajiro meje ña mani. Adocãta Dios rã ñe queno cudirã ña mani. Ito bajiri, “Yu Jacu, Cuna”, ya mani Diore. ¹⁶ Espiritu Santo mani masiroca yami, “Dios rã ña mani”, mani yitoni. ¹⁷ I riati ñacōri, quenarise i goticãre boca amirã yirãji mani. Cristo rãca boca amirã yirãji mani, Dios i goticãre gaye. Cristo robo mani tũbujaja, i rãcati mani wanu quenaroca yigu yiguñji Dios manire.

Ija mani boca āmiroti wanu quenare ñaro yiroja, yire gaye

¹⁸ Adi rumuri ñeñaro mani tōbujaja, “¿No yicōri bujato tōbujati yu?” yi tuoïare ma. “Ñeñaro mani tōbujagore rētoro ñasarise ña ija ūmacūju mani wanu quenaroti gaye”, yi tuoïa yu. ¹⁹ Co rumu Dios ado bajiro yigu yiguīji: “Āna ñama yu rīa yure queno cūdirā”, yigu yiguīji Dios. Ī rujeore ñarocōti buto bocatia, ĩ ito bajiro yirogire. ²⁰ Dios cajero gaye, ĩ rujeore gaye bajiro meje baja adi rumuri. Adi rumuri jeyaro jogarise riti ña. Ito bajiro rētarotire cūsuoyijū Dios, Adán ĩ ñeñaro yirajūna suori. Ito bajiro riti bajitiña yibetoja. ²¹ Co rumu Dios ĩ rujeore ñarocōti quenogū yiguīji ĩ mucana. Ito bajiri ĩ rīa ñari mucana tūdi juaji ñeñaro yimenaji mani. Adi rumuri jeyaro jogarise riti ña. Ija ĩ wasoari rumu mucana tūdi juaji jogabetoja iti. ²² Mani masia, adocāta Dios ĩ rujeore ñarocōti ñeñaro tōbujaja iti. Romio iso macu cūtiro robo bajiro ñeñaro tōbujaja iti jeyaro. ²³ Mani cūni Jesure masirā, ñeñarise tōbujaja. Ito bajiri Espiritu Santo Dios manire queo sāre ñajare, “Ito bero juaji ñeñarise tōbujaja yibicūja ĩja yu”, yi tuoïa mani. Ito bajiri Dios mama ruju manire ĩ ĩsiroti rujure, yurā yirāji mani. Iti ruju jogabeto yiroja, ito yicōri ñeñarise tōbujabeto yiroja. Ito bajiro ĩ yiri rumu, “Āna ñama yu rīa”, yigu yiguīji. ²⁴ Cristore mani tuorūnūrajūna suoriti, manire masoñi Dios. Mani tuoïa yurise rētagore meje ña. Rētare gaye tuoïa yu masimenaji mani. Rētabiti gayereama tuoïa yurā yirāji mani. ²⁵ Rētabiti gayere tuoïa yurā, “Ito bajiro rētarō yiroja”, yi tuoïa yucōri, ñe usirioari meje, bocatirāji mani. Ito yicōri, ñe usirioro meje mani bocatiroca ya iti.

²⁶ Ito bajiroti Espiritu Santo manire ejabuami, mani queno masimena ñajare. Diore queno seni rucubuo masibea mani. Ito bajiri Espiritu Santo manire yari josa ĩsiguīji Diore. “Diore yu seni amobojarise queno goti masibea yu”, yi mani tuoïarise masicōri, manire yari busi ĩsigū yiguīji ĩ Diore. ²⁷ Mani tuoïarise tuo masi jeogu ñari, Espiritu Santo gotirisere tuo masi jeogu yiguīji Dios. Dios amoro bajiroti seni masicōri manire yari Diore senigū yiguīji Espiritu Santo. Ito bajiri Dios sigū tuo masire gaye busi masigū ñari manire yari queno Diore busigu yiguīji Espiritu Santo.

Cristore tuorūnūrā ñari ñeñarisere rētocūrāji mani, yire gaye

²⁸ Riti Diore mani maija, “Ī amoro bajiro yu yisotitoni yure beseñi Dios”, yi tuoïa masia mani. “Jeyaro yure rētarise quenarise ña. Quenarise riti yure rētaroca yigu ñami Dios”, yi tuoïa masia mani. ²⁹ Cajerojuti mani ĩre tuorūnūronare masiñi Dios. Manire beseñi ĩ, ĩ Macu Jesucristo robo mani bajitoni. Ito bajiroti Dios rīa ñarā, mani rījorū ñami Jesús. ³⁰ Cajerojuti ĩ rīa ñaronare manire beseñi Dios. Manire besecōri, “Queno yirā ñama ĩna. Ñe seti ma ĩnare”, yi boca āmiñi Dios. Manire boca āmicōri, ĩ Macure ĩ yiado bajiro ñasarā mani ñaroca yigu yiguīji Dios manire.

³¹ Iti oca quenarisere tuocōri, ¿no bajiro yirāti mani? Ado bajiro yirūja manire: “Dios manire ejabuagu yiguīji, ito yicōri manire jidicābicu yiguīji. Ito bajiri no yibea gājerā manire ĩna ti teja”, yirūja manire. ³² ĩ Macure maibojaguti, manire yari goda ĩsi rotiñi Dios. Ito bajiri, “Riti ña. Ñe ruyabeto, jeyaro quenarise manire yi ĩsigū yiguīji Dios”, yi tuoïa masia mani. ³³ Dios manire boca āmi wacu, “Quenarā ñama ĩna. Ñe seti ma ĩnare”, yini Dios. Ito bajiro ĩ yija, noajūa gājerā, “Seti ña ĩnare”, yi masimenaji. ³⁴ Nijūa mami, “Īna ñeñaro yirise waja, waja ruyurioama ĩna”, yigu. Mani ñeñaro yirise waja, waja yi jeoñi Jesús. Ito bajiri, “Īnare seti ña”, yibiquīji Jesús. Mucana caticōri, Dios ya riojocadūja rucubūoraju ñaguīji ĩ. Ito yicōri manire yari Diore busi ĩsiguīji ĩ. ³⁵ Manire buto maiguīji Cristo. Ito bajiri ñimūjūa manire ĩ mairise jidicāroca yi masibiquīji. Mani yija, ñeñaro tōbujarā yirāji gajea. Mani yija, guirā yirāji gajea. Īna yija, gājerā manire usirioro yi coderā yirāji gajea. Mani yija, ñiojogarā yirāji gajea. Iti yija, sāñare ruyaro yiroja gajea, manire. Mani yija, guijoroju warā yirāji gajea. Īna yija, gājerā manire sīarā yirāji gajea. Iti jeyaro manire rētabojarocati manire jidicābicu yiguīji Jesús. Manire mai jidicābicu yiguīji. ³⁶ Ado bajiro gotiyijū Dios oca goti ĩsiri masu, ĩ oca tuti uca wacu: Mu ñarā gua ñajare, co rumu ruyabeto guare gājerā sīa āmoama. Ovejare ĩna sīarocu bajiro guare yama, yiyijū Dios oca goti ĩsiri masu.

³⁷ Ñeñaro gua tōbujabojarocati, guare rētocūmena yirāji gājerā. Cristo manire maigū ĩ ejabuaja, jeyaro manire rētarise ñemecuti sēorā yirāji mani. Cristore tuorūncōri buto busa tuoīa oca sēorā yirāji mani. ³⁸ Disejua Dios manire ĩ mairise jidicāroca yibetoja. “Riti ñaroja iti”, yi tuoīa yu itire. Disejua mani catibojaja, mani godabojaja cūni, Dios ĩ mairise manire camotabetoja. Dios ñaro gāna cūni, rūmūa cūni, ũmua ñasari masa cūni, Dios manire ĩ mairise jidicāroca yi masimenaji. Adocāta rētarise, ĩa rētaroti cūni, Dios ĩ mairise camotaroca yibetoja manire. ³⁹ Mani jubeju ñabojaja cūni, ũmacūju mani ñabojaja cūni, no mani ñaroti Dios ĩ manire mairise jidicāroca yibetoja. Disejua Dios ĩ rujeore manire ĩ mairise camota masibetoja. “Cristo mani Ũju manire ĩ yi ĩsirajuna suoriti buto maiami Dios manire”, yi tuoīa mani.

9

Israel sita gānare Dios ĩ besere gaye

¹ Yu gotirise riti ña. Cristore tuorūnugū ñari ĩ yagu ña yu. Ito bajiri socabea yu. “Espíritu Santo ĩ ejabuarisena riojo oca gotia yu”, yi tuoīa yu. ² “Jesucristore tuorūnu āmobeama yu ñarā”, yi tuoīacōri buto bojori buja yu. ³ Ñnare maigū, jeame ũjuroju ĩna ware āmobeama yu. Ñnare jeame ũjuroju Dios ĩ cōame yirocu, yujure ĩ cōa āmojama camotabitiboguja yu. ⁴ ĩna ñama yu ñarā, Israel ñayoru janerābatia. Jane mejeju ĩnare besebojayiju Dios ñarā ĩna ñatoni. ĩ masirise, ĩoyiju Dios ĩnare. Ito yicōri ĩ rotirise cūni ĩnare gotibojayiju ĩ. “Ado bajiro yicōri yure mua rūcubure āmoa yu”, yiyiju Dios yu ñarā ñasuoanare. “Queno mure yigu yiguja yu”, yari goti yucāyiju Dios yu ñarāre. ⁵ Yu ñarā bucārā ñasuoana janerābatia ñama ĩna. Cristo cūni yu ya butu gagati rujeañi. Cristoti ñami Dios, masa ñarocōreti rotigu. Coji ruyabeto ĩre rūcubotīñaraja manire. Ito bajiro riti bajitīñajaro.

⁶ Yu ñarā, judio masare, Dios oca quenarise ĩ gotibojarocati coriarāti ñama ĩre bajiro tuoīarā. “Judio masare Dios ĩ goticādo bajiroti yibeami”, yi tuoīabitiraja manire. Judio masa rujeabojarāti jeyaro Dios ñarā meje ñarāji ĩna. ⁷ Abraham janerābatia, ĩna ñarocōti, ĩ janerābatia goro meje ñama, Dios ĩ tija. Ado bajiro Abrahamre gotiñi Dios: “Mu macu Isaac ĩ rīa ĩna ñarā yirāji mu janerābatia goro”, yiyiju Dios Abraham ñayore. ⁸ Iti oca tuocōri, “Abraham janerābatia riti rujeārā, Dios rīa ñama ĩna, yireoni meje ña iti”, yi tuoīa mani. Ado bajirojua baja: Dios ĩ goti cūrise tuorūnūrā, ĩna ñama mūcana tūdi rujeana, ito yicōri Dios rīa. Ito bajicōri Abraham janerābatia goro bajiro bajiamā ĩna ĩja. ⁹ Ado bajiro goti yucāyiju Dios Abrahamre: “Ījaca rodo adocō tujarocati wadigu yiguja yu. Ito yicōri mu manojo Sara wame cutigo macu rucogo yigōji iso”, yiyiju Dios Abrahamre.

¹⁰ Adiacā riti meje ña. Ado bajiro baja gaje. ĩna macu Isaac jai tujacōri, Rebeca rāca manojo cutiyiju ĩ. Rīa sūrūayijo iso. Ito bajibojarocati jacuama sīgūti ñayiju. ¹¹⁻¹³ Iso rucoroto riojua, ado bajiro gotiyiju Dios isore: “Mu macu ñasuoju ĩ ocabajire moa ĩsiri masu ñagū yiguji ĩ”, yiyiju Dios, Rebecare gotigu. Jane mejeju ito bajiroti gotiyiju Dios ĩ oca tutina. Ado bajiro bajiyiju: “Esaú rēto busaro maia yu Jacobre”, yiyiju Dios ĩ ocana ĩna jūarā rujearoto riojua. Quenarise, ñeñarise cūni ĩna yibetoju, gotiyiju Dios itire maji. Ito bajiri, “Dios ĩ tuoīaro bajiro beseami masare. ĩna yigorena suori meje beseguji Dios. ĩ amor bajiroti beseguji”, yi tuoīa mani.

¹⁴ “Gājerāre bese, gājerāre besebiti ĩ yija, ñeñaro yami Dios”, yi tuoīabojama coriarā. Ito bajirojua meje baja. ¹⁵ Dios sīgūti bese masiguji ĩ. Ito bajiri ado bajiro yiyiju Dios, Moisés ñayore: “Yu amorārecōti ĩnare ti maigū yiguja yu”, yiyiju Dios Moisés ñayore. ¹⁶ Dios queno yami masare. ĩ ti mairo roboti yami. Masa ĩna queno yire āmoja meje, ito yicōri buto ĩna moaja meje, ĩ ti mairo bajiro queno yami Dios masare. ¹⁷ Ucara tutina ado bajiro yiyiju Dios Egipto gagu ujure: “Ũju mure cūcu yu, muna suoriti yu masirise masare ĩorocu. Ito bajiro yicu yu masa jeyaro yu gayere ĩna tuo jeditoni”, yiyiju Dios, Egipto gagu ujure. ¹⁸ Iti tuocōri, “ĩ ti mairāre riti ti maiguji Dios. Ito yicōri, ‘Yure

cudibicure ñre cudibitiroca yigu yigujá yu', yicōri, ñ ãmoro bajiro yigu yiguñji Dios", yi tuoña mani.

¹⁹ Ito bajiro bajija tuocōri, "¿No yija, 'Muare seti ña', yigu yiguñjida Dios manire?" yirāji mua coriarā. " 'Dios ñ ãmoro bajiro yibicuja yu', yi masigū mami", yirāji mua. Ito bajiro yure mua busija, ado bajiro muare cudicuja yu: ²⁰ Ito bajiro busibitiruja muare. "Dios ñ yire quenabea", yiado ma muare. Riri sotu, "¿No yija yure ito bajiro yure meniri mu?" yibetoja iti sotu menirore. ²¹ Riri sotu meniri maso iso ãmoro bajiroti menigōji. Iti ririnati quenari sotu iso meni ãmoja, menigōji. Itinati ejori iso meni ãmoja rocati busa bajiro menigōji iso ãmoro bajiroti.

²² Iso yiado bajiroti ñ ãmoro bajiro yigu yiguñji Dios cuni. Ñ masirise ño ãmobo jaguti ito yicōri masa ñna tōbujaroca yi ãmobo jaguti, itire yibisijū Dios. Ado robojua baja. "Ñnare ruyuroruja yure", yibojaguti, ñeñaro ñna tōbujaroca yi usiriobisijū Dios. ²³ Ito bajiro yini Dios, mani ñ ti mairāre, "Ñti ñnami rētoro masigū", mani yi tuoñtoni. Cajerojuti manire ti maicōri beseñi Dios, ñ masirise manire ñsirocū. ²⁴ Mani ñre tuorñnūtoni, manire beseñi Dios. Mani coriarā judio masa ñna. Gājerā judio masa meje ñnama. Ito bajibojarocati mani ñnarocōreti beseñi Dios. ²⁵ Ado bajiro baja Dios ñ yire, Oseas ñayoru ñ ucare jane mejeju gaye:

Yu ñarā mejere cuni, "Yu ñarā ña mua", yigu yigujá yu. "Cajero muare ti maibiticu yu. Adocāta muare ti maia yu", yigu yigujá yu.

²⁶ "Yu rña meje ñnama", Dios ñ yiadoju, ñnati Dios rña ñarā yirāji. Dios catitñagū rña ñarā yirāji. Ito bajiro ucayoñi Oseas jane mejeju.

²⁷ Isaíasjua, ado bajiro busiyoyijū, Israel sita gānare tuoña yugu: "Israel gāna jājarā busa bujūama. Jai rētocūcōri, ja sitacō jājarā ñnama ñna. Jājarā ñna ñnabojarocati coriarāreti masogū yiguñji Dios. ²⁸ Dios ñ goticādo bajiroti yigu yiguñji. Jājarā adi macārucūro gāna masa, ñna ñeñaro yirise waja, ñnare waja senigū yiguñji Dios. Ito yicōri cojisiti ñnare ruyuriogu yiguñji", yi ucañi Isaías. ²⁹ Ito yicōri, ucaguti ado bajiro yiyijū Isaías:

Dios masa jeyaro ujū ñagū, mani rña sigūre ñ masobeto bajija, mani judio masa jeyaro maniboana mani. Dios Sodoma, Gomorra gānare ñ ruyurioado bajiro, manire yiboru, manire sigū ñ masobeto bajija. Ito bajiro yiari ucañi Isaías.

Cristo ocare judio masa ñna tuo ãmobitire gaye

³⁰ Riti ñna. Itire tuocōri ado bajiro yi tuoña masia mani: "¿No bajiro yirujati guare, Dios riojo, 'Quena ña mua', ñ yitoni?" yi tuoñabisijarā judio masa meje ñarā. Ito bajibojarocati, "Queno yirā ñnama. Ñe seti ma ñnare", yigu yiguñji Dios, Cristore ñna tuorñnūja, yi tuoña masia mani. ³¹ Yu ñarā, judio masama ado bajiro yi tuoñabojayijarā: "Queno gua yija, 'Queno yirā ñnama', yigu yiguñji Dios guare", yi tuoñabojayijarā ñna. Dios ñ rotirise ñnarocōti, ñna cudibejare, "Queno yirā ñnama ñna", yi masibisijū Dios. ³² Ado bajiro baja. Judio masa Diore tuorñnūrā meje ñayijarā. "Quenaro gua yirise ticōri, 'Queno yirā ñnama ñna', yigu yiguñji Dios", yi tuoñabojayijarā ñna. Cristore boca ãmimena ñnari, masa ñna camota cūado bajiro Dios tu eja masibisijarā ñna. Cristore ñna boca ãmi ãmobeja, gūtagā camotado bajiro bajiami ñ. ³³ Itire ñ oca tutina ado bajiro busiami Dios:

Sión wame cutiri cutojū Cristore cūa yu. Gūtagā camotado bajiro bajigu Cristore cūa yu. Ñre ñna tuorñnūbeja camotagu yiguñji ñ. Ito bajiri yu tu eja masimena yirāji ñna. No Cristore tuorñnūgūti bojori bujabicu yiguñji. Wanū quenagū yiguñji ñ. Ito bajiroti gotiyijū ñ oca tutina, jane mejejuti.

10

¹ Tuoya, Jesure tuorñnūrā mua. Gājerā yu ñarā, Dios jeame ũjuroju ñ cōabore, ñ masoja, buto itire wanū quenagūja yu. Iti ñna Diore yu seni tuoñarise. ² Yu ñarā, Israel gāna, Dios ñ ãmorise ñna tuoñarisena buto yi ãmobo jama ñna. Ito bajibojarocati, "Iti ñna ñ ãmorise", yi tuoña masibeama ñna. ³ "Cristo mani ñeñaro yirise waja yicāñi. Ito bajiri Dios ñ tija, seti ma manire", yi tuoñabeama ñna. "Ñ rotirise gua cudija, 'Queno yirā ñnama ñna', yigu yiguñji Dios", yi tuoñabojama ñna. Ito bajibojarocati Dios ñ ãmoro bajiro yibeama ñna. Ito yicōri

Diore queno tuorünubeama ñna. Ito bajiri, “Queno yirã ñnama ñna”, yibiquĩji Dios. ⁴ Cristo ï ejaja bero, ñna suoriti manire masogũ yiguĩji Dios. Adi rumari, no Cristore tuorünugũti, “Ï ñami queno yigu. Seti macu ñami”, yiguĩji Dios. Cristo ï goda ïsirajuna suoriti manire masoguĩji Dios. Ito bajiri, “Dios rotirise mani cudirajuna suoriti manire masogũ yiguĩji”, yire ma ñja.

⁵ Moisés ñayoru jane mejeju ado bajiro busiyiju: “No Dios rotirise ñarocõti cudigu catitĩñare bujagu yiguĩji”, yi ucayiju Moisés ñayoru. ⁶ Ito bajibojarocati, sigũjua mami Dios rotirisere ñarocõti cudigu. Cristore masa ñna tuorünuja ticõri, “Queno yirã ñnama ñna. Seti ma ñnare”, yigu yiguĩji Dios. Iti ocare ado bajiro gotia manire, Dios oca: “¿Ñimũ umacũju tigu ejayijari? ‘Itoju gagu wadiru ñami Cristo’, yi masiana”, yirona. Ito bajiro tuoĩabitiruja muare. ⁷ “¿Ñimũ godana tujũ ejarada Cristo ï tujaja tirocu?” yi tuoĩabiticõruja muare. ⁸ Dios oca ado bajiro gotia: “Dios riasore gaye ñacã muare. Ito bajiri iti riasore gaye masicã mua. Ï riasore gayere busiyija mua”, yi gotia Dios oca. “Cristore masa tuorünure amoguĩji Dios”, yire gaye ña iti oca. Ito bajiro masare riasoa gna iti oca. ⁹ “Jesús ï godaja bero mucana tũdi ï catiroca yini Dios”, mani yi tuoĩaja, ito yicõri “Jesús ñami yu Uju”, mani yija, jeame ujuroju mani wabore ñaroca manire masoguĩji Dios. ¹⁰ Cristore mani tuorünuja ticõri, “Queno yirã ñnama ñna. Ñnare seti ma”, yigu yiguĩji Dios. Ito yicõri, “Jesure tuorünugũ ña yu”, yi gãjerãre mani goti rõtobuja, riti Dios ï masoana ñarã yirãji mani ñja.

¹¹ Ado bajiro gotia Dios oca tuti: “No ñre tuorünurã, ‘Bujato baja yure’, yirã mama”, yi gotia Dios oca. ¹² Dios ï tija judio masa, judio masa mejere cuni, coro bajiroti tiguĩji ï. Mani Uju ñami ï, ito yicõri jeyaro Uju. No ñre senigũre queno yigu yiguĩji Dios. ¹³ Dios oca tuti ado bajiro gotia: “No Jesure, ‘Yu Uju ña mu. Yu ñeñaro yirisere acabojoya. Jeame ujuroju yu wabore ñaroca yure masoña’, yirã masoana ñarã yirãji”, yi gotia Dios oca. ¹⁴ Cristore ñna tuorünubeja, ñre seni masimenaji ñna. Ito yicõri Cristo gayere ñna tuobeja, ñre tuorünũ masimenaji ñna. Sigũ ñnare Cristo oca riasobeja, masimena yirãji ñna. ¹⁵ Ï oca gotirona mani cõabeja, ï oca riasorã manaji. Ado bajiro gotia Dios oca: “Dios oca quenarise riasorã, no ñna gotiroju masa ñna tuoja, wanũ quenarã yirãji ñna”. Ito bajiro ucare ñayija jane mejejutu.

¹⁶ Masa jãjarã oca quenarise tuobojarãti itire tuorünubeama ñna. Jane mejeju Isaías ï ucado bajiroti baja: “Yu Uju, coriarãti ñnama mu ocare tuorünurã”, yiyiju Isaías Diore gotigu. ¹⁷ Cristo oca quenarise ñna tuobeja, itire tuorünũmenaji ñna. Cristo ocajuare tuosoruja, ñna tuorünũroto riojua.

¹⁸ Adire muare seniãgũ ya yu: ¿Israel sita gãna Dios oca tuobitanada? Tuobojana tuorea. Dios oca tuti ado bajiro gotia:

Dios oca gotiri masa, masa jeyarore goti jeoñi. Ito yicõri ñna oca coju ruyabeto, tuore ña. ¹⁹ Mucana muare jabeto seniã tuogu ya yu. ¿Dios oca tuobojarãti, queno tuo masibisijari Israel sita gãna? Tuo masibisijarã ñna. Moisés ñayoru ïti ñami cajero iti oca gayere ucasoru. Dios ï gotiro bajiroti ucayiju ï. Israel sita gãnare Dios ï tuoĩare gaye gotigu ado bajiro ucayiju Moisés ñayoru:

“Tuo rõtobubeama ñna’, mua yirãre, ‘Yu ñarã ña mua’, yigu yiguja yu ñnare. Ito bajiro yu yija, buto rorã yirãji mua. Ito yicõri buto junisinirã yirãji mua”, yiyiju Dios, yi ucayiju Moisés ñayoru.

²⁰ Moisés ï ucaja bero buto oca seõcõri, ucayiju Isaías. Dios ï yiro bajiroti ucayiju ï cuni: “Yure amabitibojanajua yure bujama. Ito yicõri yure masi amomenajuare, yure ñna masiroca yicu yu”, yiyiju Dios judio masa meje ñarãre cuni tuoĩagũ, yi ucayiju Isaías ñayoru.

²¹ Israel sita gãna ñna bajirisejua, Dios ï gotirisere ucayiju Isaías: “Co rumũ ruyabeto ñnare jisotibojaja yu, ñna ñeñaro yirisere ñna jidicãtoni. Ito bajibojarocati yiro robo cudirã meje ñama ñna. Ito yicõri yure ti terã, tudiana ñna”, yiyiju Dios, yi ucayiju Isaías ñayoru.

11

Coriarã Israel sita gãnare Dios ï masore gaye

¹ “Dios ñarã Israel sita gãnare ñare jidicãcõru”, yire ¿tuoĩati mua? Meje ñare jidicãbeami. Israel sita gaguti ña yu cuni. Ito bajiri yu ñicu ñasuroti ñami Abraham ñayoru. Ito yicõri Benjamín ya butu gaguti ña yu. Ito yicõri Benjamín janerãbatia janamiti ña yu. ² Jane mejeju gua Israel gãnare beseñi Dios, ï ñarã ña ñatoni. Ito yicõri guare jidicãbeami ï. Dios oca tutiju Elías ñayoru ï oca gayere tiyija mua. Dios rãca busigu, “Israel gãnare seti ña”, yire gaye yiyiju Elías ñayoru. Tite. Ado bajiro yiyiju ï, Diore busigu: ³ “Yu Uju, mure goti isiri masare sãyijarã Israel sita gãnare. Mure rucubõrã ña soe isisotira casabo cuni ruyurioñi ña. Ito yirã ñari, yure cuni sã amocã ña. Yu siguti mu oca gotiri masu catia maji”, yiyiju Elías Diore. ⁴ Ito bajiro ï yija tuocõri, ado bajiro cudiyiju Dios: “Mu sigũ meje ña. Siete mil ñarã masa ñama maji yure rucubõrã. Gãjerã ña meni rujeoru Baal wame cutigure ñini rũjũ rucubõro yibiticã ña”, yiyiju Dios Elías ñayoru. ⁵ Elías ï ñaratã, Dios ï beseado bajiroti adocãta cuni Israel gãnare coriarãre beseguĩji Dios, ï ñarã ña ñatoni. Ñare ti maicõri ñare beseñi Dios. ⁶ Ña queno yirena suori meje beseñi Dios. Ñare ti maicõri beseñi ï. Ña queno yirena suori ï besero bajija, ñare waja yirocu robo beseboru ï. Quenarise ña yibitibõjarocati, ñare ti maicõri beseñi Dios.

⁷ Ado robojua bajia. Israel sita gãnare, “Queno yirã ñama ña”, ï yire ña amobõjarocati, “Queno yirã ñama ña”, yibisiju Dios. Coriarãti Dios ï beseana, “Ña ñama queno yirã”, yiyiju Dios. Gãjerãma Dios oca tuo amomena ñayijarã ña. ⁸ Ña gayere busia Dios oca tuti. Ado bajiro gotia: “Ñre amomenare ï oca ña tuo masibitiroca yiyiju Dios ñare. Ito bajiri gãjerã ï ocare ña gotibõjarocati tuo masibisijarã ña. Ito bajiroti bajia adi rumuri cuni”, yì gotia Dios oca tuti. ⁹ Ado bajiro yini David ñayoru Diore:

Israel gãnare wanu quenarã, basa ña menirise bojori bõjaroca yiya. Ña tuoia bõjato-bitiroca yiya. Ito yicõri ña ñeñaro yirise waja, ñare waja seniña.

¹⁰ Ña tuo masibitiroca yiya. Sigũ rucurise ami wacu robo bajiro, ña ñeñaro yirise tãniroca yiya mu, yiyiju David ñayoru Diore.

Judio masa mejere cuni Dios ï masore gaye

¹¹ ¿No bajiro tuoĩati mua? Dios judio masare, ñre ña amobejare, ¿ñare jidicã ruyuriogu yiguĩjida? Meje ñare jidicã ruyuriobiquĩji Dios. Judio masa Diore ña amobeja, judio masa mejereama masogu yiguĩji Dios. Ito bajiro gãjerãre ï masoja ti masicõri, amotirã yirãji judio masa cuni. ¹² Judio masa Diore ña cudibejare, jaje quenarise gaye masa jãjarãre ejayiju. Judio masa Cristore ña tuorũnubejare judio masa mejere cuni jaje quenarise gaye ejayiju. Ito bajiri Cristore tuorũnusuyijarã ña cuni ïja. Judio masa cuni Cristore ña tuorũnũja, buto busa masa jeyarore quenarise ejaro yiroja.

¹³ Mua judio masa mejere cuni busigu ya yu. Mure Dios oca gotire ña yure. Mure yu riasotoni yure cuni Dios. “Iti ña moare ñasarise”, yì tuoia yu. ¹⁴ Yu ñarã judio masa, mure bajiro ña bajire amogu, itire gotia yu. Dios mure masoja masicõri, amotirã yirãji ña cuni. Ito yija Cristore tuorũnurã yirãji gajea. Ito bajiro ña yija ticõri, ñare masogu yiguĩji Dios. ¹⁵ Judio masare Dios ï jabeto jidicãrajũ, masa jeyarore oca quenarise cüyiju Dios, ï rãca ña queno ñatoni. Ito bajiro ï oca cüyiju Dios judio masa mejere cuni. Ito bajiri Cristore ña tuorũnũja Dios ñarã ñarãji ña cuni. Buto busa quenaroja, judio masa cuni Cristore ña tuorũnũja. Jeame ujuroju ña wabore ñaroca ñare masogu yiguĩji Dios. Ito bajiri godabõjarãti mucana tudi catirã robo bajirã yirãji ña. ¹⁶ Ado bajiro bajia. Jabeto cõjabura gaye, boca amicõri, Dios ï quenoja, ñarocõti cõjabura quena jedicoaro yiroja. Yucugũ ñe, jeyaro iti quenaja, jeyaro rujuri cuni quena jediroja. Ito bajiro bajiyiju Abraham ñayoru. Queno yigu ñari, Diore tuorũnuyiju ï. Ito bajiri ï janerãbatia Diore ña tuorũnũja, queno yirã ñarã yirãji ña cuni.

¹⁷ Cogũ yucugũ, olivo wame cutiricu, rujũ jatacõacõri, rocati judiragu rujũ amicõri wõja, cogũ gaye bajiroti bajiroja. Ito bajiroti Dios cuni judio masare cõacõri, judio masa

mejere cuni, mware i ñarã ñatoni cũini i. Ito bajiri Dios ye quenarise bujacõri gua judio masa rãca sigũre bajiro bajirã ña mua. ¹⁸ Ito bajiro Dios i yija, “Judio masa rẽto busaro queno yirã ña gua”, yi tuoĩabitiruja mware. “Judio masare mani riojuaju beseñi Dios”, yire gayere tuoĩaña mua. Cristo judio masu i rujearena suoriti mware masoñi Dios. Ito bajiri, “Judio masa rẽto busaro queno yirã ña mani”, yiado ma mware.

¹⁹ Mua judio masa meje ñarã, ado bajiro yiborãji gajea: “Judio masare jidicãyiju Dios, i ñarã mani ñatoni. Ito bajiri ñasari masa ña mani”, yi tuoĩabobarãji gajea mua. ²⁰ Riti ña, judio masare Dios i jidicãre. Cristore ña tuorũnubejare, ito bajiro yiñi i, ñnare. Cristore mua tuorũnubeja, mware cuni cõacõboru i. Ito bajiri, “Judio masa rẽto busaro ñari masa ña mani”, yi tuoĩabesa mua. “Ñasarã meje ña mani”, yi tuoĩaña mua. Ito bajiro tuoĩacõri, “Queno ya Dios mu”, yiya, ñre rucubũorã. ²¹ Dios judio masare, cajero i beseanare i cõaja, mware cuni cõa masiguĩji i. ²² “Jaje quenarise gaye yami Dios masare. Ito yicõri masare bũto ña tõbũjaroca cuni yami Dios”, yi tuoĩaña mua. Ado bajiro baja. Ñre rucubũomenare bũto ña tõbũjaroca yibojaguti mware queno yami. Ito bajibojarocati mua ñre rucubũotĩñabeja, mware cuni cõacõboru i. ²³ Judio masa i cõana, Cristore ña tuorũnũja i ñarã ñaroca yigu yiguĩji i mucana. I masirisena, i ñarã ñaroca yi masiguĩji mucana. ²⁴ Judio masa meje mua ñabojarocati i ñarã bajiro mware cũini Dios. Judio masa ñama cajero Dios i beseana. Cajero i beseana meje mua ñabojarocati josari i ñarã mua ñaroca yiñi Dios. Judio masa cajero i beseana mucana i ñarã ñaroca i yija, josari mejeti ñaroja.

Israel sita gãnare Dios i masosusare gaye

²⁵ Yu ñarã, masa ñna masibiticati gayere, mware gotigu ya yu. Dios i beseana ña mani. “Jeyaro masirã ña mani”, mua yi tuoĩabititoni, iti gaye ocare mware gotia yu. Adocãta judio masa jãjarã ñama Diore tuo amomena. Ito bajiro bajitĩñamenaji ñna. Judio masa meje ñarã, Dios i besecãna, Jesure ñna tuorũnũja ticõri, judio masa cuni Diore amorã yirãji ñna. ²⁶ Ito bajiro judio masa Diore ñna amõja, jeame mũjuroju ñna wabore ñaroca ñnare masogu yiguĩji i. Ito bajiro ucare ña Dios oca tutijũ:

Sión wame cutiri cutojũ ejagu yiguĩji masare masori masu. Jacob janerãbatiare ñna ñeñaro yirisere coegu yiguĩji i.

²⁷ Ito bajicõri, ñeñaro ñna yirise yu acabojoja, jane mejeju yu goticãdo bajiroti yigu yigũja yu, yi gotia Dios oca tuti.

²⁸ Adocãta judio masa jãjarã Cristo oca quenarise rucubũomena jaicoama. Ito bajiri Dios wajana ñama ñna. Ito bajiro ñna bajijare, mua judio masa mejeju tuorũnũsuo mua. Judio masa ñna Diore amobitibojarocati, ijuama ñnare ti maiguĩji maji. ñna ñicũsabatiare cuni ti maiñi i. Ito bajiri adi rumũri gãna judio masare cuni ti maiami i maji. ²⁹ “Ñnare besecu yu. Ito bajiri ñnare queno yigu yigũja yu”, yiyiju Dios. I goticãdo bajiroti yigu yiguĩji i. I goticãdo bajiroti jidicãbicu yiguĩji Dios. ³⁰ Cajero Diore cudibisija mua. Judio masa Diore ñna cudibeja ticõri, muajuare maicõri, mware masoñi i. ³¹ Adocãta judio masa Diore cudirã meje ñama. Ito bajiro ñna bajibojarocati, mware i ti mairo bajiroti, ija ñnare cuni ti maigũ yiguĩji i. ³² Mani jeyaro Diore cudimena riti ñacu mani maji. Ñeñaro mani yi amõja manire camotabisĩ Dios. Ito bajiro yiñi, ñeñaro mani yija bero, “Bũto yure maisacõguĩji Dios. Ñre yu ñeñaro yirise yu goti rõtobuja, yure acabojogu yiguĩji”, mani yi tuoĩa masitoni.

³³ Quenasacõa. Quenoguti yigu ñami mani Jacu Dios. Jeyaro masigũ ñami i, ito yicõri jeyaro tuo masigũ. I tuoĩarisere masibea mani. Ito yicõri i yirisere ti masibea mani.

³⁴ Ado bajiro gotia Dios oca tuti: “Ñimũju Dios i tuoĩarise tuoĩagũ mami. Ñimũju Diore riasogu mami. ³⁵ Ñimũju mami, ‘Diore ñicũ yu. Ito bajiri yure waja ruyurioami i’, yigu”. Ito bajiro ucare ñayija jane mejejuti. ³⁶ Adi sita ñarotire jeyaro rujeoñi Dios. ñna suoriti jeyaro ña. Ito yicõri i ye riti ña. Ito bajiro i bajijare ñre rucubũotĩñacõrũja manire. Ito bajiro riti bajitĩñajaro.

12

Dios ï ãmorise riti mani yija quena, yire gaye

¹ Dios manire ti maicõri jaje mani yerotire yiñi. Ito bajiri yu ñarã Dios ï ãmorise riti yirã ñaña mua. Quenarise riti yiya, ñeñarise yimenati. Mua ito bajiro yija, Dios wanu quenagũ yiguñji mua rãca. Diore mani rucubhorise ïre ïrona ito bajiro yiruja mani. Ito bajiro mua yitoni, oca sãoro muare rotia yu. ² Diore masimena ïna yiro bajiro yibesa. Mame tuoïare gaye wasoacõri, quenarise riti tuoïaña mua. Ito bajiro tuoïacõri Dios ï ãmorise masirã yirãji mua. “Diore quena ña”, yire gaye masirã yirãji mua. Ito yicõri ï wanuroti gaye cuni masirã yirãji mua. “Iti ña yure ñasarise”, Dios ye yire gaye masirã yirãji mua.

³ Yure ti maicõri ï oca muare gotirocure yure cunñi Dios. Ito bajiri ado bajiro muare gotia yu. Mani ïre tuorunurã ñajare manire moare cunñi ï. “Ïre yu moa ïsi masitoni yure ejabuagu yiguñji Dios”, mani yi tuoïaroca yami Dios. Ito bajiri, “Yumasi queno Diore moa ïsia yu”, yi tuoïabitiruja manire. Ado bajirojua mani tuoïaja quena. “Dios ï ejabuarisena riti queno moa masia yu”, yi tuoïaruja manire. ⁴ Mani ya ruju jaje ña. Tite mua. ãmo, cajea, gãmoru, gũbo jaje ña mani ya ruju. Co ruju gaye ricati riti moare cutia mani ya ruju. Tite mua. Cajeara ti, gãmorona tuo, ãmona ãmi, gũbona wa ya mani. ⁵ Ito bajiroti baja mani Jesucristore tuorunurã. Ïre tuorunurã ñari ï ya ruju robo bajirã ña mani. Ito bajiri jãjarã ñabojarãti sigũre bajiro tuoïacõri gãmeri ejabuã mani. Ito yicõri mani yagu sigũ ï manija gãmeri godu cutia mani.

⁶ ï ãmoro bajiro mani jeyarore, ricati riti mani moa masirotire jidicãñi Dios. Dios manire jidicãre mani moa masirisena ïre queno moa ïsiruja manire. Dios ï oca gotiroti gayere muare ï jidicãja, Cristore mua tuorunurocõ gotija quena. ⁷ Gãjerãre ejabuarre gaye manire Dios ï jidicãja, gãjerãre queno ejabuaja quena. Ito yicõri, no riasore gaye boca ãmigũ gãjerãre queno riasoja quena. ⁸ Gãjerã oca sãoroca yi masigũ, queno yija quena. No gãjerãre ï ïsi ãmoja, queno wanu quenaro jairo ïsija quena. No rotigũ quenoti rotija quena. No bojori bujarãre ejabuagu, wanu quenare rãca ejabuaja quena.

Cristore tuorunurã ado bajiro ñaja quena, yire gaye.

⁹ Buguti gãjerãre mai ruobesa. Gãjerãre maisaguti maija quena. Ñeñaro yirere ti tecõri jidicãña. Quenarise riti yi ãmoña. ¹⁰ Cristore tuorunurã ñari sigũ rãa robo bajiro gãmeri queno ti maiña. Ito bajiro yicõri queno gãmeri rucubhoja mua.

¹¹ Dios moare gaye muare ï cure tuoïa wanucõri moaja quena. Diore wanurã ï ãmoro bajiroti ïre queno moa ïsiña mua.

¹² “Guare queno yigu yiguñji Dios”, yi tuoïa yurã ñari, queno wanu quenaro ñaña mua. Mua tõbujaja, ñemecutiya. Muare oca ñaja, usiriobeja. Ito yicõri Diore busi jidicãbeja mua. Ïre mua busisotija quena.

¹³ Cristore masirã ïna bojoro bujaja, ïnare ïsima. Mua ya wi ejarãre queno boca ãmima.

¹⁴ Jesure masirã mua ñajare gãjerã ñeñaro muare ïna yija, ñeñaro ïnare busitubeja. Dios ïnare queno yitoni, Diore senima mua.

¹⁵ Gãjerã queno ïna wanu quenaja, queno corocõ ïna rãca wanuma mua cuni. Gãjerã ïna bojori bujaja, cocati bojori bujaba mua cuni.

¹⁶ Gãjerã jeyarore queno ti mai ñaña mua. “Ïna rãto busaro queno yirã ña mani”, yi tuoïabesa mua. “Ñasamena ñama ïna”, gãjerã yianare cuni baba cuticõri, queno wanu quena ña mua. “Gãjerã rãto busaro masia yu”, yi tuoïabesa.

¹⁷ Gãjerã ñeñaro muare ïna yija, ïnare gãmebeja mua. Quenarise riti yiya mua, gãjerã, “Ñeñaro yirã ñama”, ïna yibititoni. ¹⁸ Gãjerã rãca gãmeri ti tudibesa mua. Ado bajirojua mua yija quena. Queno mua yi masirise yiya, masa jeyaro rãca queno mua ñatoni.

¹⁹ Queno tuoja yu ñarã mua. Gãjerã ñeñaro muare ïna yibojarocati ïnare ñeñaro yibeja mua. Muare ñeñaro yirãre ñeñaro ïna tõbujaroca yi masiami Dios, ïnaõnare. ï oca tutina ado bajiro gotiami Dios: “Yu ña, masa ïna ñeñaro yire waja, ñeñaro ïna tõbujaroca yiri masu. Ïna ñeñaro yire waja, ïnare waja senigũ yiguja yu”, yiari gotiami mani Uju ï oca

tutina. ²⁰ Gaje ado bajiro gotia Dios oca: “M̄ua wajaꝑũ ĩ ñiocõja, ĩre bare ecaya. ĩ idi ãmoja, ĩre ioya. Ito bajiro m̄ua yija, m̄ua wajaꝑũ ñeñaro yi ãmogũ, m̄uare bojobũja tigu yiguĩji”, yi gotia Dios oca tuti. ²¹ Gãjerã ñeñaro m̄uare ĩna yibojarocati ĩnare ñeñaro yibeja m̄uama. ĩnare quenarise riti yiya m̄ua. Ito bajiro m̄ua yija ticõri, ĩna ñeñaro yirisere jidicãrã yirãji gajea.

13

¹ Dioti ñami mani ɸjarãre cũri masũ. Dios ĩ cũana ñajare, mani ɸjarãre yiro robo cudirũja manire. ² ɸjarãre ti tujabicũ, ĩna rotitoni Dios ĩ cũanare cãdigũõcũ meje ñami ĩocũ. Ito bajiro cãdimenare, ĩna tõbũjaroca yigũ yiguĩji Dios. ³ Queno yiri masare gũiri masa meje ñama rotiri masa. Ñeñaro yiri masajuare gũiri masa ñama rotiri masa. Ito bajiri quenarise riti yiya m̄ua. Quenarise riti m̄ua yija ticõri, m̄uare ti wanũrã yirãji m̄ua ɸjarã. ⁴ Mani queno ñatoni rotiri masare cũni Dios. Mani ñeñaro yija, gũirã yirãji mani. “Yũ ñeñaro tõbũjaroca yigũ yiguĩji”, yi tũoĩacõri gũirã yirãji mani. Ñeñaro yirãre ĩna tõbũjaroca yironare rotiri masare cũni Dios. ⁵ Ito bajiri juaji tũoĩare gaye tũoĩacõri rotiri masare ĩna yiro bajiroti cãdirona ña mani. “Yũ cãdibeja ticõri, yũ tõbũjaroca yigũ yiguĩji Dios”, yi tũoĩarã cãdija quena. Ito yicõri, “Yũ cãdija iti ña queno yire gaye”, yi tũoĩacõri, ĩna yiro bajiroti cãdirũja manire. ⁶ Rotiri masa ĩna moarise yiro robo ĩna moaja, Diore yiarĩ moa ĩsirã yama ĩna. Ito bajiro ĩna yitoni ĩnare cũni Dios. Ito bajiri rotiri masa ĩna waja senija, ĩnare waja yija quena.

⁷ M̄ua waja ruyuriorãre cũni waja yiya. ɸjarã ye niyeru seni ĩsiri masare waja yiya. Gaje ɸjarã ĩna waja yirotiya, ĩna rotiro bajiroti waja yiya. Ito yicõri ĩna yiro bajiroti yiya m̄ua. M̄ua ɸjarã ñarocõreti rũcũbuoya. ⁸ Gãjerãre waja ruyuriobesa. Sĩgũre ruyabeto gãmeri ti maisotiya. Ito bajiro gãmeri m̄ua ti mairise jidicãbeja m̄ua. No ĩ tũ gãnare ti maigũ, Dios ĩ rotirise cãdigũti ñami ĩocũ ĩja. ⁹ Dios ĩ rotirise ado bajiro gotia: “Gãji manojore ajebesa. Gãjerãre sãabesa. Rinibesa. Ito yicõri gãji ya gajeonire ti uobesa”, yi gotia Dios ĩ rotire. Dios ĩ rotirise ñarocõti ado bajiro riti gotia: Gãjerãre m̄ua ti maija, ĩnare ñeñaro yimenaji m̄ua. Ito yicõri ĩnare m̄ua ti maija, Dios ĩ rotirisere cãdi jeorã ñarã yirãji m̄ua. Ito bajiri m̄uamasiti m̄ua mairo bajiroti, m̄ua tũ gãnare cũni ti maiña. ¹⁰ No ĩ tũ gãnare ti maigũ, ĩnare ñeñaro yibicũ yiguĩji. Ito bajiri mani tũ gãnare mani ti maija, ñarocõti Dios ĩ rotirise cãdirã ñarã yirãji mani.

¹¹ Dios ĩ rotiro bajiro riti yirũja manire. Ñamicajũ ña ĩja. Nocõ mejeti mani ɸju ejaɸũ yiguĩji manire ãmi warocũ. Ito bajiri ña yucãrũja manire. Cajero ĩ oca mani tũorũnũja, “Co rũmũ tũdi ejaɸũ yiguĩji Jesús”, yi tũoĩacũ mani. Ito bajibojarocati adi rũmũ, “Nocõ mejeti rũya manire ĩ masogũ ejaroto”, yi tũoĩa masia mani ĩja. ¹² Adocãta ñami bajiro bajia, masa ñeñaro ĩna yija. Ñami rãta wajũ, nocõ mejeti mani ɸju ĩ tũdi ejaroti rũmũ ejaro yiroja. Itocõti ejaɸũ yiguĩji ĩ. Ito bajiri ñeñaro mani yire gayere jidicãrũja manire. Gãjerã rãitĩaroju ñeñaro ĩna yiro bajiro yibitirũja manire. Ado bajirojuã yirũja manire. Quenarise riti yirũja, busuro ñarã queno ĩna yiro bajiro. ¹³ Quenarise riti yirũja manire, masa ĩna tiro riojo queno mani yiro bajiro. Basa ĩna meniroyũ wabitirũja manire. Ñeñaro ĩna ajeroju mecũbitirũja manire. Gãji manojore ajebitirũja manire. Mani ya ruju ñeñaro iti tũoĩaro bajiroti ñeñaro yibitirũja manire. Gãjerãre tudibitirũja manire. Gãjerã mani rãtoro ĩna masija ticõri, ĩnare ti junisinibitirũja manire. ¹⁴ Ado bajirojuã mani yija quena. Mani ɸju Jesucristore tũorũnũrũja manire. ĩti ñami manire ejaɸũɸũ, mani ñeñaro yibititoni. Ito bajiri ĩ ejaɸũarisena mani ya ruju ñeñaro iti tũoĩaro bajiroti yi ɸyabitirũja manire.

14

Cristore tũorũnũrãre busitubesa, yire gaye

¹ Queno Jesure tũorũnũsabicũ ñabojagũti sĩgũ m̄ua rãca ĩ ña ãmoja, ĩre boca queno ãmiña m̄ua. “Ito bajiro bajigũ ñami”, yi ti masicõri ĩ rãca gãmeri busi tũoĩabeja ñasabitire. ² Ado robojuã bajia ñasabiti gaye. Coriarã Jesure masirã, “Jeyaro mani baja

cuni quena ña”, yi tñoĩama ña. Gãjerã queno Jesure masisamenama, “Waibucũ ri ba jidicãruja. Ote gaye riti mani baja quena”, yi tñoĩama ña. ³ Ñarocõti jeyaro barã, gãjerã ba jidicãrãre busitubiticõruja ñare. Ito bajiroti ba jidicãrãrua cuni, jeyaro barãre busitubiticõruja. Cristore tuorũnucõri, Dios ñarã ñama ña ña. Ito bajiri ñare busiture ma. ⁴ Jesure tuorũnurã, Diore moa ñsiri masa ñama ñaõna. Ña ujarã meje ña mua. Dios ñami ña uju. Ito bajiri Dios ña uju ñari, “Queno ya mua yure”, ito yicõri, “Queno yibeã mua yure”, yiguĩji ñ. Dios sigũti ñre moa ñsiri masare ña queno yitoni yi masiami.

⁵ Coriarã Jesure masirã ado bajiro tñoĩama: “Adi rãmũ Diore rucubũora rãmũ ñasari rãmũ ña gaje rãmũ rëtoro”, yi tñoĩama ña. Gãjerãma ado bajiro tñoĩama: “Co rãmũ ruyabeto corocõ Diore rucubũoruja mani”, yi tñoĩama ña. Mani jeyaro sigũ ruyabeto, “Yũ yisotire, ñeñarise meje ña”, yi masirãja manire. ⁶ Sigũ, “Adi rãmũ ña ñasari rãmũ”, yi tñoĩagũ, ito bajiro yami mani Ujũre rucubũogu. Gãji, “Co rãmũ ruyabeto corocõti ña”, yi tñoĩagũ, ñ cuni Diore rucubũore gayeti ito bajiro yami. Gãji jeyaro bagũ, Diore rucubũorocati bami ñocũ cuni. Ñ baja, “Queno ya Dios mũ”, yiguĩji ñ. Gãji waibucũ ri ñ ba jidicãja, ito bajiro yami ñ cuni Diore rucubũogu. “Queno ya Dios mũ”, yiguĩji ñ cuni.

⁷ Mani Cristore masirã, mani tñoĩarise riti yi ãmorã meje ña mani. Ito bajiri, “Yũ ãmori rãmũ godacũja yũ”, yimenaji mani. ⁸ Mani catirocõ, mani Uju Cristo ñ ãmoro bajiro yirona ña mani. Ito yicõri ñ ãmorocõ godarãji mani, ñ rãca ñarona. Ito bajiri mani catija cuni, mani godaja cuni Cristo ñarã ña mani. ⁹ Ado robojũã baja. Cristo godacõri mucana tudi catiñi godarã uju ñarocũ, ito yicõri catirã uju ñarocũ cuni.

¹⁰ ¿No yija gãjerã Jesure masirãre seti yiatĩ mua? ¿No yija gãjerã Jesure masirãre ñeñaro tñoĩã busiatĩ mua? Mani ñarocõti Cristo riojo ñarã yirãji mani, mani queno yigore, mani ñeñaro yigore cuni, ñ cõĩatoni. Iti masicõri mani ñarãre, “Ñare seti ña”, yibitirũja manire. ¹¹ Ado bajiro gotia Dios oca tuti:

Catia yũ. Ito bajiri yũ gotirise riti ña. Masa jeyaro yũ riojo, rijomunigãna ñini rũjũrã yirãji, yure rucubũorona. Sigũ ruyabeto, “Dios ña mũ”, yirã yirãji, yi gotia Dios oca tuti.

¹² Iti tuocõri, “Mani jeyaro sigũ ruyabeto, jeyaro mani yigorore Diore goti rëtorã yirãji mani”, yi tñoĩã mani.

Cristore tuorũnurãre ña jidicãroca yibesa, yire gaye

¹³ Ito bajiri gãmeri busitubiticõruja manire. Ado bajirojũã quenarise riti yirũja manire. Ito yicõri mani rãca gãna Cristore masirã, ña ñeñaro yiroca yimenaji mani. ¹⁴ Yũama Cristore masigũ ñari, “Jeyaro yũ baja quena ña”, yi tñoĩã yũ. “Iti yũ baja, ñeñarise ña”, yi tñoĩabojaguti ñ baja, ñeñaro yigũ yami ñocũ. ¹⁵ Sigũ Cristore masigũ, “Rëore gaye ña”, ñ yi tñoĩarise mani baja ticõri, bojori bũjagũ yiguĩji gajea. Ito bajiri ñ bojori bũjaroca mani yija, ñre ti mairã meje ña mani. Ñaõnare yiarĩ cuni goda ñsiñi Cristo. Ito bajiri sigũ Cristore masigũ mani baja ticõri, Cristore ñ jidicã ãmoja, babiticõruja itire. ¹⁶ “Gua yirise quena ña”, yi mua tñoĩabojarocati, “Ñeñaro yama ña”, yi gãjerã muare ña busitũja, yibeja itire. ¹⁷ Ñre tuorũnurãre riti ñ rotirojũ miojugũ yiguĩji Dios. Ito bajiri mani barise cuni, mani idirise cuni ñasarise meje ña. Mani Uju ñ rotiro bajiro mani cudija, iti ña ñasarise. Ito yicõri gãjerã rãca queno mani ñaja, iti ña ñasarise. Espiritu Santo mani wanũ quenaroca ñ yija, iti cuni ñasarise ña. ¹⁸ Cristo ñ ãmoro bajiroti mani yija, “Queno yirã ñama ña”, yigũ yiguĩji Dios. Ito yicõri masa cuni ito bajiroti yirã yirãji.

¹⁹ Ito bajiro yirũja mani, gãjerã rãca ñe oca manoti queno mani ñatoni. Ito yicõri gãmeri ejabuato mani, Cristore bũto bũsa tuorũnuana yirona. ²⁰ Sigũ, “Rëore gaye bama ña”, yi wacũ Diore ñ jidicã ãmoja, babitirũja mani. Bare jeyaro mani baja quenarise ñaroja. Ito bajibojarocati gãji, “Rëore ña iti”, yi wacũ, mani baja ticõri, Cristore ñ jidicã ãmoja, babitirũja mani itire. ²¹ Gãji Cristore masigũ, rëore gaye mani baja ticõri, ito yicõri uyé ide mani idija ticõri, Cristore jidicãgũ yiguĩji gajea. Ito bajiri Cristore ñ jidicãbititoni, jeyaro rëore gaye babitirũja manire. Ito yicõri idire idibitirũja manire. Mani yirise ticõri, Cristore ñ jidicã ãmoja, yibitirũja mani itire. ²² “Jeyaro yũ baja quenaroja”, mani yi tñoĩaja, Diore riti gotija quena. No, “Yũ yisotirise quena ña Dios ñ tiro riojo”, yi masigũ,

wanꝯ quenagũ ñami ïocũ. ²³ No, “Yũ baja quenabetoja iti”, yi masibojaguti, ï baja, seti ñaroja ïre. “Yũ baja quenabetoja gajea”, yibojaguti, ï bajare seti ñaroja ïre. “Yũ yija quenabetoja gajea”, yibojarãti, mani yija, seti ñaroja manire.

15

Mani ñaroti gaye riti meje tuoïaja quena, yire gaye

¹ Mani Diore queno tuorũnarã, gãjerã queno Diore tuorũnusamenare ejabuꝯaja manire, ñeñaro ïna yibititoni. “Rẽore ña”, ïna yi tuoïare gaye yibiticõꝯaja mani. Ito yicõri mani wanꝯroti gaye riti yibitirũja manire. ² Ado bajirojua yirũja manire. Mani tu ñarãre ïna wanꝯ quenaroca yirũja manire. Ito yicõri ïnare queno yirũja mani, Diore bũto bũsa ïna tuorũnatoni. ³ Cristo cuni ï rioti ï wanꝯroti gayere yibisĩ ï. Ado robojua bajiyija. Dios oca tuti ucare bajiroti rêtayija. Ado bajiro yiyijũ Cristo, ï Jacure: “Jeyaro ñeñarise mure ïna busigoreti, yure rêtacũ ïja”, yi ucare ñayija jane mejejutĩ. ⁴ Jane mejejũ Dios ï busigore ucare ñayija. Quenarisejua mani yi riasotitoni bajiyija iti. Ito bajiri itire mani riasotija, ñeñaro tõbũjajobarãti usiriomenati ñemecaticõrãji mani. Ito yicõri queno wanꝯ quenarã yirãji mani. “Dios ï goticãdo bajiroti jeyaro rêtaro yiroja”, yi tuoïa yucõri, queno wanꝯ quenarã yirãji mani. ⁵ Dios ñami mani ñemecutiroca yigũ, ito yicõri mani tuoïa oca sãoroca yigũ. Sīgũre bajiro mũa tuoïa wanꝯroca yijaro ï, Cristo ï ãmoro bajiro. ⁶ Mani Hũ Jesucristo Jacũ Diore mũa rũcũbuotoni, ito bajiro yijaro Dios mũare. Ito yicõri sīgũre bajiro usi cuticõri, “Ï ñami rêtoro masigũ”, mũa yi tuoïatoni, ito bajiro yijaro Dios mũare.

Judio masa mejere cuni Pablo Cristo oca ï gotire gaye

⁷ Cristo manire ï boca ãmiado bajiroti, gãjerãre boca ãmiña mũa cuni. Ito bajiro mũa yija, masa mũare tirã riti, “Queno yigũ ñami Dios”, yirã yirãji ïna. ⁸ “Adi macãrucũrojũre judio masare ejabuꝯagũ wadiñi Cristo”, ya yũ mũare. Ito bajiro yĩni Cristo, “Jane mejejũ gãnare Dios ï goticãdo bajiroti yĩni”, mani yi masitoni. ⁹ Gaje ado bajiro wadiñi Cristo. “Masare ti maigũ ñari rêtoro queno yigũ ñami Dios”, judio masa meje cuni ïna yi masitoni, ado wadiñi Cristo. Dios oca tuti iti gotiado bajiroti ado bajiro gotiñi Cristo Diore:

Judio masa meje tuoro riojo, “Mũ ña rêtoro masigũ”, yi mure rũcũbuogũ yigũja yũ. Mure rũcũbuogũ mũ wame basa sãacũja yũ, yiyijũ Cristo Diore. Ito bajiro yi ucare ñayija jane mejejutĩ.

¹⁰ Ito yicõri gaje ado bajiro ucare ña:

Mũa judio masa meje cuni, Dios ñarã judio masa rãca wanꝯ quena ña mũa, yiarĩ ucare ñayija.

¹¹ Ito yicõri ado bajiro ucare ñayija gaje:

Judio masa meje, ito yicõri masa jeyaro, “Rêtoro queno masigũ ñami Dios, ito yicõri rêtoro queno yigũ ñami Dios”, yi rũcũbuojaro ïna, yi ucare ñayija.

¹² Isaías ñayorũ ado bajiro ucañi:

Isaĩ ñayorũ janerãbatia janami sīgũ rujeagũ yiguĩji. Judio masa meje hũ ñagũ yiguĩji ï. Ïre tuorũncõri, “Manire masogũ yiguĩji”, yirã yirãji ïna, yi ucare ñayija.

¹³ “Dioti ñami manire masorocũ”, yi tuoïa mani. Ïre senia yũ, mũa ïre tuorũncõri queno corocõ mũa wanꝯ quenatoni, ito yicõri queno corocõ mũa ñatoni. Gaje ïre senia yũ. “Espĩritu Santona sũoriti manire masogũ yiguĩji”, yi mũa tuoïa wanꝯtoni Diore senia yũ.

¹⁴ Yũ ñarã, queno yirã ña mũa, ito yicõri Cristo gayere queno masirã ña mũa. Ito bajiri gãmeri riaso masia mũa. Yi tuoïasacõa yũ itire. ¹⁵ Ito bajibojarocati adi paperana mũare oca são busaro gotia yũ. Ito bajiro mũare ya yũ, mũa tuogore mũa tuo bũjatoni, ito yicõri mũa ãcabojabititoni. Sãoro mũare papera cõa yũ, Dios yure ti maicõri ito bajiro ï cũjare.

¹⁶ Mũa judio masa mejere cuni Cristo oca quenarise riasotoni yure cũni Dios. Cristore tuorũnjaro ïna, yirocũ mũare riasocũ yũ. Adocãta ïre tuorũnarã ñari Espĩritu Santona

sʊoriti Dios ɱarã ɱa mua ija. Ito bajiri queno wanu quenacõri muare boca amigũ yiguĩji Dios. Itire tuoĩagũ muare riasoa yu.

¹⁷ Jesucristore tuorũnucõri Diore moa isia yu. Ito bajiri wanu quenacõri, “Jesucristo i ejabuarisena Diore queno moa isia yu”, yi tuoia yu. ¹⁸⁻¹⁹ Iti riti muare gotia yu. Yure ejabuañi Cristo, mua judio masa mejere cuni ire mua cadiroca yu yitoni. Yu riasore gaye tuocõri, queno yu yire gaye ticõri, ito yicõri Espiritu Santona sʊoriti tiyamani yu yija ticõri, Cristore tuorũnuyija mua ija. Naro bajiroti Cristo oca quenarise riasocu yu. Jerusalenjuna yu goti wadija, gaje cutori jeyaro goticõri, Ilirijau goti ejacu yu itire. ²⁰ Cristo gaye ina tuoĩamena ñaroju, Cristo masare i masore gaye ñare riasogu wasoticu yu. Gãjerã ina riasocãdojure, riasogu wa amobiticu yu. ²¹ Ito bajiro yu yija, Dios oca tuti iti ucado bajiroti bajicu. Ado bajiro gotia:

Í oca tuobitiana tuorã yirãji. Ito yicõri tuo rëtohurã yirãji, yi ucare ñayija.

Romaju Pablo i wa amore gaye

²² Jaje cutori yu riaso ucure ñajare mua tu wa amobojaguti wa masibiticu yu maji. ²³ Adi sitajure moare tiocoa yu ija. Canu meje mua tu wa amobojaguti, wa masibiticu yu maji. Ito bajiri adocãta mua tu wacu ya yu ija. ²⁴ Espanaju wacu, muare ti rëta wacu yiguja yu. Mua rãca yu wanu quenaja bero yure mua ejabuare amoa yu, España yu eja masitoni. ²⁵ Ito bajibojarocati cajero Jerusalenjau wacu ya yu maji, Cristore tuorũnuri masare niyeru ami wacu. ²⁶ Macedonia sita gãna, ito yicõri Acaya sita gãna cuni, ado bajiro tuoĩayijarã ina: “Jerusalén gãna Jesure masirã, bojoro bujarã yirãji coriarã. Ito bajiri niyeruna ñare ejabuaruja mani”, yi tuoĩayijarã ina. Niyeru miojucõri yure isicã ina. Ito bajiri iti niyeru Jerusalén gãnare isigũ wacu ya yu. ²⁷ Macedonia sita gãna, ito yicõri Acaya sita gãna, judio masa meje ñabojarãti, “Jerusalén gãna judio masare, ñare ejabuaruja mani”, yi tuoĩayijarã ina. Cajero maji judio masa mejere cuni Dios masare i masore gaye riasoyijarã judio masa maji. Ito bajiri adocãta judio masa meje ñarã judio masa bojoro bujarãre, ejabuaja quena. ²⁸ Jerusalén gãna Jesure masirãre iti niyeru yu isija bero, Espanaju wacu muare ti rëta wacu yiguja yu. ²⁹ Mua tu ejaõri Cristo gayere yu riasoja, mua wanuroca yigu yiguĩji Cristo.

³⁰ Yu ñarã Cristore tuorũnurã ña mua. Ito yicõri Espiritu Santona sʊoriti gãmeri ti maia mua. Ito bajiri yure yiari Diore mua senitoni muare usirio codea yu. ³¹ Judea gãna Jesure masimena yure ñeñaro ina yibititoni, Diore busi isina mua, yure yiari. Ito yicõri gaje ado bajiro Diore seniña, Jerusalén gãna Cristore masirã, buto wanu quenacõri, yu niyeru ami warise ina boca amitoni. ³² Ito bajiro yure yiari mua busi isija, Dios i amoro bajiroti mua tu wanu ejaõ yiguja yu. Ito yicõri queno usi cuticõri gãmeri ejabuarã yirãji mani. ³³ Mani sajari oca cutiroca yigu ñami Dios. Mua rãca ñatĩñajaro Dios, ya yu. Ito bajiro riti bajitĩñajaro.

16

Quenajaro masa, Pablo i yi ñucare gaye

¹ Mani yago Febe wame cutigo mu tu ejaõ yigõji. Queno yigo ñamo iso. Cencrea wame cutiri cuto gãna Jesure masirã rãca Diore yiari moa isiri maso ñamo iso. ² Jãjarãre ejabuañi iso. Ito yicõri yure cuni ejabuacõ iso. Mani Hjure tuo mairã ñari, isore queno boca amima mua. Mani Cristore masirã ñari, gãjerã Cristore masirãre mani gãmeri boca amija quena. Ito bajiri isore boca amicõri, jeyaro mua ejabuarocõ isore ejabuaba.

³ Quenajaro Aquila, ito yicõri i manjo Priscila cuni. Jesucristo gaye yu riasotoni, queno yure ejabuacã ina. ⁴ Yure gãjerã sã amorã ina josaja, yure ejabuabojari godacobocã ina. Ito bajiri, “Quenoguti yicã ina”, ya yu ñare. Yu sigũ meje, “Queno yicã”, ya yu. Judio masa meje cuni Cristore masirã, ito bajiroti yama ina cuni. ⁵ Quenajaro, Diore rucuborona Aquila ya wi minijuarã. Quenajaro yu rãca gagu yu baba, Epeneto cuni. Í ñami cajero Asia sita gagu Cristore tuorũnucõri. ⁶ Quenajaro mani yago María cuni. Yoari mua rãca moañi iso. ⁷ Gna comasi ñarã cuni, Andrónico, ito yicõri Junias

cuni, Quenajaro. Īna rāca tubiara wijū ñacu gūa. Ito yicōri yū riojūa būsā Cristore tūorūnūsuoñi ĩna. “Queno yirā ñama Andrónico, ito yicōri Junias cūni”, yama Cristo ĩ cūana.

⁸ Quenajaro yū baba Ampliato cūni. Mani Ūjū yagu ĩ ñajare buto ĩre maia yū. ⁹ Quenajaro Urbano cūni. Mani rāca Cristore moa ĩsigū ñami ĩ. Quenajaro yū baba yū maigū Estaquis cūni. ¹⁰ Quenajaro Apeles cūni. Jeyaro ĩ moagore ticōri, “Cristore queno tūorūnugū ñami ĩ”, yi tūoīa mani. Quenajaro Aristóbulo cūni, ĩ ya wi gāna ñarocōti. ¹¹ Quenajaro gūa comasi, Herodión cūni. Quenajaro Narciso cūni, ĩ ya wi gāna ñarocō Cristore masirā cūni. ¹² Quenajaro Trifena, ito yicōri Trifosa cūni. Īna romia jūarā ruje moacā mani Ūjū Jesure yiari. Quenajaro mani yago Pérsida cūni. Iso cūni ruje mani Ūjūre yiari moacō. ¹³ Quenajaro Rufo cūni. Masa jeyaro, “Buto Cristore tūorūnugū ñami ĩ”, yama ĩna. Quenajaro ĩ jaco. Yū jacoōcōti ñamo iso cūni yūre. ¹⁴ Quenajaro Asíncrito, Flegonte cūni, Hermas cūni, Patrobas cūni, Hermes cūni. Ito yicōri ĩna rāca Cristore tūorūnūrā ĩnacōti quenajaro. ¹⁵ Quenajaro Filólogo, Julia cūni, Nereo cūni, ito yicōri ĩ ocabajio cūni, Olimpas cūni. Ito yicōri ĩna rāca Cristore tūorūnūrā ĩnacōti quenajaro.

¹⁶ Mani comasi Cristore masirāre queno wanūcōri gāmeri boca āmima mūa. Cristore tūorūnūrā ñarocōti, “Quenajaro”, yama mūare.

¹⁷ Yū ñarā ado bajiro gaje mūare gotigu ya yū. Coriarā ñama masa batatoni oca menirā. Ito yicōri Jesús gayere ĩna riasoja, mūa tūogore bajiro meje riasoama ĩna. Īnare mūa tūoja, “Roya”, yirocū mūare gotia yū. Īnare camotadiya mūa. ¹⁸ Mani Ūjū Cristore yiari meje moama ĩna. Īna tūoīaro bajiroti yama ĩna. Īna būsija, būroti quenarise bajiro ruyua. Quenarise meje ña iti. Ito bajiri queno tūo masimena ĩna būsirisere tūorūnūbojama ĩna. ¹⁹ “Dios oca queno cūdirā ñama ĩna”, yama masa jeyaro mūare. Ito bajiri mūare wanūa yū. Quenarise gaye riti mūa yire āmoa yū. Ito yicōri cojireā ñenarise mūa yimena ñare āmoa yū. ²⁰ Dioti ñami mani queno corocō ñaroca yigu. Nocō mejeti rāmūa ūjū Satanásre mūa rētocūroca yigu yiguīji Dios mūare. Mani Ūjū Jesucristo queno mūare yijaro.

²¹ Yū rāca moagū Timoteo, “Quenajaro”, yami mūare. Ito yicōri gūa comasi Lucio, Jasón cūni ito yicōri Sosípater, “Quenajaro”, yama ĩna mūare.

²² Yū Tercio, Pablo ĩ rotiro bajiro adi papera menia. Yū Jesure masigū ñari, mūa Jesure masirāre, “Quenajaro”, ya yū.

²³ Gayo cūni, “Quenajaro”, yami mūare. Ī rāca ĩ ya wijū ña yū. Ado ĩ ya wijū Jesure masirā minijuasotiamā ĩna. Īna cūni, “Quenajaro”, yama mūare. Ito yicōri Erasto, adi cūto gagū niyeru seori masū, “Quenajaro”, yami mūare. Ito yicōri mani rāca gagū Cristore masigū Cuarto wame cūtigū “Quenajaro”, yami mūare.

²⁴ Mani Ūjū Jesucristo, mūa ñarocō jeyarore queno mūa ñaroca yijaro. Ito bajiro riti bajitīñajaro.

Diore rūcūbūorūja manire, Pablo ĩ yisūsare gaye

²⁵ Diore rūcūbūorā ñari, “Queno yigu ñami ĩ. Rētoro masigū ñami ĩ”, Diore yi rūcūbūorūja mani. Ī ocare queno mūa tūorūnūja, mūa tūoīa oca sēoroca yi masiguīji Dios. Iti oca ña, Cristo masare ĩ masore gaye, yū riasorise. Cajerojūti jane mejejū masare riasore meje ñayija iti. ²⁶ Ito bajibojarocati adocāta masirāji masa itire, Dios oca gotiri masa itire ĩna ucajare. Masa jeyaro iti oca tūorūnūcōri ĩna cūditoni, Dios catitīñagū, iti oca riasore gaye cōañi.

²⁷ Jesucristore tūorūnūrā ñari, “Buto masigū ñami Dios. Ī sīgūti ñami jeyaro masigū”, yi rūcūbuotīñarūja manire. Itocō ña.

Primera carta de San Pablo a los Corintios

Corinto cuto gānare Pablo ī papera cōare gaye

¹ Nati Corinto cuto gāna m̄ua. Ȳu ña Pablo. Sóstenes mani yagu rāca, “Quenajaro”, ya ḡua. Dios ī āmoro bajiroti Jesucristo ocare ȳu riaso ucutoni ȳure cūñi ī. ² M̄ua Corinto cuto gāna c̄uni Dios ñarā ña m̄ua. Ito bajiri adi papera cōa ȳu m̄uare. Jesucristore t̄uor̄ūnr̄ā ñari Dios ñarā ña m̄ua. Dios m̄uare beseñi ñeñarise yimenati m̄ua ñatoni. No mani H̄ju Jesucristore t̄uor̄ūnr̄āti ito bajiroti ña ñare āmoguīji Dios. Mani H̄ju ñami Jesucristo. No ñre t̄uor̄ūnr̄āre ña H̄ju ñami Jesucristo. ³ Mani Jacu Dios, ito yicōri mani H̄ju Jesucristore c̄uni seni ñsia ȳu m̄uare yiarī. M̄uare ña queno yijaro yiroc̄u ñnare senia ȳu. M̄ua ya usij̄u queno m̄ua wan̄u quenatoni m̄uare yiarī ñnare senia ȳu.

Cristore t̄uor̄ūnr̄āre Dios ī queno yire gaye

⁴ Jesucristo ī goda ñsiraj̄una suor̄iti queno yami Dios m̄uare. Ito bajiro ī yijare, “Queno ya Dios m̄u”, yisotia ȳu ñre. ⁵ Cristore t̄uor̄ūnr̄ā m̄ua ñajare queno m̄uare ejabuami Dios. Ī gayere queno m̄ua t̄uo r̄etobutoni ito bajiro yami Dios. Ito bajiri m̄ua b̄usirise, m̄ua masirise c̄uni queno m̄ua masi r̄ēta budiroca yami ī. ⁶ “Jesucristore m̄ua t̄uor̄ūnr̄aja, mama usi m̄uare wasoagu yiguīji ī”, ȳu yiado bajiroti baja m̄uare. ⁷ Ito bajiri Jesucristo mani H̄ju ī ejari r̄am̄u mani bocatiroca queno yi ñaḡū yiguīji Dios manire. Ito bajiro manire queno ī yijare ñej̄ua r̄uyabeto yiroja manire, ñre mani moa ñsi masitoni. ⁸ Mac̄ar̄uc̄āro iti jediroto rioj̄ua Jesucristore mani t̄uor̄ūnr̄u jidic̄abititoni manire ejabuagu yiguīji Dios. Ito bajiri Jesucristo mani H̄ju ī t̄udi ejari r̄am̄u, “Seti cutir̄ā ñama ña”, s̄īḡūj̄ua yi masimena yir̄āji ña manire. ⁹ “Ado bajiro yigu yiguja ȳu”, ī yiado bajiroti yigu yiguīji Dios. Dios ñti ñami manire beser̄u. Ī Mac̄u Jesucristo mani H̄ju rāca s̄īḡūre bajiro mani queno ñatoni manire beseñi Dios.

Corinto cuto gāna ricati riti ña tuoñare gaye

¹⁰ Tuoya ȳu ñarā m̄ua. M̄uare ȳu gotitoni ȳure cūñi mani H̄ju Jesucristo. Īre t̄uor̄ūnr̄ā ña m̄ua. Ito bajiri s̄īḡūre bajiro m̄ua tuoñaja quena. Ricati riti tuoñabesa m̄ua. Ado bajiroj̄ua m̄ua yija quena. S̄īḡūre bajiro tuoñac̄ōri oca manoti queno m̄ua ñaja quena. ¹¹ “Ricati riti tuoñama ña”, Cloé mesa ña yija t̄uoc̄ōri, iti m̄uare busia, ȳu ñarā ȳu. ¹² Ado bajiro ȳure gotic̄ā Cloé mesa: “Ricati riti tuoñama Corinto cuto gāna. Tite m̄u. ‘Pabl̄ore t̄uo s̄uyar̄ā ña guama’, yama ḡajer̄ā. ‘Apolosre t̄uo s̄uyar̄ā ña guama’, yama ḡajer̄ā. ‘Pedrore t̄uo s̄uyar̄ā ña guama’, yama ḡajer̄ā. ‘Cristore t̄uo s̄uyar̄ā ña guama’, yama ḡajer̄ā”, yi gotic̄ā Cloé mesa ȳure. ¹³ Ricati riti masa ña tuoñaroca yigu meje ñami Cristo. M̄uare yiarī yuc̄t̄ēoj̄u goda ñsibitic̄u ȳu. Ȳure t̄uor̄ūnr̄ac̄ōri meje idé gu rotiyija m̄ua. Cristoj̄uare t̄uor̄ūnr̄ac̄ōri idé gu rotiyija m̄ua. ¹⁴⁻¹⁵ M̄ua wato gānare jājar̄ā meje idé guc̄u ȳu. Crispore ito yicōri Gayore ña jājar̄āreti idé guc̄u ȳu. Ito bajiri, “Pabl̄ore t̄uor̄ūnr̄ac̄ōri idé gu rotic̄u ḡua”, yi tuoñamenaji m̄ua. M̄ua jājar̄āre idé gubitigor̄u ñari, “Queno ya Dios m̄u”, yi tuoñā ȳu. ¹⁶ Bāu, ḡajer̄ā Estéfan̄as ñar̄āre idé guc̄u ȳu. “Iti cuto gāna ḡajer̄āre idé guc̄u ȳu”, yi masibea ȳu. ¹⁷ Masare ȳu idé gutoni meje ȳure cūñi Cristo. “Masare masoḡū yiguīji Cristo”, yire oca ȳu gotitoni ȳure cūñi ī. B̄uto masirena masa ña t̄uo seyotoni busibea ȳu. B̄uto t̄uo seyore oca ȳu busija, ȳujuare t̄uor̄ūnr̄ac̄ōri Cristore t̄uor̄ūnr̄abitiboana masa. “Masare yiarī yuc̄t̄ēoj̄u godañi Cristo”, yi ȳu masare gotija, iti ña ñasarise.

Dios ī masirise r̄ucoḡu ñami Cristo, yire gaye

¹⁸ Adi oca iti gotija, “Manire masoroc̄u yuc̄t̄ēoj̄u godañi Cristo”, ya iti oca. “B̄uroti baja iti, mec̄ure oca ña iti”, yama jeame ũjuroj̄u warona. Mani Dios ī masoanareama oca wan̄u quenare gaye ña. S̄ēorise ña Dios oca. Ito bajiri ī oca t̄uor̄ūnr̄ac̄ōri, “Cristo ī

godarena suoriti manire masogũ yiguĩji”, yi tuoĩa mani. ¹⁹ Dios oca tuti iti gotija ado bajiro gotia:

“Adi sita gãna ñna masirise bũto masire gaye meje ña”, masa ñna yiroca yigũ yigũja yũ.

“Queno masirã ña gũa”, yibojarãre, “Queno masirã meje ñama ñna”, gãjerã ñna yi ti masiroca yigũ yigũja yũ, yi gotiami Dios ĩ oca tutina.

²⁰ “Queno masirã ña gũa”, yama coriarã adi sita gãna. “Queno riaso masia gũa”, yama gãjerã. “Adi macãrucũro gayere queno tuoĩa bũsi masia gũa”, yama gãjerã. Ito bajiro ñna yibojarocati, “Queno masirã meje ñama ñna”, gãjerã masa ñna yi ti masiroca yigũ ñami Dios. ²¹ Jeyaro ñejũa ruyabeto tuo masi jeogu ñami Dios. Adi sita gãna ñna tuo masirena meje ĩre masire ãmoĩni Dios. ĩ ocare tuorũnũrena suoriti ĩre masire ãmoĩni Dios. Ito bajiri ĩ oca tuorũnũrãre riti masoami Dios. “Ito bajiro masare masoami Dios”, yire oca tuocõri, “Bũroti bajaia, mecũre oca ña”, yama Diore masimena.

²² Tiyamani Dios ĩ ĩore ti ãmoama judio masa. Masa ñna masirisejuare tuo sũya ãmoama griego masa. ²³ “Masare yiari yucũtẽojũ godaĩni Cristo”, yire oca gotia maniamana. Iti gayere mani gotija tuo ãmobicõri, junisiniama judio masa. Judio masa meje cũni iti oca tuocõri, “Bũroti bajaia, mecũre oca ña iti”, yama ñna cũni. ²⁴ Maniamana Dios ĩ beseana ñari Cristore tuorũnũna mani. Mani judio masa, ito yicõri judio masa meje cũni Cristore mani tuorũnũja Dios ĩ beseana ña mani. Ito bajiri ĩre tuorũnũcõri, “Rẽtoro sẽogũ ñami Dios ito yicõri jeyaro masigũ”, yi tuoĩa mani. Ito bajigu ñari jeame ãjũroju mani wabore ñaroca Cristona suoriti manire masogũ yiguĩji Dios. ²⁵ “Masare yiari goda ĩsi rotiĩni Dios Cristore”, yire oca tuocõri, “Queno masigũ meje ñami Dios”, yi tuoĩama ĩre masimena. Ito bajibojarocati Dios ĩ masirise masa ñna masirise rẽto bũsaro ñasarise ña. “Yucũtẽojũ godaĩni Cristo”, yire oca tuocõri, “Queno sẽogũ meje ñaĩni Dios”, yi tuoĩama ĩre masimena. Ito bajibojarocati masa ñna sẽorise rẽto bũsaro sẽogũ ñami Dios. ²⁶ Tũoya yũ ñarã mũa. Bũto masirã meje ñabojarãti Dios ĩ beseana ña mani. Diore masimena ñna tija bũto masirã meje ña mani. Mani wato coriarãti ñama gãjerãre rotiri masa. Mani wato coriarãti ñama ñasari masa rĩa. Bũto ñasarã meje mani ñabojarocati manire beseĩni Dios. ²⁷ “Bũto masirã meje ñama ñna”, Diore masimena ñna yianare beseĩni Dios. Ito bajiro yiĩni Dios, masimenare ĩ beseja ticõri, “Masirã ña gũa”, yirã ñna bojo bũjatoni. “Queno sẽorã meje ñama”, Diore masimena ñna yianare beseĩni Dios. Ito bajiro yiĩni Dios, sẽomenare ĩ beseja ticõri, “Sẽorã ña gũa”, yirã ñna bojo bũjatoni. ²⁸ “Ñasarã meje ñama ñna”, Diore masimena ñna yianare beseĩni Dios. ĩre masimena ñna ti tudianare beseĩni Dios. Ito bajiro yiĩni Dios, “Ñasarã ña gũa”, yirã, “Ñasarã meje ña gũa”, ñna yi tuoĩa masitoni. ²⁹ Ito bajiro Dios ĩ yijare, ĩ tiro riojo, “Ñasagu ña yũ”, yi tuoĩa masigũ mami. ³⁰ Cristore mani tuorũnũre ãmoĩni Dios. Ito bajiri ĩre bajiro mani tuoĩaroca yiĩni Dios manire. Jesucristona suoriti ĩ oca mani tuo masiroca yiĩni Dios. Jesucristona suoriti manire boca ãmicõri mani queno yiroca yiĩni Dios. Mani ñeĩaro yirisere Cristo ĩ waja yi ĩsicãjare, ñe seti mana ña mani Dios ĩ tija. ĩ ñarã ña mani ĩja. Cristona suoriti manire masoĩni Dios. ³¹ Ito bajiri ĩ oca tuti iti gotija ado bajiro gotia: “ ‘Ñasarã ña gũa’, yi tuoĩabitirũja manire. Ado bajirojũa yirũja: ‘Manire queno yiĩni Cristo. ĩjũa ñami ñasagu’, yi wanũ quenarũja manire”, yi gotia Dios oca tuti.

2

Yucũtẽojũ godaĩni Cristo, yire gaye

¹ Tũoya yũ ñarã mũa. Dios gaye mũare goti ãmogũ, tuo seyore oca rãca meje mũare bũsi ucucu yũ. Ito yicõri bũto masire ocana meje Dios oca mũare goticu yũ. ² Mũa tũ yũ ejacati coji gaye ñasarise mũare goti ãmocũ yũ. “Yucũtẽojũ godaĩni Cristo masare yiari”, yire gaye riti mũare goti ãmocũ yũ. ³ Ñasagu meje bajiro mũa tũ ejacu yũ. Mũa tiro riojo gũigu nũruo bũsicũ yũ. ⁴ Mũare yũ bũsija, yũ masirisena meje mũare bũsicũ yũ. Ito yicõri Dios oca mũare yũ riasoja, yũ masirisena meje mũare riasocu yũ. Cristore mũa tuorũnũre ãmogũ, masa ñna masirisena meje mũare bũsicũ yũ. Ado robojũa bajicu: ĩ oca mũare yũ riasoroca ĩ masirisena mũa tuorũnũroca yiĩni Espĩritu Santo. ⁵ Ito bajiri masa

ĩna masirise tuo seyocõri meje Jesure tuorũnyija mua. Ĩ ocare mua tuo masiroca yĩni Dios. Ito bajiri ĩ masirisena suoriti Jesucristore tuorũnyija mua.

Espíritu Santana suoriti Diore masia mani, yire gaye

⁶ Jesucristore rĩcubucõri queno ĩre tuo rētoburāre yũ busija queno masire ocana ĩnare busia yũ. Ito bajiro yũ busija, adi sita gāna ĩna masirisena meje busia yũ. Ito yicõri adi sita gāna ujarā ĩna masirisena meje busia yũ. Adi sita gāna ujarā ñabojana ĩna masibojare rĩcati godarā yirāji ĩna. ⁷ Yũ busija, Dios ĩ masirisena busia yũ. Ito bajiro yũ busija, masa ĩna tuo masiroti gaye ña iti. Adi macārucũro ĩ rujeoroto riojua, “Ado bajiro masare masogũ yigũja yũ”, yi masicāni Dios. Iti oca masa ĩna masibitire Dios ĩ masirisena masare riasoa yũ. ⁸ Sĩgũjua adi sita gāna ujarā itire tuo masirā mama. “Cristona suoriti masare masogũ yiguĩji Dios”, yi ĩna tuo masija, mani Uju ñasagure yucutēojũ sĩabitiboana ĩna. ⁹ Dios oca tuti iti gotiado bajiroti bajaia. Tuote mua:

Ĩre tuo mairāre yiari quenarise queno yucāni Dios. Masa ĩna tĩābiti, ĩna tuobiti, ĩna tuoābiti cuni quenarise queno yucāni Dios, yi gotia Dios oca tuti.

¹⁰ Espíritu Santo manire queo sãcõri, “Quenarise queno yicāni Dios”, yi mani tuo masiroca yami Dios. Dise ruyabeto masiami Espíritu Santo. Dios ĩ tuoārise masi jeoami Espíritu Santo.

¹¹ Mani masamasiti, “ĩ ito bajiro tuoāmi”, gāmeri yi masibea mani. ĩmasiti, “Ito bajiro tuoā yũ”, yi masiguĩji ĩ. Ito bajiroti Espíritu Santo sigũti Dios ĩ masirisere masiguĩji.

¹² Jesucristore tuorũnrā ñari adi sita gāna ĩna masirise boca āmiana meje ña mani. Espíritu Santo Dios ĩ cõarureama boca āmiana ña mani. Dios queno manire ĩ yire gaye mani tuo masitoni Espíritu Santore cõāni Dios manire yiari. ¹³ Ito bajiri mani busija, mani tuoā rujeorisena meje busia mani. Espíritu Santo manire ĩ riasorise busia mani. Mani tuoā rujeorisena meje busia mani. Espíritu Santore boca āmigoana ñari, gājerā ĩre boca āmigoanare ĩ gayere goti rēto bu masia mani.

¹⁴ Adi sita gāna Espíritu Santore boca āmimena Dios gayere tuo masimenaji ĩna. “Buroti bajaia, mecure oca ña”, yi tuoārajĩ ĩna. Ito bajiri itire tuo āmomenaji ĩna. Espíritu Santore boca āmimena ñari Dios gayere tuo masimenaji ĩna. ĩna tuo masiroca Espíritu Santo ĩ yibeja tuo masimenaji ĩna. ¹⁵ Espíritu Santore boca āmianama Dios gayere tuo masirāji ĩna. Ito bajiri, “Dios gayere tuo masirā meje ñama ĩna”, sigũjua yigũ maquĩji ĩnare. ¹⁶ Dios oca tuti iti gotija, ado bajiro gotia: “Mani Uju ĩ tuoārise masigũ maquĩji. Ñimũjua Diore riasogũ maquĩji”, yi gotia Dios oca tuti. Ito bajibojarocati Espíritu Santo quedĩ sãja ecoana mani ñajare, Cristo tuoārise mani tuo masitoni manire ejabuami ĩ.

3

Diore mani moa ĩsiroti gaye

¹ Tuoya yũ ñarā mua. Espíritu Santore queno tuorũnusamena mua ñajare, josari gaye muare busibiticũ yũ maji. Adi sita gāna Espíritu Santore boca āmimena bajiro josarise gaye meje muare basicũ yũ. Iti rũmũju Cristore boca āmiana ñabojarāti ĩre mua queno tuo suyabejare, rĩacare busigũ bajiro muare basicũ yũ. Queno mua tuo masibejare rĩaca robo bajiro muare basicũ yũ. ² Josabitire muare riasocũ yũ. Macuacā ũjugũ, õjegõa riti ũjugũji. Bare butirise ĩre ecamenaji. Iti robo bajiroti Cristore mua tuorũnusamena ñajare, josarise gaye muare busibiticũ yũ maji. Adocāta cuni josarise gaye muare riaso masibea yũ maji. ³ Adi sita gāna Jesure boca āmibitiana bajiro mua ñajare, josarise gaye muare riasobea yũ maji. Gājerāre ti uorā ña mua maji. Gāmeri busitua mua. Ricati riti tuoā mua. Diore masimenare bajiro tuoācõri ĩna yiado bajiroti ya mua maji. ⁴ Mua coriarā ado bajiro ya: “Palore tuo suyagu ña yuama. Ito yicõri Apolosre tuo suyagu ña yuama”, ya mua. Ito bajiro mua yija, adi sita gāna Diore masimena ĩna yiado bajiroti ya mua maji.

⁵ Yũ Pablo ñasagu meje ña. Apolos cuni ñasagu meje ñami. Diore moa ĩsirā ña gua. Gua riasorisere tuorũncõri Cristore tuorũnyija mua. Gua Apolos rāca mani Uju ĩ moare

cũado bajiroti moa gũa. ⁶ Yũ mũare cajero riasosũocu. Ito bajiri aje otesũogu robo bajiro baja yũ. Yũ bero Apolos jai bũsaro mũare riaso remoñi. Ì ñami aje juditoni ide jio gugũ bajiro yigũ. Dios ñami Cristore mũa masiroca yigũ. Ito bajiri gũa otere judiroca yigũ bajiro yigũ ñami Dios. ⁷ Aje otesũogu, aje ide jio gugũ cũni ñasarã meje ñama ñna. Dios ñami ñasagu. Ì ñami iti judi mũjaroca yigũ. Ito bajiroti ì oca riasorã, ito bero gãjerã goti quenorã cũni ñasarã meje ñama ñna. Dios ñami ñasagu. Ì ñami Cristore mani masiroca yigũ. ⁸ Aje oterã, otere ide jio gurã cũni corocõ moama ñna. Ito bajiroti Dios oca riasorã, ito bero gãjerã goti quenorã corocõti moama ñna. Ñna moado bajiroti ñnare waja yigũ yiguĩji Dios. ⁹ Gũa Apolos rãca sigũre bajiro tũoĩacõri Diore moa ñsirã ña gũa. Mũa ña sita Dios ì coderiju robo bajirã. Gaje Dios ì wi menisũori wi robo bajirã ña mũa, ñre cũdisũorã mũa ñajare. ¹⁰ Dios oca mũare riasosũogu ñari, wi menirotijũ wi godo gosũogu robo bajiro bajigu ña yũ. Yũre ti maicõri mũare ì oca yũ gotitoni yũre cũñi Dios. Gãjerã yũ bero riasorã wi godu yũ gorajũ wi menisũorã robo bajirã ñama ñna. Wi queno riojo ñari wi menirã bajiro Dios ocare queno riojo ñna riasoja quena. ¹¹ Wi meniri masa cajero botari ñna ãmi cũbeja menimenaji. Ito bajiroti Dios oca gotiri masa cajero Cristo gaye ñna goti rẽtobubeja tũo masimenaji. “Mani ñeñaro yirise waja, waja yĩ ñsirocũ godañi Cristo”, yĩ mũare riasocãcũ yũ. Iti ña ñasarise. “Ado bajiro Dios ñarã ñarã yirãji masa”, yire gaye oca riojũa gaye ñe gaje oca ñasarise gotisũore manoja. ¹² Wi menirotijũ gorajũre quenari wi menirona gũta queno butirisena, orona, plata wame cutirisena menirãji ñna. Gãjerã buto butiri wi meje ñna menija, yucũ jidirisena, muji yoari meje jogarisena, ito yicõri ñicojã jidirisena menibojarãji ñna. Queno Dios oca riojo riasorã ñna ñama butiri wi bajiro menirã. Riojo ñasarise queno riasomena ñna ñama jidiri wiacã bajiro menirã. ¹³ Masa tiro riojo Dios ì beseri rãmũ mani moagoado bajiroti waja senigũ yiguĩji Dios. Iti rãmũ jea ãjũrise ejaro yiroja. Mani moagore quesoĩaro ejaro yiroja iti. Mani moagore quenarise iti ñaja, uabeto yiroja. Ñeñarise iti ñaja, u jedicoaro yiroja. ¹⁴ Dios oca queno riojo riasoanare ñna moagore jedibeto yiroja. Gũta wi uabeto bajiro, ñna moagore jedibeto yiroja. Ito bajiri ñnare waja yigũ yiguĩji Dios. ¹⁵ Dios oca queno riasobitanare ñna moabojare jediro yiroja. Yucũ wi iti u godaro bajiroti jediro yiroja. Ñna ya wi uaja budigoana robo bajirã yirãji ñna. Jeyaro ñna moabojare u godacoaro yiroja. Ito bajibojarocati jeame ãjũrojũ cõabicũ yiguĩji Dios ñnare. Ñnare masogũ yiguĩji Dios Jesucristore ñna tũorũnũja.

¹⁶ Espĩritu Santo quedĩ sãja ecoana ñari Dios ya wi robo bajirã ña mani. ¿Iti gayere masibeati mũa? ¹⁷ Dios ya wi robo bajirã ñari ì ñarã ña mani ñja. Ito bajiri sigũ manire ì ñeñoja manire ì ñeñore waja ñre waja senigũ yiguĩji Dios. Ito yicõri ñre ruyuriogũ yiguĩji Dios.

¹⁸ Mũamasiti mũa rujũrire ruobesa. “Adi sita gãna ñna masirise masi jeocõri buto masigũ ña yũ”, yibitirũja mũare. Ado bajirojũa mũa yija quena. “Buto ñasagu meje, buto masigũ meje ña yũ”, yirũja mũare. Ito bajiro mũa yija queno masirã ñarã yirãji mũa. ¹⁹ “Queno masirã ña gũa”, adi sita gãna ñna yibojarocati ñe ma Dios ì tija. Dios oca tuti iti gotija ado bajiro gotia: “Queno masirã ña mani. Ado bajiro yirã yirãji mani”, ñna yĩ tũoĩabojarocati ñnare camotagu yiguĩji Dios, yĩ gotia Dios oca tuti. ²⁰ Gaje iti gotija ado bajiro gotia: Adi sita gãna queno masirã ñna masirisere masi jeocõami Dios. “Queno masibeama ñna”, yami Dios, yĩ gotia ì oca tuti. ²¹ Ito bajiri, “Yũ tũo sũyagũjũa ñami buto masigũ”, yĩ tũoĩa wanũre ma mũare. Dios oca mũare riasorãre ñna oca mũa tũo masitoni ñnare cũñi Dios. ²² Gũa, yũ, Apolos, Pedrore cũni ì oca mũare riasotoni gũare cũñi Dios. Adi sitajũ mani catiroti, mani godaroti cũni cũñi Dios. Jane gaye, ija rẽtaroti gaye cũni manire cũ ñsiñi Dios manire ejabũaroti gaye. ²³ Cristo ñarã ña mani. Ì Cristo Dios yagũ ñami. Ito bajiri mani cũni Dios ñarã ña ñja.

¹ Ado bajirojua guare mua tuoĵaja quena: “Cristore moa ĩsira ñama ĩna”, guare mua yi tuoĵaja quena. Guare cūñi Dios ĩ oca masa ĩna masibitire gua riasotoni. ² Moare cū ecoana mani ñaja, queno mani moaja quena. Ito bajiro mani queno yija ticōri, manire tuorūnura yirāji gājerā. ³ “Cristore queno moa ĩsigū ñami Pablo”, mua yija, mua yibeja cūni, tuoĵa usirio yibeja yu. “Cristore queno moa ĩsigū ñami Pablo”, masa ujarā ĩna yija, ĩna yibeja cūni, tuoĵa usirio yibeja yu. “¿Cristore queno moa ĩsicati yu? Queno moa ĩsibitiruja gajea yu”, yi masibeja yu. Cristo sīgūti “Ī ñami queno yure moa ĩsigoru”, yi masiguĵi. ⁴ Yu tuoĵaja Cristore queno moa ĩsicu yu. Ito bajibojarocati, “Seti macu ñami ĩ”, yireoni meje ña iti. Mani Uju Cristo riti ñaguĵi, “Queno moa ĩsiquĵ Pablo yure”, yigu. ⁵ Mani Uju ĩ ejaroto riojua, gājerā ĩna yirise ticōri, “Ñeñaro yirā ña mua”, yibitiruja manire. Mani Uju ĩ tudĵi ejari rumu, yeyorojua masa ĩna yibojare gājerā masa ĩna tiro riojo itire gotigu yiguĵi ĩ. “Ado bajiro yi āmoa yu”, yi masa ĩna tuoĵa ñarise cūni recoti ĩogū yiguĵi Dios. Ito bajiri ĩre queno moa ĩsigoana mani ñaja, “Queno yure yicu mua”, yi wanugū yiguĵi Dios manire.

⁶ Tuoya yu ñarā mua. Queno mua ñatoni iti gaye muare busia yu. Yu gaye, Apolos gaye cūni muare gotia yu. “Ado bajiro yami Pablo, Apolos cūni”, mua yi masitoni iti gaye muare gotia yu. Itire masicōri adi tuti iti rotiro bajiro ricati yibitiruja muare. Ito yicōri, “Guajuaare riasori masa, muare riasori masa rēto busaro masirā ñama ĩna”, gāmeri yibitiruja muare. ⁷ “Gājerā rētoro masirā ña gua”, yire ma muare. Jeyaro mua masirise Dios ĩ muare jidicāre ña. Mua masirise muamasiti mua bujare meje ña. Dios ĩ jidicāre ña. “Dios oca riasoticōri, guamasiti queno tuo rēto bua gua”, yire ma muare. “Dios ĩ ejabuarisena queno tuo rēto bua gua”, mua yija quena.

⁸ “Dios oca queno masia gua. Dise ruyabeto jeyaro masi jeoa gua”, yi tuoĵa mua, yu tija. “Ujarā robo bajiro bajicā gua ĩja”, yi tuoĵabojacōri guare jidicā mua ĩja. Ito bajiro mua yija, “Queno tuoĵarā meje ñama ĩna”, yi tuoĵa yu muare. Riti ujarā mua ñaja, quena ñabadoja. Ujarā mua ñaja mua rācati rotiboana gua cūni. ⁹ Ado bajiro tuoĵa yuama. Gua Jesucristo ocare riaso ucurā, “Bero gāna manire cūni Dios”, yiado bajiro tuoĵa gua. “Īnare sĵacōrā yirāji mani”, ĩna yiana bajiro tuoĵa gua. “No bajiro ĩnare rētaja tiana mani”, yi tiama masa guare. Adi sita gāna, ũmacūju āngel mesa cūni guare rētarotire ti ñarāji ĩna. ¹⁰ Jesucristo oca gua riasojare, “Mecuri masa ñama ĩna”, yi tuoĵama masa guare. Ito bajiro guare ĩna yiroca, “Queno masirā ña guama”, yi tuoĵa mua. “Dios oca queno goti masirā meje ñama”, yi tuoĵama masa guare. Ito bajiro guare ĩna yiroca, “Dios ocare queno goti masia gua”, ya muama. Guareama masa ti te ñama. “Masa ĩna ti rucubuoana ña mani”, ya muama. ¹¹ Iti rumuju gua ñiocōcato bajiroti ñiocōa gua adocāta cūni. Ide ma guare. Yutabujuri cūni ma guare. Masa ñeñaro yama guare. Wi ma guare. ¹² Ruje moacōri boga gua. Masa ĩna ñeñaro guare ĩna busitubojacati, “Dios queno yijaro muare”, yire gaye rāca ĩnare cūdia gua. Guare ĩna usirioro ĩna yi codebojarocati ĩnare gāmebea gua. ¹³ Guare ñeñaro ĩna busitubojacati, usiriomenati ĩnajuare oca goti quenoa gua. Guare ti wanubeama ĩna. Adi sita gāna ĩna āmobitire, ĩna cōado robo bajiro guare tiama ĩna. Iti rumuju cūni, adocāta cūni ñaro bajiroti guare ti teama ĩna.

¹⁴ Mua bojo bujatoni meje ito bajiro muare uca yu. Yu rĵa yu mairā robo bajiro muare tuoĵa yu. Ito bajiri muare goti riasogu adi muare uca yu. ¹⁵ Diez mil ñarā Jesús oca riasori masa ñabojacati sīgū ñami muare Jesús oca riasosoru. Yu ña muare cajero riasosocacu. Ito bajiri mua jacu robo bajigu ña yu. “Jesucristore mua tuorūnura, muare masogū yiguĵi Dios”, yu yija tuocōri, ĩre tuorūnurocu mua. ¹⁶ Yu yiado bajiroti mua yitoni muare josa yu.

¹⁷ Ito bajiro mua yire āmoa yu. Ito bajiri Timoteore mua tu cōa yu. Ī ñami mani Ujue queno tuorūnugū. Ito bajiri yu macure bajiro ĩre tuo maia yu. “Cristore tuorūnugū ñari ado bajiro ñasotiami Pablo”, mua yi masitoni muare gotigu yiguĵi Timoteo. Jesucristore masirāre jeyaro yu riaso ucure gaye muare goti rēto bugu yiguĵi ĩ. ¹⁸ “Mani tu ejabicu yiguĵi Pablo. Ito bajiri mani āmoro bajiroti yiana”, yi tuoĵa wanuboja mua coriarā. ¹⁹ “Dios ĩ āmoja, yoari mejeti muare tigu wacu yiguja yu”, yi tuoĵa yu. Mua tu yu ejaja, ito

bajiro tuoña wanubojaräre tigu yiguja yu. Maa tu ejacöri, no bajiro ña yija tigu yiguja yu. Ito yicöri, riti Dios ñ masirisena ña moaja ti ejagu yiguja yu. ²⁰ “Ñre tuorünuräre ñ rotiroju miojugu yiguñi Dios”, mani yi masija, oca riti meje busiräji mani. Ñ ejabusarisena queno ñre moa ñsirä yiräji mani. ²¹ ¿No bajiro ñmoati maa? Ñeñaro maa yisotire maa jidicäbeja, “Quenabea maa”, ¿yu yi tudi ejare ñmoatite maa? Ñeñaro maa yirise maa jidicäja, ¿maa tu ejacöri yu wanurejuare ñmoatite maa?

5

Rocati romiare ajere quenabea, yi Pablo ñ gotire gaye

¹ Sīgũ maa räca gagu ado bajiro oca ruyuami: “Ñ jacu manajo räca quenabeto aje ñayiju”, yire oca ruyua. Iti ña buto ñeñaro yire. Gäjeraäma Diore masimena ñabojaräti itioniregorama yimenaji. ² Iti ñeñarise maa wato ñ yi ñabojarocati, “Queno yirä ña gaa”, ¿yi tuoña wanubojati maa? Masa ña godaja bojori bujaro bajiro bojori buja ñaruja muare. Ñeñaro yigure ñre maa bucöaja quena. ³ Reco maa räca ñabitibojaguti, yu tuoñarisena maa taju ña yu. Maa räca ñabitibojaguti, “Ado bajiro yiroja ñ ñeñaro yirise waja”, yi masicä yu. ⁴ “Ado bajiro ñmoami mani Uju Cristo”, yirona maa minijuare ñmoa yu. Ito bajiro maa minijua ñaroca yu tuoñarisena maa räca ñagũ yiguja yu. Mani Uju Jesucristo cuni ñ masirisena maa räca ñagũ yiguñi ñ, “Ado bajiro gaa yija quena”, maa yi tuoñatoni. ⁵ Minijuacöri ñeñaro yigure bucöaña maa, rümua uju Satanás ñ ñmoro bajiro ñre ñ yitoni. Ito bajiro maa yija, ñ ñmoro bajiroti ñ töbujaroca yigu yiguñi Satanás ñre. Ito bajiro maa yija ñ ñeñaro yirisere jidicägũ yiguñi gajea. Ito bajiro ñeñaro ñ yirise ñ jidicäja, mani Uju Jesucristo ñ tudi ejari rumu ñre masogũ yiguñi.

⁶ Ito bajiro ñeñarise maa wato ñ yi ñaja, “Queno yirä ña gaa”, yire ma muare. Wadarise uco jabeto mani wuoja, ñarocöti wusa jediroja. Ito bajiroti ñeñaro yigu maa wato ñ wusaja ñeñaro yirä riti ñarä yiräji maa. ¿Iti gayere masibeati maa? ⁷ Ito bajiri maa wato ñeñaro yigure bucöaña, gäjeraä cuni ñeñaro ña yibe yirona. Ñre bajiro ñeñaro yibeama gäjeraä maji. Ito bajiri ñeñaro yisugure bucöaja quena. Mani ñeñaro yirise waja, waja yirocu manire yiri goda ñsirä Cristo. Pascua basa menirä oveja macure siasotiamä ña. Ñ robo bajiroti manire goda ñsirä ñari, oveja macu robo bajiro bajigu ñami Cristo. Ito bajiri mani ñeñaro yirise Cristo ñ waja yicare ñajare, mani wato ñeñaro yiräre bucöaja quena. ⁸ Ñeñarisere camotadigoruja manire. Ito bajiro mani bajija naju wadarise uco wuoya mana robo bajiräji mani. Gäjeraäre ti tudibitiruja manire. Ito yicöri jeyaro ñeñaro yirise jidicäcöri quenarise rioti yisotiruja manire.

⁹ Iti rumuju muare yu papera cöasuocati ado bajiro muare goticu yu: “Rocati romia ajerä räca baba cutibeja maa”, yi muare goti ñucacu yu iti rumuju. ¹⁰ Ito bajiro yu yicati, “Adi sita gäna Jesure masimenare camotadiya maa”, yirocu meje yicu yu. Ña Jesure masimena rocati romiare ajerä ñama ña. Jai busaro niyeru buja ñmorä ruorä ñama ña. Riniri masa ñama ña. Ito yicöri ña meni rujeorure rucubuoama ña. “Adi sita gänare camotadiya”, yu yija, adi sitare wagoboana maa. “Ito bajiro yiba”, yirocu meje yicu yu. ¹¹ “Ado bajirojua yiba maa”, yirocu muare goticu yu. “Jesure tuorünugũ ña yu”, yibojaguti, rocati romiare ajegu räca baba cutibeja. Jai busaro bujarocu ruogure baba cutibeja. Ña meni rujeorure rucubuoaräre baba cutibeja. Rocati ruocöri oca menigũ räca baba cutibeja. Mecu jaigu räca baba cutibeja. Ito yicöri, “Jesure tuorünugũ ña yu”, yibojaguti rinire jaigure baba cutibeja, yirocu muare gotisucucu yu iti rumuju. Ito bajiro ñeñaro yirä räca baba cutibeja. ¹²⁻¹³ Dios riti ñami Jesure tuorünamenare ña ñeñaro yirise waja, waja seni masigũ. Maniama ña ñeñaro yirise waja, waja seniri masa meje ña mani. Ito bajibojarocati mani robo bajiro Jesucristore tuorünurä ñabojaräti ñeñaro yirise ña jidicä ñmobeja mani bucöaja quena. Dios oca tuti iti gotija ado bajiro gotia: “Maa räca gagu ñeñaro yigure bucöaña”, yi gotia Dios oca tuti.

6

Gāji Jesure masigũ rāca mani oca cutire gaye

¹ Gāji Jesucristore masigũ rāca m̄ua oca josaja, iti oca quenorona Jesure masimena oca quenori masa t̄u wabeja. Ado bajiroj̄ua m̄ua yija quena. Jesure masirā oca quenori masa t̄uj̄ua m̄ua waja quena. ² Mani Dios ñarā ī rācati adi sita gānare beserā yirāji. ¿Itire masibeati m̄ua? Riti ī rāca beserā yirāji mani. Ito bajiri Dios rāca adi sita gānare mani bese masija, oca jabeto iti ñaja queno masir̄uja manire. ³ “Ūmac̄j̄u ángel mesare Dios rāca beserā yirāji mani”, ¿yi masibeati m̄ua? Ñnare mani bese masija, adoc̄ata mani wato oca jabeto ñarisere queno masir̄uja manire. ⁴ Ito bajiri m̄ua wato oca ñaja, Jesure masimena oca quenori masa t̄u wabeja. Ñnaõna t̄u m̄ua waja quenabea. ⁵ M̄ua bojo b̄ujatoni itire m̄uare gotia ȳu. ¿M̄ua wato queno t̄uo masigũ Jesure t̄uor̄un̄ugũ oca quenori mas̄u ñabiqūj̄ida? Ñagūji gajea. ⁶ Ito bajibojarocati gāji Jesure masigũ rāca m̄ua oca josaja, Jesure masimena oca quenori masa t̄u warāji m̄ua. Ito bajiro m̄ua yija quenabea.

⁷ Jesure masirā ñabojarāti m̄ua gāmeri tudija, “Jesure queno c̄udirā meje ñama ña maji”, yi t̄uoĩaḡj̄a ȳu m̄uare. Gājire m̄ua seti yija quenabea. Sīgũ m̄uare ñeñaro ī yibojarocati, m̄ua gāmebeja, itij̄ua ña b̄uto b̄usa quenarise. Gāji m̄uare ī rinija, riojoti tibojaja quena. Ñre gāmebeja. ⁸ Ito bajiro yibesa m̄ua. M̄uamasiti ñeñaro yic̄ori m̄ua ñarāre rinia m̄ua.

⁹⁻¹⁰ “Dios ī rotiroj̄u ejaмена yirāji ñeñaro yiri masa”, yi masic̄arā ñaboja m̄ua. “Ñeñaro yirā ñabojarāti Dios t̄u ejarā yirāji mani”, yi t̄uoĩaboj̄a m̄ua. Ado bajiro ñeñaro yirā Dios t̄u wamenaji. T̄uote m̄ua. Rocati romiare ajerā Dios t̄u wamenaji. Ñna meni rujeor̄ure r̄uc̄ub̄orā c̄uni wamena yirāji. Manoj̄o cutirā ñabojarāti gājerā romiare ajerā, ñna comasiti yirā c̄uni, riniri masa c̄uni, jai b̄usaro b̄ujarona r̄uorā c̄uni, mec̄u jairā c̄uni, rocati socac̄ori r̄uo gotirā c̄uni, rini uc̄urā c̄uni Dios t̄u wamenaji. “Ñna robo bajiro ñeñaro mani yibojarocati Dios t̄u ejarā yirāji mani”, yi t̄uoĩaboj̄abesa m̄ua. ¹¹ Iti r̄um̄uj̄u ñna robo bajirā ñayija m̄ua maji. M̄ua ñeñaro yirisere waja yi ecoana ña m̄ua ĩja. Ito bajiri Jesucristore t̄uor̄un̄uc̄ori Dios ñarā ña m̄ua ĩja. Esp̄iritu Santona s̄uoriti Dios ī boca āmiana ña mani. “Ñna ñama quenarā. Ȳure waja ruyuriobeama ñna”, Dios ī yi t̄uoĩarā ña mani.

Mani ya ruj̄u Dios yeti ña, yire gaye

¹² Ado bajiro yama coriarā: “Rēore ma ḡuare. Ḡua āmoro bajiroti yi masia ḡua ĩja”, yama coriarā. Riti ña, ito bajibojarocati jeyaro mani yi āmorise quenarise meje ña. Mani yi āmorise gājerāre iti ejab̄uabeja, yibitir̄uja manire. Mani āmoro bajiro yi masirā ñabojarāti, ñeñaro mani yi ūyabojarisere yibe yirona, mani ya ruj̄ure r̄eõja quena. ¹³ Gājerā ado bajiro yama: “Jeraga mani s̄aroti ña bare. Bare s̄añarij̄u ña jeraga. Ito bajiro manire meniñi Dios”, yama gājerā. Ito bajibojarocati, mani ya jeraga, bare c̄uni ñat̄iñaroti meje ña. Mani babojarise, mani ya jeraga c̄uni jediroca yiḡu yigūji Dios ūmac̄j̄u. Gājerā ado bajiro yibojama ñna: “Romia rāca mani ajetoni ruj̄u manire ĩsiñi Dios”, yibojama ñna. Ado roboj̄ua baja: Mani Ūj̄ure mani moa ĩsitoni ruj̄u ña manire. ĩ ñami mani ya ruj̄ure tir̄un̄ugũ. ¹⁴ Mani Ūj̄u Jesucristore t̄udi catiroca Dios ī yiado bajiroti mani t̄udi catiroca yiḡu yigūji Dios. ĩ masirisena manire āmi m̄ujagũ yigūji Dios.

¹⁵ Mani ya ūsij̄u queda s̄ajac̄ori mani ya ruj̄uj̄u ñagūji Cristo. “Ito bajiro bajigūji”, ¿yi masibeati m̄ua? ¿Mani ya ūsij̄u ñabojarocati wedi maso rāca mani waja quenati? Meje, quenabetoja. Ito bajiri itire yibitir̄uja manire. ¹⁶ Sīgũ wedi maso rāca ĩ ajeja co ruj̄u bajiroti ruj̄u cutirā ñama ñna. “Ito bajiro bajiroja”, ¿yi masibeati m̄ua itire? Dios oca tuti ado bajiro gotia: “Manoj̄o cutiḡu co ruj̄u bajiroti ruj̄u cutirā ñama ñna”, yi gotia Dios oca tuti. ¹⁷ Sīgũ Cristore boca āmigũ ĩ ya ūsij̄u ĩ queda s̄ajaroca sīgũ robo bajiro bajiam̄a ñna j̄uarā.

¹⁸ Ito bajiri m̄uamasiti m̄ua ya ruj̄u ñeñaro iti t̄uoĩaro bajiroti ñeñaro yibesa. Gaje ñeñaro mani yirise mani ya ruj̄una meje ya mani. No ĩmasiti ĩ ya ruj̄u ñeñaro iti t̄uoĩaro

bajiroti ñeñaro ĩ yija, ĩ ya rujure ñeñogũ yami ĩ. ¹⁹ Manire Espiritu Santo queo sãñi Dios. Ito bajiri Espiritu Santo mani rãca ñami ĩja. Manire ĩ quedi sãjaja bero mani ya rujuti ñaroja ĩ ya wi ĩja. Mani ya rujũ Dios yeti ña. ¿Itire masibeati mũa? ĩ ñami mani Ʋju. ²⁰ Ito bajiroti baja. ĩ ñarã mani ñatoni waja rũcuro manire waja yi ãmiñi ĩ. Mani ya rujũ, mani tũoĩarise cuni Dios yeti ña. Mani ya rujũna, mani ya usina cuni Dios ĩ ãmoro bajiro riti yirũja manire.

7

Manojo cutire gaye

¹ Paperana yũre mũa seniña ñucare adocãta itire cudigũ ya yũ. ¿Sĩgũ manojo macũ ĩ ña ãmoja quena ñati? yũre mũa yi seniña ñucare, “Quena ña”, ya yũ itire. ² Ito bajibojarocati, “Ĩna manojo cutibeja rocati ajerã yirãji gajea”, yi masicõri, “Ĩna manojo cutija quena”, ya yũ. Romia cuni ĩna manũju cutibeja rocati ajerã yirãji gajea. Ito bajiri ĩna manũju cutija quena. ³ Manojo cuticõri iso ãmoro bajiro cudija quena. Isojua cuni ito bajiroti manũju ĩ ãmoro bajiro cudija quena. ⁴ Manũju cuticõri, “Yũ ãmoro bajiro yicoja yũ”, yire ma romiore. Iso manũju yago ñamo iso ĩja. Manojo cuticõri, “Yũ ãmoro bajiro yicũja yũ”, yire ma ãmũgũre cuni. ĩ manojo yagu ñami ĩ ĩja. ⁵ Ito bajiri manũju cutirã, manũju ĩ yi ãmoja, “Yibesa”, yire ma romiore. Ʋmũgũre ito bajiroti, manojo iso yi ãmoja, “Yibesa”, yire ma ãmũgũre. Diore rũcubũorona, “Yibitirũja mani maji”, yi ĩna jũarãju ĩna tũoĩaja, quena ña. Diore rũcubũo tĩorã ĩna yisotiado bajiroti ĩna yija quena ña mũcana. “Yoari ĩna yibeja ñemecuti masimenaji”, yi tũoĩagũ ñami Satanás. Ito bajiri yoari ĩna yibeja, gãjerã rãca ĩna aje ãmoroca yi codegu yiguĩji rũmũa Ʋju.

⁶ Itire mũare rotirocũ meje ya yũ. Yũ gotiro bajiroti mũa yija, “Quena ña”, yirocũ mũare ya yũ itire. ⁷ Yũmasiti yũ tũoĩaja, yũ bajiro riti mũa bajija quena. Manojo macũ ña yũama. Ito bajibojarocati sĩgũ robo bajirã meje ña mani. Gãjerãre ĩna manojo cutiroca yami Dios. Gãjerãre manojo mana ñabojarãti ĩna wanũroca yami Dios.

⁸ Mũa manojo manare, manojo godagoanare cuni ado bajiro ya yũ mũare: Yũ robo bajiro manojo mana mũa ñacõaja quena ña. ⁹ Ito bajibojarocati sĩgũ ĩ ñemecuti masibeja, manojo cutija quena. Sĩgũ romiare bũto ĩ tũoĩaja, ĩ manojo cutija quena ĩocũre. Romio cuni ãmũgũre bũto iso tũoĩaja, iso manũju cutija quena isore.

¹⁰ Ado bajiro rotia yũ mũare. Mũa manũju cuticãna gãmeri jidicãre ma. Iti ña mani Ʋju ĩ rotire. Yũmasiti yũ tũoĩa rujeore meje ña iti. ¹¹ Sĩgõ manũju jidicãro iso ñaja, gãji manũju cutire ma isore. Iso manũju ñacãrũ rãca oca quenoja quena mũcana. Ito bajiroti ãmũgũ cuni ĩ manojo cutija, jidicãre ma.

¹² Adocãta yũ tũoĩarisere mũare gotigũ ya yũ. Mani Ʋju ĩ gotigore meje ña iti. ĩ cũru ñari ado bajiro gotia yũ: Mũa coriarã Jesure masimena rãca manojo cutirã ñarãji mũa. Mũa manojosãromia mũa rãca ĩna ña jidicã ãmobeja, jidicãre ma mũare. ¹³ Mũa coriarã Jesure masimena rãca manũju cutirãji mũa. Mũa manũjusabatia mũa rãca ĩna ña jidicã ãmobeja, jidicãre ma mũare. ¹⁴ Mũa manũjusabatia Jesure masimena ñabojarãti mũare ĩna manojo cutija, ĩnare cuni ti maigũ yiguĩji Dios. Dios mũare ĩ queno yiado bajiroti mũa manũjusabatiare cuni queno yigu yiguĩji Dios. Ito bajiroti mũa manojosãromiare Jesucristore masimena ñabojarãti ĩnare ti maigũ yiguĩji Dios. Mũa rĩare cuni ti maigũ yiguĩji Dios. Jesure tũorũnrã mũa ñajare, mũa rĩare cuni queno yigu yiguĩji Dios. “Yũre tũorũnumena rĩa meje ñama”, yi tũoĩacõri mũa rĩare cuni queno yigu yiguĩji Dios. ¹⁵ Sĩgũ Jesure masigũ ĩ manojo Jesure tũorũnũbeco ñari iso jidicã ãmogõ iso josaja, jidicãja quena. Sĩgũ mũa manũju Jesure masibicũ ñari ĩ jidicã ãmogũ ĩ josaja, jidicãja quena. Ñe oca manoti queno mani ñare ãmoguĩji Dios. Ito bajiri jidicã ãmorã ĩna josaja, ĩnare mai cũbeja quena. ¹⁶ “Jesure masigõ yũ ñajare yũ rãca ĩ ñaja, Jesure boca ãmigũ yiguĩji ĩ cuni”, yi tũoĩa masibeja mũa. “Jesure masigũ yũ ñajare yũ rãca iso ñaja, Jesure boca ãmigõ yigõji iso cuni”, yi tũoĩa masibeja mũa.

¹⁷ Mani ñaroto bajiroti manire cũñi Dios. Jesure boca ãmicõri mani ñasũoado bajiroti mani ñaja quena. No Jesure tũorũnrã ĩna minijuaja, ito bajiro gotisotia yũ ĩnare. ¹⁸ Sĩgũ

wiro tagorū Cristore ī boca āmija, “Bujato baja wiro tagorū ña yū”, yire ma. Sīgū wiro taya macū Jesure ī boca āmija, ī ñado bajiroti ī ñaja quena. ¹⁹ Wiro tana mani ñaja, taya mana mani ñaja cūni, no yibea. Ñasarise meje ña. Ado robojūa baja ñasarise: Dios ī āmoro bajiro mani yija, iti ña ñasarise. ²⁰ Cristore boca āmicōri mani ñasuoado bajiroti mani ñaja quena. ²¹ Gājerāre moa īsi ñarā Jesure mūa boca āmija, “Bujato baja ina josū ña yū”, yire ma mūare. Ito bajibojarocati mūajūare ina bucōa āmoja budija quena. ²² Gājerāre moa īsi ñarā Jesure mūa boca āmija, mūa ūjū josa meje ña mūa adocāta. Cristo ñami mūa ūjū adocāta, ito yicōri ire moa īsirā ña mūa īja. Gājerāre moa īsirā meje mūa ñaja, Cristore boca āmicōri, adocāta Cristore moa īsirā ña mūa īja. ²³ Ī ñarā mani ñatoni waja rūcūrisena manire waja yi īsiñi Dios. Ī sīgūti ñami mani ūjū. Ito bajiri adocāta ire moa īsia mani. Ī āmoro bajiro riti yirūja manire. Adi macārūcūro ñeñaro yire mani yitoni gājerā ina yi codebojaja ñare cūdibitirūja manire. ²⁴ Tūoya yū ñarā mūa. Cristore boca āmicōri, mani ñasuoado bajiroti mani ñaja quena. Ito yicōri Diore mani tūorūnūotija quena.

²⁵ “Manūjū mana, manajo manare cūni, ado bajiro rotiami mani ūjū”, yire ma yūre. Ito bajibojarocati yū tūoīrise mūare gotigu ya yū. Yūre ti maicōri ī cūru ñari būsia yū. Ito bajiri yūre mūa tūorūnūja quena. ²⁶ Ado bajiro tūoīa yū: “Adi rūmūri ñare gaye josari ña. Ito bajiri mūa manajo mana mūa ñado bajiroti ñaja quena”, yi tūoīa yū. ²⁷ “Mūa manajo cūticārā jidicāre ma īja. Mūa manajo mana ñarā āmabeja quena”, ya yū mūare. ²⁸ Ito bajiro yū yibojarocati, sīgū ūmūgū ī manajo cūti āmoja, ito yicōri romio cūni iso manūjū cūti āmoja, ina manūjū cūti ñeñaro yirā meje yama ina. Manajo cūtirā buto oca ña codero bajiro ūsirioro būjarā yirāji. Iti mūare bajibe yirocū iti mūare goti camota yū. Adi rūmūri josari ña manire. Ito bajiri manajo cūticōri, manūjū cūticōri buto būsia josari ñaro yiroja mūare.

²⁹ Tūoya yū ñarā mūa. “Nocō mejeti rūya manire”, yirocū iti mūare gotia yū. Mūa manajo cūtirā, manajo mana bajiro Diore moa īsiña. ³⁰ Mūa godago ecoana, godago ecobitiana bajiro ire moa īsiña. Mūa basa ñarā, basamena bajiro Diore moa īsiña. Mūa gajeoni būjarā, “Iti ña yū ye”, yimenati Diore moa īsiña. ³¹ Mūa adi sitajūre queno būjarā, queno būjamena bajiro Diore moa īsiña. Adi sita gaye mani tirise jedi wajū.

³² Tūoīa ūsirio menati mūa ñare āmoa yū. Sīgū manajo macū mani ūjū ye moarocū, tūoīagū yiguīji ī. Mani ūjū ī wanūtoni tūoīagū yiguīji ī. ³³ Manajo cūtigū ī manajo queno ñatoni adi sita gayere tūoīagū yiguīji. Ito yicōri ī manajo wanūtoni tūoīa ūsirio gū yiguīji. ³⁴ Diore moa īsire, manojore moa īsire jūaji tūoīare gaye ñaroja ire. Manūjū cūtigo, manūjū maco cūni ito bajiroti bajirāji ina cūni. Manūjū maco ito bajiroti mani ūjūre moa īsiroco tūoīa ūsirio gū yigōji. “Yū ya rujūna, yū ya ūsina cūni Diore moa īsigō yigoja yū”, yi tūoīagō yigōji iso. Manūjū cūtigoama iso manūjū queno ñatoni adi ūmūari gayere tūoīa ūsirio gū yigōji. Ito yicōri iso manūjū wanūtoni tūoīa ūsirio gū yigōji.

³⁵ Mūare rēorocū meje iti gotia yū. Mūa queno ñatoni itire gotia yū. Mūa queno yi ñare āmoa yū. “Mani ūjū Jesucristore riti moa īsigū yigūja yū”, yi mūa rūcūbūore āmoa yū.

³⁶ “Yū manajo ñaroco būsūacoamo īja. Būtoguti isore āmocōa yū. Ito bajiri ñemecūti masibeja yū”, yi tūoīacōri sīgū ī manajo cūti quena. Ito bajiro ī āmogōre ī manajo cūti, ñeñaro yigū meje yami ī. ³⁷ Gājiama, “Manajo macū ñagū yigūja yū”, yi tūoīacōri ī tūoīaro bajiro ī manajo cūtibejā quena. “Manajo macū ñabojagūti ñemecūti masia yū”, ī ya ūsiyū ī yi tūoīa masija, manajo macū ī ñaja quenaña īocūre. ³⁸ Sīgū ito bajiro buto ī āmogōre ī manajo cūti queno yami. Ito bajibojarocati gājiama ī manajo cūtibejā queno būsia yami ī.

³⁹ Sīgō manūjū cūticāro, manūjū ī catiroca riti gāji rāca manūjū cūti ma isore. Iso manūjū godagoja, gāji iso āmogū rāca iso manūjū cūti quena ña. Gāji Jesure masigū rāca iso manūjū cūti quena. ⁴⁰ Ito bajibojarocati mūcana tūdi iso manūjū cūti āmobeja, “Buto būsia wanūgō yigōji iso”, yi tūoīa yū. “Espīritu Santo yūre ī ejabūajare, ito bajiro būsia yū”, yi tūoīa yū.

8

Ĩna meni rujeoanare ecare gaye

¹ Ĩna meni rujeoanare rŭcubwora waibucurã sŭacõri ecare gaye mware busigu ya yu adocãta. “Itire mani baja, quena ña. Ñeñaro yibea mani”, yi masi jedirãji mwa. Ito bajibojarocati, “Gãjerã rëtoro masirã ña gwa”, mwa yibojaja, masirã meje ña mwa. Gãmeri mani ti maija itijwa ña ñasarise. Gãmeri mani ti maija, gãmeri tuoia oca sëoroca yirãji mani. ² “Queno masigũ ña yu”, sigũ ï yibojaja, queno masigũ meje ñami ïocã. Ĩ masiriseonijware masibeami ï. ³ No Diore ti maigũre, ïre ti masicõri ïre maigũ yiguĩji Dios.

⁴ Ĩna meni rujeoanare waibucu sŭacõri ĩna ecare gaye mware busigu ya yu. “Masa ĩna meni rujeoana ñasarã meje ñama”, yi tuoia mani. “Dios sigũti ñami ñasagu”, yi tuoia mani. ⁵ Adi sita gãna Diore masimena ĩna gotija, “Ũmacũjw, jacajw cuni mani rŭcubwora ñama ĩna. Jãjarã ñarãji mani rŭcubwora, mani wjarã”, yi tuoibojama Diore masimena. ⁶ Ito bajiro ĩna yi tuoibojarocati, jãjarã meje ñama mani rŭcubwora. Dios mani Jacu sigũti ñami mani rŭcubwosarocu. Ĩti ñami jeyarore rujeoru. Ĩre moa ĩsirona ña mani. Sigũ ñami mani Wjw. Ĩ ñami Jesucristo. Ĩna sworiti jeyaro ña. “Mani cuni ĩna sworiti ña”, yi tuoia mani.

⁷ Ito bajiro mani yi tuoibojarocati gãjerã Jesure masirã ñabojarãti masimenaji iti gayere. Jesure ĩna masiroto riojwa ĩna meni rujeoanare rŭcubwora ñayijarã ĩna maji. Ito bajiri, “Masa ĩna meni rujeorure bare ĩna ecare mani baja, quenabetoja manire, ñeñaro ya mani”, yi tuoiarãji ĩna. Ito bajiro tuoibojarãti ĩna baja, tuoia oca sëomena yirãji ĩna. Ito yicõri queno Diore cudimenaji ĩna. ⁸ Mani baja, mani babeja cuni ñasarise meje ña iti Dios ï tija. “Itire mani babeja, manire ti wanugũ yiguĩji Dios”, yire ma. Ito yicõri, “Itire mani baja, manire ti wanubicu yiguĩji Dios”, yire cuni ma. ⁹ “Mani baja, mani babeja cuni no yibea”, yi masibojarãti mani baroto riojwa queno tuoiaja quena. Itire mani baja ticõri, “Diore masibojarãti queno cudibeama ĩna”, yi tuoia gũ yiguĩji Jesure tuorũnũwogu gajea. Ito bajiro tuoia wisacõri Jesure tuoia jidicãgũ yiguĩji. ¹⁰ Ado bajiro rëtaraja gajea. Sigũ Jesure tuorũnũwogu ĩna meni rujeorure ĩna ecare mani baja tigu yiguĩji gajea. Itire mani baja, “Quena ña. No yibea”, yi tuoia mani. Ito bajibojarocati ijwama masibiquĩji itire. Mani baja ticõri, “Yu baja quenabetoja”, yi tuoibojaguti bagu yiguĩji ï cuni. ¹¹ “Rëore ma”, yi masibojarãti mani baja, Jesure tuorũnũwogu ï tuoia jidicãroca yirã yirãji gajea mani. Ĩre yiarĩ cuni goda ĩsiñi Cristo. Mani baja ticõri, Jesucristore jidicãgũ yiguĩji. Ito bajiri, “Rëore ma”, yi masibojarãti babitiruja manire. ¹² Itire mani baja ticõri, sigũ Jesure tuorũnũwogure ï tuoia wisaroca yirãji mani. Ito bajiro mani yija ïre riti meje ñeñaro ya mani. Cristore cuni ñeñaro yirã ya mani. ¹³ Ito bajiri waibucu yu baja ticõri sigũ Jesure tuorũnũwogu ï tuoia wisaroca yu yija, waibucu ri babitiruja yure. Jesure ï tuoia jidicãroca yibe yirocu itire babitiruja yure.

9

Jesucristo ï cūana ñari, “Ado bajiro yiana mani”, ĩna yire gaye

¹ Yu ãmoro bajiro yi masibojaguti Jesucristo ãmoro bajiro cudirocu ña yu. Ĩ oca yu goti ucutoni yure cũni Dios. Ĩre moa ĩsigũ mware riasocu yu. “Pablo ï riasorisere tuocõri, Jesure tuorũnũwocu mani”, yi tuoiarãji mwa. ² “Jesús ï cũru meje ñami Pablo”, yirã yirãji gajea gãjerã. Yu riasorisere tuocõri Jesure tuorũnũcu mwa. Ito bajiri itina, “Jesús ï cũru ñami Pablo”, yi tuoiarã yirãji mwa.

³ “Jesús ï cũru meje ñami Pablo”, ĩna yija, ado bajiro cudia yu: ⁴ Jesús ï cũru ña yu. Ito bajiri yu riasore waja yure ĩna eaja, yure ĩna ioja cuni boca ãmire ña yure. ⁵ Gãjerã Jesús ï cūana masare riaso ucurã ĩna waja, ĩna manojosãromia rãca wa ucuama. Ito bajiroti ĩna manojosãromia rãca riaso ucurã wama Jesús ocabaji mesa, ito yicõri Pedro cuni. Ĩna manajo cutiado bajiroti sigõ Jesure tuorũnũgõ rãca yu manajo cuti ãmoja, manajo cuti masia yu cuni. ⁶ Jesucristo oca goti ucuri masa ĩna ña masitoni jeyaro ejabwa mwa

ĩnareama. “Bernabé, Pablo rãca Jesucristo oca goti ucurã ĩna ña masitoni ĩna moaja quena”, ¿yi tuoĩati mua guareama? ⁷ Gãjerãre moa ĩsirã ñari waja bũjarã yirãji surara. Rocati ñamena yirãji. Uyé otegu ĩti ricare bagu yiguĩji. Oveja coderi masu cuni ĩna ya õjegõa bijecõri idigu yiguĩji ĩ. ⁸ Iti yu gotirise, “Ĩ tuoĩarise busiami Pablo”, ¿yi tuoĩati mua yure? Bajibe. Ito bajiroti gotia Moisés ñayoru ĩ rotire cuni. ⁹ Dios rotirise ucaqu ado bajiro ucañi Moisés ñayoru: “Ta wecu trigo ajere ĩ wi cãda codaja, ‘Bajaro ĩ cuni jabeto’, yirona ĩ ya rise sia biabesa”, yi gotia Dios oca tuti. Ta wecu ĩ batoni tuoĩa usirioqu meje ĩtire yĩni Dios. ¹⁰ Gũa ĩ oca riaso ucurãre tuoĩacõri ito bajiro gotiñi Dios. Gũare masa ejabuatonu ĩtire gotiñi ĩ. Weseca moagũ, trigo ajeri codagu cuni, “Ito bajiro bũjagu yigũja yu”, yi tuoĩa wanucõri moama ĩna. ¹¹ Dios oca muare riasosũorã, wesecaju oterã bajiro moacu gũa. ¿Weseca oteri masa ĩna bũjado bajiro muare gũa bũjaja, no bajirojada? ¿Gũa riasore waja guare mua ejabuaja, no bajirojada? ¹² Gãjerã Dios oca muare riasoanare ĩna ñatoni ĩna ãmorise ĩsiyija mua. ĩnare mua ĩsija, gũa muare riasosũoanajuare queno busa mua ĩsija quena. “Muare riasocu gũa. Ito bajiri gũa ñatoni gũa bojoro bũjarise ĩsiña”, yi tuoĩabojarãti muare senibiticu gũa.

Ado robojua bajicu gũa. Guare bare manija, yutabujuri manija, riojoti ñemecaticu gũa. “Cristo oca mani riasoroca ĩnare mani senija, ĩ ocare boca ãmimenaji ĩna”, yi tuoĩacõri muare senibiticu gũa. Riojoti ñemecaticu gũa. ¹³ Judio masa ĩna minijuara wi ĩna moaja ĩti wi gayeti bocatirãji. Ado bajiro bajia ĩti. Diore rucubũorona ĩna menira casabo waibucurã siacõri ĩna soeriseti bama itiju moari masa. ĩtire masia mua. ¹⁴ Ito bajiroti bajia Cristo oca riasorãre cuni. ĩna riasore waja ĩna riasoana ĩnare ejabuaja quena. Ito bajiro rotiñi mani Uju Cristo. ¹⁵ Muare seni masibojaguti coji muare senibiticu yu. Adi yu muare ucarise cuni yure mua ĩsitoni meje uca yu. Ñiocõ goda wabojaguti muare senibicu yigũja yu. “Senibicuti masare riasocu yu”, yi tuoĩacõri wanua yu.

¹⁶ “Ĩre tuorũnurãre masogũ yiguĩji Cristo”, yu yi masare riasoja, “Queno yigu ña yu”, yi tuoĩabea yu. Ito bajiro yu goti ucutoni yure cũni Jesucristo. Masare ĩ oca yu riasobeja, quenabeto rãtarõja yure. ĩti yu riasobeja, wanubicu yigũja yu. ¹⁷ Waja bũjarocu yu riasoja, “Waja bũjagu yigũja yu”, yibogũja yu. Ito bajiro meje bajia. Yu tuoĩarise meje riasoa yu. Dios ĩ yure cũado bajiroti riasoa yu. ¹⁸ Ado robojua bajia yu waja bũjarise. Masare waja senibicuti, “Ĩre tuorũnurãre masogũ yiguĩji Dios”, yi riasoa yu. Waja bũjarocu meje ĩ ocare riasoa yu. ĩtire masicõri wanua yu. ĩti ña yu bũjarise. “Muare yu riasore waja yure mua ĩsija quena”, yi masibojaguti muare senibiticu yu.

¹⁹ Gãjire moa ĩsiri masu meje ña yu. Ito bajibojarocati mua jeyarore moa ĩsigũ bajiro ña yu. Jãjarã busa Jesucristore tuorũnũjaro, yirocu ĩto bajiro moa yu. ²⁰ Judio masa rãca yu ñaja, ĩnare bajiroti ña yu cuni. Jesure ĩna tuorũnũre ãmogũ ĩto bajiro ya yu. Moisés ñayoru rotire cudirã rãca yu ñaja, ĩna robo bajiroti ña yu. ĩtire cudibitirocu ñabojaguti Jesure ĩna tuorũnũre ãmogũ ĩna bajiroti ña yu. ²¹ Gãjerã Moisés ñayoru rotire cudimena rãca yu ñaja, ĩna bajiroti ña yu. Ito bajibojarocati, “Dios ĩ rotire cudigu meje ña yu”, yibe yu ĩnare. Jesure ĩna tuorũnũre ãmogũ ĩto bajiroti ya yu. Cristore cudigu ñari Dios ĩ rotire ña yu cudiroti. ²² Jesucristore tuorũnũsũorã rãca yu ñaja, ĩna bajiroti ña yu. Ito bajiro ya yu buto busa Jesucristore ĩna tuorũnũtoni. No masa rãca yu ñaja, ĩna rãca gagu bajiro ya yu. Ito bajiro ya yu, “Ĩre tuorũnurãre masogũ yiguĩji Cristo”, yi yu riasore tuocõri Cristore ĩna boca ãmitoni. ²³ “Ĩre tuorũnurãre masogũ yiguĩji Cristo”, yire gaye masa ĩna tuo jeditoni ĩti gayere moa yu. Jesucristore boca ãmicõri masa ĩna wanũre ti ãmogũ ĩtire moa yu.

²⁴ Masa ĩna ũmaquedija, sigũ ruyabeto ũmaquedicã. Ito bajibojarocati sigũti ñaquĩ ejasũogũ. ĩ ñaquĩ ejasũore waja, waja bũjagu. ĩtire masia mua. Cajero ejasũorocu ĩ ũmaquedisũoado bajiro Diore queno moa ĩsiña mua. Dios tu bũjarona ĩre queno moa ĩsiña mua. ²⁵ No cajero ũmaquedi rãtocũ ãmorã dise ĩna ya rujuri ñeñorise gayere rãoama ĩna. Ito bajiro josari moama ĩna jũ suara bedo nocõ mejeti jogari bedore bũjarona. Maniama jogabiti gayere bũjarona buto Diore moa ĩsia. ²⁶ “Ado bajiro yu yire ãmogũji Dios”, yi

tuoia masicōri, Diore moa ĩsia yu. Sĭgũ rocati ĩ roca wuebojaro bajiro meje ya yu. “Ado bajiro amoguĭji Dios”, yi masibiticōri meje ĩre moa ĩsia yu. ²⁷ Ado robojua baja. Diore moa ĩsi amoguĭ ñari, yu amorise meje ya yu. Yu ya rujũ ñeñaro iti tuoĭabojarocati ito bajiro yibe ya yu. Yu ya rujũre rēocōri Diore riti moa ĩsia yu. Ito bajiro yu ya rujũre yu rēobeja, masare Dios oca riasoru yu ñabojarocati, “Queno yicũ mu”, yi boca amibiquĭji Dios yure.

10

Masa ĩna meni rujeorũre rũcũbũobesa, yire gaye

¹ Tuo ya yu ñarã mu. Mani ñicũsabatiare ĩna wa masi jeditioni ide buerina ĩnare ĩoyijũ Dios. Riaca jajosa Ide Sũarise wame cutirisa ĩna jẽa masi jediroca yiyijũ Dios. Itire tuoia acabojabesa mu. ² Moisés ñayorũre tuorũnũcōri ide buerire sũya wayijarã ĩna. Ito yicōri riaca jajosa jẽayijarã ĩna. Moisés ñayorũre tuorũnũcōri ĩre sũya jediyijarã ĩna. ³ Ũmacũjũ gaye manã wame cutirise Dios ĩ queore ba jediyijarã ĩna. ⁴ ĩna idi catitoni gũtagã ide budiroca yiyijũ Dios. Iti gũtana suoriti meje catiyijarã ĩna. Cristo ĩnare tirũnũjare catiyijarã ĩna. No ĩna waroti ĩnare tirũnũsotiyijũ Cristo. ⁵ Ito bajibojarocati ĩna jãjarã Diore cũdibisijarã. ĩna cũdibeja ticōri, ĩnare wanũbisijũ Dios. Ito bajiri Diore ĩna cũdibitire waja yucũ manojũ goda jediyijarã ĩna.

⁶ “Ito bajiro rẽtayijũ ĩnare”, yi masibojarãti mani ñeñaro yi amoja, ito bajiroti rẽtaraja manire cũni”, mani yi tuo gũija quena. ⁷ Ito bajiri ĩna meni rujeoana ĩna rũcũbũoado bajiro rũcũbũobesa mu. Jeyaro ĩnare bajigore gaye Dios oca tuti iti gotija, ado bajiro gotia: “Ba rujiyijarã. Ito yicōri jiarise idiyijarã ĩna. Ito yicōri ĩna meni rujeorũre rũcũbũorona basayijarã ĩna”, yi gotia Dios oca tuti. ⁸ Rocati romiare ĩna ajeado bajiro yibitirũja manire. Ito bajiro ñeñaro yicōri veintitrẽs mil ñarã co rumũti goda jediyijarã ĩna. ⁹ “Mani ñeñaro yibojarocati manire waja senibiquĭji Dios”, yi mani ñicũsabatia ĩna yibojado bajiro yibitirũja manire. Ito bajiro ñeñaro yicōri aña ocana jãjarã godayijarã ĩna. ¹⁰ Diore ĩna bũsitu ñado bajiro yibitirũja manire. Ito bajiro ĩna yijare, sĭgũ ángel jãjarãre ĩ sĩa batetoni cõayijũ Dios.

¹¹ Jeyaro mani ñicũsabatiare rẽtagore oca ña jedia Dios oca tutijũ. Mani Jesús ĩ ejarotire tuoia yurã, mani tiroti ña iti oca. ĩnare bajiro ñeñaro mani yibititoni, Dios oca tutijũ ña iti oca. ĩnare bajiro mani yija, tũbũjarã yirãji mani cũni. ¹² No “Ñeñaro yibicũja yu”, yi tuoĭabojaguti, ñeñaro yigũ yiguĭji gajea. Ito bajiri ñeñaro yibe yirocũ queno ĩ tuoĭaja quena. ¹³ Manire riti mani ñeñaro yitoni meje usirioro yi codeami rũmũa mũjũ. Mani riojũ gãnare cũni, masa jeyarore cũni usirioro yi codeami ĩ. Manire ĩ usirioro yi codebojarocati, mani ñeñaro yibititoni Diore mani tuorũnũja, manire ejabũagũ yiguĭji ĩ. “Mu ñeñaro yibititoni mũare ejabũagũ yigũja yu”, Dios ĩ yiado bajiroti manire ejabũagũ yiguĭji ĩ. Rũmũa mũjũ Satanás bũto usirioro manire ñeñaro ĩ yi rotibojarocati, Diore mani tuorũnũja, itire mani ñemecũtiroca yigũ yiguĭji Dios manire. Mani ñeñaro yi amorise mani yibititoni manire ejabũagũ yiguĭji Dios.

¹⁴ Ito bajiri yu ñarã mu, ĩna meni rujeorũre rũcũbũobesa mu. ¹⁵ Yu bũsirisere tuo masirã ña mu. “Riti gotiami Pablo”, yi tuoĭarã ña mu. ¹⁶ “Queno ya Dios mu. Gũa ñeñaro yirise waja, waja yi ĩsirocũre mu Macũ Cristore cõayija mu”, yicōri uyẽ ide bato idia mani. Itire tuoĭarã, “Yucũtẽojũ manire yiari goda ĩsiñi Cristo”, yi tuoia jedia mani. Cristo ya rujũre tuoĭarã, najure bato ba mani. “Yucũtẽojũ manire yiari goda ĩsiñi Cristo”, yi tuoia jedicōri bato ba mani. ¹⁷ Jãjarã ñabojarãti sĭgũre bajiro riti tuoĭarã ña mani. Jesure tuoĭarã najuro corona bato ba mani. Ito bajiro yicōri Cristore riti tuorũnũa mani. Sĭgũre bajiro riti tuoĭarã ña mani. Ito bajiri jãjarã ñabojarãti co rujũ robo bajiro bajirã ña mani.

¹⁸ Israel sita gãnare tuoiate mu. ĩna ñeñaro yirise waja, waja yirona waibũcũ ri soerãji ĩna Diore rũcũbũorã. Sĭgũre bajiro riti tuoĭacōri ĩna soe ĩsirere barãji ĩna. ¹⁹ “Masa ĩna meni rujeorũre rũcũbũoja quena ña”, yirocũ meje ya yu itire. Ito yicōri, “ĩna meni rujeorũre waibũcũ ri ĩsire gaje waibũcũ ri rẽtoro ñasarise ña”, yirocũ meje ya

yū itire. ²⁰ Ado bajirojua muare yirocu ya yū: Diore masimena ina meni rujeorure ina ecaja, Diore ecarã meje yama ina. Rūmūare ecarã yama ina. Ito bajiri ina rāca baba cuticōri mua baja rūmūare rūcubhorã bajiro yirāji mua. Ito bajiro mua yire āmobeja yū. ²¹ Rūmūare mani cūdija, Jesús mani Ūjare cūdirã meje ña mani. Ito bajiro mani yija, Jesure tuoīarã idisusare gaye uyé ide idibitiruja manire. Ito yicōri Jesure tuoīarã basusare gaye babitiruja manire.

²² “Yū ñarã ñabobarãti rūmūare cūdiama ina”, Jesús ĩ yi junisiniroca yibitiruja manire. ĩ rētoro masirã meje ña mani.

Mani gāmeri ti maija quena, yire gaye

²³ “Dios ĩ rēobeja mani āmoro bajiro mani yija quena”, yi tuoīama gājerã. Ito bajiro ina yi tuoīabobarocati ado bajirojua ya yuama. Jeyaro mani yi āmoro bajiro mani yibobarocati queno ejabuabetoja manire. Mani āmoro bajiro mani yija, Jesure tuorūnusugū ĩ tuorūnu jidicāroca yirã yirāji gajea mani. ²⁴ Mani queno ñaroti gaye riti tuoīabitiruja manire. Gājerã ina queno ñatoni, ñare ejabuarona tuoīaruja manire. Jesure tuorūnu jidicābitijaro ina, yirona tuoīaruja manire.

²⁵ Waibucu ri ina ĩsirijū waja yicōri mua baja quena. “Ĵina meni rujeorure ecagore meje ñati adi?” yi seniābessa. Riojoti waja yicōri mua baja quena. ²⁶ Adi sita gaye jeyaro Dios ĩ rujeore ña. Ito bajiri disejua ruyabeto ĩ ye riti ña. ĩ rujeore iti ñajare, mani baja quena.

²⁷ Sīgū Jesure tuorūnugū meje ñagū, “Yū tu barã waya”, ĩ yija, ĩ ecaro bajiroti baja quena. “Ĵina meni rujeorure ina ecagore meje ñati?” yi seniāmenati baja quena. ²⁸ Gāji itire ba gūigu, “Ina meni rujeorure ina ecagore ña adi”, ĩ yi goti masioja, babeja itire. Itire mua baja ticōri, ĩ tuoīariseju tuoīa bujatobicu yigūji ĩ. “Ñeñaro yama ina”, yi tuoīacōri bujatobicu yugūji. Ito bajiri Jesure ĩ jidicāme yirona, babeja itire. ²⁹ “Jeyaro waibucu ri mani baja quena ña”, yi tuoīabobarãti, “Iti gaye mani baja quenabea”, gājerã ina yi tuoīarisere babitiruja manire.

Mua coriarã ado bajiro yirã yirāji gajea: “Itire baja quenabea”, gājerã ina yi tuoīabobarocati, Ĵitire ba jidicāgū yigujada yū? yi tuoīarāji mua coriarã. ³⁰ Gaje ado bajiro yirāji mua: Yū baroto riojua, “Queno ya Dios mu”, yū yibobarocati gājerã, “Babitiruja muare”, yi codebitiruja ñare, yirāji mua. ³¹ Ado robojua baja: No mani bariseti, mani idirise, mani moarise cūni Diore masa ina rūcubhoroca yiruja manire. ³² Gājerã ina ñeñaro yi āmoroca yibe yirona, quenarise riti yiruja manire. Judio masa, judio masa meje cūni Jesure tuorūnūrãre cūni ina ñeñaro yi āmoroca yibitiruja manire. ³³ Yuama ado bajiro tuoīa yū: Jeyaro yū yirise masa ina ti wanū jedire āmoa yū. Sīgūti queno yū ñaroti gayere tuoīabea yū. Jesure ina tuorūnure āmogū ina queno ñaroti gayejure tuoīa yū. Jeame ūjuroju ina wabore ñaroca ñare Dios masore āmoa yū.

11

¹ Cristo ĩ yiado bajiroti ya yū cūni. Ito bajiri yū yiro bajiroti yija mua cūni.

Mani minijuaja romia ado bajiro ina yija quena, yire gaye

² Tuoya yū ñarã mua. Muare yū riasocatire yiro robo yirã ña mua. Ito bajiri yure mua ācabojabejare muare queno wanua yū. ³ Gaje mua tuo masire āmoa yū. Ado bajiro baja iti. Manajo cutigu ĩ manajo rijoga ñami ūmugū. Mani ūmua rijoga ñami Cristo. Ito bajiroti Cristo rijoga ñami Dios. ⁴ Sīgū minijuara wijū ĩ ya rijoga buagu Diore ĩ senija, Dios oca ĩ busija cūni, Diore rūcubhoroca bajiro yami ĩocū. ⁵ Minijuara wijū sīgō rijoga buabeco Diore iso senija, Dios oca iso riasoja cūni, iso manūjure rūcubhoroca bajiro yamo iso. Rijoga iso buabeja, joa suagoro bajiro bajigōji iso. ⁶ Sīgō iso rijoga bua āmobeja, cojisiti joa sua jeocōja quena isoōcōreama. “Rijoga joa suagoja bojo ña yū”, yi iso tuoīaja, rijoga iso buaja quena. ⁷ Mani ūmuare minijuara wijū rijoga buare ma manire. ĩ robo bajigū manire rujeoñi Dios. Manimasi gāmeri ticōri, “Queno masigū ñami Dios”, yi tuoīa mani. Ito bajiri ĩre wanūcōri ĩre rūcubhōa mani. Romiama mani ūmuare rūcubhorã

ñama. Ito bajiri, “Ûmũare rŭcũbuoa gua”, yirona rijoga ñna buaja quena. ⁸ Ado robojua baja: Ûmũgũre rujeogu romio ya gõana meje rujeoyiũ Dios. Romiare rujeogu ãmũgũ ya gõana rujeoyiũ. ⁹ Romiore ejabuarocure meje ãmũgũre rujeoñi Dios. Ûmũgũjuare ejabuarocore romiore rujeoñi Dios. ¹⁰ Ito bajiri, “Yũre ũmatã ñagũ ñari yũ ya rijoga bajiro bajigu ñami yũ manũju”, yiroco iso ya rijoga buaja quena romiore. Ito bajiro ñna yija ticõri, ñnare ti wanũrã yirãji ángel mesa. ¹¹ Ûmũa cuni, romia cuni ñna ñnare ãmoñi Dios. Romia ñna manija, queno ña masimenaji ãmũa. Romia ito bajiroti ãmũa ñna manija, queno ña masimenaji romia. Ito bajiri mani Jesús ñarã, “Ñe waja mama ãmũa, ñe waja mama romia”, yire ma manire. ¹² Ado robojua baja: Ûmũgũ ya gõana romiore rujeoñi Dios. Ito bajibojarocati romiana rujeana ñnama ãmũa. Mani ãmũa, romia cuni Dios ñ rujeoana riti ña mani.

¹³ Adi mũare yũ gotirise queno tuoĩaña mũa. Minijua wiju rijoga buabecoti, ¿Diore iso senija quenati? Quenabea. ¹⁴ “Ûmũa joa yoarise ñna ũmaja, bojorise ña”, yi tuoĩa jedia mani. ¹⁵ Romiareama joa yoarise ñna ũmaja, queno ti wanũa mani. Joa yoarise iso ũmaja, iso ya rijoga buago bajiro yamo iso. ¹⁶ Sigũ adi yũ gotirisere ñ tuoĩa busi ãmoja, ado bajiro ñre gotija quena: “Gua, gãjerã Jesure tuorũnurã cuni, ito bajiro riti yisotia gua”, yi gotija quena ñre.

Jesús ñ basusare gaye barã queno ñna yibitire gaye

¹⁷ Adocãta mũare yũ ucarise, mũare wanũgũ meje uca yũ. Jesús basusare gaye minijua barona queno yibea mũa. Mani Ûju ñ basusare gayere ñeñoa mũa. ¹⁸ “Ñna minijua, ricati riti tuoĩama”, yire gaye tuoia yũ mũare. “Riti bajiroja”, yi tuoĩa yũ itire. ¹⁹ “Mani tuoĩa busija, ñnati ñnama Jesure tuorũnurã”, yi tuoĩarã yirãji gãjerã manire”, yi tuoĩa busiboja mũa. ²⁰ Ricati riti tuoĩa busicõri, Jesús basusare gaye mũa minijua baja, mani Ûjũre rŭcũbuorã meje yirãji mũa. ²¹ Baraju iti ejaroca mũa ãmoro bajiroti ba ãmorãji mũa yajirona. Cocati bare bato bamenaji mũa. Ito bajiro mũa yija, gãjerã ñiocõrãji. Gãjerãma idi mecũrãji ñna. ²² Wiri cutirã ñna mũa. Mũa ya wiriju mũa ba, idi, yija quena. Ito bajiro queno mũa yibeja, Jesús basusare gaye barã gãjerã queno ba bujamena, bujato ñna bujaroca ya mũa. Ito bajiro mũa yija gãjerã Jesure tuorũnurãre ti tudirã bajiro ya mũa. “Queno ya mũa”, ¿yiguti yũ mũare? Meje yi ãmobeja yũ. Mũare wanũbeja yũ.

Mani Ûju ñ basusare gaye

(Mt 26.26-29; Mr 14.22-25; Lc 22.14-20)

²³ Adi mũare yũ riasorise mani Ûju ñ basusare gaye mũare yũ riaso masitoni yũ masiroca yiñi ñ. Ado bajiro baja: Mani Ûjũre ñ wajana ñiatoni Judas ñ gotira ñami, ñ ya ãmona naju ãmi rũcoyiju Jesús. ²⁴ ãmi rũcocõri, “Queno ya Dios mũ”, yiyiju ñ. Igata batocõri ado bajiro yiyiju ñ, ñ rãca riasotirãre: “Ñmo baya. Adi ñna yũ ya ruju robo bajiro bajirise. Mũare yiarĩ goda ñsigũ yigũja yũ. Yũ godaja bero yũ mũare ñogore tuoĩacõri yũre rŭcũbuorã ado bajiroti minijua basotiba”, yiyiju Jesús ñ rãca riasotirãre. ²⁵ ñna baja bero yũ ide tẽro ãmi rũcoyiju Jesús. Ito yicõri ado bajiro ñnare gotiyiju ñ: “Ñmo idiya. Mũare yiarĩ yũ ya rĩ buiro yiroja yũre. Yũ ya rĩna sũoriti, ‘Ado bajiro masare queno yigũ yigũja yũ’, Dios ñ yiado bajiroti ñasũoro yiroja ñja. Yũ godaja bero yũ mũare ñogore tuoĩacõri, yũre rŭcũbuorã ado bajiroti minijua idisotiba”, yiyiju Jesús ñ rãca riasotirãre. ²⁶ Mani Ûju ñ rotiado bajiroti mani baja, mani idija cuni, “Manire yiarĩ goda ñsiñi Cristo”, yirona ito bajiro basotia mani. Mani Ûju ñ ejarocaju ito bajiro yisũsarã yirãji mani.

Mani Ûju ñ basusare gaye mani baja, ado bajiro mani baja quena, yire gaye

²⁷ Ado robojua baja: No Diore rŭcũbuobicuti rocati mani Ûju ñ basusare gaye ñ baja, ñ idija cuni ñeñaro yigũ yiguñi ñocũ. Ito bajiro ñ yija, “Ñe waja ma Jesús ya ruju, ñ ya rĩ cuni”, yigũre bajiro yami ñocũ. No ito bajiro yigũ seti cutigu yiguñi. ²⁸ Ito bajiri mani Ûju ñ basusare gaye ba ãmorã, mani baroto riojua, mani idiroto riojua cuni ado bajiro mani yija quena: Mani ñeñaro yirise tuoĩa bojori bujacõri Diore mani goti rõtobuja quena. Ito bajiro mani yija bero mani Ûju godare tuoĩacõri mani baja quena. ²⁹ “Yũ ñeñaro yirisere

yure waja yi ĩsirocũ godaņi Cristo”, yi mani tuoĳaja quena. Jesure tuoĳamenati rocati mani baja, mani tũbũjaroca yigũ yiguĳi Dios manire. ³⁰ Ito bajiro rocati bacõri jãjarã ñarise cutia mũa. Gãjerã wisia mũa. Ito bajicõri gãjerã godaņi ĩna. ³¹ Mani baroto riojũa queno mani tuoĳaja, mani tũbũjaroca yibicũ yiguĳi Dios. ³² Mani ñeņaro yirise waja mani tũbũjaroca Dios ĩ yija, mani queno yitoni ito bajiro yami ĩ. ĩre masimena jeame ĩjũroju wana rãca mani ware ãmobeami Dios. Ito bajiri ñeņaro mani yirisere jidicãtoni mani tũbũjaroca yami ĩ.

³³ Ito bajiri Jesũs ĩ basũsare gaye barã wana mũa minijuaja, sĳgũ ruyabeto corocõ barona ejori mejeti baya yũ ñarã mũa. ³⁴ Mũa ñiocõja, mũa minijuaroto riojũa mũa ya wijũ baja quena. Ito bajiri minijuara wijũ mũa baja, jairo ba yajirona meje barã yirãji mũa. “Ito bajiro mũa yijare mũa tũbũjaroca yibicũ yiguĳi Dios”, yi gotia yũ mũare. Gaje oca ñarisere mũa tũ ejacõri quenogũ yigũja yũ.

12

Jeyaro mani moa masitoni Espiritu Santo manire ĩ jidicãre gaye

¹ Queno tuoĳaņa yũ ñarã mũa. Ricati riti mani moa masi sosatoni Espiritu Santo ĩ cũre gaye mũa masire ãmoa yũ.

² “Jesure mani masiroto riojũa mani meni rujeoana busimenare rũcũbuocũ mani”, yi tuoĳarãji mũa. Gajero bajiro tuoĳacõri jãjarã mũa meni rujeoanare rũcũbuobojayija mũa maji. ³ Ito bajiri, “ĩna ñama Espiritu Santo rotirise meje busirã. ĩ ñami Espiritu Santo rotirise busigũ”, mũa yi tuoĳare ãmoa yũ. No Jesure busitugũ, Espiritu Santo ĩ rotirise meje busiami ĩocũ. No, “Rẽtoro masigũ ñami Jesũs yũ Uju”, yi busigũ, Espiritu Santo rotirise busiami ĩocũ.

⁴ Diore mani moa ĩsitoni, ricati riti mani moa masiroca yami Espiritu Santo. Ricati riti mani moa masiroca yibojagũti sĳgũti ñami Espiritu Santo. ⁵ Ricati riti mani Ujũre moa ĩsia mani. Ricati riti moabojarãti ĩ sĳgũreti moa ĩsia mani. ⁶ Ricati riti moare cũņi Dios manire. Ito yicõri ĩ sĳgũti ñami mani moa masiroca yigũ. ⁷ Espiritu Santo quedi sãja ecoana ñari, Diore mani moa ĩsi masiroca yami ĩ. Ito bajiri, “Espiritu Santo quedi sãja ecorũ ña yũ”, yi tuoĳa mani. Gãmeri mani ejabũatoni ricati riti moare cũņi Espiritu Santo manire. ⁸ Coriarã Espiritu Santona suoriti queno tuoĳacõri goti masiama ĩna. Gãjerã cũņi Dios oca josarise gaye riasoticõri goti masiama ĩna, Espiritu Santo ejabũarisena. ⁹ “Yũ seniro bajiroti cudigũ yiguĳi Dios”, gãjerã ĩna queno tuorũnũroca yami Espiritu Santo. Cõrãre ĩna yisio masiroca yami Espiritu Santo gãjerãre. ¹⁰ Tiyamani ĩna ĩo masiroca yami Espiritu Santo gãjerãre. Gãjerãre Dios oca ĩna goti masiroca yami Espiritu Santo. “ĩ ñami Espiritu Santo rotirise busigũ. ĩna ñama Espiritu Santo rotirise meje busirã”, ĩna yi masiroca yami Espiritu Santo gãjerãre. ĩna busi masibiti oca ñabojareti ĩna busi masiroca yami Espiritu Santo gãjerãre. Iti gaye oca ĩna busigore ĩna rogoti masiroca yami Espiritu Santo gãjerãreama. ¹¹ Ricati gaye riti manire moare cũrũ sĳgũti ñami Espiritu Santo. ĩ ãmoro bajiro riti ricati mani moa masiroca yami Espiritu Santo.

Co rujũ bajiroti rujũ cutirã ña mani, yire gaye

¹² Mani ya rujũ jeyaro ñabojarocati co rujũti ña. Tite mũa. Āmo, cajea, gãmoro, gũbo jaje ña mani ya rujũ. Ito bajiro bajirã ña mani Jesucristore tuorũnũrã cũņi. Jãjarã ñabojarãti Cristore riti tuorũnũrã ñari co rujũ bajiro bajirã ña mani. ĩre tuorũnũrã ñari gãmeri ejabũa mani. ¹³ Jeyaro ña mani. Tũote mũa. Judio masa, judio masa meje cũņi, gãjerãre moa ĩsirã, gãjerãre moa ĩsimena cũņi ña mani. Jesucristore tuorũnũcõri idẽ gu roticũ mani. Mani sĳgũ ruyabeto Espiritu Santo quedi sãja ecoana riti ña mani. ĩ sĳgũti ñami mani ya usijũ quedi sãjarũ. Ito bajiri ĩna suoriti co rujũ bajiroti rujũ cutia mani.

¹⁴ Co rujũ ñabojaroti jeyaro ña mani ya rujũ. Coju gaye meje ña mani ya rujũ. Jeyaro ña. ¹⁵ Gũbo iti busija, “Āmo meje ña yũ, ito bajiri rujũ gaye meje ña”, yibojarocati rujũ gayeti ña. ¹⁶ Gãmoro iti busija, “Cajea meje ña yũ, ito bajiri rujũ gaye meje ña”, yibojarocati rujũ gayeti ña iti. ¹⁷ Mani ya rujũ cajea bũcũagoti iti ñaja, ĳņena tuoboanada mani? Mani ya

rujũ gãmorõ bũcũrogõti itĩ ñaja, ¿ñena wĩjĩboanada mani? ¹⁸ Meje ado robojũa bajaia. Mani ya rujũ itĩ ñarõto bajiroti ã ãmõro bajiro rujeõĩ Dios manire. ¹⁹ Mani ya rujũ cojũ gaye itĩ ñaja, jeyaro ñabitiboadoja. ²⁰ Ado robojũa bajaia: Mani ya rujũ jeyaro ñabõjarõcati co rujũti ña. Ito bajiro bajirã ña mani Jesure tuõrũnrã. Jãjarã ñabõjarãti sigũre bajiro riti tuõĩacõri gãmeri ejabũa mani.

²¹ Mani ya cajea itĩ bũsija, “Ñe waja ma ãmo”, yi masibitiboadoja. Mani ya rijõga itĩ bũsija, “Ñe waja ma gãbori”, yi masibitiboadoja itĩ. ²² Ado robojũa bajaia: Mani ya rujũ gaye, “Adi gaye queno waja ma yũre”, mani yi tuõĩabõjarõcati ñasarise ña itĩ cũni. ²³ Mani ya rujũ gaye, “Adi gaye queno waja ma yũre”, mani yibõjarise cũni queno tirũnrã mani. Gaje mani ya rujũ gaye masa jeyarõre mani ãõbiti yutabujuna sãña bia mani. ²⁴ Gãjẽjũri mani ya rujũri bojõbea mani. Ito bajiri itire bũabea mani. Mani ya rujũre ã ãmõro bajiroti quenoõĩ Dios. Mani ya rujũ gaye, “Ñasarise meje ña”, mani yirise itijũa ña bũto bũsa ñasarise. ²⁵ Mani ya rujũ jeyaro ñabõjarõcati corocõti ñasarise ña. Mani Jesure tuõrũnrã itõ bajiro bajirãti ña. Jãjarã ñabõjarãti ñasarã riti ña mani. Ito bajiri wanũre rãca gãmeri ejabũa mani. ²⁶ Mani ya rujũ cojũ itĩ juniã, rujũ ñarocõti juni wisia. Mani ya rujũ cojũ masa ñna ti wanũja, mani ya rujũ ñarocõreti wanũjeacoa mani. Itĩ gaye robo bajiroti bajaia mani Jesure tuõrũnrã cũni. Mani wato sigũ ã bojõri bũjaja, mani ñarocõti ã rãca bojõri bũjarãji mani. Ito yicõri sigũ mani wato ã wanũ quenaja, mani ñarocõti wanũ quenarãji mani.

²⁷ Ado robojũa bajaia: Mani Jesure tuõrũnrã ãre moa ãsirã ñari ã ya rujũ robo bajirã ña mani. Mani sigũ ruyabetõ ñasarã ña mani. Mani rãca gagũ sigũ ã manija, ãre godõ cutia mani cocati Jesure moa ãsirã ñari. ²⁸ Mani Jesure tuõrũnrã ñaja sigũ ruyabetõ moare cũñi Dios manire. Cajero mani coriarãre Jesús oca goti ucuronare cũñi ã. Ito bero gãjerã ãre goti ãsironare cũñi. Gãjerã ã oca riasoronare cũñi. Gãjerãre tiyamani ñna ãrotire cũñi. Gãjerã cõrãre yisironare cũñi. Gãjerã ejabũaronare cũñi. Gãjerã tirũnrõnare cũñi. Ito bero gãjerã ñna bũsi masibiti oca ñabõjareti bũsi masironare cũñi Dios. ²⁹ Corocõti ãre moa ãsirona meje cũñi Dios manire. Mani jeyaro Jesucristõ oca gotirona ã cũana meje ña mani. Mani jeyaro Diore goti ãsiri masa meje ña mani. Mani jeyaro ã oca riasori masa meje ña mani. Mani jeyaro tiyamani ãori masa meje ña mani. ³⁰ Mani jeyaro cõri masare yisiori masa meje ña mani. Mani jeyaro mani bũsi masibiti oca ñabõjareti bũsi masirona meje ña mani. Mani jeyaro ñna bũsija tuõcõri, “Ado bajiro bũsirũ ñna”, yi masirã meje ña mani. Mani jeyaro ñna bũsirisere rogoti masirã meje ña mani. ³¹ “Ñasarise yũ yiroca, Dios ã yire ãmoa yũ”, yirũja mũare. Ito bajiro mũa yijama quena ña. Ito bajiro mũa yibõjarõcati adocãta bũto ñasarisejũare mũare riasõgũ ya yũ.

13

Gãjerãre mani ti maija, itĩ ña ñasarise, yire gaye

¹ Co oca ruyabetõ mani bũsi masibõjarõcati, itõ yicõri ángel mesa oca mani bũsi masibõjarõcati, gãjerãre mani ti maibeja, ñe waja mana ña mani. Gãjerãre mani ti maibeja, jeyaro bũsirã ñabõjarãti, rocati yucũ toti itĩ bũsiro bajiroti, itõ yicõri cometiro itĩ bũsiro bajiro, rocati oca godacoajũ. Gãjerãre ti maimenati mani bũsibõjaja manire tuõmenaji ñna. ² Diore goti ãsiri masa ñabõjarãti, itõ yicõri goti rudire jeyaro masibõjarãti, gãjerãre mani ti maibeja, ñe waja mana ña mani. Jeyaro tuõ masirã ñabõjarãti, itõ yicõri “Gũta yucũrire cũõ rũgõña Dios mũ’, yũ yija, ñaro bajiroti cũdiguĩji ã”, yi tuõĩa masirã ñabõjarãti, gãjerãre mani ti maibeja, ñe waja mana ña mani. ³ Mani rucõrise ñarocõti batorã ñabõjarãti, gãjerãre mani ti maibeja ñe waja bũjamenaji mani. “Yũre ñna soe ãmõbõjarõcati Dios oca goti jidicãbicũja yũ”, yi tuõĩarã ñabõjarãti gãjerãre mani ti maibeja ñe waja bũjamenaji mani.

⁴ Gãjerãre mani ti maija, ado robojũa bajirã yirãji mani: Gãjerãre usiriorõ yimenaji mani. Gãjerãre queno yirã yirãji mani. Gãjerãre ti uõmena yirãji mani. Gãjerãre rũcũbũorã yirãji mani. “Gãjerã rẽtorõ ñasagũ ña yũ”, yimenaji mani. ⁵ Mani queno ñarõti gaye riti tuõĩamena yirãji mani. Gãjerãjũare ñna queno ñarõti gaye tuõĩarã yirãji

mani. Gājerāre ti junisinimena yirāji mani. Gāji manire ñeñaro ï yibojarocati yoari junisinimenaji mani. Itire ācabojoṛā yirāji mani. ⁶ Gāji ï ñeñaro yija, ti wanūmenaji mani. Gāji ï queno yijajua ïre ti wanurā yirāji mani. ⁷ Gājerāre mani ti maibojarocati ñeñaro manire ña yija, ñare ti mai jidicāmenaji mani. Ito yicōri ñare busitumenaji mani. ñare mani ti maija, ñare tuorūnūrā yirāji mani. Gājerāre mani ti maibojarocati, manire ña ñeñaro yija, ñare usiriomenaji mani. Ito yicōri ñare ti mai jidicāmenaji mani.

⁸ Gājerāre mani ti maija, ñare ti mai jidicāre ma manire. ñare ti maisotirā yirāji mani. Gājerāre mani ti mairise jedirise meje ña. Co r̄m̄m̄ Dios ï manire moare cūre jediro yiroja. Iti r̄m̄m̄ iti ejaja Diore queno masirā yirāji mani. Ito bajiri ïre goti ïsire mano yiroja ïja. Ito yicōri mani masibiti oca jeyaro mani busiroca yibicū yiguūji Dios. Gaje ï oca josarisere mani goti masiroca yibicū yiguūji ï ïja. ⁹ Ado robojua bajaia: Adocāta jeyaro Dios ye masi jeobea mani. Dios ocare goti jeo masibea mani. ¹⁰ Ija co r̄m̄m̄ Dios gayere masi jeocōrā yirāji mani maji. Ito bajiri iti r̄m̄m̄ ejaroca ï oca manire goti rētohuri masa mana yirāji ïja. Manimasiti tuo masi jeocōrā yirāji.

¹¹ Ado bajiro bajaia. Масуаcā yū ñaja, масуаcā oca busicū yū. Масуаcā yū ñaja, масуаcā robo riti tuoīacu yū. Масуаcā yū ñaja, масуаcā bajiro riti tuoīa besecu yū. Всуа wacu масуаcā yū ñagore gaye jidicācu yū. ¹² Adocāta jeyaro Dios gayere tuo masi jeobea mani. Ēoro queno ruyubeto bajiro Dios oca queno tuo masi jeobea mani. Ito bajibojarocati co r̄m̄m̄ Dios tu ejaçōri ï gayere tuo masi jeorā yirāji mani. Adocāta coriajuriti ï oca masia mani. Ija co r̄m̄m̄ Dios ï manire ti masi jeoado bajiroti ï gaye tuo masi jeorā yirāji mani cūni.

¹³ Udiaji gaye ña mani yisotiroti: Diore tuorūnusotirūja manire. “Dios ï yiro bajiroti yigu yiguūji”, yi tuoīasotirūja manire. Ito yicōri gājerāre ti maisotirūja manire. Iti udiaji gaye gājerāre mani ti mairise iti ña ñasarise.

14

Oca masibitibojarāti gājerā oca busire gaye

¹ Gājerāre ti maisotirūja manire. Iti ña mani cūdiroti ñasarise. ĩre mani moa ïsitoni Dios ï cūre gayere āmoana mani. “Yure goti ïsiri masa ñama mua”, manire ï yire gaye, āmoana mani. Iti cūni ñasarise ña. ² No gājerā oca ï masibiti ï busija, Diore r̄cūbūoguti yami, ito bajiro ï yija. Ito bajiro ï busija, masa tuomenaji ïre. Ito bajiri ñare meje busiguūji ï. Diojuare busiguūji. Ito bajiro ï busija Espiritu Santo ejabuarisena busiguūji ï. Ito yicōri gājerā ña tuoroti meje busiguūji ï. ³ Gājiama Diore goti ïsigū ï busija, masareti busiguūji. Buto basa Diore ña tuorūnutoni ito bajiro busiguūji ï. ña tuoīa oca sēotoni ito yicōri ña wanutoni ito bajiro busiguūji ï. ⁴ No gājerā oca ï masibiti Diore ï busija, buto basa ïmasiti Diore masi waguūji. Ito bajiro tuoyamani ï busija, tuobiticōri buto basa Diore masimenaji ña ïja. Gājiama Dios oca gotigu ña tuorisena ï gotija tuocōri, gājerā Jesure tuorūnūrā buto basa ña tuorūnuroca yami ï.

⁵ Sīgū ruyabeto gājerā oca mua masibiti oca ñabojareti mua busija, quena ñaboroja yure. Ito bajibojarocati ï masibiti oca ñabojareti busigu rēto busaro ñasarise moami Dios oca gotiri masu. ï masibiti oca ñabojare busigu ï busirise masa ña tuo masitoni ï rogotija, ñasarise moami ï cūni. Ito bajiro ï yija Jesure masirā buto basa ïre ña tuorūnu waroca yami ï. Busi tīocōri ï rogotibejama tuo masimenaji ña. ⁶ Tuoya yū ñarā mua. Mua tu ejaçōri mua tuobiti yū busija, ñe waja ma. Ñejua ejabuabetoja muare. Yū masiroca Dios ï yirise muare yū busija, muare ejabuaroja itiama. Dios oca riojo ñasarise muare yū riasoja, iti cūni muare ejabuaroja.

⁷ Goti masiore ocana muare gotigu ya yū: Sīgū tērorā ï juti masibeja, “Iti basa menigū yami”, yi masimenaji mani. Arpa wame cūtirisena queno ï basa meni masibeja, “Iti gaye basa menigū yami”, yi masimenaji mani. ⁸ Surarare jigū trompeta wame cūtirica queno ï juti masibeja, gājerā rāca gāmeri sīarona ña yucāmenaji ña. “Wadiru ña”, yi masibiticōri ña yucāmenaji ña. ⁹ Iti bajiroti bajaia, gājerā oca mua masibiti mua busibojaja. Mua masibiti mua busija tuo masibiticōri, “Ito bajiro yireoni ña”, yi

masimena yirāji gājerā. Ito bajiro mua busibojaja, mino bajiroti godacoaro yiroja. ¹⁰ Riti ña, adi macārucūrore jaje oca busia mani. Mani busirisere tuorā yirāji gājerā. ¹¹ Ito bajibojarocati sīgū yu tuobiti yure ī busibojaja jua daja gāmeri tuomenaji gua. Īre tuo masibiticōri, “Gaje masu ñaguīji”, yi tuoīagū yigūja yu. Yure tuo masibiticōri ito bajiroti tuoīagū yiguīji ī cūni. ¹² Diore moa ĩsiroca Espiritu Santo ī yire āmorā ña mua. Ito bajiro āmorā ñari, “Gājerā Jesure tuorūnrāre gua ejabuaroca yiya”, yirona Espiritu Santore seniña.

¹³ Ito bajiri sīgū gājerā oca ī masibiti ī busija, ī rogoti masitoni Diore ī senija quena. ¹⁴ Diore rūcubuoḡu gaje oca yu masibiti yu busija, Espiritu Santo ī ejabuarisena ito bajiro busigūja yu. Ito bajibojarocati, “Iti gayere busia yu”, yi masibicūja yu. Ito bajiri gājerā ña tuo masiroca yi masibicu yigūja yu. ¹⁵ Ado bajiro juaji gayena Diore yu busija quena. Espiritu Santona suoriti yu masibiti oca ñabojareti Diore yu busija quena. Ito yicōri gājerā ña tuotoni ña tuorisena Diore yu busija quena. Juaji gayena Diore yu basaja quena. Espiritu Santona suoriti yu masibiti oca ñabojareti Diore yu basaja quena, ito yicōri gājerā ña tuorisena Diore yu basaja quena. ¹⁶ Diore rūcubuoḡā Espiritu Santona suoriti gājerā ña tuobiti riti mani busibojaja, “Iti gaye busirāji ña”, yi masimenaji ña. Ito bajiri ña tuobeja, mani rāca cocati Diore rūcubuo masimenaji ña. ¹⁷ Manire tuobiticōri mani rāca cocati, “Queno ya Dios mu”, yi masimena yirāji ña. Diore rūcubuoḡā, “Queno ya Dios mu”, mani queno yibojarocati, manire tuobiticōri buto busa Diore masibiti warā yirāji ña. ¹⁸ Mua rētoro gājerā oca yu masibiti busia yu. Ito bajiri, “Queno ya Dios mu. Yu masibiti oca ñabojareti yu busiroca ya mu”, ya yu ĩre. ¹⁹ Ito bajibojarocati Dios ya wi minijuacōri jaje mua tuobiti yu gotibojaja, ñe waja ma iti. Yu gotirisere tuomenaji mua. Mua ocana mua tuorise jabetacā yu gotibojarocati mua tuoja, iti ña yure buto busa quenarise.

²⁰ Rīaca bajiro tuoīabesa yu ñarā mua. Ito bajibojarocati mutarācā ñeñaro yibitiana bajiro mua ñaja quena. Bucurā bajiro queno mua tuoīaja quena. Bucurā mua ñajare, ito bajiro tuoīaja quena. ²¹ Dios oca tuti iti gotija, ado bajiro gotia: “Yu ñarāre gaje ocana ñnare busigu yigūja yu. Gaje masa yu ñarāre gaje ocana busironare cōagū yigūja yu. Ito bajiro yu yibojarocati yure tuorūnūmena yirāji ña”, yi gotia Dios oca tuti. ²² Diore ña tuo āmobeto bajiroti tuo āmomenaji Jesure tuorūnūmena cūni. Sīgū gājerā oca ī masibiti ī busiroca Dios ī yija, “Masigū ñari manire waja senigū yiguīji Dios”, Jesure tuorūnūmena ña yitoni ito bajiro ĩoguīji Dios. Gājiama ī oca goti masiroca Dios ī yija, “Masigū ñari manire ejabuagū yiguīji Dios”, Jesure tuorūnrā ña yitoni ito bajiro ĩoguīji Dios. ²³ Ado robojua baja: Diore rūcubuoḡona minijua ñaraju, gājerā oca mua masibiti mua busi ñaroca Dios ocare riasotimena, ito yicōri Diore tuorūnūmena cūni ña ejaja, “Mecuri masaguti ñacōyijari āna”, yirā yirāji ña muare. ²⁴ Diore rūcubuoḡā mua minijua ñariju gājerā Diore masimena ña ejaja, Dios oca mua gotijama tuo masirā yirāji. Ito bajiri queno tuo masicōri, “Ñeñaro yigūgo ñada yu cūni”, yi tuoīarā yirāji ña. ²⁵ “Yu tuoīa rudibojarisere masicōami Dios”, yirā yirāji ña. Ito yicōri Diore rūcubuoḡona rijomunigāna ñini rūjūrā yirāji ña. “Āna rāca ñasacōami Dios”, yirā yirāji ña muare.

Minijuacōri ado bajiro queno yirūja manire, yire gaye

²⁶ Tuoya yu ñarā mua. Ado bajiro baja: Mua coriarā minijuacōri basa āmoa mua. Gājerā riaso āmoa mua. Gājerā mua masiroca Dios ī yirere goti āmoa mua. Mua coriarā gājerā oca mua masibitire busi āmoa mua. Gājerāre rogoti āmoa mua. Quena ña ito bajiro mua yija. Dise rūyabeto mua yisotija, Diore tuorūnrā buto busa ña tuorūnu waroca mua yija quena. ²⁷ Gājerā oca mua masibiti mua busi āmoja, jūarāona udiarāonati mua busija quena. Sīgū ī busija bero, ito bero gāji, ito bero gāji mua busija quenaroja. Mua busija bero gāji ī rogotija quena, gājerā ña tuotoni. ²⁸ Sīgū rogotigu ī manija, minijuacōri gājerā oca mua masibiti busibitirūja muare. Sīgū rogotigu ī manija, masa ña tiro riojo meje mua busija quena. Mua tuoīarisena Diore mua busija quena. ²⁹ Mua masiroca Dios ī yire mua goti āmoja, jūarāona, udiarāonati busija quena. Sīgū ī busija bero, ito bero gāji, ito bero gāji busija quena. Gājerā muare tuo rujirā, “Riti Dios ocare busiama ña”,

yi tuoña bese rujirã yirãji ña. ³⁰ Sîgũ ï busiroca gãji tuo rujigure ï busiroti gaye tuoña bñjaroca Dios ï yija, busisuoogu busi jidicãja quena, gãji ï busitoni. ³¹ Queno gãji bero, gãji bero mua busija, mua Diore goti ïsiri masa sîgũ ruyabeto busi masirã yirãji mua. Ito bajiro mua yija, sîgũ ruyabeto busi masirã yirãji mua. Ito bajiro mua yija, bato busa Dios ocare masicõri tuoña oca sêo wanu jedirã yirãji mua. ³² Mua Dios oca goti ïsiri masa ï oca mua gotija, rocati meje gotirã yirãji mua. “Ado bajiro goticãja yu”, yi tuoñacõri mua gotija quena. Gãjerã ña busiroca busibitiruja muare. Mua yuja quena. ³³ Ñe oca manoti mani minijuaja ticõri, manire wanugũ yiguïji Dios. Ito bajibojarocati mani busi riawusaja ticõri, wanubicu yiguïji Dios.

Ito bajiri gãjerã Jesure tuorũnurã ña minijuado bajiro, ñe oca mano busi riawusare mano mua minijuasotija quena. ³⁴ Dios ya wi mua minijuaroca busire ma romiare. Ña ñama ña manujusabatiare cudirona. Æmua ñama ñnare ùmatãrã. Ito bajiroti gotia Dios oca tuti. ³⁵ Ña seniãa ãmoja, ña ya wiju tũdi ejacõri ña manujusabatiare seniãaja quena. Mua minijuari wiju romio sîgõ iso busija, queno ejasabea.

³⁶ “ ‘Ado bajiro gotia Dios oca’, yi goti rêtobu masirã ña gna”, ¿yi tuoñati mua? Ito bajirojua meje bajia. Mua riti meje ña Dios oca boca ãmisuoana. ³⁷ “Diore goti ïsiri masu ña yu”, sîgũ ï yija, “Mani Æju ï rotiado bajiroti gotiami Pablo”, yi masigũ yiguïji ï. Ito bajiroti yigu yiguïji gãji cuni, “Espiritu Santo rotirise busia yu”, ï yi masija. ³⁸ “Dios oca gotigũ meje ñami Pablo”, sîgũ ï yija, ïre cuni tuorũnubeja quena.

³⁹ Tuoya yu ñarã mua. Ado bajirojua mua yija quena: “Dios oca yu goti masiroca ï yire ãmoa yu”, mua yija quena. No gãjerã oca ña tuobiti ña busija, rêore ma. ⁴⁰ Ito bajibojarocati mua minijua ñari wiju gãjerãre rucubucõri sîgũ ï busiroca gãjerã busire ma. No mua yisotirise dise ruyabeto queno tuoñacõri mua busija quena.

15

Mucana tũdi Cristo catire gaye

¹ “Masare masorocu goda ïsiñi Cristo”, yi muare yu riasocatire itire tũdi mua tuoñare ãmoa yu. Iti ocare iti rãmũju boca ãmicãcu mua. Iti ocare boca ãmicõri Cristore tuorũnua mua. ² Muare yu riasocatire mua tuorũnu jidicãbeja, Dios ï masoana ña mua ïja. “Dios ocare tuorũnurã ña gna”, yibojarãti iti ocare queno tuorũnusamena mua ñaja, Dios ï masoana meje ña mua.

³ Oca bato ñasarise yu masiroca Dios ï yirere muare riasocu yu. Dios oca tuti iti gotiro bajiroti, “Mani ñeñaro yirise waja goda ïsiñi Cristo”, yi muare riasocu yu. ⁴ “Ïre ña yujebojarocati udia rãmũ bero mucana tũdi catiñi Cristo”, yi muare riasocu yu. Dios oca tuti iti gotiro bajiroti muare riasocu yu. ⁵ Tũdi caticõri Pedrore goaïoyiju Jesús. Ito bero ï cũana jua gũbojeno ñarãre goaïoyiju. ⁶ Ito bero gãjerã quinientos ñarã rêto busaro ïre tuorũnurãre goaïoyiju Jesús. ï goaïoana jãjarã catiama maji. Gãjerãma godacoañi. ⁷ Ito bero Santiagore goaïoyiju. Ito bero ï oca goti ucutoni ï cũanare ñarocõreti goaïoyiju.

⁸ Ñnare ï goaïoja bero yure cuni susari goaïoquï. Ña bajiro ñasagu meje ña yu. Ñasagu meje yu ñajare ña bero yure cuni goaïosusaquï ï. ⁹ ï oca goti ucuroña ï cũana rãca corocõ ñasagu meje ña yu. Iti rãmũ Cristore tuorũnurãre queno yibiticu yu maji. ï ñarãre yu usirioro yi codejama ï oca yu goti ucuroca yibitiboru Dios. “Queno yu yigu ñajare yure beseñi Dios”, yi tuoñabea yu. ¹⁰ Yure ti maicõri yure beseñi Dios, ïre yu moa ïsitoni. Quenoguti Dios ï yure yijare ïre queno moa ïsia yu. Ito bajiri, “Bujato bajia. Ïre besebojacu yu”, yibeami Dios yure. Gãjerã Jesús ï cũana rêto busaro Diore moa ïsia yu. Ito bajibojarocati yumasi meje Diore moa ïsia yu. Yure ti maicõri ïre yu moa ïsi masiroca yami Dios yure. ¹¹ “Gãjerã rêto busaro Dios oca muare riasocu yu”, yu yija no yibea iti. Ado robojua ña ñasarise. Dios ocare tuocõri Jesure tuorũnuyija mua. Itijua ña ñasarise.

Godabojarãti mucana tũdi mani catire gaye

¹² Gna Jesús ï cũana sîgũ ruyabeto corocõ gotia gna. “Godabojaguti mucana tũdi catiñi Cristo”, yi gotia gna. Muare ito bajiro gna yibojarocati, ¿no yija mua coriarã,

“Godabojarāti mɔcana tɔdi catiya ma”, yati mɔa? ¹³ Godabojarāti tɔdi catire iti manija, Cristo cɔni tɔdi catibitiborɔ. ¹⁴ Tɔdi ĩ catibeja, ĩ oca gɔa riasobojarise ñe waja manoja. ĩ tɔdi catibeja, ĩre tɔorɔnɔbojarāti ya mɔa. ĩ manija ĩ manibojarocati ĩre tɔorɔnɔboana mɔa. ¹⁵ ĩ tɔdi catibeja, bɔrāti Dios oca riasoboyija gɔa. “Tɔdi Cristo ĩ catiroca yiñi Dios”, yicācɔ gɔa. Godana mɔcana tɔdi ĩna catibeja, Jesure cɔni tɔdi ĩ catiroca yibitiborɔ Dios. ¹⁶ Godana mɔcana tɔdi ĩna catibeja, ito bajiroti Cristo cɔni tɔdi catibitiborɔ. ¹⁷ Cristo tɔdi ĩ catibeja, ĩre tɔorɔnɔbojarāti ya mɔa. ĩ manija ĩ manibojarocati ĩre tɔorɔnɔboana mɔa. Mani ñeñaro yirise waja, waja yi ĩsirocɔ godacōri ĩ tɔdi catibeja, seti catirā ñaboana mani maji. ¹⁸ Ito bajiro iti bajija, Jesucristore tɔorɔnɔcōri godana jeame ɔjɔroju waboana ĩna. ¹⁹ Cristore tɔorɔnɔbojarāti tɔdi mani catibeja, ĩre tɔorɔnɔmena rētoro bojori bɔjarā ñaboana mani.

²⁰ Ado robojɔa bajia: Cristo ĩ godabojarocati mɔcana tɔdi ĩ catiroca yiñi Dios ĩja. Ito bajiri ĩ ñami cajero godabojaguti mɔcana tɔdi catisɔorɔ. ĩna sɔoriti godana ñarocōti mɔcana tɔdi cati jedirā yirāji. ²¹ Adán ñayorɔ ĩ ñeñaro yirajɔna sɔoriti godasɔoñi adi sita gāna. Ito bajibojarocati Cristo tɔdi ĩ catirajɔna sɔoriti godabojarāti tɔdi catirāji mani cɔni. ²² Adán ñayorɔ janerābatia ñari goda jedirā yirāji mani. Ito bajibojarocati Cristore tɔorɔnɔrā ñari ĩna sɔoriti mɔcana mani catiroca yigɔ yiguñi Dios. ²³ Dios ĩ āmoro bajiroti mɔcana tɔdi catirā yirāji masa. Cristo ñami cajero godabojaguti mɔcana tɔdi catisɔorɔ. Ija Cristo ĩ tɔdi ejaroca ĩre tɔorɔnɔgoana mɔcana tɔdi catirā yirāji. ²⁴ Ito baji ñaroca adi ɔmɔari jediro yiroja. ĩ wajana ñarocōreti rētocɔgɔ yiguñi Cristo. Adi sita gāna ɔjarā, ito yicōri ɔmacɔju gāna ɔjarāre cɔni rētocɔgɔ yiguñi Cristo. Ito bajiro yicōri ĩre tɔorɔnɔrāre miojugɔ yiguñi Cristo. “ĩna ɔju ñasagɔ ñatñama mɔ”, yirocɔ ĩ Jacɔ Diojɔare ĩsigɔ yiguñi Cristo ĩre tɔorɔnɔgoanare. ²⁵ ĩ wajanare ĩ rētocɔroto riojɔa ɔju ĩ ñaroca yigɔ yiguñi Dios Cristore. Ito bajiro ĩ baji ñare āmoguñi Dios. ²⁶ ĩ wajana ñarocōreti rētocɔcōri masa ĩna godarise gaye itocōti gajanoagɔ yiguñi Cristo. Ito bajiri mɔcana tɔdi godare mano yiroja. ²⁷ Dios oca tuti iti gotiro bajiroti jeyaro ɔju ñarocɔre cūñi Dios Cristore. “ĩ Jacɔ ɔju ñami Cristo”, yireoni meje ña iti. ĩ Jacɔjɔa jeyaro ɔju ñarocɔre cūñi. ²⁸ Co rɔmɔ ĩ wajana jeyarore, ito yicōri ɔjarā jeyarore cɔni ĩnare rētocɔgɔ yiguñi Cristo. Ito bajiro yicōri jeyarore rotigɔ ñagɔ yiguñi Cristo. Iti rɔmɔti ĩ roti masitoni Dios ĩ jidicāre tɔdi ĩsigɔ yiguñi Diore. Ito bajiro ĩ yijare Dios ĩre cūrɔ jeyaro, dise rɔyabeto ɔju ñagɔ yiguñi.

²⁹ “Godana mɔcana tɔdi catimenaji”, gājerā ĩna yibojarise gaye mɔare goti masio āmoa yɔ. ¿No yija, “Godana mɔcana tɔdi catimenaji”, yi tɔoĭabojarāti idé guya mana godanare yari idé gu ĩsirā yati gājerā? Godana mɔcana tɔdi ĩna catibejama, rocati bajiro ĩnare idé gu ĩsibojarāji ĩna.

³⁰ Dios oca yɔ riasoja, bɔto guijosotia yure, jājarā yure sĭa āmorā ĩna cɔnĭjare. “Riti godana tɔdi catirā yirāji ĩja”, yi tɔoĭacōri Dios oca riaso jidicābea yɔ. ³¹ Riti mɔare gotia yɔ ñarā yɔ. Co rɔmɔ rɔyabeto yure sĭa āmorā cɔnĭsotĭama ĩna. Riti bajia iti. Gaje riojo gotia yɔ mɔare. “Yɔ riasocatire tɔocōri Cristore tɔorɔnɔñi Corinto cɔto gāna”, yi mɔare tɔoĭacōri wanɔa yɔ. ³² Efeso cɔto gāna yaiare bajiro guacōri yɔ tōbɔjaroca yicā ĩna. Godabojarāti mɔcana tɔdi mani catibeja, rocati Diore moa ĩsibocɔ yɔ. Ito yicōri tōbɔjabojaguti, ñe bɔjabitibogɔja yɔ. Godana mɔcana tɔdi ĩna catibeja, Jesure tɔorɔnɔmena ĩna tɔoĭado bajiro mani cɔni tɔoĭaja quenaboa. Ado bajiro yi tɔoĭama ĩna: “Yoari mejeti godarā yirāji mani. Ito bajiri mani āmoro bajiroti wanɔrɔja mani, bɔrɔja mani, idirɔja mani”, yi tɔoĭabojama ĩna.

³³ Ito bajiro rɔo gotirāre tɔorɔnɔbesa. Ado bajirojɔa ya yɔ mɔare: “Ñeñaro yirā rāca mɔa baba catija, queno yirā ñabojarāti ĩna bajiroti ñeñaro yirā yirāji mɔa cɔni”, ya yɔ mɔare. ³⁴ Tɔdi queno tɔoĭa quenocōri quenarise riti yiya mɔa. Mɔa ñeñaro yirisere jidicāña. Mɔa coriarā Diore masirā meje ña mɔa. Mɔa bojo bɔjatoni ito bajiro ya yɔ.

Godabojarāti mɔcana tɔdi ĩna catire gaye

³⁵ Ado bajiro yure seniĭarā yirāji gajea coriarā: “Godana ñabojarāti, ¿no bajiro tɔdi catirā yirājida? Ito yicōri, ¿no bajiro ruju catirā yirājida ĩna?” yi yure seniĭarā yirāji

gajea coriarã. ³⁶ Ito bajiro yũre seniĩarã queno tũoĩamena ñama ñna. Ado robojũa bajaia: Aje mani oteja, joe gayeti jogaro yiroja. Ito bajibojarocati gudajubero gaye judi mũjaroja. ³⁷⁻³⁸ Trigo ajeri, gaje ote ajeri mani oteja, rujagu meje otea mani. Mani oteja bero rujagu iti ñatoni Dios ñ amoro bajiroti menigũ yiguĩji ñ. Ote ajeri iti ñaro bajiroti iti judiroca yigu yiguĩji Dios. Maniama ajerigoti otea mani. Dios ñami iti judiroca yigu. ³⁹ Mani catirã jeyaro ricati riti rujũ cutia mani. Tite mũa. Wai, waibucurã, wutirã, mani masa cuni ricati riti rujũ cutia. ⁴⁰ Ito bajiroti umacũju gãna cuni ricati rujũ cutirãji. Mani adi sita gãna ricati rujũ cutia mani. Mani adi sita ñarã quenari rujũ, rujũ cutia mani. Umacũju gãna cuni manire bajiro rujũ cutibitibojarãti quenari rujũ, rujũ cutirãji ñna cuni. ⁴¹ Umũa gagũ ñ busurise bajirise meje busuami ñami gagũ cuni. Ricati busuami. Ito bajiroti ñocõa cuni ricati busuama. Ñna ñocõa comasi cuni ricati riti busuama. ⁴² Ito bajiroti bajirã yirãji mani. Godabojarãti mũcana tũdi caticõri ricati rujũ cutirã yirãji mani. Sĩgũ godarũre mani yujeja, ñ ya rujũ jogacoaro yiroja. Tũdi catiroca Dios ñ yija, tũdi godare mano yiroja ñre. ⁴³ Sĩgũ godarũre mani yujeja, jogari rujũre yujea mani. Ñ tũdi catiroca Dios ñ yija, seyori rujũ, rujũ cutigu yiguĩji. Queno rujũ seõgũre meje yujea mani. Rujũ seõbiti rujũ yujea mani. Ito bajibojarocati tũdi catiroca Dios ñ yija, seõri rujũ, rujũ cutigu yiguĩji ñ. ⁴⁴ Adi sita ñarã mani rujũ cutirisere ñna yujeja, jogari rujũre yujerã yirãji ñna. Ito bajibojarocati mani tũdi catiroca Dios ñ yija, jogabiti rujũ bũjarã yirãji mani. Adi sita ñarã jogari rujũ, rujũ cutia mani. Mani godabojarocati mani ya usiama godabetoja. Umacũju Dios tũ ejacõri jogabiti rujũ, rujũ cutirã yirãji mani.

⁴⁵ Ado bajiro gotia Dios oca tuti: “Cajero umũgũ ñasũorũ, Adãn ñayorũ Dios ñ rujeorũ ñayijũ. Ñ catiroca yiyijũ Dios”, yi gotia Dios oca tuti. Adãn bero gagũ ñabojaguti ñ rẽtoro ñasagũ ñami Cristo. Ñ ñami mani catitĩñaroca yigu. ⁴⁶ Adocãta mani rujũ cutirise jogari rujũ ñna. Ito bajibojarocati umacũju Dios tũ ejacõri jogabiti rujũ bũjarã yirãji mani. ⁴⁷ Umũgũ ñasũorũre sitana rujeoyijũ Dios. Ito bajiri adi sita gagũ ñayijũ ñ. Ñ bero gagũ Cristoama umacũju gagũ wadirũ ñayijũ. ⁴⁸ Adi sita ñarã cajero ñasũorũ sitana rujeorũ robo bajiro rujũ cutia mani. Umacũju Dios tũ mani waja ito gagũ wadirũ Cristo robo bajiro rujũ cutirã yirãji mani. ⁴⁹ Adi rũmũri Adãn ñayorũ bajiro rujũ cutia mani. Ito bajibojarocati Dios tũ ejacõri Cristo bajiroti rujũ cutirã ñarã yirãji mani ñja.

⁵⁰ Ado bajiro goti amoa yũ ñarã yũ mũare: Adocãta mani ya rujũ wiro, rĩ cuni ñna manire. Ito bajiri rujũ umacũju Dios ñ rotiroju ñna masibetoja. Adocãta mani rujũ cutiri rujũ yoari ñabetoja. Ito bajiri Dios rãca catitĩñarona rujũ jogabiti rujũ mani rujũ cutija quena. ⁵¹ Gãjerã ñna masibitire mũare gotigu ya yũ. Jeyaro meje godarã yirãji. Ito bajibojarocati mani sũgũ ruyabeto rujũ wasoarã yirãji mani. ⁵² Cajea mani yabi yiro bajiro ejaroti rujũre wasoagu yiguĩji Dios. Ito bajiro bajiro yiroja susari rũmũ. Trompeta wame cutirica jutiraga oca ruyuro yiroja. Iti oca ruyuroca godana tũdi catirã yirãji. Ito yicõri tũdi godare mano yiroja ñnare. Iti rũmũri cati ruyarãre ñna ya rujũre wasoagu yiguĩji Dios. ⁵³ Mani rujũ cutirise jogarise ñna. Ito bajiri Dios rãca mani catitĩnatoni manire rujũ wasoagu yiguĩji Dios. Adocãta mani rujũ cutirise godacoaro yiroja. Ito bajiri tũdi mani godabititoni mani ya rujũre wasoagu yiguĩji Dios. ⁵⁴⁻⁵⁵ Adocãta mani rujũ cutiri rujũ godacoaro yiroja. Mũcana tũdi godabiti rujũ Dios ñ manire wasoaja, Dios oca tuti iti gotiadio bajiroti rẽtaro yiroja. Ado bajiro gotia iti: Mani godarise jediroca yami Dios ñja. Ito bajiri mũcana tũdi godamenaji mani. “Tõbũjacõri goda wacũ ya yũ”, yi tũoĩa gũire ma ñja. ⁵⁶ Ñeñaro yisotirã ñnari godarã yirãji mani. Dios ñ rotirisere cũdimena ñnari, “Ñeñaro yirã ñna gũa”, yi tũoĩa mani. Ñeñaro mani yirisere mani coe rotibeja godacõri, bũto tõbũjarã yirãji mani. ⁵⁷ Ito bajibojarocati mani Hju Jesucristore mani tũorũnũja, ñ godarena sũoriti jeame mũjuroju mani waborere rẽtogũ yiguĩji Dios. Godabojarãti caticoarã yirãji mani. Itire tũoĩa wanũcõri, “Queno ya Dios mũ”, ya mani.

⁵⁸ Ito bajiri Jesucristore tũorũnũ jidicãbitirũja yũ ñarã manire. Ito yicõri ñre moa ñsi jidicãbitirũja manire. “Ñre mani moa ñsija queno manire waja yigu yiguĩji Dios”, yi tũoĩa mani. Ito bajiri mani Hjũre mani moa ñsija rocati meje moarã yirãji mani.

16

Gājerāre ejabuarona mani niyeru miojure gaye

¹ Gājerā Jesure tuorūnūrāre ejabuarona niyeru m̄ua miojuroti gaye m̄uare busigu ya yu adocāta. Jesure rūcubūorona īna minijua ñaroca, Galacia sita gānare niyeru yu mioju rotiado bajiroti m̄uare cūni niyeru mioju rotia yu. ² Ado bajiro m̄uare mioju rotia yu: Coji tujacāra r̄um̄u rūyabeto m̄ua b̄uja sosaro bajiroti jabetacā īsija quena. Itire miojucōri cojuti seoba. Ito bajiro m̄ua yija, yu ejari r̄um̄u ñacāro yiroja. ³ M̄ua tu ejacōri niyeru āmi warona m̄ua beseanare, “Jerusalén gānare niyeru īsitēña”, yirocu īnare wa rotigu yigūja yu. Ito bajiri m̄ua miojure gaye āmi wacōri ito gāna Jesure tuorūnūrā bojoro b̄ujarāre īsirā yirāji īna. “Āna ñama queno yirā. Īnare boca āmiña m̄ua”, yi papera uca īsigū yigūja yu Jerusalén gānare īna īo ejatoni. ⁴ “Īna rāca warūja yure”, yu yi tuoīaja, īnare ūmatā wacu yigūja yu.

Warocu Pablo ī tuoīare gaye

⁵ Adona wacōri Macedonia sitaju ejagu yigūja yu. Itona wacōri m̄ua cuto Corintoju ejagu yigūja yu. ⁶ Yoari m̄ua rāca ñagū yigūja gajea yu. Juebusu ñarocōti m̄ua rāca ñagū yigūja gajea yu. Ito bero gaje cuto yu wa masitoni yure mani gaye yure m̄ua īsi ejabuaja quena ñaroja yure. ⁷ Ejori oca m̄ua tu ti rēta āmobeja yu. Mani Ūju ī āmoja, yoari m̄ua tu ña āmoja yu. ⁸ Ito bajibojaguti coji wabeja yu maji. Adi cuto Efeso, iti Pentecostés basa iti rētaja bero wacu yigūja yu. ⁹ Ado ñacōa āmoja yu maji. Jājarā yure ti tudirā ñabojarāti, Dios oca yu riasoja jājarā ñama queno tuo āmorā.

¹⁰ Timoteo m̄ua tu ī ejaja, queno boca āmima īre. M̄ua rāca ī wanūtoni, ī tuoīa oca jaibe yirona, queno īre boca āmima. Mani Ūjure moa īsigūti ñami ī cūni, yu robo bajiroti. ¹¹ Ito bajiri īre m̄ua rūcubūore āmoja yu. Īre bocatia yu, ito yicōri Jesure tuorūnūrā ī rāca gānare cūni. Ito bajiri m̄ua tu ī ejaja, īre ejabuaya, yure rēta tigu ī ejatoni.

¹² Mani yagu Apolosre gājerā Jesure tuorūnūrā rāca īre josabojacu yu, m̄ua tu ī tigu watoni. Ito bajiro yu yibojarocati “Adocāta yu ware āmoguīji Dios”, yi tuoīabeami maji. Ito bajiri, “Yu ware quena”, ī yi tuoīari r̄um̄u m̄ua tu tigu wacu yiguīji ī.

Quenajaro masa, Pablo ī yi ñucare gaye

¹³ Queno tuoīacōri ña yucāña m̄ua. Ito yicōri mani Ūju Jesucristore tuorūnū jidicābesa m̄ua. Ūm̄ua seyoro queno m̄ua usi cuti ñaja quena. Ito yicōri tuoīa oca seōña m̄ua. ¹⁴ Dise rūyabeto Diore m̄ua moa īsisotirise gājerāre ti maicōri īre moa īsija quena.

¹⁵ Acaya sita gagu Estéfnas ī ñarā rāca cajero Dios oca yu riasocatire boca āmisuoquī ī. “Ito bajiroti bajicu”, yi tuoīarāji m̄ua. Adi r̄um̄uri gājerā Jesure tuorūnūrāre ejabuarona Diore moa īsirā yama īna. ¹⁶ Īnare m̄ua rūcubūo cudire āmoja yu. Ito yicōri no īna bajiro Diore moa īsicōri m̄ua rāca moarāre m̄ua rūcubūo cudire āmoja yu. ¹⁷ M̄ua ñarā Estéfnas, Fortunato ito yicōri Acaico īna ejaja buto wanua yu. Sōju ñacōri yure ejabu masibea m̄ua. Ito bajiri m̄uare yiari yu tu ejacōri yure ejabuama īna. ¹⁸ M̄ua oca seoroca īna yiado bajiroti yu tu ejacōri yu oca seoroca yama īna. Ito bajiro yirāre mani rūcubūoja quena.

¹⁹ Asia sita gāna Jesure tuorūnūrā, “Quenajaro”, yi ñucama m̄uare. Aquila ī manojō Priscila īna ya wi minijuarā cūni mani Ūjure tuorūnūrā ñari, “Quenajaro”, yi ñucama īna m̄uare. ²⁰ Ado gāna manire bajiro Jesure tuorūnūrā, “Quenajaro”, yi ñucama m̄uare. Diore rūcubūorā ñari, “¿Ñati m̄ua?” yicōri gāmeri m̄ua jababare āmoja yu.

²¹ Yūmasiti, “Quenajaro”, yi uca ñuca yu m̄uare.

²² No mani Ūju Jesucristore maimena jeame ūjuroju warā yirāji. Mani Ūju ī tūdi ejare āmosacōa yu.

²³ Mani Ūju Jesure senia yu m̄uare queno ī yitoni. ²⁴ “Jesucristore tuorūnūrā m̄ua ñajare, m̄uare buto tuo maia yu”, yi ñuca yu m̄uare. Itocō ña.

Segunda carta de San Pablo a los Corintios

Corinto cuto gānare Pablo ī papera cōare gaye

¹ Nati yu nārā m̄ua. Yu robo bajiroti Jesucristore tuorūnūrā n̄a m̄ua c̄uni. Yu n̄a Pablo adi papera m̄uare cōagū. Jesucristo ocare yu goti ucutoni ī cūr̄u n̄a yu. Dios ī āmojare ito bajiro yure cūquī Jesucristo. M̄ua Corinto cuto gāna Diore r̄uc̄ub̄uorā minijuasotia m̄ua. Adi papera cōa yu m̄uare. M̄ua Acaya sita gānare c̄uni Diore r̄uc̄ub̄uorā m̄ua n̄ajare adi papera cōa yu. Mani yagu Timoteo rāca adi papera m̄uare cōa yu. ² M̄uare yari mani Jacu Dios, ito yicōri mani Ūju Jesucristore c̄uni seni īsia yu. M̄uare īna queno yitoni īnare senia yu. M̄ua ya ūsij̄u queno m̄ua wan̄u quenatoni m̄uare yari īnare seni īsia yu.

Pablo ī tuoīa b̄ujatobitire gaye

³ Mani Ūju Jesucristo Jacure r̄uc̄ub̄uor̄uja manire. Mani Jacu n̄ari manire ti maigū yiguīji Dios. Ito bajiri mani tuoīa b̄ujatobitibe yiroc̄u mani rāca n̄atīnagū yiguīji ī. Ito bajiro bajigu ī n̄ajare īre r̄uc̄ub̄uoa mani. ⁴ Disejua r̄uyabeto mani b̄ujatobitija ī tuoīarisena mani rāca n̄atīnagū yiguīji Dios. Ito bajiroti manire yigu yiguīji Dios, “Gājerā īna tuoīa b̄ujatobitija īnare ejabuajaro”, yiroc̄u. Mani tuoīa b̄ujatobitija manire Dios ī ejabuaro robo bajiro gājerāre mani ejabuaja quena. ⁵ Mani ye waja b̄uto tuoīa b̄ujatobisij̄u Cristo. Manire c̄uni tuoīa b̄ujatobitiroca yirā yirāji masa. Ito bajibojarocati Cristo ī goda īsiana mani n̄ajare mani tuoīa b̄ujatobitija, ī tuoīarisena mani rāca n̄atīnagū yiguīji Dios. ⁶ “Jesucristore m̄ua tuorūn̄uja, m̄uare masogū yiguīji Dios”, yi masare yu riasojare b̄uto yu tuoīa b̄ujatobitiroca yama gājerā. Ito bajiro yure īna yibojarocati masare yu riaso jidicābititoni yure ejabuami Dios. Ito bajiri tuoīa b̄ujatobitigor̄u n̄ari m̄ua tuoīa b̄ujatobitija m̄uare ejabua masigūja yu. “Yu n̄emecutiroca Dios ī yure yiado bajiroti m̄ua n̄emecutiroca yigu yiguīji Dios”, yi tuoīa yu. ⁷ “Diore queno tuorūnūrā n̄ama Corinto cuto gāna”, yi tuoīa yu m̄uare. Yu tuoīa b̄ujatobitiado bajiroti tuoīa b̄ujatomena yirāji m̄ua c̄uni. Ito bajibojarocati, “Yure ī ejabuado bajiroti m̄uare c̄uni ejabuagu yiguīji Dios”, yi tuoīa yu. “Diore jidicāmena yirāji īna”, yi tuoīa yu m̄uare.

⁸ Tuoja yu nārā m̄ua. “Asia sitaju n̄agū jaje oca josarise gaye rētañi Pablo”, m̄ua yi tuoīare āmoa yu. Ado bajiro bajicu. Itoju b̄uto tuoīa b̄ujatobitic̄u yu. “N̄emecutiado ma yu”, yi tuoīac̄u yu. “Catigu yiguja yu”, yi tuoīare manic̄u yure. ⁹ “Pabl̄ore s̄iana mani”, īna yire masic̄u yu. “Yure īna s̄iaroti yumasiti camota masibeā yu”, yi tuoīac̄u yu. Ito bajiro rētac̄u yure, Diore riti yu tuorūn̄utoni. “Dios n̄ami godarāre m̄ucana t̄udi catiroca yigu. Ito bajiri ī s̄igūti n̄ami yure maso masigū”, yu yi masitoni, ito bajiro rētac̄u yure. ¹⁰ Yure īna s̄ia āmobarocati yure queno ejabuaguī Dios. Ito bajiri yure s̄ia masibiticā īna. “Ito bajiro riti yure ejabuasotigu yiguīji Dios”, yi tuoīa yu. Yu tuoīarise Diore riti n̄a yure. “Yure ejabuasotigu yiguīji Dios”, yi tuoīa yu. ¹¹ Yure yari Diore seni īsiña. Ito bajiro yure m̄ua ejabuare āmoa yu. Ito bajiro m̄ua yija queno yure ejabuagu yiguīji Dios. M̄ua jājarā yure seni īsirena suoriti yure ejabuagu yiguīji Dios. “Pabl̄ore queno ejabuami Dios”, yi ti masicōri jājarā masa, “Queno ya Dios m̄u”, yirā yirāji īna īre.

Corinto cutoju Pablo ī wabitire gaye

¹² Gaje gaye tuoīacōri wan̄ua yu. Ado bajiro bajia iti yu wan̄urise. “Dios ī āmoro bajiro masare queno yicu yu”, yi tuoīacōri wan̄ua yu. “Masare ruogu meje n̄a yu. Corinto cuto gāna rāca n̄agū īnare queno Dios oca riasoc̄u yu”, yi tuoīa yu. Yure queno yicōri, gājerāre yu queno yi masiroca yiñi Dios. Yu masirisena meje ito bajiro yicu yu. Dios ī masirisena ito bajiro yicu yu. ¹³ Adi papera yu ucarise riojo gotia yu. Ruore ocana meje m̄uare uca yu. M̄ua tuo masirotire uca yu. Ito bajiri queno m̄ua tuo masi jeore āmoa yu. ¹⁴ Ado yu yirisere queno tuo masi jeobeā m̄ua maji. “Ado bajiro bajigu n̄ami Pablo”, queno yi masi jeobeā m̄ua maji. Yure m̄ua queno masija, mani Ūju Jesucristo ī t̄udi ejari r̄um̄u, “Guare

queno riasoquĩ Pablo”, yi tuoĩa wanurã yirã yirãji mua. Mũare ito bajiroti wanugũ yigũja yu cuni. “Queno cudirã ñama ña”, mũare yi tuoĩacõri queno wanugũ yigũja yu.

¹⁵ “Yũre wanurã yirãji”, yi tuoĩacõri, “Juaji ña tu tigu warũja yu”, yi tuoĩa yu mũare. Ito bajiri juaji yũre ti wanurã yirãji mua. ¹⁶ Ado bajiro tuoĩacu yu: “Macedonia sitaju wacu, ñare ti rēta wacũja yu. Mũcana tũdi wadigu ñare ti rēta wadicũja yu”, yi tuoĩacu yu. “Ña tu ejacõri, Judea wame cutiri sita yu ejatoni yũre ejabũarã yirãji ña”, yi tuoĩacu yu mũare. Ito bajiro tuoĩabojaguti mua tu eja masibiticu yu. ¹⁷ Mũa tu yu eja masibejare, “Bũguti yami Pablo”, yũre mua yire tuoia yu. Diore masimena ña ruoro bajiro yibea yu. “Ito bajiro yigu ya yu”, yibojaguti gajero bajiro yigu meje ña yu. “Ado bajiro yicũja yu”, yu yija ñaro bajiroti yigũja yu itire. ¹⁸ Mani Jacu Dios riojo gotigu ñami. Yu cuni riojo gotigu ña. “Ado bajiro yicũja”, yu yija, gajero bajiro yibea yu. “Ito bajiro bajigu ñami”, yi tuoĩaguĩji Dios yũre. ¹⁹ Jesucristo Dios Macũre cudigu ñari ito bajiro ya yu. Yu Pablo, Silvano cuni, Timoteo cuni, Jesucristo gayere mũare goticu gũa. “Ado bajiro yicũja yu”, Cristo ï yija, ito bajiroti yiyiju. Riojo gotisotiyiju ï. ²⁰ “Ado bajiro queno masare yicũja yu”, Dios ï yire, ï Macu Jesucristona suoriti rētayiju iti. Itire masicõri, “Ï yiro bajiroti yisotigu yiguĩji Dios”, yi wanua mani. Ito bajiro mani tuoĩaja, Diore rũcũbũorã ya mani. ²¹ Jesucristore mani tuorũnu jidicãbeto yigu ñami Dios. Ï ñarã mani ñaroca yami Dios. Jesucristo oca mani gãjerãre gotitoni manire cũni Dios. ²² “Dios ñarã ñama ña”, gãjerã ña manire yi ti masiroca ñare yigu ñami Dios. Mani ya usiju Espĩritu Santo queo sãni Dios. Ito bajiro ï yija, “Ï ñarã ña mani”, yi tuoĩa mani ïja. “Masare queno yicũja yu”, ï yiado bajiroti manire queno yigu yiguĩji Dios”, yi tuoĩa mani.

²³ “Yũ tiro riojo ña bojobe yirocu ña tu wabitiũja yũre”, yi tuoĩacõri mua tu wabiticu yu maji. “Diore queno cudibea mua”, yi amobiticu yu. Ito bajiri mũare tigu wabiticu yu maji. Riojo mũare yu gotibea cuni, “Tuoĩa bũjatobitijaro ï”, Dios ï yija cuni quena ñaboroja yũre. ²⁴ “Ado bajiro Diore rũcũbũore ña iti”, mũare yi roti amobea yu. “Diore queno tuorũnurã ñama ña”, yi tuoĩa yu mũare. Mũa bojori bũjaroca yi amobea yu. Bũto bũsa wanũ quenajaro ña, yirocu mũare riasoa yu.

2

¹ Itire tuoĩagũ, “Ña bojori bũjabe yirocu ña tu tigu wabea yu”, yi tuoĩacu yu. ² Mũa bojori bũjaroca yu yija, mua sũgũjuama yu wanũroca yigu maniboguĩji. Mũa ña yu queno wanũ quenaroca yirã. Ito bajiri mua bojori bũjaroca yi amobea yu. ³ Mũa bojori bũjabe yirocu mua tu wabiticu yu. Papera riti mũare cõacu yu maji. Mũa tu yu ejaroto riojua oca queno amogũ, “Ado bajiro mua yire amoa yu”, yi papera cõacu yu mũare. Mũa tu ejacõri mua bojori bũjare ti amobea yu. Mũa tu ejacõri mua wanũre ti amoa yu. “Yũ wanũja ticõri, wanurã yirãji ña cuni”, yi tuoĩa yu. Ito bajiri mua tu yu waroto riojua oca quenogũ mũare papera cõacu yu. ⁴ Iti rũmũ iti mũare papera cõagũ bũto tuoĩacu yu. Yu ya usiju bojori bũjacõri, bũto oticu yu. Mũa bojori bũjajaro, yirocu meje iti mũare papera cõacu yu. “Manire ti mai ñaĩ Pablo”, mua yi masitoni mũare papera cõacu yu iti rũmũ.

Ñeñaro yire acabojoya, Pablo ï yire gaye

⁵ Mũa wato gagũ ñeñaro ï yire tuoĩacõri bojori bũjacu yu. Yu sũgũ meje bojori bũjacu. Ï ñeñaro yire ticõri bojori bũjana mua cuni. Bũto bũsa ï bũjatobitiroca mua yire amobea yu. ⁶ Minijuacõri ï ñeñaro yire waja ï tuo bũjatobitiroca yiyija mua. Ito bajiro yicõri ïre bucõayija mua. Itocõti ï bũjatobitiroca mua yire amoa yu. ⁷ Ito bajiri adocãta ï ñeñaro yirisere mua acabojore amoa yu. “Mũ ñeñaro yirise mũre acabojoa gũa. Mũcana gũa rãca mũ ñare amoa gũa ïja”, ïre yi mua baba cutire amoa yu. Ito bajiro mua yibea, yoari bojori bũjacõri Cristore sũya jidicãgũ yiguĩji gajea. ⁸ Ito bajiri mũcana ïre mua ti maire amoa yu. “Gũa rãca mũ ñare amoa gũa”, yi ïre mua baba cutire amoa yu ïja. ⁹ Iti rũmũju iti gaye mũare papera cõacu yu. “Yũ rotirise ña cudi jeoja ticũja yu”, yi tuoĩacõri papera cõacu yu mũare. ¹⁰ Ï ñeñaro yirise mua acabojoya, yu cuni ïre ito bajiroti acabojogu yigũja yu. Iti rũmũ ï yũre ñeñaro yibojarocati, ito bajiro yicũja yu, sũgũre bajiro mua tuoĩa wanũtoni. Ito bajiro ya yu Cristo ï tiro riojo. ¹¹ “Sũgũre bajiro mani tuoĩabitiroca

yi ãmoami rŭmŭa Ʃjŭ Satanás manire”, yi tuoŭa mani. Ito bajiri sŭgŭre bajiro tuoŭacŭori mani gãmeri ãcabojoja quena. Ito bajiro mani yija, manire rĕtocŭ masibiquŭji Satanás.

Troas cuto ejacŭori Pablo ŭ bajatobitire gaye

¹² Gaje gaye mŭare goti ãmoa yŭ. Ado bajiro bajaia iti. Troas wame cŭtiri cuto ejacŭori queno Cristo oca masare riasocŭ yŭ. “Gŭare gotibesa”, yibiticã masa. Queno yŭre boca ãmicã ŭna. Ito bajiri Jesucristo ŭ ejabŭarisena sŭoriti masare queno riaso masicŭ yŭ. ¹³ Masare queno riasobo jagŭti yŭ ya Ʃsijŭ bŭto tuoŭacŭ yŭ. Mani yagŭ Titore ti bŭjabiticŭori yŭ ya Ʃsijŭ bŭto tuoŭacŭ yŭ. Ito bajiri Titore ãmarocŭ ŭnare ware goticŭori Macedonia sitajŭ wasŭ yŭ.

Cristore mani tuorŭnŭja rĕtocŭrã mani ñaroca Dios ŭ yire gaye

¹⁴ Jesucristore tuorŭnŭcŭori yŭ ñeñaro yirisere rĕtocŭ masia yŭ. Ito bajiro yŭ baji ñaroca Jesucristo rãca yŭ baba cŭti wanŭroca yŭni Dios. Ito bajiro Dios ŭ yijare, “Queno ya Dios mŭ”, ya yŭ ŭre. Adi rŭmŭri no yŭ riaso ucŭrijŭti, Jesure masa ŭna tuorŭnŭroca yami Dios. Sŭti quenarise iti sŭti bataro bajiro cojŭ rŭyabeto Dios oca bata ejaro ya. ¹⁵ “Masa ŭna ñeñaro yirise waja goda ŭsigŭ yami yŭ Macŭ”, yi ticŭori wanŭyijŭ Dios. Jesucristo oca masare mani riasoja ticŭori, manire wanŭagŭ yiguŭji Dios. Coji rŭyabeto masare mani Dios oca riasoja, masa jeyaro ŭ oca masirã yirãji. Jeame ŭjŭrojŭ warona cŭni, jeame ŭjŭrojŭ ŭna wabore ñaroca Dios ŭ masoana cŭni ŭ oca masirã yirãji ŭja. Masare Dios oca mani riasoja queno sŭtiro bajiro bajaia ŭre. Ito bajiro masare mani gotija ticŭori, wanŭgŭ yiguŭji Dios. ¹⁶ Jeame ŭjŭrojŭ waronare Dios oca yŭ riasoja, ŭnirise queno sŭti quenabiti robo bajaia ŭnare. Jeame ŭjŭrojŭ ŭna wabore ñaroca Dios ŭ masoana ŭ oca yŭ riasoja, ŭnareama queno sŭti quenaro robo bajiro bajaia. “Dios ocare yŭ tuorŭnŭja catitŭñagŭ yigŭja yŭ”, yi tuoŭama ŭnama. Yŭre Dios ŭ ejabuabeyama ŭ oca gotiada ma yŭ. ¹⁷ Niyeru bŭjarona riti masare Dios oca riasorã jãjarã ñama ŭna. Dios oca ñasarise meje riasoama ŭnaŭna. Riojo meje riasoama ŭna. ŭna ãmoro bajiroti riasoboyama. ŭnare bajiro meje riasoa yŭama. Dios ŭ tiro riojo queno tuoŭacŭori masare riasoa yŭ. Cristo oca yŭ riasotoni Dios ŭ cŭrŭ ña yŭ. ŭ oca queno masare riasoa yŭ. “Queno masare riasoami Pablo”, yi tiguŭji Dios yŭre.

3

Ado bajiro bajaia mame oca, Pablo ŭ yire gaye

¹ Yŭre queno bŭsijaro, yirocŭ meje iti gotia yŭ mŭare. “ŭni ñami queno Dios oca riaso masigŭ”, yi gãji ŭ papera ucaja, “Gŭare ŭogŭ yiguŭji Pablo”, ŭyire masiati mŭa? Yŭre masicã mŭa. Ito bajiri mŭare ŭoado ma yŭ. Gãjerã ŭre boca ãmitoni, “ŭni ñami queno Dios oca riaso masigŭ”, manire yi uca rotigŭ yiguŭji Pablo”, ŭyire masiati mŭa? “Queno Dios oca riaso masiami”, yi masicãrãji masa yŭre. ² Ado bajiro bajaia: Mŭa ñeñaro yirisere jidicãcŭori gaje mŭa wasoaja ticŭori, “Dios oca ŭnare queno riasoñi Pablo”, yi tuoŭarã yirãji masa jeyaro. “Pablo ŭ riasore tuorŭnŭcŭori gaje wasoãni ŭna”, yi ti masirã yirãji masa mŭare. ³ Mŭa tŭ gãna masa, “Ito bajiro bajirã ñama ŭna”, yi ti masirã yirãji ŭna mŭare. “Pablo ŭ riasore tuorŭnŭcŭori gaje tuoŭare wasoãni ŭna”, yi masa ŭna tire ãmoguŭji Cristo. Ito bajiro ŭna yi masitoni papera cŭabisŭ Cristo ŭnare. Gŭta jãina ucacŭori cŭni ŭnare cŭabisŭ ŭ. Ado bajirojŭa bajaia: Mŭa ya Ʃsijŭ Espŭritu Santo queo sãni Dios catitŭñagŭ. Ito yicŭori gaje tuoŭare wasoãni Dios mŭare. Ito bajiro yŭni Dios, “Cristo ñarã ñama ŭna”, yi masa ŭna mŭare ti masitoni.

⁴ Masare Dios oca yŭ riasoja, Jesucristo ŭ ejabŭarisena ito bajiro riasoa yŭ. Ito bajiri, “Masare queno riasoa yŭ”, yi tuoŭa yŭ Dios ŭ tiro riojo. ⁵ Ito bajiro yibojagŭti, “Yŭrio yŭ masirise masare riasocŭ yŭ”, yibea yŭ. Ado robojŭa bajaia: Dios ŭ ejabŭarisena riti masare queno riaso masicŭ yŭ. ⁶ Dios ñami ŭ ye yŭ tuo masiroca yigŭ. Ito bajiri Dios oca ŭ mame wasoare goti rĕtobu masia yŭ. “No yŭ rotirisere cŭdi jeobicŭti ŭ godaja jeame ŭjŭrojŭ wasŭ yiguŭji”, yi gotia bŭcŭ oca. Mame oca ŭ wasoare bŭcŭ oca ucare bajiro meje bajaia. Mame oca ŭ wasoareama ado bajiro bajaia: “No Espŭritu Santore boca ãmirã yŭre cŭdi

masirã yirãji ñna”, yi gotia Dios oca mame ï wasoare. “Espíritu Santona suoriti catitĩñarã yirãji ñna”, yi gotia Dios oca.

⁷ Jane mejeju ï rotirise jidicãyiju Dios Moisés ñayorure. Ï rotirise gũta jãiriju ucare ñayiju. Iti ï ïsiri rumu buto guijorise rãca ejayiju. Ado bajiro bajiyiju iti: Dios rotirise boca ãmicõri Moisés ya rio buto yoyiju. Buto ï ya rio iti yojare ï ya rio ti masia mano bajiyiju Israel sita gãnare. Ï ya rio buto yobojaꝓti yoari mejeti mucana yo jidicãꝓoyiju. Dios rotirisere cudi jeo masibiticõri bojori bujayijarã ñna. “Goda warã ya mani”, yire masiyijarã ñna. ⁸ Espiritu Santo quedi sãja ecoana mani ñajare ñeñaro mani yirisere ãcaboꝓoru Dios. Ito bajiri, “Bucu oca rẽto busaro ñasarise ña mame oca Dios ï wasoare”, yi tuoia mani. ⁹ Buto guijorise rãca bucu oca iti ejabojaroꝓati iti oca queno cudi jeo masibisijarã masa. Itire cudi jeo masibiticõri, “Godarã ya mani”, yiyijarã ñna. Bucu oca rẽto busaro ñasarise ña mame oca Dios ï wasoare. Mame oca ï wasoarena ado bajiro gotiami Dios: “No Espiritu Santo quedi sãja ecogu ñe seti macu ñami ï”, yi gotiami Dios ï ocana. ¹⁰ Jane mejeju Moisés ñayoru ï rotirise buto rucubꝓoyijarã masa. Buto iti rucubꝓore ñabojaroꝓati, rẽtoro rucubꝓore ña mame oca Dios ï wasoare. Moisés ñayoru ï rotigore jedi wayiju ïja. Ito bajiri mame oca Dios ï wasoare ña buto mani rucubꝓoroti. ¹¹ Moisés ñayoru ï rotirise buto rucubꝓore ñabojaroti yoari sejabisiju. Mame oca Dios ï wasoareama jedibeto yiroja. Ñatĩñaro yiroja. Mame oca Dios ï wasoare mani tuorũnuja, catitĩñarã yirãji mani. Ito bajiri bucu oca rẽtoro ñasarise ña mame oca Dios ï wasoare.

¹² “Buto ñasarise ña Dios oca”, yi tuoia yu. Ito bajiri guigu meje Dios oca masare buto riasoa yu. ¹³ Moisés ñayoru bajiro meje baja yu. Dios rãca ï busija bero ï ya rio sayana camotayiju Moisés ñayoru. Ï ya rio yorise iti jedi waja tibe yirocu camotayiju Moisés ñayoru. ¹⁴ Jane mejeju cuni Dios oca tuorũnu ãmobisijarã judio masa. Ito bajiri ï oca tibojarãti tuo masibisijarã. Adi rumuri cuni ito bajiroti bajicõama ñna. Moisés ñayoru ï ucare ñna tibojaja cuni tuo masibeama ñna. Cristore tuorũnurã riti Dios oca ticõri ti masiama ñna. ¹⁵ Ito bajiri Cristore tuorũnubiticõri Dios ocare tuo masibeama judio masa. Ito yicõri Moisés ñayoru ï ucare riasotibojarãti itire tuo masibeama ñna maji. ¹⁶ No mani Uju Jesucristore boca ãmigãti, Dios ocare tuo masigũ yiguji. ¹⁷ Jesucristo mani Uju, ito yicõri Espiritu Santo cuni coro bajiroti bajirã ñama ñna. Ito bajiri Espiritu Santo quedi sãja ecoana ñari, “Jesucristore mani tuorũnuja, catitĩñarã yirãji”, yi tuoia mani. “Moisés ñayoru ï rotirise yu cudiya, yure masogu yiguji Dios”, yi tuoia bea mani. ¹⁸ Jesucristore tuorũnurã ñari, “Ïti ñami rẽtoro quenagũ”, yi tuo masia mani. Itire tuo masicõri ïre riti tuoia mani. Ito bajiro ïre tuoiasoticõri co rumu ruꝓabeto buto busa ïre bajiro baji waju mani. Espiritu Santo quedi sãja ecoana ñari Jesucristo bajiro mani baji waroca yami.

4

¹ Yure ti maicõri ï oca masare yu riasotoni yure cũñi Dios. Ito bajiro yure ï yija, oca sãoa yu. Ito bajiri ï oca riaso jidicãbea yu. ² “Rũore ocana meje masare Dios oca ñasarise riasocuja yu”, yicãcu yu. Yumasi yu tuoia rujeore meje riasoa yu. Dios oca iti riasoro bajiroti riasoa yu masare. Dios ï tiro riojo ñasarise riti riasoa yu masare. Ito bajiri, “Riojo ñasarise masare riasoami Pablo”, yi masi jedirãji masa yure. ³ Jãjarã ñama Cristo oca yu riasoja, tuo masimena. Ï oca ñna tuo ãmobejare, ñna tuo masiroca yibeami ï. Ito bajiri ï oca tuorũnubiticõri jeame ãjuroju warona ñama ñna. ⁴ Cristore ñna tuorũnubeja, ñna tuoia wisaroca yami Satanás wame cutigu. Ï ñami adi macãrucũro ñeñaro yirã uju. Cristo rucubꝓoru ï oca quenarisere ñna tuorũnure ãmobeami Satanás. Dioti ñami Cristo. Ito bajiri ï ocare ñna tuo masime yirocu ñna tuoia wisaroca yini Satanás. ⁵ Masare yu riasoja, yumasi gaye meje riasoa yu. “Jesucristo ñami mani Uju”, yire oca riasoa yu masare. Cristore tuo maicõri ïre moa ïsigũ ña yu. Ïre cudicõri ï oca muare riasoa yu, quenarise muare ejatoni. ⁶ Adi macãrucũro rujeo wacu, “Rãitĩaroju busuya”, yigoru ñami Dios. Ïti ñami ï ocare mani ya usiju tuo masiroca yigu. Ito bajiri, “Rucubꝓoru ñami Cristo”, yi tuoia mani. Cristore ti masicõri, “Ï robo bajiro rucubꝓogu ñami Dios”, yi tuoia mani.

Cristore tuorũnucõri queno ñare gaye

⁷ Gwa ĩ cūana ñasarã meje ña. ĩ ocajua ña rētoro ñasarise. Yũ masirisena meje masare ĩ oca riasoa yũ. Bũto tũoĩa masigũ meje ña yũ. Ito bajiri yũ riasoja tũocõri, “Dios ĩ masirisena queno riasoami Pablo”, yi ti masiama masa yũre. ⁸ Masare Dios oca yũ riasoja, coji meje tũoĩa bũjatobiticũ yũ. Ito bajiro tũoĩa bũjatobitibojaguti Dios ocare riaso jidicãbea yũ. “¿Disejua yisagu yigujada yũ?” yi tũoĩare jaia yũ cojirea. Ito bajibojaguti bojori bũjabea yũ. ⁹ Jãjarã yũre ti tudirã ñabojarocati Dioama yũre jidicãbeami. Coji meje yũre ñeñaro yicã masa. Ito yicõri yũre jacajũ tumecãcõacã masa. Ito bajiro yũre ñna yibojarocati mũcana tũdi wũmũ rũgũcõri masare Dios oca riaso ucucũ yũ. ¹⁰ No yũ wa ucurojũ ñama masa coriarã yũre sĩa ãmorã. Jesure ñna sĩado bajiroti yũre cũni sĩa ãmoama masa. Yũre ñna sĩame yirocũ tirũnũsotiami Jesús yũre. Yũre ĩ tirũnũja ticõri, “Catigũ ñami Jesús. ĩ ñarãre queno tirũnũami”, yi tũoĩama masa. ¹¹⁻¹² Jesús oca yũ riasojare, coriarã masa sĩa ãmosotiamama yũre. Yũre ñna sĩa ãmbojarocati Jesuama yũre tirũnũami. “Catigũ ñami Jesús. Ito bajiri ĩ ñarãre tirũnũami ĩ”, yi mũare yũ riasojare, yũre sĩarona cũniãama masa. Ito bajiro ñna yibojarocati Dios oca riaso jidicãbea yũ. Jesure tũorũnũcõri, mũa catitĩñare ãmogũ mũare riasoa yũ.

¹³ Dios oca tutijũ ado bajiro gotiami sigũ: “Diore tũorũnũa yũ. Ito bajiri ĩ oca masare gotia yũ”, yi gotiami sigũ Dios oca tutijũ. Ito bajiro tũoĩa yũ cũni. Diore tũorũnũcõri ĩ oca riaso jidicãbea yũ. ¹⁴ Yũre masa ñna sĩa ãmoja gũibeã yũ. Mani Ujũ Jesucristo ĩ godabojarocati mũcana tũdi ĩ catiroca yĩni Dios. Ito bajiri Jesús yagũ ñari, “Yũ tũdi catiroca yigũ yiguĩji Dios”, yi tũoĩa yũ. “Mũa rãca cocati ĩ ñarojũ ũmacũjũ manire ãmi wacũ yiguĩji Dios”, yi tũoĩa yũ. ¹⁵ Quenarise gaye mũa boca ãmitoni ito bajiro jeyaro rētacũ yũre. Jãjarã Jesucristore tũorũnũjaro, yirocũ ĩ oca riasoa yũ. “Manire ti maicõri manire queno yami Dios”, yi warã yirãji masa jãjarã bũsa. “Mũ ña rētoro rũcũbũorũ”, yi rũcũbũo warã yirãji masa jãjarã bũsa Diore.

¹⁶ Itire masicõri oca sēoa yũ. Jesús oca riaso jidicãbea yũ. Yũ ya rujũ bũcua jedi wabojarocati yũ ya ũsijuama oca sēo ña yũ. Co rũmũ ruyabeto yũ oca sēoroca yami Dios. ¹⁷ Adi sita ñagũ yũ bũjatobitire ñabojarocati yoari mejeti tũoĩa wanũ quenagũ yigũja yũ. Yũ tũoĩa bũjatobitire ñaja yũre queno yigũ yiguĩji Dios. ĩ rãca yũ catitĩñaroca yũre queno yisotigũ yiguĩji Dios. Masare riasogũ yũ tũoĩa bũjatobitire waja yũre queno yigũ yiguĩji Dios. ¹⁸ Ito bajiri yũ tũoĩa bũjatobitire itire bũto tũoĩa yibeã yũ. ũmacũjũ Dios queno ĩ yirotijũare bũto tũoĩa yũ. Mani ya rujũ ñatĩñaroti meje ña. Ito bajibojarocati mani ya ũsijuama ñatĩñaroti ña. Ito bajiri ũmacũjũ Dios queno ĩ yirotijũare bũto tũoĩa yũ.

5

¹ “Ado mani reco ñari rujũ godaroca gaje mama rujũ wasoagu yiguĩji Dios”, yi tũoĩa yũ. ĩ masirisena mama rujũ wasoagu yiguĩji manire. Mama rujũ manire ĩ wasoaja, tũdi godabiti rujũ ñaro yiroja iti rujũ. Ito bajiri catitĩñarã yirãji mani, manire ĩ queno yurajũjũ. ² Adi sita ñarã bũto Dios tũ ware tũoĩa mani. “Mama rujũ Dios ĩ wasoara rujũna ña ãmoã yũ”, yi tũoĩa yua mani adi sita ñarã. ³ Co rũmũ Dios tũ ejacõri mama rujũna ñarã yirãji mani. Ito bajiri, “Yũ ya ũsi mama rujũ ña yũre”, yirã yirãji mani Dios tũ ejacõri. ⁴ Adi sita rujũ cuti ñarã tũoĩa oca jaia mani. Ito yicõri tũoĩa bũjatobea mani. Goda ãmobitibojarãti ũmacũjũ ñari rujũre ãmoã mani. Dios ĩ ñaro godaya manojũ ña ãmoã mani. ⁵ Queno tũoĩacõri manire queno rujeoñi Dios. Gaje rujũ wasoarã mani ñatoni manire rujeoñi ĩ. Espiritu Santo queo sãni Dios mani ya ũsiju. Ito bajiro ĩ yijare, “Jeyaro Dios ĩ gotire ito bajiro riti rētarõ yiroja”, yi tũoĩa mani.

⁶ Itire masicõri oca sēosotia yũ. Adi sita rujũ, rujũ cutigũ ñari mani Ujũ Jesucristo tũ wa masibeã yũ maji. Ito bajiri ija rētaroti gayere tũoĩa yugũ wanũa yũ. ⁷ Ija rētaroti gaye tibitibojaguti, Cristore tũorũnũcõri, “Ito bajiro rētarõ yiroja”, yi tũoĩa yũ. ⁸ Ito bajiro tũoĩagũ ñari oca sēoa yũ. Yũ godarotire gũibeã yũ. Yũ godaroti gaye tũoĩagũ wanũa yũ. Mani Ujũ Jesucristo tũjũa ñagũ wa ãmoã. ⁹ Adi sita yũ ñaja cũni, ũmacũjũ yũ ñaja cũni Dios ĩ ti wanũrise riti yi ãmoã yũ. Disejua gaje ñasarise ma yũreama. Dios ĩ ti wanũrise riti yi ãmoã yũ. ¹⁰ Ado bajirojũa bajia: Co rũmũ rotira cumuro Cristo ĩ rujiro riojo masa jeyaro

rūgōrā yirāji ī riojo. Iti rūmū mani ñeñaro yigore, mani quenaro yigore cūni manire waja yigu yiguīji Cristo. Ito bajiro yicōri manire besegu yiguīji Cristo.

Cristona suoriti oca ma manire, yire gaye

¹¹ Itire masicōri ĩre gūi rūcūbūoa yū. Ito bajiri Cristore masa ĩna tuorūnure āmogū ĩnare gotisotia yū. “Yūre rūcūbūocōri queno masare riasoami Pablo”, yi masiguīji Dios yūre. Mūa cūni ito bajiro mūa yi masire āmoa yū. ¹² Iti mūare yū gotija, yūre ti wanure āmogū meje ya yū itire. Ado bajirojūa baja: Yūre būsiturāre mūa cūdi masitoni, yū yigore mūare queno goti rētohua yū. Yūre oca menirā ĩna ñama, “Gājerā rētoro ñasarā ña gūa”, yibojarāti quenarise tuoīamena. “Ñasarise masare oca riasoñi Pablo”, yūre mūa yire āmoa yū. ¹³ “Queno tuo masibicū ñami Pablo”, masa ĩna yūre yibojaja cūni, no yibeā yūre. Diore rūcūbūojaro ĩna, yirocū masare riasoa yū. “Būto masigū ñami Pablo”, masa ĩna yūre yibojaja cūni, no yibeā yūre. Mūa queno ñatoni mūare Dios oca riasoa yū. ¹⁴ “Yūre maiami Cristo”, yicōri ĩre cūdi āmoa mani. Manire būto ti maiami Cristo. Ito bajiri mani ñeñaro yirise waja, waja yi ĩsigū godañi ĩ. Mani ñeñaro yirise waja tuoīa būjatobisī Cristo. Ito bajiri mani āmorise yirāona Cristo ĩ āmorisejūare yirūja manire. ¹⁵ Yūre cūdijaro ĩna, yirocū manire goda ĩsiñi Cristo. Ito bajiri adi rūmūri cūni Cristo ĩ āmoro bajiroti yi ñasotia mani. ĩti ñami godabojagūti mūcana tūdi catirū. Manire yiarī ito bajiro yiñi ĩ. ¹⁶ Gājire tibojarāti, “Ito bajiro tuoīami ĩ ya ūsijū”, yi masibeā mani. Ito bajiri Diore masimena gājerā ñeñaro ĩna tuoīaro bajiro tuoīabeā maniamā. Cristore yū masiroto riojūa, “Yū roboti adi sita gagū ñaguīji ĩ cūni”, yi tuoīabojacū yū. ĩre masicōri gajero bajiro tuoīa yū ĩja Cristore. ¹⁷ No Cristore tuorūnūgūti ĩ ñeñaro tuoīarise jidicācōri gaje tuoīare wasoagū yiguīji. ĩ ñeñaro yirisere jidicācōri mūcana itire yi āmobiqūji ĩ. Gaje ĩ tuoīarise wasoacōri quenarise riti yi āmoguīji ĩja.

¹⁸ Dios ñami mani tuoīarise wasoagū. Iti rūmūjū ĩ wajana ñabojarocati Jesucristo ĩ goda ĩsirena suoriti ĩ ñarā mani ñaroca yiñi Dios. “Dios rāca oca quenocōri ĩ rāca baba cūtiya mūa”, masare mani yitoni manire cūñi Dios. ¹⁹ Ado bajiro baja: Jesucristo ĩ goda ĩsirena suoriti mani ye waja oca quenoñi Dios. ĩ ñarā mani ñaroca yiñi ĩ. Mani ñeñaro yirise ācabojacōri, “Ñe seti mana ñama ĩna ĩja”, yiyijū Dios. “Oca quenoñi Dios”, yū yitoni yūre cūñi ĩ. ²⁰ Mūare yū goti rētoburisena suoriti mūare būsiami Dios. Cristo oca goti ĩsiri masūti ña yū. Cristore goti ĩsiri masū ñari, ado bajiro mūare josa yū: “Dios rāca oca quenoña mūa”, yi josa yū mūare. ²¹ Cojireama ñeñaro yīābicū ñami Cristo. Cojireama ñeñaro yīābicū ñari ĩ sīgūti mani ñeñaro yirise waja, waja yi masigū ñami. Ito bajiro bajigū ĩ ñajare manire goda ĩsi rotīni Dios. Ito bajiri Cristore mani tuorūnūja, “Ñe seti mama ĩna”, yi tiami Dios manire.

6

¹ Diore moa ĩsigū ñari ado bajiro goti josa yū: Mūare ti maicōri mūare maso āmoami Dios. Mūare ĩ maso āmoja rēobesa. “Yūre masoña”, mūa yijaro yirocū ito bajiro mūare goti josa yū. ² ĩ oca tutijū ado bajiro gotiami Dios:

Mūare yū maso āmori rūmū yūre mūa senija, cūdicūja yū. Ito bajiri yūre mūa senija, mūare masocūja yū. Ito yicōri mūare ejabūacūja, yi gotiami Dios ĩ oca tutijū.

Tūoya yū ñarā mūa. Adocāta ña mūare Dios ĩ maso āmori rūmū. Ito bajiri mūa ĩre senija, mūare masogū yiguīji ĩ.

³ Quenarise riti yīāsotia yū. Dios oca riasogū ñabojagūti ñeñarise yū yija, yūre tuorūnūmena yirāji masa. Ito bajiri ñeñarisere yi āmobicōri quenarise riti yīāsotia yū. ⁴ Ado bajirojūa ya yū. “Diore queno moa ĩsigū ñami Pablo”, yūre masa yijaro yirocū quenarise riti yīāsotia yū. Ito bajiri tuoīa būjatobitibojagūti ñemecūtia yū. Yūre masa ĩna ñeñaro yi codebojarocati ñemecūtia yū. Diore tuorūnūcōri ĩ ocare jidicābeā yū. ⁵ Coji meje yūre bajecā ĩna. Coji meje yūre tubia, yūre tudi yicā ĩna. Bogabojagūti ito bajiroti moa ñacōa yū maji. Cojireama ñami canibicūti, busuasoticū yū. Ito yicōri coji meje ñiocōsoticū yū. ⁶ Yū queno yirise ticōri, “Diore queno moa ĩsigū ñami Pablo”, yirāji masa yūre. Quenarise tuoīagū ñari ñeñaro yibeā yū. Dios ocare riasoticōri ñasarisere masia

yɛ. Masa ɪna yɛre ɲeɲaro yibojarocati tudibea yɛ ɪnare. Masare ɛsirioro yigɛ meje ɲa yɛ. Gɔjɛrɛre ejabuɛa yɛ. Espiritu Santo quedi sɔjɛcɔri yɛre ejabuɛami ɪ, Diore yɛ cɔdi masitoni. Gɔjɛrɛre bɛto maia yɛ. ⁷Oca ɲasarise riasogu ɲa yɛ. Quenarise yɛ yija, Dios ɪ ejabuarisena ya yɛ itire. Jesucristore tɔorɛnɛcɔri quenarise riti yɪasotia yɛ. Yɛ ɲeɲaro yijaro yirocɛ rɛmɛ ɪ yibojarocati yɛ ɲeɲaro yiroca yi masibeami ɪ. ⁸Coriarɛ ɲama yɛre rɛcɛbuorɛ. Gɔjɛrɛma rɛcɛbuobeama. Yɛre queno bɛsirɛ ɲama coriarɛ. Gɔjɛrɛma yɛre bɛsiturɛ ɲama. “Socari masɛ ɲami Pablo”, masa ɪna yɛre yitubojarocati, oca ɲasarise riti riasoa yɛ. ⁹“ɪNimɛ ɲaguɪjida Pablo? ɪre masibea gɛa”, yama coriarɛ. “Nasagu ɲami Pablo. ɪre masia gɛa”, yirɛ ɲama gɔjɛrɛ. Coji meje yɛre masa ɪna sɪaboroca, catia yɛ maji. Jɔjarɛ yɛre ɲeɲaro ɪna yi codebojarocati, Dios yɛre ɪ ejabuarisena catia yɛ maji. ¹⁰Cojireama bɛto bojori buja yɛ. Ito bajibojarocati Jesucristore yɛ tɔorɛnɛjama wanɛsotia yɛ. Bojoro bujagu ɲa yɛ. Ito bajibojarocati masare Dios oca yɛ riasoja, ɪna queno ɲaroca ya yɛ. “Nɛ macɛti ɲami Pablo”, yama gɔjɛrɛ yɛre. Ito bajibojarocati yɛ wanɛ quenaroca yami Dios yɛre. Ititi ɲa yɛ ɔmorise. Ito bajiri disejɛa gaje yɛ ɔmorise rɛyabea yɛre.

¹¹Corinto cɛto gɔna tɔoya yɛ ɲarɛ mɛa. Yɛ ya ɛsijɛ yɛ tɔɔarise goti jeoa yɛ mɛare. Mɛare bɛto tɔo maia yɛ. ¹²Mɛare yɛ bɛto tɔo maibojarocati mɛajuama yɛre tɔo maimenaji. Sɪgɛ robo bajiro mani baba cɛtibea yɛre seti ma. Mɛajuɛa yɛre tɔo maimenaji. Yɛama bɛto mɛa baba ɲa ɔmoboja. ¹³Jacɛ ɪ rɪare maigɛ busiɛdo bajiro mɛare bɛsia yɛ. Mɛare yɛ tɔo mairo bajiroti yɛre tɔo maiɲa mɛa cɛni.

Mani ya ɛsijɛ Dios ɪ ɲajare ɪ ya wi robo bajirɛ ɲa mani, yire gaye

¹⁴Cristore tɔorɛnɛmena rɛca baba cɛtibesa mɛa. Diore tɔorɛnɛrɛ bajiro meje tɔɔama Diore masimena. Sɪgɛre bajiro tɔɔarɛ meje ɲama ɪna. Quenaro yirɛ, ɲeɲaro yirɛ ɪna tɔɔaro bajiro meje tɔɔama ɪna. Busurise robo bajirise meje ɲa rɛitɪarise. Iti bajiroti Diore tɔorɛnɛrɛ cɛni Diore tɔorɛnɛmena bajiro tɔɔarɛ meje ɲama ɪna. ¹⁵Cristo, Satanɛs rɛca coro bajiro tɔɔarɛ meje ɲama. Ito bajiro bajiamɛa Cristore tɔorɛnɛrɛ. ɪre tɔorɛnɛmena rɛca coro bajiro tɔɔabeama ɪna. Ito bajiri coro bajiro tɔɔabiticɔri gɔmeri baba cɛti masimenaji ɪna. ¹⁶Dios catitɪɲagɛ ya wi ejacɔri ɪre riti rɛcɛbuorɛ yirɛji. Ito bajiri masa ɪna menɪ rujeoanare mani rɛcɛbuoja quenabetoja. Masa ɪna menɪ rujeoanare Dios ya wijɛ mani ɔmi sɔjaja bɛto quenabetoja. Ito bajiroti Diore tɔorɛnɛmena rɛca mani baba cɛtija quenabetoja. Mani ya ɛsijɛ Dios ɪ ɲajare ɪ ya wi bajiro bajia mani. Ito bajiroti gotiami Dios ɪ oca tutijɛ. Ado bajiro gotia iti:

Yɛ ɲarɛ ya ɛsijɛ ɲasotigɛ yigɛja yɛ. No ɪna ɲarijɛ ɪna ɲaja, ɪna rɛca ɲagɛ yigɛja yɛ. ɪna rɛcɛbuogu ɲagɛ yigɛja yɛ. Yɛ ɲarɛ ɲarɛ yirɛji ɪna, yi gotiami Dios ɪ oca tutijɛ.

¹⁷Gaje ado bajiro gotiami mani ɔjɛ:

ɲeɲaro yirɛre baba cɛtibesa. ɪna tɛ ɲabojarɛti sɔ bɛsa ɲacɔɔaɲa. ɪna ɲeɲaro yiro robo yibesa mɛa. Yɛ yiro bajiro mɛa yija, mɛare boca ɔmigɛ yigɛja yɛ, yi gotiami mani ɔjɛ.

¹⁸Mɛa Jacɛ ɲagɛ yigɛja yɛ. Yɛ rɪa ɲarɛ yirɛji mɛa, yi gotiami rɛtoro masigɛ mani ɔjɛ, ɪ oca tutina.

7

¹Tɔoya yɛ ɲarɛ mɛa. Adi mɛare yɛ gotirise Dios ɪ gotire ɲa. ɪ yiro bajiro riti yisotiami Dios. Ito bajiri ɲeɲarise jeyaro jidicɛrɛja manire. Manimasiti mani ya rujɛ ɲeɲaro iti tɔɔaro bajiro yibitirɛja manire. Mani ya ɛsijɛ mani ɲeɲaro tɔɔarise cɛni jidicɛrɛja manire. Diore rɛcɛbuocɔri ɪ ɔmorise riti yirɛja manire. Quenarise riti yirɛja manire.

ɲeɲarisere jidicɛcɔri quenarisejɛa tɔɔajaja quena, Pablo ɪ yire gaye

²Gaje ado bajiro mɛare gotia yɛ. Yɛre ti tebesa. Tɔo maiɲa yɛre. ɲimɛjuare ɲeɲaro yibiticɛ yɛ. ɲimɛjuare ɲeɲarise yi rotibiticɛ yɛ. Yɛmasirio bujarocɛ ruobiticɛ yɛ masare. Ito bajiri yɛre tɔo maiɲa. ³Adi mɛare yɛ gotija, mɛare busiturocɛ meje ya yɛ. Mɛare bɛto tɔo maia yɛ. Mani catija, mani godaja cɛni Jesucristo ɲarɛ ɲari sɪgɛre bajiro riti tɔɔarɛ yirɛji mani. Mɛare yɛ gotiɛdo bajiroti tɔo mai jidicɛbicɛja yɛ. ⁴“Yɛ

gotiro bajiroti cūdirā yirāji”, yi tūoīa yu mūare. Ito bajiri mūare buto wanua yu. “Queno yirā ñama Corinto cuto gāna”, mūare yi tūoīacōri buto wanua yu. “Ito bajiro bajirā ñama Corinto cuto gāna”, mūare yi tūoīacōri oca sēoa yu. Tūoīa bŷatobitibojaguti mūa queno yirisere tūoīacōri wanua yu ŷja.

⁵ Ado Macedonia sita yu ejaja tujacāre manicu yure. Oca jaje ñacu ado. Jājarā ñacā yure ti tudirā. Adi cuto gāna sīgū robo bajiro ĩna tūoīabeja, jaje gāmeri tudire ñacu. “Dios ocare queno cūdibeama ĩna”, yi tūoīacōri yu ya usiju bojori bŷjacu yu. ⁶ Oca sēomenare oca sēoroca yigu ñami Dios. Ito bajiri yu bojori bŷjabojarocati yu oca sēoroca yiquī ĩ. Tito ĩ ejaja ticōri, yu oca sēoroca yiquī Dios. ⁷ Tito ĩ ejare gayena riti meje wanua yu. Mūa gaye ĩ gotija tūocōri, wanua yu itire cūni. “Yure tūorūnucā Corinto cuto gāna, ito yicōri yu oca sēoroca yicā”, ĩ yija tūocōri wanua yu. Gaje ado bajiro gotiquī Tito yure: “Mure buto ti āmoama Corinto cuto gāna. ĩna ñeñaro yirisere tūoīacōri buto bojori bŷjama ĩna. Mure rūcubucōri buto tūo maĩama ĩna”, yi goti ejaquī Tito yure. Ito bajiro ĩ yija tūocōri, buto busa mūare wanucu yu.

⁸ Iti rumu mūare papera cōagū, “Iti papera ticōri jabeto bojori bŷjarā yirāji ĩna”, yi tūoīacōri bojori bŷjacu yu. “Ñeñaro yirā ña mani”, mūa yijaro yirocu, iti papera mūare cōacu yu. Ito bajiri, “Iti papera cōabitirŷjabojayija yure”, yi tūoīabea yu. ⁹ Iti papera mūare yu cōacati tūoīacōri wanua yu ŷja. Iti papera ticōri mūa bojori bŷjare gaye meje wanua yu. Ado robojua baja: “ĩna ñeñaro yirise jidicācōri gaje tūoīare wasoama ĩna ŷja”, yure ĩ yija tūocōri, wanucu yu mūare. Iti papera yu cōare ticōri bojori bŷjayija mūa. ĩna ñeñaro yirisere jidicājaro yirocu, mūa bojori bŷjaroca yiñi Dios. Ito bajiri iti rumu mūare yu papera cōacati quenarise gaye ñacu iti. ¹⁰ Mani ñeñaro yirise mani tūoīaja, mani bojori bŷjaroca yami Dios. Gaje tūoīare mani wasoaja ticōri, manire wanugū yiguŷji Dios. Ito yicōri manire masogū yiguŷji. “Yu ñeñaro yirisere tūoīacōri yu bojori bŷjaroca yibitirŷjabojañi Dios”, yibea mani. “Ito bajiro yi masigū ñami Dios”, yi tūoīacōri, buto wanua mani. ĩna ñeñaro yirise tūo bojori bŷjabojarāti itire jidicā āmobeama gājerāma. Ito bajiri goda warā jeame ŷjuroju warā yirāji ĩna. ¹¹ Mūa bojori bŷjaroca Dios ĩ yija, mūare queno yigu yiñi ĩ. Tūoīate mūa: Ito bajiro mūare Dios ĩ yija, rūcubuo quenaro tūoīasuo yija mūa ŷja. “Oca ña mani wato. Itire quenorŷja manire”, yi tūoīana mūa. “Iti mani oca quenobeja mani tūoīa bŷatobitiroca yigu yiguŷji Dios”, yi tūoīa giūiana mūa. Ito bajiro tūoīacōri, ñeñaro yigu ĩ tūoīa bŷatobitiroca yiana mūa, itire jidicājaro yirona. Ito bajiro yicōri oca quenoyija mūa. Ito bajiri, “Queno yama ĩna. Ñe seti ma ĩnare”, yi tūoīa yu mūare. ¹² Iti rumu mūare papera yu cōacati, “ĩna wato ñeñaro yigu ĩ tūoīa bŷatobitiroca yijaro”, yirocu meje papera cōacu yu. Ito yicōri, “ĩ ñeñaro yirure ejabuaya mūa”, yirocu meje papera cōacu yu mūare. Ado bajirojua yicu yu. Pablöre tūo mairā ña mani. Ito bajiro Dios ĩ tiro riojo Pablöre cūdirŷja manire yijaro ĩna, yirocu iti papera cōacu yu mūare. ¹³ Ito bajiri queno mūa yire tūoīacōri oca sēoa yu.

“Queno yama ĩna”, Tito ĩ yija tūocōri, buto busa wanua yu mūare. Ado bajiro yure yiquī ĩ: “Corinto cuto gāna queno ĩna yija ticōri, oca sēocu yu”, yi goti ejaquī Tito yure. Ito bajiro ĩ wanŷja ticōri, yu cūni mūare buto wanua. ¹⁴ Mūa tu Titore yu cōaroto riojua ado bajiro yicu yu ĩre: “ĩnare yu oca cōaja, queno cūdirā yirāji Corinto cuto gāna”, yicu yu Titore. ĩre yu yicato bajiroti queno cūdiyija mūa. Ito bajiri Tito tūdi ejacōri ĩ tiro riojo bojobeja yu. “Cūdirā yirāji ĩna”, yu yiado bajiroti cūdiyija mūa. Coji rŷyabeto ñasarise mūare busicu yu. ¹⁵ ĩre mūa cūdigore tūoīa bŷjacōri buto busa tūo maĩami Tito mūare. “Yure tūocōri rūcubucōre rāca cūdicā ĩna”, yi masicōri mūare buto wanuami Tito. ¹⁶ “Yu gotirise jeyaro cūdi jeorā yirāji ĩna”, yi tūoīa yu mūare. Ito bajiri mūa rāca buto wanua yu.

8

Bojoro bŷjarāre wanure rāca ejabuaja quena, yire gaye

¹ Tūoya yu ñarā mūa. Ado Macedonia sita gāna Jesucristore tūorūnurā Dios ĩ queno yire gaye mūare goti āmoa yu. ĩnare ti maicōri queno yiñi Dios. ² Jaje oca tūoīa

bujatobitibojarāti wanuama ina. Bojoro bujarā nabojarāti gajerāre ejabuarona jaje niyeru miojuama ina. ³ Ina miojuja ticōri, “Maibiticōri queno wanure rāca isياما ina”, yi tuoia yu. Ina rucorocō isibojarāti bojoro bujarāre tuo maicōri, jai busaro isياما ina mucasana. Yu senibitibojarocati queno isياما ina. ⁴ “Jerusalén gāna Jesure tuorūnurā bojoro bujarāre ejabua āmoa gua. Ito bajiri adi niyeru āmi wa isياما inare”, yi josama ina yure. ⁵ “Adocō queno yirā yirāji ina”, yi yu tuoia yuado rētoro queno yama ina. “Dios ī āmoro bajiro riti yi āmoa gua”, yama ina. “Diore cudicōri mure cūni cudi āmoa gua”, yama ina yure. “Niyeru miojucōri Jerusalén gāna bojoro bujarāre ejabua āmoa gua”, yama ina yure. ⁶ Ina ito yija ticōri, “Corinto cuto gāna tujū tūdi wasa mū”, ya yu Titore. “Mū nā bojoro bujarāre yiari niyeru mioju rotiru. Itoju tūdi wacōri ito bajiroti niyeru mioju nāma mū”, ya yu Titore. ⁷ Gajerā rētoro masirā nā mū. Jesucristore queno tuorūnurā nā mū. Queno masirā nari Dios oca goti rēto bu masia mū. Gajerāre buto ejabua āmorā nā mū. Yure buto ti mairā nā mū. Ito bajiri bojoro bujarāre ejabuarona gajerā rētoro niyeru mū miojuja quena. Ito yicōri wanū quenaro mū miojuja quena.

⁸ Ito bajiro muare yu yija, rotigu meje ya yu. Queno wanū quenaro bojoro bujarāre ejabuarona niyeru isياما coriarā. “¿Riti gajerāre tuo maiati ina?” yirocu ya yu muare. Bojoro bujarāre mū tuo maija, inare ejabuarona niyeru miojurā yirāji mū. ⁹ “Manire ti maicōri manire goda isيامa mani Uju Jesucristo”, yi tuoiarā nā mū. Dise ruyabeto rucogu nabojaguti manire ti maicōri ī rucorise jidicāyiju. Adi sita eja gu bojoro bujagu robo bajiro nāyiju ī. Ito bajiro ī bajijare catitīnarā yirāji mani. Manire ī queno yirajana suoriti nejua ruyabetoja manire.

¹⁰ Mū queno nare āmogū yu tuoiarise muare gotigu ya yu. Iti rūmūca rodo mū yisūore mū tuoiare āmoa yu. Iti rūmūca rodo bojoro bujarāre ejabuarona niyeru miojusūoyija mū. Mū miojusūore mū tiore āmoa yu. “Bojoro bujarāre ejabuarona niyeru miojuto mani”, yirā, wanure rāca niyeru miojusūoyija mū. ¹¹ Adocāta cūni ito bajiroti niyeru miojutīnacōnā mū. Mioju tīocōri mū cōaja quena. Iti rūmū wanū quenaro mū miojuado bajiroti yija quena adocāta cūni. Maimenati mū isija quena. ¹² Ado robojua bajia: Jairo mū rucōja jairo isija quena. Jabeto mū rucōja jabetoti isija quena. Maimenati wanure rāca mū isī āmoja muare wanūgū yiguīji Dios.

¹³ “Bojoro bujarāre ejabuaya”, yu yija, “Isī jeocōnā”, yigu meje ya yu muare. “Bojoro bujarāre niyeru isī jeocōri, bojoro bujaya mū”, yigu meje ya yu muare. ¹⁴ Coro bajiro narejua mū naja quena. Mū nā jaje rucorā. Ito bajiri, “Bojoro bujarā nāma ina”, yi ti masicōri inare mū isija quena. Mū āmorise iti manija, muare isirā yirāji ina cūni. Ito bajiri nejua ruyabetoja inare, muare cūni. Ito yija corocō narā yirāji mū. ¹⁵ Dios oca tuti ado bajiro gotia: “Jairo mioju āmorā nabojarāti ina āmoro rētoro bujabisijarā ina. Gajerāma jabetacā miorā nabojarāti ina āmorocō bujayijarā inama”, yi gotia Dios oca tuti.

Tito mesare queno boca āmiña mū, Pablo ī yi nūcare gaye

¹⁶ Muare yu tuo mairo bajiroti muare tuo maiami Tito cūni. Muare ejabua āmoami ī cūni. Muare ī tuo mairoca yini Dios. Ito bajiro ī yija, “Queno ya Dios mū”, ya yu ire. ¹⁷ “Corinto cuto gānare ejabuātēnā”, yu yi gotija, queno wanū quenaro cudiquī Tito. “Baū, wacūja yu”, yi cudiquī ī. Muare buto tuo maigū nari imasiti, “Ina tu wacūja yu”, yi tuoiaquī ī.

¹⁸ Titore baba cuti warocu mani bajiro Cristore tuorūnugūre mū tu cōa yu. Masa jeyaro ina rucūbuogu nāmi ī. “Dios ocare queno goti rēto bu masigū nāmi ī”, yi gotiama jeyaro Jesure tuorūnurā. ¹⁹ Inare niyeru mioju ejabuajaro yirona, ire besecā Jesure tuorūnurā. “Bojoro bujarāre niyeru isī ejabuātēnā”, yicā ina ire. Bojoro bujarāre isirona niyeru ina miojure gua isī bateja ticōri, “Bojoro bujarāre queno ejabuama Jesure tuorūnurā”, yi tuoiarā yirāji masa jeyaro. Ito yicōri mani Uju Jesucristore rucūbuorā yirāji ina. ²⁰ “Adi gayeti niyeru āmi rucogūji Pablo”, yi masa ina yure busiture āmobeā yu. Ito bajiro ina tuoīame yirocu queno tuoīacōri niyeru isī nūca yu. ²¹ “Niyerure āmi rucobiquīji Pablo. Narocōti bojoro bujarāre isī nūcacōgū yiguīji”, yi tiguīji Dios yure.

“Niyeru ñarocōti ïsi ñucacōñi Pablo”, masa ñna yijaro yirocũ, masa ñna rŭcũbuogu Titore baba cŭti ware āmoa yũ.

²² Ito yicōri ñna rāca ado gāna ñna beseru, gāji mũa tũ cōagũ ya yũ. Cristore tũorũnũgũ ñari mani yagũ ñami ĩ cũni. ĩre ti masigũ ñari, “Queno yigũ ñami ĩ”, yi tũoĩa yũ ĩre. Coji ruyabeto ejabũa āmosotiami ĩ. “Corinto cuto gāna queno cŭdiana ñna”, yũ yija tũocōri, mũare ejabũa āmoami ĩ. ²³ Mũa tũ gāna, “¿Ñimũ ñaguĩjida Tito?” ñna yi seniĩaja, ado bajiro mũa cŭdija quena: “Pablo baba ñami ĩ. Pablo robo bajiro manire Dios oca goti rētobugũ ñaguĩji ĩ cũni”, mũa yija quena. Gājerã jũarã Titore baba cŭti warã Jesucristore tũorũnũrã ñama ñna cũni. Ito bajiri mani ñarã ñama ñna. ñna queno yire ticōri, “Queno yirã ñama Jesucristo ñarã”, yi tũo masiama ado gāna ñnare. Ado gāna Jesucristore tũorũnũrã mũa tũ ñna watoni ñnare besecã. ²⁴ Mũa tũ ñna ejaja, rŭcũbuore rāca ñnare boca āmiña. “Queno yirã ñama Corinto cuto gāna. Gājerãre rŭcũbuorã ñama ñna”, ya yũ masa jeyarore. “Riti yami Pablo”, gājerã Jesucristore tũorũnũrã ñna yi masitoni, yũ gotiro bajiroti rŭcũbuore rāca ñnare boca āmiña mũa.

9

Mani ñarã bojoro bũjarãre ejabũaja quena, yire gaye

¹ “Mani ñarã bojoro bũjarãre ejabũarona niyeru miojuja quena”, yi tũoĩarã ñna mũa. Ito bajiri, “Masicārãji ñna”, yibojaguti uca yũ mũare. ² “Bojoro bũjarãre ejabũa āmoama ñna”, yi tũoĩa yũ mũare. Ado Macedonia sita yũ wa ucuja, “Iti rŭmũca rodo bojoro bũjarãre ejabũarona niyeru miojusũoñi Corinto cuto gāna”, ya yũ masare. Mũare wanũgũ ito bajiro masare ya yũ. Ito bajiro yũ yija tũo oca sēocōri, “Mani cũni ito bajiroti bojoro bũjarãre yiri niyeru miojuto mani”, yama adi cuto gāna cũni. ³ Yũ waroto riojũa Tito mesare cōa yũ. “Yũ ejari rŭmũ niyeru rāca minijua yucārã yirãji ñna”, yirocũ cōa yũ ñnare. “Niyeru mioju yucārãji ñna”, ya yũ ado gānare. Ito bajiri mũa tũ ejacōri, “Niyeru mioju tĩobeama ñna maji”, ñna yire tũo āmobeja yũ. “Niyeru mioju yucārã yirãji”, yi tũoĩa yũ mũare. ⁴ Ado gāna Macedonia sita gāna yũre ñna baba cŭti waja, niyeru manoti mũare ñna ti bũjare āmobeja. “Corinto cuto gāna bojoro bũjarãre ejabũarona niyeru mioju tĩocārã yirãji ñna”, ya yũ ado gānare. Ito bajiri mũa rŭco yubeja, bojori bũjagũ yigũja yũ. Mũa cũni bojori bũjarã yirãji mioju tĩobiticōri. ⁵ Ito bajiri mani ñarã Tito mesa yũ waroto riojũa mũa tũ ñna waja quena yũre. “Adocō ĩsiana gũa”, mũa yire mioju tĩo masitoni mũare ejabũarã yirãji ñna. Ito bajiri yũ ejaroca tĩjacãre ñaro yiroja iti mũa miojure. Ito bajiri yũ ejaroto riojũa sīgũ ruyabeto mũa ĩsi āmorocō ĩsirã yirãji mũa. Ito bajiri, “Pablo ñnare ĩ josajare ĩsiñi ñna”, yi tũoĩamenaji gājerã.

⁶ Ado yũ bũsirise tũoya mũa. No jabeto otegu ĩ oterocōti bũjagũ yiguĩji. Jairo oteguama jairo bũjagũ yiguĩji. No jabeto ĩsigũ itocōti boca āmigũ yiguĩji. Jairo ĩsigũ jairo bũjagũ yiguĩji. ⁷ “Adocō ĩsigũ yigũja yũ”, mũa ya ũsiju yi mũa tũoĩadocō mũa ĩsija quena. Maibojarãti mũa ĩsija quenabea. ĩsi āmobitibojarãti gāji ĩ josaja tũocōri, mũa ĩsija quenabea. Mũamasiti ĩsi āmorã mũa ĩsija quena. Wanũ quenaro ĩsirãre ti wanũami Dios. ⁸ Ito bajiro mũa yija ticōri, mũare queno yigũ yiguĩji Dios. Mũa āmoro rēto bũsaro ĩsi remogũ yiguĩji Dios. Ito bajiri ñejũa ruyabetoja mũare. Ito bajiro mũare yigũ yami Dios, bojoro bũjarãre mũa ejabũatoni. ⁹ Ado bajiro gotia Dios oca tuti:

Maibicuti bojoro bũjarãre ĩsigũ yiguĩji Diore rŭcũbuogu. Ito bajiri ĩ queno yigore ācabojobicũ yiguĩji Dios, yi gotia Dios oca tuti.

¹⁰ Dios ñami, otejaro yirocũ, aje ĩsigũ. ĩti ñami, bajaro yirocũ, bare ĩsigũ. Mũa āmorise ñarocōti mũare ĩsigũ yiguĩji Dios. Gājerãre mũa ejabũatoni mũare ĩsigũ yiguĩji Dios.

¹¹ Jairo mũare ĩsigũ yiguĩji Dios, bojoro bũjarãre mũa ejabũatoni. Ito bajiro mũa yijare, “Queno ya Dios mũa”, yi rŭcũbuorã yirãji masa ĩre. Jerusalén gāna Jesucristore tũorũnũrãre mũa miojure yũ āmi ejaja ticōri, “Queno ya Dios mũa”, yi rŭcũbuorã yirãji ñna ĩre. ¹² Mani ñarã bojoro bũjarãre adi mũa ĩsija, queno ejabũaro ya ñnare ñna queno ñatoni. Ito bajiro mũa yija, “Queno ya Dios mũa”, yi rŭcũbuorã yirãji ñna. ¹³ ñnare mũa ĩsijare, “Cristo ocare queno cŭdiana Corinto cuto gāna”, yirã yirãji ñna mũare. Ito yicōri

Diore rŭcubworā yirāji ĩna. “Manire ejabuacōri gājerāre cūni bŭto ejabuama ĩna”, yirā yirāji ĩna. Ito bajiri Diore rŭcubworā yirāji ĩna. ¹⁴ “Manire ĩna queno ejabuaroca yiñi Dios”, yirā yirāji muare tŭo wanŭcōri. Ito mŭa yire tŭoĭacōri muare yiari bŭto Diore seni ĩsirā yirāji ĩna. ¹⁵ “Queno ya Dios mŭ”, yirŭja manire. Rĕtoro quenarise manire ĩsiñi Dios. ĩna ñeñaro yirise waja yi ĩsijaro yirocŭ, ĩ Macŭre cōañi Dios. Iti ña rĕtoro ñasarise. Ito bajiri, “Queno ya Dios mŭ”, yirŭja manire.

10

Dios ĩ rotirisena riasoa yŭ, Pablo ĩ yire gaye

¹ Yŭ ña Pablo. Yŭre jabeto ña muare yŭ gotiroti. Ado bajiro baja ito: Masare bŭsigŭ ĩnare ti maicōri quenoti bŭsiyijŭ Cristo. ĩre bajiro muare goti āmoa yŭ cūni. Ito gāna coriarā yŭre bŭsituyijarā. “Mani rāca ĩ ñajama quenoti manire bŭsiami Pablo. Sōjŭ ĩ ñajama manire oca sĕoro bŭsiami”, yiyijarā mŭa coriarā yŭre bŭsiturā. ² Ñeñaro yirāre goti queno masia yŭ. Ito bajibojarocati mŭa tŭ yŭ ejaja, sĕoro bŭsi āmobeaa yŭ. Ito bajiri ñeñaro mŭa yirise jidicāña, mŭa tŭ ejacōri yŭ oca sĕoro bŭsibe yirona. “Adi sita ñeñaro yirā robo yigŭ ñami Pablo”, yi yŭre bŭsiturāreama oca sĕoro bŭsicŭja yŭ. ³ Ito bajiroti baja. Muare bajiroti masŭ ña yŭ cūni. Ito bajibojarocati Dios oca yŭ riasoja ĩ masirisena riasoa yŭ. ⁴ Yŭmasi tŭoĭarisena yŭ riasojama, queno riasobitibogŭja yŭ. Dios ĩ masirisena riasoa yŭ. Ito bajiro bajigŭ ñari ñeñaro yirāre rĕtocŭ masia yŭ. ⁵ Jesure gājerā tŭorŭnŭme yirona, “Ñasarise riasobeaa mŭ”, yŭre ĩna yija, Dios ĩ ejabuarisena ĩnare bŭsi rĕtocŭa yŭ. Cristo oca yŭ riasorise gājerā ĩna riasobojarise rĕto bŭsaro ñasarise ña. Ito bajiri Cristo oca yŭ riasoja tŭorŭnŭcōri, ĩre cŭdi āmorāji ĩna ĩja. Dios ĩ masirisena ito bajiro ya yŭ. ⁶ Ito bajigŭ ñari mŭa wato yŭ riasorisere cŭdimenare goti queno masia yŭ. Sĭgŭ rŭyabeto mŭa cŭdija, gājerā cŭdimenare riasogŭ yigŭja yŭ.

⁷ Yŭre tibojarāti yŭ tŭoĭarise masibeaa mŭa. Ito bajiri queno tŭoĭaña mŭa, “Riti Cristo ñarā ña gŭa”, mŭa yijama, “Riti Cristo yagŭ ñami Pablo”, yi ti masiborāji mŭa yŭre. ⁸ Muare yŭ riasotoni yŭre cŭñi Dios. Muare biyaro yŭ gotija cūni, bojobeaa yŭ. “Mani Ũjŭ, ‘Yŭ oca riasojaro ĩnare’, yirocŭ yŭre cŭñi ĩ”, yi tŭoĭa yŭ. Bojori bŭjajaro ĩna, yirocŭ meje yŭre cŭñi Dios. Ado bajirojŭaa baja: Oca sĕoro mŭa ñatoni yŭre cŭñi Dios. ⁹ “Manire papera ĩ cōaja, ‘Sĕoro bŭsiami Pablo mani gŭijaro’, yirocŭ”, yi tŭoĭabitirŭja muare. Ito bajiro mŭa tŭoĭare āmobeaa yŭ. ¹⁰ Mŭa coriarā yŭre bŭsiturā, ado bajiro ya mŭa: “Papera jŭjŭna oca sĕoro bŭsibojagŭti mani tŭ ĩ ejajama oca sĕoro bŭsibiquĭji ĩ. Oca sĕogŭ meje ñami ĩ. Rojogŭ ñami. Ñe waja ma ĩ bŭsirise”, yi yŭre bŭsiturāji mŭa coriarā. ¹¹ Ito bajiro yŭre ĩna yibojarocati ito bajiro bajigŭ meje ña yŭ. Papera jŭjŭna oca sĕoro yŭ bŭsiro bajiroti bŭsigŭ yigŭja yŭ, yŭre bŭsiturā tŭ ejaĭ cūni. “Iti masi yuya mŭa”, ya yŭ muare.

¹² Ado bajiro yirāji mŭa rāca gāna coriarā: “¿Ñimŭ ñati mani wato bŭto bŭsa tŭoĭagŭ? Yŭ ña bŭto bŭsa tŭoĭagŭ”, yi gāmeri bŭsirāji ĩna. “Gājerā rĕtoro masirā ña mani”, yi tŭoĭarāji ĩna. Ito bajiro ĩna yija, tŭoĭa wisarā yirāji ĩna. ĩna robo bajiro tŭoĭagŭ meje ña yŭ. ¹³ “Masigŭ ña yŭ”, yibeaa yŭ. Ado bajirojŭaa ya yŭ: Mŭa Corinto cŭto gānare yŭ riasotoni yŭre cŭñi Dios. Ito bajiri, “ĩ masirisena muare riasoa yŭ”, yŭ yija, riti muare gotia yŭ. ¹⁴ Gājerā riojŭaa Cristo oca quenarise muare riasocŭ yŭ. Iti oca yŭ muare riasotoni yŭre cŭñi Dios. Yŭmasi tŭoĭa rujeocōri meje muare riasocŭ yŭ. ¹⁵ Gājerā riasoanare, “Yŭ riasoana ñama ĩna”, yibeaa yŭ. Yŭmasi yŭ moagore riti muare bŭsia yŭ. Ado bajiro baja: Bŭto bŭsa Jesucristore mŭa tŭorŭnŭre āmoa yŭ. Ito bajiri jai bŭsaro muare riaso āmoa yŭ. Riasojaro yirocŭ, Dios yŭre ĩ cŭre riti riaso āmoa yŭ. ¹⁶ Ito bajiro yicōri mŭa sōjŭa ñarāre riasogŭ wa āmoa yŭ mŭcana. ĩna tŭ ejacōri Jesucristo oca quenarise ĩnare riaso āmoa yŭ. Gājerā ĩna riasogobitianare riaso āmoa yŭ. Ito bajiro yŭ yija, gājerā riasogoana ñabojarocati, “Yŭ riasoana ñama āna”, yi goti wanŭ āmobeaa yŭ.

¹⁷ Ado bajiro gotia Dios oca tuti: “Diore rŭcubwojaro masa yirocŭ, ‘Dios ĩ masirisena yicŭ yŭ’, mani yija quena. “Yŭmasi tŭoĭarisena yicŭ yŭ”, yibitirŭja manire, yi gotia Dios

oca tuti. ¹⁸ Sīgũ ãmasiti “Queno yigũ ña yũ”, ã yibojaja, waja ma iti. Dios ã boca ãmirocu meje ñami ã. “Ãni ñami queno yigũ”, Dios ã yijama, ã ñami ã boca ãmirocu.

11

Rũore oca riasorã Dios ã cũana meje ñama, Pablo ã yire gaye

¹ Tũo masibicũre bajiro yũ busibojarocati yũre mũa tuorũnũre ãmoa yũ. Adi yũ busirise tuoya mũa. ² Romio gãji rãca ajebeco iso manũju ñarocũre riti tuoĩagõ yigõji. Isore bajiro Cristore riti mũa tuorũnũre ãmoa yũ. Yũ ña cajero mũare riasosũocacũ. Cristore tuorũnũjaro ãna, yirocu mũare riasocũ yũ. Ito bajiri bũto mũare Dios ã tuoĩaro bajiroti tuoĩa yũ cũni. Cristore tuoĩa jidicãme ãna, yirocu mũare bũto tuoĩa yũ. ³ Jane mejeju rũmũa mũu jinona quedi sãjacõri Eva ñayorore ruoyiju ã. “Ito bajiroti ñnare ruogũ yiguĩji ã”, yi tuoĩa yũ mũare. “Bũto Cristore masirã ñabojarãti rũmũ ã ruorise tuorũnũcõri Cristo oca jidicãrã yirãji ãna”, yi tuoĩa yũ. Ito bajiri bũto tuoĩa yũ mũare. ⁴ Ado bajirojũa bajia: Gãjerã ricati riasorã ãna ejaja, wanũre rãca ñnare boca ãmirãji mũa. Jesũs oca yũ riasoado bajiro meje ãna riasobojarocati ñnare tuorũnũrãji mũa. “Ado bajiro bajiami Espĩritu Santo”, yũ yiado bajiro meje ãna riasobojarocati ñnare tuorũnũrãji mũa. “Ado bajiro masare masogũ yiguĩji Dios”, yũ yiado bajiro meje ãna riasobojarocati ñnare tuorũnũrãji mũa. Ito bajiro ñnare mũa tuorũnũja quenabea. ⁵ “Dios ã cũana ña gũa. Gãjerã rẽtoro masirã ña gũa”, yirãji ãna. “Dios ã cũru ña yũama. ãna rũja busaro meje ñagũja yũ ñarea”, yi tuoĩa yũ. ⁶ Queno busi masibitibojaguti Dios ocare queno masia yũ. Ito bajiri ã ocare queno mũare goti rẽtobucũ yũ. Coji meje yũre tuogoana ñari, “Queno Dios ocare masiami Pablo”, yi tuoĩarãji mũa yũre.

⁷ Dios oca quenarise yũ mũare riasoja, waja senibiticũ yũ. Bojoro bũjagu ñabojaguti, Dios ocare riti tuorũnũjaro ãna, yirocu mũare waja senibiticũ yũ. ¿Quenabisijari ito bajiro yũ yija? Meje, queno yicũ yũ. ⁸ Gãjerã Jesure tuorũnũrã yũre niyeru ãsi ñucañi. ãna ejabũarise boca ãmicõri mũa tu riaso ñnacũ yũ. Yũre mũa ãsi ãmobejare ñnãja yũre ãsi ñucañi. ⁹ Mũa tu ñagũ bojoro bũjacũ yũ. Ito bajiro bajibojaguti mũa tu yũ ña masitoni, “Yũre ejabũaya mũa”, yibiticũ yũ. Macedonia sita gãna ejacõri mũa tu yũ ña masitoni yũ bojoro bũjarise yũre ãsicã ãna. Mũa tu ñagũ, “Yũre ejabũaya”, yibiticũ yũ. Coji mũare niyeru senibiticũ yũ. Ija cũni senibicũja yũ. ¹⁰ Cristo oca yũ riojo gotiado bajiro mũare riojo gotigũ yigũja yũ. “Yũ ña masitoni yũre niyeru ãsiña mũa”, yibicũja yũ. “Gũare niyeru seniĩabeami Pablo”, yi tuoĩarã yirãji mũa Acaya sita gãna jeyaro. ¹¹ Ado bajiro yũ busija, ¿mũare maigũ meje yati yũ? Bajibea. Mũare bũto maia yũ. “Ñnare bũto maiami Pablo”, yi tuoĩaguĩji Dios yũre.

¹² Mũare waja senibicũti riasosotigũ yigũja yũ. “Pablore bajiro Dios ã cũana ña gũa cũni”, yirã mũare ãna riasoja, waja senirã yirãji ãna. “Pablore bajiro waja senia gũa”, ãna yibe yirocu, mũare waja senibicũja yũ. ¹³ Diore moa ãsirã meje ñama ãnaõna. “Dios ã cũana ña gũa”, yibojama ãna. Rũo jairã ñama ãna. “Cristo oca riasotoni ã cũana ña gũa”, yi ruoama ãna. ¹⁴ Ito bajiro ãna yija tuo ucabea yũ. Rũmũa mũu Satanás cũni cojireama ángel queno yigũre bajiro godo wediguĩji. ¹⁵ Satanásre cudirã ãna ñama ã ñarã. “Mũare ejabũa ãmoa gũa”, yi ruoama ãna. ãna mũu Satanás masare ruorocũ queno yigũre bajiro ã godo wedi ruoado robo bajiro yirãji ãna cũni. ãna ñeñaro yire waja yirãonati co rũmũ tuoĩa bũjatomena yirãji ãna.

Cristore moa ãsigũ ñari ñeñaro tõbũjacũ yũ, Pablo ã yire gaye

¹⁶ Ito bajiro yũ yibojarocati, “Queno tuo masibicũ ñami Pablo”, yi tuoĩabesa mũa yũre. “Mecũri masũ bajiro busiami Pablo”, yũre yibojarãti, “Busijaro maji”, yiya yũre, yũmasi gaye yũ busitoni. ¹⁷ Adocãta yũ mũare gotiroti mani Uju Jesucristo ã goti rotire meje ña. Yũ gaye riti busigũ yigũja yũ. Mecũri masa ñama ãna ye riti busirã. ¹⁸ Mũa wato gãna coriarã ñnamasiti, “Queno yirã ña gũa”, yirãji ãna. ãnare bajiro yigũ yigũja yũ jabeto. ¹⁹ “Queno masirã ña gũa”, yirãji mũa. Ito yibojarãti mecũri masa ãna busirisere tuorũnũrãji mũa. ãna ñarãji, “Dios ã cũana ña gũa”, yi ruorã. ²⁰ ãna josare bajiro mũare

ĩna yibojarocati ĩnare boca ģmirã yirãji mũa. Mũa ye rucorona mũare ruorãji ĩna. Manire moa ĩsijaro ĩna yirona, mũare ruorãji. Mũa ya rioju jarãji. Ito bajiro ĩna yibojarocati ĩna yirisere tuorũnrã yirãji mũa. ²¹ Mũare ñeñaro ĩna yiado bajiro yi masibea yũ. ¿Ito bajiro mũare yũ yibeja quenabeati? Meje, mũare queno ya yũ.

Mũcana queno tuo masibicũre bajiro busigu ya yũ. Yũmasi gaye mũare gotigu ya yũ. “Jaje quenarise yicũ gũa”, ĩna yi masija, “Ito bajiro jaje quenarise yicũ yũ cũni”, yi tuo masia yũ. ²² “Hebreo oca busirã ñari gãjerã rẽtoro ñasarã ña gũa”, yama ĩna. Hebreo oca busiguti ña yũ cũni. “Israel sita gãna ñari gãjerã rẽtoro ñasarã ña gũa”, yama ĩna. Yũ cũni Israel sita gaguti ña. “Abraham ñayoru janerãbatia ñari gãjerã rẽtoro ñasarã ña gũa”, yama ĩna. Abraham ñayoru janerãbatia janamiti ña yũ cũni. ²³ “Cristore moa ĩsirã ñari gãjerã rẽtoro ñasarã ña gũa”, yama ĩna. ĩna rẽto busaro Cristore moa ĩsigũ ña yũ. Yũmasi gaye busigu queno tuo masibicũre bajiro busia yũ. Ito bajibojarocati yũ gaye yũ gotija quena. ĩna rẽto busaro moasotia yũ. Coji meje yũre tubiacã masa, Dios oca yũ riasoja ticõri. Coji meje yũre bajecã. Coji meje yũre sãabocã ĩna. ²⁴ Co rũmũ treinta y nueve jiri yũre bajecã ĩna. Mũcana yũre ñiacõri juaria rũmũri ito bajiro bajecã ĩna. ²⁵ Udiaji yucũ jãina yũre jacã ĩna. Yũre sãarona coji gũtana reacã ĩna. Yũ wabojacati cuma, cuma bũcũa udiaji rujacũ. Coji rujagu ũmũasaro, ñamiasaro baticũ yũ riaca jajosajũ. ²⁶ Dios oca riasogu sõju wa ucucũ yũ. Ito bajiro wa ucugu guijorise ticũ yũ. Riaca guijoro wa ucucũ yũ. Riniri masa ĩna guijoro, yũ ñarã ñabojarãti guijoro, ito yicõri gãjerã masa guijoro wa ucucũ yũ. Cũto jaja cũto guijori cũto, cũto meje cũni guijoro riaca jajosa cũni, ito yicõri “Cristore tuorũnrã ña gũa”, yibojarãti guijorã wato wa ucucũ yũ. ²⁷ Josari moacõri tuoĩa bũjatobiticũ yũ. Coji meje canibicũti busuasoticũ yũ. Coji meje bare, ide cũni manicũ yũre. Ito yicõri coji meje ñiocõcũ yũ. Coji meje usarise tuoĩa bũjatobiticũ yũ, yutabujuri yũre iti manijare.

²⁸ Iti riti meje tuoĩa bũjatobiticũ yũ. “¿No bajiro ñarãjida gaje cũto gãna Jesure tuorũnrã?” yi tuoĩacõri ruje tuoĩasotia yũ. ²⁹ Jesucristore tuorũnrã ñabojarãti ñeñaro yicõri bojori bũjarãre yũ ti bũjaja, ĩna rãca bojori bũja yũ cũni. Jesure tuorũnũgũre gãjerã ĩ ñeñaro yiroca ĩna yija, bojori bũja yũ. Ito bajiro ĩna ĩre yija, ĩna rãca junisinia yũ. ³⁰ Yũ gaye masijaro yirocũ, mũare busia yũ. “Bũto sãogũ meje ñami Pablo”, mũa yi tuoĩatoni yũ gaye mũare busia yũ. ³¹ Adi yũ mũare gotirise, “Riojo gotiami Pablo”, yi masiami mani Uju Jesucristo Jacũ Dios yũre. ĩti ñami mani rũcũbuotĩnarocũ. ³² Damasco wame cũtiri cũto yũ ñaroca, “Pablõre ñiacõri tubiajaro”, yirocũ iti cũto tunima ñari sojerijũ surara cũquĩ, iti cũto uju. Iti sita uju Aretas wame cũtigũ roca gagũ ñaquĩ ĩ iti cũto uju. ³³ Yũre tubia ãmbojaguti yũre ñia masibitiquĩ ĩ. Ito cũto tunima ñari cũniju ñari sojena jibũju sãcõri yũre rujiocã ĩna. Ito bajiro yũre ĩna ejabũajare rudicũ yũ.

12

Dios ñarõju Pablo ĩ cãire gaye

¹ Yũmasi gaye yũ busijama, “Quenabea iti. Rocati busiboja yũ”, yi tuoĩa yũ. Ito bajibojarocati mani Uju yũre ĩ ĩogore bũsicũja yũ. Ito yicõri yũ cãiroju ĩ gotire cũni mũare goticũja yũ. ² Iti rũmũju Jesucristore tuorũnũsũocũ yũ. ũmacũju susari tutijũ Dios ñarõju yũre ĩ ãmi ejaja bero catorce rodori tũja adocãta ĩja. Yũre ito ĩ ãmi ejaja, “Ito bajiro ãmi ejarũ”, yibeja yũ. Yũ ya rujuti, yũ ya usigoti ãmi ejarũ gajea. Dios sũgũti masiami itire. ³ Riti, “Quenari cũtoju Dios ĩ ñaro yũre ãmi ejañi”, ya yũ mũcana. Ito bajibojarocati, “Ito bajiro ejacũ yũ”, yi masibea yũ. Yũ ya usigoti, yũ ya rujũ cũni ãmi mũjari seyoñi Dios gajea. ĩ sũgũti masiami itire. ⁴ Ito ejacõri masare Dios ĩ gotibitire tuocũ yũ. Ito yũ tuogore goti rotibeami Dios yũre. ⁵ Iti gaye yũre Dios ĩ gotija, “Ñasagu ña yũ”, yibogũja yũ. Ito bajibojarocati itire yibicũja. Yũmasi gaye yũ busija, “Bũto sãogũ meje ña yũ. Yũ cũni tuoĩa bũjatobea yũ”, yicũja yũ. ⁶ “Queno yigu ña yũ”, yũ yi ãmoja, yi masia yũ itire. Riojo yũ gotigu ñajare, “Bũguti yami Pablo”, yi masimenaji gãjerã. Ito bajibojarocati, “Queno yigu ña yũ”, yi ãmõbea yũ. Yũ yigore tibõjarãti, ito yicõri yũ bũsigore tuõbojarã cũni, “Queno yigu ñami Pablo”, mũa yi masibeja, “Queno yigu

ñami Pablo”, mña yire ãmobotiboruja yu. ⁷ Yu cãiroju Dios yure ï ïocati quenarise ñacu. Ito bajiro ïobojaguti, “Gãjerã rëtoro ñasagu ña yu”, yu yire ãmobeami Dios. Ito bajiri yu ya rujũ, yu ñarise cutiroca yiñi Dios. Jota iti juniro bajiro bajia iti yure. Yure iti ñaja ticõri, “Gãjerã rëtoro ñasagu meje ña mñ”, yami Satanás yure. ⁸ Yu ñarise cutirise yisijaro yirocu, ùdiaji Diore senibojacu yu. ⁹ Ito bajiro ïre yu senibojarocati ado bajiro yure cudiquĩ ï: “ ‘Yure ti maiami Dios’, mñ yi masija, ñe ruyabea mure. Rojo busagu mñ ñaja ticõri, ‘Dios ï masirisena, riasoguĩji Pablo’, yi tũoĩarã yirãji masa”, yiquĩ mani Uju yure. Ito bajiri ñarise cuticõri wanua yu. Ito bajigu yu ñaja ticõri, “Cristo masirisena riasoñi Pablo”, yure yi tũoĩarã yirãji masa. ¹⁰ Ito bajiri yu ñarise cutija, wanua yu. Coji meje yure busiticã masa. Coji meje yu ãmorise ruyasoticu yure. Coji meje usirioro yi codecã masa yure. Cristo oca yu riasojare coji meje yu tũoĩa bñjatobitiroca yicã masa yure. Ito bajibojarocati wanua yu. Yu tũoĩa bñjatobitija, Cristore riti tũoĩa yu. Ito bajiri, “ ï masirisena ña yu”, yi tũoĩa yu.

Corinto cuto gãnare Pablo ï tũoĩa oca jaire gaye

¹¹ Yumasi gaye gotigu, queno tũo masibicure bajiro busia yu. “Queno yigu ñami Pablo”, mña yibejare, yumasiti ito bajiro ya yu. Ito bajibojarocati, “Queno yigu ñami Pablo”, yirujabojaja mñare. Mña tu gãna, “Dios ï cũana ñasarã ña gña”, yirã rëtoro ñasagu ña yu. No yigu meje ñabojaguti ña rëtoro ñasagu ña yu. ¹² Dios ï cũru ñami Pablo, yijaro ña yirocu, tiyamani jaje yi ïocu yu mñare mña tu ñagũ. Mña yure ñeñaro yibojarocati usiriobicuti Dios oca mñare goti rëtobucu yu. Jaje tiyamani mñare ïocu yu. “Riti Dios ï cũru ñami Pablo”, yi tũoĩaruja mña yure. ¹³ “Gãjerã Jesucristore tũorũnrãreama buto rũcũbuoami Pablo. Manireama rũcũbuobeami”, ¿yi tũoĩati mña? Corocõti mñare rũcũbuoa yu. Gãjerã Jesucristore tũorũnrãre, “Yure ejabuaya mña, yu ña masitoni”, ñare yu yiado bajiro yibiticu yu mñare. Ito bajiro mñare yibiticõri, “Yu ñeñaro yirisere ãcabojoya”, ¿yigu yigujada yu mñare? Yibicuja. Ñeñaro yibiticu yu mñare.

¹⁴ Juaji mña tu ejasuocu yu. Ito bajiri ùdiaji mña tu ejagu warocu jane quenosuoa yu mñcana. Mña tu yu ñaja, mñare josabicu yiguja yu. Mña yure ti maire ãmoa yu. Mña ya niyeru ãmogũ meje mña tu ejagu yiguja yu. Ado bajirojua bajia: Ña rĩare ejabuarona niyerure ãmoama ña jacusabatia. Rĩa meje ñama ña jacusabatiare ejabuarona niyeru ãmarã. Yu rĩare bajiro bajia mña. Ito bajiri mñare josabicu yiguja yu. ¹⁵ Mñare ti maicõri mñare ejabua ãmoa yu. Cristore tũorũnũjaro ña, yirocu yu rũcorise ñarocõti wanure rãca jidicãcuja yu. Cristore tũorũnũjaro Corinto cuto gãna, yirocu bucua wabojaguti mñare ejabusoticuja yu. Mñare yu buto ti maibojarocati yu tũoĩaja yure queno ti maibea mña.

¹⁶ “Mani rãca ñagũ manire josabitiqũ Pablo”, yi tũoĩarãji mña yure. Ito bajibojarocati, “Queno tũoĩagũ ñari manire rũoñi Pablo”, yirãji mña coriarã. ¹⁷ “Manire ï oca cõana rãca manire rũoñi Pablo”, ¿yi tũoĩati mña? Rũobiticu yu mñare. ¹⁸ “ ñare titẽña”, yirocu iti rũmũ Titore cõacu yu mña tu. Gãji ï rãca Cristore tũorũnũgũ cõacu yu. “Manire rũoñi Tito”, ¿yi tũoĩati mña? Rũobitiru ï. “Queno yiquĩ Tito”, yi tũoĩarãji mña. Yure bajiro Espiritu Santo quedi sãja ecogu ñari, mñare ejabua ãmogũ Dios oca queno riasoñi ï. Mñare niyeru josabisĩ ï.

¹⁹ “ ïre wanũjaro ña, yirocu iti manire gotiami Pablo”, ¿yi tũoĩati mña? Ito bajiro meje bajia. Ado bajirojua bajia: Mñare yu busija, Cristo ï ãmoro bajiro mñare busia yu, Dios ï tiro riojo. Tũoya yu mairã yu ñarã mña. Jeyaro yu mñare gotirise, “Cristore tũorũnũ wajaro ña”, yirocu mñare ya yu. ²⁰ “Mña tu ejacõri, Cristore cudibiticõri ñeñarise riti mña yi ñaroca ti ejagu yiguja yu gajea”, yi tũoĩa yu mñare. “Mña tu ejacõri mña oca josa ñaroca ti ejagu yiguja yu gajea. Gãjerã ya gajeoni mña uoroca, mña junisini ñaroca ito yicõri gãmeri queno mña baba cuti ñabitiroca, oca menirã cũni, busiturã, gãmeri tãrã, ito bajiro yibojarãti, ‘Gãjerã rëtoro tũoĩarã ña gña’, mña yi ñaroca ti ejagu yiguja yu gajea”, yi tũoĩa yu mñare. Ito bajiro mña yi ñaroca yu ti ejaja, mña ãmoro bajiro mñare wanũ ejabicuja yu. Ito bajiro mña ñeñaro yirise ticõri mñare junisini tigu yiguja yu. Ito bajiri yu junisiniña ticõri, wanũmenaji mña. ²¹ “Mña tu ejagu mña ñeñaro yire ticõri yu bojo

bɔjaroca yigɔ yiguɔji Dios”, yi tuoia guia yɔ. Iti rumɔ mɔa ñeñaro yiado bajiroti mɔa yija ticōri, mɔa tiro riojo otigɔ yigɔja yɔ. Itire amobea yɔ. Mɔa tɔ ejacōri, “Ina ñeñaro yirisere jidicã amobeama ña. Rocati romiare ña ajerise jidicã amobeama ña. Inamasiti ña ya ruju ñeñaro iti tuoiaro bajiroti ñeñaro yi ɔyarãji maji”, yi yɔ ti ejaja, otigɔ yigɔja yɔ. Itire amobea yɔ.

13

Pablo ï goti quenosusare gaye

¹ Adi yɔ warisena ɔdiaji mɔare tigɔ yigɔja yɔ. Yɔ ejaroti bocati yucãña mɔa. Ado bajiro gotia Dios oca tuti: Gãjire sɔgũ ï seti yi amoja, ïre busi ejabuarã, “Riti yami. Ticɔ gɔa cɔni. Ito bajiroti bajicɔ”, yirã jũarã, ɔdiarã ñaja cɔni quena, yi gotia Dios oca tuti. ² Iti rumɔ mɔa tɔ ñagũ ñeñaro yirãre goti quenocɔ yɔ, ña ñeñaro yirise jidicãjaro yirocɔ. Mɔa tɔ ñabitibojaguti gãjerã ñeñaro yirãre cɔni goti quenoa yɔ, jidicãjaro yirocɔ. Ñeñaro yirã ña ñaja ti ejacōri, bɔto ña tuoia bɔjatobitiroca yigɔ yigɔja yɔ. ³ Inare ito bajiro yɔ yija ticōri, “Cristo ï amoro bajiro gotiami Pablo”, yi tuoiarãji mɔa. Ina ñeñaro yirise jidicãjaro yirocɔ, oca sɔoro yigɔ yiguɔji Cristo. Ito yicōri ï masirise mɔare ïogũ yiguɔji. ⁴ Manire bajiro ruju ɔticōri yucutɔju ña jajuja godaňi Cristo. Ito bajiro ña yibojarocati adocãta Dios ï masirisena ñami ï ïja. Cristore yɔ tuorũnɔja ticōri, “Rojogɔ ñami Pablo”, yama masa yɔre. Ito bajiro ña yibojarocati Cristore tuorũnɔgũ yɔ ñajare, yɔ oca sɔoroca yigɔ yiguɔji Dios. Ito bajiri mɔa tɔ ejacōri, ña ñeñaro yirisere jidicãjaro yirocɔ, oca sɔoro mɔare goti quenocɔja yɔ.

⁵ “¿Riti Cristore tuorũnɔgũ ñati yɔ?” yi tuoiaña mɔa. “¿Riti Cristo yɔ ya ɔsiju quedu sãja ecorɔ ñati yɔ?” yi tuoiaña mɔa. “Cristo yɔ ya ɔsiju quedu sãja ecorɔ ña yɔ”, mɔa yi tuoiaɔbeja, Cristore tuorũnɔrã meje ña mɔa. ⁶ “‘Riti Cristore tuorũnɔgũ ñami Pablo’, yɔre yirãji mɔa”, ya yɔ. ⁷ Mɔa ñeñaro yibititoni mure yiari Diore seni ïsisotia yɔ. “Inare queno Dios oca riasoňi Pablo”, yɔre ña masa yi wanɔjaro yirocɔ meje Diore senia yɔ. Quenarise riti mɔa yire amoja yɔ. Ito bajiri mɔa queno yitoni Diore seni ïsia yɔ. “Inare queno riasobisĩ Pablo”, masa ña yibojaja cɔni, no yibeja yɔre. ⁸ Oca ñasarise tuorũnɔjaro ña yirocɔ, Dios oca riasoa yɔ. Oca ñasarise ña tuorũnɔ jidicãroca yi amobea yɔ. ⁹ Ito bajiri mɔa tɔ ejacōri, “Queno Cristore tuorũnɔrã ñama ña”, yi yɔ ti masija, sɔoro mɔare busibicɔja yɔ. Ito bajiro iti bajija, ticōri bɔto wanɔgũ yigɔja yɔ. Cristore tuorũnɔcōri ï amoro bajiro riti yijaro ña, yirocɔ mɔare Diore seni ïsia yɔ. ¹⁰ Mɔa tɔ ejacōri sɔoro mɔare busi amobea yɔ. Ito bajiri yɔ waroto riojɔa adi papera mɔare cõa yɔ. Mɔa oca sɔoroca yɔ yitoni yɔre cũňi mani Ʋju. Oca sɔobitijaro ña, yirocɔ meje yɔre cũňi ï. Ito bajiri mɔa tɔ ejacōri mɔa oca sɔoroca yi amoja yɔ.

¹¹ Itocõ uca yɔ ñarã yɔ mɔare. Queno ñaña mɔa. Cristo ï amoro bajiro riti yiya mɔa. Yɔ mɔare gotirise tuorũnɔña. Sɔgũre bajiro tuoiaçōri ñaña mɔa. Oca ñaja itire quenoña. Ito bajiro mɔa yija, mɔare ti maicōri mɔa rãca ñatĩnagũ yiguɔji Dios. Ito yicōri mɔa ya ɔsiju queno mɔa wanɔ quenaroca yigɔ yiguɔji ï. ¹² Cristore tuorũnɔrã ñari queno wanɔre rãca gãmeri seniã ñasotia mɔa. ¹³ Ado gãna Cristore tuorũnɔrã, “Quenajaro”, yi ñucama mɔare.

¹⁴ “Inare queno yiya Cristo mɔ”, yirocɔ mɔare yiari mani Ʋju Jesucristore senia yɔ. “Inare maiña Dios mɔ, ito yicōri ña rãca ñaña Espiritu Santo mɔ”, yi seni ïsisotia yɔ ñarã yɔ, mɔa jeyarore yiari. Itocõ ña.

La carta de San Pablo a los Gálatas

Galacia sita gānare Pablo ĩ papera cōare gaye

¹⁻² Nati Galacia gāna m̄ua. Jesucristore t̄or̄ūn̄u s̄yarā ñari, ĩ ocare riasotirona minijuasotirā yirāji m̄ua. Ȳu ña Pablo adi papera m̄uare cōagū. ĩ oca ȳu goti ucutoni ȳure cūñi Jesucristo. Masa ĩna cūru meje ña ȳu. Dios oca ȳu goti ucutoni ȳure cūbiticā masa. Dios, Jesucristo Jac̄uj̄ua ȳure cūñi. ĩti ñami Jesús ĩ t̄adi catiroca yir̄u. Ȳu s̄īgū meje adi papera m̄uare cōa ȳu. Ȳu rāca gāna, adoju Jesucristore t̄or̄ūn̄urā c̄uni, “Quenajaro”, yi ñucama ĩna m̄uare. ³ Queno m̄uare yijaro mani Jac̄u Dios. Mani Ūju Jesucristo c̄uni queno m̄uare yijaro ĩ. Ito yicōri m̄ua ya ūsi queno wan̄u quenaroca yijaro ĩna. Ito bajiro m̄uare yijaro yiroc̄u Diore seni ĩsia ȳu. ⁴ Mani Jac̄u Dios ĩ āmoro bajiro yiḡu ñari, mani ñeñaro yirise waja, waja yiroc̄u manire goda ĩsiñi Jesucristo. Ito bajiri adi r̄um̄ari c̄uni ñeñaro yirā robo bajiro mani bajibe yiroc̄u, manire ejaɓua masigūji Jesús. ⁵ “Ito bajiro yami ĩ”, yi masicōri, Diore r̄ūc̄ub̄uot̄iñar̄uja manire. “R̄ētoro quenagū ñami Dios”, yi t̄uōiar̄uja manire. Ito bajiroti t̄uōiat̄iñar̄uja manire.

Jesucristore mani t̄or̄ūn̄urena s̄oriti manire masogū yigūji Dios, yire oca

⁶ Manire ti maicōri manire beseñi Dios. Cristore mani t̄or̄ūn̄uja ticōri, manire masoñi ĩ. Ito bajiro manire ĩ yire ñabobarocati, yoari mejeti ĩre jidicā āmoa m̄ua. Ito yicōri gaje ocajuare t̄or̄ūn̄ua m̄ua. “Ito bajiro bajicā Galacia gāna”, masa ĩna yija t̄uocōri, ūcac̄u ȳu jabeto. ⁷ Dios oca riti ña riojo gotire gaye. Ñe gaje oca b̄uto b̄usa quenasarise manija. Jesucristore mani t̄or̄ūn̄urena s̄oriti manire masogū yigūji Dios. Ñejuana gaje manire maso masibiqūji Dios. Ito bajibobarocati m̄ua t̄u gāna ricati m̄uare oca riasorā yirāji ĩna. Ito yicōri ĩna robo bajiro m̄ua t̄uōijaro yirona, m̄uare ūsirio coderā yirāji ĩna. ⁸ M̄ua t̄uju ȳu ñaja, quenarise Dios ocare, ñaro bajiroti m̄uare riasoc̄u ȳu. Ricati r̄uore oca m̄uare ȳu riasoja, jeame ūjuroju ȳure cōa masigūji Dios. No adi tuti gaḡu, ito yicōri ūmac̄uju Dios ñaro gaḡu c̄uni ricati r̄uore oca ĩna riasoja, jeame ūjuroju ĩnare cōagūji Dios. ⁹ Ȳu gotis̄oro bajiroti m̄ucana juaji goti quenogū ya ȳu. No Dios oca quenarisere jidicācōri gaje oca ĩna riasoja, jeame ūjuroju ĩnare cōa masigūji Dios.

¹⁰ Ito bajiro ȳu riasoja, masa ȳure ĩna wan̄toni meje riasoa ȳu. Ȳure Dios wan̄jaro yiroc̄u, ito bajiro riasoa ȳu. Iti r̄um̄uju masa ȳure ĩna wan̄toni gaje oca riasoc̄u ȳu maji. Iti r̄um̄uju masa ĩna wan̄toni ȳu goticato bajiro ȳu gotibojaja, Cristo ĩ āmoro bajiro meje yiḡu ñaboḡuja ȳu. Ito yicōri ĩre moa ĩsiri mas̄u meje ñaboḡuja ȳu.

Ado bajiro apóstol ñas̄oc̄u ȳu, Pablo ĩ yire gaye

¹¹ Queno t̄uoya ȳu ñarā m̄ua. Riti m̄uare gotia ȳu. Jesucristo oca ȳu riasorise masa ĩna t̄uōia rujeore meje ña. ¹² Iti oca quenarise ȳu masiroca yibiticā masa. Ito yicōri iti oca ȳure riasobiticā masa. Jesucristoama ĩmasiti ȳu masiroca yiqū ĩ.

¹³ Iti r̄um̄uju ḡua judio masa t̄uōiare gaye riti r̄ūc̄ub̄uoc̄u ȳu maji. Ito ȳu bajigore t̄uogoana ña m̄ua. Iti r̄um̄uju Jesure t̄or̄ūn̄urāre ñeñaro ĩna t̄obujaroca yic̄u ȳu. Ito bajiri ĩnare ti maicōri meje, ĩnare s̄yacu ȳu. Ito yicōri ĩnare ruyurio āmogū yibojacu ȳu. ¹⁴ Ȳu mam̄u ñaḡū, ḡua judio masa t̄uōiare gaye queno r̄ūc̄ub̄uoc̄u ȳu. Ḡua masa b̄uc̄urā ĩna rotire gayere ȳu rāca corocō t̄ujarā r̄ēto b̄usaro queno c̄udic̄u ȳu. ¹⁵ Ito bajiro ȳu bajibobarocati, ȳure āmogū beseñi Dios. Iti r̄um̄uju ȳu rujearoto riojuaju ȳure beseñi Dios. Ȳure ti maicōri, “Āni Pablo ĩ b̄uc̄ujaja, ȳu yagu ñaḡū yigūji ĩ”, yi t̄uōiacōri ȳure beseñi Dios. ¹⁶ Ito bajiroti Dios ĩ āmori r̄um̄u, ĩ Mac̄u Cristore ȳu masiroca yiñi ĩ ĩja. Ito bajiri adocāta, “Dios Mac̄uti ñami Cristo”, yi t̄uōia masia ȳu ĩja. Ito bajiro ȳu masiroca yiñi Dios, judio masa mejere c̄uni ĩ oca ȳu goti ucutoni. Iti t̄uo masicōri, “¿No bajiro yiḡu yiḡujada ȳu?” yi senīabitic̄u ȳu ḡajerāre. ¹⁷ Ito yicōri ȳu rioju Jesucristo ĩ c̄uanare c̄uni

seniãarocũ, Jerusalénjũ wabiticũ yũ. Ado bajirojũa yicũ yũ. Yoari mejeti Arabia wame cutiri sitajũ masa manojũ tuoãarocũ wacũ yũ. Ito bero Damasco cutojũ tãdi ejacũ yũ.

¹⁸ Itojũ ãdia rodo ñacõri, Pedro rãca bũsirocũ Jerusalénjũ wacũ yũ ãja. Itojũ ejacõri quince rãmũri ã rãca ñacũ yũ. ¹⁹ Itojũ ñagũ gãjerã Jesús ã cũanare tibiticũ yũ. Pedro, mani Õjũ ocabaji Santiagore cũni, ãna jũarãti ticũ yũ. ²⁰ Dios ã tiro riojo adire uca yũ. Rũbea yũ mũare. Ado yũ ucarise riti ñã.

²¹ Jerusalénjũ yũ ñaja bero Siria wame cutiri sitajũ wa ucucũ yũ. Ito yicõri Cilicia wame cutiri sitajũ cũni wa ucucũ yũ. ²² Yoari mejeti Judea sitajũ yũ ñajare, yũre queno masi jedibiticã ito gãna maji. Ito bajiri ito gãna Jesure tuoãũnrã, yũre queno masibiticã ãna maji. ²³ Gãjerã ãna bũsire riti tuoãri seyoãni ãna. “Manire ñeãaro ã yi ãmorise jidicãcõri gaje mame tuoãare ñã ãre ãja. Iti rãmũjũ Jesure mani tuoãũnjã ticõri, manire sãa ãmoãni ã maji. Adi rãmũriama manire bajiroti Jesucristore tuoãũnũgũ yiguãji ã cũni”, masa ãna yija, tuoãri seyoãni Judea sita gãna. ²⁴ “Jesucristore tuoãũnũgũ ñami Pablo ãja”, masa ãna yija tuoãcõri, Diore queno rãcũbuore ocana bũsiãni ãna.

2

Apõstol mesa Pablõre ãna boca ãmire gaye

¹ Catorce rodori bero mũcana Jerusalénjũ wacũ yũ, Bernabé rãca. Ito yicõri Tito wame cutigũ cũni baba cuti waquã gũa rãca. ² Dios yũre ito bajiro ã wa rotijare Jerusalénjũ wacũ yũ. Itojũ ejacõri Jesure tuoãũnrãre ãmatã ñarã rãca riti bũsirocũ, ãna rãca minijuacũ yũ. Ado bajiro ãnare goticũ yũ: “Masa ñajedirore maso ãmoguãji Dios. Ito bajiri judio masa mejere cũni ã oca quenarise goti ucua yũ”, yicũ yũ Jesure tuoãũnrãre ãmatã ñarãre. Ito bajiro goticũ yũ ãnare, yũ tuoãaro bajiro tuoãiacõri, “Riti oca quenarise goti ucuaãni Pablo”, yũre ãna yitoni. ³ Ito bajiro yũ gotija bero sãgũre bajiro riti tuoãiacũ gũa ãja. Ito bajiri sãgũre bajiro tuoãiacõri, yũ rãca gagũ Titore wiroti ta rotibiticã ãna ãja. Judio masu meje Tito ã ñabõjarocati, “Gũa judio masa yisotiro bajiro wiroti tarũja mũre”, yibiticã ãna ãre. ⁴ Gãjerãma, “Jesure tuoãũnrã ñã gũa”, yi tuoãã Titore wiroti ta rotibõjacã ãna. “¿No bajiro yati, Jesure tuoãũnrã? Ito yicõri, ¿bũcũrã masa rotire cãdiati ãna?” yi seniãarona, gũare tuoãã gũa rãca minijuacã ãna. Gũa rãca minijuacõri, “Bũcũrã masa ãna yisotiro bajiro yirũja manire”, yibõjacã ãna gũare. ⁵ Ito bajiro ãna yibõjarocati ãnare cãdibiticũ gũa. Ito yicõri ãna rotibõjarisere cũni cãdibiticũ gũa. Jesure riti mani tuoãũnjã manire masogũ yiguãji ã. “Bũcũrã rotirisere mani cãdija, manire masogũ yiguãji Dios”, mũa yi tuoãabititoni, gũare ãna rotibõjarocati cãdibiticũ gũa.

⁶ “Ito bajiro riasoãni Pablo”, yicõri, “Gaje ado bajiro mũ riasoja quena”, yũre yibiticã Jesure tuoãũnrãre ãmatã ñari masa. “Õjarã ñasarã ñarãji ãna”, yi tuoãã gũibiticũ yũ. ãnare ã beseado bajiroti yũre cũni beseãni Dios. Coro bajiroti manire ti maiãmi Dios. ⁷ Õjarã ado bajiro yicã yũre: “Dios ã cũrũ ñã mũ cũni. Judio masa mejere cũni Jesús oca quenarise mũ goti ucutoni mũre cũri seyoãni Dios”, ya gũa. “Iti rãmũjũ Pedrore cũãni Dios, judio masare oca quenarise ã gotitoni. Ito bajiroti mũre cũni cũri seyoãni Dios, judio masa mejere cũni mũ goti ucutoni”, yi tuoãã gũa, yicã õjarã yũre. ⁸ Riti ñã. Pedrore cũãni Dios, judio masare oca quenarise ã goti ucutoni. Ito bajiroti cũãni Dios yũre cũni, judio masa mejere yũ riaso ucutoni.

⁹ Ito gãna Jesure tuoãũnrã õjarã Santiago, Pedro, Juan cũni ado bajiro yicã ãna yũre: “Dios ãmasiti mũre queno yirocũ cũri seyoãni, ã oca judio masa mejere cũni mũ riaso ucutoni. Ito bajiri ãnare riaso ucũrũja mũ. Gũareama judio masare ã oca riasotoni gũare cũãni Dios. Ito bajiri ãnare riasorãona ñã gũa. Ito yicõri coro bajiroti Diore moã ãsirũja mani”, yicã ãna yũre. ãna ito yija tuoãcõri, sãgũre bajiro riti tuoãiacũ gũa ãja. Ito bajiri yũre, yũ rãca gagũ Bernabére cũni ãmo ñãa wanũcã ãna. ¹⁰ “Bojoro bũjarãre queno ejabuãya mũa”, yicã ãna gũare. Ito bajiro ãna yija tuoãcõri, wanũre rãca cãdicũ gũa ãja. Iti riti roticã ãna gũare.

Pedrore Pablo ã goti quenore gaye

¹¹ Antioquíajũ yũ ñaroca Pedro cuni ejaquĩ. Itoju ejacõri queno yibitiquĩĩ. Ito bajiri “Iti seti ña mure”, yirocũ masa tiro riojo ãre goticũ yũ. ¹² Ado bajiro bajicũ ãre seti. Cajero Antioquíajũ ejacõri queno yiquĩ Pedro maji. Judio masa meje ñarã rãca baba cãticõri, ãna rãca baquĩ Pedro. Ito bajiro ã yi ñaroca Jerusalén gãna Santiago ã cõana ti ucurã ejacã ãna cuni. “Judio masa meje ñarã rãca babitirũja mani. Ito yicõri Diore mani cudi ãmoja, wiro tarũjarãji mani”, yi tuoĩarã ñacã ãna. ãna ejaja ticõri, gũiquĩ Pedro. “Yũre tudirã yirãji”, yirocũ judio masa meje ñarã rãca tudĩ babitiquĩ Pedro ãja. ¹³ Gãjerã judio masa ñarã, Pedro ã gũija ticõri, ãre bajiroti judio masa meje ñarã rãca juaji babiticã ãna cuni. Ito bajiro ãna yija tuocõri, “Ënare bajiroti yirũja yũre cuni”, yi tuoĩaquĩ Bernabé. ¹⁴ “Jesure riti mani tuorũnũja manire masogũ yiguĩji Dios”, yi tuoĩa masibojarãti, bucũrã rotirisejuare rũcũbuorã bajiro yicã ãna. Ito bajiro ãna yija ticõri, gãjerã Jesure tuorũnũrã ãna tiro riojo Pedroro tudicũ yũ. Ado bajiro ãre tudicũ yũ: “Judio masũ ñabojaguti, Jesure mũ tuorũnũja bero, mani bucũrã ãna yisotirere jidicãyiya mũ. Ito bajiro mũ yijama queno tuoĩayija mũ maji. Ito bajibojarocati mũcana adocãta bucũrã ãna yisotire gayere rũcũbuogũ bajiro ya mũ. Ito yicõri judio masa mejere cuni rotiboja mũ. ‘Bucũrã masa yisotire bajiro yiya mũa cuni’, yirocũ ito bajiro ãnare rotiboja mũ. Ito bajiro yibitirũja mure”, yi goticũ yũ Pedroro. Gaje ado bajiro ãre goticũ yũ:

Jesucristore mani tuorũnũja ticõri, mani jeyarore masogũ yiguĩji Dios, yire gaye

¹⁵ “Mani jũarã judio masa rujeana ña mani. Gãjerã masa, mani bucũrã rotire gayere ñeñaro aja tudiana ãna. ãna robo ñeñaro yirã meje ña maniamã. ¹⁶ Ito bajibojarocati, Moisés ñayorũ rotire ñarocõti mani cudiya cuni, ‘Queno yirã ñama. Seti ma ãnare’, yibiquĩji Dios manire. Jesucristore riti mani tuorũnũjama, ‘Queno yirã ñama ãna’, yigu yiguĩji Dios manire. Itire masicõri Dios manire ã boca ãmitoni Jesucristore riti tuorũnũa mani. ‘Jeyaro bucũrã rotirise mani cudi ñabojarocati, Jesure mani tuorũnũbeja, manire boca ãmbiquĩji Dios’, yi tuoĩa mani. No bucũrã rotire riti cudigure, ‘Queno yigu ñami ã’, yibiquĩji Dios. Ito yicõri ãre boca ãmbiquĩji Dios”, yi goticũ yũ Pedroro.

¹⁷ “Mani Jesure riti tuorũnũja, manire boca ãmigũ yiguĩji Dios”, mani yija tuocõri, “Ñeñaro ya mũa”, yirã yirãji mani masa. “Mani bucũrã rotire gayere mũa cudibeja, gaje masa ñeñaro ãna yiro bajiro ya mũa cuni”, yirã yirãji mani masa. Ado bajiro mure seniã ãmoa yũ. ¿Mani ñeñaro yiroca, yigu yiguĩjida Cristo? “Yibiquĩji”, yi tuoĩa yũama. ãre riti mani tuorũnũja, Dios rotiriserẽ mani cudiroca yigu yiguĩji Jesucristo. ¹⁸ Ado robojũa baja. “Jesure riti mani tuorũnũja, manire masogũ yiguĩji Dios”, yi tuoĩa yũ. Ito bajibojarocati, iti ocare jidicãcõri, “Mani bucũrã ãna rotire gayere mani rũcũbuoja, manire masogũ yiguĩji Dios”, yũ yi gotija, ñeñaro yiborũja yũ. ¹⁹ Iti rũmũju ado bajiro tuoĩabojacũ yũ maji. “Mani bucũrã ãna rotiriserẽ ñarocõti mani cudiya, yũre boca ãmigũ yiguĩji Dios”, yi tuoĩabojacũ yũ maji. Ito bajiro tuoĩabojaguti, ñarocõti cudi jeo masibiticũ yũ. Adocãta, “Jesure riti yũ tuorũnũja, yũre boca ãmigũ yiguĩji Dios”, yi tuoĩa yũ ãja. ²⁰ Adĩ rũmũriama Jesucristo, ãti ñami yũ Uju ãja. Ito bajiri ã ãmorise yũ yi ñatoni yũre gotiami ã. Adocãta yũ ãmoro bajiro meje ya yũ. Jesucristo, Dios Macũ yũre ti maicõri, yũ ñeñaro yirise waja, waja yirocũ yũre goda ãsiñi ã. Ito bajiri adi rũmũri ãre tuorũnũgũ ñari, ã ãmoro bajiro riti yi ñasotia yũ ãja. ²¹ “Rocati masare yiarĩ ã Macũre cõabojãni Dios”, yi tuoĩagũ meje ña yũama. “Rẽtoro ñasarise ña iti”, yi tuoĩagũ ña yũ. Bucũrã ãna rotirise mani cudiwaja Dios ã masoja, Cristo goda ãsibitiborũ manire.

3

Diore tuorũnũre meje ña bucũrã ãna rotire gaye

¹ Tuoya Galacia gãna mũa. Jesucristore jidicãcõri gaje ocajũa tuorũnũrã ñari queno tuoĩamena ña mũa ãja. ¿Ñimũ ruore oca goticati mũare? Yũ goroama mũare gotibiticũ yũ. Iti rũmũju mũa rãca ñagũ, yucũtẽojũ Jesucristo godare gaye oca mũare queno goticũ yũ. Iti oca tuocõri queno rũcũbuocũ mũa maji. Ito bajibojarocati ruore oca riasori masare tuorũnũcõri, Jesucristore jidicã ãmoa mũa. Ito bajiro mũa yija, queno tuoĩamena ña mũa.

² Coji gaye mware seniña ámoa yu: ¿Moisés ñayoru ĩ rotire gaye mua cudiya ticōri, Espiritu Santo quedi sājacati mware? Ito bajirojua meje bajaia. Jesucristo oca tuocōri, ĩre mua tuorūnaja bero, mware quedi sājañi Espiritu Santo. ³ ¿No bajiatu, mua tuoīarise jedicoati mware? Iti rumaju Jesucristore mua tuorūnaja ticōri, mua ya usiju quedi sājañi Espiritu Santo. Ito bajibojarocati, “Bucurā rotire gaye mani tuorūnaja ticōri, manire masogū yiguīji Dios”, yi tuoīabaja mua adi rumari. Itire tuoīabesa mua. ⁴ ¿Mware rētagore ñajediroti ācabojocati mua? Ito yicōri, ¿Mua tōbujare gaye cuni ācabojocati mua? “Itire ācabojamenaji ĩna”, yi tuoīa yu mware. Itire tūdi tuoīacōri queno tuoīarā yirāji mua mūcana. ⁵ Espiritu Santo queo sāñi Dios mware. Ito yicōri jaje tiyamani, mua tiro riojo ĩoñi Dios. Judio masa bucurā ĩna rotire gaye mua tuorūnujare ¿ito bajiro yicati Dios? Ito bajiro meje bajaia. Jesucristo oca mua tuorūnujare, ito bajiro yiñi Dios.

⁶ Abraham ñayorure tuoīate mua. ĩama Dios busirisere tuorūnuyiju. Ito bajiro ĩ yija ticōri, “Queno yigu ñami Abraham”, yiyiju Dios. ⁷ Iti ocare tuocōri, ado bajiro yi tuoīa mani: “Mani Abraham ñayoru bajiro Diore tuorūnurā ñari, ĩ janerābatia robo bajirā ña mani ĩja”, yi tuoīa mani. ⁸ Jane mejeju iti gaye gotisuyiju Dios ĩ oca tutina. Ito yicōri judio masa meje ñarā Diore ĩna rucuboroti gaye gotisuyiju Dios. “Judio masa mejere cuni masogū yiguja yu”, yirocu ado bajiro yiyiju Dios Abrahamre: “No gāji mū robo bajiro yure ĩ tuorūnaja ticōri, ñeñaro ĩ yirisere ācabojogu yiguja yu”, yiyiju Dios Abraham ñayorure. ⁹ Diore queno tuorūnuyiju Abraham. Ito bajiri ĩre queno yiyiju Dios. Adi rumari cuni, no Jesucristore tuorūnugūre queno yigu yiguīji Dios.

¹⁰ “Moisés ñayoru ĩ rotirisere yu cudi jeoja ticōri, yure masogū yiguīji Dios”, yi tuoīabojagure, seti ña ĩre maji. Ito bajiri ĩre masobiquīji Dios. Ito yicōri ĩre waja senigū yiguīji Dios. Ado bajiro yi ucañi Moisés ñayoru: “No adi papera tuti rotirisere cudi jeobicure, seti ña ĩre maji. Ito bajiri ĩre waja senigū yiguīji Dios”, yi ucañi Moisés ñayoru. ¹¹ Iti oca tuocōri, “Judio masa bucurā rotire gaye cudi jeo masibea mani. Ito bajiri, ‘Queno cudi jeorā ña mua’, yibiquīji Dios manire. Sīgū ñarocōti cudi jeogu maquīji”, yi tuoīa masia mani. Ado bajiro yi gotia Dios oca tuti: “No Diore tuorūnugūre, ‘Queno yigu ña mū’, yigu yiguīji Dios ĩre. Ito yicōri ĩ catitīñaroca yigu yiguīji Dios”, yi gotia Dios oca tuti. ¹² Ito bajibojarocati, “Bucurā rotire gaye yu cudi jeoja, yure seti manija”, yirā, Diore tuorūnurā meje ñama ĩnaōna. Diore tuorūnure meje ña bucurā rotire gaye mani tuorūnaja. Ado bajiro yi ucañi Moisés ñayoru: “No adi tuti rotirise cudi jeoguti, seti manicōri Dios rāca queno ñagū yiguīji ĩ”, yi ucañi Moisés ñayoru.

¹³ Ito bajibojarocati ñarocōti bucurā rotire gaye cudi jeo masibea mani. Ito bajiri seti jaje ña manire. Ito yicōri jairo ñeñaro yirise waja, waja ruyurioa mani. Itire masicōri, mani ñeñaro yirise waja, waja yi ĩsirocū goda ĩsiñi Cristo. Ado bajiro yi gotia Dios oca: “Yucugū sīgūre ĩna sīa yoja, seti catigū ñaguīji ĩocū”, yi gotia Dios oca tuti. Mani ñeñaro yirise waja, manire waja yi ĩsirocū yucutēoja goda ĩsiñi Cristo. ¹⁴ Jane mejeju ado bajiro goticāyiju Dios Abraham ñayorure: “No mure bajiro yure tuorūnurāre, queno yigu yiguja yu”, yiyiju Dios Abraham ñayorure. Judio masa mani ñaja, judio masa meje mani ñaja cuni, Jesucristore mani tuorūnaja manire masogū yiguīji Dios. Ito yicōri ĩ goticato bajiroti Espiritu Santo queo sāgū yiguīji Dios manire.

Ado bajiro yicuja yu, Dios ĩ yire gaye

¹⁵ Queno tuoja yu ñarā mua. Goti masiore ocana mware gotigu ya yu. “ĩ yiro robo yibisī ĩ”, gājerā yibe yirona, “Ado bajiro yicuja yu”, yi ucasotia mani. Ito bajiro mani yi ucajare, “Meje ĩ yiro bajiro yibisī ĩ”, yi masimenaji gājerā. Mani ucaçare ñajare, busi remo masimenaji ĩna ĩja. ¹⁶ Jane mejeju cuni, “Ado bajiro yicuja yu”, Abrahamre Dios ĩ yija, ucare ña iti cuni. Ado bajiro Abraham ñayorure goticāñi Dios: “Sīgū mū janamina suoriti masa jeyarore queno yigu yiguja yu”, yiñi Dios Abraham ñayorure. “Mū janerābatiana suoriti masa jeyarore queno yigu yiguja yu”, yibisī Dios. “Sīgū mū janamina suoriti”, ĩ yija, “Jesucristona suoriti”, yireoni ña iti. ¹⁷ Mua queno tuo masitoni mware goti rētobugū ya yu. Ado bajiro goticāñi Dios Abrahamre. “No mū robo yure tuorūnugūre, ĩre masogū yiguja yu”, yi goticāñi Dios ĩre. Ito yija cuatrocientos treinta

rodori bero ĩ rotirise Moisésna cūyijū Dios, judio masa ĩna cūdijaro yirocū. Ito bajiro yigu, “Jane mejeju Abrahamre yū gotiyocatire jidicācōri gaje wasoagu ya yū”, yirocū meje yiyijū Dios itire. Ito bajiri, “Abrahamre ĩ gotiyorere jidicācōni Dios”, yi tūoĭabea mani. ¹⁸ Moisés rotirise mani cūdi jeore waja meje manire masogū yiguĭji Dios. Ņarocōti Moisés rotirise cūdi jeo masibe a mani. ĩ rotirise mani cūdire wajana sūoriti manire Dios ĩ masoja, Abraham űayorūre Dios ĩ goticāre rocati bajiro űaboroja iti. “Yūre mū tūorūnūja, mūre queno yicūja yū”, yicāni Dios Abrahamre. Ito bajiri Abraham űayorū robo bajiro Diore mani tūorūnūja manire masogū yiguĭji ĩ.

¹⁹ Ito bajicōri, ĩno yija ĩ rotirisere cūyijari Dios manire? Ado robojūa bajia. “Dios rotirisere cūdi jeo masibe a yū. Ņeñaro yi jaigu űa yū”, mani yitoni ĩ rotirisere cūni Dios manire. Ito bajiri, “Sīgū mū janamina sūoriti masare masogū yiguja yū”, Abrahamre yirū ĩ ejaroto riojūa ĩ rotire űacāyijū manire. Dios ĩmasiti, Moisésre gotibisijū ĩ rotirise. ĩ űaro gāna ángel mesare Moisésre goti rotiyijū Dios. ĩna gotija tūocōri, judio masajūare gotiyijū Moisés mūcana. ²⁰ “Sīgū mū janamina sūoriti masare masogū yiguja yū”, Dios ĩ yija, ĩmasiti Abrahamre gotiyijū. Iti gayereama ángel mesare goti rotibisijū Dios. ĩmasiti Abraham űayorūre gotiyijū Dios.

“Ņeñaro yigu űa yū”, mani yi tūoĭatoni, ĩ rotirise manire cūni Dios, yire gaye

²¹ ĩ Moisésre ĩ rotire gaye ĩ cūroca Abrahamre ĩ goticāre jidicāyijari Dios? Meje ĩ goticāre jidicābisijū Dios. Ado robojūa bajia. Catitĭñare gaye mani būjatoni meje ĩ rotirise cūyijū Dios. ĩ rotirisere cūdi jeo masibe a mani. Ito bajiri, “Cūdi jeorā űa mūa. Queno yirā űa mūa”, yibiquĭji Dios manire. ĩ rotirise mani cūdi jeoja ticōri, “Queno yirā űa mūa”, yiboguĭji gajea. ²² Ito bajibojarocati cūdi jeo masibe a mani. Dios oca tuti gotiado bajiroti bajia iti. “Masa jeyaro űeñaro yama ĩna. Sīgū ruyabeto seti cūtirā űama ĩna”, yi gotia Dios oca. ĩ rotirise cūdi jeo masibe a mani. Ito bajibojarocati jane mejeju Abrahamre Dios ĩ goticārena sūoriti manire maso masiguĭji Dios. Jesucristore mani tūorūnūja ticōri, manire masogū yiguĭji Dios, ĩ goticādo bajiroti.

²³ Iti rūmū, “Jesucristore yū tūorūnūja ticōri, yūre masogū yiguĭji Dios”, yi masibiticū mani maji. Itire mani masiroto riojūa, “Dios ĩ rotirise riti űa mani cūdiroti”, yi tūoĭacū mani maji. Ito bajibojarocati Dios ĩ rotirise cūdi āmobojarāti, cūdi jeo masibiticū mani.

²⁴ Jesucristo ejaroto riojūa Dios ĩ rotirisere riasoticū mani. Itire riasoticōri, “Ņeñaro yigu űa yū. No bajiro űeñaro yū yirise jidicā masibe a yū”, yi tūoĭacū mani maji. Ito bajiro tūoĭacū mani maji Jesucristo ĩ ejaroto riojūa. Adi rūmūriama, “Jesucristore yū tūorūnūja, yūre masogū yiguĭji Dios. Ito bajiri ĩ rāca queno wanū catitĭñagū yiguja yū”, yi tūoĭa mani ĩja. ²⁵ Adi rūmūriama Jesucristore riti tūorūnūja manire. Ito bajiri, “Judio masa būcūrā rotire gaye yū cūdi jeoja, yūre masogū yiguĭji Dios”, yi tūoĭabitirūja manire ĩja.

²⁶ Tūoya mūa. Jesucristore tūorūnūjā űacōri adocāta Dios rĭa űa mūa cūni ĩja. ²⁷ Jesucristore tūorūnūcōri, idé gu rotiyija mūa cūni. Ito bajiro mūa yija ticōri, Jesucristo queno ĩ yi űado bajiro mūa queno yi űaroca yami Dios mūare. ²⁸ Sīgū robo bajiro ti maiguĭji Dios manire. Sīgūre bajiro tūoĭacōri Jesucristore tūorūnūa mani. Ito bajiro mani yija ticōri, itina sūoriti manire masoĭni Dios. Co masa bajiroti masoĭni Dios manire. Tite mūa, jeyaro űa mani. Judio masa, judio masa meje cūni űa mani. Moa ĩsiri masa, moa ĩsiri masa meje cūni űa mani. Romia, űmūa cūni űa mani. Jeyaro mani masa wūsabojarocati Jesucristore mani tūorūnūja ticōri, co masa bajiroti masoĭni Dios manire. ²⁹ Ito yicōri, judio masa meje űabobarāti, Jesucristore mūa tūorūnūja Dios űarā űa mūa cūni ĩja. Ito bajiri ĩ űarā mūa űaja, yū bajiroti, Abraham űayorū janerābatia űa mūa cūni ĩja. Ito bajiri, “Mū janerābatiare queno yigu yiguja yū”, Dios Abrahamre ĩ goticādo bajiroti mūare cūni queno yigu yiguĭji Dios ĩja.

4

¹ Mūcana gaje mūare goti remoa yū. Coriarā ado bajiro yama ĩna macū űasūogūre: “Macū, mū jai tujaroca jeyaro yū rūcorise mū yeti űaro yiroja”, yama coriarā, ĩna macū űasūogūre. Macūacā űagū, jai tujabicū ĩ jacū ye gajeonire rūco masibiquĭji maji. Ito bajiri

ija rucorocu ñabojaguti, i rucoroto riojua i jacure moa isiri masu bajiro bajiami i maji. ² Macuacã i ñaroca i jacure moa isiri masa ire coderã yirãji. Ito yicõri ija i rucorotire cuni coderã yirãji ina. “Yu macu i jai tujaroca jeyaro yu rucorise ire isima”, jacu i yiri rumu ejaroca ire isirã yirãji ina. Ito bajiri moa isiri masu bajiro meje bajigu yiguji i ija. ³ Mani cuni Jesucristore mani tuorunuroto riojuaju ito bajiroti bajibojacu maji. “Bucurã rotire yu cudi jeobeja quenabeto tóbujagu yiguja yu”, yi tuoibojacu mani. Ito bajiri Cristore masibiticõri rümüare moa isirã bajiro bajirã ñacu mani maji. ⁴ Ito bajiro mani bajibojarocati, “Masare yiari yu Macure cõagũ yiguja yu”, Dios i yiri rumu ejayija ija. Ito bajiri Dios Macu ñabojaguti, romiona rujeañi Jesucristo. Ito yicõri judio masu rujeañi i. ⁵ “Bucurã masa ina rotire gaye yu cudibeja, quenabeto tóbujagu yiguja yu”, yi gna masa tuoibojarocati, manire yiari i Macure cõañi Dios. I rãa mani ñatoni manire masorocu i Macure cõañi Dios.

⁶ Ito bajiri Jesucristore mani tuorunuja, Dios rãa ña mani ija. I rãa mani ñajare i Macu Jesucristona suoriti, manire Espiritu Santo queo sãñi Dios. Ito bajiri, “Cuna, yu Jacu”, ya mani Diore. ⁷ Diore tuorunucõri, “Bucurã rotire gaye yu cudibeja, quenabeto tóbujagu yiguja yu”, yi tuoabea mani ija. Dios rãa ña mani ija. Ito bajiri, Abraham ñayorure, Dios i gotiado bajiroti manire masocõri, manire queno yigu yiguji Dios.

Jesure masirãre Pablo i tuoia oca jaire gaye

⁸ Tuoya mua. Iti rumuju Diore masibisija mua maji. Diore masibiticõri, bucurã masare rucubuoijija mua. Dios meje ina ñabojarocati bucurã ñayoanare rucubuoibojayija mua. “Ina rotirise mani cudibeja, quenabeto tóbujarã yirãji mani”, yi tuoia guiyija mua maji. ⁹ Adi rumuriamama Diore masirã ña mua cuni ija. Ito bajijare Dios imasiti muare ti masiami ija. Diore tuorunucõri bucurã rotire gaye jidicacu mua. Ito bajibojarocati yu tuoja, bucurã ina rotire gaye rucubuoijija mua mucana. “Bucurã rotire gaye mani cudibeja, quenabeto tóbujarã yirãji mani”, ¿yi tuoia gui amoati mua mucana? ¹⁰ Ado bajiro tuoibojarãji mua mucana: “Judio masa ina rotirere mani rucubuoja, manire masogu yiguji Dios”, yi tuoibojarãji mua. Ito bajiro tuoibojacõri, “Adi rumu rucubuoia rumu ña, adocõ ñami gagu i tujaroca adocõ jue iti tujaroca, ito yicõri adocõ cuma iti tujaroca rucubuoeroti ña”, yi tuoibojarãji mua. ¹¹ “Muare riasobojacu yu”, yiadoti bajia yure ija. Ito bajiro mua bajija tuocõri, bojori buja yu.

¹² Yu mairã, muare queno gotia amo yu. Jesucristore tuorunucõri, gna judio masa bucurã tuoiare gaye jidicacu yu. Yu robo yiya mua cuni. Jesucristore riti tuorunña mua. Ito yicõri bucurã tuoiare gaye jidicãña mua. Iti rumuju ito bajiro muare yu riasoja, queno yure boca amicã mua maji. ¹³ Mua masia, cajero Jesucristo oca muare yu riasoja cõ ñacu yu. ¹⁴ Cõgũ, yu ñabojarocati, yure ti tebiticu mua. “Cõgũ wadiami”, yibojarãti, queno yure boca amicã mua. Ado bajiro yicu mua. Dios ñaro gagu angelre boca amirã robo bajiro, queno yure boca amicã mua. Ito yicõri Jesucristore boca amirã robo bajiro queno yure boca amicã mua. ¹⁵ Mua tujũ yu ñaroca queno wanũ quenacu mani maji. “Queno wanũmenaji ina”, yi tuoia yu muare. Iti rumuju yure ti maicõri, queno yure ejabua amocũ mua maji. “Mua ya cajea mua rua masija, yure isibocu mua”, yi tuoia yu muare. ¹⁶ Oca quenarise riti riojo muare goticu yu. Iti yu gotijare ¿yure ti teati mua ija?

¹⁷ Judio masa rotire gaye oca muare riasoana, muare queno yi amorã meje ñarã yirãji ina. Muare queno yirona meje baba cutirãji ina. Ito bajiro muare ruorãji ina, yure mua jidicãtoni. Ito yicõri ñare riti mua tuorunure amorãji ina. ¹⁸ Riti, muare queno yi amorã ina ñajama, muare baba cutirona wanure oca rãca ina busija, quena ñaroja. Ito bajirojua yiruja ñare. Mua tujũ yu ñaja, mua tujũ meje yu ñaja cuni, ito bajiro riti yiruja ñare. ¹⁹ Yu mairã, yu rãa robo bajirã ña mua. Muare buto tuoia ña yu. Romia ina rucoroto riojua buto tuoia bujatomenaji ina. Ito bajiroti muare tuoiacõri, bujato bajia yu cuni. Gaje mua tuoiasuore jidicãcõri, Jesucristore riti mua tuorunuroto riojua, muare tuoia ñagũ yiguja yu. ²⁰ Mua tujũ oca quenorocu mua rãca ña amoboja yu. Muare buto tuoia usirioa yu. Ito bajibojarocati sõju ñacõri ñe gaje muare goti ejabua masibeã yu ija.

Sara, Agar ña bajire gaye

²¹ Tɔoya yu ñarã mɔa. “Moisés ñayoru ï rotire mani cɔdija, manire masogũ yiguĩji Dios”, yi tɔoĩabojarãji mɔa. Ï rotiyorere queno tɔo masibea mɔa. ²² Ado bajiro yi ucare ña: “Ëmɔa jũarã rĩa cɔtiyiju Abraham ñayoru. Ï manojore moa ïsiri maso, Agar wame cɔtigo, sīgũ macu cɔtiyijo iso. Ï manjo ñasago cɔni sīgũ macu cɔtiyijo iso”, yi ucare ña iti gaye. ²³ Romia gãjerã ña macu rucoro bajiroti macu cɔtiyijo Agar cɔni. Sara bucojuama, Dios ï gotiado bajiroti, rĩa mani waro ñabojagoti, sīgũ macu cɔtiyijo iso cɔni ïja. ²⁴⁻²⁵ Iti oca mɔare goticõri, iti oca gayere queno mɔare goti masio ãmoa yu. Ado bajiro bajaia iti oca. Ña romia jũarãre rɛtare gaye tɔoĩacõri, juaji Dios ï goticãre gaye cɔni tɔoĩarã yirãji mani. Arabia sitaju, Sinaí wame cɔtiricu gũtagũ joeju Moisés ï rotiritire ïsiyiju Dios. Iti gũtagũ judo gago ñayijo Agar ñayoro. Gãjerãre moa ïsiri maso ñayijo iso. Iso janerãbatia cɔni gãjerãre moa ïsiri masa riti ñayijarã ña. Noa, “Moisés ï rotirere mani cɔdi jeoja, manire masogũ yiguĩji Dios”, yi tɔoĩarã ña ñama Agar janerãbatia ñayoana robo bajiro tɔoĩarã. Rũmũare moa ïsiri masa bajiro bajiamã ña. Ito bajiro bajibojama yu ñarã judio masa. Moisés rotirisere cɔdi ãmbojarãti, cɔdi jeo masibeamã ña. Ito bajiri Diore tɔorũnumena ñari, Agar janerãbatia ñayoana robo bajirã ñama, yu ñarã Jerusalén gãna. ²⁶ Maniamã Sara janerãbatia ñayoana robo bajirã ña mani. Gãjerãre moa ïsiri maso meje ñayoyijo Sara. Jesucristore tɔorũnucõri, rũmũare moa ïsirã meje ñarãji mani ïja. “Judio masa bucurã rotire gaye yu cɔdi jeobeja, yure masobiquĩji Dios”, yi tɔoĩa gũirã meje ña mani ïja. “Jesucristore yu tɔorũnɔja, yure masogũ yiguĩji Dios”, yi tɔoĩa wanurã ña maniamã ïja. ²⁷ Sarare tɔoĩa yugu ado bajiro ucañi Diore goti ïsiri masu:

Rĩa mani waro tɔoya mɔ. Rĩa maco ñabojagoti, queno wanu quenaña mɔ. Junirise tɔoĩabiticõri, wanu quenaña mɔ. Jãjarã mɔ janerãbatia cɔtiroca yigu yiguja yu. Mure moa ïsiri maso rɛtaro janerãbatia cɔtigo yigoja mɔ, yiyiju Dios ï oca tutina.

²⁸ Yu ñarã, Dios ï gotiado bajiroti macu cɔtiyijo Sara, Abraham manjo. Isaac wame cɔtigu ñayiju iso macu. Mani cɔni Jesucristore tɔorũnucõri, Dios rĩa ña mani ïja. Abrahamre Dios ï gotiado bajiroti ï rĩa ña mani cɔni ïja. ²⁹ “Espíritu Santona suoriti macu cɔtigo yigõji Sara”, Dios ï gotiado bajiroti Isaac wame cɔtigu macu cɔtiyijo iso. Isore moa ïsiri maso macu buto ti tudiyiju Isaacre. Adi rũmuri ito bajiroti bajaia manire cɔni. Jesucristore mani tɔorũnɔja ticõri, manire ti tudirã yirãji Moisés rotiyore rucubɔorã. ³⁰ Abrahamre Dios ï busiyore gotia Dios oca tuti. Abrahamre ado bajiro yiyiju Dios: “Mɔ manojore moa ïsiri masonã mɔ macu cɔtiru mɔ ya gajeonire rucobicu yiguĩji ï. Mɔ manojona mɔ macu cɔtirujua ï ñagũ yiguĩji mɔ ya gajeoni rucorocu. Ito bajiri mɔ manojore moa ïsiri maso, iso macure cɔni bucõaña mɔ”, yi gotiyiju Dios Abrahamre. ³¹ Yu ñarã, moa ïsiri maso janerãbatia meje ña mani. “Judio masa bucurã rotire gaye yu cɔdi jeobeja, yure masobiquĩji Dios”, yi tɔoĩa gũirã meje ña mani ïja. “Jesucristore yu tɔorũnɔja, yure masogũ yiguĩji Dios”, yi tɔoĩa masirã ña mani ïja. Ito bajiri Sara ñayoro janerãbatia robo bajirã ña mani cɔni.

5

Ñeñarise mano quenarisena riti ñaña mɔa, yire gaye

¹ Iti rũmuru rũmure moa ïsiri masare bajiro mani bajibojarocati, manire masoñi Cristo. Ïre mani tɔorũnɔja ticõri, manire masoñi ï. Ito bajiri buto busa ïre tɔorũnɔrɔja manire. Ito yicõri, “Bucurã ña rotire gaye yu cɔdi jeobeja, yure masobiquĩji Dios”, yi tɔoĩa gũibitirɔja manire. Ito bajiro mani tɔoĩabojaja, mɔcana rũmure moa ïsiri masa bajiro bajirã ñarã yirãji mani.

² Tɔoya mɔa. Mɔare ado bajiro gotisagu ya yu: “Bucurã rotiro bajiro, wirow yu ta rotija, yure masogũ yiguĩji Dios”, ¿yi tɔoĩati mɔa? Ito bajiro mɔa tɔoĩabojaja mɔare maso masobiquĩji Cristo. ³ Mɔcana mɔare goti quenogũ ya yu. No, “Bucurã rotiro bajiro wirow yu ta rotija, yure masogũ yiguĩji Dios”, yi tɔoĩagũ, ñarocõti rotirise gaye cɔdi jeorujami ïocu. Ito bajibojarocati ñimujua cɔdi jeogu maquĩji. ⁴ “Yu ñeñaro yirise waja, waja yirocu judio masa bucurã rotire gaye cɔdicuja yu”, yi tɔoĩabojarãji coriarã. Ito bajiro tɔoĩarã,

Jesucristore jidicãcõri ãre tuorũnurã meje ñama ãnaõna. Ito yicõri Dios ãnare masorocũ, ã queno yi ãmobarisere boca ãmimenaji ãna. ⁵ Espõritu Santo ã ejabuarisena Jesucristore tuorũnua maniamã. Ito bajiro Jesucristore mani tuorũnua ticõri, “Queno yirã ña mua”, yigũ yiguĩji Dios manire. Ito bajiro ã yija, “Manire masogũ yiguĩji Dios”, yi tuoã mani ãja. ⁶ Wiro mani taja, mani tabeja cuni ñasarise meje ña iti. Itina suori meje manire masogũ yiguĩji Dios. Cristore mani tuorũnua, ito yicõri gãjerãre mani ti maija, iti ña ñasarise. Ito bajiro mani yija ticõri, manire masogũ yiguĩji Dios.

⁷ Jesucristore tuorũnucõri, ã ãmoro bajiroti queno cudiyija mua maji. Adi rumãriama ãja, ã oca ñasarisere queno cudibeã mua. ¿Ñimã Jesucristo ocãre mua jidicãroca yicati muare? ⁸ “Dios meje ã ocãre ãna jidicãroca yĩni”, ya yũ muare. Dioti ñami manire besecõri Jesucristo ocãre mani tuorũnuroca yirũ. ⁹ Naju wadarise uco gayere tuoãate mua. Naju cãjare jabeto uco mani wõjã, queno wusa quenaroja. Ito bajiroti bajia ruore oca cuni. Ruore ocãre tuorũnucõri, jãjarã itire tuorũnurã yirãji. Ito bajiri ruore ocãre tuorũnucõri jãjarã busã cudi warã yirãji masa. ¹⁰ “Gãjerã muare ruore oca ãna gotija, ãnare mua tuorũnucõri yirocũ, muare ejabuãgũ yiguĩji Cristo. Ito bajiri ã oca muare yũ riasorisere jidicãmenaji ãna”, yi tuoã yũ muare. “No muare ruore oca gotirãre waja senigũ yiguĩji Dios ãnare”, yi tuoã yũ.

¹¹ Ado bajiro ruorãji ãna muare: “Dios rãca queno mani ña ãmoja, judio masa ãna rotiado bajiro wiro tarãja mani”, yami Pablo manire, yi goti ruorãji ãna muare. Ito bajiro masare riasobeã yũ. Ito bajiro yũ riasoja, yũre ti tudibitiboana judio masa. Yũama ado bajirojua riasoa: “Mani ñeñaro yirise waja, waja yigũ yucutõõju godãni Cristo. ãre mani tuorũnua ticõri, manire masogũ yiguĩji Dios”, yi riasoa yũama. Ito bajiro yũ riasoja ticõri, yũre ti tudiamã judio masa. ¹² Muare ruore oca gotirã, buoro usirioro muare wiro ta rotirãji ãna. Yũ tuoãaja, ãnamasiti rutaja quenaboyija yũreamã. Ito yicõri, “Gãjerojũ ãna waja, quena ñaboroja”, yi tuoã yũ.

¹³ Yũ ñarã, muare beseñi Dios, ã ñarã mua ñatoni. Judio masa bucurã rotire gaye muare cudi rotibisijũ Dios. ã rotibitibjarocati, “Yũ ya rujũ iti tuoãaro bajiro yicũja yũ”, yi tuoãabitirũja muare. Ado bajirojua mua yi ñaja quena. Gãjerãre ti maicõri ãnare ejabuãya mua. ¹⁴ Jaje rotire gaye ñabobarocati coji gayeti ña buto busã ñasarise. Ado bajiro bajia iti. “Mũ ya rujũre mũ ti mairõ bajiroti mũ ñarãre cuni ti maiña”, yi gotia iti. Disejua gaje Dios ã rotirise rõtocũrise manõja. ¹⁵ Mua ñarãre mua ti tudija, ito yicõri ãnare mua oca menija, queno ãna rãca ña masimenaji mua. Ito bajiri ruore oca riasorãre tuorũnucõri. Mua ñarã rãca queno mua ña masitoni queno tuoãaña.

Espõritu Santo ã ãmoro bajiro mani cudiãja quena, yire gaye

¹⁶ Ado bajiro gotia yũ muare. Manire Espõritu Santo ã rotiro bajiroti mani cudiãja quena. Ito bajiro mani yija, manimasiti mani ya rujũ ñeñaro iti tuoãaro bajiro yimenaji mani. ¹⁷ Mani ya rujũna ñeñaro mani yi ãmorise ito yicõri Espõritu Santo ã tuoãarise rãca corocõ meje ñaroja iti. Mani ya rujũna buto ñeñaro yi ãmoã mani. Ito bajibobarocati mani queno yire ãmoguĩji Espõritu Santo. Espõritu Santo ã ãmoro bajiro mani yija, mani ya rujũ ñeñaro yire gaye yimenaji mani ãja. Ito bajiri mani queno yijaro yirocũ, manire ejabuãgũ yiguĩji ã. ¹⁸ Espõritu Santo ã ãmoro bajiro mani yi ñaja, “Judio masa bucurã rotire gaye mani cudiãja manire masogũ yiguĩji Dios”, yi tuoãamenaji mani.

¹⁹ “Ito bajiro ñeñaro yama ãna ñeñaro tuoãaro bajiro yirã”, yi ti masirã yirãji mani. Ado bajiro yirãji ãna. Tite. Manõjo cutirã ñabobarãti, gãji manõjore ajerãji ãna. Romia cuni ito bajiroti yirãji. Manũju cutirã ñabobarãti, gajeo manũjure ajarãji ãna. Jaje ñeñarise tuoãarãji ãna. Ito bajiri jeyaro ñeñaro ãna yi ãmorise yisotirãji ãna. ²⁰ Ito bajicõri ãna meni rujeoanareama rucubõorãji ãna. Gãjerãre rojarãji ãna. Gãjerãre terãji ãna. Gãmeri tudirãji ãna. Ito yicõri gãjerãre ti tudirãji ãna. Junisinirãji ãna. ãna ãmoro bajiro riti yirãji ãna. Sõgũre bajiro tuoãa ãmomenaji ãna. Rocati oca rujeocõri, gãjerã ãna ña masibeto yirãji ãna. ²¹ Gãjerã ya gajeonire ti ruorãji ãna. Gãjerãre sãrãji ãna. Idire idicõri mecũrãji ãna. Mecũcõri rocati yirãji ãna. Ito yicõri jeyaro ñeñarise yirãji ãna. Iti rumũju muare

yu goticato bajiro muare gotisagu ya yu. No ito bajiro ñeñaro yi uyagu, umacũju Dios i rotiroju ejabicu yiguĩi i.

²² Espiritu Santo i amoro bajiro mani yija, ñeñarise yi uyamenaji mani. Ado bajirojua yirãji mani. Gãjerãre ti mairãji mani. Diore tuoĩacõri queno wanu quenarãji mani. Ito yicõri mani ya usi queno ñaroja manire. Gãjerã manire ñeñaro ñna yibojarocati ñnare tudimenaji mani. Ñnare queno yirãji mani. Ito yicõri Dios i amoro bajiroti yirãji mani. “Ado bajiro yicũja yu”, mani yicãre ñajare ito bajiroti yirãji mani ñja. ²³ “Gãjerã rãtoro queno yigu ña yu”, yi tuoĩamenaji mani. Ito yicõri mani ya ruju ñeñaro yi amorisere yimenaji mani. Ito bajiro yirãji mani, Espiritu Santo i amoro bajiro mani tuoĩaja. Ito bajiro mani yija ticõri, “Rotirisere cãdirã meje ña mua”, yimenaji gãjerã manire. ²⁴ Jesucristo ñarã ñari ado bajiro yi tuoĩarãji mani. “Yu ñeñaro yirise waja, waja yigu godaĩi Cristo. Ito bajiri yu ya ruju ñeñaro yi amorisere jidicãcũja yu. Ito bajiri i ejabuajare, mũcana ñeñarise yi uyabicũja yu”, yi tuoĩarãji mani. ²⁵ Catitĩñare mani bũjatoni, Jesucristore mani tuorũnũroca yĩni Espiritu Santo. Ito bajiri i amoro bajiro yirũja manire.

²⁶ “Gãjerã rãtoro masigũ ña yu”, yibitirũja manire. Ito bajiro mani yibeja, manire ti tudimenaji gãjerã. Ito yicõri mani rãca junisinimenaji ñna.

6

Gãmeri ejabuaja quena, yire gaye

¹ Yu ñarã, Espiritu Santo i queda sãjana ña mua. Ito bajiri sigũ mua rãca gagu i ñeñaro yija, ñre ejabuaya, i ñeñaro yirise i jidicãtoni. Ñre ti maicõri, ñre ejabuaruja muare. Ito yicõri queno tuoĩaña mua, ñre bajiro mua ñeñaro yibe yirona. ² Mua rãca gãnare oca iti ñaja, ñnare ejabuaya mua. Ito bajiro mua yija, Jesucristo i rotiro bajiroti cãdirã yirãji mua.

³ Sigũ “Ñeñaro yigu meje ña yuama. Ñasari masu ña yu”, i yi tuoĩaja, ñmasiti ruoami iocũ. ⁴ Ado bajiro mani tuoĩaja quena: “¿Yu yirise quena ñarojada? Quenabetojada gajea”, yi tuoĩaruja manire. Ito bajiro tuoĩacõri, “Yu yirise quena ñaroja, Dios i tija”, mani yi masija, wanurã yirãji mani. “Yu sigũti ña queno yigu. Ñnama queno yirã meje ñama”, yi tuoĩabitirũja manire. ⁵ Masa jeyarore ñna ñeñaro yirise waja, waja senigũ yiguĩi Dios. Ito bajiri ñeñaro mani yija iti waja manimasiti quenabeto tãbũjarã yirãji mani.

⁶ No Jesucristo oca muare riasogure ñre ejabuaruja muare. Ito yicõri mua ruorise ñre cuni jabeto ñsiña.

⁷ Queno tuoĩaña mua. Jeyaro mani yirise masiguĩi Dios. “Ñeñaro yu yija, masibiquĩi Dios”, mani yi tuoĩabojarocati, masi jeocõguĩi Dios. Ñe i masibiti manija. Queno tuoia. Goti masiore ocana muare gotigu ya yu. Bia aje mani oteja, bia judiro yiroja. Mani otero bajiroti judiro yiroja. ⁸ Ito bajiroti bajia mani yirise cuni. Mani ya ruju ñeñaro yi amorisere mani yija, itire waja yirãonati jeame ñjuroju warã yirãji mani. Gajereama, Espiritu Santo i amoro bajiro mani yija, mani wanuroca yigu yiguĩi i. Ito yicõri Dios rãca catitĩñarã yirãji mani ñja. ⁹ Ito bajiri quenarise yi jidicãmenati itire yitĩñarũja manire. Quenarise mani yi jidicãbeja, Dios i amori rũmu i goticato bajiroti manire queno yigu yiguĩi i. ¹⁰ Ito bajiri mani queno yi masirocõ, masa jeyarore queno ejabuaruja manire. Ito yicõri manire bajiro Jesucristore tuorũnũrãre cuni buto busa mani ejabuaja quena.

Pablo i goti quenosusare gaye

¹¹ Adi yu gotisusarise, yumasiti uca yu. Tiya, wame curisena uca yu. ¹² Wiro muare ta rotirã, gãjerã judio masa rãca queno ñarona, muare rotirãji ñna. “Jesucristona suoriti masare masogũ yiguĩi Dios, yi gua riasoja, guare ti tudirã yirãji gãjerã judio masa. Ito bajiri gua tãbũjaroca yirãji ñna”, yi tuoia guĩirã ñnama, muare wiro ta rotirã. Itire guĩirã ito bajiro muare wiro ta rotirãji ñna. ¹³ Wiro tagoana ñabojarãti, judio masa bucũrã ñna rotire gaye queno cãdi jeomenaji ñna. Cãdi jeomena ñabojarãti muare wiro ta rotirãji ñna. “Galacia gãnare wiro gua ta rotija tuoĩacõri, guare wanurã yirãji masa”, yi tuoĩacõri, ito bajiro muare rotibojarãji ñna. ¹⁴ Ñna robo riasobea yuama. Yucũtẽojũ Jesucristo i godare

oca yu riasoja, iti gayere riti wanua yu. Yure i ejabuarisena suoriti adi macãrucũro gaye gajeonire buto tuoĩabea yu ija. Ito yicõri, ire masicõri adi macãrucũro gaye ñeñarise yi amobea yu. ¹⁵ Mani wiro taja, mani tabeja cuni ñasarise meje ña iti. Itina suori meje manire masogũ yiguĩji Dios. Jesucristore tuorũnucõri mani ñeñaro yirise mani jidicãja, mame tuoĩare gaye ñaroja manire. Iti ña ñasarise. ¹⁶ Ñeñaro mani yirise jidicãcõri, Jesucristore mani tuorũnũja, Dios ñarã ñarãji mani ija. No ito bajiro tuoĩagũre yari Diore busi ñsia yu. Ñna ya usiju queno wanu quenajaro, yirocu mware yari Diore senisotia yu. Ito yicõri mware i ti maitoni, mware yari ire busia yu.

¹⁷ Jesucristo oca yu goti ucujare yure ñeñaro yicã masa. Ito bajiro yure ñna yigore jaje camigodo ña yure. Ito bajiri itire ticõri, “Jesucristo oca goti ucuri masu meje ñami Pablo”, yibeja muu ija.

¹⁸ Yu ñarã bajiroti mware maia yu. Muu ya usiju ñacõri mware queno yijaro mani Uju Jesucristo, yisusa yu. Itocõ ña.

La carta de San Pablo a los Efesios

Efeso cuto gānare Pablo ĩ papera cōare gaye

¹ Nati Efeso gāna m̄ua. Ȳu ña Pablo adi papera m̄uare cōaḡũ. Jesucristore queno tuor̄ũncōri ĩre jidicārā meje ña m̄ua. Jesucristo oca ȳu goti ucure āmoñi Dios. Ito bajiri masare ȳu riaso ucutoni ȳure cūñi ĩ. ² M̄uare yiari mani Jac̄u Diore, ito yicōri Jesucristore c̄uni senia ȳu. M̄uare ti maicōri queno yijaro Dios. Ito yicōri m̄ua ya ūsij̄u queno sajari oca cuti quenaro ñajaro, yiroc̄u Diore senia ȳu m̄uare yiari.

Cristona s̄uoriti quenarise manire cōañi Dios, yire gaye

³ “R̄ētoro queno yiḡu ña Dios m̄u”, mani Ūj̄u Jesucristo Jac̄ure yi r̄ũc̄ub̄uor̄uja manire. Cristo ñarā mani ñajare, quenoguti yiñi Dios manire. Ito bajiro yicōri jeyaro ūmac̄j̄u gaye mani tuoĩa wan̄uroca yami Dios, mani ya ūsij̄u queno mani ñatoni. ⁴ Adi mac̄ar̄uc̄uro ĩ rujeoroto rioj̄ua manire beseñi Dios, ĩ ñarā mani ñatoni. “Cristore tuor̄ũnr̄a yir̄aji ĩna”, yi tuoĩa masicōri, manire beseñi Dios. Ito bajiri manire ti maicōri, “Ñe seti ma ĩnare. Ȳu āmoro bajiro queno yir̄a ñama ĩna”, yi tiguĩji Dios manire. ⁵ Jane mejej̄u manire ti maicōri, manire beseñi Dios. “Ȳu ñarā ĩna ñatoni, ȳu Mac̄u Jesucristore cōaḡũ yiḡuja ȳu”, yi tuoĩayij̄u Dios. Ito bajiro yi tuoĩacōri ĩ r̄ia mani ñaroca yiñi Dios manire. ⁶ Ito bajiro manire ĩ queno yijare, ado bajiro ĩre yi r̄ũc̄ub̄uor̄uja manire: “Ḡuare quenoguti ya Dios m̄u. M̄u Mac̄u Jesure b̄uto maibo jaḡuti ḡua ñeñaro yirise waja, ĩ waja yi ĩsitoni ĩre cōayija m̄u. Ito bajiro yicōri ḡuare masoyija m̄u. R̄ētoro queno yiḡu ña m̄u”, Diore yi r̄ũc̄ub̄uor̄uja manire. ⁷ Manire ti maicōri ado bajiro quenoñi Dios. “M̄u ya r̄inati masa ñeñaro yirise waja, waja yi ĩsiḡũ yiḡuja m̄u”, yiḡu ĩ Mac̄ure cōayij̄u Dios. Ito bajiri Cristore mani tuor̄ũn̄uja ticōri, mani ñeñaro yirisere ācabojoñi Dios. Ito yicōri manire masoñi ĩ. ⁸ Manire ti maicōri b̄uto queno yiñi Dios manire. ĩ gaye queno mani tuo masiroca yiñi. Ito bajiri ĩ ejab̄uarisena ĩ ocare queno tuo masir̄a yir̄aji mani. ⁹ Jane mejej̄u, “Ado bajiro yiḡu yiguĩji Dios”, yi masibisijarā masa maji. Adi r̄um̄ur̄iama Jesucristo ñarā mani ñajare, “Ado bajiro queno yiḡu yiguĩji Dios”, mani yi tuo masiroca yiḡu yiguĩji Dios. Ado bajiro yiḡu yiguĩji ĩ. ¹⁰ Dios ĩ āmori r̄um̄u, manire miojuḡu yiguĩji ĩ. No mani ñaroti, manire āmiḡũ yiguĩji Dios. Ito yicōri ūmac̄j̄u gāna, jaca gāna jeyaro adi sita gaye c̄uni Jesús s̄iḡuti ĩ rotiroca yiḡu yiguĩji Dios. Ito bajiro yiḡu yiguĩji Dios, Jesús s̄iḡuti Ūj̄u ĩ ñatĩñatoni.

¹¹ Dios ĩ tuoĩaro bajiroti jeyaro r̄ētar̄o yiroja. Cristo ñarā mani ñatoni, jane mejej̄u ĩ āmoro bajiroti manire beseñi Dios. “Ado bajiro yiḡu yiḡuja ȳu”, yi tuoĩacōri, ito bajiro yiyij̄u Dios. Ito bajiri Cristo ñarā mani ñaja ticōri, wan̄uḡũ yiguĩji Dios ĩja. ¹² Ḡua judio masama, m̄ua riojuaj̄u Cristore tuor̄ũn̄us̄uocu ḡua. Ḡuare besecōri, Jesucristore ḡua r̄ũc̄ub̄uor̄oca yiñi Dios. “R̄ētoro queno yiḡu ñami Dios. ĩre mani tuor̄ũn̄uja manire masoḡũ yiguĩji ĩ”, ḡua yi r̄ũc̄ub̄uotoni ḡuare cūñi Dios. ¹³ Jesucristore tuor̄ũnr̄a ña m̄ua c̄uni. ĩ oca quenarise tuocōri, “Cristore mani tuor̄ũn̄uja, manire masoḡũ yiguĩji Dios”, yi tuor̄ũn̄uyija m̄ua c̄uni. Ito bajiri Dios ĩ goticādo bajiroti, Esp̄iritu Santo queo s̄ayij̄u Dios m̄ua ya ūsij̄u. Ito bajiro ĩ yijare, “Dios ñarā ña mani”, yi tuoĩa masia m̄ua c̄uni ĩja. ¹⁴ Mani ya ūsij̄u ĩ ñaja, ado bajiro ya mani: “Ȳu ñeñaro yirise waja, waja yi ĩsic̄añi Dios. Ito bajiri ĩ r̄aca catitĩñaḡũ yiḡuja ȳu. Ito yicōri jeyaro ūmac̄j̄u ĩ goticādo bajiroti bujaḡu yiḡuja ȳu”, yi tuoĩa mani. Ito bajiri, “R̄ētoro queno yiñi Dios”, yi r̄ũc̄ub̄uor̄ariti ñar̄uja manire.

Diore tuor̄ũnr̄are ĩ masirise ĩsijaro yiroc̄u, Pablo Diore ĩ seni ĩsire gaye

¹⁵ “Mani Ūj̄u Jesure tuor̄ũncōri ḡajer̄a Jesure tuor̄ũnr̄are tuo mair̄a ñama Efeso gāna”, m̄uare masa ĩna yija tuoc̄u ȳu. Ito bajiro ĩna yija tuocōri, wan̄ua ȳu. ¹⁶ M̄uare wan̄ucōri, “Queno ya Dios m̄u”, yisotia ȳu Diore. Ito bajiri m̄uare tuoĩacōri m̄uare yiari Diore seni jidic̄abea ȳu. ¹⁷ R̄ētoro ñasaḡu ñami mani Jac̄u Dios. ĩti ñami mani Ūj̄u Jesucristo Jac̄u. ĩre senisotia ȳu, m̄uare yiari. ĩ gaye queno m̄ua tuo masitoni, m̄uare

yiari Diore b̄usi ĩsisotia ȳu. Ito yicōri ĩre m̄ua queno masitoni ĩre senisotia ȳu. ¹⁸ Manire besecōri mani ñeñaro yirisere coe jeoñi Dios. Ito yicōri ĩ ñarā mani ñatoni, manire cūñi Dios. ĩ ñarā ñacōri, ũmac̄j̄u catifĩñare gaye boca āmirā yirāji mani. Iti ña oca rētoro quenarise. Itire queno m̄ua tuo masitoni, Diore b̄usisotia ȳu. ¹⁹⁻²⁰ Ado bajiro manire ĩ masirise ĩoñi Dios. ĩ masirise ĩoḡū, Jesús ĩ godaja bero m̄ucana t̄udi ĩ catiroca yiñi Dios. Ito bajiro yicōri ĩ ya riojocad̄uja, r̄uc̄b̄uoraj̄u, Jesús ĩ rujiroca yiyij̄u Dios. Rētoro masiḡū ñami ĩ. Ito bajiri queno manire ejabuagūji, ĩre mani tuor̄ñ̄uja. Itire m̄ua tuo masitoni m̄uare yiari Diore b̄usisotia ȳu. ²¹ Ito bajiro r̄uc̄b̄uoraj̄u Cristore ruji rotiyij̄u Dios adi mac̄r̄uc̄ro rotiri mas̄u ĩ ñatĩñatoni. Ito bajiri Ŭj̄u ñasaḡu ñami ĩ. Ḡajerā rotiri masa rētoro roti masiḡū ñami Jesús. Ñim̄u ḡaji ĩ robo roti masiḡū maqūji. ĩ ñami ñari masa rētoro mani r̄uc̄b̄uoroc̄u. Ito bajiro c̄uyij̄u Dios Jesucristore Ŭj̄u ñasaḡu ĩ ñatĩñatoni. Ito bajiri adi mac̄r̄uc̄ro iti jedija bero Ŭj̄u ñasaḡu ñatĩñacōḡū yigūji ĩ. Ito bajiroti ñatĩñacōḡū yigūji Cristo. ²² Adi mac̄r̄uc̄ro jeyaro ĩ rotiroc̄u c̄uyij̄u Dios Jesucristore. Ito bajiri Cristore mani tuor̄ñ̄uja, ĩti ñami mani Ŭj̄u. Manire ũmatā ñaḡū ñari mani rijoga ñami ĩ. ²³ Cristore tuor̄ñ̄ucōri s̄iḡū bajiro riti ũsi c̄uti ñarā ña mani ĩja. Mani ya ũsij̄u ñagūji Cristo. Ito bajiri ĩ ya ruju robo bajirā ña mani c̄uni ĩja. No mani ñarij̄uti mani r̄aca ñaḡū yigūji Cristo. Cristo ĩ manija ñe gaje manija. Ito bajiri mani r̄aca ĩ ñajare ñe r̄uyabea manire.

2

Manire ti maicōri manire Dios ĩ masore gaye

¹ Iti r̄um̄j̄u Diore tuor̄ñ̄ubiticōri, ñeñaro yirā ñac̄u mani maji. Ito bajirā ñari jeame ũj̄uroj̄u warona ñabojac̄u mani. Ito bajiri godac̄ana robo bajirā ñac̄u mani maji, Diore masibiticōri. ² Iti r̄um̄u adi mac̄r̄uc̄ro ḡana ñeñaro yirā bajiro yibojac̄u mani c̄uni maji. Ito yicōri r̄um̄ua ũj̄ure c̄udibojac̄u mani maji. ĩti ñami Diore c̄udimena ũj̄u, Satanás wame c̄utiḡu. ĩ ñami ñeñaro ĩna yiroca yiḡu. ³ Iti r̄um̄u Diore c̄udibitiana ñeñaro ĩna yiado bajiro yibojac̄u mani c̄uni maji. Mani tuoñaro bajiroti ñeñaro yic̄u mani maji, Diore masibiticōri. Manimasiti mani ya ruju ñeñaro iti tuoñaro bajiro ñeñaro yibojac̄u mani maji. Diore c̄udirā meje ñac̄u mani. Mani ñeñaro yirise waja Diore waja ruyurioc̄u mani maji. Ito bajiri jeame ũj̄uroj̄u warona ñabojac̄u mani maji. ⁴ Ito bajibojarocati manire b̄uto ti maicōri, manire āmosacōyij̄u Dios. Ito bajiri manire yiari queno yiñi ĩ. ⁵ Ñeñaro yirā mani ñaja, Dios ĩ tija, godac̄ana bajiro bajirā ñac̄u mani. Ito bajibojarocati Jesucristore mani tuor̄ñ̄uja ticōri, Cristore m̄ucana t̄udi ĩ catiroca Dios ĩ yiado bajiroti, t̄udi mani catiroca yiyij̄u Dios. Mani queno yirise ticōri meje manire masoñi Dios. Manire ti maicōri, “Ȳu Mac̄re tuor̄ñ̄urā ñama ĩna”, yicōri manire masoñi Dios. ⁶ Cristo ĩ godaja bero m̄ucana t̄udi ĩ catiroca yiyij̄u Dios. Ito yicōri ũmac̄j̄u ĩre āmi m̄uja wacōri ĩ t̄uj̄u r̄uc̄b̄uoraj̄u Cristore ruji rotiyij̄u Dios. Ito bajiri Cristo ñarā ñacōri r̄um̄ua ũj̄ure c̄udirā meje ña mani ĩja. ũmac̄j̄u Cristo r̄aca rujirā bajiro tigūji Dios manire. ⁷ Ito bajiro yiyij̄u Dios, queno ĩ yirise manire ĩoroc̄u. “Jesucristo ñarā mani ñajare, manire ti maicōri quenoguti yiñi Dios”, mani yi tuoñatĩñatoni, manire ĩ queno yirise ĩoñi Dios. ⁸ Manire ti maicōri quenoguti yiñi Dios. ĩ Mac̄u Jesucristore mani tuor̄ñ̄uja ticōri, manire masoñi Dios. Mani queno yigorise waja yiroc̄u meje manire masoñi ĩ. Manire ti maicōri rocati waja senibic̄uti manire masoñi Dios. ⁹ Mani queno yigorise ticōri meje manire masoñi Dios. Ito bajiri, “Ȳu queno yigorise ticōri, ȳure masoñi Dios”, yi masibea mani ĩja. ¹⁰ Dios ĩ rujeoana ña mani. Jane mejeju ĩ tuoña yuc̄ado bajiroti meniñi Dios manire. ĩ Mac̄u Jesucristo ñarā mani ñatoni manire rujeoñi Dios. “Ȳu Mac̄re ĩna tuor̄ñ̄uja, ĩ ejabuarisena quenarise riti yirāji ĩna”, yi tuoñacōri, manire rujeoñi Dios.

Dios r̄aca mani oca c̄utirise quenoñi Cristo, yire gaye

¹¹ Iti r̄um̄u Diore masirā meje ñayija m̄ua maji. Ito bajiri m̄uare ti tudic̄u ḡua masa. “Judio masa meje ñama ĩna. Ito bajiri Diore c̄udibiticōri, ḡua yisotiado bajiro wiro tabeama ĩna”, yic̄u ḡua masa m̄uare. “Diore c̄udirā ñari wiro tagoana ña ḡuama”, yi

ti tudicu gwa muare. “Ito bajiro yi tuoŷayjarã judio masa guare”, yi ãcabojabesa mua. ¹² Iti rumuju Jesucristore masirã meje ñayija mua maji. Dios ñarã meje ñari ï rãca sîgũre bajiro tuoŷabisija mua maji. Ito bajiri, “Ï ñami mani wajacu”, yiado bajiro tuoŷayija mua maji, ïre masibiticõri. “Dios ñarã mani ñajare ï yiado bajiroti manire masogũ yiguŷi ï”, yi tuoŷa yurã meje ñayija mua maji. “Ito bajiro yigu yiguŷi Dios”, yi tuoŷabisija mua. Adi macãrucũro gaye ñeñaro yire tuoŷa wanucõri, Diore masirã meje ñayija mua maji. “Ito bajirã ñabojacu gwa maji”, yi tuoŷaña mua. ¹³ Adi rumuriama Jesucristore tuorũnurã ñari Dios ñarã ña mua ŷja. Manire goda ïsicõri, Dios ñarã mani ñaroca yiyiju Cristo. Ito bajiri ï rãca sîgũ bajiro riti tuoŷarã ña mani ŷja. ¹⁴ Cristo ñami oca quenori masu. Iti rumuju sîgũre bajiro meje tuoŷacu mani maji. Iti rumuju gwa judio masa rãca oca ñacu maji. Ito bajibojarocati mani jeyarore goda ïsicõri oca quenoŷi Cristo. Ito bajiri sîgũ bajiro riti tuoŷarã ña mani ŷja. Cristo oca ï quenoja bero wajana robo bajirã meje ña mani ŷja. ¹⁵ Manire Cristo goda ïsijare, “No Moisés ñayoru rotirisere cudi jeobicuti jeame ŷjuroju wacu yiguŷi”, yire ma ŷja. Manire goda ïsicõri mani gãmeri ti tudirise jediroca yiŷi Cristo. Jua butu mani ñabojarocati, co masa bajiroti mani ñaroca yiŷi Cristo. Ito bajiri gãmeri mani ti tudirise ma ŷja. Oca quenoŷi Cristo ŷja. ¹⁶ Yucutẽoju manire goda ïsicõri, Dios rãca mani queno ñaroca yiyiju Cristo. Ito bajiri, “Ñe seti ma ñare. Yure waja ruyuriobeama ña ŷja”, yi tiguŷi Dios manire. Manire goda ïsicõri, mani gãmeri ti tudirise jediroca yiŷi Cristo. Ito bajiri jua butu gãna mani ñabojarocati, Cristore tuorũnucõri, co masa bajiroti ña mani ŷja.

¹⁷ Oca quenarise gotirocu adi macãrucũroju wadiyiju Cristo. Dios ñarã meje mua ñabojarocati Dios rãca mua oca cutirise quenorocu adi sitaju wadiyiju Cristo. Gwa judio masa, Dios ñarã ñabojarãti ï rãca oca cuticu gwa cuni. Ito bajiri Dios rãca gwa oca cutirise quenorocu adi sitaju wadiyiju Cristo. ¹⁸ Mani ñajedirore goda ïsiyiju Cristo. Ito bajiri judio masa mani ñaja, mani ñabeja cuni, Espiritu Santo ï ejabuarisena Diore busi masia mani ŷja. ¹⁹ Ito bajiri judio masa meje mua ñabojarocati, “Yu ñarã ñama ña”, yigu yiguŷi Dios muare. “Yu Macu Jesucristore tuorũnucõri yu ñarã ñama ña ŷja”, yi tiguŷi Dios muare. Ito bajiri Cristore tuorũnucõri co masa ña mani ŷja. Dios ñarã riti ñacõri cojuti ñatĩñarona warã ya mani. ²⁰ Gũta wi masa ña meni ãmoja, sita butirise ãmarã yirãji ña, wi iti jujabe yirona. Sita quenarise bujacõri, gũta ajeri quenarise ãmarã yirãji ña, yoari iti wi ñatoni. Jesucristo ï cũana ito yicõri Diore goti ïsiri masa, sita queno buti quenarise robo bajirã ñama ña. ña riasorisere tuocõri, Cristore tuorũnu judicãmenaji mani ŷja. Gũta wi meniroti bajiro bajirã ña mani. Ito yicõri gũtagã ñasarica ña cõaraga robo bajigu ñami Jesucristo. Ï ñami manire ŷmatã ñagũ. ïre mani tuorũnuja, catitĩñarã yirãji mani. ²¹ Cristore tuorũnucõri, sîgũ robo bajiro riti tuoŷarã yirãji mani. Ito bajiri Dios ñarã ñari queno ïre moa ïsirã yirãji mani. Ito bajiro mani yija ticõri, gãjerã cuni Diore rucuburã yirãji. Jesure tuorũnucõri, ï rãca Diore wi meni ïsirona bajiro bajirã yirãji mani. Mani ya usiju Dios ï ñaja, ï ya wi robo bajiro yiroja mani ya rujju. Ito bajiri Jesure riti mani tuorũnuja, quenari wi Diore meni ïsiado bajiro bajirã ñarã yirãji mani. ²² Gwa masa meje ñabojarãti Jesucristore tuorũnucõri Dios ñarã ña mua cuni ŷja. Ito bajiri cocati ïre moa ïsicõri, ï ñarã riti ña mani. Ï ya ŷsi manire ï queo sãjare, ï ya wi robo bajirã ña mani ŷja.

3

Judio masa mejere cuni Dios oca Pablo ï gotire gaye

¹ Yu ña Pablo, Jesucristore moa ïsiri masu. Mua judio masa meje ñarãre Jesucristo oca yu riasoja ticõri, ado tubiara wijju yure cũama ña. Adocãta Dios ñarã mua ñajare muare yiari Diore seni ïsisotia yu. ² “Judio masa meje mua ñabojarocati, muare ti maicõri, muare queno yiŷi Dios”, yi riasoa yu muare. Yure queno yijaro yirocu, ito bajiro muare riasorocu yure cũni Dios. “Itire masirãji ña”, yi tuoŷa yu muare. ³ “Judio masa meje ñarãre cuni ti maicõri, ñare masogũ yiguŷi Dios”, yi yu tuoŷa masiroca yiŷi Dios yure. Iti rumuju iti ocare masibisijarã masa. Ito bajiri iti paperana jabeto muare gotisuoã yu

itire ⁴ Y μ ucare ticōri, “G μ are c μ ni goda ĩsi \tilde{n} i Cristo. Iti oca g \tilde{a} jer \tilde{a} ĩna masibitire, queno masiami Pablo”, yir \tilde{a} ji m μ a y μ ucare ticōri. ⁵ B μ c μ r \tilde{a} \tilde{n} ayoana iti ocare masibisjar \tilde{a} ĩna. Adi r μ m μ riama g μ a Jes \tilde{u} s ĩ c \tilde{u} ana, Diore goti ĩsiri masare c μ ni, ĩ ya \tilde{u} si ĩnare queo s \tilde{a} cōri iti ocare ĩna masiroca yiyij μ Dios. ⁶ Ado bajiro bajaia iti oca: Judio masa, judio masa mejere c μ ni, Cristo oca quenarisere mani t μ or \tilde{u} n μ ja, manire masog \tilde{u} yigu \tilde{u} ji Dios. Ito bajiri ĩ \tilde{n} ar \tilde{a} \tilde{n} acōri, co masa bajiroti \tilde{n} ar \tilde{a} yir \tilde{a} ji mani. Ito bajiro Cristore t μ or \tilde{u} n μ cōri Dios ĩ gotic \tilde{a} do bajiroti ĩ ĩsirotire boca \tilde{a} mir \tilde{a} yir \tilde{a} ji mani.

⁷ Y μ re ti maicōri, iti oca quenarise masare y μ goti ucutoni y μ re c \tilde{u} ni Dios. Ito yicōri ĩ oca queno y μ goti masitoni y μ re ejab μ ami Dios ĩ masirisena. ⁸ “Queno yig μ meje y μ \tilde{n} abobarocati y μ re bese \tilde{n} i Dios”, yi t μ o \tilde{a} y μ . G \tilde{a} jer \tilde{a} Cristore masir \tilde{a} beroj μ a gag μ \tilde{n} a y μ . Y μ tija \tilde{n} asag μ meje \tilde{n} a y μ . Ito bajibobarocati y μ re ti maicōri, y μ re bese \tilde{n} i Dios. Y μ re besecōri, judio masa meje \tilde{n} ar \tilde{a} re c μ ni Cristo oca y μ gotitoni y μ re c \tilde{u} ni Dios. “Cristore m μ a t μ or \tilde{u} n μ ja, r \tilde{e} toro queno yig μ yigu \tilde{u} ji Dios m μ are”, y μ yi goti ucutoni y μ re c \tilde{u} ni Dios. ⁹ “Judio masa meje \tilde{n} ar \tilde{a} re c μ ni masog \tilde{u} yigu \tilde{u} ji Dios”, y μ gotire \tilde{a} mogu \tilde{u} ji Dios, \tilde{n} ajediro masa ĩna masitoni. Adi mac \tilde{a} r μ c \tilde{u} ro ĩ rujeoroto rioj μ a, “Y μ Mac \tilde{u} re ĩna t μ or \tilde{u} n μ ja, judio masa meje \tilde{n} ar \tilde{a} re c μ ni masog \tilde{u} yig μ ja y μ ”, yi t μ o \tilde{a} yij μ Dios. Ito bajibobarocati iti oca masa ĩna masiroca yibisij μ Dios maji. ¹⁰ Judio masa meje \tilde{n} ar \tilde{a} re c μ ni masocōri, ĩ masirise ĩoyij μ Dios. Ito bajiri adi r μ m μ ri ĩja \tilde{a} ngel mesa, \tilde{u} mac \tilde{u} ja rotiri masa c μ ni ado bajiro yir \tilde{a} yir \tilde{a} ji ĩna: “Jeyaro masig \tilde{u} \tilde{n} ami Dios. Quenarise riti t μ o \tilde{a} g \tilde{u} \tilde{n} ami ĩ. Judio masa, judio masa mejere c μ ni ĩ masoja bero, s \tilde{u} g \tilde{u} bajiro riti t μ o \tilde{a} r \tilde{a} \tilde{n} ama ĩna ĩja”, yir \tilde{a} yir \tilde{a} ji \tilde{u} mac \tilde{u} ja g \tilde{a} na. ¹¹ Jane mejej μ adi mac \tilde{a} r μ c \tilde{u} ro ĩ rujeoroto rioj μ a, “No y μ Mac \tilde{u} Jesucristore t μ or \tilde{u} n μ r \tilde{a} y μ \tilde{n} ar \tilde{a} riti \tilde{n} ar \tilde{a} yir \tilde{a} ji ĩna”, yi t μ o \tilde{a} sotiyij μ Dios. ĩ t μ o \tilde{a} sotiro bajiroti r \tilde{e} ta adi r μ m μ ri ĩja. No mani \tilde{u} j μ Cristore t μ or \tilde{u} n μ g \tilde{u} ti Dios yag μ \tilde{n} agu \tilde{u} ji. ¹² Jesucristore t μ or \tilde{u} n μ cōri, “Y μ re masog \tilde{u} yigu \tilde{u} ji Dios”, yi t μ o \tilde{a} mani ĩja. Ito bajiri ĩre masicōri g \tilde{u} imenati Diore b μ sia mani. ¹³ M μ a judio masa meje \tilde{n} ar \tilde{a} re Cristo oca y μ riasoja ticōri, tubiara wij μ y μ \tilde{n} e \tilde{n} aro t \tilde{o} b \tilde{u} jaroca yama ĩna. Itire masicōri, “B \tilde{u} jato bajaia”, yi t μ o \tilde{a} bojori b \tilde{u} jabesa m μ a. “Pablo gotija t μ ocōri, Jesucristore t μ or \tilde{u} n μ s μ oc μ g μ a. Ito bajiri Dios \tilde{n} ar \tilde{a} \tilde{n} a g μ a ĩja”, yi wan μ r μ ja m μ are.

Cristo manire ĩ maire gaye

¹⁴ R \tilde{e} toro queno t μ o \tilde{a} g \tilde{u} \tilde{n} ari judio masa mejere c μ ni masog \tilde{u} yigu \tilde{u} ji Dios. Ito bajiri itire t μ o \tilde{a} cōri, rijomunig \tilde{a} na \tilde{n} ini r \tilde{u} jj μ a y μ , Mani Jac μ Diore r \tilde{u} c μ b μ oroc μ . ¹⁵ Jeyaro Dios \tilde{n} ar \tilde{a} , \tilde{u} mac \tilde{u} ja c μ ni, adi sitaj μ c μ ni ĩ rujeoana riti \tilde{n} a mani. Ito bajiri ĩti \tilde{n} ami mani Jac μ \tilde{n} asag μ . ¹⁶ R \tilde{e} toro masig \tilde{u} \tilde{n} ari, manire queno ejab μ a masigu \tilde{u} ji Dios. Ito bajiri m μ are yiari ado bajiro Diore senia y μ , “M μ ya \tilde{u} si ĩnare queo s \tilde{a} cōri queno ĩna t μ o \tilde{a} oca s \tilde{e} oroca yiya”, yi senia y μ Diore m μ are yiari. ¹⁷ “Jesucristore t μ or \tilde{u} n μ r \tilde{a} ĩna \tilde{n} ajare ĩre riti ĩna c \tilde{u} diroca yiya”, ya y μ Diore m μ are yiari. Manire ĩ maiado bajiroti g \tilde{a} jer \tilde{a} re m μ a maire \tilde{a} moa y μ . ¹⁸ No mani \tilde{n} aroti manire t μ o maig \tilde{u} yigu \tilde{u} ji Cristo. \tilde{u} mac \tilde{u} ja, jacaj μ c μ ni no mani \tilde{n} aroti manire maig \tilde{u} yigu \tilde{u} ji ĩ. Wesicaj μ , rocaj μ c μ ni no mani \tilde{n} aroti manire maig \tilde{u} yigu \tilde{u} ji Cristo. “Manire maisagu \tilde{u} ji Cristo”, yi t μ o \tilde{a} r \tilde{a} r \tilde{a} ca s \tilde{u} g \tilde{u} re bajiro m μ a t μ o \tilde{a} re \tilde{a} moa y μ . Ito bajiro m μ a t μ o \tilde{a} toni m μ are yiari Diore senia y μ . ¹⁹ Manire maisac \tilde{o} ami Cristo. “Adoc \tilde{o} manire maigu \tilde{u} ji”, yi mani t μ o \tilde{a} ro r \tilde{e} to b μ saro manire maigu \tilde{u} ji Cristo. “Riti bajaia iti”, m μ a yitoni, Diore senia y μ . Ito bajiri Diore t μ or \tilde{u} n μ r \tilde{e} toc \tilde{u} cōri ĩ \tilde{a} mor \tilde{o} bajiro riti m μ a yire \tilde{a} moa y μ .

²⁰ Mani ya \tilde{u} sij μ Dios ĩ \tilde{n} ajare, ĩ masirisena manire queno ejab μ a masigu \tilde{u} ji Dios. ĩre mani seniro r \tilde{e} to b μ saro ejab μ agu \tilde{u} ji Dios manire. Ito yicōri mani t μ o \tilde{a} ro r \tilde{e} to b μ saro ejab μ a masigu \tilde{u} ji ĩ manire. Itire t μ ocōri, “R \tilde{e} toro queno yig μ \tilde{n} a Dios m μ ”, yi ĩre r \tilde{u} c μ b μ ot \tilde{i} \tilde{n} ar μ ja manire. ²¹ Jesucristona s μ oriti manire maso \tilde{n} i Dios, ĩ \tilde{n} ar \tilde{a} mani \tilde{n} atoni. Ito bajiri ĩre r \tilde{u} c μ b μ ot \tilde{i} \tilde{n} ar μ ja manire. “R \tilde{e} toro masig \tilde{u} \tilde{n} a Dios m μ ”, yi r \tilde{u} c μ b μ ot \tilde{i} \tilde{n} ar μ ja mani ĩre. Ito bajiro riti bajit \tilde{i} \tilde{n} ajaro.

¹ Mani ʒju Jesucristo oca masare yu riasoja ticōri, adoju tubiara wi yure tubiacā ina. Muare yu riasogore tuoīacōri ado bajiro muare riasoa yu mucana. “Quenarise riti mani yi ntoni manire beseñi Dios”, yi tuoīarā ña mua. Ito bajiri, “Ī amoru bajiro riti cudisotiya mua”, yi josa yu muare. ² “Gājerā rētoro ñasagu ña yu”, yi tuoīabesa mua. Quenoti gājerāre mua rotija quena. Ito yicōri gājerāre usirioro yi codebesa. Gājerā ina muare ñeñaro yija, ñare ti tudibesa. Ñare ti maicōri, ñare ejabuaya mua. ³ Gāmeri ejabuacōri oca mano ñaña mua. Sīgū bajiro riti mani tuoīaroca yigu ñami Espiritu Santo. Ito bajiri wanure rāca ire cudisotiya mua. Ito bajiro mua yija ticōri, sīgūre bajiroti mua tuoīaroca yigu yiguīji ĩ. ⁴ Sīgū ñabojaguti mani jeyarore queda sājañi Espiritu Santo. Ito bajiri Jesucristore tuorūncōri sīgū bajiro riti tuoīarā ña mani ĩja. Ito yicōri co masa bajiro ña mani ĩja. Dios ĩ beseana ñari, “Dios rāca catitīñagū yiguja yu”, yi tuoīa mani. ⁵ Sīgūti ñami Jesucristo mani ʒju. Ito bajiri ĩ sīgūreti tuorūnua mani. “Cristore tuorūnugū ñaguīji ĩ cuni”, yi gājerā ina ti masitoni idé gu rotia mani. ⁶ Mani Jacu Dios sīgūreti rucubuo mani. ĩ sīgūti ñami mani jeyarore roti masigū. Mani ya usiju ñacōri, manire ejabuaguīji Dios. Ito bajiri ire mani moa ĩsi masitoni mani jeyarore ejabuagu yiguīji ĩ.

⁷ Ire mani moa ĩsisatoni mani masiroca yigu ñami Cristo. Manire ti maicōri, ĩ amoru bajiro mani moa ĩsisaroca yami Cristo. ⁸ Ito bajiri ado bajiro gotia Dios oca tuti: Ūmacūju ĩ tūdi waroto riojua ĩ wajanare rētocūgū yiguīji Cristo. Ito bajiro yicōri jaje quenarise ĩ ñarāre ĩsigū yiguīji Cristo, yi gotia Dios oca tuti.

⁹ Tite mua: “Ūmacūju tūdi wacu yiguīji ĩ”, yi gotia Dios oca. “Ūmacūju ĩ tūdi waroto riojua, cajero jacaju adi sitaju ruji ejañi ĩ”, yi tuoīa mani. ¹⁰ Adi sita rocajuga tuti ejaru ĩti ñami mucana ūmacūjuga weca tuti mija waru. “Coju ruyabeto roticuja yu”, yirocu ito bajiro yiyiju Jesucristo ĩ masirisena. Ito bajiri jeyaro roti masiguīji Cristo. ¹¹ ĩti ñami queno mani moa masiroca yigu. Tite mua. Mani coriarāre ĩ oca mani goti ucutoni cūñi. Gājerā Diore goti ĩsiri masa mani ntoni cūñi Cristo. Gājerā ire ina tuorūnūtoni, ejabu masiama ina. Gājerā queno Jesucristore masirāre ūmatā ña masiama ina. Ito yicōri gājerā queno masare ina riaso masiroca yiñi Cristo. ¹² Ito bajiro mani masiroca yiñi Cristo, Diore yiari queno mani moa ĩsitoni. Ito yicōri mani oca seotoni, cocati mani gāmeri ejabu masiroca yiñi Cristo. Ito bajiro ĩ yijare ĩ ñarā ñari, sīgū bajiro riti tuoīarā ña mani ĩja. ¹³ Ito bajiri sīgūre bajiro tuoīacōri coro bajiroti Cristore tuorūnurā yirāji mani. Ito bajiro yicōri, Dios Macure queno masirā yirāji mani. Mani ya usiju ĩ ñajare, ire bajiroti tuoīarā yirāji mani cuni. Yoari ire masicōri, queno cūdirā yirāji mani. ¹⁴ Rāca bajiro mani tuoīare amobiquīji Cristo. Biyaro mani tuoīarise wasoare amobiquīji Cristo. ĩ sīgūreti mani tuorūnure amoguīji ĩ. Ito bajiri gājerā ricati tuoīarā, queno oca ina gotibojarocati, ñare tuorūnūmenaji mani. ¹⁵ Ado bajirojua yirāji mani. Gājerāre ti maicōri, riojo oca gotirā yirāji mani. Ito yicōri, buto busa Cristore tuorūncōri, ĩ amoru bajiro riti cūdirā yirāji mani. ĩti ñami mani ʒju. Ito yicōri, ĩ ñarā ña mani. ¹⁶ Jājarā mani ñabojarocati sīgūre bajiro tuoīacōri ire mani moa ĩsiroca yami Cristo. Manire ūmatā ñagū ñari, mani rijoga ñami Cristo. Ito yicōri ire moa ĩsirā ñari ĩ ya rujū robo bajirā ña mani. Riojo ire mani cūdija, cocati queno moarā yirāji mani. Gāmeri ti maicōri, gāmeri queno ejabuarā yirāji mani. Ito yicōri buto busa Cristore tuorūnurā yirāji mani.

Cristona suoriti mame tuoīare ña manire, yire gaye

¹⁷ Mani ʒju Cristo ĩ yure rotijare, ado bajiro busia yu muare: Diore masimena ina yiro bajiro mucana tūdi ñeñaro yibesa mua. Ina tuoīaro bajiroti yibojama ina. Ñare bajiro yibesa muama. ¹⁸ Dios ocare tuo amobiticōri, “Ado bajiro yu yi ñare amoguīji Dios”, yi masimenaji ina. Ito bajiri Dios ñarā meje ñari ĩ rāca sīgū bajiro tuoīamenaji ina. Ito bajiro bajirā ñari Dios ocare tuo masimena yirāji ina ĩja. ĩ ocare tuo masibiticōri, rāitāroju ñarā bajiro bajirāji ina. ¹⁹ “Iti ña ñeñarise”, yi masibojarāti ñeñaro yi uyacōrāji ina. Ito yicōri ñeñaro ina yija bero ñabojarocati, “No yibea”, yirāji ina. Ina amoru bajiroti romia rāca, ūmua rāca cuni jeyaro ñeñaro ina yirise yirāji ina. Ina tuoīaro bajiroti buto ñeñarise yi uyarā yirāji ina. ²⁰ Jesucristo ocare masibojarāti, “Īre masimena bajiro ñeñaro gua

yire, âmobiqũji Cristo”, ¿yi masibeati mũa? ²¹ Jesucristo oca quenarise ĩ riasore gaye tũogoana ña mũa. ĩ ocare tũorũnrã mũa ñaja, “ĩ oca ñasarise ña”, yi tũoĩarã yirãji mũa. ²² Iti rũmũ Jesucristore mũa masiroto riojũa, ñeñarise yi ñayija mũa. Ñeñaro tũoĩacõri, bũto bũsa ñeñaro yi ñayija mũa maji. Ito bajiri ñeñaro tũoĩarisere mũcana itire tũdi tũoĩabesa mũa. Itire jidicãña mũa ĩja. ²³ Ñeñaro tũoĩarise jidicãcõri, Dios ĩ tũoĩaro bajirojũa mame tũoĩare wasoaya mũa. ²⁴ Mame tũoĩare wasoacõri, Dios ĩ âmoro bajiro yija mũa. ĩre bajiro quenarise riti mani yitoni mame tũoĩare gaye manire wasoacõañi Dios. Ito bajiro ĩ yijare ñeñarise tũoĩamenati quenarise riti mani yija quena.

²⁵ Ito bajiri mũa socare oca cũni jidicãña. Ñasarise riti gãmeri oca gotiya mũa. Cristo ñarã ñari, co masa robo bajirã ña mani ĩja.

²⁶ Gãjire junisinibojarãti, ĩre ñeñaro yibesa mũa. Ito yicõri ũmacañi ĩ quedi sãjaroto riojũa oca quenocõri, mũa junisinirise jidicãma. ²⁷ Mũa junisinirise mũa jidicãbeja, rũmũa ũjũre cũdirã yirãji mũa. Ito bajiri itire yibesa mũa.

²⁸ Rinigoana mũa ñaja, tũdi mũcana rinibesa. Ado bajirojũa mũa yija quena. Waja bũjarona queno moaña. Waja bũjacõri, bojoro bũjarãre ejabũaya.

²⁹ Oca ñeñarise bũsibesa mũa. Ado bajirojũa mũa yija quena. Gãjerãre ejabũarona oca quenarise riti bũsiya. Ito bajiro mũa bũsija tũocõri, tũoĩa oca sẽorã yirãji ĩna. Ito yicõri bũto bũsa Diore tũorũnrũ amorã yirãji ĩna. ³⁰ Ñeñaro mani yija ticõri, bojori bũjagũ yiguũji Espĩritu Santo. Ito bajiri itire yibitirũja manire. ĩ ñami mani ya ũsijũ quedi sãjarũ. Manire ĩ quedi sãjaja bero, “Dios yagũ ña yũ. Ito bajiri masa ĩna ñeñaro yirise waja Dios ĩ waja seniri rũmũ yũre masogũ yiguũji ĩ”, yi tũoĩa mani.

³¹ Gãjire ñeñaro mũa tũoĩaja, jidicãña itire. Gãjire mũa ti tudija, jidicãña. Gãjerãre mũa junisinirise jidicãña. Gãjerãre ñeñaro bũsitubesa. Gãjire oca menibesa. Gãmeri tudirisere jidicãña mũa. Ito yicõri gãjerãre ti tudibesa mũa. ³² Ado bajirojũa mani yija quena. Gãjerãre ti maicõri, ĩnare queno yirũja manire. Manire ñeñaro ĩna yibojarocati, ĩnare mani ãcabojoja quena. Dios cũni mani ñeñaro yirisere ãcabojoñi ĩ, Jesucristore tũorũnrũ mani ñajare. Ito bajiri gãjerã ñeñaro manire ĩna yibojarocati itire mani ãcabojoja quena.

5

Dios rĩa mani ñaja ado bajiro ñarũja, yire gaye

¹ Dios rĩa, ĩ mairã ñari, queno ĩ yiado bajiroti queno yĩana mani cũni. ² Manire Cristo ĩ mairo bajiro gãjerãre cũni mairũja manire. Manire ti maicõri, mani ñeñaro yirise waja, waja yi ĩsirocũ goda ĩsiñi Cristo. Manire Cristo ĩ queno yigore ticõri, bũto wanũyijũ Dios.

³ Dios ñarã ña mani ĩja. Ito bajiri mani ũmũa romiare ajebitirũja manire. ũmũare ajebesa romia mũa cũni. Ñeñarise ñarocõti yibitirũja manire. Ito yicõri gãji ya gajeonire ti ũobitirũja manire. Ñeñaro yibitirũja manire, “Ñeñaro yirã ñama ĩna”, gãjerã ĩna yibe yirona. ⁴ Oca ñeñarise bũsibitirũja manire. Tũoĩamenati bũsibitirũja manire. Ito yicõri romia rãca ajere gaye bũsibitirũja manire. Quenarise meje ña iti. Ado bajirojũa bũsirũja manire. “Manire queno yami Dios”, yi gãmeri bũsi wanũrũja manire. ⁵ Tũoya mũa. Riti mũare gotia yũ. Ñeñaro yirã Cristo ñarã meje ñama ĩna. Ito bajiri Dios ĩ rotirojũ ejamenaji ĩna. No rocati romiare ajegũ, Dios tũjũ ejabiquũji ĩ. Coriarã Diore mairo rẽto bũsaro gajeonire mairãji ĩna. Dios ĩ tija ĩre rũcũbũorã meje ñarãji ĩna. Ito bajiri ĩnaõna Dios ĩ rotirojũ ejamenaji. ⁶ “Ñeñarise meje ña iti”, yi rũorãre tũobesa mũa. Ñeñaro yirãre ti tudiguũji Dios. ĩna cũdibitire waja tũbũjarã yirãji ĩna. ⁷ Ito bajiri ĩnare bajiro yibe yirona, ĩna rãca baba cũtibesa mũa.

⁸ Iti rũmũ ñeñaro yisoticõri, rãitĩarojũ ñarã robo bajiro ñayija mani maji. Adi rũmũriama Jesucristore masicõri, busurojũ ñarã robo bajiro ña mani ĩja. “Iti ña ñeñarise. Iti ña quenarise”, mani yi masiroca yami mani ũjũ Jesucristo. Ito bajiri ĩ ñarã ñari queno yi ñarũja manire. ⁹ Mani ya ũsijũ Espĩritu Santo ĩ ñajare, busurojũ ñarã bajiro ña mani ĩja. Ito bajiri quenarise riti yirũja manire. Ñeñarise yimenati, Dios ĩ âmoro bajiro riti yirũja

manire. Mani busija ñasarise gotiruja manire. ¹⁰ “Ado bajiro yu yija, wanugũ yiguĩji Dios”, yi masirona, quenarise riti yĩaruja manire. ¹¹ Diore masimena, rãitĩaroju ñarã bajiro ñarãji ña. Ña ñeñaro yirisere ti wanubiquĩji Dios. Ī tu waja bajamenaji ña. Ito bajiri ña rãca ñeñaro yibesa mua. Ado bajirojua mua yija quena. Ñeñaro yirãre Dios oca ñare goti masioña, “¿Ñeñaro yirã ñayijari gua?” ña yi tuo masitoni. ¹² Masa gãjerã ña tibeto buto ñeñarise yirã ñarãji ña. Ña ñeñaro yigore mani busija, buto bojorise ña. Ito bajiri itire busibitiruja manire. ¹³ Ado robojua mani yija quena. Dios oca ñare mani goti masioja, busuro queno ruyuroju ñarã bajiro ñacõri, ña ñeñaro yirisere ti masirã yirãji ña. “¿Ñeñaro yirã ñayijari gua?” yi tuo masirã yirãji ña ĩja. Ito bajiro tuoĩacõri, coriarã Jesucristore boca amirã yirãji gajea. ¹⁴ Ito bajiri ado bajiro gotia Dios oca:

Caniana, godacãna bajiro bajirã ña mua. Ñeñaro yibojarãti, “Ñeñaro yirã ña gua”, yibea mua. Ito bajiri yujiya, Cristore tuorũnũña mua. Busuroju ñarã bajiro mua ñaroca yigu yiguĩji Cristo, yi gotia Dios oca.

¹⁵ Diore masirã ñari, queno tuoñaña, Dios ĩ amoro bajiro mua yi ña masitoni. Diore masimena bajiro yi ñabesa mua. Diore masirã ñari ĩ amoro bajiro riti yi ñaña mua. ¹⁶ Adi rumuri buto ñeñarise yama masa. Ito bajiro ña yibojarocati quenarise yi ñaña muama. “Tudi ejagu yiguĩji Cristo”, yi tuoĩacõri, Diore moa ĩsiña mua. ¹⁷ Rocati queno tuoĩamena bajiro bajibesa mua. Dios ocare queno tuo masiña, ĩ amoro bajiro mua yi masitoni. ¹⁸ “Idire queacõri, wanugũ yiguja yu”, yi tuoĩabesa mua. Ito bajiro mua queaja, ñeñaro yirã yirãji mua. Ado bajirojua yija. Espiritu Santo mua ya usiju ĩ ñajare, ĩ robo tuoĩacõri ĩ amoro bajiroti yija. ¹⁹ Espiritu Santo rãca sigũ bajiro riti tuoĩacõri, mani Uju Jesucristo ocare gãmeri busi wanũña mua. Ito bajiro busi wanucõri, ĩ ocare basa sãaña. Ito yicõri ĩre wanũrã, mua ya usina ĩre basa rucubuoja mua. ²⁰ Cristo ñarã mani ñajare, “Queno ya Dios mu”, yiruja manire mani Jacure. “Queno ya Dios mu. Dise ruyabeto mu yisotirise quenarise riti ña”, mani yija, mani Uju Jesucristo wamenati yisotiruja manire.

Cristore tuorũnũrã ñari ado bajiro mani ñaja quena, yire gaye

²¹ Cristore rucubuoã ñari, gãjerã ĩre masirãre cuni rucubuoja quena. Ito yicõri rucubuoã rãca gãmeri cudiya mua.

²² Tuoya romia mua, muare busigu ya yu. Mani Uju Cristore mani cudiro bajiroti mua manujusabatiare queno cudiya quena. ²³ Mua manuju cutija bero, ĩti ñami mua uju. Ito bajiroti Cristo ñarã mani ñaja, ĩti ñami mani Uju. Manire umatã ñagũ ñari mani rijoga bajiro bajigu ñami Cristo. Ito yicõri ĩre moa ĩsirã ñari ĩ ya rujũ robo bajirã ña mani. Manire masorocũ manire goda ĩsiñi ĩ. ²⁴ Ito bajiri mani Cristo ñarã, ĩre mani cudiro bajiroti mua manujusabatiare cuni cudiisotiya mua.

²⁵ Tuoya umua mua, muare busigu ya yu. Mua manojosãromiare buto maiña mua. Manire cuni buto maiguĩji Cristo. Ito bajiri ĩ ñarã mani ñatoni, manire yari goda ĩsiñi ĩ. Manire ĩ mairo bajiroti mua manojosãromiare maiña mua cuni. ²⁶ Manire goda ĩsiñi Cristo mani ñeñaro yirise coerocũ. Ito yicõri manire beseñi ĩ ñarã riti mani ñatoni. Dios ocare mani tuorũnũja ticõri, mani ñeñaro yirise coeñi Cristo. Mani ñeñaro yirise jidicãcõri, idé gu roticũ mani. Ito bajiro ĩre mani tuorũnũja ticõri, mani ñeñaro yirise coeñi Cristo. ²⁷ Ito bajiro manire coeñi Cristo, ĩ riojo seti mana mani ejatoni. Ito bajiro manire ĩ yicãre ñajare, ĩ riojo ñeñaro yimena bajiroti ejarã yirãji mani. Ito yicõri seti mana bajiro ejarã yirãji mani, ĩ riojo. “Queno yirã ña mua”, yi manire boca amigũ yiguĩji ĩ. ²⁸ Mua manajo cutirã ito bajiroti mua manojosãromiare queno tuoĩaja quena. Mua ya rujuri mua mairo bajiroti mua manojosãromiare cuni maiña. Mua manajo cutija bero, jũarã ñabojarãti co rujũ bajiroti rujũ cutirã ña mua. Ito bajiri mua manojosãromiare mua maija, mua ya rujuri mairo bajiroti maia mua. ²⁹⁻³⁰ Mani ya rujure ti tebea mani. Mani ya rujure maicõri, itire queno tirũnũrã yirãji mani. Ito bajiroti Cristo cuni queno tirũnũgũ yiguĩji ĩ ñarãre. ĩ ñarã ñari, ĩ ya rujũ robo bajirã ña mani. Ito bajiri manire queno tirũnũgũ yiguĩji Cristo. ³¹ Ado bajiro gotia Dios oca: “Sigũ manajo cuticõri jũarã ñabojarãti, co rujũ bajiroti rujũ cutirã ñarãji ña. ĩ manajo cutija, ĩ jacũ ĩ jaco rãca cuni

ñabiquĩji ĩja. Ito yicõri jũarã ñabobarãti co ruju bajiroti ruju cutirã yirãji ĩna”, yi gotia Dios oca. ³² Iti ocare mani tuo masi ãmoja, josari ña. Ito bajibobarocati iti oca queno manire goti masioa. “Cristo ñarã ĩ ya ruju robo bajirã ñama”, yi riasoa iti oca. ³³ Manojõ cutire gaye cuni queno riasoa iti oca. Ito bajiri m̄cana m̄are gotia yu. M̄a manojõsaromiare queno maiña. M̄a ya rujuare m̄a mairo bajiroti queno m̄a manojõsaromiare maiña. Romia m̄a cuni, queno r̄uc̄buocõri, m̄a manuj̄sabatiare c̄diya.

6

¹ R̄aca tuoja m̄a cuni, m̄are busigu ya yu. M̄a jac̄sabatiare yiro robo c̄diya. Mani Uju Jesucristo ñarã ñari, m̄a jac̄sabatiare queno c̄diruja m̄are. Ito bajiro m̄a yija Cristo ãmoro bajiro queno yirã yirãji m̄a. ²⁻³ “Yure m̄a c̄diya ado bajiro yic̄ja yu”, yi tuoña wacu ado bajiro rotis̄oyiju Dios. “M̄a jac̄, m̄a jacore cuni r̄uc̄buoya”, yi gotiyiju Dios. Ito bajiro ĩ rotija bero, gaje ado bajiro gotic̄yiju Dios: “M̄a jac̄sabatiare m̄a queno r̄uc̄buoja, adi sita ñarã yoari wanu quena cati ñarã yirãji m̄a”, yi gotic̄yiju Dios.

⁴ R̄a cutirã tuoja m̄a, m̄are busigu ya yu. Biyaro m̄a r̄a junisiniroca yibesa. Ado bajirojua m̄a yija quena. Mani Uju ĩ ãmoro bajiro ĩnare ti maicõri, queno ĩnare masoña. Ñeñaro ĩna yija, ĩnare gotiya ĩna tuo masitoni. Ito yicõri queno ĩnare riasoya m̄a, Cristore queno ĩna tuor̄un̄toni.

⁵ Gãjerãre moa ĩsiri masa tuoja m̄a, m̄are busigu ya yu. Wanure r̄aca m̄a ujarãre queno c̄diya m̄a. Ito yicõri ĩnare güi r̄uc̄buoya. Cristore tuor̄un̄cõri, ĩre queno c̄dia m̄a. Ito bajiroti m̄a ujarãre cuni queno c̄diya quena. ⁶ “Yu ujarã yure ĩna wan̄toni ĩna tiroca riti queno moagũ yiḡja yu”, yi tuoĩabesa m̄a. ĩna tiroca, ĩna tibeja cuni queno ĩnare moa ĩsija quena. Cristore m̄a moa ĩsiri bajiroti queno m̄a ujarãre cuni moa ĩsija quena. M̄a ya usina Diore maicõri, ĩ ãmoro bajiro queno moa ĩsiña m̄a ujarãre. ⁷ Wanure r̄aca queno m̄a ujarãre moa ĩsiña m̄a. “ĩnare yu queno c̄diya, Cristore cuni queno c̄dia yu”, yi tuoĩacõri, m̄a ujarãre cuni queno moa ĩsiña. ⁸ “Mani yiro bajiroti, manire waja yigu yiguĩji Dios”, yi tuoña mani. Moa ĩsiri masa mani ñaja, moa ĩsiri masa meje mani ñaja cuni, mani queno yiro bajiroti manire waja yigu yiguĩji Dios.

⁹ Moari masa ujarã tuoja m̄a, m̄are busigu ya yu. M̄are moa ĩsiri masare queno yija m̄a. ĩnare cuni queno m̄are c̄di rotibu yu. M̄are moa ĩsiri masare usirioro yicõri, ĩna güiroca yibesa. S̄igũ ñami ũmac̄ju gagu mani Uju. M̄are moa ĩsiri masa Uju cuni ñaguĩji ĩ. “Mani yigore ti cõĩacõri, ito bajiroti manire waja senigũ yiguĩji Dios”, yi tuoña masiña m̄a.

R̄m̄ure mani r̄etoc̄toni manire ejabuagu yiguĩji Cristo, yire gaye

¹⁰ Yu ñarã susari m̄are ado bajiro gotisusa yu. Mani Uju r̄aca sigũ bajiro riti tuoĩacõri, ĩ masirisena buto busa ĩre tuor̄un̄ña m̄a. Ito bajiro yicõri buto oca s̄oña m̄a. ¹¹ Surarare tuoĩate m̄a. ĩna ya rujuare camotarona ĩna s̄añarise gaye s̄añarã yirãji ĩna. M̄a cuni ito bajiroti Dios ocare queno tuor̄un̄cõri, tuoña oca s̄oña, r̄m̄ua uju m̄are ruobe yirona. Ito bajiro m̄a yija, m̄are ruo masibiquĩji r̄m̄ua uju. ¹² Mani bajiro ruju cutirã r̄aca meje gãmeri tãrã ya mani. R̄m̄ua tiyamana r̄aca gãmeri tãrã ya mani. ĩnati ñama adi mac̄ruc̄ro r̄ait̄aroju ñeñaro yirã ujarã. ĩna ñama ñeñaro mani yitoni manire usirioro yi coderã. ¹³ Ija buto ñeñari r̄m̄uri ejarõ yiroja. Mani ñeñaro yitoni, ruje manire usirioyu yiguĩji r̄m̄ua uju. Manire ĩ usirio codebojarocati, mani oca s̄otoni ado bajiro yiruja manire. Ñeñari r̄m̄u iti ejaroto riojua, Dios ocare queno riasotiruja manire iti ejaroca oca s̄orona. Ito bajiri oca s̄ocõri, Jesure jidic̄menaji mani. Ito bajiro mani yija, surara ĩna ya rujuare ĩna camotado bajiro bajirã yirãji mani ĩja.

¹⁴ Jesucristore tuor̄un̄cõri, oca s̄oña. Ito yicõri ñasarise riti busisotiba. Ito bajiro m̄a yija, sigũ surara masu wecu wiro w̄ñucõri, ĩ ñac̄ado bajiroti ñac̄arã yirãji m̄a cuni. Quenarise riti yisotiba. Ito bajiro m̄a yija, surara masu usi riojo camotaro bajiro bajirã yirãji m̄a. ¹⁵ “Dios r̄aca mani oca cutirise quenoñi Cristo. Iti ña oca quenarise”, yi masare gotirona masi yucãña. Ito bajiro m̄a yija, surara masu ĩ ya ḡboco s̄añacõri,

ĩ ñacãro bajiro ñarã yirãji mua. ¹⁶ Queno Jesucristore tuorũnuña mua. Iti ña ñasarise. Ito bajiro mua yija, camotare gaye rucorã bajiro ñarã yirãji mua. Mani tuoĩa oca sēome yirocu, yirugu ãjuricu manire jatucõagũ bajiro yami rũmúa uju. Ito bajiro manire ĩ yi codebojarocati Cristore mani tuorũnuja manire rētocũ masibiquĩji rũmá. ¹⁷ “Jesucristore yu tuorũnuja ticõri, yure masoñi Dios”, yi tuoĩacõri, oca sēoña mua. Ito bajiro mua oca sēoja, surara masu ĩ jesari coro jesarã bajiro ñarãji mua cuni. Dios oca Espiritu Santo mani masiroca ĩ yirisere queno tuo masiña mua. Ito bajiro mua tuoĩaja, sīgũ sarera jãi rucogu bajiro ñarã yirãji mua. Ito bajiri rũmúa uju muare ĩ usirioro yi codebojarocati Dios ocare masicãcõri ĩjuare rētocũrã yirãji mua. ¹⁸ Ito bajiro yirona Diore busisotiya mua. Coji ruyabeto Espiritu Santo ĩ ejabuarisena, Diore busisotiya mua. ĩ amoro bajiro yirona queno oca sēoro ña yucãña. Ito yicõri ĩre busi jidicãbesa. Ito bajiro yicõri ĩ ñarãre yiari, Diore senisotiya mua. ¹⁹ Yure yiari cuni Diore senisotiya. Dios oca yu gotiroca, Diore busiya mua, ĩ oca queno yu goti masitoni. “Masa jeyarore maso amoguĩji Dios”, yi masibisjarã masa maji. Güibicuti iti oca masare yu gotitoni yure yiari Diore busiya mua. ²⁰ Iti oca yu gotitoni yure cũni Dios. Iti oca masare yu gotija ticõri, ado tubiara wiju yure tubiacã ña. Dios ĩ amoro bajiro güibicuti iti oca yu gotitoni, yure yiari Diore seniña mua.

Queno ñaña mua, Pablo ĩ yi ñucare gaye

²¹ Tíquico, mani yagu, mua tu wacu yami. ĩ ñami mani Uju gaye yu moaroca queno ejabuagu. Mua tu ejaõri, yu gaye, yure rētagore, muare goti jeogu yiguĩji ĩ. Ito yicõri ado yu moarise gaye muare gotigu yiguĩji ĩ. ²² Ito bajiri ĩre cõa yu, yu gaye muare ĩ gotitoni. “Queno ñaguĩji Pablo”, yi tuo masicõri mua ya usiju tuoĩa oca sēorã yirãji mua. Ito bajiro mua oca sēotoni mua taju ĩre cõa yu.

²³ Mani Jacu Dios, ito yicõri mani Uju Jesucristore cuni queno tuorũnurã ña mua. Ito bajiri mua ya usiju queno mua wanu quenaroca yijaro ña. Ito yicõri mua gãmeri ti mairoca yijaro ña. ²⁴ Mani Uju Jesucristore mai jidicãmenare queno yijaro Dios muare. Itocõ ña.

La carta de San Pablo a los Filipenses

Filipos cuto gānare Pablo ī papera cōare gaye

¹ Ņati Filipos gāna m̄ua. Ȳu Pablo Timoteo rāca adi papera uca ḡua. Jesucristore moa īsiri masa ña ḡua. Cristore t̄uor̄ūncōri Dios ñarā ña m̄ua c̄uni. “Queno ñaña m̄ua”, yī ñuca ḡua m̄uare. Dios oca riasori masa ito yicōri ñnare ejab̄uari masare c̄uni, “Quenajaro”, yī ñuca ḡua. ² M̄uare queno yijaro mani Jac̄u Dios. Ito yicōri m̄ua ya ūsij̄u sajari oca c̄utiroca yijaro ī. Ito bajiro m̄uare yijaro yiroc̄u, Diore ito yicōri mani Ūj̄u Jesucristore c̄uni m̄uare yiarī seni īsisotia ȳu.

Jesucristore r̄ūc̄ub̄uor̄āre yiarī Pablo ī seni īsire gaye

³ M̄uare t̄uoīa wan̄cōri, “Queno ya Dios m̄u”, yisotia ȳu. ⁴ M̄uare yiarī Diore ȳu b̄usisotija, ȳu ya ūsij̄u queno wan̄u quenasotia ȳure. ⁵ Cajero Cristo ocare boca āmis̄uor̄āti ȳure ejab̄uas̄uoc̄u m̄ua. Adoc̄āta c̄uni ȳure ejab̄uac̄ōa m̄ua maji. Ito bajiri m̄uare yiarī Diore ȳu senisotija ȳu ya ūsij̄u queno wan̄u quenasotia ȳure. ⁶ Jesucristore m̄ua t̄uor̄ūnc̄uor̄aj̄uti queno m̄ua yī ñaroca yis̄uoñi Dios. Mani Ūj̄u Jesucristo ī t̄udi ejaroti r̄um̄j̄uti, “Queno yī masijaro ñna”, yiroc̄u manire ejab̄uaḡu yiguīji Dios. Ī ñarā mani ñat̄īñatoni ito bajiro manire yiḡu yiguīji ī. “Riti bajia iti”, yī masia ȳu. ⁷ Ȳure ti maicōri ī oca ḡājer̄āre ȳu goti uc̄utoni ȳure c̄ūñi Dios. Ī ocare ȳu riaso ucuroca queno ȳure ejab̄uasot̄ic̄u m̄ua. Jesucristo oca masare ȳu riasoja ticōri, ȳure tubiacā ñna. Ito bajiro ȳure ñna yibojarocati, “Īna c̄uni Cristore t̄uor̄ūnc̄ujaro”, yiroc̄u, “Ñasarise ña Cristo oca”, yī jidicābea ȳu. Tubia ecor̄u ȳu ñabojarocati queno ȳure ejab̄uasotia m̄ua. Ito bajiri ȳu ya ūsij̄u m̄uare t̄uo maia ȳu. Ito bajiro m̄uare ȳu t̄uoīaja quena ña ȳure. ⁸ Jesucristo m̄uare ī t̄uo mairo bajiroti b̄uto m̄uare t̄uo maia ȳu c̄uni. “Īnare b̄uto ti āmoami Pablo”, yī masiami Dios ȳure. ⁹ Ḡājer̄āre b̄uto b̄usa ti maijaro ñna, yiroc̄u Diore seni īsisotia ȳu m̄uare yiarī. Queno t̄uoīare gaye Dios m̄uare jidicājaro, yiroc̄u ĩre senisotia ȳu. Ito yicōri ī āmorise m̄ua t̄uo masi jeotoni m̄uare yiarī Diore seni īsisotia ȳu. ¹⁰ Ñasarise riti m̄ua t̄uoīa besere āmoa ȳu. Ito bajiro m̄ua yija, queno yirā ñari Cristo ī t̄udi ejarī r̄um̄u ñe seti mana ñarā yirāji m̄ua. ¹¹ Jesucristo siḡūti ñami quenarise riti mani yī masiroca yiḡu. Quenarise riti yisotijaro ñna, yiroc̄u m̄uare yiarī ĩre seni īsisotia ȳu. Ito bajiro queno m̄ua yija ticōri, “R̄ētoro masiḡū ñami Dios”, yī r̄ūc̄ub̄uor̄ā yirāji ḡājerā c̄uni.

Cristore riti mani moa īsi s̄uyaja quena, Pablo ī yire gaye

¹² T̄uoaya ȳu ñarā m̄ua. “Quenabiti jaje Pabl̄ore r̄ētabojarocati jājarā b̄usa Jesucristo oca t̄uor̄ūnc̄u wama masa”, m̄ua yire āmoa ȳu. ¹³ “Cristore ī t̄uor̄ūnc̄uja ticōri, ĩre tubiayijarā ñna”, yī masiama adi c̄uto gaḡu ūj̄u ya wi coderi masa. Ito bajiro riti yī masi jediama ado ḡāna ȳure. ¹⁴ “Tubia ecor̄u ñabojaḡuti Cristore jidicābeami Pablo”, yī t̄uoīacōri ado ḡāna mani ñarā jājarā, b̄uto b̄usa Cristore t̄uor̄ūnc̄u wama. Ito bajiri oca s̄ēocōri ḡūimenati Dios ocare riasoama ñna.

¹⁵ Cristo ocare queno ȳu riaso masijare, ȳure ti ūoama coriarā. “Pablo r̄ēto b̄usaro queno riasor̄āji ḡuama”, yicōri riasobojama ñna. Ḡājerāma Dios oca t̄uor̄ūnc̄urā ñari, wan̄ure rāca riasoama. ¹⁶ Ȳure t̄uo maicōri Cristo oca masare riasoama ñna. “Tubia ecoanare c̄uni Cristo oca ñasarise gotijaro Pablo, yiroc̄u Pabl̄ore tubiaroca yīñi Dios”, yī masiama ñna ȳure. Ito bajiri ȳure t̄uoīacōri Cristo oca masare riasoama ñna. ¹⁷ Ȳu riasorise ti ūocōri, “Manire c̄uni ti wan̄ujaro masa”, yirona riasobojama ȳure ti tudiri masa. Dios ocare t̄uor̄ūnc̄urā meje ñabojarāti ī oca masare riasoama ñna. “ ‘Īnaj̄uare t̄uor̄ūnc̄u wama masa’, yire oca Pablo ī t̄uoja, b̄uto b̄usa bojori b̄ujaḡu yiguīji ī tubiara wi ñaḡū”, yī t̄uoīabojarāji ñna ȳure. ¹⁸ Ito bajiro ñna yibojaja c̄uni no yibeja ȳure. Cristo oca masare ñna riasoja iti ña ȳure quenarise. Ȳure ñna ti maija, ñna ti maibeja c̄uni Cristo

oca masare ñna riasoja iti ña yu ya usiju yu wanuroca yirise. Ito bajiri buto busa wanu wacu yiguja yu.

¹⁹ “Yure yiari Diore senirã yama ñna”, yi tuoia yu muare. “Yure ejabuarocu Espiritu Santore cõañi Jesucristo”, yi tuoia yu. Ito bajiri tubia ecoru yu ñabobarocati, “Quenarise rëtaru yiroja yure”, yi tuoia yu. ²⁰ Jesucristo ï cõru ñari, ija ï tiro riojo bojo amobea yu. Yu tuoia yurise, yu amorise cuni yu tuoia yuja, ado bajiro baja. Oca seocõri Cristo ocare riti riasosoti amoa yu. Tubia ecoru yu ñaja, tubia ecoru meje yu ñaja cuni, yure ticõri Cristore masa ñna rucubure amoa yu. Yure ñna bucõaja cuni yure ñna sãaja cuni no yibe yure. Cristore masa ñna rucuburoja iti ña yure ñasarise. ²¹ Cristore riti moa ñsiroc ña amoa yu. Iti ña yure ñasarise. Yu godaja, buto busa quenarise bujagu yiguja yu. ²² Adi sita ñagũ, Cristore tuorõnũjaro masa, yirocu ñnare riasoa yu. Catigu yu ñaja, quena ña yure. Yu godaja cuni quena ña. Ito bajiri, “Godarejua amoa yu, catirejua amoa yu”, yi bese masibe yu. Juaji gayejuti quenacõa yure. ²³ Ito bajiri josari ña yure iti juaji gaye yu beseja. Cristo rãca ña amogũ, godare amoa yu. ï tu yu waja, buto busa wanu quenaro ñagũ yiguja. ²⁴ Ito bajibobarocati adi sita yu ñaja buto busa muare riasogu yiguja yu. Muare yu riasoja iti ña buto busa ñasarise. ²⁵ “Riti baja iti”, yi tuoia yu. Ito bajiri, buto busa Cristore tuorõnu wajaro ñna, yirocu, “Mua rãca ñagũ yiguja yu maji”, yi tuoia yu. Cristore tuorõnucõri buto busa wanũjaro ñna, yirocu mua rãca ñagũ yiguja yu maji. ²⁶ Ito bajiri macana yure mua tija, wanurã yirãji mua. Cristo yure ï codeja ticõri, “Queno ya Dios mu”, yi rucuburoã yirãji mua.

²⁷ Cristo oca iti gotiro bajiroti mua cudija iti ña ñasarise. Mua tujũ yu waja, yu wabeja cuni yu yiro bajiroti mua yire amoa yu. “Cristore tuorõnucõri sigũ bajiro riti tuoiarã ñama ñna. Ito yicõri, Cristore tuorõnũjaro gãjerã cuni yirona, ï oca riti riasoama ñna”, masa ñna muare yire, tuo amoa yu. ²⁸ Mua wajana Dios oca ti terã ñna ñaja, guibesa ñnare. Oca seõña. Ito bajiro mua yija ticõri, “Jeame õjuroju cõagũ yiguji Dios manire”, yi masirã yirãji ñna. Gaje gaye cuni ado bajiro muare tuoiarã yirãji ñna. “Ñnare ejabuami Dios. Ito bajiri ñnare masogu yiguji ï”, yi tuoiarã yirãji ñna, mua queno yirise ticõri. ²⁹ Manire ti maicõri Cristore mani tuorõnuroca yini Dios. Iti ña mani wanurise. Ito bajibobarocati Cristore mani tuorõnũja ticõri, quenabeto mani tõbũjaroca yirã yirãji gãjerã. Ito bajiro cõni Dios manire. Ito bajiri mani wanuroti ña iti cuni. ³⁰ Sigũre bajiro tuoiacõri, Cristore tuorõnũjaro masa yirona, josari moa mani. Iti rumu Cristo oca yu riasoja ticõri, quenabeto yu tõbũjaroca yure masa ñna yija ticu mua. “Adocãta cuni ñenaro tõbũjagu yiguji”, yire oca tuorãji mua.

2

Buto ñasagu ñabojaguti, “Ñasagu ña yu”, yibisiju Cristo yire oca

¹ Cristoti ñami mani tuoia oca seoroca yigu. Manire ti maigũ ñari mani bojori bujaja, “Bojori bujabesa mua”, yigu yiguji ï. Espiritu Santo rãca mani baba cutiroca yami ï. Gãjerãre mani ti mairoca ito yicõri ñnare queno mani yiroca yami Cristo. ² Ito bajiri, “Queno wanu quenaro ñajaro ï”, yirona sigũ bajiro riti tuoiaña mua. Sigũre bajiro gãmeri ti maiña. Sigũ bajiro riti tuoiacõri Cristore moa ñsiña mua. ³ “Yumasi bujagu yiguja yu”, yi oca jaimenati mua moaja quena. “Yure ti seyojaro gãjerã”, yi tuoiamenati moaja quena. “Gãjerã rëtoro ñasagu ña yu”, yi tuoiabesa. “Ñnama yu rëtoro ñasarã ñama”, mua yi tuoiaja quena. ⁴ Mua ñaroti riti meje tuoiaña. Gãjerã ñna queno ñaroti gaye cuni tuoiaja quena.

⁵ Jesucristo ï tuoiaado bajiroti mua tuoiaja quena. ⁶ Õmacõju ñagũ, Diocõ masigũ ñabojaguti adi sitaju wadigu ï masirise jidicãyiju Cristo maji. ⁷ Dios ñabojaguti ï masirise jidicãcõri manire bajiroti rujeayiju Cristo. Ito bajiro rujeacõri bucua wacu masare moa ejabuagu ñasotiyiju ï. ⁸ Adi sita wadicõri, “Gãjerã rëtoro ñasagu ña yu”, yi tuoabisiju ï. ï Jacu Diore cudigu yucutõojũ masa ñre jaju sãabobarocati ñnare camotabisiju ï. Ñenaro yiri masure ñna sãaro bajiro ñna sãabobarocati camotabisiju ï. ⁹ Ito bajiri ï tãdi catiroca yicõri buto rucuburo ï ñaroca yini Dios. Ñimu gãji ï robo rucuburo maquji. Ito bajiri

wame ñasarise ïre wõñi Dios. ¹⁰ Jesús wame tuocõri ïre rûcubûorã, rijomunigãna ñini rûjû jedijaro masa, yirocû wame ñasarise ïre wõñi Dios. Ito bajiri ï wame tuocõri ûmacûju gãna, adi sita gãna, ito yicõri adi sita rocaju gãna cûni rijomunigãna ñini rûjû jedirã yirãji. ¹¹ “Jesucristo ñami Ëju ñasagu”, yi jedirã yirãji masa. Ito bajiro ïna yija, mani Jacû Diore cûni rûcubûorã yirãji ïna.

Quenarise mani yi ãmoroca yigû ñami Dios, Pablo ï yire gaye

¹² Tûoya yû mairã mûa. Yû mûa rãca ñaroca yûre cûdisoticû mûa. Mûa tû yû ñabitibojarocati bûto bûsa mûa yûre tuorûnure ãmoa yû. “Dios ï masoana ña mani”, yi masicõri ïre bûto rûcubûoya mûa. “Ïre yû cûdibeja, yûre ti wanûbicû yiguñi Dios”, yi tuoïa gûirã ïre riti cûdiya. ¹³ Quenarise mani yi ãmoroca yigû ñami Dios. Ito bajiri ï ãmorõ bajiro mûa yi masi jeotoni mûare ejabuaguñi Dios.

¹⁴ Dise rûyabeto mûa moaja wanûre rãca riti moaja quena. Ito yicõri gãmeri oca josamenati moaña. ¹⁵ Ito bajiro mûa yija ticõri, “Ñeñaro yirã ñama ïna. Seti cutirã ñama”, ñimûja mûare yi masibiquñi ïja. Dios ñarã ña mûa. Ito bajiri adi sita gãna Diore ti tecõri ñeñaro yirã ïna tiro riojo, quenarise riti mûa yija quena. Diore mûa cûdija ticõri, “Ñeñaro yirã ña guama”, yi tuoïarã yirãji ïna. ¹⁶ Catitñare gaye Dios tûju ïna bûja masitoni Jesucristo oca ïnare gotiya. Ito bajiro mûa yija ticõri, Cristo ï tûdi ejari rûmû bûto mûare wanûgû yigûja yû. “Ïnare riasobobabisija yû. Yû ïnare riasocato bajiroti yama ïna”, yi tuoïagû yigûja yû mûare. Ito bajiro wanûre rãca yigû yigûja yû. ¹⁷ Cristore tuorûnûjaro yirocû, mûare riasocû yû. Ito bajiro mûare yû riasoja ticõri, yûre sïarã yirãji gajea. Ito bajiro yûre ïna sïabojarocati wanû quenaro ñagû yigûja yû. “Cristore tuorûnûcõri wanûrã yirãji yû riasogoana”, yi tuoïacõri wanûa yû cûni. ¹⁸ Ito bajiroti mûa cûni itire wanûja quena. “Quenabeto tûbûjabojaguti wanûami Pablo”, yi tuoïa wanûña mûa cûni.

Timoteo, Epafrodito oca

¹⁹ Mani Ëju Jesús ï ãmoja yoari mejeti mûa tû Timoteore cõare tuoïa yû. Mûa tû ejarû ï tûdi ejaroca mûa oca tuocõri wanûgû yigûja yû. ²⁰ ï sïgûti ñami yû tuoïaro bajiro tuoïagû. Yûre bajiroti mûa queno ñaroti gaye tuoïa usirioami Timoteo cûni. ²¹ Gãjerãma ïna queno ñaroti riti tuoïama. “¿No bajiro Jesucristore yû moa ïsija quenati?” yi tuoïabeama ïnaõna. ²² “Queno yigû ñami Timoteo”, yi masia mûa ïre. Ito yicõri, “Pablo rãca queno Jesucristo oca riasoami Timoteo”, yi tuoïa masia mûa. Riti baja. Yû macû bajiroti queno yûre ejabuami ï. ²³ Ito bajiri, “Ado bajiro rêtaro yiroja yûre”, yû yi masija, mûa tû ïre cõagû yigûja yû. ²⁴ Mani Ëjure riti tuorûnûa yû. Ito bajiri, “Ï ãmoja yoari mejeti mûare tigu wacû yigûja yû”, yi tuoïa yû.

²⁵ “Mani bajiro Cristore tuorûnûgû Epafroditore mûcana cõagû yigûja mûa tû”, yi tuoïa ña yû. Yûre ï ejabuatonì, ïre cõayija mûa. Ado ejacõri yû rãca moami ï. Quenabeto tûbûjabojarãti Jesucristo oca riaso jidicãbea gûa. ²⁶ Mûa ñajedirore bûto ti ãmoami ï. “Epafrodito cõgû ñami”, mûa yija tuo masicõri, tuoïa oca jaiquï ï. ²⁷ Riti bajiquï, bûto cõquï ï. Goda warû ñaquï. Ïre ti maiñi Dios. Ito bajiri godabitiquï. Tuoïa bûjatobicû ñari, ï godaja bûto bûsa bojori bûjaborûja yû. Ito bajiri yûre ti maicõri ïre yisioñi Dios, yû bûto bojori bûjare ãmobicû. ²⁸ Epafrodito sêo quenagû ï ñaja ticõri, wanûrã yirãji mûa. Ito bajiri, wanûjaro ïna, yirocû mûa tû bûto ïre cõa ãmoa yû. “Wanûrã yirãji ïna”, mûare yi tuoïacõri wanûgû yigûja yû cûni. ²⁹ Ïre bajiro mani Ëjure tuorûnûrã ñari ï ejaja wanûre rãca boca ãmiña ïre. Ïre bajiro bajirãre rûcubûoya mûa. ³⁰ Yûre ejabûa ñagû Cristore moa ïsiquï ï. Yûre ejabuaguti bûjato tûbûjaquï ï cûni. Ito yicõri godaboquï. Sõju ñacõri yûre mûa ejabûa masibitire yûre ejabuquï ï.

3

Cristore mani tuorûnûja iti ña ñasarise, yire gaye

¹ Tûoya yû ñarã mûa. Ado bajiro gotisûsa yû mûare. Mani Ëju Jesucristore tuorûnûrã ñari wanûña mûa. Iti rûmû yû gotigore mûcana yû mûare gotija, quena ña yûre. Mûcana

tudi itire mua tuoja, quena ñaro yiroja muare. ² Ecaru yai cunigüre güi ña mani. Ito bajiroti ricati riasoräre cuni mani güija quena. Ña ñama ñeñaro yirã. “Dios rña mani ña ãmoja, wiro tarã yirãji mani”, yi riaso ruoräre cuni mani cudibeja quena. ³ Diore mani tuorünujare mani ya usiju Espiritu Santo queo sãni Dios. Ito bajiri manire ticõri, “Dios ñarã ñama ñama”, yi masirã yirãji gãjerã. “Wiro mani taja ticõri, manire masogũ yiguïji Dios”, yi tuorünurã meje ña mani. “Cristore mani tuorünuja, ï rãca catitñarã yirãji mani”, yi tuoïa wanu quenarãji mani. ⁴ “Ñasarã ña mani. Mani queno yigore ticõri manire masogũ yiguïji Dios”, gãjerã ña yi masija, ña rëto busaro yiboruja yu. “Ñasagu ñami Pablo”, yire gaye ña rëto busaro buto busa ña yure. Tite mua: ⁵ Udia ãmojeno rumuri yu rujeaja bero yure wiro tañi ña. Judio masu ña yu. Benjamín ñayoru janerãbatia janami ña yu. Judio masu rujearu hebreo oca busigu ña yu. Fariseo gaye tuoïagoru ñari, ña robo buto judio masa rotirise rucubucoc yu cuni maji. ⁶ Judio masa rotirise buto cudi ãmogũ, Jesucristore tuorünuräre usirioro yi codecu yu. “Bucurã rotire cudibeami ï. Seti cutigu ñami ï”, yure yirã manicã. ⁷ “Iti gaye ña ñasarise”, yirocu itire buto rucubucoc yu maji. “Ñe waja ma iti”, yi tuoïa yu ïja adocãta. Jesucristore riti rucubucoc yu adi rumuri ïja. ⁸ “Bucurã rotire ñasarise ñaroja”, yigobojaru ñari, mani Uju Jesucristore yu masija bero, “Ñasarise ña iti”, yi tuoïabea yu adocãta ïja. Ñe mani tuorünuja, ñeja gaje ñasarise ma. Iti rumu yu tuorünubojare jidicã jeococ yu. “Jesucristore riti tuorünucuja yu ïja”, yirocu iti rumu yu tuorünubojare jidicacu yu. ⁹ ï yagu ña ãmogũ ñe riti tuorünua yu ïja. “Judio masa rotirise yu cudiya ticõri, yure masogũ yiguïji Dios”, yi tuoïabojacu yu maji. Cristore yu tuorünuja ticõri, yu ñeñaro yirise ãcabojoni Dios. Ito bajiri adi rumuri ï tiro riojo ñe seti macu ña yu ïja. Ado bajiro bajia iti. No Cristore tuorünugüreti ï ñeñaro yirisere ãcabojogu yiguïji Dios. Ito bajiri ñe riti tuorünua yu ïja. ¹⁰ Buto busa Cristore masi ãmoa yu. Iti ña yure ñasarise. ï godaja bero mucana tudi ï catiroca yicõri, ï masirise ïoni Dios. Yu ñe cudi masitoni, ï masirisena yure ï ejabuarã ãmoa yu. Diore cudi ãmogũ, ï tuoïa bujatobitiroca masa ña yibojarocati, ñare camotabisiju Jesucristo. Ñe ña sãabojarocati, camotabisiju. Diore riti cudi ãmoyiju ï. Ito bajiri masa yure ña sã ãmobarocati, ñe bajiro Diore riti cudi ãmoa yu cuni. ¹¹ Ito bajiro ya yu, “Godanare mucana tudi catiroca Dios ï yiri rumu, yure cuni yu catiroca yiguïji Dios”, yi tuoïacõri wanu yu.

Mani moaroti Cristo ï cüre mani jeoja quena, Pablo ï yire gaye

¹² “Jeyaro masigũ ña yu. Quenarise riti yigu ña yu”, yi masibea yu. Yu masibiti jaje ruya maji. Ito bajibojarocati Jesucristo yagu yu ñaroca yicãni ï. Ito bajiri yu moaroti ï cüre, itire jeorocu ñe moa ñisotia yu. ¹³ Tuoya yu ñarã mua. “Cristo ï ãmoro bajiro quenarise riti yigu ña yu”, yibea yu. Ado bajiroja bajia yu yirise. Iti rumuju rëtagore gaye buto tuoïabea yu. Yu moaroti Cristo ï cücãja bero ñajare, “Itire yicãja yu”, yirocu josa yu ïja. ¹⁴ Cristore tuorünurã mani ñajare, ñmacuju manire ãmi wacõri waja yigu yiguïji Dios. Mani catitñaroca yigu yiguïji ï. Ito bajiri moare ï cüre ñajare, itire jeo ãmoa yu maji.

¹⁵ Mani Cristore tuorünusuoana itire sigũ bajiro riti tuoïa mani. “Mani moaroti Dios ï cürere jeoana mani”, yi tuoïarã ña mani. Ito bajibojarocati coriarã mua yu bajiro tuoïabeja, mua tuo masibitire mua tuo masiroca yigu yiguïji Dios. ¹⁶ Dios oca ñarocõ tuo masi jeobitibojarãti mani tuo masiriseti mani cudi ñaja quena.

¹⁷ Tuoya yu ñarã mua. “Ado bajiro ñami Pablo”, yi tuoïacõri, yu yiado bajiroti yiya mua cuni. Yu yiado bajiro yirãre tuorünuaña mua. ¹⁸ Adocãta yu muare gotirise coji meje muare goticu yu. “Cristore tuorünurã ña gũ”, yibojarãti, “Yucutõju ï godaja, ñe waja ma”, yirã jãjarã ñama maji. “Ito bajiro yama ña”, yi tuoïacõri oti ãmoa yu. Ito bajiro tuoïarã Cristo wajana ñama ñaõna. ¹⁹ Ito bajiro yirã jeame ujuroju warã yirãji. Ña ya usiju maquïji Dios. Adi sita gaye riti tuoïarãji ña. Ña ñeñaro yi ãmoriseti tuoïa wanuama ña. Ña ñeñaro yija, bojo bujaro õno yirã itire wanuama ña. ²⁰ Maniama ñmacuju Dios taju warona ña. Dios ï ñaraju ña mani ñatñaro. “Manire masorocu tudi ejagu yiguïji Jesucristo”, yi tuoïacõri ñe bocatia mani. ²¹ Mani ya ruju godari rujure gaje ruju godabiti

rujuna manire wasoagu yiguñji Cristo. Ì ya ruju ñasari ruju bajiri rujuna manire wasoagu yiguñji Ì. Buto masigũ ñari, ñejua Ì roti masibiti ma ìre. “Ì masirisena mani ya rujure wasoagu yiguñji Ì”, yi tuoĩacõri wanua mani.

4

Mani Ujũre tuorũnrã ñari wanũ quenatĩñaja quena, Pablo Ì yire gaye

¹ Tuoya yũ ñarã mua. Mũare buto tuo maia yũ. Mũare tuoĩagũ, buto ti ãmoa yũ mũare. Mũare tuoĩacõri buto wanua yũ. “Yũ riasorise tuoõõri Diore cudiama ìna”, yi tuoĩacõri wanua yũ mũare. Ito bajiri mani Ujũ Jesucristore tuorũnrã ñari, ito bajiroti ìre tuorũnrã jidicãbesa mua.

² Evodia ito yicõri Síntiquere cuni busi ãmoa yũ adocãta. Mani Ujũre tuorũnrã ñari, sīgũ rĩa robo bajiro baja mua. Ito bajiri, “Sīgõ robo bajiroti mua tuoĩaja quena”, yi goti queno ãmoa yũ mũare. ³ Ito gagũ queno yũ rãca moare baba cutigorũre busigũ ya yũ adocãta. Ìna romia jũarãre ìna ya oca queno ejabuaya. Ito yũ ñaroca queno ejabuacã ìna Cristo oca yũ riasoroca. Clemente wame cutigure cuni ejabuacã ìna. Gãjerã yũ rãca cocati Jesucristo oca riasorãre cuni ejabuacã ìna. Yũ rãca moagoanare, “Adocõ ñama yũ rãca catitĩñarona”, yirocũ Ì ya papera tutijũ ìna wame wõcãyijũ Dios.

⁴ Mani Ujũre tuorũnrã ñari, wanũ quenatĩñaña mua cuni. “Wanũ quenaña mua”, ya yũ mũcana. ⁵ “Ìna ñama rũcũborã”, gãjerã mũare ìna yijaro yirona, quenarise riti gãjerãre yisotiya mua. Mani Ujũ yoari mejeti tũdi ejagũ yiguñji. Itire ãcabojabesa mua.

⁶ Ñejũare tuoĩa usirio yibesa. Mũare oca iti ñaja, Diore gotiba. Gaje mũare iti ruyaja, Diore gotija quena. Ñajediro Diore mua gotija, quenaro yiroja. Ito bajiri Ì cudiya ticõri, “Queno ya Dios mũ”, yi jidicãbesa mua. ⁷ Ito bajiro mua yija tuoõõri, mua ya usijũ queno mua wanũ quenaroca yigũ yiguñji Dios. Mani queno wanũ quenaroca Ì yija, iti ña rãtoro quenarise. “Ito bajiro mani queno wanũ quenaroca yami Dios”, yi tuoĩa masibeã mani. Jesucristo ñarã mani ñaja ticõri, mani ya usijũ queno wanũ quenaroca yami Dios. Ito yicõri mani tuoĩa gũibitiroca yami Ì.

Quenarise riti tuoĩaja quena, Pablo Ì yire gaye

⁸ Ado bajiro gotisusa, yũ ñarã yũ mũare. Quenarise gaye riti mani tuoĩaja quena. Rũcũbore gaye, riojo ñasarise, queno yire gaye, seyorise gaye, ito yicõri gãjerã queno ìna yigore cuni mani tuoĩaja quena. Quenarise riti mani tuoĩaja quena. Ito yicõri, “Iti ña quenarise”, Dios Ì yirise, mani yi tuoĩaja quena.

⁹ Mũare yũ riasocato bajiroti yisotiba mua. Yũre mua tuogore, mua tigore cuni ito bajiro mua yija quena. Ito bajiro mua yija ticõri, mua rãca ñatĩñagũ yiguñji Dios mani queno wanũ quenaroca yigũ.

Filipo cuto gãna Pablore niyeru ìna Ìsi cõare gaye

¹⁰ Yũre tũdi tuoĩacõri yũ ãmorise yũre cõayija mua. Ito bajiri mũare wanũcõri, “Queno ya Dios mũ”, ya yũ mani Ujũre. Ñejua yoari mua yũre cõabitibojarocati, “Yũre jidicãbeama ìna maji”, yi masicũ yũ. “Ñejua yũre ìna cõabeja, cõa ãmobarãti cõa masimenaji ìna”, yi tuoĩacũ yũ. ¹¹ “Jai busaro ãmoa yũ”, yigũ meje ya yũ. No yũ ñaro bajiroti yũ ñaja quena. Yũ rũcoja, yũ rũcobeja cuni, “Quena ña”, yi tuoĩacõri wanua yũ. ¹² Cojireama bojoro bũjagũ ñacũ yũ. Cojireama jaje rũcocũ yũ. No yũ ñaro bajiroti yũ rũcoja, yũ rũcobeja cuni, “Quena ña”, yi tuoĩa wanua yũ. Yũ yajija, yũ yajibeja cuni wanũsotia yũ. Jaje yũ rũcoja, ñe yũ rũcobeja cuni, “Quena ña”, yi tuoĩacõri wanua yũ. ¹³ Yũ sãoroca Cristo Ì yijare no ñarijũti moare yũre Dios Ì cũja, moagũ yigũja yũ. Ito bajiri yũre rãtaroti gaye cuni gũibeã yũ. ¹⁴ Ito bajibojarocati yũ bojoro bũjaroca mua yũre ejabuaja queno yiyija mua.

¹⁵ Macedonia sita ñacõri Cristo oca yũ riaso ucugũ waroca, mua Filipo cuto gãna riti niyeru miojucõri, yũre Ìsi ñucayija mua. Mũare yũ riasogore ñajare yũre wanũrã, niyeru Ìsi ñucayija mua. Gãjerãma Jesure tuorũnrã ñabojarãti, yũre Ìsi ñucabisĩ ìna. “Riti baja”, yirãji mua. ¹⁶ Tesalónica cuto yũ ñaroca maji, “Pablo Ì ãmorise bũjajaro”,

yirona coji meje niyeru miojucōri, yure ĩsi ñucayija mña. ¹⁷ Yñ ãmorise mña ĩsi ñucare riti meje mñare wanña yñ. Ado robojña bajia: “Mña queno yirise ticōri, bũto bũsa queno mñare waja yigũ yiguĩji Dios”, yi tũoĩacōri, wanña yñ mñare. ¹⁸ Epafrodito rãca mña yure cōare ñarocōti boca ãmicũ yñ. Yure queno ĩsiyija mña. Ito bajiri yñ ãmorise rēto bũsaro rũcoa yñ. Yure mña ĩsi ñucare quenarise ña. Diore rũcũbuorã queno sutirise masa ĩna soe mñore bajiro baja, ito bajiro mña yure yija. Yure mña queno yirise ticōri, mñare ti wanũgũ yiguĩji Dios. ¹⁹ Mña ãmorise ñajediro ĩsigũ yiguĩji mani Ƴjũ Dios. Jeyaro rũcogũ ñari, Jesucristo ñarã mani ñaja ticōri, manire queno yisotigũ yiguĩji Dios. ²⁰ “Mñ ña rētoro masigũ”, yi mani Jacũ Diore rũcũbuosotirũja manire. Ijarijũ cãni ito bajiroti ñatĩñajaro, yi gotia yñ mñare. Itocō ña.

Quenajaro masa, Pablo ĩ yi ñucare gaye

²¹ “Quenajaro Dios ñarã Jesucristore tũorũnũrã”, yi ñuca yñ. Ado gãna Jesure tũorũnũrã yñ rãca gãna, “Quenajaro”, yi ñucama mñare. ²² Ado gãna Dios ñarã ñajediro “Quenajaro”, yi ñucama mñare. Jesure tũorũnũrã, “Bũto quenajaro”, yi ñucama Roma cũto gagũ Ƴjũre moa ĩsiri masa.

²³ Queno ujjaro ĩna ñajedirore, yirocũ mani Ƴjũ Jesucristore mñare yiari seni ĩsia yñ. Itocō ña.

La carta de San Pablo a los Colosenses

Colosas cuto gānare Pablo ĩ papera cōare gaye

¹⁻² Nati Colosas cuto gāna m̄a. Ȳa ña Pablo. Adi papera m̄are cōa ȳa. Jesucristo ocare ȳa riaso ucutoni ĩ cūr̄a ña ȳa. Ito bajiro ȳre ĩ cūre āmoñi Dios. Adoj̄a mani yaḡu Timoteo rāca tubia ecoana ña ḡa. “Quenajaro”, yami ĩ c̄ni. “Dios rīa ña m̄a, ito yicōri Jesucristore queno t̄or̄ñur̄a ña m̄a”, yī masia ḡa m̄are. M̄are queno ĩ yitoni, mani Jac̄u Diore seni ĩsotia ḡa. M̄a ya ūsij̄a queno sajari oca cuti quenaroca Dios ĩ yire āmoa ḡa.

Cristore t̄or̄ñur̄are yari Diore Pablo ĩ seni ĩsotire gaye

³⁻⁴ “Jesucristore queno t̄or̄ñur̄a ñama ĩna, ito yicōri Dios ñar̄are queno ti mair̄a ñama ĩna”, m̄are masa ĩna yija t̄oc̄u ḡa. Ito bajiro ĩna yija t̄ocōri, wan̄a ḡa. Ito bajiri m̄are yari Diore ḡa senija, “Queno ya Dios m̄”, yisotia ḡa, mani H̄j̄a Jesucristo Jac̄ure b̄sir̄a. ⁵ “Ūmac̄j̄a Dios t̄j̄a ejacōri queno wan̄a quenar̄a yir̄aji mani”, yī t̄oīa wan̄a yur̄a ña m̄a c̄ni. Ito bajiro t̄oīas̄oyija m̄a cajero Cristo oca m̄a t̄or̄ñus̄ora r̄m̄. Cristo oca iti ña oca riojo ñasarise. ⁶ Cristo oca t̄o masis̄ocōri, “Iti ña oca riojo ñasarise”, yiyija m̄a. “Ñeñaro yir̄a ñabojar̄ati manire ti maicōri manire queno yīñi Dios”, yī t̄or̄ñuyija m̄a. ĩ oca quenarise m̄a t̄ogore masa jeyaro t̄or̄a yir̄aji adi r̄m̄ari ĩja. Ito yicōri m̄a yiado bajiroti ĩna ñeñaro yirise jidic̄cōri mama ūsi wasoar̄a yir̄aji ĩna c̄ni. ⁷ Mani yaḡu Epafras wame cutiḡu, ĩ ñami mani maiḡu. M̄are Dios oca riasoñi ĩ. Jesucristore moa ĩsiḡu ñari queno adoj̄a ḡare ejab̄ami ĩ. ⁸ “Esp̄iritu Santona s̄oriti ḡameri ti maiama ĩna Colosas cuto gāna”, yī goti ejaqūi Epafras ḡare.

⁹ Ito bajiro ĩ yija t̄ocōri, m̄are yari Diore seni ĩsis̄oc̄u ḡa. N̄aro bajiroti m̄are yari Diore senis̄usabea ḡa. ĩ ocare queno m̄a t̄o masi jeotoni, ĩre senia ḡa. Ito yicōri ĩ masirise m̄are jidic̄toni Diore senia ḡa. “Ado bajiro mani yire āmogūiji Dios”, m̄a yī masitoni, ĩre seni ĩsotia ḡa. ¹⁰ Ito bajiro m̄a yī masija, mani H̄j̄a ĩ āmoro bajiro yī ñar̄a yir̄aji m̄a. Ito yicōri ĩ wan̄toni ĩre c̄disotir̄a yir̄aji m̄a. ĩre moa ĩsir̄a ḡajer̄are queno ejab̄ar̄a yir̄aji m̄a, ĩna Diore masitoni. Ito bajiro yir̄a Dios gaye masi remocōri b̄uto busa ĩre t̄or̄ñu war̄a yir̄aji m̄a. ¹¹ R̄etro masiḡu Dios ĩ ñajare, ĩre senia ḡa ĩ masirise m̄are ĩ jidic̄toni. Ito bajiro m̄are ĩ yirise ñajare, ñeñaro m̄a t̄b̄ujabojaja c̄ni ñemec̄uti masir̄a yir̄aji m̄a. Ito yicōri t̄oīa ūsirio yimenati wan̄a quenar̄a yir̄aji m̄a. ¹² Mani Jac̄u Diore wan̄cōri ado bajiro ĩre b̄sisotir̄a yir̄aji mani ĩja. “Queno ya Dios m̄. M̄ ñar̄a ḡa ñatoni ḡare masoyija m̄. Ito bajiri m̄ ñaro queno busuroj̄a ejacōri, ḡajer̄a m̄ ñar̄a rāca m̄ ĩsiroti b̄jar̄a yir̄aji ḡa c̄ni”, yī wan̄r̄a yir̄aji mani, Diore b̄sir̄a. ¹³ Ñeñaro yir̄a ūj̄a ĩ ñar̄a mani ñame yiroc̄u manire masoñi Dios. Manire masocōri ĩ Mac̄u ĩ maiḡu ñar̄a mani ñatoni manire c̄ñi Dios. ¹⁴ Manire yari ĩ Mac̄u godarena s̄oriti manire masoñi Dios. Ito bajiro yicōri mani ñeñaro yirise ācabojōñi Dios.

Cristo ĩ goda ĩsirena s̄oriti Dios rāca oca mano queno mani ñare gaye

¹⁵ N̄im̄j̄a Diore tigor̄a maqūiji. Ruyuḡu meje ñami Dios. Ito bajibojarocati Cristore mani masija, “Ito bajiḡuti ñagūiji Dios”, yī masir̄aji mani. N̄at̄ñaḡu ñami Cristo. Adi mac̄r̄c̄uro Dios ĩ rujeoroto rioj̄a ñac̄yij̄a Cristo. ¹⁶ ĩna s̄oriti dise r̄yabeto ūmac̄j̄a gaye c̄ni, adi sita gaye c̄ni rujeoyij̄a Dios. Ruyubiti c̄ni, ruyurise c̄ni ĩ Mac̄u r̄cati rujeoyij̄a Dios. Ruyumenare, ĩna ūjar̄are c̄ni rujeoyij̄a Dios, ĩ Mac̄u r̄cati. Ito bajiri ĩnare rujeor̄a ñari, ĩna ūj̄a ñami Dios Mac̄u. Ito bajiro yicōri ĩna H̄j̄a ñasaḡu ĩ Mac̄ure c̄yij̄a Dios. ¹⁷ Adi mac̄r̄c̄uro Dios ĩ rujeoroto rioj̄a ĩ Mac̄u ñac̄yij̄a. ĩna s̄oriti jeyaro ña. ĩ manijama disej̄a maniboadoja. ¹⁸ Jesucristo siḡuti ñami ĩre t̄or̄ñur̄are ūmat̄a ñari mas̄. ĩ ñar̄a mani ñajare ĩ ñami mani rijoga. ĩ godarena s̄oriti ĩ ñar̄a mani ñas̄oroca

yijju Dios. Ī ñami cajero godabojaguti mucana tūdi catiru. Ito bajigu ñari, manire cūni tūdi catiroca yi masiguīji ĩ. Īti ñami masa jeyaro Uju ñasagu. ¹⁹ Ī Jacu Dios robo bajiro bajiguti ñami Jesucristo cūni. Ito bajiro ĩ bajijare amoyiju Dios. ²⁰ Masa jeyaro adi sita gāna, ūmacūju gāna cūni ñeñaro yirā ñayjarā. Ito bajiri masa ĩna oca cutirise oca queno amogū ĩ Macure waja yi ĩsi rotiyiju Dios. Yucutēoju ĩ Macu ya rí budirena suoriti masa rāca oca quenoyiju Dios.

²¹ Iti rumuju ñeñaro tuoīarā ñabojacu mani maji. Ñeñarise yisoticu mani maji. Diore ti tudirā ñari, mani wjacure bajiro ĩre tuoīacu mani maji. ²² Adi rumuriama mani wjacure bajiro ĩre tuoīabea mani ĩja. Īju oca quenoñi. Ñeñaro mani yirise waja, waja yirocu manire goda ĩsiñi Cristo. Ito bajiro ĩ yijare Dios ĩ tiro riojo ñe seti mana ña mani ĩja. Ñeñaro yīamena robo bajirā ña mani ĩja, Dios ĩ tija. “Īna ñama yu waja yi ĩsiana, ito bajiri seti ma ĩnare”, yigu yiguīji Cristo, Diore gotigu. ²³ Ito bajiro manire yari Diore busi ejabuagu yiguīji Cristo, Dios oca mani tuorūnu jidicābeja. Ī oca mani tuosucotire tuorūnusotirā yirāji mani. Gaje oca manire gājerā ĩna gotibojaja cūni, ĩnare tuorūnumenaji mani. “Jesucristore mani tuorūnuja, manire masogū yiguīji”, yire oca jidicāmenaji mani. Iti ña oca quenarise. Adi rumuri co sita gāna ruyabeto iti ocare tuorāji. Yu Pablo Diore moa ĩsigū ñari iti oca riaso ucuri masu ña yu.

Diore tuorūnurāre Pablo ĩ ejabware gaye

²⁴ Dios oca riaso ucuri masu ñari, buto wanua yu. Ito bajibojarocati ĩ oca yu mware riasoja, yu tuoīa bujatobitiroca yama gājerā. Tuoīa bujatobitibojaguti wanua yu. Manire yari tuoīa bujatobisī Cristo cūni. Ito bajiri Dios oca Cristore tuorūnurāre riasoguti yu tuoīa bujatobitibojaja, no yibea yure. Tuoīa oca jaibea yu. Wanua yu. Mani ĩ ñarāre yari tuoīa bujatobisī Cristo cūni. ²⁵ ĩre tuorūnurāre ĩ oca riaso ucutoni yure cūñi Dios. Mua oca sētoni yure cūñi Dios. Co masa ruyabeto ĩ oca ĩna tuobitire riaso ucutoni yure cūñi Dios. ²⁶⁻²⁷ “Judio masa mejere cūni masogū yiguīji Cristo”, yire gaye gotibisiju Dios maji jane mejeru. Ito bajiri mani riojua gāna iti ocare masibisjarā maji. Adi rumuriama ĩ ñarā ñarocōti ĩ oca quenarise mani tuo jedire amoguīji ĩ. Ado bajiro bajaia iti oca wanu quenarise. Tite. Mani ya usiju quedi sājacōri mani rācati ñatīñagū yiguīji Cristo. Ito bajiri, “Ūmacūju Dios ĩ ñaroju Cristo rāca catitīñagū yigujaja yu”, yi tuoīacōri wanua mani.

²⁸ No yu wa ucurijucō masa jeyarore Cristo oca yu masiadocō riaso ucua yu. “Cristore mua tuorūnubeja mware masobicu yiguīji ĩ”, yi goti quenoa yu masare. Ito bajiro masare riasoa yu, Dios ĩ tiro riojo, Cristore tuorūnucōri ñe seti mana ĩna ñatoni. ²⁹ Jesucristore queno masa masitoni josari moa yu. Yumasirio meje moasotia yu. Cristo yure ĩ ejabuarisena moasotia yu.

2

¹ Mware yari ruje Diore seni ĩsotia yu. Laodicea cuto gāna, yure tīamenare yari ito bajiroti Diore seni ĩsia yu. “Manire yari ruje Diore seni ĩsotiami Pablo”, mua yi tuoīare amoa yu. Ito bajiri adi papera mware cōa yu. ²⁻³ Mware yari ito bajiro Diore seni ĩsotia yu, mua ya usiju tuoīa oca sētoni. Sīgū usi bajiro riti tuoīacōri mua gāmeri maitoni mware yari Diore seni ĩsotia yu. Ī ocare queno tuo masicōri, “Riti ña iti. Jesucristo masoana ña gū”, yi mua tuoīare amoa yu. Iti rumuju Jesucristo gaye ñarocōti goti jeobisiju Dios maji. Adi rumuri ĩja ĩ goti jeobitire gotigu yami Dios manire. Cristo sīgūti ñami jeyaro tuo masire rucogu. Dise ruyabeto tuo masigū ñami ĩ. ĩre mani tuorūnuja queno tuo masirā ñarā yirāji mani cūni. ⁴ Queno goti ruorāre mua tuorūnume yirocu, adi mware gotia yu. ⁵ Mua tu ñabitibojaguti mware tuo maicōri mua tu ñagū bajiro bajaia yu. “Sīgūre bajiro riti usi cuticōri, queno Jesucristore tuorūnurā ñama Colosas cuto gāna”, mware masa ĩna yija tuocōri, buto wanua yu.

Cristore boca amigwana ñari, ĩ amoro bajiro riti yija quena, yire gaye

⁶ Cristore boca amicōri, “Īti ñami yu Uju ĩja”, yigoana ña mua. Ito bajiro yiana ñari, ĩ amoro bajiro riti yi ñasotiya mua. ⁷ Buto busa Cristore tuorūnu warona Dios ocare

riasotiya m̄ua. Īre queno tuor̄un̄cōri ĩre c̄adisotiya m̄ua. M̄uare riasogoana yiado bajiroti b̄uto basa Jesucristore tuor̄un̄ña m̄ua. Ito yicōri, “Queno ya Dios m̄u”, yi wan̄sotiba m̄ua.

⁸ “Oca ñasarise riasoa ḡua”, Jesure masimena ĩna yibojaja, ĩnare tuor̄un̄besa m̄ua. Jesucristo oca meje ña ĩna riasorise. ĩna rioj̄ua ḡana ĩnamasi tuoĭa rujeore gaye riasoama ĩna. “Ado bajiro baja adi mac̄ar̄uc̄ro”, ĩna yi tuoĭa rujeore gaye riasoama ĩna. Cristo oca meje ña ĩna riasorise.

⁹ Riojo m̄uare oca gotia ȳu. Cristo s̄iḡuti ñami jeyaro Dios gaye r̄ucoḡu. Dios ĩ masirise, ĩ s̄eorise, ĩ ñasarise Dios gaye disej̄ua r̄uyabeto r̄ucoḡu ñami Cristo. Manire bajiro ruj̄u c̄utibojaḡuti Dioti ñami Cristo. ¹⁰ Ito bajiri Cristore boca āmigoana ñari queno ūsi c̄utia mani ĩja. Īre boca āmicōri Diore c̄uni boca āmigoana ña mani ĩja. Cristoti ñami Īj̄u ñasaḡu. Ñim̄uj̄ua ĩre roti masiḡu maquĭji. Īti ñami ūmac̄j̄u ḡana ūjar̄are, adi sita ḡana ūjar̄are c̄uni roti masiḡu. ¹¹ Dios ñar̄ā ñarona judio masa wirotabojare bajiro yibisija m̄ua. Dios ñar̄ā ñarona Cristore tuor̄un̄yija m̄ua. Ito bajiri m̄ua ñeñaro yi ūyarisere m̄ua jidic̄atoni, m̄uare ejabuañi Cristo. ¹² “Riti baja. Cristo ĩ godabojarocati t̄adi ĩ catiroca yiñi Dios. Ito bajiroti ȳure c̄uni t̄adi catiroca yiḡu yiguĭji Dios”, yi tuor̄un̄yija m̄ua. Ito bajiro yi tuor̄un̄cōri id̄e gu rotiyija m̄ua. “Cristore tuor̄un̄r̄ā ñari ḡua ñeñaro yirisere jidic̄ā āmoa ḡua. Mama ūsi wasoa āmoa ḡua”, yi tuoĭacōri id̄e gu rotiyija m̄ua. ¹³ Iti r̄um̄uj̄u ñeñaro yir̄ā ñari, ito yicōri ñeñaro yirise jidic̄ā āmomena ñari, godana robo bajir̄ā ñabojac̄u mani maji. Diore masir̄ā meje ñac̄u mani. Cristore mani tuor̄un̄j̄are manire masoñi Dios. Ito yicōri mani ñeñaro yirise ācabojo jeoñi ĩ. ¹⁴ Dios ĩ rotirise c̄udibiticōri seti c̄utir̄ā ñac̄u mani maji. Yuc̄t̄eoj̄u masare yiari Cristo ĩ goda ĩsirena s̄oriti mani ñeñaro yirise ācabojo jeoñi Dios. Ito yicōri mame oca gotiroc̄u cajero ĩ rotis̄ore jidic̄cōri gaje wasoayij̄u Dios ĩja. ¹⁵ Ito bajiro Dios ĩ yijare, “Seti c̄utir̄ā ñama ĩna”, yi masibeami r̄um̄ua ūj̄u Satanás ĩja. Yuc̄t̄eoj̄u manire yiari goda ĩsicōri, r̄um̄uare ruyumena ñaroc̄oreti r̄etoc̄uyij̄u Cristo. Ito bajiro ĩ yijare, “R̄etoro masiḡu ñami Cristo. Ī masirise ĩoroc̄u, r̄um̄ua ūj̄u ĩ ñar̄are c̄uni r̄etoc̄uyij̄u Cristo”, yi tuoĭa mani.

Dios ĩ āmoro bajiro riti mani yija quena, Pablo ĩ yire gaye

¹⁶ Ito bajiri, “R̄eore ña, babesa, idibesa”, yire ma ĩja. “B̄uc̄r̄ā rotire c̄udibea m̄ua”, m̄uare ĩna yibojaja, bojori b̄ujare ma m̄uare. “Ḡua ya basa r̄um̄u, ḡua ya tujac̄ara r̄um̄u c̄uni r̄uc̄b̄obebea m̄ua. Mam̄u ūmacañi ĩ joeari r̄um̄u r̄uc̄b̄obebea m̄ua”, m̄uare ĩna yibojaja bojori b̄ujare ma m̄uare. ¹⁷ Cristo ĩ godaroto rioj̄ua jaje rotire gaye ñayij̄u maji. “Cristo ĩ ejaja queno manire ejabuaḡu yiguĭji ĩ”, judio masa ĩna yitoni jaje rotire gaye c̄uyij̄u Dios maji. Manire Cristo ĩ goda ĩsija bero b̄uc̄r̄ā ĩna yisotire mani yiroti meje ña ĩja. Adi r̄um̄ari Cristo ĩ rotiro bajiro riti c̄udi war̄ā yir̄aji mani ĩja. ¹⁸ Coriar̄ā ado bajiro goti r̄uoama m̄uare: “Ḡua c̄airoj̄u ticōri queno Dios ĩ rotirise goti masia ḡua. Manimasiti mani ya ruj̄ure cam̄i menija quena”, yi goti r̄uoama ĩna m̄uare. “Āngel mesare ḡua r̄uc̄b̄oado bajiro m̄ua r̄uc̄b̄obebea, m̄uare masobiquĭji Dios”, yi goti r̄uoama ĩna m̄uare. ĩnamasiti tuoĭa rujeocōri, ito bajiro goti r̄uoama ĩna. “Ḡua robo bajiro m̄ua yibeja, m̄uare masobic̄u yiguĭji Dios”, yi r̄uoama ĩna. Ito bajiro m̄uare ĩna yibojarocati, ĩnare tuor̄un̄bebea. ¹⁹ Mani Īj̄u Cristo bajiro tuoĭar̄ā meje ñama ĩnaoña. Mani Īj̄u ñari, Cristo s̄iḡuti ñami mani rijoga bajiro bajiḡu. Īre boca āmigoana ñari ĩ ya ruj̄u robo bajir̄ā ña mani. Īre riti mani tuor̄un̄j̄a, s̄iḡu bajiro riti tuoĭar̄ā yir̄aji mani. Ito yicōri Dios ĩ āmoro bajiroti b̄uto basa Cristore tuor̄un̄u war̄ā yir̄aji mani ĩja.

²⁰ Manire goda ĩsicōri b̄uc̄r̄ā rotire jidic̄cōri mame oca wasoayij̄u Cristo. Ito bajiri adi sita ḡana ĩna tuoĭa rujeore mani c̄udiroti meje ña. “B̄uc̄r̄ā masa ĩna rotire mani c̄udija, manire masoḡu yiguĭji Dios”, ĩna yibojaja, mani c̄udiroti meje ña. ¿No yija ito bajibojarocati adi sita ḡana ĩna tuoĭa rujeorise c̄udiat̄i m̄ua maji? ²¹ Ado bajiro rotiam̄a ĩna. Tite: “Itire bare meje ña. Babesa, moaĭabesa”, yama ĩna. ²² Ito bajiro ĩna riasoja, adi mac̄ar̄uc̄ro ḡana ĩna tuoĭa rujeorise ña. Bare jedirise ña, ito yicōri mani ba jeoroti ña iti. ²³ ĩna tuo seyorise ĩna riasoja tuocōri, “Queno tuoĭar̄ā ñama”, yi tuoĭabojama

coriarã. Ito bajijobarocati queno tuoïarã meje ñama ñna. Ado bajiro riasobojama ñna. Tite: “Gua rûcubuoanare rûcubuoja quena. ‘Masigû meje ña yu’, mani yija quena. Mani tuoïa bujatobeja quena. Manimasiti mani ya rujure cami menija quena. Ito bajiro mani yija, mani ñeñaro yirise jidicã masirã yirãji mani”, yi tuoïabojama. Ito bajiro meje baja.

3

¹ Cristore ñna sïabojarocati tûdi ï catiroca yiñi Dios. Ñre mucana tûdi catiroca yicõri ùmacûju ï ya riojocadûja rûcubuoaraju ruji rotiyiju Dios. Cristore mani tuorûnuroto riojua Diore masibiticõri godacãna robo bajirã ñacu mani maji. Ito bajiri ñeñaro yirise jidicãcõri Cristore mani tuorûnusucati rumu tûdi catirã robo bajiro mani bajiroca yiyiju Dios manire. Ito bajiri ùmacûju Dios rãca catitiñarã yirãji mani. Ito bajiri ñre wanurã ùmacûju ï gaye mani tuoïaja quena. ² Adi sita gayere tuoïa wanusabitirûja manire. Ùmacûju Cristo gaye buto busa mani tuoïa wanûja quena. ³ Jesucristo ï goda ñsirena suoriti mani ñeñaro yirise ãcabojoñi Dios. Ito bajiri mucana tûdi ñeñaro yi uyabitirûja manire. Mucana tûdi mani ñeñaro yi uyabe yirocu, manire tirûnugû yiguñji Cristo. Ito yicõri ùmacûju Dios rãca mani catitiñatoni manire tirûnugû yiguñji Cristo. ⁴ Mani ya usiju Cristo ï quedi sãjagoana ñari ñna suoriti catia mani. Ñti ñami catitiñare ñasarise rucogu. Tûdi ï goaïori rumu masa jeyaro ñre rûcubuoarã yirãji. Ñ ñarã ñari, ùmacûju ï rãcati wanurã yirãji mani cûni.

Cristore boca ãmicõri mama usi wasoare gaye

⁵ Ito bajiri adi macãrucãro ñeñaro mani yirise jidicãgorûja manire. Rocati romiare yibitirûja manire. “Isore ãmoa yu”, yi tuoïabitirûja manire. Mani ya rujuna ñeñaro mani yirise jidicãrûja manire. Gãji ya gajeonire uobitirûja manire. Gajeonire mani tuoïa wanûja, Diore rûcubuoarã meje ñna mani. ⁶ Ito bajiro ñeñaro yirãre junisinicõri, ñna cudibitire waja, ñnare buto waja senigû yiguñji Dios. ⁷ Iti rumuju adi sita gãna bajiro tuoïacõri ñnare bajiroti ñeñaro yicu mani cûni maji. ⁸ Adi rumuri jeyaro mani ñeñaro yirise jidicãja quena. Junisinibitirûja manire. Ti tebitirûja manire. Ti tudibitirûja manire. Gãjerãre busitubitirûja manire. Mani ya risena oca ñeñarise busibitirûja manire. ⁹⁻¹⁰ Ñeñaro mani yi uyarise jidicãcõri mama usi wasoana ñna mani ñja. Ito bajiri mucana tûdi gãjerãre socabitirûja manire. Dios manire rujeoru ejabusotiami manire ï ãmoro bajiro mani yitoni. Buto busa ñre mani masiroca yami Dios, Cristo ï queno yiado bajiro mani yitoni. ¹¹ Cristo ï quedi sãjana ñari sigû rã ñna mani ñja. Ito bajiri, “Judio masa ñna gua. Judio masa meje ñna muama”, yire ma ñja. “Wiro tagoana ñna gua. Wiro tagoana meje ñna muama. Riasotigoana ñna gua. Riasotigoana meje ñna muama. Gãjerãre moa ñsirãona meje ñna gua. Gãjerãre moa ñsirãona ñna muama”, yire ma ñja. Sigûti ñami mani Uju, ï ñami Cristo. Ito bajiri Dios ï tija sigû rã bajiro bajirã ñna mani.

¹² Dios ñarã ñna mani ñja. Manire ti maicõri, manire beseñi Dios, ï ñarã mani ñatoni. Ito bajiri mani cûni gãjerãre mani ti maija quena. Ito yicõri ñnare mani ejabuaja quena. “Gãjerã rëtoro quenagû ñna yu”, yi tuoïabitirûja manire. Gãjerãre sëoro rotibitirûja manire. Manire gãjerã usirioro ñna yibojarocati junisinibitirûja manire. ¹³ Mani gãmeri ejabuaja quena. Manire gãjerã ñna ñeñaro yibojarocati ñnare junisinibitirûja manire. Itire mani ãcabojoja quena. Mani ñeñaro yirise Jesucristo ï ãcabojado bajiroti gãjerãre cûni mani ãcabojoja quena. ¹⁴ Gãmeri mani ti maija, iti ñna rëtoro ñasarise. Dise gaje rotire rëtoro ñasarise manoja. Mani gãmeri ti maija, sigû bajiro riti tuoïarã yirãji mani, Dios ï ãmoro bajiroti. ¹⁵ Cristo ï ãmoro bajiro riti mani yija, ñe oca manoti mani ya usiju queno wanu quenarã ñarã yirãji mani. “Ñre cudia yu”, yi masicõri, mani ya usiju queno wanu quenarise rãca ñarã yirãji mani. Ito bajiro mani ñatoni ï ñarã sigûre bajiro mani tuoïaroca yicãñi Dios. Ito bajiri, “Queno ya Dios mu”, yitñarûja manire, Diore rûcubuoarã.

¹⁶ Mani ya usina Cristo ocare tuorûnucõri wanure rãca ñre cudi ñasotirûja manire. Ñ ocare queno masicõri gãmeri mani riasoja quena. Ito yicõri mani goti rëto buja quena. Diore wanurã, ñre basa sëato mani. Ñ oca tutire ticõri sëato mani. “Queno ya Dios mu”, ñre yi rûcubuo sëato mani. ¹⁷ Dise ruyabeto mani busija cûni, mani moaja cûni, “Jesucristo

ñami yu ʘju”, yi tuoĩacõri, ito bajiro yiruja manire. Cristore tuorũnucõri i ejabuarisena, “Queno ya Dios mu”, mani Jacu Diore yi rucuburaja manire.

Cristore tuorũnurã ñari mani bajire gaye

¹⁸ Tuoya romia mua, muare busigu ya yu. Mua manujusabatia yiro bajiroti cudiya. Mani ʘju Jesucristore tuorũnurã ñari, ito bajiroti mua yija quena.

¹⁹ Tuoya ãmua mua, muare cuni busigu ya yu. Mua manojosãromiare queno ti maiña. Ito yicõri seõrise rãca rotibesa mua. Quenoti ñnare rotija quena.

²⁰ Tuoya rãca mua, muare busigu ya yu. Mua jacusabatia yiro bajiroti cãdisotiba mua. Ito bajiro mua yija ticõri, wanugũ yiguĩji Dios.

²¹ Tuoya rãa cutirã mua, muare busigu ya yu. Mua rãare usirioro tudibesa mua. Biyaro ñnare mua tudija tuocõri, tuo oca seõmenaji ñna. Ito bajiri muare cudi amomenaji ñna.

²² Tuoya gãjerãre moa ñsirã mua, muare busigu ya yu. Mua ujarãre queno cudiya mua. Ñna tiroca cuni, ñna tibeto cuni ñnare queno cãdisotiba mua. Mua ujarã ñna tiroca riti mua moaja, “Guare ti wanujaro i”, yi tuoia mua. Ito bajiro mua yija queno moa ñsirã meje ña mua. Mani ʘju Jesucristore tuorũnurã ñari, mua ujarãre queno moa ñsija quena.

²³ Dise ruyabeto mua ujarã ñna rotirise wanure rãca moa ñsija quena. Temenati moaja quena. “Yu moarise tiami Cristo”, yi tuoĩacõri, ñre moa ñsirã robo bajiro mua ujarãre cuni queno moa ñsiña mua. ²⁴ Cristo sigũti ñami mani ʘju ñasagu. Ñre moa ñsirã ya mani. Itire acabojabesa. Manire queno waja yigu yiguĩji. Mani catitĩnaroca yigu yiguĩji Cristo. ²⁵ No ñeñaro yigureti waja senigũ yiguĩji Dios. Queno ti bese masigũ ñari, masa ñna ñeñaro yigoadocõti waja senigũ yiguĩji Dios.

4

¹ Tuoya moa ñsiri masa cutirã mua, muare busigu ya yu. Mua ya moari masare quenoti rotiya. Ito yicõri ñna moaro bajiroti ñnare queno yiya. Ado bajiro mua tuoĩaja quena, “Umacũju ñami yu ʘju, yure queno yigu. Ito bajiri yu ya moari masare queno yicuja yu cuni”, yi tuoĩaja quena.

² Diore busi jidicãbeja. Ñre mua busisotija quena. Ñ cãdija ticõri, “Queno ya Dios mu”, yi ñaña mua. ³ Diore mua busija guare yiarĩ seni ñsisiya mua. Ito bajiro mua senija tuocõri, guare queno ejabuagu yiguĩji Dios, gaje masare Cristo oca gua riaso ucu masitoni. Cristo oca masa ñna masibitire yu riasojare ado tubia ecoru ña yu. ⁴ Yure yiarĩ Diore seni ñsiña, masare yu riasoja queno ñna tuo masitoni. Ito bajiro ñna queno tuo masiroca ñnare riasoruja yure.

⁵ Jesucristore tuorũnumena tu mua waja, rocati ñnacõabesa. Ñ ocare ñna tuo amoja ñnare gotiba. “Queno yirã meje ña mua”, muare ñna yibe yirona, queno tuoĩacõri ñnare i oca goti rãtobuja quena. ⁶ Queno tuoĩacõri ñnare Cristo oca gotiruja muare. Queno wanu quenacõri mua busija quena, Cristo ocare ñna boca amitoni. Dios ocare queno riasotiya, gãjerã muare ñna seniñaja, riojo mua cãditoni.

Quenajaro masa, Pablo i yi ñucare gaye

⁷ Adoju yu rãca mani ʘjũre moa ñsigũ ñami Tiquico wame cutigu. Manire bajiroti Jesucristore tuorũnugũ ñami i cuni. Ito bajiri mani rãca gagu mani maigũ ñami i. Mua tu ejacõri yure rãtare gaye muare gotigu yiguĩji i. ⁸ Mua tãju ñre wa rotigu, ado bajiro ñre gotia yu: “Ñna ya usiju ñna tuo oca seõtoni, ‘Queno ñama Pablo mesa’, yi gotitẽña”, yi gotia yu Tiquicore. ⁹ “Tiquicore baba cuti wasa”, yi gotia yu Onésimore. Manire bajiroti Jesucristore queno tuorũnugũ ñami Onésimo cuni. Ñ ñami mani rãca gagu, mani maigũ. Mua rãca ñagoru ñami Onésimo. Mua tu ejacõri guare rãtare gaye gotirã yirãji ñna jũarã.

¹⁰ Adoju yu rãca tubia ecoru ñami Aristarco wame cutigu. “Quenajaro”, yami muare. “Quenajaro”, yami Marcos cuni. Ñ ñami Bernabé teñ. “Mua tu Marcos i ejaja, wanure rãca ñre boca amiaña”, muare oca goti ñucacãcu yu. ¹¹ Jesús Justo wame cutigu cuni, “Quenajaro”, yami. Ñna udiarãti ñama judio masa yu rãca Diore moa ñsirã. Jesucristore boca amicõri Diore moa ñsirã ñama ñna cuni. Ñna yure ejabuajare, queno wanu quenacõri

oca sēoa yu ĩja. ¹² Mũa yagu Epafra wame cūtigu, “Quenajaro”, yami. Jesucristore moa ĩsigũ ñami ĩ cūni. Co rũmu ruyabeto mũare yiari Diore seni ĩsisotiami ĩ. Queno Diore tũorũnrã ĩre mũa cudi ñatoni mũare yiari Diore seni ĩsisotiami ĩ. Ito yicõri ĩ ãmoro bajiro mũa cudi jeotoni mũare yiari Diore seni ĩsisotiami ĩ. ¹³ “Riti mũare yiari Diore senisotiami Epafra”, ya yu, ĩre tisotigu ñari. Laodicea cuto gãnare, Hierápolis cuto gãnare yiari cūni Diore senisotiami ĩ. ¹⁴ Lucas uco yiri masu mani maigũ, “Quenajaro”, yami. Demas wame cūtigu, “Quenajaro”, yami ĩ cūni.

¹⁵ “Quenajaro Laodicea cuto gãna”, ya yu. “Quenajaro Ninfa. Quenajaro Cristore tũorũncõri iso ya wijũ minijuasotirã cūni”, ya yu. ¹⁶ Adi papera mũare yu cõare mũa ti jeoja bero Laodicea cuto gãna Jesure tũorũnrãre wasoaba, ĩna titoni. Ito yicõri ĩnare yu papera cõacatijũare wasoacõri tiba mũa cūni. ¹⁷ Ado bajiro Arquipore mũa gotire ãmoa yu: “Mani ĩju Jesucristo mũre ĩ rotiado bajiroti queno gajanoaña”, yiya Arquipore.

¹⁸ “Quenajaro”, yi uca yu, yumasiti. Adoju tubia ecoru ña yu. Yũre ãcabojabesa. Yũre yiari Diore seni ĩsisotiya mũa. Mũaare yiari Dios ĩ queno yitoni ĩre seni ĩsisotia yu cūni. Itocõ ña.

Primera carta de San Pablo a los Tesalonicenses

Tesalónica cuto gånare Pablo ï papera cõare gaye

¹ Ñati Tesalónica gãna mña. Yñ ña Pablo. Mani ñarã Silvano, Timoteo mesa rãca adi papera uca gña. Mani Jacu Dios ñarã ña mani. Mani Uju Jesucristo ñarã cñni ña mani. Ñnare tuorũnrã ñari minijuasotia mani, ñnare rũcũborona. Mani Jacu Dios queno yijaro mñare ito yicõri mña ya usijũ queno sajari oca cõtĩ quenaroca yijaro ï.

Tesalónica gãna queno Jesure ñna tuorũnure gaye

² Mñare tuoĩacõri, “Queno ya Dios mñ”, yisotia gña. Mñare yiari coji ruyabeto Diore busisotia gña. ³ Mani Jacu Diore gña busija, “Cristore tuorũnrã ñari queno ñre moa ñsiamã Tesalónica gãna”, yi tuoĩa gña. “Gãmeri ti mairã ñari queno gãmeri ejabuama ñna”, yi tuoĩa gña mñare. “Mani Uju Jesucristore tuorũnũsarã ñari, ‘Riti mũcana tũdi ejagu yiguĩji’, yi tuoĩarã ñama ñna”, yi tuoĩa gña mñare. ⁴ Tuoya gña ñarã mña. Dios ï ti mairã ña mña. “Dios ï beseana ñama ñna”, ya gña mñare. ⁵ Jesucristo oca gña mñare riasosũoja, rocati goti ajere gaye meje mñare riasocu gña. Dios ï rotirise rãca mñare riasocu gña. “Riti bajia iti oca”, mña yi masiroca yĩni Espĩritu Santo. Mña tu gña ñacatijũ, “Ito bajiro ñacã ñna”, yi masirãji mña gñare. Ito bajiro gña ñacatire ticõri, “Mani queno ñatoni mani tu ejañi ñna”, yi masirãji mña gñare.

⁶ Gñare ticõri, gña ñado bajiroti ñacu mña cñni. Jesucristo ocare boca ãmicõri, ï queno yigoado bajiroti queno yi ãmocũ mña cñni. Mñare tuoĩa bujatobitiroca gãjerã ñna yibojarcoti, wanũre rãca Jesucristo ocare boca ãmicũ mña. Espĩritu Santoti ñañi mña tuoĩa wanũ quenaroca yigu. ⁷ Ito bajiro mñare ï yijare Macedonia sita gãna ito yicõri Acaya sita gånare ñna tiro riojo queno ñoyija mña. Ito bajiro queno mña yi ñoja ticõri, “Ñna robo bajiro queno yirũja manire cñni”, yi tuoĩa jedirã yirãji ito gãna Cristore tuorũnrã. ⁸ Jesucristo ocare boca ãmicõri Macedonia sita gãna, Acaya sita gånare riti meje goti batoyija mña. Masa jeyarore Cristo ocare goti batoyija mña. Queno mña yigore tuocõri, “Cristore queno tuorũnrã ñama Tesalónica cuto gãna”, yama masa jeyaro mñare. Ito bajiri gña wa ucuja mña gayere masare gotibea gña. Mñare masicãma ñna. ⁹ “Oca mña riasorise gayere queno boca ãmiyijarã Tesalónica gãna”, yire gaye tuoã gña, yama ñna gñajũare. “Diore queno tuorũnũcõri ñnamasi meni rujeoanare rũcũbũo jidicãma ñna”, yama ñna gñare. “Dios ñasagu catitĩnãgũre moa ñsirã yama Tesalónica gãna”, yama ñna gñare mñare tuoĩarã. ¹⁰ Gaje mña gaye ado bajiro gotiama ñna gñare: “Dios Macũ ñmacũju gagu ï tũdi ejare bocatirã yama Tesalónica gãna”, yama ñna gñare. Jesuti ñami Dios Macũ. Masa ñre ñna sãbojarocati mũcana tũdi ï catiroca yĩni Dios. Mani ñeñaro yirisere buto ti teami Dios. Ito bajiri mani ñeñaro yirise waja yigu, manire goda ñsiñi Jesucristo. Masa ñna ñeñaro yirise waja Dios ï seniri rũmũ Jesucristo ñami manire masorocũ.

2

Tesalónica cutoju Pablo ï moare gaye

¹ “Riasobojarã meje yicã Pablo mesa. Mani tu ñna ñaja jãjarã Jesucristo ocare boca ãmicã”, yi tuorãji mña gñare. ² Filipos cuto gña ñaroca ñna gñare busiture, gña tuoĩa bujatobitiroca gñare ñna yire, masirãji mña. Mña ya cuto gña ejaja ito bajiroti yicã masa gñare. Ito bajiro gñare ñna yibojarcoti ï oca gña goti guibititoni gña oca sãoroca yĩni Dios. ³ Mñare gña riasocati wisare oca meje mñare riasocu gña. Queno ñajaro ñna yirona, mñare riasocu gña. Mñare ruorona meje mñare riasocu gña. Mñare gña riasocati ñasarise queno riojo mñare riasocu gña. ⁴ Jesucristo oca riasorona yiari gñare cũni Dios. Ito bajiri ï oca ñasarise riti ï ãmoro bajiro riasoa gña. Masa gñare ti seyojaro yirona meje Dios ocare riasoa gña. Dios sũgũti ï gñare wanũre ãmoã gña. Dios sũgũti ñami gña tuoĩarisere ti masigũ. ⁵ Tuõ seyore bajiro bajijaro yirã meje mñare goticũ gña. “Riti bajia

iti”, yi tuoīarāji m̄ua. “Niyeru bujarona meje yu ocare riasoama ĩna”, yiguīji Dios guare. ⁶ Ḡua m̄uare riasogoanare buto r̄uc̄ub̄uojaro yirona meje riasocu ḡua. Diore r̄uc̄ub̄uojaro yirona m̄uare goticu ḡua. Ḡajerāre c̄uni guare ĩna r̄uc̄ub̄uotoni meje ĩnare riasocu ḡua. Ito bajibojarocati Cristo ĩ c̄uana ñari, “Guare r̄uc̄ub̄uoya”, ḡua yi āmoja yiboana ḡua. ⁷ Ado bajirojua yicu ḡua. S̄igō jaco iso r̄iare tir̄unu masoado bajiro yicu ḡua, m̄uare ti maicōri. ⁸ M̄uare buto tuo maia ḡua. M̄uare ti mairā ñari Dios oca m̄uare riaso āmoc̄u ḡua. M̄uare ti maicōri queno m̄ua ñare āmoc̄u ḡua. Ito bajiri m̄uare yiari godarona ñac̄acu ḡua. M̄uare masicōri buto m̄uare ti maia ḡua. ⁹ T̄uoya ḡua ñarā m̄ua. M̄ua tu ñarā ḡua buto moagorere ācabojabeja m̄ua. Dios oca m̄uare riasorā ñami, ũm̄ua c̄uni moasotic̄u ḡua. S̄iḡujua m̄ua guare yiari m̄ua waja yi ĩsire āmobic̄u ḡua. Ito bajiri queno ña masirona guamasiti moacu ḡua.

¹⁰ Mani Cristore tuor̄unr̄ā ñari m̄ua r̄aca ḡua ñaja ñeñaro yīābitic̄u ḡua m̄uare. Dios ĩ āmoro bajiro riti yisotic̄u ḡua. Ito bajiro ḡua bajija ticōri, “Ñe seti mana ñama ĩna”, yi tuoīacu m̄ua guare. Dios c̄uni ito bajiroti masiguīji guare. ¹¹ “Manire goti quenocā ĩna”, yi masirāji m̄ua guare. “Mani bojori bujaja mani oca s̄eoroca yicā ĩna”, yi masirāji m̄ua guare. S̄iḡu ĩ r̄iare maiḡu ĩ goti quenoado robo bajiro m̄uare goti quenocu ḡua. ¹² M̄ua oca s̄ejaro yirona ado bajiro m̄uare goticu ḡua. “Dios ĩ āmoro bajiro riti yisotiya, Dios m̄uare ĩ wan̄toni”, yi goti quenocu ḡua m̄uare. M̄uare beseñi Dios ĩ rotiroj̄u ĩ r̄aca m̄ua ñatīñatoni.

¹³ Dios oca m̄uare ḡua goti r̄etobuja, “Īna tuoīa rujeoreti gotiama ĩna”, yi tuoīabitic̄u m̄ua. “Riti Dios ocare riasoama ĩna”, yi tuoīacōri itire boca āmic̄u m̄ua. Dios ocare m̄ua tuor̄un̄jare m̄ua ñeñaro yirisere m̄ua jidic̄aroca yiñi Dios m̄uare. Īre m̄ua c̄uditīñaroca yami Dios. Ito bajiri iti gaye tuoīacōri, “Queno ya Dios m̄u”, yisotia ḡua ĩre. ¹⁴ M̄ua ya c̄uto ḡana m̄uare ũsirioro yi codejare tuoīa bujatobisija m̄ua. Judea sita ḡanare c̄uni ito bajiroti r̄etayij̄u. Īna comasiti ũsirioro ĩnare yi codeyijarā. Īna tuoīa bujatobitiado bajiroti tuoīa bujatobisija m̄ua c̄uni. ¹⁵ Judio masati ñama mani Ūj̄u Jesucristore s̄iana. Diore goti ĩsiri masare c̄uni ito bajiroti s̄ayijarā ĩna. Īnati ñama guare bucōana. Ito bajiro ĩna yijare ĩnare ti wan̄beami Dios. Īna ñama masa jeyarore ti terā. ¹⁶ “M̄uare c̄uni maso āmoami Cristo”, judio masa mejere c̄uni ḡua goti āmobjarocati guare camotacā judio masa. Ito bajiro ĩna yija buto busa seti c̄utirā ñama ĩna. Ito bajiro ĩna yija ti junisinicōri, “Īna ñeñaro yirise waja, waja yirā tuoīa bujatomena yirāji ĩna”, yi tuoīacāguīji Dios.

Tesalónica ḡanare m̄ucana t̄udi Pablo ĩ ti āmore gaye

¹⁷ T̄uoya ḡua ñarā m̄ua. M̄uare ḡua wagoja bero nocō mejeti m̄uare tuoīa r̄ioc̄u ḡua m̄ucana. M̄ua tu ñabitibojarāti ḡua tuoīarisej̄u m̄ua t̄uj̄u ñacu ḡua. M̄uare t̄udi ti āmorā ruje josabojacu ḡua. ¹⁸ Buto m̄uare ti āmosabojacu ḡua. Yu Pablo coji meje m̄uare tigu wa āmobjacu yu. Coji r̄uyabeto m̄ua tu yu tigu wa āmoja, r̄um̄ua ũj̄u Satanás camotasotiñi yure. ¹⁹ Ḡajerā r̄etoro m̄uare tuoīa wan̄ua ḡua. “Tesalónica c̄uto ḡana m̄u oca ḡua riasoja, queno boca āmicā ĩna”, wan̄u quenare r̄aca gotirā yirāji ḡua mani Ūj̄u Jesucristore ĩ ejaroca. ²⁰ “Īna ñama mani riasogoana”, yi tuoīarā, m̄uare wan̄u ñuca ḡua. Riti ña iti gaye.

3

¹⁻² M̄uare buto ti āmorā ñemec̄uti masibitic̄u ḡua. Ito bajiri mani yagu Timoteore m̄uare ĩ titoni cōacu ḡua. Guama Atenas wame c̄utiri c̄utoj̄u tujacu. Guare bajiro Diore moa ĩsiḡu ñari Jesucristo oca masare goti r̄etobuami ĩ c̄uni. M̄ua oca s̄eoroca ĩ yitoni ĩre m̄ua t̄uj̄u cōacu ḡua. Ito yicōri Jesucristo ocare m̄ua tuor̄un̄u waroca ĩ yitoni ĩre m̄ua t̄uj̄u cōacu ḡua. ³ T̄uoīa bujatomena m̄ua ñajare Cristo ocare m̄ua tuor̄un̄u jidic̄are āmobic̄u ḡua. Ito bajiri m̄ua oca s̄eotoni Timoteore m̄ua t̄uj̄u cōacu ḡua. “Cristore mani tuor̄un̄r̄ā ñajare ḡajerāma mani tuoīa bujatobitiroca yirā yirāji. Ito bajiro manire r̄etare āmoguīji Dios buto busa ĩre mani tuor̄un̄toni”, yi tuoīa jedia mani. ⁴ M̄ua r̄aca ñarāj̄u maji m̄uare goti c̄uc̄acu ḡua. “M̄ua tuoīa bujatobitiroca yirā yirāji ḡajerā”, yi goti c̄uc̄acu ḡua m̄uare. M̄uare ḡua gotiado bajiroti r̄etayija. ⁵ Ito bajiri m̄uare buto ti āmorā ñemec̄uti masibitic̄u

gua. Ito bajiri Timoteore cōacu gua, “¿Jesucristore tuorūnucati ĩna maji?” yirona. “Ñeñaro ĩna yitoni ĩnare usirioro yi rētocūguĭji gajea rūmúa uju”, yi tuoĭacu gua. “Īnare ĩ rētocūja mani moagorere ñeñogū yiguĭji gajea”, yi tuoĭacu gua. Ito bajiro tuoĭacōri Timoteore ti roti ñucacu gua.

⁶ Mua tu ejaru adoju tūdi ejacoami Timoteo mucana. Adoju ejacōri mua gayere oca quenarisere goti tūdi ejami ĩ. “Cristore queno tuorūnurā ñama ĩna, ito yicōri gāmeri ti mairā ñama ĩna”, yi goti ejami ĩ. “Muare queno tuoĭa gua”, yima ĩna, yi goti ejami guare. “Guare mua ti āmoro bajiroti muare cūni ti āmobja gua”, yima ĩna, yi goti ejami ĩ. ⁷ Ito bajiro ĩ gotija tuocōri, tuoĭa bujatobitibojarāti gua ya usijuama queno tuoĭa oca sēoa gua. “Cristore tuorūnu jidicābeama ĩna”, ĩ yija tuocōri, queno muare wanu ñuca gua ñarā gua. ⁸ “Cristore tuorūnu warā yama ĩna”, ĩ yija tuocōri, tuoĭa oca sēoa gua, ito yicōri mama usi buja gua. ⁹ Muare tuoĭacōri, “Queno ya Dios mu”, yi jidicā masibea gua. Diore gua busija, “Cristore queno tuorūnuama ĩna”, yi tuoĭa masicōri buto wanua gua. ¹⁰ Ñami, ũmua cūni Diore senisotia gua, mua tūju gua ejaroca ĩ yitoni. Buto busa Cristore mua tuorūnutoni mua masibitire muare riaso āmoa gua maji.

¹¹ Mua tu gua tirā watoni mani Jacu Dios, ito yicōri mani Uju Jesucristo guare ejabuajaro. ¹² Muare buto ti mai waju gua. Muare gua ti mairo bajiroti buto busa mua gāmeri ti mairoca yijaro mani Uju muare. Ito yicōri buto busa masa jeyarore mua ti mairoca yijaro ĩ. ¹³ Mua ya usiju mua oca sēo waroca yijaro mani Uju. Ñeñarisere jidicācōri quenarisejua riti mua yiroca yijaro ĩ. Ito bajiro muare ĩ yija bero mani Uju ĩ ñarā rāca ĩ tūdi ejari rumu mani Jacu Dios ĩ tiro riojo ñe seti mana ñarā yirāji mua.

4

Dios ĩ ti wanure gaye

¹ Gua ñarā gaje muare goti āmoa gua. “Ado bajiro mua ñaja muare ti wanugū yiguĭji Dios”, yi muare riasocu gua. “Ito bajiro ñama ĩna”, yi tuoĭa gua muare. Dios muare ti wanujaro yirona, ĩ āmorise riti buto busa mua yire āmoa gua. Ito bajiro josa gua, muare riasotoni mani Uju cūana ñari.

² “Cristo ĩ riaso rotiado bajiroti guare riasocā ĩna” yi masirāji mua guare. ³ Ado bajiro bajia mua yiroti Dios ĩ āmorise. Dios ñarā mua ñajare quenarise riti mua yire āmoami ĩ. Mua manajo mana gājerā romia rāca ajere āmobeami ĩ. ⁴ Mua manajo bujaroto riojua romiare ajeāmena mua ñare āmoami Dios. Ito bajiri isore bujacōri Dios ĩ āmoro bajiro isore mua rucubwoja quena. Mua manojosāromiare riti ti maicōri gājerā romiare ajebeja quena. ⁵ Isore ti seyocōri isore ajerocu meje manajo cutija quena. Gājerā Dios gayere masimena ñari ito bajiro yi āmorāji ĩnaōna. ĩna robo bajiro yibitiruja manire. ⁶ Gāji manajo rāca ajebeja. Gāji manojore ti uobeja mua. “Ito bajiro yirāre buto ĩna tuoĭa bujatobitiroca yigu yiguĭji Dios”, sēoro muare goti cūcācu gua. ⁷ Quenarise mani yitoni manire beseñi Dios. Ñeñaro mani yitoni meje manire beseñi ĩ. ⁸ Adi gua riasorisere ti terā guare riti meje ti terā yama ĩna. Diore cūni ti terā yama ĩna. Ñeñaro mani yirisere jidicātoni Espiritu Santo manire queo sāgū ñami Dios.

⁹ Tuoya, gāmeri ti maire gaye muare busigu ya u. “Gāmeri ti mairuja manire”, mua yi masiroca yicāñi Dios muare. Ito bajiri guama, “Gāmeri ti maiña mua”, yi ucabea gua muare. ¹⁰ Riti queno yirā ña mua. Macedonia sita gāna Cristore masirāre ti maisotirā ña mua. “Īnare ti maicōri buto busa ĩnare ti mairuja mua”, sēoro muare gotia gua. ¹¹ Ado bajiro mua yi josaja quena. Ñe oca manoti queno ñaña mua. Gājerā ĩna busirise tuocōri coca oca cutibeja. Mua ña masitoni muamasiti moaña. Gua rotiado bajiroti yisotiba mua. ¹² Ito bajiro queno mua moaja, ñejua ruyabeto yiroja muare. Ito bajiro gājerāre josamena yirāji mua. Ito bajiro queno mua moaja ticōri, Jesure tuorūnumena cūni queno muare rucubworā yirāji.

Mani Uju ĩ tūdi ejare gaye

¹³ Tuoŷa ɣua ñarã mũa. Jesure tuorũnũrã godana ñna bajire gaye mũare goti ãmoa ɣua. Ñna bajire gaye mũare goti rêtobu ãmoa ɣua, mũa bojori bujabe yirona. “Godabojana mũcana tũdi caticoarã yirãji”, yi tuoĩa yurã meje ñama Diore tuorũnũmena. Ñnare bajiro tuoĩarã meje ña mũa. “Godabojana caticoarã yirãji”, yi tuoĩarã ña mani. ¹⁴ “Godacoabojãni Cristo. Ito bajibojarocati mũcana tũdi ã catiroca yiĩni Dios”, yi tuoĩa masirã ña mani. Iti masicõri gaje ado bajiro yi tuorũnũna mani: “Jesús ã tũdi ejari rũmu ãre tuorũnũgoana ã rãcati baba cũiti ejaroca yigũ yiguĩji Dios ñnare”, yi tuoĩa mani.

¹⁵ Iti mũare ɣua gotirise mani Uju ɣũare masiroca ã yirise gayere mũare gotia ɣua. Mani Uju ã tũdi ejari rũmu godanajũa mũjasũorã yirãji. Ñna riojũa mũjamena yirãji adi sita ɣãna cati ñarã. ¹⁶ Ado bajiro rêtaro yiroja. Dios ã rotirisena sũoro bũsi ruji wadigũ yiguĩji ãmacũjuana. Dios ñnaro ɣãna ángel mesa uju ã bũsirise cũini sũoro ruyuro yiroja. Dios yaga jutiraga cũini sũoro ruyuro yiroja. Ito yija Jesure tuorũnũgoana tũdi caticõri mũja ejasũorã yirãji. ¹⁷ Ito bajiro iti ruyuroca riti Jesure tuorũnũ ñnare miojugũ yiguĩji Dios. Ñnare miojucõri tũdi catisũoana rãca ide buerina ñna mũja waroca yigũ yiguĩji Dios. Mũja wacõri mani Ujũre canamũorã yirãji mani. Ito bajiri ã rãca catitĩñarã yirãji mani ãja. Ito bajiroti bajiro yiroja. ¹⁸ Iti gaye ɣãmeri bũsicõri oca sũoña mũa.

5

Jesús ã ejarotire mani bocatija quena, yire gaye

¹ “Iti rũmu ejagũ yiguĩji mani Uju. Itocõ tũjaroca ejagũ yiguĩji”, yi ucabea ɣua mũare. ² “Iti rũmu ejagũ yiguĩji Jesús”, yi masibea mani, yi tuoĩa masirãji mũa cũini. “Iti rũmu ejagũ yiguĩji”, masa ñna yi masibiti rũmu ejagũ yiguĩji ã. Riniri masũ ñnami ã ejaja cũini, “Itocõ ejagũ yiguĩji”, yi masibea mani. Ito bajiroti, “Iti rũmu ejagũ yiguĩji Cristo”, yi masimena yirãji mani. ³ “Ñe oca mano queno ñacã mani”, yi masa ñna tuoĩari rũmu ñajasaroti guijorise ejaro yiroja ñnare. Iti guijorisere sũgũjuã rudi masimena yirãji masa. Coju rudirajuã mano yiroja ñnare. Romio macũ rũcoroco ñajasaroti iso cõro robo bajiro bajiro yiroja iti. ⁴ Iti ocare tuo masimena meje ña ɣua ñarã mũa. Ito bajiri mani Uju ã tũdi ejari rũmu ti ucamena yirãji mani. Riniri masũ ã ejaja masa ñna ucaro bajiro ucamena yirãji mani. Mani Uju ã ejarotire bocaticãrã yirãji mani. ⁵ Mani ñna Dios ñarã. Ito bajiri tuo masirã ñnari quenarise yi ãmoa mani. Mani ñẽnaro yirisere jidicãna ñnari rãitĩarise uju ñarã meje ña mani. ⁶ Ito bajiri queno tuoĩacõri mani Uju ã ejaroti gaye bocaticãrũja manire. ã tũdi ejaroti rũmu canicãna robo bajiro bajibitirũja manire. ⁷ Ñnami canicã masa. Ñnamiuati idire idi mecũcã ñna. ⁸ Queno tuoĩacõri mani Uju ã tũdi ejarotire bocaticãrũja manire. Cristo ñarã mani ñajare mani tuo masiroca yami ã. Ito bajiri ñẽnaro yi ãmomena quenaro tuoĩarũja manire. Cristore mani tuorũnũja ito yicõri ɣãmeri mani ti maija rũmũã uju manire ejabe yirocũ, manire camotagũ yiguĩji ã. “Cristore mani tuorũnũja ticõri, manire masogũ yiguĩji Dios”, yi tuoĩa yucãrũja manire. ⁹ “Ñna tuoĩa bujatobitiroca yigũ yigũja yũ”, yirocũ meje manire beseñi Dios. Ito bajiro meje baja. Mani Uju Jesucristo ã godarisenã sũoriti manire masorocũ manire beseñi Dios. ¹⁰ Manire yiarĩ godaĩni ã, ã rãca mani ñatĩñatoni. Ito bajiri tũdi ã ejaja mani catija cũini, mani godaja bero cũini manire ãmi wacũ yiguĩji ã, ã rãca mani ñatĩñatoni. ¹¹ Itire ɣãmeri bũsicõri wanũ oca sũoña mũa. “Ito bajiro yirã yirãji ñna”, yi tuoĩa masi ña ɣua mũare.

Pablo ã goti quenore gaye

¹² Tuoŷa ɣua ñarã mũa. Mũa wato ɣãna Diore moã ãsirãre queno mũa rũcũbuore ãmoa ɣua. Mũaare riasorona ito yicõri mũare goti quenoronare cũini cũini Dios. Ito bajiri ñnare rũcũbuoŷa mũa. ¹³ Queno ñna mũare ejabũaja ticõri, queno rũcũbuoŷa mũa ñnare. Mũa ya usina ñnare tuo maiña mũa. Ñe oca mano ɣãmeri baba cũitiya mũa.

¹⁴ ɣua ñarã gaje ado bajiro mũare rotia ɣua. Mũa tu ɣãna moamenare queno ñnare gotiya. Mũa tu ɣãna tuoĩa oca sũomenare ñna oca sũoroca yiya mũa. Cristore queno tuorũnũsamenare queno ejabũaya mũa. Ñna jeyarore usirioro yimenati ñacõãña mũa.

¹⁵ Queno tɔoĩaña mɔa. Gãjerã ãna mɔare ñeñaro yibojarocati ãnare gãmebeja mɔa. Ado bajirojɔa yiba. Coji ruyabeto queno gãmeri yisotiba mɔa. Masa jeyarore ito bajiro riti yiba.

¹⁶ Diore tɔoĩacõri wanɔsotiba mɔa. ¹⁷ Diore busi jidicãbeja. Ñre busitĩnasotiba. ¹⁸ Quenarise, quenabiti cuni mɔare rɛtaja, “Queno ya Dios mɔ”, yisotiba mɔa. Jesucristore mɔa tɔorũnrã ñajare ñajediro mɔare rɛtarise, “Queno ya Dios mɔ”, yire ãmoami ã.

¹⁹ Diore mani cadi masitoni manire ejabɔa ãmoami Espiritu Santo. Ito bajiri ãre tɔo tebesa mɔa. ²⁰ Dios gaye busirã ãna busija ãnare tɔo tebesa. ²¹ “¿Dios gayere busirã ñati ãna? Ñnamasi tɔoĩa rujeocõri busirãji gajea”, yirona queno tɔoya maji. Dios gayere ãna busija itire boca ãmicõri tɔorũnɔma mɔa. ²² Jeyaro ñeñarisere tɔoĩa jidicãña mɔa.

²³ Dioti ñami ñe oca mano mani ñaroca yigɔ. “Mɔre riti rɛcɔbɔorã mɔ ñarã ãna ñaroca yiya mɔ”, mɔare yĩari Diore seni ãsisotia gɔa. “Quenarise riti tɔoĩajaro, Cristore riti tɔorũnɔjaro, quenarise riti yijaro”, yirona Diore senia gɔa, mɔare yĩari. Mani Ɔjɔ Jesucristo ã tɔdi ejari rɔmɔ ñe seti mana mɔa ñare ãmoa gɔa. Ito bajiri mɔare yĩari Diore seni ãsisotia gɔa. ²⁴ Ñ ñarã mani ñatoni manire beseñi Dios. Jidicãre mano manire tirũnɔgũ yiguĩji ã. Ito bajiri ã ãmoro bajiro mani yi masitoni manire ejabɔagu yiguĩji.

Quenajaro masa, Pablo ã yi ñucare gaye

²⁵ Gɔare yĩari Diore seni ãsiña gɔa ñarã mɔa cuni.

²⁶ Gɔare yĩari gãjerã Jesure tɔorũnrãre jababa ãsiña mɔa.

²⁷ Mani Ɔjɔ ã cũana ñari ado bajiro mɔare rotia gɔa. Ito gãna Jesure tɔorũnrã ñarocõti minijuacõri adi paperare tiya gɔa ñarã mɔa.

²⁸ Mani Ɔjɔ Jesucristo queno yijaro mɔare. Itocõ ña.

Segunda carta de San Pablo a los Tesalonicenses

Tesalónica cuto gānare Pablo ī papera cōare gaye

¹ Nati Tesalónica cuto gāna m̄a. Ȳa Pablo mani n̄arā Silvano, Timoteo mesa rāca adi papera m̄are uca ȳa. Mani Jac̄u Dios n̄arā n̄a mani, ito yicōri mani ̄J̄u Jesucristo n̄arā c̄ni n̄a mani. Īnare t̄or̄n̄rā n̄ari minijuasotia m̄a c̄ni, ĩnare r̄c̄b̄orona. ² M̄are queno ī yitoni Mani Jac̄u Diore senisotia ḡa. Ito yicōri n̄e oca manoti m̄a ya ̄s̄ij̄u queno m̄a wan̄u quenaroca ī yitoni ĩre senisotia ḡa. Mani ̄J̄u Jesucristore c̄ni ito bajiroti seni ĩsisotia ḡa m̄are yiari.

*Cristo ī t̄u*di ejari r̄m̄u n̄eñaro masa ĩna yire waja Dios ī seniroti gaye

³ T̄ōya ȳa n̄arā m̄a. Coji r̄ȳabeto ḡa m̄are t̄ōiasotija, “Queno ya Dios m̄”, yisotia ḡa ĩre. Queno b̄usa Jesucristore t̄or̄n̄u warā ya m̄a, ito yicōri b̄uto b̄usa gāmeri ti mai warā ya m̄a. Itire t̄ōiacōri, “Queno ya Dios m̄”, yisotia ḡa ĩre. ⁴ Ito bajiro bajirā m̄a n̄ajare gājerā Jesucristore t̄or̄n̄urāre m̄a gaye ḡa b̄usija, wan̄ure rāca b̄usia ḡa. Ado bajiro wan̄ure rāca b̄usia ḡa ĩnare: “Tesalónica cuto gāna Diore queno t̄or̄n̄ucōri, t̄ō jidicābeama ĩna. T̄ōia b̄ujatobitibojarāti n̄emec̄tiama ĩna. Gājerā ĩnare ̄s̄irioro yi codebojarocati n̄emec̄tiama ĩna”, yi gotia ḡa gājerā Jesucristore t̄or̄n̄urāre. ⁵ M̄a Dios ocare c̄dija ticōri, m̄a t̄ōia b̄ujatobitiroca yama gājerā. Ito bajiro ĩna yibojarocati ī rotiroj̄u m̄a eja masiroca quenarise m̄a yi masitoni m̄are yiḡu yiguīji. Itire masicōri, “Masa ĩna yigoado bajiroti ĩnare ti beseḡu yiguīji Dios. Quenarise riti yiḡu n̄ami ī”, yi t̄ōia masia mani.

⁶ M̄a t̄ōia b̄ujatobitiroca yirāre ĩna t̄ōia b̄ujatobitiroca yiḡu yiguīji Dios. Ito bajiro ĩnare ī yija, ĩna n̄eñaro yirise waja seniḡu yiḡu yiguīji. Ī ito bajiro yija quena. ⁷ Adocāta t̄ōia b̄ujatobitibojarāti itire ito bajiro bajit̄n̄amenaji mani. Co r̄m̄u m̄a tujacāroca yiḡu yiguīji Dios. Ḡare c̄ni ito bajiroti yiḡu yiguīji. Ito bajiro yiḡu yiguīji mani ̄J̄u ūmac̄j̄u ī goāori r̄m̄u. Ūmac̄j̄u goāocōri jājarā ángel mesa rāca wadiḡu yiguīji ĩ. Jea ūj̄aro yorise bajiro b̄uto busurise wato wadirā yirāji ĩna. ⁸ Diore t̄or̄n̄ubitigoanare mani ̄J̄u Jesucristo gaye oca c̄d̄imenare waja seniḡu wadiḡu yiguīji ĩ. ⁹ Jesucristore ĩna t̄or̄n̄ubitire waja, jeame ūj̄aroj̄u t̄ōia b̄ujatobiti n̄asotirā yirāji. Ito yicōri wisa godana bajiro n̄at̄n̄arā yirāji ĩna. Mani ̄J̄u n̄aro camotado n̄at̄n̄aro yiroja ĩnare. Ī masirise ī ĩorij̄u timena yirāji ĩna. ¹⁰ Iti r̄m̄u Jesucristo ī t̄u di ejari r̄m̄u ī n̄arā ĩre t̄or̄n̄urā ĩre ti wan̄urā yirāji ĩna. Ito yicōri, “Ī n̄ami r̄etoro masiḡu”, ĩre yi r̄c̄b̄orā yirāji ĩna. M̄are ḡa riasorise t̄or̄n̄urā n̄ari ĩna rāca ĩre ti wan̄urā yirāji m̄a c̄ni.

¹¹ Itire t̄ōiarā, m̄are yiari Diore seni ĩsisotia ḡa. Ī n̄arā m̄a n̄atoni m̄are beseñi mani ̄J̄u Dios. Ito bajiri, Tesalónica cuto gāna m̄a āmorise yi masijaro yirona, Diore senisotia ḡa. Gaje m̄are yiari ado bajiro Diore seni ĩsisotia ḡa: “Quenarise ĩna yi āmorise ĩna yi masitoni m̄a masirisena ĩnare ejab̄aya”, yi seni ĩsisotia ḡa. “Cristore t̄or̄n̄urā n̄ari n̄ajediro moare ī c̄ure gayere ito bajiroti yijaro ĩna”, yirona Diore senia ḡa m̄are yiari. ¹² Ito bajiri queno m̄a yirise ticōri, mani ̄J̄u Jesucristore r̄c̄b̄orā yirāji masa jeyaro. Ī n̄arā m̄a n̄ajare m̄are c̄ni r̄c̄b̄orā yirāji ĩna. Manire ti maicōri Jesucristore Dios ī goda ĩsi rotijare, ito bajiro r̄etaro yiroja.

2

*Jesucristo ī t̄u*di ejaroto rioj̄ua bajiroti gaye

¹ T̄ōya ȳa n̄arā m̄a. M̄cana mani ̄J̄u Jesucristo ī t̄u di wadiroti r̄m̄u gaye m̄are b̄si āmoa ȳa. Manire miojucōri ī rāca mani n̄at̄n̄atoni manire āmi wadiḡu yiguīji ĩ. ² “Ejacāñi Jesús”, gājerā ĩna yibojaja, ḡuibesa m̄a. ĩnare t̄ocōri, t̄ōia wisabesa. “Riti n̄a, ȳa cāiroj̄u ito bajiro gotiquī Dios ȳare”, ĩna yibojaja c̄ni ĩnare t̄or̄n̄ubesa. “Ejacāñi

Jesús, yi gotiami Pablo yure paperana”, ñna yibojarocati ñnare tuorünubesa. ³Jájarã ñna muare ruobojaja cuni tuorünubesa. Jesús ï tũdi wadiroto riojua, juaji gaye rëtoro yiroja. Ï wadiroto riojua Diore buto ti tecõri cudimenaji masa. Ito bajiro ñna baji ñaroca rëtoro ñeñaro yigu goaõgũ yiguĩji. “Jeame ñjuroju ñre cõagũ yigũja yu”, Dios ï yicãru ñami ï. ⁴Jeyaro masa ñna rucuburise ti tegu ñagũ yiguĩji ï. Dios gayere ti tegu ñari ï wajacu ñami ï. “Yu sigũti ña masa jeyaro ñju”, yigu yiguĩji ï. Diore rucuburã masa ñna minijuari wiju rujigu yiguĩji ï. Dios robo bajiro ña ruogu yiguĩji. “Dios ña yu”, yi ruogu yiguĩji ï.

⁵Iti rumu mua rãca ñagũ iti goti jeocu yu muare. ¿Itire masibeaati mua? ⁶“Rëtoro ñeñaro yigu ï goaõme yirocu, ñre camotami Dios maji”, yi tuoãrã ña mani. Dios ï rotibetoti goaõbiquĩji ï. ⁷Jeyaro ñeñaro ï yiroti masibitibojarãti, “Masa ñna ñeñaro yiroca yicãmi ï”, yi tuoãrã ña mani. Dios ñre camotagu ï rotibetoti goaõbicu yiguĩji ï. ⁸Dios ï camotabeja goaõgũ yiguĩji rëtoro ñeñaro yigu. Ito bajibojarocati Jesús ï tũdi ejari rumu ï jutirisenati siacõgũ yiguĩji ñeñaro yigure. Rëtoro masigũ ñari josari mejeti ñre ruyuriogu yiguĩji Jesús ï tũdi ejari rumu. Ito bajiro ï yija ticõri, “Rëtoro masigũ ñami Jesús”, yi masirã yirãji masa jeyaro. ⁹Rëtoro ñeñaro yigu ï goaõja rãmua ñju Satanãs ï masirise jidicãgũ yiguĩji ñre. Ito bajiri buto ï masirisena ejagu yiguĩji ï. Tiyamani ñocõri masare ruogu yiguĩji ï. ¹⁰Wisa godasotianare ruorocu dise ruyabeto ñeñaro yigu yiguĩji ï. Ñnare Dios ï maso amobojarocati ï oca ñasarise boca amimenaji ñna. Ito bajiri wisa godana ñatĩñarã yirãji ñna. ¹¹Ï oca riojo ñasarise ñna boca amibitire waja ñna tuoã wisaroca yigu yiguĩji Dios. Ito bajiri ruore gaye oca tuorünurã yirãji ñna. ¹²Ito bajiro yigu yiguĩji Dios, ï oca ñasarisere tuorünubiticõri ñeñarise yi wanurãre jeame ñjuroju ñna watoni.

Manire masorocu Dios ï besere gaye

¹³Tuoya yu ñarã mua. Mani ñju buto manire tuo maiami. Jane mejeju muare masorocu muare beseñi Dios. “Ñeñaro yirã ña mani, mani ñeñaro yirise jidicãruja manire”, mua yi tuoã masiroca yĩni Dios Espiritu Santona suoriti. Ito bajiro ï yija, ï oca ñasarisere tuorünuyija mua. Itire tuoãcõri “Queno ya Dios mu”, yi jidicãbitiruja guare. ¹⁴Ï ñarã mua ñatoni ï oca ñasarise gua muare goti rëtojuaro yirocu, guare cũni Dios. Ï ocare mua tuorünuja ticõri, Cristore ï tũdi catiroca ï yiado bajiroti mua tũdi catiroca yigu yiguĩji muare cuni.

¹⁵Jesucristore tuorünu jidicãbesa yu ñarã mua. Muare oca riojo ñasarise gua riasogocati itire jidicãbesa. Iti oca mua tiro riojo goticu gua. Paperana cuni muare goticu. ¹⁶⁻¹⁷Manire ti maicõri queno yĩni Dios manire. Mani tuo wanujaro yirocu, manire baba cutitĩnagũ yiguĩji ï. “Ï rãca catitĩnagũ yigũja yu”, mani yi tuoã wanu yuroca yigu ñami ï. Mani Jacu Dios, mani ñju Jesucristo cuni queno yitĩñajaro muare. Mua ya usiju oca seoroca yijaro Dios. Quenarise riti mua busitoni, ito yicõri quenarise riti mua moatoni muare ebaruajaro Dios.

3

Guare yari Diore seni ñiña, Pablo ï yire gaye

¹Susari coji gaye muare goti amoa yu ñarã yu maji. Guare yari Diore seniña. Coju ruyabeto mani ñju oca iti bata watoni Diore seniña. Ï oca tuo wanucõri mua boca amiado bajiro jãjarã ñna boca amitoni Diore seniña. ²Guare ñeñaro yi amõrãre ñnare camotajaro Dios yirona, ñre seniña. Gua riasorise ocare tuorünu amomena jãjarã ñna. ³Ito bajibojarocati guare jidicãbicu yiguĩji Dios, muare cuni ito bajiroti. Mua oca seoroca yicõri queno busa Cristore mua tuorünuroca yigu yiguĩji ï. Rãmua ñju muare ñeñaro yibe yirocu, muare camotagu yiguĩji Dios. ⁴Cristore tuorünucõri, “Tesalónica cuto gãnare ñna queno yi masitoni ebaruagu yiguĩji ï”, yi tuoã gua. Ito bajiri, “Gua rotirise cudirã yirãji ñna. Ito yicõri ñaro bajiroti yisotirã yirãji”, yi tuoã gua muare. ⁵“Queno manire ti maiami Dios”, mua yi masijaro yirona, Diore senia gua. Tuoã bujatobitibojaguti ñnemecutiñi Cristo. Ï ñnemecutiado bajiroti muare cuni ñnemecuti masiroca yijaro Dios.

Sigũ ruyabeto moaja quena, yire gaye

⁶ Tɔoya yɛ ñarã mɛa. Adi mɛare rotijaro yirocɛ, gɛare cũni mani Ɖju Jesucristo. Sīgũ Jesure tuorũnugũ ñabojaguti ï moa ãmobeja, ito gɛa riasoado bajiro ï yi ãmobeja ï rãca baba cutibeja. ⁷ Mɛa tu gɛa ñaja rocati ñacõabiticɛ gɛa, moacɛ. Gɛare tigoana ñari, “Ïnare bajiro mani yija quena”, yirɛja mɛare. ⁸ Mɛa tu gɛa ñaja waja yimenati mɛa ya najure babiticɛ gɛa. Ado robojɛa yicɛ gɛa. Ɖmɛari ñami cɛni josari moacɛ gɛa. Ito bajiro yicɛ gɛa bare waja yirona. Mɛare usirioro yibe yirona, mɛa gɛare waja yi ïsire ãmobicɛ gɛa. ⁹ Mɛare riasori masa ñari, “Gɛare ejabuaya mɛa”, gɛa yija quena ñaboadoja. Ito bajibojarocati mɛare josabiticɛ gɛa. Ado robojɛa yicɛ. Moacɛ gɛa, “Ïna robo bajiro yirɛja manire cɛni”, mɛa yi masitoni. ¹⁰ Mɛa rãca ñarã ado bajiro roticɛ gɛa: “No moa ãmobicɛ babitijaro”, yicɛ gɛa mɛare. ¹¹ “Ïna wato coriarã moamenati ñama”, yire oca tɔoa gɛa mɛare. “Coriarã moamena ïna wato gãjerã ye oca tɔocõri rocati busi batorã yirãji”, yire oca tɔoa gɛa mɛare. ¹² Mani Ɖju Jesucristo ï cũana ñari, ado bajiro rocati moamena ñarãre rotisotia gɛa: “Moaña, queno ñana yirona. Ito yicõri gãjerã ye oca tɔocõri busi batobesa”, yi rotisotia gɛa.

¹³ Tɔoya yɛ ñarã mɛa. Queno yirã ñari queno mɛa yirise jidicãbesa. ¹⁴ Sīgũ adi papera gɛa ucarise tuorũnubicure ti masicõri ïre baba cutibesa. Ito bajiro mɛa yija ï ñeñaro yirise tɔoĩbojogɛ yiguji ï. ¹⁵ Ñeñaro ï yibojarocati ïre ti tebesa. Mani yagɛ ï ñajare ïre goti quenoña mɛa.

Quenajaro masa, Pablo ï yi ñucare gaye

¹⁶ Mani Ɖju ï ñami ñe oca manoti mani ñaroca yigɛ. Ñe oca manoti mɛa ya usijɛ queno wanɛ quenaroca yitĩñajaro Dios. Dise rɛyabeto mɛare iti rẽtabojarocati ñe oca manoti mɛa ñaroca yijaro Dios. Mɛa ñarocõ rãca ñatĩñajaro mani Ɖju.

¹⁷ “ ‘Quenajaro’, yami Pablo”, yi uca yɛ, yɛmasiti. Ito bajiro riti gajanoa papera yɛ ucarise. Ito bajiro ya yɛ, “Riti ucañi Pablo”, mɛa yi masitoni. ¹⁸ Mani ñajediroreti queno yitĩñajaro mani Ɖju Jesucristo. Itocõ ña.

Primera carta de San Pablo a Timoteo

Timoteore Pablo ĩ papera cõare gaye

¹⁻² Ñati yu baba Timoteo mu. “Quenajaro”, ya yu mure. Yu ña Pablo adi papera mure uca ñucagũ. “Yure masogũ yiguĩji Jesucristo”, yi mani tuoia yugũ, ĩ cũru ña yu. Dios yure ĩ rotijare Jesucristo ocare goti ucuri masũ ña yu. Tũoya Timoteo mu. Jesucristore tuorũnũjaro yirocu, mure riasocu yu. Ito bajiri yu macũ robo bajiro baja mu. Mani Jacũ Diore mure yiari senia yu. “Ī queno ñaroca yiya. Īre ti maiña. Ito yicõri ñe oca manoti ĩ ñaroca yiya”, yi Diore seni ĩsisotia yu mure yiari. Mani Uju Jesucristore cuni ito bajiroti seni ĩsisotia yu mure yiari.

Rũore oca riasorãre tuorũnũbesa, Pablo ĩ yire gaye

³ Macedonia sita wacu, “Ado Efeso cuto tujaya mu”, yicu yu mure. Ito gãnare oca riojo riasomenare, “Jidicãña mua, yiya”, yirocu ito mu tujare amoã yu. Īna ñama, “Dios oca ñasarise riasorã ña gũ”, yibojarãti ĩ oca riojo riasomena. ⁴ “Bucurã oca riaso jidicãña mua”, yiya mu ĩnare. Ito yicõri, “Ado bajiro yiyijarã mani ñicusabatia”, mua yi gotirisere jidicãña mua”, yi gotiya mu ĩnare. Iti oca ĩna gotija jaje ñacõri jedirise meje ña. Ito bajiri iti oca masare ĩna riasoja ricati riti ĩna tuoiaroca yirãji ĩna. “Cristore mani tuorũnũja ticõri, manire masogũ yiguĩji Dios”, yi masare mani riasore amoami Dios.

⁵ Ito gãna gãmeri ĩna ti mairã amogũ ito bajiro rotia yu. Mani ñeñaro yirise jidicãcõri Cristo sigũreti mani buto tuorũnũja, “Ñe seti ma yure”, yi masirãji mani. Ito bajiro mani yi masija gãmeri ti mairã yirãji mani. ⁶ Dios oca ñasarisere jidicãrã ñari, ñe waja mani gayejuare tuoia busiama ĩna. Ito bajiro yicõri tuoia wisama. ⁷ Moisés ñayoru rotirise riasori masa ña amoama ĩna. Ito bajibojarãti ĩnamasi ĩna tuoia busirise, ĩna oca riasorise cuni tuo masibeama. “Queno riasorã ña gũ”, yibojarãti ĩnamasi ĩna riasorisere tuo masibeama ĩna.

⁸ “Moisés ñayoru ĩ rotirise quenarise ña”, yi tuoia mani. Ī rotirisere masicõri, “Queno Diore cudibea yu”, yirãji mani. ⁹ Queno yisotirãre meje ĩ rotirise cũni Dios. Ñeñaro yirãjuare ĩ rotirise cũni. Cudimenare, Diore ti terã, ñeñaro yirã, ñeñaro busirã, jacusabatiare sãrã, ito yicõri sãri masare cuni ĩ rotirise cũni Dios. “Ñeñaro yirã ña mani”, ĩna yi masijaro yirocu, ĩ rotirise cũni Dios. ¹⁰ Romiare ajerãre, umua comasiti ñeñaro yirã, gãjerãre ñiacõri ami warãre cuni, ito yicõri ruori masa, “Dios ĩ tiro riojo riojo gotia gũ”, yi ruorã, ito yicõri oca ñasarise cudi amomenare cuni ĩ rotirise cũni Dios, “Ñeñaro yirã ña mani”, ĩna yi masitoni. ¹¹ Jesucristo oca quenarise iti ña ñasarise. Iti oca yu riaso ucutoni yure cũni mani Uju Dios. Ī sigũti ñami rãtoro rãcũbũorũ.

Yure queno yiñi Cristo, Pablo ĩ yire gaye

¹² Ī oca yu riasotoni yu oca seoroca yami Uju Jesucristo. “Yure tuorũnũgũ ñami Pablo”, yicõri “Yure moã ĩsijaro”, yirocu yure cũni Cristo. Ito bajiri, “Queno ya mu”, ya yu ĩre. ¹³ Iti rumũju yu ñeñaro ĩre busibojarocati yure beseñi ĩ, ĩre yu moã ĩsitoni. Iti rumũju Jesure tuorũnũrãre usirioro yisoticu yu maji, ito yicõri Jesure busitusoticu. Ito bajiro ĩre yu yibojarocati yure ti maiñi Dios. “Yu Macure tuorũnũbicu ñari ĩre ĩ ñeñaro yirisere masibeami Pablo maji”, yi masiñi Dios yure. Ito bajiro yi masicõri yure ti maiñi Dios. ¹⁴ Yure ti maicõri jaje queno yiñi mani Uju yure. Īre yu tuorũnũroca yiñi ĩ. Gãjerãre yu ti mairoca yiñi. Riti yure queno yiñi ĩ.

¹⁵ Ado yu mure gotiroti riti baja. Ito bajiri mua tuorũnũja quena. Ado bajiro baja. Ñeñaro yirãre masorocu adi sita wadiñi Cristo. Yu ñacu gãjerã ñeñaro yirã rãtoro ñeñaro yicacu. ¹⁶ Ito bajiro yu bajibojarocati yure ti maicõri yure masoñi Dios. Ito bajiro yure yiñi Dios. “Gãjerã rãtoro ñeñaro yigu Pablo ĩ ñabojarocati ĩre ti mai jidicãbisiju Cristo. Īre ti maicõri ĩre masoñi ĩ”, masa jeyaro ĩna yi masitoni yure masoñi ĩ. Ito bajiro ĩ yijare, “No

Cristore tuorünurãreti ña ñeñaro yirisere ãcabojogu yiguñji Dios. Ñinare masocõri ña catitñaroca yigu yiguñji Dios”, yi tuoña mani. ¹⁷ Ito bajiri ñe rucubuoññaruja manire. Ado bajiro ñe yi rucubuoññaruja manire: “Muti ña gna Uju catitñagũ. Godarocu meje ña mũ. Sīgũ mure tigorũ maquñji. Ñimũ mũ robo bajigu maquñji. Mũ sīgũti ña rētoro masīgũ”, yi rucubuoññaruja mani Diore. “Ito bajiro bajitñajaro”, ya yũ.

¹⁸ Tuoya yũ maigũ Timoteo mũ. Yũ macũ robo bajiro tuoña yũ mure. Ado bajiro rotia yũ mure: Ñarocõti Dios ñ mure cũre ito bajiroti yiya mũ itire. “Diore queno cudigu yiguñji”, yiyjarã Diore goti ñsiri masa mure tuoña yurã. Ña goti yuado bajiroti rũmũre cudibe yirocũ, Diore queno moa ñsiña. ¹⁹ Diore tuorũnũ jidicãbesa. Mũ tuoñarise quenarise mure iti gotija, tuorũnũña mũ itire. Coriarã ñama ña tuoñarise iti gotibojarocati tuorũnumena. Ito bajiro yicõri Diore tuorũnũ jidicãma ña. ²⁰ Ito bajiro yicã Himeneo ito yicõri Alejandro cuni. Diore tuorũnũ jidicãcõri ñeñaro busicã ña ñe. Ito bajiri, Diore ñeñaro ña busirise jidicãjaro yirocũ, rũmũ ñinare usirioro ñ yi codeja camotabiticũ yũ.

2

Mani Diore senire gaye

¹ Cajero ado bajiro mure rotia yũ. Masa jeyarore yiari Diore seni ñsiña. “Masare ti maiña”, yirocũ Diore seniña. Ñ masare queno yija ticõri, “Queno ya Dios mũ”, yiya. ² Gobierno masare yiari Diore seni ñsiruja manire. Ito yicõri ujarã jeyarore Diore seni ñsiruja manire. Ito bajiro mani yija queno ñe oca mano ñarã yirãji mani. Ito yicõri Diore cudi ãmorã ñari quenarise riti yirã yirãji mani. ³ Masa jeyarore yiari Diore seniruja manire. Iti ña quenarise. Ito bajiro mani yija, manire ti wanugũ yiguñji Dios, manire masorũ. ⁴ Masa jeyarore maso ãmogũ ña ñeñaro yirisere jidicãre ãmoami Dios. “Riojo ñasarise ña Dios oca”, masa jeyaro ña yire ãmoami Dios. ⁵ Sīgũti ñami Dios. Ñimũ gãji ñ robo bajigu mami. Sīgũti ñami manire yiari Diore busi ñsigũ. Iti ñami Jesucristo. Ñ sigũti ñami Dios ñarã mani ñaroca yi masīgũ. ⁶ Jesús godaño mani ñeñaro yirise waja yi ñsirocũ, mani jeyaroreti. Ito bajiro ñ yijare, “Masa jeyarore maso ãmoami Dios”, yi tuoña masirã ña mani. ⁷ Iti oca yũ masare riaso ucutoni yũre cũñi Dios. Iti Cristo oca ñasarise judio masa mejere cuni yũ riasotoni yũre cũñi Dios. Cristore tuorũnũjaro yirocũ, ñinare yũ riasotoni yũre cũñi Dios. Cristore tuorũnũgũ ñari riojo gotia yũ. Socabea yũ.

⁸ Coju ruyabeto masa Diore ña busire ãmoa yũ. Diore rucubuoñã ãmo ña ñumuoja, ña ya usiju Diore tuoña rucubuoñõri ña yija quena. Ña ya usiju gãjerãre tuoña junisinicõri meje yija quena. ⁹ Queno tuoñacõri romia ña saya sãñare ãmoa yũ. “¿No bajirojua yũ sãñaja yũre ti seyorã yirãjida ãmũ?” yirã mejeti ña sãñaja quena. Jaje ti seyore gaye busabitiruja ñare. “¿No bajirojua yũ joa quenoja ti seyorã yirãjida ãmũ?” yimenati ña joa quenoja quena. Yũre ti seyojaro yirona, perla wame cutirise, oro wame cutirise cuni busabitiruja ñare. Yũre ti seyojaro yirona meje, saya buto waja cutirise ña sãñaja quena. ¹⁰ No romia quenarise yirã riti gãjerã ña tiro riojo seyorã ñarã yirãji ña. Romia Diore tuorũnũrã quenarise riti yirã ñari seyorã ñarã yirãji ña. ¹¹ Dios oca tuorona mũ minijuaja romia busimenati ña tuo rujija quena. Riasori masure ña rucubuoja quena. ¹² Mũ minijuari wi ãmũare romia ña riasore ãmobeja yũ. Mũ minijuaja romia busimenati ña ñaja quena. Romia ãmũare rotimenati rucubuoja quena. ¹³ Ado bajiro bajia. Cajero Adán ñayorũre rujeosuo yiju Dios. Ito bero ñ manojjo Evare rujeoyiju. ¹⁴ Adán meje ñayiju rũmũ ñ rhorisere tuorũnũsuorũ. Ñ manojjo ñayijo rũmũre tuorũnũsuoro. Rũmũ ñ rhorise tuorũnũcõri ñeñaro yiyijo iso. ¹⁵ Ito bajiri romia ña macũ cutija ña tuoña bujatobitiroca yami Dios. Ito bajibojarocati sīgõ Jesucristore tuorũnũ jidicãbeco gãjerãre iso ti maija, Dios ãmoro bajiro iso yija, ito yicõri ñeñarise iso ñemecutija isore masogũ yiguñji Dios.

3

Dios oca riasori masa bajire gaye

¹ Ado yu mware gotiroti, riti ña. No Dios oca riaso ãmorã ito bajiro ña yija quena ña. ² Sîgũ Dios oca riasori masu ï ña ãmoja ñe seti macu ï ñaja quena. Sîgõti ï manojõ cuti, ñeñaro yire ñemecuti, queno tuoïagũ ï ñaja quena. Ejarãre boca ãmi tebicu ï ñaja quena. Ito yicõri queno riaso masigũ ï ñaja quena. ³ Idire queagu meje, gãjerã rãca gãmeri tã ãmogũ meje, ito yicõri niyerure tuorũnũgũ meje ï ñaja quena. Ado robojua ï bajija quena: Gãjerãre queno yigu, oca queno masigũ, ito yicõri niyerure tuo maibicu ï ñaja quena. ⁴ ï ñarãre queno goti masigũ, ï rãa queno cãdiroca ï yi masigũ ñaja, ito yicõri ï rãa gãjerãre ña rũcubũoroca ï yija quena. ⁵ Sîgũ ï ñarãre ï tirũnu masibeja, Diore rũcubũorã minijuarãre cãni tirũnu masibicu yiguïji ï. ⁶ Gãjerãre Dios oca riaso ñarocu mame Cristore tuorũnũsũogũ meje ï ñaja quena. Cristore tuorũnũsũogũreti mani cũjama, “Yu sîgũti ña gãjerã rãtoro masigũ”, yi tuoïaguïji ïocũ. Ito bajiro ï yija ï tuoïa bũjatobitiroca yigu yiguïji Dios. Ito bajiro Satanás ï tuoïa bũjatobitiroca yiyijũ Dios, “Dios rãtoro ñasagu ña yu”, yi ï tuoïare waja. ⁷ Dios oca riasori masure masa ña tuorũnũre ãmobeami Satanás. Ito bajiri gãjerã Jesure tuorũnũmena cãni ña rũcubũogũ ï ñaja quena. Ito bajiro bajigu ï ñaja gãjerã busitu masimenaji ïre.

Dios oca riasori masure ejabuarã masa bajire gaye

⁸ Dios oca riasori masure ejabuarã cãni ito bajiroti gãjerã ña rũcubũorã ñaja quena. “Ado robojua yiana mani”, ña yiro bajiroti ña yirã ñaja quena. Idire quearã meje, niyerure tuo mairã meje ñaja quena. ⁹ Iti rãmũju Cristo oca masa ña masibitire queno ña tuorũnũja quena. Ito bajiro tuorũnũcõri, “Dios ãmoro bajiro mani yijare ï tiro riojo ñe seti mana ña mani”, ña yija quena. Ito bajiro bajirã ñacõri Dios oca riasori masure ejabuarã ña ñaja quena. ¹⁰ Ñare mũ beseroto riojua, “Ãna ñama queno yirã. Ñe seti ma ñare”, mũ yi ti masija quena. Queno ña yija ticõri, ñare besegu yigũja mũ ïja. ¹¹ Romia cãni Dios oca riasori masure ejabuarã gãjerã rũcubũorã ña ñaja quena. Ñeñarise ñemecutirã oca menimena, idire queamena ña ñaja quena. Ito yicõri, “Ado bajirojua yiana mani”, ña yiro bajiroti ña yirã ñaja quena. ¹² Dios oca riasori masure ejabuarã sigõreti ña manojõ cutija quena. Ña rãa queno cãdiroca ña yija quena. Ito yicõri ña ñarãre cãni queno ña goti masirã ña ñaja quena. ¹³ Ña moarise queno ña yija gãjerã rũcubũorã yirãji. “Jesure tuorũnũrã ña mani”, yirã ñari oca seorã yirãji ña. Ito bajiri Jesucristore ña tuorũnũre gaye, gũimenati gãjerãre gotirã yirãji ña.

Gãjerã ña tuo masibiti gaye

¹⁴ “Yoari mejeti mũ tũ wacu yigũja yu”, yi tuoïacõri adi papera mure cõa yu. ¹⁵ Ito bajibojarocati coji mũ tũ yu ejabeja, Dios ñarãre ado bajiro mũ yi goti masitoni adi papera mure cõa yu. Mani minijuaja Dios catitĩngũre rũcubũorona minijua mani. Dios oca ñasarisere rũcubũorã ñari, “Riojo gotia Dios oca”, yirã ña mani. ¹⁶ Ñasarise ña Dios oca gãjerã ña tuorũnũbitibojarocati mani tuorũnũsotirise. ï oca mani tuo masiroca yĩni Dios. Ado bajiro baja:

Manire bajiro rujũ cuticõri adi sitajũ wadiñi Cristo. Espiritu Santo ï rotiro bajiro riti yisotiyijũ Cristo. Ito bajiri, “Ñeñaro ï yire ma ïre”, masa ña yiroca yĩni Espiritu Santo. Ángel mesa cãni ïre ti rũcubũoyijarã. Co sita ruyabeto ï ocare riasoyijarã ña. Ito yicõri co sita ruyabeto ïre tuorũnũyijarã coriarã. Ito bajiro bajija bero ùmacũju ïre boca ãmiyijũ Dios. Itire mani tuo masiroca yĩni Dios.

4

Jesure tuorũnũ jidicãre gaye

¹ “Adi macãrucũro iti jedi wari rãmũri coriarã Jesucristore tuorũnũrã ñabojarãti ïre tuorũnũ jidicãrã yirãji”, recoti manire gotiami Espiritu Santo. Ado bajiro ñaro yiroja: Cristore tuorũnũ jidicãcõri rãmũ ï ruorise riasorãre tuo suyarã yirãji ña. ² Ñare riasori masa ado bajiro bajirã ñarã yirãji ña. “Ruorã ya mani”, yi masibojarãti ñare ruorã yirãji ña. “Ñeñaro yirã ña mani”, yi masibojarãti itire tuoïacõri bojori bũjamenaji ña.

³ Manojō cūtire gaye rēorā yirāji ĩna. Coji gaye bare rēorā yirāji ĩna. Ito bajibojarocati Jesure tʷorūnūrā mani baroti bare cūni Dios. Dios oca ñasarise tʷorūnūrā, “Queno ya Dios mʷ”, mani yijaro yirocʷ barere cūni Dios. ⁴ Ado robojʷa baja: Ñarocōti Dios ĩ rujeore quenarise ña. Ito bajiri, “Adijʷa ña bare. Adi ña bare meje”, yi rēobitirʷa manire. Ado bajirojʷa mani yija quena: Bare bujacōri, “Queno ya Dios mʷ”, yirʷa manire. ⁵ “Bare dise rʷyabeto ña mani baroti”, yi gotia Dios oca tuti manire. Ito bajiri, mani baroto riojʷa “Queno ya Dios mʷ”, mani ĩre yija, “Baya quenarise ña”, yigʷ yiguĭji Dios.

Queno Jesucristore moa ĩsire gaye

⁶ Iti oca gājerā Jesucristore tʷorūnūrāre mʷ gotija, queno ĩre moa ĩsigū ñagū yigʷa mʷ. Dios oca ñasarise mani tʷorūnūrāre mʷ riasoti jidicābeja buto busa Jesucristore tʷorūnūrā wacʷ yigʷa mʷ. ⁷ Bucʷrā oca ĩna tʷoĭa rujeore tʷorūnūrā. Dios ĩ cūre meje ña iti. Ito bajiri waja ma. Diore queno cūdi āmogū ĩ gayere riasotiya. ⁸ Mani moaja mani ya rujʷ sēoroca ya mani. Ito bajibojarocati Dios gaye mani riasotija rēto busaro quena iti. ĩ gaye riasoticoři mani ĩre cūdiya adi sita mani ñaroca, ito yicōri ũmacūjʷ ĩ tʷ mani ñaroca cūni manire queno yigʷ yiguĭji Dios. ⁹ Adi mʷre yʷ gotirise riti ña. Ito bajiri masa jeyaro ĩna tʷorūnūrāroti ña adi. ¹⁰ “Catitĩñagū ñami Dios”, yicōri ĩre tʷorūnūrā mani. Masa jeyarore maso masigū ñami Cristo. No ĩre tʷorūnūrāre masogū yiguĭji. Ito bajiri gājerā ĩna manire ũsiroro yi codebojarocati mani moaroti Dios ĩ cūre moarʷa manire.

¹¹ Adi oca yʷ busirise masare riasocōri ĩnare cūdi rotiya. ¹² Mʷ tʷ ñarā Jesure tʷorūnūrā ĩna queno yitoni ĩna tiro riojo quenarise riti yija. Quenarise riti busiya. Gājerāre ti maiña. Cristore queno tʷorūnūrā. Queno tʷoĭacōri quenarise riti yija. Ito bajiro mʷ yija ticōri, mamʷ mʷ ñabojarocati mʷre rʷcʷbuorā yirāji ĩna. ¹³ Yʷ ejaroto riojʷa masa ĩna tʷoro riojo Dios oca tuti ti gotiya ĩnare. Ito yicōri ĩna oca sēoroca yirocʷ Dios oca riasoya masare. ¹⁴ Mʷ queno yi masiroca Dios ĩ mʷre yire itire jidicābesa mʷ. Ito yʷ ñaroca ĩna ya āmo moa jeocōri, “Adi ña mʷ moaroti Dios ĩ cūre”, yicā Jesure tʷorūnūrāoana. Ito bajiri mʷ masiroca Dios ĩ mʷre yire gaye yija mʷ.

¹⁵ Adi oca yʷ mʷre gotirise cūdiroca tʷorūnūrā. Ito bajiro mʷ yija ticōri, “Dios ocare buto busa cūdi masi wacʷ yami ĩ”, yirā yirāji ĩna mʷre. ¹⁶ Dise rʷyabeto mʷ yiroto riojʷa queno tʷoĭacōri mʷ yisotija quena. Queno riasorocʷ queno tʷoĭaña. Dios ocare jidicābesa mʷ. Ito bajiro mʷ yija mʷre masogū yiguĭji Dios. Ito yicōri mʷ riasorise tʷorūnūrāre cūni masogū yiguĭji Dios.

5

Jesure tʷorūnūrāre ũmatā ñare gaye

¹ Sīgū bucʷgʷ ñeñaro ĩ yibojarocati buto sēoro yicōri goti quenobesa. Ado bajirojʷa mʷ yija quena: Rʷcʷbuore rāca ĩre goti quenoma. Mʷ jacʷre bajiro ĩre rʷcʷbuoba. Mamarāre mʷ ocabaji mesa bajiroti tʷoĭama. ² Romia bucʷrāre mʷ jacore bajiro rʷcʷbuoba. Ito yicōri mamarā romiare cūni mʷ ocabajio mesa bajiroti tʷoĭama. Quenarise riti tʷoĭacōri ĩnare rʷcʷbuoba.

³ Manʷjʷ godagoanare rʷcʷbuoba. ĩna bojoro bujaja gājerā Jesure tʷorūnūrā ĩnare ejabuaja quena. ⁴ Ito bajibojarocati sīgō manʷjʷ godagoro iso rĭa ñaja, ito yicōri janerābatia ñaja cūni ĩna isore ejabuaja quenaro yiroja. Ito bajiro rotiyijʷ Dios. Mani jacʷsabatia manire ti maicōri ĩna masore waja ĩnare mani ejabuaja quena. Iti ña quenarise, ito yicōri Dios ĩ ti wanurise. ⁵ Manʷjʷ godagoro sīgōti iso ñaja ito yicōri isore ejabuarā manija gājerā Cristore tʷorūnūrā ejabuaja quena. Diore riti tʷorūnūrā ũmʷa, ñami cūni ĩre senigō yigōji iso. Ito bajiri gājerā Jesucristore tʷorūnūrā isore ejabuaja quena. ⁶ Manʷjʷ godagoro iso tʷoĭa wanʷ quenarise riti yigo ñajama, ejabuare ma isoōcōre. Catigo ñabojagoti godacāro bajiro bajiamo iso ñeñaro yigo ñari. ⁷ Adi yʷ mʷre rotirise mʷ tʷ ñarā Jesure tʷorūnūrāre gotiya. ĩna cūdiya ticōri, “Ñeñaro yama ĩna”, yi busitu masimenaji gājerā. ⁸ Sīgū ĩ ñarāre, ĩ jacʷsabatiane cūni ĩ ejabuabeja, “Diore tʷorūnūrā ña yʷ”, yibojaguti ĩre tʷorūnūrā jidicāre ñami ĩocū. Gājerāma Diore tʷorūnūrāmena ñabojarāti ĩna ñarāre ejabuarāji.

⁹ Sīgō manujū godagoro Dios oca riasori masure gājerā romia rāca iso ejabua āmoja sesenta rodori rēto busaro iso tujago ñaja quena. Sīgūti manujū cutigoro iso ñaja quena. ¹⁰ “Queno yigoro ñamo iso”, masa jeyaro ña yigo ñaja quena. Iso rīare queno masogoro ñaja quena. Iso ya wi ejarāre queno boca āmigoro iso ñaja quena. Gājerā Jesure tuorūnūrāre wanure rāca iso ejabuagoro ñaja, bojoro bujarāre cūni ejabua, ito yicōri quenarise riti iso yigo ñaja quena.

¹¹ Dios oca riasori masure ejabuarona mamarā busa manujū godagoanare cūbesa. Mamarā busa mū cūja mūcana tūdi buto manujū cuti āmobjacōri ña moaroti Cristo ī cūrere jidicā āmorā yirāji gajea. ¹² Ito bajiro ña yija, “Dios oca riasori masure ejabua āmosotia gūa”, ña yiro bajiro yi tīomenaji ña. ¹³ Gaje mure gotia yū. Jājarā masa tū ña ucucōri teri jairā ñarā yirāji ña. Iti riti meje yirā ñarāji ñaōna. Oca socari masa cūni ñarā yirāji. Gājerā ña busija tucōri, rocati busi bato āmorā yirāji ña. ña busirotioni meje busirā yirāji. ¹⁴ Ito bajiri mamarā busa manujū godagoana mūcana ña tūdi manujū cutire āmoa yū. Rīa cuti, ña ya wi tirūnū, ña yi ñare āmoa yū. Ito bajiro ña bajija ticōri, gājerā manire busitu āmorā, “Ñeñaro yirā ñama Cristore tuorūnūrā”, yi masimenaji ña manire. ¹⁵ Coriarā manujū godagoana Cristore tuorūnū jidicācōri Satanásjuare tuorūnū sūyama ña.

¹⁶ Jesure tuorūnūrā ña ñarā wato manujū godagoro iso ñaja ña isore ejabuaja quena. Gājerā Jesure tuorūnūrā ejabuamenaji isore iso ñarā ña ejabuacājare. Manujū godagoana bojoro bujarāre ito yicōri ñimujua ñare ejabuagū manija ticōri, ñare ejabuarā yirāji gājerā Jesure tuorūnūrā.

¹⁷ Ito mū tū ñarā bucūrā queno Jesure masirāre buto rūcubuoja quena. Ito yicōri gājerā Jesure masirāre ña queno ūmatā ñaja ticōri, ñare rūcubucōri waja yija quena. ¹⁸ Ado bajiro gotia Dios oca tuti: “Ta wecū trigo ajere ī wi cūda codaja, ‘Bajaro ī cūni jabeto’, yirona ī ya rise sia biabesa”, yi gotia Dios oca tuti. Gaje ado bajiro gotia: “No moarāti waja bujarā yirāji”, yi gotia Dios oca tuti.

¹⁹ Jesure tuorūnūrāre ūmatā ñagūre gāji ī oca menija, gājerā ī baba mesa ī robo yirā manija cūdibeja quena. ²⁰ No ñeñaro yisotirāreama gājerā ña tiro riojo oca sēoro yicōri jidicā rotiya. Ito bajiro mū yija ti gūicōri ñeñaro yimenaji ña cūni. ²¹ Ado bajiro mure rotia yū Dios ī tiro riojo, Jesucristo, ito yicōri ángel mesa cūni ī beseana rāca: Sīgū mū baba ī ñabojarcoti ñeñaro ī yija oca sēoro yicōri ĩre jidicā rotiya. Masa jeyarore coro bajiro mū rūcubuoja quena. ²² Dios oca riaso ñarocū mū cū āmoja ūsiribicuti mū beseja quena. Queno yigū ī ñaja tirocū ūsiribicota mū maji. Ñeñaro yigūre mū cūjama, “Ñeñaro ī yigū ñabojarcoti ĩre cūami Timoteo”, yirā yirāji masa mure. Ñeñaro yibe yirocū, ñeñaro yirā rāca baba catibesa mū. Gājerā ñeñaro ña yibojarcoti coca ña rāca ñeñaro yibeja mū.

²³ Tūoya Timoteo mū. “Coji meje jeraga juni cōsotigū mū ñajama ide goti idibesa. Ūyé ide cūni jabeto idioma”, ya yū mure.

²⁴ Coriarā ñeñaro ña yirise recoti tia mani. “Masa ña ñeñaro yirise waja Dios ī seniri rūmū ñare waja senigū yiguji”, yi tuoīa mani. Gājerāreama ñeñaro yirā ña ñabojarcoti recoti ña ñeñaro yija tibeja mani. Ito bajibojarcoti masa ña ñeñaro yirise waja Dios ī seniri rūmū, “Ñeñaro yirā ñama ña”, yi ti masirā yirāji masa jeyaro. ²⁵ Coriarā queno ña yirise recoti tia mani. Gājerāma queno ña yibojarcoti recoti tibeja mani. Ito bajibojarcoti masare Dios ī waja yiri rūmū “Queno yirā ñama ña”, yi masirā yirāji masa jeyaro.

6

Gājerāre moa ĩsirā bajire gaye

¹ Jesucristore tuorūnūrā gājerāre moa ĩsirā ñari ña ūjarāre ña rūcubuoja quena. ña ūjarāre rūcubuojeja ticōri, “Ñeñaro yirā ñama Jesure tuorūnūrā. Ñe waja ma ña riasorise”, yirā yirāji gājerā. ² Cristore tuorūnūrāre moa ĩsiri masa ñari ña ūjarāre ña rūcubuoja quena. “Mani robo bajirāti ñama ña. ñare rūcubuojena mani”, yibitirāja

ĩnare. Ado bajirojua ĩna yija quena. ĩna uju Jesucristore ĩ tuorũnugũ ñajare buto busa ĩna moa ĩsija quena. Jesucristore tuorũnugũ ĩ ñajare ĩ ñarã bajiroti ĩna ĩre ti maija quena. Ito bajiri buto busa ĩna ĩre moa ĩsija quena. Adi ito mu tu ñarãre mu riasore ãmoa yu.

Niyerure tuo maire gaye

Ado bajiro ĩnare mu cudi rotire ãmoa yu: ³ Mani Uju Jesucristo oca ñasarise iti ña mani tuorũnusotirise. Mu tu gãna coriarã manire bajiro tuoĩarã meje ñama ĩna. Ricati tuoĩama. Ito bajiro tuoĩacõri ruore gaye oca riasoama. ⁴ Ito bajiro riasorã ñama, “Gãjerã rãtoro masirã ña gua”, yirã. Ito bajibojarocati masirã meje ñama ĩna. Cristo gaye gãmeri busi tobua ãmosotiana. Gãmeri oca josama ĩna. Ito bajiro ĩna yija, masa ricati tuoĩaroca yama. Masa ĩna gãmeri ti tudiroca yama. Masa ĩna gãmeri busituroca yama. Ito yicõri masa ĩna gãmeri tuo rucubuo bitiroca yama. ⁵ Ñeñarise tuoĩarã ñari masa rãca oca josotiana ĩnaõna. Oca riojo ñasarise masirã meje ñama ĩna. “Dios oca masare mani riasoja niyeru jairo bujarã yirãji mani”, yi tuoĩama ĩna. Ito bajiro yirã rãca baba cutibesa. ⁶ Jesucristore mani tuorũnurise buto ñasarise ña. Jairo rucomena ñabojarãti Cristore tuorũnucõri mani wanuja gajeoni jairã robo bajiro bajaia mani. ⁷ Adi sita mani rujeaja ñe rucomenati rujeayija mani. Ito bajiroti mani godaja cuni ñe ãmi wamenaji mani. ⁸ Mani bare cuti, yutabuju cuti, mani yijama, “Ñejua ruyabea”, yi tuoĩacõa mani. Ito bajiri wanu quena mani. ⁹ Gãjerãma niyeru jairo bujarona ñeñarise ñemecuti masibeama ĩna. “Ado bajiro ñeñaro yicuja yu”, yi tuoĩabitibojarãti ñeñaro yisuoama ĩna. Ito bajiri ñeñaro yisucõri rocati quenabiti yi uya ãmorãji ĩna. Ñeñaro yi uycõri itire jidicã masimenaji ĩna. Ito bajiri jeame ujuroju warã yirãji. ¹⁰ Niyerure riti tuo mairã ñeñaro yirã yirãji itire bujarona. Niyerure mani tuo maija dise ruyabeto ñeñarise yisurã yirãji mani. Coriarã ñama buto niyerure buja ãmocõri Jesucristore tuorũnũ jidicãrã. Ito bajiro yicõri ĩna ya usiju bojori bujama ĩna.

Timoteore Pablo ĩ rotire gaye

¹¹ Ito bajiro ĩna yibojarocati ĩna robo yibesa muãma. Dios yagu ñari quenarise riti buto yiya mu. Diore riti rucubuo ya. Ito yicõri ĩre riti tuorũnũña. Gãjerãre tuo maiña. Tuoĩa bujatobitibogati Cristore tuorũnũ jidicãbesa. Gãjerãre rucubucõri ĩnare quenoti yiya. ¹² Ñeñaro yijaro yirocu, rũmã ĩ mure usirioro yibojarocati Jesucristore tuorũnucõri quenarise riti yiya. Ito bajiro mu yija ticõri, mure waja yigu mu catitĩnaroca yigu yiguĩji Dios. Dios oca riasori masu mure ĩ cõri ruma gua jãjarã tuoro riojo, “Cristore tuorũnugũ ñari quenarise riti yi ãmoa yu”, yicu mu. ¹³ Dios dise ruyabeto iti ñasotiroca yigu mure yu rotirise tuoguĩji ĩ. Jesucristo mani Uju cuni yu mure rotirise tuoguĩji ĩ. ĩ ñami guibicuti Poncio Pilato wame cutigu ĩ tiro riojo, “Dios ĩ cõaru ña yu”, yigu. Ado bajiro mure rotia yu: ¹⁴ Yu mure rotirise ñarocõti cudiya. “Ñeñaro yami ĩ”, gãjerã mure yi busitube yirocu, yu rotirise ñarocõti cudiya. Ito bajiro yisotiba mani Uju Jesucristo ĩ ejarocõjuti. ¹⁵ Dios ĩ ãmori rumuti tadi eja yiguĩji Cristo. Rãtoro rucubuo gu ñami Dios. Rãtoro masigũ ñami ĩ. Ñimu gãji ĩ robo bajigu uju mami. Ñimu gãji ĩ robo rucubuo ru mami. ¹⁶ ĩ sigũti ñami godabicu. Buto busuroju masa ĩna ejabetoju ñasotiami ĩ. Sigũ ĩre tigorũ maquĩji. Ito yicõri sigũ ĩre tibicu yiguĩji. ĩre rucubuo tĩnaruja manire. Ñimu gãji ĩ robo rãtoro masigũ mami. Ito bajiro riti bajitĩñajaro ijariju cuni.

¹⁷ Adi sita gaye gajeoni jairo rucorãre, “Gãjerã rãtoro ñasarã ña gua’, yibesa”, yiya ĩnare. “Jaje niyeru ruco yu. Ito bajiri ñe rãtabetoja yure’, yi tuoĩabesa mu”, yiya ĩnare. Yoari mejeti jedirise ña niyeru. Dios catitĩnagũre tuorũnucõri, “Iti ñami manire tirũnugũ”, yiruja ĩnare. Mani queno wanu quena ñatoni manire queno yigu yiguĩji Dios. ¹⁸ Gajeoni jairãre, “Quenarisejua yiya mu”, yi rotiya ĩnare. Gajeoni buja ãmore rãto busaro quenarise ña queno yire. ĩna ya niyerure tuo maimenati gãjerãre ejabuarona ĩna ĩsija quena. ¹⁹ Ito bajiro ĩna yija ticõri, masare Dios ĩ waja yiri ruma ĩnare queno waja yigu yiguĩji ĩ. Jogabiti gaye ĩnare ĩsigũ yiguĩji ĩ. Ito yicõri ĩna catitĩnaroca yigu yiguĩji.

Timoteore Pablo ĩ rotisare gaye

²⁰ Tuoŷa Timoteo m̄. Ī oca riasojaro yiroc̄, m̄re c̄ñi Dios. Ito bajiri ĩ m̄re c̄ru ñari queno riasoya. Rocati masa ĩna tuoĭa rujeorere tuor̄n̄besa. Ñe waja ma iti. Ito bajiro b̄sirã rãca gãmeri tuoĭa b̄sibesa. “B̄to masire gaye riasorã ya gua”, yirãre tuor̄n̄besa. Ito bajiro yibojarãti oca ñasarise meje riasoama ĩna. ²¹ “B̄to masire gaye riasoa gua”, yirãre tuo suyama coriarã. Ito bajiri ĩnajuare tuo suyac̄ori Diore tuor̄n̄beama ĩna.

Dios queno yisotijaro m̄re. Itoc̄ ña.

Segunda carta de San Pablo a Timoteo

Timoteore Pablo ĩ papera cõare gaye

¹⁻² Ñati yu baba Timoteo mu. “Quenajaro”, ya yu mure. Yu ña Pablo. Adi papera mure cõa yu. Jesucristo ĩ cõru ña yu. Jane mejeju ado bajiro yicãyiju Dios: “No yu Macure tuorũnurãreti ña catitĩnaroca yigu yigujaja yu”, yicãyiju Dios. Iti oca yu riaso ucutoni yure cõni Dios, ĩ ãmoro bajiroti. Tõoya Timoteo mu. Mure buto tuo maicõri yu macure bajiro mure tuoia yu. Mani Jacu Diore mure yiari seni ĩsisotia yu. “Ī queno ñaroca yiya. Īre ti maiña ito yicõri ñe oca manoti ĩ ñaroca yiya”, yi Diore seni ĩsisotia yu mure yiari. Ito bajiroti mani Uju Jesucristore cõni seni ĩsisotia yu mure yiari.

Masare Cristo oca goti batoya, Pablo ĩ yire gaye

³ Yu ñicũsabatia Diore ña rucubuoado bajiroti rucubuo yu cõni. “Yu ñeñaro yirisere coe jeõni Dios”, yi tuoicõri ĩ tiro riojo queno ĩre moa ĩsia yu. Umu ñami cõni mure yiari Diore seni ĩsisotia yu. Mure tuoia bujacõri, “Queno ya Dios mu”, yisotia yu ĩre. ⁴ Yu wacati rumu mu oticati masia yu. Mucana mure buto ti ãmoa yu queno wanu quenarocu. ⁵ “Cristore queno tuorũnugũ ñami Timoteo”, yi tuoia yu mure. Mu ñico Loida, mu jaco Eunice cõni mu riojuaju ito bajiro Cristore tuorũnyijarã ña. “Mu cõni ito bajiroti Cristore tuorũnugũ ñagũja mu”, yi tuoia yu mure.

⁶ Ito bajiri yu ãmo mure moa jeocati rumu mucana mu tũdi tuoiare ãmoa yu. Ito bajiro yu yicati rumu Diore mu moa ĩsi masiroca yiñi ĩ. Itire acabojabesa. Wanucõri queno busa ĩre mu moa ĩsire ãmoa yu. ⁷ Mani ya usiju mani tuoia gũi ñatoni meje yiñi Dios. Ado bajiroju yuñi. Mani tuoia oca seoroca yiñi ĩ. Espiritu Santo manire queo sacõri queno mani ĩre moa ĩsiroca yiñi. Gãjerãre mani ti mairoca yiñi. Ito yicõri ñeñarise mani ñemecuti masiroca yiñi Dios. ⁸ Mani Uju Jesucristore busi ejabuagu, “Masare masogũ ñami ĩ. Īre riti tuorũnu yu”, yibojobesa. Masare Jesucristo oca yu riasore waja ado tubia ecoru ña yu. Ito bajiro yu bajibojarocati, “Pablo ñami yu baba”, yibojobesa. “Pablo ĩ tuoia bujatobitiro bajiro bujagu yigujaja yu cõni”, yi tuoia gũibesesa. Jesucristo oca quenarise mu masare riasobojarocati co rumu mu tuoia bujatobitiroca yirã yirãji gãjerã. Ito bajiro ña yibojarocati mu ñemecuti masitoni mure ejabuagu yiguñi Dios. ⁹ Manire masoñi Dios. Ī ñarã queno yirã mani ñatoni manire beseñi ĩ. Mani queno yirise ticõri meje manire masoñi Dios. Neñaro yirã mani ñabojarocati manire masoñi ĩ. Manire ti maicõri ĩ ãmoro bajiroti manire masoñi Dios. Adi macãrucãro ĩ rujeoroto rioju manire masi yucõri manire ti maiyiju Dios. “Yu Macu Jesucristo ĩ godarotina suoriti ñnare masogũ yigujaja yu”, yi tuoia yucãyiju Dios. ¹⁰ Adi sitaju wadicõri mani Uju Jesucristo ĩ manire goda ĩsirena suoriti, “Manire ti maiami Dios”, yi tuoia masia mani, adi rumuri ĩja. Godabojaguti tũdi Jesucristo catijare, ĩja mani godarotire gũibe manire. “Cristo oca quenarise mani tuorũnuja mani catitĩnaroca yigu yiguñi”, mani yi masiroca yami ĩ.

¹¹ Iti oca yu masare goti rõtobutoni yure cõni Dios. Judio masare meje Cristo oca yu riaso ucutoni yure cõni ĩ. ¹² Iti oca yu riasore waja ado tuoia bujatobiti ña yu. Yu tuorũnugũre ĩre queno masia yu. Ito bajiri ado tubia ecobojaguti bojori bujabea yu. Yure tirũnugũ yiguñi ĩ. Ito yicõri, “Masa ñeñaro yirise waja ĩ seniri rumu yure masogũ yiguñi”, yi masia yu.

¹³ Oca ñasarise mure riasocu yu. Iti oca yu mure riasocati riaso jidicãbesa masare. Jesucristore tuorũnu jidicãbesa. Jesucristo ñarã ñacõri ĩre tuo mairuja manire. Ito bajiroti gãjerã ĩre tuorũnurãre cõni mani maija quena. ¹⁴ Ī oca masare mu riasotoni mure cõni Dios. Mani ya usiju queda sãjaru Espiritu Santo ĩ ejabuarisena masare riasoya.

¹⁵ “Asia sita gãna Pablora jidicãni ña”, yi masigũja mu. Ña wato ñama yure jidicãrã Figelo ito yicõri Hermógenes. ¹⁶ Yure ña jidicãbojarocati Onesíforo wame cutiguama

yure ejabuaquĩ. Ito yicõri yu oca sãoroca yiquĩ ï. Tubiara wi yu ñabojarocati “Ïre ti ãmobeaa yu”, yibitiquĩ yure. Ito bajiri ïre mani Uju Dios queno ï yire ãmoa yu. Ï ñarãre cuni ito bajiroti Dios ï yire ãmoa yu. ¹⁷ Ado Roma wame cutiri cuto ejaõõri yure bujarocu ãma jidicãbisĩ ï. ¹⁸ “Ado Efesoju Pablo ï ñaroca queno ejabuaquĩ Onesĩforo”, yi masigũja mu. Yure ï queno yire waja ïre queno yijaro mani Uju. Masa ïna ñeñaro yirise waja ï seniri rumu ïre ti maijaro Dios.

2

Ñemecutiya Timoteo mu, Pablo ï yire gaye

¹ Tuõya yu macu Timoteo mu. Manire ti maicõri ï ñarã mani ñaroca yiñi Jesucristo. Ito bajiri itire tuõacõri oca sãõña mu. ² Jãjarã masare oca yu riasoroca tuõgocacu ñacu mu. Ito bajiri yu mure riasogocati Jesure masirãre riasoya, gãjerãre ïna riaso masitoni. Ito bajiro mu yija gãjerãre Cristo oca ñasarise riasorã yirãji ïna cuni.

³ Jesucristore queno tuõrũnugũ ña mu. Ito bajiri tuõõa bujatobitibojaguti surara masu bajiro ñemecutiya mu. ⁴ ïna uju rotirise riti tuõrũnrãji surara. Gãjerã ïna yisotiriseama tuõrũnũmenaji ïna. ïna uju rotirise riti cudi ãmorãji ïna. ⁵ Ito bajiroti no ajere gaye rãtocũ ãmogũ, ajere ujarã ïna rotiro bajiro ï cudiya quena. Itire ï cudiyeja ï ajere waja bujabiquĩji ï. ⁶ Ito bajiroti no weseca moagũ ï moare waja cajero iti wese rica bujagu yiguĩji ï. Gãjerã riojua bujasuõgu yiguĩji ï. Ito bajiroti bajija quena. ⁷ Iti oca mure yu gotirise queno tuõõaña. Itire mu queno tuõõaja mu tuõõa masiroca yigu yiguĩji mani Uju.

⁸ Jesucristo ï ñare gaye tuõõate mu. Uju ñayoru David wame cutigu janerãbatia janami ñayiju ï. ïre ïna siabojarocati ï tũdi catiroca yiyiju Dios. Iti ña oca quenarise. Ito yicõri iti ña masare yu oca goti rãtobure. ⁹ Iti oca masare yu riasore waja ado tubiara wiju tuõõa bujatobiti ña yu. Ñeñaro yigure bajiro come mana yure siacã ïna. Come mana yure ïna siabojarocati Dios ocareama camota masimenaji ïna. ¹⁰ Ito bajiri ado robojua baja. Dise ruayabeto yu tuõõa bujatobitiroca ïna yibojarocati ñemecutigu yiguja yu. Dios ï beseana Jesucristore ïna tuõrũnure ãmoa yu. ïre ïna tuõrũnũja ñare masogũ yiguĩji. Ito bajiri ï rãca õmacũju catitĩñarã yirãji ïna. Itire tuõõacõri yu tuõõa bujatobitiroca masa ïna yibojarocati itire ñemecutigu yiguja yu.

¹¹ Oca riojo ñasarise ado bajiro gotia:

Cristore tuõrũnrã ñari mani godaja ï rãca catitĩñarã yirãji mani.

¹² Tuõõa bujatobitibojarãti mani ñemecutija, co rumu ï rãca rotirã yirãji mani cuni. “Masibeaa yu Jesure”, mani yija co rumu, “Masibeaa yu mure”, yigu yiguĩji ï cuni manire.

¹³ “Ado bajiro yiana mani”, mani yiro robo yi jeobitibojarocati ijuama, “Ado robo yicuja yu”, ï yiado bajiroti yi jeõgu yiguĩji. Riojo gotisotigu ñari ruore oca goti masibeami ï.

Queno Diore moa ïsiña, Pablo ï yire gaye

¹⁴ Mure yu gotirise ito gãna mucana tũdi ïna tuõõaroca yiya. Ado bajiro ñare mu gotire ãmoa yu: “Biyaro mua oca josarise jidicãtoni yure cũni Dios. Ito bajiri ñasabitire mua tuõõa jidicãja quena. Ñasabiti mua tuõõa busija, ñe waja ma iti. Ito bajiro mua busija tuõõõri, tuõ wisarã yirãji mure tuõ coderã cuni”, yiya ito gãnare. ¹⁵ Dios ï mure ti wanõtoni yiro robo queno ïre moa ïsiña Timoteo mu. Ito bajiro mu yija ticõri, queno mure wanugũ yiguĩji Dios. ï ocare queno riasotiya, masare queno mu goti rãtõbu masitoni. “Diore queno moa ïsia yu”, mu yi masija ï tiro riojo bojõbicu yiguja mu. ¹⁶ Adi sita gaye riti tuõõacõri ruore oca riasorã rãca tuõõa busibesa. Ito bajiro masare riasocõri bũto busa ïna ñeñaro yi waroca yirã yirãji ïna. ¹⁷ Ruore oca riasorã ïna ruorise cami jogare robo bajiro baja. ïna ruorise cami joga waro bajiro baji waju iti. Gãjerãre ïna tuõõa wisaroca ya iti. Jũarã ruore oca riasorã ado bajiro wame cutirã ñama, Himeneo, ito yicõri Fileto. ¹⁸ Oca riojo ñasarisejua jidicãcõri ruore ocajua riasoama ïna. “Godarãre mucana tũdi catiroca Dios ï yiri rumu rãtacoaju”, yi riasoama ïna. Ito bajiro ïna riasoja tuõõõri, coriarã Jesucristore tuõrũnrã tuõõa wisama ïna. ¹⁹ Ito bajiro ïna riasobojarocati

Dios ocama ñeñabetoja iti. Ī oca ito bajiro ñatĩñaro yiroja. Ī oca ado bajiro gotia: “Ī ñaräre ti masiami mani ʘjũ”, yi gotia Dios oca. Gaje ado bajiro gotia iti: “No, ‘Jesucristore tuorũnurã ña gua’, yirã, ña ñeñaro yirisere jidicãja quena”, yi gotia Dios oca.

²⁰ Queno tuoja, goti masiore ocana mure gotigu ya yũ. Wi jajo wijũ somotërori jaje ñaro yiroja. Quenari tërori ñaro yiroja. Oro wame cutirisena ito yicõri plata wame cutirisena ña menire ñaro yiroja iti somotërori. Somotërori gaje buto quenarise meje ñaro yiroja. Yucuna, ririna ña menire ñaroja gaje. Iti wi ʘjũ ñasari masa ña ejaja ticõri, somotërori quenarisena bare jeogu yiguĩji ñare. Iti tërorire wanugũ queno codegu yiguĩji ĩ. Gaje somotërorireama quenasabitire co rumũ ruyabeto bare jeo bagũ yiguĩji.

²¹ No ñasarise Diore moa ĩsi ãmogũ ñarocõti ñeñaro ĩ yirise jidicãja quena. Ñeñarise jidicãcõri Diore riti ĩ rucubuoja quena. No ito bajiro yiguti quenarise Diore moa ĩsigũ ña yucãgũ yiguĩji.

²² Mamũ ñabojaguti gãjerã mamarã ña ñeñaro yi ʘyarisere ti cũbesa muãma. Quenarisejua riti yisotiya mũ. Diore riti tuorũnu ñasotiya. Gãjerãre ti maicõri queno ñe oca manoti, ñaña mũ. Īna ñeñaro yirise jidicãnajua Cristore riti tuorũnurã rãcajua baba cutiya. ²³ Ñeñaro tuoĩa busirã rãca baba cutibesa. Īna tuoĩa busirise rocati gaye ñacõri ñe waja ma. “Masa ña oca josaroca yama ña”, yi masigũja mu ñare. Mure ña seniã josabojarocati ñare tuorũnubesa. ²⁴ No mani ʘjũre moa ĩsi ãmogũti oca josagu meje ĩ ñaja quena. Ado robojua ĩ bajija quena: Masa jeyarore queno yigu ñaja quena. Queno riasogu ñaja quena. Īre bajiro ña tuoĩabitibojarocati ʘsirioro ñare yi codebicũ ĩ ñaja quena. ²⁵ Dios oca ti tudirãre quenoti ĩ goti quenoja quena. Ito bajiro ñare ĩ gotija ña ñeñaro yirise jidicãroca yigu yiguĩji Dios gajea. Ito bajiri Dios oca ñasarise tuorã yirãji gajea. ²⁶ Oca ñasarisere tuorũnucõri quenarisere tuoĩarã yirãji ña. Īna ñeñaro yirisejua jidicãcõri rãmũa ʘjũre rëtocũrã yirãji ña. Rãmũa ʘjũre cudigoana ñabojarãti ĩre rëtocũrã yirãji.

3

Adi macãrucũro iti jedi wariju gaye

¹ “Adi macãrucũro iti jedi wariju buto josari rumũri ñaro yiroja”, mu yi masire ãmoa yũ. ² Ado bajiro bajiro yiroja. Īna ya rujure maicõri ña ya gajeonire cuni tuo mairã ñarã yirãji adi sita gãna. Ito bajiroti ña ya niyerure cuni tuo mairã yirãji. “Gãjerã rëtoro ñasarã ña gua. Ñejua ruyabea guare”, yi tuoĩarã yirãji masa. Gãjerãre busiturã yirãji. Īna jacusabatiare cudimena yirãji. Īnare queno gãjerã yibojarocati, “Queno ya muã”, yimenaji ña. Ñeñaro yirã ñari Dios ocare cuni rucubuo mena yirãji ña. ³ Gãjerãre ti maibiticõri ñare ñeñaro yirã yirãji ña. Gãmeri ti tudirã yirãji. Oca rão gotiri masa ñarã yirãji ña. Īna ñeñaro yi ãmorise ñemecutimenaji. Gãjerãre ñeñaro yi coderã yirãji. Queno yirãre ti tudirã yirãji. ⁴ “Mu babaguti ñagũ yiguja yũ”, yi ruocõri, oca menirã yirãji ña. Īna ãmoro bajiroti ñeñaro yirã yirãji ña. “Gãjerã rëtoro ñasarãguti ña gua”, yirã yirãji ña. Dios ĩ ãmorisejua yiro õno yirã ña yi ãmorisejua yirã yirãji ña. ⁵ “Dios ocare rucubuo rã ña gua”, yirã yirãji ña. Ito bajibojarocati, “Dios sigũti ñami rëtoro masigũ”, yi rucubuo menaji ña.

Ito bajiro yirã rãca baba cutibesa. ⁶ Romia queno tuoĩamenare, “Dios oca mure goti rëto buana gua”, yama ña coriarã. “Bũjato baja ñeñaro yirã romia ña gua”, yibojarãti ñeñaro ña yirise jidicã masimena romiare ãmarã yirãji ruori masa. Ito bajiro bajirã romiare ruorona ãmarã yirãji ña. ⁷ Dise ruyabeto gãjerã ña riasobojarisere tuorũnu ãmoama romia ñaõna. Ito bajiro yicõri Dios oca ñasarisere tuo masibeamã ña. ⁸ Jane mejeju Janes wame cutigu ito yicõri Jambres wame cutigu cuni Moisés ñayorure ti tudicõri ĩre cudi ãmobisjarã ña. Ito bajiro bajirã ñama ruori masa. Dios oca riojo ñasarisere ti tudiamã ña. Ñeñarise riti tuoĩamã ña. “Diore tuorũnurã ña gua”, yibojarãti ĩre tuorũnurã meje ñama ña. ⁹ Ito bajiro ña bajijare, “Rocati ruore oca riasoama ña”, yi masirãji masa jeyaro. Jane mejeju Janes ito yicõri Jambres cuni ña ruore ti masiado bajiroti adi rumũri ruorãre cuni ti masirã yirãji masa.

Timoteore Pablo ï rotire gaye

¹⁰ Ñna robo bajigu meje ña Timoteo muáma. Masare yu riasorise gaye queno masia mu. “Ito bajiro ñasotigu ñami Pablo”, yure yi masia mu. “Jesucristore tuorünugũ ñari ï amorise riti yi ámoami Pablo”, yi masigũja mu yure. “Masare usirioro yigu meje, ñnare ti maigũ ñami Pablo”, yure yigũja mu. “Tuoïa bujatobitibo jaguti Dios oca masare riaso jidicãbisï Pablo”, yure yi masigũja mu. ¹¹ Cristo oca yu riasojare masa ñna yure usirioro yi codeja ticu mu. Yu tuoïa bujatobitija ticu mu. Antioquía, Iconio ito yicõri Lистра wame cutiri cutoju cuni yure rêtare ñarocõti masigũja mu. Iti catoriju yu tuoïa bujatobitiroca masa ñna yure yire masigũja mu. Ito bajiro ñna yibojarocati mani Ujmu yure codeñi ï. ¹² No Jesucristore tuorünurã queno yi amorãre usirioro yi coderã yirãji gãjerã. ¹³ Ñeñaro yirã ito yicõri ruo jairã cuni buto busa ñeñaro yi warã yirãji. Ruore oca gotisotirã yirãji. Gãjerã cuni ito bajiroti ruorã yirãji ñna ruorã ñajare.

¹⁴ Ñna bajiro yibesa muáma. Dios oca mu riasotire tuorünũ jidicãbesa. “Yure riasogoana oca riojo ñasarise riasocã ñna”, yi masigũja mu. ¹⁵ Dios oca tutire macuacã ñagũju riasotisuoyija mu. Dios oca riasotigu ñari, “No Jesucristore tuorünugũti, ñre masogũ yiguïji Dios”, yi masigũja mu. ¹⁶ Dios oca tuti ucagoana ñna tuoïa rujeore meje ucayijarã ñna. Ñna tuoïariseju Dios ï gotire riti ucayijarã. ï oca tuti ña mani riasotiroti. Itire riasoticõri oca riojo ñasarise masia mani. Itire riasoticõri, “Ñeñaro yigu ña yu cuni”, yi masia mani. “Yu ñeñaro yirise jidicãcõri, queno ñagũ yigũja yu”, yi masia mani. ï ocare riasoticõri Dios ï amorise quenarise moa masia mani. ¹⁷ “Ado bajiro Diore mani moa ñsija quena”, mani yi masire ámoami Dios. Gãjerãre quenarise yirona mani ña yucãre ámoami Dios. Ito bajiri ï amorise mani yi masitoni ï oca tuti manire cũñi ï.

4

Timoteore Pablo rotisusare gaye

¹ Tuoya Timoteo mu. Yu mure rotirise tuoami Dios. Cristo masa jeyarore ti beserocu cuni yu mure rotirise tuoami. Jesucristo ï tũdi ejari rumu catirãre, godanare cuni ti besegu yiguïji. Ñeñaro yigoana tuoïa bujatomena yirãji ñna. Jesucristore tuorünurãma ï rotiroju ï rãca ñatĩñarã yirãji mani. Itire masigũja mu. Ito bajiri ado bajiro mure rotia yu. ² Dios oca masare riaso ñasotiya. Masa ñna tuo ámoja, ñna tuo ámobeja cuni oca ñasarise riaso jidicãbesa. “Ñeñaro yirã ña gua”, masa ñna yi masitoni ñnare riasoya. Ñna ñeñaro yirise jidicã ámomenare goti quenoña. Dios oca masare riasocõri ñna oca seoroca yiya. Coji Dios ocare ñna tuo masibitibojarocati ñnare junisinibesa mu. Usiriobicuti ñnare Dios oca riasosotiya. ³ Oca riojo ñasarisere ti tecõri itire masa ñna tuo ámobiti rumu ejaro yiroja co rumu. Ñna ñeñaro yi amorise riti yirã yirãji ñna. Ito bajiri ñna tuo amorise riasorãre riti ámarã yirãji ñna. Oca riojo ñasarise riasorãjuare tuo ámomenaji ñna. ⁴ Oca riojo ñasarisere jidicãrã yirãji ñna. Masa ñna ruo gotirisereama tuorünurã yirãji ñna. ⁵ Muáma ñna bajiro yibeja mu. Queno tuoïarise jidicãbesa mu. Tuoïa bujatobitibo jaguti ñnemecutiya mu. Cristo oca tuoïamenare riaso ucuya mu. Mu moaroti Dios ï cũre ñaro bajiroti yiya.

⁶ Yure ñna sïaroti rumu jabeto ruya. Jesucristo oca masare yu riasojare yure sïarã yirãji ñna. Ito bajiri yoari mejeti Dios tu wacu yigũja yu. ⁷ “Ñna ñeñaro yirise jidicãjaro”, yirocu Cristo oca masare riaso josacu yu. Jeyaro moare yure Dios ï cũre ito bajiroti jeoa yu. Diore tuorünũ jidicãbiticu yu. ⁸ Ito bajiri ñre yu tuorünũ jidicãbitire waja yure queno yigu yiguïji Dios. Queno yigoana ñna jesari bedo bujagu yigũja yu cuni. Masare ï ti beseri rumu yure waja yigu yiguïji ï. Masa ñna yigoado bajiroti ñnare ti besegu yiguïji ï. Yure riti meje waja yigu yiguïji ï. No Jesucristore tuo maicõri ï tũdi ejari rumu bocatirãre cuni queno waja yigu yiguïji ï.

Timoteore Pablo ï ti amore gaye

⁹ Tuoya Timoteo mu. Yoari mejeti yure tigu waya. Sejabesa mu. ¹⁰ Yu rãca ñabojagu yure jidicãquï Demas wame cutigu. Dios gaye rëtoro adi sita gayejũare ámoquï ï. Ito

bajiri yure jidicãcõri Tesalónica wame cõtiri cõtõjũ waquĩ ã. Galacia sita gãnare Dios oca riasogũ waquĩ Crescenteama. Ito yicõri Dalmacia sita gãnare riasogũ waquĩ Tito cõni. ¹¹ Lucas sãgũti ñami yũ rãca. Ito bajiri Marcosre ãmacõri ãre ãmi waya. Yũ moarise yure ejabũa masiguĩji ã. ¹² Tiquico wame cõtigure Efeso cõtõjũ cõacu yũ. ¹³ Wadigũ joe sãñado yũ yaro ãmi wadiba. Troas gagũ Carpo wame cõtigu ya wijũ cõcu yũ. ãmi wadi ãsiña yure. Papera tutiri cõni ãmi wadiba. Yũ ya papera tunare mũ ãmi wadisacõre ãmoa yũ.

¹⁴ Alejandro come moari masũ jaje ñeñaro yiquĩ yure. Yure ã ñeñaro yiadocõti ãre waja senigũ yiguĩji mani Hju. ¹⁵ Roya ãre, mũre cõni ñeñaro yigu yiguĩji gajea. Oca ñasarise mani riasorisere bũto ti teami ã.

¹⁶ Oca quenori masa tiro riojo, “Ñe seti ma yure”, yũ yi ejasucati rumũ sãgũ yure bũsi ejabũagũ maniquĩ. Yũ rãca ñabõjarã yure jidicãcã. Ito bajiro yure ãna ñeñaro yibõjarocati, “Ñnare waja senibitijaro Dios”, yi tũoĩa yũ. ¹⁷ Yũ baba mesama ãna yure jidicãbõjarocati mani Hjuama yure jidicãbisĩ. Yũ oca sãoroca yĩni. Ito bajiro yure ã yijare judio masa meje ñarãre oca riojo ñasarise goti rãtõbu jeocu yũ. Yure ãna sãa ãmõbõjarocati camõtãni Dios. ¹⁸ Õmacũjũ Dios ã rotirojũ yũ ejare ãmoami ã. Ito bajiri ñeñarise yũ yibe yirocu yure ejabũagũ yiguĩji ã. Ito yicõri yure masa ñeñaro yi ãmõbõjarocati yure codegũ yiguĩji ã. ãre rãcũbũotĩñarũja manire, “Rãtoro masigũ ñami”, yirã. Ito bajiro riti ñatĩñajaro.

Quenajaro masa, Pablo ã yi ñucare gaye

¹⁹ Quenajaro Aquila ã manojo Priscila cõni. Quenajaro Onesĩforo ñarã cõni. ²⁰ Mani yagũ Erasto Corinto cõtõjũ tujacoami. Mileto wame cõtiri cõtõjũ mani yagũ Trõfimore cõcu yũ, ã cõja ticõri. ²¹ “Juebũcu riojũa bũsa ã tũ ejacũja”, yirocu ejori bũsa waya. Eubulo, Pudente, Lino ito yicõri Claudia cõni, “Quenajaro”, yi ñucama mũre. Ado gãna mani ñarã Jesucristore tũorũnrã cõni, “Quenajaro”, yi ñucama.

²² Mũ rãca ñatĩñajaro Jesucristo. Mũ ya usijũ oca sãoroca yijaro ã. Mũ rãca ñarã ñarocõreti queno yijaro Dios. Itocõ ña.

La carta de San Pablo a Tito

Titore Pablo i papera cõare gaye

¹ Ñati Tito m̄. Ȳ ña Pablo. Adi m̄re papera cõa ȳ. Diore moa ïsiri mas̄ ña ȳ. Ito yicõri Jesucristo oca riaso ucutoni i c̄ru ña ȳ. Ito bajiri Dios ñarã i beseanare riasogu ya ȳ, Jesure b̄to b̄sa t̄or̄n̄u wajaro, yiroc̄. “Iti ña oca riojo ñasarise”, mani yi t̄o r̄c̄ub̄orise masare ȳ riasotoni ȳre c̄ñi Dios. ² Ito bajiri “Diore mani t̄or̄n̄u, catit̄ñarã yirãji mani”, masa ña yi t̄oña wan̄ yutoni ñare Dios oca riasoa ȳ. Jane mejēu adi mac̄r̄c̄ro i rujeoroto rioj̄a ado bajiro yic̄yij̄u Dios: “No ȳre t̄or̄n̄r̄ati catit̄ñarã yirãji”, yic̄yij̄u Dios, socabic̄ ñari. ³ Adi r̄m̄ri ïja i oca masare ña masiroca yi ãmogūji Dios. Ito bajiri i oca masare riaso ucu rotiñi Dios ȳre. Ìti ñami jeame ãj̄uroj̄u mani wabore ñaroca manire masor̄. ⁴ T̄oya Tito m̄. “Ȳ mac̄ robo bajigu ñami”, yi t̄oña ȳ m̄re. “Ȳ riasocatina suoriti Jesure t̄or̄n̄uami Tito”, yi tic̄u ȳ m̄re. Ito bajiri, “mac̄”, ya ȳ m̄re, adi papera cõaḡ. S̄ḡre bajiro t̄oñarã ña mani ïja. Mani Jac̄ Diore, ito yicõri Jesucristo manire masor̄re c̄ni senia ȳ, m̄re ña queno yitoni. Ñe oca manoti m̄ ya ãsij̄u queno wan̄ quenaroca ña yire ãmoa ȳ. Ito bajiroti ñare senisotia ȳ m̄re ȳari.

Jesure t̄or̄n̄r̄e ãmatã ñarãre Tito i besere gaye

⁵ Iti r̄m̄j̄u Creta wame c̄tiri yogaj̄u m̄re c̄c̄u ȳ. “Adoj̄u ȳ riasobore Jesure t̄or̄n̄r̄e ȳre riaso ïsima”, yicõri ware gotic̄u ȳ m̄re. Ȳ waroto rioj̄a ado bajiro gaje m̄re rotic̄u ȳ: “Co c̄to r̄yabeto Jesure t̄or̄n̄r̄e ãmatã ñarona b̄c̄r̄re beseya m̄”, yi rotic̄u ȳ m̄re. ⁶ Ito bajiri, “Ñani ñaḡu yigūji ñare ãmatã ñaḡu”, m̄ yi bese masitoni adi m̄re gotia ȳ. S̄ḡu m̄ beseḡre ado bajiro i ñaja quena. Ñe seti mac̄ i ñaja quena. Manajo c̄ticõri ḡjerã romiare ajebic̄u i ñaja quena. Ìr̄a c̄ni Jesure t̄or̄n̄r̄e ña ñaja quena. Jesure t̄or̄n̄r̄e ñari, ñeñaro yimenati, ña jac̄sabatiare queno c̄dirã yirãji i r̄a. Ito bajiro bajigu i ñaja quena, Jesure t̄or̄n̄r̄e ãmatã ñaroc̄u m̄ beseḡu. ⁷ Jesure t̄or̄n̄r̄e ãmatã ñaḡu Diore moa ïsiḡu, ñe seti mac̄ i ñaja quena. “Ḡjerã r̄etoro masiḡu ña ȳ”, yi t̄oñaḡu meje i ñaja quena. Ḡjerãre ejori t̄o junisiniḡu meje i ñaja quena. Idire c̄ni queaḡu meje i ñaja quena. Ḡjerã r̄aca i ḡmeri jaḡu meje i ñaja quena. Niyerure t̄oña ãmosabic̄u i ñaja quena. ⁸ Ado bajiroj̄u bajigu ñagūji m̄ beseḡu: Wa ucurã ejarãre wan̄ quenaro i boca ãmija quena. Quenarise t̄oñaḡu ñari, quenarise riti i ȳ ñaja quena. Queno t̄oñaḡu ñari, ñeñaro yire ñemec̄tiḡu i ñaja quena. Ḡjerãre queno yiḡu i ñaja quena. Diore queno t̄or̄n̄ḡu i ñaja quena. Ñeñarise yi ãmobic̄u ñari, ñeñaro yire ñemec̄tiḡu yigūji i. ⁹ Dios oca riojo ñasarise ȳ riasoc̄atire t̄or̄n̄u jidic̄abic̄u i ñaja quena. Ito bajigu ñari ḡjerãre riasoc̄õri ña oca s̄oroca yigū yigūji i. Ito yicõri ḡjerã Dios oca t̄o terã ñabobarãti i queno gotija t̄ocõri, “Wisa mani. Diore mani t̄or̄n̄u ñaja quena”, yi t̄oñarã yirãji ña c̄ni.

¹⁰ “J̄jarã ñarãji m̄a t̄u ricati riti t̄oñacõri m̄re c̄di ãmomena”, yi t̄oña ȳ. Rocati b̄sicõri ḡjerãre r̄orãji ña. “Judio masa b̄c̄r̄a rotire mani c̄dija, manire masoḡu yigūji Dios”, yi t̄oñarã ñama b̄to b̄sa masare r̄orã. ¹¹ Ito bajiro r̄ore oca riasocõri, j̄jarã co wi ḡana ñabobarãti ña ḡmeri tudiroca yirãji ña. Ito bajiro ña yija quenabea. “Waja b̄jarãji mani”, yi t̄oñacõri masare riasorãji ña. R̄ore oca riasorãji ña. Ito bajiri ña b̄sirisere m̄ b̄si camotare ãmoa ȳ.

¹² “Ñeñaro yama ña”, ȳ yiado bajiroti, yi gotiyij̄u Creta wame c̄tiri yoga gaḡu c̄ni. Ña r̄c̄ub̄ogu ñayij̄u i. Ì ñarãre b̄siḡu ado bajiro yiyij̄u i: “Mani Creta ḡana j̄jarã ña soca jairã, ito yicõri roc̄ati ñeñaro yirã. Mani wato j̄jarã ñama moamenati roc̄ati jairo barã”, yi gotiyij̄u Creta wame c̄tiri yoga gaḡu, i ñarãre. ¹³ Riti gotiñi i itire. Ito bajiri m̄ t̄u ḡana ricati riti t̄oñarãre oca s̄oro goti quenoña, itire ña jidic̄toni. Ito bajiro m̄ yija t̄ocõri, queno Dios ocare t̄or̄n̄r̄e yirãji ña. ¹⁴ Judio masa ña t̄oña rujeoyorere m̄ t̄u ḡana

ĩna tuorũnũbititoni, ĩnare oca sęoro goti quenoĩna mũ. Ito yicõri Jesure tuorũnumena ĩna rotirisere mũ tu gĩana ĩna tuorũnũbititoni, ĩnare oca sęoro busiya mũ.

¹⁵ Mũ tu yũ ñaja, ricati riti tuoĩaräre ado bajiro gotiborũja yũ: No quenarise riti yigu quenarise riti tuoĩagũ yiguĩji ĩ. No Diore tuorũnũbicũ ñeñarise riti yiguama quenarise ĩ tibojaja cuni ñeñarise riti tuoĩagũ yiguĩji ĩ. Ñeñarise riti tuoĩagũ, ito bajiro riti ñeñarise tuoĩagũ yiguĩji ĩ. ¹⁶ “Diore masirã ña gua”, yibojarãti, gãjeräre ti terãji ĩna. Diore cũdimenaji ĩna. Ito bajirã ñari disejũa quenarise yimenaji ĩna. Ito bajiro ĩna bajija ticõri, “Diore masirã meje ñama ĩna”, yi ti masia mani.

2

Oca riojo ñasarise gaye

¹ Tũoya Tito mũ. Dios yere queno riasoticõri riojo ĩnare riasoya mũ, queno yijaro ĩna yirocũ. ² Ado bajiro ãmũa bũcũräre mũ gotire ãmoa yũ: Idire idi mecũbesa mũa. Gãjerã ĩna rũcũbuorã ñaña mũa. Queno tuoĩacõri ñeñarisere ñemecũtiya mũa. Dios oca riti tuorũnũrã ñaña mũa. Gãjeräre ti maicõri ejabuarã ñaña mũa. Dios ocare riasoticõri itire jidicãmena ñaña mũa, yi mũ gotire ãmoa yũ ãmũa bũcũräre. ³ Romia bũcũräre cuni ado bajiro mũ gotire ãmoa yũ: Diore tuorũnũrã ñari, queno yirã ñaña mũa. Gãjeräre bũsitubesa. Idire rĩarise idi mecũbesa. Quenarise gãjeräre riasoya. ⁴ Ito bajiro yirã riti ado bajiro mame manũju cõtirã romiare mũa riasoja quena: Mũa manũjusabatiare queno maiña mũa, mũa rĩare ito bajiroti. ⁵ Queno tuoĩacõri, ñeñarisere ñemecũtiya mũa. Quenarise riti tuoĩacõri, ãmũa rãca ajebesa. Mũa rãca gãnare queno tirũnuña. Masa jeyarore queno yiya. Mũa manũjusabatiare tuo rũcũbuoya. Ito bajiro yiba mũa, Dios ocare gãjerã ñeñaro bũsibe yirona. Ito bajiroti mũa rĩa romiare riasoya mũa, mũ yi gotire ãmoa yũ romia bũcũräre.

⁶ Mamarã ãmũare cuni ado bajiro mũ gotire ãmoa yũ: Queno tuoĩacõri, ñeñarisere ñemecũtiya mũa, yi gotiya mũ ĩnare cuni. ⁷ Mũreama ado bajiro gotia yũ: Quenarise riti yisotiya. Ito bajiro mũ yija ticõri, “Ĩre bajiro yirũja mani cuni”, yirã yirãji mũ tu gĩana. Gaje tuoĩa wanũbicũti Dios oca riojo gotiya mũ. Rũcũbuore rãca ĩnare mũ riasoja quena. ⁸ Yũ mũre riasocato bajiroti ĩnare gotiya. Ito bajiro riojo Dios oca mũ gotija tuocõri, bojorã yirãji mũ wajana. Ito bajiri, “Socagũ ñami”, yi masimenaji ĩna mũre. Ito yicõri mũre bũsitu masimena yirãji ĩna.

⁹ Jesure tuorũnũrã gãjeräre moa ĩsiräre ado bajiro mũ gotire ãmoa yũ: Mũa ujaräre queno cũdisotiya. “Dise rũyabeto mani moa ĩsirise ticõri wanũ quenajaro”, yi tuoĩarã moa ĩsija quena. Mũa ujaräre tudibesa. ¹⁰ Mũa ujarã yere ãmi rudibesa. Ito bajiro mũa yija mũare queno tuoĩa wanũrã yirãji ĩna. Mũa ujaräre rũcũbuocõri queno ĩnare cũdisotiya mũa. Mũare queno masicõri, “Dios oca queno tuorũnũrã ñama ĩna”, yirã yirãji ĩna mũare. Ito bajiri Dios jeame ãjũroju mani wabore ñaroca manire masorũ ĩ gayere queno rũcũbuorã yirãji mũa ujarã cuni, yi gotiya mũ tu gĩana gãjeräre moa ĩsiri masare.

¹¹ Jeame ãjũroju mani wabe yirocũ ĩ oca mani masiroca yĩni Dios. Ito bajiro ĩ yijare, “Masa jeyarore ti maigũ ñari manire maso ãmoguĩji Dios”, yi tuoĩa mani. ¹² Itire masicõri ado bajiro yirũja manire: Ñeñarisere ñarocõti mani jidicãja quena. Adi sita gĩana ñeñaro ĩna yiado bajiro yibitirũja manire. Ado bajirojũa mani yija quena: Queno tuoĩacõri, ñeñarisere ñemecũtirũja manire. Gãjeräre queno yirũja manire. Ito yicõri Dios ñarã ñari ĩ yiro bajiroti cũdirã yirãji mani. ¹³ Co rãmũ mani Uju Jesucristo tũdi ejagũ yiguĩji. ĩ goticato bajiroti tũdi ejagũ yiguĩji. Ito bajiri ĩ tũdi ejaroti rãmũ tuoĩa wanũ yurã, quenarise riti yi ñarũja manire. ĩ tũdi ejaroti rãmũ, “Ĩti ñami Dios mani rũcũbuogũ, ito yicõri manire masorũ”, yi wanũrã yirãji mani. ¹⁴ Manire yiari goda ĩsiñi Jesucristo. Ñeñarisere mani ñemecũti masitoni, ito yicõri quenarise mani yi masitoni, manire yiari ito bajiro godaĩni ĩ. Ito bajiro yicõri mani ñeñaro yirisere coe jeoĩni ĩ. ĩ ñarã mani ñatoni, ito yicõri quenarisejũa mani yi ãmotoni, manire yiari ito bajiro godaĩni Cristo.

¹⁵ Ito bajiro mũre yũ gotirisere queno masare riasosotiya mũ. Dios ocare queno cũdijaro ĩna yirocũ, oca sęoro gotisotiya. “Dios ĩ cũrũ ña yũ”, yicõri, “Ado bajiro ñeñaro

ya mña”, yi goti quenoña ñnare. Ito bajiro gotiya ñnare, “Í riasobojarise ñnarisise meje ña”, mñre ñna yi tñoĩame yirocñ.

3

Jesure tuorñnräre ado bajiro yi ñnarñja, Pablo ĩ yire gaye

¹ Mu tu gñna Jesure tuorñnräre ado bajiro tudi mñcana goti quenoña, ñna ãcabo-jabititoni: Mña ñjarã ñnarcõreti, gobierno masare cñni queno ñnare tuo rñcñbuoya. Ñna rotirise masicõri queno cñdiya mña. “Disejña rñyabeto quenarise yiana mani”, yirona ñna yucña mña. ² Gãjeräre ñeñaro bñsitubesa. Gãjeräre tuo junisinibesa, mña oca josabe yirona. “Gãmeri tudi ãmobeja gña”, yirã, ado bajirojña mña yija quena: Gãjeräre corocõ ti maicõri queno yija. Mñare ñeñaro ñna yibojaja cñni mñajñama queno ñnare yiba, yi gotiya Tito mñ, mu tu gñna Jesure tuorñnräre.

³ Jesure mani masiroto riojña, ñeñaro yirã bajiroti ñabojacñ mani cñni maji. Tite. Tñoĩa masimena ñabojacñ mani maji. Diore cñdimena ñabojacñ mani. Ito bajiro bajirã ñnari socaräre tuorñnñbojacñ mani. Ñeñarise riti yi ãmosotibojacñ mani maji. Ito bajiro yirã riti, “¿Ñe ñeñarise yirãti mani?” yi tñoĩacñ mani. Gãjerã ñna rñcorise ticõri ñocñ mani. Gãjeräre ti tecñ mani. Ito yicõri manimasi cñni gãmeri ti terã ñabojacñ mani maji. ⁴⁻⁶ Ito bajirã mani ñabojarocati Dioama quenarise manire yi ĩsiñi, manire ti maicõri. Ito bajiro quenarise manire yi ĩsigũ ñnari, mani Jesure tuorñnrã jeame ãjñrojñ mani wabore ñnaroca manire masoñi ĩ. ĩre mani tuorñnñjare jeame ãjñrojñ mani wabore ñnaroca manire masoñi Dios. Quenarise mani yirã meje ñabojarocati manire masoñi ĩ. ĩññama masare ti maigũ ñnari, Jesure mani tuorñnñjare manire masoñi ĩ. Manire queno yigñ, Espĩritu Santo manire queo sãñi Dios. Jesuna sñoriti ito bajiro Espĩritu Santo manire queo sãñi Dios. ⁷ Ito bajiroti manire ti maicõri mani Jesure tuorñnräre jeame ãjñrojñ mani wabore ñnaroca manire masoñi ĩ. Ito bajiro manire ĩ yicãre ñajare, manire ticõri, “Ñe seti mana ñnama ñna”, yi tigñ yiguñji ĩ manire. Ito bajiro manire ĩ yicãre ñajare, mani godaja bero wanñ quena ñnarã yirãji mani. “Í robo catitññarã yirãji mani”, yi tñoĩa wanñ yua mani.

⁸ Iti mñre yñ gotirise riojo gotia Tito yñ mñre. Ito bajiri ito gñna Diore tuorñnrã adi ocare ñnare mñ cñdi rotire ãmoa yñ. Quenarise ñna adi oca. Itire tuorñncõri, quenarise yi ãmorã yirãji ñna. Iti oca mña cñdija, quena ñnaro yiroja mñare. Ejabñatññarise ñna iti oca. ⁹ Rocati masa ñna tñoĩa bñsirisere coca tñoĩa bñsibitirñja manire. “Ado bajiro wame cñtiyijarã bñcñrã masa, ito yicõri ado bajiro yisotiyijarã ñna”, yi tñoĩa bñsibitirñja manire. “Ado bajiro rotiyoyijñ Moissēs ñayorñ”, yi tñoĩa gãmeri bñsibitirñja manire. Ito bajiro mani tñoĩa bñsibojaja, oca ñnarisise meje ñna iti. Itioni mani tñoĩa bñsibojaja, quenabetoja manire.

¹⁰ Sīgũ Jesure tuorñnräre ricati ñna tñoĩa batoroca yigñre oca sēoro, “Yibesa”, yija ĩre. Jñaji mñ gotibojaja bero, ĩ cñdibeja, ĩre bucõama. ¹¹ Ito bajiro mñ gotiroca cñdibicñre, “Ñeñaro yigñ ñnami”, yi masigũ yigñja mñ ĩre. Ito yicõri ĩmasiti, “Ñeñaro yigñ ñna yñ”, yi tñoĩa masigũ yiguñji ĩ cñni. Ito bajiri ĩre waja senigũ yiguñji Dios.

Titore Pablo ĩ goti ññucare gaye

¹² Nicópolis wame cñtiri cñtoju juebucñ rētare tñoĩa yñ. Sīgũ mñre ãmirocñ Artemasre cõagũ yigñja, yñ yija, Tíquicojñare cõagũ yigñja gajea. Mu tu ĩ ejaja cojiti ĩ rãca wadiba. Nicópolisñ canamñorã yirãji mani. ¹³ Apolosre ito yicõri masare oca quenori masñ Zenasre mñ masirocõ ñnare ejabñaba. Ñna rēta wa masitoni ñnare rñyarise ejabñaba. ¹⁴ Mu tu ñnarã Jesure tuorñnrã gãjeräre ñna ejabñare ãmoa yñ. Ito yicõri gãjerã ñna bojoro bñjaja ticõri, ñnare ejabñaja quena. Gãjeräre mani ejabñaja, iti ñna queno ñnare gaye.

Quenajaro masa, Pablo ĩ yi ññucare gaye

¹⁵ Yñ rãca gñna ñnarcõti, “Quenajaro”, yi ññucama mñre. Mu tu ñnarã Jesure tuorñncõri gñare tuo mairäre, “Quenajaro”, ya yñ. Mñacõreti Dios ĩ queno yitoni mñare yiari seni ĩsisotia yñ. Itocõ ñna.

La carta de San Pablo a Filemón

Filemónre Pablo ï papera cõare gaye

¹ Ñati gña baba Filemón m̄. M̄ ña gña queno maigũ, ito yicõri m̄ ña gña robo bajiro Diore moa ïsigũ. Ȳ Pablo, mani yagu Timoteo rāca adi papera m̄re cõa gña. Manire bajiro Jesucristore t̄orũnugũ ñari mani yagu ñami Timoteo. Masare Jesucristo oca ȳ riasojare ado tubiara wij̄ ña ȳ. ² “Cristore r̄c̄ub̄orona m̄ ya wi minijua ñarã, quenajaro”, ya ȳ. “Mani yago Apia, quenajaro. Arquipo c̄ni quenajaro”, ya ȳ. Mani bajiro Diore queno moa ïsisotigũ ñami ï c̄ni. ³ M̄re yiari mani Jac̄ Diore, mani ̄j̄ Jesucristore c̄ni seni ïsisotia ȳ. “Filemónre queno yiya, ito yicõri ï ya ̄sij̄ ñe oca mano ï ñaroca yiya”, ya ȳ Diore. Ito bajiroti ya ȳ Jesucristore c̄ni, m̄re yiari.

Jesucristore queno t̄orũnugũ Filemón ï ñare gaye

⁴ Ȳ baba Filemón m̄re yiari Diore seni ïsisotia ȳ. Co r̄m̄ r̄yabeto Diore b̄sisotia ȳ. Ìre b̄siḡj̄, “Filemónre queno yiñi Dios”, yi t̄oĩa b̄jacõri, “Queno ya Dios m̄”, yisotia ȳ ïre. ⁵ “Mani ̄j̄ Jesucristore queno t̄orũnugũ ñami Filemón. Dios ñarãre b̄to t̄o maigũ ñami ï”, yama masa m̄re. Ito bajiro ña yija t̄ocõri, wan̄a ȳ. Ito bajiri, “Queno ya Dios m̄”, ya ȳ. ⁶ “Jesucristore mani t̄orũn̄ja quena”, yi masare m̄ riaso masitoni, m̄re yiari Diore senisotia ȳ. Ito yicõri, “Cristore mani t̄orũn̄ja, ï ñarãre ï queno yiado bajiroti manire c̄ni queno yiḡ yiguĩji”, m̄ riasoana ña yi masitoni Diore senia ȳ. ⁷ Dios ñarãre b̄to ti maigũ m̄ ñajare, ȳ ya ̄sij̄ oca s̄ocõri wan̄sacoa ȳ. Dios ñarã jeyaro m̄ queno yirise t̄oĩacõri ña ya ̄sij̄ oca s̄oama ña c̄ni. Itire t̄ocõri b̄to wan̄a ȳ m̄re.

Onésimore yiari Pablo ï b̄si ejabuare gaye

⁸ Ito bajiḡ m̄ ñajare ȳre m̄ queno yitoni m̄re senigũ ya ȳ. Cristo ï c̄r̄ ña ȳ. Ito bajiri m̄re ȳ roti ãmoja m̄re roti masia ȳ. M̄re roti masigũ ñabojaguti b̄to m̄re roti ãmobeja ȳ. ⁹ M̄re t̄o maicõri m̄re senia ȳ, ȳre m̄ queno yitoni. B̄c̄uḡ ña ȳ ïja. Ito yicõri masare Jesucristo oca ȳ riasojare ado tubiara wij̄ ña ȳ. ¹⁰ Ado bajiro m̄re senia ȳ. Queno t̄oia Filemón m̄. Onésimo m̄ moa ïsiri mas̄ ñabojar̄re t̄di m̄ ãmire ãmoa ȳ m̄cana. Adoj̄ tubiara wi ñagũre Dios oca gotic̄ ȳ ïre. Dios oca t̄orũn̄cõri Jesucristore boca ãmiquĩ ï ya ̄sij̄. Ito bajiri ȳ mac̄ bajiro bajiḡ ñami ï ïja.

¹¹ Iti r̄m̄j̄ m̄re moa ïsiri mas̄ ñabojaguti m̄re queno moa ïsibisĩ ï. Adi r̄m̄riama mani j̄arãre queno ejabuaḡ yiguĩji ï. ¹² M̄ t̄ ïre t̄di wa rotia ȳ. ï ñami b̄to ȳ maigũ. M̄ t̄ ï waja bero, ïre t̄oĩagũ yiḡja ȳ. Ȳre m̄ boca ãmiro bajiroti ïre boca ãmiña m̄. ¹³ Masare Dios oca riasocõri tubiara wij̄ t̄oĩa b̄jatobea ȳ. Ȳre Onésimo ï ejabuatoni ado ȳ t̄ ï tujare ãmobeja ȳ. M̄ t̄ ïre ȳ cõabeja ado ȳre ejabuaboguĩji. Sõj̄ ñacõri ȳre ejab̄a masibea m̄. Onésimore m̄ t̄ ȳ cõabeja ïj̄a ȳre ejabuaboguĩji. ¹⁴ Ito bajibojarocati, “Quena ña. M̄ t̄ ï tujare ãmoa ȳ c̄ni”, m̄ yiroto rioj̄a, “Adoj̄ tujaya Onésimo m̄”, yi masibea ȳ. Ito bajiri ïre ãmogũ ñabojaguti, m̄ t̄ ïre t̄di wa rotia ȳ. M̄ t̄ ï t̄di ejaroca, “Pabl̄re ejabuat̄ña”, m̄ yi t̄oĩaja, quena ñaro yiroja ȳre. ¹⁵ Iti r̄m̄j̄ Onésimo m̄re ï rudire ñabojarocati, quenarise r̄tac̄. Tite m̄. Ado bajiro baja: Adoc̄ta Jesucristore t̄orũnugũ ñari t̄di m̄re rudibiquĩji. M̄re ejabuat̄ñagũ yiguĩji ï. ¹⁶ “Ȳre moa ïsigor̄ ñami ï”, yi t̄oĩabesa m̄ Onésimore ïja. “Ȳ ocabaji robo bajiro bajiami ï”, m̄ yi t̄oĩaja quena. Ìre b̄to maia ȳ. M̄re moa ïsigor̄ ñabojaguti Jesucristore ï t̄orũn̄jare sigũ r̄ña robo bajirã ña m̄a ïja. Ito bajiri b̄to busa ïre m̄ maija quena.

¹⁷ Ìre m̄ t̄di boca ãmire ãmoa ȳ. “Ȳ baba ñami Pablo”, m̄ yi t̄oĩaja, ȳre m̄ boca ãmiro bajiroti ïre boca ãmiña. ¹⁸ Iti r̄m̄ m̄re ñeñaro ï yija, ito yicõri m̄re ï

waja ruyurioja cuni, yujare waja seniña. ¹⁹ Yumasiti adi uca yu. “Yu Pablo, mare waja yicuja yu”, ya yu. Yu ña, “Jesucristore mu tuorunuja, mare masogã yiguji Dios”, mare yi gotigoru. Mare Dios oca riasoru ñari, yure cuni waja ruyurioa mu. “Itire acabojabesa mu”, yi josabea yu mare. ²⁰ Jesucristore tuorunurã ñari sigã rã robo bajirã ña mani. Ire mu tuorunujare yu ocabaji robo bajigu ña mu. Mu cuni Cristore cudi amogã ñari yure queno yiya mu. Wanare rãca Onésimore boca amiña. Ito bajiro mu yija tuocõri, yu ya usiju oca seõ wanugã yiguja yu.

²¹ “Yu seniro bajiroti cudigu yiguji Filemón”, yi tuoĩacõri adi papera mare cõa yu. “Yu seniro rëto busaro yure queno yigu yiguji Filemón”, yi tuoĩa masia yu mare. ²² Mu tu warocu tuoĩasotia yu. Yure yiari Diore mu senija mu tu ejagu yiguja yu. Ito bajiri yu caniroti sõa queno yuya.

Quenajaro masa, Pablo ï yi ñucare gaye

²³ Mani yagu Epafras cuni ado tubiara wiju ñami. Masare Jesucristo oca ï riasore waja tubia ecoru ñami ï cuni. “Quenajaro”, yami mare. ²⁴ Yu rãca masare riasorã adocõ jãjarã ñama, Marcos, Aristarco, Demas, ito yicõri Lucas. “Quenajaro”, yama ñna cuni.

²⁵ Mare yiari mani Uju Jesucristore seni ïsisotia yu, mare ï queno yitoni. Itocõ ña.

La carta a los Hebreos

Ī Macuna suoriti ĩ oca cōayijũ Dios, yire gaye

¹ Jane mejeju mani jacusabatiare ĩ oca goti ĩsiri masana suoriti coji meje oca cōayijũ Dios. Jeyaro ĩ āmoro bajiro ĩ oca goti ĩsiri masana suoriti ĩ oca cōayijũ Dios masare. ² Ito bero canũ busati ĩ Macuna suoriti ĩ oca manire cōayijũ Dios. Ūmacũjuga tuti, jacajuga tuti cuni meniyijũ Dios. Ito yicōri ĩ Macuna suoriti jeyaro adi sita gaye rujeoyijũ Dios. Jeyaro dise ruyabeto ĩ rucotoni cūyijũ Dios ĩ Macure. ³ Ūmacañi ĩ busuja ticōri, “Ito bajigu ñaguĩji ūmacañi”, yirãji mani. Iti bajiroti, Dios Macũ ñasagure mani tija, “Ito bajiguti ñaguĩji Dios cuni”, yirãji mani. ĩ Jacũ robo bajiguti ñami Jesús. ĩ oca bũto masire gaye ña. Ito bajiri ĩ ocana suoriti adi macãrucũro gaye jeyaro ña jedia ĩja. ĩti mani ñeñaro yirise waja, waja yi ĩsiyijũ. Ito bajiro ĩ yija bero, ūmacũju mũja wacōri Dios ya riojocadũja rũcũbuoraju rujiyijũ ĩ.

Ángel mesa rētoro ñasagu ñami Dios Macũ, yire gaye

⁴ Dios rãca rotigu ñari, ángel mesa rētoro ñasagu ñami Dios Macũ. Ángel mesa rēto busaro ĩ ñatoni ĩ Macure cūyijũ Dios. Ito yicōri ĩna wame rēto busaro wame ñasarise ĩ Macure wōyijũ Dios. ⁵ Ito bajiri ĩ Macure riti ado bajiro gotiyijũ Dios:

Yũ Macũ ña mũ. Adi rũmũ masa ĩna tũoro riojo, “Áni yũ Macũ mũa Ūju ñami”, yigũ yigũja yũ, yiyijũ Dios ĩ Macure.

Ángel mesareama, “Ito bajiro bajirã yirãji mũa”, yibisijũ Dios. ĩ Macure riti tuoĩagũ mũcana ado bajiro gotiyijũ Dios:

ĩ Jacũ ñagũ yigũja yũ. Ito yicōri yũ Macũ ñagũ yiguĩji ĩ, yi gotiyijũ Dios, ĩ Macure tuoĩagũ.

Ángel mesareama ito bajiro yibisijũ Dios.

⁶ ĩ Macũ ñasagure ĩ cōara rũmũ ado bajiro busiyijũ Dios mũcana:

Ángel mesa ñarocōti mũre rũcũbuo jedicoajaro, yi gotiyijũ Dios.

⁷ Ángel mesare tuoĩagũ ado bajiro busiyijũ Dios:

Ángel mesare yũ rotija, ejori mino iti wẽaro bajiro ejori yũre cũdirã yirãji. Jea queno ãjurise bajiro sẽo quenaro yũre moa ĩsirã yirãji ĩna, yi gotiyijũ Dios, ángel mesare tuoĩagũ.

⁸ ĩ Macure busigu ado bajiro yiyijũ Dios:

Dios ña mũ. Masare rotitĩñagũ yigũja mũ. ĩnare mũ rotija queno yigũ ñari riojo rotigu yigũja mũ.

⁹ Queno yire gayere riti queno wanũa mũ. Ñeñarisereama tuo te ña mũ. Ito bajigu mũ ñajare Ūju ñasagu mũre cũa yũ. Mũ baba mesa rētoro rũcũbuoru mũ ñaroca ya yũ. Ito yicōri bũto mũ wanũroca ya yũ, yi gotiyijũ Dios ĩ Macure.

¹⁰ Gaje ado bajiro busiyijũ Dios ĩ Macure:

Yũre bajiroti Ūju ñasagu ña mũ cuni. Cajerojuti adi sita ñarocōti rujeocu mũ. Ito yicōri ūmacũju gãna jeyarore rujeocu.

¹¹ Iti mũ rujeore ñarocōti jedicoaro yiroja. Yutabuju iti bũcũaro bajiro, bajiro yiroja iti ñarocōti. Ito bajibojarocati mũáma ñatĩñacōgũ yigũja.

¹² Yutabuju ruacũcōri gaje ĩna wasoaro bajiro iti jeyarore wasoagu yigũja mũ. Mũáma ñaro bajiguti ñagũ yigũja. Mũreama godare gaye mano yiroja. Ito bajiri ñatĩñacōgũ yigũja mũ, yi gotiyijũ Dios ĩ Macure.

¹³ ĩ Macure riti ado bajiro gotiyijũ Dios:

Ado yũ ya riojocadũja rũcũbuoroju rujiya. Mũ wajanare mũ roti masiroca yigũ yigũja yũ, yi gotiyijũ Dios ĩ Macure. Ángel mesareama ito bajiro yibisijũ Dios.

¹⁴ Ī Macu bajiro roti masirã meje ñama ñna. Usire bajiro ruyumena ñama ángel mesa. Diore moa ñsiri masa ñama ñna. Ī masoana mani ñajare jaje quenarise manire yigu yiguñji Dios. Ito bajiri manire ñna ejabuatoní ángel mesare cõayiju Dios.

2

Ñasarise ña masare Dios ĩ maso ãmorise, yire gaye

¹ Ito bajiri ángel mesa rëtoro ñasagu Dios Macu ĩ ñaja, ĩ gotirise buto busa mani tuorũnuja quena. Īre mani queno tuobeja, ãcabojarã yirãji mani. Ito yicõri Dios ĩ rotiro bajiro cudibiticõri ĩre jidicãrã yirãji mani. ² Jane mejeju Dios ĩ rotirise Moisés ñayorure gotiyijarã ángel mesa. Mani ñicusabatia ñna cudiroti ñayiju Dios rotirise. Ī ocare cudibiticõri ñeñaro yirãreama ñna tõbujaroca yiyiju Dios, ĩ goticãdo bajiroti. ³ Manire ti maicõri buto manire maso ãmoguñji Dios. Ito bajiri ĩ oca ñasarisere mani tuorũnujeja, mani tõbujaroca yigu yiguñji Dios. “Īre tuorũnurãre masogũ yiguñji Dios”, yire oca cajerojuti goticãñi mani Uju Jesucristo. Īre tuogoana, “Riti baja ití oca”, yirona manire goticã ñna. Ito bajiri, “Riti baja ití oca”, yí tuoña mani cuni. ⁴ “Riti baja ití oca”, mani yitoni, jaje tiyamani ñoyiju Dios manire. Espiritu Santona suoriti jaje quenarise mani yí masiroca yami Dios. Ī ãmoro bajiro ricati riti ĩre mani moa ñsi masiroca yami Dios.

Dios rĩa mani ñajare, “yu ocabajirã”, yami Jesús manire, yire gaye

⁵ Ijariju bajiroti gaye muare busigu ya yu. Ijariju gayere ángel mesare rotibisiju Dios. Ado bajirojuã yiyiju Dios. Ijariju masa ñna rotiroti cũñi Dios. ⁶ Tite muã. Dios oca tutiju ado bajiro ucañi sigũ:

¿Dios, no yija gua ñasamena ñabojarocati, guare ãcabojabeati mu? Ito yicõri, ¿no yija ñasamena gua ñabojarocati, guare tirũnuati mu? Ñasamena gua ñabojarocati guare buto tuoña mu.

⁷ Adi sita gua ñaroca ángel mesa bero gãnajuare cüyija mu maji. Ito bajibojarocati ija rucubure gaye ujarãre bajiro guare cügũ yiguja mu.

⁸ Jeyaro mu rujeore gaye, jeyaro mu rujeoanare cuni gua roti masiroca yigu yiguja mu, yí ucañi sigũ Diore goti ñsiri masu.

Ito bajiri, “Yu rujeore masa ñna rotiroca yigu yiguja yu”, Dios ĩ yija tuocõri, “Dise ruyabeto gua rotiroca yigu yiguñji Dios”, yí tuoña masia mani. Ito bajibojarocati jeyaro goroama manire cudi jedibeã maji. ⁹ Jesure masia mani. “Ito bajiro bajini Jesús”, yí tuoña mani. Adi sita Jesús ĩ ñaroca maji ángel mesa berojuã ĩre cũñi Dios. Manire ti maicõri ĩ Macure goda ñsi rotiyiju Dios. Manire yari tõbujacõri ĩ goda ñsire ñajare, Uju ñasagu ĩre cũñi Dios. Ito yicõri masa jeyaro ĩre rucubutoní ĩ Macure cũñi Dios.

¹⁰ Ito bajiro Dios ĩ yija queno yini. Ī ãmoro bajiroti yini ĩ. Jeyaro Dios ĩ menire ña. Jeyaro ĩ wanutoní ña ití ĩ rujeore. Mani Dios ñarã ĩ rãca mani roti ñare ãmoñi Dios. Ito bajiri ĩ tu mani eja masitoní ĩ Macu Jesucristore goda ñsi rotiyiju Dios. Jesucristo ñami manire masori masu. Ñimũ gãji manire maso masigũ maquñji. Ito bajiri ñna suoriti umacũju ejarã yirãji mani. ¹¹ Dios Macu ñami mani ñeñaro yirise waja, waja yí ñsiri masu. Dios ñarã mani ñaroca yigu ñami Jesús. Ito bajiri Jesús rãca sigũ rĩa ña mani. Dios rĩa mani ñajare, “yu ocabajirã”, yí bojobeami Jesucristo. ¹² Ito bajiro yini Jesús Dios oca tutina. Ado bajiro baja ití. Tuõiate muã:

Mu ñarise gayere yu ocabajirãre gotigu yiguja yu. ñna minijuaroca mure wanugũ, mure basa sãa ñucagũ yiguja yu, yini Jesús, Dios oca tutina

¹³ Gaje ado bajiro yini Jesús:

Yu cuni Diore riti buto tuorũnujuã yu, yini Jesús, Dios oca tutina.

Gaje ado bajiro yini Jesús:

Ī rĩare yure ñsiquĩ Dios. Ito bajiri ado ñna rãca ña yu, yini Jesús, Dios oca tutina.

¹⁴ Dios ñarã ñari, sigũ ruyabeto rujũ cutirã ña mani. Mani rãca ña ãmogũ, manire bajiroti rujũ cutiñi Jesús cuni. Ito bajigu ñari manire goda ñsiñi ĩ. Ito bajiri rãmãã uju

manire ruyurioborare ruyuriogu yiguñji Jesús. ¹⁵ Ito bajiro Jesús ï yijare, mani godaroti güire ma manire. Ito bajiri ïre mani tuorünuja, “Yü ñeñaro yirise waja yu töbujaroca yigu yiguñji Dios”, yi tuoña güirã meje ña mani ïja. ¹⁶ Riti bajaia. Adi sita Jesús ï wadija, ángel mesare ejabuarocu meje wadiñi ï. Mani Abraham ñayoru bajiro Diore tuorünurãre ejabuagu wadiñi ï. ¹⁷ Ito bajiri mani ï ocabajirãre ejabuarocu Dios ï rotiro bajiroti yinñi Jesús. Manire bajiro rujã rujeacõri, manire goda ïsiñi Jesús. Ito bajiri manire ti maicõri manire yiari Diore busi ïsisotiguñji ï. Masare yiari paia mesa ïna busirise rëtoro manire yiari busi ejabuasotigu yiguñji Jesús. Mani ñeñaro yirisere Dios ï acabojatoni, manire yiari busi ïsisotiguñji Jesús. ¹⁸ Mani robo rujã cuticõri töbujañi Jesús. ïre cuni, ñeñaro ï yitoni ïre rotĩabojañi rãmúa ujã Satanás. Ito bajiro ï yibojarocati ñeñaro yibisijã Jesús. Ito bajiri mani töbujaja manire ejabuaguñji Jesús. Ito yicõri mani ñeñaro yitoni rãmú manire ï roti ãmoja manire ejabuaguñji Jesús.

3

Moisés ñayoru rëtoro ñasagu ñami Jesús, yire gaye

¹ Yü ñarã, Jesucristore tuorünurã ñari Dios ñarã ña mani ïja. ï ñarã mani ñatoni manire beseñi Dios. Ito bajiri Jesucristore riti mani tuorünuja quena. Dios oca goti ucuroña ï cõarã rëtoro ñasagu ñami Jesucristo. Ito yicõri paia ujãrã masare yiari Diore ïna busi ïsire rëtoro manire busi ïsigã ñami Jesucristo. Ito bajiri Jesucristore riti tuorünuraja manire. ² Dios ï beseru ñari ï rotiado bajiroti yi ñañi Jesús. Dios ñarãre queno ejabuãñi ï. Moisés ñayoru cuni Dios ï rotiado bajiroti yiyijã. Dios ñarãre queno ejabuayijã ï. ³ Ito bajibojarocati Moisés ñayorure rëto busaro Jesure mani rucubuoja quena. Ado bajiro bajaia. Sígũ ï wi menija, ï menira wi rëtoro ïre rucubuoã yirãji mani. Ito bajiri Moisés ñayorure rëto busaro Jesús manire rujeorure rucubuoja quena. ⁴ Wigoti iti ñaja, sígũ iti wire meniru ñaguñji. Dios sígũti ñaguñji jeyarore rujeori masu. ⁵ Diore queno cudigu ñayijã Moisés ñayoru. Diore moa ïsigũ, Dios ñarãre queno ejabuayijã Moisés ñayoru. Moisés ñayorure tuocõri, “Ito bajiro yigu yiguñji Dios”, yi tuoñayjarã masa. Diore moa ïsiri masu ñayijã Moisés ñayoru. ⁶ Cristoama Diore moa ïsiri masure bajiro meje bajinñi ï. ï ñami Dios Macu, queno ïre cudigu. Ito bajicõri Dios ñarã Ujã ñami Jesucristo. “Tudi ejagu yiguñji Cristo”, yi mani tuoña wanuja, ïre tuorünucõri mani ïre jidicãbeja, Dios ñarã, ñarã yirãji mani ïja.

Yure mua tuorünubeja quenari cutojã ware ma muare, Israel sita gãnare Dios ï yire gaye

⁷ Ito bajiri Jesucristore jidicãbitiruja manire. Ito yicõri Espiritu Santo ï gotirere tuorünuraja manire. Ado bajiro gotiami ï, Dios oca tutina:

Adocãta muare Dios ï busija, ï yiro bajiroti cudija quena.

⁸ Mua ñicusabatia ïna ya usijã Diore junisinicõri, ïna cudibitiado bajiro bajibeja. Yucu manoja ñarã, “Mani ñeñaro yija, ¿no bajiro yigu yiguñjida Dios manire?” yi tuoña ñayjarã ïna.

⁹ Mua ñicusabatiare jũarã masacõ rodori jaje quenarise yicu yu. Ito yu yibojarocati, “Mani ñeñaro yija, ¿no bajiro yigu yiguñjida Dios manire?” yi tuoñañi ïna.

¹⁰ Ito bajiri ïnare junisinicu yu. Ado bajiro yicu yu ïnare. “Mua ya usijã yure bajiro tuoñabitisotia mua. Ito yicõri yu rotiro bajiro cudi ãmobeja mua”, yicu yu ïnare.

¹¹ Ito bajiri ïnare junisinigã ado bajiro yicu yu: “Quenari cutojã yu muare ïsi ãmobjacatojã juaji ejare ma muare. Yu rãca tujacãre mano yiroja muare”, yiari goticu yu ïnare, yure ïna tuobejare, yi gotiami Espiritu Santo, Dios oca tutina.

¹² Queno tuoñaña yu ñarã mua. ïna bajiro ñeñaro mua yibe yirona, queno tuoñaña. Mua ya usijã queno tuoñaña mua. Mua ya usijã ñeñaro tuoñaja, Dios ñatĩnagũre jidicãrã yirãji mua. Ito yicõri ïre tuorünumenaji mua. ¹³ Ado bajirojã mani yija quena. Dios oca mani gãmeri gotija, corocõ oca seorãji mani ïja. Co rumã ruyabeto ïto bajiro riti yitĩnaraja manire. Dios gayere mani busija, mani ñeñaro yitoni rãmú ï rotibojaja, ïre tuorünumenaji mani. Ito yicõri, “Yü ãmoro yicuja yu. Diore cudibicuja

yū”, yimenaji mani. Dios oca mani gāmeri busija, oca sēocōri corocō wanurā yirāji mani. ¹⁴ Cajerojū Jesucristore mani tuorūnucato bajiroti, mani godaroto riojua ĩre tuorūnūtīnarūja manire. Ito bajiro mani yija ũmacūjū Cristo rāca wanū quenarā yirāji mani.

¹⁵ Tite mūa. Ado bajiro gotia Dios oca:

Adocāta mūare Dios ĩ busija, ĩ yiro bajiroti cūdija quena. Mūa ñicusabatia ĩna ya usiju Diore junisinicōri, ĩna cūdibitiado bajiro bajibeja, yi gotia Dios oca.

¹⁶ Mūa tija, ĩnoa ñayijari Dios oca tuoana ñabojarāti ĩna āmoro bajiro yi āmorā Diore cūdibitiana? ĩna ñayijarā Egipto sitajū ñarāre Moisés ĩ tūa wana. ¹⁷ Diore cūdi āmobicōri ñeñarise riti yiyijarā ĩna. Ito bajiro ĩna yijare jūarā masacō rodori ĩnare junisiniyijū Dios. Ito bajiri yucū manojū ĩna ña ucuroca yiyijū Dios. Itojū ña ucurā riti goda jedicoayijarā ĩna. ¹⁸ ĩre ĩna cūdibejare, ado bajiro yiyijū Dios. “Quenari cūtoju mūare yū ĩsi āmobjacatoju jūaji ejare ma mūare. Yū rāca tujacāre mano yiroja mūare”, yiyijū Dios mani ñicusabatiare. ¹⁹ Itire tuocōri, “Diore ĩna tuorūnūbitire waja, quenari cūto ĩnare ĩ cū āmobjara cūto ejabisī ĩna”, yi tuoīa mani.

4

¹ “Mūa tujacāroto mūare meni ĩsicū yū”, mani ñicusabatiare Dios ĩ yiado bajiroti yami Dios adi rūmūri cūni. Adi rūmūri manire cūni tujacāre ñaroja. Ito bajiri itojū mani ejaroto riojua queno tuoīarūja manire, mani eja jeditoni. Mūa coriarā ĩre queno tuorūnūbiticōri queno ejamenaji. ² “ĩre tuorūnūrāre riti masogū yiguīji Dios”, yire oca tuogoana ña mani. Mani tujaroto mani eja āmoja, ĩre queno tuorūnūrāji mani. Itire tuogoana ñayijarā mani ñicusabatia cūni. Itire tuogoana ñabojarāti queno tuorūnūbisijarā ĩna. Ito bajiri Dios ĩ tuja rotiadoju ejabisijarā ĩna. ³ ĩre tuorūnūrā riti, Dios ĩ tujacā rotiadoju ejarā yirāji mani. Ado bajiro gotiñi Dios mani ñicusabatiare tuoīa yugū:

Yūre ĩna tuorūnūbejare ĩnare junisinicū yū. “ĩnare yū tujacārotirajau ejamena yirāji ĩna”, yi goticā yū, yiñi Dios, mani ñicusabatiare tuoīa yugū.

Adi macārūcūro meni wacū, cojū tujacārajū meniñi Dios. Ito ĩ yija bero mūcana tūdi gaje rujeobisijū Dios ĩja. Tujacārajū ĩ menicāre ñabojarocati, ĩnare sāja rotibisijū ĩ, ĩre ĩna tuorūnūbejare. ⁴ Dios oca ado bajiro gotia, jua āmojeno ñari rūmū gaye:

Co āmojeno ñari rūmūri moacōri, jua āmojeno ñari rūmūna tujacāyijū Dios, yi gotia Dios oca.

⁵ Mūcana gaje ado bajiro gotia Dios oca:

Yū rāca tujacādoju tujacāmenaji ĩna, yiñi Dios, mani ñicusabatiare tuoīagū.

⁶ “ĩre tuorūnūrāre riti masogū yiguīji Dios”, yire oca tuosūogoana ñabojarāti ĩre tuorūnūbiticōri tujacādoju ejabisijarā mani ñicusabatia. Diore tuorūnūrā riti ejarā yirāji. Tujacādoju ejarona eja jedibeamā maji. ⁷ Ito bajiri adocāta ĩre tuorūnūrāre āmagū yiguīji Dios maji. Adocāta mani ĩre tuorūnūja, iti ña ñasarise. Yoari mani ñicusabatia ĩna cūdibitija bero, Diore tuocōri ucañi David ñayorū. Jījū yū mūare gotigoriseti, David ñayorū ĩ ucare mūcana mūare gotia yū:

Adocāta mūare Dios ĩ busija, ĩ yiro bajiroti cūdija quena. Mūa ñicusabatia ĩna ya usijū Diore junisinicōri, ĩna cūdibitiado bajiro bajibeja, yi ucañi David ñayorū.

⁸ Mani ñicusabatia rīa masa ñayoanare tujacārajū tūa wayijū Josué ñayorū. Ito bajiri tujacāre gaye Dios ĩ busija, Josué ñayorū mani ñicusabatia rīare ĩ tujacāre āmi ejare gaye meje busiguīji ĩ. Ito bajiro iti bajijama, “Jane adi rūmū yū tujū tujacārā ejarā ya mūa”, yibitiborū Dios. ⁹ Ito bajiri Diore mani tuorūnūja, ĩ ñarā ñacōri, ĩ tujū ñaroja mani tujacārotijū. ¹⁰ No Diore tuorūnūrāti adi macārūcūrore meni tío wacū ĩ tujacādo bajiroti ĩ rāca tujacārā yirāji ĩna cūni. ¹¹ Ito bajiri buto busa oca sēocōri Diore tuorūnūrūja manire, tujacādo mani eja masitoni. Mani ñicusabatiare bajiro Diore cūdimena robo bajiro bajimenaji mani.

¹² Sēorise ña Dios oca. Ito yicōri adi rūmūri mani tuoroti ña Dios oca. Sarera jāi jua dūja odiri jāi robo bajiro bajia Dios oca. Ito bajicōri, “Mani ya usijū quedi sājaroja Dios oca

mani tuorũnũja. Jeyaro mani ya usijũ mani tuoĩarisere masiguĩji Dios. Mani yeyoro mani tuoĩarisere cuni masiguĩji Dios. ‘Ija ito bajiro yicũja yũ’, mani yirise cuni masi jeoguĩji Dios. Dios ocare mani tuorũnũja, ‘Ito bajiro bajaia yũ’, yi tuoĩa mani. ¹³ Disejũa Dios ĩ rujeore yeyo masiĩa ma. Dise ĩ ti masibiti ruyabetoja Diore. Ñe mani yigore ĩ masibiti ma. Ito yicõri ñe mani tuoĩagore ĩ masibiti ma. Ito bajiri jeyaro masiguĩji ĩ. Dios ĩ tiro riojo, “Adocõ jaje ñeñarise yicũ yũ”, yi goti rõtobu jedirã yirãji mani.

Paia ɥjũ rõtoro ñasagu ñami Jesús, yire gaye

¹⁴ Paia ɥjũ rõtoro ñasagu ñami Jesús, Dios Macũ. Ũmacũjũ Dios tũ ñaguĩji ĩ, manire yiarĩ ĩre busi ĩsisotiguũ. Ito bajiri, “Diore tuorũnũgũ ña yũ”, mani yija, bũto bũsa ĩre mani tuorũnũja quena. ĩre jidicãbitirũja manire. ¹⁵ ĩ ñami paia ɥjũ rõtoro manire ejabũa masigũ. Mani tũbũjaja, manire ti maiguĩji ĩ. Mani ñeñaro yija, “Yũre queno masibeamã. Ito bajiri ñeñaro yama maji”, yi tuoĩacõri, manire ti maiguĩji Jesús. Mani ñeñaro yitoni, rũmũ usirioro ĩ yi codero bajiro, Jesucristore cuni ito bajiroti yibojayijũ. Ito bajibojarocati ñeñarise yibisijũ Cristo. Ito bajiri manire rũmũ usirioro yija, manire ejabũa masiguĩji Cristo. ¹⁶ Ito bajiri Diore mani busija, gũire mano busirãji mani. Manire bũto ti maiguĩji Dios. Ito bajiri mani ĩre busija, manire ti maiguĩji ĩ. No mani ejabũare ãmoriyũ manire queno ejabũagu yiguĩji Dios.

5

¹ Masare yiarĩ paia ɥjũ Diore ĩ busi ĩsiado bajiro manire busi ejabũarocũ Cristore cũñi Dios. “Riti bajaia iti”, mũa yi tuoĩatoni adi mũare gotia yũ. Mani ñicũsabatia ñayoana ĩna rãca gagũ sīgũre besecõri, “Mũ ñagũ yigũja pai gũare busi ĩsiri masũ”, yi cũñi ĩna ĩre. ĩ ya moare ado bajiro bajiyijũ. Masa Diore ĩna ĩsiroti boca ãmicõri, itire Diore soe ĩsiyijũ ĩ, masa ĩna ñeñaro yire waja, waja yi ĩsirocũ. ² Pai mani robo bajigũ ñari, Dios ĩ rotirise ñarocõti cudi jeo masibiquĩji ĩ cuni. Ito bajiri queno tuoĩamenati ñeñaro masa ĩna yija, ĩnare junisinibiquĩji ĩ. Quenoti ĩnare goti quenogũ yiguĩji ĩ. ³ Ito bajiri Diore masa ĩna ĩsiroti soe ĩsi wacũ, “Masa ĩna ñeñaro yirise ĩnare ãcabojaya”, yiguĩji ĩ Diore. Ito bajiroti yigũ yiguĩji ĩ cuni, ñeñaro ĩ yirise waja.

⁴ No paia ɥjũ ña ãmobjagũ ĩmasiti ña masibiquĩji ĩ. Dios sīgũti ñami, sīgũre ti besecõri, “Mũ ñama paia ɥjũ”, ĩre yigũ. Ito bajiroti Aarõn ñayorũre cũñi Dios. ⁵ Ito bajiroti bajiyijũ Cristore cuni. ĩmasiti, “Paia ɥjũ rõtoro ñasagu ñacũja yũ”, yibisijũ ĩ. Dioti ĩre cũyijũ, ito bajigũ ĩ ñatoni. Ado bajiro ĩre gotiyijũ Dios:

Yũ Macũ ña mũ. Adi rũmũ masa ĩna tuoro riojo, “Ãni yũ Macũ mũa ɥjũ ñami”, yigũ yigũja yũ, yiyijũ Dios ĩ Macũ Cristore.

⁶ ĩ oca tutina gaje ado bajiro gotiñi Dios ĩ Macũre:

Masare yiarĩ mũ busi ĩsitoni mũre cũa yũ. Paia ɥjũ Melquisedec ñayorũre bajiro ñasagu mũre cũa yũ, yiyijũ Dios ĩ Macũre.

⁷ Adi macãrucãro Jesús ĩ ñaroca ĩre ĩna sãaroti ñami riojũa Diore busigũ josayijũ. Yago rãca oca sẽoro busiyijũ ĩ Jacũre. “Cũna, goda wacũ ya yũ. Yũ catire mũ ãmoja, camota masigũja mũ. Ito bajibojarocati mũ ãmoro bajiro bajiatoja”, yiyijũ Jesús ĩ Jacũre. “Mũre cudi ãmoa yũ”, Jesucristo ĩ yijare tuoiyijũ Dios. ⁸ Dios Macũ ñabojaguti tũbũjayijũ Cristo. Tũbũja wacũ jeyaro Dios ĩ rotiado bajiroti yiyijũ Cristo. ĩ Jacũre queno cãdigũ ñari, manire yiarĩ tũbũja ĩsiyijũ Cristo. ⁹ ĩ Jacũ ĩre rotiado bajiroti manire yiarĩ goda ĩsiyijũ Cristo. Ñimũ gãji manire goda ĩsigũ maquĩji. Ito bajiri ĩre mani tuorũnũja ticõri, manire masogũ yiguĩji ĩ. Ito yicõri mani catitĩñaroca yigũ yiguĩji ĩ. ¹⁰ Paia ɥjũ ñasagu Melquisedec ñayorũ ĩ ñado bajiro ĩ Macũ Jesucristore cũyijũ Dios. Ito bajiri manire maso masiguĩji Cristo.

Jesucristore masirã ñabojarãti ĩre mani jidicãja guijo ña, yire gaye

¹¹ Iti oca gotiroti jaje rũya maji. Ito bajibojarocati iti ocare tuo masi ãmobeã mũa. Ito bajiri josari ña iti mũare gũa goti rõtõ ãmobjaja. ¹² Yoari Cristore mũa tuorũnũja bero ĩ oca riasori masa ñaboyija mũa. Ito bajibojarocati Dios oca josari meje bũsa gayere

mucana tũdi mũare goti rētoburũja gua. Waibũcu ri ba masi wana ñabojarãti, mucana tũdi ũjurãre bajiro bajirã ña mua. Macũacã ũjugũre bajiro waibũcu ri i ba masibeto bajiro Dios oca josari ñarisere tuo rēto bu masibeã mua. ¹³ Őjegõã idirã, macũacã ũjugũre bajiro bajirã ña mua. Dios ocãre queno masirã meje ña mua. I oca masibiticõri Dios i amoro bajiro queno yire gayere masibeã mua. ¹⁴ Bare jeyaro buti quenarise ña bũcurã bare. Ñna ñama queno sēo quenarã. Ito bajiro ti bajiamã Dios oca queno tuo masirã cũni. Dios oca queno masicõri, “Iti ña ñeñarise, iti ña quenarise”, yi ti beserã yirãji ñna.

6

¹ Bũcurãre bajiro Cristore mani queno masi amõja, i oca josari ñarisere mani riasotija quena. Josabiti gayere riasoticãcu mani. “Ñeñarise jidicãcõri, quenarise tuoĩarũja manire”, yire gaye riasoticãcu mani. “Queno yibojarãti Diore mani tuorũnũbeja jeame ũjũroju warã yirãji mani”, yire gaye riasoticãcu mani. ² Idẽ gure gaye cũni riasoticãcu mani. Gãjerã Diore masirãre yiarĩ Diore bũsirã wana ñnare amõ moã jeore gaye riasoticãcu mani. “Godabojarãti mucana tũdi catirã yirãji mani”, yire gaye riasoticãcu mani. “Ñeñaro yirã ñna ñeñaro yirise waja, tõbũjatiñarã yirãji ñna”, yire gayere riasoticãcu mani. ³ Dios i ejabuarisena, josari gayere riasoti ũmatũarã yirãji mani.

⁴ Dios oca tuogoana ñna mani, ito yicõri Jesucristo ũmacũju wadirũre boca amiana ñna mani. Espĩritu Santo i queo sãna ñna mani ija. Ito bajiri Dios oca mani riasoti ũmatũabeja acabojarã yirãji mani. I ocãre acabojacõri tũdi ñeñaro yirãji mani. Ito bajiri mucana tũdi ire tuorũnũ amomenaji mani. ⁵ Dios oca quenarise tuogoana ñna mani. Tiyamani Dios gayere tigoana ñna mani. “Adi sita tũdi ejagu yiguĩji Jesús”, yi tuoĩarã ñna mani. ⁶ Iti jeyarore masi jedirã ñabojarãti, Jesucristore mani jidicãja, tũdi mani ñeñaro yirisere jidicã masimenaji mani. Dios Macũre tuorũnũbojarãti mani jidicãja mucana tũdi yucũtũõju ire jajurãre bajiro ya mani. Ito yicõri masa tiro riojo ire aja tudirãre bajiro ya mani. ⁷ Ado bajiro bajira sitare tuoĩate mua. Sita joe ide iti quedija, sitajuare ide sãjaroja. Iti sita ote queno judi, iti rica cutija ticõri, “Quenari sita ñna adi sita”, yirã yirãji ñna iti sita moari masa. “Queno yĩni Dios iti sitare”, yirã yirãji ñna. Ito bajiro ti Diore jidicãmenare cũni queno yigu yiguĩji i ñnare. ⁸ Iti sita jota, ito yicõri ta widirise jeyaro iti judija, ñe waja ma iti wese. Ito bajiri sita iti ujarã itire soecõrã yirãji ñna. “Adi sitare queno yibisĩ Dios”, yirã yirãji ñna. Ito bajiro ti ire jidicãrãre jeame ũjũroju cõagũ yiguĩji Dios.

“Yũre masogũ yiguĩji Cristo”, mani yi tuoĩaja oca sēoã mani, yire gaye

⁹ Yũ mairã, “Mũã ñna Jesucristore jidicãrã”, yirocu meje mũare itire bũsia yũ. “Mũã ñna Jesucristo i masoana”, ya yũ mũare. Mũã ñna Dios i amoro bajiro yirã. Ito bajiri, “Queno yami Dios mũare”, yi tuoĩã yũ. ¹⁰ Riojo yigu ñnami Dios, ito bajiri mũã queno yigorere acabojabicũ yiguĩji i. Gãjerã Jesure tuorũnũrãre ti maicõri, ñnare mũã ejabũagorisere acabojabicũ yiguĩji i. Ñnaro bajiro ti gãjerãre ejabuarãji mũã maji. Ito bajiro mũã yirisere acabojabicũ yiguĩji Dios. ¹¹ Mũã sũgũ ruyabeto wanũ oca sēocõri Diore mũã cũditĩñare amõã gua. Mũã catirocõ mũã ito bajiro yi ñnaja, mũã bocatirisere ñnarcõti boca amirã yirãji mũã. ¹² Jesure mũã tuorũnũ jidicãre amõbeã gua. Ito yicõri Dios oca tutire mũã jidicãre amõbeã gua. Yoari Jesucristo i tũdi ejaroti bocaticõri, ire jidicãbisĩ coriarã. Ito bajiri ñnare bajiro mũã bajire amõã gua. Ñnare bajiro mũã yija, Dios i goticãdo bajiro ñnarcõti boca amirãji mũã.

¹³⁻¹⁴ Abraham ñayorũre tuoĩate mũã. Ado bajiro ire goti yucãyiju Dios: “Riti queno mũre yisacõgũ yiguja yũ. Jãjarã mũ janerãbatia cutiroca yigu yiguja yũ. ‘Ito bajiro ti yicũja yũ’, yirocu yũ wamena ya yũ”, yiyiju Dios Abraham ñayorũre. I wamenati yiyiju Dios. Gãji wamena meje ito bajiro yiyiju Dios Abrahamre. Ñimũjuã gãji Diore rētocũgũ maquĩji. Ito bajiri i wamenati yiyiju Dios. ¹⁵ “I yiro robo bajiro yigu yiguĩji Dios”, yirocu usirioro meje yuyiju Abraham ñayoru. Ito bajiri Dios i goticãdo bajiro ti rētayiju Abrahamre. ¹⁶ “Ado bajiro yicũja yũ”, ñna yija, Dios wamena yama coriarã masa. I wamena yama ñna, masa rētoro ñasagu i ñajare. “Riti mũare Dios wamena gotia yũ”,

ĩna yija, nojua gãjerã, “Burãti yama”, yi masimenaji. ¹⁷ Ito bajiroti mani ñicusabatiare, “Ito bajiro yicuja yu”, ĩ yire ñajare, yisacõyiju Dios. “Riti manire ĩ goticãdo bajiro ĩsigũ yiguĩji Dios. ĩ goticãdo bajiroti gajero bajiro wasoabicu yiguĩji ĩ”, ĩna yi masitoni, ĩnare yisacõyiju Dios. “Mũare socabea yu. Riojo yu wamena mũare gotia yu”, yiyiju Dios mani ñicusabatiare. ¹⁸ “Riti mũare queno yisagu yiguja yu”, yiyiju Dios. Gaje ado bajiro yiyiju Dios: “Ito bajiroti yicuja yu, yirocu yu wamena ya yu”, yiyiju Dios. Juaji Dios ĩ yijare, gajero bajirojua wasoabicu yiguĩji ĩ. Ito bajiri, “Ado bajiro yicuja yu”, ĩ yicãre ñajare manire masogũ yiguĩji ĩ. Ito yicõri, “Ĩ rãca catitĩnarã yirãji mani”, yi tũoĩa mani. ĩ goticãre mani tũorũnũja wanu oca sẽorã yirãji mani. ¹⁹ Dios ĩ goticãre ñarocõti tũorũnũruja manire. “Mũare masogũ yiguja yu”, yiĩni Dios manire. “Ĩ rãca catitĩnãgũ yiguja yu”, yi mani tũo masija, mani ya usi gũibeto yiroja manire. Ito yicõri oca sẽorã yirãji mani. Jane mejeju masare yiarĩ Diore senirona Dios ñari wi yobiado wajajua Dios ñari sõa wasotiyijarã paia mesa. ²⁰ Ito bajiro yiĩni Jesús cuni. Ũmacũju mũjacõri manire yiarĩ Diore busiĩni ĩ. Ito bajiri, “Manire masogũ yiguĩji Dios”, yi tũoĩa mani. Paia uju Melquisedec ñayoru ĩ ñasado bajiro ñasagu ñatĩnãgũ yiguĩji Jesús. Manire yiarĩ Diore busi ĩsitĩnãgũ yiguĩji Jesús. Ito bajiro ĩ busi ĩsitĩnãtoni cũni Dios ĩre.

7

Paia uju Melquisedec bajiro bajiguti ñami Jesús cuni, yire gaye

¹ ĩ Melquisedec, Salem cuto gagu uju ñayiju. Ito yicõri Dios ũmacũju gagure moa ĩsiri masu ñayiju ĩ pai. Abraham ñayoru gaje cutori gãna ujarãre rãtocũcõri, tũdi wayiju ĩ ya cutojuare. Ito bajiri ĩ tũdi waroca ĩre boca wayiju Melquisedec. ĩre bocacõri ĩre yiarĩ Diore busigu, “Dios queno yijaro mũre”, yiyiju Melquisedec Abrahamre. ² Gãjerã ujarãre rãtocũcõri, ĩ bũjare gayere cõĩacõri Dios ĩ rotiado bajiroti Melquisedecre jabeto ĩsiyiju Abraham. “Uju queno yigu”, yireoni ña iti Melquisedec yire. Salem cuto gagu uju ñayiju Melquisedec. Ñe oca mani cuto, yireoni ñayiju Salem yireoni. Ñe oca mana uju ñayiju Melquisedec. ³ Melquisedec jacusabatia wame, ĩ ñarã wame cuni ucare ma Dios oca tutiju. Ito yicõri ĩ rujeare, ĩ godare cuni ucare goabea. “Ĩ godaja bero masare yiarĩ Diore busi judicãyiju”, yire ma. Melquisedecre mani tũoĩaja, “Masare yiarĩ Diore ĩ busi ĩsiado bajiro masare yiarĩ Diore busi ĩsitĩnãgũ yiguĩji Cristo cuni”, yi tũoĩa mani.

⁴ Mani ñicu Abraham ñayoru rãtoro ñasagu ñayiju Melquisedec. Tũoĩate mũa. Gaje cuto gãna ujarãre rãtocũcõri, ĩ bũjarere cõĩacõri jabeto ĩsiyiju Abraham Melquisedecre. ⁵ Ito bajiroti Abraham janerãbatia judio masa jeyaro ĩna rucorisere cõĩacõri jabeto ĩsiyijarã paiare. Levĩ wame cutigu janerãbatia ñayijarã ĩna paia mesa. ĩna ñarã judio masare jeyaro ĩna rucorisere cõĩacõri jabeto ãmiyijarã ĩna, Moissĩ ĩ rotiado bajiroti. ĩna ñarã ñabojarocati ito bajiro yiyijarã ĩna, Moissĩ ĩ rotijare. ⁶ Levĩ janami meje ñabojaguti, Abraham bũjarere jabeto seniyiju ĩ Melquisedec. Itire boca ãmicõri ĩre yiarĩ Diore busiyiju Melquisedec. Abraham ñayiju, “Queno mũre yigu yiguja yu”, Dios ĩ yiru. Ñasagu ñayiju Abraham ñayoru. ⁷ “Dios mũre queno yijaro”, yi ecoru rãtoro ñami, “Dios mũre queno yijaro”, yiru. Melquisedec ĩ, “Queno Dios mũre yijaro”, yi ecoru ñayiju Abraham. Ito bajiri, “Abraham rãtoro ñasagu ñayiju Melquisedec”, yi tũoĩa mani. ⁸ Mani wato ñarã paia gãjerã rucorisere cõĩacõri jabeto ãmirã, manire bajiroti godarãji ĩna cuni. Melquisedecrema Dios oca tuti iti gotija, “Itocõ godaĩni Melquisedec”, yire oca ma. Ito bajiri godabicu robo bajiro bajiguĩji ĩ. ⁹⁻¹⁰ Melquisedecre jabeto ĩsiroca ĩ janerãbatia ñarona ĩna rujeabitibojarocati ĩ ya rujuju ñayijarã ĩna maji Abrahamre. Abraham janami Levĩ wame cutigu janerãbatia ñayijarã, masa ĩna rucorisere cõĩacõri jabeto ãmirã. Abraham ya rujuju ñacõri Melquisedecre Abraham ĩ waja yija, ĩna cuni waja yirãre bajiro yiyijarã, Abraham ya ruju ñacõri. Ito bajiri, “Ĩna ñarocõ rãto busaro ñasagu ñaĩni Melquisedec”, yi tũoĩa mani.

¹¹ Levĩ janerãbatiana suoriti ĩ rotirise cũyiju Dios, judio masare. Levĩ janerãbatiare paia ĩna ñaroca yiĩni Dios. Sĩgũ Levĩ janami ñayiju pai ñasagu, Aarõn wame cutigu.

Aarón ĩ janerābatia rāca masa ĩna Diore ĩsiroti boca āmiyjarā ĩna. Boca āmicōri Diore soe ĩsiyjarā ĩna, masa ĩna ñeñaro yirise waja yirā. Ito bajiro ĩna yibojarocati, “Seti ma mware. Queno yirā ña mwa”, yibisijū Dios ĩnare. Ito bajiri Melquisedec ñasagure bajiro bajigure cōayijū Dios, masare ĩ goda ĩsitoni. Aarón mesa waibucurāre soe ĩsicōri, masa ĩna ñeñaro yirise waja, waja yi jeocōajama gāji masare busi ĩsirocū cōabitiborū Dios. ¹² Masare busi ĩsirocū Jesure Dios ĩ cōaja bero mucana tūdi paia mesare masare yiari busi ĩsi rotibisijū Dios. Ito yicōri bucū oca jidicācōri ĩ oca mame wasoa rotiyijū Dios paia mesare. ¹³ Mani Ūjū Jesucristore cūñi Dios, paia ũjū ñasagū ĩ ñatoni. Ito bajiri ĩ ñami manire yiari Diore busi ĩsigū. Leví janerābatia janami meje ñayijū Cristo. Judá janerābatia janami ñayijū Cristo. Judá janerābatia Cristo riojūa sigū pai mañijū. ¹⁴ Mani Ūjū Jesucristo, Judá janerābatia janami ñayijū ĩ. Leví janerābatiare paia cū wacū Judá janerābatiareama ito bajiro yibisijū Moisés ñayorū. Itire queno tuo masia mani.

¹⁵ Itire tuocōri, “Bucū oca jidicācōri oca mame wasoacōñi Dios”, yi tuoia mani. Paia ũjū Melquisedec ñasagū ĩ ñado bajiro manire yiari busi ĩsigūre cūñi Dios. ¹⁶ Leví janerābatiare riti, “Paia ñarā yirāji ĩna”, yi rotiyijū Moisés. Ito bajiri Moisés ĩ rotirena meje paia ũjū Cristo ĩ ñaroca yiñi Dios. Tūdi ĩ catija ticōri, ĩ Macure cūñi Dios manire yiari ĩ busi ĩsitoni. Buto masigū ñari juaji godabicū yiguji Cristo. ¹⁷ Ado bajiro gotiyijū Dios ĩ Macure:

Masare mū busi ĩsitñatoni mure cūa yū. Paia ũjū Melquisedec ñasagū ĩ ñado bajiro ñatñagū yigūja mū, yiyijū Dios ĩ Macure.

¹⁸ Bucū oca iti rotiro bajiro queno cūdi jeo masibisijarā mani ñicūabatia. Ito bajiri ĩnare seti ñayijū maji. Ito bajija ticōri, “Bucū oca quenabea. Ñe waja ma iti”, yi tuoia wacū itire jidicāyijū Dios. ¹⁹ Bucū oca ĩna cūdi jeoja ticōri, “Īnare seti ña maji”, yiyijū Dios. Ito bajiri bucū oca jidicācōri, mame oca cūyijū Dios ĩja. Ado bajiro yiyijū Dios. ĩ Macū Cristore cōayijū, mani ñeñaro yirisere ĩ waja yi ĩsitoni. Ito bajiri Cristore mani tuorñujā ticōri, “Ñe seti ma mware”, yigū yiguji Dios ĩ tū mani ejari rāmū. Iti mame oca tuocōri, “Bucū oca ñasore rētoro quena mame oca”, yi tuoia mani.

²⁰ “Yū Macure cūa yū, masare yiari ĩ busi ĩsitñatoni. Riti ya yū”, yi goticāyijū Dios.

²¹ Cristore Dios ĩ cūroto riojūa, gājerā paiare ĩ cūja, “Ñasagū ānire cūa yū”, yibisijū Dios. ĩ Macureama paia ũjū cū wacū, “Riti, āni ñasagure cūa yū”, yiyijū Dios. ĩ Macure ado bajiro gotiyijū Dios ĩ oca tutina:

Yū ña Dios mū Ūjū. “Ado bajiro yigū yigūja yū”, yicōri yū tuoiarise tuo riawūsobicūja yū. Masare yiari mū busi ĩsitñatoni mure cūa yū. Paia ũjū Melquisedec ñasagū ĩ ñado bajiro ñatñagū yigūja mū cūni, yiñi Dios ĩ Macure, yi gotia Dios oca tutijū.

²² Iti mani tuoja, “Riti manire masogū yiguji Jesucristo. Bucū oca rētoro quenarise ña iti mame oca”, yi tuoia mani. ²³ Bucū oca iti ñaroca jājarā paia ñayijarā. ĩna godaja gājerā ĩnare wasoaronā ñayijarā. ²⁴ Ito bajiro ĩna godabojarocati, Jesuama godagū meje ñami. Ñimujūa gāji Jesure wasoarocū maquji. ²⁵ Catitñagū ñari manire yiari Diore busi ĩsitñagū yiguji ĩ. “Mū Macū yure goda ĩsiñi. Ito bajiri ĩna suoriti mū yagū ña āmoa yū”, Diore mani yija, manire masogū yiguji Cristo. Manire ĩ masoja bero ĩ rāca catitñarā yirāji mani.

²⁶ Jesucristo ruyabojāni maji, manire busi ĩsirocū. Manire yiari Diore ĩ busi ĩsibeja, Dios tū ejamenaji mani. Dios ĩ ñajare, ñeñarise ma ĩre. Ñeñaro yigū meje ñayijū ĩ. Ñe seti macū ñayijū ĩ. Masa ñeñaro yirāre bajiro meje bajigū ñami ĩ. Ūmacūjū gāna rētoro ñasagū ĩ ñaroca yiyijū Dios Jesure. ²⁷ Gājerā paia ũjūre bajiro bajigū meje ñaguji ĩ. Co rāmū ruyabeto waibucurāre sīayijarā ĩna, Diore soe ĩsirona. Ito bajiro yicōri, “Gūa ñeñaro yirisere ācabojoya. Ito yicōri masa ĩna ñeñaro yirisere cūni ācabojoya”, yiyijarā ĩna. Coji meje ito bajiro yiyijarā ĩna. Jesuama cojiti godañi, masa ĩna ñeñaro yirise waja, waja yi ĩsigū. Mucana tūdi waja yibicū yiguji ĩ, ĩ ya rīna ĩ waja yi tīocāre ñajare. ²⁸ Moisés ñayorū ĩ rotirena suoriti manire bajirāreti paia ũjarā ña rotiyijarā ĩna. Bucū oca jidicācōri mame oca cūyijū Dios. “Riti ado bajiro yicūja yū”, yirocū mame oca cūyijū Dios. “Yū Macū ñeñaro yibicure cūa yū, masare yiari ĩ busi ĩsitoni”, yiyijū Dios ĩ oca tutina.

8

Mame oca goticōri manire busi ĩsiri masu ĩnami Jesús, yire gaye

¹ Yũ gotisũorise ado bajiro bajia ĩnasarise. Sĩgũ ĩnami manire yiari Diore busi ĩsigũ. ĩ ĩnami ĩnasagu. Ũmacũju Dios ya riojocadũja rũcũbuoraju rujiguĩji ĩ. ² Dios ya wi ĩnasari wi ĩnacōri manire yiari busi ĩsigũ yiguĩji ĩ. Masa ĩna menira wi meje ĩnaroja iti wi. Dios ĩ menira wi ĩnaroja iti wi.

³ Masa ĩna ĩneũaro yirise waja, waja yirona Diore waibũcurã soe ĩsiri masa ĩnama paia ẽjarã. Ito bajiro ĩna yitoni ĩnare cũrã yirãji masa. Manire yiari ito bajiro yiĩni mani Ʋju Jesucristo cũni. Mani ĩneũaro yirise waja, waja yirocũ manire goda ĩsiĩni ĩ. Ito bajiro yicōri Diore busi wacu ĩ ya rujũ ĩsigũre bajiro yiĩni ĩ. ⁴ Adi tuti ĩnarã paia, Moisés ĩayoru ĩ rotiado bajiroti soe ĩsiamama maji. Ito bajiro Cristo adi sita ĩ ĩnajara ĩnare bajiro yibitiboguĩji. Adocãta manire yiari ũmacũju Diore busi ĩsigũ yiguĩji ĩ. ⁵ Adoju paia ĩna moari wi ũmacũju gagũ Dios ya wi robo bajiro bajia. Moisés ĩayoru Dios ya wi ĩ menigũ wagu yiroca, ado bajiro rotiyiju Dios ĩre: “Gũtagũ joeju yũ mũre goticato bajiroti tũoĩacōri, ito bajiro menima”, yiyiju Dios Moisés ĩayore. Adi sita gãna paia ĩna moaja ũmacũju gagũ Dios ya wi robo bajiro quesoĩarã yirãji ĩna. ⁶ Cristo manire busi ĩsiri masũre moare ĩnasarise cũĩni Dios. Paia ĩnayoana bũcurã rotirere cũdigoana ĩna yiado rẽtoro yigu ĩnami Cristo. “Masa yũ Macũre ĩna tũorũnũja, ĩnare queno yigu yigũja yũ. ĩna ĩneũaro yirisere ãcabojocōri, ĩnare masogũ yigũja yũ”, yami Dios ĩ oca tutina.

⁷ Bũcu oca rẽtoro ĩnasarise ĩna mame oca. Bũcu oca tũo sũyacōri Dios ĩnaro mani ejajama gaje mame oca cũbitiboru ĩ. ⁸ Bũcu ocare masa ĩna cũdi jeo masibeja tiyiju Dios. Ito bajiro ado bajiro yiyiju ĩ:

Israel sita gãna rãca, Judã gãna rãca ija mame oca quenogũ yigũja yũ maji.

⁹ ĩna ĩncũsabiatiare yũ goticato bajiro meje bajiro yiroja. Egiptojũ ĩna ĩnaroca gajeroju ĩnare cũ wacu ĩnare gotibojacu yũ. Yũ goticato bajiro cũdibiticã ĩna. Ito bajiro ĩnare tũorũnũbiticu yũ.

¹⁰ Ija Israel sita gãnare yũ oca quenoja, ado bajiro yigu yigũja yũ: Yũ rotirise ĩna tũoĩaroca yigu yigũja yũ. Ito bajiro ĩna ya ẽsiju yũ rotirisere cũdi ãmorã yirãji ĩna. Ito yicōri ĩna ẽju ĩnagũ yigũja yũ. Ito bajiro ĩna ĩnarã yirãji yũ ĩnarã.

¹¹ Yũ ĩnarã ĩnari ĩnarocōti yũre ti masirã yirãji ĩna. Ito bajiro yũre masirã riti ĩna ĩnare ĩna baba mesare cũni yũre ĩna ti masitoni riasomena yirãji ĩna. ĩna jeyaro yũre ti masirã yirãji ĩna. Mũtarã cũni, bũcurã cũni yũre ti masirã yirãji ĩna. Ito bajiro yũre ĩna ti masitoni riasomena yirãji ĩna.

¹² ĩnare ti maicōri ĩna ĩneũaro yirisere ãcabojogu yigũja yũ. Ito yicōri juaji ĩna ĩneũaro yirisere tũobicũ yigũja yũ ĩja, yami mani Ʋju Dios ĩ oca tutina.

¹³ Mame oca Dios manire ĩ bũsija, “Bũcu ocare jidicãcõgũ yiguĩji”, yi tũoĩa mani. Bũcu warise jedi wato ya. Ito bajiroti manire mame oca ĩ gotija, “Iti rũmũ gaye bũcu oca jedi waro ya”, yi tũoĩa masia mani.

9

Diore rũcũbuorã ado bajiro yiyijarã bũcurã, yire gaye

¹ Cajero Dios Moisés rotiroti cũgũ masa ĩre rũcũbuoroti gayere ĩre cũyiju Dios. “Adi sitaju yũre rũcũbuorona mũna minijuaroti wi menire ãmoa yũ”, yi rotiyiju Dios Moisésre. ² Ito bajiro ĩ rotiado bajiroti wi juã sõa, sõa cõtiri wi meni ĩsiyijarã ĩna. Wi gũdareco saya webũtirona yobiara wi ĩnayiju iti wi. Cajero ejasũoraju Diore rũcũbuora sõa ĩnayiju iti sõa. Iti sõaju jeobusuora tutu ĩnayiju. Ito yicōri casabo ĩnayiju, naju Diore ĩsiroti jesari casabo. ³ Yobiado gaje dũja ĩnari sõa, Dios ĩ ĩnasari sõa wame cõtiyiju iti sõa. ⁴ Itoju orona ĩna menira casabo ĩnayiju. Iti ĩnayiju Diore yiari queno sũti quenarise ĩna soe ĩsisotira casabo. Ito yicōri orona ĩna menira jedo ĩnayiju. Dios ĩ busigore ĩnari jedo ĩnayiju iti jedo. Iti jedo totiju adocõ jaje ĩnayiju. Iti jedoju oro sotũ sãĩnayiju. Iti sotũju bare manã wame cõtirisere sãĩnayiju. Ito yicōri iti jedoju Aarõn ĩayoru ya turigu ĩnasaturagu sãĩnayiju. Ito

yicōri iti jedoju gūta jāiri Dios ī rotirise ucare ñayiju. ⁵ Iti jedo joe ángel mesa bajirā ĩna meni rujeoana jesayijarā. ĩna ñayijarā masa ĩna ñeñaro yirise waja soe ĩsiraju weca caero ñujeorā. ĩnare ticōri, “Adi sōa ña Dios ī ñasari sōa”, yi tuoīayijarā paia. Adocāta iti gaye ñarocōti goti masia ma maji.

⁶ Ito bajiro bajiyiju mani ñicusabatia Diore ĩna rūcubuoore gaye. Co rumu ruyabeto ĩna moasotire ñajare, Diore rūcubuooraju ñasuri sōa ejasotiyijarā ĩna. ⁷ Ito bajibojarocati Dios ī ñasari sōareama paia uju co rodo ruyabeto cojiti sājayiju ī co rodore. Itoju ī sāja waja, waibucurā rí rāca āmi sāja wayiju ī. Iti ñayiju ī ñeñaro yirise waja, waja yiroti, ito yicōri masa ñeñaro yirise waja, waja yiroti. ⁸ “Mani ñicusabatia cajero Dios ī rotisuoore ĩna rūcubuosuoroca paia uju sīgūti Dios ī ñasari sōa sājasotiyiju. Masama ejasura sōa riti sājasotiyijarā ĩna. Ito bajiri Dios ī ñaroju eja masibisijarā masa maji”, mani yi masiroca yami Espiritu Santo. ⁹ “Ricati bajaia adi rumuri”, mani yi tuoīaroca yami Espiritu Santo. Mani ñicusabatia Diore rūcubuoorona waibucurāre soe ĩsiyijarā ĩna. Ito bajiro yibojarāti ĩna tuoīarise, “Seti cuti ña yu maji”, yi tuoīayijarā ĩna. ¹⁰ Bucurā rotire gaye ado bajiro bajiyija: “Adi ña bare, adi ña bare meje. Adi ña idiroti, adi ña idire meje. Ado bajiro guaja quena. Ado bajiro coeja quena. Ito yicōri ado bajiro rujure tirūnaja quena”, yire gaye ñayiju bucurā ĩna rotire. Mani ñicusabatia itire cudi āmorā ñabojarāti, ñarocōti cudi jeo masibisijarā ĩna. Mame oca Dios ī wasoaroto riojua bucu oca ñasarise ñayiju maji.

¹¹ ĩjama Cristo ejacoami. ĩti ñami manire yiari Diore busi ĩsigū ñasagu. ĩti ñami manire quenarise rētaroca yigu. Manire ī goda ĩsija bero ũmacūju Dios ya wiju muja wayiju ī. Itoju Dios ya wi ñacōri manire yiari busi ĩsisotiguīji ī. ũmua ĩna menira wi rētoro quenari wi ñaroja Dios ya wi. Adi sitaga wi meje ñaroja Dios ya wi. ¹² ũmacūju Dios ī ñasari sōaju ñaguīji Cristo adocāta. Itoju sājacōri cabra macu rí, ta wecu macu rína Diore ĩsirocū meje sājaru ī. ĩ ya rínati Diore ĩsirocū sājaru ī. Manire goda ĩsicōri mani ñeñaro yirise waja, waja yi tioru ī. Ito bajiri mucana juaji ī ya ríre Diore ĩsibiquīji ī. ĩ rāca mani ñatīñatoni ñarocōti waja yiñi ī. ¹³ Ado bajiro bajiyiju Dios ī rotisuoore: Sīgū godarure ī moāaja ito yicōri rēore gayere ī moāaja, ĩ ya ruju ueri jaigure bajiro bajiyiju ī. Ito bajiri itire coerona ta wecu rí, cabra macu rí cuni, ito yicōri ta wecu macu rí ĩna soe abore rīti ĩna ya rujure paiare wējabate gu rotiyijarā ĩna. Ito bajiro ĩna yija joe ueri coero bajiro bajiyiju iti. ¹⁴ Waibucurā rí rēto busaro ñasarise ña Cristo ya rí. Waibucurā ríama joe gayeti coeroja. Jesús ya ríama mani ñeñaro yirisere coe jeocōroja. Cojirea ñeñaro yīabicu ñari manire goda ĩsiñi ī, mani ñeñaro yirisere waja yi ĩsirocū. Ito bajiro yiñi Cristo manire, Espiritu Santo ñatīñagūre tuocōri. Jesús ya rína suoriti mani ñeñaro yirisere ācabojogu yiguīji Dios. Ito bajiri, “Yu queno yirise ticōri yure masogū yiguīji Dios”, yi tuoīabea mani. “Jesús ya ríre ticōri yu ñeñaro yirisere ācabojoni Dios”, yi tuoīa mani. Ito bajiri Dios catitīñagūre wanurā ĩre moa ĩsitīñarā yirāji mani.

¹⁵ Ito bajiri iti oca tuocōri, “Jesucristo ĩti ñami mame oca manire gotitoni Dios ī cōaru”, ya mani. Cajero Dios ī rotisuoore gaye cudi jeo masibisija mani. Ito bajiri Dios ī rotisuoore mani cudi jeo masibejare, itire waja yi ĩsirocū manire yiari goda ĩsiñi Cristo. Ito bajiro Cristo ĩyija ticōri, Dios ī goticādo bajiroti yigu yiguīji ī. Mani ñeñaro yirisere ācabojocōri, ĩ rāca mani ñatīñatoni manire āmigū yiguīji Dios. ¹⁶ Ado robojua bajaia. Tite. Sīgū ī godaroto riojua, “Yu ya gajeoni ruco wasoarā yirāji yu ñarā”, yi menigū yiguīji ī. Ito bajiro ĩyija bero, “Riti ña. Adi papera ī ucaja bero godacoañi”, oca quenori masu ī yiroti riojua, godaru ya gajeonire boca āmi masimenaji ī ñarā. ¹⁷ Iti papera ucaru ī catija maji, ĩ ñarā ĩ ya gajeonire boca āmi masimenaji maji. ĩ godaja bero riti, ĩ uca gotiado bajiro boca āmirā yirāji ĩna. ¹⁸ Ito bajiroti cajero ī rotire gotigu, Moisés ñayorure waibucu rí wējabate rotiyiju Dios. “Iti ríre ticōri, ‘Ia sīgū manire goda ĩsigū yiguīji’, yi tuoīarā yirāji masa”, yiñi Dios Moisésre. ¹⁹ Ito bajiro ĩgotija tuocōri, ñarocōti Dios ī rotire gaye masare goti jeoyiju Moisés ñayoru. Itire goti tuocōri cabra macu rí, ta wecu macu rí idena jabeto wuoyiju. Ito yicōri oveja joa sūarise āmicōri hisopo wame cutiricu rujure siayiju. Iti gocore ríju yosecōri, Dios ī rotira tutire ito yicōri masare cuni rína wējabate guyiju Moisés ñayoru. ²⁰ Ito yicōri masare ado bajiro yiyiju ī: “Adi ríre ticōri, ‘Ito bajiro

yicuja yu', Dios i yiado bajiroti yigu yiguji, yi tuoia mani", yiyiju Moisés masare. ²¹ Ina minijuara wiju cuni rina wejabate guyiju Moisés ñayoru. Ito yicori itiju minijuara wi ñarise ñarocõreti rina wejabate guyiju i. ²² Ado bajiro gotia bucú oca: "Ueri cutirise jeyaro, rina coeja quenaroja. Sigu i ri budibeja mani ñeñaro yirise coeya maniboadoja", yi gotia bucú oca.

Cristo i godarena suoriti mani ñeñaro yirise coeyiju, yire gaye

²³ Ito bajiri mani ñicusabatia Dios ya wiju ina sãjaroto riojua, ina ya rujure ina ya gajeonire cuni ri wejabate guyijarã ina. Ri wejabatecõri, "Ueri ma manire. Sãjaruja manire", yiyijarã ina. Ito bajiro ina yija, umacuju Dios i ñaro bajiro quesoñayijarã ina. Ina yisotiado bajiro waibucurã rëtoro ñasagu manire goda isiñi Cristo. I ya rina suoriti Dios ya wiju ejarã yirãji mani. ²⁴ Mani ñicusabatia ina menira wiju sãjabisiju Cristo. "Ado bajiro bajiroja Dios ya wi", yiariti ina menira wi ñayiju iti wi. Cristoama umacuju Dios i ñaroju sãjañi. Ito bajiri adocãta itona ñacõri, manire yiari Diore busi isiguji i. ²⁵ Judio masa paia uju co rodo ruyabeto cojiti sãjayiju i co rodore. Itoju sãjacõri, Diore yiari waibucú ri wejabateyiju i. Cristoama cojiti i ya ri isiyiju Diore, masa ina ñeñaro yirise waja, waja yi isirocú. ²⁶ Co rodo ruyabeto Cristo godare Dios i amoja, biyaro godaboru, adi macãrucuro iti rujejarocajuti. Ado bajirojua baja. Adocãta macãrucuro iti jediroto riojua, manire yiari cojiti goda isiñi Cristo. Mani ñeñaro yirisere goda isiñi i. Ito bajiri ire mani tuorunuja, manire i yi isigore ticõri, mani ñeñaro yirisere acabojogu yiguji Dios. ²⁷ Sigu ruyabeto cojiti godarã yirãji mani. Ito yicori mani queno yire, mani ñeñarise yire cuni cõtagu yiguji Dios. ²⁸ Cristo cuni masa jeyarore ina ñeñaro yirise waja, waja yi isirocú cojiti godañi. Mucana tudi i goaja, masa ina ñeñaro yirisere waja yi isirocú meje ejagu yiguji. Ire bocatirãre masorocú ejagu yiguji i.

10

¹ Bucú ocana suoriti quenaro ñnare Cristo i yiroti gayere masisuyijarã masa. Ñarocõti i queno yiroti masi jeobisijarã ina maji. Bucú oca cudirã co rodo ruyabeto waibucurã sãcõri Diore soe isisotiyijarã ina. Ito bajiro ina yibojarocati, "Yu tija, seti ma ñnare", yibisiju Dios. Ito bajiri bucú ocare mani tuo suyabojaja Dios tu ejamena yirãji mani. ² Diore yiari waibucurã ina soe isija bero ina ñeñaro yirisere i coe jeoja, mucana waibucurã soe isibitiboana ina. "Waja yi tiomu yu. Yure seti ma ija", yiboana. ³ Ito bajiro meje bajiyija. Co rodo ruyabeto Diore waibucurã ina soe isija, "Ñeñaro yigu ña yu", yi tuoia bujayijarã ina. ⁴ Ta wecú ri, cabra ri, masa ina ñeñaro yirisere coerotu meje ñaroja.

⁵ Ito bajiri adi sitaju wadigu, ado bajiro yiyiju Cristo Diore:

Masa ina waibucurã soe isire amobeaa mu. Ito bajiri ina ñeñaro yirise yu waja yi isitoni, ina tu yu ruju cutiroca ya mu.

⁶ Masa ina ñeñaro yirise waja yirona waibucurã ina soe isija queno wanubea mu, ya yu.

⁷ Gaje ado bajiro mure gotia yu: Dios mu amoro bajiro yirocú masa taju wacu ya yu. "Dios i rotiro bajiro yigu yiguji i", mu oca tuti iti gotiroto bajiroti, masa taju wacu ya yu, yiyiju Cristo Diore.

⁸ Queno tuoia yu ñarã mu. Ado bajiro gotiyiju Cristo: "Masa ina ñeñaro yirise waja yirona Diore yiari waibucurã ina soe isi amobojaja, queno wanubeami. Moisés ñayoru i rotire ñabojarocati, queno wanubeami Dios", yi gotiyiju Cristo. ⁹ Gaje ado bajiro gotiyiju Cristo: "Dios, mu amoro bajiro yirocú, masa taju wacu ya yu", yiyiju Cristo Diore. I ito yija tuocõri, "Bucurã waibucurã soe isire jidicãcõri, imasiti manire goda isiñi", yi tuoia mani. ¹⁰ Dios i amoro bajiro yini Jesucristo. Cojiti manire yiari goda isiñi i, i ya rina mani ñeñaro yirisere waja yirocú. Ito bajiro i yire ñajare, mani ñeñaro yirisere acabojocõri, "Seti ma mure", yigu yiguji Dios manire.

¹¹ Judio masa paia co rumu ruyabeto ina ya moare ñajare, biyaro Diore waibucurã soe isisotiama ina. Ito bajiro ina yibojarocati masa ina ñeñaro yirisere coebetoja.

¹² Cristoama cojiti mani ñeñaro yirisere waja yi tiocõri umacuju Dios ya riojocaduja rucubnoraju rujiguji i ija.

¹³ Itoju ñacōri ĩ wajanare rētocūroca Dios ĩ yitoni bocatigu yiguĵi maji. ¹⁴ Manire yiari cojiti goda ĩsiñi Cristo. Ito bajiro ĩ yijare manire ticōri, “Seti ma muare”, yigu yiguĵi Dios. Ito bajiri ĩ rāca catitiñarā yirāji mani. ¹⁵ “Riti baja ito oca”, mani yi masitoni, ado bajiro gotiñi Espiritu Santo:

¹⁶ Masa rāca mame oca quenogū yiguĵa yu. Ado robojua bajiro yiroja:

Yu rotirise ĩna tuoĵaroca yiguĵa yu. Ito bajiri ĩna ya usiju yu rotirisere cudi āmorā yirāji ĩna.

¹⁷ Cristore ĩna tuorūnĵa ticōri, ĩna ñeñaro yirise, ĩna seti catirise juaji tūdi tuoĵabicĵa yu, yi gotiñi Espiritu Santo Dios oca tutina.

¹⁸ Ito bajiri mani ñeñaro yirisere Dios ĩ ācabojaja bero, juaji mani ñeñaro yirisere waja yi masia ma.

Diore mani tuorūnĵa quena, yire gaye

¹⁹⁻²⁰ Ito bajiri yu mairā, ado robojua baja mame oca, adi rumeri. Mani ñeñaro yirise waja, waja yi tñoñi Cristo, ĩ ya rina. Godaru ñabojaguti mucana caticōri ũmacĵu Dios ĩ ñaroju ñaguĵi manire yiari. Ito bajiri ĩre mani tuorūnĵa ũmacĵu Dios ĩ ñasari sōaju guimenati sājarā yirāji mani. Mani ñicusabatia Dios ĩ ñasari sōa yobiadore rēta masibisjarā ĩna. Ito bajiro meje baja adocāta. ²¹ Jesucristo sigūti ñami paia ĵu ñasagu. Manire yiari Diore busi ĩsisotigu yiguĵi. Ito bajiro yisotiguĵi Cristo, Dios ya wina ñacōri. ²² Ito bajiri guimenati Diore rucuborona ĩ tu warĵa manire. Ito yicōri, “Yure boca āmigū yiguĵi”, yi tuoĵa rucuborĵa manire. Mani ñeñaro yirisere coeñi Dios, Jesucristo ya rina. Ado bajiro baja ito. Ide quenarisena mani guaja bero mani ya ruĵu ueri manoja ĩja. Ito bajiroti Jesucristo ya rina suoriti mani ñeñaro yirise Dios ĩ coeja bero, ueri mana bajiro ñarāji mani ĩja. Ito bajiri, “Ñeñaro ya yu. Seti ña yure”, yi tuoĵabea mani. ²³ ĩre tuorūncōri, “Yure masogū yiguĵi ĩ”, yirā ñari, ĩre tuorūnu suyaruĵa manire. Gajero bajiro tuoĵabitirĵa manire. Dios manire ĩ goticādo bajiroti yigu yiguĵi ĩ. ²⁴ Gājerāre mani queno yitoni, ito yicōri ĩnare mani ti maitoni, gāmeri eĵabuarĵa manire. ²⁵ Jesucristore tuorūnurā ñari, ĩre rucuborona minijuatĩnarĵa manire. Coriarā minijua jidicāñi ĩna. ĩnare bajiro yibitirĵa manireama. Jesucristore mani jidicābititoni, buto busa gāmeri oca sēo rotirĵa manire. Ito bajiri adi rumeri buto busa oca sēorĵa manire, yoari mejeti mani ĵu ĩ ejaroti ñajare.

²⁶ Dios ocare masirā ñabojarāti, ñeñaro mani yi uyaja ñe waja yi remore manoja. Waja yicāñi Cristo. Ito bajiri ĩre mani tuorūnubeja, tūdi waja yibiquĵi ĩ ĩja. ²⁷ Ito bajiri Cristore mani tuorūnubeja ticōri, guijorise riti manire waja senigū yiguĵi Dios. Ito yicōri jeame ĵuroĵu ĩ wajanare ruyurorijĵu manire cōagū yiguĵi Dios. ²⁸ Moisés ñayoru ĩ rotire gayere sigū ĩ cudibeja ado bajiro bajiyiju. Juarā, udiarā, “Riti cudibeami ĩ”, ĩre yi coderā ñaja, jabeto ĩre ti mairā mejeti ĩre siacōyjarā ĩna. ²⁹ Ito gayere mani tuoĵaja, “Sigū Dios Macure ti tecōri ĩ rucubobeja, buto busa ĩ tōbĵaroca yigu yiguĵi Dios ĩre”, yi tuoĵa mani. Masa jeyaro yiari Jesucristo ya rí budiyiju. ĩ ya rina suoriti mani ñeñaro yirisere ācabojoguĵi Dios. Ito ña oca mame Dios ĩ cūre. Ito bajiri, “Masare yiari ĩ goda ĩsibore ñe waja ma ĩ ya rí”, yigure buto ĩ tōbĵaroca yigu yiguĵi Dios. Manire ti maigū ñari queno manire eĵabūami Espiritu Santo. Ito bajiri no Espiritu Santore busitugureti buto ĩ tōbĵaroca yigu yiguĵi Dios. ³⁰ Ado bajiro yiñi Dios: “Yu ña masa ĩna ñeñaro yirisere waja senirocu. Ito yicōri yuti ña ĩna tōbĵaroca yirocu”, yiñi Dios. Itire masia mani. Gaje ado bajiro gotia Dios oca: “Dios ñami ĩ ñarāre ĩna ñeñaro yirise waja, waja senirocu”, yi gotia Dios oca. ³¹ Ñeñaro yirāre ñiacōri Dios catitiñagū ĩ waja senija, buto guijorise ñaroja.

³² Ito bajiri, “ĩre jidicāgū yiguĵa yu”, yi tuoĵabesa mua. Jesucristo oca tuocōri ĩre mua boca āmicato bajiroti ĩre riti mua tuorūnu suyaja quena. ĩre mua tuorūnĵa ticōri, muare tūdiñi gājerā. Mua tōbĵaroca ĩna muare yibojarocati Cristore tuorūnu jidicābisija mua.

³³ Mua coriarāre masa busi tūdiñi. Ito yicōri mua coriarāre masa ĩna tiro riojo ñeñaro yiñi ĩna. Mua baba mesare ñeñaro ĩna yija ticōri, ĩna rāca tōbĵayija mua cūni. ³⁴ Mua baba mesare ĩna tubiaja ĩnare tuo maiyija mua. Mua ya gajeonire ĩna ĩmabojaja cūni buto bojori bĵabisija mua. “Ūmacĵu Dios ĩ ñaroju jogabitire boca āmirā yirāji mani.

Ĩna manire ěmarise rĕtoro quenarise bujarĕ yirĕji mani”, yi wanure rĕca tuoĭayija mua. ³⁵ Ito bajiro ñeńaro tĕbujabojarĕti Diore tuorũnu jidicĕbeja mua. Oca sĕoro wanure rĕca buto busa Diore tuorũnuńa mua. Ito bajiro mua yija, iti waja queno yigu yiguĭji Dios muare. ³⁶ Dios ĩ ĕmoro bajiro mua yi ĕmoja, usiriobeja mua. Ito bajiro mua yija ticĕri, ĩ gotiado bajiroti muare ĩ ĩsiroti ĩsigũ yiguĭji Dios. ³⁷ Yoari goroama bocati yimenaji mua. Ado bajiro gotiami Dios ĩ oca tutina:

Yoari mejeti yu cũru ejagu yiguĭji. Yoari goroama godabetoja ĩ ejaroti.

³⁸ No ĩ ñeńaro yirisere jidicĕcĕri Cristore tuorũnugũreti ti wanugũ yiguja yu. Ito bajiri ĩ catitĩnaroca yigu yiguja yu. Yure jidicĕrĕreama ĩna rĕca wanubicu yiguja yu, yiĩ Dios ĩ ocana.

³⁹ Diore jidicĕrĕ meje ña mani. Ito yicĕri ĩ ruyuriorona meje ña mani. Diore tuorũnũrĕ ña mani. Ito bajiri ĩ masoana ñari ĩ rĕca catitĩnarĕ yirĕji mani.

11

Diore mani tuorũnũja catitĩnarĕ yirĕji mani, yire gaye

¹ Diore mani tuorũnũja ado bajiro tuoĭarĕ yirĕji mani. “Dios ĩ yiro bajiroti yure masogũ yiguĭji ĩ. Ija yure ĩ ĩsiroti itire tibitibojaguti boca ĕmigũ yiguja yu”, ya mani Diore mani tuorũnũja. ² Jane mejeju ĩre ĩna tuorũnũja ticĕri, mani ñicũsabatiare wanuyiju Dios.

³ “Ĩ ya ocanati adi macĕrũcũrore rujeońi Dios”, ya mani, ĩre mani tuorũnũja. “Rocati mani tigorena meje adi macĕrũcũrore rujeońi Dios. ĩ ya ocanati adi macĕrũcũrore rujeońi Dios”, ya mani, ĩre mani tuorũnũja.

⁴ Mani ñicũsabatia Diore ĩna tuorũnũgore gaye muare gotigu ya yu. Abel ñayoru Diore tuorũnũcĕri ĩ rĩjoru Caĩn, Diore ĩ ĩsiroti rĕtoro quenarise ĩsiyiju Abel ñayoru. Ito bajiri, “Yu rotiro bajiroti yami”, yicĕri ĩ ĩsiro bajiroti boca ĕmiyiju Dios. Jane mejeju Abel ñayoru ĩ godabojarocati Diore ĩ tuorũnũre mani tuoĭaja, buto busa Dios gayere tuo masirĕ yirĕji mani.

⁵ Enoc ñayoru Diore ĩ tuorũnũjare ĩre wanuyiju Dios. ĩre ti wanũcĕri, catigũreti ĩre ĕmicoayiju Dios. Ito bajiri ĩre ĕmabojarĕti bujabisjarĕ masa, Dios ĩre ĕmire ñajare. Dios oca tuti iti gotija, “Enoc ñayoru ĩ ĕmi ecoroto rioju, ĩre queno wanuyiju Dios”, yi gotia Dios oca tuti. ⁶ Diore mani tuorũnũbeja, manire wanũbiguĭji ĩ. Dios rĕca mani baba cuti ĕmoja, ado bajiro tuoĭarũja manire: “Riti baja, ñasacĕguĭji Dios. No Diore masi ĕmogũ ĩ ĕmaja, ĩre boca ĕmigũ yiguĭji Dios”, yirũja manire, Dios rĕca mani baba cuti ĕmoja.

⁷ Noĕ ñayoru cuni Diore tuorũnũyiju. “Mu tĩabiti rĕtaru yiroja mre”, Dios ĩ yija tuocĕri, Dios ĩ yiro bajiroti cudiyiju Noĕ ñayoru. Ito bajiri cuma bucua jajoca meniyiju Noĕ ñayoru, ĩ ñarĕ rĕca rujabe yirocu. Diore tuorũnũcĕri adi macĕrũcũro gĕna Diore tuorũnũbitianare bajiro meje yiyiju ĩ. Ito bajiro Noĕ ĩ yija ticĕri, “Manire waja senigũ yiguĭji Dios”, yi tuoĭayjarĕ masa. “Yure ĩ tuorũnũjare seti ma Noĕre”, yi wacu ĩre masoyiju Dios.

⁸ Abraham ñayoru cuni Diore tuorũnũyiju. Dios ĩ busija tuocĕri, ĩ yiro bajiro cudiyiju Abraham ñayoru. “Gaje sita mre ĩsigũ yiguja yu”, Dios ĩ yija tuocĕri, ĩ ya sitare wagoyiju Abraham. “Itoju ejagu yiguja yu”, yi masibicuti wayiju Abraham cajero wasogũ. ⁹ Diore tuorũnũcĕri, Dios ĩre ĩsiroti sita ñagũ wayiju Abraham, gĕjerĕ ya sita ñabojarocati. Wijĕi menicĕri, ito yicĕri waibucu wirorina wi menicĕri ñayiju ĩ. “Yoari mejeti ñagũ yiguja yu”, yirocu itina meniyiju ĩ. Ito bajiro yiyiju ĩ macu Isaac cuni, ito yicĕri ĩ janami Jacob cuni. “Adi sita manire ĩsigũ yiguĭji Dios”, yi tuoĭa masirĕ ñayjarĕ ĩna cuni. ¹⁰ Diore tuorũnũcĕri, Dios ĩ ñasari cutore tuoĭayiju Abraham ñayoru. Iti cuto Dios ĩ menicĕra cuto ñaroja. Ito bajiri iti cuto gajanoabeto yiroja.

¹¹ Abraham manojo Sara ñayoro Diore tuorũnũgĕ ñayijo. Buce rĕa mani waro ñabojarocati iso macu cutiroca yiyiju Dios isore. Ito bajiri, “Dios ĩ yiro bajiro yigu yiguĭji”, yi waco macu cutiyijo iso. ¹² Ito bajiroti Abraham ñayoru cuni ĩ godaroto riojuati macu cutiyiju ĩ. ĩ ñayiju jĕjarĕ janerĕbatia cutirocu. Jĕjarĕ ñocĕa, jaje ja sitacĕ janerĕbatia cutirocu ñayiju ĩ, cĕiado mana.

¹³ Āna muare yu gotirā ĩna godaroto riojua, “Adi sita muare ĩsigū yigujā yu”, Dios ĩ yira sitare boca āmibisijarā ĩna maji. “Ito bajiro yigu yiguĭji Dios manire”, yi jidicābisijarā ĩna. “Adi macārucūro ñatĩñarona meje ña mani. Adojū ña ucurāre bajiro bajirā ña mani. Ūmacūjū ñaroja mani ñatĩñaroti cuto”, yi tuoĭayijarā ĩna. ¹⁴ Iti gayere mani tuoja, “Ūmacūjū Dios tujū ĩna catitĩñaroti cutojū tuoĭa ñayijarā ĩna”, yi tuoĭa mani. ¹⁵ ĩna ya sita ĩna wagorajū ĩna tuoĭaja, iti sitajū mucana tūdi waboana ĩna. ¹⁶ ĩna watora sita rētoro quenarise sita ūmacūjū Dios ĩ ñarojū tuoĭa ñayijarā ĩna. ĩna ñaroti cuto meni yucāñi Dios. Ito bajiri ĩnare cuto queno ĩsicōri, bojobicuti, “Yu ñarā ñama ĩna. ĩna Ūjū ña yu”, yi wanugū yiguĭji Dios.

¹⁷ “Yure ĩ tuorūnūja ticūja yu”, Dios ĩ yiro bajiroti cūdiyijū Abraham ñayoru. Ito bajiri Diore tuorūnucōri, ĩ macu Isaacre Diore soe ĩsirocū āmi wayijū. ĩ macu sīgū ñagūre sĭagūti yibojayijū Abraham. ¹⁸ “Isaacna suoriti jājarā janerābatia cutigu yigujā mu”, Dios ĩ yicāre ñabojarocati, ĩre sĭaboyijū Abraham, Diore tuorūnucōri. ¹⁹ “Godarāre mucana tūdi ĩna catiroca yi masiguĭji Dios”, yi tuoĭayijū Abraham ñayoru. ĩ macure ĩ sĭabore ñabojarocati, mucana ĩ macure judacōayijū Dios. Ito bajiri, “Mu macure sĭabesa”, yicōri ĩ macure judacōagū robo bajiro yiñi Dios Abrahamre. “Yure queno tuorūnūami ĩ”, yi tuoĭacōri Abrahamre ti wanuyijū Dios.

²⁰ Isaac ñayoru cūni Diore tuorūnugū ñayijū. Diore tuorūnucōri, “Ado bajiro queno yigu yiguĭji Dios muare”, yiyijū Isaac, ĩ rĭare Jacob, Esaūre cūni. ²¹ Jacob ñayoru cūni Diore tuorūnuyijū. ĩ godaroto riojua, “Ado bajiro queno yigu yiguĭji Dios muare”, yiyijū ĩ, ĩ janerābatia José rĭare. Bucugū ñari ĩ ya turigūna tue wacuti Diore rūcubuoayijū maji. ²² José ñayoru cūni Diore tuorūnugū ñayijū. ĩ godaroto riojua, Israel sita gānare ado bajiro gotiyijū José: “Ija adi sita Egipto sitare wagorā yirāji mua. Ito mua waja, yu ya gōarire āmi warā yirāji mua”, yiyijū ĩ.

²³ Moisés ñayoru jacusabatia Diore tuorūnucōri, ĩ rujeaja bero ūdiarā ūmacañi ĩre yeyoyijarā. “Quenagū ñami mani macuacā”, yiyijarā ĩna. Ito bajiri iti sita gagū ūjū ĩ sĭa rotibojarocati, ĩre gūibiticōri cūdbisijarā ĩna. Diojūare tuorūnuyijarā ĩna. ²⁴ Moisés ñayoru cūni Diore tuorūnugū ñayijū. Egipto gagū ūjū maco iso masoru ñabojaguti bucua wacu, “Iso macu ñami”, masa ĩna yire āmobisijū ĩ. ²⁵ “Egipto gāna rāca ñeñaro yu yija, wanūtĩñabicūja yu. Ito bajiri Dios ñarā rāca baba cutigu yigujā yu, Egipto gāna ñeñaro yure ĩna yibojarocati”, yiyijū Moisés ñayoru, Diore tuorūnucōri. ²⁶ “Egipto sitajū gajeoni jeyaro yu rūcoja, ñasarise meje ña. Dios cōarocū ĩ tōbujaroto bajiro yu tōbujaja, iti ña ñasarise”, yi tuoĭayijū Moisés ñayoru. “Yu tōbujabojarocati, ija queno yigu yiguĭji Dios yure”, yi tuoĭacōri Diore tuorūnuyijū ĩ. ²⁷ Diore tuorūnugū ñari Egipto gagū ūjūre gūibiticōri, gaje sita wacu ĩ ñarāre ji wayijū Moisés ñayoru. Diore tibitibojaguti, “Yu rāca ñaguĭji ĩ”, yi tuoĭacōri Diore cūdiyijū Moisés.

²⁸ Diore tuorūnucōri ĩ ñarā Israel sita gānare pascua basa meni rotiyijū Moisés. Ado bajiro masare gotiyijū ĩ: “Sīgū ángel cōagū yiguĭji Dios, co wi rūyabeto macu ñasuoğure ĩ sĭatoni. Dios ĩ rotiro bajiro soje weca mani rĭ tuja, ángel rētagū yiguĭji”, yi rotiyijū Moisés Israel sita gānare. Ito bajiro Moisés ĩ rotire ñajare Israel sita gānare sīgū macure sĭabisijū ángel. ²⁹ Diore tuorūnucōri Israel sita gāna Ide Sūarise wame cutirisa ĩna jēatoni ide jua dūja bata rūgūyijū. Ito bajiri sita butirise cudado bajiroti cūda jēacoayijarā ĩna ĩja. Egipto gāna ĩnare sūyarā ĩnare bajiroti jēa āmorā, yibojayijarā ĩna. No bajiro jēa masibiticōri ruja godacoayijarā ĩna.

³⁰ Diore tuorūnucōri Israel sita gāna jua āmojeno rūmuri gāni biayijarā Jericó wame cutiri cutore. Jua āmojeno rūmuri ĩna rūja gāni bija bero, iti cutore ĩna camotara cūni juja quediijū. ³¹ Rahab wedi maso ñagoro Diore tuorūnugū ñayijo iso cūni. Israel gāna jūarā gānitirā ejarāre queno boca āmiyijo iso. Ito bajiri Israel sita gāna iso ya cuto gāna Diore cūdimenare ĩna sĭaja, isore sĭaruayijarā ĩna.

³² Jaje muare goti āmoboja yu. Gedeón, Barac, Sansón, Jefté, David, Samuel ito yicōri Diore goti ĩsiri masa ĩna jeyaro gayere goti jeo masibeja yu adocāta. ³³ Diore tuorūnucōri coriarā gaje sita gānare rētocūyijarā ĩna. Gājerā queno masare roti masiyijarā. Dios ĩ

gotiado bajiroti ĩ ĩsire boca āmiyijarā ĩna. Gājerā yaia riserire biayijarā. ³⁴ Gājerā jeame buto ĩjuroju cōa tĭabojaja uabisijarā ĩna. Gājerā ĩna wajana sarera jāina sĭa āmoja, rudi masiyijarā. Gājerāre ĩna bogaja mĭcana tĭdi ĩna sēroca yiyiju Dios ĩnare. Ito bajiri ĩna wajanare surarare rētocū masiyijarā ĩna. ³⁵ Coriarā romia cĭni Diore tuorĭnĭrā ĩnayijarā. Ito bajiri Diore tuorĭnĭcōri ĩna ĩnarā godabojanare tĭdi ĩna catija tiyijarā ĩna.

Gājerā Diore tuorĭnĭrā ado bajiro bajiĭni. Coriarā ĩĕĭaro tōbĭjacōri godayijarā ĩna. “Diore mani jidicāja manire bucōarā yirāji ĩna. Ito yicōri manire sĭamenaji”, yi tuoĭabojarāti Diore tuorĭnĭ jidicābisijarā ĩna. “Mĭcana tĭdi caticōri Dios tĭju buto busa queno ĩnarā yirāji mani”, yi tuoĭayijarā ĩna. ³⁶ Gājerāma ĩnare aja tudicōri baje ecoyijarā. Gājerā ĩna ya āmori come misina siacōri tubia ecoyijarā. ³⁷ Gājerā gĭtana rea sĭa ecoyijarā. Gājerāma ĩna ya ruju gĭdareco yijeta ecoyijarā. Gājerā ĩĕĭaro yi ecoyijarā. Gājerā sarera jāina sĭa ecoyijarā. Gājerā queno cĭto bĭjamenati wa ucuyijarā. Waibucĭ wirona riti wasoyoyijarā ĩna. Bojoro bĭjarā ĩnayijarā ĩna. Gājerā ũsirio code ecoyijarā. ĩnare queno yibisijarā gājerā. ³⁸ ĩna ĩnaro queno bĭja masimenati yucĭ manojĭ, ito yicōri gĭta yucĭri watoju gāni sājayijarā ĩna. Gĭta gojeriju, sita gojeriju cĭni caniyijarā ĩna. Diore tuorĭnĭmena rētoro queno yirā ĩnayijarā ĩna. Ito bajiri adi macārucĭro rētoro quenari cĭto ĩna ĩatĭĭnarotiju meniyiju Dios ĩnare yiari. ³⁹ ĩre ĩna tuorĭnĭja ticōri, ĩnare tĭ wanĭyiju Dios. Adi sita ĩna ĩnaroca, “Ado bajiro mĭare ĩsigĭ yigĭja yĭ”, Dios ĩ yirere boca āmibisijarā ĩna maji. ⁴⁰ Buto busa quenarise ĩsirocĭ ĩna yure āmoyiju Dios. Dios quenarise ĩ quenocāre mani rāca boca āmirā yirāji ĩna cĭni.

12

Jesure riti mani tuorĭnĭja quena, yire gaye

¹ Itire mani tuoja, “Mani riojĭa gāna jājarā Diore tuorĭnĭrā ĩnaĭi”, ya mani. Josari ĩabojarocati Dios ĩ āmoro bajiro yiyijarā ĩna. ĩnare tuoĭarā, Dios ĩ āmoro bajiro yirĭja manire cĭni. Diore mani tuorĭnĭ āmoroca gaje mani ũsirioro iti camotaja itire jidicārĭja manire. Mani ĩĕĭaro yiroca tuoĭa wisarisere cĭni jidicārĭja manire. Josare ĩabojarocati ũsirio menati Dios āmoro bajiro yirĭja manire. Ado robojĭa baja. Sĭgĭ ũmaquediri masĭ gājerāre ĩ rētocū āmoja, rĭcĭrisere cĭcōgĭ yiguĭji ĩ. Ito bajiroti yirĭja manire cĭni. Diore mani tuorĭnĭroca gaje ũsirioro ĩĕĭaro manire iti camotaja, itire jidicārĭja manire. ² Jesure buto tuoĭarĭja manire. Manire goda ĩsicōri, ĩti ĩnami mani tuorĭnĭroca yigĭ. ĩ godare gaye bojobiticōri, yucĭtĕoju tōbĭjayiju Jesĭs. “Yĭ tōbĭjaja bero buto busa wanĭgĭ yigĭja yĭ”, yicōri ĩĕĭaro yirā ĩna godado bajiro godagĭ bojobisiju ĩ. Mĭcana tĭdi caticōri Dios ya riojocadĭja rĭcĭbuorajĭ rujiyiju ĩ. Adocāta cĭni itoti rujitĭĭnaguĭji ĩ.

³ Mani bogaja mani oca sēobeja, manire Jesĭs ĩ goda ĩsire gayere tuoĭarĭja manire. ĩĕĭaro yirā Jesure ĩna ti tudibojarocati ĩ tōbĭjaroca ĩna yibojarocati ĩnemecĭtiyiju ĩ. Ito bajiri ĩre mani tuoĭaja, ĩnemecĭti masirā yirāji mani cĭni. ⁴ Cristo ĩ tōbĭjado bajiro goroama tōbĭjabea mani. “Mĭa ĩĕĭaro yirisere jidicāĭna”, masare mani yibojarocati manire sĭabiticā ĩna. ⁵ ĩĭ rĭa bajiro ĩnarāre, mĭare ĩ goti quenore ācabojati mĭa? Ado bajiro gotiĭni Dios ĩ oca tutina:

Yĭ macĭ, mĭ masitoni yĭ mĭre gotirisere ti tebesa. Yĭ mĭre goti quenojare oca sēo jidicābeja mĭ.

⁶ Yĭ mairāre ĩnare oca quenocĭja yĭ. Ito yicōri yĭ rĭa ĩnarāre ĩna tōbĭjaroca yigĭja yĭ, ĩna masitoni, yi gotiĭni Dios ĩ oca tutina.

⁷ Ito bajiri mĭa tōbĭjaja ĩnemecĭtiba. ĩ rĭa mani ĩnjare ito bajiro yigĭ yiguĭji ĩ. Sĭgĭ rĭyabeto jacĭsabatia ĩna rĭare goti quenorāji ĩna masitoni. ⁸ Dios cĭni ĩ ĩnarā ĩnarocōreti goti quenoguĭji, ĩna queno yitoni. Mĭare Dios ĩ goti quenobeja ĩ rĭa meje ĩnarāji mĭa. ĩ rĭa meje mĭa ĩnaja, gāji rĭa ĩnarāji mĭa. ⁹ Mani rĭaca ĩnaroca mani jacĭsabatia manire goti quenoi. Ito bajiro ĩna yijare ĩnare rĭcĭbuoyija mani. Ito bajiri mani Jacĭ ũmacĭju gagure buto busa rĭcĭbuorĭja manire. Ito bajiro mani yija catitĭĭnarā yirāji mani. ¹⁰ Yoari mejeti ĩna āmorocō manire riasoi. Ito bajiro Jacĭsabatia. Dioama manire queno yirocĭ sēoro riasogĭ yiguĭji. ĩre bajiro mani queno yi ĩnatonĭ, ito bajiro yami ĩ. ¹¹ Mani tōbĭjaroca Dios

ĩ yija, queno wanumenaji mani. Manire juniro yiroja iti. Mani tōbujarisena suoriti mani riasotija, queno yirāji mani. Ito yicōri oca mano queno ñarā yirāji mani.

Dios ocare mani tuorūnubeja guijorise ña, yire gaye

¹² Ito bajiri tōbujabojarāti oca sēoma mua. Diore tuorūnū jidicābeja mua. ¹³ Dios ĩ āmoro bajiro yirona queno tuoĩama mua. Mua baba mesare Diore masisuorāre queno ejabuaya. Īnare mua ejabuaja buto busa Diore tuorūnū oca sēorā yirāji ĩna. Ito yicōri Dios ĩ āmoro bajiro yirā yirāji ĩna.

¹⁴ Gājerā rāca queno oca mano corocō ñama mua. Mani Ūju queno ĩ yiado bajiroti queno yi ñama mua cūni. Mani Ūju Dios ĩ queno yi ñado bajiro yirā riti ĩ tū ejarā yirāji mani. ¹⁵ Muare Dios ĩ ĩsiritire boca āmirona sīgū ruyabeto gāmeri mua ejabuaja quena. Sīgū mua rāca gagū ñeñaro ĩ yija, gājerāre ñeñogū yiguĩji ĩocū. Ote quenarise wato widirise iti judija, biaro yiroja iti. Ito yicōri sīaro yiroja. Ito bajiro bajigū ñami ĩocū, gājerāre ñeñogū. ¹⁶ Mua manajo cūtiroto riojua cūni romiare ajebeja. Ito yicōri Dios jeyaro ĩ yire gayere ti tebesa. Esaú ñayorū ñañi itire ti tudirū. Esaú ba āmogū ado bajiro yiyijū ĩ ocabajire: “Yure mu ecaja, mu ñagū yigūja, ‘Yu macu ñasuogu yu maigū’, cūni ĩ yirū”, yiyijū Esaú ĩ ocabajire. ¹⁷ Ito bajiri ĩ jacū ĩ godaroto riojua, “Ado bajiro queno yigu yiguĩji Dios mare”, jacū ĩ yire gaye tuo āmobarocati gotibisijū jacū Esaúre. ĩ ocabajiare ito bajiro queno gotiyijū ĩna jacū. “Queno yibiticū yū”, yī tuoĩa otiyijū Esaú ñayorū. Ito bajibojarocati jacū ĩ gotigoja bero ñajare, no robojua ĩ gotigore wasoa masibisijū Esaú ñayorū.

¹⁸ Diore mua rūcūbuoja, Israel sita gāna ñayoanare bajiro meje ya mua adocāta. Gūtagū Moisésre Dios ĩ rotire ĩ ĩsiragu judojū ejayijarā ĩna, Diore rūcūbuorona. Itoju ejacōri guijorise tiyijarā ĩna. Iti gūtagū buto ūjuyijū. Ide bueri buto iti ñajare, buto rāitīayijū. Ito yicōri mino buto wēayijū. ¹⁹ Ito yicōri trompeta iti ruyuja tuoyijarā ĩna. Ito yicōri Dios ĩnare ĩ busirise ruyuyijū. Guijorise oca iti ruyuja tuocōri, ĩ busi jidicāre āmoyijarā ĩna. ²⁰ Gūirā ñemecūti masibisijarā ĩna. Ado bajiro ĩ rotirise ruyuyijū: “Sīgū masu, waibucū cūni gūtagūre ĩ cūoja, gūtagārīna rea sīacōrūja ĩocūre”, yire oca ruyuyijū. ²¹ Buto guijorise iti ñajare, Moisés cūni ado bajiro yiyijū: “Iti guijojare nūruoa yū”, yiyijū Moisés.

²² Gajero bajirojua bajia adocāta Diore mua rūcūbuoja. Mani ñicusabatia ñayoanare bajiro guijoro tōbujabea mua adi rūmūri gānama. Dios catitīñagū tūju ejacōri busirā bajiro Diore busia mua adi rūmūri. ĩ cūtoju ūmacūju Jerusalén wame cūtiri cūto ña. Itoju Sión wame cūtiricū gūtagū ñaroja. Itoju ejacōri busirā bajiro busia mua, Diore mua busija. Diore rūcūbuorona jājarā ĩ ñarā minijua ñarāji. ²³ Ito yicōri ĩ ñarā ĩre rūcūbuorona minijua ñarāji itojū. Itoju ĩ ñarā wame wōñi Dios. Itoju ĩna rāca minijua ñarāre bajiro Diore busia mua adocāta. Masa jeyarore bese masigūre busirā ña mua adocāta. Itoju ñarāji queno yigoana. Ito bajiri, “Mua ñama seti mana”, yiguĩji Dios ĩnare. ĩna rāca ñacōri Diore busirā bajiro busia mua. ²⁴ Mua ña Jesure masirā. ĩ ñami mame oca quenorū. Mua ña, “Yu ñeñaro yirisere mu ya rīna yure coeya”, yiana. Abel ñayorū ya rīre mani tuoĩaja, “Ī rījorū ĩre sīayijū”, yī tuoĩa mani. Jesús ya rīre mani tuoĩaja, “Ī ya rīna suoriti mani ñeñaro yirisere ācabojoñi Dios”, yī tuoĩa mani.

²⁵ Ito bajiri Dios manire ĩ busija, queno tuorūnūruja manire. Ito yicōri ĩ gotiro bajiro cūdija quena manire. Moisés ñayorū adi sita gagū Dios ĩ rotirise masare ĩ goti āmobaraja, ĩre cūdibisijarā ĩna. Ito bajiri ĩna tōbujaroca yiyijū Dios ĩnare. Jesuama ūmacūju wadicōri manire oca quenarise āmi wadiñi. ĩre mani tuorūnubeja, Moisés ñayorūre tuorūnūbitiana rētoro tōbujarā yirāji mani. ²⁶ Jane mejeju mani ñicusabatiare ĩ busija sita ūeroca yiyijū Dios. Mucana ado bajiro gotiami Dios ĩ oca tutina: “Mucana tūdi iti ūeroca yū yija, sita riti ūeroca yibicūja yū. Ūmacūju cūni ūeroca yigu yigūja yū”, yī gotiami Dios ĩ oca tutina. ²⁷ “Ito bajiro, bajiro yiroja”, Dios ĩ yija, “Ija bajiroti gayere busiami Dios”, yī tuoĩa mani. Adi macārūcūro gaye jeyaro ĩ rujeore ruyuriogu yiguĩji ĩ. Ito bajibojarocati mani ya ūsi, mani tuoĩarise, ito yicōri mani catitīñarotijure ruyuriobicū yiguĩji Dios. ²⁸⁻²⁹ Dios ĩ rotirojū mani catitīñarotijū jediroto meje ñaroja.

Itire masicōri, “Queno ya Dios m̄”, yir̄ja manire. Ito yicōri ĩre tuo güir̄ã ĩre r̄c̄ub̄uor̄ja manire. Yiro bajiro c̄adir̄ja manire ĩ wan̄toni. Jeame iti ãju ruyurioro bajiro guijoro ruyuriogu yiguĩji Dios, ĩre c̄adimenare. Ito bajiri ĩ ãmoro bajiro c̄adicōri ĩre r̄c̄ub̄uor̄ja manire.

13

Gãjerãre mani maija ticōri, manire wan̄gũ yiguĩji Dios, yire gaye

¹ Jesure tuor̄ñnr̄ã ñari, s̄igũ r̄iare bajiro m̄ua gãmeri ti mairisere jidicãbeja m̄ua. ² M̄ua tu gãjerã Jesure masirã ĩna ejaja, wan̄re rãca ĩnare boca ãmiña. “Ángel mesa ñarãji ĩna”, yi tuoĩabitibojarãti ĩnare boca ãmiñi gãjerã. M̄ua masibiti r̄um̄ m̄ua tu c̄uni ángel mesa ejarã yirãji gajea. Ito bajiri m̄ua tu ejarãre wan̄re rãca boca ãmija quena.

³ Gãjerã Jesure masirã tubiara wij̄ ñarãre ãcabojabesa. ĩna rãca tubiara wij̄ ñarã bajiro, ĩnare tuo maiña m̄ua. Gãjerã ñeñaro t̄ob̄jarãre m̄ua tuoĩaja, ĩna rãca ñeñaro t̄ob̄jarã bajiro, ĩnare tuo maiña m̄ua. M̄uare c̄uni ruj̄ ña. Ito bajiri ñeñaro t̄ob̄jarãona ña m̄ua c̄uni.

⁴ Manoj̄o c̄utirã gãmeri r̄c̄ub̄uoya. Manoj̄o c̄utirã gãjerã rãca ajebesa. Manoj̄o mana gãjerãre ĩna ajeja, ito yicōri manoj̄o c̄utirã c̄uni ĩna ajeja, ĩna t̄ob̄jaroca yigu yiguĩji Dios ĩnare.

⁵ Niyerure buto tuo maibesa m̄ua. M̄ua r̄coroc̄oc̄ãti wan̄ña m̄ua. Dios ĩ gotigore tuoĩaña m̄ua. Ado bajiro gotiñi ĩ: “M̄uare jidicãbic̄uja ȳ. Ito yicōri m̄uare wagobic̄uja ȳ”, yi gotiñi Dios ĩ oca tutina. ⁶ Itire tuocōri, wan̄re rãca ado bajiro ya mani:

Dios ȳ Ûju, ĩti ñami ȳre ejabuagu. Ito bajiri gãjerã ñeñaro ȳre ĩna yi ãmobjaja c̄uni, ñe guijobea ȳre, ya mani, Diore tuor̄ñnc̄ori.

⁷ Cajero Dios oca m̄uare riasoanare ãcabojabesa. Diore tuor̄ñnr̄ã ñari, ĩna queno yigore gaye tuoĩaña m̄ua. Diore queno ĩna tuor̄ñnro bajiroti m̄ua c̄uni queno Diore tuor̄ñnña.

⁸ Jesucristo ñami tuoĩa wasoabic̄u. Cojire bajiro queno yit̄ñagũ ñami ĩ. Iti r̄um̄ ĩ ñado bajiroti adi r̄um̄ c̄uni, ija c̄uni ito bajiro riti ñat̄ñagũ yiguĩji ĩ. ⁹ Gãjerã m̄uare ricati ĩna riasoja, ito yicōri r̄uore oca ĩna riasoja, queno ĩnare tuor̄ñnubeja m̄ua. ĩnare m̄ua tuor̄ñn̄ja, Jesús ocare jidicãrã yirãji m̄ua. Ado bajiro gotibojama coriarã: “R̄eore gayere m̄ua babeja, m̄ua ya usina queno tuoĩarã yirãji m̄ua”, yibojama coriarã. Iti ocare tuor̄ñn̄bojarãre queno ejabisija ĩna tuoĩabojarise. Ito bajiri iti gaye ĩna riasobojaja, tuor̄ñn̄ubeja m̄ua. Dios ĩ queno yire gaye mani tuoĩaja, mani ya usina queno usi c̄utirã yirãji mani. Manire ti maicōri mani ya usij̄ mani oca s̄oroca yami Dios.

¹⁰ Manire masoroc̄u manire yiari goda ĩsiñi Cristo. No buc̄u oca c̄udi ãmogũ, “Waib̄uc̄u ri Diore ȳ soe ĩsija, ȳre masogũ yiguĩji Dios”, yi tuoĩabojagure masobiquĩji Dios. Ito bajiro tuoĩañi paia buc̄nr̄ã iti r̄um̄ gãna. ¹¹ Buc̄u oca c̄udiroc̄u, ado bajiro yiyij̄ paia ñju. Masa ĩna ñeñaro yirise waja yigu Dios ĩ ñasari s̄oj̄u s̄ajacōri waib̄uc̄u rí w̄ejabateyij̄ ĩ. Waib̄uc̄u ruj̄reama c̄uto s̄oj̄ua soeyjarã ĩna. ¹² Ito bajiroti Jerusalén wame c̄utiri c̄uto s̄oj̄ua Cristore s̄ayijarã ĩna. Mani ñeñaro yirisere waja yigu, ĩ ya r̄ina waja yi ĩsiyij̄ ĩ. ¹³ Adi mac̄r̄c̄uro gãna ĩna tuoĩarise bajiro tuoĩamenati mani Jesure s̄yarãma ricati bajiro tuoĩarã yirãji mani. Jesucristore ĩna aja tudiado bajiroti manire ĩna aja tudibojarocati Jesucristore r̄c̄ub̄uoaana mani. ¹⁴ Adí sita mani ñaja queno c̄uto mana bajiro bajirã ña mani. C̄uto manare bajiro ña ucurã ya mani. Adi tuti gaye c̄utori ñabojarise jediro yiroja. Ija Jesús ĩ ñaroju catit̄ñarã yirãji mani. ¹⁵ Mani ñeñaro yirise waja Jesucristo ĩ waja yire ñajare, wan̄re rãca Diore r̄c̄ub̄uot̄ñar̄ja manire. Dios ĩ wan̄toni waib̄uc̄nr̄ã soe ĩsimena yirãji mani. Manire wan̄jaro yirona, mani ya risena ĩre r̄c̄ub̄uorã yirãji mani. “M̄u s̄igũti ña r̄etro quenagũ. M̄u s̄igũti ña ḡua Ûju”, Diore yi r̄c̄ub̄uorã yirãji mani. ¹⁶ Gãjerãre queno yire gayere jidicãbeja m̄ua. Ito yicōri m̄ua r̄corise gãjerãre batoba. Ito bajiro mani yija ticōri, itire wan̄gũ yiguĩji Dios.

¹⁷ M̄uare Jesucristo oca riasoanare r̄c̄ub̄uoba. Ito yicōri ĩna rotiro bajiroti c̄udiba m̄ua. Cristore m̄ua tuor̄ñn̄ut̄ñatoni m̄uare tir̄ñn̄uronare ĩnare c̄uñi Dios. “¿No bajiro tir̄ñn̄uri m̄ua, ȳ ñarãre?” yi sen̄ñagũ yiguĩji Dios ĩnare. ĩna yiro bajiroti c̄udiba m̄ua. Ito bajiro

mua yija ti wanucōri, bojori bujamenati muare tirūnūrā yirāji ĩna. ĩnare mua cudibeja, Dios tiro riojo bojori bujarā yirāji mua.

¹⁸ Ñeñaro yu yibejare, yu tuořarise quena ña yure. Ito bajiri ñeñaro yi āmobeja yu. Quenarise yu yitoni, yure yiari Diore seni ĩsiña mua. ¹⁹ Yure yiari bato Diore mua busire āmoa yu. Yoari mejeti mucana mua tu yu tudi ejaroca Dios ĩ yitoni, ĩre busiya mua.

Muare queno yijaro Dios, yisusare gaye

²⁰ Sīgū ovejare tirūnugūre bajiro, manire queno tirūnuami mani Uju Jesucristo. Manire yiari oca quenocāñi Jesucristo, Dios rāca. ĩ ya rīna mani ñeñaro yirise waja, waja yi ĩsiñi Jesús. ĩ godabojarocati mucana tudi ĩ catiroca yiñi Dios ĩre. ²¹ Dios mani oca mano queno ñaroca yigūre, muare yiari ĩre busia yu. Quenarise riti mua yitoni, ĩre senia yu. Ito yicōri ĩ āmoro bajiro mua yitoni, ĩre senia yu. “Jesucristona suoriti mua jeyaro queno ya yure”, Dios ĩ yi wanutoni, ĩre senia yu. “Īti ñami rētoro ñasagu”, yi wanucōri, Jesucristore rucubotīñaraja manire.

²² Jabetoti muare papera uca yu. Ito bajiri yu muare goti quenorise usiriomenati tiba yu ñarā mua. ²³ “Mani yagu Timoteo tubiara wi meje ñami ĩja”, yire oca tuocōri gotia yu. Yoari mejeti ĩ ejaja, ĩre āmi wacu yigūja yu, mua tu wacu.

²⁴ Muare riasori masa, “Quenajaro”, ito yicōri Jesucristore tuorūnūrā cūni. Ado Italia gāna, “Quenajaro”, yama muare.

²⁵ Mua jeyarore queno yijaro Dios. Itocō ña.

La carta de Santiago

Wa bateanare Santiago papera i cõare gaye

¹ Ñati yu ñarã mua. Yu ña Santiago adi papera mua are cõagũ. Diore moa ñsiri masu ña yu. Ito bajiroti mani Uju Jesucristore cuni moa ñsia yu. Adi macãrucũroju ña bate jedicoaju mani. Co masa ñabojanati, jãjarã masa bujucõri juã gubojeno masa buturi ña mani ñja.

Diore mani senija i masirise manire jidicãgũ yiguñji, yire gaye

² Tõoya yu ñarã mua. Buto quenabeto mani tõbujaja cuni wanu quenaruja manire. ³ Quenabiti manire ejabojarocati Diore mani tuorũnũjama queno ña masicõri usirio yimenaji mani. ⁴ Quenabeto mua tõbujaja cuni buto usiriobeja. Mani usiriobeja buto busa Diore masi warã yirãji mani. Ito bajiro ñre masicõri, “Dise ruyabea manire”, yi tuoĩacõri queno wanu quenarã yirãji mani ñja.

⁵ Mua masibiti iti ruyaja Diore seniña. Ito mua yija tuocõri, ñsigũ yiguñji i. Rẽobicuti masa jeyare ñsigũ yiguñji Dios. ⁶ Ito bajibojarocati Diore mua senija, “Guareama ñsibiquñji”, yi tuoĩabesa mua. “Ñsibiquñji”, mua yi tuoĩa wũoja jeyaro tuoĩarise wisaroja mua. Ide jacũrisere bajiro bajiroja mua tuoĩarise. ⁷⁻⁸ Sĩgũ ito bajiro tuoĩa wũogu, coji gaye riojo tuoĩagũ meje ñami ñocũ. Jeyaro i tuoĩarise rocati wisaroja ñocũre. Ito bajiri, “Dios yure ñsigũ yiguñji”, i yibojaja, ñe boca ñmibiquñji ñocũ.

⁹ Gajeoni mana ñabojarãti Jesure mani tuorũnũja queno usi wanu quena ñaruja manire. Dios i tija ñasarã bajiro ñarãji mani. ¹⁰ Gajeoni jaigu cuni Jesure i tuorũnũja i ya usi wanu quenaroja ñre cuni. Diore masicõri, “Ñasarise meje ña gajeoni”, yi tuoĩaguñji ñja. Gajeoni jairã go siniari go bajiro bajirã yirãji. Gajeoni jairã ñatĩñamenaji ñna. ¹¹ Umacañi joejea wadiroca i buto asiroca ta cuni siniacoacu. Go cuni sinia quedicoacu. Ito bajicõri quenarise iti ruyuja bero ruyubiticu ñja. Ito bajiroti bajiguñji gajeoni jaigu ñabojaru cuni. Iti gajeoni niyeru wasoa ñmibojagu riti godacoagu yiguñji ñocũ.

Ñeñarise riti mani yi uyaja jeame ujuoroju warã yirãji mani, yire gaye

¹² Quenabeto tõbujabojarãti, Diore mani tuorũnũtĩñaja queno wanu quenarã yirãji mani. Quenabeto tõbujagoana ñabojarãti catitĩñare gaye boca ñmirã yirãji mani. “Yure mairãre catitĩñare gaye ñsigũ yiguñja yu”, yicãñi Dios. ¹³ Ñeñaro yu yi ñmoroca, “Usirioro yami Dios yure”, yi tuoĩabesa mua. Ñeñarisere tuorũnũbiquñji Dios. Ito yicõri mani ñeñaro yirisere tuoĩa usirio yibiquñji Dios manire. ¹⁴ Ado bajirojuã baja. Mani ñeñaro yirise mani ñeñaro tuoĩarise iti tuoĩa rãtocũ warã, ñeñaro ya mani. ¹⁵ Iti ñeñarisejuare mani tuo suyaja, ñeñarise yirãji mani. Ñeñarise riti mani yi uyaja, jeame ujuoroju warã yirãji mani.

¹⁶ Queno tuoia yu ñarã mua. “Ñeñaro yu tuoĩatoni usirioro yami Dios yure”, yi tuoĩa wũobesa mua. ¹⁷ Riojo tuoĩare gaye quenarise ñarocõti Dios manire i cũre ña. Iti ñami umacũju gaye busurise rujeoru. Busuriseama umua ña, ñami ña, gaje rũmũama ide rãitĩari rũmũ ña, bajicu. Itire bajiro wasobiquñji Dios. I tuoĩarise gaje tuoĩa wũo yibiquñji Dios. Quenarise riti tuoĩaguñji. ¹⁸ I oca quenarise mani tuorũnũsuocati rũmũ catitĩñare gaye ñsiñi Dios manire. Ito bajiri Dios rã ñasũorãre bajiro bajirã ña mani ñja. Ito bajiroti manire ñmoñi Dios.

Dios ocare tuocõri ñaro bajiroti cudiruja manire, yire gaye

¹⁹ Adi Dios ocare ñcabojabesa yu ñarã mua. Jesure masicõri queno Dios ocare tuo suyarã ñaña mua. Queno tuoĩamenati rocati busire ma. Ito yicõri yoari mejeti junisinire ma. ²⁰ Mani junisinija, Dios i tuo wanũro bajiro yirã meje ya mani. ²¹ Ito bajiri ñeñaro mua yi uyarisere jidicãña mua. Ito yicõri ñeñaro mua tuoĩarise cuni jidicãja quena. Itire

jidicãcõri Dios oca mani ya usijũ ã cûcãrere tuorũnurũja manire. Ì ocare mani tuorũnurũja, mani ya usire masogũ yiguĩji Dios.

²² Dios ocare tuocõri ñaro bajiroti cãdirũja manire. Dios oca tuobojarãti mani cãdibejama manimasiti ruoa mani. ²³⁻²⁴ Dios oca riojo tuobojarãti mani ãcabojaja, sãgũ ãorojũ ã rũmũ ticõri ã jidi jeoja bero ãcabojaguĩji. Ìre bajiroti bajirãji mani cãni Dios oca tuobojarãti mani ãcabojaja. ²⁵ Mani ya usire masorocũ, quenarise mani tuoĩatoni ã rotirise cũni Dios manire. Dios ã rotirisere mani ãcabojabeja, ito yicõri mani cãdija, queno mani wanũ quenaroca yigũ yiguĩji Dios manire.

²⁶ “Diore queno rũcũbuoa yũ”, yibojarãti mani rocati busi bateja, manimasiti ruoa mani. Ito bajiro mani yibojaja, ñe waja manoja manire. Ito bajiro mani yija, “Diore rũcũbuogũ ña yũ”, yi masimenaji mani. ²⁷ Jacũ godagoana, manũjũ godagoanare cãni mani ejabũja, ito yicõri adi macãrucũro gaye ñeñarise mani yibeja, Dios ã tija queno ãre rũcũbuorã ña mani.

2

Corocõti ti maija quena, yire gaye

¹ Tuoya yũ ñarã mua. Jesucristo buto masigũre tuorũnurã ña mani ãja. Ito bajiri gajeoni cutirã, gajeoni manare cãni corocõti ti mairũja manire. ² Mua minijua ñaroca sãgũ niyeru jaigũ quenarise yutabuju sãñacõri, ito yicõri ãmo sãñara bedo sãñacõri ã ejaja ticõri, ¿no bajiro ãre tirãjida mua? Gãji bojoro bũjagũ yutabuju bũcũro sãñacõri ã ejaja, ¿no bajiro ãre tirã yirãjida mua? ³ Gajeoni jaigũre ti rũcũbuorã, “Ado ña cumuro quenaro”, ¿yirãjida mua ãre? Bojoro bũjagũ ã sãja ejaja, “Itoti rũgõcõña, jacati rujiya mũ”, ¿yirãjida mua ãre? ⁴ Ito bajiro mua yija queno corocõ masare ti maimenaji mua. Ito bajiro mua yija, “Ì ñami quenagũ. Ì ñami quenabicũ”, yi beseado bajiro yirãji mua. Ñeñaro tuoĩacõri corocõ masare rũcũbuomenaji mua.

⁵ Queno tuoya yũ mairã mua. Gajeoni mana Diore queno tuorũnurã jãjarã ñarãji. Ito bajiri ãnare beseñi Dios ã rotirojũ, quenarise bũjajaro ãna yirocũ. Dios ã goticãdo bajiroti ãre mairã catitĩnare rucorã yirãji. ⁶ Bojoro bũjarãre queno maiguĩji Dios. Muama ãnare queno ti rũcũbuobea. “Gajeoni jairãti quenabeto mani tõbũjaroca yama ãna”, ¿yi masibeati mua? Ìna ñarãji ãjarã tũ manire ãmi wacõri seti yirona. ⁷ Jesure tuo sũyarã ñacõri, “Ì ñarã ña mani”, yi tuoĩa mani ãja. Ito bajiri ã wame tuocõri queno wanũ quenarãji mani. Niyeru jairãma Jesús wamere tuo terãji.

⁸ Dios mani Ëjũ ado bajiro rotiñi: “Mũ ya rujũre mũ mairo bajiroti gãjerãre cãni maiña”, yi gotiñi Dios ã oca tutina. Dios rotirise mani cãdija, queno yirã ñarãji mani. ⁹ Ito bajibojarocati ñasari masare riti mani ti rũcũbuoja ñeñaro yirã ya mani. Ito bajiri, “Yũ rotirise riojo cãdirã meje ña mua. Ñeñaro ya mua”, yigũ yiguĩji Dios manire. ¹⁰ Dios rotirise cãdi jeobojarãti, coji gaye mani cãdibeja, Dios ã rotiro bajiro cãdirã meje ñarãji mani. ¹¹ Jane mejejũ ado bajiro gotiñi Dios: “Manojo cutigũ ito yicõri manojo macũ cãni gãjerãre ã ajaja quenabetoja. Ito yicõri gãjerãre sãja quenarise meje ña”, yĩni Dios manire. Manojo cutibojaguti mani gãjerãre ajebitibojaja cãni, gãjire mani sãja, Dios ã rotirise ñarocõti cãdi jeorã meje ña mani. ¹² Manire maso ãmogũ ã rotirise cũni Dios manire. Dios rotirise yiro robo mani cãdibeja, mani ñeñaro yirise waja, waja senigũ yiguĩji ã. Iti masicõri mani busirotire queno tuoĩaja quena, ito yicõri mani ñaroti gaye cãni queno tuoĩa masija quena. ¹³ Gãjerãre mani ti maija ticõri, ñeñaro masa ãna yirise waja Dios ã waja seniri rũmũ manire ti maigũ yiguĩji ã. Gãjerãre mani ti maibeja, Dios cãni manire ti maibicũ yiguĩji. Ito yicõri ñeñaro yire wajare buto senigũ yiguĩji ã manire.

Mani queno yirise ticõri, “Riti yũre tuorũnurã ñama”, yiguĩji Dios, yire gaye

¹⁴ Tuoya yũ ñarã mua. “Diore rũcũbuogũ ña yũ”, yibojarãti, gãjerãre mani ejabũabeja, Diore rũcũbuorã meje ña mani. Ito bajiro mani yija mani ya usi masobiquĩji Dios. ¹⁵ Tuoĩate mua. Ado bajiro bajiroja. Sãgũ mani yagũ ã ñiocõja, ito yicõri yutabujuri bojoro ã bũjaja ticõri, ãre mani ejabũaja quena. ¹⁶ “Queno waja, bare queno bũjaba, ito

yicōri yutabujuri bujaba”, yibojarāti bojoro bujagure mani ejabuabeja, ñe waja manoja mani busirise. ¹⁷ “Diore rūcubuoḡu ña yu”, yibojarāti gājerāre mani ejabuabeja, Diore rūcubuoḡā meje ña mani. Ito bajiri ñe rūcubuoḡiticōri godacāna robo bajirā ñarāji mani ñja.

¹⁸ Yu busirisere mua aja tudija, ado bajiro muare cudicuja yu: “Jeyaro queno mua yirise yure mua ñobeja, ‘Queno Diore rūcubuoḡā ñama’”, yi masibicuja yu. Yuama, jeyaro queno yu yirise muare ñocuja. Iti ticōri, “Diore rūcubuoḡu ñami”, yi masirā yirāji mua. ¹⁹ “Dios sīgūti ñami. Nijua gāji mami”, yi tuoīarā ña mua. Ito mua yija quena ña itiama. “Dios sīgūti ñami. Nijua gāji mami”, yirāji rūmūa cuni. Ito yicōri Diore güirā ruje nuruoarāji ña. Ito bajibojarocati ñe cudirā meje ñama rūmūa. ²⁰ Queno tuoīabea mua. Rocati tuoīa mua. Ado bajirojua baja. “Diore queno tuorūnua yu”, yibojarāti gājerāre mani ejabuabeja, Diore tuorūnurā meje ña mani. Ito bajiri Diore tuorūnubiticōri godacāna robo bajirā ñarāji mani. ²¹ Mani ñicu ñayoru, Abraham gayere muare gotigu ya yu. Diore queno tuorūnūñi Abraham. Diore yiri ñ macure sīaboyiju Abraham. Dios ñ rotirise cudicōri Diore yiri ñ macure soe ñsiboyiju Abraham. Ito ñ yija ticōri, “Queno yigu ñami Abraham”, yiyiju Dios. ²² Queno tuo masiña mua. Dios ñ rotirise queno tuorūnucōri quenarise yiyiju Abraham. Quenarise jeyaro ñ yigore Diore queno ñ cūdire ito yicōri ñ yire tuocōri, “Diore queno tuorūnugū ñañi”, yi tuoīa mani. “Diore queno tuorūnure gaye, ito yicōri jeyaro quenarise yire gaye, juaji ñasarise ña iti”, yi tuoīa mani iti tuocōri. ²³ Jane mejeju Dios oca tuti ucagu ado bajiro ucañi Diore goti ñsiri masu: “Diore queno tuorūnuyiju Abraham. Ito bajiri, ‘Queno yigu ñami’, yi tiyiju Dios ñe. ‘Dios baba ñami Abraham’, yiyijarā gājerā”, yi ucare ña. Ito bajiri iti tuocōri, “Diore goti ñsiri masu ñ gotire rētaoaju”, yi tuoīa mani.

²⁴ Ito bajiri adi gayere masirāji mua: “Diore mani tuorūnūja, ito yicōri quenarise mani yija, manire boca ñmigū yiguñi Dios. ñe tuorūnubojarāti quenarise mani yibeja, manire boca ñmibicu yiguñi Dios”, yi tuoīa masirāji mua. ²⁵ Rahab ñayoro gayere muare gotigu ya yu. Rahab ñayoro wedi maso ñayijo iso. Judio masa uju ñ cōana, ña ejaja ticōri, ñnare queno ejabuayijo iso. ñnare boca ñmiyijo iso. “Mua wajana muare sīame, yu ya wiju sāja rudiya mua. Ito yicōri rudi wara ma muare goticoja yu”, yiyijo iso. Ito iso yija ticōri, “Queno yigo ñamo”, yiyiju Dios. ²⁶ Rujū usi manija cōrā rujū ñaroja. Waja manoja. Ito yicōri, “Diore tuorūnugū ña yu”, yibojarāti quenarise mani yibeja, Diore tuorūnurā meje ña mani. Ito bajiro mani yija, godacāna bajiro bajirāji mani.

3

Mani ya ñemerona jaje ñeñarise ya mani, yire gaye

¹ Yu ñarā mua, sīgū ruyabeto Dios oca riasori masa ña ñmbojarāji mua. Ito bajibojarocati coriarāti ñ ocare riaso ñaja quenaroja. “Mani ñarocōreti waja senigū yiguñi Dios”, yire gaye ¿masibeati mua? Dios oca riasori masa gua ñajare ñ yiro robo gua cudibeja, buto busa waja senigū yiguñi guareama. ² Mani sīgū ruyabeto ñeñarise yirā riti ña mani. No queno tuoīacōri busiguti, queno yigu ñami ñocū. ñ ya rujū jeyaro ñ yi ñmorise cuni ñemecuti masiguñi ñocū. ³ Cabarure tuoīate mua. Jaigu ñ ñabojarocati ñ ya riseju come ma mani sāja, weatu masirāji mani. Ito bajiroti mani ya ñemero jaibiti ñemeroacā ñabojarocati jaje ñeñarise ya mani, mani ya ñemerona. ⁴ Cuma jajocare cuni tuoīate mua. Mino iti buto wēaja, cuma jajoca ñabojarocati weara jāi jaibiti jāiacāna weatu masirāji mani. Ito yicōri no mani wa ñmoroti iti cumare weatu wa masirāji mani. ⁵ Weara jāi jaibiti jāire bajiro bajiri jāi ña mani ya ñemero. Jaibiti jāire bajiro bajiri jāi ñabojarocati mani ya ñemerona jaje ñeñarise ya mani. Jeare tuoīate mua. Jea sīara waca co wacanati, jajo wesere soecōroja. ⁶ Mani ya ñemero jea robo bajiro bajirise ña. Jaje ñeñarise ya mani, mani ya ñemerona. Mani ya rujū gaye, mani ñeñaro yirise rēto busaro ya ñemero. Mani ya ñemerona suoriti jeyaro ñeñaro yirise mani ya rujūre quedu sājaraja. Mani ya ñemerona ñeñaro busicōri jeame ujure cudi sūyarā yirāji mani. ⁷ Gājeronu jeyaro, ñña, wutirā, riaca gāna, waibucurā jeyaro tirūnū masia mani. ⁸ Ito bajibojarocati mani ya

ñemeroreama tirũnu masibea mani. Mani ya ñemero ñeñaro iti yija ñemecuti masibea mani. Mani ya ñemerona ãña rima iti juniro bajiro gãjerãre bũto ñeñaro ya mani. ⁹ Jane mejeju masare rujeoyiju Dios. Ñre bajiro bajirã ña mani. Mani Jacu Diore oca quenarise busia mani, mani ya ñemerona. Ito bajibojarocati Dios i rujeoanareti busitua mani, mani ya ñemerona. ¹⁰ Mucana iti ñemeronati Diore rucubuo mani. Ito yicõri iti risenati gãjerãre ñeñarise busitua mani. Yu ñarã ito bajiro mani yija, quenasabetoja manire. ¹¹ Ide umaburi goje ide sũerise, ide quenarise rãca budi wuobetoja. ¹² Queno tuoya yu ñarã mua. Higuera wame cutiricu iti rica cutija, irimarã rãca rica cuti wuobetoja. Ito yicõri uyegu iti rica cutija, higuera rica rãca rica cuti wuobetoja. Ito yicõri ide umaburi goje ide ocarise iti budija, ocabiti rãca budi wuobetoja. Mani oca quenarise busija bero ñeñarise rãca busi wuobitiruja manire.

Mani queno ñaroti riti mani tuoïaja, masirã meje ña mani, yire gaye

¹³ Riti queno tuo masirã mua ñaja, ado bajiro queno yirãji mua. Quenarise riti mua yija quenaroja. Ito yicõri gãjerãre mua ejabuaja quenaroja. “Gãjerã rëtoro queno seyogu ña yu”, yibitiruja muare. Ito bajiro mua yibeja ticõri, “Masirã ñama ña”, yirã yirãji gãjerã muare. ¹⁴ Mua ya usiju, gãjerãre mua tuo tudija, ito yicõri mua queno ñaroti riti mua tuoïaja, masirã meje ña mua. Ito bajiri, “Queno yirã ña gua”, mua yibojaja, riojo gotibiticõri ruore ocajuare gotirã yirãji mua. ¹⁵ Ito bajiro mani tuoïabojaja, Dios gaye wadire meje ñaroja iti. Ado robojua bajia, adi macãrucũro gaye ñaroja. Ñeñaro mani tuoïarise gaye cuni ñaroja iti. Ito yicõri rũmũ gaye wadire ñaroja ñeñaro mani tuoïarise. ¹⁶ Gãjerãre mani ti tudija, ito yicõri, “Ña rëto busaro masirã ña gua”, mani yi tuoïaja, gãmeri tuo wisarã yirãji mani. Ito yicõri jeyaro ñeñarisere yirã yirãji mani. ¹⁷ Mani tuoïarise Dios gaye wadire iti ñaja, quenarise riti tuoïarã yirãji mani. Gãmeri ja amomena, oca quenori masa ñarã yirãji mani. Gãjerãre ejabuarã yirãji mani. Sīgũ ruyabeto corocõ riti ti mairã yirãji mani. Ito yicõri rocati ruomenaji mani. ¹⁸ Manire ña ti tudibojarocati ñare mani oca quenoja bero queno usi cuti ñarã yirãji mani ñja. Ito bajiro mani yija “Queno yijaro ña cuni”, yirã bajiro yirãji mani.

4

Adi sita gaye tuoïa wanubitiruja manire, yire gaye

¹ ¿No gaye wadiati mani ti terise, ito yicõri mani gãmeri tãrise? Mani ñeñaro tuoïarise gaye wadia iti. Quenarise yi amobojarãti ñeñarise ya mani. ² Gajeoni amobojarãti mua buja masibiti waja riojoti sãa mua. Gãji i rucorise ticõri ñre uoa mua. Itire buja masibiticõri, gãmeri ja mua. Diore senibiticõri mua amorise bujabea mua. ³ Ñeñaro mua tuoïaja ticõri, mua senibojarocati isibeami Dios muare. Dios i amoro bajiro meje senia mua. Diore mua senija, muamasi ye riti seniboja mua. ⁴ Sīgõ romio manuju rãca queno ñabecore bajiro bajirã ña mua. Dios rãa ñabojarãti, adi macãrucũro gaye riti tuoïa mua. Diore bajiro tuoïamena, ito yicõri Diore tuo maimena robo bajiro bajia mua. No adi macãrucũro gaye bũto tuoïagũ Diore tuoïabeami. ⁵ Rocati meje ña Dios oca. Ado bajiro gotia: “Manire Espiritu Santo queo sãni Dios. Bũto manire tuo maiguïji Dios. Ito bajiri ñre riti mani tuoïare amoguïji. Mani ñeñaro yirisere bũto ti teguïji Dios”, yi gotia i oca tuti. ⁶ Mani ñeñaro yirisere jidicãtoni manire ejabuagu yiguïji Dios. Mani ñeñaro yi amorise itire mani yi uyabititoni, manire ejabuagu yiguïji Dios. Ado bajiro gotia Dios oca: “Gãjerã rëtoro masirã ña gua”, yimenare queno ejabuami Dios. “Gãjerã rëtoro masirã ña guama”, yirãre queno ejabua amobiquïji Dios. ⁷ Ito bajiri Dios i yiro bajiro cudiruja manire. Rũmũre cudibitiruja manire. Ñre mani cudibeja ticõri, rudicoagu yiguïji rũmũ ñja. ⁸ Diore mani tuoïaja i cuni manire tuoïagũ yiguïji. Mua ñeñaro yirisere jidicãña mua. Diore tuo maibojarãti adi macãrucũro gaye bũto mua tuoïaja quenabetoja. Ito bajiri Diore riti tuoïaña mua. ⁹ Mua ñeñaro yirise tuoïa bojori bujacõri otiya mua. Ñeñaro mua yirisere tuo wanurã ña mua. Ito bajibojarocati masa godagoana bajiro tuoïa bojori bujaya mua. ¹⁰ Mucana mani Ujare tãdi mua tuoïaja quenaroja. “Dios i tiro riojo

ñe waja managuti ña gua”, mua yija quena. Ito bajiro mua yija ticōri, buto muare tuoīagũ yiguīji Dios. Ito bajiri muare ĩ tija buto wanu quenagũ yiguīji ĩja.

“Ī ñami ñeñaro yigu”, yibitiruja manire, yire gaye

¹¹ Tuoya yu ñarã mua. Gãjerãre busitubesa. Gãjerã Jesure masirãre mua busituja, ito yicōri mua rucububeja, “Dios ĩ rotirisere queno cudibea yu, ito yicōri queno rucububea yu”, yi tuoīarãji mua. “Dios rotirise quenabea”, mua yija, ĩ rotirise cudirãona meje ña mua. Ito bajiro mua yija, “Dios ĩ rotirise quenabea, cudibea yu”, yirãre bajiro ya mua.

¹² Dios ñami ĩ rotirise manire cūru. Ito bajiri ĩ sīgūti ñaguīji mani ñeñaro yirise waja, waja senigũ. Ī sīgūti mani ya ũsi godabore maso masiguīji. Ī sīgūti mani ya ũsire ruyurio masiguīji. Gãjire, “Ī ñami ñeñaro yiri masu”, yi masirã meje ña mani. Dios sīgūti ñami, itionire masigũ.

Ija manire rētaroti gayere masibea mani, yire gaye

¹³ Noa, “Jane busuri, gaje rumu gaje cutoju wacōri, co rodo moa ñacōri niyeru bujacuja yu”, yi tuoīarã, yure tuoya mua. ¹⁴ Ito bajiro tuoīa busibitiruja manire. Jane, jane busuri, gaje rumu manire rētaroti masibea mani. Waju bueri robo bajiro bajirã ña mani. Yoari mejeti goaboya, godacoacu iti cuni. ¹⁵ Ado bajiro mani tuoīa ñaja quenaroja manire. “Dios ĩ amoja catirãji mani, ito yicōri ĩ amorisere yirãji mani”, mani yi tuoīaja quena. Ito bajiro mani tuoīa ñaja quenaroja manire. ¹⁶ Ito bajibojarocati mua rioti tuoīa busia mua. Ito bajiro tuoīaja quenabea. ¹⁷ Quenarise yi masibojarãti ñeñarise mani yija, quenabetoja manire.

5

Gajeoni jairãre Santiago ĩ goti quenore gaye

¹ Tuoya gajeoni jairã mua. Ija ñeñaro mua tōbujaroti gayere tuoīa oti yuya mua. ² Gajeoni mua rucobojarise joga jedicoaro yiroja muare. Mua ya yutabujuri quenarise ñabojare cuni butua ba ecocoaro yiroja. ³ Mua ya oro, mua ya niyeru ñabojare cuni guda wiacoaro yiroja. Mua ya niyeru ito bajiro iti guda waja ticōri, “Bojoro bujarãre ejabubisĩ ña”, yi tirã yirãji gãjerã. Mua ya gajeonire ito yicōri muare cuni jea soero yiroja. Jairo niyeru catirã ñaboya mua. Ito bajibojarocati jabetacã ruya Dios masare ñeñaro yirise waja ĩ seniroti rumu ejaroto. ⁴ Mua ya ote weseri moa ĩsibojanare cuni queno waja yibisija mua. Mua ya moari masare queno mua waja yibitire masiguīji Dios. Mua ya moari masa ña otija ito yicōri ña awasãja cuni tuoñi Dios ũmacũju rotigu. ⁵ Adĩ macãrucũro ñarã dise ruyabeto rucoyija mua. No mua amoriseti yi ñayija mua. Wecure ña sãaroto riojua jairo ĩre ecarãji ĩ ucũtoni. ĩre bajiroti ucuyija mua cuni. Ito bajiri sãaraju ejacoaju ĩja. Ñeñaro yirise waja seniroti rumu eja waju ĩja, ya yu muare. ⁶ Masa quenarãreti tubiara wiju cõayija mua. Ito yicōri quenarãreti sãa rotiyija mua. No yi masibisijarã ña muare.

Diore mani senija bero ũsiribitiruja manire, yire gaye

⁷ Jesús ĩ wadiroto riojua queno tuoīa yuya yu ñarã mua. Ado bajiro tuoīa adire: No otegutĩ ũsirio mejeti ricare yuguīji. Iti ĩ oteja bero cuma ide quediyo yiroja. Ito yicōri juebucu ide cuni quediyo yiroja. Iti bero rica quenarise bujagu yiguīji ĩocũ. ⁸ ĩre bajiroti tuoīa ũsiribesa mua cuni. Diore mua tuorũnurise jidicãbesa. Tuoīa oca quedi yibesa. Mani ũju ĩ ejaroto jabeto ruya.

⁹ Gãjerã rãca gãmeri junisinibesa Dios mua ya ũsire ĩ ruyuriobe yirona. Dios manire waja senirocu nocõ mejeti eagu yiguīji. ¹⁰ Dios oca gotiri masare tuoīate mua. Ado bajiro bajiyija ñare: Diore busi ĩsiyijarã ña. Ito yicōri quenabeto tōbujabojarãti tuoīa ũsirio yibisijarã ña. ñare bajiroti mani tuoīa ũsirio beja quena. ¹¹ “Ñeñaro tōbujabojarãti Diore jidicãmena queno wanu quenarã ñama”, yi tuoīa mani. Job ñayoru, ĩ tuoīa oca jaibitirere masia mani. Quenabeto tōbujabojaguti Diore jidicãbisĩ Job ñayoru. Quenabeto ĩ tōbujaja bero Dios queno ejabuayiju ĩre mucana. Quenabeto mani tōbujaja manire tuo maiguīji Dios. Ito yicōri manire ti maiguīji ĩ.

¹² Oca ñasarise mũare gotigu ya, yũ ñarã yũ. “Ado bajiro yicũja yũ”, mani yija bero ito bajiroti yija quena. “Yũ goticato bajiroti yicũja yũ”, mani yija bero, “Riti gotia yũ Dios ã tuoro riojo”, yibitirũja manire. Riojo mani gotija quena. Mani cũdibeja cũni riojo gotija quena, manire Dios ã waja senime yirona.

¹³ Mani ñeñaro tũbũjaja, Diore bũsirũja manire. Mani wanũ quenaja Diore rũcũbuorã basaja quena manire. ¹⁴ Sũgũ ã cõja Jesure tuorũnũrãre ũmatã ñarãre jirũja manire. Cõgũ tũ ejacõri Diore bũsirãji ãna. Ito yicõri cõgũre ũye tucõri Diore senirãji ãna ã tujatoni.

¹⁵ “Ïre yisioguũji”, yi tuoĩacõri Diore ãna senija, cõgũ tujacoagu yiguũji. Ito yicõri ñeñaro yire waja ã cõja ñeñaro ã yirisere ãcabojogu yiguũji Dios. ¹⁶ Ito bajiri ñeñaro yicõri mũa cõja, gãjire mũa gotija quena. Ito bajiro mũa yija tuocõri, mũare yiari Diore seni ãsigũ yiguũji ã, mũa tujatoni. Queno yigu bũto Diore ã senija jaje quenarise rẽtarõja. ¹⁷ Diore goti ãsiri masũ Elías wame cutigu, manire bajiguti ñayoñi ã cũni. Diore tuorũnũcõri ãre seniyijũ ide quedibe yirocũ. ã senija bero ũdia rodo gũdarecõcõ ide quedibisijũ. ¹⁸ Mũcana tũdi Diore ã senirocaju ide quedisũoyijũ mũcana. Ito bajija bero queno bare rica cutiyijũ.

¹⁹⁻²⁰ Tuoya yũ ñarã mũa. Sũgũ Jesure ã jidicãja ticõri, mũcana tũdi Jesure ã tuoĩatoni ãre mani ejabũaja quena. Ito bajiri ã ñeñaro yirise jaje ñabõjarocati ã jidicãja ticõri, ã ñeñaro yirisere ãcabojogu yiguũji Dios. Ito yicõri ã ya ũsi ruyuriobicũ yiguũji ã. “Sũgũ Jesure ã tuoĩarõca mani yija, iti ña ñasarise”, yi tuoĩa masia mani. Itocõ ña.

Primera carta de San Pedro

Dios ĩ beseanare Pedro ĩ papera cõare gaye

¹ Ñati Dios ĩ beseana mũa. Yũ ña Pedro adi mũare papera cõagũ. Jesucristo oca quenarise yũ gotitoni yũre cũquĩ ĩ. Mani ya sitare wago âmobitibojarãti gajerojũ ña batea mani. Tite. Ponto sitajũ, Galacia sitajũ, Capadocia sitajũ, Asia sitajũ ito yicõri Bitinia sitajũ cũni ña batea mani. ² Jane mejejũ mani Jacũ Dios ĩ tũoĩa yurisenã ĩ ñarã mani ñatoni manire beseñi ĩ. Ito yicõri Espĩritu Santona sũoriti ĩ rãca mani usi cõtiroca manire yĩni Dios. Ito bajiro yĩni Dios, Jesucristore mani cũditoni, ito yicõri mani ñeñaro yirisere ĩ ya rĩna ĩ coetoni. Mũare yiarĩ Diore busia yũ. Mũare ĩ queno ejabuatonĩ, ito yicõri mũa ya usijũ queno wanũ quenaro mũa ñatoni, Diore busia yũ ĩja.

Yũ godaja tũdi catigũ yigũja yũ, yĩ tũoĩa wanũ yure gaye

³ “Queno ya Dios mũa. Rẽtoro quenagũ ña mũa”, mani Hũ Jesucristo Jacũre yiana mani. Manire bũto ti maicõri manire Cristo ĩ goda ĩsitoni ĩre cõañi Dios. Ito yicõri Cristo ĩ godaja bero mũcana tũdi ĩ catiroca yĩni Dios. Ito ĩ yijare mama usi cõtĩrã tũdi rujeanare bajiro bajirã ña mani. Ito bajiri: “Catitĩñagũ yigũja yũ”, yĩ tũoĩa mani ĩja. ⁴ Manire ĩsirocũ quenarise seo cũguĩji Dios ũmacũjũ. Jogarise meje ña. Ito yicõri jedirise meje ña. Quenarise ña iti. Ito bajiri ñeñarise godo wedibetoja Dios manire yiarĩ ĩ seo cũre. “Ija itire boca âmĩcũja yũ”, yĩ tũoĩa mani. ⁵ Diore mani tũorũnũrã ñajare, ĩ masirisena manire codegũ yigũĩji. Ito yicõri manire masogũ yigũĩji Dios, catitĩñarojũ mani ejatoni. Ito bajiro ĩ yijare sũsari rũmũ jeyaro quenarise ĩ seo cũre manire ĩsi jeorocũ ñacãgũ yigũĩji Dios.

⁶ Itire tũoĩacõri, bũto wanũ quenarũja manire. Ito bajibojarocati adi sitajũ Jesucristore mani tũorũnũrã ñajare, mani tũbũjaroca yirã yirãji gãjerã. ⁷ Ito bajiro tũbũjarã yirãji mani, “Jesucristore queno tũorũnũrã ñari ĩre jidicãmenaji ĩna”, gãjerã ĩna yĩ tũoĩatoni. Goti masiore ocana mũare gotigũ ya yũ. ¿Oro quenarise gũtare quenore masiati mũa? Oro quenarise ĩna ãmoja iti gũtare roama ĩna. Ito bajiro ĩna yija quenarise riti rãta budiroja. Ito bajiro tũbũjarã ñabojarãti Cristore mani jidicãbeja, ĩja bũto busa ĩre tũo rãta budirã yirãji mani. Bũto waja rũcũrise ñabojarocati gũda wiaro yiroja oro. Dios ĩ tija oro rãto busaro waja rũcũca mani. Ito bajiri, “Yũre tũorũnũrã ñari, queno yirã ña mũa. Mũare bũto wanũca yũ”, yigũ yigũĩji Dios manire, Jesucristo mũcana ĩ goãlorĩ rũmũ.

⁸ Jesucristore tĩamena ñabojarãti ĩre maia mũa. Ito yicõri adi rũmũri ĩre timena ñabojarãti ĩre tũorũnũca mani. Ito bajiri queno wanũ quena mani. Bũto wanũ rãtocũcõri, “Itocõ wanũca yũ”, yĩ masibea mani. ⁹ Ito yicõri ĩre mani tũorũnũja manire masogũ yigũĩji Dios. Ito bajiri, “I tũjũ ũmacũjũ ejagũ yigũja yũ”, yĩ tũoĩa mani.

¹⁰ Jane mejejũ Diore goti ĩsiri masa ado bajiro gotiyoyijarã ĩna: “Masare ti maicõri ĩnare masogũ yigũĩji Dios”, yiyijarã ĩna. Ito yibojarãti, Dios masare ĩ masoroti gaye queno tũo masibisijarã ĩna maji. “Ado bajiro yicõri masare masogũ yigũĩji Dios”, yĩ masibisijarã. Ito bajiri itire riasoticõri ruje tũoĩayijarã ĩna. ¹¹ Ija rãtaroti gaye ĩna goti masitoni Espĩritu Santore cõayijũ Cristo. Ito bajiri Cristore masimena ñabojarãti ĩ tũbũjacõri yucũtẽojũ ĩ godaroti gayere goti yuyijarã ĩna, Diore goti ĩsiri masa. Ito yicõri mũacana tũdi caticõri Dios tũjũ rũcũbuoadojũ Cristo ĩ ñaroti gaye goti yuyijarã ĩna. Itire gotiana ñabojarãti, “¿Ñimũ ñagũ yigũĩjida Dios ĩ cõarocũ? Ito yicõri ¿nocãta ejagũ yigũĩjida ĩ?” ruje yĩ tũoĩabojayijarã ĩna. ¹² Ito yĩ, ĩna tũoĩarocati, “Itire timenaji mani. Mani bero gãna ĩna ñaroca rãtaro yiroja iti”, yĩ tũoĩayijarã ĩna mũacana. Ito bajiro ĩna yĩ tũo masiroca yiyijũ Dios. Adi rũmũri Espĩritu Santore cõayijũ Dios ĩ oca gotiri masa manire ĩna riaso masitoni. Ito bajiri iti oca quenarise rãtaja bero tũorã ña mani. Dios ñaro gãna ángel mesa iti ocare bũto tũo ãmoama ĩna cũni, quenarise iti ñajare.

Diore bajiro quenarise riti yija quena, yire gaye

¹³ Iti oca quenarisere tuo masirã ña maniam. Ito bajiri iti oca tuocõri mecure mano queno tuoïaruja manire, Diore mani cudi masitoni. Jabeto ruya maji Jesucristo ï tudi ejaroti rãmũ. Ito bajiri ña yucãruja manire. Ito yicõri, “Manire queno yigũ yiguïji Dios”, yi tuoïa jidicãbitiruja mani. ¹⁴ Dios rãa ñacõri ïre queno cudiruja mani. ïre mani masiroto riojua ñeñaro yicũ mani maji. Itire tudi yi uyabitiruja manire. Itire tudi tuoïabitiruja mani, ñeñaro mani yibe yirona. ¹⁵ Ado bajiro baja. Dios, manire beseru quenarise riti yigũ ñami ï. Ito yicõri cojireama ñeñarise yïagã meje ñami. Ito bajiri ïre bajiro quenarise riti yiruja manire cuni. ¹⁶ Ado bajiro gotia Dios oca tuti: “Cojirea ñeñaro yïabicũ ña yũ. Ito bajiri ñeñarise yibesa mũa cuni”, yi uca rotiyijũ Dios.

¹⁷ Diore mani busija, “Yũ Jacũ”, ya mani ïre rucubũorã. ï yiro bajiroti yigũ ñami Dios. Ito bajiri masa ñna ñeñaro yirise waja Dios ï seniri rãmũ mani yiado bajiroti waja senigũ yiguïji Dios manire. Itire mani tuoïaja quena. Ito bajiri Diore rucubũorã adi sita mani cati ñarocõ queno yi ñaruja manire. ¹⁸⁻¹⁹ Jane mejeju mani ñicusabatia ñna ñeñaro yirisere coe ãmorã ado bajiro yiyijarã ñna. Oveja quenagũre siacõri soe ïsisotiyijarã, Diore yari. “Mani ñicusabatia ñna yiado bajiroti mani yija mani ñeñaro yirise jedibetoja”, yi tuoïa mani. Mani ñeñaro yirise waja ï waja yi ïsitoni ï Macure cõañi Dios. Ito bajiri, “Niyeru jogarisena meje mani ñeñaro yirise waja, waja yi ïsiñi Dios”, yi tuoïa mani. Ado bajirojua baja. ï Macũ Cristo ñeñaro yïabicũ ya rina waja yi jeõni Dios manire yari. Waja rucurisenã mani ñeñaro yirisere waya yi ïsiñi Dios. ²⁰ Jane mejeju adi macãrucũro ï rujeoroto riojũajũ, manire yari ï Macure cõarocũ tuoïa yucãyijũ Dios. Ito bajiri adi rãmuri ïja, “Yũre masorocũ ejañi Cristo”, yi tuoïa mani. ²¹ Manire masorocũ manire goda ïsiñi Cristo. Dioti ñami Cristo ï tudi catiroca yirũ, ito yicõri ï tujũ rucubũoadojũ Cristore cũrũ. Ito bajiro ï yijare Diore tuorũnũa mani. ïre tuorũnũcõri, “Dios tujũ catitĩnãgũ yigũja yũ”, yi tuoïa mani.

²² Cristo oca quenarise cudirã ña mani. Ito yicõri ñeñaro yirise jidicãcõri Dios rãca siãgũre bajiro usi cutirã ña mani. Mani ti terisere jidicãcõri siãgũ rãre bajiro bajirã Diore masirãre mairuja manire. Maibitibogaguti, “Gãjerãre buto maia yũ”, yire ma. Riojoti mani gãjerãre buto maia quena. ²³ Jogarise meje ña Dios oca. Ñatĩñaro yiroja ï oca. Dios ocare tuorũnũcõri mame tuoïarã ña mani. Mame tuoïarã ñari tudi rujeana robo bajiro bajirã ña mani. Ito bajiri catitĩñarã yirãji. Mani ya usi godabeto yiroja. ²⁴ Ado bajiro gotia Dios oca:

Siniacõri godaroja ta. Masa cuni ñna ñarocõti godarã yirãji. Go cuni quenarise ñabobaroti sinia quedicoaro yiroja. Ito bajicõri quenarise iti ruyuja bero ruyubetoja ïja. Itoti bajirãji masa cuni. ñna jeyaro godarã yirãji, ñasarã ñabobarãti.

²⁵ Mani Hju ocama ñatĩñaro yiroja, yi gotia Dios oca tuti.

Ito bajiro Dios oca riasotiri masa ñna gotija tuocõri: “Iti ña Cristo oca quenarise”, yi tuoïa mani ïja.

2

¹ Iti oca tuorũnũcõri Dios rãa ña mani. Ito bajiri jeyaro mũa ñeñaro yirise jidicãña. Gãjerãre ruobesa. Ito yicõri socabesa. Gãjerã ya gajeoni ti ruobesa, ito yicõri gãjerãre busitubesa. ²⁻³ “Yũre ti maicõri, Queno yiquï Dios”, yi tuoïa mũa. Ito bajiri jaibicũacã ïju ãmosotiro bajiroti Dios oca quenarisejuare riti riasotiya mũa. Jaibicũacã ï ïjutĩñaja quenaro bucãaguïji. Mũa cuni Dios ocare mũa riasotitĩñaja ïre queno masirã yirãji mũa. Ito yicõri Dios rãca siãgũre bajiro usi cuticõri ï ãmorisere cudirã yirãji mũa.

Gũtagã ñasaricare bajiro bajigũ ñami Cristo, yire gaye

⁴ Queno tuoya. Goti masiore ocana mũare gotigũ ya yũ. Gũta wi meniri masa gãtagãre ti cõiacõri, “Ãmobeã itigare”, yiyijarã ñna. Ito bajibobarocati gãji itiga gãtagãre ti cõiacõri, “Gaje gũta rãtoro quenarica ña itiga. Ãmoã yũ”, yiyijũ ï. Ado bajiro baja yireoni ña iti oca. Cristore ãmobiticõri, “Gũã uju meje ñami ï”, yiyijarã mani uju mesa. Ito bajibobarocati Cristore buto ãmocõri ïre beseyijũ Dios, manire masorocure. ⁵ Dios beseru ñari ïre bajiroti mani usi cuti ñaja quena. Manire cuni beseñi Dios, Cristo rãca siãgũre

bajiro mani usi cutitoni. Ito bajiro Dios ejabuarise rāca queno Cristo rāca usi cutiruja mani. Manire Dios ī wanutoni ī āmoro bajiro mani yija quena. Cristo ī ejabuarise rāca gājerāre ī oca gotiruja mani. Ito yicōri gājerāre yiari Diore busiruja mani. Ito bajiro yiruja mani Cristo ī ejabuarisena, Dios ī wanutoni. ⁶ Itire yi ucayijū Diore goti īsiri masū. Gaje ado bajiro ucayijū, Dios busirise gotigū:

Sión wame cutiri cutojū yū Macure cūa yū. Gūta quenarica robo bajiro bajigū ñami ī. Gūta wi menisurona gūta quenaricare beseama gūta wi meniri masa. Iti bajiroti, yū ñarā ujū ñarocure yū Macure ujū besecu yū. Īre buto maia yū. No ĩre tuorūnugūti bojori bujabiquīji. Buto wanū quenagū yiguīji, yiyijū Dios, yi ucayijū Diore goti īsiri masū.

⁷⁻⁸ Mani Jesucristore tuorūnurā ñari ĩre buto maia mani. Mani tija ñasagū ñami ī. Itire gotigū ado bajiro ucayijū Diore goti īsiri masū:

Gūta wi meniri masa gūtagāre ti cōīacōri, “Āmobeia itigare”, yiyijarā ĩna. Ito bajibojaro-cati gāji itigare ti cōīacōri, “Ñasarica ña itiga. Āmoa yū”, yiyijū ī.

Ito bajiro yi gotia Dios oca tuti. Ado bajiro baja yireoni ña adi oca. Jesucristore tuorūnubicū ĩre maigū meje ñami ī. Īre cudigū meje ñami ĩocū. Ito bajiri Dios ī gotiado bajiroti godagū yiguīji. Itire gotigū ado bajiro ucayijū Diore goti īsiri masū:

Gūtana sīgū ī juata quedija juniroja ĩre, yi gotia Dios oca.

Ado bajiro baja yireoni ña adi oca. No Cristore tuorūnubicuti godagū yiguīji.

⁹ Ito bajiro bajarā meje ña maniamā. Ī ñarā mani ñatoni manire beseñi Dios. Dios mani Ūjūre gājerā ĩna masitoni ī oca riaso āmoa mani ĩnare. Ñeñaro yirise ī coeana ñari Dios ñarā ña mani ĩja. Ito bajiri jeyaro queno ī yirise gotiruja mani. Rāitīarojū ñarāre bajiro ñeñaro mani yi ñaroca manire jiñi Dios. Ito yicōri manire boca āmicōri manire masoñi ī. Ito bajiri ī rāca busurojū ña mani ĩja. Iti oca quenarise gājerāre mani gotitoni manire cūñi Dios. ¹⁰ Iti rūmū Dios ñarā meje ñayija mani maji. Adi rūmūrijūama ī ñarā ña mani ĩja. Iti rūmū, “Yūre ti maiami Dios”, yi tuoīabisija mani maji. Adi rūmūrijūama, “Yūre buto ti maiami Dios”, yi tuoīa mani ĩja.

Dios ī āmoro bajiro riti yija quena, yire gaye

¹¹ Yū ñarā mūare buto maia yū. Adi macārucūrojū ña ucurā ya mani. Ūmacūjū Dios tūjū ña mani ñasaroto. Ito bajiri ado yū busirisere queno tuoja mūa. Jeyaro mūa ñeñaro yi āmorisere tuoīa uyabesa. Mūa ya usina itire mūa tuoīa uyaja ñeñaro yirā yirāji mūa, rūmū ī āmoro bajiro. ¹² Diore masimena wato ña mani. Mani yirisere tisotiamā ĩna. Ito bajiri ĩna wato ñacōri queno yi ñarūja manire. Manire ñeñaro busituborāji ĩna. Ito bajibojarāti mani queno yirisere tigoana ñari, Diore tuorūnū āmorā yirāji ĩna gajea. Ito bajiri Dios ī tūdi ejari rūmū, “Rētoro quenagū ñami Dios”, yirā yirāji ĩna, ĩre rūcubūorā.

¹³ Dios ñarā mani ñajare ujū gobierno ī rotirisere queno cudiruja mani. Ito bajiro mani yija, “Queno cudirā ñama Dios ñarā”, yirā yirāji gājerā. ¹⁴ Ūjū gobierno ya ejabuari masare cūni queno cudiruja mani. ĩna ñama ī cūana. Ñeñaro yirāre waja senitoni ĩre ejabuari masare cūni ī. Ito yicōri queno yirāre, “Queno ya mū”, ĩna yitoni ĩre ejabuari masare cōañi ujū gobierno. Ito bajiri ī cōana ñajare queno cudiruja mani ĩnare. ¹⁵ Ito bajiro mani cudija, Dios ī āmoro bajiro queno yi ñarā yirāji mani. Ito bajiri manire rocati busituboana ñe busi masimenaji ĩna. Ito bajiri Dios ī āmoro bajiroti ĩna busitubojarisē susacoaro yiroja ĩja.

¹⁶ Dios ñarā ña mani. Ī sīgūti ñami mani Ūjū ñasagū. Ito bajiri ĩre wanūrā, mani āmoro bajiroti yibitiruja mani. “Dios yagū yū ñajare yūre waja senibiquīji. Ito bajiri yū āmoro bajiro yicūja yū”, yi tuoīabitiruja manire. Īre cudiruja mani. Ito yicōri ĩre cūdi āmorā ñari, ī āmoro bajiroti yi ñarā yirāji mani. ¹⁷ Ito bajiri masa jeyarore corocō mani ti rūcubūoja quena. Jesucristore masirāre mani buto maija quena. “Rētoro masigū ñami Dios”, yi tuoīarā ñari, ĩre queno rūcubūorūja mani. Ito yicōri ujū gobierno ī rotirisere cūni cudiruja manire.

Ī tōbūjaroca yianare gāmebisijū Cristo, yire gaye

¹⁸ M̄ua ḡajer̄are moa ĩsir̄a, queno t̄uoya. M̄uare busigu ya ȳu. M̄ua ɯjar̄are queno r̄uc̄ub̄uoya. Ito yic̄ori ĩna yiro bajiro c̄udic̄ori ĩnare queno moa ĩsīna. Ito bajiro yija m̄ua Dios ñar̄a ñari. Tere mano m̄ua ɯjar̄a ĩna rotija ĩnare queno c̄udiya m̄ua. M̄uare ter̄a ĩna rotija c̄uni, ĩnare queno c̄udiya m̄ua. ¹⁹⁻²⁰ Ito bajiro m̄ua yija tic̄ori, m̄uare wan̄uḡũ yiguĩji Dios. M̄ua ɯjar̄are queno m̄ua yibojarocati m̄ua t̄ob̄ujaroca yir̄a yir̄aji coriar̄a. ĩnare m̄ua ti tebeja m̄uare wan̄uḡũ yiguĩji Dios. Ito bajibojarocati m̄ua ɯjar̄are m̄ua ñeñaro yija m̄ua t̄ob̄ujaroca yir̄a yir̄aji ĩna. Ito bajiro yir̄aji ĩna, m̄ua ñeñaro yirise waja yir̄a. Ito bajiri ado bajiro t̄uoĩabesa m̄ua. “Queno yicu ȳu. Ȳu t̄ob̄ujaroca yigure tebiticu ȳu. Ito bajiri ȳure wan̄uḡũ yiguĩji Dios”, yi t̄uoĩabesa m̄ua. M̄ua ɯjar̄are ñeñaro yigoana ñajare m̄uare wan̄ubiquĩji Dios. ²¹ Ito bajiri m̄ua t̄ob̄ujaja ñemec̄utiya m̄ua. Ito yic̄ori ḡamebesa m̄ua. Ito bajiro rotiami Dios mani yitoni. Cristo c̄uni manire yiari t̄ob̄ujayij̄u. Ito yic̄ori ĩ t̄ob̄ujaroca yianare ḡamebisij̄u Cristo. Ito bajiro yiyij̄u Cristo ĩre bajiro mani ña masitoni. ²² Cojireama ñeñaro yĩabisij̄u Cristo, ito yic̄ori cojireama r̄uoĩabisij̄u ĩ. ²³ Masa ĩre ĩna busitujaja ĩnare busitu ḡamebisij̄u Cristo. Ito yic̄ori ĩ t̄ob̄ujaroca yianare, “M̄uare ḡamec̄uja ȳu”, yibisij̄u Cristo. Ito bajiro yigu meje ñayij̄u Cristo. ĩ Jac̄ure queno t̄uor̄un̄c̄ori ĩre bajiro ɯsi c̄utiyij̄u Cristo. Ito bajiri, “Ȳu Jac̄u ĩ ñami masa ñeñaro ĩna yirise waja queno seni masiḡũ”, yi t̄uoĩayij̄u ĩ. ²⁴ ĩmasiti mani ñeñaro yirise waja yi ĩsiḡũ yuc̄ut̄eoj̄u godāni Cristo. Ito bajiro manire yi ĩsiyij̄u ĩ mani ñeñaro yirisere jidic̄ac̄ori mani tudi ñeñaro yibititoni. Ito yic̄ori Dios ĩ ģmoro bajiro mani yi masitoni manire goda ĩsīni Cristo. Manire yiari ĩ godajare mani ñeñaro yirisere ģcabojoḡu yiguĩji Dios. Ito bajiri manire masoḡũ yiguĩji mani catitĩñatoni. ²⁵ Queno t̄uoya. M̄uare goti masiore ocana m̄uare gotigu ya ȳu. Oveja coderi masa ĩna manija rocati ña ucuama ĩna. Ito bajiro rocati ñabojayija mani c̄uni Cristore mani masiroto rioj̄ua. Adi r̄um̄ariama mani ñeñaro yirise jidic̄ac̄ori Cristo r̄aca siḡure bajiro ɯsi c̄utir̄a ña mani ĩja. ĩti ñami mani ya ɯsi godabe yiroc̄u manire codeḡu, ito yic̄ori manire tir̄un̄uḡũ.

3

Ado bajiro ñaja quena manajo c̄utir̄a, yire gaye

¹⁻² Romia queno t̄uoya m̄ua. M̄uare c̄uni busigu ya ȳu. Temenati m̄ua man̄jusabatiare queno c̄udiya. M̄ua man̄jusabatia coriar̄a Diore t̄uor̄un̄beama ĩna. Ito bajiri Dios oca m̄ua goti ģmobjaja t̄uo ģmobeama ĩna. Biyaro m̄ua gotija, “Quejoro yamo ȳu manajo”, yi t̄uoĩar̄a yir̄aji m̄ua man̄jusabatia. Ito bajiri ɯsirioro yibesa. Ado roboj̄ua m̄ua yija quena. M̄ua man̄jusabatiare queno c̄udiya m̄ua. Ito yic̄ori Diore r̄uc̄ub̄uoc̄ori quenarise riti yi ñāna m̄ua. Ito bajiro m̄ua yija tic̄ori, Diore t̄uor̄un̄u ģmor̄a yir̄aji ĩna gajea. Ito yija Dios oca m̄ua gotimena ñabojar̄ati m̄ua queno yirise tic̄ori Diore t̄uor̄un̄u ģmor̄a yir̄aji gajea m̄ua man̄jusabatia. ³ Ado bajiro t̄uoĩabojama romia coriar̄a. “Queno seyogo ñamo”, ḡajer̄a ĩna yitoni, ȳu ya joa queno sirocoja ȳu. Ito yic̄ori jeyaro quenarise ȳu ye busacoja ȳu. Saya c̄uni quenarise s̄ānacoja ȳu, “Seyogo ñamo”, ḡajer̄a ĩna yitoni. Ito bajiro yi t̄uoĩabesa m̄ua. ⁴ Dios ĩ tija seyor̄a m̄ua ña ģmoja, ado bajiro m̄ua yija quena. Queno ɯsi tija quena ñāna m̄ua. M̄ua man̄jusabatiare queno c̄udiya. Ito yic̄ori ĩna r̄aca ḡameri tudibesa m̄ua. M̄ua t̄uoĩaro bajiro riti yibesa. M̄ua queno yirise gaye jedibetoja. Iti ña ñasarise Dios ĩ tija. ⁵ Jane mejej̄u ito bajiro yiyijar̄a romia Diore t̄uor̄un̄uana. Dios ĩ ģmorise yi ģmor̄a ĩna man̄jusabatiare queno c̄udiyijar̄a ĩna. Ito bajiri seyor̄a ñayijar̄a ĩna, Dios ĩ tija. ⁶ Ito bajiro queno c̄udigo ñayij̄o Sara ñayoro. Iso man̄ju Abrahamre queno c̄udiyij̄o iso. ĩ yago ñari, “Ȳu ɯj̄u”, yiyij̄o iso ĩre. Iso ñayoro bajiro queno yija m̄ua c̄uni. Ito yic̄ori iso bajiro Diore t̄uor̄un̄c̄ori ñej̄ua t̄uo ḡuibesa m̄ua. Ito m̄ua yija Sara ñayoro bajiro bajir̄a ña m̄ua.

⁷ Mani ģmua t̄uoya mani ye c̄uni busigu ya ȳu. Mani godabe yiroc̄u manire ti maic̄ori manire masōni Dios. Ito bajiro ti masōni Dios mani manojos̄aromiare c̄uni. Ito bajiri mani manojos̄aromia ĩna queno ñatoni ĩnare queno yir̄uja mani. “Ȳuc̄o s̄eoḡo meje ñamo ȳu manajo”, yi t̄uoĩac̄ori, mani manojos̄aromiare ejab̄uar̄uja manire. Ito yic̄ori ĩnare

rūcubuoꝛuja mani. Ito bajiri mani manojosāromia rāca queno ũsi cūti ñaruja manire. Ñna rāca ñeñarise mani oca cūtiya queno Dios rāca bũsi masimenaji mani.

Queno yirā ñari tōbujarā yirāji mani, yire gaye

⁸ Muare yu gotiroti jabeto ruya maji. Ado bajirojua baja. Sīgūre bajiro mani ũsi cūti ñaja quena. Dios rā ña mani. Ito bajiri sīgū rāre bajiro mani gāmeri maija quena. Ito yicōri bojoro bujarāre ejabuaruja manire. “Rētoro quenagū ña yu”, yi tŕoābitiruja manire. ⁹ Manire gājerā ñna ñeñaro yija ñnare gāmebitiruja mani. Manire gājerā ñna bũsituja ñnare bũsitu gāmebitiruja manire. Ado bajirojua mani yija quena. Manire ñeñaro yirāre cūni queno yiruja manire. Ito yicōri ñnare yiari Diore bũsija quena. Ito bajiro queno yiruja mani. Dios ĩ rotiro bajiro mani yija queno yigu yiguĵi Dios manire. ¹⁰ Itire gotigu ado bajiro ucayiju Diore goti ĩsiri masu:

No co rũmu ruyabeto quenaro ña āmogūti ñeñaro bũsibiquĵi, ito yicōri rŕobiquĵi.

¹¹ Ñeñarise jidicācōri quenarise riti yiguĵi ĩ. Gājerā rāca queno ĩ ña āmoja, ñnare queno yiguĵi.

¹² Ado robojua baja. Queno yirāre tirūnugū yiguĵi Dios. Ito yicōri ĩre ñna bũsija, tŕogŕu yiguĵi Dios. Ñeñaro yirāreama ñnare queno ti tujabiticōri ñnare waja senigū yiguĵi Dios. Ito bajiri quenarise yiruja mani ĩja, yi gotia Dios oca.

¹³ Quenarise mani yi āmosacōja, noajua gājerā mani ñeñaro tōbujaroca yirā jājarā manaji. ¹⁴ Ito bajibojarocati mani tōbujaja mani queno yirā ñajare mani wanuroca yigu yiguĵi Dios. Ito bajiri manire ñeñaro yi āmorāre gūlbitiruja mani. Ito yicōri tŕoā oca jaibitiruja manire. ¹⁵ Ado bajirojua mani yija quena. Cristore rŕcubuoꝛcōri, “Ī yu Ũju ñari, yure codegu yiguĵi Cristo”, yi tŕoāruja manire. Ito yija, “ĶNo bajiatu Cristore mŕa tŕorūnŕise?” gājerā ñna seniĵaja, “Ado bajirojua baja”, mani yitoni queno bocatiari ñacāruja manire. Ito yicōri ñnare ti maicōri queno rŕcubuoꝛe rāca ñnare cūdiruja mani. ¹⁶ Ito yicōri, “Seti ma yure”, mani yi masitoni quenarise riti yiruja manire. Cristo ñarā ñari quenarise riti yiruja mani. Ito bajicōri manire gājerā ñna bũsituja, “Bŕrāti yama ñna”, yi tŕoārajū gājerā. Ito bajiri manire bũsituri masa bojori bujarā yirāji ñna. ¹⁷ Ado bajiro baja, queno tŕoaya. Ñeñaro mani yija bero mani tōbujaja, iti ñna mani ñeñaro yirise waja. Ito bajibojarocati queno yirā ñabojarāti mani tōbujarise Dios ĩ camotabeja, “Iti ñna Dios ĩ āmorise, ito bajiri quenarise ñna”, yi tŕoā mani.

¹⁸ Queno yigu ñabojagŕti tōbujayiju Cristo cūni. Ito bajiri queno yirā ñabojarāti mani tōbujaja, manire yiari Cristo ĩ tōbujare gayere tŕoāruja manire. Ado bajiro baja. Ñeñaro yĵabicu ñayiju Cristo. Ito bajibojarocati mani ñeñaro yirāre goda ĩsiyiju ĩ, manire yiari. Dios rāca mani sīgūre bajiro mani ũsi cūtire āmoyiju Cristo. Ito bajiri mani ñeñaro yirise waja, waja yi jeorocu manire goda ĩsiyiju ĩ. Ī ya ruju godabojarocati ĩ ya ũsima godabisiju. ¹⁹ Ito yija ñeñaro yigoanare bũsirocu ñna tōbujadoju ĩ ya ũsina wayiju Cristo. Itoju ejacōri jeyaro ĩ yigore ñnare gotiyiju Cristo. ²⁰ Ito ñayoana, Noé ñayorure tŕo āmobitiana ñayijarā ñna. Yoari Noé ĩ cuma bŕcua meniroca ñna cūdiaro yirocu bocatibojayiju Dios. Cūdibisijarā ñna. Ito yicōri cuma meni tŕocōri cumaju sājayijarā ñna. Noé, ĩ manojo, ĩ rā, ĩ jējosāromia cūni sājayijarā. Ñna rujabe yirocu ñnare riti masoyiju Dios. Ũdia āmojeno ñayijarā ñna ñarocōti. ²¹ Ñnare ĩ masoado bajiro manire cūni masoñi Dios, Jesucristo ĩ goda ĩsirena ũoriti. “Diore cūdirā ñna”, gājerā ñna yitoni idé gu rotia mani. Rujū ũeri coerona meje idé gu rotia mani. Ñeñaro mani yirise jidicāja bero ado bajiro Diore bũsia mani. “Queno ya mŕ. Yure masoyija mŕ. Mŕ Macŕ Jesucristo yu ñeñaro yirise yure waja yi ĩsirocu yure goda ĩsiñi. Ito yicōri yure masorocu tŕdi catiñi ĩ”, Diore ya mani idé gure āmorā. ²² Tŕdi caticōri ũmacūju Dios rāca ñagū wayiju Jesucristo. Ito yicōri Dios ya riojocaduja rŕcubuoꝛaju ñaguĵi ĩ ĩja. Ito bajiri ángel mesa ñna ñarocōti Jesucristore rŕcubuoꝛajū ñna. Ito yicōri ũmacūju gāna ũjarā ñasarā Jesucristore rŕcubuoꝛarā, “Gua Ũju ñna mŕ”, yirāji ñna cūni Jesucristore.

4

Dios masirise boca ãmiana ñari ricati riti moa masia mani, yire gaye

¹ Adi sitaju ñagũ tũbujayiju Cristo. Ito bajiri, “Ïre bajiroti tũbujagu yigũja yu cuni”, yi tũoĩacõri, tũbujarona tũoĩa ñacãruja mani. Ado bajirojua baja. Tũbujacõri Jesucristore buto busa mani tũoĩaja, ñeñaro yi ãmomenaji mani. ² Ito yicõri ñeñaro yi ãmori masare bajiro yimenaji mani. Ito bajiri mani catirocõ Dios ï ãmoro bajiro yirã yirãji mani. ³ Iti rumu Cristore mua masiroto riojua jeyaro ñeñarise mua yi ãmoro bajiroti yiyija mua maji. Mecũyija mua. Ito yi mecũcõri rocati ñeñaro yiyija mua. Mua rujeoanare buoro rũcũbuoyija mua. Itocõ mua ito yirise jidicãruja muare ïja. ⁴ Iti rumu mani ñeñaro yiado bajiro yibea mani adocãta ïja. Mani baba mesa ñagoana rãca mani ñeñaro yi ãmobeja manire tudirã yirãji ñna. Ito bajiri ñnare mani cudibeja rocati manire busi ajarã yirãji. ⁵ Manire ñna ajabobarocati ñnare gãmebitiruja manire. Ito bajiro ñeñaro ñna yirisere masiami Dios. Manire ajagoana ñari ñna ñeñaro yirise goti rãtorã yirãji ñna Diore. Yoari mejeti masa jeyarore ñna ñeñaro yi uyarise waja senigũ yiguĩji Dios. Catirãre cuni, godanare cuni waja senigũ yiguĩji Dios. ⁶ Ito bajiri masa ñna godaroto rioju Dios oca quenarise gotire ña, ñna catitĩñatoni. Coriarã iti oca tũocõri queno rũcũbuorã yirãji. Gãjerãma iti ocare rũcũbuomenaji ñna. Masa jeyaro godarã yirãji sigũ ruyabeto. Ito bajibobarocati ï oca rũcũbuoana masa jeyaro bajiro godabobarãti ñna ya usijũama Dios rãca catitĩñaro yiroja.

⁷ Adi macãrucãro yoari meje jediro yiroja. Ito bajiri jeyaro mani yiroto riojua queno tũoĩa ñaruja manire. Ito yicõri mecure mano tũoĩa ñaruja manire, Diore mani queno busi masitoni. ⁸ Gãjerãre mani ti maitĩñaja quena. Iti ña ñasarise. Gãjerãre mani buto ti maija, ñna manire ñeñaro yirisere acabobarã yirãji mani. ⁹ Gãjerã mani ya wi ñna ejaja, wanu quenare rãca ñnare boca ãmiruja mani. Ñna ba ãmoja, ñna cani ãmoja cuni wanu quenare rãca ñnare cudiruja mani. ¹⁰ Jesucristo ñarã ñari manire ti maicõri, jabeto ï masirise manire jidicãñi Dios. ï ãmoro bajiro ricati mani moa masitoni ï masirise jidicãñi Dios. Ito bajiri Dios manire jidicãre mani moa masirisena gãjerãre ejabuaruja mani. Ito bajiro yiruja mani Diore queno moa ñsirã ñari. ¹¹ Dios oca mani queno goti masija, “Queno ya Dios mu. Mu ejabuarisena riojo goti masia yu”, yiruja mani. Ito yicõri gãjerãre mani queno ejabua masija, “Queno ya Dios mu”, yiruja mani. Ito bajiro yiruja mani, Diore gãjerã ñna rũcũbuotoni. Jeyaro mani yirisere ticõri, “Ï ñarãre queno ejabuami Jesucristo”, yirã yirãji gãjerã Diore rũcũbuorã. “Ïti ñami rãtoro masigũ. Ïti ñami Uju ñasagu. Jeyaro ñarise roti masigũ ñami Dios. Dise ï roti masibiti ruyabea ïre. Ïti ñami mani Uju ñatĩñagũ”, yi tũoĩasotiruja mani ïja.

Cristore mani tũorũnurã ñajare ñeñaro mani tũbujaroca yirã yirãji gãjerã, yire gaye

¹² Yu mairã tũoya mua. Mani buto tũbujabobarãti buto goroama oca jaibitiruja manire. “¿No yija tũbujati yu?” yi tũoĩabitiruja mani. Mani tũbujabobarãti Jesucristore mani jidicãbeja, “Yũre queno tũorũnurã ñama ñna”, yigu yiguĩji Dios. ¹³ Ado bajirojua mani yija quena. Jesucristore rũcũbuorã ñari ïre bajiro mani tũbujaja queno wanu quenaruja mani. Ito mani yija ï tũdi ejari rumu ïre ticõri queno wanu quenarã yirãji mani. ¹⁴ Jesucristore mani tũorũnurã ñajare manire aja tudirã yirãji gãjerã. Ito bajiro manire ñna aja tudibobarocati wanu quenarã yirãji mani. Mani tũbujaja manire ejabuagu yiguĩji Dios. Mani ya usiju Espiritu Santore Dios ï queo sãjare queno wanu quena mani ïja. Ito bajiri tũbujarãti wanu quena mani. Dios ñami mani rũcũbuogu. Gãjerãma ïre rũcũbuomenati ïre ñeñaro busiama ñna. ¹⁵ No gãjerãre sãgũti, tũbujagu yiguĩji. No gãji ya gajeoni rinigũti, tũbujagu yiguĩji. No ñeñaro yiguti, tũbujagu yiguĩji. No gãjerãre oca menigũti, tũbujagu yiguĩji. Ñnare bajiro mani yija, tũbujarã yirãji mani cuni. Itire mua ñeñaro yire ãmobeja yu. ¹⁶ Ito bajibobarocati Jesucristo ñarã ñari mani tũbujaja bojori bujabitiruja manire. Ado bajirojua yiruja mani Diore. “Queno ya Dios mu. Mu Macu Jesucristo yagu yu ñaroca yũre yiyija mu. Itire buto wanua yu”, yiruja mani Diore.

¹⁷ Adocãta Jesucristore tuorünurã ñabojarãti tōbujaja mani cuni. Jesucristore tuorünurã ñabojarãti mani tōbujaja, ¿no bajiro tōbujarã yirãjida Dios ocare tuorünurãmena? Manire bajiroti buto busa tōbujarã yirãji ña. ¹⁸ Itire gotigu ado bajiro ucayiju Diore goti isiri masu: “Dios masoana queno yi uyarã ñabojarãti ña tōbujaja, ¿no bajiro tōbujarã yirãjida ñeñaro yi uyarã? Ado bajiro baja. Diore tuorünurãmenati buto busa tōbujarã yirãji ña”, yi gotia Dios oca. ¹⁹ Itire masicōri quenarise riti yitĩnaruja manire. Tōbujarã ñabojarãti, “Iti ña Dios ñ amorise”, yi tuoĩacōri, quenarise riti yiruja manire. Dios manire rujeoru, manire jidicãbiquiji. Ito bajiri tōbujarã ñabojarãti Diore tuorünurã yirãji mani. “Ï yiado bajiroti yare codegu yiguji Dios”, yi tuoĩacōri, ñe tuorünuraja mani.

5

Cristore tuorünurãre Pedro ñ goti quenore gaye

¹ Adocãta mua Jesucristore masisuoanare busigu ya yu. Mua ña Jesucristo ñarãre tirünuri masa. Yu cuni ñ ñarãre tirünuguti ña. Cristo ñ tōbujaja tigoru ña yu. Ito yicōri mani Uju Jesucristo ñ tũdi ejari rumu ti wanugũ yiguja yu cuni mua rãca. Mua Jesucristore masisuoana tuoya mua. Ado bajiro muare busigu ya yu. ² Jesucristo ñarãre mani tirünurãtoni manire cuni Dios. Ito bajiri ñ ñarãre queno tirünuraja manire. Tere mano wanu quenare rãca ñnare tirünuraja manire. Ito yicōri, “¿Ñe waja bujagu yigujada yu?” yi tuoĩabitiruja mani. Ado bajirojua mani tuoĩaja quena. “Dios ñ amoru bajiro cudi ãmoa yu. Ito bajiri ñ ñarãre tirünugũ yiguja yu”, yi tuoĩaja quena. ³ “Ïna uju ña yu. Ñnare seoro roticuja yu”, yi tuoĩabitiruja mani. Ado bajirojua mani yija quena. Dios ñ amoru bajiro quenarise yiruja mani. Ito mani yija mani yiro bajiroti quesoĩacōri, Dios ñ amoru bajiroti yirã yirãji mani tirünurã cuni. ⁴ Ito bajiri Jesucristo mani Uju ñ tũdi ejari rumu mani queno yirisere tuoĩa bujagu yiguji ñ. Ito yicōri manire waja yirocu, “Yu rotiro bajiroti yicu mu. Mure wanua yu”, yigu yiguji manire. Ito bajiri ñ rãca wanu quenatĩnarã yirãji mani.

⁵ Mamarã adocãta muare busia yu. Jesucristore masisuoanare rucubuoaya mua. Ito yicōri ñnare queno cudiya. Mani jeyaro gãmeri rucubucōri gãmeri ejabuaruja manire. Itire gotigu ado bajiro ucayiju Diore goti isiri masu:

“Gãjerã rëtoro quenagũ ña yu”, yirãre ti tujabeani Dios. Ito bajibojarocati, “Gãjerãre rucubucōri ñnare ejabua ãmoa yu”, yi tuoĩarãre wanuami Dios. Ñnare ti maicōri ñnare queno ejabuagu yiguji Dios, yi gotia Dios oca.

⁶ Ito bajiri Diore rucubucōri ado bajiro mani tuoĩaja quena. “Rëtoro masigũ ñami Dios. Jeyaro ñ yirise cudicuja yu”, yi tuoĩaruja manire. Ito bajiro yiruja manire, ña ñ amoru rumu ñ tu queno ñasagure bajiro manire ñ cūtoni. ⁷ Mani tuoĩa oca jaija, ito yicōri manire oca iti ñaja, Diore gotiruja mani. Manire ti maicōri manire ejabuagu yiguji Dios.

⁸ Mecure mano mani queno tuoĩa ñaja quena. Ito yicōri rãmua uju Satanásre mani cudibititoni queno tuoĩariti ñaruja mani. Ñ ñami mani wajacu. Yaire bajiro yami ñ Satanás. Tuoĩate mua. No ñ ba ãmogüreti sãrocũ wa ucuami yai cuni. Ito yicōri ñ awasãja, jeyaro gãna ñe tuoĩacōri ñe güiama. Ito bajiroti guijoro yami Satanás cuni. Manire ruyurio ãmogũ yami ñ. Ito bajiri Diore mani jidicãtoni manire ruoami Satanás. ⁹ Ito ñ yibojarocati Diore jidicãmenaji mani ñe buto busa tuorünurã. Mani sigũti tōbujabea. Jesucristore tuorünurã cuni jeyaro manire bajiroti tōbujama. Iti masicōri Jesucristore jidicãbitiruja manire. Ito yicōri Satanásre cudibitiruja manire. ¹⁰ Manire buto ti maiami Dios. Ito bajiri mani tōbujaja, “Biyaro tōbujabicuja yu. Yure ejabuagu yiguji Dios”, yi tuoĩa mani. Buto busa Cristore mani queno tuorünuroca yigu yiguji Dios. Manire beseñi Dios ñ rãca mani catitĩnatonu. Ito bajiri ñ Macu Jesucristona suoriti manire masoñi Dios. ¹¹ “Ïti ñami Uju ñasagu. Jeyaro ñarise roti masigũ ñami ñ. Dise ñ roti masibiti ruayabea. Ïti ñami mani Uju ñatĩnagũ”, yi tuoĩasotiruja manire ñja.

Quenajaro masa, Pedro ñ yi ñucare gaye

¹² Adi paperacãnati mware yu goti masitoni yure uca ãsiami Silvano. Jesucristore queno tuorũnugũ ã ñajare yu ocabajire bajiro tia yu ãre. Iti tuocõri mwa oca seõtoni adi oca mware gotia yu. Ito yicõri, “Riti ña. Manire bũto ti maiami Dios”, mwa yi masitoni, adi oca mware gotia yu. Ito bajiri iti oca tuocõri Diore bũto bũsa tuorũnũña mwa.

¹³ Ado Babiloniaju ñagũ adi papera mware cõa yu. Ado gãna Cristore masirã, “Quenajaro”, yicoama mware. Dios beseana ñama ñna cuni mani roboti. Yu macu bajiro bajigu Marcos, “Quenajaro”, yicoami mware. ¹⁴ Gãmeri ti maicõri wanure rãca jababaya mwa. Ito yicõri, “Queno ñaña mu”, wanure rãca gãmeri yiya mwa.

Mwa Jesucristore tuorũnurã sãgũre bajiro mwa usi cuti ñare ãmoa yu. Itocõ ña.

Segunda carta de San Pedro

Cristore tuorünuräre Pedro papera ĩ cõare gaye

¹ Ñati mua. Yũ ña Simón Pedro, adi papera mũare cõagũ. Jesucristore moa ĩsigũ ña yũ. ĩ oca yũ goti ucutoni yũre cũquĩ ĩ. ĩti ñami mani Ʋjũ, ito yicõri manire masoru. Queno yigũ ñari ĩ yiro bajiroti mani tuorünuroca yĩni Jesucristo. ĩre tuorünucõri sĩgũre bajiroti usi cuti wanua mani. Ito bajiri adi papera mũare cõa yũ. ² Diore, ito yicõri mani Ʋjũ Jesucristore cuni buto busa mani tuoĳaja, mani ya usi queno wanũ quenaroja manire. Ito yicõri queno manire ejabua remogũ yiguĩji Dios. Ito bajiro mua ñatoni mũare yiari Diore seni ĩsistia yũ.

Cristore tuorünurã ñari ado bajiro ñaja quena, yire gaye

³ Manire beseñi Cristo ĩre bajiro Dios ñarã mani ñatoni. Ito yicõri ĩ queno yi ñaro bajiro mani cuni yi ñatoni manire beseñi Cristo. Dios ñacõri, rëtoro masigũ ñami Jesucristo. Ito bajiri ĩre mani tuorünuja ĩ masi rëtocũrisena manire ejabuagu yiguĩji. Ito yicõri ĩ ãmoro bajiro mani cudi jeo masitoni, manire ejabuagu yiguĩji ĩ. ⁴ Rëtoro masigũ ñari ado bajiro manire goticãni Cristo: “Diore masibiticõri ñeñaro yi uyarã ñarãji adi macãrucũro gãna. ĩna ya rujũ ñeñaro iti tuoĳajare ñeñaro yirã yirãji ĩna. ĩnare bajiro mua yibe yirocu mũareama ejabuagu yiguja yũ. Ito yicõri yũ tuoĳarore bajiro mua tuoĳaroca yigũ yiguja yũ”, yicãni Cristo manire. ⁵ Ito bajiri Jesucristore riti tuorünurã ñari queno yi ñasotiruja manire ĩja. Ito yicõri Dios ocare cuni riasotiruja manire. ⁶ Ito yicõri mani ya rujunati mani ñeñaro yi ãmorisere ñemecutiruja manire. Ito bajiro tuoĳacõri buto busa Cristore tuorünuraja manire. ĩre tuorünucõri, Dios ĩ ãmoro bajiro riti mani yi ñaja quena. ⁷ Dios ãmoro bajiro yicõri, mani ñarãre cuni ti maija quena. Ito yicõri ĩnare ejabuaruja manire.

⁸ Ito bajiro mani yija quenaroja manire. Ito bajiro yicõri Jesucristo ĩ ãmoro bajiro riti yisotirã yirãji mani. Ito yicõri ĩre moa ĩsirã yirãji. Ito bajiro mani yibeja, ĩre masirã ñabobarãti, ĩre ejabuamena bajiro ñarã yirãji mani. Ito bajiri mani ñabobarise waja mano bajiroti ñarãji mani. ⁹ Ito bajiro queno yi masibicũama, “Ado bajiro yũ yire ãmoami Dios”, yi tuoĳa usiriogu meje ñami ĩocũ. “Yũ ñeñaro yirisere coeñi Dios”, yigũ ñabojaguti tudi mucana ãcabojagu ñami ĩocũ. ¹⁰ Ito bajiro yi ãmobitiruja yũ ñarã manire. Ito bajiri ĩ ãmoro bajiro riti yi ñaruja manire. Ito bajiro ñacõri, “Yũre beseñi Dios. ĩ yagu ña yũ”, yi tuoĳarã yirãji mani ĩja. Ito bajiro yi tuoĳacõri ñeñaro yi uyabitiruja manire. Diore riti mani cudiya ĩre tuorünũ jidicãmenaji mani ĩja. ¹¹ Ito bajiri Jesucristo mani Ʋjũ ĩ rotitĩñarogu ejarã yirãji mani. ĩ manire masogoruti ñari, ĩ tũju mani ejaroca yigũ yiguĩji ĩja.

¹² Adi oca masicãrã ñari itire queno cudia mua. Ito bajiro mua masicãrã ñabobarocati mũare gotitĩñagũ yiguja yũ. Ito bajiri mua ãcabojabe yirocu, biyaro mũare gotisotigu yiguja yũ. ¹³⁻¹⁴ “Yoari meje godagu yiguja yũ”, yũ yi masiroca yĩni mani Ʋjũ Jesucristo yũre. Ito bajiri itire masicõri, yũ catirocõ mũare goti ñagũ yiguja yũ maji. Ito bajiri yũ gotirisere queno mua tuoĳare ãmoa yũ. ¹⁵ Adi paperana ruje iti oca mũare gotisoticuja yũ. Ito bajiri yũ godaja bero josari mejeti itire tuoĳa bujarã yirãji mua.

Jesucristo yogũ ĩ godo wedija ticũ yũ, Pedro ĩ yire gaye

¹⁶ Mani Ʋjũ Jesucristo ĩja ĩ masiro robo ĩ tudi ejaroti gayere mũare goticu yũ. Yũmasi tuoĳa rujeocõri meje itire mũare goticu yũ. Ado bajirojua baja iti gaye. Yũmasiti ĩre ticõri, “Rëtoro masigũ ñami”, yi tuoĳacõri mũare goticu yũ. ¹⁷⁻¹⁸ Dios oca iti ruyuroca Jesús rãca gũta yucuriju ñacu yũ. Ito bajiri rëtoro yi masigũ ĩ oca ãmacũju iti ruyuja tuocu yũ cuni: “Ñiti ñami yũ Macũ, yũ maigũ. ĩre buto wanua yũ”, yi ruyucu Dios oca, yũ tuoĳa. Iti ruyuroca Jesucristo buto yogũ ĩ godo wedija ticũ yũ. Jeyaro iti rëtaja ticõri,

“Cristore buto rucubuoami mani Jacu Dios. Ito yicōri ī masirise jidicāni Dios ĩre”, yi tuoīa yu.

¹⁹ Iti rētaja tigoru nari, “Diore goti ĩsiri masa naro bajiroti queno yi ucayoīni ĩna”, yi tuoīa yu ĩja. Ito bajiri ĩna ucayore mani tuorūnaja quena. ĩna ucayore mani queno riasotija, “Ado bajiro yu yire āmoami Dios”, yi tuo masirā yirāji mani. Ado bajirojua baja. Rāitīaroju sīaticōri mani waja, wa masirāji mani. Ito bajiri guijoroju wamenaji mani. Itire bajiroti Dios oca mani riasotija, ĩre cūdirā yirāji mani. Ito yicōri guijoro ruore oca gotirāre tuorūnāmenaji mani. Ito bajiri Jesucristo ī tūdi ejaroto riojua, Dios ocare riasotirā riti nā yuraja manire. Ito bajiri Jesús eja wacūti mani tuo masibitire mani tuo masi jediroca yigu yiguīji. ²⁰⁻²¹ Queno tuoia mua. Buto busa nāsarisere muare gotigu ya yu. Dios ocare rujeobiticā masa. ĩnamasi tuoīa rujeocōri meje ucayijarā Dios oca goti ĩsiri masa. Ado bajirojua baja. Jane mejeju Diore goti ĩsiri masare quedi sājacōri, Dios oca ĩna uca masiroca yiyiju Espiritu Santo.

2

Ado bajiro riasorā yirāji ruori masa, yire gaye
(Jud 4-13)

¹ Ito bajibojarocati gājerāma ruore oca gotiyijarā ĩna. “Diore goti ĩsiri masa nā gua”, yi ruoyijarā ĩna. Adi rūmuri cūni mua wato nārāji ĩnare bajiro ruo jairā. “Dios oca riojo gotirā nā gua ĩja”, yi riaso ruorā yirāji ĩna. Ito bajiro riaso ruocōri Jesucristo ocare masa ĩna jidicāroca yirā yirāji ĩna. Iti gaye riti meje ruorā yirāji ĩna. “Manire goda ĩsiru meje nāmi Jesucristo”, yi ruorā yirāji. Ito yicōri, “Mani Ūju meje nāmi ĩ”, yirā yirāji ĩna. Riojo meje riasorā yirāji ĩna. Ito bajiro ĩna yija tuocōri, yoari mejeti ruyuriogu yiguīji Dios ĩnare. ² “Mani ya rujunati mani yi āmorise mani yija quena”, yi ruorā yirāji ĩna. ĩna ruorisere tuorūnucōri jājarā masa ĩnare bajiro nēnaro yirā yirāji. Ito bajiro nēnaro yicōri Cristo oca nāsarisere aja tudirā yirāji masa. Ito bajiri Cristo ocare ĩna aja tudija, ruore oca riasotirāre seti naro yiroja. ³ Ito yicōri mua ya gajeoni buja āmorā, muare ruorā yirāji ĩna. Ito bajiro ĩna nēnaro yiroto riojua masicāyiju Dios. Iti masicōri, “ĩna nēnaro yirise waja, waja senicuja yu”, yi tuoīayiju Dios. Ito bajiri co rūmu ĩnare waja senirocu ācabojabiquīji Dios.

⁴ ¿Dios naro gāna āngel mesa oca masiati mua? Jane mejeju jājarā āngel mesa nēnaro yi āmorā queno Diore cūdibisijarā ĩna. Ito bajija ticōri, “No yibea yure”, yibisiju Dios. Buto rāitīaroju ĩnare cōayiju ĩ. Ito yicōri ĩna nēnaro yirise waja, waja ĩ seniroti rūmu riojua ito riti ĩnare cūyiju ĩ. Ito bajiroti ruore oca riasotirāre cūni buto waja senigū yiguīji Dios.

⁵ ¿Jane mejeju Noé nāyoru ĩ nāroca nāgoanare masiati mua? ĩna nēnaro yirise ticōri ĩnare ruyurioyiju Dios. Ide jairo idé queoyiju, ĩna ruja godajaro yirocu. “Mua nēnaro yiriserē jidicārūja muare”, yibojayiju Noé nāyoru masare. Ito ĩ yibojarocati jidicābisijarā ĩna. Ito bajiri Noé, ito yicōri ĩ nārā juā āmojeno nārāre riti masoyiju Dios. ⁶ ¿Sodoma gāna nābojana, Gomorra gāna nābojana oca cūni masiati mua? Buto ĩna nēnaro yija ticōri, ĩnare ruyuriorocu jea queoyiju Dios ĩna ya cūtorire. Ito bajiro yiyiju Dios, “ĩre cūdimenati mani nēnaro yija manire cūni ruyuriogu yiguīji Dios”, yi mani tuoīa masitoni.

⁷⁻⁸ ¿Queno yigoru Lot wame cūtigu oca masiati mua? Sodoma gāna, Gomorra gānare cūni ruyurio jeobojaguti ito gagu Lot sīgūreti ruyuriobisiju Dios. Diore rucubuoogu nāyiju Lot. Co rūmu ruayabeto ĩ tu gāna nēnaro ĩna yija, tisotibojayiju Lot. Ito yicōri ĩna nēnaro busirisere cūni tuosotibojayiju ĩ. Rēore gaye nābojarocati nēnaro yi ajeyijarā ĩna ūmua comasiti. Ito bajiro ĩna yija ticōri, ĩ ya usijūama bojori bujayiju Lot nāyoru. Ito bajiri ĩreama ruyuriobisiju Dios. ⁹ Iti ocare tuocōri, “Mani nēnaro yitoni rūmū ĩ usirioro yi codeja, manire ejabuagu yiguīji Dios. Ito yicōri mani nēnaro yibe yirocu, manire ejabuagu yiguīji ĩ. Ito bajiri nēnaro yirāreama ācabojabiticōri, ĩja ĩ waja seniri rūmu ĩnare waja senigū yiguīji Dios”, yi tuoīa mani.

¹⁰ ĩna ya ruju ito nēnaro tuoīaro bajiro yirāre, ito yicōri, “Ūjarāre cūdibicuja yu”, yirāre cūni buto busa waja senigū yiguīji Dios. ĩna nāma nēnaro busicōri bojo masimena. “Gua

āmoro bajiro busirā yirāji gua”, yama inaōna. Ito yicōri ángel mesare rucububiticōri, ina rotirisere aja tudirā yirāji inaōna. ¹¹ Inare bajiro yibeamā Dios n̄aro gāna ángel mesa. R̄ore oca riasorā r̄etro masirā n̄ama ángel mesa. R̄etro masirā n̄abojarāti, “Ana r̄ore oca riasori masa n̄eñaro yirā n̄ama ina. Ito yicōri inare seti n̄a”, Diore yi gotibeamā ina. N̄eñaro busitu āmomēna n̄ama ángel mesa.

¹² Ito m̄a wato r̄ore oca riasori masa, waibucurā bajiro queno tuoīamēna n̄arāji ina. “Ija ado bajiro r̄etro yiroja ȳre”, yi tuoīa masibitibojarāti, ina āmoro bajiro riti yama ina. Ito yicōri Dios oca ina tuo masibitire, aja tudiamā ina. Waibucurāre mani s̄aro bajiroti riaso r̄orāre ina n̄eñaro yija ticōri, inare ruyuriogu yiguīji Dios. ¹³ Ito bajiro yiguti inare waja senigū yiguīji Dios, masa n̄eñaro tōbujaroca ina yire waja. Bojomenati, m̄m̄ati n̄eñaro yama inaōna. Ito bajiro yicōri itire buto wan̄ama ina. M̄a rāca minijuacōri “Queno yirā n̄a gua”, yi r̄oama ina. Ito bajiro yibojarāti, buto n̄eñaro tuoīarā n̄ama inaōna. M̄a queno tuo masibeja inare bajiroti n̄eñaro yirā yirāji m̄a c̄ni.

¹⁴ Gāji manojore ticōri, “Iso rāca yi aje āmoa ȳ”, yi tuoīama ina. N̄eñarise riti tuoīa uyama ina, r̄ore oca riasori masa. “Mani ya ruj̄nati mani yi āmorise mani yija quena. Itire ti tebiqūji Dios”, yi r̄oama ina, Diore queno masimenare goti r̄orā. Gājerā ya gajeonire ti uocōri itire buja āmorā tuoīarāji inaōna. Ito bajiri r̄ore oca goticōri josari mejeti gāji ya gajeoni bujama inaōna. Ito bajiro ina yi n̄aja ticōri, inare ruyuriogu yiguīji Dios. ¹⁵ Dios oca quenarise tuogoana n̄abojarāti iti oca jidicāna n̄ama inaōna. Ito bajiro gaje tuoīacōri n̄eñaro tuoīama ina. Beor mac̄, Balaam wame c̄tigū n̄ayor̄e bajiro n̄eñaro yama ina c̄ni. Diore goti isiri mas̄ n̄abojaguti niyeru buto maigū n̄ari, “R̄ore oca ȳ gotija queno bujagū yigūja ȳ”, yi tuoīabojayij̄ Balaam. ¹⁶ Ito bajiro tuoīabojā, burro joe ī jesa waroca, ado bajiro yiyij̄ Dios. Mas̄re bajiro burro ī busiroca yiyij̄ Dios. Ito bajiro ī yirocati busis̄oyij̄ burro: “Buto n̄eñaro yi tuoīa m̄. Ito bajiro n̄eñaro m̄ tuoīarise, tuoīabesa m̄”, yi tudiyij̄ burro īre. Ito bajiro ī yija tuo ucacōri, ī n̄eñaro tuoīarise jidicāyij̄ Balaam n̄ayor̄.

¹⁷ Queno tuoia m̄a. M̄are goti masiore ocana gotigū ya ȳ. Ide āmorā jaibitiya warā yirāji mani. Ito ejaōri cara quearaya mani tija, bojori bujarā yirāji mani, ide idi āmobarā. C̄ma n̄aroca c̄ni, ide bueri ti āmarā yirāji mani ide āmorā. Ito bajiro mani ti āma r̄ugōroca ide buerire mino iti w̄a r̄etocōja bojori bujarā yirāji mani ide āmobarā. Iti mani āmaro bajiroti, Dios oca tuo āmorā ī oca gotirā t̄j̄ warā yirāji mani. Ina t̄j̄ ejaōri r̄ore ocati ina goti n̄aja bojori bujarā yirāji mani, Dios oca quenarise tuo āmobarā. Ito bajiro r̄ore oca riasorāre ija inare ī cōaroto buto r̄ait̄aro quenocāyij̄ Dios. ¹⁸ N̄eñaro yirā n̄acōri masa jeyarore wan̄re rāca r̄o gotiamā ina. “Mani ya ruj̄nati mani yi āmorise mani yija, quena n̄a. No yibea”, yi usirio codeama gājerāre. Bujato yama ina. Ito bajiro ina riasoja tuocōri, “Riti yama ina”, yi tuoīarā yirāji can̄ busati Jesure masis̄oana. Ito bajiri t̄di n̄eñaro yi uyarā yirāji m̄cana, n̄eñarise jidicābojana. ¹⁹ Ado bajiro gotiamā r̄ore oca riasori masa: “Jeyaro mani ya ruj̄nati mani yi āmorise mani yija, quena n̄a. No yibea. Ija co r̄m̄ mani jidicā āmoja, jidicārā yirāji mani”, yi r̄oama ina. Ito bajiro yibojarāti ina n̄eñaro yirisere jidicā masibeamā ina. Ado bajiroj̄a baja. No n̄eñarise riti tuoīa uyagū ī n̄eñaro yirisere jidicā āmobiqūji ī. ²⁰ No Jesucristo mani Ūj̄re tuor̄n̄urā adi sita n̄eñarise jidicārā yirāji ina. Ito yibojarāti m̄cana t̄di n̄eñaro ina tuoīa uyaja, buto busa n̄eñaro yirā yirāji ina. Ito bajiri Jesucristore ina tuor̄n̄uroto rioj̄a ina n̄eñaro yiado r̄eto busaro n̄eñaro yirā yirāji ina īja. ²¹ Cristo oca masibojarāti, Dios rotirisere jidicācōri t̄di n̄eñaro yirā yirāji ina. Ina ito bajiro yija ticōri, buto busa waja senigū yiguīji Dios inare. Ito bajiri Cristo ocare masibiticōr̄uj̄abojāni ina. ²² Jane mejeju gaye oca gotire bajiro baja adi. Tite m̄a: “M̄nocōri īmasiti t̄di bagū yiguīji ecar̄ yai. Ecana yeseare mani guja bero īn̄amasiti ūeri w̄rā yirāji ina”, yi gotia jane mejeju gaye oca. Ito bajiroti yama Dios rotirisere jidicācōri m̄cana t̄di n̄eñaro yirā.

3

Ado bajiro, bajiro yiroja mani ʘʘ ɪ tɔdi ejaroto riojua, yire gaye

¹ ʘ ɲarā itɪ rʘmʘ mʘare papera cōacʘ ʘ. Ito bajiro ʘ cōarisenati Dios oca goticʘ ʘ. Quenarise riti tʘoɪajaro ɪna yirocʘ, ito bajiro mʘare papera cōacʘ ʘ. Adi paperana cʘni ito bajiroti uca ʘ mʘcana, quenarise riti mʘa tʘoɪa sʘyajaro yirocʘ. ² Diore goti ɪsiri masa ɪna goti yurisere ācabojabesa mʘa. Ito yicōri mani ʘʘ oca gʘa goti ucutoni ɪ cʘana goti ucurisere cʘni ācabojabesa mʘa. Manire masorʘ ɪ rotirise goticʘ gʘa mʘare.

³ ɲasarise mʘare gotigʘ ʘa ʘ. Ito bajiri itire queno tʘoɪaɲa mʘa. Adi macārucūro jediroto riojua Dios ocare aja tudiri masa jājarā ɲarā yirāji. Ito yicōri ɪna ʘa rujʘnati ɪna ɲeɲaro yi āmorise yirā yirāji ɪna. ⁴ Ado bajiro aja tudirā yirāji ɪna: “ɪNojʘ ɲati, ‘Mʘcana tɔdi ejagʘ yigʘja ʘ’, yibojarʘ? Ito bajiro yirʘ ɲabojaguti tɔdi ejabicʘ yiguɪji Cristo. Tite mʘa. Mani ɲicʘsabatia ɪna ɲado bajiroti bajia adi rʘmʘri cʘni. Iti rʘmʘjʘ ɲado bajiroti bajia adi rʘmʘri cʘni. Mʘcana tɔdi ejabicʘ yiguɪji Cristo”, yi aja tudirā yirāji ɪna. ⁵ Ito yibojarāti adi macārucūro Dios ɪ rujeorere tɔdi tʘoɪa ʘya āmobeama ɪna. “ɪ ʘa ocanati adi macārucūro gayere rujeoyijʘ Dios. Ito yicōri idere ɪ bata rotirocati sita ruyucoayijʘ ɪja”, yi tʘoɪa āmobeama ɪna. ⁶ Ado bajirojua bajia. Adi macārucūro ʘʘ ɲami Dios. Ito bajiri ɪ rujeoja bero yoari ɲeɲaro masa ɪna yija ticōri, ide quedi rotiyijʘ Dios. Ito bajiro yicōri adi macārucūro ɲarāre ito yicōri adi macārucūro gaye jeyarore ruyurioyijʘ Dios. ⁷ Adi sita, ito yicōri macārucūro cʘni Dios ɪ masirisena riti ɲa. Ito bajibojarocati itire ruyuriogʘ yiguɪji Dios. ɪ ʘa ocana riti adi macārucūrore ruyuriorocʘ soe jeogʘ yiguɪji Dios. Masare ɪ waja seniri rʘmʘ ito bajiro soe jeogʘ yiguɪji Dios. Ito yicōri ɲeɲaro yirāre waja senicōri ɲnare ruyuriogʘ yiguɪji Dios.

⁸ ʘ ɲarā adire ācabojabesa mʘa. ʘsirioro yigʘ meje ɲami mani ʘʘ. ɪ tija yoabea mil rodori ɲarise. Co rʘmʘacāti bajiro bajia ɪ tija. ⁹ Mani tijama yoari sejami Dios. “ɪ yiro bajiro ejori yibeami ɪ”, yi tʘoɪa mani. Ito bajiro mani tʘoɪabojarocati, ado bajirojua bajia. ɲeɲaro yirāre ejori ruyurio āmobeami Dios. Masa jeyarore ti maicōri sɪgʘ jeamejʘ ware āmobeami Dios. Ito bajiri, “No ʘare tʘorʘnʘgʘreti jeame ʘjurojʘ cōabicʘ yigʘja ʘ”, yi tʘoɪacōri ɲnare yugʘ yiguɪji Dios maji.

¹⁰ Ito bajiro yubojaguti co rʘmʘ tɔdi ejagʘ yiguɪji Jesús. “Jane tɔdi ejagʘ yiguɪji ɪ”, mani yi tʘoɪabiti rʘmʘ tɔdi ejagʘ yiguɪji Jesús. ɪ tɔdi ejari rʘmʘ ũmacʘjʘ guijoro oca ruyuro yiroja. Ito yicōri macārucūrojʘ yobojana jedirā yirāji. Ito yicōri adi sita jeyaro ɲabojarise ʘa jedicoaro yiroja. Masa ɪna menigobojare cʘni jeyaro ʘa jedicoaro yiroja. ɲejua rʘyabeto yiroja ɪja.

¹¹ “Ito bajiro adi sitare ruyuriogʘ yiguɪji Dios”, yi tʘoɪacōri, ado bajirojua yirʘja manire. Quenarise riti yirʘja manire. Ito yicōri Diore rʘcʘbuorā ɪ yiro bajiro riti cʘdirʘja manire. ¹² “Co rʘmʘ mani ʘʘ tɔdi ejagʘ yiguɪji”, yi tʘoɪa ɲarʘja manire. Ito bajiro tʘoɪacōri, “Coji ɪ ejare āmoa ʘ”, yi tʘoɪarʘja manire. Ito bajiro tʘoɪacōri quenarise riti yi ɲarʘja manire. “ɪ ejari rʘmʘ macārucūro, adi sita ɲarise jeyarore ruyuriogʘ yiguɪji Dios”, yi tʘoɪa mani. ¹³ Iti tʘo masibojarāti gʘi ʘsirioimenaji mani. “Dios ɪ āmoro bajiro yigʘ yiguɪji”, yi tʘoɪa mani. “Adi macārucūrore ruyuriocōri jacajʘ cʘni ũmacʘjʘ cʘni mame rujeo wasoagʘ yiguɪji Dios. Ito yicōri itojʘ queno yirā riti catitɪɲarā yirāji”, yi tʘoɪa mani. Ito bajiri Dios ɪ bʘsigore masicōri gʘi ʘsirioimenati ɪre yurā yirāji mani.

¹⁴ ɪ tɔdi ejari rʘmʘ bocati ɲarā ɲacōri, mani ɲeɲaro yirisere jidicā jeorʘja ʘ ɲarā manire. Ito yicōri, “ɪ āmoro bajiro riti yicʘja ʘ”, yi tʘoɪa ɲarʘja manire. Ito bajiro yi ɲarāti Dios rāca sɪgʘre bajiroti ʘsi cʘti ɲarʘja mani. Manire ɪ ti wanʘtoni ɲe seti mana mani ɲaja quena. ¹⁵ Coji ɪ ejabeja ticōri, ado bajiro yi tʘoɪarʘja manire. “Masa jājarā bʘsa maso āmogʘ adi macārucūrore ruyuriorocʘ ʘsirioibeami Dios”, yi tʘoɪarʘja manire. Adi ʘa ucare bajiro mʘare ucaɲi Pablo mani maigʘ cʘni. Dios ɪ masirisena ito bajiroti yi ucaɲi Pablo mʘare. ¹⁶ Coji rʘyabeto mʘare ucagʘ ito oca gotiɲi Pablo. Ito bajibojarocati josari ɲa ɪ riasogore oca. Ito bajiri ɪ ucagore tʘo masi āmomenama ricati riasorā yirāji. “Ado bajiro yi āmoɲi Pablo”, yi rʘorā yirāji ɪna. Ito bajiroti Dios oca tuti ticōri wisare oca

riasorã yirãji ñna. Ito bajiro ñna yija ticõri, ñnare waja senirocũ ñnare ruyuriogũ yiguĩji Dios.

¹⁷ Queno tũoya yũ ñarã mũa. “Dios oca riasori masa ña gua”, yibojarãti rũore oca gotirã yirãji coriarã. Itire tũo masicã mũa. Iti masicõri queno tũoĩa yucãña mũa. Diore cũdimena ñna rũorise ocare tũorũnũbesa mũa. Ito yicõri Jesure tũorũnurã ñnari ñre jidicãbesa mũa. ¹⁸ Ado bajirojũa mani yija quena. Bũto bũa mani Ujũ Jesucristore tũorũnurũja manire. Ito yicõri ñre mani cũdi masitoni, ñ ocare riasotirũja manire. Ñti ñnami manire masorũ. Ito bajiri ñre rũcũbũorona ado bajiro ñre busitĩñarũja manire: “Rẽtoro masigũ ña mũ. Ñimũ gãji mũre bajiro masigũ mami”, yitĩñarũja manire. Itocõ ña.

Primera carta de San Juan

*Jane mejeju*ti Dios oca goti rēto**bu**rocū ĩ ñacāre gaye

¹ Ñati yu ñarā m̄ua. M̄uare papera cōa yu. Macārūcūro iti rujearoto riojuajū, Dios oca goti rēto**bu**rocū ñacāyijū. Guamasiti ĩre ticōri, ĩre t̄uocōri, ĩre moaĭacōri m̄uare gotia yu. Īti ñami mani catitĩñaroca yi masigū. ² Dios oca goti rēto**bu**rocū ĩ goaroca ticu gua. Īti ñami Jesucristo catitĩñare r̄ucogū. Ito bajiri gua tigare m̄uare gotia yu. Guare goaĭocacūti, mani Jacū Dios rāca ñayijū. Īre gua tiroca yĩñi Dios. Ī gayere m̄uare busia yu. ³ Gua tigare m̄uare gotia yu. Gua tuogore cūni m̄uare gotia yu. Gua rāca sigū robo bajiroti m̄ua usi cutitoni m̄uare gotia yu. Dios ĩ usi cutiro bajiroti usi cutia gua. Ī Macū Jesucristo rāca cūni ito bajiroti usi cutia gua. Dios ĩ usi cutiro bajiroti m̄ua usi cutitoni m̄uare gotia yu. Ito yicōri ĩ Macū rāca m̄ua usi cutitoni m̄uare gotia yu. ⁴ Adi m̄uare gotia yu sigū robo bajiro mani wanū quenatoni.

Busurise r̄ucogū ñami Dios, yire gaye

⁵ Busurise r̄ucogū ñami Dios. Rāit̄iarise ma ĩre. Ito bajiroti gotiquĩ Jesús guare. Ito bajiri iti t̄uocōri m̄uare gotia yu. ⁶ “Dios ĩ usi cutiro bajiroti usi cutia yu”, mani yibojaja cūni, ito yicōri ñeñaro mani yirise jidicābeja, manimasiti ruoa mani. Ito yicōri riojo gotire gaye cūni cūdirā meje ña mani. ⁷ Dios ĩ queno yi ñaro bajiro mani yi ñaja, sigū robo bajiro usi cutirā yirāji mani. Ito yicōri ĩ Macū Jesucristo ya r̄inati mani ñeñaro yirise coe jeoroja.

⁸ “Ñeñaro yirise ma yure”, mani yibojaja, manimasiti ruoa mani. Ito bajiri riojo gotirā meje ña mani. ⁹ Yiro robo yigu ñami Dios. Ito bajiri ĩre mani gotija, ñeñaro mani yirise coe jeogu yiguĩji. Ito yicōri mani ñeñaro yirisere ācabojogu yiguĩji Dios. ¹⁰ “Ñeñaro yigu meje ña yuama”, mani yibojaja cūni, “Ruore jaigu ñami Dios”, yiado bajiro ya mani. Ito bajiro mani yija, Dios oca mani ya usiju manoja manire.

2

Manire busi ejabuagu ñami Cristo, yire gaye

¹ Yu r̄ia robo bajiro bajirā ña m̄ua. Ito bajiri ñeñarise m̄ua yibe yirocū, adi m̄uare gotia yu. Mani ñeñarise yijama, sigū ñami Diore manire busi ĩsigū. Ī ñami Jesucristo, ñeñarise yĩabicū. Ito bajiri Diore busigu yiguĩji manire yari. ² Jesús ya r̄ina suoriti, mani ñeñaro yirise waja yicāre ña. Mani ye riti meje waja yicāñi. Masa jeyaro ye cūni waja yicāñi Jesús.

³ Dios rotirise yiro robo mani cūdija, “Īre masia yu”, yi t̄uoĭa masia mani. ⁴ No, “Jesure masia yu”, yibojaguti, ĩ rotirise yiro robo cūdibicū, socagu ñami ĩocū. Ito bajiri riojo gotigu meje ñami ĩocū. ⁵ No Dios rotirise riojo cūdigū, ĩre buto t̄uoĭaguĩji. Diore riojo mani cūdija, “Īre bajiroti usi cutia yu cūni”, yi t̄uoĭa masirāji mani. ⁶ “Dios robo bajiro usi cutia yu”, yigu Jesucristo ĩ ñado bajiro ñaja quena.

Mame rotire gaye

⁷ Yu mairā, adi papera m̄uare cōa yu. Mame oca meje m̄uare gotia yu. Jane mejeju masa rāca ñasure ña adi oca. M̄ua tuogoreti ña adi oca. ⁸ Ito bajibojarocati, oca mame robo bajiro eja m̄uare. Rāit̄iarise rēta wado bajiro m̄ua masibitigore rēta waju. Ito bajiri oca ñasarise masia m̄ua ĩja. Iti ocare cūdiñi Jesucristo. Ito yicōri m̄ua cūni iti ocare cūdia.

⁹ Sigū, “Busuroju ña yu”, yibojaguti, ĩ ocabajire ti tudigu, rāit̄iarojuti ñacōguĩji maji. ¹⁰ Ī ocabajire buto ti maigūama, busuroju ñaguĩji ĩocū. Ito bajiro busuroju ñagū ñeñarise yi uyabiquĩji. ¹¹ Ī ocabajire ti tudigu rāit̄iarojū wa ucuguĩji. Ī waroto masibiquĩji ĩ. “Itiju waju”, yi masia manoti wa ucuguĩji ĩ. Rāit̄iaro ĩ ya cajea ruyubejare, cajea macū robo bajiro bajiguĩji ĩ.

¹² Yũ rĩa robo bajirã mũa ñajare iti mũare gotia yũ. Jesucristo ya rína suoriti ñeñaro mani yirisere coeñi Dios. ¹³ Tũoya bũcurã mũa. Adi papera mũare menia yũ. Macãrucũro rujearoto riojuaju ñasũorũre masirã ña mũa. Mũa mamarãre cũini adi papera cõa yũ. Rũmũre cũdigoana ñabojarãti ĩ robo bajiro tũoĩabea mũa ĩja.

¹⁴ Tũoya rĩaca mũa. Mũare cũini adi papera coa yũ. Mani Jacũ Diore masirã ña mũa cũini. Mũa bũcurãre adi papera cõa yũ. Macãrucũro rujearoto riojuaju ñasũorũre mũa masijare mũare papera cõa yũ. Mũa mamarãre cũini papera cõa yũ oca sũorã mũa ñajare. Dios ocare cũdirã ña mũa. Ito bajiri rũmũ robo bajiro meje tũoĩa mũa ĩja.

¹⁵ Adi macãrucũrore maibesa mũa. Ito yicõri adi macãrucũro ñarisere cũini maibesa mũa. Macãrucũro ñarisere bũto maigũ, mani Jacũre maibiquĩji. ¹⁶ Mani ya rujũna mani ñeñaro yi ãmorise, Dios gaye wadire meje ña iti. Adi sita gaye ña iti. Mani ya cajeana ti wanũcõri ñeñaro yi ãmorise, adi sita gayeti ña. Mani gajeoni cũtirise sũ bajiro mani yirise, Dios ye wadire meje ña iti. Adi ñeñaro yire jeyaro adi sita gayeti ña. ¹⁷ Ado mani ñari sita jedi wajũ. Adi macãrucũro ñeñarise cũini jedi wajũ. Dios ĩ ãmoro bajiro yiguama catitĩnagũ yiguĩji.

Oca riojo gotire meje ña socare, yire gaye

¹⁸ Tũoya yũ rĩa mũa. Jabeto rũya adi macãrucũro iti jediroto. Cristo wajacũ ĩ wadire gaye tũoyija mũa. Ito bajiri ado bajiro mũare gotia yũ. Gãjerã Cristo wajana jãjarã ejacoama ado ĩja. Ito bajiri, “Sũmejeti ña sũsari rũmũ iti ejaroto”, yi tũo masia mani. ¹⁹ Mani rãca ñabojarãti mani robo bajiro usi cũtibiticã ĩna. Ito bajiri manire wagocã ĩna. Mani robo bajiroti ĩna usi cũtijama manire budigobitibocã ĩna. ĩna budigojare, “Mani robo bajiro usi cũtirã meje ñaĩni ĩna”, yi tũo masia mani.

²⁰ Espĩritu Santo sãĩni Cristo mũare. Ito bajiro ĩ yijare ñasarise ti masia mũa. ²¹ Ñasarise masirã mũa ñajare, papera cõa yũ mũare. Ñasarise masimena meje mũa ñajare mũare papera cõa yũ. Oca riojo gotire gaye meje ña socare gaye. Itire masia mũa.

²² ¿Ñimũ ñati, socari masũ? Ado bajiro gotiami socari masũ: “Cristo meje ñami Jesús”, yigu, ĩ ñami socagu. ĩjũa ñami Cristo wajacũ. “Mani Jacũ meje ñami Dios”, yigu ñami ĩ. Ito yicõri, “Dios Macũ meje ñami Cristo”, yigu ñami ĩ. ĩocũ ñami socari masũ. ²³ “Cristo meje ñami Jesús”, yigu Diore masigũ meje ñami ĩ. “Jesús ñami Cristo”, yiguama Diore masigũ ñami ĩocũ.

²⁴ Cajero oca mũa tũogore queno tũoĩama. Itire ãcabojabeja. Iti oca mũa tũogore queno mũa tũoĩatĩñaja, Jesús rãca, Dios rãca cũini ĩna robo bajiroti usi cũtirã yirãji mũa. ²⁵ Jesucristo goticãĩni manire, catitĩnare gaye ĩsirocũ.

²⁶ Coriarã mũare rũo ãmoama. Ito bajiri mũare adi papera cõa yũ. ²⁷ Espĩritu Santo sãĩni Jesús manire. Ito bajiri manire riasori masũ ñatĩĩami. Dise rũyabeto manire riasogu yiguĩji Espĩritu Santo. ĩ riasorise riti ña. Socare gaye meje ña. ĩ riasoro bajiroti yiya mũa cũini. Jesús robo bajiroti usi cũtiya mũa cũini.

²⁸ Queno tũoya, yũ rĩa robo bajirã mũa. Jesús ĩ usi cũtiro bajiroti usi cũini ñaĩna mũa cũini. Ito bajiro mũa usi cũini ñaja, Jesús ĩ tũdi ejari rũmũ gũire manoja mũare. Ito bajiri ĩ ejaroca bojore mano yiroja mũare. ²⁹ “Ñeñarise yigu meje ñami Jesús”, yi masirãji mũa. Ito bajiri, “Queno yirãma Dios rĩa ñama”, yi masirũja mũare.

3

Dios rĩa ñare gaye

¹ Tũoya mũa. Mani Jacũ Dios bũto maĩami manire. Ito bajiri, “yũ rĩa”, yami manire. Riti ĩ rĩa ña mani. Adi macãrucũro gãnama Diore ti masimenaji. Ito bajiri manire cũini ti masimenaji ĩna. ² Tũoya yũ mairã mũa. Dios rĩa ña mani. Mani riojua, “Ado bajiro ñarã yirãji”, yi masibea mani. Ito bajibojarocati Jesús ĩ goãĩoroca ĩ robo bajiro bajirã yirãji mani. ĩre ti masicõri ĩ robo bajiro bajirã yirãji mani. ³ “ĩre tigu yiguja yũ”, mani yi tũoĩa yuja, ñeñarise yimenaji mani ĩja. Jesús robo bajiroti ñeñarise yimenaji mani cũini.

⁴ Ñeñarise riti yitĩñagũ, Dios rotirise cudigu meje ñami. Dios rotirise mani cudibeja, iti ña ñeñaro yire. ⁵ “Jesucristo ñeñarise yigu meje ñami”, yi tuo masirãji mua. Jesucristo adi macãrucũro wadiĩni mani ñeñaro yirise waja yirocu. Itire masia mua. ⁶ No Jesús robo usi cutiguti, ñeñarise yi uyabiquĩji. Ñeñarise riti yitĩñagũ, Jesure tĩagũ meje ñami maji. Ito yicõri Jesure masibicu ñami maji. ⁷ Muare ruoronare tuobesa yu rĩa mua. Ñeñarise yibicu, ĩ cuni Jesús robo bajiroti quenagũ ñami. ⁸ Ñeñarise riti yiguama rũmũ yagu ñami. Cajerojuti ñeñarise yigu ñañi rũmũ. Ito bajiro bajisurocu ñami ĩ. Rũmũ ĩ ñeñaro yirisere cõarocu wadiĩni Dios Macu.

⁹ Dios rĩa ñarã ñeñarise yi uyamenaji. Dios gaye tuoĩare ña ĩnare. Mucana tũdi rujea quenoana ñama ĩna. Ito bajiri adocãta Dios rĩa ñama ĩna. Ito bajiri ñeñarise yi uyamenaji ĩna. ¹⁰ ¿No bajiro ti masirãjida mani, Dios rĩa ĩna ñaja? Ito yicõri, ¿no bajiro ti masirãjida mani, rũmũ rĩa ĩna ñaja? Ado bajiro ti masirãji mani. Ñeñarise yitĩñagũ, ito yicõri ĩ ocabajire ti maibicu, Dios yagu meje ñami ĩocũ. Rũmũ yagu ñami ĩ.

Corocõti gãmeri maija quena, yire gaye

¹¹ Mani ya rujure mani mairo robo bajiroti gãjerãre cuni maija quena. Adi ña Dios oca cajero ĩre masisuroã mua tuore gaye. ¹² Caĩn ñayoru robo bajiro yibesa mua. Rũmũre cudigu ĩ ocabajire sãayiju Caĩn ñayoru. ĩ ocabaji quenarise tuoĩagũ ñayiju. Caĩnjuama ñeñarise riti tuoĩagũ ñayiju. Ito bajiri ĩ ocabajire sãayiju ĩ.

¹³ Tuoya yu ñarã mua. Adi macãrucũro gãna muare ĩna ti tudija, “Abo, ¿no yija yure ti tudiatibe ĩna?” yi tuoĩabeja. ¹⁴ Mani godabore gaye rãtocũni Dios. Ito bajiri catitĩñare gaye manire ĩsiĩni ĩ. Mani ñarãre mani ti maija, “Ito bajiroti baja”, yi masirãji mani. ĩ ocabajire ti maibicu godacãru bajiro bajiguĩji. Jeame ĩjuroju wacu yiguĩji ĩocũ. ¹⁵ ĩ ocabajire ti tudigu sãari masuti ñami Dios ĩ tija. Sãari masu catitĩñare rucobiquĩji. Itire masirã ña mua cuni. ¹⁶ Cristo manire goda ĩsiĩni. Ito bajiri, “Manire buto maĩami Cristo”, yi masirã ña mani ĩja. Mani ñarãre ti mairuja manire, ĩnare mani goda ĩsiroti ñabojarocati. ¹⁷ Gajeoni jaigu ĩ ñarã bojoro bujarãre ejabuabicu ñabojaguti “Diore maia yu”, yibojagu yiguĩji ĩocũ. ¹⁸ Yu rĩa, gãjerãre cuni ti mairuja manire. “Gãjerãre ti maia yu”, yicõri ĩnare cuni ejabuajarãji mani.

Cristore mani tuorũnaja Dios ĩ tiro riojo güimenaji mani, yire gaye

¹⁹ Mani gãjerãre ti maija, “Cristo, riojo gotigu, ocabaji ña yu”, yi tuoĩarãji mani. Ito bajiri Dios ĩ tiro riojo mani ya usi tuoĩa usirio yimenaji mani. ²⁰ Mani ya usiju mani tuoĩa usirioja, mani ñeñaro yirisere tuoĩarã yirãji mani. Ito bajiro mani tuoĩaja Dios manire tuo masi ñaguĩji. Mani tuoĩarise ñarocõti ti masiami Dios. ²¹ Yu mairã, tuoya mua. Mani ya usi iti tuoĩa usiriobeja, güire ma manire Dios ĩ tiro riojo. ²² Dios yiro robo mani cudija, mani seniro bajiroti ĩsiguĩji. ²³ Ado bajiro manire rotiĩni Dios, “Yu Macu Jesucristore rũcũbuoya mua. Ito yicõri masa ñarocõreti ti maĩña mua”, yĩni Dios. Adi ña ĩ rotire ñasarise. ²⁴ Dios rotirise yiro robo cudirã ĩre bajiroti usi cutirãji ĩna. ĩna ya usiju ñaguĩji Dios. “Mani ya usiju ñaguĩji Dios”, yi tuo masia mani. Ito bajiro mani tuoĩa masiroca yami Espiritu Santo manire.

4

Dios ya usi, usi cutimena Cristo wajana ñama ĩna, yire gaye

¹ Tuoya yu mairã mua. “Diore yiari busia yu”, yirã ĩna ñabojarocati queno ĩnare tuo suyamenaji mani. Socari masa jãjarã ñarãji adi sitajure. “Diore busirã ña gua”, yibojama ĩna. Dios rĩa ĩna ñajama, queno ruore oca mano gotirã yirãji ĩna. Ito bajiri queno tuo masiña mua. ² “Adi sitaju wadicõri masu rujuna rujeañi Jesucristo”, yi gotigureama Dios ya usi ñaroja ĩre. Ito bajiro ĩ yijare, “Dios oca busi ĩsigũ ñami”, yi masirãji mua. ³ “Jesucristo masu rujuna meje rujeañi”, yirãreama Dios ya usi manoja ĩnaõnare. ĩna ñarãji Cristo wajana. “Cristo wajana wadirã yirãji”, yire gaye tuoyija mua. Ito bajiri muare gotia yu, adi macãrucũroju ñacãma ĩna ĩja.

⁴ Tuoŷa yu rĭa mġa. Dios ñarġ ña mġa. Mġa ya ŷsiĵu ñami Dios. Ĩ ñami sĕo busagu. Adi macġrucġro gġna Jesucristore tudirġ ĩna ya ŷsiĵu rġmġ űaguĭji ĩnare. Rġmġ rĕtoro sĕogġ ñami Dios. Ito bajiri Dios ya ŷsi mġa ya ŷsiĵu iti sġñajare, Cristo wajanare rĕtocġrġ yirġji mġa. ⁵ Cristo wajana adi macġrucġro gaye riti tuoĭarġji ĩna. Ito bajiri adi macġrucġro gaye riti busirġji ĩna. Masa adi macġrucġro gġna ĩnare tuorġnurġ yirġji. ⁶ Dios ñarġ ña maniamā. Ito bajiri Diore masigġ manire tuoġu yiguĭji. Dios rĭa meje ñarġma manire tuomena yirġji. Dios oca riasoġu, ruore oca riasoġure cġni ito bajiroti ti masirġ yirġji mani.

Dios ñami masare ti maigġ, yire gaye

⁷ Tuoŷa yu mairġ mġa. Mani ya ruĵere mani mairo robo bajiroti gġjerġre cġni maija quena. Masare mani ti mairise mani Jacġ Diona ŷoriti wadire ña iti. Gġjerġre ti maigġ mġcana tġdi mame ruĵearġ ñami, ito yicġri Dios macġ ñami ĩ. Diore masigġ ñami ĩocġ. ⁸ Masare maigġ ñami Dios. Gġjerġre maimena Dios rĭa meje ñama ĩnaġna. Ito bajiri Diore cġni mairġ meje ñama ĩnaġna. ⁹ Dios ĩ Macġ sĭgġ ñagġre cġaġi adi sitaju catitġñare gaye mani boca ġmitoni. Ito bajiro yicġri ĩ mairise ĩoġi Dios manire. ¹⁰ Queno maiami Dios manire. Manijġa ĩ robo bajiro ĩre queno maibeā mani. Diore mani maibitibojarocati, ĩĵama manire maiami Dios. Ito bajiri ĩ Macġre cġaġi Dios ĩ ya rĭna mani ñeġaro yirisere waja yi ĩsitoni.

¹¹ Yu mairġ, Dios bġto maiġi manire. Ito bajiri gġjerġre cġni mairġja manire. ¹² Nijġa Diore tigġ maquĭji. Gġjerġre mani ti maija, Dios robo bajiroti ŷsi cġtia mani. Ito yicġri manire ĩ mairo bajiroti gġjerġre maia mani cġni. ¹³ ĩ ya ŷsi sġñi Dios manire. Ito bajiri mani ya ŷsiĵu Dios ya ŷsi ñaja, “Dios ĩ ŷsi cġtiro bajiroti ŷsi cġtia yu”, yi tuoĭarġ ña mani ĩja. ¹⁴ Guġa tigoŷe mġare gotia yu. Adi sita gġna masare ĩ masotoni ĩ Macġ Cristore cġaġi Dios mani Jacġ. Cristore guġa tigoja bero ito bajiro mġare gotia yu. ¹⁵ “Jesucristo Dios Macġ ñami”, yigu Dios robo bajiro ŷsi cġtigġ ñami ĩ.

¹⁶ Ito bajiroti, “Dios manire maisacġami”, yi masia mani cġni. Masare maire gaye ña Diore. Ito bajiri no masare ti maigġti, Dios ŷsi robo bajiroti ŷsi cġtiguĭji ĩ cġni. ¹⁷ Cristo robo bajiroti mani ŷsi cġtija gġjerġre ti mairġ yirġji mani. Manire ĩ ti mairo bajiroti ĩre cġni ti mairġji mani. Ito bajiri ñeġaro yirise Dios ĩ waja seniri rġmġre mani ya ŷsiĵu nurġobetoja manire. ¹⁸ Ñeġaro yirise Dios ĩ waja seniri rġmġre guĭgu, “Masare maigġ ñami Dios”, yi masigġ meje ñami. “Masare maigġ ñami Dios”, mani yi tuoĭaja, guĭre ma manire. Mani guĭjama, “Ñeġaro yirise waja senigġ yiguĭji Dios yure”, yi tuoĭarġji mani.

¹⁹ Manire cajero maisoġi Dios. Ito bajiri ĩre maia mani cġni. ²⁰ No, “Diore bġto maia yu”, yibojaguti, ĩ ocabajire ti tudigu socari masġ ñami ĩocġ. ĩ ocabajire tirġre maibicġ, Dios tiya macġre cġni maibiquĭji. ²¹ Diore maigġ ĩ ocabajire cġni maija quena. Ito bajiro rotiġi Dios manire.

5

Ñeġarisere mani rĕtocġbitire gaye

¹ “Dios cġarġ ñami Jesġs”, yigġti Dios yagu ñami ĩocġ. Jacġ rġcati rĭare mairġji mani ĩja. “Mani Jacġ Diore maia yu”, mani yija, gġjerġ Dios rĭare cġni maija quena. ² Diore mani maija ito yicġri Dios rotirise mani yiro robo cġdija gġjerġ Dios rĭare cġni mairġji mani. ³ Diore mani maija ĩ rotirise yiro bajiroti cġdirġ yirġji mani. Dios rotirise josari meje ñaroja. ⁴ Ito bajiri Dios rĭa adi macġrucġro gaye ñeġarisere yi rĕtocġmenaji ĩna. Jesure tuorġnurġcġri adi macġrucġro gaye ñeġarisere yi rĕtocġbea mani. ⁵ Ķnimġġa adi macġrucġro gaye ñeġaro yirisere rĕtocġbiquĭjida? “Jesġs ñami Dios Macġ”, yi masigġ, ĩti ñami adi macġrucġro gaye ñeġarisere rĕtocġbicġ.

Āniti ñami yu Macġ, Dios ĩ yire gaye

⁶⁻⁸ Dios Macġti ñami Jesucristo. Tite. Jesure idĕ guroca ũmacġġu oca ruyuyijġ. “Āniti ñami yu Macġ”, yiyijġ. Jesġs yucġtĕoġu ĩ rĭ budi yosaroca, “Āniti ñami yu Macġ”, yire oca ruyuyijġ ũmacġġu. Riojo gotigu ñami Espĭritu Santo. ĩ cġni, “Cristo Dios Macġ ñami”, yi

gotiami manire. Ɖdiaji oca tɔocōri, “Jesucristo Dios Macɔ ñami”, yi tɔo masia mani. Ɖdiaji oca busirise corocōti gotia iti. Jesure idé guri rɔmɔ oca ruyure, ito yicōri Jesús í yucutēojɔ í rí budi yosaroca oca ruyure, ito yicōri Espíritu Santo í gotirise cɔni corocōti busia iti. Ito bajiri mani cɔni, “Dios Macɔ ñami Jesús”, yi masirāji mani íja. ⁹ Masa ñna yirise mani tɔoja, Dios í yirise rēto busaro tɔorāji mani. Masa ñna gotirise rēto busaro ñasarise ña Dios í gotirise. Masa ñna busire rētoro waja cutia Dios oca. Dios ímasiti ado bajiro gotiñi: “Yɔ Macɔ ñami í”, yíni. ¹⁰ “Jesús Dios Macɔ ñami”, yi masigũ, ito bajiroti gotia í ya ɔsi íre. “Jesucristo Dios Macɔ meje ñami”, yigɔ ito yicōri Dios gotiriser tɔobicɔ, “Dios socagɔ ñami”, yiado bajiro baja. ¹¹ Adi ña Dios í gotire: “Mɔare catitíñare ísia yɔ. Adi catitíñare yɔ Macɔna sɔoriti boca āmirā yirāji mɔa. ¹² Ito yija no Jesure boca āmigũti catitíñare rɔcogɔ yiguíji. No Jesure tɔobicuti catitíñare rɔcobicɔ yiguíji”, yíni Dios.

San Juan í goti quenosɔsare gaye

¹³ Dios Macɔre rɔcɔbuorā mɔa ñajare adi papera cōa yɔ mɔare. “Catitíñare rɔcoa yɔ”, mɔa yi masitoni adi papera mɔare cōa yɔ.

¹⁴ Dios í āmoro bajiro mani senija, manire tɔogɔ yiguíji í. Ito bajiri Diore senicōri, “Yɔre ísigũ yiguíji”, yi tɔoía masia mani. ¹⁵ “Manire tɔogɔ yiguíji Dios”, yi tɔoía masia mani. Ito bajiri mani íre senija, “Yiro robo cɔdigɔ yiguíji Dios”, yi tɔoía mani.

¹⁶ Sígũ Cristore tɔorũnɔgũ ñabojaguti ñeñarise í yija ticōri, Diore seni ísija quena íre. Ito bajiro mɔa seni ísija tɔocōri, í ñeñaro yirisere ācabojogɔ yiguíji Dios. Ito bajiri íre ruyurio āmobjaguti íre masogũ yiguíji Dios íja. Gaje ñeñarise ñaroja mani godaroca yirise. Iti gaye í yijama, “Íre yiari Diore busi ísiña”, yibe a yɔ. ¹⁷ Dise rɔyabeto ñeñarise, Dios í tiro riojo quenabiti ña. Ito bajibojarocati jeyaro ñeñarise mani godaroca yirise meje ñaroja.

¹⁸ “No Dios yagɔ ñagũ, ñeñarisere yi ɔyabiquíji”, yi masia mani. Manire codegɔ yiguíji Dios Macɔ. Ito bajiri íre mani tɔorũnɔja, ɔsirioro manire yi code masibiquíji rɔmúa ɔjɔ.

¹⁹ “Dios yagɔ ña yɔ”, yi tɔoía mani. Gājerāma adi sita gāna rɔmú ñarā ñarāji ñna. Í ñaguíji ñnare rotigɔ.

²⁰ Dios ñasagure mani masitoni wadiñi í Macɔ. Dios Macɔ Jesucristo robo bajiroti ɔsi cutia mani. Riti ñasarise mɔare gotia yɔ. Í Jesuti ñami Dios ñasagɔ. Ito yicōri catitíñare rɔcogɔ ñami í. ²¹ Yɔ ría queno yíya mɔa. Dios robo bajirise, masa ñna menigore rɔcɔbuobeja mɔa. Diore mani rɔcɔbuoro bajiro disejɔa gaje bɔto mani rɔcɔbuorise manoja. Itocō ña.

Segunda carta de San Juan

Mame rotire meje ña gãmeri ti maire, yire gaye

¹ Yũ ña bũcũgũ Juan. Ōmi, adi papera mũre meni ĩsia yũ. Mũ ña Dios ĩ besero, ito yicõri Diore masigõ ña mũ. Adi papera mũ rĩare cũni cõa yũ. Mũare maisacõa yũ. Yũ sīgũ meje mũare maia. Gãjerã Jesure masirã cũni mũare maiama. ² Riojo gotigũ, gũa ya ʘsijũ ĩ ñajare mũare maisacõa gũa. Mani rãca ñatĩñagũ yiguĩji ĩ. ³ Mani Jacũ Dios, ito yicõri ĩ Macũ Jesucristo, queno yirã yirãji manire. Manire ti mairã yirãji ĩna. Mani ya ʘsijũ queno mani tũoĩaroca yirã yirãji ĩna. Ito bajiri manire bũto mairã ñama ĩna.

⁴ Mũa rĩa coriarãre tisotia yũ adoju. Queno eja yũre, Jesure ĩna tũoja, mani Jacũ Dios ĩ rotiado bajiroti. ⁵ Gãjerãre cũni ti mairũja manire. Ōmi, adi papera mũre yũ cõarise, oca mame rotire meje ña. Jane mejejutĩ ñasũoyijũ iti. Iti oca mũ ăcabojobititoni mũre gotia yũ. ⁶ Diore mani maija ĩ rotiro bajiroti yirãji mani. Gãjerãre cũni ti maitĩñaja quena. Ito bajiro rotĩni Dios. Jesure mũa masisũorajuti itire tũosũocũ mũa.

Rũori masa gaye

⁷ Rũori masa jãjarã ñama adi macãrũcũrore. “Masũ rujũna meje rujeañi Jesús”, yama ĩna. Ito bajiro bũsirã rũorã ñama ĩnaõna. Ito yicõri Cristo wajana ñama ĩnaõna. ⁸ Rũore jairãre queno ti masiña mũa. Jesure queno moa ĩsibojarãti ĩnajũare mũa tũo sũyaja, queno waja bũjamenaji mũa. Quenarisejũa riti yiñaña mũa, “Dios tũju queno waja bũjana”, yirona.

⁹ Cristo riasorise tũorũnũbicũ, Dios robo bajiro ʘsi cũtibiquĩji ĩocũ. Cristo riasorise tũorũnũgũama, Dios robo bajiroti ʘsi cũtiguĩji ĩocũ. Ito yicõri Dios ĩ Macũ robo bajiroti ʘsi cũtiguĩji ĩ. ¹⁰ Sīgũ mũa ya wijũ ĩ ejaja, Jesús riasoado bajiroti ĩ riasobeja, ĩre boca ămibeja. Ito yicõri ĩre senibeja. ¹¹ ĩre mũa boca ămija ñeñaro ĩ yirise ĩre ejabuarã yirãji mũa.

San Juan ĩ gotisũsare gaye

¹² Gaje oca jaje ñacõboja. Adi riti paperana mũare cõa yũ. Mũa tũ ware tũoĩa yũ mũa rãca bũsirocũ. Ito bajiri mũa tũ yũ ejaja, queno wanũ quenarã yirãji mani.

¹³ Mani ocabajio Dios ĩ besero rĩa cũni, “Quenajaro”, yi ñucama mũare. Itocõ ña.

Tercera carta de San Juan

Queno yigũ ñami Gayo, ña yire gaye

¹ Yũ ña bũcũgũ Juan. Gayo, mũre adi papera cõa yũ. Riti mũre gotia yũ. Mũre bũto maia yũ.

² Bũto yũ maigũ ña quĩa mũ. “Diore queno tũorũnũgũ ñami”, yi tũoĩa yũ mũre. Quenarise riti rẽtajaro ñre yirocũ, mũre yiari Diore seni ñisotia yũ. Ito yicõri, queno cati quenajaro ñ yirocũ, mũre yiari Diore senia yũ. ³ Gãjerã Jesure masirã, mũre ticõri mũ oca ñna bũsija bũto wanũa yũ. “Oca ñasarise riojo cũdigũ ñami, ito yicõri quenarise riti tũoĩagũ ñami”, yima ñna mũre. ⁴ Jesure masirã, yũ rĩa robo bajirãre Dios oca ñasarise ñna tũo sũyajare, iti bũto wanũa yũ. Ñejũa gaje oca yũ tũo wanũrise ma yũre.

⁵ Bũto yũ maigũ ña quĩa mũ. Mũ ña queno yigũ. Gãjerã Jesure masirãre queno ejabũa mũ. Ito yicõri gajero gãna ñna ñabojarocati ñnare mũ ejabũaja queno ya mũ ñnare. ⁶ Mũ ejabuagoana adoju Dios ya wijũ ejacõri, “Queno yami gũare”, yi gotiama ñna ado minijuarãre. Mũcana mũ tũ ñna tũdi ejaroca mũ ejabũaja iti ñaroja quenarise. Ito bajiro mũ yija ticõri, wanũgũ yiguĩji Dios. ⁷ Jesucristore moa ñsirã ñnari ñ ocare gotirã wacoama ñna. Diore masimena ejabũare ãmomenaji ñna. Diore masirãjũa ñna ejabũare ãmorãji ñna. ⁸ Ito bajiri maniamã Diore masirã ñnari ñ oca goti ucurãre ejabũarũja manire. ñnare mani ejabũaja ñna robo bajiroti “Masijaro gãjerã cũni”, yirã robo bajiro ya mani.

Ñeñaro yigũ ñami Diótfrefes, Demetriojũa ñami queno yigũ, yire gaye

⁹ Gaje paperana itire jabeto gotisũocũ yũ Dios ya wi minijuarãre. Ito bajibojarocati, Diótfrefes ñna uju ña ãmogũ yũ roti ñucarise tũobisĩ ñ. ¹⁰ Mũ tũ ejacõri goticũja yũ, Diótfrefes ñ yi ñarisere. Ñeñaro yũre bũsituami ñ. Mani ñarãre ñ tũ ejaroca boca ãmibisĩ ñ. Gãjerã ñna boca ãmi ãmbojarocati ñnare rẽoñi Diótfrefes. Ito yicõri gãjerãre ñna boca ãmi ãmoja ticõri, Dios ya wijũ ñabojarãre bucõañi ñ.

¹¹ Quĩa, yũ maigũ, ñeñaro yirã robo bajiro yibesa mũ. Queno usi cũi ñarã robo bajiro usi cũiya mũ. No quenarise yigũ, Dios yagũ ñaguĩji. Ñeñarise yigũama, Diore masigũ meje ñaguĩji.

¹² “Queno yigũ ñami Demetrio”, yama masa jeyaro. “Ñ ñami yiro bajiroti cũdigũ”, yama ñna. ñre ticõri, “Queno yigũ ñami”, ya yũ cũni. “Riojo gotigũ ñami Juan”, yi masigũja mũ yũre.

San Juan ñ gotisũsare gaye

¹³ Gaje oca jaje ñacõboja. Adi riti mũre gotia yũ adi paperana. ¹⁴ Nocõ mejeti mũre ti ãmoa yũ, mũ rãca bũsirocũ.

¹⁵ Queno usi cũi ñaña. Ado gãna mũ baba mesa, “Quenajaro”, yi ñucama mũre. Ito gãna mani baba mesare, “Quenajaro”, yi ñuca yũ. Itocõ ña.

La carta de San Judas

Dios ĩ beseanare San Judas ĩ papera cõare gaye

¹ Ñati yu ñarã mua. Yu ña Judas Jesucristore moa ĩsiri masu. Santiago ocabaji ña yu. Dios ĩ beseana ña mua. Ito bajiri adi muare papera cõa yu. Mani Jacu Dios buto maiami manire. Ito bajiri Jesucristo ñarã mani ñatĩñatoni, manire codeami Dios. ² Muare yiarı ado bajiro Diore senia yu: “Īnare ti maicõri ĩnare queno ejabuaya. Īna ya usıju queno sajari oca cuti quenaroca yıya. Ito yicõri ĩna gãmeri ti mairoca yıya”, ya yu Diore, muare yiarı seni ĩsigũ.

Ado bajiro riasoama ruore masa, yire gaye

(2 Pe 2.1-7)

³⁻⁴ Yu ñarã Dios ĩ masoana ña mani. Manire ĩ masore gaye oca muare riaso remorocu muare papera cõa amoboja yu. Ito bajiro amobojaguti gaje oca tuocõri, gaje gaye oca ucarujaguja yu muare. Mua masibitibojarocati ruore oca riasori masa ñarãji mua wato. “Riojo Dios oca riasoa gua”, yi ruorãji ĩna. Diore rucubobiticõri ado bajiro ruore oca gotirãji ĩna: “Manire ti maicõri jeyaro mani ñeñaro yirisere acabojañi Dios. Ito bajiri mani ya ruju ñeñaro iti tuoñaro bajiroti yiana mani. Manire waja senibiquji Dios”, yi ruorãji ĩna. “Jesucristore mani cudibeja, no yıbea. Ī sigũ meje ñami mani uju”, yi ruorãji ĩna. Īnare tuoña yugu ado bajiro yiyıju Dios: “Ruori masare ruyurıocuja yu”, yiyıju Dios, jane mejeju. Ito bajiri ĩnare tuobesa, yu ñarã mua. Jane mejeju ĩ ocare cıyıju Dios, Jesucristore mua tuorunatoni. Ito bajiri ĩre tuorunucõri, Dios ñarã ña mua ĩja. Īre tuorunu jidicabiticõri buto busa Jesure tuorunuraja muare. “Ito bajiro yırıja manire”, mua yi tuoña oca seotoni adi muare papera cõa yu.

⁵ Jane mejeju Israel sita gãnare Dios ĩ ejabuarise gaye oca tuogoana ña mua. Ito bajibojarocati mucana itire mua tudi tuoñatoni goti amoa yu. Tuote mua. Jane mejeju Egipto sitaju ĩna ñaroca Israel sita gãnare masoyıju Dios. Īna rudi masitoni ĩnare tıayıju Dios. Queno ĩnare ĩ masobojarocati, corıarã ĩre tuorunubısjarã ĩna. Ito bajiri ĩre tuorunubıtianare ruyurıoyıju Dios. ⁶ Ángel mesa bajıgore gaye muare gotıgu ya yu. Tuoñate mua. Jane mejeju Diore moa ĩsiri masa ñabojarãti jajarã ĩre cudi amobısjarã ángel mesa. Dios rëtoro masi amobojayıjarã ĩna. Ito bajırã ĩna ña amojare raitıaroju ĩnare cıyıju Dios. Ito bajiri ĩna ñeñaro yırıse waja, waja ĩ seniroti rumu riojna itojı rıti ñarã yırãji ĩna majı. Ī waja seniri rumu ejaroca buto busa tõbıjarã yırãji ĩna. ⁷ Īna robo ñeñaro yıyıjarã Sodoma gãna, Gomorra gãna cuni. Īna bajıgore gaye muare gotıgu ya yu. Īnamasıti ĩna ya ruju ñeñaro iti tuoñaro bajiroti ñeñaro yi uyayıjarã ĩna. Romıa rãca ĩna yıbojare jidicacõri, ĩna umua comasıti yi uyayıjarã ĩna. Īna ya cutori tu gãna cuni ito bajiroti ñeñaro yi uyayıjarã. Ito bajiro ĩna yıja ticõri, ĩnare ruyurıorocu jea queoyıju Dios. İti oca tuocõri, “Jeame ujuroju uatıñarã yırãji ñeñaro yi uyari masa”, yi tuoñarãji masa jeyaro.

⁸ İtire tuo masıbojarãti, jane mejeju gãna ñeñaro ĩna yıgoado bajiroti yama ĩnaõna, ruore oca riasori masa. Buto ñeñarise ĩna cãija bero, ĩnamasıti ĩna ya ruju ñeñaro iti tuoñaro bajiroti ñeñaro yama ĩna. Ujarãre cudıbeama ĩna. Ito yicõri umacıju ujarã ñasarãre rucubobiticõri, ĩna rotırsere aja tudıama ĩna. ⁹ Miguel wame cutıgu ĩ bajıgore gaye muare gotıgu ya yu. Gãjerã ángel mesa rëtoro ñasagu ñayıju ĩ. Ñasagu ñabojaguti rumua uju Satanásre aja tudıısjı ĩ. Tuote mua. Ado bajiro bajıa itı oca. Jane mejeju Moısés ñayoru ĩ godaja ticõri, ĩ ya rujure ami amoyıju Satanás. Ito bajiro ĩre amocõri Miguel rãca gãmeri busıbojayıju ĩ. Ito bajiro ĩ senıja tuocõri, “Ñeñaro yi jaıgu ña mu. Jaje setı ña mure”, yıbısjı Miguel Satanásre. Ñeñaro busı amobısjı Miguel. Ado bajiro rıti yıyıju ĩ: “Dıomasıti mure waja senıgu yıguıji”, yıyıju Miguel rumua ujure. Miguel robo

bajiro bajibeama ruore oca riasori masa. ¹⁰ Inama Dios gayere tuo masimena nari itire aja tudiana ina. Waibucura robo tuo masibeama ina. “Ija ado bajiro retaro yiroja yure”, yi tuoia masibiticori, cojisiti ina amoro bajiro riti yama ina. Ito bajiro ina yija ticori, ruore oca riasori masare ruyuriogu yiguji Dios.

¹¹ Bujato bajiro yiroja inare ija. Cain nayoru, Diore i cudibitiado robo bajiro Diore cudibeama ina cuni. Ito yicori Balaam nayoru niyerure buja amosacori, i neñaro yiado robo bajiro neñaro yama ina cuni. Ito yicori Core nayoru ujarare i cudibitiado robo bajiro cudibeama ina cuni. Core nayoru i cudibejare ire ruyurioyiju Dios. Ito bajiroti mua tu ruore oca riasore ruyuriogu yiguji Dios. ¹² Diore rucuborona mua minijuaja mua raca cocati minijuabojama ina cuni. “Diore cudira na gua”, yibojarati ina amoro bajiro riti yama ina. Mua raca sigu robo bajiro usi cutira meje nama ina. Ricati tuoiacori neñarisere tuoama inaona. Ne waja mana nama inaona. Tuote mua. Inare tuoagu ado bajiro goti masiore ocana muare gotigu ya yu. Buto asiri rumu ide buerire ti amarã yirãji mani, ide amorã. Ito bajiro mani ti ama rugoro ide buerire mino iti wea retoja, bojori bujarã yirãji mani, ide amobojarã. Ito bajiroti manire ruore oca ina riasoja ne manire ejabuabetoja iti. Ruore oca riasori masare tuoagu mucana goti masiore ocana muare gotigu ya yu. Yucu rica cutiriju ba amorã amarã yirãji mani. Yucu tu ejaçori rica manigu iti naja bojori bujarã yirãji mani. “Ne waja ma adigu”, yicori queara yirãji mani. Ito bajiroti rica cutibetoja itigu ija. Ito bajiroti ne waja mana nama ina ruore oca riasori masa. Riojo Dios oca gotibeama ina. Ito bajiroti inare ruyuriogu yiguji Dios. ¹³ Ide buto jacuja ueri somo naro yiroja tanimaju. Ito robo bajiroti nama ruore oca riasori masa. Neñarisere buto tuoiacori, neñarise yama ina. Jane mejeju umacuju nocore cuyiju Dios. Ito bajiro i cuna nabojarati i curaju ina jidicaja raitiaroju quedirã yirãji ina. Ito bajiroti bajiana ruore oca riasori masa. Dios oca quenarisere jidicacori, ruore oca riasoama ina. Ito bajiro buto raitiaroju cogu yiguji Dios inare. Inare tuoagu ado bajiro yiyiju Dios: “Neñaro yiri masare raitiaroju ina natinatoni inare cogu yiguja yu”, yiyiju Dios, jane mejeju.

¹⁴⁻¹⁵ Queno tuo ya yu narã mua. Enoc nayoru i bajigore gaye muare gotigu ya yu. Adan janerabatia co amojeno narã bero gagu nayiju Enoc. “Ado bajiro retaro yiroja, ruore oca riasori masare”, yirocu ado bajiro gotiyiju Enoc nayoru: “Co rumu mani Uju tudi eagu yiguji jajarã angel mesa raca. Tudi ejaçori masa jeyare ina neñaro yirise waja, waja senigu yiguji i. Diore cudibitigoanare ruyuriogu yiguji, ina neñaro yirise waja, waja yigu. Ito yicori, ire rucubobiticori ina neñaro aja tudire waja buto tobujarã yirãji ina”, yi goti yuyiju Enoc nayoru. ¹⁶ “Quenabeto”, yisotiana inaona ruore oca riasori masa. Mani ujarã rotirisere ti tujabeama ina. Ina ya ruju neñaro iti tuoaro bajiroti yama ina. Coji meje “Retoro masigu na yu”, yisotiana ina. Ito yicori, ina amoro robo bajiro yirona gajerareama queno goti ruoama ina.

Cristore masirãre goti quenore gaye

¹⁷ Yu narã mani Uju Jesucristo oca goti ucutori i cuna ina gotirisere acabojabesa mua. ¹⁸ Ado bajiro gotiyijarã ina: “Adi macarucuro jediroto rioja Dios ocare aja tudiri masa narã yirãji. Diore rucubobiticori, ina ya ruju neñaro iti tuoaro bajiroti neñaro yi uyarã yirãji ina”, yiyijarã Jesucristo oca goti ucutori masa. ¹⁹ Adi sita neñaro yire yi uyarã nama inaona, ruore oca riasori masa. Espiritu Santo quedi sajagoana meje nama inaona. Ito bajiro bajirã nari Jesure tuorunurãre sigure bajiro ina ya usi tuoabitiroca yi codeama ina.

²⁰ Yu narã ina robo bajiro yibitiruja manireama. Dios oca quenarisere tuorunurã nari adi sita neñaro yirã robo yibitiruja manire. Maniama Jesucristore buto busa tuorunurã oca seoruja manire. Ito yicori Espiritu Santo i ejabuarisena Diore busisotiruja manire. ²¹ Dios raca sigu robo bajiro usi cuticori i amoro bajiroti yiruja manire. Ito bajiro mani yija, “Yure buto maiami Dios”, yi tuoasotirã yirãji mani. “Manire ti maicori, i raca mani catitinaroca yigu yiguji mani Uju Jesucristo”, yi tuoia yucori guibeama mani. “I yicãdo bajiroti, i raca catitnagu yiguja yu”, yi tuoiacori wanã mani.

²² Jesure tuorũnũ sēomenare Dios oca goti masiorũja mani ãnare. Ito bajiro mani gotija tuocõri, “Aũ, ito bajiroti ña”, yicõri, buto busa Jesure tuorũnũ oca sēorã yirãji ãna.

²³ Jesure masimenare Dios oca gotirũja manire. Dios oca tuocõri ãna tuorũnũja jeame ãjũroju wamenaji ãna, jeame ãjũroju waboana ñabojarãti. Gãjerã ãna ya ruju ñeñaro iti tuõiaro bajiro yirãre ti mairũja manire. ãnare ti maibojarãti queno tuõiarũja manire, ãna robo mani ñeñaro yibe yirona.

Judas Diore ã rũcũbuore gaye

²⁴⁻²⁵ Itire tuõiacõri Diore rũcũbuorã ado bajiro busirũja manire: “Dios mũ sũgũti ña rētoro masi rētocũgũ. Ñimũ gãji mũ robo bajiro masigũ mami. Gũa Ʋju Jesucristo ã goda ãsirajũna suoriti gũare masoyija mũ. Ito yicõri gũa ñeñaro yibititoni gũare ejabũa masigũja mũ. Mũ rotiroju gũa ejaroca, ‘Mũa ñeñaro yirise waja, waja ruyuriobea mũa’, yi ti gotigu yigũja mũ gũare. Ito bajiri mũ ñaroju ejacõri mũ rãca queno wanũ quenarã yirãji mani. Rētoro quenagũ ña mũ. Ito yicõri Ʋju ñasagu ña mũ. Ñe mũ masibitigore ma mũre. Ito yicõri ñe mũ roti masibitigore ma mũre. Ito bajiro bajiyija mũ adi macãrucũrore mũ rujeoroto riojũa. Adi rũmũri cũni ito bajiro bajiguti ña mũ. Ito bajicõri ito bajiguti ñatĩñagũ yigũja mũ”, yirũja mani, Diore rũcũbuorã. Itocõ ña.

El Apocalipsis

Juan ĩ cãirojũ Jesucristo ĩ gotire gaye

¹ Adı papera tuti ija yoari mejeti rētaroti gaye gotia. Iti oca Jesucristo ĩ masiroca Dios ĩ yire ña. Ito bajiro yiñi Dios, mani Jesucristore moa ĩsirã, “Ito bajiro rētaru yiroja”, mani yi tũoĩa masitoni. Yũ ña Juan adi papera ucagũ. “Ado bajiro baja yireoni ña mũ canibetoti cãiri bajiro mũre godu weore”, yũre yi gotirocũ ángel yũ tũ cõañi Jesucristo. ² Yũ tigore, yũ tũogore cũni riojo uca yũ adire. Iti ña Dios oca yũ masiroca Jesucristo ĩ yire.

³ Noa adi papera tuti tirãti wanũrã yirãji. Adi oca ija rētaroti gaye tũocõri, wanũrã yirãji. Dios oca ña iti. Iti gaye oca rētaroti cõña wajũ. Ito bajiri noa adi ucare gaye tũorũnũrã, wanũ quenarã yirãji.

Jũã ãmojeno masa Jesure tũorũnũrãre Juan ĩ ucare gaye

⁴ Yũ Juan adi papera mũare cõa yũ. Mũã ña Asia sitajũ jũã ãmojeno cõturi gãna Jesucristore tũorũnũrã. Queno yijaro Dios mũare. Ito yicõri mũã ya usijũ sajari oca cõtiroca yijaro Dios. Dios ñami iti rũmũ gagũ, adocãta gagũ, ito yicõri ija ñatĩñarocũ. Ija adi sitajũ tũdi ejagũ yiguĩji ĩ. Dios ĩ rotiri cumuro riojo ñaguĩji Espĩritu Santo. Jũã ãmojeno usi cõtigu ñari jeyaro masigũ ñami. ĩna sũoriti mũare queno yijaro Dios. ⁵ Jesucristo cũni mũare queno yijaro. ĩ ñami ĩ tigore riojo gotigũ. Ito yicõri ĩ ñami godabojagũti mũcana tũdi catitĩñarocũ. Gãjerãma ĩ riojũã godabojarãti tũdi catitĩñare gaye boca ãmbisijarã ĩna. ĩ ñami adi sita gãna mũjarãre roti masigũ. Manire ti maigũ ñami Cristo. Ito bajiri godacõri ĩ ya rĩna mani ñeñaro yirisere waja yi ĩsiñi ĩ. ⁶ Mani ĩre tũorũnũrãre Dios ñarã mani ñaroca yiñi Cristo. Ito yicõri paia robo ĩ Jacũ Diore mani moa ĩsiroca yiñi Cristo. ĩre rũcũbuotĩñarũja manire. ĩ ñami rētoro roti masigũ. Ito bajiroti ñatĩñajaro ĩ.

⁷ Ide bueri rãca wadigũ yiguĩji Cristo. Ito bajiri masa jeyaro ĩre ti jedirã yirãji. Ito yicõri ĩre cami meniana cũni tirã yirãji ĩre. ĩre ticõri jeyaro adi sita gãna otirã yirãji. Ito bajiroti bajiro yiroja, ya yũ mũare.

⁸ Rētoro sēogũ ñami mani Ɖjũ Dios. Ado bajiro gotiami. Tũote mũã: “A wame ñasũorise, ito yicõri Z wame ñasũsarise robo bajiro bajigũ ña yũ. Yũ ña ñatĩñagũ. Yũna sũoriti jeyaro ñasũoyija. Ito yicõri yũna sũoriti jeyaro ñasũsaro yiroja”, yi gotiami Dios. ĩ ñami iti rũmũ gagũ, adocãta gagũ, ito yicõri ija ñatĩñarocũ. Ija adi sitajũ tũdi ejagũ yiguĩji ĩ.

Ī cãirojũ Juan ĩ tire gaye

⁹ Yũ Juan, mũã rãca Jesucristore masigũ ña yũ cũni. Ito bajiri sīgũ rĩa bajiro bajirã ña mani. Mũare bajiroti tõbũja yũ cũni. Masa mũare ĩna ti tudiro bajiroti ti tudiana yũre cũni. Manire ito bajiro ĩna yibojarocati mani ñemecõtiroca yami Jesucristo. Ito bajiri co rũmũ Dios ĩ rotirojũ mũã rãca wanũgũ yigũja yũ cũni. Patmos wame cõtiri yogajũ coji tubia ecocũ yũ. Dios oca yũ riasojare ito yicõri Jesucristo gaye yũ bũsijare yũre tubiacã ĩna. ¹⁰ Tujacãra rũmũ Diore yũ rũcũbũo ñaroca yũ canibetoti cãiri bajiro yũre iti godu weoroca yiquĩ Espĩritu Santo. Yũ jũdojũã oca sēorise iti ruyuja, tũocũ yũ. Trompeta jutiado bajiro ruyucũ. ¹¹ Ado bajiro ruyucũ iti:

—Adocãta mũ tirise papera tutijũ ucaya. Iti ucacõri Asia sita gãna Cristore tũorũnũrãre cõama. ĩna ñama jũã ãmojeno cõturi gãna. Ado bajiro wame cõtia ĩna cõturi: Efeso, Esmirna, Pėrgamo, Tiatira, Sardis, Filadelfia ito yicõri Laodicea wame cõtiri cõturi ña ĩna cõturi, yire oca ruyucũ yũ tũoja.

¹² “¿Ñimũ yũre bũsiati?” yirocũ jũda rũgũcũ yũ, ĩre tirocũ. Jũda tigũju jũã ãmojeno jeobusuora tuturi ticũ yũ. Orona ĩna menira tuturi ñacũ iti. ¹³ Iti jeobusuora tuturi wato sīgũ ãmũgũ ticũ yũ. Masa Rĩjorũ robo bajiro bajigũ ñaquĩ ĩ yũ tija. Coro yutabuju yoaro ĩ ya gũbo tīgãjũ sũsaro sãñaquĩ ĩ. ĩ ya wēñura wiro oro gaye ñacũ. ĩ ya usi riojocõ eyari

wiro ñacu iti wiro. ¹⁴ Ī ya rijoga joa botirise ñacu. Oveja joa robo bajiro, ito yicōri ide buerise robo bajiro boti ruyucu. Ī ya cajeari jea ũjūrise robo bajiro bajicu. ¹⁵ Ī ya gūbori bũto yocu. Bronze wame cūtirise robo bajiro jeamejū soecōri ĩna gosioado bajiro yocu iti. Ī busija riaca bũto ũmayurisa robo bajiro ruyucu. ¹⁶ Ī ya āmo riojocadūja jua āmojeno ñocōa rucocuĩ ĩ. Ī ya risejū sarera jāi, jua dūja odiri jāi budicu. Ī ya rio ũmacañi queno ĩ asiro robo bajiro yo ruyucu.

¹⁷ Īre ticōri ĩ tū cō quedicu yū. Ito bajiro yū bajibojarocati ĩ ya āmo riojocadūja yūre moa jechoĩ. Ito yicōri ado bajiro yūre yiquĩ ĩ:

—Gūibesa. Yū ña ñatĩñagū. Yūna sūoriti jeyaro ñasūoyija. Ito yicōri yūna sūoriti jeyaro ñasūaro yiroja. ¹⁸ Yū ña catitĩñagū. Godabojaguti tūdi caticu yū. Mūcana juaji godare ma yūre. Godarāre mūcana tūdi ĩna catiroca yi masigū ña yū. Godari masa ĩna ñaroju jana sājado rucogu ña yū. Ito bajiri jeame ũjūrojū waboanare maso masia yū, yiquĩ Masa Rījorū yū cāiroju.

¹⁹ Mūcana gaje ado bajiro gotiquĩ ĩ:

—Adocāta mū tirise ucaya. Adocāta gaye, ija ñaroti gaye cūni ucaya. ²⁰ Yū ya riojocadūja jua āmojeno ñocōa mū tirā ado bajiro yireoni ña. ĩna ñama jua āmojeno cūtori gāna yūre tūorūnrāre ũmatā ñarā. Jua āmojeno jeobusuora tuturi mū tirise ado bajiro yireoni ña. ĩna ñama jua āmojeno cūtori gāna yūre tūorūnrā, yiquĩ yū cāiroju yūre goāiocacu.

2

Efeso gānare oca cōare gaye

¹ Mūcana yū cāiroju ado bajiro gotiquĩ:

—Efeso gāna Diore tūorūnrāre ũmatā ñagūre ado bajiro ucaya: “Jua āmojeno jeobusuora tuturi wato ñagū, ĩ ya āmo riojocadūja jua āmojeno ñocōa rucogu ĩ busire gotirocu adi mūare uca yū. Ado bajiro mūare gotiami ĩ: ² Jeyaro mūa yirise masia yū. Josari mūa moarisere masia yū. Ūsirioro yimena ña mūa. Ñeñaro yirāre ti wanūbea mūa. ‘Gua ña Jesucristo ĩ oca gotitoni ĩ cūana’, yibojarāre, ti masiana ña mūa. ‘Riti Jesús ĩ cūana meje ñama. Socari masa ñama’, yi ti masirā ña mūa ĩja. ³ Yūre tūoīarā, tujare mejeti moayija mūa. Yūre mūa tūorūnūja ticōri, mūa tōbūjaroca yama gājerā. ‘Yū tōbūjaja cūni, Jesucristore jidicābicūja yū’, yi tūoīarā ña mūa, yi tūoīa masia yū mūare. ⁴ Ito bajibojarocati mūare queno ti wanūbea yū maji. Cajero yūre masisūorā mūa maicato bajiro yūre maibea mūa ĩja. ⁵ Ito bajiri yūre mūa masisūocatire tūdi tūoīacōri, ñeñaro mūa yirise jidicāña. Cajero yūre mūa cūdicato bajiroti yiya mūcana. Ito bajiro mūa yibeja yoari mejeti mūare waja senigū ejagu yigūja yū. Ñeñaro mūa yirisere mūa jidicābeja mūa ya jeobusuora tutu ēmagū yigūja yū. ⁶ Coji gaye queno ya mūa yū tija. Nicolaftas cūto gāna ñeñaro ĩna yirisere ti tea mūa. Yū cūni ĩna ñeñaro yirisere ti tea. ⁷ No gāmo goje cūtirā tūoya. Diore tūorūnrāre ado bajiro gotiami Espīritu Santo: ‘Noa ĩna ñeñaro yirisere jidicārā ĩna ñama rūmūa ũjūre rētocūrā. Ito bajiri catitĩñaragu rica ĩnare ecagu yigūja yū. Dios ya wese quenari wese gūdareco ñaroja itigu’, yi gotiami Espīritu Santo”, yi ucaya mū, yi gotiquĩ yū cāiroju yūre goāiocacu.

Esmirna gānare oca cōare gaye

⁸ Gaje ado bajiro gotiquĩ yūre yū cāiroju:

—Esmirna gāna Diore tūorūnrāre ũmatā ñagūre ado bajiro ucaya: “Ñasūogu, ñasūagu, ito yicōri godabojaguti mūcana tūdi catirū ĩ busire gotirocu adi mūare uca yū. Ado bajiro mūare gotiami: ⁹ Ñajediro mūare rētarise masia yū. ‘Yūre mūa tūorūnūja ticōri, mūa tōbūjaroca yama gājerā’, yi tūoīa masia yū mūare. Bojoro mūa būjaja, ti masia yū. Ito bajibojarāti Dios gayere queno masirā ña mūa. Ito bajiri queno rucorā ña mūa. Ñe ruyabea mūare. ‘Judio masa, Dios rīa ña gua’, yibojarāre, mūare ĩna busitūja tūoa yū. Dios rīa meje ñama ĩna. Rūmūa ũjū, Satanás rīa ñama ĩna, ya yū. ¹⁰ Mūa tōbūjaroti gayere tūoīa gūibesa. Mūa rāca ñagū yigūja yū. Mūare ũsirio codegu yigūji rūmūa ũjū. ‘Diore

ina jidicãja ticuja yu', yirocu ado bajiro muare usirio codegu yiguñi i. Mua coriarãre gãjerã ina tubiaroca yigu yiguñi i. Ito bajiri jua dujamocõ umuari tõbujarã yirãji mua. Mua godarã wana yija cuni, yure jidicãbeja. Ito mua yija, catitĩnare muare isigũ yiguja yu iti waja. ¹¹No gãmo goje cutirã tuoja. Diore tuorũnurãre ado bajiro gotiami Espiritu Santo: 'Noa ina ñeñaro yirise jidicãrã ina ñama rãmúa ujure rëtocũrã. Ito bajiri jeame ñuroju tõbujã godamena yirãji ina', yi gotiami Espiritu Santo muare", yi ucaya, yiquĩ yure yu cãiroju.

Pérgamo gãnare oca cõare gaye

¹²Gaje mucana ado bajiro gotiquĩ i yu cãiroju:

—Pérgamo gãna Diore tuorũnurãre umatã ñagũre ado bajiro ucaya: "Sarera jã jua duja odiri jã rucogu, i busire gotirocu adi muare uca yu: ¹³Jeyaro mua yirise masia yu. Rãmúa ujã Satanás i rotiri cutuju ñaboja mua. I rotibojarocati ire tuorũnubea mua. Yure tuorũnurã ñari, yure tuorũnu jidicãrã meje ña mua. Ito gãna Satanásre cudirã ñari, Antipas wame cutigũre sãñi ina. I ñabojaquĩ, 'Diore mani tuorũnũja quena', yure yi ejabuabojacacu. Ire ina sãja bero ñabojarocati yure tuorũnu jidicãbea mua', ya yu muare. ¹⁴Ito bajibojarocati muare queno ti wanubea yu maji. Mua Pérgamo gãna coriarã, Balaam i riasorisere jidicã amobea mua. I ñami Balacre ado bajiro riasoru: 'Inamasi meni rujeoanare bare ecabojare gaye mua Israel sita gãna baja quena. Gãjerã romia rãca mua aje ñaja quena ña', yi riasoñi Balaam. 'Mua wato coriarã ñama i riasorisere jidicã amomena', yi tuoia yu muare. ¹⁵Mua wato coriarã ñama Nicolaítas cutu gãna ñeñaro ina riasorisere jidicã amomena. Ina riasorisere buto ti tea yu. ¹⁶Ito bajiri mua ñeñaro yirise jidicãña. Mua ñeñaro yirise mua jidicãbeja muare waja senigũ yiguja yu. Ito yicõri yoari mejeti yu ya riseju ñari jã sarera jãina quenabeto mua tõbujaroca yigu yiguja yu. ¹⁷No gãmo goje cutirã tuoja. Diore tuorũnurãre ado bajiro gotiami Espiritu Santo: 'Noa ina ñeñaro yirise jidicãrã ina ñama rãmúa ujure rëtocũrã. Ito bajiro yirãre manã wame cutirise bare ñnare ecagu yiguja yu. Iti ña umacũju gaye tiyamani bare. Gaje gũtagã botirica ñnare isigũ yiguja yu. Itiga gũtagãju mame ucare wãñaro yiroja. Itiga gũtagãre boca amirã riti itiga wãñarise masirã yirãji', yi gotiami Espiritu Santo", yi ucaya mu, yi gotiquĩ yu cãiroju yure goaõocacu.

Tiatira gãnare oca cõare gaye

¹⁸Gaje mucana ado bajiro gotiquĩ yu cãiroju:

—Tiatira gãna Diore tuorũnurãre umatã ñagũre ado bajiro ucaya: "Dios Macu i ya cajeari jea ñurise robo bajiro bajigu, ito yicõri bronce wame cutirise buto yorise robo bajiro gubo cutigu ado bajiro muare gotiami: ¹⁹Jeyaro mua yirise masia yu. 'Masare ti mairã ñama ina', yi tuoia yu muare. 'Yure tuorũnurã ñama ina', yi tuoia yu muare. Gãjerãre yari mua ejabuarise queno masia yu. Yure mua tuorũnũja ticõri, mua tõbujaroca yama gãjerã. Ito bajiro ina yibojarocati yure tuorũnutĩñacõa mua. 'Cajero yure ina masisucato rëtoro queno ejabuama', ya yu muare. ²⁰Ito bajibojarocati muare queno ti wanubea yu maji. Mua tu gago Jezabel wame cutigo ñeñaro iso busija ticõa mua. Ado bajiro ruore oca busiamo iso: 'Diore yari busia yu. Gãjerã romia rãca mua aje ñaja, no yibea. Masa inamasi meni rujeoanare bare ina ecare mua baja, no yibea', yire oca goti ruoamo iso. Ito bajiro iso yija tuocõri, yure moa isiri masa tuo wisama ija. ²¹Ñeñaro iso yirise jidicãjaro yirocu, yoari yubojã yu. Ito bajibojarocati jidicã amobeamo iso. Umua rãca ñeñaro iso yirise cuni jidicã amobeamo iso. ²²Ito bajiro iso yijare iso cõ cũñaroca yigu yiguja yu. Iso rãca aje ñarãre cuni ina cõroca yigu yiguja yu. Ina robo bajiro yi uyacõri itire mua jidicãbeja, muare cuni mua tõbujaroca yicuja yu. ²³Iso rãre sãgũ yiguja yu. Ito bajiro yu yija ticõri, yu masirisere tirã yirãji mua. 'Mani tuoarise, mani ya usijuna mani yi amõrise cuni ti masi jeoami Dios. Ito yicõri mani ñeñaro yiro bajiro mani waja senigũ yiguñi', yi tuoia masirã yirãji mua ija. ²⁴Mua Tiatira gãna jãjarã ña iso riasorisere tuorũnumena. 'Adi ña Satanás oca ñasarise, gãjerã ina tuoabiti ña iti', ina yibojã cuni itire tuorũnubea mua. Ito bajiri, 'Diore queno tuorũnurã ñama

ĩna', yicōri mware josabicuja yu ĩja. ²⁵ Ado bajiro riti mware rotia yu. Yu mware busirisere tuoĩa jidicābeja. Yu ejarocōjuti itire tuoĩa jidicābeja. ²⁶ ĩna ñeñaro yirisere jidicārã ĩna ñama rŭmúa ujure rētocūrã. Noa sŭsariju yu ãmoro bajiro yi jidicāmena gājerãre ĩna roti masiroca yigu yiguja yu. ²⁷ Yu roti masiroca yu Jacu yure ĩ yiado bajiroti mware yigu yiguja yu. Ito bajiri Dios ĩ cūana ñari sēoro rotirã yirãji mwa. Ito yicōri come mana riri sotari jawado robo bajiro cudimenare ruyuriorã yirãji mwa. ²⁸ Mware busuri ñocōagã ĩsigũ yiguja yu. ²⁹ No gãmo goje cutirã tuoia. Adi ña Diore tuorũnurãre Espiritu Santo ĩ gotire", yi ucaya mwa, yiquĩ yu cãiroju yure goaĩocacu.

3

Sardis gãnare oca cõare gaye

¹ Gaje ado bajiro gotiquĩ yu cãiroju:

—Sardis gãna Diore tuorũnurãre ũmatã ñagũre ado bajiro ucaya: “Juã ãmojeno usi cutigu, ito yicōri juã ãmojeno ñocõa rucogu ado bajiro gotiami: Jeyaro mwa yirise masia yu. ‘Diore queno cudirã ñama’, yi tuoĩabojama gājerã mware. Yuama godacãna robo bajiro mware tia. Yure queno cudirã meje ña mwa. ² Yu tija yu ocare mwa cudibeja, godana robo bajiro bajirã ña mwa. Canirã robo bajiro bajirã ña mwa. Yujiya mwa. Yu tija yure tuorũnu jidicārã ya mwa. Ito bajiri, ĩre jidicãme yirona, bũto busa yure tuorũnuña. Yu tija, Dios ĩ ãmoro bajiro queno yisabea mwa. ³ Cajero mwa riasotigore mucana tudĩ tuoĩaña mwa. Itire tuorũncōri, mwa ñeñaro yirise jidicãña. Ito bajiro mwa yibeja, riniri masu robo bajiro, ‘Itocõ ejagu yiguĩji’, mwa yi masibeto, mwa tu ejagu yiguja yu. Ito yicōri mware waja senigũ yiguja yu. ⁴ Mwa Sardis gãna coriarã bũto ñeñarise yibeja mwa. Ito bajiri mwa ya yutabujuri ueri wõña mana robo bajiro bajia mwa. Ito bajiri mware waja yigu yutabuju botirise sãnarã yu rãca mwa ñaroca yigu yiguja yu. ⁵ Noa ĩna ñeñaro yirisere jidicārã ĩna ñama rŭmúa ujure rētocūrã. Ito bajiro yirãre yutabuju botirise ĩna sãnaroca yigu yiguja yu. ‘Adocõ ñama catitĩñare rucorona’, yire gaye papera tuti ĩna wame coebicu yiguja yu. Ito yicōri yu Jacu ĩ tiro riojo, ‘Ána ñama yu ñarã’, yigu yiguja yu. Ángel mesa tiro riojo cuni ito bajiroti yigu yiguja yu. ⁶ No gãmo goje cutirã tuoia. Adi ña Diore tuorũnurãre Espiritu Santo ĩ gotire”, yi ucaya, yiquĩ yure yu cãiroju.

Filadelfia gãnare oca cõare gaye

⁷ Gaje ado bajiro gotiquĩ yu cãiroju:

—Filadelfia gãna Diore tuorũnurãre ũmatã ñagũre ado bajiro ucaya: “Ado bajiro gotiami ñeñaro yĩabicu, ito yicōri riojo gotigu. ĩ ñami David ñayoru ujũ robo bajiro roti masigũ. Bũto roti masigũ ĩ ñajare soje ĩ janaja, ñimujua gãji bia masibiquĩji. Soje ĩ biaja cuni, ñimujua gãji iti sojere jana masibiquĩji. Ado bajiro gotiami: ⁸ Jeyaro mwa yirise masia yu. Queno sēorã meje ña mwa. Ito bajibojarocati yu ocare queno cudĩña ãmboja mwa. Ito yicōri, ‘Jesure masibea gwa’, yibeja mwa. ‘Jesure tuorũnurã ña gwa’, ya mwa. Ito bajiro mwa yijare, queno mware ejabuagu yiguja yu. Mware yiari soje jana ĩsicu yu. Ñimujua iti sojere biabiquĩji. ⁹ Ado bajiro yu busirise queno tuoia. Mwa wato coriarã ñama rŭmúa ujũ Satanásre tuorũnu sũyarã. ‘Judio masa ña gwa. Dios ñarã ña gwa’, yibojama ĩna. Bajibeja, rŭmúa ujũ ñarã ñama ĩna. Mwa riojo ĩna ya rijomunigãna ñini rũjũ rotigu yiguja yu. ‘Ĩna ñama Dios ĩ mairã’, mware ĩna yiroca yigu yiguja yu. ¹⁰ ‘Yure mwa tuorũnuja ticōri, mwa tōbujaroca gājerã yibojarocati yure tuorũnutĩñacõa mwa’, yu rotiado bajiroti queno cudia mwa. Co rumu ejaro yiroja adi sita gãna ĩna tōbujaroti rumu. Gājerãre usirioro yimenati yure cudirã mwa ñajare, iti rumu iti ejaroca mware codegu yiguja yu. ¹¹ Masima, yoari mejeti ejagu yiguja yu. Yure mwa cudirise tuoĩa jidicābeja. Ito bajiro mwa yija, ñimujua mwa mwa waroto camota masibiquĩji. ¹² No ĩna ñeñaro yirise jidicārã ĩna ñama rŭmúa ujure rētocūrã. Yu Jacu Dios ya wi ĩna ñatĩñaroca yigu yiguja yu. ĩ ya wi botari bũtirise robo bajiro ñatĩñarã yirãji ĩna. Udia wame ĩnare wame wõgũ yiguja yu, ĩna ñajedirore. Ado bajiro wame yicuja yu: Yu Jacu Dios wame, ĩ cuto wame, ito yicōri yu wame mame ñaroti wõgũ yiguja yu ĩnare. Yu Jacu ĩ ñaro, mame Jerusalén

wame cutiri cuto ñaro yiroja. Iti cuto ũmacũjuna ruji wadicõri, ejaro yiroja. ¹³ No gãmo goje cutirã tuoya. Adi ña Diore tuorũnurãre Espiritu Santo ï gotire”, yi ucaya, yiquĩ yure yu cãiroju.

Laodicea gãnare oca cõare gaye

¹⁴ Gaje ado bajiro yure gotiquĩ yu cãiroju:

—Laodicea gãna Diore tuorũnurãre ũmatã ñagũre ado bajiro ucaya: “Diore queno goti ejabuasotigu, ito yicõri riojo gotigũna suoriti jeyaro rujeõni Dios. Ado bajiro gotiami muare: ¹⁵ Jeyaro mua yirise masia yu. Yu rotirise queno cudi amobea mua. ‘Yu amorocõ cudicuja yuama’, yi tuoia mua. Yure ti tebitibojarãti yure queno tuorũnũsabea mua. Ito bajiri yure queno tuorũnũre amoa yu. Mua queno yure tuorũnũ amosabeja, yure mua jidicãja quena. ¹⁶ Yure tuorũnũmena ñari mua amoro bajiro riti cudisotia mua. Ide asirise, ide usarise bajiro bajirã meje ña mua. Ide asisuriseacã bajiro bajirã ña mua. Ito bajiro mua bajirã ñajare, ide asisuriseacã muño bategu robo bajiro muare bucõagũ yiguja yu. ¹⁷ ‘Gajeoni jairã ña gu. Gu amorse ñajediro, dise ruyabeto rucoa gu’, yiboja mua. Queno itire ti masibea mua. Yu tija yure cudimena ñari ado bajiro bajirã ña mua. Bojoro bujarã, ñe rucomena, tuoia oca jairã, cajea mana ito yicõri yutabuju mana bajiro bajirã ña mua. ¹⁸ Ito bajiro mua bajirã ñajare, ado bajiro muare goti masioa yu. Quenarise yure mua moa ïsi amoja, yure senija quena. Ito bajiro mua senija tuocõri, jaje quenarise mua yiroca yigu yiguja yu. Ñenarise mua jidicã amoja, yure senija quena. Ito bajiro mua senija tuocõri, quenarise mua tuoiaroca yigu yiguja yu. Yu ya oca mua masi amoja yure senija quena. Ito bajiro mua senija tuocõri, yu ocare queno mua tuo masiroca yigu yiguja yu. ¹⁹ No yu mairãre ñnare goti quenoa yu. Ito yicõri no yu mairãre ñna ñenaro yija, ñnare waja senia yu, ñna masitoni. Ito bajiri mua ñenaro yirisere jidicãcõri, yure queno cudiya ïja. ²⁰ Tiya, soje tu code rũgõa yu sãja amogũ. No yu oca tuocõri soje ï janaja, sãjagũ yiguja yu. Sãjacõri ïre baba cutigu yiguja yu. Ito yicõri ïjua cuni yure baba cutigu yiguĩji. ²¹ No ñna ñenaro yirisere jidicãrã, ñna ñama rũmũa ujure rãtocũrã. Ito bajiro bajirã mua ñajare, yu roti rujiro tu yu rãca mua ñaroca yigu yiguja yu. Ito bajiro rũmũa ujure rãtocũcõri, yu Jacu rotiro tu rujia yu. ²² No gãmo goje cutirã tuoya. Ito bajiro yami Espiritu Santo, Diore tuorũnurãre”, yi ucaya, yiquĩ yu cãiroju yure goaõocasũ.

4

Ũmacũju Diore rũcũbuore gaye

¹ Ito yija bero ũmacũju soje janacãra soje ticu yu. Trompeta jutire oca bajiro yure busisucocasũ mucana ado bajiro yure busi ruyucuĩ:

—Mũja waya adoju. Ija rãtaroti gaye mure ïorocu ya yu, yire oca ruyucu yure.

² Ito bajiro ï yirocati Espiritu Santo ï masirisenati ũmacũju ejacoacu yu. Itoju ejacõri mũja ya cumuro ticu yu. Iti cumuroju sũgũ rujiquĩ yu tija. ³ Iti cumuroju rujicacu gũta bũto yorise robo bajiro yocu ï ya rio. Jaspe Cornalina wame cutirise gũta robo bajiro yo ruyucu ï ya rio. ï rujiro tu ide bue bedo ñacu. Esmeralda wame cutirise gũta robo bajiro yo ruyucu iti bedo. ⁴ ï rujiro tu veinticuatro cumurori ruji gãni biacu ï tu. Iti cumuroriju veinticuatro ñarã bũcũrã rujicã. Botirise sãnacã ñna. Ito yicõri oro bedori jesacã ñna. ⁵ ï rujiri cumuroju bujo ï borea yirise bajiro borea yicu. Ito yicõri bujo busirise bajiro ruyucu. ï rujiri cumuro riojo juã amojeno jea mũjũricũri ruyucu. Itire ticõri “Juã amojeno usi cutigu ñami Dios”, yi ticu yu itire. ⁶ Uju ya cumuro riojo itajura ide botirita, queno ide ruyurita ticu yu.

Uju ya cumuro riojo, iti cumuro judoju cuni, riojocaduja, gãcoduja cuni tĩñaã mana juariarã ñacã. Jaje cajeari cuticã. ñna ya rio ñari dũja cuni ñna ya judojuari cuni cajeari cutirã ñacã ñna. ⁷ Sũgũ tiya macu yai robo bajigu ñaquĩ. Gãji ta wecu robo bajigu ñaquĩ. Gãji mũmũgũ bajiro rio cutiquĩ. Sũsagu ga jagu wũtigũ robo bajiro bajiquĩ. ⁸ ñna juariarã tĩñaã mana coga amojeno caerori caero cuticã. ñna ya caeroriju ũmacũjuagaduja,

jacagaduĵa cuni cajeari cutirã ñacã ina. Ĕmuari, ñamiri cuni Diore rŭcubnorã ado bajiro basatĩñacã ina:

Quenagũ ña mũ. Quenagũ ña mũ. Quenagũ ña mũ. Jeyaro masigũ ña gũa Ĕĵu mũ. Mũti ñayija iti rũmũĵu gagũ. Mũti ña adocãta gagũ cuni. Mũti ña ija ejarocu cuni, yi ñacã ina.

⁹ Ĕĵu ya cumuroĵu rujigũre rŭcubnorã ado bajiro yicã ina: “Mũ ña rĕtoro rŭcubnorũ. Mũ ña rĕtoro ñasagu. Mũre rŭcubnorã, ‘Queno ya mũ’, ya gũa mũre”, yicã ina ito rujigũ catitĩñagũre. ¹⁰ Coĵi ruyabeto ito bajiro ina yiroca veinticuatro ñarã bucũrã ito ñarã, ĩ rioĵo rijomunigãna ñini rŭĵũcã ina. Catitĩñagũre rŭcubnorã ito bajiro ñini rŭĵũcã ina. Ito yicõri ina ya jesara bedori ãmicõri ĩ ruĵiro rioĵo jidicũcã ina. Ito yicõri ĩre rŭcubnorã ado bajiro yicã:

¹¹ Mũ ña jeyaro rujeoru. Mũ ãmoro bajiroti mũ rujeore jeyaro ña. Gũa Ĕĵu ña Dios mũ. Masa jeyaro mũre rŭcubnore ãmoa gũa. “Dios ñami ñasagu”, masa jeyaro yi jedire ãmoa gũa. “Dios ñami rĕtoro masigũ”, masa mũre ina yire ãmoa gũa, yicã veinticuatro ñarã bucũrã. Ito bajiro yicã ina Diore rŭcubnorã.

5

Papera tunara joti

¹ Ito yija bero ĩĵu ya cumuroĵu rujigũ ĩ ya ãmo rioĵocaduĵa papera tunara joti ĩ rũcoja ticũ yũ. Iti joti totijũ, joe cuni ucare ñacũ. Ĵua ãmojeno sũobiare ñacũ iti jotijũre. ² Ito bajiroca Dios ñaro gagũ ángel queno masigũ ticũ yũ. Ado bajiro oca sĕoro seniãaquĩ ĩ:

—ĴÑimũ ñati Dios ĩ ti wanũgũ iti joti sũobiare ñigã ãmigocõri manire ti ĩsigũ? yi seniãabojaquĩ ĩ.

³ Ito bajiro ĩ seniãobojaja, ũmacũĵu gãna, adi sita gãna, adi sita rocaĵua gãna cuni sĭgũĵuama jana masigũ maniquĩ. Sĭgũ itire ti ĩsigũ maniquĩ. ⁴ Ito bajija ticõri, buto oticu yũ. Sĭgũ iti janacõri ti ĩsigũ manijare, buto oticu yũ. ⁵ Yũ otija ticõri, sĭgũ bucũgu ado bajiro gotiquĩ yũre:

—Itocõti otiya ĩja. Adoĵu tiya. Ado ñami sĭgũ rũmũa ĩĵure rĕtocũru. Judã masa butu gagũ ñami ĩ. Yai sĕogũ bajiro bajigũ ñami ĩ. Ito yicõri David ĩĵu ñayoru janerãbatia janami ñami ĩ. ĩre queno wanũami Dios. Ito bajiri ĵua ãmojeno sũobiare ñigã ãmigocõri manire ti ĩsigũ yiguĩĵi, yiquĩ ĩ yũre.

⁶ Bucũrã wato, tĩãña mana wato, ĩĵu ya cumuro tũĵu sĭgũ Oveja Macũ bajiro bajigũre ticũ yũ. ĩre ina siagore cami iti ñaja ticũ yũ. Ĵua ãmojeno saburi ñacũ ĩre. Ito yicõri ĵua ãmojeno cajeari ñacũ ĩre. ĩ ya cajeari ticõri, “Ĵua ãmojeno usi cutigũ ñami Espĩritu Santo. ĩ ñami adi sitaĵure coĵu ruyabeto Dios ĩ cõaru”, yi ticũ yũ ĩre. ⁷ Ito yija yũ tiroca Oveja Macũ, ĩĵu ya cumuro rujigũ ya rioĵocaduĵa papera tunara joti ĩ rũcorisere ãmiquĩ. ⁸ Oveja Macũ iti jotire ĩ ãmiroca ĵuararã tĩãña mana, ito yicõri veinticuatro ñarã bucũrã cuni ĩ rioĵo rijomunigãna ñini rŭĵũcã. ĩna sĭgũ ruyabeto basa meniroti arpa wame cutirise rũcocã ina. Ito yicõri oro tĕrori rũcocã ina. Iti tĕroriĵu soeja queno sũti quenarise sãñacũ. Iti sũti quenarise iti bue mũja waja Dios ñarã ĩre ina bũsiro robo bajiro bajirise ñacũ. ⁹ Ado bajiro basacã ina mame basare:

Masa jeyarore masorocu goda ĩsiyija mũ. Co oca ruyabeto bũsirãre, co cũto gãna ruyabeto, ito yicõri co sita gãnare ruyabeto goda ĩsiyija mũ. Dios ñarã masa ñatoni mũ ya rĩna waja yicãyija mũ. Ito bajiri tunara joti ãmicõri sũobiare ñigã masigũ ña mũ.

¹⁰ No Diore tũorũnrãre ĩ ñarã ina ñaroca yiyija mũ. Ito yicõri paia robo bajiro Diore ĩna moa ĩsiroca ya mũ. Ito bajiri adi sita gãnare roti masirã yirãĵi ina, yi basa sĕacã ina.

¹¹ Ito yija bero ĵãjarã ángel mesa ina bũsija tũocu yũ. Cõĵaja jediado manicã. Ĵãjarã ñacã ina. Ĕĵu ya cumuro tũ ĵuararã tĩãña mana, veinticuatro ñarã bucũrã ĵudoĵuajũ ñacã ángel mesa. ¹² Oca sĕoro ado bajiro yicã ina:

Masa ñna ñeñaro yirise waja, waja yi ñsirocũ goda ñsiñi Oveja Macũ. Ito bajiro bajicõri rëtoro masigũ ñami ñ. Rëtoro sëogũ, rëtoro roti masigũ, rëtoro rücbuorũ, rëtoro jeyaro rucogũ, “Rëtoro quenagũ ñami”, masa ñna yirocũ, ñami Oveja Macũ, yi rücbuocã ángel mesa.

¹³ Ito yirocati Dios ñ rujeoana ñarocõti ñna busija tuocũ yũ. ñna ñacã ñmacãju gãna ñajediro, adi sita gãna cuni. Ito yicõri sita wato ñarã, godagoana, ito yicõri ide wato gãna, ñajediro ñna busirise ruyucũ. Uju ya cumuro rujigũre, Oveja Macũre cuni rücbuorã ado bajiro busi ruyucã ñna:

Mua ña masa ñna rücbuorona. Ito bajiri muare rücbuotĩñajaro masa. “Mua ña rëtoro ñasarã”, yitĩñajaro masa muare. “Mua ña rëtoro masirã. Mua ña rëtoro queno yirã”, yitĩñajaro masa muare, yi busi ruyucã ñna.

¹⁴ Ito bajiro ñna yiroca juariarã tĩñaña mana ado bajiro busi ruyucã:

—Ito bajiroti baja, yi busi ruyucã ñna.

Ito yiroca veinticuatro ñarã bucũrã uju ya cumuroju rujigũre, Oveja Macũre cuni, rücbuorã ñna riojo rijomunigãna ñini rüjucã ñna.

6

Jua ñmojeno suobiare gaye

¹ Ito yija Oveja Macũ papera tunara jotire cajero suobiaraju ñ ñigãja ticũ yũ. Ito yirocati juariarã tĩñaña mana sigũ busi ruyucuĩ ñna rãca gagũ. ñ busija bujo busirise robo bajiro ruyucũ. Ado bajiro yi ruyucuĩ ñ:

—Adojua tigũ waya, yi ruyucuĩ ñ yare.

² ñ ito yijare ti ñucacũ yũ. Cabaru botigũ ñ rügõja ticũ yũ. ñ joe jesagu jatura jã rucocuĩ. Jesara bedo ñre ñna jeoja ticũ yũ. Ito bajiro ñna yija bero ñ wajanare rëtocũgũ waquĩ ñ.

³ Ito yirocati Oveja Macũ suobiaraju gajeju ñigãquĩ ñ. Ito yija gãji tĩñaña macũ ñ busija tuocũ yũ:

—Adojua tigũ waya, yi ruyucuĩ ñ cuni.

⁴ Ito ñ yija cabaru süagũre ti bujacũ yũ. ñ joe jesagũre sarera jã ñna ñsija ticũ yũ. Ado bajiro moare ñre cũñi ñna. Masa ñna queno ñabitire gaye, masa ñna gãmeri sãaroti gaye cuni ñre moare cũñi ñna.

⁵ Ito yija bero mucana gajeju suobiaraju ñigãquĩ Oveja Macũ. Ito yija gãji tĩñaña macũ ñ busija tuocũ yũ:

—Adojua tigũ waya, yi ruyucuĩ ñ cuni.

ñ ito yija cabaru ñigũre ti bujacũ yũ. ñ joe jesagu rücbuoraga rucocuĩ. ⁶ Ito yirocati tĩñaña mana wato oca ruyucũ. Ado bajiro ruyucũ iti:

—Trigo wame cutirise bare co rumũ moare waja coji kiloti bujare ñaro yiroja. Ito yicõri cebada wame cutirise bare co rumũ moare waja udiãji kilos bujare ñaro yiroja. Ito bajibojarocati uyé ide, úye roabare cuni waja rücbeto yiroja, yire oca ruyucũ.

⁷ Ito yija mucana gajeju suobiaraju ñigãquĩ Oveja Macũ. Ito yija gãji susagu tĩñaña macũ ado bajiro yi ruyucuĩ:

—Adojua tigũ waya, yi ruyucuĩ yare.

⁸ Ito ñ yija cabaru bodeagũre ti bujacũ yũ. ñ joe jesagu, “Godare Gaye Rotigũ”, wame cutiquĩ. ñ bero suyagũ, “Ñeñaro Yigoana ñna ñarõju”, wame cutiquĩ ñ. Sãare gaye moare cũñi ñna ñnare. Gãmeri sãarena, ñio jogarena, ñarisena ito yicõri gãjeronana cuni ñnare sãa rotiñi ñna. “Adi sita gãna juaria buturi batocõri co butu gãna mũ sãa jeoja quena”, yi rotiñi ñna ñnare.

⁹ Ito yija bero mucana gajeju suobiaraju ñigãquĩ ñ. Ito bajiro ñ yirocati Diore rücbuorã ñna soe ñsotira casabo tu sãa ecoana ya usi ñacũ. Dios oca ñna riasojare, ito yicõri, “Jesure tuorũnrã ña gũ”, ñna yijare ñnare sãañi ñna. ¹⁰ Oca sëoro ado bajiro yicã ñna:

—Coji ñeñaro yĩabicũ ña gũ Uju mũ. “Ado bajiro yigũ yigũja yũ”, mũ yija yiro robo yigũ ña mũ. ¿Guare sãanare nocõ yoari ñnare waja senigũ yati mũ? yicã ñna. ¹¹ ñna ito yijare yutabuju botirise ñnare ñsiquĩ ñ. Ito yicõri:

—Tujacãña maji, usiriobesa. Gãjerã mũa robo bajirã Jesús gayere riasorã yirãji maji. Ito bajiro ñna yija ticõri, ñnare sãacõrã yirãji maji. Ito bajiro ñna yija bero ñnare waja senigũ yigũja yu, yiquĩ Dios ñnare.

¹² Ito yija bero mucana gajeju suobiaraju ñigãquĩ Oveja Macu. Ito bajiro ñ yirocati sita iti bũto ueja ticu yu. Ito yicõri umacãni umũa gagu bũto ñi juaquĩ. Saya bũto ñiro robo bajiro ñi juaquĩ ñ. Ito yicõri ñami gagu bũto sũa juaquĩ, rí bũto sũarise robo bajiro. ¹³ Ito yicõri ñocõa umacãju gãna jacaju quedi queacã ñna. Higuera wame cutiricu rica mino iti wẽa batero robo bajiro quedicã ñna. ¹⁴ Ito yija bero macãrucũro godacoacu. Papera jũ tunado bajiro baji godacoacu. Gũta yucuri, ruja yogari cuni gajeroju iti cuni rũgũroca yiquĩ Dios. ¹⁵ Ito bajijare ujarã rotiri masa gũta gojeriju rudi sãja wacã ñna. Ito yicõri gũtagãri wato rudi sãja wacã gãjerã. Ñna rãcati surara ujarã, ñasarã, niyeru jairã, sẽorã, waja mano moari masa, gãjerã queno ñari masa cuni rudi jedicoacã ñna. ¹⁶ Ito bajiro rudicõri gũta yucurire, gũtagãrre cuni ado bajiro yicã ñna:

—Guare quedi jea biaya uju ya cumuroju rujigu guare ñ tibititoni. Ito yicõri Oveja Macu gũa ñeñaro yirise waja guare senibititoni, guare quedi jea biaya, yicã ñna gũta yucurire.

¹⁷ Ija ito bajiro iti bajija masa ñna ñeñaro yirise waja seniri rũmũ ñacãro yiroja. Ito bajiri ñimũ itire rudi masigũ macu yiguũji.

7

Ñ ñarãre Dios ñ tirũnure gaye

¹ Ito bero ángel mesa juariarã ticu yu. Umacãni ñ joejea wadiri dũja waquĩ sũgũ. Ñ quedi sãja warojuwa waquĩ gãji. Warubũjuwa waquĩ gãji. Gãji gaje dũja warubũjuwa waquĩ. Itoju ejaõri mino wẽa rotibisĩ ñna. Ito bajiri adi sita joe, riaca jajosa joe cuni mino wẽabiticu. Ito bajicõri yucu joe cuni mino wẽabiticu. ² Ito bajiroca umacãni ñ joejea wadiri dũja gãji ángel ñ wadija ticu yu. Dios catitĩñagũ wame wõroti gaye rucocõri ñ wadija ticu yu. Ejaõri gãjerã ángel mesa adi sitare, riaca jajosa cuni, Dios ñ ñeño rotianare oca sẽoro ado bajiro awasã gotiquĩ ángel:

³ —Mani Uju Dios ya moari masa ya rioweca Dios wame wõrã yirãji mani ñnare. Mani wõroto riojuwa adi sita, riaca jajosa, yucure cuni ñeñobesa mũa maji, yiquĩ ángel Dios ñ ñeño rotianare.

⁴ Ito yija bero, “Adocõ ñama mũa wame wõrona”, yire oca ruyucu. “Ñna ñama juã gũbojeno buturi gãna. Jeyaro ciento cuarenta y cuatro mil Israel sita gãna ñama ñna”, yire gaye oca ruyucu. ⁵ Ado bajiro wame cuticã juã gũbojeno buturi gãna, Israel sita gãna: Judã ñayoru janerãbatia doce mil ñacã. Rubén ñayoru janerãbatia doce mil ñacã. Gad ñayoru janerãbatia doce mil ñacã. ⁶ Aser ñayoru janerãbatia doce mil ñacã. Neftalí ñayoru janerãbatia doce mil ñacã. Manasés ñayoru janerãbatia doce mil ñacã. ⁷ Simeón ñayoru janerãbatia doce mil ñacã. Leví ñayoru janerãbatia doce mil ñacã. Isacar ñayoru janerãbatia doce mil ñacã. ⁸ Zabulón ñayoru janerãbatia doce mil ñacã. José ñayoru janerãbatia doce mil ñacã. Ito yicõri susari Benjamín ñayoru janerãbatia doce mil ñacã. Ñna ñacã Dios wame wõ ecorona.

Jãjarã botirise sãñarã

⁹ Ito yija bero uju ya cumuro riojo, ito yicõri Oveja Macu riojo jãjarã masa ticu yu. Ñna ñacã co sita gãna ruyabeto, co oca ruyabeto busirã, co cuto gãna ruyabeto, ito yicõri co butu gãna ruyabeto ñacã ñna. Cõĩaja jediado manicã ñna. Yutabujuri botirise sãñacõri ñna ya amõrijũ rujaño caeri rucocã ñna. ¹⁰ Ado bajiro oca sẽoro awasã busicã ñna:

Dios rotira cumuroju rujigu, ñ ñami manire masorocu. Ito yicõri Oveja Macu ñ cuni manire masorocuti ñami, yicã ñna.

¹¹ Ito bajiro ñna yiroca riti ángel mesa ñajediro, bucũrã, juariarã tĩiaña mana cuni uju ya cumuro riojo Diore rucũbuorã ñini rũjũcõri ñna ya rio sita cõoro muqueacã ñna. ¹² Diore rucũbuorã ado bajiro yicã ñna:

Mũ ña rucũbuorũ. Mũ ña rẽtoro ñasagu. Mũ ña rẽtoro masigũ. Mũ ña rẽtoro queno yigu. Mũ ña masa jeyaro ñna rucũbuogũ. Mũ ña rẽtoro sẽogũ. Ñimũ gãji mũ

rētoro sēogū maquīji. Mū ña Dios gūa ʘjū. Ito bajiroti ñatĩñama mū. Ito bajiroti bajitĩñajaro. Itocō ña. Amén, yicā ña.

¹³ Ito yija sīgū b̄uc̄ugū ȳre seniñaquī:

—¿Ñimarā ñati botirise sãñarā? ¿No gãna wadiyijari ña? yiquī ī ȳre.

¹⁴ Ito ī yijare ado bajiro c̄adicū ȳ:

—Masibe a ȳ. Mū m̄ari masigūja. Ȳre gotiya, yicū ȳre.

Ȳ ito yijare:

—Ña ñama b̄uto t̄ob̄ujabobarāti ña ñeñaro yirisere jidic̄ac̄ōri, r̄ūm̄ua ʘj̄re r̄etoc̄ūana. Ña ñeñaro yirisere coeñi Oveja Macū, ī ya r̄ina. Ito bajiri yutabujuri boti quenarise sãñama ña, yiquī ī ȳre. ¹⁵ Ito bajic̄ōri ʘj̄ ya cumuro riojo Diore r̄ūc̄ub̄uo ñama ña. Ito yic̄ōri ī ya wire ʘm̄ua, ñami c̄uni ĩre moa ĩsiam a ña. Ito bajiri ī masirisena ĩnare codetĩñagū yiguīji Dios. ¹⁶ Ito bajiri j̄uaji ñioc̄ōmena yirāji ña. J̄uaji idi ãmomena yirāji ña. Ito yic̄ōri ūmacañi j̄uaji asi jeobicū yiguīji ĩnare. Ito bajiri asirise t̄uoñamena yirāji ña. ¹⁷ ʘj̄ ya cumuro riojo ñagū Oveja Macū, ĩnare codegū yiguīji. Oveja coderi mas̄ robo bajiro ĩnare codegū yiguīji ī. Ide catitĩñare gaye idijaro ña yirocū, ĩnare t̄ua wacū yiguīji Oveja Macū. Ña ya cajeari yago ide wejac̄agū yiguīji Dios. Ito bajiri wan̄rā, t̄udi otimena yirāji ña ĩja, yiquī ī ȳre.

8

R̄uyarijū s̄obiarajū ñigãre gaye

¹ Ito yija Oveja Macū j̄ua ãmojeno s̄obiarajū r̄uyarijū ñigãquī ĩja. Ito bajiro ī yiroca yoa b̄usari treinta minutoc̄ ūmac̄j̄ mac̄ar̄uc̄ōroj̄ oca manoti ñacū. ² Ito bajija bero j̄ua ãmojeno ángel mesa Dios riojo ña r̄ūḡōja ticū ȳ. J̄ua ãmojeno trompeta jutiragari boca ãmicā ña. ³ Ito yija ḡaji ángel oro t̄eroj̄ soeja s̄uti quenarise s̄ac̄ōri ejaquī. Diore r̄ūc̄ub̄uorā ña soe ĩsisotira casabo riojo r̄ūḡōquī ī. Ito yic̄ōri jaje soeja s̄uti quenarise boca ãmiquī ī. Iti ñacū, Dios ñarā Diore ña b̄usiroca soe ĩsiroti. Ito yic̄ōri ʘj̄ ya cumuro riojo Diore soe ĩsira casaboj̄ Diore soe ĩsiquī ī. Orona ña menira casabo ñacū iti casabo. ⁴ Ito bajiro ī soe ĩsija bueri queno s̄uti quenarise bue ejaçū Diore. Dios ñarā ĩre ña b̄usirise c̄uni ejaçū ī t̄u. ⁵ Ito yija ángel Diore ña soe ĩsira casabo gaye ī r̄uc̄ori t̄eroj̄ r̄iti yorise sã dajoquī. Ito yic̄ōri adī sitare r̄iti yorise yua queoquī. Ito bajiro ī yijare b̄ujo ī borea yirise ñacū. B̄ujo oca c̄uni ruyucū. Ito yic̄ōri guijoro ruyucū. Ito bajic̄ōri sita ʘecū. Ito bajirise ticū ȳ, ȳ c̄airoj̄.

Jutiragari gaye

⁶ Ito yija bero trompeta wame c̄utirisena jutirona r̄uco yuc̄acā ángel mesa j̄ua ãmojeno ñarā.

⁷ Cajero gagū jutis̄oquī. ĩ jutirocati ide b̄ura c̄ujiri sitaj̄ quedi queacū. Ito yic̄ōri jea ʘj̄urise r̄i w̄sarise quedi queacū. Iti quedi quearoca sita ḡudareco adoj̄ua b̄usac̄ō ña jedicoacū. Yucū c̄uni ḡudareco adoj̄ua b̄usac̄ō ñacū. Ta cati c̄uni ña jedicoacū.

⁸ Ito bero gagū ángel jutiquī. ĩ jutirocati ḡūtagū bajiro ʘj̄uc̄ōri riaca jajosaj̄ quedi roacū. Ito bajiroca riaca jajosa ḡudareco adoj̄ua b̄usac̄ō r̄i godō wedicū. ⁹ Ito bajiri riaca jajosa gãna ḡudareco adoj̄ua b̄usac̄ō c̄ō jedicoacā ĩja. Ito yic̄ōri ḡudareco adoj̄ua b̄usac̄ō cuma b̄uc̄uri ruja jedicoacū ĩja.

¹⁰ Ito bero gagū ángel jutiquī. ĩ jutirocati ūmac̄j̄ gagū ñoc̄ōa jaigū quediquī. Jea ʘj̄urise b̄ucū bajiro quediquī ī. Riacara, ide ūmaburi gojeri ḡudareco adoj̄ua b̄usac̄ō quedi roaquī ī. ¹¹ “S̄ūerise”, wame c̄utiquī ī ñoc̄ōam̄. Ito bajiri ḡudareco adoj̄ua b̄usac̄ō s̄ūerise godō wedicū ide. Ito bajiri itire idic̄ōri masa j̄ajarā godacā.

¹² Ito bero gagū ángel jutiquī m̄ucana. ĩ jutirocati ūmacañi ʘm̄ua gagū ḡudareco adoj̄ua b̄usac̄ō ñeñaquī. Ito yic̄ōri ñami gagū ḡudareco adoj̄ua b̄usac̄ō ñeñaquī. Ñoc̄ōa c̄uni itoc̄ōti ñeñacā. Ito bajiri ḡudareco adoj̄ua b̄usac̄ō busubiticā ña. ʘm̄ua gagū j̄uarijiri c̄ōrec̄ō busubiticū. Ñami gãna c̄uni itic̄ōti busubiticā.

¹³ Ūmac̄j̄ ti m̄oca yigū, ga ī w̄tija ticū ȳ. Ado bajiro oca s̄oro b̄usi ruyuquī ī:

—Bujato bajiro wado ya adi sita gānare. Ƴdiarā ángel mesa jutimena ĩna jutiroca buto tōbujarā yirāji adi sita gāna. Bujato bajiro yiroja ĩnare, yi ruyuquĩ ĩ yu t̃uoja.

9

Susabiti goje gaye

¹ Ito bero co d̃jamo ñagũ ángel jutiquĩ m̃cana. ĩ jutirocati s̃gũ ñocōa robo bajigu ado jacajũ ĩ quedi queaja ticũ yũ. Quedi queacōri susabiti goje soje janado boca āmiquĩ ĩ. ² Ito yicōri iti sojere janaquĩ ĩ. ĩ janagoroca jairo Ƴj̃urime bueri robo bajiro m̃jacũ. Jairo bue dajacōri r̃ait̃iacoacũ. Ito bajicōri ũmacañi c̃ni ruyubitiquĩ. ³ Iti bueri wato ñimia j̃jarā w̃ti batacā adi mac̃ar̃uc̃urore. Cotiwāja robo bajiro toarā ñacā ĩna ñimia. ⁴ “Tare, yuc̃are, oteja judirisere c̃ni ba ñeñobesa m̃ua”, Dios ĩ yicāna ñañi ĩna. “ ‘Āni ñami Dios yagũ’, wame w̃ñamenare riti Ƴsirioro yiba m̃ua”, Dios ĩ yicāna ñañi ĩna. ⁵ “Masare Ƴsirioro yiba”, Dios ĩ yiana ñabobarāti, “Masare s̃iama”, ĩ yiana meje ñañi ĩna. “Co d̃jamocō ũmacañicō masare ruj̃ri juniroca yiba”, Dios ĩ yicāna ñañi ĩna. Masare ruj̃ri juniroca ĩna yija, cotiwāja ĩ toaro bajiro junirā ñacā ĩna. ⁶ Iti r̃um̃uri iti ejaroca buto goda āmorā yirāji masa. Ito bajibobarocati goda masimena yirāji ĩna. Ejori goda āmobarāti godamena yirāji ĩna.

⁷ Yũ tija ñimia cabarua robo bajirā ñacā. Gāmeri s̃iarona ña yucāna robo bajiro bajicā ĩna. ĩna ya rijogari joe oro bedori bajirise jesacā ĩna. Ito yicōri ĩna ya riori, masũ rio bajiroti bajicũ. ⁸ ĩna ya joa romia joa bajirise ñacũ. Ito yicōri ĩna ya guji yai guji bajirise ñacũ. ⁹ ĩna ya ruj̃ũ c̃ni gaye come wero robo bajirise ñacũ. ĩna w̃tija ĩna ya caerori cabarua j̃jarā ĩna ũmaquedi robo ruyucũ. Gāmeri s̃iarā warā j̃jarā cabarua tunuricori ĩna t̃ua waro bajiro ruyucũ. ¹⁰ Cotiwāja jotia robo bajiro jotaga c̃tirā ñacā ñimia. Ito bajiri co d̃jamocō ũmacañicō masare ruj̃ri juniroca yi ñacā ĩna. ¹¹ ĩna ñimia Ƴj̃ũ s̃gũ ñaquĩ. Susabiti goje gagũ ñaquĩ ñimia Ƴj̃ũ. Ángel ñagorũ ñaquĩ ĩna Ƴj̃ũ. Hebreo ocana Abadón wame c̃t̃iquĩ ĩ. Griego ocana Apolión wame c̃t̃iquĩ. “Ruyuriori masũ”, yireoni ña iti.

¹² Ito bajiro r̃etacũ cajero tōbujas̃uroti gaye. Ito bero j̃uaji gaye r̃yacũ m̃cana.

¹³ Ito yija bero gagũ ángel jutiquĩ m̃cana. ĩ jutirocati Dios riojo ĩre soe ĩsira casabo j̃uaria saburi sabu c̃tiri casabo wato oca ruyucũ. ¹⁴ Ito juti ruyucac̃are ado bajiro oca goti ruyucũ:

—Éufrates wame c̃tirisa tu j̃uararā ángel mesa ñagoana sia c̃uanare ōjaña, yire oca ruyucũ.

¹⁵ Ito bajiri j̃uararā ángel mesa ñagoanare ōjaquĩ ĩ. G̃dareco adoj̃ua b̃sacō masare s̃iajaro yirocũ, ĩnare ōjaquĩ ĩ. “Iti rodoti, ĩ ũmacañiti, iti r̃um̃uti, iti horati ĩnare s̃iama”, yi goticāna ñañi ĩna. ¹⁶ “Doscientos millones surara cabaru joej̃ũ jesarā ñama”, yire gaye oca t̃uocũ yũ.

¹⁷ Ito yirocati yũ c̃airoj̃ũ cabaru joe jesarāre ticũ yũ. ĩna ya ruj̃ũ c̃ni gaye ricati riti ñacũ. Gājerā s̃uarise, gājerā s̃umearise, gājerā bodearise c̃ni c̃ticā ĩna. Yai rijoga bajiro rijoga c̃ticā ĩna cabarua. ĩna ya riserij̃ũ bueri, jea, ito yicōri azufre wame c̃tirise c̃ni budicũ. ¹⁸ Iti Ƴdiaji gaye cabarua ya riserij̃ũ budicati g̃dareco adoj̃ua b̃sacō masare s̃iacũ iti. J̃jarā masare jeana, buerina, ito yicōri azufre wame c̃tirisena c̃ni masare s̃iacā ĩna. ¹⁹ ĩna ya riserina, ĩna ya jotiarina c̃ni masare s̃ia masirā ñacā cabarua. ĩna ya jotiarina ña robo bajiro rijoga c̃ticũ. Ito bajiri ĩna ya jotiarina masa ĩna tōbujaroca yicā ĩna.

²⁰ J̃jarāre s̃iacā ĩna. ĩnare s̃iaja tibararāti ĩna ñeñaro yirise jidicābiticā gājerā. R̃m̃uare r̃uc̃ub̃uo jidicābiticā ĩna. R̃uc̃ub̃uorona ĩna meniana ñacā. Oro, plata, bronce wame c̃tirisena, g̃ta, yuc̃na c̃ni menicā ĩna ĩnare r̃uc̃ub̃uorona. ĩna menire tirise meje, warise meje, t̃urise meje ñabobarocati itire r̃uc̃ub̃uot̃iñacā ĩna. ²¹ Gājerāre s̃ia jidicābiticā ĩna. Masare ĩna rojarise jidicābiticā ĩna. Romiare ĩna ajerise jidicābiticā. ĩna rinirise c̃ni jidicābiticā ĩna.

10

Dios ñaro gagu ángel papera tunara joti rucogu

¹ Ito yija gāji ángel sēogū ūmacūju ī ruji wadija ticu yu. Ide bueri wato ruji wadiquī ī. Ī ya rijoga weca bue bedo ñacu. Ī ya rio ūmacañi ūmua gagu bajiro yocu. Ī ya ñicuri jea ūjurise curise bucu robo bajiro bajicu. ² Ī ya āmoju papera tunara joti ōjacōri rucocuī. Ruji ejacōri ī ya gūbo riojocaduja riaca jajosa cūda roaquī ī. Ī ya gācodujaga gūbo boeju cūda cūquī. ³ Ito yicōri oca sēoro awasāquī. Yai awasāro bajiro ruyucu ī awasāja. Ī awasārocati jua āmojeno būjoa busi ruyucā. ⁴ Būjoa oca ruyurise ucarocu yibojacu yu. Iti ucagu wagu yu yirocati ūmacūju ado bajiro oca ruyucu yure:

—Jua āmojeno būjoa oca ruyurise gājerāre gotibesa. Ucabesa itire, yire oca ruyucu yure.

⁵ Ito yija bero co dūja gūbo riaca ju cūda rūgōcōri gaje dūja gūbo boeju cūda cūgū, ī ya āmo riojocaduja ūmacūju ī ñumuoja ticu yu. ⁶ Riti bajiro yiroja yirocu, “Dios catitīñagū ī tiro riojo ado bajiro ya yu”, yiquī ī. Dios ñami ūmacūju macārucārore rujeoru. Sita, riacari curise, ito yicōri jeyaro itiju ñarise rujeoru ñami ī. Riti bajiro yiroja yirocu, Dios ī tiro riojo ado bajiro ya yu:

—Ñe sejare mano yiroja ĩja. ⁷ Sūsagu ángel jua āmojeno ñagū ī jutiroca, “Ado bajiro yigu yigūja yu”, Dios ī yiado bajiroti yigu yiguji ī. Jane mejeju masare iti gaye goti jeobisi ī maji. Īre goti ĩsiri masare riti gotiñi ī. Īnare ī gotiado bajiroti rētarō yiroja ángel sūsagu ī jutija, yiquī ī.

⁸ Ito bajiro ī yija bero ūmacūju oca ruyucati tūdi ruyucu yure mūcana. Ado bajiro yi ruyucu yure:

—Ángel ī ya riojocaduja riaca ju cūda roacōri, boeju cūda cūgū tu wasa. Papera tunara joti ī rucorise āmiña, yire oca ruyucu yure.

⁹ Ito bajiro iti ruyuja tūcōri, ángel tu wacu yu. Ī tu ejacōri papera tunara jotiācā ĩre senicu yu. Yu senija ado bajiro yure cūdiquī ī:

—Īmo baya. Iti mū baja beroa ide robo bajiro ibisitiro yiroja mū ya rise. Ito bajibojarocati iti mū baja bero ñeme jiacōri mure jeraga juniro yiroja, yiquī yure.

¹⁰ Ito ī yirocati āmoju ī rucorise papera āmicu yu. Itire āmicōri bacu yu ĩja. Beroa ide robo bajiro ibisiticu iti yu baja. Ito bajibojarocati iti yu baja bero yu ya jeragaju buto junicu. ¹¹ Yu baja beruju ado bajiro yure gotiquī ī:

—“Co butu gāna ruyabeto, co sita gāna ruyabeto, co oca ruyabeto busirāre, ito yicōri ūjarā ñarocōreti ado bajiro rētarō wado yiroja”, Dios ī yire gaye mūcana tūdi goti quenore ña mure, yiquī ángel yure yu cāiroju.

11

Jūarā busi ejabuar masa gaye

¹ Ito yija bero cōīara jāi, yoari jāi yure ĩsiquī. ĩsicōri ado bajiro yure gotiquī ī:

—Īmo, āmiña. Yu ya wire yure rūcūbuorā masa ĩna minjuara wire cōīatēña. Yure ĩna soe ĩsira casabore cūni cōīama. Ito yicōri yure rūcūbuorāre cōīama. ² Yu ya wi riojo ñari tūcūrore cōīabeja. Yure boca āmimena ya tūcūro ña iti tūcūro. Yu ñarā meje ñama ĩna. Ūdia rodo gaje rodo gūdarecocō yu ya cūto ñeñaro yi ucurā yirāji ĩna. ³ Ito bajiri jūarā yu gaye busirā yure busi ejabua waronare cōagū yigūja yu. Ūdia rodo gaje rodo gūdarecocō yu gayere busi ñarā yirāji ĩna. Bojori būjarā ĩna sāñarise sāñarā yirāji ĩna, yiquī Dios yure.

⁴ Adi macārucāro Ūju Dios riojo, olivos wame cutiricu juagu ña. Ito yicōri jeobusuora tutu jua tutu ña. Iti robo bajiro bajirā ñama jūarā ĩre busi ejabuarā. ⁵ ĩna wajanare ĩna ñeñaro yi āmoja, ĩna ya riserina jea bucā ĩna. Ito bajiro yicōri ĩna wajanare soe jeocā ĩna. No ĩnare ñeño āmorāre ito bajiroti soecā ĩna. ⁶ Ide quedire ĩna āmobeja, idere camota masirā ñacā ĩna. Dios gaye ĩna riasoroca ide quedibe yirona camotacā ĩna. Idere rí iti godō wediroca yi masirā ñacā ĩna. Ito yicōri adi sita ñarise jeyaro iti juniroca yi masirā ñacā ĩna. ĩna āmorocō yisoticā ĩna itire.

⁷ Diore ña busi ejabuarise gajanoaroca susabiti goje gagu guijogu ña tu mɔja ejaquĩ. Ñinare ñia rētocūquĩ ĩ. Ito yicōri ñinare s̄iaquĩ ĩ. ⁸ Ñinare s̄iacōri jaja cuto ma gudareco ña ya rujurire cūquĩ susabiti goje gagu. Mani Ʋjure ña s̄iara cuto ñacu iti cuto. Iti cuto gāna ñeñaro yirā ñari Sodoma cuto gāna, ito yicōri Egipto gāna bajiro bajirā yicā ña. ⁹ Ʋdia rumu gaje rumu gudarecocō maju Diore busi ejabuari masa ya rujuri cūñacu. Masa jeyaro, co butu gāna ruyabeto, co oca ruyabeto busirā, co sita gāna ruyabeto ña ya rujurire ticā. Ña yuje āmobarocati masare camota ñaquĩ susabiti goje gagu. ¹⁰ Busi ejabuari masa jūarā ña godaja ticōri, wanucā adi sita gāna. Wanusarā ñarā basa menicā ña. Ito yicōri waja manoti gāmeri gajeoni ĩsicā ña. “Ña jūarā Diore busi ejabuari masa tūdi manire usirioro yimenaji”, yi tūoīarā wanucā iti cuto gāna.

¹¹ Ito bajibojarocati ũdia rumu gaje rumu gudarecocōti ĩre busi ejabuarā jūarā tūdi ña catiroca yiquĩ Dios. Ito bajiro ĩ yijare wumu rŕgŕcā ña. Ñinare ti ñabojana ña wumu rŕgŕja, ti ũcacā. ¹² Ito yija bero oca s̄ero ũmacŕju oca ruyucu ña jūarāre:

—Adojua mɔja waya, yire gaye oca ruyucu ñinare.

Ito yija bero ide buerina mɔja wacā ña ĩja. Ito bajiro ña mɔja waja, ña wajana ñabojana ñinare ticā. ¹³ Ña mɔja warocati adi sita buto ũecu. Iti cutore mil wiri iti ñaja, cien ñari wiri juja quedicu. Sita ũerisena siete mil ñarā masa godacā. Gājerā cati ruyarā ti ũcacōri gūicā ña. Ito bajiri ũmacŕju gagu Diore rŕcubuoā ña.

¹⁴ Ito bajiro rētarise adi rāca masa ña tōbujarise juaji rētasuocu. Nocō mejeti mɔcana masa ña tōbujaroti rētacu.

Jua āmojeno ñagŕ Dios ñaro gagu ĩ jutire gaye

¹⁵ Ito yija bero susagu jua āmojeno ñagŕ ángel jutiquĩ. ĩ jutirocatis ũmacŕju oca s̄orise ruyucu yu t̄oja. Ado bajiro yi ruyucu iti:

Adi macāruc̄ro gāna ñajedirotirona ñama Dios mani Ʋju, ito yicōri Cristo c̄ni. Ʋjarā roti masirā ñatīñarā ñarā yirāji ña, yire oca ruyucu ũmacŕju yu t̄oja.

¹⁶ Ito yiroca veinticuatro ñarā bucurā Dios riojo ũju ya cumuroriju rujirā ñini rŕjŕcōri sitaju ña ya rio muqueacā ña. Ito bajiro yicā ña Diore rŕcubuoarā. ¹⁷ Ado bajiro busi ruyucā ña:

Ḡare queno ya ḡa Ʋju m̄. Rētoro masigŕ ña Dios m̄. Ñim̄ gāji m̄ robo masigŕ mami. Iti rumju gagu ña m̄, adocāta gagu c̄ni. Ijariju c̄ni ñatīñagŕ yigŕja m̄. Buto masigŕ ñari adocāta masare rotis̄oa m̄. Ito bajiri, “Queno ya m̄”, ya ḡa m̄re.

¹⁸ M̄re masimena co sita gāna ruyabeto m̄re ti junisinicā ña. Ña tōbujaroca m̄ yira rumu ejacoaju ĩja. Ito yicōri godarāre waja m̄ seniri rumu ejacoaju. M̄re moa ĩsicōri ña m̄re goti ĩsire waja, waja yira rumu ejacoaju ĩja. M̄ ñarā m̄re rŕcubuoanare m̄ waja yira rumu ejacoaju. Ñasarā, ñasa menare c̄ni m̄ ñarā ña ñajare ñinare waja yigŕ yigŕja m̄. Ito yicōri adi sita gānare ñeñaro yirāre m̄ ruyurioroti rumu ejacoaju, yicā veinticuatro ñarā bucurā Diore rŕcubuoarā.

¹⁹ Ito yija bero ũmacŕju Dios ya wi iti janaja ticu yu. Iti wi totiju Dios ĩ rotirise s̄ñari jedo iti ñaja ticu yu. Iti yu tirocatis bujo jaquĩ. Ito yicōri buto busiquĩ. Iti wato guijorise ruyucu. Sita c̄ni ũecu. Ito yicōri ide b̄ra kujiri guijoro jaje quedicu.

12

Romio tu jino robo bajigu bucu ĩ ejare gaye

¹ Ito bero ũmacŕju ijariju rētaroti ruyucu yure. ũmacañi ĩ yorise bajirise saya s̄ñacō iso romio. ũmacañi ñami gagu joe rŕgŕcō iso. Iso ya jesara bedoju jua ḡbojeno ñocōa ñacā. ² Macu s̄ñagŕ ñacō iso. Ito bajiri macu cōgŕ awasācō. Iti junijare oca jai ñacō iso. ³ ũmacŕju ija rētaroti gaye gaje ruyucu. Iso tu jino robo bajigu s̄agŕ bucu ñaquĩ. Jua āmojenogāri rijoga cutiquĩ ĩ. Jua d̄jamocō saburi sabu cutiquĩ. Ito yicōri co rijoga ruyabeto jesara bedo jesaquĩ. ⁴ Ñocōare gudareco adoju busacō ĩ ya jotiana ja ñajōquĩ ĩ. Ito bajiri sitaju quedi queacā ña ñocōa. ĩ jino robo bajigu bucu, macu cōgŕ tu tujaquĩ.

“Í rujearocati ìre bacũja”, yirocũ tujaquĩ ì. ⁵ Ito ì yiroca ãmũgũ macũ cuticõ iso. Masa jeyaro Ʋjũ ñarocũ ñaquĩ ì. Dios ì cũrũ ñari sãoro roti masiquĩ. Iso rũcoja bero Ʋjũ ya cumuro Dios ì rujiro tũ ìre ãmi ejacã ìna. ⁶ Ito yirocati masa manojũ rudicoacõ macũacã jaco. Itojũ iso ñarotijũ ñacãcũ Dios ì cũrajũ. Itojũ mil doscientos sesenta rãmũri codequĩ Dios isore.

⁷ Ito yija bero ãmacũjũ ìna gãmeri sãaja ticũ yũ. Ángel mesa Miguel Ʋjũ rãca ñarã, ángel mesa ñagoana jino robo bajigũ bucũ ñarã rãca gãmeri tãcã ìna. ⁸ Miguel mesare rãtocũbiticã ìna. Ito bajiri ãmacũjũ Dios tũ ña masibiticã ìna ìja. ⁹ Ito bajiro ìna yijare jino robo bajigũ bucũre bucõaquĩ Dios. Dios ì bucõarũti ñami rãmũa Ʋjũ Satanás wame cutigũ. Ìti ñami jane mejejũ jino robo godo wedirũ. Ìti ñami masa jeyarore rũogũ. Ì ñarã Dios tũ ñagoana rãcati bucõaquĩ Dios adi sitajũ ìna ñatoni.

¹⁰ Ito yija ãmacũjũ oca sãoro ado bajiro ruyucũ:

—Masare masorocũ ñacãmi Dios ìja. Ito bajiri mani Ʋjũ ñarocũ ñami ì. Ì masirise cũni ìorocũ ñacãmi. Ì Macũ Cristo cũni ì masirisena rotirocũ ñacãmi. Rãmũa Ʋjũre bucõacacũ ñami ì. Ì bucõarũti ñami Cristore tũorũnrãre oca menigũ. Ʋmũa, ñami cũni Dios ì tiro riojo mani ñarãre oca meni ãmobjagũ, “Seti cutiama ìna”, yisotibojami ì Diore. ¹¹ Mani ñarãjũ ìre rãtocũcã ìna. “Í ya rĩna mani ñeñaro yirisere coe jeogũ yiguĩji Oveja Macũ”, yì tũoĩacõri rãmũa Ʋjũre rãtocũcã ìna. “Cristo oca mani riasoja ticõri, manire sãarã yirãji”, yì tũoĩacã ìna. “Manire ìna sãa ãmobjarocati Dios ocare jidicãmenaji mani”, yì tũoĩacã ìna. Ito bajiro yicõri rãmũre rãtocũcã ìna. ¹² Rãmũre ìna rãtocũja ticõri, wanũña ãmacũjũ gãna mũa. Mũa adi sita gãnareama bũjato bajiro yiroja. Mũa riaca jajosa gãnare cũni bũjato bajiro yiroja. Mũa tũjũ rujicoami rãmũ ìja. Ito bajiri bũjato bũjarã wana ya mũa. “Yoari mejeti yũ tõbũjaroca yigũ yiguĩji Dios”, yirocũ bũto junisiniami rãmũ adocãta, yì ruyucũ oca ãmacũjũ.

¹³ “Adi sitajũ cõami Dios yũre”, yì ti masicõri, romio macũ rũcorore sũyaquĩ jino robo bajigũ bucũ. ¹⁴ Isore ì sũyabojarocati ga caero jũ caero cũrise bucũ isore ìsicã ìna iso wũtiti. Ito bajiri masa manojũ iso ñarojũ jinore wũti rudi wacõ iso. Itojũ ãdia rodo gaje rodo gũdarecõcõ isore bare ecacõri tirũnũ ñaquĩ Dios. ¹⁵ Iso rudija ticõri, isore sãa ãmoquĩ jino robo bajigũ. Ito bajiri ì ya risena ide buquĩ isore rurocũ. ¹⁶ Ito bajiro ì yibojarocati sita ejabũacũ isore. Rãmũ ide ì bubojare sitati udi ãmi jeocõcũ. ¹⁷ Iti ito bajija ticõri, bũto romiore junisiniquĩ jino robo bajigũ. Isore sãa masibiticõri iso janerãbatiare tãgũ waquĩ rãmũ. ìna ñama Dios rotirise cũdirã. Ito yicõri Jesucristo oca tũorũnũ sũyarã ñari bojomenati masare goti batorã ñama ìna. ¹⁸ Ìnare sãa ãmogũ jino robo bajigũ riaca jajosa tũnima jajũjũ bocati ñacãquĩ ì, yũ cãirojũ yũ tija.

13

Jũarã guijorã tiya mana gaye

¹ Ito bero yũ cãirojũ sĩgũ guijogũ tiya macũ ì maja wadija ticũ yũ. Jũa ãmojenogãri rijogari cutigũ ñaquĩ ì. Jũa dũjamocõ saburi cutiquĩ ì. Co saburi rũyabeto come bedori jesacũ. Ì ya riowecarijũ wame wãñacũ. Wame ñeñarise iti ñajare itire ti te ñaquĩ Dios. ² Ì guijogũ yũ ticacũ, yai robo bajiro bajiquĩ. Oso wame cutigũ bajiro cũrise gũbo cutiquĩ ì. Yai jaigũ bucũ robo bajiro rise cutiquĩ ì. Guijogũre queno ì masiroca yiquĩ jino robo bajigũ. Ito yicõri ì rujiri cumurojũ ìre rojoquĩ guijogũre. Ito yicõri masare ì roti masiroca yiquĩ jino robo bajigũ. Ito bajiri jino robo bajigũ bajiroti roti masiquĩ guijogũ cũni. ³ Guijogũ coga ì ya rijogajũ ìre ìna sãabojare camì cutiquĩ ì. Ì ya camì yaticoyija yũ tija. Ì catija ticõri, adi sita gãna ñarocõti ìre ti ãcacã. Ito bajiri ìre rũcũbuo sũyacã ìna. ⁴ Guijogũ ì roti masiroca jino robo bajigũ ì yijare, jino bucũjũare rũcũbuocã masa. Ito yicõri guijogũre cũni rũcũbuocã ìna. ìre rũcũbuorã ado bajiro yicã ìna:

—Ñimũ gãji ãni guijogũ robo bajigũ mami. Ñimũ gãji ìre tã rãtocũgũ mami, yì rũcũbuocã masa guijogũre.

⁵ “Yũ ña rētoro ñasagũ. Ñimũ gāji yũ robo bajigũ maquĩji”, yiquĩ guijogũ. Ito yicōri Diore ñeñaro busituquĩ ĩ. Cuarenta y dos ũmacañicō roti ñaquĩ ĩ. Ito bajiro ĩ yija ticōaquĩ Dios. ⁶ Dios ĩ tuoro riojo ĩre busituquĩ ĩ. Dios wamere ñeñaro busiquĩ ĩ. Dios ya wire cuni ñeñaro busiquĩ ĩ. Ito yicōri ũmacũjũ gānare cuni busituquĩ ĩ. ⁷ Dios ñarā rāca gāmeri tēcōri ĩnare rētocũquĩ ĩ. Ito bajiro ĩ yibojarocati ticōaquĩ Dios ĩre. ĩre rēobitiquĩ Dios maji. Ito bajiri co butu gāna ruyabeto, co cuto gāna ruyabeto, co oca ruyabeto busirā, ito yicōri co sita gāna ruyabeto roti ñaquĩ guijogũ. ⁸ Adi sita gāna ñajediro ĩre rēcubũo jedicā ĩna. Adi macārũcũrore Dios ĩ rujeoroto riojũajũ, “Āna ñama yũ ñarā, catitĩñarona”, yiarĩ wame wōcāñi ĩ ya papera tutijũ. Iti tutire rucogũ ĩ ñami Oveja Macũ, ĩna sīarũ. Iti tutijũ wame wāñamena guijogũre rēcubũocā ĩna, yũ cāirojũ.

⁹ No gāmo goje cutirā tuoya. ¹⁰ “Seti cutirā ñama ĩna”, ĩna yi ñia āmi warāma, tubiara wijũ āmi warā yirāji. Ito yicōri, “Seti cutirā ĩna ñajare sarera jāina ĩnare sīaja quena”, ĩna yianare sarera jāina sīarā yirāji ĩna. Ito bajiri mani Dios ñarā ñari mani tōbũjajojaja cuni tuoĩa usirio yibitirũja manire. Ito yicōri Diore tuorũnũ jidicābitirũja manire.

¹¹ Ito yija bero gāji guijogũ sitajũ ĩ joejea wadija ticũ yũ. Jũa sabu mutacā oveja macũ saburiacā robo bajiro sabu cutiquĩ ĩ. Ito bajibojarocati jino oca robo bajiro ruyucũ ĩ busija. ¹² Cajero gagũ guijogũ ĩ bero gagũre ĩ robo bajiroti ĩ roti masiroca yiquĩ ĩ, ĩre. Ito bajiri masa ĩna sīabojarũ cami cutigũre masa ĩre rēcubũoroca yiquĩ ĩ, bero gagũ. ¹³ ĩ cuni masa tiro riojo guijorise tiyamani ĩoquĩ. Masa ĩna tiro riojo ũmacũjũ gaye jea ũjũrise jacajũ iti quedĩ quearoca yiquĩ ĩ. ¹⁴ Ito bajiro masa ĩna tiro riojo tiyamani ĩ ĩoja, ĩnare ruogũ yiquĩ ĩ. Cajero gagũ guijogũ ĩ ñaroca riti tiyamani ĩosotiquĩ ĩ bero gagũ. Cajero gagũ guijogũ rujũ robo bajiro masare meni rotiquĩ bero gagũ. Cajero gagũ guijogũ ĩ ñaquĩ sarera jāina ĩna cami menibojarũ. ĩ ya rujũ robo bajiro masare meni rotiquĩ bero gagũ. ¹⁵ Masa ĩna meni rujeoja ticōri, ĩna menirũre catiocōri ĩ busiroca, bero gagũ guijogũ ĩ yi masiroca yiquĩ cajero gagũ guijogũ. Ado bajiro gotiquĩ ĩna meni rujeorũ: “Yũre rēcubũomenare sīaja quena”, yi rotiquĩ yũ cāirojũ. ¹⁶ Ito yija masa ñajedirore ĩna ya āmo riojocadũjare, ito yicōri ĩna ya riowecare wame wō rotiquĩ ĩ. Ñasari masa, ñasamenare cuni, niyeru jairā, bojoro bũjarā, queno ĩna āmoro robo ñarāre cuni, gājerāre moa ĩsiri masare cuni ĩna ñarocōreti wame wō rotiquĩ ĩ. ¹⁷ Waja āmorā ĩna ĩsi āmobjarocati gāmeri ĩsire manicũ, wame wāñamenare, ĩ rēojare. Guijogũ wame ito yicōri ĩ ya número wāñamenare waja gāmere manicũ ĩnare.

¹⁸ “Ito bajiro yireoni ña iti número”, mani yi masi āmoja, queno itire riasotija quena. Iti número ũmũgũ wame yireoni ña. Ado bajiro bajicũ iti número, seiscientos sesenta y seis ñacũ.

14

Dios ĩ masoana ĩna basare gaye

¹ Ito bajija bero Siōn wame cutiri buro joe, Oveja Macũre ĩ rũgōja ticũ yũ. Ciento cuarenta y cuatro mil ñarā ñacā masa ĩ rāca. ĩna ya riowecarijũ Oveja Macũ wame, ito yicōri ĩ Jacũ wame wāñacũ ĩnare. ² Ito bero ũmacũjũ oca ruyucũ. Gũta iti udiro bajiro, bũjo bũto ĩ jaro bajiro, ito yicōri arpa wame cutirise jājarā basa ĩna meniro bajiro ruyucũ. ³ Jũariarā tĩĩañã mana catirā, ito yicōri veinticuatro ñarā bũcũrā Dios rotira cumuro tũ ñacā. ĩna riojo ciento cuarenta y cuatro mil ñarā mame basa sēacā ĩna. Adi sita gāna Dios ĩ masoana riti basa sēa masicā itire. ⁴ ĩna ñacā romia rāca ajeĩamena. Ñeñaro yi āmobicōri romiare ajeĩabiticā ĩna. Oveja Macũre cudicōri no ĩ warojũ ĩ rāca wacā ĩna. Adi sita gāna Dios ĩ masoana ñacā. Ito bajiro bajirā ñari ĩna ñacā cajero Oveja Macũ ñarā, ito yicōri ĩ Jacũ ñarā ñasũoana. ⁵ ĩna wato sigũ socagũ maniquĩ. Dios ĩ tiro riojo seti mana ñacā ĩna.

Dios ñaro gāna udiarā

⁶ Ito bero gāji ángel ũmacũjũ ĩ wũtija ticũ yũ. ĩ ñaquĩ, “Masare masogũ yiguĩji Dios”, yire oca gotigũ. Wasoa ecobeto yiroja iti ñatĩñaroti ñari. Co sita gāna ruyabeto, co butu

gãna ruyabeto, co oca ruyabeto busirã, ito yicõri co cuto gãnare ruyabeto iti oca busirocu ñaquĩ ï. ⁷ Ado bajiro sëoro busi ruyucuĩ ï:

—Jeyaro masigũ Dios ï ñajare, ïre güija quena. Ito yicõri ïre rucubuoja quena. Masa ñna ñeñaro yirise waja, waja senira rumu ejacoaju ïja. Dios ï ñami umacũju, jacaju cuni, riacari, ide umaburijari cuni meniru. Ito bajiro yiru ï ñajare ïre rucubuoja quena, yi ruyucuĩ ángel umacũju.

⁸ Ito bero mucana gãji ángel ï wutija ticu yu. Ado bajiro busi ruyucuĩ ï:

—Babilonia wame cutiri cõtore, ito yicõri iti cuto gãnare cuni ruyurioquĩ Dios. Babilonia gãna gãjerã ñna ñeñaro yitoni usirio codecã ñna. Sigũ uyé ide queagu ï usirio codero bajiro yicã ñna, yi ruyucuĩ ángel.

⁹ Ito bero gãji ángel ticu yu. Ñna udiarã ticu yu jeyaro. Ado bajiro oca sëoro busi ruyucuĩ ï:

—Guijogure rucubuoarẽ ñna tóbujaroca yigu yiguĩji Dios. Ñ ya ruju ñna meni rujeorure rucubuoarẽ cuni ñna tóbujaroca yigu yiguĩji Dios. Ñ wamere ñna ya amoju, ñna ya riowecaju wõ rotirãre ti junisinigũ yiguĩji Dios. Ito bajiri ñna tóbujaroca yigu yiguĩji ï.

¹⁰ Ado bajiro baja iti. Uyé ide, ide wuoya mani buto riarise ñacu. Iti uyé ide buto riarise wuoya mani robo bajiro buto ñna tóbujaroca yigu yiguĩji Dios. No guiogure rucubuoarẽ jeame ñjuroju cõagũ yiguĩji Dios. Jeana, azufre wame cutirisena cuni tóbujarã yirãji ñna. Oveja Macu ï tiro riojo ángel mesa ñna tiro riojo cuni tóbujarã yirãji ñna. ¹¹ Ñna uarime gaye bueri buetarobetoja. Ito bajiri guiogure rucubuoarẽ ñna tóbujarise jedibeto yiroja. Ñna meni rujeorure rucubuoarã, ito yicõri ï wame wõ rotiana cuni ito bajiro tóbujarã yirãji ñna. ¹² “Ito bajiro tóbujarã yirãji ñna”, yi tuoãcõri, Dios rotirisere queno cudiba mua, ï ñarã ñari. Jesure tuorũnu jidicãbeja mua. Mua tóbujabojaja cuni usiriobeja, yi ruyucuĩ ángel umacũju.

¹³ Ito yija bero gaje oca ruyucu yure umacũju. Ado bajiro yure yi ruyucu iti:

—Yu mure gotirisere ucaya. No Diore tuorũnu jidicãmena ñna godabojaja cuni wanu quenarã yirãji, yi ruyucu oca yure.

Gaje ado bajiro yi ruyucuĩ Espiritu Santo:

—Riti baja. Ñna moarise jidicãcõri, tujacãrã yirãji ñna. Umacũju ñna ejaroca queno ñna yigorere waja yigu yiguĩji Dios ñnare, yi ruyucuĩ Espiritu Santo.

Diore tuorũnurãre miojucõri ï ãmire gaye

¹⁴ Ito yija ide bueri queno botirise ticu yu. Ide bueri joe Masa Rĩjoru robo bajigu rujiquĩ. Oro bedo jesaquĩ ï. Ñ ya amoju yoara jãi odiri jãi rucocuĩ ï. ¹⁵ Ito yija gãji ángel Dios ya wiju ï budija ticu yu. Ide bueri joe rujigure oca sëoro ado bajiro busi ruyucuĩ ï:

—Macãrucũro rica boticoaju. Rica ãmiraju ejacoaju ïja. Ito bajiri ricare jata ãmiña ïja, yi busi ruyucuĩ ángel.

¹⁶ Ito ï yija tuocõri, ide bueri joe rujigu ïre tuorũnurãre miojucõri ãmiquĩ. Ricare jata ãmigũ robo bajiro yiquĩ ï.

¹⁷ Ito bero umacũju Dios ya wiju ángel gãji budiquĩ mucana. Ñ cuni yoara jãi odiri jãi rucocuĩ. ¹⁸ Ito bero gãji ángel Diore ñna soe ísisotira casabo jea codegu budiquĩ. Odiri jãi rucogure sëoro ado bajiro busi ruyucuĩ:

—Macãrucũro gaye uyé ñicoaju ïja. Ito bajiri mu ya yoara jãi odiri jãina jata ãmiña, yi busi ruyucuĩ yu tuoja.

¹⁹ Ito ï yija tuocõri, ï ya yoara jãina adi sita ricare jata ãmiquĩ. Ñmicõri iti ide bijerotiju cũquĩ ï. “Masa ñna ñeñaro yirise ti junisinicõri buto ñna tóbujaroca yigu yiguĩji Dios”, yireoni ñna iti. ²⁰ Cuto sõjuaju ide bize ecocu iti uyé. Iti bizeja riaca robo bajiro wacu ï. Trescientos kilómetrocõ yoacu itiya riaca. Cabaru ya wayugacõ ucacu itiya.

¹ Ito bero m̄acana ũmacũju tiyamani guijorise ticu yu. Ángel mesa jua āmojeno ñarãre ticu yu. Ija rētaroti gaye jua āmojeno ñarise ña rucoja ticu yu. Iti ñacu masa ña ñeñaro yirisere ti junisinicōri ña tōbujaroca Dios i yisusaroti.

² Ito yija riaca jajosa ide ruyurisa, jea w̄sarisa ticu yu. Itiya tu masa jājarã ña rŭgōja ticu yu. Ña ñacã guijogure, ito yicōri i rujure bajiro masa ña meni rujeorare rētocũana. Ña ya riowecare guijogu ya número w̄ñarã meje ñacã ña. Riaca jajosa ide ruyurisa tu rŭgōcã ña. Arpa wame cutirise basa ejabuare Dios i isire rucoã ña. ³ Moisés Diore moa isiri masu ñayoru i basayore basacã ña. Oveja Macure wanrã ado bajiro basacã ña:

Dios, m̄ ña rētoro masigũ. Ñimujua gãji m̄ robo masigũ mami. Jeyaro m̄ rujeore ticōri, quenarise iti ñaja, ti uca ḡua. Jeyaro m̄ yirise quenarise ña. “Ado bajiro yigu yigujaja yu”, m̄ yija, yiro robo yigu ña m̄. Co sita gãna ruyabeto, masa jeyaro Uju ña m̄.

⁴ Noajua mure güimena mama ña. Ito yicōri noa mure r̄cub̄uomena mama. M̄ sigũti ña coji ñeñaro yĩabicu. Queno m̄ yirisere ticōri, masa jeyaro mure r̄cub̄uorã yirãji, yicã Oveja Macure basarã.

⁵ Ito bero ũmacũju Dios ya wi iti janaja ticu yu. Ito yicōri Dios i ñari sōa iti janaja ticu yu. ⁶ Itoju Dios ya wiju jua āmojeno ángel ñarise rucoã ña budija ticu yu. Yutabuju ueri mani queno botirise sãñacã ña. Ito yicōri ña ya wẽñura wiro oro gaye ñacu. Usi riojocō susacu iti wiro. ⁷ Ito yija sigũ juariarã ñagũ tĩñaña macu jua āmojeno ángel mesare oro tērori ñare i isija, ticu yu. Ija masa ña tōbujaroca Dios i yiroti dajacoacu iti tēroriju. Dios ñami catitĩñagũ. ⁸ I isirocati Dios i ñasarisenã, i masirisenã cuni jea bueri bue dajacoacu Dios ya wi ija. Iti bueroca ñimujua sãjado manicu. Jua āmojeno ángel mesa ñarise rucoãre masa ña tōbujaroca yi rotiqui Dios. Dios i rotiado bajiroti ña gajanoabeja ñimujua sãjado manicu Dios ya wiju maji.

16

Ñarise sãñari tērori

¹ Ito bero oca sēoro Dios ya wiju iti ruyuja tuocu yu. Ado bajiro jua āmojeno ángel mesare busi ruyucu iti:

—Masa ña tōbujatoni m̄a rucoi tērori sita joere jio queoya. Iti ña, masa ña ñeñaro yirisere Dios i ti terise, yi ruyucu ũmacũju.

² Ito yija cajero gagu ángel i rucoi tēro sita joe jio queoqui. Ito bajiro i yirocati guijogu ya ruju bajiro ña meni rujeorare r̄cub̄uocōri i wame w̄ñarãre ña ya rujuire cami joeacu. Buto cuni junirise ñacu iti cami.

³ Ito bero jũarã ñagũ ángel i rucoi tēro riaca jajosaju jio roaqui. I jio roarocati, rí godo wedicu ide. Godaru rí robo bajirise ñacu iti. Riaca jajosa gãna ñarocōti goda jedicoacã.

⁴ Ito bero gãji udiarã ñagũ ángel riacariju ide ũmaburi gojeriju cuni jio roaqui. Ito i yirocati rí godo wedicoacu iti riacari. ⁵ Ángel ide codegu ado bajiro busi ruyuqui:

—Dios, m̄ ña ñeñaro yĩabicu. Jane mejeju gagu ña m̄. Ito yicōri adocãta gagu cuni ña m̄. Masa ña ñeñaro yirisere ti junisinicōri rí godo wediroca m̄ yija, quena ña. ⁶ M̄ ñarãre rí budiroca yicã ña. Ito yicōri ñare s̄iacã ña. Ito yicōri mure goti isiri masare ito bajiroti yicã ña. Ito bajiri ña rí idiroca m̄ yija, ito bajiroti quena ñare, yi ruyuqui ángel ide coderi masu.

⁷ Ito yija bero Diore soe isira casaboju oca ruyucu:

—Riti ña. Ito bajiroti baja. Rētoro masigũ ña yu Uju Dios m̄. Ñimũ gãji mure bajiro masigũ mami. Queno ti masigũ ñari, masa ña ñeñaro yiadocōti riojo waja senia m̄, yire oca ruyucu Diore soe isirã casaboju.

⁸ Ito bero juariarã ñagũ ángel ũmacañi joere jiojeoqui i rucoi tērore. Ito bajiro i yirocati i asirisenã masare soequi ũmacañi. ⁹ Ito bajiri buto masare soequi i. Ito bajiro i yibojarocati, ña ñeñaro yirise jidicãbiticã ña. Ito yicōri Diore cuni r̄cub̄uobiticã ña. Ado bajiroju yicã ña. Dios ñarise rēto masigũre busitucã ña.

¹⁰ Ito yija bero co dɔjamocō ñagū ángel ĩ rɔcori tēro guijogɔ ĩ rotiri cumuro joe jiojeoquĩ. Ito ĩ yirocati guijogɔ ĩ rotiri sitare, ito yicōri ĩ ñarāre cɔni ñarocōti ráitĩacoacɔ. Buto juni wisirá ĩna ya ñemeroriti cuni canamuocā ĩna. ¹¹ Ito bajibojarocati ĩna ñeñaro yirisere jidicābiticā ĩna. ĩna cami cɔtiroca Dios ĩ yijare Diore busitucā ĩna.

¹² Ito yija bero co ámojeno ñagū ángel ĩ rɔcori tēro Éufrates wame cɔtirisajɔ jio roaquĩ. Ito ĩ yirocati riaca caracoacɔ, ũmacañi joejea wadiri dɔja gāna ɔjarā ĩna ya surara rāca ĩna jēa watoni.

¹³ Ito yija bero rŭmúa ɔdiarā tŭja robo bajirá ticɔ yɔ. Sīgŭ jino robo bajigɔ ya risejɔ budirɔ ñaquĩ. Gāji guijogɔ ya risejɔ budirɔ ñaquĩ. Gāji, “Diore goti ĩsiri masɔ ña yɔ”, yibojagɔ ya risejɔ budirɔ ñaquĩ. ¹⁴ ĩna rŭmúa ɔdiarā ñacā, tiyamani ĩosotiana. Adi sita gāna ɔjarā ñarocōti minijuacōri ĩna gāmeri tāroca yicā ĩna. Iti ñaro yiroja masa ĩna ñeñaro yirise waja jeyaro masigŭ Dios ĩ senisusari rɔmɔ. ¹⁵ Jesucristo ĩ godaroto riojɔa ado bajiro yiyijɔ ĩ: “Queno tɔoĩaña mɔa. ‘Itocō ejaɔ yigɔja yɔ’, yibicɔti, riniri masɔ ĩ ejaro bajiro ejaɔ yigɔja yɔ. No yɔ ejaroti gayere bocatirá, wanɔ quenarā yirāji ĩna. ĩna ya yutabujuri rāca ñacārā bajiro bajirá yirāji ĩna. Wasoro macɔ gājerā riojo bojogɔ bajiro meje bajirá yirāji ĩna. Yɔre bocati yucārā ñari wanɔ quenarā yirāji ĩnama”, yiyijɔ Cristo ĩ godaroto riojɔa. ¹⁶ ɔjarā minijuacōri ĩna gāmeri tārijɔ Armagedón wame cɔtirijɔ ñacɔ Hebreo ocana.

¹⁷ Ito yija bero juaga ámojeno ñagū ángel ĩ rɔcori tēro ũmacŭjɔ jio batequĩ. Ito ĩ yirocati ũmacŭjɔ Dios ya wi oca sēoro oca ruyucɔ. Dios ĩ rotiri cumurojɔa ado bajiro oca ruyucɔ:

—Itocōti ña ĩja, yire oca ruyucɔ.

¹⁸ Ito yirocati bŭjo borea yirise ñacɔ. Ito bero bŭjo busiquĩ. Ito yicōri guijorise ruyucɔ. Ito yicōri sita buto ɔecɔ. Adi sita gāna masa ĩna ñaroca ɔere rētoro ɔecɔ. ¹⁹ Iti ɔerocati jaja cɔto Babilonia wame cɔtiri cɔto ɔdiájɔjɔ bata rŭgŭcɔ. Ito bajiroti adi macārɔcŭro gaye cɔtori sita ɔerisena ruyuriocōcɔ. Babilonia gāna ĩna ñeñaro yirere masi bŭjaquĩ Dios. Ito bajiri ĩnare junisinigŭ ĩna ñeñaro yire waja ĩna tōbŭjaroca yiquĩ Dios. ²⁰ Ito bajiroti ruja yogari cɔni, gŭta yucari cɔni goda jedicoacɔ. ²¹ Ito yija bero ũmacŭjɔ gaye ide bŭra cujiri quedicɔ. Cuarenta kilos rŭcŭrisecō ñacɔ iti. Iti ĩnare quedi ejarise tōbŭjacōri buto ñeñaro Diore busitucā masa.

17

Wedi maso iso tōbŭjare gaye

¹ Ito yija juá ámojeno ñagū ángel rujatēro rɔcogorɔ yɔ tɔ ejaquĩ. Ejacōri ado bajiro gotiquĩ yɔre:

—Adojɔa waya. Buto wedi maso ñeñaro iso tōbŭjaroti gaye mŭre ĩorocɔ ya. Iso ñamo riaca jajosa gaye ide joe rujigo. ² Adi sita gāna ɔjarā ñeñaro yirā ñari iso rāca aje ñacā ĩna. Adi sita gānare ĩna ñeñaro yitoni ɔyé ide iocōri ĩna ñeñaro yiroca yigo bajiro ɔsirio codecō iso, yiquĩ ángel yɔre.

³ Yɔ cāirojɔ Espíritu Santo ĩ ĩore ado bajiro rētacɔ. Sīgŭ ángel yucɔ manojɔ yɔre āmi waquĩ. Itojɔ ejacōri guijogɔ sŭagŭ joe romio iso jesaja ticɔ yɔ. Dios ĩ ti terise wame wāñacɔ ĩre. Juá ámojeno rijogari cɔtiquĩ ĩ. Ito yicōri juá dɔjamocō saburi cɔtiquĩ ĩ. ⁴ Saya iso sāñarise sŭa ñirise, ito yicōri buto sŭarise cɔni ñacɔ. Iso seyorise jaje gajeoni cɔticō iso. Iti ñacɔ oro, gaje gŭta buto waja cɔtirise, gaje perla wame cɔtirise. Iso ya āmo oro tēro rɔcocō iso. Iti tērojɔ ñeñaro iso yirise sāñacɔ. Ñeñaro iso ũmɔa rāca yi ajerise sāñacɔ iti tērojɔ. ⁵ Iso ya rioweca tɔo masia mani wame wāñacɔ. Ado bajiro bajicɔ iti wame: “Jaja cɔto Babilonia wame cɔtigo ñamo adio. Wedi masa romia jaco ñamo adio. Ito yicōri ñeñarise jeyaro jaco ñamo adio”, yireoni ñacɔ iso ya rioweca wāñarise. ⁶ Ito yija, “Adioti ñamo Dios ñarāre sŭa rotigo. Jesure jidicāmenare sŭa rotigo ñamo. ĩnare rí buditoni mecŭcōri sŭa rotigo ñamo adio”, yi ti masicɔ yɔ. Itire ti masicōri mano ti ɔcacɔ yɔ.

⁷ Ito bajiro yɔ baji ñaroca ado bajiro gotiquĩ ángel yɔre:

—¿Ñere ti ucati mu? Iso mu tiro, “Ado bajiro yireoni ñati adi”, mu yi masitoni mure goti rētobugu ya yu. Guijogu jua āmojeno rijogari cuticōri jua dūjamocō saburi cutigu isore āmi waja mu tiru, “Ado bajiro yireoni ñati adi”, mu yi masitoni mure goti rētobugu ya yu. ⁸ Guijogu mu tiru iti rumuju catiqui maji. Adocātama ruyubeami ĩja. Ito bajiro bajibojaguti Dios ĩre ruyuriosaroto riojua susabiti gojena joejea mūja wadigu yiguĭji. ĩ joejeaja ticōri, ĩre ti ucarā yirāji masa. ĩna ñarā yirāji macārucūro Dios ĩ rujeoroto riojuaju papera tuti ucagu, “Adocō ñama catitñarā”, ĩ yi ucabitiana. Guijogu iti rumu catigoru, mucana tūdi ĩ catija ticōri, ti ucarā yirāji masa jeyaro.

⁹ Jĭju yu mure gotirise queno mu tuo masi āmoja, queno tuoja. Jua āmojeno rijogari cutigu mu tiru, gūta yucari jua āmojeno yucari bajiro bajia iti. Iti yucari ña, wedi maso iso rujiriju. ¹⁰ Gaje ĩ ya rijogari jua āmojeno ujarā bajiro bajia. Co dūjamocō ujarā ñabojana goda jedicoama. ĩna bero gagu co āmojeno ñagū adocāta masare rotigu yami. ĩ bero gagu jua āmojeno ñagū ruyubeami maji. Ija ejacōri masare rotigu yiguĭji ĩ. Ito bajiro yibojaguti yoari ñabicu yiguĭji ĩ. ¹¹ ĩna bero rotigu ñagū yiguĭji guijogu sūagū iti rumu ñagoru. ĩ ñagū yiguĭji sīgū co dūjamocō ñarā godabojaguti mucana tūdi catiru. ĩ tūdi catija bero ĩre ruyuriosagu yiguĭji Dios ĩja.

¹² Jua dūjamocō saburi mu tire, jua dūjamocō ñarā ujarā bajiro bajia iti. Masare rotisuobeama ĩna maji. Ija guijogu sūagū rāca rotirā yirāji ĩna. Ito bajibojarocati yoari mejeti rotirā yirāji ĩna. ¹³ ĩna jua dūjamocō ujarā ñabojarāti sīgūre bajiroti tuoĭarā ñarā yirāji ĩna. Ito bajiri guijogu sūagūre rotiri masu cūrā yirāji ĩna. ¹⁴ Sīgūre bajiro tuoĭacōri Oveja Macu rāca gāmeri tārā yirāji ĩna. Ito bajibojarocati ĩjua ĩnare rētocūgū yiguĭji. Gājerā ñasarā rētoro ñasagu ñami ĩ. Ito yicōri gājerā ujarā uju rētoro ñasagu ñami ĩ. ĩ rāca gāna Dios ĩ beseana ñama ĩna. Ito yicōri ĩre tuorūnu jidicāmena ñama ĩna. Ito bajiri ĩna Uju Oveja Macu rāca gājerāre rētocūrā yirāji ĩna, yiqui ángel yure.

¹⁵ Ito yija gaje ado bajiro gotiqui ángel yure:

—Riaca jajosa joe wedi maso iso rujirise mu tija, masati ña iti. Co cuto ruyabeto gāna, co masa butu ruyabeto gāna, co oca ruyabeto busirā, ito yicōri co sita ruyabeto gāna ñama ĩna mu tirise. ¹⁶ Jua dūjamocō ujarā guijogu sūagū rāca mu tiana, wedi masore ti tudirā yirāji ĩna. Saya manoti sīgōti isore watorā yirāji ĩna. Ito yicōri tūdi iso ya rujure barā yirāji ĩna. Ito yicōri iso ya gōarire jeana soe ruyuriorā yirāji ĩna. ¹⁷ ĩ āmorise rētatoni, “Ado bajiro yiana mani”, yi ĩna tuoĭaroca yigu yiguĭji Dios. Sīgūre bajiro tuoĭacōri guijogu sūagūre uju cūrā yirāji ĩna. Ito bajiro ĩna yija Dios ĩ āmoru bajiroti rētaru yiroja. ¹⁸ Wedi maso mu tiro, cuto jaja cuto robo bajiro bajia iti. Iti cuto gagu uju gaje cūtori gāna ujarāre roti ñagū yiguĭji ĩ, yiqui ángel yure yu cāiroju.

18

Babilonia cuto gānare gājerā ĩna rētocūre gaye

¹ Ito yija bero ūmacūjuna gāji ángel ĩ ruji wadija ticu yu mucana. Buto roti masigū ñaquĭ ĩ. Buto yogu ĩ ñajare adi sita busu jedicoacu. ² Oca sēoro ado bajiro awasāquĭ ĩ:

—Jaja cuto, Babilonia wame cutiri cuto ñabojara cuto ñeñacoaju ĩja. Iti cuto gāna masa goda jedicoama ĩna. Rēmūa cuto ña ĩja. Ito yicōri masa ĩna busigore, wujo cutiri cuto ña ĩja. Wutirā buorise barā ĩna ñaro ña ĩja. ³ Ado robojua bajia: Babilonia cuto gāna buto ñeñaro ĩna yirise ticōri, ñeñaro yicā gājerā cūni. Ito yicōri adi sita gāna ujarā Babilonia cuto gāna wedi masa romia rāca ñeñaro yicā ĩna. Babilonia cuto gāna buto ĩna gajeoni āmojare ĩnare gajeoni ĩsicōri queno bujacā gaje cūtori gāna. Ñeñaro tuoĭarā ñari ito bajiro riti ñeñarise yicā Babilonia cuto gāna. Ito bajiro ĩna bajija ticōri, ĩnare ruyuriogu yiguĭji Dios, yiqui ángel yure yu cāiroju.

⁴ Ito yija mucana ūmacūju oca ruyucu yure. Ado bajiro goti ruyucu iti:

—Iti cūto budigoya yu ñarā mu. Iti cuto gāna rāca ñabesa. Ito yicōri ĩna rāca ñeñaro yibesa. ĩna rāca ñeñaro mu yija, ĩna tōbujado robo bajiro ñeñaro tōbujarā yirāji mu cūni. ⁵ Iti cuto gāna jaje ñeñaro yicā. ĩna ñeñaro yirise mio cūĭaja, macārucūroju

tuacoaroja. Īna ñeñaro yirisere tuo bujacoami Dios. Ito bajiri iti waja ĩna tōbujaroca yigu yiguĩji ĩ. ⁶ Gājerāre ñeñaro ĩna yire waja, buto busa ñeñaro tōbujajaro ĩna cuni. Īna ñeñaro yire waja juajiricō ĩnare waja senijaro Dios. Gājerāre tōbujaroca ĩna yire rētoro tōbujajaro ĩna. ⁷ Iti cuto gāna jaje gajeoni cutirā ñama ĩna. Dise ruyabeto ña ĩnare. “Ujarā ña mani”, yibojama ĩna. “Ñejua tōbujamenaji mani”, yibojama ĩna. “Manujū godagoana bajiro bajirā meje ña mani. Queno ñacā mani”, yibojama ĩna. Gājerāre tōbujaroca ĩna yiado bajiroti tōbujarā yirāji ĩna cuni. ⁸ Ito bajiri yoari mejeti ñarise ĩna tōbujaroca yigu yiguĩji Dios. Babilonia gāna coriarā ñarisena godarā yirāji. Gājerā ñiona godarā yirāji. Gājerā jeana soe ecorā yirāji. Gājerā buto bojori bujarā yirāji. Rētoro masigū ñari ito bajiro ĩna tōbujaroca yigu yiguĩji Dios, mani Uju. Īna ñeñaro yirise waja iti cutore soe jeogu yiguĩji Dios, yire oca ruyucu yare, yu cāiroju.

⁹ Iti cuto bueja ticōri, adi sita gāna ujarā buto otirā yirāji ĩna. Ito yicōri buto bojori bujarā yirāji ĩna. Īna ñarā yirāji ĩna rāca buto ñeñaro yi wanuana. ¹⁰ Īna rāca tōbujā āmomena sōjuti tujarā yirāji ĩna, itire güirā. Ado bajiro yirā yirāji ĩna:

—Aba, jaja cuto, ñabojara cuto ũa godacoaju ĩja. Gaje cutori rētoro ñasari cuto ñabojacu iti cuto. Adocātama ruyubea ĩja. Iti cuto gāna ñeñaro ĩna yirise waja yoari mejeti godacoaju iti cuto, yirā yirāji adi sita gāna ujarā, yi ruyucu Dios ñaro gagu yu cāiroju.

¹¹ Adi sita gāna gajeoni ĩsiri masa cuni iti cuto ũaja ticōri, buto otirā yirāji ĩna. Ito yicōri bojori bujarā yirāji ĩna. “Ñimū mani gajeoni āmi warise boca āmigū mami”, yirona bujatomena yirāji ĩna. ¹² Īna ĩsi āmobjare adocō jaje tujaro yiroja: oro gaye, plata gaye, gūta buto waja cutirise gaye, perla gaye, saya buto waja cutirise, saya gosirise, saya sūa ñirise, saya buto sūarise cuni, ito yicōri yucu queno suti quenarise gaye, marfil wame cutirisena ĩna menire gaye, yucu queno waja cutirise, come bronce wame cutirise, comena ĩna menire gaye, itocō jaje tujaro yiroja ĩna ĩsi āmobjare. ¹³ Gaje ĩna ĩsi āmobjare adocō ñaro yiroja: canela wame cutirise baja suti quenarise, bia moa, ēo guje soeja suti quenarise, mirra wame cutirise, gaje suti quenarise, ũyé ide, ũye roa bare, trigo ajeri, trigo ajeri ĩna abore cuni, ta wecu, oveja, cabarua, tunuricorori, ito yicōri ĩna josare cuni ĩsi āmobjarā yirāji ĩna. Ito bajibojarocati ñimujua ĩna ya gajeoni boca āmigū manija, bojori bujarā yirāji ĩna. ¹⁴ Babilonia cuto gāna ñabojanare tuoñarā, ado bajiro yirā yirāji ĩna:

—Babilonia gāna ñabojana jeyaro gajeoni ĩna wanubojacati ũa jedicoaju ĩja. Buto waja cutirise, buto seyorise ĩna rucobjare cuni ũa jedicoaju. Ito bajiri mucana tūdi goabetoja iti, yirā yirāji gajeoni ĩsi ucuri masa.

¹⁵ Īna ñarā yirāji Babilonia gāna ñabojanare gajeoni ĩsicōri jairo niyeru bujana. Ito bajiri iti cuto ũaja ticōri, otirā yirāji ĩna. Ito yicōri bojori bujarā yirāji ĩna. Sōju ti rūgōrā yirāji ĩna, ĩna rāca tōbujā āmomena. ¹⁶ Ito ti rūgōcōri ado bajiro yirā yirāji ĩna:

—Aba, bujato baja Babilonia jaja cuto ñabojara cuto. Iti rucujū romio seyogo robo bajiro ñabojacu iti cuto. Saya quenarise sāñagō, sūa ñirise, sūarise cuni sāñagō robo bajiro ñabojacu iti cuto. Oro gaye, gūta waja cutirise, perla wame cutirise gajeoni cutigo robo bajiro ñabojacu iti cuto maji. ¹⁷ Ito bajibojarocati yoari mejeti iti cuto gaye rāca gajeoni ũa godacoaju ĩja, yirā yirāji gajeoni ĩsi ucuri masa.

Cuma bucna ujarā, weaturi masa, moari masa, wa ucuri masa cuni sōju tujacōri, ti jayarā yirāji ĩna. ¹⁸ Iti cuto ũare, iti bueja ticōri, ado bajiro awasārā yirāji ĩna:

—Iti cuto robo bajiro gaje cuto quenari cuto manicu, yi awasārā yirāji ĩna.

¹⁹ Buto bojori bujacōri ĩna ya rijoga joe sita rūna jeorā yirāji ĩna. Ito yicōri awasā otirā yirāji ĩna:

—Aba, bujato baja Babilonia ñabojara cuto. Jaja cuto ñabojacu iti cuto. Mani cumari cutirā ĩnare gajeoni ĩsicōri niyeru jaje bujabojacu mani. Yoari mejeti iti cuto ũa jedicoaju, yirā yirāji cumari ujarā, yi ruyucu ángel yu cāiroju.

²⁰ Gaje ado bajiro yi ruyucu ĩ:

—Iti cuto waja ticōri, wanña ũmacũju ñarã mua. Mua ĩ oca gotitoni Cristo ĩ cūana, Diore goti ĩsiri masa mua cuni, ito yicōri mua Dios ñarã ñarocōti wanña mua. Iti cuto gāna mua tōbujaroca yicã ĩna. Ito bajiri iti waja adocāta tōbujama ĩna cuni. ĩna cūto ruurioquĩ Dios. Ito bajiri wanña mua, yi ruyucũ ángel yu cāiroju.

²¹ Ito yija sīgũ ángel sēogũ ticu yu. Gūtagā jajoca ĩ āmi m̄o rūgōja ticu yu. Wāñiara gūtagācō jajoca ñacu itiga. Itigare āmicōri, riaca jajosaju cōa roaquĩ ĩ. Ito yicōri ado bajiro yiquĩ ĩ:

—Gūtagāre yu cōaro bajiroti, Babilonia cūto cōa roa ruyuriogu yiguĩji Dios. Ito bajiri jaja cuto ñabojara cūto m̄cana t̄di juaji timena yirãji masa. ²² Iti cuto gūtareco arpa wame cūtirise basa m̄cana t̄di juaji ruyubeto yiroja. Seru basa, trompeta basa cuni m̄cana t̄di juaji ruyubeto yiroja iti cuto gaye. Iti cuto moari masa ñagoana m̄cana t̄di moamena yirãji ĩna. Wāñiara gūta gaye ĩna moaja, juaji ruyubeto yiroja. ²³ Iti cuto gaye jeobusora tuturi ñabojare t̄di yobeto yiroja. Ito yicōri āmo siare basa ĩna menija, t̄oyamano yiroja. Iti cuto gāna gajeoni ĩsiri masa gājerã rētoro ñasarã ñabojacã. Iti cuto gāna masa jeyarore, “M̄are rojabe gua”, yi ruocã ĩna, yiquĩ gūtagā jajoca cōa roagu, yu cāiroju.

²⁴ Iti cuto gāna Diore goti ĩsiri masare s̄añi ĩna. Ito yicōri ĩ ñarãre cuni s̄añi ĩna. ĩna ñañi, “Diore t̄orũnrãre s̄añi”, yiana. Ito bajiro ĩna s̄ia rotijare b̄to seti ña ĩnare.

19

¹ Ito yija bero jājarã ũmacũju oca s̄oro ĩna busija t̄ocu yu. Ado bajiro yi ruyucã ĩna: Aleluya, Diore rūc̄b̄oto mani, yi ruyucã ĩna. Dios mani ̄ju, ĩ ñami manire masora. ĩ ñami rētoro ñasagu, ito yicōri rētoro masigũ.

² Masa ĩna ñeñaro yirise waja ĩ senija, riojo ĩna yiado bajiroti seniami ĩ. Wedi maso ñabojarore ruyurioquĩ ĩ. Adi sita gānare ĩna ñeñaro yitoni usirioro yi codecō iso. Ito yicōri Diore moa ĩsiri masare s̄iacō iso. Ito bajiro iso yija ticōri, iti waja isore ruyurioquĩ ĩ, yi busi ruyucã ĩna ũmacũju.

³ M̄cana t̄di ado bajiro busi ruyucã ĩna:

—Aleluya, Diore rūc̄b̄oto mani, yi ruyucã ĩna. Babilonia cūto w̄are bueri m̄ja jedibeto yiroja, yi ruyucã ĩna.

⁴ Ito bajiro ĩna yirocati ̄ju ya cumuro Dios ĩ rujiro riojo rijomunigāna ñini rūjũcã veinticuatro ñarã b̄c̄rã. Ito yicōri juariarã t̄iñaña mana cuni ito bajiroti rijomunigāna ñini rūjũcã ĩna. Diore rūc̄b̄orã ado bajiro yicã ĩna:

—Ito bajiroti ñajaro. Aleluya, Diore rūc̄b̄oto mani, yi ruyucã ĩna.

⁵ Ito yija bero ̄ju ya cumuroju oca ruyucu:

Mani ̄ju Diore rūc̄b̄oto mani. Mua Diore moa ĩsirã ĩre rūc̄b̄oya. Mua ñasarã, ñasamena cuni Diore güirã rūc̄b̄oya mua, yi ruyucu ̄ju ya cumuroju.

Oveja Macu robo bajigure ĩna basa jeore gaye

⁶ Ito yija bero jājarã ĩna busiro robo bajiro ruyucu. Ito yicōri riacari ũmayuro robo bajiro ruyucu. Ito yicōri b̄jo ĩ busirise robo bajiro ruyucu. Ado bajiro ruyucu iti: Rētoro masigũ ñami mani ̄ju Dios. Ñimũ gāji ĩ rētoro masigũ mami. Mani ̄ju ñarocũ ñacãmi ĩja. Aleluya, ĩre rūc̄b̄oto mani ĩja.

⁷ Oveja Macu ĩ āmo siaroti r̄m̄ ejacoaju ĩja. Ito bajiri wan̄cōri wan̄ quenato mani, ñasagu ĩ ñajare. ĩre rūc̄b̄oto mani. ĩ manojo ñaroco ña yucãmo iso.

⁸ Saya w̄eri mani botirise iso s̄añaroca yiquĩ Dios isore, yi ruyucu oca, yu cāiroju. Iso ya saya w̄eri mani yu tire, “Queno yirã ñama Dios ñarã”, yireoni ña iti.

⁹ Ito yija ángel ado bajiro yure rotiquĩ:

—M̄re yu gotirise ucaya: “No Oveja Macu āmo siare basa goti ecoana wan̄rã yirãji ĩna”, yi ucaya m̄, yiquĩ ángel yure.

—Iti yu busirise, Dios oca riojo ñasarise ña iti, yiquĩ ángel yure.

¹⁰ Ito ĩ yijare, ĩre rūc̄b̄ogu ĩ riojo rijomunigāna ñini rūjũcu yu. Ito bajiro yu yijare ado bajiro gotiquĩ ĩ yure:

—Ito bajiro yibesa. Mure bajiroti Diore moa ĩsigũ ña yu cuni. Mu rãca gãna Jesús oca riojo ñasarise tuorũnu jidicãmena bajiro bajigu ña yu cuni. Ito bajiri yure rucubuo besa. Diore mu rucubuoja quena, yiquĩ ángel yure.

Oca riojo ñasarise Jesús gotire iti ña jane mejeju Diore goti ĩsiri masa ĩna goti yure.

Cabaru botigu joe jesagu gaye oca

¹¹ Ito yija bero ũmacũju iti janaja ticu yu. Iti janaroca cabaru botigu ĩ goja ticu yu. Sĩgũ ĩ joe jesaquĩ. Ado bajiro wame cutiquĩ ĩ, “Yiro Robo Yigu, Riojo Gotigu”, wame cutiquĩ ĩ. Masa ĩna ñeñaro yirise waja ĩ senija ĩna yiado bajiroti senigũ ñaquĩ ĩ. ĩ wajanare ĩna tũbũjaroca ĩ yi amoja, ĩna yiado bajiroti ĩna tũbũjaroca yigu ñaquĩ ĩ. ¹² ĩ ya cajea jea ĩjũrise robo bajiro yocu. ĩ ya rijogaju jaje come bedori jesaquĩ ĩ. ĩ ya rioweca wame ñacu. ĩ sigũti masiquĩ iti wamere. ¹³ Rĩna ñioado yutabuju sãñaquĩ ĩ. Dios oca goti rēto bugu wame, wame cutiquĩ ĩ. ¹⁴ ũmacũju gãna surara ĩ rãca gãna ĩre suyacã. Yutabuju ueri mani botirise sãñacã ĩna. Ito yicõri cabarua botirã joe jesacã ĩna. ¹⁵ Rĩna ñioado sãñagũre ĩ ya riseju sarera jã budicu, bũto odiri jã. Iti jã ñacu ĩre tuorũnumenare ĩna tũbũjaroca ĩ yiroti jã. Dios ĩ cũru ñari sēoro roti masigũ yiguĩ ĩ. Masa ĩna ñeñaro yirise waja senigũ, sigũ uyé ide amogũ ĩ moa abojoro robo bajiro yigu yiguĩ ĩ. Masa ĩna ñeñaro yirisere ti tecõri ĩna tũbũjaroca yirocure sarera jã riseju budigũre cũgũ yiguĩ Dios. Dios ñami rētoro masigũ. Ñimũju gãji ĩ robo masigũ maquĩ. ¹⁶ ĩ ya riseju sarera jã budigu ado bajiro wame cutiquĩ ĩ. ĩ ya yutabujure ito yicõri ĩ ya sagaroju cuni ado bajiro wame wãñaquĩ: “Āni ñami ñari masa rētoro ñasagu. Āni ñami ujarã uju rētoro ñasagu”, yire wame wãñacu ĩre.

¹⁷ Ito yija bero sigũ ángel ũmacañi joe ĩ rũgõja ticu yu. Yuca ũmacũju wutirãre ado bajiro oca sēoro busi ruyuquĩ ĩ:

—Minijuacõri, barã waya mua. Susari rumu Dios ĩ masare sãnare barã waya. ¹⁸ Ujarã, surara ujarã, ũmua sēorã, cabarua, ĩna joe jesarãre cuni queno ĩna amoro ñarãre, gãjerãre moa ĩsirã, ñasarã, ñasamenare cuni ĩna ya rire barã yirãji mua, yi ruyuquĩ ángel yu cãiroju.

¹⁹ Ito yija bero guijogu sũagũ, adi sita ujarã ĩna surara rãca ĩna minijuaja ticu yu. Cabaru joe jesagu ĩ ya surara rãca gãmeri tãrona minijuacã ĩna. ²⁰ Guijogu sũagũ rãca gãmeri tãcõri ĩre tubiaquĩ cabaru joe jesagũju. “Yu ña Diore goti ĩsiri masu”, yibojagure cuni tubiaquĩ ĩ. ĩ ñaquĩ guijogu sũagũ tiro riojo tiyamani yicacu. Tiyamani ĩocõri masare ruoquĩ ĩ. ĩ ruorisere tuorũncõri guijogu wame wõ roticã ĩna. Ito yicõri gãjiõcũ ruju robo bajiro ĩna meni rujeorure rucubucã ĩna. Guijogu sũagũre, ito yicõri, “Diore goti ĩsiri masu ña yu”, yibojagure cuni ĩna catirocati itajura jeame ĩjũritaju ĩnare cõa roaquĩ cabaru joe jesagu. Azufre wame cutirisena bũto ĩjũcu iti jeame. ²¹ Ito yicõri gãjerãreama cabaru joe jesagu ĩ ya riseju sarera jã budiri jãina ĩnare sãaquĩ ĩ. Ito bajiri yuca ĩna ya rire ĩna amoro bajiroti queno ba yajicã ĩna.

20

Mil ñari rodori gaye

¹ Ito bajija bero ado bajiro bajicu gaje yu cãija. Sĩgũ ángel ũmacũju ĩ ruji wadija ticu yu. Susabiti goje soje janado, ito yicõri come ma rucocõri ĩ ruji wadija ticu yu. ² Ruji eacõri jino robo bajigũre ñiaquĩ ĩ. ĩ ñaquĩ jane mejeju jino godo wediru. Ito yicõri ĩti ñaquĩ rũmũa uju Satanás wame cutigu. Jino robo bajigũre ñiacõri come mana ĩre siaquĩ ángel. ³ Susabiti gojeju ĩre cõa sãquĩ ĩ. Itoju mil rodoricõ ĩre cũquĩ ĩ. Masare ruobe yirocu, ito bajiro bia rojoquĩ ĩ. Ito yicõri, gãjerã janame yirocu, iti goje biadore wame wõquĩ ĩ. Mil rodori iti jedija bero ĩre bucõagũ yiguĩ jabeto.

⁴ Ito yija bero uju ya cumurori ticu yu. Masa ĩna ñeñaro yirise cõĩacõri waja senirona rujicã iti cumuroriju. Iti masa cũni Dios ĩnare. Amũma jata ecoana ya usi ticu yu. Dios ocare ĩna riasojare, Jesure ĩna jidicãbejare amũma jata ecoana ñacã ĩna. Guijogũre rucubuoana meje ñacã ĩna. ĩ ya ruju robo bajiro meni rujeorure rucubuoana meje ñacã

ina. Ito yicōri ī wame ina ya rioweca ina ya āmori cūni wō ecoana meje ñacā ina. Ina tūdi catija ticu yu. Ito yicōri mil rodoricō Cristo rāca roti ñacā ina. ⁵ Ina ñacā Cristo ñarā sīa ecoana cajero tūdi catiſuoana. Gājerāma godana mil rodori iti jediroto riojua tūdi catibiticā ina maji. ⁶ Ina cajero mūcana tūdi catiana buto wanu quenarā yirāji. Diore queno cūdirā ñarā yirāji ina. Mūcana tūdi juaji godamena yirāji ina. Jeame ūjuroju inare cōabicu yiguīji Dios. Paia robo bajiro Diore moa īsirā yirāji ina. Cristore cūni ito bajiroti yirā yirāji ina. Ito bajiri mil rodoricō Cristo rāca roti ñarā yirāji ina.

Rūmúa ūjure ina bucōare gaye

⁷ Mil rodori iti jedija bero rūmúa ūju Satanás bucōa ecogu yiguīji. ⁸ Ire ina bucōaja bero masa jeyarore ruo ucugu yiguīji ī. Gog wame cūtiri cūto gānare, ito yicōri Magog wame cūtiri cūto gānare cūni ruogu yiguīji ī. Ī ruorisere tucōri minijuarā yirāji ina, gāmeri tārona. Jājarā ñarā yirāji ina. Ja sita cōaja jedibiti robo bajiro ñarā yirāji ina. ⁹ Masare sīarona adi sitajure batarā yirāji ina. Dios ñarāre gāni biarā yirāji ina. Ito yicōri cūto Dios ī mairi cūto gāni biarā yirāji ina. Ito bajiro ina yibojarocati ūmacūjuna inare jea cōagū yiguīji Dios. Ito yicōri ñajediro soe jeocōgū yiguīji inare. ¹⁰ Ito yija bero rūmú inare ruorure itajura jeame ūjūritaju ire cōa roagu yiguīji Dios. Azufre wame cūtirisena ūjūrita ñaro yiroja itira. Itira ñaroja guijogu sūagūre, ito yicōri, “Diore goti īsiri masu ña yu”, yibojagure Dios ī cōarada. Itoju ūmua, ñami cūni tōbujatīñarā yirāji ina.

Masa ina ñeñaro yirise waja Dios ī senisusare gaye

¹¹ Ito yija bero ūju ya cumuro botiri cumuro ticu yu. Ito yicōri iti cumuroju rujigure ticu yu. Yu tiro riojo adi sita, macārucūro cūni godacoacu. Ito yicōri tūdi joejeabiticu. ¹² Godana Dios riojo ina rūgōja ticu yu. Ñasarā, ñasamena cūni ñacā ina. Ito ina rūgōroca papera tutiri janaquī Dios. Iti papera tutiriju masa jeyaro ina yigore wāñacu iti tutiriju. Ito bajiri itire ticōri godana ina yiado bajiroti inare besequī Dios. Ito yija gaje tuti papera tuti janaquī Dios. “Adocō ñama yu rāca ñatīñarona”, yire gaye wame wāñacu iti tutiju. ¹³ Riaca jajosaju godabojana mūcana tūdi mūjacoacā ina. Ito yicōri godana sita wato ñabojana tūdi mūjacoacā ina. Ito yicōri ina ñarocōreti ina yiado bajiroti besequī Dios. ¹⁴ Ito yija bero masa cōcōri ina godarise, ito yicōri godana ina ñaroju cūni iti ñarisere āmicōri jea ūjūritaju itire cōa roaquī Dios. Itira jeame ūjūrita ña godasarada. ¹⁵ “Adocō ñama yu rāca ñatīñarona”, yire gaye ī ya tutiju wāñamenare besecōri ina ñarocōreti jea ūjūritaju cōa roaquī Dios.

21

Macārucūro mamaro ñare gaye

¹ Ito yija bero macārucūro mame, sita mame iti ñaja ticu yu. Dios ī wasoare ñari seyocu iti. Macārucūro bucūro ñasūbojacati, sita ñasūbojacati cūni godacoacu ĩja. Ito yicōri riaca bucuyari manicu. ² Ito yija bero yu Juan, ñejua ñeñarise mani cūto mame Jerusalén wame cūtiri cūto iti ruji ejaja ticu yu. Dios ī ñaroju ruji wadicu iti cūto. Iti cūto queno quenora cūto ñacu. Romio āmo siaroco saya sāña yucādo robo bajiro seyori cūto ñacu iti cūto. Iti cūto queno yucāquī Dios, ī ñarā ina ñatonī. ³ Ito yija yu cāiroju ūmacūju oca sēoro ruyucu:

—Tiya. Adocāta masa rāca ñami Dios. Masa rāca ñagū ī ñajare ī ñarā ñarā yirāji ina. Masa rāca ñacōri ina ūju ñagū yiguīji ī. ⁴ Ina ya yago idere wejacāgū yiguīji Dios. Ito bajiri wanu quenatīñarā yirāji ina. Ito bajiri godamena yirāji masa ĩja. Ito yicōri otimena yirāji ina. Bojori bujamena yirāji ina. Junirise mano yiroja inare. Iti rumu bajigore iti rēta jedijare ito bajiro bajirā yirāji ina, yire oca ruyucu ūmacūju.

⁵ Ito yija ūju ya cumuro rujigu ado bajiro yi ruyucu ī:

—Ñajediro bucū ñabojare mame riti wasoacu yu, yi ruyucu ī.

Ito bajiro yicōri ado bajiro gaje gotiquī yure:

—Mure yu gotirise ucaya. Yu mure gotirise riojo gotire ña. “Ito bajiro bajiro yiroja”, yi masigū yigūja mū, itire tucōri. Ito bajiri itire ucaya, yi gotiquī yure.

⁶ Bero mucana ado bajiro yiquí yure:

—Itocōti ña. Ñacã ñja. Yuna s̄oriti jeyaro ñas̄oyija. Ito yicōri yuna s̄oriti jeyaro ñas̄usaro yiroja. A wame ñas̄orise, ito yicōri Z wame ñas̄usarise robo bajiro bajigu ña yu. Yu ña ñajedirore rujeoru. No yure ide idi amorã ña senija, umaburi goje gaye catitĩñare gaye ñnare iogu yiguja yu. Waja manoti iogu yiguja yu. ⁷ No ña ñeñaro yirise jidicãã ña ñama r̄umãa ujure r̄etocũã. Ito bajiro ña yijare quenarise ñnare isigũ yiguja yu. ña Uju ñagũ yiguja yu. Ito yicōri yu r̄ijua ñarã yirãji ña. ⁸ Gãjerã yure tuorũnumenareama jea ujuritaju azufre wame cutirisena ujuritaju ñnare cõagũ yiguja yu. “Jesure yu cudija ticōri, yure ti tudirã yirãji gãjerã”, yi tuoia güirãre cuni jea ujuritaju cõagũ yiguja yu. Ñeñaro yirã, s̄iari masa, romia rãca ajeri masa, gãjerãre rojarã, ña meni rujeorure r̄ucub̄orã, ito yicōri socari masa ñarocõreti jea ujuritaju ñnare cõagũ yiguja yu. Itira azufre wame cutirisena ujua itira. Itiraju ña godasarada, yiquí uj̄u ya cumuro rujigu, yu cãiroju.

Mama cuto Jerusalén wame cutiri cuto

⁹ Ito yija bero ángel sigũ wadicōri yu tu eja r̄ijũquí. Ña quí jua ñmojeno ñagũ masa ña t̄obujatoni ñarise t̄ero r̄ucogoru. Ado bajiro yure gotiquí ñ:

—Ado waya. Oveja Macu manujo ñarocore mure ñorocu ya yu, yiquí ángel yure.

¹⁰ Yu cãiroju Espiritu Santo yure ito bajiro ñ yija, ado bajiro r̄etacu iti. Gũta yucuri curise umacũju yure ñmi waquí ángel. Ito yure ñmi ejacōri ñeñarise mani cuto, Jerusalén wame cutiri cuto yure ñoquí ñ. Dios ñarोजना ruji wadira cuto ñacu iti cuto. ¹¹ Dios ñ yorisena busucu iti cuto. Gũta buto waja cutirise robo bajiro busucu iti cuto. Jaspe wame cutirise gũta ñoro queno ide totiaro robo bajiro busucu iti cuto. ¹² Iti cuto tunima ña sabiara cuní umari cuní ña gãni biacu. Iti bedo jua gubojeno sojeri, sojeri cuticu. Co soje r̄uyabeto ángel sigũ r̄ugõquí. Israel gãna jua gubojeno buturi gãna wame wãñacu iti sojeriju. ¹³ Umacãni ñ joejea wadiri d̄uja udia soje, ñ quedi sãja warोजना udia soje, warubujua udia soje, gaje d̄uja warubujua udia soje ñacu iti sojeri. ¹⁴ Iti cuní sabia r̄ujaraju roca jua gubojeno gũta cũ gãni biañi ña. Iti gũtagãrij̄u Oveja Macu ñ oca goti ucutoni ñ cũana wame wãñacu.

¹⁵ Ángel yu rãca basicacu cuto cõiarotigu orona ña meniragu r̄ucoquí. Sojeri cuni, ña sagãni biare cuníre cuni ñ cõiarotigu ñacu itigu. ¹⁶ ñ cõiaja iti cuto eyarise, iti cuto umarise, iti cuto yoarise corocõ ñacu. ñ cõiaja dos mil doscientos kilómetrocõ ñacu yoarise, eyarise, umarise cuni. ¹⁷ ña sabiare ángel ñ cõiaja sesenta y cinco metros umarise ñacu. Masa ña cõiaro bajiroti cõiaquí ángel cuni.

¹⁸ Jaspe wame cutirise gũtagãrina iti cutoresabiañi ña. Orona iti cutoresabiañi ña. Ueri mani ñacōri ñoro ueri mano robo bajiro ruyucu iti cuto. ¹⁹ ña sabiara cuní roca jua gubojeno gũta ñarisejure, gũta buto waja cutirise itigariju wãñacu. Cajero gaga jaspe wame cutirise wãñacu. Bero gaga zafiro wame cutirise wãñacu. Bero gaga ágata wame cutirise wãñacu. Bero gaga esmeralda wame cutirise wãñacu. ²⁰ Bero gaga ónice wame cutirise wãñacu. Bero gaga cornalina wame cutirise wãñacu. Bero gaga crisólito wame cutirise wãñacu. Bero gaga berilo wame cutirise wãñacu. Bero gaga topacio wame cutirise wãñacu. Bero gaga crisoprasa wame cutirise wãñacu. Bero gaga jacinto wame cutirise wãñacu. Susarica jua gubojeno ñarica amatista wame cutirise wãñacu. ²¹ Jua gubojeno sojeri perla wame cutirisena meniñi ña. Co soje r̄uyabeto coga perlanati iti sojerire meniñi ña. Iti cuto gudareco ñasarima ña menira ma orona meniñi ña. ñoro ide totiaro robo bajiro ruyucu iti.

²² Dios ya wi ti bujabiticu yu iti cutores. Coju r̄uyabeto mani Uju Diore r̄ucub̄uocã masa. R̄etoro masigũ ñ ñajare coju r̄uyabeto ñre r̄ucub̄uocã ña. Oveja Macure cuni ito bajiroti r̄ucub̄uocã masa. Ito bajiro coju r̄uyabeto ñnare r̄ucub̄uorã ñari ña r̄ucub̄uoroti wire menibisí ña. ²³ Umacãni ñ asirise, ñami gagũ ñ busurise cuni ñmobeia iti cuto. Dios ñ yorisenati busua iti cuto. Ito yicōri Oveja Macu ñ yorisenati busua iti cuto. Ito bajiro umacãni ñ asirise, ñami gagũ ñ busurise cuni ñmobeia iti cuto. ²⁴ Dios ñ masoana ñ busurisena iti cutores wa ucurã yirãji ña. Adi sita gãna ujarã ña r̄ucorise ñasarise ñmi

wadicōri Diore ĩsirā yirāji ĩna ĩre rūcubwōrā. ²⁵ Ūmua soje biaya mano yiroja iti cutojū. Iti cutojū űami mano yiroja. Ito bajiri biaya mano yiroja iti cuto. ²⁶ Co sita gāna rūyabeto ĩna rūcorise űasarise āmi wadicōri Diore ĩsirā yirāji ĩna ĩre rūcubwōrā. ²⁷ űeűarise rāca sājamena yirāji iti cuto. űeűaro yirā, rūore oca gotirā cūni sājamena yirāji iti cuto. Oveja Macu ĩ ya papera tutijū wame wāűarā riti sājarā yirāji iti cuto. Iti papera tuti, “Adocō űama yū rāca űatīűarona”, yire papera wāűacu iti tutijū.

22

¹ Ito yija ángel riaca űeri maniűa ĩoquĩ yūre. Itiya ide catitīűare gaye űacu. Ide ruyurisa űacu itiya. Ūjū ya cumuro Dios ĩ rujiri cumurojū, ito yicōri Oveja Macu ĩ rujiri cumurojū jode cūticū itiya riaca. ² Iti cuto gūdareco űari ma gūdarecore űacu itiya riaca. Riaca jūa dūja tūnima catitīűare gaye rica cūtiri yucūri űacu. Sīgū űmacaűi rūyabeto rica cūtisotīcū iti yucūri. Ito bajiri co rodo jūa gūbojenojiri rica cūticū iti yucūri. Iti jūrīna masa ĩna űco yiroti űacu. ³ Itojū űeűarise manojā. Iti cutojū űjū ya cumuro Dios ĩ rujiri cumuro űaroja. Ito yicōri Oveja Macu ya cumuro cūni űaroja. ĩnare moa ĩsiri masa ĩnare rūcubwōtīűasotīrā yirāji. Itojū űeűarise manojā. ⁴ Diore ti canawōrā yirāji ĩna. Ito yicōri Dios wame ĩna ya rioweca wāűaro yiroja ĩnare. ⁵ Itojū űami mano yiroja. Iti cuto űarā sīabusuore gaye āmomena yirāji. Mani Ūjū Dios ĩ yorisena busu űaro yiroja iti cuto. Ito bajiri űmacaűi asirise āmomena yirāji ĩna. Ito yicōri Dios rāca rotitīűarā yirāji ĩna.

Jesucristo ĩ ejaroto yoabea ĩja, yire gaye

⁶ Ito yija bero ado bajiro gotiquĩ ángel yūre:

—Jeyaro mū cāirojū mū tigure, mū tuogore cūni riti űa. Ito bajiri, “Riti bajiro yiroja iti”, mū yi masija quena. Mani Ūjū Dios ĩ űami ĩre goti ĩsiri masare ĩna būsī masiroca yigu. ĩti űami yūre cōaru. “Ado bajiro rētarō yiroja”, ĩre moa ĩsiri masa ĩna yi masitoni, yūre cōaquĩ Dios, yiquĩ ángel yū cāirojū.

⁷ Gaje ado bajiro gotiquĩ ángel yūre:

—Tūoya, ado bajiro gotiami Jesús: “Yoari mejeti tūdi ejagu yigūja yū”, yi gotiami Jesús. Ito bajiri, no adi papera tuti Dios ĩ ucare tūorūnūrā wanū quenarā yirāji ĩna, yiquĩ ángel yūre.

⁸ Yū Juan itire ticōri, itire tūocōri yū ucare űa. Itire ticōri, itire tūocōri ángel yūre ĩocacū riojo rijomunigāna űini rūjūcū yū. ⁹ Ito bajiro yū yijare, ado bajiro yiquĩ ĩ yūre:

—Yībasa itire. Mū robo bajiroti Diore moa ĩsigū űa yū cūni. Mū űarā Dios ocare goti rētoburā, ito yicōri no adi papera tuti ucare tūorūnūrā robo bajigūti űa yū cūni. Ito bajiri yūre rūcubwōbesa. Diojūare mū rūcubwōja quena, yiquĩ ángel yūre.

¹⁰ Gaje ado bajiro yūre gotiquĩ ĩ:

—Iti papera tutijū, ĩja rētaroti gaye ucare űa. Dios oca űa iti. Yoari mejeti iti gaye rētarō yiroja. Ito bajiri iti ocare yeyo rūcobesa. ¹¹ űeűarise yisotīrāma űeűarīseti yi űacōajaro ĩnama. űeűaro tūoīarā ĩna tūoīaro bajiroti tūoīa űacōajaro ĩna. Queno yirāma queno yi űacōajaro. Ito yicōri Diore tūorūnūrā cūni Diore riti tūorūnūtīűajaro. ĩre ĩna tūorūnū űacōaja quena, yiquĩ ángel yūre.

¹² —Tūoya, ado bajiro gotiami Jesús: “Riti gotia yū, yoari mejeti tūdi ejagu yigūja yū. Tūdi ejacōri masa ĩna yīado bajiroti ĩnare waja yicūja yū. ¹³ Yū űa űasūogu, ito yicōri űasūagu. Yūna suoriti jeyaro űasūoyija. Ito yicōri yūna suoriti jeyaro űasūaro yiroja. A wame űasūorise, ito yicōri Z wame űasūarise robo bajigū űa yū”, yi gotiami Jesús, yiquĩ ángel yūre.

¹⁴ “No ĩna űeűaro yirisere coe rotigoana yutabujū űeri mano robo bajiro bajirā űama ĩna. ĩna riti iti cuto sojere sājarā yirāji ĩna. Itojū ejacōri yucū catitīűare rica barā yirāji ĩna. Ito bajiri wanūrā yirāji ĩna. ¹⁵ Adocō jājarā űama iti cuto sājado mana. Diore jidicāna, gājerāre rojarā, romia rāca aje űarā, sīari masa, ĩna meni rujeoanare rūcubwōrā, ito yicōri rūosotīrā cūni ĩna űama iti cuto sājado mana”, yi gotiami Jesús, yiquĩ ángel yūre.

¹⁶ Gaje Jesús gotirise gotigu, ado bajiro gotiquĩ ángel:

—“Yure tuorũnurãre iti oca ã gotitoni ángel cõacu yu. David uju ñayorure rujeoru ña yu. Ito bajibojarocati ã janerãbatia janamiti ña yu. Busuri ñocõagã bũto yogu ãti ña yu”, yĩ gotiami Jesús, yiquĩ ángel yure.

¹⁷ Espiritu Santo, ito yicõri Oveja Macu manojõ cuni coro bajiroti busiama ña:

—Mucana tũdi waya, yama ña Jesure.

No itire tuo bujarãti, ña bajiroti:

—Tũdi waya, yija quena Jesure.

No ide catitĩñare gaye idi ãmorã, Dios tu idirã waya. Waja manoti mũare iogu yiguĩji ã.

¹⁸ No adi papera tuti Dios ocare tirãre ado bajiro mũare goti quenoa yu: No adi papera tutire uca remogũre adi tuti iti gotiro bajiroti ñeñaro ã tõbũjaroca yigu yiguĩji Dios ãocãre.

¹⁹ No adi papera tuti Dios ocare ña jidicãja, ito bajiroti ñnare cuni jidicãgũ yiguĩji Dios. Ito bajiri ã ya papera tutijũ ña wame ruyubeto yiroja. Ito yicõri ã ya cuto ñeñarise mani cuto sãja rotibicũ yiguĩji ã ñnare. Ito bajiri yucũ catitĩñare rica adi tutijũ yu uca wõre gaye bamera yirãji ña.

²⁰ Adi gaye yure goti rẽtabugũ ado bajiro gotiami yure:

—Yoari mejeti wadicũja yu, yami ã.

—Ito bajiroti ãmoa yu cuni. Yoari mejeti tũdi wadiya yu Uju mũ, ya yu Jesure.

²¹ Mani Uju Jesucristo mani jeyarore queno yijaro. Itocõ ña.